





O

3800

767

293

Columb

(Year)

IOANNIS
COLVMBI



MANVASCENSIS
E SOCIETATE IESV,

OPVSCVLA VARIA;

QVORVM

INDEX EST IN PAGINA SEQVENTE.



LVGDVNI,

Sumptibus IOANNIS BAPTISTÆ DE-VILLE, in vico
Mercatorio sub Signo Scientiæ.

AN. DC. LXVIII.

CVM APPROBAT. ET PERMISSV SUPERIORVM.



INDEX OPVSCVLORVM,
quæ in hoc volumine continentur.

DISSERTATIO de Cartusianorum initiis, seu quòd Bruno adactus fuerit in Eremum, vocibus hominis rediitui Parisiis, qui se accusatum, iudicatum, damnatum exclamabat.
Virgo Romigeria, seu Manuasensis.

Guilelmus Iunior, Comes Forcalquerij.

De rebus gestis Episcoporum Sistaricensium Libri quatuor.

De rebus gestis Episcoporum Viuariensium Libri quatuor.

De rebus gestis Episcoporum Valensinorum & Diensium Libri quatuor cum appendice, qua habet epistolam Ioannis de Burnino Archiepiscopi Viennensis & Suffraganeorum ad Gregorium I X. Pontificem postulantium anno 1231. canonizationem Stephani à Cartusiano Episcopi Diensis mortui anno 1208. & vitam Amedei Rossilionai ex Abbate Sapiniacensi Episcopi, Valentini, & Diensis primi.

De rebus gestis Episcoporum Vassonensium.

De Manuesca urbe Pronincia Libri tres.

Noctes Blancalandanae. Opus varium in tres diuisum partes. In prima recitantur aliqui plurium Gallia Ecclesiarum Episcopi, quorum seu nomina, seu annos non habent, qui Gallicanarum Ecclesiarum Episcopos collegerunt, & per sua digesserunt tempora. In secunda dicitur de Canonico Sanrufensium initiis; & de Blancalanda ac Lucerna Pramonstratensium, atque Mansiada, & Canagobia Benedictinorum canoniis. In tertia censetur gens Odonis Episcopi Valentini Capponae.

Dissertatiuncula de incorruptione corporis Philiberte à Sabaudia Ducissa Nemorosij, mortua anno 1326. & sepulta Camberij in S. Edicula, quæ non (ut per typorum errorem scriptum est in illius pagina 571. linea 14.) seruat, sed tñm seruabat Christi, ut vulgus loquitur, sudarium.

De gente Simitanae Libri quatuor.

Appendix ad Noctes Blancalandanas, ubi fusè dicitur de testamentariis vocibus, & nummis saeculorum 12. 13. & 14.

EGO IOANNES PLATIERE Prouincialis Societatis IESV in Prouincia Lugdunenſi, factâ mihi poteſtate à Patre noſtro Ioanne Paulo Oliuâ Præpoſito Generali, concedo vt Liber, cui titulus eſt, *Ioannis Columbi Manuaſcenſis Soc. Ieſu Opuscula Varia*; à tribus noſtræ Societatis Cenſoribus approbatus, mandetur typis. Viennæ anno 1668. die 4. menſis Martij.

IOANNES PLATIERE.

APPROBATIONES.

EGO Doctör Sorbonæ & Eccleſiæ Lugdunenſis Theologus teſtor me Perlegiſſe Librum cui titulus eſt *Ioannis Columbi Manuaſcenſis Soc. Ieſu opuscula Varia*. In quo nihil contra fidem nihilque bonis moribus contrarium cum reperiſſim, exiſtimo illum merito imprimi poſſe. Lugduni die 15. Aprilis 1668.

ARROY.

OPuscula varia R. P. Columbi Manuaſcenſis Societatis IESV accuratè perlegi, in quibus multa lectu digna reperi, nihilque quod fidei, aut bonis moribus aduerſetur; ideo prælo digna iudicaui Ego infrâ Scriptus Doctör Theologus facultatis Pariſienſis, die Aprilis ſeptimâ, Lugduni in Carmelo noſtro.

F. VIAL.

CONSENSVS.

Vllis ſupradictis Approbationibus, non Impedio pro Rege, quin permittatur Ioanni Baptiſtæ De-Ville Bibliopolæ Lugdunenſi, Prælo ſubjici librum, cui titulus eſt, *Ioannis Columbi Manuaſcenſis Soc. Ieſu Opuscula, &c.* cum prohibitionibus in huiusmodi caſibus requiſitis. Datum Lugduni die 16. Aprilis 1668.

VIDA VD.

PERMISSIO.


Fiat juxta Cõcluſiones Procuratoris Regij. Datum 16. Aprilis 1668.

DE SEVE.



REVERENDISSIMO PRÆSVLI
D. IOANNI PEGON,
PRIORI CARTVSIÆ,
ET VNIVERSI ORDINIS CARTVSIANI
Moderatori Generali.

IOANNES COLUMBI, è Societate IESV.



I ad alium, quàm ad te, Reuerendissime Præsul, id qualecunque est Libri afferrem, esset profectò quòd adderem causas, quæ me ad scribendum impulsissent. Nunc tu vnus omnium maxime, pro tui Ordinis principatu, nostri viro è Societate Iesu tuorum Cartusianorum res, non ininùs quàm suas, esse caras debere, pro perpetuis eorum in nos meritis. Fuit non ita pridem, qui manderet literis celeberrimum illud Parisiense prodigium, quod S. Brunonem, & socios in eremum adegit, fabulam esse ab hominibus otiosis post annum millesimum quadringentesimum excogitatam, quam B. Antoninus asseruerit in historiam; atque vniuersos ex eo tempore Cartusianos rem ab ipso auidè acceperisse, vt illustriora sui Ordinis initia facerent. Aduertit animos omnium, qui pietatem amant, res inaudita, & sapientes viri infremuere ad contumeliàm in Cartusianorum (quem, & quàm sanctum!) Ordinem. Ego autem contendo eum falsa, vt moderatè loquar, scripsisse, prodigiumque illud, quod singulis, non à B. Antonino, quemadmodum illi placuit dicere, sed à S. Brunone, saculis, viri sapientia virtuteque summi, & voce, & scriptis libris tradiderunt, doceo certum ac peruulgatum fuisse annis (vt superiora sacula non referam) centum, ante B. Antonini mortem. Sed insigni illi contumelia, pro sua acerbitate, & profectò grauissima est, contumeliàm non repono; vt enim utar verbis Nysseni oratione 12. aduersus Eunomium, viro seni, & ad veritatem intento, non leuis ad condemnationem causa est, aduersario maledicta sua regerere. Certè ea fuerunt vestrum omnium erga nos ab initiis nostris merita, vt non fraternus, sed

(ut dicam quod sentio) paternus amor, maiora sanctioraque non suadeat. Ignoti, tum, ut in ceterarum ortu rerum fit, vulgò eramus, atque si quid illustri & praelari aliquando emicabat, quod in liberis, qui non multis antè annis sunt nati, laudant parentes, lataque & clara prodit indoles, illud vitio generis humani creabat fere magis aduersarios, quàm fautores. Vos, si non uni, unâ tamen vniuersi mente, adamastis per illa tempora, iuistis, fouistisque sincero ac certo animo. Et ut tum caperatis, ita consequentibus temporibus persististis, nuncque etiam perduratis, in verâ firmâque nostrum omnium beneuolentiâ. Singulis quidem ac vniuersis, sed in primis tibi, Optime Prasulum, eam & singuli, & vniuersi debemus. Scilicet à capite promanat in vniuersa vis membra, qua per ipsa educit quodcunque operis ab iis proficiscitur. Atque hoc vnum ex illis est, qua Societati nostra gratulor, & in argumentis Dei erga nos amoris non vltimum repono, placuisse ex quo cepimus ad hanc vsque diem, placereque etiam nunc vobis, in illa solitudine, illo silentio, illo rerum huius vitæ vniuersarum contemptu, illo astu diuini amoris, & nostra, & nos, quibus & loco, & omni vitæ prorsus diuersis, perpetuus est in mediis non urbibus & pagis, sed mortalium seu turbis, seu congressibus, cum idololatria, hæresi, vitio, ignorantia, pro re & loco, conflictus & labor. Utinam placeat tibi meus quoque hic Liber, quem Guigoni, & Basilio, aliisque Priorum Cartusie antiquissimis, non imparem, commendat rerum diuinarum singulare studium, attenta consuetudinum & statutorum per vniuersum Ordinem cura, omnèque virtutum tanto fastigio dignarum genus. Profectò debebam eum tuæ in nos eximia beneuolentiæ.



AVCTOR LECTORI.

RE M superioribus sæculis inauditam nostrum vidit, & ad illam obstupuit. Cartusiani, & totius Ecclesiæ, & singulorum de Ecclesiâ virorum communissimo consensu, sincera, veritatis amans, & sancta natio, ab erudito viro dicti sunt ignorasse vniuersi, ad illud vsque temporis, quo B. Antoninus scripsit, S. Brunonem parentem, eiusque socios maiores suos, adactos fuisse in Cartusiam, feralibus hominis Lutetiæ Parisiorum rediuiui vocibus, qui cùm ante mortem haberetur ab omnibus probus, assertuit se accusatum, iudicatum, damnatum à Deo: & quod toto orbe de hoc viro docent voce, scriptis libris, penicillo, scalpro, id à sancto illo Antislite accepisse. Est quidem quòd miremur sapienti viro venisse in mentem dicere Cartusianos suum hoc aliunde, quàm suâ domo allatum tradere: sed quod addit omni admirabilitate superius, huiusmodi est, vt omnium qui pietatem, æquitatem, & omne virtutum genus amant, defigat animos. Vult prodigium istud Parisiense fabulam esse, ab otiosis hominibus post annum millesimum quadringentesimum excogitatam, quæ à S. Antonino, viro quidem integro vitæ, sed plurimum inaccurato rerum, asserta sit in historiam; & cùm iam historiæ speciem ac nomen haberet, auidè acceptam à Cartusianis, qui in ipsam non alius inquisuerint, veriti fortasse, ne si qua scribebant, ex origine & vetustis scriptoribus censerent, ea fere omnia scribere desisterent. Credidissent non satis illustrem Brunonis historiam, qua iam euentu illo horribili careret. Turpis & contumeliosa calumnia! certè non potuit grauior in sanctissimos viros conijci. Ipsa facit, vt doleam ea nos in tempora deuenisse, quibus literariæ concertationes, nobilissimi eruditarum mentium liberi, contumeliis & maledictis foedissimè conspurcentur, quibus pro origine suâ omnis cultus, isque clarus & illustris debebatur. Vir eruditus quod voluit egerit: mihi ad illa quæ scripsit respondenti, certum est abstinere ab omni contumeliâ. Hoc te moneo, Mi Lector, Rem de qua incumbit disputatio, spectare animus est; non virum, cum quo dissertationem instituo. Chrysostomum sequor, qui homiliâ vndecimâ in epistolam ad Colossenses ita præcipit: *Ne voces Græcum, seu Gentilem, impurum & impium, neque illum vituperes: sed si de eorum dogmate rogatus fueris, responde quòd sit impurum & impium.* Scilicet, vt idem ipse pronuntiat homil. 11. in epistolam ad Hebræos. *Gravis res est contumelia.* Sapienter igitur Hilarius canone 4. in Matthæum ad illa Christi verba, *Qui fatuum dixerit, reus erit gehennæ ignis,* docet his verbis: *Piaculi magni periculum est, quem salem Deus nuncupauerit, eum contumelia insatiati sensus laceßere; & stultorum intelligentiam salientem, stulta intelligentiæ exasperare maledicto.*

Ioannes Launoy in dissertatione, de verâ causâ secessûs S. Brunonis in eremum, auctâ & tertium editâ, scripsit sequentia. *Primus omnium qui non ita pridem inuectam de triplici doctoris Parisiensis anastasi, & huius appendice, secessu scilicet S. Brunonis in eremum, narrationem literis mandauit, ni fallor, Lugduni post annum 1420. Ioannes Gerson Parisiensis Cancellarius occurrit.*

Verùm

Ante Ioannem Gersonem eam hominis anastasi, & ex ipsa secessum Brunonis in eremum, tradiderant Chronologus Priorum Cartusiae anno incerto inter 1383. & 1391. Guilelmus de Elbura seu de Yporagia libro de origine & veritate perfectæ religionis anno 1313. Cartusianus Maioreuensis chartâ de exordio Ordinis Cartusienfis anno 1298. Scriptor de narratione historiæ inchoationis & promotionis Ordinis Cartusienfis sub annum 1150. & à morte S. Brunonis 49. aut circiter.

Demum igitur Henricus de Kalkar

In libro de Ordine Cartusiano ita optimo iure scripsit anno 1398. *De illo quatruiduano mortuo, qui factis pro se una die funeralibus, secunda die sepeliendus ad iustum se Dei iudicium vocatum, tertia iudicatum, quarta clamauit damnatum, prout hoc apud Cartusienfes communiter, à S. Brunone ad Ioannem vsque Gersonem, videtur scriptum, &c.*



DISSERTATIO
DE CARTVSIANORVM INITIIS,
S E V
QVOD BRVNO ADACTVS
FVERIT IN EREMVM VOCIBVS
HOMINIS REDIVIVI PARISIIS,

*QVI SE ACCVSATVM, IVDICATVM,
damnatum, exclamabat;*

Ad clarissimum virum IOSEPHVM PIOLLAM, in
Senescallia Forcalquerij Consiliarium Regium.



1
EI tuus à puero amor, VIR CLARISSIME, postulabat
quidem à pluribus annis vt ad te aliquid scriberem, quò
ceteris mortalibus, atque etiam (si quid me mortuo
meum viueret) posteris, testarer ei me respondisse : sed
alia aliis temporibus fecerunt, vt, quod maximè aue-
bām, exequi non potuerim. Nunc quando grauis sene-
cta vrget, sextusque ac septuagesimus ætatis annus ad-
monet mortem in propinquo esse, placet rem non vl-

trà differre. Et opus quod super Cartusianorum initiis ordior suadet facere.
Vt enim aliàs, cū de Manualca vrbe tribus agebam libris, occurrit Guilel-
mus Piolla, à quo repetis tuum genus; ita nunc Cartusianorum originem
censenti, sese statim obtulit Petrus Piolla : clari ambo, ambo illustres viri.
Illum scientia iuris inclytum, tabulæ Manualcenses anti millesimi trecentesi-
mi sexagesimi septimi docent genere nobilem fuisse, vt aduertebam libro 1.
Manualcæ numero sexagesimo nono. Hunc sapientia, & virtutis omne ge-
nus, apud Cartusianos extulit. Vbi natus fuerit, vbi sancto illo in Ordine
iterum Christo, vt ita loquar, post baptismum genitus, vbi mortuus, non
inuenio. Bis Prior fuit in Monasterio Papiensi, primum anno millesimo
quadragesimo nonagesimo quarto & tribus sequentibus, secundum ab
anno millesimo quingentesimo secundo vsque ad duodecimum eiusdem
seculi, quo mortuus est, die decima quinta mensis Octobris. Visitator etiam
fuit Lombardiæ anno tertio & quingentesimo vsque ad mortem; quem
magistratum cū gereret, præstantem sapientiā & omni virtutum culmine fuisse
tradidit Zacharias. Benedictus in vitā S. Brunonis metro scripta. An, vt Gui-
lhelmus, fuerit de tua gente, non possum dicere. Si natus est in Prouinciā no-
strā, si parentes eius in Prouinciā nostrā nati sunt, potuerunt tamen (quod
de pluribus aliis legimus) illam adire partem Italiæ, in quā Cartusianum

magnâ suâ laude professus est. Et illam, & alias, non pauci Prouinciales, ex eo maxime tempore adierunt, quo Robertus Comes noster ad Neapolitanum regnum adiunxit comitatum Pedemontij. Igitur Gerardus de Simiana etiam tum fuit *Miles Generalis*, & *Prior*, id est *Præfectus Ferrarie*, vt lego in donatione castrorum à Comitibus S. Martini & Caltrimontis Roberto eidem. Verùm hæc satis. Accedamus ad Cartusianorum initia.

- 3 Cartusia locus est asper ac deuus in præaltis Delphinatus ad Sabaudiam montibus, cis Isaram fluiuium decimo aut vndecimo à Gratianopoli lapide. In ea Bruno eremitarum toto orbe Christiano illustrissimorum auctor, sibi & sociis, Hugone Gratianopolitano Episcopo ducente, sedes posuit anno quarto & octogesimo supra millesimum. Ipse Colonia Agrippinensium natus, cùm euasisset in virum scientiâ & virtute clarissimum, adeptus fuerat canonicatum & factarum literarum in Ecclesia magisterium Remis auctore Sigiberto; aut potius Ecclesiæ Remensis magisterium, ex Hugone Episcopo tum Diensi, & canonicatum in patria, vt tradit Manasses Remensis eo tempore Archiepiscopus. Socij erant omnino sex: è clero quatuor, Lauduinus, Stephani duo, Hugo; laici duo, Andreas, & Garinus. Istorum amorum sola nomina ad me perueniunt. Ex illis quatuor Hugo vnus sacerdotali Ordine initiatus fuerat; à ceteris igitur sociis cognominabatur Sacerdos. Vterque Stephanus professus fuerat canonicum S. Rufi; alter Viuariensium Burgi natus, Dix Vocontiorum alter. Lauduinus vir apprimè doctus Lucam Hetruriæ habebat patriam. Omnes domum è loci, in quo posita erat, estque etiam nunc, nomine; & post ipsos vniuersi, ad nostra vsque tempora mortales, appellauerunt Cartusiam.

- 4 Quæ res fecit, vt viri septem & patria, & vitæ institutis vehementer diuersi, inter se cogitarent vno & eodem tempore de tesquis auis & confragosis, maxime cùm ex illis duo censerentur in canonicorum Sanrufensium Ordine, qui ante annos quadraginta, & quod excurrit, inuentus, recentent ab Arnolde, Odilone, Pontio, & Durando presbyteris, Auenione auctoribus, sanctitatem spirabat; & alij duo scientiâ, quæ hominum seu frequentiam, seu congressum amat, præpollerent? Grauiissima profectò. Vt ab ipsis Cartusianis, Brunonis scilicet ac sociorum successoribus, accepi, ita referam. Vir doctrinæ, & integritatis nomine inclytus, cuius funus curabatur Parisiis, funestis vocibus repente exclamauit è feretro, se accusatum, iudicatum, damnatum. Bruno ac socij exclamantem audiebant, & ad miserabile feralèque obstupere prodigium. Cùm autem sibi redditii aliquando denique disquirerent, qua seu vi, seu arte, homo sapientia & grauitate ad speciem integrâ sanctâque, non mediocriter ornatus, à virtute ad vitium deflexisset, non aliud inuenerunt, quàm factum esse, vt qui vir ab omni virutum genere videbatur ex se instructus, primùm à probitatis via quam diu tenuisset, sensim ex mortalium congressu & societate deflexerit; deinde atrepente illecebrosa corporearum rerum specie, totumque occupante, omnino auersus à Deo abierit in præceps. In id igitur conuenerunt, vt quando vir eâ celebritate nominis spectandus, non occulta flagitia, non à Deo iudice æternam inferis damnationem effugisset, sibi ducerent longissimè recedendum ab vniuersis mortalibus; cùm non Parisiis amplissimâ & frequentissimâ ciuitate, sed in aliis etiam siue vrbibus, siue pagis, modicis quoque

quoque ac tenuibus, essent feminae, essent viri, qui oculis, vultu, totoque habitu corporis, voce etiam sermonisque afflarent scelera, in aliorumque mortalium animos altè demitterent. Neque iniuriâ in id conuenerunt, nam tristes ac horrenda illius hominis è feretro voces, nostris quoque post sexcentos fere annos temporibus, cum leguntur in libris, non dubio perfundunt horrore, & ab omni crimine vehementer deterrent illos etiam mortales, ut praesidentes animis ac duri sint, qui assueuerunt sceleribus. Rem quae Brunonem & socios ad eremum adegit, hanc esse tradit celeberrimus ille de vita & rebus gestis sanctorum virorum scriptor Laurentius Surius, tradit Petrus Sutor, tradit Petrus Bloënnuenna, tradit Petrus Dorlandus, tradit Theodorus Petrus, tradunt denique magno consensu omnes Cartusiani, qui de parentis Brunonis vitâ vniuersâ fusc scripserunt post Franciscum de Puteo, quem, quoniam fuit Prior Cartusiae, cum assero, videor mihi asserere ipsum Ordinem vniuersum.

Hic ego quidem vnum satis mirari non possum. Vir abs dubio eruditus, in dissertatione de vera causa secessus S. Brunonis in eremum auctâ, & tertium editâ negat fidem, pluribusque cõtendit, negandam esse omnibus istis scriptoribus, quibus, cum de re domesticâ, sui que Ordinis initiis, proloquuti fuerint, inconcussam habuerant ceteri, usque ad ipsum, mortales; neque seu prodigium hominis se accusatum, iudicatum, damnatum feraliter, vitâ corpori reditâ, exclamantis è feretro, seu ex eo prodigio secessum Brunonis in eremum, inficiari quisquam ausus fuerat, ne oblocutor quidem ille, qui apud Sutorem singula Cartusianorum conuellere susceperat. Ut autem nihil asserere non videatur, cur vnus ad hanc usque diem inuentus fuerit, qui singulari libro fidem denegaret, multisque denegandam doceret, sapientissimis atque sanctissimis scriptoribus, asseuerat Cartusianos non semper ista sensisse. Recentiores paginâ 46. distinguit à vetustioribus. Ait hos ipsa prorsus ignorasse, scilicet inaudita, neque dum excogitata: illos non accepisse (ut ad faciendam fidem par erat) à Brunone, aut Brunonis sociis, vel eorum discipulis, sed ab Antonino, qui nono & quinquagesimo anno post millesimum quadringentesimum mortuus est. Atque cum Antoninus vulgò & non iniuriâ, habeatur minimè accuratus plurimarum rerum, non satis idoneum testem esse gestarum annis ante ipsum pluribus supra trecentos (& sunt grauissimæ) quas primus retulerit. Gerso quidem antiquior Antonino, & illorum quæ recitat attentus, ac omnino accuratus, eas asserit, sed, ut loquitur Aduersarius, non tamen asserit pro suâ prudentiâ, docetque dici; & proinde tradit ex fama, cui nomen incerti est, quemadmodum Tertullianus monuit. Addit non Cartusianos tantum vetustiores, verum ceteros etiam Gersonem ante ac Antoninum scriptores, ista prorsus ignorasse. Atque, ut id confirmet, asserit nouem & viginti, qui de Cartusianorum aut origine, aut institutis, aut moribus quidem olim scripsere, hæc tamen ambo tacuerunt *pertinaci silentio, quod negationi par esse autumat*. Igitur paginâ 104. acerbissimè pronuntiat in Franciscum à puteo, Petrum Sutorem, Laurentium Surium, & alios è Cartusianis, quos vocauit recentiores, in rem ipsam non altius Antonino inquisuisse, veritos fortasse, ne si quæ scribebant, ex origine & vetustis scriptoribus censerent, ea fere omnia scribere desisterent. Credidissent non satis illustrem Brunonis historiam, quæ iam euentu illo horribili careret. Quis expectasset ista ab

erudito & sapiente viro in dissertatione literaria, quæ est triuio accepta videntur, & de hominibus omnibus scelere perditus non facile cogitamus? Certè mihi venit in mentem mirari, quid factum sit, ut, cum videret Aduersarius Cartusianos scriptores, non, ante annum millesimum quingentesimum, publicis mandasse literis secessum Brunonis in Cartusiam ex prodigio Parisiensi, non cogitauerit accepisse ab alio quàm ab Antonino, cuius & nimirum in credendo facilitatem ignorare, & ut ea facilitas non esset vulgò nota, recentius pro rei antiquitate testimonium probare non poterant. Volo non legisse, quod asserabant, prodigium, in nouem & viginti à Brunone ad Gersonem vsque & Antoninum scriptoribus, anne igitur continuò debuit cogitare Cartusianos in nullo alio legisse? anne debuit asserere neminem per illos à Bruno ad Gersonem vsque trecentos annos, edidisse literis? Vniuersosne euoluit ille, qui per Galliam, Germaniam, Italiam, Hispaniam, Britanniam (quid enim ceteras Europæ partes asserant?) typis editi sunt? Ut autem Cartusiani faterentur rogati, Antoninū esse illum ex scriptoribus in publicam lucem emissis vnum, in cuius codice hunc è prodigio secessum inuenissent, ergone debuit, aut etiam potuit, eruditum literarum gnarus, non asserere, sed suspicari illos, neque in libris manu solà scriptis legisse, cum ipse seu Chronologum S. Martini Turonensis, seu Robertum de Corceon, euoluerit ineditos typis? cur eò cogitatione non deuēnit, Cartusianos etiam legisse vnum quem antiquissimum rei, quam asserabant, auctorem, sola scriptum manu? Vtunque autem hæc aestimauerit, procul dubio poterat Antonini sanctitatem meritis efferre præconiis, atque asserere tot & tantos è Cartusianis scriptores, qui vità integerrimi ipsi erant, eò illà adductos fuisse, ut ipsi de re totà crederent. Sed huic viro visum est (quid enim agam conuictis?) ita loqui. Certè videtur abstinere debuisse omni contumeliâ, quam quia & multiplicem, & grauissimam, in viros innocentissimos, non prouocatus coniecit, non vniuersorum siue scriptorum, siue regularium Ordinum, sed Ecclesiæ, depelli multum interest. Excusamus singulas eius partes, & videamus quàm vehementer aduersentur veritati: postea docebimus non esse quòd miremur nouem & viginti scriptores, quorum & numero, & antiquitate exultat Aduersarius & triumphat, ea non posuisse in suis libris, quæ à Cartusianis ipsis accepimus; & Franciscum à puteo, Petrum Sutorem, Laurentium Surium, ac ceteros librorum de vitâ S. Brunonis auctores, qui ab illo per contumeliâ recentiores appellati sunt, rem hanc omnem accepisse, non ab Antonino, ut vnus ipse non semel exprobrat, sed ab antiquioribus Cartusianis, ut par erat, Brunone scilicet, aut Brunonis sociis, sociorumve discipulis, qui tum seu scripto, seu voce tradiderint, cum sua nonnulli alij primùm seu scripto, seu voce tradiderunt, quibus vniuersi mortales fidem habent. Non tamen Aduersarium, ut Nazianzenus verbis utar oratione 32. *contumeliis & conuictis insequemur, quemadmodum ipse Cartusianos insecutus est, non cum re de qua dicendum erat, sed cum loquente conficiens, ac rationum & argumentorum infirmitatem maledictis obtegens, non aliter ac sepias atramentum ante se vomere aiunt, ut pisces effugiant.* Scilicet Nysseno teste oratione 12. in Eunomium, *Contumelia est insania, & animi sanâ ratione vitiatum infortunium.*

7 Ante omnia vnum tacere non possum. Cum Aduersarius libro suo titulum hunc præfixisset, *De verâ causâ secessus S. Brunonis in eremum* dissertatio; adiunxit

adiunxit sequentia, seu *Defensa Romani breuiarii correctio circa historiam S. Brunonis*. Cur ista adiunxit? Accipe ex eius epistola ad academiam Parisiensis Cancellarium. *Fabulam*, inquit, rediuiui hominis è feretro se accusatum, iudicatum, damnatum exclamantis, *quæ ex incerto rumore prognata, fertur S. Brunonem in eremum pepulisse, Romanum breuiarium per aliquod tempus occupauit, sed postea in recensione breuiarii sublata est*. Ego autem quia falsitas rei certò deprehensa est, rectè sublatam esse contendo, duobus contra viris grauissimis oppugnantibus. Probo ego titulum, ab Aduersario præfixum operi suo; additamentum tituli probare non possum; & vt fatear quod est, tur ipse probauerit non video. Profectò est, quæ dicitur, dissertatio de verà causâ secessus S. Brunonis in eremum, totòque libro eamagnis animis instituitur: defensio censorum Romani breuiarii non est. Multa etiam damno in illis epistolarum ad academiam Parisiensis Cancellarium verbis. *Fabulam* vocat & primus, & vnus, quod Cartusiani vniuersi (quid enim ceteros catholicos non necessariò memorem?) habent pro vero, & sanctè asseuerant. Ex incerto rumore prognatum, asserit, quod grauissimi & doctissimi viri tradiderunt ante incerti illius, quæ feruntur, rumoris initia. Falsi conuictum ait, & idcirco censoribus Romanis è breuiario sublatum, quod ipsi censores negant se damnasie falsitatis; & quoniam falsum sit, se à breuiario sustulisse. Magis putabam veritatem prodigij Parisiensis, & ex eo secessus Brunonis in eremum, colligi ex breuiario Romano. Nam qui vtramque hanc rem in illud intulerant, non potuerunt non existimare veram: qui autem ex ipso amouerunt, nunquam accusauère falsi, & longè alias, plurèscque tur ab eo sustulissent causas attulerunt: Ecclesiasticarum longitudinem lectionum, consuetudinem, quæ alioqui videtur, posse induci, incitamentorum mutationis morum à viris, qui religiosi Ordines inuenerunt, exhibita; in breuiarium inducendorum, aliaque id genus. Certè (etsi Aduersarius neget, quâ fide ipse viderit, aienis paginâ 175: è lectionibus breuiarii Romani solummodo deletum, quidquid ad prodigium Parisiense spectabat) iidem censores sustulerunt è breuiario, celeberrimam illam corporis & sanguinis Christi in Eucharistia professionem, à Brunone factâ sub mortem, quam nemo ita vecors erit vt sentiat idcirco deleuisse quoddam falsâ sit; qui enim Turte in Calabria morienti astiterant, scripserunt ad socios in Cartusia commorantes, & alios toto orbe monachos, morituros, in hæc verba locutum esse, *Credo panem & vinum, quæ consecrantur in altari, esse post consecrationem verum corpus Domini nostri Iesu Christi, & verum sanguinem*. Denique Aduersarius asserit se duobus viris grauissimis contra oppugnantibus contendere, quod Romani censores rectè substulerint è breuiario illud Parisiense prodigium, & ex eo secessum Brunonis in eremum. Quis ad istas voces non obstupescat? legantur vtriusque viri opuscula, afferatur ex ipsis vel vna vox, quâ Romani Censores non damnentur, sed leuissimè arguantur, & confecta erit causa. Magna vi contendunt Brunonem & socios horrendo illo prodigio actos, venisse ad eremum Cartusiam. Nihil asserunt aduersus eos qui prodigium è breuiario sustulère Romano; ipsorum potiùs verba recitant, quibus docent se id sustulisse, non quod falsum sit, sed quod præter debitum breuiarii historiis & lectionibus argumentum, solitamque breuitatem, indutum cuiuspiam videri non immeritò posset.

Igitur Aduersarius, vt video, ambitiosum Defensorum censorum breuiarii

Romani nomen sibi accepit, ut duos illos grauiſſimos viros, quos impetit, & refellere conatur, vocet in inuidiam facinimi facinoris. Debit potius ipſo ſe libri titulo dicere Cartuſianorum accuſatorem, cum ob id vnum duos illos viros arguat & incuſet, quod rem à Cartuſianis acceptam validiſſimè tueantur, Cartuſianosque pro ſincera veracitate, & ſingulari innocentia venerandos vniuerſis mortalibus, accuſet multorum in vno facinore criminum, velique prodigium Pariſienſe, & ex eo ſeceſſum Brunonis in eremum, quæ fabulæ ſint, venditare omni arte, ut vitam *Brunonis* parentis *illuſtioriorem* faciant. Ne verò catholici omnes in ipſum, ut ſanctiſſimi Ordinis importunum accuſatorem inclament, aſſeuerat ſe de vetuſtioribus Cartuſianis non dicere, qui rem, nondum ſcilicet excogitatam, ignorabant, ſed de recentioribus, qui, ut loquitur paginà 46. *hac in parte ſi rectè ſaperent, ex antiquioribus ſaperent.* Eamus per ſingula conuitia, & oſtendamus coniecta eſſe per ſummam iniuriam in viros innocentiffimos.

- 9 Principio aſſerit Franciſcum de Puteo, Laurentium Surium, Petrum Bloëmenuennam, Petrum Sutorem, Petrum Dorlandum *in ſuos libros deriuâſſe ſcripta* ab Antonino. Si ab ipſo poſtulemus, vnde id acceperit; non inueniet quod reponat. Certè rei tantæ nullum laudat auctorem; & illi non profitentur ſe ab eo accepiſſe. Ioannes Gerſo pluribus ante Antoninum annis eadem ſciſerat; cur non ait ab illo ſua duxiſſe? verum ut Gerſo ſit accuratior Antonino; Gerſone tamen ſanctior habetur Antoninus, & de illo in ſanctorum canonem referendo tum agebatur, cum Cartuſiani occipiebant ſua in lucem edere: ut video, igitur voluit Aduerſarius non teſtium accurationem, & ex accuratione integritatem in re grauiſſimâ, ſed ſanctitatis nomen, quod ad inducendam falſo prodigio fidem vterentur, placuiſſe Laurentio Surio, Petro Sutori, Petro Dorlando, Petro Bloënnenuennæ, & Franciſco à Puteo etiam Priori Cartuſiæ totiùſque Ordinis Generali, ſcientiſſimis rerum domesticarum & clariſſimis ſcriptoribus. Hoc autem quis accredat dicenti? ut conuiſio fidem faceret, non debuit id aſſerre, quod in hominem proſtigatum & omni ſcelere perditum conijcere vix audeat Aduerſarius.

- 10 Deinde aſſerit illos ipſos ſcriptores Cartuſianos *rem hanc non altius libris ab Antonino ſcriptis inquiſuiſſe*, imponitque igitur ſocordiam diligentiffimis, ac pro integritate, & in omni vita accuratione ſtudioſiſſimis ſcriptoribus. *Inſidelitas tamen mater eſt pigritiæ*, ut docuit Cæſarius homilia 30. atque, ut alios taceam, Petrus Bloëmenuenna is cum viueret fuit; ut ſocordiam nemo ſobrius, qui ipſum nouerit, illi tribuat. Omnem vitam ſine letali crimine attentus virtutis cultor peregit, & accuratus pietatis amator ſapiùs à Deo ſupra ſe raptus fuit. Huic innocentiffimæ ac fermè cœleſti vitæ, non reſpondet Antonino & vni, & tum recentiffimo de re vetuſtiſſimâ teſti fides; anno enim milleſimo quadringenteſimo octogefimo nono Petrus ad Cartuſianos acceſſit, atque trigefimo proinde poſt mortem Antonini. Præterea lego egiffe Priorem ſuo in Ordine nouem annos ſupra viginti: Cartuſiam ergo non ſemel adiit ad ſuorum generalem conuentum. Putas cum de Brunonis parentis vitâ ſcribere cogitabat, non egiffe cum ceteris Prioribus, & de aliis ſancti viri præclaris facinoribus, & de ſeceſſu in eremum Cartuſiæ; non excuſiſſe, perlegiſſeque vniuerſas de Brunone chartas antiquiſſimæ domus?

Verum

Verum concedamus Aduersario non venisse in mentem Petri Bloemseu-
 na ipsas persequari & euoluere, profecto Franciscus à puteo, cum scribebat
 de secessu Brunonis & sociorum in eremum ex ferali illo Parisiis rediui
 hominis prodigio, non potuit non eas singulas, quæ de sui Ordinis initiis,
 & Brunonis ac sociorum accessu Cartusiam agunt, versare manibus, cum
 res ferebat, legereque; & vniuersas pro sui muneris gravitate ac totius Or-
 dinis principatu habebat in promptu. Certe non istas solum, sed ceteras an-
 plissimi tabularij, mortalium laboriosissimus annotauit manu sua; vniuersa-
 rum fecit indicem, veroque & facili digessit ordine; & præcipuas, cum ex-
 scribi curasset, compegit in volumina omnino tria, quorum tertium de re-
 bus toti Ordini communibus, igne perijt anno millelimo sexcentesimo vn-
 decimo. *Quantus autem hic præful fuerit, accipe à Petro Sutore lib. 2. de vita*
Cartusiana tract. 3. cap. 7. Iuris viriusque doctor peritissimuserat, inquit; & tam
diuinis, quam humanis literis nobiliter doctus: ingenio subtilis, promptus consilio;
rebus agendis apertus atque prouidus. Ista animi decora non facile ponierunt esse
 cum socordia, quæ illi ab Aduersario affingitur. Pergit Sutor. *Maiores Cartu-*
sie Prior domum S. Stephani, in qua noster princeps Bruno felix migravit ad Chri-
stum, alienis manibus longissimo tempore occupatam recuperare studuit. Iam exi-
 stimo, qui domum istam à Cisterciensibus ad suos longo postliminio reuo-
 cavit, omnino debuisse ex veteribus chartis seu Cartusianis, seu, annuente
 Aragonio Cardinali abbate, Sanctephanensibus, docere cum à Brunone
 erecta fuisset, deflexisse aliquando ab ipsius successoribus ad Cistercienses.
 Hoc autem nunquam potuit liquidò expedire, quin ex illis etiam demon-
 straret id olim fuisse temporis, cum è Cartusia Bruno vocatus fuerit ab Vr-
 bano secundo Pontifice, & Romanam pertractus curiam illi eodem (vt tradit
 Chronologus Priorum Cartusie) iubeant prætulit eremum Calabrie. Qui
 ista omnia è veteribus excerptis tabulis, potuim non ab illis edoceri causas,
 quæ fecerunt vt principio Cartusiam in Gallia, deinde Turrem in Italia te-
 neret, maximè cum, vt adiungit idem Sutor, *ipsius diligentia Bruno quoque*
in sanctorum numerum per Apostolicam sedem repositus sit, scilicet à Leone deci-
 mo, vt docet Baronius in Martyrologio. Enimvero ita habet, vt quando
 agitur de seruis Dei in sanctorum virorum numerum referendis, non vltima
 quæstio sit de causis quæ ipsos ad mutationem morum impulerunt, diuinò-
 que addixerunt cultui. Hic ergo vir, vt maximè voluisset, non potuit non
 altius Antonino inquirere de Brunonis in eremum secessus vera causa, om-
 nèque & persequari & callere, ac certis auctoribus, qui à Brunone, aut
 sociis, vel eorum discipulis acceptam perscripissent, tradere posteris.

Non quæcumque tamen socordia est, quam Aduersarius, & alii Cartu-
 sianorum scriptoribus, & Francisco à Puteo tribuit. Supina illa est, quæ sita
 potius, & vehementer adanata, imò aliquid omni socordia maius & impor-
 tunius. Vult non altius Antonino inquisuisse, veritos fortasse, ne si quæ scribebant,
 ex origine & vetustis scriptoribus censerent, ea pene omnia scribere desisterent, vt-
 pote sicuti superiore paginà loquebatur, *futilitatis plena.* Igitur grauissimè
 menditos asserit; atque, vt impudentius mentirentur, auertisse oculos à ver-
 itate. Piget ista refellere, quæ mendiculorum potius turpissimam per com-
 pita contentionem sapiunt, quam eruditi viri grauem & moderatam de re
 literaria dissertationem. Petrus Damiani in vita S. Mauri Episcopi Casenatis

scitè scripsit sequentia. *Falsus testis Dei meritò dicitur, qui indiscretè eum laudare cupiens mentitur, & adversus Deum proculdubio perhibet testimonium, quisquis in eius laude, perversâ molitur arte commentum.* Tantùm abest vt ab origine & vetustis scriptoribus rem censere noluerint, annales quoque consuluerunt, quemadmodum Sutor monet lib. 1. tract. 2. cap. 2. Itaque pergit capite 3. ita scribere; *Fatemur ingenuè nullum doctoris nomen illius, qui vitæ reddidit exclamavit se accusatum, iudicatum, damnatum, per nos allatum esse, quòd nullum sit literarum monumentis quod viderimus, proditum.* Istæne sunt scriptoris illius voces, qui noluerit alius Antonino inquirere, & ex origine & vetustis scriptoribus censere? Abs dubio & hic, & Surtius, atque ceteri, & Franciscus de Puteo maxime, vniuersas & Cartusias, & cum se dabat occasio, aliarum domuum tabulas excussere, vt illustria quidem, sed vera tamen, de Brunone scriberent: nihilque posuerunt in libris suis, super causâ eius ad eremum secessus, aliud

15 ab eo, quod in maiorum suorum chartis inuenerant. Vt enim dicam quod censo, sicut in aliis seu clericorum, seu monachorum Ordinibus factum legimus, non communi quidem vniuersorum, & (vñ loquuntur) capitulari consilio, sed priuato singulorum sensu, vt nonnulli illustres viri sua ab domorum suorū inijs mandarent literis, quæ neque ipsi in lucem ediderunt, neque voluerunt edi ab aliis: ita ego quidem non dubito, etsi nullis inueniam in chartis, fuisse nonnullos in principe Cartusianorum domo, aliisque saltem aliquibus ab illa ductis, qui vt, siue lux, siue posteriorum memoriæ consulerent, & alia pietati fouenda apta, & ipsarum initia diligenter conscripserint, & quo seu numero, seu tempore, eas constituissent sapientes viri; tum qui, & quales ij fuissent, quibus acti causis ad ipsas constituendas descendissent, quibus seu opibus seu auspiciis rem egissent. Quod de Anglia docet Reynerus libro de apostolatu Benedictinorum in ea tract. 1. sect. 1. §. 19. *nullum monasterium fere antiquum extitisse, cuius non fuerint historie manuscriptæ: Omnium natales & origines consignauerunt, quo fundatore, quâ occasione, quo rege, quo episcopo canobia fuerint erecta: seriem ipsorum abbatum à primo ad vltimum posuerunt: hoc de ceteris toto orbe monasteriis abs dubio dicendum etiam est; neque video cur de Cartusianorum si non omnibus, certè præcipuis non asseramus.* In illis vniuersis addit Raynetus fuisse *historiam monasterij*; seque perlegisse historias *Abindonia, Petroburgensis, Dunelmensis, Malmessteriensis, Augustinensis* demum *Cantuariae.* Atque, vt ego quidem sentio, apud Cartusianos, hæc illa sunt, quæ Chronologus Priorum Cartusie appellauit chronica in præfatione his verbis, *licet primi quinque Priores hic inferius descripti in pluribus chronicis reperiantur.* Nam quæ alia cogitabis chronica, cum de primis Cartusie Prioribus sermo est? Sunt inedita, quæ alij in aliis domibus Cartusiani, ante annum millesimum trecentesium nonagesimum fecerant in suos vsus; eo enim anno, aut circiter scribebat ille Chronologus. Ex istis aut Cartusie, aut aliarum domuum tabulis Sutorem (quid enim alios asseram?) accepisse, & hæc de quibus nunc sermo est, & alia plurima fateamur necesse est. Lib. 1. tract. 5. cap. 2. Sic loquitur. *Bruno curauit literas Apostolicas ad venerabilem Signinum abbatem Case Dei mittendas, quibus mandabatur, vt Cartusianum montem ipsius discipulis intra dies triginta redderet. Quod abbas libenter effecit, & per publicum instrumentum magistro Landuino, ceterisque Brunonis alumnis, locum ipsum*

ipsum plenè restituit. Capite autem tertio habet sequentia. Bruno, curiâ Urbani Pontificis salutata, eremum in Calabria finibus sitam adiit, ubi cum sociis, quorum alij clerici, alij laici erant. sibi diuinitus adiunctis, eremiticam vitam plantare seruerenter studuit. Demum capite quarto, Domus Calabriae S. Stephani inquit, per quinquaginta annos & suprà, in eremiticâ vitâ per Brunonem ostensâ perseverans, quinque Priores post Brunonem habuit, Scio quidem (vt hoc addam) non quinque, vt habet Sutor, sed tredecim, in veste Cartusiana Priores, illi domui præfuisse. Verum eam ego in toto opere video sapientis, & sinceri scriptoris diligentiam, vt existimem loqui de primis post Brunonem quinque Prioribus (certè ipsorū quintus, fuit celeberrimus ille Rodolphus de Crucifixo, qui, vt aduertit Suanus in chronotaxi ad vitam S. Brunonis anno 1128. B. Lanuino obedientiam promississe legitur cum collegiis suis) ceteros in Prioribus non posuisse, quia sensim deflecebant à S. Brunonis institutis: & ab iis denique, nono post annum à capto Ordine centesimum, agente Guilelmo Priore decimotertio, omnino defece-
runt ad Cistercienses Fossâ nouæ Celestino tertio pontifice. Et verò in secundâ parte statutorum antiquorum capitulo secundo habes quæ sequuntur. 17

Cuncti Cartusienſis propoſiti Priores, Portarum videlicet B. & Exenbiarum So. nec non ſilue Orb. & Maioreui Hy. & Durboni B. & Aruerie Ar. & Montis vini B. & Montis Dei Ger. & Vallis cluſe Hy. & Augoni Hy. & Repañſatoij Io. & Vallis S. Petri Hy. & Vallis S. Mariae Pon. pro tenore & ſtabili firmitate propoſiti, à domno Baſilio Cartuſia Priore, & eiſdem loci fratribus petierunt, quatenus in eadem domo capitulum liceret eis habere, obtentu correptionis & emendationis totius propoſiti. Ecce nomina vniuerſarum domuum, in quibus Cartuſianæ vitæ propoſitum ſeruabatur, cum Priores illarum expetiere à Baſilio Priore Cartuſiæ, & obtinuerè, vt in ea capitulum generale Priorum totius Ordinis, annuatim in poſterum conueniret. Inter ipſas non legitur domus S. Stephani, Turre in Calabria à S. Brunone erecta, magno argumento quòd iam tum cogitabat defectionem à Cartuſienſi propoſito. An illius à maiorum inſtitutis deſlexus fecit, vt ceterarum domuum Priores peterent annuum in Cartuſia capitulum, ne alia quæpiam exemplum eiſeſecuta, deſciceret aliquando à firmitate propoſiti. Igitur ordinatio tertiæ capituli primi ſic habet. Si quis Prior, vel frater cuiuſlibet domus huius propoſiti, propriâ voluntate ſua domum ipſam ad alterius propoſiti religionem, quod abſit, tranſferre voluerit, eiſ, ſicut iure perpetuo huic propoſito conſideratiſ, nullatenus liceat. Baſilius verò cepit præeſſe Cartuſiæ anno Chriſti milleſimo centeſimo quinquageſimo primo, deſiit tertio & ſeptuageſimo eiſdem ſæculi, ac proinde cepit anno ſexageſimo ſeptimo Ordinis, deſiit octogefimo nono. Igitur Chronologus Priorum Cartuſiæ ſic loquitur: Domus S. Stephani per ſexaginta annos vel circà in propoſito Cartuſienſi remanſit, quæ verba idem omnino ſignificant atque illa Sutoris, quæ in ſuperioribus retuli de quinquaginta annis & ſuprà. Certè cum hac de capitulo deternebantur in Cartuſia, qui domui S. Stephani à S. Brunone ſeptimus præſtat in Calabria, ille erat Andreas, qui modico poſt tempore euasit in abbatem S. Euphemie. Vnum hic placet adiungere tredecim illi Priores Turre in Calabria, vulgò appellati ſunt magiſtri eremi: an etiã diſti fuerint Priores, & Cartuſiani, dubitatum inuenio. Sed cum ceteri à Brunone, & & per Brunonem à Cartuſia orti, dicerentur Priores, & Cartuſiani, quâcunque in regione eſſent illorum domus, ſeu propoſiti ſeu Ordinis Priores, ego qui-

dem

- dem non dubito iisdem nominibus appellatos. Sicuti ergo vidimus Priores Portarum, Excubiarum, Siluar, & alios, in secunda parte antiquorum statutorum appellari Priores *Cartusienſis propoſiti*, ita Falco tum Lugdunenſis Archiepiſcopus, eos ipſos dixit Priores *ſub Cartuſiano Ordine militantes*. Sed
- 18 iſta hæcenus dicta ſint. Reuertamur ad Sutorem. Hæc, & non pauca alia, ipſis ſupparia, quæ in illo legimus, ea ſunt, vt tantùm ex antiquiſſimis Cartuſianorum tabulis, ſeu priuatis, ſeu publicis, erui poterint. Si quis illa ſub annum à milleſimo quadringentefimum edidiſſet, atque Antoninus accepta coniecidiſſet in ſuos libros, Aduerſarius pro Cartuſianorum odio, tribueret Antonino auctori; *ſuſcitatiſque plena, clamitaret cenſeri debere ex origine, & vetuſtis ſcriptoribus*. Nam cur ergo vult prodigium Pariſienſe, & ex co ſeceſſum Brunonis in eremum, repeti ab Antonino, qui, vt Cartuſianos ſcriptores non aſſeram, à Gerſone (ſi antiquiores non legerat) potuit, & verò debuit potiùs repetere? Gerſo quidem in tractatu de ſimplificatione cordis, ita loquitur de huius hominis rediuiui prodigio; *Exemplum illud celebre, ex quo cepiſſe dicitur Ordo Cartuſianorum*: Antoninus autem in parte
- 19 ſecunda hiſtorie ſue tit. 15. cap. 22. *Habuit principium religio Cartuſianorum ex hoc euentu*. Non tamen continuò quod hic aſſerit, exiſtimandus eſt ille poſuiſſe in dubio, & accepiſſe ab vnâ famâ, cui ex Aduerſario paginâ 19. ſit nomen *incerti*. Scriptores Latini, Cicero etiam atque Virgilius, ac Liuius, vt Gerſonem ipſum taceam, vtuntur verbis *dicitur, fertur*, & aliis huiuſmodi, cùm docent rem inter ſcriptores celebrem eſſe, aut apud ceteros mortales peruulgatam, cui vnus hominum eſt certus auctor. Vt dubia, ita etiam certa eſt fama aliqua, atque, ſicuti loquitur Cicero, communis, vetus, illuſtris. *Præſta fides faſto, ſed fama perennis*, teſte Poëta. Cur autem Aduerſarius famam, interpretatus ſit, cùm poſſet appellare ſententiam; & famam inducens, dixerit dubiam & incertam, potiùs quàm veterem, certam, illuſtrem, ab vnq̃ demum Brunone ductam, non facile dixerim. Non amo quidem ego niti coniecturis. Si quid tamen liceat ſuſpicari, non videbitur fortaiſſis erraturus, qui dicet accuſantem Cartuſianos ſocordia, & falſi, voluiſſe ita loqui, vt colorem veritatis ac ſpeciem imponeret criminationi; minùſque cautis lectoribus ſuaderet, Gerſonem alia ab Antonino ſentire; ſequè à Gerſone non diſcedere, negantem quòd ab incerto, negationique proinde proximo, rumore prognatum, ille dixerit. Sed qui vult Cartuſianos
- 20 non alitùs Antonino inquiſuiſſe de hac re, ne ab ea ſcribenda deſiſterent, quid aſſert vt doceat noluiſſe ab ea ſcribenda deſiſtere. *Credidiſſent*, addit, *non ſatis illuſtrem Brunoniſ hiſtoriam, quæ iam illo euentu careret*. Qui ſic proloquitur, puerile quid, vt fatuum non dicam, tribuit ſanctiſſimis viris. Si Cartuſiani amabant, queritabantque illuſtria & ad populi admirationem idonea, dicere de Brunone; proſectò longè illuſtioriẽ feciſſent vitam eius, & maxinè ad vulgus admiratione ſuſpendendum aptam, ſi quæ de Paulo, Antonio, aliſque ſeu monachis, ſeu anachoretis antiquioribus legimus, affinxiſſent Brunoni ac ſociis. Enimverò quid ad eorũ claritatem ſpectat, quòd homo rediuius, ſe coram omnibus exclamat è feretro, damnatum æternis Inferorum ignibus? Debuerunt inducere dæmonas, qui alij ab aliis, nunc in hac, nunc in illa ſpecie & forma horribili, tetrâ, immani obſiſterent cogitantibus eremum, intrantibus Cartuſiam terrorem
- incuterent,

incuterent, per spelæa ferarum luderent errantes. Si nescis, secessus Brunonis in eremum Cartusie, adeò per se illustris est, vt neque hoc euentu, neque alio magis horrendo fieri queat illustrior. Denique ad Brunonem vsque, ne vnus quidem mortalium inuentus fuerat, qui Cartusiam adire, & in ea hæ-
 rere colendo Deo, pro asperitate loci auderet. Ergo qui longissimè ab orbe nostro, vniuersisque mortalibus, animo positi, Deum vnum habent in vo-
 tis, celòque adherent, tu vis non agitare mente mortalia, sed conari, & omnibus contendere viribus, vt à nobis falsò credatur Deus fecisse insolens & horribile prodigium, ad constituendum eorum Ordinem. Nos cæci, & omnium ignari, arbitrabamur esse pios, humiles, humanis superiores rebus: tu verò mortalium vnus maximè perspicax, & omnino acutus, doces ani-
 malia esse inanis gloriæ, & fucatæ fallacisq; superbix ludibria. Proh tempo-
 ra! nunquàmne virtuti licebit esse quietæ? Nunquàmne dabitur eo loco consistere, in quo dicendis Deo laudibus intentam, angelorumque choris immixtam, turpis & effrenata calumnia non artodat, non allatret?

Inquiet aliquis. Non artoditur hic, non allatratur Cartusianus Ordo; ne-
 que etiam contemnitur, aut accusatur. Eum potius laudat, qui dicitur ad-
 uersari, magnisque præconiis effert in sui libri præfatione paginâ decimâ ter-
 tiâ. Vnum damnat & queritur, Cartusianos recentiores à vetustioribus in
 hac parte delinxisse; & cum isti prodigium hominis rediuiui Parisiis, atque
 ex eo prodigio secessum Brunonis in eremum, ignorauerint (neque verò
 scire poterant, quæ nunquam fuerunt) illos vtrumque tradere. Scilicet fabu-
 lam esse ait, quam, cum annos aliquot incerto auctore per ora hominum vo-
 litasset, deniq; Antoninus asseruerit in historiam primus. Ab eo Cartusianos
 illorum temporum auidè accepisse, pèrque vniuersum orbem sparsisse, infi-
 tam libris de vita S. Brunonis parentis; & qui post ipsos ad hanc diem vixe-
 runt, accreditisse dicentibus. Verùm quibus ista canuntur? vt video, Aduer-
 sarius Cartusianos appellat recentiores, non vnum, aut alterum, sed vni-
 uersos, qui à S. Antonino ad nos vsque vixerunt; vetustiores, qui à S. Bru-
 none ad S. Antoninum vsque; & ita dicens, non accusat & artodit, sed pes-
 sumdat & euertit omnem Cartusianorum Ordinem. Nemo est qui nesciat,
 & non meritò demiretur, quos recentiores appellat, vetustioribus pietatis
 æstu, amore solitudinis, silentij cultu, ceterisque virtutibus respondere, ac
 natiuâ (vt ita loquat) sinceritate potissimùm, veracitate, in moribus de-
 mum ac institutis obseruatione antiquitatis & reuerentiâ. Ignorant Cartusia-
 ni discere à maioribus. Hoc illud est maximè, quod per annos sexcentos
 illum vigorem, illamque viuide sanctitatis formam in ipsis seruauit inte-
 gram, quæ in Brunone ac fociis elucebat, in Ordinis initiis. Sed quàm hic
 fallatur Aduersarius, intelligetur ex consequentibus. Et recentiores, & vetu-
 stiores vnum semper ac idem senserunt, prodigiùmque hominis rediuiui, &
 ex eo prodigio incunabula sui Ordinis, fuisse tradiderunt, vt postea doce-
 bo. Fabulam vocat ille hoc ferale prodigium: sed quo auctore? Antoninum
 facit è fabulâ in historiam assertorem illius: sed quibus argumentis? Hoc
 ego non probo in erudito viro, quæror etiam. Multa quidem legit, sed non
 omnia. Nouem & viginti scriptores affert, qui cum à Brunone vsque ad
 Antoninum, seu de eodem Brunone, seu de Cartusianorum institutione,
 moribus, omnisque vitæ genere dixerint, ista non protulerunt; & vnum
 Gersonem,

Gerfonem, qui paucis ante Antoninum annis rem ex rumore, vt putat, popularique fama recitauerit. Atque addit *contumax* (vt vocat paginâ 82.) istud per trecentos sexaginta annos, & quod excurrit, *silentium*, certæ apertæque negationi par esse. Verùm, vt de Gersone haberet veritatem, quod Aduersarius autumat, & ego falsum esse docui numero 19. fuerunt tamen qui ante Gerfonem, & quæ ab Aduersario, rumori, ac famæ præfiguntur initia, rem hanc omnem asseuerauerint: & scriptores quos ad nouem & viginti exultanter ac gloriose recitat, non debuerunt illam pro loco seu asserere, seu referre; neque igitur eam negant, quam silent. Ista duo fusè & diligenter exequar, cùm fabulæ quam autumat, & rumoris, seu famæ originem ex Aduersario, parentisque attulero.

24

Igitur Aduersarius post recitata verba Ioannis de S. Victore *in memoriali M. S. historiarum ad annum millesimum trecentesium vicesimum secundum*, quo finem scribendi fecit, addit quæ sequuntur pagina 81. Prodigium viri, qui publicas inter exequias, damnatum se esse, maximâ ter voce pronuntiauit, ab hominibus otiosos postea inuentum est. Qui hoc proloquitur, vult quam putat fabulam, excogitatum esse post annum Christi millesimum trecentesium vicesimum secundum, qui fuit Ordinis Cartusiani ducentessimus tricesimus octauus. Vnde hoc accepit sapiens & accuratus vir? Pergit dicere: si eo, inquit, anno secundo & vigesimo; aut ante eum contigisset reipsa id prodigij, Ioannes diligenter annotasset. Quasi verò nihil prodigij aut toto orbe, aut in Gallia, vel certè Parisiis, vnquam ante ipsum contigerit, quod non diligenter annotauerit. His affinia subiungit pag. 89. *Post annos (sunt illius verba) à condito Cartusianorum Ordine ducentos quadraginta*, siue quatuor & viginti supra millesimum trecentesium à Christo nato, & amplius, facta est illa narratio, quæ S. Brunonem in eremum impulsit. Sed quo post illum secundum aut quartum Christi & vicesimum à millesimo trecentesimo, inuenta fuerit anno, nusquam præcisè ac definîtè asserit. Sequentia tamen habet paginâ. 90. *Primus omnium qui non ita pridem incertam narrationem libris mandarunt, Ioannes Gerso Parisiensis cancellarius occurrit. Hæc igitur Lugduni, ni fallor, post annum millesimum quadringentesimum vigesimum scribit.* Cùm ergo agens de libro, quem ait scriptum post annum vigesimum à millesimo quadringentesimo, velit non ita pridem, id est non multò ante eum annum vigesimum inuentam esse narrationem, seu quemadmodum loquitur, fabulam prodigij Parisiensis, significat sibi videri excogitatum, non multò post annum quadringentesimum à millesimo.

25

Istis ab ipso Aduersario ita constitutis super fabulæ, quam vocat, origine, profectò certum est falli cùm vocat fabulam. Omnino appellari non potest fabula, ab otiosis hominibus inuenta, sed vera historia est. Asserit non multò ante annum vigesimum à millesimo quadringentesimo, seu, quod idem est, non multò post annum quadringentesimum à millesimo cepisse, quæ ab aliis ad alios primum delata, deinde in ruiorem & famam creuerit, & post aliquot annos deuenerit ad Gerfonem, atque aliquo post tempore asserata fuerit in historiam ab Antonino. Atqui Henricus de Kalkar, cùm otiosi homines feruntur ab Aduersario fabulam hanc, quæ dicitur, inuenisse, mortuus, ipsam tradidit millesimo trecentesimo nonagesimo octauo, in tractatu de exordio & progressu Cartusienfis Ordinis; & asseueravit eam communiter

apud

apud Cartusianos reperiri scriptam. Quis verò, & quàm clarus atque illustris fuerit Henricus, accipe à Theodoro Petro in elucidationibus chronici Cartusiani, à Petro Dorlando editi, ad caput octauum & vigesimum libri sexti. *Henricus Kalkariensis*, inquit, *de exordio & progressu Cartusienſis Ordinis conſcripſit tractatum, quem etiam manuſcriptum p. nes nos aſſeruimus, in cuius frontiſpicio ita ſcriptum reperi. Henricus à Kalkar fuit magiſter Pariſienſis, & antea canonicus ad S. Georgium Coloniae. Intrauit autem ordinem Cartuſienſem ætatis anno trigeſimo ſepſimo, in quo vixit annos tres & quadraginta. Obijt verò anno milleſimo quadringenteſimo octauo, in vigilia S. Thomæ Apoſtoli, cum eſſet octogenarius. Functus eſt prioratu in Cartuſia Coloniaſi annis ſeptem, in Argenti- neſi duodecim, in Ruremundenſi quinque; exercens officiũ Viſitatoris Prouinciæ ad annos biſſenos: adde vt in quinque generalibus capitulis Definitor fuerit, trinæ- que in frequentiſſimâ conſcriptorum patrum coronâ ſermonem ſeu orationem habuerit. Iam quod Henricus, anno milleſimo trecenteſimo nonageſimo octauo tra- didit, communiter ſcriptum fuiſſe apud Cartuſianos, hoc eſt in Cartuſia, & aliis per Galliam, Italiam, Germaniam, Angliam, Hiſpaniam Cartuſiano- rum domibus, nunquam ego quidem arbitror excogitatum fuiſſe ab otioſis hominibus; non poſt annum milleſimum quadringenteſimum, vt vult Aduerſarius; ſed neque per eiufdem Henrici vitam, qui natus eſt anno milleſimo trecenteſimo vigefimo octauo, aut poſt annum milleſimum trecenteſimum.*

Cum autem Aduerſarius, id falſò aſſeueret eſſe fabulam, incertis & otio- ſis parentibus non multò poſt annum milleſimum quadringenteſimum na- tam, quod Henricus de Kalkar ante eum annum aſſeruit reperiri *communiter ſcriptum apud Cartuſianos*, certè non minore falſitate affirmat ſcriptores, quos ad nouem & viginti recitat, negaſſe illud idem contumaci ſilentio, ante annum ſecundum & vigefimum à milleſimo quadringenteſimo. Fateor equidem ne vnum quidem illorum retuliſſe prodigium hominis rediuiui, & ſe accuſatum, iudicatum, damnatum exclamantis è feretro, atque ex eo ſeceſſum Brunonis in eremum; ſed nego debuifſe referre pro loco, & ſerum de quibus agebant ſerie: aio igitur neutrum negaſſe. Prudenſiũ fuit, quòd vniuerſi tacuerunt rem ab inſtituto ſermone alienam: inſciatũ fuiſſet ipſam ſcribere, cum oratio ſuſcepta non poſtulabat. Placet ire per ſingulos, vt ve- ritas turbet ac deleat vniuerſa falſitatis veſtigia.

Vt ab illo incipiam, à quo Aduerſarius orſus eſt, Bruno ad Radulphum Viridem, Remenſis Eccleſiæ Præpoſitum, ita ſcripſit Turre in Calabria. *Reminiſcatur dilectio tua, quòd cum ego, & tu, & Fulcius Monoculus, quodam die ſimul fuiſſemus in hortulo, adiacenti domui Ade, ubi tunc hoſpitabar; atque de falſis oblectationibus, & perituris huius mundi diuitiis, necnon de perennis gloriæ gaudiis, aliquando vt opinor, tractaremus, vnde diuino amore ſeruantes promiſimus, ac vdiuius Spiritui ſancto, in proximo fugitiua ſeculi relinquere, ac æterna capere, necnon monachicum habitum recipere.* Hæc Bruno. Et Aduerſarius ſic interpretatur, vt votum, quod in hortulo emiſerat, tum executus fuerit, cum in eremo Cartuſiæ monachicum habitum induit, non quem in reliqua Gallia monachi tum geſtabant, ſed ad quem non ante illam diem viſum mortalibus, plurima, eaque aſperſima adiunxit. Nec ineptè interpretatur.

28

Quid verò ad negandum hominis prodigium rediuiui Parisiis, & ex eo secessum Brunonis in eremum Cartusiar, inde possit colligere, ego quidem non video. Si Bruno statim à voto edito Cartusiam adiisset, profectò esset, quòd illius ad Cartusiam secessum, ei ipsi voto tribueret, ipsumque prodigio Parisiensis negaret: nunc verò vide quid in epistolâ subiunxerit. *Et in vicina, ut votum ferebat, peractum esset*, monachicumque habitum recepisse-
mus, nisi tunc, cum vouebamus, Fulcius Romam debuisset adire, & verò
adiisset. *Ad huius reditum peragenda* omnes magno consensu distulimus.

29

Quantum autem posuit temporis Fulcius in Romano itinere: an sex, an nouem menses: an vnum, aut alterum annum? non liquet. Statimne post eius reditum Româ, an potius non expectato reditu, Bruno votum inpleuit? hoc etiam ignotum est. Quid moram, ut vidimus, faciente per Romanum iter Fulcio peregit? neque id Bruno adiungit in epistola. Quoniam nihil attulit à se susceptum per illam Fulcij moram, igitur putabimus nihil tum fecisse: nequaquam, inquit Aduersarius: multa cum ceteris canonicis à Manasse archiepiscopo pati perrexit, ac denique ob eius mores, peruersos, ac
prorsus improbos, cum aliis quibusdam Remensium clericorum nobilibus excessit Remis, & Remis Gratianopolim discessit. Itane tum Remis Gratianopolim discessit? Omnino tum, addit. At quo auctore sic loquitur? ceratissimo (pergit dicere) Guiberto Nouigenti abbate. Hic hæreo. Itane verò Guibertus auctor est huius rei? Hoc ille non scripsit, sed contrarium. Ait Brunonem excessisse primum Remis, ob improbos Manassis Archiepiscopi mores, & postea quam Remis excessisset, egisse cum Radulpho & Fulcio, habitumque Monachicum vouisse, ut suo loco videbimus. Nunc age, cur non fateris tum aduisset Lutetiam, in illâque horrendas è feretro voces rediuiui hominis accepisse, quibus ad Cartusiam actus sit? Certè anno illius sæculi octogesimo excesserat Remis Bruno, eo enim Manasses Archiepiscopus, Hugoni Gregorij septimi Pontificis Legato, iubenti ut responsurus Brunoni veniret ad Episcoporum Concilium, reposuit Brunonem non esse Remis; atque ut doceret longè à Remis degere, addidit se de illius vita & libertate ignorare. Neque Cartusiam eo ipso anno venerat, quam, ut postea fusè docebo, adiit quarto post octogesium. Nullus, inquit Aduersarius, Scriptorum illius temporis tradidit, seu Remis aduisset Parisios, seu Parisiis eas voces audiuisse, non ipse Bruno, non Guibertus Nouigenti abbas, non alius. Gerſo, isque rei dubius, scripsit primus Parisiense prodigium. Papæ! Qui hæc loquitur, abs dubio habet in numero omnia illius temporis Scriptorum nomina, libros vniuersorum perlegit. Vtunque hoc habeat, falsa dicere intelligitur ex sequentibus. Nunc placet ita pergere. Ais neminem illius temporis Scriptorum hoc habere, ne vnum quidem, denique igitur falsum esse. An ergo nihil præteritis temporibus gestum fuisse putabimus, nisi quod scriptor coartaneus mandauerit literis? Verum, ut ea omnia taceam, quæ habet Hercules Commodianus serie tertia, quæsito quinto, quàm multa, quàm & grauiâ, & necessaria, olim euenisse nemo negat, quæ solâ voce à coartaneis accepta, ad nos per traducem peruenierunt? Cur in iis non reponis hoc de Brunone ex funestis è Parisiensi feretro rediuiui hominis vocibus? Ais Gersonem istam rem primum mandasse literis. Quid ergo? Num putabimus nihil gestum ante Gersonem, quàm quod ante ipsum nonnulli scriptores posuerunt in suis
libris?

Sed ista ex superfluo dicta sint. Aio ego, & aperius exponam postea, rem istam omnem haberi in pluribus libris, manu ante Gerlonis illum de simplificatione cordis tractatum scriptis.

Verum, inquires, si Bruno Lutetiam Remis egressus adiit; & inde Cartusiam, agente hominis rediuiui prodigio, proficisci compellus est, quare id Radulpho non memorat, maximam profectò habiturum vim, ad suadendam viro (quod & vnum, & vehementer agit) expletionem voti? Qui hoc petit, is omnino ignorat quis Radulphus fuerit; & de quo ad Radulphum Bruno scribat, non attendit. Radulphus is profectò erat, qui non egeret acribus stimulis ad renuntiandum sæculo, recipiendumque, sicuti vouerat, *habitum monachicum*. Qui de illo scripserunt, laudant plurimum à pietate, quæ si votum Deo factum non exequaris, nulla est. Adiit Archiepiscopatum Remensem, anno post S. Brunonis mortem tertio, qui fuit quartus Christi supra millesimum centesimum, & in ipso eruditionis, sapientie, sanctitatis grauissima dedit exempla. Calixto etiam secundo pontifici se probauit, in Remensi Concilio, quemadmodum Ordericus Vitalis docet libro duodecimo. Eò igitur cogitatione deueniebam, vt exultarem, si ante epistolam à Brunone acceptam, aut ab ea accepta, non fuit pro voto monachus, aegritudinem corporis, aut alias non inferiores causas, intercessisse meditati, & contendenti votum persolvere. Neque dicas nihil posse afferri, quare Bruno funestas hominis rediuiui voces, si non instituto sermoni necessarias, certè viles, non posuit in suâ ad Radulphum epistolâ: Ego illas si posuisset, magis quarendum putarem cur positas voluisset. Radulphus vouerat monachum, quem ad illam diem viderat, scilicet qui in medijs vrbi-
bus, aut certè iis non procul, more suorum temporum, ac tē austerēque de-
geret; non Cartusianum, qui in confragosis & horrentibus locis longè à
mortalibus vniuersis, per omne asperitatis & acerbitalis genus, vitam agit.
Sinescīs, vna Cartusianorum vita ea est, vt nondum inuenta, non facillè ve-
niret in mentem hominis *habitum monachicum* cogitantis; & tantum asperita-
tis habet, vt ad ipsam primùm representandam mortalibus, & suadendam,
homo, ad speciem olim per hanc vitam probus, debuerit ex inferis, ad quos
iusto Dei iudicio deiectus fuerat, ad hunc orbem redire, & in horribiles, fu-
nestasque voces prorumpere. Denique Radulphum monet, vt votum exe-
quatur; vt ad Cartusiam Gallie, aut Italie Turrem veniat non hortatur.

Secundo loco Aduersarius affert fragmentum historię Francicę, à Roberto rege vsque ad mortem Philippi, in hæc verba. *Hoc tempore tam in diuinâ, quam in humanâ philosophiâ, floruerunt Lanfrancus Cantuariensis Episcopus, Guido Longobardus, Maingardus Teutonicus, Bruno Remensis, qui postea vitam duxit eremiticam.* Et ipsis ita subiungit; *Hic nulla est mentio prodigij, quod Brunonem in eremum compulerit.* Tu sic reponere: omnino nulla est mentio istius prodigij. Sed quis præter Aduersarium cogitet esse debuisse, vt non existimetur fabula, ex veroque euenisse censeatur? Profectò, si quoniam dicitur de Brunone, quòd *floruit*, & quòd *vitam duxit eremiticam*, par fuit, vt prodigium etiam, quo in eremum actus est, diceretur, oportuit igitur quoque recitari disputationem ipsius cum Radulpho Viridi, ac Fulcio Monoculo, de rebus cœlestibus, periturisque mundi diuitiis; & multa alia tanti viri; atque vniuersam ferè seu in Cartusia, seu in Turre vitam, quæ singulari prodigio

omnis suppar est. Quid? nonne igitur Maingaudi saltem nonnulla, nonnulla Guïdoni, Lanfranci plurima, exaranda fuerunt? Profectò (vt alia taceam) cùm Lanfrancus in eo fragmento feratur Cantuariensis Episcopus, debuit etiam memorari arbor saltem Herluino visa, cùm ad Archiepiscopatum Cantuariensem vocabatur, quæ amplitudine ramorum, fructuum copiâ, & totâ specie portendebat eius egregia per omnem in Archiepiscopatu vitam facinora.

33

Tertius ab Aduersario, contra prodigium Parisiense, & ex eo secessum Brunonis in eremum, testis, est Guigo quintus Cartusiar prior in vita sancti Hugonis Episcopi Gratianopolitani, qui Brunonem & socios eremo Cartusiana excepit. *Tribus*, inquit Guigo, *nequm in episcopatu Gratianopolitano, post monasterij Casæ Dei redditum, completis annis ab Hugone, adest magister Bruno*, &c. Aduersarius istis ex Guigone verbis ita subiungit. *Et hic autor Cartusiana religionis incunabula describit, & minuta quæque diligentissimè persequitur, nec verbo tamen attingit illa duo, scilicet hominis prodigium in ferebro rediuiui, & ex eo Brunonis secessum in eremum, quo nullum maius est argumentum falsitatis.* Sed neque attingit vel vno verbo, seu exitum Remis à Brunone, ob peruersos Manassis Archiepiscopi mores; seu disputationem Brunonis cum Radulpho, & Fulcio, *de falsis oblectationibus, & periculis huius mundi diuitiis, necnon de perennis gloriæ gaudiis*: quorum alterum occasio, alterum causa fuit voti monachici, & conuersionis S. Brunonis. Iam quis tamen est, qui arbitretur istud Guigonis silentium, esse non magnum, sed modicum ac tenuè eorum falsitatis argumentum? Hugonis vitam, non Brunonis, prolixè scribendam Guigo suscepit: igitur & alia Brunonis, & omnia de Parisiensi prodigio tacet, quæ ad Hugonem non spectant. Vt autem non dubites, Brunonem de eo prodigio egisse cum Hugone, accipe Henricum de Kalkar, qui ante annum millesimum quadringentesimum, atque adeò Gersonis & Antonini tempora, *ex libris authenticis & testimoniis veridicis* ita scripsit: *Hugo igitur audito ab eis, id est Brunone & sociis, quod contigit Parisiis, sanctoque eorum proposito, ipsos gratanter suscepit.*

34

Pergit Aduersarius agere, grauissimâ testis quartæ autoritate. Profectò, inquit, Guibertus Nouigenti in pago Laudunenſi Abbas, libro de vita sua, docet odia peruersorum Manassis Archiepiscopi morum, causam fuisse, quæ Brunonem in eremum Cartusie impulerit; & rem ignorare non potuit, quem Brunonis supparem esse constat. Vt quid ergo fingitur triste illud ac funestum hominis rediuiui Parisiis prodigium, quod Brunonem & socios in eam adegerit? Ego autem fateor magnam in omni hac re deberi fidem Guiberto, utpote non suppari, sed prorsus pari Brunonis; scripsit enim gesta Dei per Francos, iam ætate maturus, anno millesimo centesimo nono, qui fuit octauus post mortem Brunonis. Verùm sanctè asseuero, nusquam docere illud peruersorum Manassis Archiepiscopi Remensis morum odium, fuisse causam quæ Brunonem in eremum impulerit. Sed neque potuit hoc docere. Bruno ad eremum adiit anno 1084. vt dicitur in fundatione Cartusie, quæ sic habet: *Terra Cartusie à magistro Brunone cepit inhabitari anno ab incarnatione Domini 1084. & Remis excellerat ante annum 1080.* vñ Manasses Remensis Archiepiscopus Hugoni Legato Apostolico vocanti ad Lugdunenſe Concilium, vt de criminiſus quoruſum accusabatur se purgaret, tradidit, respondens sibi

sibi conuenire cum omnibus accusatoribus, exceptis duobus, Brunone, & Pontio. Addidit enim hæc verba: Bruno nec noster est clericus, nec noster natus, nec renatus est; sed S. Cuniberti Colonienſis in regno Teutonicorum poſiti canonicus eſt, cuius ſocietatem non magnopere affectamus, vtpote de cuius vita & libertate penitus ignoramus; & quia quando apud nos fuit, &c. Igitur cum Bruno Remis, ob peruerſos Manaffis archiepiſcopi mores, abiſſerit ante annum 1060. & eremum Cartuſiæ adierit anno poſt octogefimum quarto, non exceſſit profeſſò Remis vt adiret eremum, neque Guibertus vſquam aſſeruerit, aut aſſerere potuit, illam acceſſiſſe, odiùs morum Manaffis. Quæ tradit, longè alia ſunt. Ait Brunonem conuerſionis initia naſcuntur eſſe, ex occasione improborum Manaffis Archiepiſcopi morum: quæ ſeu ad conuerſionem atque monachicum, vt ipſe Bruno in epiſtola ad Radulſum loquebatur, habitum, ſeu ad eremum Cartuſiæ commouerunt, illa non aſſert. Ecce viri verba: Bruno conuerſionis initia ex ſubieſta naſcuntur occasione dignoſcitur. Memorat duo de Brunone, conuerſionis initia, & conuerſionis initiorum occasionem. Pergit, & principio hanc occasionem exponit. Manaffes, inquit, poſt Gervafij ſamoſſimi Archiepiſcopi deceſſum (hic ille Gervafius eſt qui Remos Brunonem vocauerat ad Eccleſiæ magiſterium) Remorum regimini ſe intruſit, &c. huius peruerſi mores prorsus improbos & ſtupidiffimos habitus cum omnis horreret honeſtus, Bruno tunc in Eccleſiis Galliæ opinatiſſimus; cum aliis quibuſdam Remenſum clericorum nobilibus, inſanis illius odio reſceſſit ab vrbe, &c. eam, quod ſuadebat Nazianzenus oratione 43. etiam conſuetudinem quæ per aërem eſt, cum improbiſſimo homine deteſtatur: vtpote qui exploratum habebat faciliùs eſſe vitium contrahere, quemadmodum tradit idem beatus Doctor oratione 20. quàm virtutem impertire. Hactenus de occasione initiorum conuerſionis Brunonis dixit Guibertus. Excedit Remis Bruno propter improbos Manaffis Archiepiſcopi mores: ergone is exceſſus Remis, aut improba Manaffis vita, agit Brunonem ad conuerſionem morum, ſive monachicum habitum? Nequaquam. improbi mores Manaffis, faciunt vt Bruno Remis excedat, non vt aliud quid peragat. Sed Remis exceſſus hic, vt per ſe bonus eſt, vtpote qui ex odio vitij proficiſcitur, occasionem conuerſionis morum præbet Brunoni; aut potiùs, eſt ipſa conuerſionis morum caſio. Enimverò Deus illo ad ductus, maiora de Brunone cogitauit. Scilicet, vt habet Chryſoſtomus homilia octauâ in Acta; Qui paruum quidpiam bene egit, accipit adhortationem, vt ad maius perueniat. Sequitur in Guiberto: Bruno vrbe deſertâ, ſæculo etiam abrenuntiare propoſuit: Particula illa etiam videtur facere, vt hic ſit verborum iſtorum ſenſus. Cum Bruno Remis exceſſiſſet, maius aliquid ſuſcepit: qui vrbe exceſſerat, decreuit etiam, vouitque è ſæculo excedere. Hic non leuiter peccauit Aduerſarius. Vult Brunonem cogitaſſe de ſæculo deferendo, non poſt deſertam Remorum urbem, ſed ante Remis quàm excederet, contrâ quàm docet Guibertus. Remis, ſunt eius verba paginâ vigefimâ ſecundâ, in quodam hortulo, qui cuiuſdam viri, cognomento Ade, domui adiacebat, vouit abrenuntiationem ſæculi, habitâ, vt addit paginâ 36. cum Radulpho collatione de perituris mundi huius diuitiis, & perennis gloriæ gaudiis, ac emiſſo monachici habitus voto, conſilium excedendi vrbe cœpit, & urbem deſeruit. Verùm Guibertus tradit contraria: vrbe deſertâ (ſunt huius verba) ſæculo etiam abrenuntiare propoſuit vouitque, ſubaudi ex epiſtolâ S. Brunonis ad Radul-

35

phum, in hortulo adjacenti domui Ade, post disputationem de falsis oblectationibus, & perituris mundi huius diuitiis, necnon de perennis gloria gaudiis. Hæc ut subaudias moneo; ea Guibertus ne quidem significat: hoc vnum affert, voluisse abrenuntiare sæculo, postquam excessisset Remis; quæ ad id propoliti votique Brunonem egerunt, illa tacet omnia. Vides initia conuersionis Brunonis. Guibertus asserit eam cepisse, ex occasione excessus Remis, ob improbos Manassis Archiepiscopi mores, in cuius ecclesia erat scholarum Magister: quæ post memoratam occasionem, ipsum ad eam commouerunt, illa non dicit. Nam quid subiungat accipe. *Qui Bruno suorum notitiam horrens, ad Gratianopolitanum perrexit territorium, seu ad Cartusiam.* Igitur miror ego Aduersarium, virum acutum, sequentia subiungere verbis Guiberti, *Quæso te in hac bene longâ narratione Guiberti, quo loco verbum vnum de Luteria, &c. de doctore rediuiuo, &c.* Nam Guibertus recitat Brunonem initia conuersionis ex subiecta nactum occasione, & ipse aduertit eum tacuisse rediuiuum hominem, qui Parisiis ex feretro se horrenda voce exclamauit damnatum; & conuersionem ex superius recitatâ occasione, per pios cum Radulpho viridi & Fulcio Monoculo sermones conceptam, votoque firmatam meditantem, grande fuit, & omni oratione potentius, incitamentum ad vitam, longè asperius agendam in Cartusia, quàm cogitauerat iam voueratque. Placet exclamanti exclamationem reponere. Quæso te in hac bene longa narratione Guiberti, quo loco verbum vnum de hortulo adiacente domui Ade, de disputatione Brunonis cum Radulpho & Fulcio, de Romano itinere Fulcij, quod fecit, ut Bruno & Radulphus, statim ab emissio voto, non receperint habitum monachicum? Tu verò cur hæc igitur à Guiberto tacita non rejicis, qui asseris illa non habere veritatem, quoniam tacentur à Guiberto? Sed Guibertus, ut docui, occasionem ex qua Bruno nactus est conuersionis initia, dicendam sibi proposuit, non illas conuersionis causas: quæ igitur ab illo dici non debuerunt, & à nobis in ipsius oratione postulari non debent. Duæ fuerunt hæc, disputatio in hortulo adiacente domui Ade extra Remos loco ignoto, *de falsis oblectationibus & perituris mundi huius diuitiis, necnon de perennis gloria gaudiis*, cum Radulpho & Fulcio; horribiles Parisiis ac funesta hominis rediuiui voces è feretro, se accusatum, iudicatum, damnatum exclamantis. Prima illa fecit, ut Bruno vouerit cum Radulpho & Fulcio, conuersionem & habitum monachicum: secunda ista eum, de conuersione voto firmatâ cogitantem, compulit in Cartusiam, cum Lauduino, & quinque aliis sociis, omni sermone disputationeque potentius. Ut ergo primam, quæ Radulphum spectabat, sine secunda, quæ ad illum non pertinebat, posuit Bruno in sua ad ipsum epistolâ, ita Guibertus utramque tacuit, quia de causis conuersionis Brunonis dicere non proposuerat, sed de occasione, ad quam neutra earum pertinebat.

37 Quintus sequitur scriptor vitæ Brunonis, quæ summatim scripta legitur, in codice M S. statutorum, & consuetudinum Ordinis Cartusienfis. Sic habet. *Magister Bruno, &c. ecclesie Remensis canonicus, & scholarum Magister, relicto sæculo, eremum Cartusia fundauit, & rexit, sex annis; qui cogente Romano Pontifice Urbano, Romanam venit ad curiam.* Hæc, neque plura, de Brunone, ad illud vsque temporis, quo ab Urbano pontifice vocatus Romam iuit, sunt in illo codice. Quid ergo visum est Aduersario, sequentia iis subiungere,

Hic

Hic mentio nulla mortui, & qui solennes inter exequias damnatum se esse responderit; aut huiusce portenti, quod Brunonem in eremum impulerit. Si quoniam scriptor vitæ Brunonis iste, non facit mentionem siue mortui, siue prodigij de quo agimus, Aduersario visum est ponere illud in fabulis, necesse est, vt in iisdem reponamus votum conuersionis à Brunone, Radulpho, & Fulcio, conceptum in hortulo adiacente domui Ade, & alia huiusmodi, quæ vniuersa tacet, facta ante secessum Brunonis in Cartusiam. Sed hic vnuni prætermittere non possum. Aduersarius sic loquitur in titulo istius testimonij: *Quintum testimonium Ordinis Cartusianorum.* Cur autem ita loquatur statim exponit. Hic vocamus Ordinis Cartusianorum testimonium, quod ducimus ex veteri MS. codice statutorum, & Consuetudinum Ordinis, vbi vita Brunonis, & quatuor consequentium Cartusie Priorum summam exaratur. Sed nemo nescit huiusmodi additamenta ad statuta, seu regulas religiosorum Ordinum, non ab ipso Ordine conscribi, edite, verum non sine consensu & approbatione ipsius fieri, sicuti cetera de quibuscunq; aliis rebus volumina; & proprio nutu ac nomine ab illo compingi, qui statuta & regulas in lucem edit. Hæc igitur vita Brunonis, breuiter atque summam conscripta, vt aliquando statutis & consuetudinibus Guigonis Cartusie Prioris quinti adiuncta fuit, ita ad nouam collectionem non est adhibita.

Sextum testimonium Aduersarius accepit, ex chronico Mauriniacensi, libro secundo. Ecce chronici verba. *Fuerunt & letitie, & admirationi, ad id negotiorum pertinentes, excellentissimorum eremitarum Cartusienisum literæ, quæ per quandam venerabilem abbatem de Ordine Cisterciensi delatæ, & in Concilio per Gaufridum Carnotensem episcopum recitatæ sunt. Erant autem Cartusienfes, in iugis Alpium angelicam vitam ducentes, supereminetissima religionis, & incomparabilis auctoritatis.* An hoc testimonium pertineat ad rem, de qua nunc agimus, auctorque ipsius, suo testetur silentio, nunquam extitisse illud rediuiui prodigium hominis, viderint alij. Abs dubio ne vni quidem mortalium veniet in mentem, quod seu res, de qua in concilio, chronicoue agebatur, seu orationis series, postulabat, vt de illo diceretur.

Septimus testis inducitur S. Bernardus. *Ad Priorem & fratres de Monte Dei,* inquit Aduersarius, *scripsit S. Bernardus epistolam in qua docet apprimè, non ignorare se, quæ & qualis esset Cartusianorum religio: neque tamen in hac epistola, nec vsquam alibi, testatur se legisse, vel audiuisse, quæ de causa secessus sancti Brunonis in eremum dicuntur.* Hæc ille, qui debuit docere, S. Bernardum non potuisse aliquando pro re, de qua sibi loquendum susceperat, tacere prodigium Parisiense, quod compulit Brunonem in eremum; aut tanti vici silentium non afferre in negationis argumentum. Nam sicuti Bernardus, prodigium hoc nusquam retulit, ita etiam tacuit alia plurima, de alijs suorum temporum sanctis viris, & conuersionis monachique votum à Brunone emissum, & Remis excessum ob improbos Manassis Archiepiscopi mores, & vniuersam cum Radulpho & Fulcio disputationem, quæ Brunonis animum à rebus terrenis auulsam, ad cœlestes, atque diuinis sustulerunt. Quot sermones pios, pergit Aduersarius, *habuit Bernardus, quot tractatus sacros edidit, quot religiosas meditationes composuit, in quibus laudasset illud prodigium, si contigisset.* Verum hæc verba non magis docent prodigium Parisiense, quod legimus, nunquam extitisse, quàm innumera alia, quæ cum vetissima sint, & à Bernardo potuerint

tuerint inferi sermonibus piis, tractatibus sacris, religiosis meditationibus, nunquam tamen ab eo usurpata sunt; atque illud maximè, quod Ioannes Cluniacensis Monachus, in vitâ sancti Odonis Cluniacensis abbatis, refert de Eutycio rediuiuo, & loquente è feretro, vt postea videbimus.

40

Octauo loco Aduersarius à se assert Petrum venerabilem. *Hic vir præ ceteris* (sunt eius voces) *Cartusianorum originem declarauit, libro 2. de miraculis capite octauo & vigesimo. In primis statuit miracula, quæ suo tempore vbiuis contigerant, literis consignare. Deinde singula miracula, quæ suis usurpauerat oculis, vel quæ ab hominibus fide dignis acceperat, duobus libris comprehendit. Tum ad secundi libri calcem, Cartusiana religionis initium, statuta, & mores, vberiore oratione depingit. Quin etiam dolere plurimum testatur, quòd plura non possit referre miracula, quæ suo tempore passim in Gallis facta commemorat, & inter ea, quæ de prima Cartusianorum origine, & miraculis, disserit, stupenda Parisiensis mortui narratio desideratur. Ita, vt prolixa sint, placuit afferre verbatim ex Aduersario, vt ea me non improbare intelligas. Iam vide quid ipsis subiungat. Sed cum desideretur, euidenter apparet in fabulis habendam illam narrationem, & quidquid illi superstruitur. Papæ: quàm confidenter pronuntiat. Ante ipsum Papirius Massonus libro primo Annalium in Philippo primo rege Francorum, illam in Petro desiderari notauerat, notauerat etiam Petauius in rationatio temporum libro octauo parte prima capite decimo nono: Neuter tamen, quod Aduersario subiungere placuit, addiderat. Nec immeritò. Nam si ex eo silentio euidenter apparet narrationem illam in fabulis habendam esse, nã omnino cæcus ego sum, qui quod euident est, non possum in media luce contueri ac perspicere, cæci omnes à Petro ad hanc diem Cartusiani, cæci mortales vniuersi, qui historiam esse illam contendunt, non fabulam: vnus oculus est Aduersarius, cui datum est vni hoc euidenter contueri. Si ei liceat ex Petri venerabilis silentio ita proloqui, licebit etiam nobis, puto, ex eiusdem silentio, plurima non minùs stupenda quæ illius tempore euenerunt, ponere in fabulis. Vt alia taceam innumera, S. Bernardus & S. Norbertus eodem cum Petro viuebant tempore, ipsorum tamen instituta vniuersa, vniuersa miracula, vt Aduersarij verbis utar, silentio pressit Petrus. Maius aliquid accipe. Quamplurima Odo, Hugo, Odilo, Maiolus, Cluniacenses abbates; quamplurima Cluniacenses monachi per Galliam, Italiam, aliasque regiones, peregerunt, quæ admirabilitatis plenissima mortalium meritam admirationem habent. Illorum tamen omnia Petrus tacuit. Quæ tanti, & vt cum Aduersario de antiquorum scriptorum, super horrendis & feralibus hominis Luteriæ rediuiui vocibus loquente, rursum dicam, *ad cò contumacis silentij causa*? Cùm illas ipse attulerit, fatebitur non dispares fecisse, vt de prodigio Parisiensis etiam taceret. Certè iniquus erit, qui asseret hoc euidenter ex isto silentio habendum in fabulis, si non etiam asseueret cetera quæ, à me enumerata, reticentur à Petro, habenda in fabulis.*

41

Nonus ordine testis est Aduersarij Petrus Cellensis, atque decimus Ioannes Sarisberienensis, episcopi ante annum à millesimo ducentesimo Canonicenses. Hi ambo nusquam referunt prodigium Parisiense quod loquimur, multa tamen non vno loco habent de Cartusianis, Petrus quidem libro primo epistolâ vigesimâ terciâ, & libro sexto epistolâ decimâ terciâ; Ioannes autem libro septimo de nugis curialium, capitebus vigesimo primo & trigesimo tercio.

tertio. Hinc Aduersarius colligit ignotum vtrique fuisse, atque adeò fictum; id enim illud est, quod ex ceterorum scriptorum, quos laudat, silentio, deduci debere contendit. Quis non mirabitur virum eruditum ista sentire, adeò aliena ab omni ratiocinandi genere? Nos igitur etiam vniuersi, dicemur & hoc prodigium, & ex eo secessum Brunonis in eremum seu ignorasse, seu negasse, si quid de Brunone, aut Cartusianis scribamus, vtrumque tacentes; neque nobis licebit (vt hoc afferam) Brunonem ceret, aut in Ordinum regularium inuentoribus, aut in sanctis censere, sine vtriusque eiusdem additamento. Miraris? Historicus ille, quem Aduersarius in secundum testem attulit, dictus est vtrumque negare, quia Brunonem, sine eo additamento, scripsit, *floruisse tam in diuinâ, quam in humanâ philosophiâ, & postea vitam duxisse eremiticam*. Proh non insolens, sed inauditum (nolo grauius aliquid dicere) ratiocinandi genus! Nam cur nobis liceat, quod antiquioribus non licuit? sed ad vndecimū Aduersarij testem accedamus. Petrus Blefensis ille est.

42

Hic vir, non Cartusianum Ordinem & eius instituta (vt voluit Aduersarius) epistolâ tertiâ & octogesiâ ad magistrum Alexandrum Monachum describit, sed Alexandrum grauitè increpat, quòd è Cartusiâ in sæculum reuerti meditetur. Ad illum scribit sequentia de Cartusianorum Ordine. *Ibi sanè inueneras locum paupertatis, secretum solitudinis, pacem animæ, contemplationis arcanum, gaudium in Spiritu sancto, munus salutis &c.* De Cartusiâ verò pergit, dicens: *Domus Cartusensis, & locus habitationis illius, situs est in montibus & scopulis, & in petris; vt sit potius habitatio angelorum, quàm hominū, addandam Altissimo pacem confessionis & laudis, sicut scriptum est, super ea volucres cæli habitabunt, de medio petrarum dabunt voces. Sedet columba, nidificat in foraminibus petre: & vir prudens ædificat domum suam supra petram, vbi nec maris fluctus, nec ventus turbinis, nec pluuiarum inundatio, nec alluuio formidatur. Verè terribilis est locus iste, nec hic aliud nisi domus Dei.* Ista Petrus Blefensis piè, sapienter, verè. Quid autem ea faciunt, vt intelligamus sensisse, nunquam hominem fuisse Parisiis, qui rediuius exclamauerit è feretro, se damnatum æternis ignibus; neque Brunonem tristi, fœdòque, ac ferali prodigio grauius commotum secessisse in eremum? Inquires cum Aduersario. *Hac in epistolâ potuisset inijci sermo de eo prodigio, si quæ de eo nunc temporis dicuntur, tunc dicta fuissent.* Potuisset? omnino, respondebis. Sed quàm multa potuissent præterea in illam epistolam inijci? Ergone ipsorum quoque silentium suadebit tibi, vt ea arbitreris nunquam fuisse. Dici debuit, inijciendum fuisse hoc prodigium à Blefensi in epistolam suam, non autem inijci potuisse.

43

Duodecimo loco Aduersarius, sententiæ suæ testem affert, Gaufridum Volsensem Priorem, quasi negauerit silentio suo prodigium Parisiense, quod tacuit capite quarto chronici. Accipe illius verba. *Ordo Cartusienus sanctissimus incepit per Brunonem virum sanctum, natione Alemannum, de Colonia Agripinâ, magistrum in Theologiâ, cum sex aliis venerabilibus viris in diœcesi Gratianopolitaniensi.* Gaufrido placet subiungere septem alios scriptores, qui habent ei paria. Igitur quartodecimo loco sequitur Ioannes Bronto, in chronico ad annum millesimum septuagesimum septimum. *Circa hæc tempora, inquit, Ordo Cartusienus incepit sub Brunone, &c. hic relicto sæculo, eremum Cartusie, circa festum beati Ioannis primò fundauit, & rexit septem annis.* Decimo septimo Sigibertus ad annum millesimum octogesiâ; atque vigesimo secundo, Adam in floribus MS; ac vigesimo primo, Antislodorensis monachus

D in

in chronico ad annum millesimum octogesimum primum; & vigesimo tercio, Vincentius Bellouacensis in speculo historiali, libro vigesimo sexto capite vigesimo octauo; omnes iisdem verbis, scilicet à Sigiberto antiquiore, pro illorum temporum communissimo more, acceptis, Bruno, &c. inquirunt, *relieto seculo Eremum Cartusie fundat*. Vigesimo quarto Chronologus S. Martini Turonensis M. S. hæc habet: *Anno millesimo octogesimo sexto, incipit ordo Cartusie tali modo. S. Hugo Gratianopolitanus, vidit per somnium, in solitudine Cartusie, D. Iesum Christum quoddam confirmantem; septem etiam stellas, ducatum itineris sibi præstantes. Nec mora, ad ipsum episcopum veniunt septem viri qui vno desiderio locum eremitice vite querebant, nec adhuc repererant, quorum primus fuit magister Bruno*. Vigesimo septimo Ioannes Fraquetus in chronico, iisdem ferè verbis cum Chronologo Turonensi citato, ita scripsit. *Hugo vidit per somnium Dominum in solitudine Cartusie, sue dignationis habitaculum construentem; stellas etiam septem, ducatum sibi præstantes itineris: & ecce sanctitatis odore tracti venerunt septem viri, qui omnes vno desiderio succensi, locum eremitice vite congruum querebant, necdumque repererant*. Prætermitto vigesimum nonum Ioannem à sancto Victore, quoniam habet omnia ferè verba eadem cum Fraqueto, nisi quod nonnulla de Cartusianorum moribus adiungit ab eo tacita. Iam Aduersarius verbis Gaufredi à me allatis subiungit sequentia:

44

Prodigium Parisiense Gaufredus tacuit, quia illud otiosi homines nondum inuenerant. Ioannis autem à sancto Victore verbis ita subiicit: Ioannes Victorinus multa de Cartusianorum primordiis & moribus scripsit, sed de homine Parisiensi, qui publicas inter exequias damnatum se esse maximè ter voce pronuntiauit, nihil scribit, quia ex maiorum libris, atque ex omni traditione, de tali prodigio nihil habuit quod scriberet. Quæ de duobus istis scriptoribus dicit, existimandus est sensisse de aliis septem. Vt vera sentiret pronuntiaretque, debuit omnino addere, quòd res de quibus dicere instituerant, postulabant recitationem istius prodigij. Verùm seu initia, seu mores Cartusianorum memorare suscepant, non causas, quæ Brunonem & socios compulerunt ad danda suo Ordini initia illa, constituendos mores illos. Nullus ergo ipsorum affert peruersos Manassis Archiepiscopi Remensis mores, nullus Brunonis excessum Remis ob eos, nullus disputationem de terrenis diuinisque rebus eiusdem Brunonis cum Radulpho & Fulcio, votumque conuersionis & habitus monachici. Hæc verò, prima fuerunt incitamenta Brunonis ad piam in monasterio vitam, aut ad fugiendum seculum occasio, quæ tamen Aduersarius non habet in fabulis.

45

Decimus tertio silentio suo inficiatur prodigij Parisiensis, inducitur ab Aduersario, Petrus Cantor Parisiensis in verbo abbreviato capite vigesimo octauo. *Si sanctus Ordo Cartusensium in holocaustum (sunt eius verba) hic etiam oblatores Dei, à labe mundi per abstinentiam, & macerationem carnis purgatorum, & iam volantium super pennas ventorum, non nisi in festis, & profectis spiritali officio institutis audet conficere, quomodo tu peccator sacerdos, intrepidus audes tam sancta irreuerenter tractare?* Hæc, neque plura Petrus Cantor. In iis, ne vna quidem vox est de homine Parisiensi rediuiuo, & ex illius horrendis vocibus secessu Brunonis in Eremum? omnino. Igitur, inquires, hoc vtrumque ignorauit Petrus. Id ex illo silentio sequi nego. Putasne tu nihil aliud de Cartusianis nouisse, quàm illud quod retulic? Sed hoc vtrumque Petrus ignorauerit, per me licet. Ergone quod ignotum ei erat, ceteris etiam mor-

talibus

talibus tum fuit ignotum, neque vnquam euēnit? Proh acutum ratiocinandi genus! Tædet pergere in re apertâ, vocēque frustra consumere. Cùm autem ceteri scriptores, qui in Aduersarij libro sequuntur, non negent rem de qua disputatio instituta est; sed ab eo ferantur negare, quia cùm aliquid aliud de Cartusianis referant, neutrum horum recitant; profectò neque facit ad vllus vsus, & minùs decet, vt qui plurimos parium rerum auctores hæcenus retuli, ipsarum quoque verba recitem. Satis erit eorum orationis argumentum proponere.

Decimus quintus est scriptor vitæ S. Godefridi Ambianensis Episcopi, qui libro tertio capite octauo meminit solitudinis, silentij, & ieiunij Cartusianorum. Decimus sextus non pauca adiungit de illorum moribus: is est Iacobus de Vitriaco capite decimo octauo historię Occidentalis. Decimus octauus Robertus de monte, continuator Sigiberti: adiungit ipse nonnulla alia. Decimus nonus Malleacensis Chronographus, postquam dixisset Fulbertum Carnotensem Episcopum, à Gerberto edoctum fuisse, & Berengarium à Fulberto, atque Brunonem à Berengario, hæc adiunxit: *Bruno quidem perfectus philosophus, monachus, & eremita, apud Calabriam multorum monachorum pater, obiit in Christo.* Vigésimus Robertus de Corceon in summa M. S. capite 17. disserit de numero Cartusianorum in vno & eodem monasterio. Vigésimus quintus Hugo Cardinalis, ad caput sextum epistolæ primæ ad Corinthios disputat de Cartusianorum in iudicio litibus. Vigésimus sextus Humbertus Prædicatorum Magister Generalis, sermone quarto & vigésimo plurima de variis Cartusianorum consuetudinibus disserit. Denique octauus & vigésimus Guilelmus de Nangiaco, in chronico M. S. ad annum secundum & trigésimum à millesimo centesimo, docet Cartusianos præ cæteris Ordinibus religiosi pesti auaritia terminos posuisse, & in cellis suis ferè morari.

Atque hæcenus scriptores, quos Aduersarius attulit ad nouem & viginti, vt ex ipsorum silentio de homine Parisiis rediuiuo, & cùm funus curabatur, se accusatum, iudicatum, damnatum feraliter exclamante, comprobaret id prodigij ignoratum illorum temporibus, ignoratum etiã ex ipso factum esse, vt Bruno secederet in eremum; ac proinde vtrumque in fabulis habendum. Sed quàm multùm falsus fuerit, intelligitur ex illis quæ in superioribus docui. Et verò non asserendi sunt negasse quod tacebant; id enim tacebant, de quo pro re propositâ, sermonisque serie non debebant scribere. Aliquibus fuit satis Brunonem de nomine appellare; alijs tradere quòd inuenerit Cartusianorum Ordinem, aut tempus quo floruit recitare. Addiderunt ceteri consuetudines, mores, statuta nonnulla quæ vel ipse, vel ab ipso Priores Cartusix, aut Generales Priorum conuentus, in eundem Ordinem inuexere. His profectò rebus non inseruerunt sapientes viri prodigium illud, quo ad eremum Bruno adactus est: neque scilicet conueniebat vt insererent. Enimvero non omnia omnibus locis scribenda sunt. Qui id susceperunt, vt aut omnia Brunonis, aut ab ipsis initiis secessum à sæculo in eremum, fusè ac prolixè edissererent, illi hoc vtrumque etiã debuerunt mandare litetis; & omnino mandauerunt, Franciscus à pureo, Petrus Bloëmenuenna, Petrus Sutor, Laurentius Surius, & alij à me in superioribus nominati.

48

At, inquires, isti scriptores vniuersi, sunt pro vtriusque rei antiquitate recentes: nullus illorum scripsit statim à morte Brunonis, nullus annis ab ea centum, nullus ducentis, aut trecentis; omnes post annos ab ea quadringentos. Hoc fateor. Verùm age, quis secundum mortem Brunonis, vel sociorum, aut statim post eorum discipulos; quis post eos ducentis, aut trecentis annis id sibi accepit, vt de Brunonis vitâ moribûsque, singula copiosè & abundanter persequeretur? vnus certè afferatur, qui id suscepit: ipse si prodigium Parisiense tacuerit, aut ex eo secessum Brunonis in eremum Cartusiae, fatebor neutrum euenisse. Hoc illud silentium est, è quo debuit, si poterat, Aduersarius contendere vtrumque in fabulis habendum esse. Igitur aliquando venit in mentem mirari tardiùs factum, vt scriptores fusè disputarent de omni Brunonis vitâ. Sed Cartusiani soli poterant de vniuersâ, cum ipsis scilicet actâ in eremo, scribere. Quàm verò non tardi, sed inuitis suppare, descenderint ad libros edendos scribendosve, de vitâ non Brunonis parentis, sed sanctorum sui Ordinis ceterorum virorum, hinc intelligis, quòd Guigo quintus prior Cartusiae, adigendus fuit mandato summi pontificis, ad scribendum de vitâ S. Hugonis Episcopi Gratianopolitani, qui cum Cartusianis multus ab ipsorum origine, & fere totus fuerat. Petrus Cluniacensis, libro secundo miraculorum capite vigesimo nono, sequentia quoque scripsit. *Multa quidem in illo sacro Ordine Cartusiensium miracula contigisse à pluribus accepi, sed ipsi humilitatis virtute, quâ semper serui Dei miranda opera sua, quanto possunt visu occultant, vix aliquid ex his proderet seu libris scriptis, seu voce voluerunt.* Vide quantâ confidentiâ hoc proloquor. Tantùm abest, vt antiquissimis illis temporibus Cartusiani cogitauerint scribere prolixè de vita Brunonis, eiusque mores & gesta in vulgus edere, cùm Deus plurima per ipsum supra omnem naturæ vim prodigia perpetrare virgeret, vix aliquando denique, post annos ab eius morte quadringentos, cogitauerunt de curanda ipsius veneratione publicâ Leone decimo pontifice; & proinde etiam edendis libris de vniuersâ eius vitâ, quam à maioribus sparsim variis in chartis positam acceperant. Quem enim Deus, per innumera toto orbe miracula, omnium ferè hominum linguis prædicabat, de illo tacere non ampliùs poterunt: docueruntque mortales, quis Bruno ille esset, cuius munificentissimam manum ope quotidianâ sentiebant, quam egisset olim vitam, quo prodigio, cum sociis sex, in deuiam, & solis notam animantibus feris eremum adactus fuisset. Abiectio quippe sui ipsius, & quam in superioribus laudabat Petrus Cluniacensis, demissio non fecerat, quin antiquissimis illis temporibus illa de Brunone, Brunonisque sociis & discipulis, atque sociorum & discipulorum sequacibus, clari sapientia & virtute viri scriberent, suisque legenda & scribenda concederent, quæ volebant in vulgus edere. Ea scilicet, quæ seu maiores sapienter sanctèque gesserunt, seu Deus ad ipsorum illustrandam memoriam magno prodigio perfecit, habent pondus ingens ad corroborandum, obfirmandumque, posterorum animum in susceptâ ex illorum æmulatione vitâ. Guilelmus igitur de Elbura (de Yporegia etiam vocant) docens quos in vsus scripti essent Carnasianorum libri, quos non edebant in lucem, sic de illorum vno loquitur, *non negligat ipsum ad edificationem scribere, vel legere, vel audire.* Quoniam autem huc dicendo deuèni, non omnino nullus erit operæ fructus, si vnum aliquid afferam de istiusmodi

49

modi libris. Aduerto pluribus datum esse nomen chronici. In præfatione chronici Priorum Cartusie, quod definit in Elisario seu Elzeatio Grimoaldi ante annos trecentos scripta sic legitur : *Primi quinque priores, Bruno, Lau-
duinus, Petrus Francus, Ioannes, Guigo, in pluribus chronicis inueniuntur.* Quæ feruntur hæc chronica, nunquam perueniunt ad lucem publicam; in quo enim editorum legitur Petrus Francus Priorum tertius, aut Ioannes quartus : à Cartusianis verò ipsis scripta fuisse ego quidem non dubito. Et verò qui alij de ipsis scribere voluerint, & vt maximè voluissent, potuerint, degentibus, longè ab omni ceterorum mortalium congressu, in auis & asperis locis ? Vocabant autem chronica, quoniam vt in editis factum vide-
mus chronicis, res in illis digestæ erant per sua tempora. Nonnullis verò ita placuit nomen hoc, vt chronicum etiam dixerint librum, cui ipse autor longè aliud imposuerat nomen. Legi ego codicem scriptum manu, mole exiguum, rebus quas complectitur oppidò magnum & illustrem. Autor ignotus est. Quicumque fuerit, videtur scripsisse Basilio Cartusie octauo Priore, qui cepit sedere anno primo & quinquagesimo post millesimum centesimum. Principio vocauere tractatum, seu narrationem historie inchoatio-
nis, & promotionis Ordinis Cartusienfis. Neque iniuria vocauere, duas enim diuiditur in partes, quarum prima habet inchoationem Ordinis, secunda Brunonem, & à Brunone Priores quatuor, qui Ordinem promouerunt. Quia posterior hæc pars, istos Priores habet suo positos ordine, nonnulli deinde totum ipsum tractatum appellauerunt chronica; sed ista dicta sint hæcenus.

Iam vt redeam ad scriptores de Brunonis vita, Franciscus de Puteo, Petrus Sutor, Petrus Bloëmenuenna, & alij quos Aduersarius per contemptum recentiores appellat, acceperunt vniuersam dicendorum de Brunone segetem, ex antiquissimis illis seu chronicis, seu tractatibus, chartisque, ac libris, ad magnos sociorum vsus conscriptis à viris fidè, sapientiæque claris & illustribus. In illis ego quidem repono numerum annorum in Cartusia Gallie, & in Turri Italie ductorum, secessum in eremum Cartusie ex prodigio rediui Lutetie hominis, & non pauca alia, quæ in voluminibus ante ipsos editis non leguntur. Vt autem de hoc vno secessu nunc agam, de quo vno à me instituta est disputatio, inuenio Cartusianos omnino quinque (alius quis accuratior fortassis plures inueniet) de ipso scripsisse ante Gersonem Antonino superiorem. Illorum recentissimus scribebat anno millesimo trecentesimo nonagesimo octauo : huic ætate suppar, anno inter octogesimum tertium & nonagesimum primum incerto post millesimum trecentesium : vtroque antiquior, anno millesimo trecentesimo decimo tertio : ante istum alius millesimo ducentesimo nonagesimo octauo : antiquissimus demum non bene certo quidem tempore, sed, vt videtur, Priore magnò illo Basilio, qui cepit sedere anno millesimo centesimo quinquagesimo primo, & post S. Brunonis mortem quinquagesimo, prioratuique immortalis est millesimo centesimo septuagesimo tertio. Itaque non fallitur, qui dicit nostris etiam temporibus, post multa quæ Cartusiam euerterunt incendia, postque multas, siue ab hæreticorum turbis, siue à militum per bella rapinis, tota Europa clades, superesse libros ineditos, superesse chartas, plurimis, ac centum etiam, ducentisque, & trecentis, aut circiter, ante Gersonem Antonino vetustiore, annis scriptas à Cartusianis, qui secessum S. Brunonis in ere-

num, repetant ex feralibus hominis Lutetiae rediuiui è feretro vocibus. Placet singulos à recentissimo afferre, per inuersum seu retrogradum ordinem annorum, quibus scripserunt.

- 51 Henricus de Kalkar recentissimus illorum est. Hic vir natus anno millesimo trecentesimo vigesimo octauo, mortuus millesimo quadringentesimo octauo, scripsit trecentesimo nonagesimo octauo post millesimum, de Ordine Cartusiano librum, seu *de ortu & progressu Ordinis Cartusienfis*. In eo libro paginâ mihi secundâ sic legitur. *De illo quadriduano mortuo, qui factis pro se vnâ die funeralibus, secundâ die sepeliendus ad iussum se Dei iudicium vocatum, tertiâ iudicatum, quartâ clamauit damnatum, prout hoc apud Cartusienfes cõmuniter videtur scriptum, &c.* Antè vltà quàm pergo, placet vnum aduertere. Vt Henricus asserat prodigium hoc haberi scriptum communiter apud Cartusianos, possitque adeò dicti quòd illud recitauerit ex communissimo apud Cartusianos per vniuersum orbem scripto, tamen in consequentibus asserit & antiquissima, & ab illo, quod apud Cartusianos communiter legebatur, scripto diuersa, è quibus ipsum etiam accepisse dicendus est. Primum ita pergit paginâ octauâ. *Bruno data sibi benedictione per Papam Urbanum adiit Calabriam, vbi & euangelizans illis partibus sententiam damnationis, quam audiuit Parisiis, Dei dono multos conuertit; ex quibus tandem congregationem sanctam, sicut in Cartusâ, in eremo cui nomen Turris, instituit: fecit & aduentantibus, verbis & factis, saepe monita salubria, & signa solatiofa satis, prout ibidem habetur in scriptis.* Cùm Henricus ita loquatur, potest quoque asseri ea quæ modò recitauit de prodigio Parisiensi, accepisse ex scriptis quæ Cartusiani antè ad Cistercienses Turri in Calabria quàm deficerent, scripserant de Brunonis in Calabriam aduentu, mora, morte, factis denique & moribus. Secundùm pagina quadragesima octaua Henricus concludit opus suum istis verbis. *Hec paucula inter, & post multa, quæ adhuc Cartusienfes habent de Ordine suo scripta, & ego scripsi pro caritate fraternâ ex libris autenticis, testimoniis veridicis, & experientiis propriis, quippe qui Prior sui, licet indignus, diu, & in diuersis domibus.* Loquitur de vniuersis, quæ toto libro super Cartusianorum ortu & progressu docuit; hæc enim duò sunt de quibus dicendum sibi accepit. Et quidem illius progressum potuit, & ex libris autenticis, & ex testimoniis veridicis, & ex ipsa experientia ducere pro rebus, earumque varietate; alias enim ex testimoniis, alias ex libris, non paucas ab experientia accepisse nihil vetat. Ortum autem, ac proinde prodigium Parisiense, & ex eo Brunonis accessum ad eremum, cùm non potuerit experientiâ consequi trecentis annis & quod excurrit ab eo natus, dicendus est hausisse ex libris autenticis, aut ex testimoniis veridicis, nisi velimus ab his & illis sumpsisse.
- 53 Sed quos libros appellauit autenticos, quæ testimonia veridica? Existimo ego locutum libris à testimoniis diuersos, & autenticum à veridico distinxisse. Certè qui experientiam, vt tertium quid videtur ab vtroque separasse, cur negabimus duorum aliorum alterum, cum altero non confudisse? Testimonia cùm appellet veridica, abs dubio possunt dici quæ testes voce ferunt, & certè multa de progressu Ordinis Cartusiani, quæ in superioribus retulit, ad Henricum voce testium peruenerant: nihil tamen vetat addere, hic nomine testimoniorum comprehendi, quæ testium scripto feruntur; scriptores enim, vt manu suam mentem sensuque ponant in chartis, vulgò tamen asserimus

asserimus dicere & loqui. Atque hæc testimonia, ego quidem putabam pro re fuisse, alia publica, priuata alia. Illa Henrici temporibus appellabantur etiam testamenta, & in Pandeſtis libro 43. tit. 1. vocantur testationes. Vtrotque dicebant nomine à testibus obſignatis; chartæque sunt seu tabula, testium obſignatione firmata: Iam libros dixit, quos etiam sermone vulgari vocamus libros, suntque longiores, & pluribus tenduntur paginis. Autentici sunt, quorum autor facit fidem per se, suæque auctoritate ac dignitate. Cum hæc ita habeant, Henricusque asserat, ea, quæ in superioribus de Ordine suo protulit, se accepisse *ex libris authenticis & testimoniis veridicis*, negari non potest, quod asseueret prodigium hominis rediuiui Parisiis, se accepisse ex veris certisque seu libris, seu chartis, aut etiam ex vtriusque. Hæc omnia idcirco attuli, vt non dubites, cum Henricum refero testem rei quam edidiero, me non tam ipsum laudare, qui anno millesimo trecentesimo nonagesimo octauo scripsit, quàm aut Brunonem sociòſue, qui interfuerunt illi; aut seu Brunonis seu Sociorum discipulos, ab ipsis qui interfuerant, vniuersam edoctos, seu Turre scripserint, seu Cartusie, aliòve in loco: hi enim vni, fidem facere per se possunt, rei coram Brunone, & à Brunone, ac sociis gesta.

54

Henrico de Kalkar fuit ætate suppar, aut etiam fortasse par, Chronologus Priorum Cartusie. Scribebat is post mortem Amedei Viridis Comitis Sabaudie, ex paginâ mihi quinquagesimâ sextâ, *Amedeus Comes Sabaudie mortuus fuit in transitu Ducis Andegauensis in Apuliam; & ante mortem Amedei quem Viridis genuerat, ex paginâ sequente, vbi hæc scripta sunt: In breui exaudita est oratio Ioannis Birelli Prioris Cartusie, & conuentus atque Amedeus Viridis Comes Sabaudie, filium de vxore, qua sterilis putabatur, suscepit, qui etiam Amedeus Vocatus, nunc Comes Sabaudie est effectus.* De morte autem vtriusque Comitis Amedei, scholium marginale mei codicis ita habet: *Viridis obiit anno millesimo trecentesimo octogesimo tertio pridie Martij, ait charta eiusdem anni: Eius filius obiit secundâ Nouembris anno millesimo trecentesimo nonagesimo primo, ex charta capitulari anni sequentis.* Igitur hic Chronologus scribebat post annum millesimum trecentesium, inter octogesium tertium, & nonagesimum primum. Is cum docet quâ occasione capit Ordo Cartusensium sic loquitur. *Qui mortuus videbatur & erat, eleuato capite resedit in feretro, ac omnibus audientibus alia & terribili voce clamauit, Iusto Dei iudicio accusatus sum: & hoc dicto caput deposuit, & decubuit mortuus sicut prius, &c. Defunctus, sicut prius, eleuato capite, dolorosa ac terribili voce insonuit, Iusto Dei iudicio iudicatus sum, &c. Iam tertio altissimo & mastissimo clamore personauit, Iusto Dei iudicio condemnatus sum, &c. Erat ibi magister Bruno.*

55.

Guilhelmus de Ellura, siue de Yporegia (his enim duobus nominibus appellatum inuenio) scripsit decimo tertio post millesimum trecentesium, de origine & veritate perfecta, id est, Cartusianæ religionis librum doctum, & elegantem. Vt doceret originem, & initia religionis huius, nihil quidem de suo composuit, sed librum orsus est ab libello, seu tractatu, aut narratione historiae inchoationis & promotionis Ordinis Cartusensis, ad cuius lectionem, auditionem, scriptionem, postea lectorem sui operis hortatur. Iam in isto tractatu habetur omnis historia prodigij Parisiensis, de quo disputamus. Quoniam puto scriptum Basilio Priore Cartusie, qui cepit sedere anno quinquagesimo primo post millesimum centesimum, seu quinquagesimo post mortem

mortem Brunonis, de hac re dicam postea. Nunc placuit ista afferre, ut videas tractatum istum Guilermo probatum fuisse, & prodigium proinde etiam Parisiense, de quo nunc sermo est.

56

Cartusianus Maioreuensis tractatum breuissimum scripsit cum hoc titulo, *Quomodo Ordo Cartusienfis sumpsit exordium*. In eo sequentia verbatim continentur. *Ventum est ad hoc, ut defuncti corpus poni deberet in sepulchro. Circumstantibus igitur clericis, qui defunctus erat clamauit, dicens: Iusto Dei iudicio accusatus sum, &c. Sequenti igitur die, &c. iterum clamauit mortuus, & ait, Iusto Dei iudicio iudicatus sum, &c. Sequenti die, &c. iterum clamauit, Iusto Dei iudicio condemnatus sum, &c. Erat autem tunc temporis quidam magister in Theologia, nomine Bruno, magna sanctitatis, &c. Ipso sancto viro Hugone episcopo Gratianopolitano iuuantē ceperunt edificare primam domum Cartusienfis Ordinis, quae domus Cartusia vero nomine nuncupatur, & cepit construi anno Domini millesimo octuagesimo quarto. Ipse tractatus ab auctore suo dicitur scriptus anno millesimo ducentesimo nonagesimo octauo. Ab eo autem ad millesimum quadringentesimum quinquagesimum nonum, quo Antoninus est mortuus, fluxerunt anni centum sexaginta & vnus; atque ad millesimum quadringentesimum vigesimum, post quem Aduersarius vult Gersonem scripsisse primum de hoc prodigio, fluxerunt centum viginti & duo. Illud assero, ut videas, quā veritate asserantur ab eodem Aduersario Cartusiani, accepisse istud prodigium ab Antonino; & Gerſo primus omnium de eo, etiam veluti dubio, scripsisse. Cartusianis hic de eo scripsit centum & viginti duobus annis ante Gersonem, & centum sexaginta & vno ante mortem Antonini. Verum ad vltiora pergamus. Habeo ego praeterea denique alium Cartusianum, qui anno scriptis quidem in codicibus, qui ad meas manus peruenierunt, non annotato, sed, ut verba ipsius pra se ferunt, primo & quinquagesimo post mortem Brunonis aut circiter, rem hanc omnem tradidit.*

57

Hic ille est, autor tractatus de narratione historiae inchoationis & promotionis Ordinis Cartusienfis, à me non semel laudatus in superioribus. Verba quibus significat scribere se anno post mortem S. Brunonis quinquagesimo, aut circiter, sunt ista. *De antiquis sapientibus, & sanctis fundatoribus, ac promotoribus Ordinis Cartusienfis, aliqui ad aeternam memoriam narraturi, exordium assumemus*. Enimvero quinque tantum in illis reponit Brunonem, Luduvinum, Petrum, Ioannem, Guigonem. Ergone hos solos, in antiquis fundatoribus & promotoribus Ordinis Cartusiani, censere potuit? omnino. Quid autem est, cur S. Antelmum Priorem Cartusiae septimum, postea Bellicensem episcopum; cur Basilium octauum, numerare illi non licuit? certe isti ambo illi sunt, qui sinceram atque certam firmitatem, siue (ut quod est loquar) veram si quae vnquam in rebus humanis erit, aeternitatem Ordini suo concesserunt, ut statim fusè docebo. Dicamus igitur necesse est, potuisse quidem ipsum ac meritò potuisse, eos in fundatoribus & promotoribus Ordinis sui collocare, sed antiqui, cum scribebat, abs dubio non erant, & Basilium sui prioratus initia ponebat, primo scilicet & quinquagesimo Christi anno post millesimum centesimum, aut circiter. Quam verò clari & illustres fuerint Antelmus & Basilius, quantaque, & quàm multa, beneficia in Ordinem suum contulerint, nulla satis exequatur oratio. Ut in fundatoribus ac promotoribus eius Basilium (ab eo placet incipere) reponas, duo maximè faciunt.

Primum

Primum ante antiqua statuta Cartusianorum legimus in has voces: *Domnus Basilius statutis Guigonis nonnulla vtilia ad Ordinem adiecit.* In hoc igitur suppar Guigoni fuit, parem enim ei non dixerim, qui omnia redegit primus in sua capita, ordinéque posuit, ac in vñum compegit corpus. Secundum habes in secunda parte eorundem statutorum capitulo secundo, his verbis. *Cuncti Cartusienſis propoſiti Priores, Portarum videlicet B. & Excubiarum So. necnon Silue Oih, & Maioreni Hy. & Durbonis B. & Aruerie Ar. & Montifirmi B. & Montis Dei Ger. & Valliſcluſe Hy, & Augionis Hy. & Reſpauſatorij Io. & Vallis S. Petri Hy. & Vallis S. Marie Pon. pro tenore & ſtabili firmitate propoſiti, à domno Baſilio Cartuſie Priore, & eiſdem loci fratribus, petierunt, quatenus in eadem domo Capitulum liceret eis obtentu correſtionis & emendationis totius propoſiti.* Hac igitur precum inſtantia, domnus Baſilius Prior Cartuſie cum fratribus ſuis, eorum precibus tandem conſenſit. Hic vocula tandem expendenda eſt. Eà ſignificatur, non ſemel, aut iterum, at ſæpius egiſſe Priores apud Baſilium, atque, vt intelligitur ex ſtatim dicendis, Antelmum de habendo in Cartuſià Capitulo generali Priorum obtentu correſtionis & emendationis totius propoſiti: plureſque adeò annos in excutienda re omnino grauiffima poſitos fuiſſe. Et verd cogitatam Antelmo Priore, ceptam potiùs, aut affectam, ferme fuiſſe ex eo intelligitur, quòd Falco, qui Lugduni Archiepiſcopus ſedere deſiit ante annum quintum & quadageſimum à milleſimo centeſimo, conſenſit in hoc Capitulum eo Priore. Conſenſus enim epiſcoporum in quorum dioceſi erant cœnobia, tum ad illud conſtituendum poſtulabatur, cum in illorum poteſtaſe erant, à ſummo Pontifice nondum exempta: igitur capite illo ſecundo ſecundæ partiſ ſtatutorum ita ſequitur: *Ad confirmationem prædicti Capituli, domnus Cartuſie à domino Gauſfredo Gratianopolitano Epiſcopo literas accepit, &c. & ceteræ domus Ordinis noſtri, ab Epiſcopis & Archiepiſcopis, in quorum dioceſi ſite ſunt, acceperunt, & domni Cartuſie ſeruandas tradiderunt.* Chartam à Falcone Lugdunenſi Archiepiſcopo ſcriptam, legi ego in Portarum domo, ſic habet. *Falco Lugdunenſis Eccleſie miniſter dilecto filio Antelmo Cartuſie Priori, cunctiſque Prioribus ſub Cartuſienſi Ordine Domino militantibus, & qui cum eiſ ſunt fratribus, paupertatis premium à Domino obtinere. Domum Portarum, & domum Maioreni vreſtre religionis amulas, pro voto & pietate ſua, ad tenorem & confirmationem Ordinis vreſtri, ſicut communi conſilio Capituli viſum fuerit, concedimus & iradimus vobis, & ſucceſſoribus, in perpetuum corrigendas. Quam Gauſfredus Gratianopolitanus Epiſcopus ex capite ſecundo ſecundæ partiſ ſtatutorum ſcripſit, recitat Surianus in chrotonaxi ad vitam S. Brunonis. Ea ſic habet: Ego G. Dei gratiâ Gratianopolitanus Epiſcopus, rogatu Baſily Cartuſie Prioris, & ceterorum fratrum ibidem Deo famulantium, præſatam domum communi Capitulo, ſicut generali conſilio totius Ordinis decretum eſt, Epiſcopali auctoritate corrigendam, & in propoſito Cartuſienſi in perpetuum conſeruandam concedo. Decernimus etiam quòd ſi prædicta domus à ſuo propoſito ad aliud propoſitum (quod Deus auertat) aliquando ſe transferre tentauerit, vel Prior, vel perſona quelibet ipſius, vel etiam tota domus obedire prædicto Capitulo noluerit, ſententiæ excommunicationis tam noſtræ, quam totius Capituli ſubiaceat. Igitur cum hæc ſancta, & in omnem partem vniuerſo Ordini vtiliſſima conſtitutio Capituli cepta fuerit cogitari ac poſtulari, vgerique Antelmo Priore Cartuſie, cum quoque in fundatoribus & promotoribus Ordinis ſui cum Baſilio reponit. Certè ſi Guigo in illis, neque inui-*

59

60

riâ, censetur, quòd sicuti legitur ante antiqua illa statuta, *Cartusienſis Ordinis constitutiones seu statuta succinctè in formam redegit*, non omnino minori, vt moderatè loquar, iure, & Antelmus qui cepit de annuo Cartusie generali capitulo cogitare, & Basiliiſus qui de illo habendo tandem conſtituit, ſunt in iſtis reponendi. Adde quod Capitulo, & quæ ex Capitulo ſequitur viſitatione, ab Antelmo & Baſilio ſapienter & ſancè excogitatis, & ad Cartusie Prioris auctoritatem adiunctis, monaſteria Cartuſianorum vniuerſa quocumque, & quamcunque magno numero ſint (& ad nouem & ſexaginta ſupra centum, cùm hæc ſcribo numeramus) ſurgunt tamen in vnum corpus, ſtantque, vt doctè aſſeruit Guilelmus de Elbura in egregio illo de veritate perfectæ religionis tractatu in hæc verba. *Ideirco Ordinem ſanctum Cartuſie diuina miſericordia adinuénit, in quo & per quem, & ſub quo, vtraque vita tam canobitica, quam eremitica, reducta eſt ad ſue primariæ originis puritatem, & ad antiquam inſtitutionis monaſtica ſanctitatem. In ordine enim Cartuſienſi, eſt communis & canobitica vite ordinata ſocietas, quia omnia monaſteria, totius ordinis diſticti, ſimul connexa ſunt & vnita ſub vno Priore Cartuſie, & ſub vno Capitulo Generali, quod indefinenter annis ſingulis in principali domo Cartuſie celebratur; quorum providentiâ, & ſanctis conſiliis, monitionibus, ordinationibus, viſitationibus, & ſalutaribus inſtitutis, totus ordo, totiusque ordinis domus reguntur, corriguntur, & diriguntur, & in ſanctæ religionis obſeruantia conſeruantur. Ab eiſdem Priore Cartuſie, & Capitulo Generali, ad omnes & ſingulas provincias, in quibus ſunt monaſteria Ordinis ſupradicti, mittuntur viſitatores.* Antelmus ergo & Baſilius Capituli, atque adeò viſitatorum, qui à Priore & Generali Capitulo Cartuſie conſtituuntur, inuētores, cenſendi ſunt in fundatoribus, ac promotoribus Ordinis Cartuſiani proculdubio, non aliter quàm Guigo, conſuetudinum & ſtatutorum primus ſcriptor. Cur autem narrator *hiſtorie inchoationis & promotionis Ordinis Cartuſienſis*, in illis eos non reſpoſuerit, non aliud afferri poſſe videtur, quàm antiquos non fuiſſe, cùm de antiquis ſcribebat; & Antelmo Cartuſie præfecturam abiiciente Baſilium ſedere cepiſſe, qui pro ſua modèſtia voluerit, vt qui de vniuerſis fundatoribus & promotoribus Ordinis ſui ſcribere poterat, ſcriberet de ſolis antiquis. Id autem factum cenſeo à Baſilio, incunte prioratu, potiùs quàm adultò, aut exeunte, ne Hugonem qui poſt Guigonem per duos tantum annos ſedit, iniuriâ ab antiquis excluſiſſe, qui de eo tacuit, exiſtimeretur: nam Baſilius & Antelmus ſederunt annos ſex & triginta, quot neque plures à Brunonis morte ad Hugonis prioratum fluxerant. Cùm ita habeat tempus, quo Narrator ſuam *inchoationis Ordinis Cartuſienſis hiſtoriam* ſcripſit, vide quàm vetuſtum teſtem prodigij Pariſienſis habeamus. Baſilius ſedere cepit anno à morte S. Brunonis quinquageſimo, eo igitur aut circiter, ille ipſum fuſè ac ſplendide recitauit. Nonnulla verborum eius retuli, cùm afferebam Chronologum Priorum Cartuſie numero 54. quæ ſibi quoque accepiſſe Guillelmum de Elbura nimis aduerti, cùm de ipſo agebam numero 55. nam illi ambo fecerunt magno conſilio, vt de re & peranti quâ, & proriùs aliâ inauditiâ, ac in omnem partem horrendâ & ferali, dicerent verbis toto Ordine peruulgatis, quæ antiquiſſimus auctor annis circiter quinquaginta poſt mortem Brunonis ſcripſiſſet, acceptâ fortaiſis ab eodem ſancto Brunone aut lociſ. Illis igitur nunc ſuperſedeo.

61

Dices Guillelmum de Elbura auctorem huius narrationis eſſe, vtpote qui

qui eam præfixit tractatui suo de Origine & veritate perfectæ religionis : inique igitur facere me, qui contendam anno millesimo centesimo quinquagesimo scriptam esse, cum debeat dici scripta anno trecentesimo decimo tertio post millesimum centesimum, quo Guillelmus tractatum illum alterum *de origine* composuit. Hic fateor ego Guillelmum narrationem eam præfixisse suo *de origine* tractatui, sed multa sunt quæ doceant ipsius auctorem non esse. Principio ille ipse hoc non inevidenter asserit; sic enim loquitur in fine libri ex ista narratione, & tractatu *de origine* conflati. *Explicit tractatus de origine, & veritate perfectæ religionis, quem quicumque legerit, orare dignetur pro illo peccatore, qui ad honorem Dei, & ad defectionem Ordinis Cartusienfis compilavit. Tractatum verò præcedentem, de narratione historiae inchoationis & promotionis Ordinis Cartusienfis non negligat ad ædificationem scribere, vel legere, vel audire. Qui peccatorem dicit auctorem tractatus de origine, is profecto de se loquitur. Scilicet quis adeo vecors fuerit, ut alium à se dicat peccatorem? Cum verò idem nihil eiusmodi adiungat de autore tractatus de narratione, apertissimo est argumento negare se illius auctorem. Deinde narratio hæc ita tractatui *de origine* præfixa est, ut nullam tamen cum eo connexionem habeat: igitur scriptor ipsius illam sic orditur, Laudemus viros gloriosos parentes nostros in generationibus suis; scilicet S. Brunonem, & Priores post ipsum deinceps quatuor, quos solos toto opusculo docet cepisse ac promouisse Cartusianum Ordinem; pergitque, Verba ista sunt hic scripta loco præfationis, & proæmij opusculi subsequæntis. Profecto si Guillelmus eam scripsisset, quod præfationis, & proæmij fecit; non soli *de narratione* opusculo, sed subsequænti etiam *de origine*, totique adeo volumini, conflato ex utroque opusculo, conuenire voluisset. Ad hæc accedit, quod narratio ista seorsum à tractatu *de origine* scripta legitur; atque ut à Guillelmo de Elbura est præfixa tractatui *de origine*, ita legitur præfixa chronico Priorum Cartusie, ab huius scriptore: igitur sicuti non idcirco tribuitur Chronologo illi, ita neque Guillelmo tribuenda est, sed suum habet auctorem ab utroque distinctum. Denique sicuti Guillelmus narrationem hanc præposuit suo *de origine* tractatui, ita post Guillelmum inuenti sunt qui eam illi tractatui postpulerent; cum hoc tamen discrimine, quòd in amborum fine Guillelmus quidem petit ut lector oret pro peccatore, qui tractatum *de origine* compilauit, sed inducitur tamen petere ut sequentem de narratione non negligat ad ædificationem scribere, vel legere, vel audire. Igitur cum ea suam sedem non habeat certam fixamque, neque dicenda est ab ipso composita. Eâ fecit Guillelmus, ut libro Petri Damiani de vitâ solitariâ, & carmine incerti Cartusiani de laude cellæ. Vtrumque istud opusculum inseruit tractatui *de origine*, non continuo tamen se scriptorem illorum præbuit. Neque igitur ut præfixerit tractatum *de narratione* tractatui *de origine*, existimandus est auctor illius.*

* Quis autem ille sit, qui istum de narratione tractatum scripsit, non inuenio. Quicumque is fuerit, ex ipsius verbis intelligis prodigium Parisiense, & ex eo secessum S. Brunonis in eremum, non esse fabulam, ab otiosis hominibus excogitam, quæ à Gersone primum ex dubio rumore collecta fuerit, & in lucem edita, deinde ab Antonino in historiam asserta, fidem inuenit apud omnes. Hic historia inchoationis, & promotionis Cartusiano-

- rum Ordinis narrator, rem omnem fortassis acceperat à S. Brunone. Eo certè tempore illam scripsit, ex quo, vt vite mortalium communissima fert longitudo, dicas licet potuisse accipere à S. Brunone, aut certè à sociis beatissimi viri. Vt cumque autem hoc habeat, ipsius scriptoris tractatus ita probatus est posteris, adeoque certam apud omnes fidem consecutus est, vt primùm Guilelmus de Elbura anno millesimo trecentesimo decimo tertio, deinde Chronologus Priorum Cartusie anno millesimo trecentesimo octogesimo aut circiter, eius verbis vsi sint ad recitandum illud prodigium, etsi nonnihil in ceteris ambo mutauerint, & hic etiam non pauca addiderit. Mihi autem ex ipsis placet aduertere, hominem, qui Parisiis rediuius horrendis vocibus e feretro exclamauit se damnatum esse, non exclamasse in sacra aede, sed domi suæ; neque veluti responsum daret illis ex Iobo vocibus interroganti, *responde mihi*: sic enim loquitur narrator historix, & ex eo Chronologus Priorum Cartusie, ac Guilelmus de Elbura; *cum reuerendi viri feretrum, in quo funus iacebat, eleuare vellent ad Ecclesiam deferendum, subito, cunctis stupentibus, qui mortuus iacebat, & erat, terribili voce clamauit, &c.* Fateor fuisse scriptores, qui hoc vtrumque posuerint in suis de S. Brunonis vitâ libris: sed quod fere fit à cæteris de illustrium virorum vitâ scriptoribus, ita mandauerunt literis, vt ad suorum temporum populi sensum sese accommodarent; & attulerunt illa quæ prouenit erat vulgo, cum scribebant, cogitare; primùmque occurrebant audienti prodigium hominis rediuiui Lutetie. Historici etiam & sacri, & profani, cum aliquid clarum & illustre recitant, circumstantias eius veteres nouis sæpenumero mutant, vt à lectoribus intelligantur facilius, ipsisque placeant: orationes quoque suo magis, quàm illorum quos inducunt, stylo scriptas tribuunt sapientibus viris, in foro, in senatu, in bello. Igitur nonnulli de Brunonis vita scriptores, doctorem etiam vocare non dubitauerunt, qui suo tempore appellabatur magister; & in vniuersitate, quod nomen nondum vsurpabatur, Parisiensi, & fuisse, & docuisse, asseruerunt, qui domi suæ res Theologicas tradiderat, quemadmodum ceteri tum magistri, vt dicam postea. Sed qui hominem hunc Parisiis rediuiuum, seu fecere Parisiensem canonicum, seu Raimundum Diocrem appellauerunt, neque seu antiquum, seu eruditum, pro re auctorem secuti sunt, & profus errauerunt. Casarius Cisterciensis dicitur ab aliquibus auctor illis fuisse ad errorem, qui canonicum fecere, & vt verbo dicam, iis omnibus qui prodigium istud Parisiense probant, quasi acceperit pro canonico clericum, quem recitat libro vndecimo, qui totus est de morientibus, capite quadagesimo nono. *Fuit in regno Francorum clericus quidam nobilis, & diues, &c. qui cum mortuus fuisset, & in feretro positus, &c. se erexit cunctis audientibus in hæc verba prorumpens, Iustus index iudicauit, iudicatum condemnauit, condemnatum tradidit in manus impiorum.* Istud enim prodigium nonnulli faciunt idem Parisiensi, de quo nunc agimus; alij verò negant: ego neque idem illi, neque ab eo diuersum, asserere nunc velim. Certè non additur à Casario compulisse Brunonem, & socios ad eremum; id autem vnum illud est, quod fecit vt de Parisiensi nunc agerem. Malim asserere, & omnino istius loci res est, Aduersarium non debuisse scribere sequentia paginâ 145. *Casarius Cisterciensis narrat duo, quæ Cartusianorum initium tale, quale nunc excutimus, fingendi*

fingendi causam, otiosis hominibus præbuerunt. Cùm enim duorum alterum sit illud ipsum, quod modo retuli, hominis in regno Francorum rediuiui, seque Dei iudicio damnatum exclamantis, non video, cur otiosi homines ad Parisiensem fingendum debuerint adiungere alterum Canonici Parisiensis, qui post paucos à morte dies se sine corpore videndum homini valde familiari præbuit. Scilicet Canonicus hic nihil habuit commune, seu cum rediuiuo Parisiensi, de quo nunc sermo est; seu cum alio, qui cùm parabatur conditorio, redditus fuit vitæ in regno Francorum. Sed tanti est proponere tibi virum, quem in omnibus sequaris, cui vni adhæreas, cuius 65 in publicum illa educas, quæ ipse suo nomine euulgare non amat. Vnum aliquem virum Aduersarius toto hoc de causâ secessus S. Brunonis in eremum libro sequitur. Is censuit hoc, de quo dicimus, Parisiense prodigium, ex Cæsarij duobus constat esse: igitur illi hac in parte, vt in ceteris adheret. Non poteram ego aliàs habere fidem Theophilo Raynaudo, aienti in Hercule Commodiano serie terciâ quæsito secundo tibi Aduersarij à Marfya quopiam instari, & Aloysium Robinum accepisse epistolium ab instatore illius sistula, quo omnia, planè omnia continebantur, resectis tantum locis auctorum, quæ ibi duntaxat notabantur, ab Aduersario autem sunt ad longum expansa. Nunc non possum non eadem cum ipso sentire. Nam cùm hæc scribo, venit in manus meas altera ipsius Marfyæ epistola anno antè secundo scripta, quàm Aduersarius huius sæculi quadragesimo sexto, de re quam nunc ago primùm scriberet; atque dissertationem ederet de verâ causâ secessus S. Brunonis in eremum. Hæc prima scriptio, addidit Theophilus, non est nisi paraphrasis longior breuius illius epistolæ: aio etiam ego, hæc terciâ scriptio est paraphrasis longior alterius epistolæ, quam ille ipse Marfya scripsit. Ergo, 66 ne, inquires, Marfya ille ad alium etiam ab Aloysio Robino scripsit ista? omnino, &, quod magis mirere, ad Cartusianum clarissimum & grauissimum virum scripsit. At vniuersi Cartusiani (addes) prodigium Parisiense, & ex eo secessum Brunonis in eremum habent pro veris, & à Brunone traditis? profectò. Quid facias huic viro? Ista ad Cartusianum, non clarissimum modò & grauissimum, sed etiam amicissimum virum scripsit, pro prudentiâ suâ. Parum est hoc. Omnem prorsus admirabilitatem superat quod adiungo. Accipe vltima verba epistolæ. *Existimo causam secessus S. Brunonis hanc* (scilicet sermonem cum Radulpho & Fulcio, quem in superioribus attulit) *non tantum certiorum esse illâ ex prodigio hominis Lutetiæ rediuiui, sed etiam illustriorem. Si vestra reuerentia velit, plura scriptis adiungam. Adde enim multis beneficiis Ordini Cartusianorum deuinctus sum, vt nihil iis dignum possim rependere.* Ridet Marfya hic, an seriò loquitur? Totâ epistolâ contendit sanctum Brunonem & socios, non fuisse compulso in eremum à Parisiensi prodigio, aduersus Cartusianos, qui ab ipso Brunone, & sociis, tradunt contraria libris scriptis ac voce, & pictis imaginibus toto orbe proponunt cunctis mortalibus: atque Marfya aiens illos imponere toti Ecclesiæ Catholicæ, addit se rependere ipsis beneficium, quod varium & multiplex fatetur se ab illis accepisse. Ecce viri epistolam è Gallico idiomate redditam Latino.

Nullus ante Ioannem Gersonem occurrit, qui de isto prodigio Parisiensi scripserit: Ipse autem de illo, veluti de re incertâ, locutus est in hac verba, parte terciâ de 67

simplificatione cordis, notatione vigesima tertia de timore Domini. Constituanus ante meditationis nostrae oculos exemplum illud celebre, à quo cepisse dicitur Ordo Cartusianorum. Mortuus est quidam magne reputationis magister, apud scholasticos: parantur exequia in templo: venit vox, Iusto Dei iudicio accusatus sum: Dilata est sepultura in diem alterum; tunc audita est vox, Iusto Dei iudicio indicatus sum. Tertia die, in quam dilatio sepultura facta exitit, insonuit vox, Iusto Dei iudicio condemnatus sum. Ecce in his est positum coram meditantis oculis, iudicii tremendi, accusationis, indicationis, & condemnationis spectaculum. Post Gersonem Antoninus, parte secundâ, titulo decimo quinto: Religio Cartusienſium habuit principium ex hoc suspensio euentu. Cum in ciuitate Parisiis floreret studium abundans, tam multitudine scholarum ex variis regionibus, quàm copiosâ cateruâ doctorem solennium in omni facultate; inter ceteros erat vnus singularis, qui in eminentia scientiæ, & probitate vitæ, & maxima sana pollebat. Huic autem vitâ sancto solennes exequia parata sunt, &c. cum ergo cadauer in secreto in Ecclesiâ secundum morem esset delatum, & officium celebraretur, surrexit qui iacebat mortuus, & in loculo residens, voce magnâ audientibus cunctis exclamauit, Iusto Dei iudicio accusatus sum, &c. Aderat huic spectaculo Bruno, &c. qui his visis ait, &c. Itaque compuncti, vt dictum est, seculum dimiserunt. Historiam hanc faciunt dubiam duo. Primum est. Quod ante Ioannem Gersonem, & S. Antoninum, nullus scriptorum eius meminit, ne Guibertus quidem Abbas Nouigenti, coeuius Brunoni; qui cum de ipsius conuersione diceret, videtur eam non debuisse pratermittere. Vincentius quoque Bellouacensis huiusmodi rerum non incuriosus inuestigator, non recitat hoc prodigium, cum agit de Cartusianorum origine, libro vigesimo quinto speculi historialis, capite octogesimo secundo. Bruno natione Teutonicus, ex vrbe Colonia, literis optime eruditus, Remensis ecclesiæ canonicus, & scholarum magister, relicto seculo, eremum Cartusie fundat, propositumque monastica conuersationis satis arduum instituit. Huius sancti propositi cooperatore existens, &c. Secundum est. Quod hæc historia videtur constata ex duabus, quas annis post Brunonem centum, aut circiter, euenisse tradit Casarius Cisterciensis. Altera Canonici Parisiensis est. Eam recitat libro secundo, capite decimo quinto istis verbis. Parisiis in Ecclesia sanctæ Dei genitricis Mariæ, Canonicus obiit nuper, &c. timore mortis confessionem fecit, &c. sed homo videtur in facie, Deus autem intuetur cor. Post paucos dies cuidam sibi valde familiari apparens, dicebat se esse damnatum. Altera historia clerici est in Francia loco innominato, libro vndecimo, capite quadragesimo nono. Fuit in regno Francorum clericus quidam nobilis & diues, quæ duo semper hominem extollunt, multisque vitiis subiiciunt: Qui cum mortuus fuisset, & in feretro positus, multitudine circumſedente tam ex clericis, quàm ex laicis, ipse erexit se cunctis audientibus in hæc verba prorumpens, Iustus iudex iudicauit, indicatum condemnauit, condemnatum tradidit in manus impiorum. Quibus dictis, se reclinans non obdormiuit, sed de requie transiuit ad laborem, de deliciis ad miseriam. Ista ambe historie aliquando coierunt in vnâ sensim, & S. Brunoni, ac eius conuersioni attributæ sunt, etsi conuenire nequeant illi, cum sint de rebus longissimè post ipsum gestis; præsertim cum facile sis docere non prælestam fuisse Parisiis viuente Brunone Theologiam, & Bruno Remis, non Parisiis eam prælegerit, pro suo scholarum magisterio, ubi Urbanus secundus domo Castilionæ eum audiuit, ex opportunitate patriæ, ad Matronam fluuium posita; quatuor leucis à Remis.

69 Ut autem narratio secessus Brunonis ad eremum concinnata videatur ex duabus

à Casario relatus, inualuit tamen apud omnes, & per vniuersum orbem sparsa est, maxime postquam in librum de vitâ S. Brunonis coniecta fuit. Et si verò non possum asserere tempus, quo attribui cepit Cartusianis, coniecto tamen id euenisse trecentesimo inter & quadringentesimum annum à millesimo. Videtur enim pietas in libro precum Ioannis Biturigum Ducis, quem Ioannes Francorum rex genuerat, scriptarum non multis ante millesimum quadringentesimum annis.

Vicunque sentiamus de rei tempore, certum est ex dictis falsò attributam esse Brunoni, cum ex ipsomet, qui res suas omnium optimè callebat, intelligamus constituisse sæculum deferere Remis, non Parisiis; & ad eam cogitationem venisse, non huius, aut alijs prodigijs, sed attentâ vanitatis rerum humanarum & ceterorum, quæ ad Rodolphum Remensem Præpositum scripsit, cogitatione, his verbis: Reminiscatur dilectio tua, quòd cum ego, & tu, & Fuluius Monoculus quadam die simul fuissimus in hortulo adiacenti domui Ade, vbi tunc hospitabar, de falsis oblectationibus, & perituris mundi huius diuitiis, necnon de perennis gloria gaudijs aliquandiu, vt opinor, tractaremus: vnde diuino amore serentes, promissimus ac vouimus Spiritui Sancto, in proximo fugitijs sæculi relinquere, & eterna captare: necnon etiam monachicum habitum recipere. Quod & in vicinia peractum esset, nisi tunc Fuluius Romam abiisset, ad cuius reditum peragenda disulimus: quo moram faciente, alijsquæ interuenientibus causis, diuinus amor elanguit, refriguit animus, seruatorque euauit. Hæc Marfyas, Qui eius singula consulerit cum singulis dissertationis, quam Aduersarius tertium edidit, is profectò non diffitebitur tibi huius ab illo esse inflatis. Huius certè prima editio nihil habet supra illius epistolam, nisi responsionem ad nonnulla librorum capita, quos Saussieus & Theophilus Raynaudus scripserunt de secessu Brunonis in eremum, & paraphrasis est expressæ epistolæ sui Marfysæ, vt Theophilus loquebatur. Quæ autem editio tertia auctior & correctior in lucem emissæ est decimo octauo post primam anno, plurimas in Cartusianos & acerbissimas contumelias insuper coniicit. Ceterùm epistola quam ex Gallico reddidi, scripta fuit ad Dominum Christophorum Puteanum Cartusix Romanæ Priorem. Quoniam verò Marfyas in illam fere singula congestit, aduersus Parisiense prodigium, & ab eo secessum Brunonis in eremum, quæ Aduersarius prolixè libro suo secutus est operæ aliquod erit pretium, si refellam illa strictim, qui libro Aduersarij fusè respòdi.

Marfysa igitur primò sic locutus est. Nullus ante Gersonem occurrit qui de isto Parisiensi prodigio scripserit. Respondeo. Fateor neminem, quòd sciam, illorum qui opera sua ediderunt in lucem publicam, scripsisse de isto prodigio Parisiensi, neminem asseruisse ex eo factum esse, vt Bruno cum sociis secederet in eremum, ante Ioannem Gersonem. Cartusiani quinque vetustiores Gersone, illud vtrumque literis commiserunt ineditis; Henricus de Kalkar anno millesimo trecentesimo nonagesimo octauo, Chronologus Priorum Cartusix anno post millesimum incerto inter octogesimum tertium & nonagesimum primum, Guillelmus de Elbura seu de Yporegia anno tertio decimo post millesimum centesimum, Cartusianus Majoreuensis anno millesimo ducentesimo nonagesimo octauo, Narrator deinum historix inchoationis & promotionis Ordinis Cartusienensis anno post millesimum centesimum primum & quinquagesimo, aut circiter. Marfyas addit, Ioannes Gerso locutus est quidem de hoc prodigio, & de secessu Brunonis

nonis in eremum ex eo; sed veluti de re dubia; *ab eo*, inquit, *cepisse dicitur ordo Cartusianorum*; quasi diceret, fama est ordinem Cartusianorum, ab eo cepisse. Respondeo falli Marfyam. Verbis *dicitur, fertur*, atque similibus non semper significatur res dubia, vt intelligitur ex aliis & ex Liuiio lib. 30. num. 14. Docuerat libro 29. num. 23. Asdrubalem Sophonisbæ filie blanditiis auerfisse Syphacem Numidarum regem generum à Romanis, & Scipione Romanorum in Africa imperatore; & lib. 30. num. 7. Syphacem reparasse bellum in Romanos & Scipionem, cum Sophonisbæ vxor filia Asdrubalis, non iam vt antè blanditiis satis potentibus ad animum amantis, sed precibus & misericordiâ valuisset: addidit tamen num. 14. Scipionem voluisse, vt Senatus populiq; Romani de ea captiua iudicium atque arbitrium esset, quæ Syphacem Regem Romanis Socium alienasse, atque in arma precipitem egisse diceretur. Hic verbum *dicitur* non est de re dubiâ, sed de certâ, vt vides.

- 73 Secundò Marfyas hæc habet. *Guibertus Brunoni coæuus rerum harum non meminit, qui cum de eius conuersione diceret, videtur non debuisse prætermittere*. Respondeo. Guibertus, fateor, Brunoni coæuus fuit, sed solam initiorum conuersionis eius occasionem, vt proposuerat, dixit; quæ ab excessu Remorum, ob Manassis Archiepiscopi vitam improbam, vt ex occasione fuerunt, causas illorum non dixit, neque verò dicere proposuerat, in quibus fuit Parisiense prodigium, quod igitur debuit prætermittere. Marfyas addit Vincentium Bellouacensem tacuisse hoc prodigium, qui *prodigiorum huiusmodi est non incuriosus inuestigator*. Respondeo Vincentium multa huiusmodi prodigia tacuisse, neque vnus potuit vniuersa seu legere, seu colligere: quid ergo magnum est quòd istud tacuit? sed quid est cur asseramus non ignorasse hoc prodigium, quod nullus ad illam diem ediderat in lucem, & apud solos Cartusianos latebat in libris & chartis ineditis?

- 74 Tertiò vrget Marfyas. *Historia prodigij Parisiensis videtur constata ex duobus à Cæsario Cisterciensi relatis, quæ annis post Brunonem centum aut circiter euenerunt*. Respondeo. Hoc ante Marfyam ab Antonini & Gersonis temporibus nemini visum est, atque post Marfyam vni Aduersario, si tamen ipsi, cum non ipse suas, sed Marfyas eius tibus inflauerit. Vt existimaretur ex illis duobus constata, certè debuit à Marfya prius doceri falsa. Sed vidè egregium ratiocinandi genus. Marfyas primùm sic loquitur, *Historiam hanc faciunt dubiam duo*. Deinde alterum eorum, quæ illam faciunt dubiam asserit, exponitque istis verbis, *Hæc historia videtur constata ex duobus, quas Cæsarius Cisterciensis recitat*, neque addit cur quæ à Cartusianis asseritur, centum annis ante ambas illas à Cæsario allatas, videatur & sit ex ipsis constata. Hoc paruum est, videamus historias duas, quæ apud Cæsarium leguntur. Altera est canonici Parisiensis, qui post mortem visus est ab amico, cui se damnatum Inferis asseruit: altera Clerici in Francia, qui è ferebro rediuius, se dixit iudicio Dei addictum iisdem Inferis. Si Marfyas asseuerasset hanc vnâ posteriorem fecisse, vt par prodigium cogitetur egisse Brunonem ad eremum, aliquid attulisse videretur; nunc quid ad rem de qua est contentio, asserit illa Canonici, quæ non est hominis rediuiui, nihilque habet de prodigio Parisiensi? Asseri tamen profectò debuit à Marfya, vt quod excogitauerat ipse, diceretur Parisiense prodigium constatum.

constat e duobus , altero Clerici in *Francia* , altero Parisiensis Canonici.

Quartò Marſyas vult Theologiam non fuiſſe prælectam Pariſiis tempore Brunonis , eumque ipſum illam prælegiſſe Remis , vbi Vrbanus ſecundus ante Pontificatum audiuerit prælegentem , Caſtilionæus domo. Audio eleganter ac venuſtè dictum , ſed ad damnandam falſi hſtoriam , de qua diſputatio inſtituta eſt , parum aptè. Volo Brunonem non prælegiſſe Theologiam Pariſiis , & Theologiam temporibus Brunonis nondum prælectam fuiſſe Pariſiis. Volo Brunonem docuiſſe Theologiam Remis , & Othonem Caſtilionæum , qui poſtea fuit Pontifex Vrbanus ſecundus , audiuiſſe illam Remis , quando habitabat , vt acutè monet Marſyas , leucis à Remis tantum quatuor , potuit enim ſcilicet iuuenem opibus ac ætate florentem loci proximitas detertere à ludoliterario Pariſiorum vrbs ampliffimæ longiùs domo poſitæ , & adducere ad ludum Remorum vrbs propinqua. Quid inde ? igitur ne , vt id factum fuerit , continuò negandum eſt Pariſienſe prodigium , negandus eſt Brunonis ex eo prodigio ſeceſſus in eremum ? Neque Guilelmus de Elbura , neque antiquiſſimi ſcriptores alij quidquam de Pariſienſi Theologia Brunonis tradidere : Hentricus de Kalkar nihil etiam proſitetur ſe de illa legiſſe *in libris authenticis*. Hoc igitur erit fortasſe qui reponat in illis quæ (vt annotaui numero 63.) ſeu mutamus in hſtoriis , ſeu ad illas addimus , ex tempore quo ſcribimus. Vtuncque alij ſentiant , potuit tamen doceri tum Pariſiis Theologia , qua in vrbe tum docebantur ceteræ ſcientiæ , vt intelligere eſt ex Abailardo epistolâ primâ ad amicum ; potuit etiam igitur doceri Pariſiis à Brunone. Qui ex vicinitate domus Caſtilionææ , colligis Othonem , poſtea Vrbanum ſecundum Pontificem , audiuiſſe Remis Theologiam à Brunone ; hoc mihi concede , vt ex ceterarum prælectione ſcientiarum , putem Theologiam quoque tum Pariſiis fuiſſe prælectam ; & à Brunone prælectam , tanto diſcipulorum fauore , vt nomen illud collegerit , quo adductus eſt Gervafius Remenſis Archiepiſcopus , ad eligendum in ſacrarum literarum Magiſtrum in Eccleſia ſua.

Quintò Marſyas poſt multa concludit omnem ſuam diſputationem , aduerſus Brunonis ex prodigio Pariſienſi ſeceſſum in eremum , his verbis , *Ex dictis certum eſt falſo attributam eſſe Brunoni hanc hſtoriam*. Reſpondeo. Itane ex dictis certum eſt ? At quæ tandem dicta ſunt ? Duo tantum , vt vidimus. Ex illiſne duobus igitur certum eſt hanc , de qua dicimus , hſtoriam falſò attributam eſſe Brunoni ? Hic ego quidem , quid enim afferam aliquid grauius ? vix oculis meis habeo fidem. Antè Marſyas quàm proponeret illa duo , ita ſcripſerat : *Hiſtoriam hanc faciunt dubiam duo*. Itane duo ? abs dubio. Itane duo faciunt dubiam ? omnino. Non igitur illa ipſa duo falſam eſſe euincunt ? Verùm illa duo fortasſe ſunt eiufmodi , vt cum viderentur initio poſſe tantum dubiam facere hanc rem , poſtea cum referebantur , & vim ſuam explicabant , ea viſa ſunt eſſe , quæ hſtoriam , non iam dubiam , ſed falſam eſſe docerent. O te bonum virum qui affers iſta ! Nam quæ illa duo , & quarum virium ? *Hiſtoriam hanc faciunt dubiam duo*. Primum eſt , quòd ante Ioannem Gerſonem & S. Antoninum , nullus ſcriptorum eius meminit , ne Guibertus quidem Abbas Nouigenti. Secundum eſt , quòd hac hiſtoria videretur con-

flata ex duobus, quæ annis centum aut circiter post Brunonem, euensse tradit Casarius Cisterciensis. Hæcne duo tantarum sunt virium, ut quæ principio dubia videbantur, demonstrent nunc esse falsa? profectò illius sunt imbecillitatis, ut ne dubia quidem facere queant.

77

Sextò Marfyas rem falsam esse sibi videtur colligere, non iam ex dictis à se, verùm ex scriptis ab ipso Brunone. *Ex ipso Brunone*, inquit, *qui res suas omnium optimè callebat intelligimus, constituisse sæculum relinquere Remis, non Parisiis; & ad eam cogitationem venisse, non huius aut alius, prodigij vi, sed attentâ vanitatis rerum humanarum, & aliorum, quæ ad Radulphum Remensem Præpositum scripsit, cogitatione.* Respondeo. Bruno ad Radulphum scribens, non ait se Remis, non autem Parisiis, cum eo constituisse deserere sæculum: ait se, id cum Radulpho & Fulvio constituisse, *in Hortulo adiacenti domui Adæ*; vbi autem locorum fuerit, siue hic hortulus, siue hæc domus, nusquam addit. Guibertus tamen de Nouigento negat fuisse Remis: *Bruno vrbe* (Remensi, ut addit ipse etiam Aduersarius, cuius tibi inflabat Marfyas, paginâ quadragesimâ) *desertâ, sæculo etiam abrenuntiare proposuit.* Iam vbicumque extra Remos id proposuerit, cum postea, ut cum ipso conuenerat, expectaret Româ Fulcium; aut certè Fulcius, iam Româ redux, alia omnia cogitaret, (hoc enim obscurum est) Parisiis à Deo compulsus est ad eremum, horrendis vocibus hominis, qui rediuius se accusatum, iudicatum, condemnatum exclamabat è feretro. An ergo ille hortulus, illa domus Adæ erant Parisiis, quam urbem Bruno Remis excedens adiecit cum

78

Radulpho, Fulcio, & aliis? Atque ego quidem non video, cur Marfyas hunc ex eo prodigio secessum fuisse negauerit Cartusianis (& ipsum illi plurimum uti vltro fateatur, deuinxerant sibi) per vniuersum terrarum orbem afferentibus linguâ, calamo, penicillo, scalp. Quid adeò non absurdi, sed noui, insolentis, mortalibus inauditi, in illo viderat vnus mortalium, ut illum pernegaret, quem ceteri per vniuersam Ecclesiam homines vltro & fatebantur tum, & suspiciebant. Nam quòd asserti se non legisse scriptorem, qui ante Gersonem ipsius meminerit, quid tandem est? Non omnia quondam scripta peruenerunt ad ipsius manus, nihilque eorum non etiam nunc latet in sacrarum ædium, Monasteriorum, doctorumque apud Hæreticos quoque virorum armariis, quod omnes reliqui mortales ignorant. Quàm multa, tabularum ipse Marfyas veterum curiosus, eduxit è tenebris, & seu in suos antiquorum Galliarum Conciliorum tomos, seu in suas aut ineditorum, aut inemendatorum scriptorum notas contulit, nobis ad ipsum vsque non visa? Poterat igitur profectò, poterat cogitare, secessum Brunonis ex eo prodigio in eremum, latere in veteribus chartis, quæ nondum ad typographos dimanarunt: & apud Cartusianos latere suadebat, perpetua, & per sæculorum ab ipso Brunone vniuersorum memoriam stabilis, & inconcussa in illius asseueratione constantia virorum, quos supra integritatem in omni vita commendant sinceritas, modestia, veracitas, nulli hominum non notæ. Et verò scriptores inediti, eum singulis à Brunonis morte vsque ad Gersonem sæculis, tradiderunt: primo, & eo quo vir sanctus extremam diem obiit, Narrator *Historie inchoationis & promotionis Ordinis Cartusienfis*, qui scripsit sub annum à millesimo centesimo primum & quinquagesimum, aut circiter; secundo Anonymus Maioreuensis,

79

sis, qui scripsit millesimo ducentesimo nonagesimo octauo, tertio ineunte Guilelmus de Elbura, siue Yporegia; ad exeuntem accedente Chronologus Priorum Cartusie; exeunte Henricus de Kalkar; scripserunt enim hi tres post annum millesimum trecentesium, decimotertio Guilelmus, inter octogesium & nonagesimum incerto Chronologus, Henricus exeunte. Taceo autores, seu chartarum ante quinquagesimum à morte Brunonis annum scriptarum Turri in Calabria, seu librorum autenticorum, & testimoniorum veridicorum, quos Henricus de Kalkar legit, quoniam ad manus meas non peruenerunt. Scriptores illorum, aut iplo quo sanctus Bruno mortuus est sæculo floruerunt, aut etiam fortasse vnus aliquis ante Brunonis mortem.

Iam vt scriptores prodigij Parisiensis, & ex eo secessus Brunonis in eremum non haberemus, cur negabis hoc vtramque, nullis literis consignatum, peruenisse ad nos per traducem? Non omnia, vt gesta sunt, vt committuntur literis: multa post mortem illorum qui gessere, multa post centum ab ipsâ annos, neque pauca post ducentos, quibus, cum iam commissa fuere literis, nemo negat fidem, nemo silentium vniuersorum tetro scriptorum opponit. Illustre est, quid enim plura referam? atque ad rem quam nunc ago maximè facit, quod Ioannes Cluniacensis Monachus scripsit Ticini, de sancto Eutycio, libro primo de vitâ Sancti Odonis Cluniacensis Abbatis, in hæc verba. *Eutycius fuit temporibus Ludouici magni Imperatoris (Ludouicum Pius loquitur, qui cepit imperare anno Christi octingentesimo decimo quarto, desinit octingentesimo quadagesimo) carus videlicet regi, omnibusque amabilis: nam cum esset laicus, & peregrinis studiis eruditus, deserens ea vnde superbire solet humana fragilitas, totum se dedit Beatorum Patrum regulis & institutionibus, ex quibus nempe autoritatibus diuersas consuetudines sumpsit, vnoque volumine colligauit. Deinde non multo post Monachus est effectus, & in tanto amore apud Regem habitus, vt intra Palatium suum illi construeret Monasterium. Decurso enim vitæ præsentis stadio, circumstantibus vndique fratribus, subito emisit spiritum. Contigit interea dum à discipulis pî patris pararentur obsequia, ecce rediuius qui fuerat mortuus. Illis verò attonitis, & mirantibus, dixit pater Eutycius: Deo gratias; scitis quia ex his vnâ tantum diem non meminî me cibum sumpsisse, nisi prius fleuissim. Hodie namque sublato mæore consolatus est me Dominus, & inter choros Angelorum tribuit mihi requietionis locum. Dicens hæc quieuit perpetuè. Ipse enim Pater Eutycius, institutor fuit consuetudinum, quæ hæcenus in nostris monasteriis habentur. Hactenus Ioannes Monachus Cluniacensis. Hic vir, anno nonagesimo trigesimo nono, se iuuenis adiunxit Cluniacensibus, post mortem sancti Eutycij annis centum, & quod excurrit. Nemo ante ipsum ediderat illud Eutycij rediuii prodigium, non discipuli, non Bemo, qui consuetudines ab eo è Patribus collectas induxit in suorum Cluniacensium Ordinem, non Odo, non alij Cluniacenses Abbates: nemo post ipsum ex iisdem Cluniacensibus seu Monachis, seu Abbatibus ad nostra vsque tempora. Ea quæ primus tanto post Eutycij mortem tempore, mandauit literis Italus Papix, acceperat à maioribus per traducem, vnâ voce, sine omni scripto prodita; illique tum, & postea vsque ad nos accrediderunt vniuersi: neque ad hanc diem inuentus est, qui fidem scribenti negaret,*

atque cum Aduersario (vt ad illum aliquando reuertar) exagitante prodigium Parisiense à Cæsario Cisterciensi traditum, exclamaret : *Hoc Eutycij miraculum si contigit, in Gallia contigit*, domoque Ludouici Pij : *Es certè tunc mirum esset, è tot tantisque scriptoribus, quibus abundabat Gallia, neminem illud notasse, quod homo Papix degens in Italià notasset.* Malum! Aduersarius vt Marlyam sequatur suum, obseruet, tueatur, negat fidem vniuersis nostrorum, & omnium à sancto Antonino temporum, Cartusianis, qui & voce, & imaginibus colore, cera, ligno, lapide, metallo factis assenserunt Brunonem ac socios, funestis vocibus hominis rediuiui, seque è feretro accusatum, iudicatum, damnatum exclamantis actos aduisse Cartusianam eremum: neque illis tantum, sed etiam clarissimis & antiquissimis scriptoribus, Henrico de Kalkar, qui anno millesimo trecentesimo nonagesimo octauo testatus est hoc prodigium *apud Cartusienfès communiter videri scriptum*, idque se legisse in *libris autenticis ac testimoniis veridicis*; Chronologo Priorum Cartusiar, & Guilhelmo de Elbura, qui illud idem scripsere post annum trecentesium, hic decimo tertio, ille inter octogesimum tertium & nonagesimum primum incerto; Maioreuensi Cartusiano qui scripsit anno octauo & nonagesimo post millesimum ducentesium; Narratori denum historię inchoationis & promotionis Ordinis Cartusienfis, qui scripsit anno post Brunonem quinquagesimo aut circiter. Ergone fides, quæ Ioanni Cluniatensi scriptori prorsus ignoto conceditur, neganda est Cartusianis, qui singulis à Brunone ad nos vsque sæculis asseuerauerunt Brunonem parentem, ferali illo Parisiensi prodigio adactum fuisse ad Cartusianam eremum, quam incolunt? Denique vt taceam atatem scriptoris librorum autenticorum, quos Guilhelmus de Elbura legit, & Narratorem historię inchoationis & promotionis Ordinis Cartusienfis, qui videtur scripsisse ipsis initiis prioratus Basilij, & par ætate fuit discipulis Brunonis, ipsumque Brunonem videre potuit, ac è Brunonis ore ipsum audire prodigium, Ioannes sua de Eutycio edidit sub annum centesimum quinquagesimum ab eius morte, Cartusianus autem Maioreuensis secessum Brunonis in eremum quem tradit, accepisse, quod potuerat, cur non dicetur puerulus ab iis qui in prima iuuentute audierant illius sociorum discipulos, & in vltima senectute scripsisse centesimo, & nonagesimo octauo post millesimum anno? Addam hoc etiam, adeo ne prostrigatæ vitæ putabitur fuisse vel Maioreuensis Cartusianus, vel Guilhelmus de Elbura, vt hanc vitam que rem finxit ipse, aut ab alio confictam tradiderit ipse pro vera? Iam si ab antiquioribus Cartusianis ambos accepisse fateberis (& à *patribus narrantibus* se audiuisse ait Maioreuensis) profectò non diffiteberis habitam ab illis pro certâ centesimo post Brunonis mortem anno. Quo igitur tempore arbitramur fictam? Patietume Aduersarius vt ad ipsa sanctissimi Cartusianorum Ordinis, viuentis ac vigentis ipso Brunone, incunabula, sensim deueniamus, & contendamus fabulam in iis delitescere non potuisse? Quantò arquiuis erat, sapientius, & ad omnem aptius veritatem, habere fidem Cartusianis de re domesticâ? Vno verbo dicam, veri est similis Gersonem & Antoninum accepisse initia Ordinis Cartusiani à Cartusianis, quàm Cartusianos ab Antonino. Certè Antoninus mortuus est nono & quinquagesimo anno post millesimum quadringentesimum, &

Henricus

Henricus de Kalkar annis vno & sexaginta ante mortem Antonini, suo anno octauo & nonagesimo ante millesimum quadringentesimum scripsit prodigium Parisiense, quo ad eremum compulsi sunt Bruno, apud Cartusianos suo tempore communiter scriptum fuisse.

Atque hæc sunt, *vir clarissime*, quæ super Cartusianorum initiis, Bruno- 84
nisque & sociorum secessu in eremum, mihi scribere visum est. Ferme perpetua, ut vides, mihi fuit contentio cum erudito viro. Vtinam ut postulabat res, fuisset omnis literaria. Disiicienda mihi fuerunt etiam, quæ in Cartusianos coniecerat conuidia. Sed conuitium referre holui, sentiens me pro viris piis, & verè sanctis dicere, qui cum Ambrosio in Psalmum centesimum decimum octauum octonario decimo sexto censent aientes, *Quàm bonum est ferre conuitium, & non referre! is Deum presulem acquirit, qui conuitianti nescit irasci.* Abs dubio miraberis eruditum virum voluisse probis aduersus eos agere, nullâ prouocatum iniuriâ. Ego magis miror, quod primus eruditorum virorum aduersus eos dixerit super ipsorum initiis. *In aliena re publica minimè curiosum esse, officium est peregrini*, inquiebat olim Cicero. Quantò magis officium est eius, minimè contentiosum esse. Igitur nemo vnus ante Gersonem, & Antoninum, quando apud Cartusianos vulgò legebatur portentum Parisiense, & ex ferali portento secessus Brunonis in eremum; nemo post Gersonem & Antoninum, ausus fuerat contraria dicere, officij sui memor. Inuentus tamen est denique Aduersarius, aut Aduersarij tibiurum inflator potius Marfyas, qui vtrumque illud inficiari voluerit, atque pro beneficiis acceptis, beneficium rependens scilicet Cartusianis, voluerit. Tu eruditissime in tuâ curiâ Togatorum, vide an æquo id 85
conueniat. Profectò quod ceteri mortales ad ipsum vsque fecerunt, ut Cartusianis de re la crederent, tu pro tuâ prudentiâ pronuntiabis factum iure, & Marfyam audiendum non esse, qui rem suam Cartusianis negauerit; & ex eo negauerit, quod illorum maiores, quorum etiam nomina ignorabat, ante trecentos annos aut etiam quadringentos, vel quingentos, de ea dicentes nunquam legisset. Sed negasse parum fuit, cur Aduersarius integerrimos viros præterea increpuit, à maioribus accepta referentes de suis rebus? Si audiam abstinere posthac velle omni conuitio, alius fortassis erit ipsum conueniendi locus. Is enim ille est, si nescis, qui semel, iterum, tertioque scripsit Mariam Magdalenam non venisse in Prouinciam, in eâ non egisse vltimam ætatem, in eâ mortuam non fuisse; in eâ denique corpus illius nunc non esse, neque vnquam fortassis fuisse. Vult Ephesi, & extremam ætatem duxisse, & occubuisse; & corpus ipsius, quod Epheso Constantinopolim transtulisset Leo Philosophus, à Gerardo Rossilionæ Vizeliæum, aut Constantinopoli, aut aliunde delatum fuisse curâ & labore Badilonis, qui postea euasit in Abbatem Lutofensem. Certè miror, cum rem grauissimam aduersus Prouinciales vniuersos ageret, attulisse pro se Modestum præsertim Ierolymorum Antistitem, & Vvilibaldum Aichstadianum Episcopum. Atque si rem ipsi traderent, aliquid tamen esset: verum neuter eam tradidit, quam Aduersarius affert. Modestus ait *dict quod historie docent Magdalenam virginem Ephesi passam esse ac sepultam: ist, quæ, de icopias dicitur.* Igitur hic opportunè reponas Aduersario, quod scripsit paginâ nonagesimâ primâ; *Hic Modestus auctorem non habet alium præter samam, quæ*

*Tertulliano nomen incerti est: Sic enim scribit, Dicunt, quòd historia docent. Ut autem historiarum hoc docerent, non tamen continuo Modestus ipsum idem asseruisse dicendus est. Sed quæ non iam historiarum, at fabulæ dixerint Magdalenam Ephesi Martyrium subisse? Vvillibaldus quoque nusquam scripsit Magdalenam Ephesi requiescere. Anonymus, & omnino inaccuratus scriptor, hæc ex eo se recitare ait, cum de illius peregrinatione scribit, apud Henricum Canisium in antiquis lectionibus tomo quarto parte secunda. Verum consanguinea Vvillibaldi, sanctimonialis Heidenheimensis, siue, ut alij scribunt, Hildishemienensis, quam nonnulli faciunt Sanctam Vvalpurgem, eam quidem peregrinationem apud ipsummet Canisium edidit, sed Magdalenam non dixit Ephesi requiescere. Afferre plura non placet, neque res quam ago postulat. Vnum tamen addo. Aduersarius utitur etiam argumento abnutio in disputatione de S. Magdalenæ; asseritque neminem antiquorum scriptorum dicere venisse in Prouinciæ, in eâ extremam diem obiisse, in eâ demum sepultam. Age, abnutio quoque aduersus ipsum utamur argumento. Asserit Magdalenam occubuisse Ephesi. Quid autem magnus ille Polycrates Ephesinorum antistes? Hic in celeberrima illa ad Victorem Romanum Pontificem Epistola, recenset præclara, ut eius verbis utar, illa *Ecclesia seminaria, quæ Ephesi obdormierunt*. Memorat *Philippi vnus ex septem Diaconis filiam, quæ Spiritus sancti afflatu inspirata, vitam piæ traduxit, Ephesique obiit in Domino*. Memorat *Ioannem qui super pectus Domini recubuit, qui Martyr & Doctor extitit, qui tandem Ephesi morte consopitus occubuit*. Magdalenam omnino tacet.*

- 87 Sed ista hæcenus dicta sint Vir Clarissime, ad alia, si tamen alia, veniendum est mihi. Finieram, ut vides, omnem de Brunonis in eremum, ex funestis rediuiui hominis vocibus, secessu disputationem, & de ipsa edenda cogitabam, cum ecce insperati nuntij, nouarum semina querelarum. Venerant non ita pridem in Cartusianorum Lugdunensium manus, Annales ab orbe condito ad nostra vsque tempora, ab homine Societatis nostræ conscripti: & ex partis secundæ tomo secundo occurrerunt de S. Brunone querentibus verba sequentia, *Quòd credebatur olim, S. Brunonem conuersum esse portento in morte, & Anastasi Raimundi Diocres Canonici Parisiensis, qui tribus diebus se accusatum, iudicatum, damnatum asseruit, ad hanc vocem Officij defunctorum, Responde mihi, iam pridem ab eruditis explosum est. Et quemadmodum ex Romano breuiario, iussu Urbani octauæ Pontificis expunctum est, debuerat ex eorumdem Cartusianorum claustris obliterari. Sed quid agas? Viri boni, cum maioribus suis errare volunt: & placet eis error, quoniam antiquus est, atque in pariere, & oleo depictus insulse ac parum eruditè*. Ad hæc verba hæserunt attoniti, neque satis credebant oculis suis. Stupuimus etiam de Lugdunensi Societate vniuersi, ad quos ab homine, qui rem fortè acceperat, derepente deuenerunt voces, ad illam diem ignotæ, quas aliquando, certè ab æmulis, exprobratum iri sentiebamus, utpotè plurimum alienas ab ea veneratione, quam singuli præcipuam Cartusianis debemus, pro sincero, & ab incunabilis nostris perpetuo, in nostram Societatem vniuersam amore: atque post vnum mensem, aut alterum, ego vnus omnium maxime, cum
- 88 Romæ accepi mandatum respondendi huic scriptori. Scilicet Ioannes Paulus Oliua, Societati nostræ Præpositus, triste illud elogium sanctissimi, no-

stroque

stroque coniunctissimi Ordinis, ægerimè vniuersorum tulit. Igitur vt rem audiuit, vt ad Ioannem Pegon Priorem Cartusix, ac moderatorem vniuersi Ordinis, scripsit in hæc verba; *Ista res adeò me vehementer mouit, vt quemadmodum sentio nullis literis assequi valeam meis.* Neque tu, sapientissime vir, non vides æquum postulare, vt vnus quis nostrum, bona veracique delect manu, quod alter minùs veraci, minùsque bonâ scripsit. Sed scilicet cum Societati nostræ Præpositus accepisset, me de Brunonis ex Parisiensi prodigio in eremum secessu scribere, existimauit hanc veluti appendicem operi meo deberi. Vt cumque autem hoc habeat, quæ hæctenus de illo secessu scripsi, id quidem omnino conficiunt quod incumbit nunc mihi, prorsusque docent S. Brunonem conuersum esse portento hominis Luterix rediuiui, & se æternis inferorum cruciatibus à Deo damnatum exclamantis; neque quòd falsum sit, verum alias longè ob causas expunctum esse è Romano Breuiario: conuersionem igitur eandem, quæ magno vniuersorum mortalium ad omne virtutis genus compendio, & in Cartusianorum claustris, & in aliis locis vulgò pingitur, *obliterandam* non esse. Ne se tamen hîc Annalium scriptor contemptum arbitretur, si de ipso prorsus taceam, atque vt Romano videar paruissè mandato, et si causa omnino iam in superioribus confecta omnis est, nonnihil pro loco nunc adiungam; & quod in Epistola Marfyæ ad Romanorum Priorem Cartusianorum feci numero 74. & sequentibus, excutiam paucis singulas elogij Aduersus Cartusianos ab illo editi partes. Quoniam verò suam quoque, ipsamque falsam, scripsit de anno sententiam, quo Cartusiam venit Bruno, etiam de illo vera afferam, neque diu, Clarissime vir, tenebo te.

Quod credebatur olim, inquit Annalium scriptor, *S. Brunonem conuersum* 89 *esse portento in morte & anastasi Raimundi Dioces, Canonici Parisiensis, qui tribus diebus se accusatum, iudicatum, damnatum asseruit ad hanc vocem Officij defunctorum. Responde mihi, iam pridem explosum est ab eruditis Raimundi Dioces nomen apud Cartusianos hæctenus auditum non est. Aiunt Brunonem conuersum esse in morte & anastasi hominis; sed huius hominis nomen à maioribus non acceperunt. Sutor ergo paginâ mihi secundâ sic loquitur: Fateamur ingenuè nullum Doctoris rediuiui illius nomen per nos adductum fuisse, quòd nullum sit literarum monumentis, quod viderimus, proditum. Eum fuisse Canonicum Parisiensem non assensit Henricus de Kalkar, Guillelmus de Elbura, Chronologus Priorum Cartusix, Anonymus Maioreuensis, Narrator inchoationis & promotionis Ordinis Cartusienfis, antiquissimi ante Gerlonem & Antoninum scriptores de secessu S. Brunonis in eremum ex Parisiensi prodigio; neque aiunt se damnatum exclamasse ad hanc vocem Officij defunctorum. Responde mihi. Qui recentiores ista duo, aut eorum alterum attulerunt, locuti sunt pro communissimo eorum hominum more qui ad populum dicunt; & vt monebam numero 63. *Se ad suorum temporum popularem sensum accommodauerunt, & ad asserenda illa faciliè deuenerunt, quæ vulgò pronum erat cum scribebant pro loco cogitare, primumque occurrebant audientibus Parisiense prodigium.* Hominis denique huius anastasi iam pridem ab hominibus eruditis explosam esse falsum est. Aduersarius quidem, aut Marfyas potiùs Aduersarij tibiarum inflator, eruditorum primus scriptorum sam negauit; & seu agente, quod non faciliè pro viri perpetua humanitate*

- tate crediderim, seu infcio, Aduersarius explodit. Annalium autem scriptor, quod is solus rem accuratius edifferentium fecit ad hanc diem, asserit factum ab eruditis. Nam si qui alij Marfyam pro nominis celebritate secuti, rem aut voce, aut scripto negant, non continuo dicendi sunt explodere. Eruditi viri, modestiæ quæ ipsos decet memores, agunt argumentis ex rei natura, aut sapientium virorum testimonio acceptis, non iniuriis, quod explodendum est, atque contumeliosis vocibus. Verum vt disputatio non sit de voce, scriptor Annalium fruatur suæ huius vsu, ego certè, vt hinc incipiam de re dicere, vehementer miror Catholicos Sacerdotes seu explodere, seu negare vniuersis toto orbe Cartusianis contrà nitentibus magnâ vi, & suorum maiorum sententiam voce, scriptoque singulis ab ipso Brunone sæculis firmatam opponentibus, quod centuriatores Magdeburgenses acerrimi ceterâ & impudentissimi Monachorum & aduersarij & olores, neque explodere, neque negare, pro sui ad omnes toto orbe populos vulgarissimâ celebritate ausi sunt, admiseruntque etiam non sine laude centuriâ vndecimâ columnâ mihi trecentessimâ decimâ terciâ verbis sequentibus. *Omnibus portento hominis, se accusatum, iudicatum, damnatum cristi querelâ exclamantis, cum metu examinatis, Bruno rei tam stupende spectator, cum quatuor eruditis, & duobus idiotis. petiit eremum, cui bodie Cartusie nomen est, &c.*
- 91 *Eò igitur Bruno ad res diuinas intentus primum cœnobium fundat.* Deinde si Annalium scriptor amabat non Cartusianos, vt par erat, sed eruditos alios aut sequi, aut asserre viros qui de re sapienter & accuratè dixerint, cur Aduersarium ex eruditis vnum consuluit, autoremque sibi ad scribendum accepit, aut Marfyam potiùs, qui Aduersarij tibias inflauit? Eruditus, fateor, fuit Marfyas: Theophilus autem Rainaudus quis? Ille abnutiuo nescio quo argumento prodigium hoc negauit Cartusianis, per sibi notorum ex antiquis scriptorum illustre sapiensque silentium, magnis erroribus & inani labore vagatus: Ille Cartusianorum, Catholicorum potiùs vniuersorum, communissimum sensum venèratus, hoc idem ipsum asseruit. Nolo alterius eruditionem cum alterius eruditione conferre, & inuidiæ profectò plena res est. Hoc vnum aio: Theophilus ea fuit indole, eo à natura ingenio, vt & prodigia, & alia, quæ ad animos populorum commouendos faciunt difficile sine magnis auctoribus admitteret, sicuti affirmant Heteroclyta spiritualia, & alia non pauca hominis opuscula. Sed sapientiæ suæ, ac bonæ menti dedit, vt Parisiense hoc admitteret prodigium. Nam si de eruditione certandum sit, qui illam ipsi negauerit, se probabit ineruditum, obruendumque præbebit nouendecim magnis, neque non spissis, ab eo scriptis voluminibus. Cùm igitur duo tantum viri dissertationem accuratam magnis, & vt ita loquar, totis animis, dicendique etiam aduersus contraria sentientes viribus instituerint, de hominis Lutetiæ rediuiui prodigio, & ex eo conuersione Brunonis ac secessu in eremum, Marfyas Aduersarij marui, & Theophilus Raynaudus suâ, eruditi ambo, ambo scriptis libris nobiles, ego quidem non video, cur Annalium scriptor noluerit Theophilum sequi aientem, plurimisque rationibus comprobantem, quod Cartusiani allatum domo suaserunt vniuersis toto orbe Catholicis, malueritque stare à Marfya negante id, quod quia solos apud Cartusianos, vtpote domesticum, inueniri potest, apud alios deuius quæsitore non legerat. Queror etiam

etiam quod affirmet ab eruditis explodi, quod à sui Marſyæ (vt magis putabam) lenitate ſuauiſſimeque omnibus nouiſſima aberrans, Aduerſarius exploſit vnus, laudante è contrà, veriſſimiſque argumentis aſſerente veritati Theophilo. Præterea in annalibus iſtis hæc lego, *S. Brunonem conuerſum eſſe portento iam pridem ab eruditis exploſum eſt.* Itane *iam pridem* exploſum eſt? omnino, inquires: ſed quod, & quantum temporis eſt illud, quod vocibus *iam pridem* ſignificatur? Quingentos forſitan, aut quadringentos cogitabit nonnemo hîc annos, aut certè trecentos? Nequaquam. Non triginta, aut verò quadraginta ſunt anni, cùm Marſyæ venit in mentem prodigium iſtud negare, quia nullis ipſum in libris, ſeu manu ſeu typo ſcriptis legebat. Magna viri confidentia! Quasi datum eſſet hoc tibiſ Aduerſarij quas inflabat, vt vniuerſos manu etiam ſcriptos traherent ad ſe libros, quod Orphei Lyæ conceſſerunt Poëtæ, vt animantes quoque brutas, arboreſque ad ſe cogeret. Cùm agatur de re ab annis fere ſexcentis & geſta & credita, Annalium heſternus autor vult *iam pridem* exploſam, ex eo quod Marſyas à paucis annis, triginta ſcilicet aut quadraginta, eam negauit, & Aduerſario fuit autor negandi; & Aduerſarius pro animis à Marſya factis exploſit vnus. Ego potiùs non *iam pridem*, ſed nouiter & exploſam & negatam aio; atque ex eo, vt aliud non eſſet, abiiciendam non exploſionem ſed negationem puto. Viguerat ipſo duodecimo, quo ineunte Bruno mortuus eſt, ſæculo illa de ſecellu Brunonis in eremum ex iſto prodigio ſententia, vt eo adulto ſcribebat Narrator inchoationis Cartuſianorum: viguerat decimo tertio ex Maioreui Anonymo, qui ſe teſtatur ipſo exeunte ſcripſiſſe: viguerat decimo quarto, vt ineunte Guillelmus de Elburæ, adulto Chronologus Priorum Cartuſiæ, exeunte Henricus de Kalkar, doctiſſimi & ſanctiſſimi viri, illis ipſis tradidere temporibus: Viguiſſe quinto & ſexto poſt decimum, ac demum vigere noſtro hoc ſæculo, nemo neſcit: & quæ nuperrime, atque, vt ita pro longiſſitudine temporis quo vigit loquar, nudius tertius facta eſt illius exploſio ab Aduerſario, eoque vno, per animos à Marſya acceptos, dicitur *iam pridem facta*? Malum! ab Annalium etiam ſcriptore, qui per ſæcula ſingula, ſinguloſque etiam ſerè annos attentus temporum aſtimatot it, dicitur facta? Placet hîc manum ſuſtinere, & hanc orationis mæx pro Cartuſianis partem illis ipſis verbis concludere, quibus ſuam aduerſus ipſos ocepit Annalium ſcriptor. *Credebatur olim*, inquit ipſe, *S. Brunonem conuerſum eſſe in morte & anafſi Raimundi Diocres Canonici Pariſienſis.* Omnino, inquam ego, credebatur olim ab anno Chriſti milleſimo octogefimo quarto, & ad noſtra vſque tempora credebatur, Brunonem conuerſum eſſe Pariſiis, in morte & anafſi hominis. Ex vero autem addo ſequentia: ſicuti olim credebatur, & ad noſtra vſque tempora credebatur, ita nunc etiam creditur. Quæ Aduerſarius tertium quoque ſcripſit, & per Lutetiam ſparſit, non ea ſunt, vt fidem illam quæ per ſæcula ſerè ſex ſteterat inconcuſſa, potuerit ſeu extinguerè, ſeu delicere. Nunquam ille, aut potiùs per illum Marſyas, eam diruet, aut etiam excutiet, vel imminuet vno abnutio illo argumento, ſi tamen argumentum eſt, quam innumeri Cartuſiani, & ſanctitate vitæ, & ſinceritate præſtantes, toto orbe per ducenta circiter monaſteria

sparsi, & suorum ab ipso S. Brunone parente maiorum traditione perpetuâ, & fidelissimis per singula ab eodem Brunone sæcula scriptorum monumentis firmant & sustinent. Eam ille, & nescio qui pauculi, Marlyæ eruditione commoti, nuper polluerint Lutetiæ: reliquâ omni Galliâ, totâ Italiâ, Lusitaniâ totâ, totâ Hispaniâ, Germaniâ totâ, toto demum orbe Christiano quantus est viuît ipsa & viget.

94 *Et quemadmodum, pergit Annalium scriptor, ex Romano Breuiario iussu Urbani octauî Pontificis expunctum est, debuerat ex eorumdem Cartusianorum claustris obliterari. Hic fateor Romanos censes, Urbano octauo Pontifice probante, sustulisse prodigium Parisiense ex Breuiario: sed quod idcirco debuerit etiam ipsum è Cartusianorum claustris obliterari pernego. Si ex Breuiarij lectionibus solummodo deletum fuisset, quidquid ad illud spectabat, vt falsò asseruit Aduersarius paginâ 175. Annalium scriptor fortassis haberet aliquid, cur obliteratum quoque vellet è Cartusianorum claustris: nunc cum ij ipsi censes, illo ipso eodem Pontifice probante, expunxerint è Breuiario celeberrimam quoque illam, Brunonisque, ac nostris etiam temporibus viliissimam in omnem partem, & Ecclesiæ perhonorificam professionem fidei, Berengarianæ hæresi nondum omnino tum extinctæ, & Calvinianæ nunc viginti prorsus oppositam, ego quidem non video cur velit obliterari illud prodigium è Cartusianorum claustris, quoniam è Breuiario expunctum est. Vt illorum claustra ob alios fines surrexerunt, quàm Breuiarium est conditum ita etiam illorum in claustris pingi possunt longè alia ab illis quæ in Breuiario conscripta legimus. Aduersarius voluit solam falsitatem historiæ à censoribus expunctam fuisse. At solamne falsitatem: omnino solam, inquit. Quibus testibus, quibus argumentis hoc euincit? Alia nulla potior causa (sunt eius verba) ecclesiasticis prescribitur regulis, præterquam deprehensa falsitas, qualis in lectionibus vigiliarum S. Brunonis deprehendi potuit ab Romanis correctoribus, qui sacris Ecclesiæ ritibus præsumt. Vah turpe argumentandi genus? Volo nullam potiore causam expungendi aliquid è lectionibus Breuiarij esse, præterquam falsitatem: volo falsitatem potuisse deprehendi à Romanis correctoribus in lectionibus vigiliarum S. Brunonis. Quid ergo? Qui fateris illam esse potiore causam delendi aliquid, profectò negas solam esse, & ais alias etiam afferri posse, non potiores quidem, sed veras tamen. Vnde igitur habes censes Romanos, cum aliqua sustulerunt è lectionibus vigiliarum S. Brunonis, spectasse illam potiore, non aliam? Deinde cur ais falsitatem potuisse deprehendi in illis lectionibus: deprehensam debuisti dicere; antè scilicet quàm ob falsitatem deprehensam corrigerentur, debuit falsitas in illis deprehendi. Verum ex ipsa earum correctione certum est censes noluisse falsitatem expungere, quam scilicet nullam inuenerant, cum egregiam illam professionem fidei expunxerint, quâ moriturus Bruno in hæc verba, iis ipsis testibus qui tum inteterant, locutus est: Credo panem & vinum quæ consecrantur in altari, esse post consecrationem verum corpus Domini nostri Iesu Christi & verum sanguinem.*

95 Petes. Si censes Romani habuerunt prodigium Parisiense pro vero, cur illud è Breuiario sustulerunt? Respondeo. Modesta, & non abiicienda postulario. Eam debuit Aduersarius, Annalium scriptor debuit asserre,

afferre, non autem visâ feralis illius prodigij è Breuiario expunctione continuò pronuntiare, ex eo *ob falsitatem deprehensam* deletum esse. Bartholdus Nihusius epistola ad Andream Saussayum asserit se Romæ per Ioannem Nicium Erythræum postulasse hoc ipsum à Romanis censoribus, & id responsi accepisse; *Nequaquam istud è Breuiario summatum est, quod iudicaretur esse fabulosum, sed alia de causa.* Antè assero quàm hoc aliud causæ, vide quid Nihusij verbis subiungat Aduersarius: *Parum verisimile est, quod in ista epistola tradit Nihusius.* Proh scribendi licentiam! nolo aliud addere. Verisimillimum, verum potius esse, ea docent quæ Annalium scriptor poterat legere in Stylista mystico, si maluisset, uti par erat, rem ex vero cognoscere, & hac in parte sequi Theophilum Raynaudum, neque nimium indulgere suo Marfæ. Puteanus Romæ Cartusiani Ordinis vniuersi Procurator mandante Generali, inquit Theophilus puncto 3. numero vigesimo tertio libellum supplicem obtulit Congregationi rituum, & responsum tulit mentem sanctæ Congregationis nunquam fuisse improbare, aut in dubium vocare narrationis huius veritatem, sed consultius visum esse eam expungere, quòd mos Ecclesiæ ferat in sacris Officiis Sanctorum qui religiosas familias instituerunt, recensere eorum vitas, non causas ex quibus ad instituendum Ordinem suum fuerint impulsæ. In Vaticana Bibliotheca est liber, Maiorum autoritate ad posteriorum informationem conscriptus, de rebus in nupera Romani Breuiarij recognitione mutatis. In eo autentico opere, cum ad mutationem factam in lectionibus Officij S. Brunonis deuenitur, disertè ac liquido proditur, expunctam esse eam de Doctore damnato narrationem, quòd lectionibus, quarum breuiario captabatur, prolixitatem iusto maiorem inferret, nec superesset locus proprijs S. Brunonis ornamentis atque virtutibus, quas potius intererat in sacris lectionibus percenseri. Hactenus habet Raynaudus in Stylista mystico. Ex illo intelligis Parisiense prodigium è Romano Breuiario sublatum esse, non quòd falsum sit, sed quòd non multum faciat ad S. Brunonis virtutes, quas in eius Officij lectionibus conscribi par est; atque si iis inseratur, faciat iusto longiores: neque soleat Ecclesia in illis scribere causas, quæ sanctos viros impulerunt ad instituendos Ordines regulares, quibus sua fecerunt initia. Cum autem hæc ita habeant, certè ex eo quòd istud prodigium è Breuiario à Romanis censoribus, Urbano octauo comprobante, expunctum est, non debuit Annalium scriptor dicere, quòd debuerit etiam à Cartusianorum claustris obliterari.

Addit tamen exultabundus, & veluti prostratum increpitans hostem, *sed quid agas? viri boni, cum maioribus suis errare volunt.* Errare? Cum maioribus suis errare volunt Cartusiani? Vah acerbas & asperas voces! Cur non addit errare cum Romanis censoribus, errare cum Gregorio decimoquinto Pontifice? aut etiam, cur non asseuerat errare non cum Maioribus suis, sed cum eo vno Pontifice; cui, si hoc placet, Romanos addere potest censores? Profectò enim si in Sancti Brunonis Officij lectionibus erat error, Gregorius Pontifex vnus ille est, qui eum in ipsas intulerat, suadentibus Romanis censoribus. At quis audeat hoc asserere? Neque igitur debuit Annalium scriptor errorum Cartusianis affingere. Alius quis ipsum potius, quàm

- seu Gregorium Pontificem, seu Cartusianos errare asseruerit, eique re-
posuerit illud suum *sed quid agas?* vir bonus cum Aduersario errare voluit
aut potius maluit errare cum Aduersarij Marſya quàm cum Theophilo
Raynaudo vera sentire. Sed propositi ego mei memor, abstineo ab hac, &
alià omni contumelià. Vnum tamen dico cùm Annalium scriptor conuitia
hæc voluebat animo, scribereque parabat, cur non sustinuit momento cer-
tè calamum, cogitauitque quis ipse sit, & qui tandem ij quos & viros bo-
nos appellare meditabatur, & erroris arcessere, adeoque improbæ in errore
pertinaciæ ac impudentiæ, vt ipsum efflictim adament, & perdurare in eo
velint. Quid? quòd subiungit etiã sequentia, quæ de hominibus per omnem
profligatæ vitæ licentiam perditis nemo facile sentiat. *Et placet eis error quia
antiquus.* Nam vt taceam, & eius cogitationi relinquam quis ipse sit si cum
- 97 Cartusianis componatur, qui tandem Cartusianæ Principio in vniuersi præ-
sulibus Ordinis inuenio duos eo sapientiæ, sanctitatis, scientiæ claros no-
mine, vt Cardinalium non pauci contenderint ipsis suis suffragiis in sum-
mum Pontificatum euehere, Ioannem Burellum, qui anno sexagesimo
supra millesimum trecentesium mortuus est, atque Guillelmum Raynal-
dum, qui secundo post millesimum quadringentesimum. Hos quis audeat
vocare viros bonos, & dicere quòd errarunt, & in maiorum errore volue-
runt hære? Deinde quod in nullis ceterorum Ordinum Genaralibus Præ-
positis fortasse inuenies, in ipsis iisdem Cartusie Prioribus lego fuisse omni-
no quatuordecim, qui scripserint libros sapientiæ, pietatis, scientiæ suæ testes.
Eorum vnus Bonifacius Ferrerius, sancti Vincentij illius Dominicanus toto
orbe celeberrimi frater, fuerat vnus de septem regentibus regni Valentie
in Hispania, antè adiret quàm Cartusianum Ordinem. Bonine viri dicen-
di sunt, aut seu errasse, seu errorem maiorum adamasse adeò illustres sa-
pientiã & scientiã viri? sed ad alios à Cartusie Prioribus accedamus? In illis
- 98 ego quidem cenſeo è Cartusianis Episcopos, vt enim ad Episcopatum
euecti fuerint, inuenio tamen vniuersos ab Ordine inuitos recessisse, & in
illo potius quàm in Episcopali fastigio mortem obire optasse. Nicolaus Al-
bergatus & pietate & doctrinâ insignis, Bononiensium antistes fuit, & ex
antistite Cardinalis. Antonius Surianus Venetiarum Patriarchatum gessit
cum laude. Guigo, & Bonifacius Sabaudie Ducum filij, è Cartusianis ille
Augustensis antistes, Valentinus hic, Ecclesiam magnis facinoribus illu-
strarunt. Desiderius è Forcalqueriensium gente Regulorum Episcopus, Dix
Vocontiorum sedit. Quid ceteros enumerem? Binas triades accepe, alte-
ram claritudine generis illustrissimam, sanctitatè etiã vitæ præfulgentem
alteram. In priore censentur Bertrandus, Bermundus, & Petrus Sabranus,
Sistaricenses Episcopi; in posteriore Bernardus, Stephanus, Odolricus Dien-
ses. Profecto fuit è Sabranijs quondam vir, qui haberet in matrimonio fi-
liam vnicam Forcalqueriensis principis, cuius Comitatus suppar erat Comi-
tatu Prouinciæ: fuit è Bermundis qui duceret filiam Comitum Tolosani.
Stephanus verò Diensis præful, & totâ vitâ claruit magna ingentium vi mi-
raculorum, & intra viginti à morte annos reddidit vitæ mortuos vndecim.
Ab Episcopis populorum rectoribus veniamus ad scriptores, Ecclesiasticum
- 99 lumina quas editis erudierunt libris. Tulit Anglia & alios, & Thomam
Spenserum, Mauritium Chanerum, Ioannem Balmanſonum, Galterum
Hyltonum,

Hyltonum, Guillelmum Ladtinchtonem; Tulit Italia Ioannem à Deo, Porchetum, Seluaticum. Infinitus ero, si contendam ire per singulas orbis Christiani Provincias. Quis Hebraicè, Græcè, Latine doctior Godefrido Tilmanno? Ægyptium denique Chalcenterum superauit scriptorum librorum multitudine Dionysius Rickelius, superauit Ioannes de Indagine. Hone tu bonos viros appellites, errasse asseras, asseueres perstitisse volentes in maiorum errore? Sed qui tandem sunt illi maiores, quos in errore duces sequuntur Cartusiani? vidimus fuisse singulis ab ipsius Brunonis morte sæculis magnos & illustres viros, qui & prodigium Parisiense mandarent literis, & ex eo prodigio secessum Brunonis ac sociorum in eremum; vidimus in illis esse qui rem à discipulis, sociisve Brunonis, ab ipso etiam Brunone potuit accipere: An igitur Annalium scriptor aut Brunonem, aut Brunonis seu socios seu discipulos, vt maiores Cartusianorum omnium qui ab ipsis fuerunt, suntque etiam nostris temporibus dicimus, ita etiam errasse vult? Hic placet sistere, & cetera lectori cogitanda relinquere, quæ si cum scriptore Annalium iuuaret certare conuitiis, plenâ neque iniquâ manu regeret alius quis. Igitur id ego vnum repono. Petrus Sutor, Petrus Bloëmenuenna, Laurentius Surius, Franciscus de puteo, non errauerunt; non errauerunt ceteri Cartusiani, cum seu literis, seu scalpri, seu coloribus mandauerunt, quæ de prodigio Parisiensi, & ex eo de Brunonis ac sociorum secessu in eremum acceperant à maioribus seu voce, seu scriptis libris per traducem, singulis ab eodem Brunone ad nos vsque sæculis, vt in superioribus fusè docui.

Tardet persequi & excutere ceteta scriptoris Annalium. Nam quod vltimum affert verbis sequentibus, *Placet eis error, quoniam in pariete & oleo depictus est insulse ac parum eruditè*, id profectò est huiusmodi, vt de pueris malè sanè lasciuiuentibus dici forsitan à non iniquo conuiuiatore possit, de grauissimis & sanctissimis totoque orbe per sexcentos fere annos illustribus ac venerandis viris (vt graue quid non asseram) nec dici, nec cogitari debuit. Igitur Ioannes Paulus Oliua societati nostræ Præpositus adeò molestè tulit ipsum, & vniuersum hoc iniuriosum Cartusianorum ab homine Societatis eiusdem nostræ elogium, vt epistolam ad Ioannem Pegon Generalem eorum Ordinis moderatorem super illo concludens, sanctè asserat *paratum se quamlibet abolende huius notæ viam exhibere.*

Quod reliquum iam est, acedamus ad dicendum de anno, quo scriptor Annalium existimat S. Brunonem adiisse Cartusiam. Asserit illam ingressum anno sexto & octogesimo post millesimum, & fallitur. Multos opinionis suæ habet auctores; neque igitur grauiter aut turpiter, sed non ineruditè fallitur. Inter illustres viros ad illud sentiendum auctores, habet Baronium sapientiâ, pietate, eruditione, non minùs quàm honoris gradu eminentissimum virum. Ecclesiasticorum is temporum omnino accuratus, sensit S. Brunonem anno millesimo octogesimo sexto venisse cum sociis ad S. Hugonem Gratianopolitanum Episcopum, & eo duce posuisse suas in Cartusia sedes. Sic loquitur eo anno. *Cum superius dictum sit ex sancti Hugonis vitæ actis, ipsum anno millesimo octogesimo creatum fuisse Episcopum Gratianopolitanum, post duos verò annos adiisse Cluniacenses, ibique moratum annum vnum, inde ad Episcopatum reuersum, in eo transegisse tres annos, planum inue-*

nies sexto anno à sua ordinatione cum sociis, hoc nempe anno petiisso Cartusiam, Hæc Baronius. Longè alia Henricus de Kalkar, Anonymus Maioreuensis. Narrator inchoationis & promotionis Ordinis Cartusienfis, & alij antiquissimi Cartusiani. Hi magno consensu asseuerant S. Brunonem parentem adiisse Cartusiam, & in ea dedisse initia suo Ordini anno millesimo octogesimo quarto, quibus vtpote domestica referentibus quis negauerit fidem?

102

Inquies. Baronius ea quæ attulerat vniuersa, desumpsisse asseruit se, à Guigone illis antiquiore Cartusianis omnibus allatis, maioreque igitur ad faciendam fidem auctore, vtpote qui anno millesimo centesimo tertio Cartusianis se adiunxit, & millesimo centesimo decimo euasit in Priorem Cartusie, coniunctissimus S. Hugoni Gratianopolis Episcopo per annos viginti nouem, quibus fere totis cum eo vixit. Hic hæreo. Certè Guigo, scriptor actorum vitæ S. Hugonis, is est antiquitate, sapientiâ, eruditione, vt illi debeamus omnes assentiri, præsertim dicenti de S. Hugone Episcopo Gratianopolitano, & amicitia, & vitæ genere, & contubernij (vt ita loquar) necessitudine coniunctissimo, ad Pontificem Romanum, qui vt de ipso diceret iussit at. Cartusiani verò illi antiquissimi, neque à Guigone Priore olim suæ Cartusie, & post Brunonem ac Lauuinum longè maximo suorum Priorum ac illustrissimo, discessisse existimandi sunt; & cur falsa seu à maioribus acceperint, seu posteris scripserint, de Hugone Episcopo amantissimo, ego quidem non video. An ergo (inquies iterum) Baronius putandus est, ea veluti ex actis vitæ S. Hugonis à Guigone scriptis attulisse,

103

se, quæ in ipsis non habentur? nequaquam. Quid ergo? perges. Profectò si quid in re prorsus obscurâ & impeditâ asserendum est, aio ego Baronium ea dicere, dicere Cartusianos antiquissimos ea, quæ, vt ab inuicem diuersa sint, conueniunt tamen verbis Guigonis. Ista scilicet duplicem habere possunt sententiam, quarum altera traditur à Baronio, à Cartusianis penueritibus altera: sed vna hæc, quam Cartusiani asserunt, habet veritatem, falsitatem illa, quæ à Baronio prolata est. Vt hæc aperta sint, age, componamus vtramque cum verbis Guigonis. Ita loquitur: *Hugo duobus post consecrationem* (hæc Romæ facta fuerat) *expletis annis, contemptis omnibus, Casa Dei Ordinis Clunianensis factus est Monachus, ibi nouitiis annum vixit. Post hoc seu post hunc nouitiatus annum, atque adeò tertium à consecratione Romana, cogente Gregorio septimo, è monasterio, quò seruens intrauerat, seruentior est reuersus; pro claustro circumspeditionem habens peruigilem, &c. pro Abbate iustitiam, &c. pro congregatione aut. religiosos, quibus carere nunquam voluit socios, aut vniuersalem Ecclesiam, &c. In his agebat, seu ita claustrum, Abbatem, congregationem habere sibi videbatur, & ecce tribus necdum in Episcopatu post monasterij reditum completis annis, adest magister Bruno. Hactenus Guigo. Baronius sic interpretatur eius verba, vt Hugo primum annos duos solidos post consecrationem Romanam exegerit, & in Casa Dei monasterio tertium; deinde è Casa Dei Gratianopolim reuersus, alios fere tres in Episcopatu posuerit, ante aduentum Brunonis; vult igitur Brunonem ad eum venisse, cum non longè erat à fine anni sexti Episcopatus. Neque immeritò ita sentit, Guigonisque voces interpretatur. Omnino enim si tres in Episcopatu anni, qui necdum completi feruntur, censcantur fluxisse post reditum*

reditum è monasterio Casa Dei, quem tres anni post consecrationem Romanam præcesserant, vt primâ specie videtur postulare Guigonis oratio, sex Hugo circiter, non pauciores à consecratione sua, vsque ad Brunonis aduentum, duxisse annos existimandus est. Verùm nihil cogit ita Guigonem interpretari, & quod dicitur *post monasterij reditum*, sic possumus exponere, vt sit idem atque *secundum monasterij reditum*, seu statim, neque multò post monasterij reditum; & loco non suo positum fuerit ante voces *completis annis*. Igitur erit hæc sententia. *Ecce tribus necdum in Episcopatu completis annis, adest modico post monasterij reditum tempore, magister Bruno*. Sed vide qui necdum completi feruntur, annos esse in Episcopatu post consecrationem, & Româ reditum positos, inque curâ Episcopali collocatos. Nam si ab Hugonis consecratione Romana censeas annos, iam tres expleti erant, & quartus fluebat, cum Bruno ad ipsum venit; scilicet, vt dixerat Guigo, *duobus post consecrationem expletis annis*, Hugo fuit in monasterio Casa Dei nouicius per annum vnum. Quantum verò temporis fluxerit ab expletis post consecrationem Romanam annis tribus, vsque ad diem, quâ Bruno venit Gratianopolim, non possum dicere. Et verò quis diei consecrationis ignarus hoc asserat? An id S. Hugone factum est, quod Hugone Episcopo Diensi, cuius erat discipulus, factum tradit Hugo Flauiniacensis, vt ex eo retuli libro 2. de Episcopis Diensibus numero 27. *& post ipsam suam electionem in anstlitem Gratianopolis, factum mense Octobris, ad suscipiendos Ordines mense Decembris venit Romam, & in eo vsque ad Presbyteratus gradum promotus fuit; in quadragesimâ verò sabbato in presbyterum, & sequenti Dominicâ ad Missam in Episcopum consecratus est; atque sic post octonos consecrationis dies, affatim imbutus diuinis dogmatibus, & vberim roboratus Ecclesiasticis sanctionibus, benedictione perceptâ dimissus est ad regendos filios die 7. Martij*. Certè Bruno videtur ad Hugonem venisse sub initium Iunij, qui Cartusiam adiit circa natalem Ioannis Baptistæ: igitur si, vt suspicabar, Hugo Romæ in Episcopum vnctus est die aut septimâ, aut si magis placet, vigesima octaua Martij, quæ illo anno millesimo octogesimo præcedebat Dominicam de passione, quartus à consecratione Hugonis agebatur iam per duos menses & aliquot dies, cum Bruno ad illum venit.

Dices. Ista verborum Guigonis expositio, de tribus necdum in Episcopatu completis annis; & quarto ab Hugonis consecratione, per duos menses & quod excurrit iam cepto, cum Bruno ad Hugonem Gratianopolitani Episcopum venit, coacta est; ideoque videtur excogitata, vt illi Cartusiani quos attulimus, antiquissimi quidem, sed Guigone minùs vetusti, negentur ei contraria, & proinde falsa, scripsisse de anno, quo Cartusiam venit Bruno. Respondeo. Ista expositio necessaria omnino est, vt ipse Guigo non asseratur falsa dixisse. Enimvero, vt alia taceam, & hoc denique dicam, ex ipsâ foundationis Cartusie chartâ certum est S. Brunonem, & socios, adiisse Cartusiam anno ab incarnatione Domini 1084. (sunt illius verba) *Episcopatus verò Domini Hugonis Gratianopolitani Episcopi quarto*. Certè cum ea charta sic habeat, neque illius verba ignorare potuit Guigo, Cartusie annos septem & viginti Prior; & ipsis contraria scripsisse, censeri non debet vir & sapientiâ, & vitæ sanctitate clarissimus. Nam expositio coacta dicenda non est quæ respondet scriptoris menti. Impedita potius non iniuriâ dicatur oratio,

oratio, quæ cum Guigo scribebat, videbatur non inelegans. Natus erat, omnemque vitam is egerat in Valentina regione, iuxtaque ipsam scribebat in Cartusiâ, cum post Longobardorum, Saracenorum, aliarumque gentium barbararum scruissimam, & illis, & proximis regionibus vastitatem, impeditus plurimum erat Latinus sermo, neque dum omnis, aut etiam multus emerferat in suam perspicuitatem, elegantiam, puritatem. Locus iste non postulat quidem, ut chartam recitem, in quâ continetur donatio Cartusie Brunoni & lociis, placet tamen eam afferre, ut tota hæc res illustrior sit. Ea sic habet.

106

Gratiâ sanctæ & indiuiduæ Trinitatis misericorditer nostra salutis admoniti, recordati sumus humane statum conditionis, & vite fragilis lapsus inexcusabiles, quam sine termino ducimus in peccatis. Itaque iudicauimus nos peccati seruos de manu mortis redimere, temporalia pro cælestibus mutare, eternam hereditatem pretio peritura possessionis comparare, ne duplici contritione conteramur, & presentis vite miseria laborum & dolorum initium sumamus. Itaque magistro Brunoni, & his qui cum eo venerunt fratribus, ut Deo vacarent, ad inhabitandum solitudinem querentibus, ipsis, eorumque successoribus in eternam possessionem, spatiosam eremum concessimus, ego Humbertus de Miribel, vnâ cum Odone fratre meo, & ceteris qui iuris aliquid habebant in prædicto loco: hi verò scilicet, Hugo de Tolnone, Anselmus Garcinus; deinde Lucia, & filij eius Rostanus, Guigo, Anselmus, Pontius, atque Boso, precibus & interuentu prædictæ matris eorum; Bernardus quoque Longobardus cum filiis suis; similiter & dominus Abbas Siguinus de Casa Dei, cum suorum fratrum conuentu, quidquid ibi iuris habere videbantur, supradictis concesserunt fratribus,

Ipsa verò, quam eis dedimus, eremus hos habet terminos, scilicet infra locum qui vocatur Clusa, & rupem claudentem vallem, & pertingentem vsque ad molarem claudentem & diuidentem Combam-caldam, & peruenientem vsque ad rupem mediam quæ est super Borghefos; deinde molarem alium, qui descendendo perducitur per vsque ad rupem à Bonuiant. Exinde molarem alium, qui descendendo perducitur per crepidinem plataneti à Bonuiant vsque ad rupem quæ est supra sursum de la follia. Similiter ab illo monte, qui de eadem rupe porrigitur vsque ad montem Aillinart & à monte Aillinari descendendo, extenditur iuxta Mortam, contra occidentem vsque ad rupem quæ est super carteriam, & ab hac rupe porrigitur vsque ad rupem de Pertuso. Inde postremò protenditur descendendo vsque ad flumen quod vocatur Guerus-mortuus. Inde quoque ab eodem clauditur vsque ad Clusam. Si qua verò persona potens, aut impotens, hanc donationem infregerit, tanquam sacrilegi reâ ab Omnipotentis Dei gratiâ, & fidelium consortio separata, anathemate Maranatha feriatur æterni ignis incendio, nisi dignè satisfecerit, cum Dathan & Abiron, & Iuda proditore concremanda.

Præfata quidem terra his terminationibus conclusa, à magistro Brunone, & ab his qui cum eo erant fratribus cepit inhabitari & construi anno ab incarnatione Domini 1084. Episcopatus verò Domini Hugonis Gratianopolitani Episcopi quarto, qui videlicet laudat & corroborat hoc donum, quod fecerunt suprascriptæ persona, cum omni conuentu clericorum suorum; & quantum ad se pertinet, quidquid sui iuris esse videtur, omnino concedit. Testes Hugo decanus, Ioannes de Podio, & Rostagnus Guigo de Lanz, & Galterus Bueta, Petrus & Gilbertus, Agelbertus

bertus & Aldelemus, Petrus & Ricardus. Lecta est autem hæc charta Gratianopoli in Ecclesia beate & gloriose semper Virginis Mariæ, quartâ feriâ secunda hebdomadae Dominici Adventus, in præsentia prædicti Domini Hugonis Gratianopolis Episcopi, atque Canoniorum suorum, aliorumque multorum tam Sacerdotum, quam ceterorum Ordinum Clericorum, celebrantium Sanctam Synodum quinto idus Decembris.

Quarta ea feriâ anno millesimo octogesimo sexto incidit in diem quintum idus, seu diem nonum Decembris: illo igitur anno lecta est hæc charta. Ecce laterculum, ex quo intelligis primam dominicam Adventus incidisse in diem vigesimam nonam Nouembris, & proinde secundam in diem sextam Decembris, atque ab ea feriâ quartam in nonam Decembris eiusdem.

Annus.	Aut. numerus.	littera Dominicalis.	Pascha.	Dominica 1. Adventus.	Indictio.
1081.	18.	C	4. Aprilis.	28. Nouembris.	4.
1082.	19.	B	24. Aprilis.	27. Nouembris.	5.
1083.	1.	A	9. Aprilis.	3. Decembris.	6.
1084.	2.	G F	31. Martij.	1. Decembris.	7.
1085.	3.	E	20. Aprilis.	30. Nouembris.	8.
1086.	4.	D	5. Aprilis.	29. Nouembris.	9.
1087.	5.	C	28. Martij.	28. Nouembris.	10.
1088.	6.	B A	16. Aprilis.	3. Decembris.	11.
1089.	7.	G	1. Aprilis.	2. Decembris.	12.
1090.	8.	F	21. Aprilis.	1. Decembris.	13.

At demum, inquires, quid Baronio fiet? An vir eruditione, sapientia, ingenio eminentissimus errauit in Guigone? Abs dubio aliena ab eo secutus est, cum tamen pro solita, suaque, ut ita loquar, modestiâ arbitraretur sequi se illum, quem in hac re ducem vnicum habere poterat: antiquissimorum enim Cartusianorum, quos memorauimus, lucubrationes, & Cartusie donationem Brunoni ac sociis, veras Guigonis interpretes, ne quidem de nomine acceperat, & ineditæ sunt etiam nunc, manu que scriptæ latent in armariis Cartusie. Igitur videns vni Guigoni credendum esse in re domesticâ, id in ipso accepit quod obuium est, ac omnibus vltro se offert: nihilque cogitauit de opposita verborum ipsius sententiâ, quæ ut sit vera, minus tamen occurrit legentibus Guigonem. Neque hoc miraberis, si cogites eam ipsam modestiam fecisse, ut aliud vnum quid adderet, quod admittere non possum. Acceperat à Cartusianis, Brunonem ab Urbano secundo Pontifice vocatum fuisse Romam, anno commorationis in Cartusiâ sexto: eò igitur cogitatione deuénit, ut sentiret Romam è Cartusia profectum anno illius seculi secundo & nonagesimo, utpote quem non dubitabat adiisse Cartusiam sexto & octogesimo, Guigonem (ut sibi videbatur) secutus. Tamen Bruno iam erat Romæ anno nonagesimo. Ecce chartam huius rei testem à siaguino Abbate Casæ Dei scriptam, quâ illo anno Cartusiam restituit Lauduino & sociis, concessam sibi à Brunone Romam eunte.

108

Ego frater Signinus Abbas Case Dei, notum fieri volo presentibus & futuris, quod frater Bruno à D. Papa Urbano Romam euocatus, videns loci destitutionem, fratribus recedentibus propter absentiam eius, dedit locum Cartusie nobis, & Congregationi nobis commissæ. Postmodum verò rogatu patris nostri Papa Urbani & precibus præmemorati fratris Brunonis, & eisdem fratribus, ut ibidem remanerent, à Priore eorum Brunone plurimum confortatis, fratri Lauduino quem magister Bruno discedens ceteris fratribus preposuit, ipsi, & ceteris fratribus sub eo degentibus, & eorum successoribus donum, quod nobis prædictus Bruno fecerat, coram Congregatione nobis commissâ, in capitulo nostro, sub presentia Gratianopolitani Episcopi Hugonis, ego ipse frater Signinus prædictæ Case Dei Abbas, cum consensu fratrum nostrorum reliqui, & eis, & successoribus eorum, locum prædictæ Cartusie, pro voluntate eorum omnino liberum feci, & iuri eorum omnino tradidi. Sed charta, quam prædictus Bruno nobis fecerat, ideo non est reddita, quoniam à fratribus nostris, in capitulo sub interdicto requisita, non potuit inueniri: & si vnquam inuenta fuerit, eorum ipsa charta sit iuris. Factum est anno ab incarnatione Domini 1090. 15. Kal. Octobris. Ego Signinus Abbas subscripsi, & in presentia Archiepiscopi Hugonis (Hugonem loquitur Lugdunensem Archiepiscopum, ex Episcopo Diensis) hanc chartam ex integro confirmavi.

109

Cum Signinus ista scripserit, & Cartusiam Lauduino atque sociis anno millesimo nonagesimo restituerit, ad preces Brunonis cum Urbano secundo Romæ commorantis, Bruno à Cartusia Romam non abiit anno millesimo nonagesimo secundo, ut sentiebat Baronius: & cum vir sanctus annos sex autore ipso eodem Baronio, antè in Cartusiâ commoratus fuerit, quàm ex illâ Romam abscederet, dicendus omnino est ipsam adiisse anno millesimo octogesimo quarto, inter quem & nonagesimum numerantur sex; non autem millesimo octogesimo sexto, à quo ad nonagesimum usque sunt tantum quatuor.

EGo Ioannes Platiere Prouincialis Societatis I E S V in Prouincia Lugdunensi, facta mihi potestate ab admodum reuerendo Patre nostro Generali facultatem concedo ut Liber cui titulus est *quod Bruno adactus fuerit in eremum vocibus hominis rediuiui Parisiis, qui se accusatum, iudicatum, condemnatum exclamabat à Patre Ioanne Columbi eiusdem Societatis, Professore Theologiæ; compositus & à tribus Societatis eiusdem censoribus approbatus, typis mandetur.* In cuius rei fidem has literas sigillo nostro munitus, & manu mea subscriptas dedi Lugduni, die 20. mensis Maij. 1667.

IOANNES PLATIERE.



VIRGO
ROMIGERIA,
 SEV
MANVASCENSIS.

Reuerendo admodum & clarissimo D.

D.IACOBO REBVTI
 I. V. D.

HOSPITALARIO S. VICTORIS AD
Masiliam, & priori S. Mariæ Mannasc.

IOANNES COLUMBI à Societate IESV.

QUÆ duæ res olim fecerunt, vt scriberem & ad te
 deferrem scripta de Virgine Romigeria, patriæ
 meique adeò antiqua tutela quam ea gerit, &
 templum ipsius cui tu accurata pietate præes, illæ
 duæ res nunc etiam faciunt vt lucubratiunculam, cuius nulla
 ampliùs exemplaria prostant, emittam in lucom iterum tuo sub
 nomine. Scilicet ab vltima memoria nostram urbem Maria
 peruigil custos habet: recta, familias, corpora singulorum sol-
 licita sustentat. Quam ciuitatem tota Prouincia, quem locum
 tam citò amauit post religionem Christi publicitus acceptam,
 vt ante mille annos teneret sanctissimo signo? quem tanta
 fide dilexit, vt ex quo per insigne simulacrum insedit, muniret
 vi sua, & ad nostra vsque temporà perpetuis supranaturæ vires
 operibus augeret? Parum ei semper fuit corporibus morbos
 depellere: meorore animos & ægritudine liberare consuevit,
 etiam mortuis infantibus vitam reddere, dum aquâ lustrarentur.
 Quando aliud non possum, vt pro mea virili gratiam habeam,
 dico quæ illa sit, quàm præsentem & bonam se præbeat nostris

H 2

gentilibus,

gentilibus, quibus prodigiis maiores nostros adegerit ad spem
 opis ab ea. Cui verò deferam potius hoc opusculum, Virgini
 munus, quàm tibi, qui seruas ædem Mariæ, curas imaginem,
 cultum dispensas? Per illum virum ei repræsentari debuit, cuius
 labore studioque fit, vt suam vim & benignitatem repræsentare
 nobis perennet. Neque ingratum puto erit tibi, quod ab viro
 amico & populari proficiscitur. Libellum etiam exiguum
 mole, materia sacrum amabis pro tua modestia & pietate, aliis
 que virtutibus non Manusca solum vrbe notissimis, sed Sanui-
 torino quoque ad Massiliam monasterio venerandis. Ita quippe
 agis Hospitalarium in antiquissimis vniuersâ Galliâ & celeberrimis
 monachorum ædibus vt nihil debeas priscis illis de Cassiani vestri
 institutione cœnobitis, & verum Isarni discipulum repræsentantes.



AVTHOR LECTORI SVO.

INVISAM literis omnibus, notissimam ciuibus meis, Virginem Romigeriam educo primus in lucem, proponoque spectandam. Quid miraris, mi Lector? Ante mille annos per prodigiorum ingentem vim amore sui populum Manuascensem, et fauore detinuit: visum est mihi non ultra ferendum, ut ad exteros non dimanet tanta seu bonitas, seu maiestas. Neque verò tamen idcirco popularibus meis ego magis, aut in MARIAM gratus, aut in alios aequus. Quod ceteri hactenus tacuerunt, fuit magna pietatis: quòd non possum ipse non dicere, summi est officij. Mei gentiles, qui Manuascam urbem, habent, magnis religionibus, et quotidiana veneratione respondent beneficiis optima parentis: ego, quem aliò mea vita rationes à puero abduxerunt, ut aliquam habeam gratiam, stylo sequar absens necesse est, cum oculis, manu, totoque corpore nequeam praesens colere. Et putabam esse diuini, seu moris, seu consilij, quòd de tantis prodigiis primùm scribitur post multa saecula. Qua ubique gentium, et locorum vulgarissima nunc vides, olim diu fuerunt ignota, et primùm aliquando denique prodierunt. Quàm multos centenos annos latuerat MARIA Lauretana, quàm multos Aniciensis? Quid mage patet in vulgus Iacobo Compostellano? Eum plurima saecula nescierunt. Magdalenam vnus aliquis totà Prouincià nostrà vulgauit, et Annam, post innumeros latebrarum annos, atque silentij. Sic etià natura, naturaeque ars amula plurimùm condit, quòd educere amat, et in altum euehere. Qua de semine surgunt immensa arbores, radices alta humo longum fixere; fundamenta prius tellure iacent sepulta, quàm sese aperiat, efferatque domus: urbes etià amplissima, et clarissimi populi tacitis promanarunt initiis. Vicunque tamen hac habeant, cerè id asseuero, nihil, si qua mortalium est fides, sanctum magis hac mea Virgine, verumque edi posse. Qua de signo MARIÆ prodigiisque refero, accepi ex publicis tabulis, quas Tossantiùs Glandenensius Sistaricensis Episcopus confici iussit, auditis ab Officiali post sacramentum viris grauib. et probis. Non pauca addidi super Manuasca urbe: quid enim abs me taceatur, quam MARIA tot linguis loquitur; quos miraculis augeat? Ea ipse collegi ex eius chartis fidelibus et sinceris. Chartularium publicum (instructum illud est ac nobile)

aperuerunt Consules non semel aliis annis alij. Denique Sanuictorini ad Mafsiliam ciuitatem monasterij decora nonnulla attuli; eius cœnobita habent, curantque iemplum Virginis Manuascentis: omnia de tabulario, seu Sanmariano Manuasca, seu Sanuictorino ad Mafsiliam retulit Iacobus Reluti, Hospitalarius S. Victoris, & Prior S. Mariae.





VIRGO
ROMIGERIA,
 SEV
MANVASCENSIS.

MANVASCA est vrbs Prouinciæ non procul Druentia fluuio, sedes olim hyberna Comitum ab Rhodano per Aptam Iuliam, & Sistaricum ciuitates ad Vapincenses, & Ebredunenses, quos ditio tenebant, latissimè dominantium: sexto lapide ab Forcalquerio eorundem Principum æstiuæ domo, fontèque gentilitij nomînis. Amœnis montibus cingitur omni parte, si meridiem excipias: nam quæ planities ex eorum radicibus surgit in hemicyclum, aperit sese, ac longè funditur versùs meridianam plagam. Ipsa de tumulto molliter erecto media surgit, aut circà montibus se visendam præbens, aut campos latè subiectos visura. Vrbs non omnino modica numerat familias supra mille, fontibus, plateis, regionum situ comoda, & non inelegans. Minor olim erat, & minùs concinna: suam amplitudinem & speciem accepit ab centenis aliquot annis, cum pagani, quibus vicatim per agrum habitantibus dominabatur, in ipsam immigrarunt. Ventorum omnium pagus erat ad Occidentem in cognomine monte, Fanum Martini ad Orientem in monte Aureo, Fanum Petri ad meridiem in planitie. Sunt qui addant sed incerto authore, castrum Montis acuti, quæ colles ad Septentrionem ferunt ab Oriente. Inuenio pagum de omnibus ventis stetisse vltra annum quinquagesimum supra millesimum ducentesium: duo alij vigeabant anno tertio & nonagesimo illius sæculi, quo patritij cum plebe conuenerunt Rainaudi, Fontiani, Gaufridi, Monlaurij, Trimondi, Aicardi, Ricau, Portales, Hospitalarij, Falcones: quibus (scilicet incerta cum forent, neque fida satis pacta) sese nono post & vigesimo anno addiderunt Selonij, Monbrunij, Barralij, Rostagnij. Fuerintne tum vel in vrbe, vel per agrum in pagis, neque ad cæteros sese adiunxerint Crucij, Simiani, Saffalini, Guasquij, Iustacij, Piolla, Redorterij, Rainerij, Textores, Clementes, Bonei, quos fideles chartæ sequentibus sæculis floruisse testantur, quis asserat? De tam multis procerum familiis pauca nunc seruant suum nomèn; cætera vel omninò perierunt, vel degeneri sobole ad plebeium ordinem redactæ sunt. Quid enim non mutat ætas inuida? Ciuitatibus, populis, regnis quoque & imperiis finem inuenit. Quæ causæ paganos coegerint in vrhem, me latet. Ea in pyri figuram collecta spectat quatuor mundi plagas totidem portis. Quæ ab aurora dicitur, ducit ad montem miræ fecunditatis,

ditatis, aureūque adeò vocant: nullum enim fermè est arborum, fruticumve, aut herbarum tota Prouincia genus, quod abundè non ferat. Eadem res fecit vt Aurelianenses valli dederint nomen Aureæ. Audi Paupirium Massonum in Ligeri: *Appellatur Floriacus Vallis aurea ab Aimoio, inscriptione quæ in templo monasterij sculpta est, HÆC EST VALLIS AVREA, opinor ab omnium rerum affluentem copiam.* Suppares causæ adduxerunt Aquitanos ad Aureoli nomen dandum monti. Accipe scriptorem de S. Theodardi vita *Monasterium* (ad id nunc adiacet Sanctalbanus nobilis vrbs) *est in Caturcensi territorio, in monte, qui Aureolus nuncupabatur, ad cuius montis radices fluius quidam decurrit, quem indigena regionis ipsius Tesconem* (Tarnem nunc dicimus) *vocant.* Innominatus autor de vitâ S. Anatolij numero 5. habet sequentia: In regione Scodinga vallis est, quæ *Salinis dicitur. Supra vallem mons eminet amantissimus, à sui situs pulchritudine nomen habens, Aureus.* Montem frumento, vitibus, oleis passim consitum videas. Et porro vnum habet ad laudem præcipuum singulare. Cùm per vniuersum orbi montes vetustate succum amittant adipemque, iuuenescit ipse in dies, & ab torrentibus aquis pluuiis renouatur, quæ sterilitatem cæteroqui solent inducere, aliò deportata pinguedine. Scilicet quò fodis altius, eò spectabilis mage, ac diues humus occurrit inexhausta bonitate, fontis ad instar, cuius aquæ nusquam sunt puriores, quàm in terræ imis visceribus. Quà ab Oriente decliuis resupinatur in Septentionem, habet siluam roboream. Cæteros colles fere tenent vineta & oliueta: vnus est ille quidem incultior, & ab vrbe longiùs pudore recessit; sed vsu & opportunitate non inferior cæteris: dat ciuibz lapideam, gypsum, carbonem, lignum; gregibus quoque, & armentis pascua. Planities tota nitet frumento, & amygdalo; nisi quòd ad vrbs muros hortis distinguitur, & passim deinceps magnam partem pratis virefcit per centenos aliquot passus. Igitur non plurima tantùm nobilitas amœnitate locorum adducta colere Manualcam amauit ante quadringentos etiam annos, vt suprà retuli; sed per luem, bellâque Senatus Aqueusis sapissime habuit, & nondum constituto Senatu regium, quod vocabatur, Concilium, vt docent veræ tabulæ supra cc. annos conscriptæ. Ipsâque vrbs contrâ tantî honoris conscia, regi, curiæque fida semper fuit vltra omnem sæculorum memoriâ, cùm infida quoque fœdera Prouinciâ totâ diuisere in duas partes: nullôque vnquam tumultu, turbis nullis adduci potuit, vt aduersaretur suis principibus.

Neque in Deum minùs piâ certo cultu se præbuit: omnino tam frequentes posuit Cœlitibus sedes, vt vnum tota ipsa sanum ab omni memoria fuisse videatur. Sunt intra muros vrbs duæ parœciæ, altera ab Saluatore, ab Virgine altera nomen habet; atque præterea Franciscanorum, qui vocantur Obseruantes, & Carmelitarum cœnobîa. Non procul parœcia Virginis, templum erat Apostolo Ioanni factum: cecidit diuturnitate temporis exesum; neque affirmatè dicas, quia parte steterit in omni circum regione domibus præaltis & firmis plena: ita rerum faciem mutauit ætas. Ad muros intra vrbe, Meridiem inter & Occidentem visendum est palatium: quatuor litora angulosque plurima turris munit; fossa lata, profundâque cingebat, & fossâ inter murosque turrîtos firmabat terra congelta, humili pariete cœrcita. Forcalquerienses Comites sibi sedem hybernâ exedificauerunt:

cauerunt: Hospitalarij equites habent ab anno millesimo ducentesimo octauo, Guillelmi comitis donum. Hieriam nunc in sacello seruant corpus B. Gerardi. Primus is fuit magister hospitalis Hierosolymitani, vir genere, animis, sanctitate clarissimus. In agro fuere quondam plures sacre ædes: perpetuo in circulum ordine ducebantur, vt nulla regio præsentì numine, sanctoque præstite careret. Ad Orientem mon aureus habebat templum S. Martini: & quâ respicinato monte itur ad Druentiam fluium, delubrum erat Monlorguium eidem Martino dicatum. Meridiana planities, vna penè linea surgebat tribus per ordinem ædibus, sacris Lazaro quem IESVS amauit, Christo sepulto, Petro Apostolorum principi. Ad Occidentem, in colibus dictis ab omnibus ventis ob eorum liberos ex omni parte, fortisque spiritus, colebantur distinctis logis Virgo, & Iacobus frater Domini. Denique in Septentrione suas regiones habebant, alius aliam, Albanus martyr, Michaël archangelus, Stephanus Protomartyr, Maximus Regiensium episcopus, & Rostania virgo. Prætermitto, quòd ad omnes pene vias euntibus occurrunt vel ædicule, vel in columna sacre imagines. Annon tibi videntur maiores nostri, prædiis colonos è cælo petiisse, aut non rura magis sua quàm Cælium sedes coluisse? Nunc vel sine nomine sunt loca, vel hiant, pendente pauci parietes semirutì. Nocuere bella positis opportuno loco, nocuit tempus rerum omnium edax. Hospitalarij restituerunt Petro templum suum nobile sepulchris Forcalqueriensium comitum: ciues Virgini de omnibus ventis suum ex voto reponunt, rei seruata per vltimam luem valetudinis. Antè annos trecentos, virgines Franciscane, sub urbem ad meridiem, excitauerant sibi domum. Feruntur intra muros commigrasse per seditionem Raimundi de Belloforti, vicecomitem Turenium vulgò dicunt. Habitabant ad portam, quæ ab aurora nominatur. c. & l. sunt anni, cum vel omnino desistere, vel aliò recesserunt: res enim obscura est. Domus earum anno M D. cessit in scholas vrbanas; & cum monasterij in agro sedes ad plures dominos diuisa peruenisset, ciues in cõempta parte exedificauerunt Capucinis non inuenustas ædes. Virgines de eodem Ordine iam postliminio redierunt in urbem; & post ipsas Bernardinæ non ita pridem venerunt Auenione euocate; postque Bernardinas Vrsulanæ: venient etiam propediem quæ à visitatione B. Virginis nomen habent.

8

Paræciam Virginis curant monachi S. Victoris ad Massiliam. Fuerintne ad templum olim ædificatum vocati, an subtruxerint ipsi, quis dicat? Habent ante omnem tabularum publicarum & priuatarum memoriam. Neque id magnum est, Maximam Italie partem, & Hispaniæ, Sardiniam penè totam tenere quondam clarissimi cõnobite: nunc etiam nulla est in Gallia Narbonensi diocesis, quam non aliqua domo colant. Olim dominabantur quoque Castro Albienfium, & Vabrinco Ruthenorum: dedit Episcopis Ioannes XXII. cum eos ciuitatibus imposuit. Vvilelmus Prouincie Comes annò millesimo decimo tertio Marianam ædem habentibus addidit Martinianam in agri regione Monlorguia ad Druentiam flumen cum adiacente villa, quæ potens est diuite gleba, & felicibus agris latè fusa. Geriberga Vvilelmi coniux anno post sexto dedit mansos duos quos excolant homines inquiebat, vnus nomine Vdole-

- nus *Montanarius*, & alius nomine *Stephanus Gernerdechal*. Manus verò, vt hoc non taceam, si aptè & propriè loquamur, capit Bunnuaria siue iugera duodecim, quemadmodum docui libro 1. de Episcopis Viuariensibus numero 54. & sequentibus. Sed in nescio quo *compromisso* Abbatibus Maniada & Prioris Tanfani ante annos trecentos factò sic habes, quemdam *mansum seu territorium*. Demum (quid enim vniuersa à principibus dona sigillatim persequar?) Vvilelmus Comes Tolosan & Emma vxor anno eiusdem sæculi quarto & vicesimo tradiderunt vnum quoque mansum. Ante Vvilelmum verò memoratum Prouinciæ Comitem imperabant non modicæ parti vrbs: vt non ineptè dixeris Manualcam venisse felicissima illa ætate, cum vel Cassianus, vel Cassiano suppres discipuli pietate florebant, & vigente regulari disciplina implebant nomine suo totam regionem, atque pro sanctitatis fama, venerationi erant seu patritiis, regulisue, seu regibus ipsis Prouinciæ. Rapiebantur ad pontificias passim insulas, educebantur ad populos per agrum, ciuitatèque docendos. Supra pietatem ex Cassiano acceptam faciebat tum etiam spectandos ipsa domus Massiliensis: nam erat imposita littori sinus marini, qui præbet facilem nauigantibus portum quàm longè ad meridiem tenditur; & recentem ab Christi confessoribus, neque ita antiquam ab Magdalena sanctitatem spirabat. Scilicet, egressa naui dedicauit hæc sedes in antro saxeo, & ea mortua discipuli confessione fidei nobiles, metu tyranni clam sub humo tenuerunt. Vterque locus hoc tempore sacer habetur: istum in ædiculam conformarunt, feminis pro religione inaccessam; dicarunt Virgini de Confessione, sic autem appellauerunt ab sanctis iis Confessoribus fidei. Igitur arbitrabar quempiam de Prouinciæ seu patritiis, seu Regulis, aut etiam ante Burgundos principibus, pietate virorum commotum, è religiosissima domo cœnobitas deduxisse Manualcam, nonnullis regionibus vrbs & agri donatos. Iuuat, quòd ita iubentibus Petro Abbate, & Sanuictorino Collegio, corpus S. Tullie in B. Virginis sepultum disquisuerunt ante multa sæcula & diu vestigatum inuenere: Tullia verò fuit filia Eucherij Lugdunensis Archiepiscopi, ante sacerdotium patris ex matrimonio post annum quadringentesimum nata. In suo fundo, nunc modicus est pagus de ipsius nomine, ætatem exegit ex paterna disciplina in cultu pietatis, & voluit mortuæ corpus in B. Virginis Manualcensis tertio procul lapide mandari terræ. Magnam quippe veri habet similitudinem, accepisse eò loci sepultam ex domesticis commentariis, librisue funeralibus, cum ipsa obiit per monachos sacram ædem curantes scriptis. Vt id habeat, certè vides iam quinto post Christum natum sæculo stetisse Manualcensem Virginem, & in honore magno fuisse, quando anima beatissimæ puellæ in cælum euolans, sanctiorem locum non habuit, cui corpus integerimum & incorruptum commissum vellet.
- 11 Virgo autem Manualcensis, vnde templo nomen, statua est Virginis Matris, Christum in sinu ferentis. Simulacrum duos, aut tres palmos altitudine colligit. De ligno leucophæo constat: genus arboris, è quo formauerunt, ignoratur; ita discedit ab omnibus vulgò notis. Vultum, colla, manus saturato nigrore pinxerunt. Quis lignum figurauerit in Virginem: siue statua Manualcæ ficta, an aliunde in urbem deportata: qua ætate, quo sæculi

seculi anno ad populorum pietatem inclarescere cœperit, tactum reliquere maiores. Mira tantum quædam posteris narrauerunt ab parentibus accepta, qui ad proavos, atavosque referebant; portentis non dissimilia, inuenire tamen fidem ab insuetis, & prodigij plenius operibus, quæ nostra ætate contigisse scimus, & nostris ipsi oculis non pauca suspeximus. Visa res est non vltra dissimulanda, neque posteris inuidenda: ut ab iuratis coram iudice testibus ad me peruenit, ita literis publicam facio. Tossantius Glan-deucius, Sistaricensis Episcopus, gente, ingenio, eloquentia, rerum gerendarum peritia summus, pro sua pietate, populorumque cura noluit laborare diuturnitate temporum: iussit frequentissimos & probatissimos ciues ad aperiendam & sacramento faciendam vocari.

Saraceni occupata post annum septingentesimum Hispaniâ vniuersâ, & Galliâ Narbone Nemausum vsque victoriis peragrata Prouinciâ per annos fere trecentos seu bello, seu latrocinio sepiissime tentauerunt. Trigésimo octauo illius seculi primùm eam intrauere superato Rhodano: sub tertium & octogésimum noni vltimò deprædidati sunt Cisdruentianæ illa pars, quæ Forcalqueriensis Comitatus postea nomen ad nos vsque serauit, maximè vna experta est furentium hominum vim. Et alias vrbes, & Manualcam vastasse dixerunt atavi, qui à maioribus acceperant, aientibus se per traducem à ciuibz cladem passis accepisse. Quo tamen seu sæculo, seu seculi anno euerse hæc fuerit, nemo vnus est qui memoret sibi traditum. Duo sunt tempora, quibus pessum alias vrbes dedere. Trigésimo anno supra septingentesimum & Auenionem sibi ceperunt, & vniuersam circum regionem corripere rapinis ac cædibus. sub nongentesimum incerto flammis dedere Foroliolum, & alias vrbes. Putabam sub hunc eundem, potius quàm sub illum Manualcam excidisse. Sacrarum ædium restitutio cepta post ipsum centesimo id suadet. Libro 3. Manualcæ numero 30. docui cogitasse ciues de sua Saluatori hominum instauranda anno quinto & septuagesimo post millesimum. Excitata ne fuerit ante ipsam Samaritana non quero. Vt cuiusque hoc habeat, certè cum sit ei & portarum, arcum, fenestrarum, concamerationum, ceterarumque partium omni arte, structurâque prius similis, lapidumque etiam singulorum non magnitudine formâque, sed pro loco ornatu, non multis profectò ante eundem millesimum annis stetit. Scilicet vt aliorum ferme omnium, quæ hominum manibus sunt, operum suus est singulis sæculis modus, ac veluti sua facies, ita etiam ædium, maximè sacrarum per suas partes constitutionis. Et verò quis animum inducat Manualcenses urbem post annum septingentesimum, sine suis per trecentos templis restituisse. Sicuti ergo sacræ ædes non omnino pluribus ante millesimum instaurari ceperunt, ita non multis ante illum euerse sunt cum profanis, ipsæque adeò vrbes, ac (vti putabam) sub nongentesimum. Quia Saraceni non parcebant sacris, neque eò deferre licebat, quò furor impune grassantium non pertineret, sancta pignora caueis tumulisve lapideis condita sunt intra humum tota regione, locis fere ignotis, vt proditoribus caueretur. Qui Deum non verentur, neque ex iure arma inferunt, vt potentissimi sint, & terrorem latè spargant, diu non seruiunt ad similitudinem torrentium aquarum: tenent hæc ægros, & perdunt fata læta, post aliquot autem horas deficiunt: guttam aquæ desideras, vbi paulò antè fluiui ampli

- instar, aut maris fuit. Igitur data ab Saracenis pace. cum iam agris coloni, vrbibus, pagisque ciues redditi essent, quas ab parentibus per bella mortuis didicerant, liberi suspirauere sacras exuias; neque tuta omnia putauere, si præstitos sancti sua spolia non aperirent. S. Anna corpus demonstrauit Deus Aptæ Julæ per Ioannem filium Baronis Casanoui: nupto, claudio. cæco iuueni nobilissimo redditi sunt sui sensus, motusque. Maria Magdalena se videndam præbuit Carolo II. Comiti, & vbi sua laterent ossa indicauit. Archiepiscopus Arelatensis, iubente Romano Pontifice, è Sanuictoriis ad Massiliam ruderibus eduxit plurimas beatorum virorum reliquias: antiquissimum quippe tota Gallia monasterium; sub Antonino Pio cœptum ab viris sanctitate magis, quàm nomine notis; sub Valentiniano III. in suam claritatem eductum ab Cassiano; Leonis I. Pontificis, quando templum vngebat, hospitio augustum, homines profani per summam impietatem euerterant. Reposuere primum Vicecomites Massilienses, cum Ædem sacram dedicauit Benedictus I X. Tum pontificia maiestate dignum opus, quale suspicimus, instaurauit Vrbanus V. olim abbas, integritate vitæ clarissimus, & infinitis post mortem prodigiis. Virginem Manualensem Deus ostendit nouo, & singulari portento.
- 14 Incluserant arcæ marmorea. Visitur ea etiam nunc venerandæ antiquitatis egregium monumentum, alta tres pedes, longa septem, lata duos. Operculo, quàm longum est, extremo superpositam habet tabulam de eodem marmore, latam semipede, altamque, vt altare fuisse non dubites, ex veteri more cauum, accipiendis sanctorum virorum corporibus cæsis propter verbum Dei. Arcam materia insignem, arte ornatorem fecerunt. In anteriore tabula sapiens anaglyptes posuit mediam Crucem, & ad Crucis vtrumque latus militem; altera lanceam ille gerit, scutum altera: tum addidit xij. Apostolos, senos ab vtraque parte, sed superiores militibus. Pectus agnoscat ex capillitio denso, crispoque, & toto vultu, qualem antiquæ tabulæ pictæ referunt. Pauli faciem, barbam longiorem ac densam, caluitium, orisque ac totius corporis habitum nullus habet: vt mirare trinotamen vtrumque manu tenere antiquum volumen. An Paulum, mortuo Christo, ad fidem vocatum, noluerunt addere morientis imagini; Barnabam autem viuientis olim discipulum, & Antiochiæ ab Spiritu sancto Apostolis annumeratum adiungere? Circa annum cccc. ferebatur eius esse illa epistola, quæ vtilis Ecclesiæ dicitur ab Hieronymo, & in Scripturis Canonicis ab eodem reponitur in libro de nominibus Hæbraicis, post Origenem lib. 1. contra Celsum. Ad Christi lauam stat Petrus, prisco more, locoque honestissimo: sic enim eidem sinistram Virginem ponebant per Orientem, Ioanne Baptista dextero, vt grauis est author Sophronius, & Paulo Petrum Romani, ex peruetustis omnibus signis. Atque cælo probata sedes est: nam Petrus, & Paulus Apostoli, ac Dionysius Arcopagita se videndos Stephano Pontifici præbuerunt: laeuus Petro Paulus erat, Dionysius dexter. Denique multo auro totas impleuere figuras: nunc quoque radiat in flexibus & rugis vestium. Neque latera arcæ rudia voluerunt & illaborata: dexterum surgit Adamo, & Eva; sinistram tribus pueri in fornace ignem ridentibus. An docuerunt suis anaglyphis vim in ignes, atque adeo in cætera corpora; & totam primorum parentum innocentiam redditam ephœbis regiis per singularem

singularem ciborum abstinentiam, victumque de contempto legumine, vti sapienter dixere Basilius, ac Bernardus: quamque ex cibo vetito diuini Numinis speciem ducere malefano ausu illi tentauerunt, ab Christi sanguine, & meliore in crucem arbore collatam in Apostolos, diuini mandati & auditores & præcones? Aduerto Christi de labaro nomen imposuisse Cruci, idque laureatum; & superiorem lineam, cui medium est, illuminasse stellis ad Lunam, & Solem additis. Fuere, qui putarent, Constantini Magni filiorum temporibus factum opus: ex labaro, stellisque colligere se putabant; & si pro Paulo Barnabas in Apostolis positus volumen manu teneret, profecto non diu post eam ætatem ab non paucis habitus est author epistolæ canonicae. Arcæ sic inclusam Virginem in media terra, loco cæteris ignoto, posuerunt sacerdotes: neque enim Mariana vi simulacrum insigne, ducebant inferius sanctorum virorum exuiis. Prædas interea rerum agebant Saraceni, & domos sacras, profanasque vertebant; atque anno sæculi trigésimo Auenione munitissima, & tum, vt loquitur Fredegarius, montuosa ciuitate capta, stragem latè dabant tota cis Druentiam fluiuium regione. Vbi Manualcam venere, vt est amœna cultaque sedes, ita populabundi corrumpere totam cædibus, ac ruinis. Igitur multos annos fuit seges, vbi steterat magna pars vrbis.

16

*Ex An-
nalibus,
Franco-
rū Ful-
diensibus*

Fortè boues agebatarator per campum, quâ horrentes increuerant dum; & repente constiterunt brutæ animantes, neque stimulis, aut verberibus adigi potuerunt, vt producerent sulcum. Interpretatus agricola timorem ab frequentibus spinis, misit in dumeta ignem: tum perrexere quidem, sed gradu suspensio boues, vt venerabundos intelligeres. Atque post aliquantum viæ, flexo poplite, capite demisso, paleatibus ventrè terram, mugitumque moderato cælum impleuere. Diceret in stabulo Bethlehemitico ad cunas Domini cognoscere possessorem suum. Admiratio primum tenuit aratorem, tum stupor; atque vbi obstinata herere iumenta videt, prodigium inclamat. Toto corpore perhorrescebat homo paganus, & quid faceret in re insolita non habebat. Quod potuit, è propinquo raptim vocauit colonos; mirantur & ipsi insueta visa. Ab aliis ad alios, vt fit, subito dimanat rumor; agricolæ totis mapalibus, ciues vrbe concurrunt, pueri etiam puellæque factis agminibus tuunt. Perstabant inter hæc boues immoti, & mugientes, veluti referrent arcam de Accaronitis ad Israëlitas. Quis populum sensus fuit? hi oclamare miraculum, illi singultu frangente verba pulsare manibus pectora, alij oculis in cælum elatis Dei potentiam venerari, nonnulli incusare mortalium socordiam: Vult (aiunt) profecto Deus, honorem ab bestiis, quem non desert humanum genus: omnibus lacrymæ per genas fluere. Vir fuit sapientia præstans: Quid agimus, (inquit,) ciues, quid agimus? non cespitem venerantur boues: latet magnum quid & cœleste sub terra, ad quam prostrati iacent: non casus eos afflixit, non labor: mugitu docent aperiri debere solum. Vix finierat; illicet manu, baculo, & si quid aliud occurrit, fodiunt terram. Neque in alium magnopere descenderant, cum incurrerunt in arcam marmoream. Eductur ea è latebris non minore spectantium plausu, quàm si arca Dei per Ieremiam oclusa refferretur ab Hebræis in templum. Sacerdos interea rerum vocatus adest, arcam aperit, videt Virginem Manualcensem in media repositam cum pre-

17

18

riosa veste, multoque auro. Exultare populus, festam agere diem, templum Virgini excitandum vna voce occinere. Abspinis, sub quibus latuerat, nomen accepit: dicta est de Romigeno; vulgus appellat romos, quos Latini dumos dixere. Non pudendum Virgini nomen, quando sentibus insidere visus est Moyse Deus, ipsaque de spinis orni lilium amauit. Igitur eadem voce MARIAM colunt Eborenses in Lusitania, & Herbipolenses in Germania suppare prodigio repertam in dumis.

- 19 Auxilio honorem & cultum, quod templo exardificato euenit. Putauerunt ædi nouæ nouum signum deberi: atque vt parietes surgebant de quadro lapide, altaria radiabant auro, argentoque, sacerdotes orabant in veste ferica, Phrygiâque, ita MARIE ponendam elegantem statuam & pretio grauem; ligneam illam, neque formosam, & annosam esse ac vilem. Tanta erat hominum iis temporibus simplicitas: quæ, vt inerudita sit, ab summa tamen pietate descendeat, & magna sanctarum rerum veneratione. Igitur suam venustam superponunt altari, antiquam aliam proponunt exterius ad summas templi fores. Probauit equidem Virgo suorum cultorum ingenium; sed errorem durare non est passa. Noluit æstimarent facta, *auro, aut argento, aut lapide, sculptura artis, aut cogitationis hominis*; sentiente pauperum munera Deum abiicere & in virum modò intendere, qui indutus est veste purpurea, gazasque porrigit ad altare. Ligneum, penetrisque signum per se ad aram de nocte regressum est clausis foribus. Ædituus rem tacitus manè miratur, sentitque vim MARIE præsentis: vt populo suaderet, reponit super templi porta semel, & iterum, ac sæpius, defixis omnibus, & ad inaudium singulareque prodigium obstupescitibus, per noctem id semper ad altare se retulit. Sunt qui dicant, è Fano Martini quò delatum fuerat se retulisse in agrum, vbi defossum inuenerant, quæ causa fuerit ædificandi templi. Vtrumque fortassis euenit, vt maiore, vel scelere, vel socordia in sacrarium nostra ætate detulerit inhonorum sacerdos, vt postea referam, quod non in fano Martini, non pro foribus templi, sed ad odri altare stupendis portentis fuerat constitutum.

- 21 Iam tum ostendebat Virgo placere sibi ad hanc imaginem preces: velle se ad eam Manuascæ orantibus bonam esse ac facilem. Cogitationes ipsius & consilia quis assequatur? Ita etiam Deus solet: nullo abs loco abest vi sua; specie tamen hominis per nubem insidens tabernaculo fœderis, voluit Hierosolymis adorari & omni genere prodigiorum potentiam suam explicare. Nonne Christus ipse, pontificum os habitumque gerens, Ioanni se colendum proposuit in medio septem candelabrorum aureorum? Nonne simulacrum de vultu suo posuit in parte vestis Abgaro Regi munus, prodigiis Edessa ciuitate clarissimum? Atque igitur MARIA ad exemplum Dei, Filiique, habet vrbes, habet ædes, habet imagines, ad quas iubeat fundi preces, deiici corpora, deferri sibi honorem & cultum: habet per quos prodatur vim suam, & dominam vniuersi ac mortaliū parentem benigna manu demonstrat. Neque Manuascense signum vel tot sæcula syncerum custodisset, vel tot supranaturæ vires operibus honestasset, si non in eo vellet coli, amarique, si non ex eo vellet amatores suos, & cultores sperare remedium.

- 22 Et verò, ex quò positum est super altari, diceret abs Deo propositam ad omnes

omnes animæ corporisque morbos singularem medicinam. Redeunte ad suam aram Virgine potuit vsurpari, quod de suo in terram aduentu pronuntiauit Christus : *Cæci vident, claudi ambulant, leprosi mundantur, surdi audiunt, mortui resurgunt.* Atque ad nostra vsque tempora perdurauit cœpta virtus. Oculos, pedesque cereos, ac subalares furcillas, aliâque id genus anathemata, è toto muro circum pendentia vidimus pueri ipsi, ad certissimum argumentum de Virgine opis acceptæ. Sed duo sunt, in quibus maximè se præsentem semper ostendit, agnatio mentis, nascentium mors infantium. Solebant hos ad MARIE imaginem deferre; & fere ad vitam redibant, dum aqua lustrarentur : missò autem per nasum sanguine, fufis lacrymis, apertis oculis, voce non rarò etiam elata testabantur se iteratò viuere. Atque vt non dubitares de vi Dei præsentis ad preces Virginis, fuit cùm ad redditam infanti vitam æra campana de se, nulloque mortalium agente personarent. Quis verò ad MARIE signum adiit ager animi, angoreque pressus, ac dolore, aut acerbitate mentis, qui non ex ea retulerit quietem, solatia, gaudium. Igitur ab vtroque hoc beneficiorum genere nomen quoque inuenit, dicta est B. MARIA, nunc de vita, nunc de consolatione. Sed rem totam pene corruerat ante xxx. annos nescio cuius sacerdotis malefana prudentia : sustulerat signum de ara, vt ab longæua vetustate minùs decorum, & longè ab oculis populi posuerat in sacrario: nunc ad dexteram altaris retulere. Cum signo suo recessisse videbatur Virgo, adeò non respondebat votis suorum ne quidquam vim eius implorantium; quòd se in ædem cum eo reuocauerit, docent quæ in supplices confert quotidiana beneficia.

Vt alia taceam, anno sæculi huius xxxvi. die viii. Maij, de superiore domus tabulato in officinam quadro lapide stratam decidit puella nondum biennis. Mater (Margaritæ Amaronnæ est nomen) toto corpore inhorrescit ad lamentabilem casum : Deo sobolem vouet, sique salua sit repræsentaturam in sudario Virgini Romigeriæ pollicetur. Rem miram : multis spectantibus infans sine vulnere, sine dolore intacta, atque vti ab parente leniter, blandèque reposita solo affunditur. Sed singulare prodigium est, quod euenit anno xxxiv. supra MDC. mense Maio, Magdalena Morella nata annos circiter xl. grauitè laborauit ex paronychia in læuæ manus pollice. Totum digitum amburebat cæcus ignis, & per incrementa latentia sensim depascebatur vegrandis flamma. Venenum rubore principio, tum candore se prodens carnem exusserat maius omni remedio, vngueque circum arroso veluti victor se fuderat per totam manum; iam brachium occupabat, quàm longum est. Tres chirurgi medico præside vocati ad consilium, digito manique remedium esse negant; ferro gerendam citissimè rem, ac brachio consulendum pronuntiant, ne cancer edax ad illud ab ea pertineat, in totius corporis certam perniciem. Sed enim verò carnificinam execrata mulier, animoque penè defecta, mortem ex tabe potiorè ducebat; & omnibus domo excedentibus iam sola Romigeriæ Virginis opem implorat cum lacrymis, singultuque multo, ac gemitu : ceream manum vouet si redeat in pristinam firmitatem pulsa lue. En morior, ait, animi corporisque cruciamentis laniata: non tam manus crudeli ferro quàm anima rescindetur è corpore. Si mentem afflictam recomponere diceris ad quietem, ô Virgo; si corpus

26 corpus ad vitam animare demortuum; ostende vim nomini respondere, & non appellari te nequidquam à tuis. Non finierat, cùm stetit primum repente virus, tum manu quoque ac digito cessit; & sensim postea reddite sunt corpori, animoque suę vires, stupentibus chirurgis ac medico, & MARIÆ potentiam inclamantibus. Rem, vt retuli, dicto sacramento sanctè affirmarunt illi. Reavoti mulier cereani manum reposuit ad signum Virginis, & scilicet tota vicinã publicum fecit prodigium, atque nunc etiam grato animo recitare amat. Quid antiquiora referam? Margarita Barterona vidua, grandi natu (jii. & lx. annum agit) frequens memorat, se olim vidisse, & alios, & infantem ex vxore Laurentij Campordij cognati sine motu, sine sensu natum rediisse ad vitam. Supra annos lxxx. (& multi adhuc recitant) Arbaresterio (non ignore gentis est nomen) oritur puer mortuus. Cuius erat in paucis pius. Ergo & suam, & suę familię sortem queritur, non sine lamentis & ciulatu, quod & sibi, & Deo mortuam prolem coniux enixa esset. Sæpenumero ab maioribus audierat solitam Virginem Romigeriam dare vitam ita nato fœtui, quantum satis esset accipiendo Baptismo, si pater supplex ad eam accessisset. Domo exit populo prosequente, cum bonis precibus, flexoque pro more genu, ad indusium nudus, manu cereum gerens Virgini aduoluit. Et ecce tibi anima pueri redit ad corpus, vniuerso templi ære campano per insolens & grande portentum de se insonante.

FACULTAS R. P. PROVINCIALIS
Societatis IESV, in Prouincia Lugdunensi.

EGO CLAVDIUS BONIELLVS, Societatis IESV in Prouincia Lugdunensi Præpositus Prouincialis, Opus, quod inscribitur: *Virgo Romigeria, seu Manuscens*, Authore R. P. IOANNE COLVMBI, *Manuscensi*, è Societate IESV, S. Theologiae Professore, Societatis eiusdem Theologorum iudicio probatum; iuxta Priuilegium eidem Societati à Regibus Christianissimis Henrico III. 10. Maij, 1583. Henrico IV. 20. Decembris, 1606. & Ludouico XIII. nunc regnante, 14. Februarij, 1611. concessum, quo Bibliopolis omnibus prohibetur, ne libros ab hominibus nostrę Societatis compositos, absque Superiorum eius permissione excudant: Permitto Hæredi IONÆ GAVTHERIN, Typographo Lugdunensi, vt ad sex proximos annos illud excudere, ac libere diuendere possit. Datum Lugduni, 1. Decemb. 1637.

CLAVDIUS BONIELLVS.

GVILLEL

GVILLEMVS IVNIOR
COMES FORCALQVERII.

HONORATO
D'AIMINY

Viro Nobilissimo

CLAVDIO ROVX,
ET IO. IACOBO GVINTRAN,
CONSVLIBVS MANVASCÆ.

IOANNES COLVMBI è Societate IESV.



NTE annos quatuor scripsi de Manuascæ. Id patriæ debebam. Igitur ad illius tum Consules opus detuli. Volebam de Guillelmo iuniore, Forcalquerij Comite, simul scribere: Et locus postulare videbatur; is anno sexto supra millesimum ducentesimum nobiles illas & apprime vtilis prærogatiuas contulit

Manuascæ, de quibus non inaccuratè differebam. Fecerunt alia, quæ ab aliis etiam nolenti occurrebant, negotia, vt ad hoc vsque tempus non potuerim de optimo principe scribere, nunc mihi gratulor, quòd id per otium licet, cùm vos, sapientissimi viri, geritis Consulatum: & tu potissimum Honorate, cuius familiæ ab ipsâ fere infantia vehementer addictus sum. Eâ scilicet familiâ natus es, è qua (vt de Andrea patre raceam, qui ad vibem Montalbanum fortiter egit) Antonius Lucas avus tuus, manu potens, belloque natus, & cùm fœderatj omnia per Prouinciam fœdissimè conturbabant, Lurio, munitissimo arte ac situ castro, pro Rege præfectus, me ad mortem vsque dilexit obitam in exercitu, cùm ad Genuam, aliquot co-

K hortum

hortium dux, magnis animis depugnaret. Dilexit & Annibal, aui frater, abbas Luræ, perque omnem ætatem familiariter mecum egit, atque, vt hoc addam, Petro Cotono, ac Raimundo de strietis illustribus è nostra Societate viris amicissimus fuit per vitam Margaretæ Reginæ, cui erat ab eleemosynis. Iam si pro singulari summorum illorum de tua familia virorum amore, velim antiqua nobilissimæ gentis ornamenta scribendo sequi, excedam modum epistolæ. Illa & aliis locis, & Tarascone in plures partes scissa sustinet antiquum nomen, maiorum. que claritati responderet. Vnum, & alterum de tuis maioribus supra Bertrandum an. 1300. Auenionensem Episcopum, afferre satis erit. Petrus ante annos trecentos & aliis pagis dominatus est, & Eruaco, Auribello, Farfaco; Giraudus autem Petri filius, æquis præterea cum Castellano dynasta iuribus, Saniursio. Vtroque nobis propior fuit Ioânes proau tui frater, Abbas Luræ. Hic vir ingenio clarus, motuque suauitate supra præcipuam pietatem insignis, elegantissimè dicebat ad populum & concionem oratione omnibus Rhetorum Christianorum floribus instructa detinebat. Fruere vir nobilissime, fruatur Petrus frater Archidiaconus Regiensis, Maiorum gloria, & eorum vestigia, quibus ambo insistitis, ampliora facite illustrissimorum facinorum magnitudine. Ego verò vehementer gaudeo, quòd librum hunc, pro antiqua cum patre, auoque, & aui fratre, amicitia edere mihi datur sub tuo Consulis nomine; petoque à Deo, vt tibi, Claudioque Roux, & Ioanni Iacobo Guintran, optimis ciuibus, quibus etiam illum inscripsi, concedat magistratum feliciter exequi, atque illas maximè prærogatiuas fortiter tueri, quas Guillelmus Comes, de quo vobis scribo, Manuascæ dedit, atque ceteri Consules per annos quingentos quinquaginta, & quod excurrit, illibatas ad nos vsque omni opum vi seruauerunt.



AVCTOR LECTORI.

COMITES Forcalquerij, vt longè latèque dominati fuerint, adeò tamen obscuri sunt, Vt ante Hieronymum Suritam, qui patrum nostrorum memoriâ scripsit, nemo vnus eorum qui historias latinè ediderunt, illorum meminerit. Quod ipse necessariò fecit, vt de vtroque Guillelmo, seu seniore, seu iuniore fratribus, nonnulla in primum suorum, Aragonia Indicum librum coniceret, non inevidenter significat, potuisse alios historicos, & de illis iisdem Comitibus, & de ipsorum maioribus dicere. Nam quis

quis animum inducat, vnius aut alterius Aragonum Regis res postulare, ut de Comitibus Forcalquerij sermo habeatur, ceteros Italia, Germania, Gallia, & Hispania Reges nihil egisse, quod ad illos perlineret. Obscuritatem illorum non parum auget, quod Guillelmus Iunior, quem maximè memorat Surita, tam malè notus viro fuit, ut Garcendis, cuius per filiam auus erat, patrum existimauerit, dixeritque praterea Garcendis eiusdem, non Guillelmi, Sistaricum fuisse, quæ, ut ex connubialibus tabulis intelligitur, neq; Sistaricum, neque aliud quid ex Forcalqueriensi Comitatu, nisi post aui mortem possedit. An scriptorum, an temporum vitio inducta est adeo caca & turpis tantorum Principum obscuritas? Vndecunque offusa fuerit, non videtur ferenda diutius. Omnium virorum, qui literas, præsertim améniores, amant, coluntque, interest huic etiam parti lumen afferre. Ego quidem, cum de Manuascæ urbe tractatio suadebat, ut de Guillelmo Iuniore dicerem, in id vehementer incubui, & Reguli parentes, ortum, fratres, gesta, mortem cognoscerem. Alij, quibus veterum tabularum (quæ una illos principes memorant) maior ad manum est copia, & cetera ipsius quæ meam omnia accuratè perscrutantis diligentiam effugerunt, & reliquorum ante ipsum singula, è tenebris aliquando eruent. Interea tu, mi Lector, bonus accipies, quæ de optimo Principe afferro, ubi Comitatus, quem à maioribus accepit, initia, finem, & amplitudinem dixerò. Principatus Forcalquerij videtur cepisse Conrado Pacifico, Rege Prouincia, Burgundia, & Alemannia, anno incerto. ut docui libro 2. de rebus gestis Episcoporum Sistaricensium numero 2. Desit in Delphinatum, & Prouinciã immisus anno millesimo ducentesimo octauo. Ab extremis ad Pedemontanos Ebredunensium Diæceses sinibus, per Vapincum, Sistaricum, & Aptam Iuliam ciuitates, Auemonem vsque, dum stetit, protendebatur. Scilicet cum Prouincia Comitatus ex ruina Prouincia Narbonensis surrexisset, diuisus est aliquando in duos: & alter quidem Alpibus, mari, Rhodano, Druentia conclusus cecit Vilhelmo, qui totâ regione, Fraxinetoque Comitatus Foroiulienfis (ut veteres charta ferunt) Castro pepulerat Saracenos; alter, quem Forcalquerij appellabant, attributus est Rothboldo fratri. Iste etiam postea à Guillelmo Iuniore scissus est in partes duas, quot ex Garcende filia neptes habebat. Maiori, quæ matri cognominis nubebat Alphonso Prouincia Comiti, id omne dedit, quod à Sistarico ad Auencionem pertinet; Beatrixque Andream Delphinum ducebat, reliquum omne versus Alpes. Ab eo igitur illa pars censetur nomine Prouincia, Delphinatus nomine ista: & utraque in regnum Francorum, cum Prouincia & Delphinatu, denique veluti quodam postliminio reuit.



GVILLELMVS IVNIOR COMES FORCALQVERII.

LA fuerunt Guillelmi Iunioris, Comititis Forcalquerij, erga Manualscam beneficia, vt qui de illa tribus libris scripsi, vno certe videar mihi debere de ipso scribere. Præfatione quidem ad lectorem, & libro secundo, vt suis Manualscensibus non omnino ignotus esset, necessariò docui natum anno millesimo centesimo quinquagesimo, mortuum millesimo ducentesimo nono. Addidi Bertrandum & Iaucerandam parentes, atque Guillelmum & Bertrandum, qui ante ipsum deinceps regnauerunt, fratres habuisse. Sed fueritne alius ei præterea frater, aliquosne genuerit liberos, non addidi; & illa omnia tacui, quæ per vitam egisse legimus in veteribus chartis. Igitur & ea quæ tum attuli, nunc iuuat edisserere fusiùs, & cetera optimi Principis, quæ neque obscura, & oppidò multa in aduersariis habeo, colligere in vnum corpus, atque in lucem edere.

2 Guillelmus Iunior Bertrando patre, & Iauceranda matre (Iaucerannam aliquæ tabulæ vocant; & scribarum errore pro Iauceranna Veterannam, & Iaugerandam pro Iauiceranda) Comitibus Forcalquerij natus est, vt ipse tradit omnibus fere tabulis, quæ ab eo scriptæ peruenerunt ad meas manus. *Ego Guillelmus*, inquit in illis duabus, quas Manualscens appellat sua priuilegia, & quas verbatim retuli libro secundo Manualscæ, *Dei gratiâ Comes Forcalquerij, filius Domini Comititis Bertrandi, & Domine Comitissæ Iaucerande*. Et Iauceranda quidem à pluribus existimatur Soror Arnaudi Flotæ, neque immeritò, eum enim ipse Guillelmus plures è dynastis clientibus enumerans, vnum vocat auunculum in literis, quibus iubet, vt filix, cum dotem à parentibus acceperint, nihil de illorum hereditate præterea sibi capiant, aut sperent. *Ego Guillelmus*, sunt Reguli verba, *consilio omnium virorum Comitatus, & nominatim Guirandi de Simiana, & Rostandi de Agouto fratris sui, & Guillelmi de Sabrano, Giraudi Amici fratris sui, Busonis de Cesarista, Guillelmi Raimundi de Gadalacha, Hugonis de Railana, Hugonis de la Roche, & Arnaudi Flotte auunculi mei, Petri Rainerij, Petri de Mifone, & Leonor de Mifone fratris sui, & auie mee Garcendis, &c.* Bertrandus verò patrem Guillelmum habuit, matrem Garcendem, & fratrem natu minorem Guigonem, qui primus anno millesimo centesimo quadragesimo nono dedit Hospitali Ierosolymitano Manualscam vallem cum sua villa, castris & pagis omnibus, siue *Comitatus castris, villæ, & suburbij Manualscæ*, quemadmodum loquebatur Deodatus de Gosono Magister Hospitalis Rhodi anno millesimo trecentesimo quadragesimo secundo. Hic ille Gugo est, qui & alia, & hoc sapienter ac sanctè fecit, vt Guillelmum filium officio suo & Ecclesiæ redderet. Occupauerat illustrissimus iuuenis, aut souente, aut agente etiam matre

matre Pertusium , à Rotholdo , qui Forcalqueriensibus imperauit primus Comes, datum Monachis Montis maioris: *& Abbas iustitiam* (vt ferunt tabulæ de vniuersa re tum scriptæ) à Calixto secundo Pontifice experens , obtinuit ab eo *sententiam excommunicationis in Comitum* , eiusque fautores , *& interdictionem in comitatum illius* , donec monasterio satisfaceret. Sed Abbas , *& monachi precibus Guigonis patris illius promittentis eum de cetero super hac re monasterium amplius non inquietaturum*, cōdonauerunt ei. Cū legis comitatum fuisse Guillelmo aliquem Guigonis filio , ne cogita Forcalqueriensem illum amplissimum , qui & alias regiones & Ebredunensem , Vapincensem, Sistaricensem , atque Aptensem complectitur. Illis continebatur locis , quæ Guigo pater ei possidenda concesserat. Forcalqueriensis quidem dicebatur ipse Comes , dicebatur & Guigo pater : sed sub Bertrando Guigonis primogenito fratre supremo Comite. Sic enim habebat illis temporibus , vt Forcalqueriensis de gente vniuersi Principes, appellarentur Forcalquerij Comites, etsi clientelæ professionem Comiti summo faciebant , suæ gentis capiti. Nobile huius rei exemplum habes in repertorio chartarum Regij Aquis sextiis, vt loquuntur, *thesauri*. In eo legitur *Comes Forcalquerij* Adelaidis, quam Bertrandus Guigonis frater genuerat, ex filio nepos, *fecisse homagium R. Comiti Prouincie, de tota terra sua* (modica certè , & non multos complexa pagos , Adelaidi auia quondam ex paterna hereditate concessos) *Comitatus Forcalquerij* , quem Raimundus ex dote Garcendis auia possidebat. Honorarium erat hoc nomen Comitibus ; & quæ regionis de Comitatu portio fratribus & cognatis hereditario iure obuenerat, donabatur etiam honorario nomine Comitatus. Atque hæc de Guigone Guillelmi Iunioris patruo satis fuerint. Non prorsus alieno loco posita esse fateberis, cū perueneris ad numerum 25. Ad ipsum Guillelmum Iuniorem redeamus.

Annus, mensis, diem, quibus natus est , nullæ memoraunt tabulæ. Annus, quem à quinta & vicesima die Martij tum ordiebantur , videtur fuisse quinquagesimus à millesimo centesimo : mensis ante Nouembrem nullus. An ipse Nouember , & qua sui parte fuerit , postea videbimus. Dies omnino ignotus est. Chartæ duæ faciunt , vt de anno , & mense ita sentiam. Altera anno millesimo ducentesimo septimo scripta est. Ipse in ea asserit se anno millesimo centesimo nonagesimo primo Nouembri mense *factum annorum quadraginta* fuisse. Altera ipse idem anno millesimo centesimo septuagesimo quarto tradit se puerum fuisse , cū Templarij Lebrignapam pagum ecclesiâ Olonij cum Episcopo Sistaricensi permutauerunt, quod eius sæculi quinquagesimo fecisse docent permutationis tabulæ in libro Sistaricensis episcopi , quem Viridem vocant, ante annos centum & quinquaginta exscriptæ : neque pro pueritia illam permutationem obsignasse. Enimvero qui ait se anno millesimo centesimo nonagesimo primo Nouembri mense *factum annorum quadraginta* , certè asserit se tum perfecisse quadragesimum ætatis integrum , non aliter quàm vnius anni puer is vocatur , qui ipsū omnem peregit. Qui autem addit se anno millesimo centesimo quinquagesimo fuisse puerum , omnino docet se illius anni aliquo mense , nullo tamen ante Nouembrem, fuisse natum ; vnius & quadraginta annorum futurus, si ante ipsū aliquo ortus fuisset. Quoniam hæc res ad omnem Guillelmi Iunioris ætatem constituendam prorsus necessaria est , manifestèque

euincit natum esse post Guillelmum & Bertrandum fratres, pueritiam quinquagesimo sæculi anno exutos, ut postea videbimus, placet referte verbatim utramque chartam. Prior sic habet. *Ego Guillelmus Dei gratia Comes Forcalquerij, filius quondam bone memorie domini Comitis Bertrandi, & domine Comitisse laugerande (lausserande vulgò dicimus) confiteor tibi patri & domino Rostagno Lurensis monasterij Abbati, & recognosco quòd in tempore adolescentie mee, cum essem cum Comitissa Garcenda auia, domina, & tutrice mea, post factam à dominis de Alsinengues & Montislauri donationem, eorum voluntate donavi postea Deo, & S. Marie de Lura, ad edificandum ibidem ecclesiam in honorem Domini nostri Iesu Christi & gloriose Virginis Marie, & ad instituendam ibidem abbatiam secundum Ordinem Calisensem à S. Hugone Gratiano-politano Episcopo quondam institutum, Hanc autem donationem factam in presentia multorum testium, quorum nomina inferius scripta sunt, postea factus iuuenis & annorum quadraginta, iterum volui confirmare in manu domini Hugonis abbatis Calisensis monasterij, in cuius manu primam donationem fecerā, cum esset Abbas tunc Boscaudonensis monasterij, quod prius ipse construxerat. Postea verò ipse edificauit monasteriū de Lura, & fuit primus Abbas viriusque monasterij, &c. Sanctas itaque preces illius libenter exaudiens, &c. donavi Deo, &c. & recognosco iam dicto Abbati Rostagno, quòd prime donationis mee in burgo Manuscia in claustro B. Marie facta testes fuerunt Guillelmus Archidiaconus Sislaricensis, &c. Secunde autem confirmationis testes G. Forcalqueriensis Prepositus, qui nunc hanc Chartam distulit, & alij. Facta fuit confirmatio ista anno ab incarnatione Domini millesimo centesimo nonagesimo primo mense Nouembri &c. Petrus ego notarius, domini mei Comitis mandato, hanc chartam scripsi apud Forcalquerium mensis*

7 Maij die prima, incarnationis millesimo ducentesimo septimo. Hactenus chartarum, quas memorauimus, prior. Illa, ut vides, docet Guillelmum Iuniorem, anno millesimo centesimo nonagesimo primo Nouembri mense, fuisse factum annorum quadraginta. ac proinde eos perfecisse. Posterior sequitur his verbis. *Transactio, seu concordia, quæ inter Stephanum canonicum Templi Domini, administratorem domuum Prouincialium ad idem Templum pertinentium, & dominum Bermundum Sislaricensem electum, mediante domino Petro Aptensi Episcopo facta fuit, talis est. Controversia siquidem erat inter eos de quodam cambio seu permutatione, quam antecessores eorum fecerant inter se. Dominus namque bone memorie Petrus Sislaricensis Ecclesia Episcopus donauerat in hac permutatione fratribus Templi ecclesiam S. Marie de Olonio, & omnes possessiones, & res ad ecclesiam pertinentes pro castro de Lebrignana, quod Adelaïs Comitissa Templo donauerat. Hanc verò permutationem Comes Vvilelmus dicebat non valere, quia facta erat sine sua laude, & voluntate, qui dominus tunc puer erat, quando fuit facta inter eos permutatio ista. Et hac ratione abstulit castrum Episcopo, nolens Episcopum, sed canonicos Templi istud habere. Tandem predicto Episcopo mediante, & eos concordante, placuit, &c. Factum est hoc, anno ab incarnatione Domini*

8 *millesimo centesimo septuagesimo quarto, &c. Hæc posterior charta tradit Guillelmum Iuniorem fuisse puerum, quando Templarij Lebrignanam mutauerunt ecclesia Olonij: id autem fecisse anno millesimo centesimo quinquagesimo ferunt ipsius permutationis tabulæ. Igitur qui anno primo & nonagesimo supra millesimum centesimum mense Nouembri perfecerat annos quadraginta, non est natus millesimo centesimo quinquagesimo primo*

primo Nouembri mense, è quo illi quadraginta ducebant initium, neque
 vllò eiusdem anni mense, at millesimo centesimo quinquagesimo, quo ex
 illa permutatione Lebrignanæ Olonij ecclesia puer erat. Quo autem men-
 se, qua die istius quinquagesimi natus fuerit, non licet ex memoratis tabu-
 lis intelligere: hoc vnum ex illis conficitur non ortum fuisse ante Nouem-
 brem, qui anno primo & nonagesimo supra millesimum centesimum, *an-
 norum quadraginta*, non autem *vnus & quadraginta factus erat*. An ex aliis
 colligere liceat mensem, quo natus fuit; sitne is Nouember, an post No-
 uembrem aliquis, videamus. Principio dicamus de ipsius fratribus, qui, &
 quo numero fuerint, & quando nati. Ex eorum ortus tempore fortassis
 venire nobis dabitur ad mensem, quo Guillelmus Iunior in lucem prodit.
 Dauid Blondellus, in pleniore assertione genealogiæ Franciæ, tractatu de 9
 Carolini sanguinis in Capetinam familiam per annos octingentos continuo
 influxu tabula quarta, videtur dicere vnicum parentibus fuisse filium. Hono-
 ratus Bouche in ichnographia libri septimi historiæ Prouinciæ & in episto-
 lis typo non editis vnum ei fratrem concedit Bertrandum. Sed Guillelmus
 de Beneuento ab anno millesimo centesimo trigesimo quinto per nouem-
 decim annos Archiepiscopus Ebredunensis, Eugenij terij per Prouinciā
 & Forcalquerij Comitatum legatus, pacta eidem Pontifici referens, in qua,
 Guillelmo Iuniori puero, Comes Forcalquerij conuenerat cum Hospitala-
 riis Ierosolymitanis de Manufca, ytumque refellit, docetque plures ipsi
 fratres fuisse. Hunc Guillelmum Ebredunensem Archiepiscopum (vt id
 non taceam) Marcellinus Fomerius in historia Ebreduni M.S. nominauit de
 Campofauro, illumque Sanmardhani sequuntur in Gallia Christiāna: sed
 neque chartam attulit, quæ id habeat, & paucis, neque firmis ad hoc asse-
 rendum adductus est coniecturis. Guillelmus Iunior, anno octogesimo su-
 pra millesimum centesimum, scripsit illorum pactorum conuentorum au-
 torem esse *Guillelmum de Beneuento Ebredunensem Archiepiscopum, Apostolicæ
 sedis legatum*. Fornerium fefellit, quòd nullum istius Guillelmi nomen in
 suis chartis legerat, & Guillelmum de Beneuento legerat sedisse Ebreduni,
 ab anno millesimo centesimo nonagesimo quarto vsque ad millesimum
 ducentesimum decimum. Sed, vt vides, non vnus Guillemus d. Beneuen-
 to sedit Ebreduni. Prior est is, de quo nunc loquor: posterior anno post prio-
 ris mortem trigesimo sedere cepit. Ille ergo sequentia Eugenio tercio scripsit.
10
*Talem inter eos, idest Conitem Forcalquerij & Hospitalarios, transactionem
 vtriusque partis consensu distauimus, vt castrum Manufca cum aliis possessionibus
 ad illud pertinentibus, & castrum quod dicitur Totas-auras cum territorio suo æ-
 qualiter inter se diuiderent, vt medietatem Hospitalarij pleno iure haberent & li-
 berè possiderent, & aliam medietatem haberet & possideret Comes eodem modo,
 ita quòd nec Comes, cum suis fratribus & auia, quāquam penitus ab Hospitalariis
 ibi haberet, nec Hospitalarij à Comite, vel eius fratribus.* Hæc Guillelmus Ebre-
 dunensis Archiepiscopus. Vides concedere Comiti Forcalquerij plures vno
 fratres. Qua ergo veritate nullum Blondellus, Boucheus vnicum fratrem
 ei fuisse autumant? Sed præterea placet aduertere sic loqui, vt asserat vni-
 cum Regulum Comitatu Forcalquerij dominatum fuisse, negetque fratres
 eius præfuisse illi Comites. Si Boucheus veradixit in ichnographia libri se-
 ptimi de historia Prouinciæ istis verbis: *Anno millesimo centesimo quinquagesimo
 Guillelmus*

Guillelmus sextus & Bertrandus quartus fratres, & filij Bertrandi tertij, ambo Comites Forcalquerij, cur Guillelmus Archiepiscopus Comitem Forcalquerio vnicum tribuebat, non duos, aut etiam plures duobus, atque ita loquebatur, Comes cum suis fratribus? quid, quòd vt non putes calami lapsum hunc esse, pergit in istas voces; Si verò Comes, & fratres eius; & postea, in argumentum huius rei Comes & fratres eius; ac deinde, Comes & fratres sui restiterent; atque demum, Comiti, & fratribus eius.

11 Nunc quoniam plures Guillelmo Iuniori fratres fuisse vidimus, age dicamus quo ij fuerint numero. Mihi quidem antiquissima illa tempora animo relegenti videntur fuisse omnino tres. Primus, & omnium maximus natus dicebatur Guillelmus: secundus Bertrandi nomen tulit, & tertius quoque. Iuniorum ego hunc vltimum appellabam, vt à fratre cognomine, qui ætate maior erat, distinguerem. Guillelmus noster inter vtrumque Bertrandum medius, ante Iuniorum, & post Seniores natus est. Noli autem mirari duobus Bertrandi & Iaucerandæ regulorum filiis prænomen Guillelmi fuisse, Bertrandi prænomen duobus. Comitum Forcalquerij gens amabat hæc duo prænomina, vt ex eorum serie intelligitur. Per annos ergo ducentos, & quod excurrit, à Rothboldo, quem libro secundo de Sistaricensibus Episcopis numero secundo docui fuisse primum Comitem Forcalquerij, vsque ad Guillelmum Iuniorum vltimum, occurrunt vnus tantum & alter, quibus prænomen aliud fuerit. Par aliquid inuenies & in aliis gentibus, & (vt taceam Carolo Vindocinensium ex Borboniis Duci fuisse filios præmine Ludouicos omnino tres) in Alensonia regis Franconum gentis familia, Petrus Mariæ Chamailardæ coniux amabat in filiis prænomen Ioannis, & in filiabus prænomen Mariæ, illis ergo duobus, Ioannis, & istis duabus, Mariæ prænomen imposuit, atque vtrumque natum minorem, vt à maiore distingueret, cognominauit Iuniorum, quemadmodum aduertunt Sannarhani. Iam tres illos Guillelmi Iunioris fratres etiamus è veteribus chartis.

12 Vt id certius ac euidentius fiat, vnum antè constituamus necesse est, scilicet cum Guillelmus & Bertrandus fratres pluribus in tabulis ab anno millesimo centesimo quinquagesimo vsque ad annum ducentesium septimum scripti simul legantur, Bertrandum tamen nunquam ante Guillelmum inueniri positum, verissimo argumento iuniorum eo fuisse. Sic enim habet in fratribus, vt nisi res de qua agitur aliud postulet, qui primus è matris vero venit in lucem mandetur etiam literis primus, ne in illorum ortu natum peccasse videatur, peruertaturque ac damnetur ordo, quem inter ipsos ea præfixit. Igitur qui Bertrandus anno millesimo ducentesimo sexto post Guillelmum scriptus legitur, nonnulla cum eo Auenionensibus concessisse, ipso minor ætate fuit: & qui anno millesimo centesimo quinquagesimo seu Leporianum à Bertrando patre concessum confirmauit Templariis, seu Lebrignanæ à Templariis cum Sistaricensi Episcopo, Olonij ecclesia permutationem comprobauit, vt post Guillelmum scriptus est, ita etiam fuit eo minor natus. Iam ego quidem ita sentio, vt qui Guillelmus & Bertrandus anno illo sexto supra millesimum ducentesium Auenionensibus nonnulla concessere, sint ambo diuersi ab illis, ætateque inferiores ipsi, quos isto quinquagesimo post millesimum centesium legimus seu Leporianum confirmasse Templariis, seu probasse permutationem Lebrignanæ

gnantē ab iisdem Olonij ecclesiā. Neque res hęc difficultatem habere vi-
debitur, si ad antiquissimas tabulas attendamus. Guilelmus Iunior anno
millesimo centesimo septuagesimoquarto asseruit se non *laudasse*, suoque
assensu firmasse illam mutationem Lebrignanę ecclesiā Olonij, quia *puer* 13
erat, vt referebam numero septimo: eam tamen Guilelmus Comes, & Ber-
trandus frater probauere cū siebat, vt ipsi affirmant in tabulis quas de
illa scripserunt, atque tradit Adrianus quartus Pontifex in literis, quibus
Petro Sabranio Sistaricensi Episcopo bona confirmat omnia. In quibus bo-
nis, inquit, *hec propriis duximus exprimenda vocabulis: castrum de Lurio cum*
pertinentiis suis: castrum de Lebrignana, quod canonicis Templi Domini, volun-
tate & assensu Guilelmi & Bertrandi Forcalqueriensium Comitum permutasti. Hi
autem duo Guilelmus & Bertrandus Guilelmi Iunioris fratres erant, vt-
pote Bertrandi & Iaucerandę Comitum filij, quos Guilelmi Iunioris
parentes fuisse vidimus numero secundo. Et Bertrandi quidem filios ipsi
se dicunt in illa, quam modò memorabam, Leporiani confirmatione
Templariis. Anno ab incarnatione Domini millesimo centesimo quinquagesimo
ego Guilelmus Forcalqueriensis Comes, & ego Bertrandus frater, & ego Garcen-
nis prædictorum aui, castrum Leporianum, quod Bertrandus pater noster, & Gui-
go auunculus Comites, pro remedio animarum suarum, Templo Domini, eiusque
seruitoribus absque vlla repetitione liberè possidendum, donauerunt, laudamus.
Iaucerennę verò etiam filios fuisse hoc significat, quòd Bertrandus pater
habebat vxorem, cū illud ipsum Leporianum Templariis concedebat,
neque aliam ei fuisse coniugem legimus, antè ipsi quā nuberet. Dona- 14
tionis tabulas accipe. Notum sit omnibus, quòd ego Comitissa Adelais, & ego
Comitissa Garcennis, & ego Bertrandus, & vxor mea nomine Iauceranna, & ego
Guigo Comites Forcalqueriensis damus, & in perpetuum concedimus Templo Domi-
ni quod est in Ierusalem, pro amore Dei, & pro remedio animarum nostrarum, om-
niumque parentum nostrorum tam viuorum, quàm defunctorum, quoddam castrum
scilicet Leporianum, cum omnibus suis pertinentiis, sine omni retinemento, & ab-
que vlla repetitione, vel inquietatione, liberè & quietè possidendum, &c. Facta est
presentis scripti pagina anno ab incarnatione Verbi Dei millesimo centesimo qua-
dragesimo quarto indictione octaua, regnante Imperatore Colrafo. Cū hęc ita
habeant, fuerunt igitur anno quinquagesimo post millesimum centesi-
mum fratres omnino tres, Guilelmus, Bertrandus, & Guilelmus alter: atque
Guilelmus & Bertrandus, qui permutationem Leporianā Templariis Ec-
clesiā Olonij suo comprobauerunt assensu, ætate superabant Guilelmum
alterum, qui illam ipsam pro pueritia comprobare non poterat.

Tribus istis fratribus profecto addendus est quartus, Bertrandus altero 15
seu Iunior minor natu. Vt ita sentiam faciunt celeberrimę illę tabulę,
anno sexto supra millesimum ducentessimum scriptę, quibus Guilelmus Co-
mes Forcalquerij, & Bertrandus frater *quintus* (sunt earum verba) Auenio-
nensibus dominium, iurisdictionem, & cauallatas. Eas non recito. Retulerunt
Antonius de Ruffi libro de Comitibus Prouincię, & Franciscus Noguiet
libro de Auenionensibus Archiepiscopis & Episcopis. Habentur in regio
apud Aqueses archiuo. Cū enim, vt aduertebam numero 12, ille frā-
trum sequatur ætate alterum, qui post ipsum scriptus legitur, certè Bertran-
dus iste Guilelmo iunior dicendus est, cum quo eas tabulas posterior scripsit,

maximè quoniam Guillelmus quidem dicitur in illis Comes, ipse verò Comititis frater, non quòd non etiam ipse appellaretur Comes, sed quia id nominis & honorarium erat, & ei sic tribuebatur, ut Guillelmo tamèn subesset, qui vnus toto Comitatu regnabat.

- 16 Hic vehementer displicent aliqui. Fatentur Bertrandum Guillelmo iuniorem esse cum quo tabulas pro Auenionensibus scripsit, sed negant Guillelmum & Bertrandum qui eas scripserunt, alios esse à Guillelmo & Bertrando quos ambas illas de Leporiano & Lebrignana pro Templariis scripsisse in superioribus vidimus. Ego autem non video quid homines ad id cogitationis adduxerit. Primum verè tabulæ, ut suo loco docui, tradunt duos Guilelmi prænominis filios anno quinquagesimo post millesimum centesimum fuisse Bertrando & Iaucerandæ Comitibus, & eorum alterum qui pro pueritia probare non potuit mutationem Lebrignanæ ecclesiæ Olonij; scilicet puerum eo ipso anno natum, puero maiorem alterum qui eam permutationem suo firmavit assensu: atque eos ut abinuicem distinguamus, dicimus hunc seniore iuniorem illum. Addunt seniore regnasse anno eo quinquagesimo, utpote quo iam Comes probauit illam Olonij ecclesiæ permutationem Lebrignanæ, & iuniorem nonagesimo; cum factus eo annorum quadraginta, non potuit nondum anniculus illam permutationem probare. Quid ergo afferri potest, cur senior veluti mortuo aut abdicato iuniore, seu excitatus à mortuis seu principatui restitutus, feratur postliminio quodam rediisse ad regendum Comitatum anno sexto post millesimum ducentessimum? Deinde qui, Guillelmo seniore Comite, Bertrando puero maior erat & tabulis suo assensu pro ætate firmandis aptus anno millesimo centesimo quinquagesimo, ætateque superior Guillelmo Iuniore puero & nondum anniculo, is certè dicendus est alius ab illo Bertrando, qui anno millesimo ducentesimo sexto minor ætate erat Guillelmo Iuniore. Sed ista hæcenus. Piget afferre plura. Ad alia transeamus, & quando certum est tres Guillelmo Iuniori fratres fuisse, videamus an ex eorum ortus tempore possimus ad mensem peruenire, quo ipse natus est, illum enim ut assequamur, vniuersa de fratribus disputatio instituta est. Quia verò nullæ
- 17 tabulæ ad meas manus peruenierunt, quæ vllius eorum ortum suo anno, mense, diei assignent, illæ à nobis penitus scrutandæ sunt, ex quibus aliquid de ipso elici posse videtur. Ordiamur à Guillelmo seniore fratum primo. Vnum est è quo suspicari venit aliquando in mentem ei vxorem anno illo quinquagesimo, quem sæpenumero memoraui, fuisse; ipsumque, ut minimum dicam, proinde pubertatem ingressum. Is & Bertrandus frater Leporianum anno quarto & quadragesimo supra millesimum centesimum Templariis à Bertrando patre concessum confirmabant anno post sexto, ut docui numero 13. subscripserunt tabulis qui sequuntur. *Testes, inquit scriba, huius concessionis sunt ipsa Comitissa, Raimundus de Bolbone, Guillelmus frater eius, Iordanus de Auenione, Isnardus de Delphino, Ricardus de Saignone, & Lambertus de Cucurono, Bertrandus de Forcalquierio, & alij.* Iam peto quæ Comitissa testis huic concessionis interfuit? non alia profectò videtur, quàm Guilelmi Leporianum à Bertrando patre Templariis datum confirmantis vxor. Certè tabularum quibus ea concessio continetur hoc ipitium est. *Ego Guillelmus Forcalquierensis Comes, & ego Bertrandus frater.*

Vnus Guillelmus totis tabulis dicitur Comes, & tu cum legis vnam iisdem dici Comitissam, cogitas aliam, quam Guillelmi vxorem ea voce significari? Pubes saltem ergo tunc fuerit. De Bertrando Seniore fratrum secundo nihil aliud inuenio, quam quod in superioribus non semel attuli, pueritiam eo anno quinquagesimo post millesimum centesimum excessisse. Bertrandus Junior sine dubio natus erat, cum Guillelmus Ebredunensis Archiepiscopus, ab Eugenio Pontifice legatus, componebat dissidium, quod Hospitalariis Ierosolymitanis erat de Manuasca cum Comite Forcalquerij. Scilicet ex eius ad Pontificem literis non obscure intelligitur Bertrandum patrem & laucerandam matrem Comites, tum obiisse extremam diem, cum rem agebat *Talem inter eos transactionem, inquit, utriusque partis consensu dictauimus, vt Hospitalarij iure perpetuo haberent & quietè possiderent quidquid ibi, id est Manuascæ, habebant pridie antequam Guigo Comes hanc donationem fecisset. Cetera verò videlicet prædictum castrum cum aliis possessionibus ad illud pertineneibus, & castrum quod dicitur Totas-auras cum territorio suo æqualiter inter se diuiderent, vt medietatem Hospitalarij pleno iure haberent, & liberè possiderent, & aliam medietatem haberet & possideret Comes eodem modo, ita quòd neque Comes cum fratribus & auiâ quidquam penitus ab Hospitalariis ibi haberent, &c. Si verò Comes & fratres eius, & soror decederent sine legitimis liberis, pars illorum quæ ex transactione ista eis obuenerat, Hospitalariis liberè & pleno cederet.* Nam si Bertrandus pater, si lauceranda mater vivebant, cum Guillelmus Archiepiscopus componebat illud dissidium, cur cum iis non egit, sed cum ipsorum liberis & liberorum auiâ! rem verò gessisse videtur secundo & quinquagesimo anno post millesimum centesimum, quandoquidem illius literis respondit Eugenius, qui sequente anno mortuus est octauo idus Iunij. An eo igitur natus etiam est Bertrandus Junior, quem Guillelmus Junior anno quinquagesimo natus præcedebat ætate? nequaquam. Omnino dicendus est natus anno millesimo centesimo quinquagesimo primo. Hoc sentire prorsus cogit mors Bertrandi patris, quam ego quidem arbitrabar euenisse anno quinquagesimo, Nouembri exeunte. Igitur de Nouembri mense anni quinquagesimi post millesimum centesimum videntur asseri posse duo ex vetustissimis tabulis. Alterum est, Guillelmum Iuniorem neque ante Nouembrem, neque prima Nouembris die natum esse: alterum est, Bertrandum Guillelmi Iunioris patrem sub Nouembris finem è vita decessisse. Primum illud conficit ea charta, in qua Guillelmus Junior anno millesimo centesimo nonagesimo primo, Nouembri mense, asserit se factum esse annorum quadraginta: secundum ea, quæ *Guillelmus Comes Forcalquerij, & Bertrandus frater* anno millesimo centesimo quinquagesimo, mense Nouembri confirmant Templariis Leporianum. Nam vt ab hac incipiam, vt illa veritatem habeat, dici debet scripta Bertrando Guillelmi Comitissæ & Bertrandi fratris patre mortuo. Nam quis sobrius arbitretur Guillelmum patre Comite viuo dici ipsum Comitem, atq; Bertrandum Comitissæ fratrem. Poterant ambo fratres patre viuo genteque appellari Comites, vt aliàs factum legimus in tabulis, quæ Comites seu Prouinciæ, seu Forcalquerij memorant cum filiis! filios certè sic appellari tacito patre qui viveret, vt alter dicatur Comes, alter Comitissæ frater, ego nunquam crediderim. Bertrandus ergo pater Nouembri eo mense mortuus erat. Ante ipsum

sum verò aut etiam ipso seu ineunte, seu adulto extremum diem obiisse non asseret, qui cogitauerit & Guillelmum Iuniorem illo eodem mense natum esse, & Bertrandum Iuniorem à lauceranda matre pristinae valetudini post puerperium restituta conceptum extremo eo ipso, aut Decembri ineunte, Debit scilicet Guillelmus Iunior post primum saltem Nouembris diem nasci, ut anno millesimo centesimo nonagesimo primo diceretur factus annorum quadraginta Nouembris mense, non autem vnus & quadraginta: debuit Bertrandus Iunior sub initia saltem Decembris concipi, ut Guillelmus diceretur Nouembris mense Comes, & Bertrandi patris eo ipso mense

20 mortui in Comitatu successor. Sed ut vna voce rem expediam, quæ contentioni plenissima est, quid vetuit Guillelmum Iuniorem nasci secunda aut tertia die Nouembris? Quid Bertrandum patrem mori sexta aut septima & vigesima die Nouembris eiusdem ex repentini morbi vi? quid Guillelmum seniore, patre mortuo iam Comitem Forcalquerij, & Bertrandum fratrem, vltima illius ipsius Nouembris die comprobare & donationem Leporiani Templariis à patre, & Lebrignanæ permutationem Olonij Ecclesia? quid Bertrandum Iuniorem mortuo patre conformari in laucerandæ matris utero sub initia Decembris, & nono post nasci? Hæc omnia quæ fieri nihil prohibuit, locus profectò postulat, ut asseramus facta esse. Neque mirabitur dici peracta, qui meminerit longè grauiora, vulgarique & fide & expectatione maiora, quondam facta esse, & nunc etiam legi in omnium fere gentium historiis. Bertrandus itaque Iunior dicatur natus anno primo post millesimum centesimum quinquagesimum sub initia Septembris mensis, & Guillelmus Iunior præcedente anno Nouembris ineunte. Si cui non placet Bertrandum Iuniorem venisse posthumum in lucem, asserat is per me licet venisse geminum post Guillelmum Iuniorem. Vt cumque hoc habeat, charta in qua post Guillelmum hunc scribitur, significat natum esse post illum. In repertorio regiarum apud Aqueses chartarum habes sequentia verba. *Guillelmus Forcalquerij Comes anno millesimo ducentesimo sexto, quarto calendas Iunij scribit libertatem, immunitatem, ac donationem Episcopo & capitulo Ecclesie, & vniuersitati ciuitatis Auenionis, de dominio & iurisdictione ipsius ciuitatis, excepta caualcata. Et quarto nonas Iunij quitat Auenionenses de caualcatibus: & Bertrandus frater ipsius Comitis confirmat donationem eius.*

- 21 His de anno, & mense, quibus Guillelmus Iunior natus est, constitutis, accedamus ad ea quæ per vitam gessit egitque. Omnia quæ ante initum Forcalqueriensem comitatum fecerat sepeliuit obliuio. Annum etiam quo regnare cepit, meæ chartæ non habent. Vnum asseuerare posse mihi videor, Guillelmo & Bertrando maioribus natu fratribus, deinceps post patrem Comitibus Forcalquerij, mortuis, Forcalqueriensem Comitatum ex Bertrandi senioris testamento adeptum esse. Anno quidem octauo & sexagesimo post millesimum centesimum, frater scripsit heredem; sed quam chartarum ab ipso iam regulo exaratarum antiquissimam lego, ea anno secundo & septuagesimo post millesimum centesimum scripta est. Igitur non possum ex vero asserere annum, quo post fratris mortem init Comitatam. Potuit Bertrandus scripto testamento redire ad sanitatem, posuit vno & altero post eam restitutam anno viuere. Incerto inter vtriusque illius chartæ scriptiorem tempore regnare cepisse Guillelmus dicatur. Quia verò nonnulli qui
- vnicum

unicum Guillelmum, Bertrandum unicum Bertrando & laucerandæ Comitibus fuisse autumant, addunt utrumque à morte patris simul regnasse, antè vltà quàm progredior, placet (atque nullum operæ non erit omnino pretium) referre duo, alterum de Guillelmo, de Bertrando alterum senioribus, ante Guillelmum Iuniorem genitum, ex quibus intelligitur ipsos fuisse non simul, sed deinceps, sine omni alterius in Comitatus consortio, Regulos.

Fridericus Imperator Roboretum in Italia obsidebat anno millesimo ²² centesimo sexagesimo quarto, & Guilelmus senior ad illum venit, restituentis si quæ amissæ fuissent, Comitatus Forcalquerij partibus, eiusque *inuestitura*, ut loquuntur, capiendæ. Chartam vetustate nobilem accipe, quæ res omnis continetur. *In nomine sanctæ & indiuiduæ Trinitatis Fridericus divina fauente gratia Romanorum Imperator semper Augustus. Imperialis excellentiæ benignitas iustis honestorum petitionibus inclinari consuevit, & eas personas beneficiorum gratia obligare, quas ob fidei sue claritatem, & nobilitatis prerogatiuam dignas censuit honorari. Notum sit igitur vniuersis imperij nostri fidelibus, tam futuris, quàm presentibus, quòd Guilelmus Forcalquerij Comes presentiam nostræ maiestatis adiit, postulans à nobis, ut eum Comitatu Forcalqueriensi inuestire dignaremur. Cuius personam, sicut nostram decuit clementiam, honorificè suscipientes, & petitionis sue affectum diligenter attendentes, habito cum principibus nostris consilio, prædicti Comitatus inuestituram enim omnibus pertinentiis eius in omni plenitudine honoris, sicut antecessores sui tenuere, in feudum & solemniter dedimus & concessimus. Ipse verò fecit nobis hominum, & fidelitatem iurauit, sicut quòd collatum beneficium ad omne mandatum nostrum stare proposuit, & honorem imperij, & coronæ nostræ gloriam, usquequaque promovere firmissimè compromisit. His itaque pactis Comes petit sibi dare sententiam, si de iure in irritum deberet renouari, quidquid ab antecessoribus de iurisdictione, & de iure hospitiorum, & dignitate Comitatus alienatum esse constaret, siue per venditionem, donationem, seu per quamlibet subtractionem spontaneam vel violentam. Prolata est igitur sententia in medium à fidei nostro Henrico Marchione Vercio de Vasto, & ab omnibus equanimiter approbata, quòd nequaquam firmum ac stabile deberet vel posset permanere, si quid de Comitatus iurisdictione & dignitate ab aliquo supradictorum modorum fuisset abalienatum vel diminutum, nulla in presentibus aut futuris litibus defensione, prescriptione temporis huic restitutioni seu priuilegio opponenda. Nos itaque eandem sententiam iustam & ratam esse decernentes, tam ²³ dicto fidei nostro Guillelmo Comiti Comitatus dignitatem, iurisdictionem, & regalia cum omni plenitudine honoris & utilitatis nostra imperiali auctoritate restituimus, & in perpetuum salua imperiali iustitia confirmamus, statuantes, & sub pænâ banni nostri firmiter & districtè præcipientes, ne qua persona parua vel magna, secularis vel ecclesiastica prænominata, fidei nostro vim in his vel iniuriam aliquam inferre præsumat: & si forte attentauerit, quinquaginta libras auri pro satisfactione componat, dimidium coronæ nostræ, & dimidium Comiti, cui iniuria cognoscitur esse illata. Ut huius autem donationis gratuita collatio rata semper & inconvulsa permaneat, presentem inde chartam conscribi, & sigillo nostræ maiestatis iussimus roborari. Huius rei testes sunt Philippus Colonienfis Episcopus, &c. Conradus Palatinus Comes Rheni, &c. Arnaudus Flotta, Guilelmus Dulbone, Petrus Grossus Forcalqueriensis Præpositus, Petrus Pelican eiusdem ecclesiæ canonicus,*

Bertrandus de S. Maximo, Guillelmus de Fontana, &c. Acta sunt hac anno Dominice incarnationis millesimo centesimo sexagesimo quarto, indictione septima, regnante domino Friderico Romanorum Imperatore gloriosissimo, anno regni eius vigesimo tertio, imperij verò vigesimo primo. Datum in episcopatu Papiensi, in
 2 4 *obsidione Roboreti duodecimo calendis Iunij Feliciter. Hanc Friderici chartam referre placuit, in qua & inuestitura, vt dicunt. Comitatus Forcalquerij recitatur ab eo concessa Guillelmo Regulo, & ipse Comitatus pristinae integritati restituitur, vt Guillelmus intelligatur eo anno quarto & sexagesimo, ac proinde à morte Bertrandi patris, & praefuisse Comitatu Forcalqueriensi, & vnus ei praefuisse, non Bertrandus frater cum ipso. Nonnulli regnasse quidem à morte patris fateantur, sed contendunt Bertrandum fratrem cum eo regnasse. Quid autem sequantur, ego quidem non video. Guillelmus sibi, non Bertrando fratri, petiit accepitque inuestituram, quae dicitur Comitatus Forcalquerij, cum omnibus pertinentiis eius in omni plenitudine honoris: sibi, non Bertrando fratri petiit accepitque sententiam, qua iubetur renouari quicquid ab antecessoribus de iurisdictione & de iure hospitiorum, ex dignitate Comitatus alienatum esse constaret, siue per venditionem, donationem, seu per quamlibet subtractionem spontaneam vel violentam. Quid tale Bertrandus legitur sibi aliquando aut petiisse, aut accepisse ab Imperatore, cum Guillelmus dominabatur Comitatu Forcalqueriensi: sed potuitne Guillelmus aut solus, aut tacito Bertrandi fratris in dominatu consortio postulare sibi Comitatum cum omnibus pertinentiis suis in omni plenitudine honoris, si cum eo ipsum Bertrandus frater regebat! Quid afferam plura? vnum tamen tacere non possum. Guillelmus & inuestituram & plenitudinem honoris Comitatus postulauit à Friderico, quia cum nescio quas ob causas in eius offensionem venisset, Comiti Prouinciæ subiectus ab eo fuerat. Forcalquerij Comitatus, inquit*

2 5 *Surita lib. 1. Prouincia Comitatu subicitur. & qui eius ditioni dominatur, quod Imperatori non paruisset, &c. Pro summis in Richam, seu Richildem, reginam consanguineam Comitis Prouinciæ meritis. Quid Bertrandus, si cum Guillelmo regnabat, peccauerat, vt eius Comitatus honore suo deliceretur: vnus Guillelmus & Imperatori non paruere & inuestituram à placato accepit. Fefellit aduersarios, quod Bertrandus se in suis tabulis appellat Comitem Forcalquerij. Si cum fratre non regnabat, inquiet aliquis, qua veritate hoc dignitatis & dominatus nomen sibi assumpsit? Ego autem fateor Bertrandum id fecisse viuo & regnante Guillelmo. Hoc illi commune fuit cum omnibus fratribus, sororibus, vxore, & fratrum vxoribus, atque vt vniuersè loquar, solenne fuit hoc vniuersis ante ipsum liberis Regulorum Forcalquerij quemadmodum advertebam numero 4. vt ipsi etiam se dicerint Comites Forcalquerij. Neque soli ita consueuerunt. Liberi Comitum Prouinciæ, se ipsi quoque dicebant Comites Prouinciæ, vt ex pluribus tabulis intelligitur. An eos ergo putabis singulos Prouinciæ tum imperasse? Fratres Comitum qui dominabatur Comitatu seu Prouinciæ, seu Forcalquerij, vocabantur quidem Comites, sed honorarium nomen hoc erat: ipsique, vt ceteri proceres, suberant fratri supremo Comiti. Igitur legimus istis, non aliter quàm ceteris, eum imperasse subditis. Bertrandus Alayridis filius, Forcalquerij Comes, anno septimo & vigesimo supra millesimum, postquam erexisset monasterium Culcæ, & eius monachis tum alià, tum multa do-*
 nasse

nasset prædia rustica, addidit voces quæ sequuntur. *Inhibemus fratribus no-*
stris, & Baronibus, & Officialibus nostris qui modò sunt, & pro tempore erunt,
sub pena quinquaginta librarum auri fini, de cetero in distis locis, vel in eorum
mandamentis, vllam offensionem faciant. Grauiorem facere difficultatem vi- 26
 debitur alicui, quòd Bertrandus anno octauo & sexagesimo post millesim-
 um centesimum, se dixit in testamento Comitem Forcalquerij, & Guil-
 lelmo fratri tradidit Comitatum à Rhodanò per Sistaricum versùs Alpes
 longè protensum, quæ Forcalqueriensis Comitatus longitudo est. Nam, in-
 quies, & hic ille Comitatus omninò est, cui Guilelmus fratrum maximus
 natu dominatus est à morte Bertrandi patris. Quid ergo afferri potest, cur
 negemus ambos fratres illum simul ditone tenuisse? Hic ego quidem mi-
 rari satis non possum nonnullorum hominum ingenium. Vt aliquid mente
 perceperunt, vt ad illud vehemenssime adhærescunt, neque vllâ rationum
 seu firmitate, seu euidentiâ, se ab eo dimoueri patiuntur. Illa etiã re quæ
 veritatem repræsentat, abutuntur ad comprobationem falsi. Ecce Bertran-
 dus se in testamènti tabulis dicit Comitem; & suo Comitatu non aliam dat
 longitudinem, quàm quæ Comitatus Forcalquerij est. Cùm hæc duo cer-
 ta sint, vide quid falsi ex iis colligant. Qui debebant hinc conficere, Ber-
 trandum igitur Guilelmo fratre, qui maior natu erat, mortuo, solum Co-
 mitatui præfuisse Regulum, cùm testamènti tabulas scribebat, deducunt
 Guilelmo fratri socium in Comitatus dominatione à morte patris semper
 fuisse. Et verò Bertrandus testamento Guilelmum fratrem dicit heredem. 27
 At cuius rei heredem? suæ, an alienæ? suæ, vt puto, suiue adeò Comita-
 tus. Quis verò is Comitatus est? qui à Rhodano per Sistaricum longè latè-
 que versùs Alpes protenditur. At cum Guilelmus, quem vnicum Bertrando
 fratrem fuisse vis, iam à patris morte dominatione tenuit, & illius vniuersi
inuestituram, quæ dicitur, ab Imperatore accepit. Sed age, qui Bertrandus
 fertur à patris morte Guilelmo fratri consors Comitatus fuisse, an ita socius
 ei fuit, vt cum ipso toti dominaretur? an aliam illius partem habebat, par-
 tem aliam Guilelmus frater? Bertrandus non potuit habere partem eius,
 quem vniuersum Guilelmus Imperatoris & consensu, & donatione possi-
 debat. Totum ergo cùm hic teneret Comitatum, ille etiã totum tene-
 bat. Itane verò? omnino, inquires. Verùm si Guilelmus ante Bertrandi te-
 stamentum dominabatur toti Comitatu, quid ei Bertrandus frater dona-
 bat, cùm post concessa Hospitalariis Ierosolymitanis nonnulla castra dice-
 ret; *De reliquo Comitatu meo sic vltimam voluntatem meam dispono, vt frater*
meus Guilelmus Comes mihi heres existat in reliquo? Quem verò Guilelmoni
 hunc fratrem à Bertrando dici putabimus? Numero 11. & sequentibus do-
 cuit duos fratres illi fuisse qui dicerentur Guilelmi prænomine, sed qui sic
 loquitur, *frater meus Guilelmus*, vnum sibi iam, non duos vt antè, tradit
 esse eo prænomine in fratribus. Senioretnne, igitur, an iuniorem scribit
 heredem? profectò qui illius testamento superfuit, & ad annum vsque octa-
 uum à millesimo ducentesimo vixit, is Guilelmus Iunior erat, vt intelli-
 gitur ex his quæ non semel hæcenus dixi. Ipsum ergo, non senioreni ipso, Ber-
 trandus voluit heredem, à senioris morte iam Comitatus vniuersi dominus. 28
 Nam vt in re ex superioribus facili & perspicua diutius non hæream, Gui-
 lelmo seniore mortuo Bertrandus senior anno post Friderici Imperatoris li-
 teras

teras quas numero 22. & 23. retuli, incerto adiit Comitatum Forcalquerij, atque octauo & sexagesimo illius sæculi testamento donauit eum Guillelmo Iuniori fratri, ipsumque, vt hoc iam ex superfluo addam, vniuersum. Nam post Manualcæ, & plurium castrorum Hospitalariis Ierosolymitanis donationem sic locutus est. *De reliquo meo Comitatu sic vltimam voluntatem meam dispono, vt frater meus Guillelmus Comes mihi heres existat in reliquo. Tali tamen lege, vt liberalitatem, quam in domum Hospitalalem contuli, perpetuam ratam & firmam habeat, & ab omni interpellatione & inquietudine defendat & protegat, & partem suam quam in prædictis castris habet, & in eorum territoriis, donet, & liberè habendam & possidendam in perpetuum concedat. Si verò voluntas em meam infregerit, omnia que iure institutionis sibi reliqui aufero, & totum quod habeo à Sistarico versus Alpes, relinquo Comiti Tolosano; quod autem habeo à Sistarico vsque ad Rhodanum, consanguineis meis Vilelmo de Sabrano, & fratri eius, &c. relinquo.* Qui hæc in testamento scripsit, is profectò diuisit Comitatum Forcalquerij in partes duas. Prima à Sistarico versus Alpes protenditur, secunda à Sistarico ad Rhodanum vsque pertinet. Quem verò diuisit, illo potiebatur vnus absque omni alterius in dominatu consortio. Sed qua seu confidentiâ, seu stultiâ ipsum in alios omnem partitius est; si non omnem solus tenebat ditione?

29 An verò Bertrandus senior extremam diem illo anno octauo & sexagesimo obierit quo testamentum confecit, & Guillelmus Iunior in Comitatu successit, non possum dicere. Ab eo vsque ad secundum & septuagesimum nihil de ipsis inuenio. Isto iam anno tabulæ meæ Guillelmi Comitem memorant. Ab eo igitur incipiam de rebus ab ipso gestis dicere. Quia verò feriem vitæ, per tabularum in quas incurere datum est paucitatem, non possum totam texere, & annuatim, & breuiter eorum quæ legi summa capita tangam potius, quàm recitabo. Mearum, antiquissima cartharum, quas Guillelmus Iunior, iam Comes Forcalquerij scripsit, anno secundo post septuagesimum illius sæculi exarata est. Cogitabat piissimus vir Compostellanum ad S. Iacobi corpus peregrinationem, principibus viris tum non insolitam, & à Ludouico etiam iuniore Francorum rege susceptam; & cum se itinere accingeret, Cartusianos Durbonenses soluit omni portorio, voluitque vt eorum greges atque armenta toto Comitatu Forcalqueriensi liberè pascerentur: petiit vt rependerent preces, ducens, quod veritatem haberet, orationes sanctorum virorum futuras, seu duces, seu socias peregrinatio certissimas. Rem gessit Aptæ Iuliæ testibus Gregorio Episcopo, & Arnaldo Flotta milite. Pium munus confirmauit Manualcæ altero post anno.

30 Grauiissima contentio fuit Guillelmo cum Alphonso Comite Prouinciæ de clientela anno septimo & septuagesimo post millesimum centesimum, cuius professionem Alphonfus à Guillelmo expetebat. Eò demum acerbissimè deuēnit, vt consequente anno exercitum ille deportauerit trans Druentiam, & Pertusio, quod primum occurtebat, capto, latè stragem tota regione Forcalqueriunam vsque dederit, vastatis Monte Furonis, Monte Iustini, Villa mutis, Relania, Laduncello. Cùm denique Forcalquerium obsidione cinxisset, Guillelmus clientelam se professurum dixit, paceque constitutâ stetit promissis. Inuitum descendisse ad eam professionem hinc intelligitur,

gitur, quod audita morte Alphonſi, quæ nono & ſeptuageſimo anno accidit, de iniuria coram omni populo queſtus eſt Forcalquerij, ad fores baſilicæ S. Mariæ, ſequæ vnius Romanorum Imperatoris clientem eſſe aſſeruit.

Tercio poſt anno nobiliſſimas ſcripſit tabulas pro Hoſpitalariis Ieroſo-
lymitanis. Guigo patruus Manuaſcam vallem cum ſuis caſtris & pagis vni-
uerſam illis conceſſerat nono & quadageſimo. Guigonis ex Bertrando fra-
tre nepotes quatuor eo mortuo vehementer interceſſerunt ipſius donationi;
atque, vt ſinguli ſuam Manuaſcæ partem hereditario iure ſibi aſſerebant,
Guilelmus Junior & tota valle, & aliis per Forcalquerienſem Comitatum
locis plurima damna intulit immerentibus. Hoc denique anno Henricus
Albanenſis Epiſcopus à Pontifice in partibus Prouinciarum legatus litem
compoſuiſſe, fecitque vt optimus princeps ad eos animum admoueret ſuum,
pluribuſque etiam bonis augeret. Quia res illuſtriſſimi exempli eſt, iuuat
reſerre tabulas quas de ipſa confeſcit. Anno ab incarnatione Domini milleſimo
centefimo octuageſimo. Ego in Dei nomine Guilelmus Forcalquerienſis Comes,
ſciens & recognoſcens multa & varia damna, quæ venerabili & ſancta domui
pauperum Hoſpitalis Ieroſolymitani, peccatis exigentibus irrogauī, ad inſtantiam
exhortationis pij & venerabilis domini Henrici Albanenſis Epiſcopi, Apoſtolica
ſedis Legati, qui vices domini Pape in partibus Prouinciarum agit, eidem ſacrae
domui & pauperibus Hoſpitalis, pro redemptione peccatorum propriorum & pa-
rentum meorum, ſpontanea voluntate ac conſiſtens ætatis, hæc facio conceſſiones
cum hac ſcilicet charta. Donationem, quam in teſtamento patruus meus Guigo de
Caſtro Manuaſcæ, & eiufdem Burgo, & caſtro de Totas aurar, eorumque territo-
riis, adiacentiis, & pertinentiis, fecit, ſecundum quod in inſtrumento authen-
tico compoſitionis Vv. de Benevento quondam Ebredunenſis Archiepiſcopi, Apoſto-
lica ſedis Legati continetur, & à Romanis Pontificibus noſcitur confirmatum, &
quidquid intra fines mei Comitatus, ſive à meis ſeudalibus de meis ſeudis, vel
aliis quibuſlibet bonis, ſeu poſſeſſionibus, præter chartam capitis caſtri de Ceſariſta,
quam Vrſa nobilis mulier abſque meo aſſenſu fecit, hætenus eadem domus acqui-
ſiuit, ſeu in antea largitione procerum vel hominum meorum, vel alio iuſto quo-
libet modo acquiſerit, vel adipiſci poterit, exceptis capitibus & dominis ca-
ſtrorum, & exceptis poſſeſſionibus, de quibus annuum cenſum vel redditum accipio,
niſi fortè de meo aſſenſu ea obtineret in perpetuum ſibi habenda, & inconcuſſè
poſſidenda, concedo, laudo, & confirmo. Præterea concedo eidem domui in perpe-
tuum paſcua omnibus animalibus & nutrimentis ſuis, vt liberè, & abſque om-
ni exactione ſeu conſuetudine ipſa animalia ſeu nutrimenta in toto meo Comitatu
paſcantur & nutrantur. Necnon de grauiffimis damnis & iniuriis, quas ſæpe di-
ctæ domui Hoſpitalis in præſato caſtro de Manuaſcæ, & aliis pluribus locis mei
Comitatus me conſiteor & recognoſco irrogaviſſe, firmiter & ſine dolo & fraude
promitto vt ad mandatum Odini Prioris Hoſpitalis S. Agidij, quo mediante, at-
que in cuius manu præſentes feci conceſſiones, ſive ſuorum ſucceſſorum qui pro tem-
pore fuerint, commonitus emendabo. Item duo millia & octingentos ſolidos, quos à
præſata Hoſpitali domo repetebam, ideo quia eos cuida fratri eiufdem domus com-
mendaueram, & ſibi ablati fuerūt, ipſi domui & fratribus dimitto, & finio, & abſ-
que dolo per ſtipulationem promittens, ne deinceps ego vel mei eos quoquo modo repe-
temus. Chartas etiam omnes, quas ſuper quibuſcumque donationibus ſeu contractibus

de rebus, vel possessionibus infra terminos iurisdictionis meae contentis à quibuscumque personis factas præterquam de illis, quæ exceptata sunt superius, hætenus fratres memorata domus acceperunt, præsentī scripto eidem domui laudo atque confirmo, volens & concedens ut perpetuis temporibus sine mea, meorumque contradictione plenum obtineant robur & firmitatem. Hanc autem donationem & concessionem in Aquensi ciuitate in manu tui Odini Prioris Hospitalis S. Ægidij secti, assistentibus tibi fratribus Hospitalis Petro Gauterio Commendatore Hospitalis, Vrilermo de Aluernegue Priore Hospitalis S. Thomæ de Trèncatailla, Vrilermo Hospitalis Commendatore Manuascæ, Petro de Rognonas Commendatore Hospitalis ciuitatis Nicie, Feraldo de Barras, Raimundo de Fontiana, & pluribus aliis fratribus. Factum etiam fuit in præsentia prædicti domini & venerabilis Henrici Albanensis Episcopi, & Apostolicæ sedis Legati, Bertrandi Vaisonensis Episcopi, Fulconis Massiliensis Episcopi, &c. Petri Grossi Forcalqueriensis Præpositi, &c.

- 34 Anno primo & nonagesimo eiusdem sæculi confirmauit Luram Hugoni Abbati Boscaudonenſi, quam olim eidem dederat ad erigendum monasterium, cum esset abbas Calisiensis. Scilicet qui anno trigésimo post millesimum centesimum fratres seu monachi, seu eremite (hoc enim obscurum est, atque vno fratrum nomine appellatos lego) Boscaudoni habitabant, cum acceperint à Pontio d'Arbert, Guillelmo & Petro de Monmira, Adamo & fratribus, Petri filiis, ipsum Boscaudonum, agentibus iisdem Petro & Guillelmo, atque Transguerio de Sauina Guillelmi genero & herede, transierunt in Calisiensium instituta anno quadragesimo decimo calendas Aprilis. Calisiensis autem abbatia ceperat in desertis supra Vorepam pagum locis, S. Hugone Gratianopolitano Episcopo, & ab eo religiosos mores edocta fuerat. Iam ante multos annos est Cartusianorum iuris.
- 35 Eodem anno fœdus inicit cum Raimundo Constantiæ filio Tolosæ Comite. Placet afferre capita fœderis duo. Eosdem socios, aduersarios eosdem sibi futuros iurant. Hoc primum est. Alterum longè grauius, atque ad quietem veraque pacis perpetuitatem omnino necessarium. Ius omne abdicant, quod alter in alterius Comitatum habere se iam ferebant diu. Vnde Tolosano in Forcalqueriensem Comitatum ius fuerit non lego. Raimundus eius pater ius Guillelmo in suum concesserat. Igitur Guillelmus anno quarto & septuagesimo huius sæculi inscripsit clypeo crucem Tolosanam, ut videre est in sigillo tabulis appenso, quibus confirmabat Cartusianis Durbonensibus exemptionem ab omni per Forcalqueriensem Comitatum portorio. Fœdus scriptum est coram Raimundo de Agouto Cauallicensi Episcopo, & Girardo Amico testibus.
- 36 Altero post anno promittit se datum nuptui Garcendem, ex Garcende filia neptem, Alphonso Comiti Prouinciæ filio Alphonſi Aragonum regis cum tota terra sua, ut lego in repertorio chartarum regij apud Aquenses archiui. Hic primum occurrat mentio Garcendis filij Guillelmi Iunioris. Ex qua vxore illam regulus sustulerit non inuenio. Sed neque hætenus legi chartam quæ doceat fuerintne Guillelmo alij liberi. Enupserat è principibus eius filia. Ex Raine Sabranio Castellardi domino coniuge genuit liberos tres, Garcendem Alphonso Comiti Prouinciæ, & Beatricem Andream Delphino nuptas, atque Rainem patri cognominem, Castellardi dominum.

dominum. Hic vnum non tacebo, neque enim mirari satis possum. Volunt Raiuem filium peruenisse ad annum vigesimum à millesimo ducentesimo. Cur ergo vtrique sorori posthabitus, ne modica quidem Comitatus parte donatus est ab auo? An seu corporis, seu animi vitio minime aptus videbatur gerendo regno?

Anno septimo & nonagesimo post millesimum ducentesimum mense 37
Decembri dat Limansium castrum, & alia Exameno de Vilenà: nono &
nonagesimo spondet patrociniū prioratui Ferigoleti.

Anno millesimo ducentesimo secundo mense Iunio, Beatrix ex Garcen- 38
de filia neptis iunior Guilelmi, nubit Andreæ Delphino Ducis Burgundiæ
filio. Accipit à patre in dotem id omne Comitatus Forcalquerij, quod à
ponte Bochy de Sistarico sursum sicut extenditur per episcopatum Vapincensem, &
Ebredunensem post aui mortem possidendum, vt habetur in tabulis con-
nubialibus. Vnum ex addunt, quod prætermittere mihi nefas est. Delphinus
promittit se cum Comite Prouinciæ nullum amorem, nullum pactum, nullam con-
federationem, sine consilio & sine voluntate Domini Guilelmi Comitis habitu-
rum. Cur hoc pollicetur Delphinus? sine dubio vt Guilelmo placeat. Sed
quid Guilelmum offenderat Comes Prouinciæ? Tacent omnes chartæ,
quæ peruenierunt ad meas manus. Vide quibus verbis concludantur tabu-
læ nuptiales. Hoc autem totum factum est, cum Guilelmus Comes esset apud S.
Euphemiam supra flumen Bochy, & cum magno exercitu deuastaret ex omni par-
te totum Sistarici territorium. An quod Sistaricenses offenderant, à Prouinciæ
Comite descendebat? Vt cumque hoc habeat, Guilelmus Nouembri men-
se ei placatus fuit.

Eodem anno mense Nouēbri scripsit sequentia pro fratribus Pontis Aue- 39
nionensis. Cupiens bonorum domus eorum esse particeps, & in redemptionem pecca-
torum meorum, si aliqua iura, seu vsatica in transitum Auenionensis Pontis habeo,
vel habere debeo qualicumque modo, totum Deo, & sanctæ domui & in augmen-
tum beati operis Pontis quod beatus Benedictus, Dei admonitu & voluntate ince-
pit bono animo bonaque mente dono & remitto, in presenti & futuro. Insuper verò
eodem modo concedo quòd si per..... nostra, seu per terram nostram, ligna, vel bla-
da, aut aliqua res ad sanctum opus prædicti pontis transierint, quidquid in iis
rebus propriis sepe dicti pontis transierit, quidquid in iis per pedagium vel aliquid
vsaticum querere potero vt debita mea obliuioni tradantur, sanctæ domui præno-
minatæ per æterna tempora remitto, &c. Idem Comes Guilelmus recognouit, vt in
tabulis habes, anno 1207. 8. Cal. Septembris.

Eo ipso anno Rostagnus de Sabrano Constabularius Raimundi Comitis To- 40
losæ voluntate partium amicabiliter composuit & controuersias definiuit, quæ
erant inter Vilelmum Comitem Forcalquerij, & ex alia parte Raimbandum Gui-
rannum, & filios Raimbaudi de Agouto & domine Sanctiæ, scilicet Guirran-
num, Rostagnum, & Raimbandum & Raimbaudum de Aurasia filium Vilelmi
de Aurasia & domine Sanctiæ, & dominos de Railana, & fratres suos & filios
Raimundi Rose. Hactenus tabulæ de illa re tum scriptæ. Quia Rostagnus
iussit, vt Guilelmus Iunior restitueret Orgueriam Agoutiis, & Raibaudus
sociique Buxetum Comiti, certum est venisse ad arma. Sed tantarum ira-
rum causæ me latent. Conuenerant in Raimundum Comitem Tolosæ ar-
bitrarium iudicem. Cum is vellet redire versus Tolosam, & moram facere in

Provincia non posset, causam illam definiendam consilio Vvilelmi de Baucio, & Giraudi Amici Vvilelmi Laugerij de Insula, plenarie Rostagno commiserat, ut ferunt tabulæ, quibus vniuersa compositio continetur. Res acta est Manuascæ Nouembri mense. In tabulis illis vnum adiungitur, ex quo intelligere est Ildephonsum Comitem Provincie placatum fuisse Guilelmo. Cum hæc gerebantur, dominus Comes concessit eis & laudauit terras & feuda eorum ad suam fidelitatem & seruitium, & Ildephonsi Comitis Provincie post obitum eius: & ipsi fecerunt hominia, & iurauerunt fidelitatem domino Vvilelmo Comiti Forcalquerij, & ibidem de mandato domini Vvilelmi Comitis fecerunt hominia Ildephonso Comiti Provincie, & fidelitates iurauerunt.

41 Anno tertio post millesimum ducentesium Guillelmus comprobat concessionem nescio cuius rei ab Odone & Bermundo consanguineis monasterio B. Mariæ de Podio rotundo. Anno quarto dat Torneminum pagum monachis Pertusiensibus. Eodem anno habet in carcere Ildephonsum Comitem Provincie. Surita putat habuisse anno quarto, & fallitur, regia enim apud Aqueses chartæ asserunt quod attuli; & addunt Raimundum Comitem Tolosæ promississe Ildephonso auxilium anno sexto ad sumendam de iniuria vindictam.

42 Anno eiusdem sæculi sexto scribit *libertatem, immunitatem, & donationem Episcopo atque capitulo Ecclesie, & vniuersitati Auenionis de dominio, & iurisdictione ciuitatis ipsius*, vt habent tabulæ ab eo scriptæ, quarum meminit repertorium regiarum apud Aqueses chartarum. Et die 15, ante festum S. Iohannis Baptiste donat nescio quæ Monasterio B. Mariæ de Podio Ganegobie ex Cartulario Cluniacensi, vt refert Guichenonus in Bibliotheca Sebustiana centuria 2. pag. 440.

43 Eodem anno (septimus nunc diceretur, cum incipit à prima die Ianuarij) scribit nobiles prerogatiuas Manuascensibus. Priuilegia sua illi appellant. Duabus tabulis continentur. Priores nonis Februarij datæ sunt, posteriores pridie idus eiusdem mensis. Illas ego retuli verbatim libro secundo Manuascæ num. 33 & sequentibus.

44 Eo ipso anno, 16. Calendas Aprilis confirmat donationem Manuascæ Hospitalariis Ierosolymitanis à Guigone patruo: datque ipsis nobile illud palatium quod in ea sibi erexit & nunc etiam stat.

45 Anno millesimo ducentesimo septimo scribit pro monachis Lutenisibus die prima Maij chartam illam insignem à me relatam numero 6. in qua ipse docet se anno Christi primo & nonagesimo post millesimum centesium egisse annum ætatis quadragesimum.

46 Consequente anno pridie nonas Februarij in redemptionem peccatorum suorum & parentum, & in compensatione damni domui & fratribus Hospitalis Ierosolymitani, donat inter viuos in perpetuum Manuascam vallem vniuersam, cum villa seu burgo, castris, & pagis omnibus, & facit vt Manuascæ ciues dicto sacramento polliceantur habituros se pro dominis Hospitalarios. Annus cum incipiebat à die quinta & vigesima Martij, qui ergo dicebatur octauus, nunc esset nonus, cum à calendis Ianuarij ducit initium.

47 Guillelmus Iunior videtur obiisse paucis post diebus. Certe cum illæ pro Hospitalariis tabulæ conficiebantur, sedebat in lecto, & corpus suum vanebat, & offerebat pro sepultura in cemeterio domus Hospitalis Manuascæ, quemadmodum

modum in ipsis legitur. Garcendis autem ex filia neptis, decimo post mense asseruit quondam mortuum esse. Scilicet vltima die Nouembris dedit Raimundo Berengario filio Comiti Prouinciæ Comitatum Forcalquerij ex donatione Comiti olim coniugi facta à Guilermo quondam Comite Forcalquerij.

Appendix ad Guillelmum Iuniorem, scripta an. 1664. mense Ianuario.

CVM opera typographica peruenissent ad extremam libelli de Guilermo Iuniore paginam, accepi Honoratum Boucheum S. Iacobi Præpositum, cui vehementer displicebant illa omnia, quæ de optimo Manuascensibus regulo scripseram libro de Manuasca, edere suos de Prouinciæ historia libros, & in iis ipsa refellere. Igitur cogitavi non committendum mihi, vt antè publicarem mea ista de clarissimo principe, quàm vidissem historiam Bouchei. Accuratum scilicet ac laboriosum scriptorem esse; amicis & fautoribus abundare; Aquis sextiis maximè agere, regio instructa tabulario vrbe, & eruditissimis plena viris. Abs dubio, itaque allaturum recondita, mihi que ignota, & omnino certa de vltimis Comitibus Forcalquerij, quorum familia è Prouinciæ Comitibus orta, ad ipsos denique redisset cum ego à puero excefferim Prouinciã, & Societati I E S V me addixerim, sic alia omnia toto vitæ tempore cogitaturus, vt in Forcalquerij Comitum rebus hospes videri etiam vltima ætate possem, atque ex illis fortasse futurum, vt veritate victus vniuersa reuocarem, quæ de Guilermo Iuniore hætenus scripsi. Vt ea prælo commissa sunt, quæ de Comitibus Forcalquerij scripserat Iacobæus præpositus, vt ad me missa sunt. Addiderunt etiam quæ de Manuasca typis ediderat, quoniam in illis meminisset mei. Sed spes attonitum fecellit. Vno verbo dicam. Vniuersa aduersus me altius viri sunt eiusmodi, vt mirari satis non possim, quòd illa seu calamo, seu typis scribere voluerit. Paucis expediam. Ipsi tria mihi contraria referam de Manuasca & reiciam; tum rationibus respondebo, quas attulit vt Guillelmum Iuniorem non fuisse ostenderet.

1. Boucheus ita loquitur libro 4. Chorographiæ Prouinciæ §. 4. fol. 235. *Fuerunt olim, & nunc etiam sunt in agro Manuascensi sacra edicule plures. Illarum vna habet statuam B. Virginis Romigeriæ æclaram miraculis.* Ego autem in Virgine Romigeria numero 5. & libro 3. Manuascæ numero 85. duxi nullam nunc esse, nullam olim in agro fuisse ædiculam cum statuâ B. Virginis Romigeriæ. Quæ ædes hanc habet, illa & ingens, & curialis est, vt nemo Manuascensium nescit.

2. Boucheus ibidem asserit me scripisse de Manuasca vrbe in historia ecclesiastica Valentie Diæ. Ego autem neque ecclesiasticam Valentie ac Diæ historiam scripsi, & in libello de Virgine Romigeria paucis dixi de Manuasca vrbe. Quoniam aliqui hunc libellum (vt omnino modicus est) compegere cum meis de rebus gestis Episcoporum, & Valentinarum & Diensium libris, placuit Boucheo ita loqui.

3. Cum Boucheus asseruisset me bis scripisse de Manuasca, hæc addidit: *ab eo, scilicet Columbo, dictis licet adiungere tantam esse multitudinem florum amygdala per agrum Manuascensem, vt Ioanna Prouinciæ Comes Manuascam appellauerit*

appellauerit Floridam. Ego autem libro 1. Manualcæ numero 1. scripseram sequentia. Amygdale tam frequentes in planitie sunt, tamque multis brachiata ramis, ut Ioanna Prouincia Comes earum florem emirata, Manualcæ addiderit cognomen Florentis.

Hæc tria de Manualcæ, solis contuentium oculis refellenda, scripisse Boucheum quis non mirabitur? Certè veritati aduersa esse nemo non videt. Vniuersi Manualcenses venerantur Virginem Romigeriam in medicis vrbis ingentiæ æde, eaque curiali, non in ædicula extra vrbem & in agro posita. Qui legerunt meos de Valentinis & Dionsibus Episcopis libros, sciunt me in illis de Manualcæ non dicere. Qui denique numerum 1. Libri 1. de Manualcæ viderunt, viderunt etiam me in eo referre Ioannam Prouinciæ Comitem imposuisse Manualcæ cognomen Florentis. Neque minùs admirabilitatis habet Boucheum illa aduersus Guilelmum Iuniorem attulisse, quæ scripsit tomo 1. historiæ Prouinciæ libro 8. sectione 2. de Comitatu Forcalquerij *Tres* (sunt eius voces) rationes attulit, Singulas recitò reiicioque.

Prima sic habet, *Antiquarum nullibi chartarum*, inquit Boucheus, *legitur Guilelmum Bertrandi*, qui Guigonem habuit fratrem, *primogenitum obiisse diem extremum ante annum 1168. Hoc enim ipso quod Bertrandus Guilelmi frater ita in testamento scripsit, ego in Dei nomine Bertrandus Comes Forcalquerij dono pauperibus Ierosolymitani Xenodochij quidquid habeo in Manualcæ, non est quod cogites se pro Guilelmo fratre mortuo Comitum dicere: Guigo enim regnante Bertrando fratre scripserat sequentia in testamento, Ego in Dei nomine Guigo Forcalqueriensis Comes dono Hospitali Ierosolymitano Manualcæ.* Hactenus prima (ut loquitur) ratio, quæ Boucheus asserit se probare Bertrando Guigonis fratri non fuisse filium ordine tertium, Guilelmi nomine, quem ut à Guilelmo fratrum primogenito distinguam consueui cognominare Iuniorem. Sed quid ea probat? tradit hoc vnum; Bertrando per Guilelmi fratris ante ipsum geniti vitam conuenisse Comitum nomen. Quis hoc negauit? Idne illud est quod sibi confirmandum Boucheus susceperat? Ego certè libro 2. Manualcæ numero 1. dixi liberos omnes Comitum Forcalquerij sese vocasse Comites Forcalquerij *pro illorum temporum consuetudine* in principum familiis, *que nunc etiam viget apud Germanos.* Ex eo quidem quod Bertrandus Guigonis ex fratre nepos vniuersum Forcalquerij Comitatum testamento donat, docui præfuisse illi cum hoc scribebat; & Guilelmum illum proinde fratrem qui plures à patris morte annos regnauerat, obiissetum extremam diem. Sed id reiicere non suscepit. Iacobus præpositus. Addit tamen potuisse Bertrandum hunc diutius vivere post scriptum testamentum. Neque vllæ tabulæ, inquit, ferunt statim ab eo condito mortuum esse: quid ergo Guillelmus Iunior, eo minor ætate inducitur, qui ipsi post conditum testamentum mortuo successerit? Hæc etiam miror à Boucheo iactari. Verbo concludam. Post Bertrandum hunc, seu statim à scripto testamento mortuus fuerit, seu diutius ab illo vixerit, Guillelmus, non ille qui mortuo patri primogenitus successit in Comitatu, sed eo Iunior, fratrumque tertius, à me dicitur regnasse, quia cum Bertrandus post Guilelmum vniuerso principatui dominatus intelligatur ex testamento, quo illum omnem anno 1169. donat Guilelmo fratri, chartæ quæ ad manus meas perueniunt docent Guilelmum, non primogenitum proinde sed à primogenito diuersum, toto post

post illius testamentum, & ipsum proinde etiam mortuum tempore regnasse. Sed hoc evidentiùs erit ex sequentibus.

Secunda ratio, qua Boucheus conatur ostendere Bertrando Guigonis fratri filios tantum duos fuisse, Guillelmum & Bertrandum, nullum tertium Guilelmum Iuniorem, ex eo ducitur, quòd annò 1206. Guillelmus & Bertrandus fratres *quiritant* (sunt tabularum verba) *Auenionensibus dominium, iurisdictionem, caualcatas*. Enim vero (inquit) *cùm Guillelmus primogenitus & Bertrandus vixerint* anno 1206. *evidentiùs est nullum fuisse Guilelmum Iuniorem* ipsorum fratrem. Qui hæc eloquitur, nã ille cogitat Guilelmum & Bertrandum fratres, qui illa Auenionensibus *quiritant* fuisse primò & secundò genitos à Bertrando Guigonis fratre. At vnde hoc accepit? profectò non ex tabulis de re quam recitat scriptis. Guillelmus hic, Guillelmus Iunior est fratrum ordine tertius: Bertrandus hic, Bertrandus Iunior est ordine fratrum quartus, vt fusè ostendi Libello de Guillelmo Iuniore. Certè Boucheus etiam ipse fatetur Bertrandum istum Guillelmo isto minorem esse; & scriptionis post Guilelmum ordo id docet. Guilelmum verò esse fratrum tertio genitum qui à me dicitur Iunior, hinc intelligis, quòd (vt suo loco tradidi) anno 1150. & natus est, & pro ætatis imbecillitate non comprobavit Lebrignanæ permutationem ecclesia Olonij, cùm Guillelmus fratrum primogenitus eo ipso anno hanc confirmaverit, & sequente anno egerit cùm Apostolico Legato de Manufca Hospitalariis à Guigone patruo concessa. Hæc super secunda Bouchei ratione dixisse satis fuerit. Nam quæ ad tabularum anni 1206. sinceritatem multa congerit, non est opus excutere. Illas ante ipsum attulit Noguerius libro de præfulis Auenionis, & ante Noguerium laudatissimus ille ac nobilissimus scriptor de Comitibus Prouinciæ Antonius de Ruffi.

Tertia ratio quâ Boucheus vult conficere, non fuisse Bertrando Guigonis fratri filium tertio genitum, Guilelmum cognomine Iuniorem, qui post duos fratres ante ipsum natos regnauerit, est ista. Si Bertrando Guigonis fratri fuit hic filius, ilque ortus anno 1151. ipse anno ætatis primo & quinquagesimo, non filiam, aut ex filia neprem, sed ex nepte pronepotem habuit, quod vt fieri potuerit, tamen pro hominum in liberis generandis consuetudine, similitudinem veri non habet. Scilicet Raimundus Berengarius Prouinciæ Comes natus est anno 1201. ex Garfende, quàm de Garfende cognomine, Guilelmi quem Bertrandus Guigonis frater genuerat, filiâ sustulit Raines Sabranus Castellarij dynasta. Antè huic rationi quàm respondeo, placet attendere Iacobæi Præpositi ingenium. Fatetur cã rem non confici, ipsam tamen assert. Quis hoc non miretur? Verùm non est quòd summo iure agam cum eo. Hominum in generandis liberis ætatem solitam consulamus. Tibine videtur, Boucher, inasuetum viris anno ætatis vigesimo, & feminis decimoquinto suscipere liberos? Hoc si asserueris, pugnabit aduersus te vniuersa mortalium gens, qui vulgò rem ita habere contuentur. Iam Guillelmus Iunior sustulerit Garfendem filiam anno ætatis vigesimo. Eade Raine coniuge dederit Guillelmo patri Garfendem cognominem neprem, & ista anno decimo sexto Raimundum Berengarium pronepotem ex Ildephonso Prouinciæ Comite. Hæc si facta sunt, vt pro mortalium consuetudine fieri potuerunt, Guillelmus

Guillelmus Iunior natus anno Christi 1150. pronepotem ex nepte habuit anno ætatis suæ 51. Certè mares pubescunt anno ætatis decimoquarto, & feminæ duodecimo, quid ergo magnum est si hæ quinto & decimo, vigesimo illi generent liberos; quos & mares decimoquinto, & feminæ decimotertio possunt procudere? Potuit Raimundus Berengarius nasci anno primo & quadagesimo Guilelmi proavi, & dubitabimus potuisse fieri ut nasceretur quinquagesimo primo? Sed ista hæcenus. Tædet ea fusiùs persequi.

EGo Guillelmus de Lange Prouincialis Societatis IESV in Prouincia Lugdunensi, facta mihi potestate ab admodum R. P. nostro Generali, facultatem concedo, vt Liber cui titulus *Guillelmus Iunior, &c.* à Patre IOANNE COLVMBI eiusdem Societatis Professore Theologiæ compositus, & à tribus Societatis eiusdem censoribus approbatus, typis mandetur. In cuius rei fidem has litteras sigillo nostro munitas, & manu mea subscriptas dedi Lugduni, die 25. mensis Nouembris anno 1663.

GVILELMVS DE LANGE.

EGo Ioannes Platiere Prouincialis Societatis IESV in Prouincia Lugdunensi, facta mihi potestate ab admodum R. P. nostro Generali, facultatem concedo, vt *Libri quatuor de rebus gestis. Sistaricensium Episcoporum,* à Patre IOANNE COLVMBI Societatis nostræ compositi & à tribus Societatis eiusdem censoribus approbati, typis mandetur. In cuius rei fidem has litteras sigillo nostro munitas, & manu mea subscriptas dedi Lugduni, die 24. mensis Nouembris anno 1667.

IOANNES PLATIERE.



DE REBVS GESTIS
EPI SCOPORVM
SISTARICENSIVM
 LIBRI QVATVOR.

Illustrissimo & Reuerendissimo Domino,

D. MICHAELI PONCET,
 EPISCOPO SISTARICENSI,
 REGI AB INTIMIS CONSILIIS,

AD EPISCOPATVM ADEVNTI,

IOANNES COLVMBI, è Societate IESV.



ON miraberis, Illustrissime antistes, quòd homo ignotus ad te affero volumen de rebus gestis Episcoporum Sistaricensium. Tuae non parum interest eas non ignorare, meique officij omnino est repræsentare tibi caput ignotum. Adis ad regendam dioccesim Sistaricensis Ecclesiæ. Quænam igitur illa sit, & qui ipsam hæcenus rexerint, nosse te par est. Polles tu quidem magnâ mentis vi; neque non (vt alia taceam) eum te cum Promotorem agebas, præstitisti in Ecclesiæ Gallicanæ commitiis, quem dubitare nefas sit scientissimum Ecclesiasticarum rerum, & regendorum ex sacris legibus populorum: Sed tamen si intraveris illam dioccesim, ipsius omnino ignarus, aliam ab ea fortasse cogitabis quàm est. Sic enim haberes, vt vniuersorum sicuti mortalium, ita populorum, non sit vnus animus, non sit vnum ingenium, non vna sit mens. Si autem aliam cogitaueris quàm est, reges aliter quàm postulat. Vos enim gentium rectores, & alia sapienter, & hoc summo consilio facitis, vt pro illa, quam nostis, indole singulas dirigatis & moderemini. Igitur ipsa etiam te alium arbitrabitur, quàm es; neque tuæ culturæ, vt accurata fuerit, suus respondebit fructus. Eam nemo te docebit certiùs, quàm qui ante te Ecclesiam nunc tuam, olim suam, rexerunt Episcopi: neque erit vnquam qui apriùs doceat verbis, quàm illi facinoribus egregijs,

Res scilicet à te sunt in ea gerendæ, quæ ab ipsis in ea sunt gestæ. Multas illarum (fateor) sepeliuit obliuio. Quidni ? nonnullorum etiam episcoporum nomina sepeliuit. Et has quæ pro deperditis habentur, indagandas, ac veluti è conditorio excitandas ; & illas , quæ reliquæ neglectis sparsim iacent in tabulis, colligendas mihi ego putauì, atque in ipso diœceseos limine offerendas tibi. Neque me ab officio deterret, quod ignotus sum tibi. Enimverò nunquam res Episcoporum Sistaricensium à me alienas duxi. Manuasca patria, non ignobilis, neque omnino modica pars diœceseos illorum est. Anni sunt sexaginta, cùm ab ea ad Societatem Iesu secessi : sed vt oculos, manus, atque adedò corpus à parentibus acceptum is secessus non abstulit, perfecit potiùs indolis habitum, cultum mentis, ingenij vim, ita etiam Episcopi venerationem non detriuit, sed pro institutione à S. Ignatio acceptâ vehementer auxit, facitq; etiam nunc, vt eâ te prosequar obseruantia, quâ singulari per totam vitam colui, quos ante te in patria contueri datû est Episcopus.



AVCTOR LECTORI.

RES à Sistaricensibus Episcopis gestas accipe, mi Lector. Non omnes Episcopos, neque illorum, quos exhibeo, omnia tibi represento. Quis se id aliquando posse cogitauerit, post multiplicem florentissima quondam ecclesie depredationem? Vt enim taceam vastationes à Saracenis, aliisque feritate barbaris gentibus, quæ multa Sistaricensi cum ceteris vniuersâ Prouinciâ ecclesiis communes semper fuerunt, ea bis direpta & omnino spoliata est. Principio Ragobaldus, vir gente illustris, atque opibus potens, anno 1045. Episcopatus filio puero empti, domum expilatam euertit. Deinde cùm Geraldus Caprerius anno 1061. Episcopus, & ceteri ab eo anno ad 1561. antistes, rem Episcopalem restituisent auxissentque, Hugonotti capto Sistarico, & reliqua fere omnia, & vniuersas episcopij chartas, ingentem in pyram congestas, dederunt ignibus. Nonnullæ, fateor, Ragobaldi, nonnulla Hugonotorû furori erepta sunt. Scilicet decumani etiam fluctus aliquas merces è nauibus quas vorauere, dispellunt in litus; & medio in busto cineres ipsi operiunt, seruantque aliquas torriû partes. Sed neque illas etiam omnes mihi legere datum est. Antonius d' Achaud episcopus gente, ingenio, scientiâque clarissimus, nihil non tentauit, vt vniuersas mihi daret in manus: sed vnus potuit, quem Lurij habebat legendum prabere librum. Is e membrana ingens est. Viridem vocant. Laurentius Burellus anno millesimo quingentesimo

quingentesimo antistes in ipsum compingi voluit, quas à maioribus acceptas exscribi iusserat chartas. Aureum profectò opus in illa veterum tabularum penuria. Addidit Arbaudus antistes, ut concederet mihi literas ab Antonio Pagy Minorita Conuentuali de pauculis ex Aptensi Cortasij tabellionis officina capitibus, quæ ad Sistaricenses Episcopos spectant. Cetera quæ in hoc opere videbis, mi Lector, accurato pertinacique labore, aliis ex locis alia, corrogavi ipse. Ut non omnino multa sint quæ ad te affero, neque tamen prorsus pauca sunt, & antiquam præstantissima ecclesia maiestatem redolent, ostenduntque. Episcopos videbis plurimos gente, scientia, sanctitate perillustres. Ut enim taceam de Ioanne primo & secundo, Michæle Sabaudò, Bermundo Andusiano, Antonio Narbonensi, & Rainulpho Cardinali Innocentij sexti Pontificis maximi consanguineo, videbis de Prouincia nostra Forcalquerienses, Sabranios, Alamannonios, vetustissimarum gentium procures. Iam quantum, & quàm insigne nomen à scientia & olim habuit, & nunc etiam habet, Henricus à Secusia (quem Ostiensem Cardinalem vulgò dicunt) Canonici iuris consultissimus vir? Profectò Laurentius Burellus dicendi vi sapientiæque nobilissimus, tantam apud Ludouicum eo nomine duodecimum Francorum Regem gratiam promeruit, ut ad summa & ipsius, & regni cum Romano Pontifice, adhiberetur negotia. Denique Radulphus & per vitam, & à morte pluribus supra omnem naturæ vim miraculis inclaruit: Nitardus autem (nam quid ceteros enumerem?) etiam dæmonem e Druentia fluuio pepulit, cui ad Sistaricensem pontem in certam ratium & nauum frequentemque perniciem incubabat.





DE REBUS GESTIS
EPISCOPORVM
 SISTERICENSIVM
 LIBER PRIMVS.

- I** OANNEM Episcopum Gundebaldo Burgundionum rege sedisse Sisterici grauis autor est Dynamius Romanotum, vt Viuar-
 dus, & Ado tradiderunt, patritius. In libro de S. Marij Abba-
 tis vita scripsit sequentia: *Marius Gundebaldi Burgundionum prin-*
cipis consensu à fratribus Bondanensis monasterij electus, cuius electio Ioannis,
qui tum Sistericensi ecclesie præerat, auctoritate roboratur. Quo autem anno
sedere cepit, aut desierit, neque apud Dynamium, neque apud alium
scriptorem inuenio. Vnus ipse eum memorat, & ceteri ante annum à Chri-
sti ortu millesimum historici, omnino tacent de Sistericensibus Episcopis.
 Gundebaldus regnauit ab anno tertio & septuagesimo supra quadringen-
 tesimum, vsque ad annum sequentis sæculi nonum. Ioannes ergo potuit
 Episcopatum gerere per illos sex & triginta annos; potuit ad sextum & de-
 cimum post quingentesimum peruenire, quem consequente Valerius Si-
 staricensis & ipse antistes interfuit concilio Epaunensi. Certè scimus aliis
 vrbibus multis, & postea videbimus plurimos Sistericensi præfuisse aliquot
 annis supra quinquaginta. Valerius in illa Synodo dicitur Episcopus *ciuita-*
tatis Segesterice. Segusteronicam principio vocatam fuisse arbitrabar. Quod
 enim postea appellauere Sistericum, Segusteronem scripserat Antoninus in
 Itinerario. Sed, vt solet, vsus sensim molliuit vocem, atque contraxit
 primum in Segestericam, deinde, sicuti modò referam, in Sigelstaricam;
 ac demum in Sistericam: atque tum maluit, quemadmodum alias istius-
 modi voces, ita hanc dilatare, & quidem Dynamij temporibus, in Sisteri-
 censsem; e qua Sistericum, Segusterone antiquato, videtur surrexisse.
- 3** Ante Ioannem Gundebaldo rege episcopum, non lego qui federit Si-
 starici. Audio tamen Polycarpum Lariuerium vidisse apud Sauaronem, in
 codice scripto manu, literas illas Rauennij Arelatenfis, & aliorum episcopo-
 rum ad S. Leonem, quibus ipse respondet epistola 52. Herculano con-
 sule, idest anno Christi 452. & in eo Sistericenssem dici episcopum, qui
 Chrysaphius appellatur. Vt cumque hoc habeat, post Valerium Auolus
 anno quingentesimo quadagesimo primo fuit in concilio Aurelianensi
 quarto; & octauo post anno per Agennium presbyterum in quinto. Post
 Auolum Genesius anno illius sæculi tertio & septuagesimo sententiam dixit
 in Parisiensi quarto; ac demum Pologronius nono & octogesimo, non, vt
 alij

Chrysa-
 phius.
 Auolus
 Gene-
 sius.
 Polo-
 gronius

Episcoporum Sistaricensium. 101

alij quos memorauimus, Segestericæ, verum iam *Segestaria ecclesia episcopus*, interfuit Valentino secundo.

Qui Pologonio successerit non possum ex libris typo editis asseuerare in 4
magno conciliorum supra historicos silentio. Ab eo episcopi per annos du-
centos conueniebant quidem totis Gallicanis Prouinciis annuatim ad agen-
dum de moribus, & ritibus Christianis, aut etiam de fide, sed sua, sine ledi
voce, nomina ferme scribebant; & per illa obscura, Prouinciæque scriptori-
bus defecta tempora, solæ synodi recitant episcopos; quæ etiam perpau-
cæ, & aliarum de Ecclesiæ rerum, & historiæ magno damno, ad nos per-
uenerunt. Nam in conciliis mores, qui per populos vident, boni laudan-
tur, vituperantur mali; sacrorum ritus abrogantur minus idonei, viles ap-
tique inducuntur; errores, si qui in Ecclesiam irrepere contendunt, depel-
luntur. Non raro etiam magni antistites non dubia doctrinæ sanctitatis-
que argumenta in illis præbent: aliquando demum (quid hoc non ad-
dam?) seu bellorum, seu tumultuum & causas tradunt, & damna.
Iam quod historici, quod concilia, quod ceteri de rebus ecclesiasticis scri-
ptores hactenus in publicam lucem editi tacent, an (& id vnum est reli-
quum?) e libris, tabulisque manu sola scriptis erui possit successor Pologo-
nii videamus. Dicendi verò sit hoc initium.

Carolus Magnus anno septingentesimo septuagesimo octauo regnum 5
Francorum init. Qui eo regnante, Ioannes episcopus Sistarici sedebat, illi
& summa vitæ integritas, & magna per vitam, atque à morte, miraculo-
rum vis, sancti cognomen ante annos octingentos addidit. Ego Ioannem
secundum appellabo, vt à ceteris eiusdem nominis, & non inferioris for-
tasse sanctitatis præsulibus distinguam. Laurentij Burelli anno millesimo
quingentesimo antistitis iussu, episcopales quæ tum extabant chartæ, &
exscriptæ sunt, & in membraneum volumen ingens ac spissum digestæ, quod
vinum de toto tabulario reliquum fecit vesanus Caluinistarum furor. Inno-
minatus scriptor ei præfixit epitomen rerum ab episcopis gestarum, facto
initio ab hoc Ioanne, Caroli Magni temporibus episcopo, de quo habet
sequentia.

Hæc sunt nomina Sistaricensium episcoporum à tempore Caroli regis, & filij eius 6
Clotarij Sistaricensem ecclesiam pontificaliter regentium. Primus Ioannes vir san-
ctissimus, & valde nobilissimus, & opibus, & rebus.....nissimus, Sistaricensem
ecclesiam cum omni honore succedente in episcopali ordine & dignitate rexit annis
quadraginta septem. Iste enim Clotarius fuit filius Caroli Magni. Hic verò Caro-
lus Magnus, rex & imperator piissimus, iustus, & catholicus; à Domino Deo
coronatus, & semper Augustus, dedit & concessit ac imperiali priuilegio tradi-
dit Deo, & B. Maria, & glorioso martyri Thyrsò, sanctæ sedi sistaricensi, ca-
strum de Lurio, omni honore, & appenditijs suis; vt episcopus S. Maria Sistar-
icensis habeat, & quietè possideat autoritate imperiali seu regali in perpetuum. Si
quis autem regum, comitum, aut baronum, contra hanc donationem venire ten-
tauerit, iram omnipotentis Dei se nouerit incursum. Prædictus namque præ- 7
sul Ioannes, ex senatoria stirpe progenitus, quampluribus rebus & prædijs eccle-
siam Sistaricensem nobilitauit & ditauit. Construxerat namque duodecim eccle-
sias, & duo regularia monasteria. Ipse verò S. Mariam, & S. Donatum, viros
religiosos, ab Aureliana vrbe ad se vocauit, & B. Mario prædium suum ad con-
struendum

struendum cœnobium regulare monachorum in valle Bodanensi concessit. Ipse verò sanctissimus præsul Ioannes dictum B. Marium in abbatem consecrauit, & de proprio honore locum, & monasterium nobiliter dotauit. Et donauit eidem monasterio omnem decimationem de Lambricis, & ecclesiam S. Albani cum omni decimatione & territorio suo, & ecclesiam S. Galle, & ecclesiam S. Lucie cum omnibus ibidem pertinentibus. Hec omnia dedit monasterio S. Marij, vt absque vlla diminutione, vel inquietudine, possideant fratres ibidem habitantes in æternum. Facta est hæc donatio septimo calendas Apriles, anno vndecimo regnante Clotario Caroli Magni filio. In honore Domini nostri Iesu Christi, hic est locus edificatus, quem fieri procurauit Campanus præsul tempore..... nomine Ioannis episcopi Sistaricensis, anno duodecimo Clotary regis Caroli filij. Hoc in petra inuentum est scriptum in ecclesia ante altare S. Ioannis. Hæc est charta, & brevis memoratio- nis de synodali censura ecclesiarum Vallebonensium pertinentium ad sedem Sista- nicam. Monasterium S. Marij libras duas de incenso optimo &c. Et ita ordinauit prædictus Ioannes sanctissimus præsul. Ipse namque Ioannes dedit Deo, & S. Petro Cluniacensi Podium Conoguoriense de patrimonio suo: & ibi extruxit ecclesias, vnâ in honore B. Mariæ, & aliam in honore S. Ioannis Baptiste, in qua idem episcopus sepultus esse videtur. Et alia multa fecit ibi. Hactenus de Ioanne se- cundo Burellanus exscriptor.

- 8 Hic vir abs dubio cetera quæ in episcopij chartis legerat, retulit ex vero, nonnulla etiam verbatim exscripsit: sed profectò in rebus, quas ex iisdem chartis collegisse sibi videbatur, proponendis, tria peccat. Ioannem episco- pum qui Carolo magno imperatore sedebat Sistarici, asserit vocasse Ma- rium Aurelia, quem Dynamius scripsit vixisse Gundebaldo Burgundionum rege, sub annum proinde quingentesimum, & annis ante Carolum Magnum supra ducentos. Addit Clotarium fuisse Caroli Magni filium, contra om- nium historiarum fidem, quæ tradunt Lotarium (est idem cum Clotario) eius ex Ludouico filio nepotem fuisse. Denique ait Ioannem, qui Caroli Magni temporibus Sistaricensis erat episcopus, cœnobium Conoguorien- se (Ganagobien- se ipsi etiam monachi nunc vocant) S. Petro Cluniacensi concessisse, cum nemo nesciat Cluniacense quidem monasterium anno non- gentesimo decimo erectum esse, Carolum Magnum verò extremam diem obiisse octingentesimo decimo quarto.
- 9 Vnde factum est vt turpissimè laberetur accipe. Homo in historia, & chronologia omnino peregrinus, qui in episcopalibus chartis legebat Ma- rium Ioanne episcopo Bodanum venisse, & Carolum Magnum imperato- rem, atque Lotarium Regem Ioanni episcopo plurima concessisse, ac de- nique cœnobium Conoguerien- se concessum fuisse Cluniacensibus à Ioan- ne episcopo, existimauit vnum & eundem fuisse antistitem, cui ea tria longissimis temporibus à seip- sis disiuncta conueniant, & Clotarium proin- de, seu Lotarium, Carolo Magno, cuius esset filius, successisse. Quid mi- raris? ante centum & quinquaginta annos magna erat historiarum, & in re historica temporum ignoratio. Nullum hactenus vidi librum manu exara- tum, inquit Andoquius libro 3. historiarum Langothix, qui erroribus in re potissimum chronologica non abundet. Biterrensis archiui tabula Genfericum Van- dalorum Regem Neronis temporibus vixisse tradunt, quo tribus omnino seculis posterior est.

Sed ad cetera quæ Burellanus exscriptor de Sistaricensibus post Ioannem
secundum episcopis habet, accedamus. *Secundus episcopus*, (dicere per-
git) post Ioannem rexit eandem ecclesiam annos octo & triginta. *Tertius Magni-*
bertus rexit eandem ecclesiam unum & sexaginta annos. *Quartus* eandem eccle-
siam *Amantius* Episcopus rexit annis undecim. *Quintus* fuit vir magnus. *episco-*
pus: rexit ecclesiam annis viginti & uno. *Sextus Bonus* episcopus eandem eccle-
siam rexit annos quinque & quinquaginta. *Septimus Viuentius* episcopus eam-
dem ecclesiam rexit annis undecim. *Octauus Euforgius* episcopus eandem rexit
ecclesiam annos quatuor & quadraginta. In tempore huius episcopi facta fuit per-
secutio in Ecclesia Dei, quæ dicitur facta fuisse à Gothis, & Vandalis, qui erant
heretici Ariani. Post hunc *Arnulfus* eandem ecclesiam rexit unum & quadra-
ginta annos. Post istum *Ursus*. Iste episcopus impetrauit priuilegium à rege *Con-*
rado, &c. anno Incarnationis Dominice nongentesimo sexagesimo septimo.

Hæc ille. In iis etiam turpissimè errat hic homo. Ab anno undecimo *Lo-*
tarij, (fuit octingentesimus quinquagesimus primus Christi) quo Ioannes
secundus episcopus monasterium quondam deiectum restituit, & mona-
chis Bodanensibus erexit, usque ad nongentesimum sexagesimum septi-
mum, quo *Ursus* à *Conrado* priuilegium modò commemoratum accepit,
sunt anni centum & sedecim: si verò episcoporum, qui inter Ioannem se-
cundum & *Ursum* sederunt, ab exscriptore Burellano recitatos, ducas om-
nes in suam summam, habebis ducentos octoginta duos. Iam supra ingen-
tem in re historica ignorantiam, ego quidem mirari satis non possum gra-
uissimam istius hominis in numerorum computatione socordiam. Lege-
bat in suis chartis omnes, quos recitauit, episcopos; legebat vniuersos sin-
gulorum antistitem, quos recensuit annos: sed quæ ex iis consurgit sum-
ma, eam non collegit accepitque. An subduxit quidem ille, sed in sua epis-
coporum noticia ponerè, vt longè maiorem quàm à Ioanne Caroli Magni
temporibus episcopo esse debebat, noluit; numerorum scilicet, qui singu-
lorum præfulum annis competunt, ex verissimis tabulis certus, eorundem
cum annis, quos res à Ioanne episcopo gesta habuerunt, componen-
dorum prorsus nesciens? Aliud etiam peccasse hunc exscriptorem inuenio.
Sicuti episcopos qui prænomen Ioannis habebant omnino tres in vnum
confudit, ita vnum fecit ex duobus, quibus prænomen Boni fuerat. Eorum
alter sedit annis omnino quinque & quinquaginta ante octingentesimum
quartum; alter sedere cepit secundo illius sæculi & quinquagesimo, atque
desiit post annos quatuordecim.

Igitur existimabam ego omnium quidem antistitem, quos recenset, no-
mina, & annos à Burellano exscriptore inuentos fuisse in episcopij tabula-
rio: quid enim supra temporum, & historiarum ignoracionem, quæ &
illius temporibus, & eiusmodi hominum generi (scribam enim antistitis
sui fuisse non dubito) neque insolens, neque pudenda est, accusabimus ip-
sum falsi, quod capitale est crimen, maximè tùm ad importunam crimi-
nationem nullo argumento peruenire possumus: sed quod numeralibus suis
nominibus affirmat alium istorum præfulum ab alio post Ioannem sedisse,
non ita intelligas velum, quasi omnes à Ioanne, qui Gundebaldo Burgun-
dionum rege Mariuni Bodani esse voluit, usque ad *Ursum* *Conrado* prin-
cipe antistitem connumerauerit. Nam & ex veteribus conciliis accepimus
plures

- plures ab ipsis diuersos post Ioannem illum quinto vixisse sæculo : & vt Pologronius eorum vltimus anno sexcentesimo e vita excesserit, non tamen suis annis numerum episcoporum implent, qui à Pologronij vltimo fuerunt vsque ad nongentesimum sexagesimum septimum, quo Vrsus Conrado viuebat rege. Hi enim sunt trecenti sexaginta septem, cum illi non excedant ducentos octoginta duos. Suus constabit omnibus annorum numerus, si postquam tres Ioannis nomine appellatos, qui à Burellano exscriptore in vnum compacti sunt, distinxerimus ab inuicem, dicamus Pologronium anno sexcentesimo decimo nono esse mortuum; & Ioannem secundum, qui annos septem & quadraginta sedit, adiisse episcopatum octingentesimo quarto; atque Ioannem tertium constituamus inter Arnulfum & Vrsum. Nam Secundinus sedit annos triginta septem, Magnibertus vnum & sexaginta, Amantius vndecim; Post hunc Innominatus sedit annos vnum & viginti, Bonus fuit in episcopatu annos quinque & quinquaginta. Istorum præsulum omnes anni simul accepti faciunt centum octogintaquinque, quot à sexcentesimo decimonono censentur vsque ad octingentesimum quartum. Iam Bono successerit Ioannes secundus per annos septem & quadraginta, autore Burellano scriba, episcopus; & post eum Bonus secundus fuerit annis quindecim antistes. Viuentius vndecim post Bonum, Eustorgius post Viuentium quatuor & quadraginta, atque post Eustorgium Arnulfus quadraginta vno, & Arnulfo mortuo Ioannes tertius duobus. Post istum Vrsus anno nongentesimo sexagesimo sexto dicendus erit episcopatum adiisse, qui anno post quinto *privilegium impetrauit* à Conrado rege.
- 14 Sed ista hæctenus. Ea ego non possum certis autoribus asserere: tamen Burellanus exscriptor non omnino nullus est ad veram ipsorum comprobationem autor, cum tres Ioannis nomine appellatos antistites, temporibus multum diuersos in vnum cogit, & dictos Boni nomine duos in vnum quoque. Ipsi scilicet suis locis profecto reddendi sunt, ex illis rebus quæ per tria tempora plurimum à se inuicem distita vni tribuuntur. Quot eorum singulis annos concessi, tot sedisse annis fortasse non negabit, qui & ceterorum præsulum annis qui numerus asseratur attenderit, & cogitauerit omnes à Pologronio ad Vrsum episcopos ita haberi commodè. Qui contrà obnitetur, is docebit quidem fieri posse, vt episcoporum nonnulli me lateant, quod ego nunquam negauerim: sed quod esse potest, cur esse affirmet, non prudenter asseret, si eorum nomina non proponat, verisque asserat autoribus, qui me accuratè queritantem, & singula chartarum, librorumque seu manu, seu typo scriptorum anxie perscrutantem effugerint.
- 15 Vt vt ista habeant, certè (nam quid diutiùs hæream in obscura prorsus & impedita antiquissimorum temporum ratione?) Ioannes primus, qui Gundebaldo Burgundionum rege vixit, in eo. magnam laudem habet, quòd Marium Aurelià venientem accepit diocesi sua, & Bodanensibus (Badonenses appellat Ado) monachis abbatem esse voluit. Is enim vir erat Marius, qui & sanctitate vitæ, & celestium prodigiorum visum præcipuis toto Christiano orbe proceribus Ecclesiæ, non immeritò conferretur. Non placet plura nunc dicere. Opportunior de ipso disputandi locus erit, cum ad Arnulfum antistitem oratio peruenit, qui sanctissimi abbatis corpus Bodano Forcalquerium detulit. Cum Mario venit Donatus, &
- quam

Secun-
dinus.
Magni-
bertus.
Aman-
tius.
Bonus.

Ioannes.

quam à puero admauerat , atque annos aliquot coluerat , eremiticam vitam prætulit cœnobiticæ , Luramque Bodano. Neque alienum, puto, fuerit à suscepto de Sistaricensium episcoporum rebus gestis opere , si de viro nunc dixerò, qui episcopi sui auspiciis Lurenſes, Lurenſibusque adiacentes circum populos, à dæmonum cultu ad Dei cognitionem, non procul Sistarico, eorundem episcoporum sede, traduxit. Ebredunense Breuiarium de eo ſequentibus verbis diſſerit.

Fuit quidam vir nomine Donatus, in Neustria regione, ab Aurelianensi vrbe oriundus, qui à rudimentis infantie suæ est à Domino electus. Hic nonnulli Neustriam pro illa regione capiunt, quæ à Normannis habitatoribus, cùm diceretur, accepit nomen Normanniæ, & falluntur. Ab hac enim longè est Aurelia. Tu nomine Neustriæ intellige illam seu Galliam, seu Franciam, quæ ab antiquis Gallicanarum rerum scriptoribus appellata est occidentalis. Fredegarius, & non pauci alij vocant Neuster, atque Neustriam. *Neustria est, inquit scriptor chronici Turonensis Maioris monasterij, quidquid à Parisiis, & Aurelianis, Neustriarum Regum sedibus, interiacet inter Ligerim & Sequanam inferius ad oceanum.* Igitur Austriam quoque, seu Austrasiam, apud eosdem Francorum Scriptores vocitatam inuenies, quæ orientalis est Francia. Cùm istæ ambæ voces, seu ante, seu post annum septingentesimum, aut octingentesimum vix fuerint vsurpatæ, ego quidem eò cogitationis veniebam, vt circa illos etiam annos hæc de Donato scripta fuerint.

Cum esset annorum trium, traditus est à genitore suo magistro, vt eum literas erudiret. Itane infantulus annorum trium datus est magistro, vt erudiretur literis? omnino. Quid miraris? Hieronymus Lxtam hortatur, vt Paulam non maiorem annis infantulam sibi magistro tradat erudiendam, & in hæc verba subiungit. *Si Paulam miseris ad Paulam auiam, & Eustochium amitam, & magistrum, & nutritium spondeo. Gestabo humeris: balbutientis senex verba formabo: multo gloriosior mundi Philosopho, qui non regem Macedonum Babylonio periturum veneno, sed ancillam, & sponsam Christi, erudiam regnis celestibus offerendam.* Et verò infantes plurimos legimus, cùm ipsa pronuntiatione vocum, quondam edoctos non vulgarem modò, sed Latinum etiam sermonem, ac Græcum.

Qui cum esset annorum decem, omnia volumina tam noui, quam veteris Testamenti peragrauit. Felix puerulus, qui à primis annis sacra eruditus, nihil profani, penulci nihil accepit memoriâ, menteque. Tunc petiit ab Aurelianensis vrbis episcopo, vt eum clericari deberet, quod ita & fecit. Non magnum hoc fuit, sed omnino magnum id quod sequitur. *Cum esset annorum duodecim, complacuit episcopo, vt eum ad onus diaconatus benediceret,* scilicet non erat illis temporibus annûs ætatis, diaconatui ab œcumenica Synodo constitutus. Cùm tamen communissimus omnium toto orbe ecclesiarum mos, & Conciliorum provincialium præcepta, fere postularêt longè maiorem in diacono, profectò tribuebam ego diuinis motionibus hoc episcopi in amplissima ciuitate facinus. Fortassis etiam populi postulatio, ad id edendum compulit non cogitantem, atque inuito supparem, sequitur quippe. *Tanta enim in eo erat tranquillitas animi boni, vt omnes illum dicerent vnum esse ex filiis Dei;* atque adeò dignum, qui communissimis clericorum legibus sol-

ueretur. Illo ipso ferme tempore S. Sequanus, postea Reomaënsis abbas, quando leuiticam adeptus est dignitatem, annos fere quindecim natus erat, auctore Anonymo in eius vita.

- 19 Tunc, idest cùm fungeretur diaconatu, complacuit omnibus, vt Presbyteri onus acciperet, quia dignus erat vt accipere deberet. Quo ætatis anno illud accepit? incertum est mihi. Sed vide quid sequatur. Cùmque factum fuisset, conuersus ad semetipsum ait: Quid mihi cum beato Abraham, cui dixit Dominus: Exi de terra tua, & de cognatione tua, & vade in locum quem monstrauero tibi. Cùmque hæc in animo suo volueret, relictâ vrbe Aurelianensi, recto tramite petiit urbem Turonicam, vbi S. Martini corpus requiescit, vt eius patrocinia accipere mereretur. Vide pietatem viri. Quid autem postea? Cùmque ibidem paucis diebus commorasset, accepto patrocinio à S. Martino, sic eremum petiit. Cùmque peragrasset omnes prouincias, & omnes montes excelsos, Subaudi, circum Aureliam positos, rediit ad patriam, & Mario Bodanum à monachis vocato comitatus, peruenit ad montem, qui dicitur Lura, (Lura legitur in Adone die 19. Augusti) in Sistaricensis episcopi diœcesi. Mons est omnino deuus, saxisque asper & confragosus, Sistaricum inter & Forcalquerium. Quid cætera verbatim referam? Donatus traditur venisse ad Lucæ môtis radices, & locum nomine Ration adiiisse serpentibus habitatum, antroque horrescens, in quo cubilia ingens draco posuerat. Hic ad beati viri conspectum vesano infremens vlulatu, caput ad duodecim cubitos extulit, & veluti dato signo innumera serpentum genera ad eum conuenere. Quid enim vero Donatus tum ageret non habebat. Igitur Deo supplex in preces accidit, & draco vim orationis non ferens, vt vehementissimo furore intumuerat, disruptus crepuit, inque Druentiam flumen non remotum præcipiti se cursu dedit, ceteris serpentibus magno agnине ducem sequentibus, & aquis, cùm caput ex corporis contractione fatisceret, sepultus est. Antrum vir Dei habitatore suo vacuum victor ingreditur, lectulumque sibi in mediis cubilibus draconis ponit. Tum peragrata omni circum regiuncula, Christo excitat sacram ædem in monticuli vertice, magna accolarum omnium gratulatione, quos à demonum cultu ad Dei venerationem omni cœlestium prodigiorum genere deducebat. Vnum addidit vt faceret, & maximè opportunum, & ad populorum celebritatem clarissimum. Vinum auebat sibi habere ad sacrificium, & quo anno vineam in eos vsus plantauerat, illo vinum ipsa dedit. Cùmque profanus homo racemum ex illa furtim decerptum vorare contenderet, hæserunt in mediis faucibus acini, neque alio quàm Donati digito auelli vnquam potuere. Igitur Florentinus, magnæ spei iuuenis, sanctitate viri adductus, omnem cum eo ætatem ducere, patre nequidquam contrâ obnitente, constituit: volentemque iuuit tam certâ & bonâ vi Deus, vt qui primâ diei horâ Ebreduno excesserat, perueniret Rationem septendecim leucis distantem, sextâ. Post hæc pluribus commemorata verbis, Innominatus scriptor orationem ita concludit. Plurimis itaque miraculis factis, & exolutis multis diebus, cepit appropinquare dies illius transitus: Deo ergo reuelante, venit ad eum Abbas Marius, Aureliâ Sistaricensem ad diœcesim viæ quondam socius, qui in monte qui dicitur Bodacensis, seu Bodanensis, eremiticam, seu in eremo cœnobiticam, ducebat vitam. Cùmque inter amplexus inuicem se salutassent, gaudio sunt magno gauisi;

gausis & demum oratorium in monticulo exadificatum intrant gratia orandi. Qui dum prolixius orarent, sanctus Donatus migravit ad Christum. Quod de Mario Abbate hic dicitur, postea videbimus, cum perucnerimus ad Arnulfum episcopum, qui Bodano Forcalquerium transtulit eius corpus. Nunc ad Ioannem antistitem redeamus, qui Sanctum utrunque virum ²³ Aurelia venientem accepit diocesi sua. Ceterorum quæ Burellanus scriba ei tribuit, nihil de ipso dici potest. Tertius ille est, qui Conoguorienſe cœnobium Cluniacensis concessit. Secundus perfecit reliqua, ut statim referam. Post primum federunt ordine Valerius, Auolus, Genesius, Pologronius, Secundinus, Magnibertus, Amantius, Innominatus, Bonus 1. ut in superioribus docui. Et quatuor quidem prioribus suos omnes annos annumerare non possumus: attulimus eos, qui ex antiquissimis conciliis decerpi potuerunt. Quinque autem posterioribus omnes suos ex Burellano dedimus exscriptore.

Bono Ioannem secundum successisse affirmat, quæ superius stabilita ²⁴ est ratio temporum; & quidem anno octingentesimo quinto. Sedit annos septem & quadraginta, mortuus octingentesimo quinquagesimo secundo. Erat valde nobilissimus, ut loquitur scriba ille, *& opibus, & rebus.... nissimus, ex Senatoria stirpe progenitus.* Cum Senatoriam stirpem audis, cogita seu de Romanis, seu de aliis in media Gallia Senatoribus stirpem: in Romanis enim coloniis, & ceteris urbibus Romano subiectis imperio, fuit quondam Senatus, qui suis consiliis eas regeret. Igitur ex Dione Cassio libro 49. Octavianus superato Lepido *spem fecit cum aliis, cum centurionibus, quasi eos inter Senatores sua quemque in patria adscripturus.* Et libro 51. *Ceteris urbibus suo unicuique modo, Alexandrinis sine Senatoribus rempublicam administrare iussit.* Senatores autem Alexandrie esse ceperunt sub Severo imperatore. Quacumque autem in urbe seu parentis, seu maiores Ioannis episcopi Senatoria fulserint dignitate, fuerunt profecto illi in opulentissimis ciuibz: nam Romæ quoque Senatores censebantur ditissimi, ex eodem Dione. A parentibus vero acceptas opes in ecclesiam suam ipse contulit, & eam ²⁵ *quam plurimis rebus, & prædiis nobilitavit atque ditavit. Construxit namque duodecim ecclesias, & duo regularia monasteria,* inquit Burellanus scriba. Quæ, & ubi locorum fuerint illæ ecclesiæ, non inuenio. Monasteria sunt Bodanense, & Conoguorienſe, ut ex sequentibus in eo exscriptore intelligitur. Sed à Ioanne tertio, non à secundo monasterium Conoguorienſe extructum fuisse docebo postea: Bodanensi secundus prædium suum, in quo ades excitarentur elargitus est, scilicet à S. Mario quondam habitatas exciderant barbari exercitus, qui alij alio tempore vniuersam regionem ante Carolum Magnum latrocinii euerterunt: & cum monachi alia in loca, ut res ferebat, dilapsi fuissent, omnis ager ad non vnum transierat dominum, ac denique ad Ioannis progenitores denegerat. Sanctus vir Marij quondam abbatis reuocauit instituta, & monachos cœnobio restituto imposuit, ipsisque concessit *omnem decimationem de Lambricis, & ecclesiam S. Albani, cum omni decimatione, & territorio suo, & ecclesiam S. Galla, & ecclesiam S. Lucia, cum omnibus ibidem pertinentibus.* Burellanus exscriptor istis verbis subiungit ²⁶ *sequeantia. Facta est hæc donatio septimo calendis Apriles, anno vndecimo regnante Clotario Caroli Magni filio.* Voces necessariz. Affirmant quippe Ioannem

hunc esse omnino alium ab eo, qui Marium Bodani excepit, Gundebaldo Burgundionum rege pluribus centenis annis ante illum, qui nunc memoratur, Clotarium. Scilicet iste Clotarius, est quem Hlotaxium appellamus, filium Ludouici Pij, & nepotem Caroli Magni. Eius seu imperij, seu in Pro-
 uincia regni, annus vndecimus, est Christi primus, & quinquagesimus post
 octingentesimum. Et eo quidem anno Ioannes monachis Bodanensibus
 illa quæ modò referebam, concessit, ædes verò sequente construxit, vt
 docet quæ in ipsorum templo ante S. Ioannis altare sic olim habebat inscrip-
 tio. *In honore Domini nostri Iesu Christi. Hic est locus adificatus, quem fieri pro-*
cureuit Campanus præsul, idest abbas, nomine Ioannis episcopi Sistaricensis an-
no duodecimo Clotary Regis Caroli filij. Atque hæc sunt, quæ Ioannes contu-
 lit in Bodanenses monachos. Quo anno seu per episcopatum ecclesias, seu
 monachis cœnobium exadificare cepit, non possum dicere tacentibus
 chartis omnibus. Si velis occipisse sub episcopatus initia, nihil vetat ad-
 dere Carolum Magnum pietate ac religionibus tantū viri adductum, ne
 quando Sistaricensis ecclesia se ingemisceret post Bodanenses monachos,
 quibus cœnobium crexisset, atque post aliquas per episcopatum regiones,
 quibus excitasset basilicas, à suo præfule habitam, ei dedisse ipso episco-
 po Lurium. *Carolus Magnus, addit Burellanus scriba, dedit & concessit B.*
Maria, & glorioso martyri Thyrsò, Sanctæ sedi Sistaricensi, castrum de Lurio,
cum omni honore, & appenditiis suis. Pergit: *si quis autem regum, comitum,*
aut baronum, contra hanc donationem venire tentauerit, iram omnipotentis Dei
se nouerit incursum. Ita pergere aduerto, vt videas, Caroli donationem
 ipsam scribentis, esse voces, cuius proinde tabulas, cū sua exararet lege-
 bat. Quocumque autem tempore, & quascumque ob causas, Carolus Ma-
 gnus Sistaricensi episcopo Lurium iam imperator dederit, existimabam
 Ioannem secundum anno quarto post octingentesimum sedere cepisse, &
 quinquagesimo secundo post eundem obiisse extremam diem: sic enim om-
 nia quæ attuli seu de annorum numero per quos episcopatum gessit, seu
 de Caroli Lotariique temporibus videntur apertissime conuenire. Scilicet qui
 quarto sedere cepit, & quinquagesimo secundo desierit, is negari non
 potest sedisse annos omnino quadraginta septem: & qui à Carolo impera-
 tore, ad annum Christi octingentesimum decimum quartum mortuo, Lu-
 rium accepit, potuit eum octingentesimo quarto accipere, qui etiam anno
 Lotarij duodecimo Bodanense monasterium perfecit, potuit eo ipso mori.

Bonum 2. Ioāne mortuo Bonum 2. sedisse dicamus oportet. Liouërsis enim Prior.....
 Grossi legit in antiquissimo codice M S. *permutationem* (vt fert inscriptio)
Episcoporum Sistaricensis & Aptensis, quæ sic habet. Quotiescumque inita fue-
rint chartula commutationis, &c. Igitur placuit, &c. inter virum venerabilem
gratia Dei Bonum episcopum Sanctæ sedis Secustirone ciuitatis, &c. & ab alia
parte Paulum dono Dei Episcopum sanctæ sedis Aptensis, &c. vt colonias, &
terras, & vineas, seu villulas, sibi inuicem inter se commutare deberent. Quod
ita in Dei nomine præsentialiter fecerunt, &c. Facta commutatio ista 4. nonas
Julias, anno 8. regnante domino nostro rege Lothario indiſſione 15. Ego Bonus
dono Dei Episcopus has commutationes, vnâ cum domno Paulo Episcopo ambo
factas relegimus. Scilicet Lotharius hic rex, est Lotharius quem cognomi-
nis Imperator Ludouici Pij filius genuit: eius in Burgundia regni octauo

& Christi octingentesimo sexagesimo septimo Bonus ipse post Ioannem secundum Episcopus chartam obsignauit. Et verò quem alium putabis tu Lotharium? Tres præterea tantum occurrunt, de quibus suspicari possis, filius ipse Ludouici Pij, filius Ludouici Vltamarini Francorum Regis, filius Hugonis Itali. Sed vt ab hoc incipiam, is *post annos ferme quatuor quam vnus fuerat diem clausit extremum*, vt legimus in chronico Cassinensi libro 1. capite 64. Cum in illius regni octauo Bonus Episcopus egerit cum Paulo Aptensi antistite eius verò quem Ludouicus Pius genuit anno octauo sedebat Sistarici Ioannes, & anno duodecimo excitabat monasterium Bodanense, vt modò vidimus. Ludouici denique Vltamarini filius neque Aptensi neque Sistaricensi comitatu dominabatur: quem vtrumque tenebat ditione Conradus Pacificus. Vnum equidem video in Lotario cognominis Imperatoris filio dubitationis nonnihil facere. Lotharingæ rex erat, non Prouinciæ, in qua Carolus primum frater, tum Carolo mortuo Ludouicus etiam frater dominabatur. Sed qui aduerterit Carolo fratre mortuo, Burgundiam eius regni partem cecidisse Lothario, in qua superior pars episcopatus Sistaricensis tunc erat & monasterium etiam Bodanense, vt intelligitur ex initio libri primi, is profectò fatebitur Lothario annum regni octauum orso permutationem Boni Sistaricensis & Pauli Aptensis episcoporum factam esse. Fuit hic annus septimus & sexagesimus post octingentesimum. Carolus extremum diem obierat sexagesimo. Eo septimo erat indictio quinta & decima. Neque nihil ad hoc facit quòd Paulus sedebat Aptæ Theobardo Narbonensi Archiepiscopo, vt in eius vita legitur apud Catellum in historia Occitania libro 5. pagina 764. quem & ceteros in eius vita memoratos certum est eo anno 883, vixisse Rostagnum Arelatensem, Malfredum Aquentsem, Ermaldum Ebredunensem Archiepiscopos, Berengarium Massiliensem, Girbertum Nemausensem, Guisleranum Carcassonensem, Elegium Albientsem, Amelium, Vzeticensem, Abbonem Magalonensem, Bononem Agathensem, Agilbertum Biterensem, Bernardum Tolosanum, Macarium Lutouensem episcopos. Sed vtrumque hoc de situ partis episcopatus Sistaricensis habeat, accipe verba fragmenti historię à morte Ludouici Pij vsque ad Ludouicum Balbum apud Duchesneum tomo 2. Scriptorum historię Franciæ pag. 402. *Lotharius imperator regnum inter filios diuidit Carolo minori Prouinciã & partem Burgundiæ, &c. Ludouicus post obitum patris octauo anno, mortuo fratre suo Carolo minore, & Lugduni sepulto in monasterio S. Petri in ecclesia S. Mariæ semper Virginis, cum fratre Lothario regnum fratris mortui partitur. Accepit autem partem Transiurenſis Burgundiæ simul & Prouinciarum; reliquam partem Lotharius rex sibi retinuit. Cum Innominaus scriptor hæc habeat, cur negabis Sistaricensem & Aptensem episcopatus fuisse in ea Prouinciæ seu Prouinciarum parte quæ de Carolo regno cesserat Lothario fratri?*

Viuentius post Bonum secundum sedit Sistarici annis vndecim, 28
vt in superioribus docui: igitur octingentesimo septuagesimo octauo
est mortuus. Viuentio successit Eustorgius per quatuor & quadra-
ginta: & Burellanus scriba, *in tempore huius episcopi*, inquit, *facta fuit per-*
secutio in Ecclesia Dei, quæ dicitur facta fuisse à Gothis, & Vandalis, qui erant
hæretici Ariani. Veris falsa miscet. Sub annum nongentesimum Ecclesiam

- Dei tota Prouincia malè haberi cepisse tradunt omnes historici : à Gotthis, & Vandalis passam esse non tradunt, sed ab Saracenis, qui ex Africa, autore Glabro, Fraxinetum venerant, & ex eo, veluti e munitissima arce per annos supra septuaginta, erumpentes, nunc totis Alpibus maritimis, Cortianumque parte grassabantur, nunc latrocinii maritimam Prouinciæ oram
- 29 peragrantes, omnia turpissimis deuastabant incendiis. Cùm verò ex vniuersa regione depulsi fuissent, anno illius sæculi octogesimo Reculphus Forouiliensis episcopus sua recepit à Vvilelmo Comite, antiquis per vera argumenta linitibus restituta. Et in Sanuictorino ad Massiliam tabulario sic legitur. *Cùm gens pagana Saracenorum e finibus suis, scilicet Fraxineti, expulsa, & terra Tolonensis cepisset vestiri, & à cultoribus coli, vnusquisque secundum propriam virtutem rapiebat, transgrediens terminos, ad suam possessionem. Quapropter illi qui potentiores vid. bantur esse, altercatione facta, impingebant se adinuicè, rapientes terram ad posse, videlicet Vvilelmus vicecomes, & Pontius de fossis. Qui Pontius pergens ad comitem Guilelmum, dixit ei: Domine comes, ecce terra soluta auunculo pagane gentis, tradita est in manu tua, donatione regis, ideo rogamus vt pergas illuc, & mittas terminos inter oppida, & castra, & terram Sanctuariam. Nam tua potestatis est eam terminare, & vnicuique distribuere, quantum tibi*
- 30 placitum fuerit. Vides agros per Saracenorum latrocinia vastatos fuisse, euerfas totis Prouinciæ regionibus vrbes, polluta dirutaque templa. Eustorgio mortuo clades peruenit ad eam illius partem, quæ ultra Druentiam fluvium posita, paucis post annis accepit nomen Comitatus Forcalqueriensis : & Arnulfus anno nongentesimo vndecimo episcopus, quod sapientissimi antistitis erat, S. Marij abbatis corpori cauens Saracenis, & Hungaris, illud incerto anno transtulit Forcalquerium, munitissimo tum in monte castro potens, e Bodanensi cœnobio. Cùm enim Saraceni Prouinciã Cisdruentianam latissimè popularentur, Hungari anno nongentesimo vigesimo quarto, vt docet Flodoardus, *per abrupta, transcuntes Alpium iuga, venerunt in Galliam ex Italia, per quam, vt tradidit scriptor chronici Virdunensis, grassabantur ductu regis Berengarij ab aliquot annis; & montium portis exclusi, per deuia euadentes, Gotthiam ingressi sunt. Nam quæ deuia in Gotthiam, seu*
- 31 Langotthiam Ferentia putas secutos, cùm Radulphi Cisalpinæ Gallie regis, & Hugonis Viennensis arma fugerent, quàm reconditos trans Druentiam vallium flexus, quæ per Forcalquerium & ad Aptam vsque Iuliam vrbes, aperiunt, viam euntibus ad Sanctægidianos campos, ab Hungaris anno quinto & vigesimo post nongentesimum directos, vt eorum monachi in suarum precum Breuiario lamentabiliter queruntur. Infelicissima sunt hæc illa omni Prouinciæ tempora, cùm vniuersæ sanctorum virorum reliquie, & sacra etiam cetera in latebris posita sunt, cùmque per tres annos supra septuaginta vastitas regiones totas habuerit, fuerint per plures annos ignota, superstitibus viris latebrarum ignaris. Atque vt nihil de Sanctorum corporibus hominum dicam, Virgo Romigeria, innumeris de cœlo miraculis clara, tum à Manuscensibus sepulta terræ est, vt alias fusè dixi.
- 32 Arnulfus sedit annos vnum & quadraginta : igitur qui secundo & vigesimo post nongentesimum anno sedere ceperat, desit sedere tertio & sexagesimo. Quo autem detulerit Forcalquerium S. Marij corpus, non dixerunt maiores. *In diebus illis, Arnulfo scilicet episcopo, corpus S. Marij confessoris*

Episcoporum Sistaricensium. 111

confessoris gloriosi translatus est de valle Bodanensi, quæ est in Sistarico Comitatu (sunt verba Burellani veterum exscriptoris chartarum) *ad oppidum Forcalqueriense in Sistarico pago, ubi sanctissimum eius corpus requiescit in ecclesia S. Thyrsi martyris gloriosi, quæ propria est S. Maria, & S. Thyrsi sedis, Sistaricensis. In qua ecclesia confessor dictus Marius multis virtutibus claruit, in cuius honore postea fabricata est ecclesia. Quæ illa ecclesia B. Thyrsi, quæ ista S. Marij? Si quis fuerit locus de Forcalquerio, eiusque templis vniuersè dicendi, de his duobus tum disseram. Nunc videor mihi de B. Mario, quis, & quàm illustris omni virtutum & miraculorum genere fuerit debere disputare. Dynamius vir illustris & Patricius Adoni, post annua octingentesimum scribenti, ante annos mille de sanctissimi viri vita scripsit, & ex eo Sistaricenses Canonici acceperant quæ insuarum precum Breuiario scripserunt. Quia orationis Latinæ stylus, pro illius scriptoris temporibus, qui breuiarium hoc compegit, non inelegans, nostrorum temporum cultui non respondet, atque plurimi petierunt vt castigato magis tersoque sermone, de ea dicerem, non ingratum, vt puto, lectori erit, si illam omnè hîc proposuero.*

Marius Patre Senatore natus est Aurelix. Puerum tantâ Deus præuenit amoris sui dulcedine, vt cum supra nobilitatem generis, & magnam opum vim, omnes coartaneos elegantia corporis præcelleret, atque nulli eorum inferior esset liberalium artium studiis, pauperem tamen pauper, humilem humilis Christum sequi decreuerit, & monasterio nomen dederit. Illustribus ceptis responderunt sui progressus, tanta virtutum omnium per vniuersam Gilliam claritate, vt Bodanenses in Sistarico pago monachi, longissimè ab eo positi, abbatem sibi voluerint, Ioanne episcopo vehementer probante, laudanteque Gundebaldo rege. Sed sanctissimus vir non potuit rem patienter accipere; & qui vt omnium infimus summam sui abiectio-nem exemplo Christi sequeretur, venerat in cœnobium, noluit committere vt præponeretur ceteris. Igitur fugam meditatur clam omnibus, & quas minime notas putat condit se in latebras. Tres omnino dies in iis posuit, longèque plures seorsim ab vniuersis hominibus posuisset, si Deus magno prodigio non aperuisset inuitum. Quærebatur per concaua vallium, & silu-arum deuia casso labore: tertiâ demum die iam elapsâ, lux solito humanis oculis lumine fulgentior, visa est imminere latibulo, quod habebat suppli-cem Deo; & cœlesti signo deprehensus, ne non iam mortalibus obfiste-ret, sed Deo, se passus est abbatem fieri, & Bodanum duci. Hic integerrimæ vitæ exemplis nomen sanctitatis impleuit, quod ab Aurelianensi vrbe ad Alpes vsque Cottias Sistaricumque peruenerat. Nulla virtus est, quam non vehementer coluerit, & ad quam non fuerit ceteris dux. Iciuiis fere per-petuis, longissimisque vigiliis affligebat corpus virgineum. In oratione tam multus erat, vt eius viuis vi animam in exelo corpore retinere ac rescicere videretur. Mansuetudine, patientiâ, sui demissione omnes socios anteibat. Demum quia viri virtus pro insolita magnitudine, cum non posset vnus monasterij angustiis contineri, ad plures, ac longè etiam latèque distitis regiones peruenerat, populis & regibus ad ipsum accedentibus, de Chri-stianæ vitæ officiis, pro cuiusque capto, piè, sapienter, animosè dicebat. Igitur voluit Deus seruum suum frequentissimis illustrare miraculis. Lici-niæ nobilis viduæ filium, & Syagriam Agricola illustris viri filiam à morte, cui

- cui erant proximi, eripuit, & pristinae valetudini restituit. Nemphidio Euodius filium nasciturum prædixit, & precibus ut nasceretur fecit. Reddidit auditum surdis, cæcis visum, gressum claudis, valetudinem agris. Denique dæmones ab hominum corporibus pepulit. Sed profecto singulare illud merito dixerim, quod imber nunquam est moratus euntem, nunquam sub aperto aëre sedentem tetigit, nunquam in agro aliquid operis facienti molestus fuit; cum ceteros perplueret homines, qui cum ipso non erant;
- 36 & proxima etiam loca tuente cælo latè inundaret. Donatum Presbyterum, qui solitariam in monte Lurâ vitam magnus dæmonum terror ducebat, breui moriturum longè ab eo positus Deo commonente accepit. Cum non sine lacrymis rem suis aperuisset monachis, ad eum citato gradu iam senio grauis perrexit. Intranti cellam Presbyter occurrit læto, & qui certam corporis valetudinem præferebat vultu, ac in suaues amplexus ruit. Quis veriusque viri gaudia, quæ mentem pertentabant, aut capiat, aut ubi ceperit referat? Post mutua salutationis officia, simul eunt ad oratorium. Hic dum precantur prolixius, repente Donatus vitâ deficitur, & animam ad Deum suâ cum supplicatione profundit, in cælumque dimittit. Marius composito corpore suum redit ad monasterium, multa per viam queritans, quod qui Deum oranti comes fuerat, euntem ad cælos secutus non fuerit. Agrotabat aliquando vehèmenter Lutetiæ, neque socij putabant futurum ut leuaretur morbo; & Dionysius Areopagita ad eum venit intempestâ nocte, manu tangit, pristinae valetudini reddit. Eâdem in vrbe equus, quo Sanctus vir vehi consueuerat, furto abducitur e præsep. Sed qui aliò abigere contendebat, nunquam potuit exitum expedire. Fuit etiam, cum libidinosus adolescens Sanctitatem viri non sustineret, illius scilicet integritatis corporis, quam impotenter oderat, exasperatus exemplis, & in ipsum atrocibus debaccharetur iniuriis. Sed vesani facinoris importunitate commouetur Deus, & singula petulantissimi iuuenis membra suo grauissimè excruciat supplicio. Is multiplici ac peracerbo dolori ferendo minimè par, infelicem animam miserrimus sancti viri conuiciator exhalat.
- 38 Cum autem Marius ad extremam senectutem peruenisset, morti in cœnobio suo proximus, spiritu vidit cælos apertos, & Christum splendissimo lumine conulescantem, Virginique matri, & beatis angelis ad eius pedes pro Italia supplicibus respondentem, quod Italia & plures aliæ regiones certissimum mererentur excidium. Hæc ille Lucretio quondam monacho suo, tum Diensi episcopo referebat, qui non multo post placidissimè & sanctissimè mortui corpus reposuit in conditorio. Vera dixisse probauit euentus. Longobardi Alboino duce, efferâ in Italiam vi, eaque occupatâ in Galliam per Alpes Cottias, post paucissimos annos irrupere; aliæque monasteria & Bodanense tum euerterunt. Et hoc quidem post Longobardorum in Italiam reditum, Ioannes secundus Sistaricensis episcopus restituerat, sed Saraceni rursus postea deleuerunt, crepto prius sancti viri corpore, ac per Arnulfum episcopum translato Forcalquerium, ne in cremo deprehensum, experiretur aliquando
- 39 importunum barbarorum hominum furorem. Qui verò viuentem innumeris illustrauerat Deus miraculis, mortuum non paucioribus insigniuit. Hoc virginitati quam illibatam tota vita seruauerat, concessisse videtur, ut post eam ipsius corpus suauissimo fragraret odore: quem quia singula
- membra

membra diem in illam mortalibus ignotum spirabant, diceres mirabili circumfusum fuisse vngue, omninoque imbutum. Igitur cœlestes ab hominibus honores meruit. Quod quàm sibi gratum esset, Deus illustri argumento declarauit. Puella in altare sancto viro Forcalquerij erectum coniecit sacrilego ausulapidem, & eius non solam quâ facinus susceperat manum, sed vniuersa corporis membra contraxit Dominus. Atque prodigium per se insigne, ex eo postea fuit illustrius, quod postquam sceleris per id pœnæ commonita, annuas beato Abbati vigilias vouisset, restituta sibi est; votoque deinde violato, in omnium membrorum contractionem miserabiliter recidit. Sed admirationem omnium meruit, quod in eadem vrbe euē-
nit. Vir erat pedibus, brachijs, manibus, toto demum ita contractus corpore, vt non eatenus visâ confusæ molis fœditate miserationem conuentium excitaret. Cum nulla opis spes à medicis occurreret, ad sancti viri corpus defertur curandus. Ecce tibi rem stupendam. Magna hominum vis B. Mario preces fundebat, & vniuersum agri corpus vehementer commouetur, concutiturque. Ossâ suam ad situm properantia, alia magno fragore concurrunt aliis: nerui & articularij, & ceteri crassum, quo pragrauabantur, humorem exudant, & facili in aptam membrorum compagem lentore flectuntur. Quem nulla non parte corporis fœdissimè contractum, alij homines ad beati viri reliquias suis humeris detulerant, ipse suis pedibus ad propriam domum rediit, omnibus membris suo loco redditus aptè honesteque compositus. Atque ista de B. Mario Abbate dicta sint.

Quæ autem quondam fuit eius veneratio Forcalquerij, illa nunc etiam
perdurat. Quod Arnulfus in ipso, potius quàm Sistarici, principe dioceseos vrbe, corpus sanctissimi viri reposuit, facit omnino vt existimè Comitatum Forcalqueriensem cepisse eius temporibus, & Forcalquerium surrexisse in urbem quam incoleret Comes ampliter imperans Ebrudunensibus, Vapincensibus, Sistaricensibus, Aptensibus, aliisque nonnullis trans Druentiâ Prouinciæ populis, ad Auenionenses vsque ac Rhodanum. Locus non postulat, vt causas tantorum ceptorum, aut inuestigem obscuras, aut inuestigatas aperiam: hoc vnum dico, non esse nihil cur existimemus Rothboldum Prouinciæ Comitem, vt Hungaris ex Italia venientibus viam aut impediret, aut occluderet, castrum imposuisse Forcalquerio munitissimum illud quod nobis pueris euersum est: atque id è vicinioribus deinde, vt fit, pagis agroque acceptis ciuibus, creuisse in urbem, regionis caput quæ amplissima nomen ab ipso sumpserit. Istius ergo Rothboldi filius Boso, qui ex magno S. Victoris chartarum codice membraneo paginâ duodecimâ habebat anno nongentesimo sexagesimo secundo Vvilelmum fratrem, & Guilelmum atque Rothboldum filios, eam ipsam regionem nomine Comitatus insignitam secundogenito dedit, reliquâ omni Prouinciâ primogenito concessâ.

Post Arnulfum episcopum Ioannes tertius sedisse videtur annos circiter
vnum & alterum, scilicet vsque ad sextum & sexagesimū à nongentesimo. Hic Ioannes ille est, qui, vt Burellani scribæ verbis utar, *dedit Deo, & S. Petro Cluniacensi Podium Conogoriense*, quod de patrimonio suo ornauerat nobili monasterio. Scio esse qui velint Conogoriense monasterium Cluniacensibus à Ioanne secundo, antè Lotarius quam in Burgundia post Carolum fratrem regnaret, traditum fuisse. Scilicet acceperunt ex Auberto Miræo in

Originibus Benedictinis monasterium Cluniacense sua initia habuisse à Vvarino Comite, sub Ludouico Pio imperatore, cuius temporibus ille Sistaricensis regebat ecclesiam. Nam, inquit, cur cum monachi eo episcopo fuerint Cluniaci, deiiciemus erectionem Conogouoriensis ex Cluniacensibus monasterij in longè posteriora sub Ioanne tertio tempora? Ego autem fateor Vvarinum, seu Guarinum, & Emam, seu Albanam coniugem, Matisconenses Comites, imperatore Ludouico Pio, excitasse Cluniaci monasterium in honorem S. Petri, & Hildebaldu Matisconensem episcopum excitato concessisse ecclesias Cortæ, & Ialloniaci: Saniulianus enim in Antiquitatibus Matisconensibus ait se vtriusque rei legisse tabulas testes. Nunquam tamen crediderim, monachos Cluniacum à Vvarino vocatos, sterisse diu Cluniaci. Vt alia non ratò alij loca, ita etiam Cluniacum isti non multò post cœnobij erectionem profectò deseruere. Nulli libri, vt aliud non afferam, nullæ tabulæ, monachos in eo fuisse commemorant post Vvarinum Comitem: & ædes Petro sacra, quam Vvarinus monasterio addiderat, videtur ad clericos postea deuenisse. De qua enim alia Guilelmus Aquitanix Dux loquitur in charta erectionis monasterij sui: *Trado Cluniacum, inquit, villam, quæ sita est super fluium, qui Grauna vocatur, cum cortile, & manso indominicato, & capella quæ est in honore sancte Dei genitricis Mariae, & S. Petri Apostolorum principis, cum omnibus ad ipsam villam pertinentibus.* Si monachi cum Guilelmus eam chartam scribebat, aut erant Cluniaci, aut ex eo in alium locum dilapsi, sacram ædem prædixæ in ipso habebant, cur illos ad restituendum monasterium non reuocauit? cur iis neglectis Bemonem cum sociis Gigniacensibus accersiuit constituendo monasterio? Sed post Arnulfi Sistaricensis episcopi tempora, nomen monachorum à Guillelmo duce constitutorum Cluniaci, adeò illustre tota Gallia erat, vt celeberrima per eam omnem monasteria, & Lerinense illud antiquissimum, totoque notissimum orbe Christiano, se crediderint eorum disciplinæ. Quid magnum est quòd Ioannes tertius, qui Amulfo successit, Conogouoriense ipsis attribuit? Cum autem huc dicendo deuenirem, locus omnino postulat, vt vnum aliquid de Conogouoriensi monasterio addam. Eius initia non inuenio: igitur Ioanni tertio tribuenda putabam: & cum is afferatur *Podium Conogouoriense de patrimonio suo dedisse Cluniacensibus, atque duas ecclesias in illo extruxisse, ita in superioribus sum interpretatus, vt illud cœnobio instructum ipsis concesserit.* Tamen primo & quinquagesimo post Arnulfum episcopum anno, Petruensis, seu Petrosiensis quædam prædia Conogouoriensibus monachis eâ conditione donantur, vt ipsi à Cluniacensibus non recedant; quod si aliquando fecerint, Cluniacensium illa tum sint, non Conogouoriensium. Ista de iis fortasse potius proloquaris, quàm de illis qui ab ipsis monasterij initis fuerint Cluniacenses. Vt cumque res habeat (neque enim pro summa antiquitate omnibus chartis defectam, asseruerim ego facile aut negauerim) accipe tabulas, quibus Petruensia, seu Petrosiensia illa prædia Conogouoriensibus monachis tribuuntur.


45 *Vnicuique homini, quamdiu viuit, de rebus quas possidet seruire Deo conuenit. Igitur ego in dicto nomine Bonifacius, dono aliquid de rebus mei iuris Sacrosancto & venerabili..... Cluniaco in honore beatorum apostolorum Petri & Pauli, ubi dominus Odilo præesse dignoscitur, pro remedio anime meae, & parentum meorum. Sunt*

autem

DE REBUS GESTIS

EPISCOPORVM SISTARICENSIVM

LIBER SECVNDVS.

¹ *Vrsu.*  R S V S Ioanni tertio successisse videtur anno Christi nongentesimo sexagesimo sexto, vt docui superiore libro numero 13. fortasse cum Vmbertus electioni suæ, quam Sammarthani tomo 1. pagina 4. memorant, noluisse assensum præbere. Viri memoriam seruat charta sequente anno à Conrado rege scripta. Hic ille Conradus est, qui Rodolpho patre natus Rodolphum genuit filium, Rex Burgundix, Alemannix (Sueuiam sic vocabant) & Prouinciæ. Cùm scriba, postquam dixisset obsignare se chartam anno nongentesimo sexagesimo septimo, addiderit eum annum esse Conradi regno septimum & vigesimum, profectò asseuerauit regnare principem cepisse anno quadragesimo post nongentesimum. Atque hoc ipsum habent apud Guichenonum in Bibliotheca Sebustiana libro 1. cap. 57. eiusdem regis tabulæ, quæ asseruntur scriptæ anno Christi nongentesimo septuagesimo sexto, & regni Conradi trigesimo sexto. Vixit autem vsque ad tertium à nongentesimo nonagesimo, vt intelligitur ex donatione Pulliani villæ Agaunensis monasterio, à Rodolpho ipsius filio regni primo, scilicet post mortem patris, & sæculi nonagesimo tertio, apud Guichenonum in bibliotheca Sebustiana libro 1. cap. 3. regnauitque annos omnino tres & quinquaginta. Conradus pro cognomento verè Pacificus. Hæc necessariò attuli, vt intelligas huius regis maxime temporibus, Saracenos seu Cisdruentianam, seu Transdruentianam Prouinciæ fere vniuersam latrociniis peragrassæ, & cùm ipse in Iuranæ Burgundix montibus amaret totus esse, fecisse desidia suâ, vt Comites tam Prouinciæ, quàm Forcalquerij, per quos vnus illis obstitabat, in id potentia deuenirent, quâ demum Guilelmus (quod ipsum de Rothboldo Guilelmi fratre, Forcalqueriensis Comite dicendum est) post annum nongentesimum septuagesimum primum Prouinciæ dominus sub homagio, vt loquuntur, seu clientelari professione tenuit, & Guilelmo mortuo ceteri Comites. Igitur Pontius de Fossis ei dicebat, vt priore libro numero 29. retuli: *Domine Comes, ecce terra tradita est in manu tua donatione regis, ideo rogamus vt iunctas terminos inter oppida, & castra.* Et Rothboldus Guilelmi frater anno 1201. concedens monachis Montis Maioris villam, quæ nuncupatur Pertus, quæ sita est in regno Prouinciæ, &c. addebat, qui mihi ex præcepto Regis, ex tabulis (quas tum vocabant præceptum) à rege scriptis, quod ipsum ego quidem intelligebam de reliquis vrbibus Forcalqueriensis Comitatus. Iam cùm Bosonis ante Guilelmum & Rothboldum filios Comitis potentia cresceret, Vrsus Lurio munitissimæ arcis timens adierat regem, & ab eo chartam abstulerat, quâ ipsius, & ceterorum Sistaricensis ecclesiæ bonorum possessio firmior Episcopo certiorque fieret. Ea sic habet.

³ *In nomine sanctæ & indiuiduæ Trinitatis Conradus Dei gratia rex. Si quis nos iustus postulat petitionibus, dignum & rectum est, vt ei impendere curemus. Quapropter*

propter nouerit omnium fidelium nostrorum industria, presentium scilicet & futurorum, qualiter quidem venerandus episcopus nomine Vrsus, nostram regiam adiit excellentiam, ac humiliter deprecans, ut tale ei dedissemus priuilegium, quod per suam diocesim Sistaricensis ecclesie in honorem sancte Dei genitricis Marie, & S. Thyrsi martyris constructa, sub omni integritate quiete leniterque quiniisset possidere. Cuius petitionibus conquiscentes, & aures nostre beneuolentie accommodantes, hoc quod precatum est indulgnus atque concessimus, hoc est castrum de Lurs, & quidquid ad predictam ecclesiam, siue ad illa sancta loca iuste ac legaliter pertinet, vel pertinere uidetur, cum ecclesiis, villis, castellis, mancipiis utriusque sexus, omnia in omnibus cultis & incultis, vestitis & desertis, que sitis & quarendis, & omnibus illis que ad eandem ecclesiam dependere solent. Ea però ratione ut nullus Comitum, vel Baronum, seu aliarum personarum regni nostri illum prelibatum episcopum, siue successores suos inquietare vel calumniare presumat. Et si aliquis, hoc nostre firmitatis priuilegium, aliquà temeraria proteruitate violare presumpserit, sciat se indignationem nostram incursum, & ab omnibus regni nostri episcopis perpetuo esse anathematizatum, & in nouissimo die omnipotenti Deo rationem redditurum. Sanè ut hæc nostra autoritas stabilis inconcussaue nostris, futuriisque temporibus permaneat, & a nemine unquam frangatur vel violetur, manu propria subscripsimus, & de nostro sigillo subtus sigillari mandauimus.

Signum domini Conradi regis.

Ego Rodulfus ad vicem Becoldi episcopi, atque archicancellarii recognoui. Actum octauo idus Aprilis, anno incarnationis Domini DCCCCLXVII. anno XXVII. regnante Conrado rege. Actum Arelatenſi ciuitate feliciter. Amen.

Atque ita quidem Conradus rex. Voces autem illa, quibus asserit Vrsi priuilegium, per quod suam diocesim sub omni integritate quiete leniterque quiniisset possidere, non inuidenter affirmant episcopum ecclesie sue bonorum integritati, maximèque Lurio, munitissimæ arcis, timuisse non à quocumque aduersario (ut Saracenos non cogites, qui totis regionibus agros populabantur) sed ab eo cui rex dominabatur. Quis verò in illa Prouincie vastatione poterat iniuriam ei inferre, Luriumque ab episcopi seu dominatione, seu manu & custodia auellere, quàm Comes, qui cum ab arbitraria pro Conrado rege administratione eiusdem Prouincie, ad perpetuam sub eo ipso feudalemque anhelaret, magnas à publica per Saracenicum bellum re causas habebat occupandi, eiectionis dominis, non Lurium vnum, sed alia passim castra, oppidaque, & per obnoxium, quem specie ab hostibus timoris, imposuisset militem, sibi habendi, seruandique?

Et hoc quidem sapientissimus antistes in Sistaricensis ecclesie usus fecerit. Burellanus scriba tradit vnum aliud eo ipso Conrado rege in Canagobienſe monasterium contulisse. Dedit illi decimam, inquit, de villa Patrois, cum ecclesia S. Petri ibidem constructa, que ad ecclesiam suam pertinebat, & donauit ibidem territorium de villa Anſe, & Abuses, & terram Cafemalis, similiter cum ecclesia S. Michaëlis. Annus donationis ignoratur: Conrado piissimo rege facta dicitur.

Post Vrsi Frondonus mihi quidem sedisse videtur, & post Frondonus Durandus. Hic sedere desit anno Christi millesimo trigesimo, ut docebo postea. Cum ergo Ioannes tertius, sedere desierit sexto & sexagesimo

post nongentesimum, tres episcopi, Vrsus, Frondonus, & Durandus dicantur posuisse in episcopatu annos quatuor & sexaginta. Verum singulis suum annorum numerum tribuere non possum. Ut enim fatear quod est, antiquissimæ chartæ tradunt Vrsum sedisse anno nongentesimo sexagesimo septimo, ut modò vidimus; & Durandum millesimo trigésimo, ut statim videbimus: quo autem anno & hic & ille sedere desierint; & quis sederit singulis, qui tres & sexaginta inter vtrumque sunt anni, nulla mearum chartarum habet. Non alium lego quàm Frondonum, qui inter Vrsum, & Durandum sedisse dici queat: sed neque ad hanc diem occurrit plurimum querenti charta, quæ eum asserat tum sedisse. Tota igitur ista res nititur coniecturis, quæ tamen non omnino leues in maximo tabularum &

Frondonus.

scriptorum silentio censenda sunt. Igitur Frondonus, siue Frontonius (quem intuenio Frondonem quoque, & Frontonem, appellatum esse ac Frontum; sicuti Bernonem, qui Bernus & Bernardus est; atque Niunem, qui Niuardus) putetur eos omnes annos sedisse, qui Vrsum inter ac Durandum episcopos fluxere, ignoto illi numero. Magnam celebritatem ex eo habet, quòd Forcalquerienses canonicos inuenerit, autore Bertrando sistaricensi episcopo, aut vnos ut nonnulli volunt, aut cum Sistaricensibus, ut ego magis teor. Cur illos inuenerit, non addit Bertrandus. Si quid in re prorsus obscura coniecere licet, putabam inuenisse suadente Rothbaldo Forcalqueriensi Comite. Facile cogitatu est, postquam Forcalquerium & munitissima arce potens fuit, & S. Mariæ corpore venerandum, sed deque augmentum principis, reliquâ Prouinciâ Vvilelmum fratri à Bosone patre, sic volente Conrado rege concessâ, voluisse vt quæ sacrarum ipsius ædium princeps erat, nihil deberet vlli Comitatus sui templorum. Non potuit episcopum in illa constituere: quod potuit, fecit vt Frondonus episcopus, cum Sistarici constituerebat canonicos, canonicos etiam Forcalquerij constitueret, atque ex his & illis vnum componeret collegium, ac iuberet vtriusque vrbis singulos Sistaricenses simul & Forcalquerienses esse, dicensque. Ita episcopum sibi quadamenus habere videbatur Forcalquerij, cum in eo ipsius collegij canonicos haberet. Suppar aliquid Frondono fecisse postea Amedeum Rossilionæum tradidi libro 3. de rebus gestis Valentini & Dionsii episcoporum numero 4. iussit enim vt canonici Valentini essent Dionsii quoque, & qui Dux etiam haberentur etiam Valentini. *Forcalqueriensis & Sistaricensis ecclesia*, inquit Bernardus, *vna fuerunt ecclesia, & ab episcopo Frondono sedecim canonici in vtrâque ecclesia suere constituti.* Quis, & quas ob causas diuiserit ambas ecclesias, & earum canonicos, dicam postea. Nunc expende tu mihi voces illas, *sedecim canonici in vtrâque ecclesia suere à Frondono constituti.* Ex de solis Forcalqueriensibus canonicis intelligi non possunt, sed etiam Sistaricenses complectuntur, omninoque affirmant nullos Sistarici, Forcalquerij nullos ante Frondonum canonicos extitisse, atque Frondonum & hos, & illos inuenisse. Si vis canonicos ante ipsum fuisse Sistarici, & hoc vnum de illis à Bertrando dici, quòd qui in eo iam erant, sedenario cœruerit numero, certè non habes cur neques istud vtrumque de Forcalqueriensibus canonicis, atque non potes asserre qui eos constituerit primus. Sed quid fugis fateri Frondonum esse, qui Sistaricenses quoque inuenerit? Leirardus Carpentoractensis antistes anno nongentesimo octogésimo

octogesimo secundo canonicos suos instituit, & Teudericus Aptensis suos nouem post annis. Frondonus utrique præsuli æqualis, & propinquus, quare negabitur imposuisse ipse quoque canonicos Sistaricensi ecclesie, ab eo maxime qui asserit in Forcalqueriensi illos constituisse, qui vnum in collegium cum Sistaricensibus coirent? Abs dubio cum Frondonus episcopus, ad aliorum proxime episcoporum exemplum canonicos excitabat Sistarici in sua basilica, Rothboldus comes voluit, ut Forcalquerij etiam in ecclesia, ut ita loquar, sua, siue in templo urbis toto Comitatu, qui non Sistaricenses, sed alios etiam episcopo suo insignes populos comprehendebat, principis, canonicos esse iuberet: atque, ut nihil contentionis inter hos & illos de dignitate esset, cum Forcalquerienses sede principis, episcopi sede Sistaricenses gloriarentur, suasisit Frondono, ut vnum ex utrisque collegium componeret. Forcalqueriensesque etiam esse iuberet, qui Sistaricensi famularentur ecclesie, & Sistaricenses quoque, qui Forcalqueriensem haberent ecclesiam. Arbitrabar ergo utrumque hoc factum esse ab episcopo sub annum millesimum. Certè Rothboldus legitur peruenisse ad quintum à millesimo; atque, ut de donatione vniuersi Comitatus Forcalquerij ab rege, nihil ad hanc diem in veteribus chartis inuenerim, cum donabat anno millesimo secundo Pertusium Monmaioresibus monachis, asseruisse illud ad se ex *precepto regis* pertinere, ut monui numero 2. Quis verò suis seu Sistarici, seu Forcalquerij canonicis leges Frondonus dederit, non inuenio. Videtur ipse à Sistaricensi sede ad Aquensem promotus, & ille esse Frondonus archiepiscopus, qui anno millesimo trigésimo Sistaricum Durando episcopo venit. Aribertus 8. Promasio cogitabat sacræ adem vngere. Putabam qui ante Durandum Sistaricensis antistes fuisset, eò pro antiqua consuetudine vocatum venisse. An Ariberto fuerat operis etiam olim ipse autor, cum sedebat Sistarici? Vt cumque hæc habeat, in Sanuictorino ad Massiliam tabulario grande volumen membraceum est, cuius paginâ centesimâ quinquagesimâ habetur charta *domno Frondone episcopo Sistaricensi* obsignata sine anno quidem & die, sed quæ eam sequentes tabulæ suum præferunt tempus, obsignatæ feruntur anno post millesimum trigésimo, ut existimare possis illam ante trigésimum (quo Durandus Sistarici sedebat) vno aliquo anno scriptam esse chartam à Frodone, seu Fródono, aut Frondono.

Quid hoc quoque non adiungam? An hic Frondonius est ille Episcopus, qui anno 999. interfuit donationi Mironi & Odilæ apud Ioffredum in Nicæa pag. 158. Certè Raimbaldus Odilæ filius emit episcopatum Sistaricensē Petro filio, ut postea videbimus; igitur est quòd putemus & Sistarico, & Sistaricensi Episcopo tum Frondono fuisse aliquid, cur Frondonus interesset aliquando seu Mironis, seu Odilæ rebus. Vt cumque hoc habeat illo ipso anno trigésimo post millesimum Durandus sedebat Episcopus, sed eo ipso aut extremam obiit diem, aut episcopatu cessit. Nam lego Petrum & eo, & trigésimo secundo sedisse, igitur omnino post Durandum. Sed lego etiam Geraldum sedisse anno trigésimo primo, & ambo annis quoque consequentibus habitos pro Sistaricensibus episcopis. An ergo Geraldus, & Petrus de Episcopatu contendebant, & eorum quisque dicebatur (ut fit) Episcopus, seque ipsi ambo ferebant pro episcopis? Ecce chartas, ex quibus annos vtriusque antistitis memoratos accepi. Petrus anno millesimo trigésimo

mo dat Orbazacam, in Nicensi Comitatu sitam, Sanuictorinis monachis, eâ chartâ, quæ in illo grandi membranco ipsorum volumine, quod numero 8. memorabam, exscripta est. Scilicet vir clarus gente, & opibus potens, vtpote filius Odilæ, quam Guilelmus 1. Prouinciæ Comes ex Adalaxe seu Adelaide genuerat, latè dominabatur in proximo quoque Venciensi Comitatu, vt ex modò dicendis intelligetur. Anno trigésimo primo, Geraldus interest donationi rerum nescio quarum Sanuictorinis monachis à Guilelmo Bertranno Prouinciæ Comite. Anno trigésimo secundo Petrus cum Leotgerio patre, & Odila matre, atque Raimbaldo & Rostagno fratribus, dat monasterio S. Verani *que sunt in Comitatu Venciensi, in territorio de castro quod cognominatur Cagna, in vineis, campis, hortis, velatis, terris cultis & incultis, pratis, siluis, & garriciis, arboribus pomiferis & impomiferis, montibus, vallibus, aquis, aquarumque decursibus, cum omnibus finibus earum.* Chartam donationis habes in Chronologia Lerinensi pagina 364. Fateor equidem Petrum in ea vocari episcopum, neque addi quòd Sistaricensis fuerit: sed pagina 366. in charta quâ Raimbaldus & Rostagnus Petri fratres, ignoto post anno dant eidem monasterio ipsum locum eius *cum ecclesiis in eo constructis*, dicitur *dominus Petrus Sistaricensis episcopus*. hoc afferro vt videas falli Boucheum in historia Prouinciæ, cum ait hunc Petrum fuisse Venciensem episcopum. Et verò Durantus electus est in episcopum Venciensem an. 1005. 7. idus Decembris ex Lerinensi chronologia pag. 363. & anno 1050. adhuc sedebat Venciæ ex pagina 366. Anno trigésimo quinto Geraldus celeberrimam scripsit chartam in hæc verba. *Ego Geraldus gratia Dei Sistaricensis Episcopus consilio & voluntate domini Guilelmi Bertranni Comitis Prouinciæ, & Comitissæ suæ vxoris, domini etiam Berengarij filij Berengarij Vicecomitis Sistaricensis, suæque mulieris Asselane, dono ecclesiam principis apostolorum Petri, quæ dicitur Fontelaneæ, omnipotenti Domino, ac S. Victori martyri. Facta hæc donatio anno millesimo trigésimo quinto.* Anno quadragésimo Petrus Sistaricensis episcopus, interest vnctioni Sannictorinæ ad Massiliam basilicæ à Benedicto Pontifice Romano, vt docet Benedictus ipse in literis de ea scriptis. Anno deinum quadragésimo quarto, Geraldus Sigistericensis episcopus interest donationi ædis sacræ in Forcalqueriensi agro, Sanuictorinis monachis, à Bertranno Prouinciæ Comite. Res in omnem partem illustis: ignota fere omnibus est, ipsis etiam Forcalqueriensibus: placet ergo eam fusiùs edisserere. Promasius Abbas, ignotus mihi vir, magnum sanctitatis nomen quondam habuit, in modico Forcalqueriensis agri pago. Igitur anno millesimo trigésimo, vt referebam numero 8. cum Aribertus, Lenuldis Ariberti vxor, & Gerardus, Gauterius, Petrus, ac Pontius filij, monitis & suasionem (vt arbitrabar) Frontonis & Durandi, Sistaricensium deinceps episcoporum, excitassent ei templum, dederunt in *sponsalium* (vt ferunt tabulæ) *Semodiatam de vinea, & aliam terram*, & indixerunt ipsius vnctionem ad diem decimum quintum calendas Octobris. Sponsalium vocabant, quæ vulgò dicitur dos. Non multos annos sua integritas templo constitit, an ob tenuitatem dotis ab Ariberto constitutæ? instauratum est (clade scilicet acceptâ) & amplissima dote instructum à Bertranno Prouinciæ Comite. Anno millesimo quadragésimo quarto Bertrannus Marchio siue Comes (sunt verba tabularum à principe scriptarum) *tactus à diuino amore, & cupiens restau-*

rare locum in Comitatu Sigistorico situm, territorio castelli quod nominatur Forcalquerium, in honore S. Promasij consecratum, &c. dat ei locum, atque ecclesiam cum burgo (inquit) & terris quæ sunt mea possessionis. Bertrannus se dicit Guilelmi filium, Guilelmus vero, & Gaufridus eius filij se dicunt *Comites seu Marchiones* Prouinciæ. Interfunt donationi Ismido Ebredunensis Archiepiscopus, Petrus Archiepiscopus Aquensis, Stephanus Episcopus Aptensis, Franco episcopus Carpentoraënsis, Petrus episcopus Vafensis, Vdolicus Tricastrensis episcopus, Geraldus episcopus Sigestericensis. Hæc Promasio sacra ædes etiamnum stat. Burgum iam desit esse diu, per bellorum scilicet (vixit) iniuriam. Eius vestigia putabam, quæ circum Promasij basilicam supererant non ita pridem rudera. Bertrannus sese appellat *Comitem seu Marchionem* Prouinciæ, quia præter Comitatum Prouinciæ, Alpibus, mari, Druentia, Rhodano comprehensæ, vt aduertit libro 2. Manualis numero 21. multa trans Druentiam, quæ à Forcalquerij Comitatu ad Maram vsque pertinent, nomine marchionatus vocitata possidebat. Igitur de illo marchionatu ad Sanpromasianæ adis instaurationem venerunt etiam episcopi Carpentoraënsis, Vafensis, & Tricastrensis. Sed hæcenus occasione à Geraldus annis acceptâ dixerim de Promasiano ad Forcalquerium templo. Vides Geraldum, ex charta de restitutione illius à Bertranno Comite scripta, sedisse Sistarici anno millesimo quadragesimo quarto. Quoniam sedebat annis etiam primo, & quinto post trigessimum, atque Petrus trigesimo secundo post trigessimum, & quadragesimo, neque est cur tot Petros, & Geraldos inducamus, quot retulimus annos, profectò Petrus vnus, & vnus etiam Geraldus, videntur se pro Sistaricensi episcopo, gessisse ab anno trigesimo post millesimum, vsque ad annum saltem quadragesimum, quo Petrum Massiliæ fuisse vidimus. Quæ causæ id fecerint non lego. Certe de episcopatu fuit contentio. Sed aduerto, Geraldum in ipsa Sistaricensi diocesi ab omnibus constitui chartis quas attuli, & extra illam Petrum, maximo argumento illum causâ superiorem fuisse, certè ad vulgus; an per simoniam, vt intelligi potest ex Bertrandi verbis episcopi, quæ afferam numero sequente? Neque miraberis Petrum, Geraldo rem episcopalem per Sistaricensem diocesim agente, obtinasse in episcopi nomine, etiam Massiliæ coram Benedicto Romano Pontifice: Vrbanus de Miolans per annos omnino viginti accepit sibi nomen Valentini episcopi, etiam in Lateranensi Concilio, vt aduertebam libro 4. de Valentinis episcopis num. 23. 24. & 25. cum Gaspar Turnonius funderet Valentini, & episcopatum quietè sapienterque regeret. Animos abs dubio faciebat gens è qua ducebat originem. Odilla mater, amita erat Guilelmi Bertrandi per illos annos Comitis Prouinciæ, per quos ipse gerebat episcopatum; Eo ipso anno quarto & quadragesimo supra millesimum Geraldus sedere desisse videtur. Bertrandus eo nomine secundus antistes facit vt ita sentiam. Docet episcopatum vacasse annos à Geraldus episcopatu septendecim, ac demum iis elapsis Geraldum Caprerium, ex Nicolai Pontificis Romani mandato, illum iniisse. Scilicet sexagesimus primus, quem Nicolaus vltimum in pontificatu habuit, est decimus septimus à quadragesimo quarto. Quas autem ob causas Sistaricum sine antistite fuerit adeò longum tempus, tradit ille ipse Bertrandus. Episcopatum vendiderat Raimbaldo aut Geraldo episcopus, aut Geraldo

Q mortuo

mortuo canonicorum collegium; id enim obscurum est. Ergone episcopatum vendiderat? omnino. Miraris? uxorem etiam publicè Geraldus duxerat, domique habebat, & ante Geraldum alius fortasse quis. Quid verò episcopatum non vendiderit quem forsitan emerat? *Episcopi Simoniaci erant vna voce*, inquit Bertrandus de Sistaricensibus episcopis, *vxorati publicè*.

- 15 Neque hæc scelera vni suscipiebant. Audi Victorem secundum Pontificem Romanum. Is euehens Viminianum in Ebredunensem episcopum anno octauo supra millesimum quinquagesimum sic loquitur. *Animaduertentes Ebredunensem ecclesiam primò quidem incurfione & peruafione Saracenorum, secundo receptione & possessione transfugarum, & indisciplinatorum, deinde longâ oppreffione pastorum fuorum, immo mercenariorum, & quod peius est, Simoniacâ heresi & occifione debacchantium prostratam, &c.* Quid ceteros per Prouinciam & alias regiones episcopos afferam? etiam in Normannia Sacerdotes ac summi Pontifices liberè coniugati, vt laici, erant autore Gilberto Crispino in vita S. Heruini: verum pudet foedissimorum scelerum autores sigillatim, & veluti per capita censere. Etiam in Italia vix aliquanti inueniebantur, vt loquitur Victor 3. libro 3. dialogorum, *qui non Simoniacæ pestis contagione fædati, mundi coram Deo præcepta Dominica obseruantes, existerent, &c.* Nonnulli etiam Episcoporum, *verecundiâ omni contemptâ, cum vxoribus domo simul in vna habitabant.*
- 16 Si petas quis fuerit qui Sistaricensem episcopatum emit Raimbaldus, sic habeto. Raimbaldus; seu Raimbaudus, aut Ragobaldus, (omnibus istis nominibus appellatum inuenio) à Burellano scriba dicitur miles valde diues, & potens, frater Mironis Vicecomitis, sub. Sistaricensis; nam cuius alterius vrbis quam Sistarici, vicecomitem sine omni additamento vocauerit, agens de Sistarici turbis: Frater autem Mironis ex matre tantum fuit, patre scilicet Mirone nati, cum Raimbaldus Leogerium seu Leodegarium patrem habuerit. Odila quippe vtriusque mater primùm Mironi nupsit, & post Mironis matrem Leodegario. Ante Mironem inuenio Berengarium Sistaricensem Vicecomitem natum Berengario patre: sed quis, & quibus parentibus genitus fuerit hic Berengarius, non inuenio; neque etiam lego quo factum sit iure vt post Berengarium eius filium Miro Raimbaldi frater, fuerit Sistarici Vicecomes. Vt cumque hoc factum fuerit, Raimbaldus seu Ragobaldus, alterum etiam fratrem habuit, nomine Rostagnum, ex Sanpontiani ad Niciam monasterij tabulis, vt statim referam. Viuebat anno etiam millesimo sexagesimo secundo, vt intelligitur ex chronologia Lerinenfî pagina 367. vbi cum probasset anno 1150. donationem monasterij S. Verani à Pontio Abbate Lerinenfî monasterio. Legitur illud etiam ipse anno 1162. nescio quas ob causas donasse. Cetera Rogobaldi me latent. Emit ille anno 1144. *Episcopatum Sistaricensem filio suo paruulo, qui postea factus fuit episcopus Vafionenfis*, inquit Bertrandus episcopus. Is patre melior, anno millesimo quinquagesimo nono largitus est abbatiam SS. Victoris & Petri Sanuictorinis ad Massiliam monachis, sitam in loco qui nominari solet *Grafello*, vt ferunt Sanuictorinæ chartæ: & anno 1073. castrum quod nominant *Drappo* Raimundo Nicienfî episcopo, vt refert Iofredus ex donationis tabulis in Nicæa parte 2. numero 20. subscripserunt Leodegarius, Rostagnus, Bertrannus fratres. Atque anno 1078. plures ecclesias cum suis villis monasterio S. Pontij ad Nicæam, vt idem Iofredus recitat ibidem numero

mer 22. cum Leodegario ac Rostagno fratribus , & Raimbaldo ac Leodegario & Rostagno filiis Rostagni patrui. Petrum tertium ego vocavi, cum disputabam de Valionensibus episcopis libro 2. numero 5. & 6. Miro etiam Ragobaldi frater anno millesimo quinquagesimo nono, iisdem Sanuictorinis tradidit villam nomine Contenes in Prouincia Cimeliensi, seu Nicienſi, utroque enim nomine episcopus eius post annos etiam centum appellatus est à Romano Pontifice.

Quanto autem Sistaricensis ecclesie damno Raimbaldus Episcopatum 18 emerit Petro paruulo filio, accipe à Bertando Episcopo. *Geraldus Caprerius in charta sua*, inquit, *satis simplicitus verbis narrat, quomodo ante ipsum ita fuit destructus, culpa laicorum, & Episcoporum Sistaricensium, Episcopatus, quod nec etiam una gallina remansit. Et fecit hoc maxime quidam nobilis homo, Ragobaldus nomine: fecerunt hoc impij Marchiones ante, quorum nomina dicit deleta esse de libro vite.* Burellanus scriba rem ex aliis veteribus chartis explicatius tradit. *Miles Raimbaudus cum militibus suis, & cum Comitissa Adalaixi Forcalqueriensi, inuasit omnem honorem Episcopalem. Raimbaudus vendidit, milites emerunt, & sic destruxerunt episcopatum, ita ut vix Episcopus in eo posset requiescere vel una nocte.* Adalaix, quam memorat, est Adelais comitissa Dienſis, vxor Guilelmi Forcalqueriensis Comitis, & mater Bertrandi post patrem Comitis quoque Forcalquerij. Qui fuerint illi impij Marchiones, non ita facile dictu est. Putabit fortasse aliquis fuisse Bertrandum, Gaufridum, & Guilelmum Adelaidis filios, qui ut Comites, sic etiam Marchiones vulgo vocitabantur. Ego magis arbitrabar fuisse Sistarici dominos, lego quippe eos multa mala, & facinora contra ecclesiam Sistaricensem fecisse: de Adelaidis vero filiis nihil tale inuenio. Quia Sistaricenses domini aliquando suis de sceleribus doluerunt, & Geraldo Caprerio postea Episcopo fecerunt satis, rem fulius exponam, cum de hoc antistite, & Episcopatus institutione dicendi locus erit. Nunc addo fratres fuisse tres, Petrum, Rostagnum, & Pontium. Neque opponas Sistarici dominos, ut Vicecomites fuerint, non tamen dictos esse Marchiones: hos autem, non illos Episcopatum perdidisse. Enimvero si vocem spectas, Marchio est marchæ (seu Getmana, seu Franca, Gallicæ, vox limitem significat) præfectus. Limitaneum seu ducem, seu Comitem dicebant Romani. Quia verò tum inuenta est vox, cum Comes duce, minor regebat imperij limitem, Marchio appellatus est, quem limitis Comitem Romani dicebant. 4. *Carolus enim Magnus, ut loquitur Sigonius libro 2. de regno Italix, regni limites, atque oppida Comitibus administranda commisit. Limites marchas vocabant: marcharum Comites, ac Marchiones dicti.* Cum Sigonio sentit Pancirolus ad caput 139. Notitiæ Orientis imperij. *Germani principes, inquit, oppidorum que in feudum concedebant, Comites dixerunt; in limitibus verò constitutos, Marchiones. Hæc vox eorum lingua limitum præfectos significat, March enim ipsi limitem vocant.* Ut verò aliarum quarundam vocum, ita etiam huius significationem tempus mutauit, & Marchio neque limitis præfectus, & alius à Comite demum habitus est; atque illo nunc superior, nunc inferior. Nam ut cetera taceam, & non discedam à Prouincia nostra, nemo est Forcalqueriensium Comitum, qui Prouinciæ

Comite inferior, utpote eius principio frater ætate minor, tum consanguineus gradu inferior, ac demum aliquando cliens, se Prouinciæ marchionem non dixerit: Hugo autem Arausicanorum primogenitus dominorum, ut se Rogone fratre Comite superiorem significaret, marchionem appellabat, quemadmodum legere est in tabulis, quibus Landonis episcopi continetur electio. Existimabam ergo Sistarici dominos, qui se non Comites, quamuis Sistaricum fuisset olim Comitatus caput, sed Vicecomites, quia sub Forcalquerij Comite supremo principe dominabantur vrbi, dicebant, acceperunt se aliquando Marchionis nomen; & Petrum Rostagnum, ac Pontium fratres, illos esse, quos Bertrandus secundus vocauit impios marchiones. Sed ista hæcenus: accedamus ad ea quæ eadem episcopatus consecuta sunt, & videamus quis eum restituerit.

22
Geraldus.
2.
Caprerius.

Geraldus Caprerius Olcij Delphinatum (quos nunc dicimus) ortus, canonicorum Ordinem inuenerat, & omni virtutum genere in maximæ sanctitatis nomen illis temporibus inclarescebat: igitur ad id operis peragendum electus est. Suorum Præpositus sociorum venerat Auenionem ad Concilium, cum episcopis, & abbatibus, & Patres eius sanctitate morum adducti sunt ad episcopatum renitenti commitendum, qui præsulum simoniâ, matrimonioque pollutus, antistitem postulabat omni virtute præstantem. *Electus est Gerardus Caprerius*, inquit Bertrandus episcopus, *apud urbem Auenionensem in Concilio magno, quod ibi celebravit cum omnibus episcopis totius Prouinciæ Hugo Cluniacensis abbas, fungens legatione domini Nicolai secundi, ad quem à prædicto Legato missus iam dictus Geraldus, in episcopum fuit consecratus.* Cur ad Nicolaum Pontificem Romanum ab Hugone Legato Geraldus missus fuerit, chartæ omnes meæ tacent: sed ita fere tum fiebat. Viminianus paucis antè annis ad Victorem iuerat vngendus in Ebredu-nensem Archiepiscopum: Hugo quoque Lugdunensis camerarius ad Gregorium septimum, vngendus & ipse in Diensem antistitem. Sed audi Hugonem Clauiniacensem in Chronico Virdunensi. *Hugo Diensis episcopus celebravit & septimum apud Auenionem Concilium, in quo depositus est Achardus Arelatensis inuasor, & electi sunt Gibilinus in Arelatensem Archiepiscopum, Lan-telmus in Ebredu-nensem æquè Archiepiscopum, Hugo in Gratianopolitanum Episcopum, Desiderius in Canalicensem, quos post expressionem Concilij secum duxit Romam: & consecrati sunt à Pontifice.* Nicolaus de Geraldo quem in episco-

23
pum vnixerat, multis ad Sistaricenses scripsit. Et alia, & quæ sequuntur habent eius literæ. *De reditu verò ecclesiæ, vel oblatione fidelium, quatuor faciat portiones: quartam vnam sibi retineat, alteram clericis officiorum pro sua sedulitate distribuât, tertiam verò pauperibus & peregrinis, quartam verò ecclesiarum fabricis no-uerit obseruandam.* Hæc attuli, ut videas clericis, non omnibus, sed iis tantum qui officiorum dicebantur, iubere Nicolaum ut Geraldus, pro ceterorum scilicet toto Christiano orbe episcoporum more, provideat. Officiorum verò clerici dicebantur, & canonici & ceteri qui ministrabant ecclesiæ. Nicolai literas proculdubio abiecerunt Sistaricenses, pergit quippe Bertrandus: *Geraldum Roma redeuntem, ut ipse narrat, Sistaricenses non permisit transire per ciuitatem suam.* Cur non permisit? Si quid coniectura licet assequi, Petrus, Rostagnus, & Pontius fratres, domini Sistaricenses, Episcopum vrbe accipere noluerunt, cuius & alia, & decimas per im-

portunum

portunum facinus sibi acceperant, habebantque. Sed canonicorum etiam scelere exclusum vrbe fuisse, ego quidem non dubitabam. Certè non Raimbaldo episcopatum & occupanti, & per plures annos vastanti intercesserant; non tergeminis fratribus Sistarici dominis, & alias episcopi res, & decimas inuadentibus, non denique Simoniacorum & vxoratorum praesulum importunitis ac furentibus ausis.

Caprerius Sistarico exclusus, Forcalquerium iuit, & à ciuibus cum magno gaudio receptus est, quemadmodum Bertrandus episcopus subiungit. Forcalqueriensium pietas duritiem Sistaricensium intregit. Igitur neque multo post tempore Caprerium aduenerunt vrbe. Sed is non inuenit proprium hospitium, ubi posset caput suum declinare, sicuti habent episcopales in libro quem vocant viridem chartæ. Conturbatus verò & contristatus valde, inuenit ibi tres fratres qui dominabantur & possidebant ciuitatem, quorum nomina sunt hæc, Petrus de Sistarico, Rostagnus de Sistarico, Pontius de Sistarico, quibus cum ostendisset necessitatem & inopiam suam, ac destructionem ecclesiæ S. Mariæ, & aliarum ecclesiarum, quarum reditus ipsi possidebant, & contra ius diuinum detinebant; recognouerunt hi tres dicti fratres esse culpabiles, se reddentes coram Deo, & ipsi veniam postulando de peccatis suis, & parentum suorum, fecerunt placitum cum episcopo Gerardo in hunc modum. Noscant presentes, & posteri legentes vel audientes hoc scriptum, quod nos Petrus, Rostagnus, Pontius, fratres, & domini Sistarici, recognoscentes mala & facinora, quæ fecimus contra Deum & Ecclesiam matrem nostram sedis Sistaricensis, quæ in honore B. Mariæ virginis constructa est, atque S. Thyrsi martyris, & contra episcopum, & canonicos ipsius ecclesiæ, in recompensatione malorum quæ fecimus, recipimus terram nostram & honorem quem habemus, vel habere debemus per manum Geraldii episcopi, & Ecclesiæ: & iuramus illi vitam, & membra sua, & castellum quod habemus in Sextirone. Idem autem Episcopus reddidit eis vicem de sacramento, quod non tollet eis castellum, neque hominibus, neque semina per suum consilium, vel per suum consentimentum. Sic Deus illi adiuuet, & sancti sui. Ipsi verò reddiderunt & donauerunt decimas, quas possidebant ipsi, & alij pro illis, iuraueruntque ecclesiæ, & canonicis eiusdem ecclesiæ, qui communia tenere voluerint, quod ipsi defendent iura Episcopi & ecclesiæ, & terram illorum. Sic Deus illis adiuuet, & sancta eius euangelia. Hoc idem iurauit episcopus tenere, & attendere ipsis, & filiis suis. Et si episcopus, Comes, aut Vicecomes, vel aliqua persona, ista omnia supradicta frangere voluerit, fiat ira Dei supra eum & sit, vsque dum resipiscat, & ad emendationem veniat.

Amen. Huc vsque episcopales chartæ. Ex illis videor mihi colligere, quod in superioribus monui num. 19. 20. & 21. tergeminos fratres, dominos Sistarici non autem filios Adelaidis Comitissæ Forcalquerij, illos esse impios Marchiones, qui res episcopi autore ipso Caprerio perdiderunt. Fatentur se decimas sibi accepisse, fatentur mala & facinora fecisse contra ecclesiam & Episcopum. Quid tale de filiis Adelaidis legimus? Numquid etiam longè grauiora Forcalquerij, quæ principis sedes erat, suscepissent, ubi tamen nihil aduersus Episcopum & ecclesiam ausi sunt? Cum magno potius gaudio susceptum Forcalquerij vidimus Episcopum, cum non admitteret Sistarici. Vt hoc habeat, Rostagnus (placet id de Sistaricensium dominorum posteris adiungere) Petri & Pontij frater videtur ille esse Rostagnus de Sextirone, qui testis subscripsit Bertranni Prouinciæ Comitæ donationi nescio

cui Sauictorinis monachis, pro damnis quæ eorum monasterio intulerat: & Guilelmus de Sistarico Venciensis, post tergeminos fratres istos annis centum, episcopus, & abiecto Episcopatu monachus S. Victoris, ex ipsorum genere ortus. Sed quid in rebus omnino ambiguis hæream? certe istos fratres arbitrabar filios non fuisse Raimbaldi, malorum fere omnium & Episcopatus damnorum auctoris, in cuius scilicet filiis, ut plures memorentur, nullum lego Pontium: sed fuisse Vicecomites, aut etiam Comites Sistarici non negabit, qui ad illas ipsorum voces attenderit, *si Episcopus, Comes, aut Vicecomes supradicta frangere voluerit*. Dominum non memorant, qui Episcopum non tacent. Cur eum non etiam proloquuntur, si dominus Sistarici, non erat Comes eius aut Vicecomes? Vide autem quid afferant: *recepimus terram nostram per manum Geraldii Episcopi*. Clientum voces sunt istæ: sequitur ergo, *iuramus illi vitam, & membra sua*. Relegantur veteres homagiorum formulæ, relegantur ipsa homagia, quæ præci scriptores referunt patrono à clientibus præstita: certe hæc omnino eadem verba in ipsis sunt. *Te nec capiam, nec capi faciam: nec membra tibi auferam, nec auferre faciam*: aiebat Moardus Petro Dienfi Episcopo anno septimo & sexagesimo supra millesimum centesimum, ut docui libro 2. de Diensibus Episcopis num. 39. Igitur illata episcopatu damna rependunt homagio terræ suæ, & in Sextirone castelli. Sextiro Sistaricum est: Sestaronem quoque & Sestaticum dixisse vidimus numero 26. Nomine autem *terra sue* tergemini fratres isti intelligunt & eundem Sextironem, & reliqua omnia bona sua, sicuti per *terram episcopi, & Ecclesie*, Lurium atque cetera Episcopi ac ecclesie Sistaricensis bona. Scilicet illis temporibus sæpenumero dabantur ecclesie & Episcopo castra, pagique à nobilibus viris, quæ ipsis ab ecclesia & episcopo restituerentur seruato homagio, ut & libro 2. citato, & aliis locis non semel annotaui. Sed quò euaserint hæc in Sextironem seu Sistaricum, & eius castellum seu arcem iura episcopi, non possum dicere. Profecto non aliud ab isto occurrit ad hanc diem homagium à Sistarici dominis episcopo præstitum.

- 29 Sistarici compositis rebus, non pauca beneficia Capreriis in Forcalquerienses canonicos de se optime meritos contulit. Bertrandus episcopus ea sequentibus verbis proponit. *Seruiti, & beneficij Forcalqueriensis Ecclesie non immemor, tertiam partem Synodi, & tertiam partem sue quartæ partis mortuagij, in omnibus Ecclesijs per inferiorem partem à Malafogassa constitutis S. Mario donauit. Idem episcopus donauit quasdam Ecclesias suas proprias monachis S. Andree, pro ecclesia S. Marie, & S. Sepulcri, quæ sunt in castro Forcalquerij, & donauit eas Ecclesie S. Marij. Inter alias autem Ecclesias quas monachis donauit, donauit Ecclesiam de Manna: sed retinuit in ea Ecclesia S. Marij quartas matrimonij: & canonici S. Marij receperunt à lite, quam faciebant monachis S. Andree de Ecclesia S. Marie de Salagone. Idem Episcopus donauit Forcalqueriensi ecclesie ecclesiam S. Martini de Manuasca, cum omnibus ecclesijs quæ in eadem valde erant, vel fieri poterant, quæ ecclesie S. Martini libere sunt ab omni exactiõne episcopali, sicut ipsa ecclesia S. Marij, excepta solâ quartâ parte mortuagij, quam habet episcopus in ecclesia S. Ioannis, cum hoc non habeat in maiori ecclesia. Sed ante ista omnia Bertrandus docet vnum aliquid fecisse,*
quod

quod prætermittere nec possim, nec debeam. *Bona memoria Geraldus* (inquit) *qui cognominatus est Caprerius*, Forcalqueriensem ecclesiam à Sistaricensi diuifit, diuidens etiam nomina dignitatum inter eas. Post aliqua pergit: *Hic, vt dictum est, canonicos Sistaricenses & Forcalquerienses separauit nominatum, & expressim dignitates inter eos diuidens, & Prepositos in vtraque ecclesia constituens.* Ex istis verbis non ineuidenter intelligitur iussisse Caprerius, vt Forcalqueriensis ecclesia esset cathedralis, seu concathedralis, cum Sistaricensi, quod Bertrandus postea his verbis clarius exponit. *Vtraque ecclesia est cathedralis, & pro sede episcopali habita ab antecessoribus meis.* Iam diuidere Forcalqueriensem ecclesiam à Sistaricensi, non aliud est, quàm, quæ dux ecclesiæ in vnam agente Frondono antistite coierant, eas alteram ab altera secernere, & facere, vt qui seu canonici seu clerici Sistaricenses ac Forcalquerienses in vnum collegium conuenerunt, diuidantur in duo, singulique suis legibus ac iuribus, non aliter quàm locis, ab inuicem seiungantur. Qui ergo Caprerius eas diuifit ecclesias, asseritur diuifisse etiam nomina dignitatum inter ipsas, non quòd dignitatum, quæ in vno ex duobus canonicorum collegio vigeabant, alteram partem Sistarici, Forcalquerij alteram esse iussit, sed quòd suas Sistaricensibus canonicis, suas Forcalqueriensibus dignitates addiderit. Igitur Bertrandus cum dixisset Caprerium *dignitates inter eos diuifisse*, hoc exposuit subiungens, *& Prepositos* (adde, atque alias dignitates) *in vtraque ecclesia constituisse.* Verùm hæc facilia sunt: illud quibusdam videtur difficile, quòd additur, vtramque ecclesiam esse cathedralem, & vt cum vulgo loquar, cum Sistaricensis sit cathedralis, concathedralem esse quæ Forcalquerij est. Aiunt insolens ac inauditum videri, neque facile cogitatu, quòd concathedralis hæc dicitur: neque verò archidiaconum Forcalquerij esse, quò cathedralis ecclesia carere non potest. Hic nolo ego fusiùs de re tota disputare; neque locus id postulat. Hoc vnum assero neque vniuersis cathedralibus suum quondam fuisse archidiaconum, & Forcalquerij suum, qui nescio quo casu exciderit fuisse. Certè chartam Bertrandus secundi, sæpenumero in superioribus à me commemoratam, obfignauerunt e Forcalqueriensibus *Grossus Præpositus, Albertus Sacrista, Guilelmus Archidiaconus, Hugo Præcentor*; Henricus autem Cardinalis Ostiensis, canonici iuris ille scientiâ toto Christiano orbe notissimus, cum e Sistaricensi Episcopo in Ebredunensem Archiepiscopum euasisset, erexit anno sexto (septimum nunc dicimus) & quinquagesimo post millesimum ducentesium die sexta & vigesima Februarij, Ebredunensem archidiaconatum, quo ad illam Ebredunensis, non cathedralis, sed metropolitana caruerat ecclesia, & Hugo Beroardi ab 1218. ad 1232. Archiepiscopus Arelatenfis, suppresso decanatu ædis metropolitanae, anno mihi ignoto instituit archidiaconatum in ea, quò antetioribus sæculis caruerat, atque Ioannes 22. anno 1316. in Auenionensi S. Mariæ ecclesia cathedrali, quæ nullum ad illam diem archidiaconatum habuerat, erexit duos. Addo esse quòd miremur venisse eruditis viris in mentem, non fuisse hætenus concathedrales extra Forcalquerium ecclesias. Adurensis episcopus concathedralem iam olim habuit, & nunc etiam habet in Manerio S. Quiteriæ. Mathæus Paris autem ita scripsit anno millesimo centesimo trigelimo tertio: *Cestrensis episcopus habet tres sedes, Cestrensem, Lichilsfeldensem, Conuentrensem.* Ecce iam olim duas in

in Anglia concathedrales ecclesias, non vnam. Hoc etiam placet addere: Raynerus in disceptatione de antiquitate Benedictinorū in Anglia tract. 1. sect. 1. §. 17. recitat sequentia ex Goduino ad annum 1224. Alexandro Sauenby Episcopo Conuentrensi *lis in curia Romana diu agitata, inter monachos Conuentrienses, & Canonicos Lichfeldenses de iure eligendi Episcopum sic terminata est, vt alternis vicibus eligerent, sed ita vt vtroque tam apud Lichfeldenses, quàm apud suos, Prior Conuentrensis suffragium ferret, idque omnium primum.* Sed ista satis. Ad Geraldum Caprerium reuertamur.

- 34 Quot annos federit nullis lego in tabulis. Sedebat millesimo sexagesimo quinto, ex literis, quibus Cunibertus Taurinensis Episcopus & alia, & à Sabaudia Comite concessa confirmat Nantelino ipsius in Olciensis monasterij fundatione socio, & in monasterij Præpositura successori, quod monasterium (vt hoc addam) anno 1083. Adalgida Comes Suxæ & filia Magnifredi ac Bertæ, & Agnes vxor Petri filij Adalgida dant & alia & nonnullas Ecclesias *Canonicæ S. Laurentij de Martyrio, constructæ in loco vbi dicitur, Vltiū, ex Guichenono in probationibus historię Sabaudia pag. 26.* Geraldus Sistarici sedebat etiam anno eiusdem sæculi quinto & septuagesimo ex literis Gregorij septimi, quæ sic habent. *Gregorius Episcopus seruus seruorum Dei Giraldo Sistaricensi Episcopo salutem, & Apostolicam benedictionem si obedieris. Michael Presbyter Ecclesie Crociensis conquestus est nobis te prefatam ecclesiam, quam ipse iuris S. Petri esse non dubitas, inuasisse, bona eius diripuisse, Presbyteros & clericos cepisse, ac vi contra fas & iura iurare compulisse. Cum verò Ananiam & Saphiram propter propria bona, quæ B. Petro promiserant, & non dedcrunt, mortem incurrisse non ignores, quo instinctu nisi diabolico tantam inuasionem presumpstisti, tantam contumeliam intulisti, tantum sacrilegium in Apostolorum principem perpetrastis? Quapropter Apostolicâ tibi autoritate precipimus, vt perspectis his apicibus, absque omni occasione vel dilatione, prædictam nostram Crociensem ecclesiam expediens, liberam reddas, Presbyteros & clericos absolutos, & omnia quæ inde tulisti sibi restituas, & cum pace & quiete ibi Deo seruire sub B. Petri ditione in tuitione nostra permittas. Si autem te aliquam iniustitiam in præmissa ecclesia habere existimas, ad nos citò cum prælibatis Canonicis nostris venias, vt iustitiam in præsentia nostra recipias. Si autem hoc non feceris, te Apostolica autoritate excommunicandum noueris. Datum Romæ duodecimo calendæ Aprilis indictione duodecima, idest anno Christi millesimo septuagesimo quinto die vigesima prima Martij. Ex istis Gregorij literis vides Geraldum Caprerium voluisse, vt Canonici Crocienses ipsi subiicerentur, quos Romanus Pontifex ab Sistaricensis Episcopi potestate exemerat. Sed ego quidem arbitror virum vitæ integritimum, ignorasse ab Episcopi sui iure exemptos fuisse. Reliqua Caprerij ad me non peruenerunt. Omnem de illo disputationem placet concludere verbis Bertrandi secundi. Tandem Geraldus Caprerius dedit seipsum, & corpus suum Deo, & B. Mariæ sedis, & S. Mario confessori, & B. Thyrso martyri, id. Forcalquieriensi ecclesiæ, & in ea conditorium sibi esse voluit. Quam Bertrandus vocat B. Mariam sedis, est basilica quæ nunc S. Marij dicitur. Inuenio appellatam quoque B. Mariam de mercato. An sedis acceperat nomen, antè in arce quàm templum B. Mario sacrum Canonicos haberet, vt ab Episcopi sede princeps Forcalquierensium Ecclesiarum vocata fuerit?*
- 35

Geraldo Caprerio mortuo sederunt ordine Carolus, Bertrandus, Geraldus, Raibaldus, Petrus, autore Bertrando secundo post Petrum antistite. Sic loquitur: *Geraldus Caprerius sancto Mario donauit, Carolo, Bertrando, Geraldo, Raibaldo, Petro, quinque scilicet episcopis, qui postea ad nostra usque tempora fuerunt, laudantibus.* Igitur Burellanum scribam hic etiam defecit temporum, & rerum quoque ab episcopis gestarum cognitio. Nam longè alia scripsit. Post *Geraldum Caprerium*, sunt ejus verba, *Carolus episcopus ecclesiam Sistaricensem rexit. Post Petrus episcopus antiquus. Post ipsum Frodo episcopus. Post hunc Bertrandus episcopus. Post istum dominus Nitardus. Post hunc Geraldus secundus episcopus. Post ipsum dominus Raimbaudus episcopus. Post hunc venerabilis episcopus Petrus de Sabrano. Post istum sanctissimus presul Bertrandus.* Puto Petrum antiquum malè à Sabranio distingui: hic enim episcoporum primus, quod sciam, tulit nomen Petri. Frodo autem est Frodonus seu Frondonus, quem ante Durandum & post Vrsū sedisse dixi in superioribus: certè ante Geraldum Caprerium sedet, qui Sistaricenses & Forcalquerienses canonicos in vnum collegium compegerat, à Caprerio diuisum in duo posterioribus temporibus. De Nitardo suus fuit in superioribus dicendi locus, scilicet libro 1. numero vltimo. Etsi autem Burellanus exscriptor vera diceret, vides tamen falsum esse, quòd Bernardus ille Sistaricensis episcopus, qui à Guichenono in historia Sabaudia pagina 222. memoratur, fuerit Sistaricensis antistes. Non enim Bernardus, sed alius quis anno 1118. Sistarici sedebat.

Ceterum de Carolo Caprerij successore magnum est in meis omnibus chartis silentium. Carolus de Venasque facit genere Grimaldum, in arbore genealogica & historica Grimaldæ gentis anno millesimo centesimo quarto. Illud de gente nullo asserit autore. Istud de tempore intelligis ex eo falsum esse, quòd Petrus Aquensis archiepiscopus anno millesimo centesimo secundo laudat donationem Bertrandi post Carolum episcopi canonicis sancti Marij Forcalqueriensibus. Quibus verò, & quot annis Bertrandus episcopatum gesserit, etiam non inuenio. Profectò qui post eum Geraldus tertius fuit, sedebat millesimo centesimo decimo. Igitur vt Caprerius quinto post millesimum septuagesimum extremam diem obierit, & Geraldus tertius illo millesimo centesimo decimo episcopatum adierit, Carolus, & Bertrandus, inter vtrumque antistites non sederunt supra quinque & triginta annos, atque Carolus ante centesimum secundum Bertrando locum fecit.

Adelais Forcalquerij Comes, quæ ex Hermengardo conjugè Guilelmo peperit Bertrandi, & Guigonis patrem, concedit anno millesimo centesimo decimo mediam partem Lurij Geraldo tertio antistiti. Hic satis mirari non possum, vnde factum sit vt episcopus eam partem amiserit, qui totum possidebat olim Lurium, ex donatione principum, Caroli magni quidem imperatoris, vt docui libro 1. num. 27. Caroli autem Prouinciæ regis, vt addidi hoc libro num. 3. Perpendenti tamen accuratius mihi funestos episcopatu illos annos, quibus Adelais commissa, Raimbaldus, & tergemini fratres domini Sistarici omnem susque deque verterunt, subit animum cogitare, cum Raimbaldus, & Sistaricensium domini illa facinora edenter impotentes, quæ in superioribus retuli, Adelaidem per

summam, juris nescio cuius specie, & importunam injuriam, sibi accepisse mediam Lurij partem: Certe Adelais filia ipsam Geraldo præsuli restituens, affirmat se eam restituere, cum omnibus illius appenditiis ad eandem partem pertinentibus, sicut in præceptis imperialibus reperitur, evidentiſſimo argumento ab ipsis præceptis, seu chartis, cum ad Adalaidem Comitem, ejusque matrem, agente Geraldo episcopo perveniſſent, factum esse ut illam restitueret antiquo domino, scilicet ex iis intelligens non partem Lurij, ut falso jactatum fuerat. sed totum Lurium episcopo ab Carolo Magno imperatore quondam donatum esse. Sammarthani in Gallia Christiana asserunt istam Lurij partem ab Adelaide

- 39 Geraldo concessam esse Conrado Teutonicorum imperatore, filio Henrici regis. Verum Adelaids ipsius tabulæ docent ab ea tributam esse Carolo, non Conrado, Teutonicorum imperatore, filio Henrici regis. Quis iste Carolus? accipe. Duchesnius libro 4. historiæ Burgundiæ cap. 3. tradit Henrico, cui Conradus successit, Henrici imperatoris à Paschali secundo abrogati filio, fuisse Caroli etiam nomen. Illi tertio capiti facit hunc titulum: *Carolus Henricus eo nomine quintus imperator, rex Burgundiæ, & Arelatis*: Istud verò dat initium capiti: *Hic principio renuntiatus est rex à patre anno millesimo centesimo tertio, sequente autem anno rebellavit, denique transcriptum à patre imperium accepit, cum regnis Burgundiæ, & Arelatis*. Hoc Carolo, siue, ut alij loquuntur, hoc Henrico, cui seu prænomen, seu nomen quoque Caroli datum est, filio Henrici regis, imperatore, Adelais dedit, &, sicut in tabulis ab ea scriptis legimus, reddidit mediam partem Lurij Geraldo episcopo.

- 40 Non est quòd mireris nomen Henrici additum fuisse principio ad nomen Caroli, & consequentibus tamen temporibus, abjecto Caroli nomine, solum Henrici viro perdurasse. Lanibertus Ardensis in Ghisnensium historia par aliquid de Roberto Balduini Ghisnensis Comititis filio aduerit. *Ut temporis erat consuetudo*, inquit, *& adhuc plerumque tenetur, binomius erat: sed suppressa vocationis proprietate, inoleſcente vsus consuetudine, dictus est Manasses, postea Ghisnensis comes*. Ita etiam quem Burgundiæ comitem Glaber Vvilelmum vocat, is Diuioque in epitaphio appellatur Otho Vvilelmus. Et qui Guilelmus Forcalqueriensium ante Forqualquerij cum Prouincia conjunctionem Comitum vltimus, se pluribus in chartis dicit Bertrandi & Iaucerandæ filium. Legimus vocitatum quoque Andream Guilelmum. Sed accipe tabulas, quibus Adelais mediam Lurij partem dedit, seu potiùs reddidit Geraldo antistiti. Eas habet ingens ille membraneus liber Sistaricensis episcopij, quem vocant viridem.

- 41 Diuini muneris examine creditur inuentum, ut apud cunctas gentes Christianæ religionis vnum haberetur decretum, quantum inter donatores, vel venditores iis quibus donant vel vendunt, literale faciant testamentum, ut per ſuccedentia temporum curricula, si aliquid ingruerit aduersum, literalis donatio sit adiumentum, & contra aduersos sibi inuiolabile teneat perpetuum fundamentum. Moderni ergo auctores ista reppererunt, antiquiores non subnixi firmitate pro nihilo habuerunt. Quocirca, pristinis relictis, modernis secutis, ego Adalais Comitissa Fulcheriensis, & mater mea Adalais, & filius meus Vvilel

Vilelmus marchio Prouinciæ, reddimus atque concedimus, & concedendo laudamus Sistaricensi ecclesie, quæ est constructa in honore beate ac gloriose Virginis Mariæ, & eiusdem ecclesie Geraldo secundo episcopo, qui eidem ecclesie autore Deo præest, successoribusque ipsius medietatem illius castri quod dicitur Lurs, quæ à modernis vocata est comitalis, cum omnibus illius appenditiis ad eandem partem pertinentibus, sicut in præceptis imperialibus, seu chartulis, quæ in præfata ecclesia habentur scriptum reperitur: quatenus omnipotens Deus per intercessionem Beate Dei genericis Mariæ, & S. Thyrsi martyris, & gloriosissimi Marij abbatis, & oratione episcoporum prædictæ ecclesie, atque supplicatione canonicorum seu clericorum ibidem degentium, indulgeat nobis debita nostra, & donet vitam atque prosperitatem diuturnis temporibus filio nostro præfato Comiti, & vt memoria patris mei, seu prædecessorum nostrorum in supradicta ecclesia celebretur in vnoquoque anno. Si quis igitur, quod absit, homo nostre progeneri ei, aut cuiuslibet dignitatis, ingenuus vel seruus, surrexerit ad irrumpendum hoc donum, apostolica auctoritate confusus, iram superni iudicis mereatur, partemque suam habeat cum illis qui dixerunt Domino Deo, Recede à nobis, & cum Iuda sceleratissimo inferni pænas patiatur, & insuper..... componat cum..... libr. centum. Et hæc donatio deinceps firma permaneat. Facta charta ista in mense Ianuario, regnante Carolo Teutonicorum imperatore, filio Henrici regis, anno Dominice incarnationis 1110. indictione octaua. Vilelmus Comes, & mater eius Adalais Comitissa, mater huius Adalaidis donationem conscribi fecerunt, cum manu propria firmatam. Adalais comitissa, mater huius Adalaidis donat & firmat. Vilelmus prim..... firmat. Petrus Rodulphi firmat. Vilelmus prim..... Vilelmus Pandulphi firmat. Testes huius donationis hi sunt, Petrus de Aricio, Vilelmus archipresbyter, Lambertus caput scholarum, Vilelmus prior de Salagone. Petrus de Donis scripsit.

Atque hæc sunt Adelaidis tabulæ. Ea se dicit Fulcheriensem Comitem. Quod autem Fulcherium appellat, vocatur Furnum calcarium in magno illo & spisso Sanuictorinarum ex membrana chartarum codice pagina 150. Fons calcarius à Bertrando Comite huius Adelaidis auo, in tabulis quibus Culcæ prioratum anno 1027. fundat, Forcalcarium ab Andrea Delphino in donatione rei nescio cuius Ebredunensi Ecclesie anno 1210. Nos vulgò Forcalquerium vocamus post Bertrandum Comitem memoratum anno 1044. Vnde tanta in huius vrbs nomine varietas? Abs dubio, pagus quondam ignotus, non à multis sæculis surrexerat in urbem, amplissimo nobilem Comitatu, ab Ebredunensibus & Vapincensibus extremis, per Sistaricenses & Aptenses vsque ad Auenionem protenso: igitur alij aliter, vt occurrebat, vocem à vulgari ad latinum sermonem desectebant.

Geraldo episcopo, siue hoc tertio, siue Caprerio, siue etiam primo (hoc enim obscurum est) datum antistiti hominem lego à Riperto, qui Reuestem condidit, pro ecclesiis in eius mandamento fundandis. Quia non alia in charta par aliquid seu debitum Episcopo, seu concessum inuenio in erectione pagorum, iuuat tabulas, quibus res continetur exscribere: neque ingratum lectori fortassis fuerit si eas publici iuris fecerim. Cunctis tam presentibus, quam futuris sit cognitum, quòd dominus Ripertus, qui Reuestem condidit, pro synodali censura, Episcopo Sistaricensi vnum hominem dedit in eodè Reueste, pro cunctis ecclesiis, quæ in cuncto suo mandamento fundandæ erant. Et

dominus Geraldus Episcopus Sistaricensis eundem hominem, scilicet Petrum Martinum, qui sibi quondam datus fuerat in Reuesto, ut presenti domino Feraldo eiusdem loci decano per centum decem solidos in pignore misit, tam ipsi, quam sibi succedentibus decanis, nisi ipse Geraldus pretium supradictum in vita sua reddiderit. Quod si alij sibi in Episcopatu succedenti reseruauerit, centum viginti solidos solui successor nouerit. Et hoc pignus cum Episcopo canonici Sistaricensis laudante domino Feraldo eiusdem loci decano, sibi que succedentibus, scilicet Petrus D....., Vvilelmus canonicus & archipresbyter, Kostagnus Hermenerius, Petrus Diomensis, & ceteri canonici. In praesentia quoque horum testium factum est hoc testamentum. S. Roelanni. S. Petri Auberti. S. Pontij Vvaldalberti. S. Petri Philiberti. Reliqui quoque qui in Reuesto manent, testes existunt, quia in eorum praesentia factum est.

45 Istis in tabulis aduerto duo. Primum est, datum aliquid episcopo, cum Reuestis, seu Reuestum pagus condebatur, pro cunctis ecclesiis, quae in eius mandamento fundande erant. Hoc in aliorum erectione pagorum non lego factum. Nonnihil quidem aliquando muneris concessum est Episcopo basilicam vngenti: sed ut seu basilicae, seu quaecumque alia aedes sacrae possent in vrbe, castrove, aut pago, eorumue agro excitari, non inuenio concessum esse aliquid. Secundum est hominem, id, seruum, eumque solidis centum & viginti aestimatum, Geraldo Episcopo datum esse, cuius pretium in episcopalibus bonis censeretur. Hoc non mirabitur, qui cogitauerit seruos tota Gallia fuisse, in ecclesiis etiam & monasteriis, vsque ad Ludouicum Hutinum regem. Adelaïs Forcalquerij comitissa, ingenuum & seruum esse in suo Comitatu docuit anno 1110. ut vidimus numero 42.

46
Raim-
baldus.

Post Geraldum Raimbaudus, seu Raibaldus, ex Ganagobij priore Episcopus fuit. Quo anno seu cepit, seu desierit sedere, non possum dicere, tantentibus chartis omnibus, quae ad meas manus peruenerunt. De illo vnum lego: ipsius reliqua omnino perierunt; certe nihil prater ea eius habetur in Episcopalibus chartis. Anno incerto emit vniuersa iura, quae Tiburgis de Arausica habebat Lurij, quinque millibus solidorum, & affari Petrarum. *Affare* barbara vox, Latinis fere praedium est. Tiburgis verò de Arausica non Arausicano tantum Comitatu imperitabat, sed etiam per Aptensem, Sistaricensem, Vencientem, & Nicientem, Episcopatus amplissimè dominabatur, ut ex testamento intelligitur, quod anno millesimo quinquagesimo condidit.

47
Petrus
2. de
Sabrano

Raimbaudo successit Petrus de Sabrano, vir gente, pietateque clarissimus anno millesimo centesimo quadragesimo secundo. Burellanus scriba de eo sequentia ex antiquioribus chartis habet. *Multoties visitauit sepulcrum Domini, & exinde attulit multa pretiosa ornamenta, & Sanctorum reliquias, & duas cruces argenteas, & aureas, cum ligno Domini, quarum una est in ecclesia Sistaricensi, & alia in capella Lurenfi.* Sed annos, quibus illud visitauit, non inuenio in episcopalibus chartis. An is ille est, qui Hospitalarios (Melitenenses equites nunc dicuntur) è Syria in Prouinciam deduxit, & Guigoni, quem Guilhelmus Forcalqueriensis Comes genuerat, autor fuit Manualcam ipsis concedendi? Certè tabulis, quibus illam donabat Guigo, Petrus subscripsit Episcoporum vnus; & non facile intelligas à quo alio factum sit, ut ignotos non Forcalqueriensis Comitatu, sed vniuersa Prouincia viros tanto ornauerit munere. Piissimus Antistes Principi aetate florenti, referebat nobiles

biles gente viros, & ægris hospitibus Ierolymis famulari à non multis annis, & aduersus Christiani nominis hostes pugnare. Eos igitur esse, quos qui opibus iuuerit, rem & Deo gratissimam, & mortalibus perutilem faciat.

Vt cumque hoc habeat, cum scriba Guigonis tabulas anno millesimo centesimo quadragesimo nono perfecisset, subiunxit voces quæ sequuntur.

Facta est hæc dispositio in presentia Domini Petri Sistaricensis Episcopi, autoritate cuius & testimonio confirmatur.

Hic ipse Petrus Antistes, anno millesimo centesimo quinquagesimo, mutauit cum Templariis, ecclesiam S. Marie de Olonio Lebrignanæ castro. Anno eiusdem sæculi secundo & quinquagesimo accepit ab Eugenio tertio literas, quibus Pontifex bona sua omnia Sistaricensi episcopo confirmabat, & anno quinquagesimo septimo ab Adriano, qui addidit sequentia. In quibus hæc propriis duximus exprimenda vocabulis. *Castrum de Lurio cum pertinentiis suis: castrum de Lebrignana, quod canonicis Templi Domini voluntate & assensu Guilelmi & Bertrandi Forcalqueriensium Comitum permutasti: Ecclesiam S. Marij Forcalqueriensis cum pertinentiis suis: Ecclesiam de Manuasca cum pertinentiis suis: Ecclesiam de Fontianarum pertinentiis suis: Ecclesiam de Faueriis cum pertinentiis suis: Ecclesiam de Crescent cum pertinentiis suis: Ecclesiam S. Marij cum ceteris Ecclesiis habere dignosceris.*

Anno quarto & quinquagesimo dedit Petro, Montis maioris Abbati, Ecclesiam de Gaianis; accepitque pro ea Ecclesias de Seproniano, & quidquid iuris habebat in eadem villa, seu eius territorio, vt ferunt tabulæ in eam rem scriptæ.

Anno octauo & sexagesimo, interfuit donationi Manuascæ Hospitalariis, à Bertrando Forcalqueriensi Comite. Hanc donationem facio, inquit Bertrandus, & offero super altare S. Petri in Ecclesia domus Hospitalis de Manuasca, in presentia domini Petri Sistaricensis episcopi.

Anno demum incerto, interfuit donationi Luræ Abbati Boscaudonensi, à Fulcone de Alfonticis, & Frefolo, ac Raimbaldo fratribus, & Raimundo Calcio nepote, Aldeberto Valico atque Guilelmo fratre, & Laugerio filio, Aldeberto Bertrando Grauesonio, Guilaumo Monlaurio, Laugerio Alfandi fratre. Videtur extremam diem obiisse anno millesimo centesimo sexagesimo nono, aut eum consequente.

Bertrandus enim, qui post eius mortem sedebat Sistarici, ita de se locutus est. *Facta est charta ista, anno ab incarnato Domino millesimo septuagesimo (ordiebantur annum à die quinta & vigesima mensis Martij) tertio mensis Aprilis, domino Alexandro summo Pontifice, primo anno Pontificatus nostri iam expleto.*

De Petro autem hæc addit: *Cum Petro Sabrano prædecessore nostro, qui viginti & sex annis & duobus mensibus ante nos in Episcopatu sedit.*

Significat Petrum, qui anno illius sæculi secundo aut tertio & quadragesimo sedere ceperat, desisse octauo aut nono & sexagesimo.

Bertrandus secundus vir sanctissimus Burellano scribæ, post Petrum Sabranium Episcopus fit, ex priore Cartusianorum Durbonis, anno millesimo centesimo sexagesimo octauo, vt modò referebam ex eius literis secundo post anno scriptis.

Peruenisse ad tertium illius sæculi & septuagesimum intelligitur ex controuersia, quæ Cartusianis Durbonensibus fuit cum Templariis. Cetera optimi antistitis perierunt, ex tantum literæ sunt reliquæ, quas anno millesimo centesimo septuagesimo pro Forcalqueriensibus canonicis scripsit.

De iis non pauca quæ ad ipsum non spectant, in superioribus sparsim retuli: quæ ad ipsum pertinent accipe. *Ego Bertrandus,*

- inquit, *Dei gratia Sistaricensis Episcopus ad consuetam deuotionem & obedientiam, quam ecclesia S. Marij (est hæc Forcalqueriensis Ecclesia) semper antecessoribus meis exhibuit respiciens, & eorum versa vice, quam in edificanda & exornanda domo S. Marij semper habuerunt, paternam affectionem attendens, omnes Ecclesias, & omnia beneficia ab eis Ecclesie S. Marij & S. Thyrsi Martyris concessa sunt hætenus, cum alijs Episcopis, & nominatim cum Petro de Sabrano prædecessore nostro Ecclesia S. Marij habuit, ita cum omni libertate sua tam in ipso capite,*
- 53 *quàm in subiectis sibi Ecclesijs, laudo, dono, & concedo &c. Antiquas igitur chartas, quæ erant in Ecclesia S. Marij legimus, & relegimus, & licet plura ibi scripta essent, quòd Ecclesia S. Marij & canonici tempore meo (vides canonicum fuisse Forcalquerij ante ad Cartusianos, è quibus in Episcopum euasit, quàm transiret) habebant, & possidebant in pace, laudauimus eis & concessi, in quibus ne futuris temporibus aliqua dubitatio emergat, hæc proprijs duximus exprimenda vocabulis &c. Has omnes donationes Geraldii Capterij, quas enumerauit, laudo. Insuper laudo & concedo ecclesie S. Marij ecclesias vtriusque castrì de Limancio &c. laudo etiam & ecclesiam S. Marie de Ripisaltis, & ecclesiam S. Siffredi, cum eadem*
- 54 *libertate quam habet ecclesia S. Marij. Concedo etiam nominatim ecclesias omnes de vtraque Petrarua cum simili libertate, & ecclesiam S. Stephani de Niozellis &c. & ecclesiam S. Marie de Laudicello, & S. Simeonis, & S. Babyli &c. Cetera omnia quæ hic scripta sunt laudo, hoc specialiter addens, vt Episcopus Sistaricensis sine consilio, & consensu Forcalqueriensis ecclesie non faciat alienationem rerum suarum, vel ea de quibus episcopus debet habere consilium, & consensum à canonicis Sistaricensis ecclesie, cum vtraque ecclesia sit cathedralis, & pro sede episcopali habitu ab antecessoribus meis &c.*

DE REBUS GESTIS

EPISCOPORVM SISTARICENSIVM

LIBER TERTIVS.

1
Bermundus.



- INNO quarto & septuagesimo post millesimum centesimum Bermundus episcopatum, adiit, vir magnus corpore, & genere, de Dominis Andusie, canonicus Magalonensis, vt loquitur Burellanus scriba. De Bermunda gente dixi libro 3. de Viuariensibus episcopis num. 42. & 43. atque libro 3. de Valentinis num. 50. Putatur ab eo descendisse Bermundo, quem Adreualdo autore Carolus Magnus præfecit Aruernis Comitum. Sic loquitur libro de miraculis S. Benedicti cap. 18. *Ob Francorum suspectam fidem, quam semel in coniuratione Pipini naturalis filij, quibusdam seruorum suorum fisci debito subleuatis, curam tradidit regni, atque imprimis Rahonem, Aurelianensibus Comitum præfecit, Biturigibus Sturminium, Aruernis Bermundum, alijsque, vt ei visum est, locis præposuit.* Seruos appellabat Carolus, quos Franci armis subegerant, ex Bessio in historia Comitum Piëtanienfium cap. 1.
- 2 Ab hoc Bermundo ducta gens, familias in plures scissa est; neque illarum vltima fuit Andusiana: ex ea ortus, quem nunc loquimur, vir, è Magalonensi canonico euasit in episcopum Sistaricensem. Ante in ipsum quam vngeretur,

retur, fuit ei contentio cum canonicis Templi, de ecclesia S. Mariæ de Olonio, quam anno millesimo centesimo quinquagesimo, Petrus ante Bermundum episcopus mutauerat Lebrignana castro, vt docui superiore libro n. 48. Quoniam tabula, quibus per Aptensem episcopum sopita fertur, omnem exponentes ad me peruenerunt, eas excubere visum est. Vt aliud non sit, ex ipsis intelligere licet nullâ Bermundi culpâ factum esse, vt Lebrignana, quam Adrianus Romanus Pontifex superiore libro nuni. 48. numerabat in Sistaricensis episcopi bonis, ad canonicos Templi redierit.

Transactio seu concordia, quæ inter Stephanum canonicum Templi Domini, administratorem domorum Prouincialium, ad idem Templum pertinentium, et dominum Bermundum Sistaricensem Electum; mediante domino Petro Aptensi episcopo facta fuit, talis est. Controuersia siquidem erat inter eos de quodam cambio, seu permutatione, quam antecessores eorum fecerant inter se. Dominus namque bonæ memoriæ Petrus Sistaricensis episcopus donauerat in hac permutatione fratribus Templi ecclesiam sanctæ Mariæ de Olonio, et omnes possessiones, et res ad ecclesiam pertinentes pro castro de Lebrignana, quod Adelais Comitissa Templo donauerat. Hanc verò permutationem Comes Vvilelmus dicebat non valere, quia facta erat sine sua laude et voluntate, qui dominus tunc puer erat, quando fuit facta inter eos permutatio ista. Et hac ratione abstulit prædictum castrum episcopo, nolens episcopum, sed canonicos Templi istud habere. Tandem prædicto episcopo mediante, et eos concordante, placuit vt episcopus recuperaret ecclesiam suam, et res ad eam pertinentes, fratres Templi castrum de Lebrignana. Propter hoc concessit eis prædictus Electus: ecclesiam de Lebrignana, cum oblationibus, et omni iure parrochiali, et mortalagio ad ecclesiam pertinente. Præterea concessit eis decimas in hortis, et vineis, et tertiam partem decimaram in frumento, et bordeo, et omni grano: et decimarius, et bestia eius, debent viuere de communis, et decimarius debet iurare, si noluerint, se decimas fideliter colligere. Prædictus verò Stephanus, et alij fratres, laudauerunt Electo quidquid iuris ex illo cambio habebant in ecclesia de Olonio, et quatuor modiatas terre, et hortum quem ibidem acquisierant: et remiservnt ei impensas, quas in cooperianda ecclesia, et in plantandis vineis fecerant, et quidquid iuris in præfato loco habebant. Factum est hoc anno ab incarnatione Domini millesimo centesimo septuagesimo quarto. Testes huius res sunt Vvilelmus Sistaricensis Præpositus, qui hoc laudavit cum canonicis suis, Bertrandus Sacrista, Vvilelmus Præcentor, Vv. Archidiaconus, Elias Iulianus, Petrus Martini, Bernardus Guilelmus, et alij eiusdem ecclesiæ Canonici et Clerici. Testis est Petrus Grossus Forcalqueriensis ecclesiæ Præpositus, et canonici eiusdem ecclesiæ, Ildebertus Sacrista, Vgo Præcentor, Edoardus, Petrus Langerij, Petrus Guilelmus, Isnardus Petrarua, Guirandy, Vv. Guintrany, et alij eiusdem ecclesiæ Canonici et Clerici. Laudat hoc Petrus Aptensis episcopus, vtriusque ecclesiæ canonicus. Laudat hoc dominus Hugo Aquensis archiepiscopus, qui hanc chartam mandato Sistaricensis Electi, cum episcopo Aptensi, et ipso eodem Electo sigillavit.

In hac charta vnum aduerte. Vvilelmus Forcalqueriensis Comes, dicitur voluisse, vt mutatio ecclesiæ de Olonio Lebrignana castro, à Petro Sabranio episcopo ante annos quatuor, & viginti facta cum Templariis rescinderetur, quia eam ipse nunquam probauerat, siue, vt loquitur, laudauerat. Cur verò eam non probauerit, affert id rationis scriba, quod Vvilelmo puero peracta fuerat.

fuerat. Istud aduertere placuit, vt intelligeres Vvilelmum hunc Comitem alium ab eo fuisse, quem Adrianus Romanus Pontifex, vt superiore libro num. 48. docui, asserbat id permutationis cum Bertrando fratre comprobasse. Est Vvilelmus, seu Guilelmus junior, de quo fusè dixi & singulari libro, & libro 2. Manuascæ, natus anno millesimo centesimo quinquagesimo.

- 6 Anno 1183. Bermundus episcopus (Bertrandum hoc eodem anno sedisse habent S. Marthani errore, vt putabam, typonum) probat Luræ donationem Boscaudonensi abbati, factam olim à Fulcone de Allonicis, & aliis, coram Petro Sabranio tum episcopo, Lurensemque abbatiam subiecit ejus correctioni, juxta Calisiensis instituta monasterij. Abs dubio Lurensum monachorum nonnulli, à Boscaudonensi abbate, aut jam recesserant, aut cogitabāt recedere addit enim episcopus excommunicare se illos qui ei parere noluerint. Anno demum septimo post millesimum ducentesium Bermundus concedit ecclesiam *de Tbonicis ecclesie B. Martini de Crocis, & prapósito, atque canonicis eius.* Cetera hujus antistitis tacent meæ omnes chartæ. Peruenit ad millesimum ducentesium decimum sextum, nam Radulphus post eum episcopus sedere desuit primo & quadagesimo post millesimum ducentesium, postquam rexisset Sistaricensem *ecclesiam annis viginquinque, & tribus mensibus*, vt ex illorum temporum tabulis tradit Burellanus scriba.

7
Radulphus.

- Radulphus autem sedebat illo sexto & decimo, die duodecimâ calendæ Octobris, quâ die iudex à summo Pontifice cum B. Archiepiscopo Aquisi, & B. Cauallicensi antistite datus composuit contentionem, quæ Sanuictorino abbati intercedebat cum Sanctægidianorum Hospitalarium priore, de dominatione Manuascæ villæ. Hospitalarij ab anno millesimo ducentesimo octauo, quo Guilelmus junior Forcalqueriensis Comes extremam obierat diem, adire dynastiam Manuascæ vallis. Vt in ea tum erant villa vna, castra duo, & pagi tres; atque non vnus dominus, vniuersis illius partibus, sub Guilermo Comite imperabat, voluere sibi ipsorum omnium jura.
- 8 Quid cum Caluete castri Martiniani partem domino, aliisve toparchis egerint non lego: à Guilermo de Cerueria, & Fulcone de Ponteuës Vicecomite, Guilelmi omnia seu castri Manuascæ (Fanum Martini etiam appellatur) seu aliarum vallis partium emerunt anno post septimo: sequente autem post longam contentionem conuenerunt cum Sanuictorino abbate
- 9 de non modica villæ parte, cui ex Sanmariano prioratu dominabatur, & Radulpho episcopo cum aliis iudicibus edicente, & multa alia sibi accipere dominationis argumenta, & *iustitiam sanguinis in criminibus quæ morte aut membrorum detruncatione puniuntur.* Igitur Sanmarianus etiam prior suam ipse toparchiæ portionem ipsis vendidit. Radulphus verò, vt id non taceam, ex Toroneti (Floregiam olim vocabant) Cisterciensium abbate in episcopum euectus est. Antiquæ virtutis & sinceræ sanctitatis antistes, per vitam, & à morte, plurimis ac stupendis de cælo prodigiis inclauit. Dedit cæcis visum, debilibus firmavit sua membra, fecit vt rectis gressibus irent claudi: & alios morbos, & herculeum frequentissimè pepulit ex hominum corporibus, mortuos demum reddidit vitæ. Iam quis referat pietatem, caritatem, & vt vno verbo dicam, reliquum omne virtutis genus, quibus & in cœno-

bio

bio monachis, & per episcopatum omnibus populis illustrissimè præluxit? 10
 Certè rem episcopalem adeò verà accuratione promouit, vt eam Augeto, &
 Reuelto castris, atque non paucis Luriensibus prædiis auxerit. Raimundus
 Berengarius anno ejus sæculi nono & vigesimo scribebat in hæc verba. *Pro*
anima domini Vvilelmi Comitis (auum loquitur, Garlendis matris patrem,
 Forcalqueriensem Comitem) *damus Radulpho Sistaricensi episcopo Alberghum,*
sive Comitadum de Reuelto, & de Fontiana castrorum nostrorum. Anno autem
 quarto, & trigésimo *damus Rudolpho episcopo castrum de Reuelto cum terri-*
torio suo, & pertinentiis suis, in Sistaricensi diocesi constitutum, scilicet in-
ter montem Luram ex vna parte, & Fontianam ex altera: scilicet omnem
seignoriā, & dominationem, iurisdictionem, & districtum, & iustitiam,
& quistas, & omnia vsatica; & demum omnia iura que ibi percipiebamus,
retentis nobis tantum in dicto castro caualcatis, quando eas de alia terra
nostra habebimus, & maiori dominio, seu vero imperio, & generaliter su-
per omnibus criminibus, quæ mortem vel exilium, vel membri abscissionem,
vel ademptionem omnium bonorum infligunt. Raimundus Berengarius vnum 11
 addit, quod maximè facit ad laudem episcopi, se pro Reuelto accepisse
 à Radulpho Vvilelmios solidos ad duodecim millia. Pietatem verò
 Comitissæ docent tabulæ quæ sequuntur. *Vobis domino Radulpho Dei*
gratiâ Sistaricensi episcopo, nomine nostro, & successorum nostrorum, pro re-
demptione animæ nostræ, & parentum nostrorum, in vos, & successores ve-
stros transferimus in perpetuum, castrum nostrum de Augeto &c. Actum est apud
Forcalquerium in castello. Minutiora sunt quæ sequuntur, quàm vt à me 12
 verbum referri debeant, non omnino tamen ab eo prætermittenda sunt,
 qui res à Radulpho gestas recensere suscepit: magnam enim illius de eccle-
 sia sua curam fere omnia significant, cetera solam quidem ipsius temporum
 demonstrant seriem, sed hanc ego maximi faciendam semper existimaui.
 Anno 1220. sedisse, docet donatio rei nescio cuius monasterio Placiti Dei
 à..... Iustacio. Anno 1221. arbitrarius iudex, cum Bertrando Aquisi archiepi-
 scopum fuit, contentionis quæ Gaucherio Aptensi episcopo intercede-
 bat cum Rostagno de Agouto, & Bertrando de Simiana. Anno millesimo
 ducentesimo vigesimo septimo, conuenit cum G. & R. de Railana domi-
 nis Salæ de moletrina, quam hi excitauerant in Druentia ad Luriensem
 agrum. Anno millesimo ducentesimo trigésimo primo accepit à P. Ber-
 mundo milite prædium nescio quod, si absque liberis moreretur, possiden-
 dum. Anno 1232. sedisse tradunt literæ, eo anno scriptæ à Berengario Pro-
 uinciæ Comite. Anno millesimo ducentesimo trigésimo quinto, ille ipse 13
 Raimundus Berengarius quarto nonas Iulij dedit Radulpho episcopo *ca-*
ualcatis castrorum de Reuelto, & de Augeto, & omnes quistas, douras, seu adem-
ptionem eorundem que hætenus erant in prædictis castris, & hominibus eorum.
 Donationis tabulæ Sistarici scriptæ sunt. Anno millesimo ducentesimo tri-
 gesimo nono contentionem finiit quarto idus Februarij, quæ diuturna &
 grauis ei fuerat cum R. de Villamuris, & B. ac G. Fratribus: & à R. Forcal-
 queriensi Præposito, arbitrario iudice, accepit Mauzeraneguenfè prædium.
 Anno denique 1241. Sistarici mortuus est, & in sua basilica *subtus altare*
sepultus, quod in scalerio lapideo introitus chori positum est vt loquitur Burella-
nus exscriptor.

- 14 Henricus de Secusia (de Bartholomæis quoque non pauci vocant) Radulpho mortuo successit. Hic vir ecclesiasticarum legum, & juris quod appellamus canonicum scientissimus, ab Ebredunensi archipresbyteratu ad Sistaricensem episcopatum euectus est, & post octo annos Sistarico Ebredunum rediit, ad archiepiscopatum principio, deinde ad cardinalatum assumptus Ostiensis, unde fit, vt Ostiensis vulgò appelletur ab iis qui de canonico iure disputant. Auberyus libro 1. de Cardinalibus Gallis, magno errore facit Henricum illum de Sufa, de quo Matthæus Paris agit anno 1244. Et quidem paginâ editionis anno 1644. quadragesima decima sexta sic habet Mathæus. *Henricus de Sufa studiosè thesaurum regis asportat. Vnde diuertens ad partes vnde fuerat oriundus, ad instar corui ad arcam ingredientis, in Anglia postea non comparuit.* Paginâ verò quadringentesimâ trigessimâ hoc fusiùs exponens, vnum addit, è quo euidenter conficitur Susanum, de quo scribit alium omnino esse à Secusiano nostro. Henricus de Sufa considerans hac omnia de pecunia, quam de rege non minimam ad detinendum episcopum Vintoniensem acceperat, comparauit sibi amicos de mammona iniquitatis, adquisiuit sibi (vtinam non comparauit) quendam in suis partibus episcopatum: & nuntius, coruo factus similis dominum suum Noë defraudanti, nuntium cum onere negotij quod humeris suis susceperat baiulandum, nequiter reliquit imperfectum. Nec apparuit postea in regno Angliæ, bonis regi plenius saginatus. Qui Henricus de Secusia, anno millesimo ducentesimo quadragesimo primo, in Sistaricensem episcopum euasit, ex Ebredunensi archipresbytero, non est Henricus de Sufa, qui anno millesimo ducentesimo quadragesimo quarto, nondum episcopus, emit Angliâ profugus episcopatum. Quis ante Auberyum id nequissimi facinoris imposuit integerrimæ viro, vitæ? Quis, vt & tempora, & cetera conuenirent, hæcenus cogitauit fieri potuisse, vt sapientissimus vir, iurisque diuini & humani suo sæculo peritissimus, mutaretur repente in legum omnium importunissimum corruptorem? vnum hominis nomen fefellit scriptorem de Cardinalibus Gallis: legebat Henricum de Sufa in historiis Anglicanis, & cum Secusia nunc vulgari apud Gallos idjomate dicatur Sufa, existimauit non alium esse, quam qui Henricus de Secusia toto orbe celeberrimus ecclesiastici juris interpretes habetur. Falluntur etiam, sed sine summi viri iniuria, qui Susanorum in Delphinatu dynastarum gentilem faciunt. Susani Comites, sunt Balmani gente, & ab Aimone Balmano descendunt, qui cum Antoniolam Salassam, Henrici Cassenatici apud Delphinates protegis viduam, duxisset in vxorem, Susani ab ea acceptam reliquit posteris hæreditariam. Ipse autem Aimo in nuptialibus tabulis appellatur à scriba, Aimo de Balma, quondam de Albenco apud Sebusianos pago.
- 17 Placent, qui à Pedemontanorum Secusia dictum arbitratu sunt. Et verò qui Ebreduni erexit Archidiaconatum Archiepiscopus, anno 1256. die 24. Februarij, & prædijs paternis partem dotauit, vt ferunt tabulæ super hac re ab eo conscriptæ, facile est cogitatu Secusiâ, apud Pedemontanos vrbe ortum, potuisse in propinquo Ebredunensium agro habere à parentibus prædia. Sed, vt ad Auberyum reuertamur, vide quàm falsus fuerit, cum Matthæi Parisiensis Henricum de Sufa, fecit eundem Henrico de Secusia consuliſſimo illi juris canonici viro. Matthæus Parisiensis, seu

seu Paris tradit Susanum suum, cum non esset anno 1244. episcopus, eâ pecuniarum vi, quam ab Angliæ rege acceperat, emisse postea episcopatum; fideles autem eorum temporum tabulæ, & alix, & quas Burellus episcopus in libro quem viridem vocant exscribi voluit, docent sedisse Sistarici ab anno 1241. ad annum 1250. Tanto autem à singulari sua, vt ego quidem existimabam, sapientia, fauore omnium in eo sedet, vt canonici tam Crocienfes, quàm Placiti Dei, molettinam, vineam, & alia prædia rustica, magno consensu ei concesserint anno 1244. quo Henricus Susanus Auberyi fugiebat ab Anglia, ingenti pecuniæ vi à rege per importunam fraudem accepta. Hic placet vnum aliud quid fufius ediffere. Episcopus ad annum vsque 1246. domum Sistarici non habebat, ex quo (vt simile verè est) Raimbaldus seu Ragobaldus eam destruxerat, quemadmodum tradidi superiore libro num. 18. Canonici ea res demum indigna visa est. Igitur Henrico concesserunt illi construendæ hortum, claustro suo contiguum. Antistes, vt erat fundatissimi vir iudicij, & ecclesiasticarum legum apprime sciens, accepit quidem à canonicis munus, sed voluit vt anno post secundo, & à Romano Pontifice Legatus, qui illis temporibus in Prouincia erat, rem Sistarici inspiceret, probaretque, & Romanus quoque Pontifex ipse Legati sui sententiam confirmaret. Canonici ea vi detur fuisse pietas, & in suum antistitem amoris argumentum, vt tabulas ab ipsis scriptas referre verbatim debeam.

In nomine Domini nostri Iesu Christi. Anno eiusdem millesimo ducentesimo quadragesimo sexto, quarto idus Septembris, vniuersis ad quos presens scriptum peruenit notum fiat, quod nos M. Præpositus, Guilelmus Sacrista, B. Præcentor, P. Archidiaconus, P. Ioannes Laugerius, P. de Opida, Iacobus de Vitrola, B. de Mura, Ioan. Petr. Canonici Sistaricenses, in generali capitulo congregati, omnibus canonicis Sistaricensibus vocatis ad capitulum generale. Considerantes penuriam, quam diu Sistaricensis ecclesia passa est tam in spiritualibus, quàm in temporalibus, eo quod episcopi Sistaricenses qui pro tempore fuerunt, moram debitam non faciebant in Sistaricensi ecclesia, cum periculosum sit esse sponsam sine sponso, quod eueniebat, & accidere habebat, quia in dicta ecclesia domum, vel, vt ita dicam, mansionem non habebant vbi commodè possent habitare. Hac inquam considerantes nos prædicti donamus, concedimus, & laudamus vobis domino Henrico Sistaricensi episcopo totum viridarium, siue hortum sanctæ Sistaricensis ecclesie, quod est situm inter salam claustrum, & muros ciuitatis Sistaricensis, secundum quod ducunt in longum, & latum, necnon casalia posita inter sanctum Thyrsium, & dictam salam, in quibus fecistis cameram, donatione prius facta vobis, & successoribus vestris, per nos dictum Præpositum, & Canonicos residentes, in primo aduentu vestro, & ante consecrationem vestram. Item votam sancti Ioannis contiguam beato Thyrso, cum pertinentiis omnibus, & singulorum supradictorum, concedentes vobis, & vestris successoribus, quoniam in perpetuum vobis & successoribus vestris dictam donationem facimus, promittentes nos bona fide, contra dictam donationem non venturos vllò tempore, imò eam ratam, & firmam tenebimus, & confirmationem factam per dominum Dignensem episcopum de mandato summi Pontificis specialiter approbamus. Scimus enim & recognoscimus quod

per istam presentem donationem, quæ nobis fit, & facta fuit bis ante confirmationem prædictam, utilitas nostra Sistaricensis ecclesia, necnon & totius cleri dictæ ciuitatis & populi, tam in spiritualibus, quàm in temporalibus non modicum augmentatur. Concessimus etiam vobis, atque concedimus, quòd in capitulo nostro vocem tanquam canonicus habeatis. In quarum concessionum testimonium, præsentem chartam iussimus sigillo nostri capituli communiri. Actum apud Sistaricum in particu camera supradictæ presentibus omnibus supradictis. Concessionem autem de voce in Sistaricensi capitulo vobis factam, intelligimus personalem, ita quòd per hanc concessionem, vestri successores vocem in futurum in prædicto capitulo sibi non valeant vindicare, nec concessio quam recipitis, possit eisdem præiudicium generare.

- 22 Anno millesimo ducentesimo quadragésimo septimo abbas Insulæ Barbaræ ad Lugdunum, ex fidelibus chartis docuerat Bodanense S. Marij Monasterium in Sistaricensi, non in Diensi diocesi positum esse, vt libro 2. de Diensibus episcopis numero 75. docui. Henricus tamen episcopus, vt rem omnino constitueret, voluit eam H. sanctæ Sabinæ Cardinalis edicto sanciri, & consequente anno Innocentij quarti Pontificis Romani literis editum Cardinalis. Sed quas abbatem illum chartas consuluisse putabimus, nisi quæ docebant monachos Insulanos illos esse, qui Bodanense in pago Sistarico, vt alia non pauca in aliis pagis, monasterium antiquissimis temporibus, & primò erexerint, & labentibus deinde sæculis autoritate, consiliis, monitis, pro rerum opportunitate, vt à se quondam excitatum fouerint.
- 23 Nam vt Diensis episcopus sua in diocesi illud esse contenderet, abs dubio fecerat & locorum propinquitas, & à Lucretio episcopo qui, vt libro 1. num. 38. memorabam, Bodanensis fuerat monachus, studiorum societas. Vt cumque ista habeant, profectò hæc de perillustri cœnobij diocesi obsecritas, euidenter affirmat, vniuersis per Sistaricensem & Diensem dioceses regionibus, tabularia vetustissimis tum defecta fuisse tabulis, per Hunnorum Longobardorum, & Saracenorum latrocinia.

- 24 Anno millesimo ducentesimo quadragésimo octauo, Henricus episcopus interfuit donationi prædij rustici Dominicanis, à Beatrice Comite Pro-uincie, ædificando Balmæ in aream monasterio. Non ingratum fortasse lectori faciam, si tabulas, quibus ea continetur, attulero. Non ingnobile quondam cœnobium vna Druentia diuidit à Sistarico: & veteres chartæ fere placent per se, nonnihilque habent quod ad multiplicem siue vsum, siue delectationem lectores suos detineat. Eas accipe. Notum sit omnibus, quòd anno Domini 1248. 5. idus Augusti nos Beatrix Dei gratia Comitissa, Marchionissa Prouincie, & Comitissa Forcalquerij donamus, & titulo perpetue valitæque irrenocabilis donationis concedimus, tradimus, ad honorem Dei, & B. Virginis Mariæ, pro anima carissimi domini nostri Raimundi Berengarij, clara memorie Comitis Prouincie viri nostri, & in remissionem peccatorum ipsius, & pro anima nostra & parentum nostrorum, vobis Raimundo Attenulpho, & Vvillelmo Clementi, fratribus Ordinis Prædicatorum, recipientibus nomine proficuo, & utilitate Ordinis dicti, ferraginem nostram, seu terram, quæ est apud Balmam, in eius territorio, contiguatur ab vna parte ferrago, seu terra S. Marcelli, & ab alia ferrago, seu terra Bremundi Mercatoris, via quâ tenditur apud Valernam, secundum quod dicta ferrago, seu terra durat in longum latumque, cum iuribus, & pertinentiis, & appen

appenditiis, & continentis, & omnia que dicta ferrago, seu terra continet, & que in ea continentur, quaeque sint, & qualitercumque sint, siue sint pretiosi lapides, aurum, vel argentum, metallum, siue pecunia reposita, arbores & fructus, & his similia, & demum omnia que sunt in dicta ferragine, seu terra, euidenter, seu clam contenta à caelo vsque ad abyssum donamus, tradimus, & concedimus perpetuo vobis, fratribus, & Ordini vestro praedictam ferraginem, seu terram, superius ad habendum, tenendum, possidendum, construendum, edificandum, & ordinandum in ea monasterium, locum conuentualem, ecclesiam, cæmeterium, domum, seu domos vobis & Ordini vestro, ad plantandum viridarium, hortum faciendum, & seminandum, & omnia liberè faciendum, quae vobis, & Ordini vestro placuerit faciendum in eadem ferragine seu terra. Altum fuit hoc in camerariis domine Comitissae dictae apud Sistaricum. Testes vocati & rogati fuerunt dominus Henricus Sistaricensis episcopus, dominus B. Foroiulensis episcopus, domina Mabilia Comitissa Forcalqueriensis, Fulco de Trans baiulus dictae domine Comitissae Prouinciae, Gaufridus de Tarascone iudex eiusdem vrbs, & baiulus de S. Symphoriano, Durandus monachus S. Andreae, Petrus de Camareto Foroiulensis canonicus, & ego Petrus Augeri publicus notarius, qui mandato dictae domine Comitissae Prouinciae Beatricis, hanc chartam scripsi, & signavi. Ad maiorem constantiam roburque firmitatis, nos praedicta Beatrix Comitissa Marchionissa Prouinciae, Comitissa Forcalqueriensis, praesentem paginam iussimus sigilli nostri munimine roborari in testimonium rei, testis ut sit futuris, & praesentibus memoria sempiterna.

Anno millesimo ducentesimo quadragesimo nono fuit 4. nonas Decembris contentio inter Canonicos Sistaricenses & Forcalquerienses de Episcopi electione: Henricus episcopus eam Lugduni arbitrio suo diremit in haec verba. In primis quòd quotiescunque, & quandocumque ecclesiam Sistaricensem vacare contingerit, Sistaricenses canonici vnà cum canonicis Forcalqueriensibus per nominationem, vel postulationem, seu electionem Sistaricensi ecclesiae provideant. Et ne aliquod scrupulum inde oriatur, hoc sic determinamus. Ex quo consliterit de vacatione ecclesiae Praepositus Sistaricensis qui pro tempore fuerit, & ipso deficiente vel absente Archidiaconus, & ipso deficiente, vel absente Sacrista, & ipso deficiente, vel absente Praecentor, de consensu canonicorum praefatorum, mittat certum nuntium cum litteris suis Forcalqueriensi praeposito & canonicis residentibus & praesentibus, per quas significet vacationem ecclesiae, & diem electionis praefixam. Continentem ad minus spatium quindecim dierum à tempore denuntiationis numerandorum. Ad quam diem teneatur venire praepositus Forcalqueriensis solus vel cum sociis, vel alius, vel alij de quibus videbitur Forcalqueriensibus canonicis, qui vnus, vel plures vocem omnium canonicorum Forcalqueriensium qui commodè vocari poterunt, vel saltem praesentium habeat, vel habeant, vel si maluerint omnes vadant, & cum Sistaricensibus canonicis chorum Sistaricensis ecclesiae intrent, & ibidem sibi provideant de pastore. Si ne detur dissensionis locus, si contingat partes fieri, ita quòd Sistaricensis vnus, & Forcalqueriensis alium sibi vellent praefici, es par sit numerus hinc inde, superioris arbitrio relinquatur, quem duxerit acceptandum de electis, vel postulatis: Ex quo erit, vtrique ecclesiae teneatur recipere, & eidem obedientiam, & reuerentiam exhibere. Quòd si ad diem non venerint, vel miserint, ex tunc Sistaricenses canonici sibi provideant, sicut sibi videbitur faciendum. Aliis promissio facta, irrita sit ipso iure; & ad contemptos, ius providendi, per superioris sententiam deuoluatur. In prima tamen promissione, quae occurret facienda, volumus

quòd dominus Hugo S. Sabina Presbyter Cardinalis, vel ipso deficiente dominus episcopus Foroiulienſis qui nunc eſt, vice ac nomine Siſtaricenſium, ac Forcalquerienſium canonicorum, & capitulorum, Siſtaricenſi eccleſie prouideat de paſtore. Iſta Henricus. Sed hic vnum tacere non poſſum.

- 27 *Humber-*
inu 1. Henricus anno incerto euasit in Archiepiſcopum Ebredunenſem: Quis ei ſucceſſerit me latet. Humbertus ex Ordine Prædicatorum aſſumptus eſt in episcopum; & Burellanus ſcriba de eo ſic loquitur. *Oppreſſus per curiam regiam tempore illuſtriſſimi domini Caroli primi Sicilia regis, Prouincia, & Forcalquery Comitris, & diuerſis grauaminibus aggrauatus, libere dimiſit episcopatum Siſtarici, & eum reſignauit, & apud Lugdunum, vbi poſtmodum permansit, diem clauſit extremum.* A quo hic vir acceperit oppreſſum à curia regia non inuenio. Vt de Caroli regis & aq̄uitate, & pietate nihil dicam, profectò Beatus Antoninus titulo 23. capite 1. docet rediſſe ad Dominicanos, oppreſſione curiæ regiæ factum vt rediret non docet. Sanctus vir addit mortuum eſſe anno milleſimo ducentefimo quinquageſimo nono: vnum ergo aut alterum, à dimiſſo episcopatu annum, non plures, egit in monaſterio. Sed illius in episcopatu tempora ex veteribus chartis eruamus.
- 29 Anno milleſimo ducentefimo quinquageſimo primo, fuit ei neſcio quid contentionis cum Hoſpitalariis Manualcæ. Inardus de Charenteſio pro eo agens vnum habet quod tacere non poſſum. *Bertrandus, inquit, filius Comitris Guilelmi, cuius corpus nuper (ſcilicet anno 1245.) deſunctum in domo Militiæ Templi apud Limasiam ſepultum eſt. Vvilelmum loquitur Geraldus Amici Sabranij & Adelaidis, quæ Guilelmi ex Forcalquerienſium Comitum gente vltimi Comitris ſoror erat, filium. Hic Geraldum fratrem æmulatus amauit Milites Templi, & apud eos ſepeliri voluit. Certè de Geraldo ipſius fratre repertorium chartarum theſauri (vt loquuntur) apud Aquas ſextias regij habet ſequentia. Anno 1209. menſe Decembri Magiſter Hoſpitalis Templi Prouincia recepit in fratrem & donatum G. Comitem Forcalquery in vltimis ſuis. Hæc de Bertrando aſſerre viſum eſt, quoniam omnibus de gente, ſeu Forcalquerienſi, ſeu Sabrania ſcriptioribus ſunt ignota, & vehementer faciunt ad cognitionem eorum, qui poſt Guilelmi junioris Bertrandi, & Iaucerandæ filij anno 1208. mortem Forcalquerienſes dicti ſunt Comitres, quia ex Adelaide illius ſorore orti, nonnullis Comitatus pagis ex ipſius hæreditate dominabantur. Itaque Guilelmus Bertrandi & Geraldus & frater Guilelmo juniore mortuo ſe anno 1208. menſe Decembri, dixit Dei gratia Commem Forcalquerienſem, & anno 1228. fecit homagium Raimundo Comiti Prouincia de tota terra ſua Comitatus Forcalquery, ex repertorio chartarum regij apud Aquas Sextias theſauri. Sed ad Humbertum episcopum reuertamur. Cum ei, Siſtaricique canonicis, eſſet illo ipſo anno primo, & quinquageſimo, alia neſcio quæ contentio cum Hoſpitalariis Manualcæ, canonici octauo calendis Auguſti aſſenſi ſunt volenti compromittere. Sed hæc leuia ſunt, magnum profectò & in omnem partem illuſtre dixerim, quòd 12. calendis Septembris ab Vvilelmo Germanorum imperatore accepit literas in hæc verba: Nos Humberto venerabili episcopō, & ſucceſſoribus ſuis, & eccleſie Siſtaricenſi, caſtra, munitiones, villas, & oppida, & ſpecialiter caſtra Lury, & Laduncelli cum pertinentiis ſuis, quæ ſita ſunt in diaceſi Siſtaricenſi, & à nobis, & ab imperio immediate tenentur: & episcopi Siſtaricenſes, qui ibidem pro tempore fuerunt dictum caſtrum Lury tenne-*

runt ab antiquo, & à tempore cuius non extat memoria. Vide quid Vvilelmus 32
 imperator asserat. Docet Lurium Sistaricensis episcopi castrum, fuisse quon-
 dam immediatè subiectum imperatori, Comitumque Prouinciæ nihil proin-
 de juris in illud habuisse, ac episcopum supremo illo jure principem ipsi
 præfuisse, quo Colonienfes, Moguntini, Treuirenses, aliique nonnulli
 Germanorum antistites, non paucis vrbibus, oppidis, pagis dominantur.
 Si vera dixit Burellanus scriba, cum assenuit Humbertum à regia curia op-
 pressum fuisse, existimaui ego ab istis Vvilelmi literis factum esse, vt ab
 ea opprimeretur. Sicilicet regij Prouinciæ Comitibus iudices ad illa indolue-
 runt, Lurienfisque vexauere, & ad suum tribunal eos vi traxerunt, qui
 vnum Germanorum imperatorem supra episcopum sibi dominum esse oc-
 clamabant. Vt vt hoc habeat, non puto ego Carolum regem eas ægrè tu-
 lisse literas. Profectò Comes Prouinciæ post centum & sexaginta quatuor
 annos die decima tertia mensis Aprilis edixit de libertatibus Lurij, vt videre
 est in regio Aquis Sextiis tabulario, registro (vt loquuntur) armorum pagi-
 na 283..... autem Dinienfis episcopus in statutis anno..... ita scripsit:
confirmamus caput de non extrahendo homines de Lurio ab ipso loco cum sit de im-
perio; sub. & vni supra episcopum imperatori subiectus sit. Quod autem de
 Laduncello adjungit Vvilelmus, ita intelligendum est, vt cum Laduncelli
 pago, seu castro, dominarentur, clientes tamen essent antistiti. Atque si quid
 ex antiquorum pietate procerum licet colligere, putabam fuisse quondam
 vnum ex Laduncellanis aliquem, qui pro non inassueta illis temporibus con-
 suetudine, Laduncellum concesserit episcopo, ab eo postea cum clientelæ
 onere recipiendum. Et verò ante annos sexcentos ipsi pagum domini 33
 tenerant. Anno millesimo sexagesimo innominatus, Berengarius, & Clau-
 dius fratres ei dominabantur, atque centum post annos Lanibertus, & anno
 millesimo trecentesimo octogesimo Berengarius, ac denique (vt plura non
 referam) Claudius anno millesimo quadringentesimo octogesimo. Quid?
 quòd ietiam ante annos quingentos, cum viri genere nobiles genti suæ
 nomen vnum faciebant, à Laduncello ipso dicti sunt, euidentissimo argu-
 mento, non episcopo pagum, sed ipsis tum fuisse subiectum. Atque non an-
 te Vvilelmum Germanorum imperatorem, antistiti quidquam in illud juris
 fuisse legimus. An qui post annum 200. à 1000. dominabatur pago, ille est,
 qui Laduncellum dedit episcopo, & episcopus fecit vt non aliis quàm Lu-
 rium conditionibus suo subesse antistiti castra Lurij, & Laduncelli, vt loqui-
 tur Vvilelmus Germanorum imperator, ab imperio immediatè tenerentur. Sed
 ista hæcenus dicta sint: ad asserendos Humberti episcopi annos redeamus.
 Anno millesimo ducentesimo quinquagesimo tertio, Beatrix Prouinciæ 34
 Comitibus mandato, cum Falcone de Podio, Ricardo, Gaufrido de Tarascone,
 Artaudo domino de Venelis, Roberto de Leneno, tulit sententiam de
 æquitate, & antiquitate omnium per Forcalqueriensem Comitatum portio-
 riorum, vt fuscè tradidi libro 2. Manualæ numero 47. Anno ejusdem sæculi
 quinto, & quinquagesimo, Henricus ex Sistaricensi episcopo Ebredunen-
 sis archiepiscopus, arbitarius iudex, damnauit Humberto Sistaricensem
 Sacristam: Philippus Auenfis archiepiscopus eo ipso anno vniuit cum epif-
 copatu sacras ædes Lurij Reuesti, Behunsij, & S. Martini de Nogheris.
 Longè grauius est, atque necessariò à me commemorandum quod sequitur. 35
 Lambertus

Lambertus Laduncellus anno sexto, & quinquagesimo post millesimum ducentesium nolebat se Humberti clientem dicere, & die vigesima sexta Ianuarij à Beatrice Prouinciæ Comite damnatus est. Vides Laduncellos pagos, vnde ipsi gentilitium nomen erat, dominatos esse, quem Vvilelmus imperator numero 31. ad episcopum spectare assererat. Existimabam episcopos à pluribus annis non postulasse vt, se clientes dicerent, idque Lamberto fecisse animos negandis clientem. Igitur principio literas à Germanorum imperatore accepit antistes, quæ ipsius firmarent iura, & cum toparcha illis non commoueretur, egit apud iudices à Beatrice Comite constitutos. Demum consequente anno Humbertus à Rostagno Gauterio de Reucto emit aliquot prædia rustica, & iis emptis ad Dominicanos agente pietate rediit. Nam quæ de ipso ex verissimis chartis à me lectis hæcenus retuli, ea omnino euincunt falsum esse quod numero 27. ille aiebat *diuersis* à regia curia *grauaminibus aggrauatum* ad monasterij repetendi consilia descendisse. Quem Beatrix Prouinciæ Comes episcopum dedit iudicem toto Forcalqueriensi comitatu portorii, quem dixit Laduncelli aduersante toparcha cliente dominum, is certè non potest non fuisse & ei, & ipsius curiæ gratus. Emptis verò illis, quæ dixi, prædiis sese abdicasse episcopatu hinc intelligis, quòd eo ipso emptionis anno, alius etiam ab Humberto fuit, post abdicationem scilicet, episcopus.

- 37 Alanus enim, vt Sannarhani quoque testantur, anno millesimo ducentesimo quinquagesimo septimo, interfuit confirmationi priuilegiorum Massiliæ. Burellanus scriba de hoc antistite habet sequentia. *Parisijs oriundus rexit ecclesiam Sistaricensem nouendecim annis: qui multa ædificia edificari fecit in diocesi Sistaricensi, videlicet ecclesiam de Culein, & domos de Ybonicis, & de ciuitate Sistaricensi. Ille etiam crucem argenteam cum pede lato, & reliquias sanctorum Cosmæ, & Damiani legauit ad honorem Dei, & gloriose Virginis Matris eius, & gloriosi martyris Thyrsi in ecclesia Sistaricensi, vbi sepultus est ad latus sinistrum iuxta altare B. Mariæ Sistaricensis.* Et cetera quidem hujus episcopi non est animus oratione sequi: sed quod tradit, sedisse nouendecim annos, accipe
- 38 ex chartis quæ illius per eos meminerunt. Alanus ab anno millesimo ducentesimo quinquagesimo septimo, exeunte fuit episcopus, vsque ad septuagesimum septimum ejusdem sæculi incuntem. Iam dixi de extrema parte quinquagesimi septimi: de septuagesimi septimi principio hinc intelligis, quòd cum Giraudus Alani successor episcopatum rexerit annos quatuordecim, vt postea videbimus, episcopales tamen chartæ affirmant e vita decessisse anno primo & nonagesimo post millesimum ducentesium. Igitur lego Alanum sexto & septuagesimo illius sæculi tertio nonas Ianuarij emis-
se prædium nescio quod in Luriensi agro. Sub finem anni, extremo Martio incipientis erat ille dies, qui nobis est ad initium. Sed eamus per singulos eos sapientissimi annos præfulsi, de quibus agunt & alia, & episcopij maxime in libro, vt loquuntur, viridi chartæ. Anno millesimo ducentesimo quinquagesimo nono, 3. calend. Ianuarij dedit collegio canonicorum Sistaricensium ecclesiam S. Geruasij de Beuontio, & ecclesiam S. Vincentij. Fuerat ei cum nescio quibus viris contentionis aliquid super Ybonicorum iuribus, & Raimundus Arditi Forcalqueriensis Præpositus, atque Imbertus de Ausonis, arbitrarij iudices, tulerunt sententiam de tota re anno illius sæculi sexagesimo.

lino. Longè grauiora sunt quæ ipse Alanus super re Manuascensium pu-
 blica anno sequente constituit. Non omnes olim habebant urbem, sparsi
 erant eorum plurimi per agrum. Vt enim docui libro primo Manuasca, quæ
 Manuasca nomen habebat, erat vallis. In media stabat burgum, seu villa,
 & circum villam castra duo, tresque pagi. Ab annis ducentis, & quod ex-
 currit, ciues vniuersi conuenerunt in villam, euersisque castris & pagis ea in
 urbem non omnino modicam creuit, quæ muris per nouem omnino sta-
 dia ductis, capit ciues ad decem millia. Cùm sparsim per agrum habitabant,
 erexerant sibi templa ad Dei cultum in villa, castris, & pagis; atque curialia
 quidem (vt de ceteris taceam) tria in villa, in castris verò, pagisque singu-
 lis singula. Hæc omnia, præter Sanmartianum villæ, quod Sanuictorino-
 rum ad Massiliam monachorum est, Geraldus Capreus episcopus, post an-
 num à millesimo sexagesimum tradidit Forcalqueriensium canonicorum
 collegio, sed cùm vnus Sanmartiniani in cognomine castro positi potirentur,
 ceterorum in alios collatione contenti, Alanus anno 1061. reliquorum
 omnium quoque sacerdotia eis concessit cum totis prouentibus; superque
 vniuersorum, Sanmartiniani etiam, decimis sententiam tulit. Scilicet ante
 eum annum dissidium erat de decimis omnino graue. Componere illud
 summi alij viri alijs temporibus frustra contenderant, & demum Berenga-
 rius Monachus Legatus Sanctægidiani Hospitaliorum Prioris, Vilelmus
 Marinus Rector, seu Prior sancti Saluatoris Manuasca, & Pontius Burgun-
 dio canonicus arbitrarij iudices. In hos tamen inuenio conuenisse Raimun-
 dum Arditi Forcalqueriensibus canonicis Præpositum, & Pontium Rainal-
 dum Manuascensium syndicum actores. Vocabant syndicum, quem agen-
 dis pro publica re forensibus causis annuatim elegerant. Nobilis, & ip-
 sis consulis potior magistratus, ante centum & triginta annos extinctus est.
 Alanus ergo controuersiam omnem suâ sententiâ sustulit decimo tertio ca-
 lendas Martij. Sacerdotiorum causa facilius peracta est, non auditis scilicet,
 neque vocatis Manuascensibus, ipse antistes, annuentibus solis Forcalque-
 riensibus canonicis, ad constituendas ipsorum, vt loquuntur, præbendas, ea
 vniuersa cum suis prouentibus concessit. Res hæc in omnem partem insi-
 gnis, prætermitti à me non debet; quia verò non potest apertius ac syncer-
 rius enarrari, quàm ipsius episcopi qui eam gessit peregrinque verbis, affero
 illius literas.

In nomine Domini nostri Iesu Christi. Anno ab Incarnatione eiusdem millesimo
 ducentesimo sexagesimo primo, decimo calendas Aprilis. Notum sit omnibus homi-
 nibus, & vniuersis futuris, & presentibus, quòd congregato Capitulo Forcalque-
 riensis ecclesie, vocatis prius ad Capitulum, canonicis foraneis & absentibus, qui
 debebant interesse, pro vt eorum nomina sequuntur, per literas citatorias, mihi exhi-
 bitas & ostensas, presentibus autem in eodem Capitulo D. Alano Dei gratia Sistar-
 censi episcopo tanquam vocem habenti, domino Raimundo Ardito Præposito, & Petro
 Gibelmo Sacrista, & magistro Arnaudo Priore, seu Rectore ecclesie Petrarue, & Gui-
 lelmo Vesiano Priore, seu Rectore ecclesiarum Limanti, quarum vna dependens
 est ab alia, & Iacobo de Charantasio Priore, seu Rectore Laincellij, & Picardo de
 Charantasio Priore, seu Rectore ecclesie de Niauzellis, Raimundo de Charantasio
 Priore, seu Rectore ecclesie Sancti Maximi sita sub castro Manuasca, & Pon-
 tio Martino, & Guilelmo Maurello, & Petro Rigando Præcentore, licet esset

extra numerum, de gratia ad tractatum admissio, canonicis Forcalquieriensis ecclesie, cum de ordinatione presentis ecclesie, & inter cetera cum tractaretur de diuisione & assignatione prebendarum pro qua causa precipue congregatum erat dictum capitulum, quia visum fuit quod predicta diuisio & ordinatio prebendarum constituit & fieri plenè non posset, nisi ecclesie supra nominate quas tenebant dicti priores canonici, & omnes alie ad collationem dicti Capituli pertinentes, quas nunc temporis tenebant non canonici, scilicet ecclesia Montis acuti, & ecclesia S., & ecclesia Sancti Sepulcri, & ecclesia de Toris auris, & ecclesia de Sagerriis, & ecclesia S. Hippolyti, & ecclesia de Ripis altis, & ecclesia S. Siffredi essent confusæ & vnitæ capitulo Forcalquieriensis ecclesie. Et nos cum illis supradictis canonicis prioribus, seu rectoribus predictarum ecclesiarum dictus episcopus simul institutum postulantes, & eosdem hortantes, vt vtilitatem communem sociorum, & totius ecclesie preferentes propria, & priuata commoditati sue, deberent supradictas ecclesias quas regebant dare & dimittere, ideo ad instantiam tam prefati Præpositi, quam nostram & Capituli, sua liberalitate & benignitate ducti, simpliciter vnusquisque scilicet sue ecclesie quam tenebat, renuntiauerunt in manus nostras dicti Sistaricensis episcopi, recipientis nomine, & vice Forcalquierensis Capituli, & easdem ordinationi, seu dispositioni eiusdem Capituli dimiserunt. Nosque supradictus episcopus attendentes defectum & insufficientiam prouentuum & obuentionum, quas nunc temporis Forcalquieriensis ecclesia patiebatur, respectu oneris sumptuum quod incumbere eidem, considerata etiam vtilitate & necessitate eiusdem ecclesie, ad presens, & in futurum, ad instantiam & requisitionem, vt præmissum est, dicti Forcalquierensis Præpositi & Capituli, inprimis ecclesiam supradictam de Toris auris ecclesie suprad. S. Saluatoris de burgo Manuasce, annectimus & vnimus, & vnitam perpetuò fore censemus, saluo censu quem facit dicta ecclesia de Toris auris ecclesie Forcalquieriensis. Item ecclesiam de Monte acuto, ecclesie S. Maximi ei vicine, que sita est sub castro Manuasce, annectimus, vnimus & vnitam perpetuò fore censemus, saluis censibus, quos vtraque facit ecclesie Forcalquierensi. Item tam iamdictas ecclesias S. Saluatoris cum predicta ecclesia de Toris auris sibi annexa, quam predictam ecclesiam S. Maximi cum predicta ecclesia Montis acuti sibi annexa, & ecclesiam S. Sepulcri de valle Manuasce, saluis iuribus ad vitam suam que habent priores, seu rectores, scilicet S. Saluatoris, & de Toris auris, & S. Sepulcri, & Montis acuti in eisdem, quam alias vniuersas, que ad collationem Forcalquierensis Capituli pertinere debent, scilicet ecclesiam, siue ecclesias Petrarue, quarum vna dependet ab alia, & ecclesias de Limancio, scilicet S. Petri, & S. Georgij, quarum vna dependet ab alia, & ecclesiam de Laincello cum ecclesiis sancti Babyli, & sancti Simeonis dependentibus ab eadem, & ecclesiam de Niuzellis, & ecclesiam de Sagerriis, & ecclesiam sancti Hippolyti, & ecclesiam de Ripis altis, & ecclesiam, sancti Siffredi, cum omnibus iuribus & pertinentiis, & dependentibus ab eisdem, episcopali autoritate annectimus, vnimus, & easdem omnes & singulas communitati Forcalquieriensis Ecclesie tanquam annexas & vnitæ, nunc, & in perpetuum deputamus, saluo tamen iure nostro, & successorum nostrorum, & quod in predictis ecclesiis vniuersis & singulis habemus, & habere debemus: item saluo iure in eisdem ecclesiis:.... prout de iure fieri poterit & debebit. Actum Forcalquieri infra ecclesiam beati Marij, ante altare, in presentia ipsius Capituli, & canonicorum superius nominatorum, & mei notarij, qui iuratus ea vice ad scribendum acta dicti Capituli vocatus fui.

Atque

Episcoporum Sistaricensium. 147

Atque hæc sunt literæ Alani, quibus curialium Manualæ vallis templorum omnium (Sanmariano excepto) prouentus & Sacerdotia concedit Forcalqueriensibus canonicis : his subscripserunt Sistaricenses canonici anno millesimo ducentesimo sexagesimo secundo, nonis Aprilis. Ab eo tempore ad nos usque, & earum ecclesiarum & ceterarum quos Alanus enunerauit, seu Sacerdotia, seu prouentus ad illos canonicos pertinent quorum vnorum neque auditis, neque vocatis Manualcensibus assensu, in ipsorum capitulo, atque vt iisdem *ordinatio prabendarum* constaret, est constituta omnis res.

Anno millesimo ducentesimo sexagesimo quarto, idem episcopus, emit domum Aquis Sextiis cum horto, solidis Turonensibus ad tria millia, scilicet vt antiquitates, cum siue ad principem ejusve curiani, siue ad archiepiscopum adibat, majore cum dignitate & commodo habitaret. Eam lego fuisse in burgo sancti Saluatoris. Sequenti anno *procurationes*, vt loquitur, quas Forcalquerij habebat, & mensuras aliquot, seu frumenti, seu hordei, quæ Laduncelli & Niozellis colligebantur, mutauit, ecclesiâ Petraræ. Sexto autem & sexagesimo illius sæculi emit ad domesticos vsus hortum Sistarici : & 69. vineam in ejusdem vrbis agro accepit à Raimundo & Bertrando de Mura fratribus. Hæc alicui fortasse modica videbuntur, neque ab eo commemoranda, qui res ab episcopis gestas scribere suscepit. Sed qui cogitauerit, vt non sint per se magna, ex ingenti tamen in ecclesiam amore ab Alano prodiisse, is profecto illustria, & prædicanda esse fatebitur. Amor, cum vehemens est, vt non aliquando cesset, minuta sequitur, si quæ confecteur ingentia non occurrant. Atque, vt hoc non sit, maxima omnino censeamus oportet, quibus episcoporum tempora per suos annos, seu digeruntur, seu demonstrantur. Eo ipso nono & sexagesimo anno post millesimum ducentissimum, decimo octauo calendas Decembris Alanus conuenit de nescio quare cum Crociensibus canonicis. Eum consequente ecclesiâ B. Marix de Nogheriis, & B. Stephani de Malcot mutauit Ybonicorum ecclesiâ. Primo autem & 70. interfuit professioni clientelæ regis ab Odone Vapincensi episcopo : & ipso ejusdem anni fine, scilicet idibus Martij assensus est Alaëtta, seu Adelaïdi Medullonix Curbonis dominæ, & Sistaricensibus consulis Clarissarum monasterium postulanti. De hoc monasterio Antonius Pagy Minorita Conuentualis, anno 1660. die 17. mensis Augusti scripsit in hæc verba ad Sistaricensem episcopum. *Eius edificatio cepit anno 1285. quò se contulit Gerarda de Sabrano abbatissa monasterij Auenionis ejusdem Ordinis. Edificatum erat extra ciuitatem, prope conuentum fratrum Minorum &c. Translatum est intra urbem ab anno 1360. ob bellorum iniurias, ac fortasse etiam ob Druentie, à qua non longè distabat, inundationes, quas omnino vitare non potuit, nam ex lapidis cuiusdam inscriptione ante ipsum monasterium, constat aliàs aquarum inundationem plures ex religiosis præcassè, ac partem monasterij euerxisse, &c. Factum est cum isto vnio cuiusdam alterius monasterij &c. Suspiciabatur istud alterum (Benedictinum vulgò faciunt) quoniam erat, vt loquuntur nominationis regis, vnione illà suâ fecisse vt Clarissarum jam olim fuerit, & nunc etiam sit nominationis regis, vt addit idem Pagy, qui pergit in hæc voces : Hodie monasterium illud paruum, & humile est. Ecclesiâ habet satis amplam, ac pulchram, religiosos duodecim, aut circiter,*

48 *cameras, ac publicas officinas maximè angustas.* Sed ad Alanum episcopum reuertamur. Is anno millesimo ducentesimo septuagesimo secundo, interfuit conuentionibus Roberti Auenionensis episcopi cum Prouinciæ Senescallo. Igitur ego quidem non video cur Sannarthani tomo 1. in Grimierio Aquis Archiepiscopo scripserint sequentia: *Grimerius, seu Grimierius reiecta postulatione Sislaricensis Episcopi à capitulo factâ, Gregorius X. Papa eum promouit ad sedem Aquisensem diplomate dato ad S. Crucem, 2. nonas Septembris 1272. vt patet ex epistola eiusdem Pontificis in registro Vaticano.* Nam, vt vides Alanus anno 2. & 70. sedebat. Anno autem quarto & septuagesimo priorissa B. Mariæ de Combellis ei concessit sua omnia in B. Mariæ de Brosia prioratum iura: & consequente probauit ipse trigesimo primo die mensis Augusti, Forcalquierensium canonicorum statuta quæ dicuntur, & eorum, vt etiam loquuntur, præbendas constituit. Anno millesimo ducentesimo septuagesimo quinto, idibus Decembris, obtinet cum Senescallo Prouinciæ, & Roberto de Leueno ab Archiepiscopo Aquisensi, & canonicis, *ciuibz Aquisensibus ius boscan di in Petrolis, in Tolono, & in valle Veronica.* Apud Piton in historia Aquisensi, pag. 117. Anno demum septuagesimo sexto illius sæculi die vigesima octaua mensis Maij, Bertrandus Rollandi bajulus Hospitalis Montis-Mombroni illum seruauit indemnem à nescio qua Druentianæ aquæ fossa; & tertio nonas Ianuarij ipse prædium emit in Luriensi agro.

49
Petrus
3.
Giraudi
de Podio
Micha-
elis.

Alano mortuo Petrus Giraudi de Podio Michaëlis anno millesimo ducentesimo septuagesimo septimo, tertio calendis Nouembris electus est in antistitem ex Præposito Regiensi. Podiumne Michaëlis fuerit viri patria, an potiùs à familia, familiaræ toparchia nomen ei fecerit, non possum dicere. Nam vox *Giraudi* ab exitu Prouincialibus familiari gentile nomen esse profectò conuincitur. *Virum sapientissimum* magno elogio dicit Burellanus scriba, ex antiquissimis abs dubio chartis, quæ res ab illo gestas referebant. Vnum addit, quod prætermittere nec velim, nec vt maximè vellem debeam. *Extruit palatium, inquit, & fortalitia Lurij.* Certè qui Luriensem episcopi domum viderit, à Giraudo ante annos fere quadringentos exadificatam, ille vehementer mirabitur ei animos ad suscipiendum opus, & constantiam, atque scilicet pecuniam ad perficiendum suffecisse. Lurium saxeo colli impositum est, quem montosa circum omnis regio ceteris longe sublimiorem educit. Quacunque ingredi volueris, contragofus; & pro asperitate sinuosus ad illud ascensus est. In summo pagi vertice amplissima moles, eaque turrita surgit, prælongis in quadrum latens. Vbi ædes ad ipsam adjunctas intraueris, officinarum laudabis, & cubiculorum veram ad necessarios vsus oportunitatem. Sed qui amplitudinem aulae attenderit, certè fatebitur nihil eam debere illis, quas principes viri, seu in maximis vrbibus, seu amœnis in agris ad nominis claritatem ostentant. Vnum verò est ad cuius conspectum nemo est qui non stupeat. Turrita illa moles, & spatii vasta, & triplici contiguatione sublimis fastigio concamerato clauditur, & tantà stat parietum crassitudine, vt si ordinariæ argumenta structura non essent in arenato, quod lapides jungit, saxum vnum vegrande è summo colle diceres eminere. Burellanus scriba pergit de Giraudo dicere sequentibus verbis. *Emit dominia, affaria, & bona quorundam nobilium in castro Lurij, & multa alia emit, & acquisiuit, & multa alia bona fecit, & de multis redditibus ecclesiam*

ecclesiam Sistaricensem augmentauit : Placet ista fusiùs per partes tradere, & in suos digerere annos. Anno millesimo ducentesimo septuagesimo octauo, decimo calendas Martij conuénit cum Isnardo Iustacio de nescio qua re. Dominus hic erat Podij pini. Raimundum genuit ex Beatrice vxore, & Raimundus Pontium. Lego Iustacios Podij pini dominos habitasse Manuascæ, & primo Manuascæ libro num. 68. ex vrbano illius chartulario docui nobilitate generis quondam inclariuisse. Sequenti anno emit à *Guilermo Cornuti domicello de Forcalquerio totum affare cum iuribus &c. quod est in castris de Lurio & Lebrignana, pretio centum librarum coronatorum, duodecimo calendas Februarij.* Anno millesimo ducentesimo octogesimo, conuénit cum Sistaricensium canonicorum collegio de Fano Geruasij, Beoutio, Fano Antonij, Panserio : Petrus de Fuxo Cardinalis Albanensis testatur ipsum anno millesimo ducentesimo octogesimo primo, interfuisse inspectioni corporis S. Mariæ Magdalenæ duobus antè annis inuenti à Carolo Salemitano, Siciliæ post Carolum patrem rege, Comitèque Prouinciæ : ita scribit in suis de sanctæ illius semina corpore, quod Sanmaximini in Prouincia colitur, tabulis. Consequente anno emit nonnulla prædia in loco de *Augeto* : concessit quoque in *emphiteosim perpetuam Raimundo Alba* prædia quædam *Pansery*, vt habent tabulæ quas ea de re scriba conferit. Tertio autem & octogesimo illius sæculi emit *Reuesti infangari* nonnulla à Giraudo Isnardo ; & centum ac tredecim *solidis coronatis* plurima alia à Bernardo de *Albenacio*, domicello de *Fontiana*, quæ ad illud vsque temporis ipse tenuerat ab ipso domino episcopo, & eius dominio, vt fert emptionis charta. Anno quarto & octogesimo post millesimum ducentesium, nescio quam pecuniæ vim credit Bernardo Luueni : quinto autem & octogesimo, die septima mensis Nouembris, conuénit cum Iacobo Bueymundi Præposito & canonicis Sistaricensibus de variis (vt vulgò loquuntur) *procuracionibus debitis* : atque sextodecimo calendas Martias ejusdem anni exeuntis, interfuit Regiensi concilio. Anno millesimo ducentesimo octogesimo septimo, Bertrandus de S. Maximo se proficitur Giraudi clientem, ex vrbani & rusticis quibusdam Lurij prædiis. Octauo demum & octogesimo ipse Antistes emit nonnulla Petraræ prædia. Res cæteræ à sapientissimo episcopo gestæ ad me non peruenerunt. *Diem clausit extremum anno corrente Domini millesimo ducentesimo nonagesimo primo. Sepultus est* in Sistaricensi canonicorum basilica, ante altare B. Mariæ, vt lego in episcopij libro, quem vocant viridem.

Petrus de Alamanono nobilitate gentis, & vitæ sanctitate clarissimus, Petro Giraudi mortuo episcopatum adiit. Hic vir à puero instituta B. Domini per omne genus virtutis ante Sistaricenses insulas secutus fuerat. Igitur Leander libro tertio de illustribus Dominicanis de eo scripsit in hæc verba. *Petrus de Alamanono episcopus Sistaricensis, nobilis genere, sed benignitate ac mansuetudine nobilior, exemplar & norma religiosorum, Carolo regi Prouinciæ Gallie Narbonensis, sese comitem in omnibus præstitit, & à Siculis captum nunquam dimisit.* Hic Carolus est eo nomine secundus, Claudus cognomine, Caroli primi quem Ludouicus octauus Francorum rex genuit, filius. Aragonij, non Siculi, nauali prælio vitum superauerunt, ceperuntque : igitur captiuum duxere in Aragoniam. Salerni principem appellabant. Neque tunc, scilicet per Caroli patris vitam rex erat : Siciliæ autem eo mortuo rex fuit, non Pro-

uinciarum, quæ ante quadringentos annos, & multum de amplitudine sua amiserat, & regni nomen mutauerat nomine Comitatus. Sed Petri antistitis tempora in suos annos ex antiquis tabulis digeramus, quæ non pauca docent rem episcopalem plurimum auxisse.

- 54 Ante ipsi episcopi emerant mediam Ybonicarum partem. Petrus anno millesimo ducentesimo nonagesimo tertio, mediam partem alteram pecuniâ comparauit. Sequente autem anno sedisse lego in charta, quâ Pugeto, Bodanensis vallis pago, vicarium, ut loquuntur, perpetuum imposuit. Ad Sistaricenses episcopos non spectat quidem quod sequitur, sed Balmæ Sistaricensium Dominicanos attingit, & eorum omnino interest. Raimundus Medullionius Ebredunensis archiepiscopus eo ipso anno moritur, & Balmæ Dominicanis sacram ejus suppellectilem (& domitorum erat) sibi capiunt. Scilicet in ipsorum cænobio instituta B. Dominici professus fuerat, & ad illud detulerant mortui corpus. *Raimundus de Medullione* (sunt verba Leandri libro 3. de illustribus Dominicanis) *vir & nobilitate, & quadam animi lenitate conspicuus, circa annum millesimum ducentesimum octogesimum primum, ecclesiam Vapincensem, inssu Pontificis gubernandam suscepit. Deinde post non multum temporis, Ebredunensis ciuitatis archiepiscopali insula donatus est. His enim duabus ecclesiis, annis tredecim omnium laude præsuevit. Verum paulo post conuentum generalem per patres nostros apud Montem Pessulanum, quem suâ præsentia, compositione morum, ac virtutum elegantia ornauerat, diem suum deuotè obiit anno 1244. apud Buxum. Exinde verò ad cænobium nostrum Sistaricense* (id. Sistaricensium Balmæ positum) *translatus est.*
- 55 Buxense Dominicanorum monasterium ipse curauerat erigi à Medullionensi dynasta fratre. Sedisse Alamannonum anno millesimo ducentesimo nonagesimo quinto, multa docent: Principio id ferunt *recognitiones* (ita vulgò appellatur clientelæ professio) Lebrignanæ; & ejusdem vicariæ, seu procurionalis Sacerdotij collatio Paulo Almando Templario ad postulationem Martini Templariorum abbatis. Deinde Carolus Rex Comes Prouinciæ, quas libras quindecim, ex Sanlymphoriani prouentibus capiendas concesserat olim episcopo, eas libras quindecim illo ipso anno mutauit Petrosianis, & Lebrignanæ; fecitque præterea ut Hugo de Vicinis *marescallie magister*, & Prouinciæ Senescallus: nonnulla in Lebrignanam & Laduncellum jura antistitis: mutaret aliis opportuniorebus quæ ad principem pertinebant. Denique Bonifacij Romani Pontificis octauo mandato, Petrus episcopus hoc eodem, & nonagesimo sæculi anno, suos Dominicanos deduxit ad sacrum illud antrum (sanctam Balmam Prouinciales vocant) in quo Maria Magdalena Lazari soror plurimos exegit annos. Petrum Giraldi appellat scriptor de Magdalena Massiliensi aduena capite 29. & fallitur. Girardus, siue Giraudus, quatuor antè annis extremam diem obierat, & Alamannonius ab
- 56 ejus morte jam per annos omnino quatuor sederat, ut ex superioribus intelligis. Anno millesimo ducentesimo nonagesimo sexto, Lebrignanæ ciues jam olim episcopi clientes, clientelam professi sunt. Septimo autem & nonagesimo Carolus Rex Comes Prouinciæ, duo constituit ad Petri, ut arbitrabar, preces. Regij apud Sistaricum & Forcalquerium iudices, episcopali bus intercedebant per loca episcopi subiecta iudicibus, & prima, ut loquuntur, apud illos *instantia* contentione prohibebant actores. Carolus insolentia

tiâ rei commotus voluit sua, cohibitis iudicibus regis, jura episcopalibus integra perdurare. *Redditus antiquos insuper dedit Alamannonio antistiti* (sunt tabularum ab eo confectarum verba) *triginta librarum coronatorum Prouincialium, in villa de Lebriniana, & de Petrosio, pro restitutione dominij, & Lioncello, & quibusdam bonis quæ petebat episcopus in villa de Lebriniana.* Obscuræ voces. Significare videntur Carolum eam librarum vim dedisse pro Lebriniana, & Petrosij dominio, quod à principe quondâ acceptum episcopum restituerit. Quâ enim aliam dominij restitutionem significare putandæ sunt: cum verò audis pro Lioncello etiam illas coronatorum libras antistiti à rege concessas fuisse, cogita pro Lioncelli dominio illo concessas quod numero 31. vidimus eâ ratione summum, quâ non pauci in Germania antistites suis imperitant vrbibus, vt cui pago episcopus sub imperatore *immediatè* præerat, postea sub Prouinciæ etiam Comite dominatus fuerit. Iam ab anno septimo, & nonagesimo post millesimum ducentesium, meæ omnes charta de episcopo tacent, vsque ad primum & tertium à trecentesimo. Illo sedebat Petrus ex tabulis, quibus Petrus Crociensis abbas fertur emisisse medietatem castri de Turre à Raimundo Garnerij de Manualca milite. Illo Petrus interfuisse legitur professioni clientelæ à Rainaldo Porcelleto Dinienfi episcopo editæ Comiti Prouinciæ. Petrum scripsi, non Alamannonium, quia lego non Alamannonium, sed *de rex* appellatum, qui sedebat anno ante illum tertium sexto. Scilicet Bernardus Guido Lodouensis episcopus, ejusdem cum Alamannio Dominicanorum Ordinis, in *registro fundationum conuentuum Ordinis* sui, tradit *Petrum de rex* fuisse Sistaricensem episcopum anno millesimo ducentesimo nonagesimo octauo; & cum Carolus eo nomine secundus Siciliæ rex & Prouinciæ Comes, sanctorum virorum reliquias in thecam gemmis insignem induceret Aquis sextiis apud Dominicanos, quibus monasterium erigebat, clarissimo interfuisse Principis operi. Igitur si Petrus Alamannionius, ab Alamannono pago non cognomen, sed gentile nomen ducebat, profectò qui *de rex* fuit dictus, alius ab eo fuit. Verùm potest fieri, vt anrisses *de rex*, seu *de rege* (sic enim Latine reddas, quod Galli vulgò dicunt *de roy*) gentilicè appellaretur nomine, quem Alamannonium à paterno pago omnes, vt fere alios gente nobile viros, appellitabant. Placet tamen rem, quæ obscura est, lectoris arbitrio relinquere. Vt cumque ea habeat, Petrus Alamannionius extremam diem obit die primâ mensis Augusti, & *sepelitur in templo Dominicanorum Aqueusium, ex Burellano scriba, qui paulò antè scripserat sequentia. Isle episcopus vir sanctissimus, fuit piissimus, elemosinarius, & largitor bonorum suorum ad honorem Dei, ita quòd fere medietatem suorum redditum in piis elemosynis pauperibus, viduis, & orphanis tribuebat: pontes, & multa hospitalia in Sistaricensi ditione fecit.*

Iacobus Gantelmi Petro siue Alamannonio, siue *de rex* mortuo, successu anno millesimo trecentesimo tertio, die tertia mensis Augusti, & per annos sex vsque ad trecentesium decimam à millesimo, rexit ecclesiam Sistaricensem. Ingentium vir animorum secutus est Robertum regem Comitem Prouinciæ, pro summo Pontifice agentem apud Insubres, in Pedemontium ad Prouinciâ illis temporibus adjunctum. Equite multo pedetèque stipatus, docuit cum Sacerdotis sit manus suas ad Deum pro Principe per bellum tollere, nihil indecori agere, si pro eo ipso suorum manibus pugnet.

gnet. Alba Insulbrum anno millesimo trecentesimo decimo vita functi cadauer, deportauere Sistaricum, & in Alani præfulis ante annos triginta mortui sepulchro condiderunt. Vnum hoc de illo ad me peruénit, ex Sistaricensis episcopi tabulario. Cetera vel in aliis tabulariis latent, vel omnino sepehuit obliuio. Anno octauo post millesimum trecentesium die secundâ, & vigesima mensis Aprilis, fecit vt Carolus Roberti pater rursus prohiberet Sistarici, & Forcalquerij iudicibus, de Sistaricensis episcopi subditis ante omnem ab ejus iudicibus prouocationem quærere. Id ante annos vndecim Alamannonio antistite prohibuerat, sed vt regij iudices dabant pro principe populis iura, arbitrabantur nihil non sibi licitum esse. Eodem anno petiit à Manualcensibus die decima quarta Decembris, *sex millia Turonensium argenteorum*, abs dubio vt militem pro Roberto Comite cogeret, atque in Italiani duceret. Quid Manualcenses ei responderint non lego.

DE REBUS GESTIS

EPI SCOPORVM SISTARICENSIVM

LIBER QVARTVS.

R
Raimundus 1.

RAIMVNDVS de Oppeda post Iacobum sedit antistes, electus à Canonicis Sistaricensibus & Forcalqueriensibus anno 1310. die 2. Augusti. Sub episcopatus initia anno millesimo trecentesimo vndecimo, vocauit Ybonices ad clientelæ professionem. In illis censentur (vt præcipuos afferam, ad posterorum, si qui supersunt, nomen) Inardus, Vincentius, & Mattheus, fratres de gente Vincentia, Guilelmus Saunerij, G. Raynaudi, Inardus Saunerius, Guilelmus Allandi, Petrus Sisino, Iacobus Riperti, Hugo Clementis, Mattheus Habrannete, Iacobus Alfedii, se dixerunt clientes flexis genibus, manibusque junctis. Res acta est prima die mensis Maij. Neque aliud de hoc præfule ad meas manus peruénit. Tempus, etiam per quod episcopales tulit infulas, tacent meæ omnes chartæ. Sanmarthani in Gallia Christiana, asserunt Rostagnum illo ipso anno vndecimo, jam episcopum interfuisse homagio, quod Bertrandus Arausicanus princeps præstitit Roberto Regi Comiti Prouinciæ. Sed Guilelmus & Bernardus scribæ in tabulis, quas de eo homagio conscriebant, docuere præstitum nono, non 11. sæculi anno. Scriptores ergo illi videntur Rostagnum pro Raimundo accepisse, cum R. initialem, solum pro integro nomine positum, legerent characterem. Hic ille Bertrandus Baucius est, qui anno 1308. principatum à Tiburge de Arausica matre in Vvilelmum, & Rambaldum filios, anno millesimo centesimo quinquagesimo bifariam diuisum, primus integritati suæ restitutum accepit, Carolo secundo Roberti regis patre, partem eam Orgono, & aliis pagis mutatam concedente, quam Tiburgis Vvilelmi filia, & Raimbaudus Giirannus conjux concesserat Hospitalariis.

Raimundus autem ab anno illius sæculi vndecimo ad secundum & quadragesimum vsque sedit. Decimoquarto fuit ei contentio cum Pontio Iustacio, qui Podio pino dominabatur. Is Raimundo patre mortuo regebat

tur à Beatrice matre. Hæc molestinam imposuerat Druentia fluuio ad Ricauum agrum, inconsulto episcopo pagi domino. Res mihi ignota fecerunt, vt ante quartum & decimum sæculi, annum nemo aduersus Pontium ejusque matrem egerit lege. Quod sapientis & benigni erat Antistitis, eo Raimundus conuenit cum ipsis die decimo quarto mensis Septembris. Eodem anno iuit ad Concilium Constantiense, deditque Raimundo Talono Præposito Forcalqueriensi, facultatem vniendi collegio suo ecclesias Forcalquerienses B. Mariæ. B. Ioannis, & B. Petri, quas anno consequente vniuit die 12. Ianuarij anno post quarto, qui fuit octauus decimus supra millesimum trecentesium, Ioannes Romanus Pontifex eo nomine secundus & vigesimus vnum fecit, quod Præfules non parum intererat. Luræ duabus à Sistarico vrbe leucis monasterium est. Fulco de Alfonticis cum Fresolo, & Raimbaudo fratribus, aliisque à me commemorati libro 2. num. 49. ante annum millesimum centesimum septuagesimum, Petro Sabranio episcopo, erexerunt monachis Boscaudono vocatis. Putabam locum in quo B. Donatus, vt habes in superioribus libro 1. num. 20. & sequentibus diu vixit, ac denique mortuus est, habitum pro sacro, & sanctitate suâ fecisse vt illud excitarent. Vt cumque hoc habeat, tanto pietatis nomine nobiles viros totis regionibus proximis ad sui venerationem adduxit, vt intra 100. à sua origine annos magnas in opes eorum munere creuerit. Igitur Alexander Romanus Pontifex eo nomine quartus anno millesimo ducentesimo quinquagesimo quinto in suis ad Lurenfes monachos literis tradebat habere, præter locum in quo positum est, S. Mariam de Reali, S. Petrum de Lampsona, S. Geraldum de Podio pino, S. Mariam de Dumant, S. Petrum de Roceto, S. Nazarium; ecclesias Roche, de Vols, de Claussone, de Clauacumba. multaque prædia, & iura Massilia, Aquis sextiis, Manualca, Forcalquerij, Milone, Ribiezi, Molcore, Relianæ, Curelli, Monlauri, Ruesti, Alfonticis, in Fanis Michaëlis, & Stephani, aliisque in oppidis, & pagis. Quibus autoribus, quibus ex causis factum sit non lego, factum tamen est, vt post annum millesimum trecentesium monachi cogitauerint sese Auenionensibus canonicis adungere; & qui Sistaricensi suberant episcopo, se suaque eo post habito submittere Auenionensi, concessâ etiam illi, quæ monachis ad eam diem à Summo Pontifice attributa fuerat, constitutione abbatis. Atque demum res eò deuēnit, vt Ioanni vigesimo secundo sua consilia probauerint, qui, in istas voces edixit.

Ioannes episcopus seruus seruorum Dei dilectis filiis Præposito & Capitulo ecclesie Auenionensis, Ordinis S. Augustini, & abbati & conuentui monasterij de Lura, Ordinis S. Benedicti, Sistaricensis diocesis salutem, & Apostolicam benedictionem. Uniuersali ecclesie licet immeriti præsidentes, continuâ resedimus attentione solliciti, vt sic status cunctarum ecclesiarum, & ecclesiasticorum locorum prosperis successibus dirigatur, quod spiritualibus, & temporalibus autore Deo proficiant incrementis. Ex tenore siquidem vestra petitionis accepimus, quod inter dilectos filios vicarios episcopatus Auenionensis, autoritate Apostolica constitutos, & vos filij Præposite & Capitulum ex parte vna, & vos filij Abbas & Conuentus, super vniione & incorporatione de monasterio vestro cum suis membris, ac bonis, iuribus, & pertinentiis vniuersis eidem ecclesie faciendis habitus & formatus, præmissa diligenti deliberatione tractatus extitit in hunc modum. Videl. quod factum perpetua & reali vniione, & incorporatione predictum, nomen dignitatis Abbatis ejusdem monasterij nullatenus

tenus mutaretur, & perpetuò appellaretur communiter Abbas de Lura in ecclesia Auenionensi. Quòdque idem Abbas ac omnes, & singuli eiusdem monasterij beneficiati, administrationes, & beneficiaque obtinebant, tenerent in posterum sicut prius, ipsiusque monasterij monachi, qui tunc erant, ac essent pro tempore, ecclesie Auenionensis canonici vocarentur; & in monasterio ipso professi, in eadem ecclesia pro professis canonicis haberentur, superpellicea sicut veri canonici Auenionenses deferrent, ac de vestiario, & aliis, per Abbatem ipsius monasterij prouideretur iisdem. Et nihilominus duodecim de canonicis eiusdem monasterij, personaliter perpetuò iuxta ordinationem Abbatis eiusdem monasterij qui nunc est, & esse continget in futurum, eodem Abbate in ipsorum numero computato, residerent in monasterio supradicto; reliquis autem octo canonicis in beneficiis, & administrationibus que obtinent, facturis residentiam personalem. Et insuper eodem Abbate cedente, vel decedente, huiusmodi ordinatio ad Auenionensem Episcopum qui esset pro tempore, ac dictos Prepositum, & Capitulum pertineret; ac ipso Abbate viuente, ad eum pertineret creatio canonicorum in monasterio supradicto, vsque ad presatum vicesimum numerum, & ipsorum leuis prima correctio pleno iure: ad eundem verò Episcopum maior correctio, & in criminibus etiam per viam appellationis, & simplicis querelæ, vel aliter immediatè ad eundem, Episcopum pertinebit. Scabellum autem in choro, & locum in capitulo, ac Refectorio ipsius Auenionensis ecclesie, & vocem, idem Abbas, & successores immediatè post memoratum Prepositum obtinebunt. Ad hebdomadam verò in eadem ecclesia Auenionensi faciendam, dicti Abbas & successores minimè adstringantur, nisi quatenus ad illam faciendam supradictus Prepositus est adstrictus. Eisdem quoque Abbati, & successoribus, de generali prouidebitur ecclesie supradictæ, sicut antedicto Preposito prouidetur. Itaque Abbas, & successores, absentes ab ecclesia supradicta, nequaquam in minimis negotiis vocabuntur, sed vocabuntur in maioribus, & arduis in eadem ecclesia ordinandis. Præterea predictus Episcopus, sicut Archidiaconatus, & Sacristia eiusdem ecclesie Auenionensis, ipsius ecclesie confert canonicis, sic eiusdem abbacie confert dignitatem. Et nihilominus ipso Abbate cedente, vel decedente, iidem episcopus & Prepositus ac Capitulum, de beneficiis ad eandem abbatiæ spectantibus, sicut de beneficiis eiusdem ecclesie prouidebunt, de quibus habebit idem Abbas, dum vixerit, prouidere. Beneficiati namque canonici monasterij supradicti, qui Priores, vel rectores ecclesiarum existunt, necnon & Decanus, & Sacrista dicti monasterij ad electionem ecclesie Auenionensis cum fuerit faciendam, pro tempore, vocabuntur, aliis presati monasterij canonicis, etiam si grangiarum fuerint, vel claustrales ad electionem eiusmodi aliquatenus non vocatis. Ceterum dicti Abbas, & successores, erunt de stricto consilio Capituli supradicti, sicut Archidiaconi ipsius ecclesie Auenionensis fore noscuntur, ac certas in eadem ecclesia libertates habebunt, quas presati Archidiaconi virtute privilegiorum Apostolice sedis, vel quouis alio modo obtinent in eadem. Ac ipsius monasterij canonicis, cum eos ad ecclesiam Auenionensem applicare contigerit, prouidebitur, sicut sancti Pauli de Mauzeolo, & sancti Michaelis de Faigeleto canonicis est fieri consuetum. Pro quibus etiam tam in spiritualibus, quam in temporalibus fiet in Ecclesia supradicta, sicut pro canonicis ipsius ecclesie viuus, & defunctis fieri consuevit. Quotque in

generali citatione, & receptione canonicorum ipsius ecclesie Auenionensis, tot ponent canonicos Abbas & successores predicti, quos ponere continget Praepositum memoratum. Licebit etiam eisdem Abbati, & successoribus, extra dictam ecclesiam Auenionensem, prope tamen, ubi moretur, & comedat, habere hospitium; iacebit tamen infra claustrum, ipsius ecclesie necessitate cessante. Quare nobis humiliter supplicasti, ut huiusmodi tractatum admittere, dicta & incorporationem & unionem concedere dignaremur. Nos igitur vestris supplicationibus inclinati, tractatum eundem admiscimus, & monasterium praefatum cum omnibus membris, bonis, iuribus, & pertinentiis suis, eidem ecclesie Auenionensi, autoritate Apostolica incorporamus, perpetuo annectimus, & unimus. Nulli ergo omnino hominum liceat hanc paginam nostrae admissionis, incorporationis, & unionis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, & beatorum Petri & Pauli Apostolorum eius, se noverit incursum. Datum Auenione decimotertio calendarum Juniarum, Pontificatus nostri anno secundo.

Quid mentis Raimundo episcopo fuisse putas, cum has Romani Pontificis literas vidisset? Cetera seu latent ignotis in tabulis, seu per cariem, temporumve injuriam, aeterna obliuione sunt sepulta. Certè abbas Lux post annos centum, millesimo scilicet quadringentesimo decimo septimo, obedientiam Roberto Sistaricensi episcopo non sine sacramento professus est. Vt cumque hoc habeat, lego tamen in secularizatione, quam vocant, canonicorum Auenionensis Ecclesiae sequentia. Abbatiam de Lura Ordinis S. Benedicti, Sistaricensis diocesis Ecclesia Auenionensi olim unitam, & ab ea dependentem, cum omnibus iuribus & pertinentiis suis, dicta mense Capitulari assignamus, ita & taliter, quod deinceps nullus eiusdem Ecclesiae canonicus, seu alia persona in dicta Abbatia institui possit. Istam secularizationem edidit Iulianus Cardinalis de Ruvere, ex mandato Sixti IV. Pontificis, anno millesimo quadringentesimo octogesimo primo, 4. calend. Iulij. Lurenensis Abbatia non est annexa nunc temporis collegio canonicorum Auenionensium, & monasterium quod olim viginti monachos capiebat, illis defectum, vix se olim stetit demonstrat non magna rudetum multitudine. Raimundus adiit quidem Auenionem non multos post annos, sexto scilicet ac vigesimo saeculi vocatus ad Concilium, sed non lego egisse tum in eo de Lurenensi cernobio. Synodus extra urbem habita est in Sanruferensi templo. Anno post eam secundo Rostagnus Raimundo successit.

Anno millesimo trecentesimo trigesimo sexto, occurrit illi nescio quid cur arbitaretur futurum, ut absumerentur tabulae, quibus Raimundus Berengarius Prouinciae Comes, Reuestum pagum episcopo quondam concesserat, igitur voluit: ut ipsarum apographum, in longe plures annos scil. duraturum, consignaretur manu regij scribae. Anno post decimo, qui sextus & quadragesimus saeculi erat, contentio fuit Officiali ipsius cum Auenensi, & damnatus prouocauit per priorem S. Baudilij. Per modica, fateor, res est haec, neque de se digna quae rebus praecclare ab episcopo gestis misceatur: sed magni esse omnino censendum est, quod, ut alioqui habeatur pro nihilo, nostrorum episcoporum annos temporaque demonstrat, ducit, digerit. A sexto & quadragesimo saeculi, usque ad nouum & quadragesimum annum, nihil lego de Sistaricensibus episcopis.

13 Petrus Auogradi nono isto sedere cepit ex tabulis Vaticanis Autorga-
Petrus dum alij vocant. Successeritne Rostagno, quor annos sederit, quo sedere de-
5. Auogradi. fierit, quem denique successorem habuerit non inuenio. Geraldus post eum
Geraldus 4. sedit, sed an ipsum exceperit non possum dicere. Vnum assero, sedisse anno
 tertio & sexagesimo post millesimum trecentesiumum. Scriptus manu liber
 est in manibus meis, quo iudiciaria omnis causa de sanctitate vitæ, & mira-
 culis Dalphinæ virginis, in S. Elzearii conjugio annos septem & viginti mo-
 rata, continetur vno & nonaginta capitibus comprehensa, de quibus rogati
 Philippus Ierosolymorum patriarcha, Anglicus Auenionensis episcopus,
 Guirannus de Simiana Casanoux dynasta, aliique viri ad octo & sexaginta
 responderunt Ioanni Archiepiscopo Aquis, & Ioanni episcopo Vasionen-

14 si quæstoribus. Urbanus his duobus tertium addiderat Geraldum, Anglici
 Auenionensis episcopi frater, Romanus Pontifex, sed Sistaricensis episco-
 pus negotia excusauit. Placet voces excusantis afferre, vt viri prudentiam,
 & in exequendo episcopali munere constantiam demireris. *Doleo admodum,*
quod in commissione tam honorifica non mihi detur vobis adjungi, (respondet
 Aquis, & Vasionensi præsulibus) *ab aliquo enim tempore collaboro ordinan-*
da meæ diocesi, restituendaque discipline, ob episcoporum absentiam collabanti, cui
operi satis arduo multum temporis est adhuc conueniendum, nec possum intermittere
absque maximo detrimento animarum meæ à Deo sollicitudini commissarum;
et nisi pergatur, quidquid feliciter actum est, conuulsum ibit. Datum in castro
nostro Lurij, 18. Martij, 1363.

15 Neque diu post Geraldus literas episcopatum rexit Petrus. Nam ex Ma-
Petrus nuascensium Carmelitarum chartis Petrus anno consequente erat episco-
6. Bertoldus. pus. Petro quoque longa non fuit in episcopali munere mora. Bertoldus
 anno quinto, & sexagesimo post millesimum trecentesiumum, in bulla qua-
 dam auro Caroli quarti Germanorum imperatoris, dicitur cancellarius
 vice Cunonis Archiepiscopi Treuirensis. Sed quod Petro factum fuerat,
 vt Sistarici modicum sederet tempus, hoc ipsum Bertoldo euénit: eo-
 dem enim quinto anno post sexagesimum à millesimo trecentesimo, Ge-
 raldus à prædecessore Bertoldi alius interfuit Aptensi concilio, cuius acta
 Ebredunenses canonici seruant in suo tabulario. Ad id conuenerant Pro-
 uinciales episcopi cum suis archiepiscopis Arelatensi, Ebredunensi, &

16 Aquis. Is tamen non multò post viuere desiit. Scilicet lego in Manuascen-
Geraldus 5. sium consulum diario, mortuum esse anno millesimo trecentesimo sexage-
 simo septimo, & quatuor de suo senatù viros, ab illis Lurium missos, qui sui
 antistitis funeri vniuersorum ciuium vice interessent. Honore non aliàs vlli
 præsulum delato docuerunt se Geraldo, & alia, & hoc debere, quòd
 cum sibi eo ipso anno ab hostibus timerent, clerus omnis in commu-
 ni patriæ periculo, pecuniam illius mandato contulerat ad murorum fos-
 sarumque restitutionem, & vniuersum bellicum apparatus. Lego eà
 damnaſſe Franciscum de Caiarbo Priorem sanctæ Mariæ, die decima quin-
 ta Iunij. Vasconum principio, deinde Hispanorum, quæ vulgò diceban-
 tur *Societates*, omnem circum Manuascam regionem, importunissimo latro-
 cinio diripiabant vastabantque.

17 Geraldo mortuo Rainulphus Innocentij sexti ex sorore nepos episco-
Rainulphus. patu donatus est. Hic vir Monteruci, (Montyrac à Gallis appella-
 tur)

tur) in Lemouicibus natus, è vita excessit Romæ. Seluxum gente facit Frisonius in Gallia purpurata, è qua gente fuit Georgius de Selua Vaurensis sub annum millesimum quingentesimum trigessimum episcopus, Ioannis in Parisiensi curia præsidum primi filius. Ipse in testamento se dicit Rainulphum de Cruco; neque Seluxum fuisse, aut illum, aut Petrum Cardinalem ex cuius fratre ortus est, vllæ ejus temporis chartæ significant. Quid? quòd lego neque apud Lemouicenses, neque etiam apud Gallos, Seluxorum gentem ante annos centum quinquaginta, & quod excurrit fuisse. Qui primorum Parisiensis curiæ præsidum elogia nuper edidere, aiunt Mediolano in Galliam venisse. Fabianus Georgij Vaurensium episcopi auus ille est, ipsis autoribus, qui cùm Legatus equitum graulum turmam duceret, fixit apud Aruemos sedem. Marcus (*de la Mark* vulgò dicitur) Comes illi equitum turmæ præfectus, tum pro rege tenebat Aruerniam: Igitur ex Lucretia de Canillac vxore Ioannem progeniuit. Is cùm Parisios deuenisset, primum in curia Senator, deinde primus præsidum fuit. Nonnulli volunt anno illius sæculi quarto, & decimo præfuisse Burdegalensi curiæ præsidem primum, & quintodecimo Mediolanensi: verum anno sexto, & decimo, cùm esset consiliarius in Parisiensi curia, præfectus fuit primæ decimarum in Bituricensi archiepiscopatu collectioni, cum Thoma Paschali inquisitionum præside, & Francisco Disgue consiliario, vt ipse Franciscus rex docet in literis, quibus eo anno die decimotertiò mensis Septembris illis agenda præscribit. Vtcumque res habeat, Rainulphus qui nominatur Borse, & dicitur canonicus Tornacensis ab Urbano Pontifice in literis de episcopatu datis, jam Sistaricensis antistes, anno millesimo trecentesimo septuagesimo, Manualæ basilicam vnxit hominum Saluatori; & cùm post annos octo ad cardinalatum euectus fuisset, mortuus est Romæ anno millesimo trecentesimo octogesimo secundo, vt legere est in sepulchrali inscriptione, quam ejus conditorio in istas voces imposuerunt. *Hic jacet R.P.R. dominus Raynulpus tituli S. Potentianæ Presbyter Cardinalis, natione Lemouicensis, de genere domini Innocentij Pape VI. qui in hoc titulo suo monachos constituit. Anno 1382. die 15. mensis Augusti.*

Post Rainulphum sedet Artaudus, & quidem illo ipso anno 1382. ex tabulis, quas Petrus Cortasse Aptensis episcopi secretarius, sua in officina veteribus instructissima chartis habet. In aliis tabulis præterea lego sedisse annis tertio, quinto, septimo, ac nono supra millesimum trecentesium octogesium. Tuchini (ignota mihi est origo nominis) infestum Prouinciæ vniuersæ genus hominum, ab anno tertio, & octogesimo vsque ad nonum & nonagesimum eam latrocinis peragrauerunt, duce Raimundo Turenio Bellifortis Comite. Quæ grauissimarum injuriarum causæ? Guilelmus Raimundi pater Ludouicum Andium Ducem, Ludouici Prouinciæ Comitis patrem, & adoptauerat in filium, & Bellifortis Comitatu donatum dixerat heredem ex asse. Igitur omnes totis regionibus pagi, oppida, vrbes sibi timere, parare arma, mœnia instaurare. Cucuronum vi ceperant, imminebant Pertusio. Artaudus Manualæ anno illo tertio fecit, vt quod ciues à Romano Pontifice mandatum clericis acceperant

18

19

20

Artaudus.

- de pecunia in mœnium restitutionem ab anno ceptam conferenda publicaretur, suamque vim haberet. Anno autem quinto fuit Arelate, cùm ciues, Ludouici Andegauenſis, à Ioanna Regina Comite Prouinciæ adoptati, filium, admiserunt in Comitem. Septimo anno Franciscanorum, qui Obſeruantibus vocantur, cœmeterium luſtrali aqua ſacravit Manuaſca, vt habet charta de re in perpetuam ejus memoriam à tabellione ſcripta. Nono anno die 7. Iulij, intereſt conuentionibus Mariæ Reginæ Siciliæ, cum Ioanne le Maingte Mareſcallo Franciæ. Guichenonus in hiſtoria Sabaudix aduertit miſſum Auenionem ad inducias cum Duce Sabaudix à Ioanna Regina faciendas. Puteanus libro de iuribus Regis Francorum in varias regiones paginâ 79. recitat induciarum capita, & addit ſcripta fuiſſe anno milleſimo quadringenteſimo, Artaudumque Episcopum: ea ſcripiſſe pro Maria Regina. Sederitne poſtea diu Artaudus, & quis illi ſucceſſerit, non dicunt chartæ meæ. Saurinus Siſtaricenſis eccleſiæ Theologus in aduerſariis ſuis de Siſtaricenſibus episcopis, ſignificat Nicolaum ſucceſſiſſe Artaudo, & Nicolaô Raimundum ſecundum. Sic loquitur, *Raimundus d'Oppede eligitur episcopus Siſtaricenſis anno milleſimo quadringenteſimo. Bulla Clementis ad Archiepiscopum Aquenſem.* Et poſt aliqua. *Ioannes vigefimus tertius, decimo tertio calendæ Martij, Pontificatus ſui anno quinto, Conſtantia dat facultatem Dimenſi episcopo, ratificandi tranſactionem, initam inter Robertum episcopum Siſtaricenſem, & habitatores caſtri de Lurio: ubi dicitur Nicolaus Preceſſor Roberti, quem videbimus anno quadringenteſimo, & ſequentibus antiſtitem.* Sed Ioannis tertij & vigefimi bullam, neque in Conſtantiensî concilio, neque in aliis codicibus typo editis diu & accuratè quæſitam reperire potui. Eam fortasſe Saurinus in ſuo Siſtaricenſium Canonicorum tabulario legit. A Clemente autem epistolam, quæ illa de Raimundo traderet, ſcriptam eſſe vix crediderim. Nam quæ tandem cauſa potuerunt facere, vt Clemens VII. (is ſcilicet Pontificum Romanorum, eo poſt annum milleſimum quadringenteſimum nomine, primus vixit) ſcriberet de electione Raimundi ante ipſum annis centum viginti, & quod excurrit facta? Vt hæc habeant, Nicolaus aſſeratur, per me licet, poſt Artaudum episcopus, & poſt Nicolaum Raimundus, tamen eo ipſo quadringenteſimo poſt milleſimum anno, quo Raimundum ſediſſe dicitur in illa Clementis Pontificis bulla, Robertus Siſtaricenſem rexit eccleſiam, ex fideli charta apud Manuaſcentes in vrbano tabulario à me lecta: Igitur cùm ſedere Siſtarici poſt ceptum ille deſuiſſet, hic ante finium cepit. Ab eo anno ad ſextum vſque ſæculi & trigefimum, episcopales nil inſulas, vt intelligitur ex chartis quæ ipſius episcopatum memorent.

2 3
Riber-
nu.

Ante annum quartum & decimum à quadringenteſimo, magnum eſt in meis omnibus tabulis de ipſo ſilentium. Quarto & decimo (incipiebat iſtum à die quinta & vigefima Ianuarij) Siſtaricenſes canonici eo episcopo conuenerunt cum Franciſcanis Minoribus in hæc verba. *Fratres Minores pro tributo, & penſione, ſive cenſu, dent & dareteneantur perpetuò ſemel in anno, unum florenum auri valoris ſolidorum ſedecim pro nunc currentis capitulo, quem portare teneantur, & ſoluant in ſignum vere amicitia, & ſubiectionis, in Capitulo generali quod tenetur craſſino die Aſſumptionis Virginis: canonici ſcilicet preterdentes quartam partem legatorum ipſi conuentui faſtorum, & multa ſuper ſunc-*

ra &c. Pro canonicorum collegio stabant (erit fortasse quem iuuat vtriusque partis virorum accipere nomina) Raimundus Ripert Prepositus, Bertrandus Chaisius, & Guilelmus Felesius canonici; pro Franciscanis vero Guilelmus Marini magister in sacra pagina, Ioannes Blegerij Guardianus, Raimundus Fabri, Raimundus Bonoculi Lector, Guilelmus Rame; Bertrandus Boneti, Guilelmus Merceri, & Elzearius Boniparis. Testes vero fuerunt Guido Crispini jurisperitus, Prioretus Laideti notarius, & vrbs syndicus, Iulianus Baudoni procurator Roberti episcopi, Crispinus Crispini notarius. Anno quinto & decimo die decimatertia mensis Aprilis, Ludovicus secundus rex Comes Prouincie concessit Roberto confirmationem libertatum (vt loquuntur) seu prerogatiuarum Lurij. Rei chartam habes in Aquis regis archiuo, registro quod appellant *armorum* pagina 283. Anno septimo decimo die quinta & decima Ianuarij, Audoinus Giraudi abbas Luxe Roberto obedientiam non sine sacramento pollicitus est. Vides, quas de Lurensum monachorum vnione cum Auenionensibus canonicis literas scripsit Ioannes secundus & vigesimus, non habuisse vim suam, Sistaricensi episcopo, vt ego quidem arbitrabar, vehementer, pro re scilicet, obistente. Nam quid ei parere potuerunt, si Auenionenses erant canonici, & ab eorum collegio, episcopoque apti cum abbate pendebant? Anno octauo & decimo Galbertus Spatronis Prior, & Crocienfis canonicus Roberto, qui Crocienfis etiam Abbas erat, obedientiam iuratus promisit. Anno tertio, & vigesimo Robertus celeberrimas illas pro Forcalqueriensibus canonicis literas scripsit, quibus & confirmant a plurimis ante ipsum episcopis concessa; & non pauca praterea ipse dabat. Quia longiores sunt, non placeat integras exscribere: non possum tamen committere, vt sequentia ex illis non decerpant. Cum dixisset se omnia ab iis qui ante ipsum fuerant, episcopis concessa confirmare, ita subiunxit.

Ceterum ad singulas concessiones, donationes, exemptiones, & privilegia vobis concessas, & concessa per predecessores nostros specificè descendentes, quia reperimus ecclesiam B. Marij a nostris predecessoribus fuisse fundatam; & ecclesiam concathedralem fuisse & esse nominatam, in qua fuerunt atque sunt Prepositus, & duodecim canonici, cum personatu Sacristie, & officio Præcentoria, canonico conferri solite, & sex clericis beneficiarij, & duo Presbyteri ad seruitium altaris, vnus pro curato annuati, duoque clericali, necnon duo Subsacriste, qui ad pulsationem campanarum ordinantur, & plures alij Sacerdotes in dicta ecclesia capellania habentes, de nocte & die famulantes; ipsamque fundationem sic, vt præmittitur, per predecessores nostros factam, laudamus, & approbamus, eique auctoritatem, & consensum præbemus.

Item quia comperimus in vestris prædictis chartis & instrumentis, quod prepositura, canonicatus, clericature, & omnia alia beneficia, personatus, dignitates, & officia, atque capellania in dicta ecclesia S. Marij fundata fuerunt & sunt per concessionem retrò Pontificum predecessorum nostrorum, data atque concessa, data atque concessa, ad vestrorum Prepositi & Capituli Forcalqueriensium collationem, & omnimodam dispositionem, nobis aut Vicario nostro in dictis collationibus per vos faciendis minimè requisitis, hanc etiam concessionem, ac donationem laudamus, approbamus, & emologamus, & si indigeritis, de nouo concedimus, & donamus, hoc adhibito quòd annis singulis teneamini nobis præsentare illum, quem duxeritis in curam

cura animarum eligendum in dicta ecclesia S. Marij, pro eide mper nos de dicta cura animarum collatione facienda, sicut & quemadmodum facere consueuistis.

- 27 Item quia inuenimus diligenti informatione precedente, quod in villa Forcalquerij fuerunt pro fundatione dicta ecclesia B. Marij, Praposito & Capitulo ejusdem ecclesie donata, atque concessa, videlicet ecclesia nostra domina de Mercato, S. Petri, S. Ioannis, S. Siffredi, B. Maria de Feaugeris, & S. Erigij, villa & territorij Forcalqueriensis, cum omnibus, & singulis iuribus, & pertinentiis suis, necnon cum decimis bladi, & vini, & omnium aliarum rerum, & aliis obseruationibus & emolumentis suis vniuersis. Hanc igitur concessionem, atque donationem laudamus similiter, & approbamus, illique assentimus, atque ratam, & firmam habemus.
- 28 Item quia per dicta vestra priuilegia, & per prelibatas concessionem & donationem vobis factas inuenimus, quod ad vos Prapositum & Capitulum, & collatio, & totalis dispositio dictarum ecclesiarum nostre Domine de Mercato, S. Petri, S. Ioannis de Forcalquerio, S. Siffredi ejusdem territorij, B. Maria de Feaugeris, & S. Erigij pertinent, & spectant pleno jure, hanc concessionem, hocque priuilegium laudamus, approbamus, ratam, & firmam habemus, hoc tamen adhibito, quod in beneficiis curatis actu teneamini illum, quem duxeritis instituendum, nobis presentare pro eadem collatione animarum facienda.
- 29 Item quia ex dictis priuilegiis, & donationibus concessis per retrò Pontifices predecessores nostros didicimus, quod pro fundatione ecclesie predicta S. Marij, ecclesia S. Martini, S. Saluatoris de Manuasca, S. Ioannis ejusdem loci, S. Sepulchri, B. Maria de Totis auris extramuros Manuasce, necnon ecclesia de Monte acuto, & multe alie ecclesie in dicta valle Manuasce constitute, qua latius in vestris exprimuntur concessionibus fuerunt donata, atque concessa, cum omnibus iuribus suis, atque decimationibus, emolumentis, ac obuentionibus vniuersis per dictos predecessores nostros. Hanc igitur pariter concessionem, atque donationem approbamus, atque laudamus, nostrumque consensum prabemus & autoritatem.
- 30 Item reperimus in dictis vestris priuilegiis, quod collatio & totalis dispositio ecclesiarum predictarum in villa, & valle Manuasce constitutarum, qua in vestris exprimuntur priuilegiis, vobis Praposito & Capitulo pertinent, & spectant pleno jure. Hanc igitur concessionem, hocque priuilegium laudamus, approbamus, ac ratificamus, eique nostrum consensum, & autoritatem prabemus; hoc tamen quod sequitur nobis retento, quod in beneficiis actu curatis dictarum ecclesiarum, teneamini nobis presentare, quos duxeritis in eisdem ecclesiis instituendos, pro eisdem cura animarum per nos conferenda.
- 31 Item comperimus tenore priuilegiorum vestrorum predictorum, quod ecclesie de Limantio, de Laincello, & de Niauxellis fuerunt vobis dictaque ecclesie Forcalquerij concessa, atque donata per predecessores nostros cum omnibus iuribus, & pertinentiis suis, decimationibus, obuentionibus, & emolumentis vniuersis. Hanc equidem concessionem, hocque priuilegium laudamus, & approbamus, ratumque & firmum habemus, nostrumque consensum & autoritatem eidem perpetuo prabemus.
- 32 Item didicimus, atque inuenimus per easdem vestras concessionem, & priuilegia per dictos predecessores nostros facta atque donata, quod collatio & omnimoda dispositio predictarum ecclesiarum de Limantio, & de Laincello, & de Niauxellis, ad vos Prapositum & Capitulum pertinent & spectant. Istam pariter concessionem, hocque priuilegium laudamus, & approbatum, & firmum habemus, nostrumque consensum, pariterque autoritatem eidem concessionem, & priuilegio prabemus pariter & donamus,

mus, retento nobis hoc quod sequitur, quod per vos videlicet in dictis ecclesiis actu curatis institutos, vel instituendos, teneamini nobis presentare pro cura animarum eis conferenda.

Item nobis per eadem privilegia, & concessiones prelibatas, constat quod vobis dicto Præposito in solidum collatio, atque totalis dispositio ecclesiarum siue hospitalium S. Lazari de Forcalquerio, & S. Lazari de Manuasca pertinet & spectat pleno jure. Concessionem hujusmodi, atque privilegium laudamus, approbamus, & ratificamus, eique præbemus consensum & auctoritatem nostram.

Item comperimus facta diligenti examinatione in dictis vestris concessionibus, privilegiis, atque libertatibus per vos nobis exhibitis & ostensis, quod nostri prædecessores, precipuè domini Frondonus, Geraldus Capreus, & Bertrandus, quod cum ad nos de jure communi quarta pars mortalagiorum, seu legatorum ad pias causas pertineat & spectet, verumtamen vobis & ecclesie vestre B. Marij illam 4. canonicam que debetur episcopo in, & super legatis piis concesserunt, in legatis videlicet tantummodo, & duntaxat que fieri in posterum contingeret ecclesie predictæ B. Marij, & omnibus aliis ecclesiis sibi subiectis, & suprâ in presenti nostro indulto expressatis, & in vestris privilegiis magis plenè mentionatis. Illam etiam concessionem, hocque privilegium ratum & firmum habent laudamus & approbamus.

Item comperimus serie dictorum vestrorum privilegiorum per prædecessores nostros concessionum, per nos diligenter examinatorum, quod licet, ut prædictum est, quarta pars mortalagiorum, seu legatorum ad pias causas nobis pertineat, jure ordinario verumtamen dicti prædecessores nostri vobis concesserunt, atque donaverunt tertiam partem quartæ partis nobis de jure debita super legatis ad pias causas factis, seu faciendis ecclesiis constitutis citra montem Lura ab illa parte, & citra locum de Mala fogassa descendendo ad flumen Druentia, per totas has nostre diocesis inferiores partes. Hanc igitur concessionem pariter ratam habentes laudamus & approbamus, consensumque nostrum præbemus, & præstamus nostram ordinariam auctoritatem, ordinantes, atque mandantes nostro animarum procuratori presenti, atque futuris, quatenus dictam tertiam partem quartæ partis nostre, dum & quando exegerit, solvat integraliter, & perfectè procuratori vestrorum Præpositi & Capituli, sine contradictione quacumque, quoniam sic fieri volumus, jubemus, atque concedimus.

Multa alia Robertus addit, quæ singula verbatim referte neque fuerit magni usus, & non parui fuerit operis. Ea summam afferre tamen placet. Principio confirmare pergitea, quæ ante ipsum episcopi concesserunt, & concedit ipse quoque tertiam partem iuris, seu servitij synodatici, quod solui consuevit in Synodo que tenetur ad Sistaricum de ecclesiis tantum & duntaxat constitutis infra limites prædestinatos, videlicet à monte Lura, & loco de Mala fogassa, citra per partes istas inferiores, sicuti ecclesia ipsa nominatim designantur in polegio Synodali, & quartam partem decimarum ad episcopum spectantem in ecclesiis S. Marij, & aliis sibi subiectis in Forcalquerio, & in valle Manuasca, S. Maximo, Laincellio, Limancio, & Niozellis; ac demum cetera, reservato jure visitationis, & comparationis synodalis super ecclesia S. Salvatoris de Manuasca, super ecclesia de Laincello, super ecclesia de Limancio, & super aliis ecclesiis actu curatis vobis subiectis, extra tamè locum, & territorium de Forcalquerio. Post eorundem confirmationem quæ ante ipsum episcopi concessere, Robertus addit tria. Primò procuraciones 10. quas episcopus annuatim habebat in ecclesia S. Marij, in quarum qualibet Capitulum solvebat 25 solidos, reducit ad tres procuraciones, singulas solidorum quinque & viginti præter primam solidorum quadraginta, primam in Synodo,

- secundam in chrisnatis confectione, aut collatione sacrorum Ordinum, tertiam quando episcopus duxerit *pro libito voluntatis dictam ecclesiam visitare*. Si tamen (subjungit) *Synodus* non ab ipso episcopo, sed ab episcopi Vicario, aut Officiali teneatur. Primam vult esse solidorum tantum viginti. Secundò ex-tinguit Vicarium S. Martini Manualcæ, & ejus omnes prouentus vnit cum Forcalquierensi præpositura; & ecclesias ejusdem S. Martini, S. Sepulcri, & Totarum aurarum vallis Manualcæ tollit à polegio, & vtpote carentes paro-chianis, & eximit ab omni procuratione episcopali, & synodali compari-tione, referuato sibi *seruitio quatuor librarum cere pro qualibet trium ecclesiarum,*
- 38 *in festo Natiuitatis Domini.* Tertio sic loquitur. *Quia non decet seruos Dei, præcipue pro leuibus causis litigij, vagari, ne propterea diuinum seruitium minuatur, informatique de sententia prolata per quondam dominum patriarcham Antiochenum, qui sententialiter cognouit & declarauit vos Præpositum & Capitulum posse cogno-scere, primamque cognitionem habere de causis leuibus, que oriri possent pro diuino Officio exercendo inter seruitores dictæ ecclesiæ B. Marij, aut pro administratione bo-norum ejus, vel distributione, vel alijs pro causis que circa negotiationem vestro-rum prædictorum Præpositi & Capituli: & nihilominus, si quid verbis pro præmis-sis fuerit injuriose prolatum, infra ecclesiam vel septa præposituræ dictæ ecclesiæ, pos-sitis, & valeatis injurias ipsas verbales disciplinâ arbitrariâ coercere.* Eapropter
- 39 *horum præmissorum consideratione, vobis, & successoribus vestris perpetuò conce-dimus, quod de causis hujusmodi attingentibus diuinum Officium, necnon nego-tiationem rerum, & administrationem Capituli, aut ratione earumdem admi-nistrationis, & negotiationis injurijs verbalibus; & nihilominus de debatis que oriri possent inter beneficiatos, & singulares personas perpetuò de vestro Capitulo, super finibus & iuribus præbendarum, necnon distributionibus, emolumentis, & ob unctionibus dictæ ecclesiæ, possitis & valeatis cognoscere simpliciter & de plano sine strepitu judicio, vestrasque ordinationes super hoc facere obseruare per subtractionem fructuum distributionum, & aliorum emolumentorum benefi-ciorum suorum, exercitio tamen censura ecclesiastica, eisdem Præposito & Capitulo conjunctim & diuisim penitus interdicto.* Hæc Robertus die quarta mensis Martij cum deliberatione assistentis consilij, præsentèque Raimundus Riperti in præ-missis omnibus, & in singulis, consensum, & assensum pro se & Capitulo Sistaricen-si præbente: Ea Sistaricenses canonici postea in generali Capitulo probaue-runt die 7. & 10. mensis Augusti.
- 40 Annis vigesimo quarto, & vigesimo quinto sedere Robertum scripsit Ar-taudus Tauleri tabellio in chartis, quas Petrus Cortasse episcopi sui secreta-rius seruat Apræ Iulix: trigesimo primo autem & trigesimo secundo, tabu-larum autor, quas de Sistaricensium canonicorum collegij reformatione edidit Bertrandus Rodolphus Dinien-sis episcopus. Septimo & vigesimo Lu-douicus tertius Siciliæ Rex Comes Prouinciæ concedit Neapoli die 24. Octobris ejus nepoti (Ioannes Crapone is erat) ad ipsius preces, jus quod regi cõpeteret ex emptione prædij in Prouincia, vt scripsit author Etruriæ Franci-cæ pag. 265. Gaslendus in Dinien-sis ecclesiæ notitia aduertit Bertrandum hunc, ex actis Ioannis Filioli, obisse diem extremam anno millesimo quadringen-tesimo trigesimo primo, die (vt ipse addit) sexta & vigesima Februarij. Ve-rum & statuta quæ Bertrandus anno 32. Dinix concedit, docent erro-rem esse in illis Filioli actis; & istæ de Sistaricensis ecclesiæ reformatione tabulæ anno eodem secundo & trigesimo, die vigesima sexta Decembris

Ab eo ipso Bertrando obsignata, faciunt ut errorem esse nemo negare possit. Anno 3. & 30. sedisse legitur in charta nescio qua Aptensium canonicorum collegij. Anno demum 6. & 30. Robertus fecit duo quæ placet affe- 41

re. Alterum est huiusmodi. Robertus erat Crocienſis abbas, & ei Crociensique monasterio ſiſcum Sistariceniſibus ciuibus de caſtro, & toto territorio Conſonau, ac nemore vulgò appellato Boeſe romput. Cauſa contentio- nis ad rem noſtram non faciunt. Illa quinto & vigefimo menſis Aprilis die, finita eſt venditione caſtri Sistariceniſibus, quorum Legati appromiſere Roberto annuatim florenos quingentos, ad diem natali Domini ſacrum. Res acta eſt Crocij in templi odæto. Ei intererant Bertrandus Dalphini Sacriſta, Monetus Gebellini, & alij Crociens ſes canonici; Antonius Bermundi dominus de Clareto, & Ioannes Guiberti Sistariceniſes ſyndici. Ioannes de Quinſono, Prioretus Laideti, & Bonifacius de Mota à Sistariceniſibus ad id miſſi. Atque hæcenus de primo eorum capite quæ Robertus fecit dixe- rim. Alterum verò ita habet. Sistariceniſes querebantur Officialem Lurij ab epifcopo conſtitutum eſſe, qui à Sistariceniſi non pendèret: Robertus ergo voluit iſtis hoc dare, ut à Lurienſi ad Sistariceniſem liceret prouocare. Dies erat quarta & vigefima Februarij. Sed hic vnum ſatis mirari non poſſum. Saurinus eſt, qui in aduerſariis ſuis de Sistariceniſibus epifcopis ſecundum hoc caput ſcripſit. Ut verò videres certa dicere, addidit iſtas voces: Nota- rius Raimundus Raimundi, ſub ille eſt, qui ſcripſit Robertum epifcopum iuſſiſſe, ut à Lurienſi Officiali ad Sistariceniſem prouocare fas eſſet, idque anno milleſimo quadringentefimo vigefimo ſexto die quarta & vigefima menſis Februarij. Ipſe tamen idem Saurinus poſt aliqua ſic habet. Raimundus Taloni

Præpoſitus Forcalquerienſis eligitur in epifcopum Sistariceniſem ab utroque Capitulo 24. Februarij 1436. Sub, poſt Roberti epifcopi mortem, quem modò dixerat illis iſtis anno, menſe, die, jubere ut à Lurienſi Officiali ad Sistariceniſem liceret prouocatio. Nam quis arbitretur & Sistariceniſe & Forcalquerienſe Capitula in id conuenire potuiſſe, ut optimo præſuli poſt triginta ſex epifcopatus annos ingererent viuenti ſucceſſorem? Certè ſi quod de prouocatione à Lurienſi Officiali ad Sistariceniſem, ex Raimundi ſcribæ autographo dicitur, verum eſt, ut verum eſſe omnino videtur; neque enim vir ſapiens cogitabit falſa, vel Raimundum ſcripſiſſe, vel de Raimundo retuliſſe Saurinum, fateari oportet, ut quod de Taloni ſcriptum eſt, falſitatem non habeat, neque ut diem quo ab utroque canonicorum Capitulo factum aſſeritur velis abnuere, Februarium menſem pro Martio acceptum eſſe; & cum poſt illud de Officialibus die quarta & vigefima Februarij peractum Robertus paucos dies vixiſſet, Forcalquerienſesque canonici Sistaricum ad Comitatu veniſſent, Taloni die quarta & vigefima Martij electum fuiſſe in aſſiſtente. Sed, ut fatear ipſe de me quod eſt, hic hæreo ego. Neque ita mouet, quòd iſtud de Taloni in epifcopum electione non apud alium ſcriptorem inuenio, & in vniſ aduerſariis lego, quæ, ut diligentes & omnium accurati rerum ſimus, ita fere ſcribimus, ut nihil non inter legendum annotemus, poſtea cum ſcripta relegere, aliaque aliis, ſingula in ſuos annos digerendo, componere oportuerit, illa rejecturi quæ per ſe concidunt, certis & omnino veris non coherentiæ. Magis mouet, quod in illis Saurini aduerſariis ſequitur. Mitrius epifcopus Sistariceniſis Renati regis nuntius ad Eugenum IV. 1.

anno millesimo quadringentesimo trigesimo octauo cum Arausicano. *Registrum archiepiscopi Vaticani.* Nam quis hic Mitrius? haecenus vnum legimus, quem omnes libri, seu manu, seu typo scripti, omnes tabulae Gastinellum gente faciunt, & qui post Carolum anno hujus saeculi octauo & quadragesimo fuit episcopus. Verum aliquid denique statuamus, & quando non pauca sunt de quibus vni viro credimus, vni Saurini aduersarij de Talono, deque Mitrio primo episcopis fidem habeamus.

- 44 Igitur anno millesimo quadringentesimo trigesimo sexto, die quarta & vigesima mensis Februarij, Raimundus Talonus Forcalqueriensis Praepositus electus est episcopum à Sistaricensibus & Forcalqueriensibus canonicis, & cum egisset in episcopatu annum sequentem, aut vitio creatus excidisset episcopatu post modicum tempus (inuenio quippe in praepositura perdurasse anno 1438.) Mitrius ignota gentis vir illi successit, octauoque & trigesimo anno, ad Eugenium IV. Pontificem Romanum, à Renato Rege Comite Prouinciæ cum Arausicano antistite missus est. Cum autem in episcopatu vsque ad annum saeculi primum & quadragessimum perdurasset, Gaucherium de Forcalquerio habuit successorem. *Gaucherius de Forcalquerio*, vt habet Antonius Pagy Minorita Conuentualis in literis ad Sistaricensem episcopum scriptis, *sanctæ Sedis Apostolicæ Protonotarius, domini Papæ referendarius, in possessionem episcopatus Sistaricensis missus est die quinta Februarij anno 1441. Notario Artaudo Toleri apud Petrum Cortasse Aptensem Notarium.*

- 45 Eodem, aut sequente anno Raimundus Gaucherio successisse dicendus est, si Augustinum Panicium in summa Concilij Basileensis placet audire. *Decembris mense anni 1442. inquit, Ferdinandus Dux Calabriae, Alphonso Regis Aragonum filius, nuntium Basileam misit, qui suo nomine obedientiam, reuerentiamque concilio exhiberet in omnibus, quæ patri suo contraria non essent. Sed cum nuntius ille Ducem Calabriae appellasset, Raimundus episcopus Sistaricensis, nomine Renati Regis protestatus est illum non esse Ducem Calabriae, quoniam regnum Neapolitanum spectaret ad Renatum non autem ad Alphonsum occupatorem, & Ducatus Calabriae ad Ioannem Renati filium: Ferdinandum spurium esse, & nihil ad eum de regno Siciliae. Hec redarguit Panormitanus, multumque accusans Sistaricensem, quod sine mandato Renati ea faceret, quæ facere non posset. Præterea quod impugnet Alphonsum, & filium, Concilij Basileensis fautores; & tueretur aduersarij Eugenij IV. amicis.* Hæc Panicus de Raimundo episcopo.

- 46 Carolus quem Saurinus in suis aduersariis vocat de Bornassio, sedebat sexto, septimo, & octauo post millesimum quadringentesimum quadragessimum, seu sexto ipso, seu ante sextum ignoto, in episcopum vnctus fuerit. Quia res hæc omnibus qui manu, aut typo de Sistaricensibus episcopis scribere ignota est, iuuabit eam ex publico Manuscrisum tabulario fusiis tradere. Cum è castris & pagis omnibus vallis Mantasæ, ciues vniuersi ad villam in media ipsa positam denique confluxissent, noménque fecissent vrbi, quæ capitam 10000. nunc capit, sacerdotes hujus templorum curæ impositi, non erant pares oneri, neque aut omnem poterant populum sacris imbueret, aut pro vrbis celebritate diuinas laudes canere. Igitur consules à Forcalquerensium canonicorum collegio, quod decimas toto pene agro colligit, petierunt vt ipsorum augeter numerum. Vrbs, & ante urbem villa tres basilicas curiales,

les, Saluatorensem, Marianam, Ioanninam habuerat intra muros: sed cum Ioannina defecisset, Marianaque ad Sanuictorinos pertineret monachos, ciues qui ex vniuersa valle, nunc alij post alios, nunc agminatim, vt tempora ferebant, conuenerant, aiebant ita rem postulare, vt cum ipsis sui commigrarent sacerdotes, & sacra in Saluatorenſi templo curarent. Canonici quod postulatū fuerat, pemegarunt, asserentes debere se caſtris & pagis, eorūque basilicis sacerdotes, non vtrū aut Saluatorenſi basilicæ, cui suus cum solito comitatu sacerdos ministrabat. Ad iudiciū tribunalia peruenerat contentio, cum denique viſum eſt cauſam omnem arbitrio Caroli episcopi (agebatur sacra res) permittere. Carolus (hoc prænominē per totam dicitur chartam, & ea p̄tē longa eſt, membranisque, pro illorum temporum more tredecim ingentibus, continetur) nihil prætermiſit, quo rem totam componi poſſe videbatur. Sed tantis animis actores cauſam apud eum producere, vt annos omnino tres tenuerit, ciuibz decimas deberi canonicorum collegio negantibus, ſi sacerdotes pro ciuium numero non concederentur, canonicis alienis Sacerdotes suos eſſe villæ, plures ei ſe non debere: ſuos etiā fuiſſe caſtris & pagis cum ſtabant; quando nunc deſerunt, non deberi illis mage qui in villam ex ipsis abierant, quā ſi Maſſiliam, aut Lutetiam iſſent cum omni familia. Vbi ergo Carolus (quando aliter expediri res non poterat) die nona & vigesima Aprilis edixiſſet videri sacerdotes duos Saluatorenſibus adjuſgendos, neque placuit canonicis, & Manuaſcentes iniqua pronuntiaſſe exclamauerunt. Quot deinde annos Carolus in episcopatu egerit, quis eo mortuo ipſum geſſerit, nulla, quod ſciam, tabulæ reſerunt.

Anno ſexto & quinquageſimo poſt milleſimum quadringenteſimum Mitrius eo nomine ſecundus, gente Gaſtinelus ſedebat: eo ad magnos Sistaricensis episcopi vſus, egit apud Calixtum Pontificem Romanum, vt vellet Crocienſe monaſterium illi perpetuum eſſe. Burellanus ſcriba tradit Aquis ſextiis natum, paucis annis eccleſiam Sistaricēſem rexiffe. Illum excepit Iacobus de Ponte. Lotharingus is erat, Renato ſcilicet rege, qui Prouinciæ comes erat, Duce Lotharingiæ. Sed iſſe annis quinquageſimo octauo, & ſexageſimo primo poſt milleſimum quadringenteſimum docent chartæ à Stephano Chaluini tabellione ſcriptæ, quas Antonio Papy teſte, in literis ad Sistaricēſem episcopum datis, ſeruat Aptæ Petrus Cortaſſe episcopi Aptenſis ſecretarius. Qui volunt episcopatum per annos omnino decem rex iſſe, falluntur: vt enim ſexto & quinquageſimo ipſo regere poſt Gaſtinelum, eo ipſo antiſtitem, cepit, certè octauo poſt anno deſiit. Nam vt loquitur Barralis in chronologia Lerinenſi, anno milleſimo quadringenteſimo ſexageſimo quarto, reuerendus abbas Andreas ſuit per ſanctiſſimum in Chriſto patrem, ac dominum Pium diuina Prouidentia Papam ſecundum promotus ad episcopalem dignitatem Sistaricēſis eccleſiæ, ex abbate & monacho Lerinenſi. Pedemontanus erat Andreas. Vocabant nunc de Fontana, nunc de Placentia. nominum ignotæ mihi cauſæ. Ex infirmario Lerinenſi, & Brianſonis priore in antiquiſſimi monaſterij abbatem electus fuerat. Is anno ſæculi ſeptuageſimo homagiū, vt loquuntur, præſtitit Regi Comiti Prouinciæ pro Lurio, & ceteris qui in episcopoditione ſunt pagis. Octogefimo autem curauit ad principem Lerinenſis templi aram pingi omnem ſancti Honorati vitam, qui ex cœnobij

47

48

Mitri-
us 2.
Gaſti-
nellus.
Iacobus
2. a P^o.
16.

49

Andre-
as de
Fontana
ſeu Pla-
centia.

anno millesimo quadringentesimo trigesimo octauo cum Aransicano. *Registrum archiepi Vaticani.* Nam quis hic Mitrius? haecenus vnum legimus, quem omnes libri, seu manu, seu typo scripti, omnes tabulae Galtinellum gente faciunt, & qui post Carolum anno huius seculi octauo & quadragesimo fuit episcopus. Verum aliquid denique statuamus, & quando non pauca sunt de quibus vni viro credimus, vnus Saurini aduersariis de Talono, deque Mitrio primo episcopis fidem habeamus.

44 Igitur anno millesimo quadringentesimo trigesimo sexto, die quarta & vigesima mensis Februarii, Raimundus Talonus Forcalqueriensis Praepositus electus est episcopum à Sistaricensibus & Forcalqueriensibus canonicis, & cum egisset in episcopatu annum sequentem, aut vitio creatus excidisset episcopatu post modicum tempus (inuenio quippe in praepositura perdurasse anno 1438.) Mitrius ignotae gentis vir illi successit, octauoque & trigesimo anno, ad Eugenium IV. Pontificem Romanum, à Renato Rege Comite Prouinciae cum Arausicano antistite missus est. Cum autem in episcopatu vsque ad annum seculi primum & quadagesimum perdurasset, Gaucherium de Forcalquerio habuit successorem. *Gaucherius de Forcalquerio, vt habet Antonius Pagy Minorita Conuentualis in literis ad Sistaricensem episcopum scriptis, sanctae Sedis Apostolice Protonotarius, domini Papae referendarius, in possessionem episcopatus Sistaricensis missus est die quinta Februarii anno 1441. Notario Artaldo Toleri apud Petrum Cortasse Aptensem Notarium.*

45 Eodem, aut sequente anno Raimundus Gaucherio successisse dicendus est, si Augustinum Panicium in summa Concilij Basileensis placet audire. *Decembri mense anni 1442. inquit, Ferdinandus Dux Calabriae, Alphonsi Regis Aragonum filius, nuntium Basileam misit, qui suo nomine obedientiam, reuerentiamque concilio exhiberet in omnibus, quae patri suo contraria non essent. Sed cum nuntius illo Ducem Calabriae appellasset, Raimundus episcopus Sistaricensis, nomine Renati Regis protestatus est illum non esse Ducem Calabriae, quoniam regnum Neapolitanum spectaret ad Renatum non autem ad Alphonsum occupatorem, & Ducatus Calabriae ad Ioannem Renati filium: Ferdinandum spurium esse, & nihil ad eum de regno Siciliae. Hec redarguit Panormitanus, multumque accusans Sistaricensem, quod sine mandato Renati ea faceret, quae facere non posset. Praeterea quod impugnaret Alphonsum, & filium, Concilij Basileensis fautores; & iureretur aduersarij Eugenij IV. amicis.* Haec Panicus de Raimundo episcopo.

46 Carolus quem Saurinus in suis aduersariis vocat de Bornassio, sedebat sexto, septimo, & octauo post millesimum quadringentesimum quadagesimum, seu sexto ipso, seu ante sextum ignoto, in episcopum vnctus fuerit. Quia res haec omnibus qui manu, aut typo de Sistaricensibus episcopis scribere ignota est, iuuabit eam ex publico Manuscriptorum tabulario fusiùs tradere. Cum è castris & pagis omnibus vallis Mandascæ, ciues vniuersi ad villam in media ipsa positam denique confluisissent, noménque fecissent vrbi, quae capitam 10000. nunc capit, sacerdotes huius templorum curae impositi, non erant pares oneri, neque aut omnem poterant populum sacris imbuiere, aut pro vrbs celebritate diuinis laudes canere. Igitur consules à Forcalqueriensium canonicorum collegio, quod decimas toto pene agro colligit, petierunt vt ipsorum augeret numerum. Vrbs, & ante urbem villa tres basilicas curiales,

Ies, Saluatorensem, Marianam, Ioanninam habuerat intra muros: sed cum Ioannina defecisset, Marianaque ad Sanuictorinos pertineret monachos, ciues qui ex vniuersa valle, nunc alij post alios, nunc agminatim, vt tempora ferebant, conuenerant, aiebant ita rem postulare, vt cum ipsis sui conuigarent sacerdotes, & sacra in Saluatorenfi templo curarent. Canonici quod postulatum fuerat, pemegarunt, asserentes debere se castris & pagis, eorumque basilicis sacerdotes, non vrbi aut Saluatorenfi basilicæ, cui suus cum solito comitatu sacerdos ministrabat. Ad iudicū tribunalia peruenerat contentio, cum denique visum est causam omnem arbitrio Caroli episcopi (agebatur sacra res) permittere. Carolus (hoc prænominē per totam dicitur chartam, & ea p̄x longa est, membranisque, pro illorum temporum more tredecim ingentibus, continetur) nihil prætermisit, quo rem totam componi posse videbatur. Sed tantis animis actores causam apud eum produxere, vt annos omnino tres tenuerit, ciuibus decimas deberi canonicorum collegio negantibus, si sacerdotes pro ciuium numero non concederentur; canonicis alienis Sacerdotes suos esse villæ, plures ei se non debere: suos etiā fuisse castris & pagis cum stabant; quando nunc deserunt, non deberi illis mage qui in villam ex ipsis abierant, quā si Massiliam, aut Lutetiam iissent cum omni familia. Vbi ergo Carolus (quando aliter expediri res non poterat) die nona & vigesima Aprilis edixisset videri sacerdotes duos Saluatorenſibus adiungendos, neque placuit canonicis, & Manuascenses iniqua pronuntiasse exclamauerunt. Quot deinde annos Carolus in episcopatu egerit, quis eo mortuo ipsum gesserit, nullæ, quod sciam, tabulæ referunt.

Anno sexto & quinquagesimo post millesimum quadringentesimum Mitrius eo nomine secundus, gente Gastinellus sedebat: eo ad magnos Sistaricensis episcopi vsus, egit apud Calixtum Pontificem Romanum, vt vellet Crœcienſe monasterium illi perpetuum esse. Burellanus scriba tradit Aquis sextiis natum, paucis annis ecclesiam Sistaricensem rexisse. Illum excepit Iacobus de Ponte. Lotharingus is erat, Renato scilicet rege, qui Prouinciæ comes erat, Duce Lotharingiæ. Sediſſe annis quinquagesimo octauo, & sexagesimo primo post millesimum quadringentesimum docent chartæ à Stephano Chaluini tabellione scriptæ, quas Antonio Papy teste, in literis ad Sistaricensem episcopum datis, seruat Aptæ Petrus Cortasse episcopi Aptensis secretarius. Qui volunt episcopatum per annos omnino decem rex iſſe, falluntur: vt enim sexto & quinquagesimo ipſo regere post Gastinellum, eo ipſo antistitem, cepit, certè octauo post anno deſiit. Nam vt loquitur Barralis in chronologia Lerinenſi, anno millesimo quadringentesimo sexagesimo quarto, reuerendus abbas Andreas fuit per sanctissimum in Christo patrem, ac dominum Pium diuina Prouidentia Papam secundum promotus ad episcopalem dignitatem Sistaricensis ecclesie, ex abbate & monacho Lerinenſi. Pedemontanus erat Andreas. Vocabant nunc de Fontana, nunc de Placentia. nominum ignotæ mihi causæ. Ex infirmario Lerinenſi, & Brianſonis priore in antiquissimi monasterij abbatem electus fuerat. Is anno ſæculi ſeptuagesimo homagium, vt loquuntur, præſtitiſſet Regi Comiti Prouinciæ pro Lurio, & ceteris qui in episcopi ditione ſunt pagis. Octogesimo autem curauit ad principem Lerinenſis templi aram pingi omnem ſancti Honorati vitam, qui ex cœnobij

47

48

Mitri-
us 2.
Gasti-
nellus.
Iacobus
2. de Pō-
te.

49

Andre-
as, de
Fontana
ſeu Pla-
centia.

19 autore Arelatenſis fuit epiſcopus. Quo, addit Barralis, alijsque beneficijs accep-
tis, vt vicem benefactori conuentus Lerinenſis rependeret, illius anniuerſarium
quotannis in præſata eccleſia Lerinenſi celebrari conſtituit vndecimo calendæ
Maij. Hæc verba non ineuidenter ſignificant Andream eâ menſis Maij die
mortuum eſſe: verum annus quo extr emam diem obiit eſt ignotus: eique

Ioannes
Scanardus.

igitur ignoto etiam anno ſucceſſit Ioannes Scanardus, ſeu Eſcanardus me-
dicus doct̃or, natione Cæomanus, vt tradit Burellanus ſcriba, qui pergit in hæc
verba. Multa ædificia, ſtructuræ, & domos pontificales reparauit, & maxime
palatium Siſtaricenſe, & domum abbatia Crociensſis, & in caſtro Lurij plura erexit
& conſtruxit. Erat magni zeli ad ſuam eccleſiam, maximi exempli ad ſuam ple-
bem, & ad ſuum clerum clari meriti. Poſt multa egregia opera, in natali ſuo & pa-
tria domo diem vltimum clauſit. De hoc antiſtite nihil ante annum ſæculi oc-
togeſimum ſextum habent chartæ meæ. Illo anno die ſexta menſis Aprilis
collegium canonicorum Forcalquerienſium ex templo S. Marij in arce po-
ſito in templum S. Mariæ de Mercato tranſtulit, & à S. Mario nomen ei fecit.
Hoc templum in ipſa Forcalquerij, vrbe ſitum eſt, illudque collegium
etiam nunc habet. Anno ſæculi ſeptimo & octogeſimo Prouincialibus co-
mitijs interfuit die noua menſis Aprilis: & octogeſimo octauo die vigeſi-
ma octaua eiſdem menſis, ſacerdotium ædiculæ in Siſtaricenſi eccleſia
erectæ, conceſſit Angelino Roterio; atque nonageſimo primo die tertia
menſis Ianuarij conuenit cum Siſtaricenſibus de damno, quod non leue con-
queſtus fuerat illatum abbatia Crociensſi, per venditionem Conſonau Roberto epiſcopo;
ſed conuentionis ſingula capita anno nonageſimo ſecun-
do die ſecunda menſis Ianuarij ſcripſit; ſextoque poſt menſe mortuus eſt.

51 Legoenim Guilelmum Nogarellum die 4. menſis Iulij à Siſtaricenſibus, &
Forcalquerienſibus canonicis electum fuiſſe in vicarium generalem ſede vacante.
Sed quis vnum hîc non mirabitur? Siſtaricenſes canonici, non ſine Forcal-
querienſibus vicarium epiſcopi elegerant, in comitia tamen eligendo epiſ-
copo ſine illis coierunt. Quæ cauſæ ſapientes viros ad id impulerint ego qui-
dem non video. Nam ab ipſa canonicorum per Frondanum epiſcopum inue-
nitione, Forcalquerienſes ſuffragia cum ipſis tulerant; & cum res Henrico
epiſcopo ambigua eſſe, ac in litem videretur erumpere, ejusque vnus (qui
eccleſiaſtici juris conſultiſſimus omnium toto orbe ſuis temporibus habe-
batur) in arbitrio poſita fuiſſet, edixit electionem fore nullam ipſo jure, quæ
Forcalquerienſibus non vocatis facta fuiſſet. Igitur ipſi quoque Siſtaricen-
ſes canonici ſua damnauerunt auſa.

52 Viſis iuribus & priuilegijs Forcalque-
rienſium, inquit Bertrandus Arpillhe tabellio, per quæ apparet Forcalquerienſe
Capitulum debuiſſe & debere in huiusmodi paſtoris futuri electione, ſeu poſtulatione
vocari, vocemque ferre, Siſtaricenſes rursus cum Forcalquerienſibus conue-
nerunt de perſona domini Theobaldi de Turre, veluti digna & idonea perſona in ſe-
quendo tenore breuis Apoſtolici, ac literarum regiarum in ſauorem præſati poſtlati
ipſi Capitulo Siſtaricenſi directarum. Theobaldus hic ex Turrianâ apud Aruer-
nos gente, & Bononiensî familia nothus nihil hoc loco dignum fecit. Mor-
tem obito iunenis, poſtquam annis ſex eccleſia Siſtaricenſi præſuiſſet, inquit Burel-
lanus ſcriba. Sed ejus verba ſic intellige, vt cum ab electionis die ad diem
vſque mortis fluxerint anni omnino ſeptem (mortuus enim eſt milleſimo
quadringenteſimo nonageſimo nono menſe Iulio, qui in epiſcopum electus
fuerat

Theo-
baldus
de Tur-
re.

fuerat mense etiam Iulio anni secundi & nonagesimi) aut annos tantum solidos capias, non vocatis ad numerum mediis illis partibus annorum secundi & noni post nonagesimum, aut certe dicas non ante Iulium aut Iunium tertij & nonagesimi Theobaldum *præfuisse*, seu curam impendisse suam episcopatu.

Laurentius Burellus eo anno nono & nonagesimo post millesimum quadragesimum die vndecima mensis Iulij electus est in episcopum. Hic vir Diuine scientia, pietate, & eloquentia Theologum. Igitur & à sui temporis scriptoribus meruit magnam laudem, & à Ludouico rege id nominis 12. ad sacras confessiones adhibitus est: Badius Ascensius præfatione ad Parthenicam Marianam Mantuani idibus Octobris illo ipso anno scripta, appellat quidem episcopum Sistaricensem, sed vocat etiam Narbonensem Carmelitarum Prouincialem. Consequente anno Sistaricum venit. Anno post millesimum quingentesimum primo quæsiuit per Delphinatum de Valdenses hæreticos Alexandro sexto Pontifice Romano, & Ludouico duodecimo Francorum rege. Eodem anno (quod pro sua apud Carmelitas celebritate non possum tacere) deposuit prouincialatum quem annuente Pontifice sibi seruare poterat, Quia literæ quas de re confecit perueniunt ad me, placet illas exscribere, *Nos F. Laurentius Burellus Carmelita de Diuione, Doctor Parisiensis, Prouincialis Narbona, Christianissimi Francorum regis Ludouici 12. Confessor, Episcopus Sistaricensis, presentium tenore fatemur, quod quamquam à Pontifice maximo Alexandro VI. nobis esset privilegium datum, & concessa gratia etiam consistorialiter, ut cum episcopatu prouincialatum obtineremus cum loco, & voce actiua & passiva, ut etiam ad generalatum possemus eligi, tamen quia hoc est contra Ordinis libertatem, & contra religionis sacra statuta, à quibus dispensabat Pontifex maximus. Nos Deum præ oculis habentes, volentes & nunc & in posterum prouinciam Narbona sua libertate gaudere, in manibus magistri nostri Ægidij Borgeij Prouincialis Prouincia Prouincia, & Reuerendissimi magistri Odonis generalis vicarij, prouincialatum cum sigillo dimisimus &c. Anno dominice salutis 1501. die 3. Maij. Anno 1502. episcopatum omnino regendum tradidit episcopo Dinienfi die vltima Martij, à quo abesse cogebatur, maximè occupatus circa personam & negotia regis. Anno ejusdem sæculi quarto missus est à Pontifice maximo nuntius ad Maximilianum imperatorem, & cum non Basileense concilium, ut perperam ab inepto correctore scriptum est me absente in quibusdam noctium Blancalandanarum exemplaribus (septum enim anno primo & trigésimo post millesimum quadragesimum, desuit ante quadragesimum tertium) sed Basileensis episcopus, ut in ceteris illarum noctium codicibus emendatis legitur, isque Christophorus, petiisset à Lugdunensibus canonicis essentne vera, quæ de Ioannis Gersonis miraculis inaudierat, & illud præsertim, quod jactabatur de pœna Deo inflicta regio Confessario ipsius contemptore, Canonici & alia responderunt in Ioannis Gersonis laudem, & confessarium regis non illius contemptorem, sed encomiasten semper fuisse. Addiderunt verò sequentia. Frater Laurentius Theologus, doctor Parisiensis, Ordinis Carmelitarum, aliqua carmina in B. Ioannis Gersonis laudem scripsit, quæ altari suo in S. Pauli iuncta sunt. Præfatus frater, nunc episcopus Sistaricensis, regis Confessor, per sex quadragesimas,*

54

Laurentius Burellus.

55

&c.

& annos plurimos, coram regibus, & clero & populo, Lugduni predicauit. In notis Blancalandanis sequentia de Burello episcopo adunxi: Eodem anno fuit Iulij secundi Pontificis ad Ludouicum regem Legatus (nuntium apostolicum vulgò dicimus) vt grauis autor est Belcarius libro 10. num. 13. Anno 1505. à Ludouico rege ad Iulium 2. Pontificem, cuius in Gallia nuntius erat, missus est, Aqueñsque archiepiscopatu donatus. Vtrumque Belcarius his verbis docet libro 10. *Ludovicus*, inquit num. 19. *tameñ si Iulio subitatus erat, tamen ad eundem, Sistaricensem Pontificem illius ipsius Legatum, amicitiam, & opem aduersus Venetos suo nomine oblatum misit.* Numero autem 25. *Sistaricensis Pontifex*, addit, *Aqueñs pontificatu, multarum à Iulio ad Ludouicum, contraque à Ludouico ad Iulium, cursitationum premio donatus est.* Anno 1506. moritur Ronæ. Hactenus ex meis notis Blancalandanis dictum sit. Paradisus Carmelitarum tradit Latine doctum fuisse tam stricta oratione, quam soluta, & præclara volumina edidisse; egregium de magni patris *Elie* laudibus, quod *Eliadem* appellauit; de illustribus viris Ordinis Carmelitani, & alia.

57
Petrus
7. Filio-
li.

Petrus Filholi post Burellum Sistarici sedit antistes. Episcopij liber quem dicunt viridem, in additamentis ad Burellanum scribam, facit Aruernum. Itaque miror Sanmarthanos velle, vt fuerit ex Gannato apud Bojos oppido. Post vnum, aut circiter episcopatus annum ad Aqueñsem Archiepiscopatum euectus est. Ante episcopatum fuerat Parisiensis Cameræ præses, & si Sanmarthanis fidem habemus, gubernator Parisiensis vrbs.

58
Franci-
scus de
Tintauilla.

Franciscus de Tintauilla, Claudij Tintauillani & Ioannæ Balmensium Monreueli filius, Petro successit. Puer Diuione primùm, postea Eduæ operâ literis dederat, iuri etiam Papæ. Anno sexto post millesimum quingentesimum, ineunte Iulio Sistaricensem episcopatum iniit, quarto autem & decimo in Antisiodorensem die quinta Martij à Sistaricensi abiit. Scio esse qui autument Petrum Filholi annos tres in episcopatu posuisse: sed cum ex Belcario Burellus anno ejus sæculi quinto sederit Sistarici, & Franciscus anno sexto die tertia scribente Dalmatio Clerici tabellione, sibi pro episcopatus à Romano Pontifice literis curatorem dixerit, Petro Filholi in Aqueñsem Archiepiscopum jam electo, vides non posuisse annos omnino duos in eo. Anno sæculi octauo fecit duo, quæ ad me peruenerunt. Die 3. mensis Septembris molestinam, quæ *Ballini* dicitur, emit Manuasca ab Hospitalariis Francisco episcopo. Die octaua & vigesima mensis Nouembris inquisitionem iussit idem ipse institui de dominio Iariagesij pagi.

59
Claudius 1.
de Louayn.

Claudius de Louayn Sueffionensis, Tintauillæ Antisiodorum abeunte, Sistaricensem episcopatum adeptus est. Quinto post anno moritur ex episcopalibus chartis. Obscura sunt omnia quæ Sistarici fecit antistes. *Eo defuncto*, vt in libro episcopatus, quem Viridem vocant, lego, *ad supplicationem Serenissimi domini Francisci primi Francorum Regis Christianissimi promouetur à Leone Papa decimo in episcopatum Sistaricensem Michaël de Sabaudia.* Is ad Bellouacensem episcopatum à Sistaricensi, post annum vnum electus quidem est, non videtur tamen in illius possessionem inmissus. Fulquetus quippe Bernardus Canonicorum Sistaricensium tabellio, anno millesimo quingentesimo vigesimo secundo, 30. die mensis Decembris scripsit sequentia. *Indictione 11. die penultima Decembris 1522. Clementis VII. anno primo. Bone memoria Michaële quondam Sistaricensis ecclesie episcopo, diebus superioribus proxime*

Michaël de Sabaudia.

transactis viam vniuersæ carnis ingresso, ipsiusque corpore ecclesiastica sepultura tradito &c. Sistaricenses, & Forcalquierenses canonici cum in Capitulum conuenissent, nullo alio tractatu interueniente, statim, subito, & repente omnes vnamitter in R. dominum Claudium d' Assonville (de Assonville nonnulli vocant) dominum de S. Amantio absentem consenserunt, & eum incontinenti vna voce, & vno spiritu postularunt in ecclesia Sistaricensis episcopum & pastorem. Lotharingus erat Claudius, gente nobilis, Benedictinū professus Ordinē. Fuit custos sigilli regij, & regius in Parlamēto Consiliarius, ex conuentionibus curiæ Aquensis, & consulum Aquensium anno 1525. Non pauca Lurij, Petraruæ non pauca cœmīr prædia rustica. Plures chartæ tradūt sedisse annis tertio, quarto, quinto, & octauo post millesimum quingentesimū vigesimū. Quia res omnino modicas illæ referunt, per eas singulas ire non placet. Primo & trigésimo illius sæculi anno, mortuus est Lugduni die vltimo mensis Augusti.

Claudius de Assonville.

60

Cherubinus de Orseria nullo alio tractatu interueniente, subito, & repente, Spiritus sancti gratiâ, vt firmiter credebant, inspirante, ab omnibus, nullo penitus discrepante, canonicis, die quarta Septembris in episcopum, eo ipso trigésimo primo anno electus est, vt lego in charta, quam tum ea de re tabellio scripsit. Sistaricensis erat canonicus (sed comitiis non intererat) & reginæ ab elemosynis. Rex viri electionem non probauit, ignotas mihi quidem ob causas. Igitur Antonium de Narbona (fortasse si Prouinciæ sacerdotia in sua cum Romano Pontifice concordata posset inducere) in antistitem nominauit, vt loquuntur. Is anno secundo & trigésimo illius sæculi, die decima mensis Martij Geraldum de Genebriis Ananix celeberrimi in Landgothia monasterij, cui ipse præerat abbas, monachum, dixit suum in vniuersa diocesi vicarium. Consequente autem fecit rem hoc loco non prætermittendam. Robertus de Furno vendiderat Sistaricensibus Consonauiensē castrum cum toto territorio, & nemore quod vulgò dicitur Boësc rompus quingentis ia singulos annos florenis: cumque Ioannes Scanardus minore quam par sit pretio venditum quereretur, Sistaricenses ei tradiderunt florenos omnino mille, in damni quod queritabatur compensationem. Antonius Claudium Ossonullæum, qui aliquid mouere ceperat, secutus, principio noluit stare conditionibus à Ioanne initis, sed denique vltima mensis Octobris die eas assensu firmavit suo. In chartis pro Sanuincientiano portorio legitur Antonius sedisse anno quarto & trigésimo sæculi die 18. mensis Iulij: in aliis verò vendidisse Sanuincientianas moletrinas anno trigésimo nono. Tertio & quadragesimo incertis mense, & die videtur mortuus: eo enim, die 16. mensis Decembris ad requisitionem Claudij Bermundi, Bartolomei Eyssauterij, & Ioannis Gaunterij sequestrorum episcopatus Sistaricensis, iubetur Marcus Antonius Benedicti dare extractus arrentamenti acti inter quondam Antonium de Narbona episcopum Sistaricensem, & Claudium Garret, vt loquitur Forcalquierensis Prætor. Id mandati ad Benedictum peruēnit die 23. eiusdem mensis & totius rei factum instrumentum D. Albino de rupe Cauardi (vulgò dicimus de Rochechoiard) moderno episcopo, ex publicis tabellionis ipsius literis.

61

Cherubinus de Orseria.

Antonius 1. de Narbone.

62

63

64

Albinus de Rochechoiard

Albinus ergo post Antonium Sistaricensi præfuit ecclesiæ, patria Pictauiensis, & nobilissimâ clarus, gente. Hoc vnum de eo memorant, quæ ad me fideles peruenerunt chartæ. Fertur nunquam episcopatum adiisse. Vt cumque id habeat, Aimericus fratris filius impleuit patris locum ignoto mihi anno,

*Aimericus de
Roche-
boisard*

& ad octogefimum vsque fui sæculi tenuit. Nihil tamen de illo ante septuagesimum tertium lego. Eo Capucini Lutetiam Parisiorum ex Italia veniunt: & à Carolo Lotharingio Cardinali excepti, exiguo hospitio donantur, ut inquit Bouerius in Capucinorum annalibus anno 1573. num. 3. in loco qui *Piquepus* appellatur. Aimericus ille est, qui hospitio ipsos donauit teste Corrozetio in Parisiensibus antiquitatibus pagina 189. sic loquitur: *Primum Capucinorum hospitium fuit Piquepus ad Parisios extra Antonianam portam. Sislariensis episcopus pecuniâ suâ iis illud cōparauit.* Tertio post anno, qui fuit. Sextus & septuagesimus sæculi, Manualenses concedente Aimerico, Penitentium Sodalitatem, quâ vestis colore appellantur Albi, induxerunt suam in urbem. Demum in chartis Petri Geruasij Manualensis notarij lego Aimericum se disisse anno octauo & septuagesimo post millesimum quingentesimum.

- 65 Antè vltcrius quàm pergo, vnum tacere non possum, quod Aimerico, aut Antonio patruo antistite Hugonoti mente efferâ, barbarâ manu susceperunt Forcalquerij. Quoniam illud canonici suis posuere in tabulis, placet ex ipsis recitare. *Anno proximè præterito 1562. (scribebant anno 1563. die 9. Martij) & in mensibus Maio, & Iunio, quidam heretici Lutherani, vulgò Huganaux nuncupati, maligno ducti spiritu, in contemptum S. Matris Ecclesiæ, sponse illibata Iesu Christi Domini nostri, ac patris mitissimi, non rimuerunt altaria lapidea consecrata dictæ ecclesiæ, & aliarum ab eadem dependentium vsque ad numerum viginti confringere, in quibus singulis diebus tot numero sacrificia celebrabantur in memoriam passionis ejusdem Filij Dei, & sacratissimæ Virginis Mariæ, imaginèsq; omnes cuiuslibet materie, ac cuiuslibet representationis comburere; deinde quàmplurimos libros, tam in membranis descriptos, quàm in chartis & papyro impressos, tam in Theologica facultate, quàm in iuribus canonico & civili, ac bonis & honestis literis partim lacerauerunt, partim igni tradiderunt, cum quibus etiam libros, & instrumenta omnia in quibus descripta erant omnia priuilegia, statutaque & laudabiles consuetudines prænominate Ecclesiæ, ita quod non remanent nisi paucae copiae &c.*

- 66 Antonius de Cupis Astæ apud Pedemontanos natus, anno illius sæculi quarto & octogesimo sedere cepit, desiit sequentis sexto. Viri in episcopatu annos è chartis eruere non placet, quos ex eorum vniuersa diocesi virorum sermone qui permulti senio graues antistitem viderunt, licet accipere. Me præterite repentem cogitatione annos iuuat meminisse optimi præfulsis, cum tremulâ pro senio manu puerulum tondebat in clericum. Vnum tamen in episcopo nunquam laudauerim. Cum fœderati & per ceteras Galliarum regiones, & per Prouinciâ miscebant omnia turbabantque, Antonius ad eos se adiunxit. Habebat Lurij domi suæ milites, & in Manualensensi agrum latrocinio populatum dimittebat. Scilicet Manualis vrbs ante omnem tabularum memoriam Principibus suis semper fidelissima, & pro Rege stabat, & Senatuum regium Aquis sextiis profugum exceperat. Anno 1606. cessit episcopatu; & cum ad suos Pedemontanos rediisset, Taurini tertio post anno diem extremum obiit in pauperum domo, quam vulgò dicimus Hospitalem; mendiculis nouo, & insigni exemplo dies noctesque inseruiens.

*Tossan-
etius de
Glandeu-*

Tossanetius de Glandeues, gente, eloquentiâ, rerum penitiâ gerendarum summus, Antonio in episcopatu successit. *Obiit ætatis anno 62. à partu Virginis*

mis 1647. 15. cal. Februarij vt in lapide sepulchrali scriptum lego. Antonius d'Arbaud genere nobilis, ingenio clarus, acer iudicio: post Tossantium sedit. Moritur anno 1667. Res ab his duobus gesta, in omnium oculis Prouincialium gesta, scriptore non egent.

Michaël Poncet, Doctor Theologus è Societate domus Sorbonæ, & S. Petri Aureæ Vallis (vulgò Aimau) Abbas Antonio successit. Hir vir illustrissimâ ortus familiâ (cuius splendorem non parum meritis suis ornat & auget, Petrus frater, Comes Ablisij, Ordinarius in Sanctiore Regis Consilio) maiorum titulis, & nobilitatis antiquitati respondet omnibus ornamentis, & sapientiæ possimùm vi, quam & aliâs, & ante annos 12. præstitit in Ecclesiæ Gallicanæ comitiis accuratus Promotor. Vnctus est in Episcopum anno 1667. 4. cal. Dec. in æde sacrâ Sorbonæ à Lutetix Parisiorum Archiepiscopo, Sorbonæ Prouisorè. Aderant vngenti Cadurcensis & Bajocensis Episcopi. Vnctioni interfuerunt plurimi omnium Ordinum principes viri.

EGO IOANNES GAYET Prouincialis Societatis IESV in Prouincia Lugdunensi, facta mihi potestate ab admodum R. Patre nostro Generali, facultatem concedo vt libri 4. *De rebus gestis Episcoporum Vinaricensium*, à Patre IOANNE COLUMBI, ejusdem Societatis Theologo compositi, & à tribus Societatis ejusdem Censoribus approbati, typis mandentur. In cujus rei fidem has literas sigillo nostro munitas, & manu nostra subscriptas dedimus Lugduni die 5. mensis Iulij anno 1650.

IOANNES GAYETVS.



DE REBUS GESTIS
EPISCOPORVM
VIVARIENSIVM
 LIBRI QVATVOR.

Illustriss^{mo} & Reuerendiss^{mo} D.
D. LVDOVICO
FRANCISCO
DE SVSE,

EPISCOPO ET COMITI VIVARIENSI,

IOANNES COLUMBI è Societate IESV.



ECCLESIAM. Regis, ILLVSTRISSI-
 ME LVDOVICE, vt potentem opibus,
 & regionibus amplam, ita plurium Episco-
 porum scientiâ, sanctitate, sapientiâ, perin-
 signem. Sed quàm notum illud, tam obscu-
 rum hoc omnibus est. Scilicet qui sciunt, &
 exteri quoque non ignorant, Viuariensem
 provinciâ latissimè fusam esse, illi sciunt ferme vniuersam Ec-
 clesiæ tuæ finibus comprehendi, magnâmq; partem tuâ vel di-
 tione, vel clientelâ teneri. Per quos autem hætenus ad Christû
 adducti, & ad omne virtutis genus prodigiis, sermonibus,
 exemplis eruditi fuerint, tui etiam Viuarij ciues ignorant. Hæc
 clarissimorû antistitû gloriæ non modica pars tibi ad magnam
 nominis amplitudinem seruabatur. Iussisti vt ex antiquis tabu-
 lis illos eruerem, & in publica luce ponerem ipsorum res sa-
 pienter

pienter & sanctè gestas. Igitur debes tu quidem iis plurimum, qui tuos populos per sæcula quatuordecim & si quid excurrit, laboriosa ingenij, scientiæ, sanctitatis sapientiæ vi, seu formauerunt in Christo, seu in adultam probisque moribus robustam fidem eduxerunt; hoc enim verò maximum aliquid omnino tibi est. Sed illi debebunt tibi non parum, qui facis vt obliuione non pereant, quæ ad immortalem suam laudem peregerunt; nam id nobile quid per se est, atque sancta singulorum facinora mirum quantum auget. Certè quod fortiter & religiosè suscipitur, quàm ceteros latet diu, tam pro illis minùs in omnem partem potest: cum verò ad aliorum aures peruenerit, porro pariet ingentes ipsis fructus: atque vbi ad posterorum cognitionem ductum fuerit, fiet se majus; immensas profectò daturum fruges, si cum omni posterorum memoria cœquetur. Etenim quid non possunt majorum exempla? ignaros docent, torpentes excitant, firmant dubios, currentes impellunt, totosque exultantibus quidpiam è virtute suscipientium animis imperus dant insiguntque. Hoc illud est, Ill^{me} PRÆSVLVM, quod præstas episcoporum antenostra tempora Viuariensium rebus animosè, sanctèque gestis, eas ex ecclesiæ tuæ tabulariis efferri & in lucem dari mandans. Ignorabantur illæ ab omnibus, & quæ suis temporibus olim vtilissimæ fuerant, nunc omni per latebras defectæ vi, nullos hominum in vsus erant: tu educendo eas è tenebris, facies vt à nemine ignorentur, & magnas in omne virtutis genus opportunitates mortalibus pariant. Scilicet mortui videbantur isti Pontifices cum corpore, ab omni hominum memoria longè positi: viuent jam beneficio tuo, è tabulis, vt è sepulcris excitati, & in oculos hominum rursus incurrent. Ibunt per ora tuorum Viuariensium; & finibus præterea tuis egressi, vniuersam Galliam peragrabunt: ad alienas toto orbe prouincias deinde magna sua gloria penetrabunt, & alios è suo agmine, & Ioannem illum ostentantes, qui Gregorio VII. ad omnia pene consilia autor fuit, atque Bruciacum, qui post plures barbarum annos (neque fœdiora fuere Christianorum tempora) pacem aliquando reddidit vniuersæ Ecclesiæ per Martini V. creationē in Constantiensi Concilio. Ego autem non possum mihi non gratulari, quòd hanc de tantis viris scribendi prouinciam sortitus, & in aliquam veluti partem gloriæ à te vocatus sum. Tu vide quàm fideliter opus exegerim: hæc enim verò vna scribentis cogitatio fuit.

AUCTOR LECTORI.



D quod, mi Lector, accedis opus de rebus gestis episcoporum Viuariensium & meum est, & non meum. Scilicet maximam partem, ferme totum potius, profluxit ab aliis; paruum aliquid ex me accepit. Principio quidem qui primus illud mente comprehendit, cogitatumque sua veluti compexit in membra, is Ludonicus Franciscus episcopus est, qui ex antiquissima gente per Susanos longo ordine procures descendit à Salassis, Bauciis, Leuiis, Medullionensibus. Cum enim ad eum pro officio ex itinere diuertissem, rem suasit iussitque; & ei perficienda tabularium suum (nobile illud est, cartisque perueteribus visendum) aperuit, perque singulas partes, in quas veluti corpus in sua membra digestum est, duxit; chartariumque præterea Mansiade in Viuariensi prouinciâ monasterij per legendum concessit. Tum Carolus Symian, & variarum scientiarum, & rerum gerendarum peritiam præstans, canonicus & vicarius Viuariensis, quâ est, seu in omnes facilitate, seu in me animi propensione perscrutantem, & relegendem fugientes antiquissimarum tabularum literas omni ope iunxit. Denique Iacobus de Bannes & ipse canonicus Viuariensis gente, modestiâ, pietate nobilis, natus ex Deodella pronepte Stephani episcopi Grassensis & abbatis Crudacensis, atque patruelis Claudij, quem, cum rectorem haberet, Vouta suscepit anno vigesimo octauo supra millesimum sexcentissimum fortiter agentem contra Calvinistas, tentantes urbem latrocinio, plurimum opis mihi contulit. Hic vir, ut diuinarum religionum apprime cultor est, totam atatem posuit hætenus in rebus sacris; & quod sibi reliquum è publicis, aut priuatis ad Deum precibus erat, id omne impendit in scrutandis, excutiendis, inuestigandis, exscribendis ecclesiæ suæ chartis. Multa igitur longo & indeffesso labore congestis, multa exarauit, eaque omnia mecum facilis & bonus communicauit. Quod jam ergo reliquum est, idque scilicet pertenuè, hoc meum esse profiteor. Episcopus formauit opus, digestisque, & in sua membra distinxit; canonici succum, colorémque infudere per artus: profero ego in lucem; & si minus ornatum, certè non omnino inhonorum oculis tuis propono. Tu quaecunque est, eo frui, certus nihil non ex veris fidelibusque chartis acceptum, in illo tibi representari. Videbis episcopos supra nonaginta, gente, scientia, honoribus, sapientia, sanctitate perillustres. Septem de illis fuerunt Cardinales; aliquot Romana sedis Legati:

Petrus

Petrus Alliacenſis audivit ſummus Theologus, Petrus de Sorſenaco conſultiſſimus iuris, Ioannes de Bruniaco rerum ſuis temporibus ge- rendarum peritiſſimus. Quid afferam Farnenſios, Piſtauenſes, Turnonios, Suſanos, Pratenſes, Anduſianos, Pompadorios genere nobiliſſimos? fuit in Viuarienſibus episcopis Guilelmus Conradi II. Germanorum imperatoris conſanguineus: fuit Venantius Sigismundi regis Burgundionum filius. Sed in episcopis ego quidem arbitrabar magis ſpectandam ſanctitatem, quàm genus. In Viuarienſibus habes omnino ſeptemdecim cœleſtibus auctos honoribus.



DE REBUS GESTIS
EPISCOPORVM
VIVARIENSIVM
 LIBER PRIMVS.

EPISCOPVS qui ab annis mille dicitur Viuarienſis, olim appella-
 batur Albenſis. Primum in concilio Aruernico Viuarienſem
 vocatum inuenio: etſi nouemdecim poſt annis in Aurelian. V.
 ſeruauit nomen Albenſis. Nomina fecerunt Alba, & Viuarium
 ciuitates: in illa enim quondam ſedebat, in hac nunc etiam ſedem habet.
 Par aliquid aliis pluribus episcopis euēnit: & quidem non ita longē Monſ-
 pelienſis quondam vocabatur Magalonenſis; longiuſculē autem Graſſenſis
 & Nicenſis habuere nomina, ille Cemeliēſis, ille Antipolitani. Scilicet
 Magalonæ, Antipoli, Cemelio iura ſuis antē dabant, quàm Monſpelium,
 Graſſam, Niceam tranſferrent ſuas ſedes. Urbis euerſio fecit, vt Albā excēde-
 ret; atque ſcilicet igitur loci firmitas, vt concederet Viuarium. Et verō hac
 ciuitas maximam partem impoſita eſt rupi, cuius in ſublimi & ferme circūm
 excoſo vertice, non magna planities habet ades episcopī & cleri circumpoſi-
 tas templo principi. Iam ſi petas à quibus euerſa fuerit Alba, id reponam,
 quando ceteri ſcriptores tacent, quod in fideiſibus per notarium tabulis in-
 ueni. Cū clerus exciſa Albā Viuarium deueniſſet, & alia & hoc poſteros
 edoctrurus, ſcripſit Vandalos Croſeo duce ciuitatem violaffe, & omnem à
 fundamentis verſiſſe. Quod tum ille ſcripſerat, hoc poſteri ſeruauere ad il-
 lud vſque temporis, quo poſt annum Chriſti quinquageſimum ſuprà cen-
 teſimum milleſimum, fugientibus literis Thomas episcopos, ne rei me-
 moria ſimul cum apicibus euaneſceret, exſcribi voluit: & cū ventuſtas ex-
 cederet volumen Thomæ, Stephanus abbas Crudarenſis miſſus à Romano
 Pon

Pontifice, vt referam suo loco, totum restituit anno millesimo quadringentesimo septimo ab ortu Christi. Hactenus in tabulis suis notarius. Eas sin-
 ceras habet chartularium canonicorum Viuariensium. Igitur Croscus ille est,
 qui Albam ciuitatem perdidit deiecitque. Certè, vt hoc non taceam, Sigi-
 bertus sub tempora Thomæ episcopi ita locutus est: *Anno quadringentesi-
 mo vndecimo Vandali, duce Croscio Gallias peruagati, multas vrbes, & ecclesias sub-
 uertunt.* Atque vt non dubites in iis Albensem & urbem, & ecclesiam complecti, subiicit in hæc verba: *Croscus tandem à Mariano presule Arelate captus,
 & per vietas vrbes ignominiosè retractus, ad mortem tormentatur.* Et ante Si-
 gibertum annis ducentis Aimoinus III. de gestis Francorum cap. 1. *Crocus
 Arelas expugnare nisus, à quodam milite Mario nomine captus, per ciuitates quas
 euerterat, ductus, penis excruciatu interiiit.* Scilicet vbi Albâ & aliis per in-
 feriotem Occitaniam ciuitatibus violatis, venisset Arelatè, impertunorum
 scelerum, & facinorosæ impietatis pœnas dedit. Igitur sub annum quadrin-
 gentesimum vndecimum, Albâ per Vandalos dirutâ, episcopus suos cum
 sede clericos Viuarium deportauit, & ad certam aduersus omnes barbaro-
 rum impetus securitatem, loco munitissimo posuit.

4. Quæ verò hæc Alba, & vbi locorum stetit ante cladem à Croscio illatam?
 Ea est, quam Heluiorum oppidum fuisse constat; Heluius autem Strabo
 quidem à Rhodano cepisse tradit, Iulius verò Cæsar Gebennam montem
 tenuisse, qui ipsos ab Aruernis Velaunisque discluderet. Plurimum ergo er-
 rant, qui faciunt Albiam seu Albigan: Helueterorum enim hoc fuit
 oppidum in Aquitania; & in concilio Aurel. 5. vbi Cautinus archi-
 diaconus subscripsisset pro Melanio episcopo Albenfi, Vincentius etiam ip-
 se archidiaconus addidit suum nomen pro Ambrosio Episcopo Albigenfi.
 Minus ad speciem videbitur fortassis errare, qui asseruerit Albam esse Viua-
 rium, & urbem à Vandalis euersam, vbi rursus excitata fuisset, aliud nomi-
 nis accepisse: neque enim hoc insolens est, atque Paschalis 2. ita scripsit
 5. Guidoni archiepiscopo Viennensi; *Alba, quæ & Viuarium dicitur.* Sed tota
 Viuariensium tabularia hoc explodunt, & Albam faciunt aliam à Viuario,
 traduntque episcopium ab illa ad hanc translatum fuisse; atque vt Paschalis
 & aliorum, seu Pontificum, seu scriptorum verba non te fallant, addunt Vi-
 uarium, ex ea mutatione per episcopum facta, appellatum etiam Albaui-
 cum. Audi Thomam episcopum: *Auxonius episcopus in Viuario promotus
 presuit, qui de Albenfi Viuario contulit, & Albauicum appellari voluit.* Sed pro
 Albauico Albam (cui voci assueuerant) dixere: & Sollius post 40. aut circi-
 ter annos, Patienti episcopo Lugdunensi Albenfes scripsit pro Viuariensibus:
 atque Venantius post annos ferme 100. in concilio Epaunensi se Albensem,
 non Albauicensem episcopum appellauit: ac denique Gregorius VII. anno
 MLXXVII. sic est locutus Vvarmundo archiepiscopo Viennensi: *Definitum
 est vt septem oppida vel ciuitates, Gratianopolis videlicet, Valentia, & Dia, Alba
 Viuarium &c. Viennensi ecclesie interim subiecta permaneant.* Dalecampius vir
 eruditus, cum non incurrisset in Viuariensium, seu episcopi, seu capituli char-
 6. tas, similitudine vocis adductus est, vt Albam fuisse assereret, quod nunc vo-
 camus Albenacum: & Papirius Massonus in Ligeri hoc ineptè dictum pu-
 tat, neque tamen aliquid probabilius affert: cum enim in Rhodano pag.
 422. dixisset Albam fuisse in vicinia Viuarj, in Garumna pag. 593. addit *Alba
 Heluio*

Heluiorum Rhodanum attingit. Sed enimvero omnes tabulæ Viuariensis ecclesiae, docent ibi quondam stetit, ubi nunc est modicus pagus, quem vulgò quidem non magnà deflexione nominis appellant *Aps*, latine verò maximà *S. Petrum de Alpibus*: atque hinc factum est ut autor vite B. Auli ita loqueretur, *Ecclesia Viuariensis, quæ olim melius vocabatur Alpiensis*. Hanc in voce mutationem non mirabitur, qui meminerit notatam à Strabone l. 4. in cognomine vrbe: *Alpia prioribus sæculis vocabatur Albia, & Alpes ipsas Albium nominant.* Qualis autem & quanta fuerit ante Croscum Alba, quas habuerit ades sacras, quibus steterit viribus, quâ murorum amplitudine, quâ mœnium firmitate viguerit, nemo dicat. Plinius facit latini iuris in provincia Narbonensi. Cetera illius decora tacent antiqui autores. Sed neque est qui certò referat, seu à quo acceperit fidem Christi, seu per quos adoleuerit ad verum & certum robur sacrarum religionum. Vandali omnes chartas, omnia tabularia cum vrbe perdidit. De episcopis hoc vnum accipe, quod Thomas, & ipse episcopus, sexcentis, & quod excurrit post euersam annis, excerptis è chartis statim ab vrbs clade editis, cum prænimia vetustate semicras restitueret. *Primus episcopus Ianuarius, secundus Septimius, tertius Maspicianus, Melanus, Auxonius.* Sed quanta miracula Christus per eos ostendere dignatus fuisset, aut quibus temporibus plebem suam rexissent, aut quâ fuissent natione progeniti, emanare non possumus. Hæc ille. Quoniam ubi dixisset tertius Maspicianus, non subiecit quartus Melanius, quintus Auxonius, intelligis hos non sedisse alium ab alio, neque Melanum Maspiciano suffectum fuisse. Istud autem visum est aduertere, ut non putes episcopos tantum quinque sedisse Albæ. Ceteros obliuii deleuerat, istos, ut sanctitate illustriores aliis, fideli memoriâ retinebant. Nam si vulgò non habebantur sancti, neque in veneratione populorum publicoque cultu erant, cur ita scripsit super ipsis, *quanta miracula per eos Christus ostendere dignatus fuisset, emanare non possumus?* Qui sic loquitur, is profectò docet illos perpetrasse miracula: scilicet ignorat quidem ipse prodigiorum, seu magnitudinem seu numerum; sed nonnulla tamen suscepisse non ignorat. Hæc singulatim extinxerat Vandalarum furor, ceterum facere non potuerat, ut Albenes qui patriâ deiecti erant superstitēs, obliuiscerentur sanctitatem virorum, & non meminissent fuisse aliquando tempora, cum per singularem à Deo vim peragerent insignia miracula. Igitur ego quidem censebam S. Ianuarius illum esse, qui primus Albæ gessit episcopatum; & eo mortuo S. Septimium, atque hoc vita functo S. Maspicianum; tum incerto plures numero vixisse vsque ad excidium ciuitatis, quorum vnus fuerit sanctus Melanus. De B. Auxonio nunc nihil addo: postea de eo dicam; ipso enim antistite Alba cecidit. Hic etiam est quid aliud non prætermittendum, neminem istorum Albæ præfulum cæsum fuisse pro Christo: omnes traduntur fecisse miracula, nullus fertur passus pro fide Christiana. Hoc si Thomas episcopus, de eorum vel vno acceperit à maioribus, certè non taciisset, qui ipsorum alia non prætermisit. Adjecit se nescire quibus temporibus plebem suam rexissent, aut quâ fuissent natione progeniti. Quid hæc oratione sequebatur, si dubitabar de eorum martyrio, aut si certus non erat sanctos quidem, at martyres non esse?

Quibus temporibus vixerit S. Ianuarius, Albæque episcopum primus egerit, omnino ignotum est. An tum sedebat, cum B. Andeolus impera-

- tore Seuerò , sub annum centesimum nonagesimum à Christo nato non procul illà docebat; nam si ipsa tum temporis non habebat episcopum, vt erat clara, & sola Italici saltem juris apud Heluios ciuitas, cur ad eam non venit Andeolus; sed latius edisserenda est res, vt suam veri speciem habeat. Ado sic loquitur in martyrologio 1. Maij. *In Galliis, territorio Viuariensi, in loco qui vocatus est antiquitus Gentibus, S. Andeoli subdiaconi, quem misit ab Oriente S. Polycarpus cum B. Benigno & Andochio presbytero & Thyrsò diacono, ad predicandum verbum Dei in Galliam, cuius predicatione Casar Seuerus comperit, præcepit de ligno durissimo ensẽ fieri, & in crucis modum caput ejus scindi.* Hactenus Ado. Locus qui eo autore dicebatur quondam Gentibus, nunc ab illustissimo martyre appellatur Burgum S. Andeoli; & in ipso visitur carcer subterraneus, qui claulum habuit in vinculis, neque infrequentibus claret
- 11 miraculis. Seuerus iussit cædi virum, quando è Gallia vbi dictus fuisset imperator Romam ibat. Crediderim Rhodano nauì delatum, accepisse de Andeolo, & auditum pro tribunali damnaſſe. Iam age, cur eo loci docebat sanctus vir, neque salutis hominum sitiens, Albani ciuitatem non longè positam adibat? Si enim hæc Gentibus multum amplior non fuisset, nã episcopum illi prælata ante Vandalorum aduentum non habuisset. Sic enim uerò illis temporibus factitatum legimus, vt in constituendis episcopis haberetur vrbium ratio, neque ij nisi in amplis & copiosis ciuitatibus collocarẽtur. Acceperat jam puto Alba Christianam fidem, & qui recens acceptam educeret firmarẽtque, episcopum habebat. Andeolus ex Asia mari venerat in Provinciam. Totã regione feruere sacras religiones videbat, agentibus discipulis Maximini, Trophimi, Rufi, Magdalene, Marthæque: fortiter etiam agere Valentia, audiebat discipulos Irenæi à Polycarpo olim eruditum: igitur Aquas Sextias, Arelatein, Auenionem prætergressus, vbi primùm notauit deesse qui fererent Euangelium, ibi hæsit; neque Benignus, Andochius, Thyrsus socij, ad vltiora prætergressi, seu Viennæ, seu Lugduni sedem fixerunt, sed Diuionem & Augustodunum adierunt, vt eo loci docerent, in quo
- 12 nomen Christi ad ipsorum vsque tempora auditum non fuisset. Gentibenses erudire ad fidem amauit Andeolus, non paruo, vt hoc adjungam, argumentò oppidum eorum non omnino ignobile jam tum fuisse, neque multum minus fortassis siue opibus, siue ciuibus, siue cultu atque nunc est, & non plurimùm inferius Valentia, vbi audiebat Felicem presbyterum, Fortunatum, & Achilleum diaconos, ab Irenæo missos agere; sed Albã tamen omnino inferius erat, cui si conjectura non fallit, iam tum proinde præsidebat Episcopus; ipsam enim alioqui non plurimùm remotam accessisset, pro ceterorum fidei præconum more, qui principe, vbi statuerentur Episcopi, vrbes primùm intrabant docebantque. Igitur ego quidem arbitrabar, seu à discipulis Irenæi, vt Valentiam; seu à Crescentis auditoribus qui dederat episcopum Viennensibus, Albam accepisse euangelium, & eo suscepto Ianuarium episcopum, à quo per annos plures ducentis fuerint & alij præsules,
- 13 & SS. Septimius, Maspicianus, Melanus, Auxonius. Quat quòd cum clerus eã euerſa venit Viuariũ, nemo vnus Christianorũ inuentus est, qui recordaretur temporũ quibus Albæ ij federant, *Quibus tẽporibus plebem suã rexissent, emanare non possumus*, inquiebat Thomas episcopus ex tabulis, quas illi cõscriperat, quia clade Albæ euasisset superstites. Et putabis tu episcopatus initia tũ non superasse

superasse vnum & alterum sæculum; vel si supra ducentos aut circiter annos illa non fuerant, fugisse singulorum hominum memoriam? Verum ut ut hæc habeant, suspicionibus enim tota innituntur, nemo negauerit, si non ante ducentesium à Christo nato annum, certè sub trecentesium Albæ sedisse sanctum lanuarium, quando ea numerat episcopus supra quinque anno quadringentesimo vndecimo, quo Croscus venit in Gallias; nos ad alia trinsecamus. Thomas Episcopus pergit in exscriptione chartarum veterum, *Auxonius*, inquit, *primus Episcopus in Viuario promotus presuit, qui de Albense Viuario contulit, & Albaicum appellari voluit.* Verè magis loquitur, quàm latine. Docet Auxonium, quem scripserat sedisse Albæ antè à Croscos quàm deleteretur, primum posuisse Viuarij sedem suam, cui etiam voluerit nomen esse Albaico. Puto autem ego Albaico id factum esse, quod pluribus aliis multarum syllabarum nominibus, & ubi vox steterisset per aliquod tempus, ita agente vulgo, posteriora sensim amississe. Scilicet nusquam legimus Albaicensem, ut è nomine ciuitatis debuerat, appellatum Episcopum; perrexit dici Albenfis: & igitur etiam pro Albaico Albani appellare Viuarium. Hic locus postulat ut dicam de Viuario ciuitate. Antiquam arbitremur necessum est, supparè inque aut Viennæ, aut Valentia proximis urbibus, cum ante mille & ducentos annos ea vna Heluiorum fuerit, ad quam Albà euerfà veniret Episcopus. Certè comitatui primùm suo, deinde etiam vniuersæ prouinciæ nomen fecit. Imposita Rhodano flumini tanta amplitudine quondam erat, ut illud præterea spatium complecteretur quod nunc à fluuio remota domibus capit. Paræcias numerabat illa tres, primam sancti Ioannis, secundam sancti Laurentij, tertiam beate Mariæ de Rhodano ab situ dictæ. Hæc vltima, cum ciuitatem, ut plures alias, tēpus attriisset, jam diu defuit: magnum tamen ædes nomen sibi semper habuit, ex sacello sancti Clari Abbatis olim Sanmarcellini Viennæ, Clodoaldo episcopo, sub Theodorico Francorum Rege. Sanctus enim vir infinitis miraculis, curando maximè restituendoque oculis hominum, hactenus in eo fultit. Cum suis ruderibus tota nunc habetur à monialibus Dominicanis. Prima illa sancti Ioannis est iuxta cathedralem sacram sancto Vincentio. Hic placet aduertere, tempora fortassis mutasse aliquid, in nomine principis Ecclesiæ; non enim Vincentij nomen, fuit magnum in Gallia, ante quingentesimum à Christo nato annum. Ab eo cepit inclarescere, cum Childebertus Clodouici filius, ex Hispania victor, secum detulit partem reliquiarum ejus. Tum enim, ut innumera per omnes Francorum Prouincias ad illius preces patrata sunt miracula, ut multe ædes sacræ acceperunt nomen ipsius. In iis qui valet censeat per me licet Viuariensem Ecclesiam. Certè Sanjulianus l. de antiquitat. Cabilon. & l. de antiquitat. Matiscon. aduertit earum ciuitatum Cathedrales Ecclesias, à reliquijs sancti Vincentij de Childeberto acceptis, mutasse nomen, cum prius appellarentur, ista ab SS. Petro & Bartholomæo Apostolis, illa à sancto Stephano. Et fortassis erit, cui magis videatur hæc nominis mutatio (si aliqua fuit) referenda ad annum sexagesimum quartum supra octingentesimum, quo martyris corpus, ab Audaldo ante annos vndecim inuentum, deportauere Castrum ex Hispania, ubi frequentibus miraculis ita claruit, tantòque vniuersa Occitania motus excitauit, ut Helizagar etiam Tolosanum

- Episcopus à nono, vt loquitur Aimoinus l.2. de eâ translatione cap.9. *milliario discalceatus, forma factus gregi*, ad illud venerandum iuerit. Et hæc quidem Ecclesiæ fuerunt quondam intra urbem : extra illam verò steterunt omnino ad sex. Prima S. Auli Episcopi Viuariensis, secunda S. Martini, tertia S. Victoris, quarta sancti Albani, quinta sancti Victorij, sexta sancti Iuliani. Secunda illa seruabat olim corpus sancti Ostiani presbyteri : tertia, quinta, & sexta sunt dirute ; quarta verò semiruta, etiam nunc per ignobilia camenta pendet, triste argumentum vesani furoris Caluinistarum ; sed B. Albanus, nullâ eorum importunitate potuit ad hoc tempus, deduci à depellendis in illa hominum febribus. Cur quinta de sancto Victoreto dicta sit non inuenio, nullum enim est in tabulis Ecclesiasticis nomen eiusmodi. Puto sic appellatam, quia minorerat æde illa sancti Victoris, quam ordine tertiam attuli. Denique extra urbem est xenodochium sub tutela B. Mariæ Magdalænæ. Quando sanctissimæ mulieris nomen occurrit, & opportunior dicendi locus non erit, aduerto esse quod putem cum corpus illius metu Saracenorum anno circiter septingentesimo occultatum est à pijs viris, vt scripti in virgine Romigeria num. 12. & 13. pauculas ex illo particulas acceptas, & in Ecclesiam sancti Vincentij deportatas. Canonici anno trigesimo nono supra millesimum quingentesimum, excipere, indicem sacrarum reliquiarum, quas antiquissimi Episcopi in eâ intulerant, factum à Leodegario Episcopo post annum decimum supra millesimum centesimum. Cum ad beatissimam Peccatricem venissent, ita scripserunt, *de puluere B. Mariæ Magdalænæ*, & postea, *de sepulchro ejusdem*. Ista ego quidem ita interpretor, vt qui Episcopus, hoc vtrumque sacrum pignus, in suam ecclesiam deportauit, viderit corpus sanctæ Magdalænæ in sepulchro, & inde tum de ipso, tum de puluere beatæ mulieris partem acceperit, aut ab eo qui positam
- 19 in conditorio vidisset receperit. Vbi autem locorum putas visam in sepulchro, ante Leodegarium Episcopum ? Scimus tumulum ejus fuisse in Prouincia, & corpus sublatum è conditorio, vt cæcis poneretur in latebris à Prouincialibus, feritatem Saracenorum illi non inmerito metuentibus : itaque venit in mentem cogitare, antè illud quàm tolleretur è sepulchro, aliquid in memoriam B. Magdalænæ sublatum ab ipsius, & corpore, & tumulo, quod deinde aliquando peruenerit ad Ecclesiam sancti Vincentij. Nam qui putant sanctam mulierem mortuam in Oriente, vt aliquid super hac re dicant, certè non afferent veri magis similia iis, quæ suspicando potius, quàm asserendo disputauimus, ex occasione Xenodochij à Viuariensibus non injuria positi sub tutela beatæ Peccatricis ; scilicet cogitantibus, quæ & hospitem habuit Christum, & Lazaro fratri mortuo euicit per eum vitam restitui, facturam vt ille ipse suis pauperibus velit, & bonum per vitam hospitium, & à morte cœlestem vitam. Sed ad Viuarium urbem sermo reuocandus est, atque ad ejus Episcopum.

- 20 Iam à multis sæculis ciuitas, cum suo comitatu, est in potestate Episcopi, qui habet etiam principatum Dunferæ & Castrinoui de Rhodano quod appellatur quoque Castrum Montispenseri, atque Argenteriam sub nomine Baronis, & Burgum sancti Andeoli, pluraque alia loca ; & porro capit homagia plurium virorum nobilium. A quibus istas opes acceperit, postea recitabo suis locis. Ab Imperatoribus potissimum & Regibus eas duxit. Si cui verò

verò placet scire, quantis, & per quos, Ecclesia Viuariensis, antè illa quàm ab ipsis loca teneret ditione, diuitiis abundauerit, is accipiat dotationem illius ante Carolum magnum exaratam, & à Thoma episcopo ex antiquissimis chartis exscriptam, post annum millesimum centesimum, quæ puleum etiam & politicum dicitur, atque sub nomine pulei confirmata est à Carolo Caluo, vt suo loco referam. Illius verba plurimum obscuritatis habent; & annium quidem ac montium, atque regionum in agro nomina, ita sunt mutata, seu per longitudinem temporum, seu per varia ab hominibus barbaris hæreticisve bella, vt nemo ea si ne ingenti difficultate possit exponere. Si quæ uspiam lux mihi affulserit, eam lectori præferre non dubitabo.

DOTATIO ECCLESIAE Cathedralis Viuariensis.

DOMNVS Ioannes dotauit promotus Episcopus sancti Vincentij, villas ^{2 1} duas, Clariaco, Cassania. Id est cùm Ioannes factus fuisset Episcopus, donauit Ecclesie sancti Vincentij Clariacum, & Cassaniam, villas. Cur Ioannes appelletur dominus in promptu est: olim ita vocabantur Episcopi. *Clar iaco* vox est de vulgo antiqua. Plures eiusmodi statim videbimus.

Melanus ibi Axnacenum & Casanense. Repete ex superioribus dotauit. Particula *ibi* facit vt putem Axnacenum & Casanense, fuisse villas in eadem regione cum Clariaco & Cassania.

Dotauit Lucianus Episcopus Ameliaco villa, Blandamisco, Occiaco. Tres sunt hæ villæ iis scriptæ vocibus, quibus apud Viuarienses quondam efferebantur. *Ista omnia dereliquit Deo & S. Vincentio*, id est Ecclesie sancti Vincentij. Illæ voces *ista omnia* faciunt, vt putem amplas & nobiles fuisse villas; q. d. istas villas totas, nullaque agrorum parte truncas dedit.

Dotauit dominus Valerius villa Coreffe, Sendio, Muo. Hæc etiam sunt nomina villarum à vulgo petita. *Dereliquit Deo & sancto Vincentio.*

Dotauit S. Firminus cum vxore sua Aula Ladacusa, Meteratis cum ecclesia S. ^{2 2} Andreae, Damate, Tornicate, Medio, Saconaco, Vocerno. *Ista omnia dereliquit Deo, & S. Vincentio.* Hæc quoque sunt nomina propria villarum, aut locorum.

Dotauit dominus Eumachius Deciate cum ecclesia, Saduaco, Caulolomno, Cartennaco, Luguilano. Vt superiora, ita & ista sunt villarum, seu prædiorum nomina, sic exarata vt vulgus quondam pronuntiabat.

Ego Secundus cum vxore mea Prima, condonauimus Deo, & S. Vincentio, de ^{2 3} propriis nostris, de mancipiorum, & peculiarium. Hic nota duo. Primum est, ista aliter efferri quàm superiora. Nunc loquitur, qui donat ecclesie; is in superioribus ferebatur donasse. Ista diuersitas facit, vt putem exscriptas ab eo, qui puleum primus compegit, sequentes chartas iis ipsis vocibus, quas donatores posuerant in suis tabulis. Secundum est in illis verbis *de mancipiorum, de peculiarium* esse gallicissimum pro, de mancipiis & peculiaribus. *Proprium* & *peculiare* sonant vnum & idē. Dat mancipia & peculiaria id est loca, prædia, & alia propria à mancipiis distincta. Quæ verò fuerint hæc peculiaria pergite exponere. *Imprimis in Viuariense, quod antè Albenfe vocabatur, eccle- ^{2 4} siam*

- siam in honore S. Victoris, quæ est in vertice montis, juxta fluvium Rhodani.* Ista ecclesia destructa fuerat ante Carolum Caluum, vt videbimus suo loco, & cum restituta fuisset ac munita per Andusianum & à Pictauiensibus vnum episcopos (eorum enim arma portæ arcis superimposita vidimus) rursum fuit anno vigesimo octauo supra millesimum sexcentissimum euersa ex decreto comitiorum Viuariensium, vt non esset receptaculum hæreticorum latrocinantium. *De Scotadio vsque ad Albi.* Sunt hæc nomina seu amnium, seu regionum claudentium ecclesiam, siue agrum ecclesiæ S. Victoris Sic enim loquitur Carolus Caluus, *concedimus ecclesiam S. Victoris super Rhodanum vsque scotadium.* Vnus est hic limes agri: alter dicebatur Albi, è quo nomen Albenfis fuisse loco fertur. Sequuntur alij tres in donatione
- 25 *Secundi, & vsque ad summum montis Conati, ecce primum: & vsque ad exemplatorium; en secundum: & in alio loco Caput montis; iste tertius & vltimus.* Si petas quanta sit inter hos quinque limites regio, sic habe; *cum calonicis sexaginta.* Calonicum, seu calonica, siue colonicum (his enim tribus modis scripta est vox in sequentibus) solâ domo coloni differt à manso; ea enim caret, quam iste habet; capitque jugera omnino xii. vt postea ostendam, cum locus erit dicendi de manso. Secundus ergo ait se dare agrum, qui per colonica sexaginta id. jugera septingenta viginti ductus descendit è vertice montis juxta Rhodanum fluvium positi, & finitur Scotadio, Albi, summo montis Conati, Exemplatorio, & denique loco qui dicitur Caput montis, habetque ecclesiam S. Victoris. Adde & seruos, nam sequitur *cum seruis suis*, quos cum illo se donare addit. Immensus ager! Regio quidem est hæc. Caput longitudine quingentos sexaginta passus supra milliaria triginta quatuor. Atque hoc de agro Viuariensi, olim Albenfi, munus est. Sequitur aliud. *Et in Burgundiâ in comitatu Viuariensi, in Tortiliano*
- 26 *dimidio vna cum suis appendentiis, & in alio loco qui dicitur Vieniſcio totum & ab integrum tradimus.* Ecce primam partem istius doni: accipe alteram; *& in Valentinese prope Rhodanum fluvium, villa que dicitur Cupertus cum seruis suis;* atque tertiam, *in Arelatense in Vgio Salinas areas octo.* Hoc secundum est S. Vincentio munus, Rhodano diuisum à superiore, vt pote in Burgundia positum, in qua prius situm non est; nam illud videmus non procul Tilio esse. Diuiditur in tres partes pro tribus regionibus. Prima est in comitatu Viuariensi, secunda in Valentinesi regione, tertia in prouincia Arelatensi. Et prima quidem pars continetur duobus locis, Tortiliano & Vieniſcio, secunda autem vno Cupertus, tertia denique octo areis salinarum. Sed hic vide comitatum Viuariensem dici peruenisse ad Burgundiam & trans Rhodanum, vbi sunt Valentia & Arelas. Secundus ita concludit suam donationem: *per singulos annos exemi solidi trecenti. Ista omnia dereliquimus Deo & S. Vincentio.* Addit se ista omnia tradere ecclesiæ Viuariensi, sub censu solidorum trecentorum. Sed perarduum est hos ad nostram vsualem monetam reducere; neque enim cum ista scribebantur, Viuarienses utebantur solidis & denariis, pro Romanorum more, qui drachmæ quidem vt minimum æquauere denarium; & solidum ex Lampridio in Alexandro appellauere aureum, qui Budæo per multiplex experimentum autore l. 3. de asse, pende-
bat drachmas duas. Vide in conuentu Aquisvi. Abbatum anno octingentesimo decimo septimo fuisse in libra *solidos xxx. per denarios xii.*

Episcoporum Viuariensium. 183

Ego Leo & vxor mea Oſiliana, condonauimus aliquid de noſtris rebus, quæ ſunt in Viuarienſe, in arce Samſonenſe, de villa quæ dicitur Quiciaco, cum ſeruis, & ſque ad flumen Beſſina & Roſerias. Totum ſunt calonicas quinquaginta. Tradidimus Deo & S. Vincentio. Dat Quiciacum, per calonicas quinquaginta protenſum, in agro Samſonis pagi, cum ſeruis ſuis, & Roſeriis loco, Beſſinaque annæ terminatum. Calonica quinquaginta, capiunt longitudine milliaria viginti octo, & paſſus octingentos, latitudine quatuordecim milliaria quædringentos paſſus. 28

Ego Marius ædificauit eccleſiam, in honorem S. Mauriti, quæ eſt ſuper Henticam flumen. Dotauit eam calonicis xxx. vnâ cum ſeruis ſuis. Tradidi eam Deo & S. Vincentio. Dat Eccleſiam S. Mauriti impoſitam Henticæ amni, cum colonicis triginta, & ad ea colenda ſeruis. Colonica triginta, capiunt longitudine milliaria ſeptemdecim, & inſuper paſſus ducentos ſeptuaginta, latitudine milliaria octo & paſſus ſexcentos trigintaquinque.

Ego Bellus, qui fui natus in Viennenſe, & nutritus in Viuarienſe, in infirmitate mea fui annos xxx. Ædificauit eccleſias ſuper Henticam flumen in honore S. Pet, S. P, S. Eulalie, & S. Romani. Dotauit eas de meis propriis in loco ipſo, calonicas lxxx. vnâ cum ſeruis ſuis. Tradidi eas Deo & S. Vincentio. Dat eccleſias quatuor cum ſuis calonicis octoginta, & ad calonicarum culturam ſeruis. Colonica octoginta capiunt longitudine milliaria quadraginta ſex, & paſſus octoginta, latitudine milliaria viginti tria & paſſus quadraginta. 29

Ego Ebo, & vxor mea Berta, donamus S. Vincentio de propriis meis eccleſiam in honore S. Symphoriani, quæ eſt in valle Vinaria, cum calonicis x. & in monte Bergo calonicas xx. Calonica x. protenduntur longitudine ad milliaria v. & paſſus dccclx. latitudine ad milliaria 11, & paſſus dccclxxx. Calonica xx. colligunt ſpatium duplo majus. Sitæ autem Bergo mons ad vallē Vinariam, locus iſte non habet. Vbiunque fuerit, dat Ebo agrum colonicarum xx. in monte Bergo, & alium calonicarum x. cum eccleſia ſua in valle Vinaria.

Ego Marcellus Botana Deo ſacrata condonauit de propriis meis, vel mancipiis, in monte Bergo, vbi dicitur Turnuſtus, calonicas x. & in monte Cenoto calonicas xx. Quot milliaria capiant hæ calonica, intelligis ex modò dictis.

Ego Fredegundis Deo ſacrata, ædificauit in Melotis, monaſterium puellarum, in honore S. Stephani & S. Saturnini. Hic vixi annis ix. hic diffiniui ſub. degere reliquam ætatem. Dicit ſe ante annos 1x. ædificaffe monaſterium virginum, & ab ejus exædificatione vixiſſe in illo; additque velle ſe reliquam vitam in ipſo agere. Abs dubio illud erat in poteſtate epiſcopi; cur enim alioqui, hoc Fredegundis opus, fuit poſitum in dotatione Viuarienſis eccleſiæ. 30

Ego Ardulphus epiſcopus ſedis Viuarienſis dotauit Deo & ſancto Vincentio Mixano, Vicano dimidio, Canauarro, Fara, cum ſculis S. Laurentij, & Crudatis curte, cum villis tres, Pociolis, Caligo, ex Oſpo totum. Dat Mixanum, mediam partem Vicani, Canauarrum, Faram, ſculas S. Laurentij, curtem Crudatis, & villas tres Pociolos, Caligonem, & Oſponem totum. Hæc, vt vides, ſunt nomina locorum, eaque non latino, ſed vulgari tum Viuanj ſermone ſcripta. 31

Ego Albinus dotauit ſancti Auli ſoras ciuitatis, Cauſoneni, Nargatis, Congo, Seondolatis, & Anomatis, & Brandatij, & Pallagione. Eccleſia S. Auli ea, vt puto,

to, est quam memoravi num. 17. certè extra ciuitatem etiam esse dicitur. Cetera nomina sunt gallicouuariensia locorum, & nunc exoleuere.

- 32 Ego Bobo, & vxor mea, Eulalia, & frater meus Rufinus edificauimus ecclesiam in Aruematene, in honore sancti Petri, super fluuium Liger. Dotauimus eam de propriis meis calonicas vi. & super Henticam fluuium villa que vocatur Vtiaco. Et ista omnia tradimus Deo & S. Vincentio. Dat ecclesiam sancti Petri à se impositam Ligeri fluuiio, cum suis calonicis vi. & Vtiacum villam ad Henticam fluuium. Calonicae vi. capiunt longitudine milliaria tria, & passus CDLVI. latitudine vnum milliaria & passus DCCXXVII.

- 33 Ego Aspasia dotauimus S. Vincentio in Caxona Laudatis: & in Milicianense Seruationo totum vsque Inno; Volenceta Vitem, & Pruinis totum vsque in fluuium Cicei. Dat in Caxona quidem agrum Laudatis, in Milicianense verò agros omnino quatuor, Seruationum quantus est vsque Inno locum, Volencetam, Vitem, & Pruinis, quàm latè omnis tenditur vsque ad Cicei annem. Puto Caxonam & Milicianense esse nomina regionum in agris.

Ego Sconbertus dotauimus sancto Romano foras portas. In Diense villam Oisiano vsque in rio montis. In Valuinaria modia ter viginti & vineas tres, pratens 2. & Castris totum vsque in summitate montis. Dat ecclesiam S. Romani, extra Viuarij muros positam Oisianum, Castram, & in Valuinaria campum modiorum LX. vineas tres, prata duo. Addit Oisianum positum esse in Dienfi regione, & vsque ad riuum è monte defluum protendi. Hujus Sanromanæ ædis nullum est vestigium in agro Viuariensi. Vide autem & suprà ecclesiam S. Auli, & nunc ecclesiam S. Romani censeri in dotatione Viuariensis ecclesie: abs dubio ad hanc pertinebant.

- 34 Ego Venantius sedis Viuariensis episcopus dotauimus ecclesiam in Luciatense in honore sanctæ Mariæ & sancti Martini Bessiaci. Dotauimus eas calonicas LXX. & cum seruis suis, & dimisi eas Deo & sancto Vincentio. Dat ecclesias duas cum suis calonicis LXX. & seruis. Altera ecclesiarum dicitur S. Martini Bessiaci; certè vt ab alia ejusdem sancti æde non longè posita discriminetur.

Ego Yteria femina sui sine viro sexaginta annos: edificauimus ecclesias in vertice montis, in honore sancti Thomæ & sancti Sebastiani. Dotauimus eas vsque in fluuium Scotadij, & villam qua dicitur Cacerdis, & tradidi eas Deo & sancto Vincentio. An Scotadium hoc illud est, quod vidimus in donatione Secundiamnis qui per illud fluit, & Cacerdis villa sunt fines agri ecclesie S. Thomæ & sancti Sebastiani ab Yteria concessi.

- 35 Ego Antherius patritius prouinciarum, & vxor mea Sulpitia, dotauimus sancto Vincentio de propriis nostris, Albemiate palatium nostrum, quod est constructum secus Henticam fluuium, cum ecclesiis duas, vna sancti Saturnini, alia sancti Lupi, Botellicus, villam Ragiatis, villam Aicaiutis, Quabides calonicas quatuor, Oraches villam Caninicas, villam in Bocera, ecclesiam sancti Ioannis & sancti Mauritiij. Sunt calonicas octoginta cum seruis suis. Ista donamus Deo & sancto Vincentio. Barbara & difficilis oratio. Dat Albeniate palatium secus Henticam fluuium, cum ecclesia sancti Saturnini, & ecclesia sancti Lupi; villas Botellicum, & Ragiatis; prædia Aicaiutem, & calonicarum quatuor Quabidem; villas Orachem & in Bocera Caninicas; demum ecclesiam sancti Ioannis Baptiste & sancti Mauritiij cum suis calonicis LXXX. & ad calonicorum culturam seruis. Calonicae LXXX. capiunt longitudine milliaria XLVI. passus LXXX. latitudine milliaria XXI. passus XL.

Episcoporum Viuariensium. 185

Ego Longinus episcopus adificauit Ecclesiam in honorem sancti Stephani in monte Conato, que dicitur ad Scans. Dotauit colonicas viginti : & ecclesiam S. Laurentij dotauit colonicas quindecim. Et ego indignus & peccator consecraui eas, & dereliqui Deo & S. Vincentio, & Ciluatenſe medio, cum centum viginti colonicis una cum seruis suis. An ille Conatus est mons, quem vidimus in donatione Secundi ? dat ecclesias duas, alteram S. Stephani cum agro calonicarum xx. alteram S. Laurentij cum agro calonicarum xv. & medium inter utramque agrum Ciluatenſe cum suis calonicis cxx, & seruis calonicarum culturae additis. 36

Ego Gombertus adificauit ecclesiam in honore S. Vincentij, in villa que dicitur Crasco. Dotauit eam in primis villa cum xxx colonicis, pratos quatuor, de vineis vnde exire possunt modij centum octoginta. Sub, & dereliqui S. Vincentio; cur enim alioqui hoc positum est in dotatione ipsius ecclesie cathedralis? scribere pretermisit ad fugiendam æquiuocationem, quæ ex ecclesia cognomine ab ipso ædificata cooriri posset. Dat ecclesiam sancti Vincentij à se exedificatam cum Crasco villa ei attributa, suis campis, pratis, vineis instructa. Cum legis modium, ne cogita Romanum, qui aridorum mensura fuit, & capiebat sextarios sedecim. Puto esse liquidorum mensuram, quæ vulgò dicitur mui. Lugdunensis nunc capit amphoras quinque, id. sextarios DCL. quantum caperet Viuariensis cum ista scribebantur, haud scio. Colonicæ xxx. capiunt longitudine milliaria xvii. passus cclxxx. latitudine milliaria viii. passus DCL. 37

Ego Alcius & uxor mea Macedonia, que fuit soror S. Auli dotauimus S. Vincentio de Cuisiniano, quod est constructum super flumen Rhodani vsque ad Bauarias, & vsque ad riuum Osonem & Bello dimidium, & in Tricastensis insula que vocatur Argentarias, que est ad Burgogiates superiorem. Ista omnia tradimus Deo & S. Vincentio. Dat tria, Cuisinianum, Bello dimidium, Argentarias insulam. Cuisinianum fuit castrum aut pagus: ab Osone riuo vsque ad Bauarias, habebat agrum ad ripam Rhodani. Argentarias insula dicitur esse in Tricastinis ad superiorem Burgogiatem. Nomine Burgogiatis intelligo Burgum S. Andeoli, quia Carolus Caluus ponit insulam Argentariam iuxta S. Andeolum. 38

Ego Rodulfus dotauit ecclesiam S. Petri de Rumpone monte, & in Valentinenſe adificauit ecclesiam in honore S. Albani. Dotauit Deo & S. Vincentio. Et in Valentinenſe adificauit ecclesias duas in honore S. Proiecti & S. Stephani. Dotauit eas. Ista omnia tradidi Deo & S. Vincentio. Dat ecclesias quatuor, B. Petri de Rumpone, S. Albani, S. Proiecti, & S. Stephani. Igitur cum prima illa sit Cluniacensium, Episcoporum aliquis, sed ignotus mihi, eam ipsis elargitus est. Leodegarius illam habentibus porro tradidit anno incerto ecclesiam S. Stephani de lacu, & anno mxxii. ecclesias omnino quatuor in mandamento S. Albani. 39

Omnia ista dotauerunt ad sanctum Vincentium, vel ad ipsa corpora sanctorum, que in circuitu requiescunt, anno septimo regnante domino nostro Galdeberto, & etiam domino Cheuberto rege, indictione vndecima. Id est omnia hæcenus recitata, donauerunt sancto Vincentio & sanctis cum eo quiescentibus, vsque ad annum septimum Galdeberti & Cheuberti regum. Ita expono illas voces anno septimo, quoniam aliter explicari non possunt. Neque enim verum est viros tota dotatione memoratos, in quibus plures sunt episcopi Viuarienses, vno 40

anno aliquo septimo aut vixisse, aut donasse ea quæ hæcenus recitata sunt. Quasi diceret, atque hæc sunt quæ pij viri donauerunt S. Vincentio, vsque
 41 ad annum septimum Galdeberti & Cheuberti regum. Sed qui isti reges? existimo Galdebertum scriptum pro Childeberto; neque insolens aut turpis est hic error scribæ: & Childebertum addo secundum dici; vt Cheubertus nunc appelleretur, quem vulgò appellamus Dagobertum, qui fuerit binomius. Enimvero non occurrit alius cum Childeberto rex; & Dagobertus secundus potuit regnare cum patre, qui anno post eum quarto mortuus reliquit filios Chilpericum & Theodoricum, alterum regem post alterum. Dagoberto autem secundo fuisse etiam nomen Cheuberti, aut Cheriberti, seu Chereberti (quæ videntur synonyma) non mirabitur, qui cogitauerit Othonem Burgundiæ Comitem dictum etiam fuisse Guilelmum, ex chronico abbatiæ sancti Benigni Diuionensis; & Guilelmo filio Henrici primi regis Angliæ, ex historiis Anglorum fuisse quoque nomen Adelini. Nam quis nescit Carolum magnum appellari Dauidem ab Alcuino? sunt qui Childebertum istum faciant primum, & pro Cheuberto Theodoricum inducant: sed & nouum est censere annos à duobus regibus, quorum alterum non habeas tuum regem, Childebertus autem & Theodoricus nullibi Galliarum simul imperarunt; neque afferes cur ceteros cum ipsis fratres, filios omnes Clodouci, non numerauerit scriba. Hic septimus annus Childeberti secundi, fuit octauus Christi supra septingentesimum.

42 *Ego Aginus vir illustris & vxor mea Petronilla, dotauimus de propriis rebus nostris S. Vincentium in castro Viuarij situm, quod de genitore meo Aprimiculo iustissimè aduenit. Hoc est Valligorgia, cum ecclesia S. Martini cum suis appendentiis. Alpes duas, quæ nuncupantur Taranicus, ibidem adhaerentes vsque ad Borna, & vsque ad Nitrense, siue vsque in valle Contronica, & vsque ad Linna quæ vergitur in Linna. Et in alio loco in ipso Comitatu, vbi dicitur Salua plantata, ecclesiam in honore sancti Petri colonicas vndecim. Sunt in summa colonice centum octoginta.*

43 *Cum seruis suis tradimus Deo & S. Vincentio. Dat Valligorgiam cum ecclesia sancti Martini latè fuscā per colonicas DLXIX. & ecclesiam S. Petri in Salua plantata, cum suo colonicarum XI. agro. Nomine alpium fortasse intelliguntur alti montes: vox enim ita significat antiquā Gallorum linguā, ex Seruio in Virgilio; & Fortunatus l. 6. carm. 7. inde Pireneas, inquit, per nubes transiit alpes; & l. 8. carm. 18. ab Auernis veniens feliciter aruis, alpibus ex illis properans; ac denique l. 10. carm. 22. arque Pirenaea deferat alpis opem. Ecce & Auernicos & Pirenaeos montes quia sunt alti, appellat alpes. Linna verò quæ vergitur in Linna, est Linna propinquior, vt fuerint loca duo huius nominis; & Taranici montes ad proximam deduxerint ditionem Agini. Denique Comitatus, qui nunc memoratur, est Viuariensis: nam quis alius? in donatione Secundi vidimus pertinere ad vteriora Rhodani. Ceterum colonice CLXIX. capiunt longitudine millia LXXXVII. passus CCCXLIII, latitudine millia XLVIII. passus DCLXXII.*

44 Atque hæcenus habet dotatio ecclesiæ Viuariensis ante nongentos, aut circiter annos scripta, nobile antiquitatis monumentum. Ex ea intelligis sua tum illi fuisse rura, castra, ecclesias in agris & insulas, non in Viuariensi tantum regione, verum etiam in Diensi, Valentina, Arelatensi, & ad Ligurum fluuium. Ipsam debemus Thomæ episcopo. Igitur cum illa perfecta est,

est, ecclesia Viuariensis habebat ecclesias xxx, castra seu villas lxxiv. & supra vineas prataque, agri colonicas septingentas octoginta & vnā, hoc est agri millaria quadringenta quadraginta nouem, & passus septingentos quinquaginta sex longitudine, latitudine verò millaria ducenta viginti-quatuor, & passus septingentos septuaginta octo. Immenſa regio & grandi prouincia par! Sed idem Thomas deſcripſit alias tabulas, quæ ſi iungantur ſuperioribus, proſectò videbis ampliffimas fuiſſe huius eccleſiæ opes, antè ab Imperatoribus quàm acciperet Viuarium cum ſuo Comitatu, Burgum S. Andeoli, Dunſeram, Argentariam, & alios nobiles pagos. Vt ex ſint apertiores, aduerto illis veteribus ſæculis canonicos alios alia eccleſiæ bona (vt ſinguli iubebantur) adminiſtraſſe, ſeu concederentur ipsis ab epifcopo, ſeu ſeorſim ab illo iam ij ſua haberent, & in commune contuliſſe redditus annuos, unde ſua ſingulis clericis, & ſactæ adi, ad vſus ſeu neceſſarios, ſeu opportunos concederentur. Huiusmodi adminiſtratio appellabatur obedientia, quoniam ex præcepto collegij inſtituebatur à ſingulis; & qui eam gerebat, dicebatur obedientarius. Audi conuentiones canonicorum Matifconenſium cum Vlrico de Baugiaco inſitas anno MCCVIII. *obedientia de Marconaco, &c. obedientarius qui ibidem aderit, &c.* Monachis etiā ſuæ erant obedientiæ: *Alberico, inquit Aimoinus 2. de tranſlat. S. Vincentij cap. XIX. monacho, cum fratre Helia in pagum Empurenſem proſecto, atque in villa ſuæ obedientiæ, Garricula nuncupata, commorante.* Quam de obedientiis canonicorum Viuarienſium charitam, exſcripſit Thomas epifcopus, & ſuis tabulis inſeruit, ea eſt incerti temporis, ſed ante ipſum longiſſimi. Ita habet.

BREVE DE OBEDIENTIIS Canonicorum Viuarienſium.

BREVE ſeu breuis eſt album, in quo aliqua recenſentur & enumerantur, ſic enim legitur in capitular. l. 3. c. 82. *Non ſolùm beneficia epifcoporum vel abbatum, abbatiffarum, atque comitum, ſiue vaſſorum noſtrorum, ſed etiam ſijci noſtri deſcribantur in breue.* De canonicorum autem antiquitate vtcunq; res habeat, non enim poſtulat locus eam excutere, audi Sigibertum anno MLXXVIII. *Ab hoc tempore, cepit reſſorere in eccleſia B. Quintini Bellovacenſi, Canonicus Ordo primùm ab Apoſtoliſ, poſtea à B. Auguſtino epifcopo regulariter inſtitutus, ſub magiſtro Iuone venerabili cuiſdem eccleſiæ Præpoſito, poſtea Carnotenſium Epifcopo.* Noli omnino abicere quod poſt mille annos aſſert Apoſtolos inueniſſe Ordinem Canonicorum, Benedictus enim duodecimus, id ipſum aſſeruit iſtis apud autorem bibliothecæ Præmonſtratenſis ad regulam S. Auguſtini ſect. 3. verbis: *Canonici Regulares, à diſcipulis Chriſti in primitiua Eccleſia inſtituti ſunt.* Certè clericorum hoc genus antiquiſſimum eſt. Turonenſe ſecundum anno Chriſti quinquageſimo ſexageſimo ſeptimo, diſtinxit lectorem canonicum ab aliis clericis cap. decimo nono. Landericus autem Pariſienſis Epifcopus anno ſexcentefimo quinquageſimo octauo ita locutus eſt: *Nos & canonicorum noſtrorum communis fraternitas.* Denique (nam quid plura hic afferam?) quod Turonenſe tertium capite vigefimo tertio ſapienter & ſanctè iuſſerat ſuper canonicis, Carolus Caluus anno poſt trice-

fimo tertio ita edixit in capitulis Sparnacensibus numero quinquagesimo tertio : Canonici in ciuitate vel monasteriis, sicut constitutum est, in dormitorio dormiant, & in refectorio comedant, & in domo infirmorum necessariò subleuentur; & tam sani, quàm & infirmi canonicè vestiantur, & sub custodia canonica lectioni & ceteris diuina institutionis insistant officiis. Igitur hoc album est in quo recitantur canonici Viuarienses, & docetur quæ bona à singulis administrentur ex præcepto sui, seu Episcopi, seu collegij.

- 48 Archimbalus tenet ecclesiam sancti Ostiani & sancti Martini, cum mansis x1. cum territorio de Langaone, & in Larnatis Ecclesia sancti Petri, & in Vecaufco mansos quinque cum insula, & campos quæ sunt circa Viuario cum mansis duobus, & vinea apud Condamina, & in Vincolis mansum vnum, & in Villanona mansum vnum.

Galbertus tenet ecclesias sitas in Cornatico cum vinea & campo, cum capella S. Victoris; ecclesias duas S. Erachy & S. Emily.

Ionas tenet ecclesiam S. Iohannis cum terra de Malaprata.

Girmaldus ecclesiam S. Marie & in Macronatis mansos duos; in Cadusto mansum vnum; in Cosone mansos duos prope fluuium Rhodani, terra quæ est in Calmaitanitis curte dominica; ecclesiam sancti Albani in Casserius mansos viii. insula Gargana indaricata terra Excepto mansos duos; in Dardano capella sancti Arcontij cum mansis xxx. quæ ibi pertinent; ad fonte Bellone curte dominica cum

- 49 ecclesia sancti Petri; in Tagernatensis ecclesia S. Iusti cum territorio; Mellannatis cum capella S. Marie cum mansis viii. insula Formicarias quam Golsaldus tenuit, Deson Guitardi ecclesiam S. Vincentij, cum ecclesia S. Thoma & S. Michaëlis cum mansis xvi.

Arnulfus presbyter ecclesiam S. Saluatoris cum mansis quatuor.

Imneo ecclesiam S. Symphoriani cum mansis tribus in Valibio.

Arnulfus tenet ecclesiam S. Marcelli cum mansis xv.

- 50 Iterius Præpositus sancti Andeoli ecclesiam sancti Stephani & S. Leodegarij; & in pineto manso vno; Musentico manso vno; in Carciano & in Vendiano Mancello, & in Bergogiatis capellas.

Iullerandus & Circuranus ecclesias duas S. Stephani & S. Marcelli, & in Arbi-tero viniam.

Gerardus ecclesiam sancti Auli, & mansos duos. Portum Viuarij.

Asterius ecclesiam S. Marie cum capella sancti Andeoli & sancti Genesij dimidi, & mansos xxiii.

Voluerardus in Vliuola capellam sancti Stephani & mansos xvi.

Garnerius ecclesias tres sancti Stephani, S. Andrea, & S. Iohannis, & mansos x1.

- 51 Ennus tenet in Siluatense ecclesiam S. Martini in Currio mansos xxx,

Vincentius in Montefelgo ecclesiam sancti Martini.

Guetardus presbyter tenet ecclesiam sancti Andrea in Filinis.

Bartholæus ecclesias tres S. Marie, & sancti Martini, & sancti Nazarij, & mansos xvii.

Asterius tenet ecclesiam sancti Andrea & Moniartis, ecclesiam Dinadiante, & mansos xxviii.

Arnulfus mansos vii.

- 52 Varnalphus mansos vii. & vinea.

Odo ecclesiam sancti Philippi, & pecias de vinea.

Aldebertus ecclesiam sanctæ Mariæ in Genestella, & sancti Stephani in Confis, & mansos xxvii.

Gallo tenet ecclesiam sancti Saturnini, & mansos xii. & sancta Mariæ in Pradas & mansos xii. & capellam sancti Petri.

Amatricus tenet ecclesiam sancti Michaelis cum mansis vii.

Efrem ecclesiam sancti Priuati.

Gothofredus ecclesias sancti Projecti & sancti Iuliani cum mansis v.

Rostagnus Collatis mansos vii. & in Blarbau clauzo indominito.

In hoc breui aliqua sunt aduertenda. Primo vide mansorum memoriam in eo frequentem esse. Mansus seu mansum dicitur à manendo. Est ager cum dono mansioni apta pto mansuario: is verò appellatur seruus qui mansum colit. Videtur tantum saltem cepisse spatium, & quanto mansuarius potest parare suo domino necessaria. Nam Ludouicus Pius capitulari primo iubet, vt vnus mansus integer vnicuique ecclesie attribuat, Aimoinus l. 5. c. 10. Ludouici mandatum exponens ita loquitur: *Volens vnamquamque ecclesiam habere proprios sumptus, ne per huiusmodi inopiam cultus negligenter diuini, inseruit predicto edicto, vt super singulas ecclesias mansus tribueretur vnus cum pensatione legitima, & seruo atque ancilla.* Otho primus in quodam diplomate videtur ei dare tres hobas: ad hoc enim edictum Ludouici spectans ita loquitur: *Dotem Ecclesie, id. duas hobas possessor, & beneficium presbyteri in eodem loco deferuentis, id. vnam hobam.* Sed quæ fuerit hoba non inuenio. Hincmarus manso tribuit bunnuaria duodecim: quem secutus Alexander episcopus Leodiensis, presbyterum, inquit, *contingere debet vnus mansus terre duodecim bunnuariorum.* Quantum verò fuerit bunnuarium difficile dictu, est: puto tamen deduci à bobus, & esse quod Latini appellauere iugerum, 54
ad iugo bouum, quia Papias in Glossario dat manso jugera duodecim, sicut Hincmarus bunnuaria. *Mansus*, sunt verba Papiæ, dictus à manendo, qui integrum sit duodecim: & Bosquetus ad epistolam vicessimam primam Innocentij III. regesto decimotertio, lege, qui iugerum sit duodecim. Igitur mansus capit jugera duodecim, vt annotauit autor scholiorum marginalium concilij Coloniensis sub Carolo Caluo, id. passus longitudine quidem septuaginta sex supra quingentos, latitudine autem ducentos octoginta octo. Putabam calonicam, & calonicum, seu colonicum appellari in dotatione Ecclesie Viuariensis à colono: hic enim est idem cum seruo mansi, seu mansuario ex Carolo Caluo, qui hæc habet in edicto Pistenfi cap. 14. *Coloni suas hereditates id. mansa quæ tenent vendunt, & tantummodo cellam retinent:* & cap. 24. *liber homo sexaginta solidos componat, colonus seu seruus nudus cum virgis flagelletur.* S. quoque Remigius ista scripsit in testamento: *Vitalem colonum liberum esse iubeo:* & Flodoardus l. 2. cap. 19. *Mancia vel colonos.* Quod 55
autem dicebat imperator colonos mansa vendere seruatis cellis, facit vt putem mansa postmodum appellata esse, quorum sola cella pertineret ad mansuarium; colonica verò, quæ cum cella essent ejusdem coloni seu mansuarij; nisi maior colonicum cella caruisse, quam mansus haberet: certe chronicum S. Benigni voces inter se distinxit, cum sic locutum est: *Servi de predictis mansis septem colonicas habebant.* Pro colonicis colonias scripsit Glaber 3. Hist. Franc. cap. 5. *quindecim terre colonias dicitur in dotem accepisse monasterium Cluniacense pro monachis 12.* Ex quibus verbis etiam intelligis ejusdem 56

dem (vt monui) esse spatij cum manso, & eos ferre fructus, qui alendo domino pares sint: Guillemus enim fundator Monasterij videtur largiter concessisse quod sufficeret monachis duodecim. Colonias appellauit Flodoardus quoque l. 2. cap. 5. *Colonias villarum quarundam episcopij dispositis ordinauit seruitus: utpote quæ sicuti cellis, ita & seruis carebant, quibus mansus erat instructus.* Denique, vt hoc non prætermittam, quem mansum appellabat

- 57 Ludouicus Pius capitulari citato, Synodus Valentina sub Lotario cap. 9. vocauit colonicam vestitam: *si laici, inquit concedere voluerint basilicas in pradiis suis, sicut editum piissimorum Augustorum continet, vnā colonicā vestitā cum tribus mancipiis donationis gratiā eis conferant.* Aimoinus dixit mansum cum seruo & ancilla, sub. additis ad mansuarium. An potius mansum sub Ludouico Pio habebat seruum & ancillam, deinde Lotario Imperatore habuit porro alium seruum; nam sub Carolo Caluo synodus Colonienfis ita scripsit: *Ex dote Ecclesie id. ex vno manso & quatuor mancipiis?* Atque hæctenus dictum sit de manso, colonica seu colonia, & colonico vel calonico. Nolo tamen prætermittere Carolum Caluum latius & improprie accepisse has voces anno sexagesimo supra octogesimum. *De colonica Noueuilla mansum vnum &c. In colonia de Auisuis mansum vnum.* Sumpsit colonicam & coloniam pro villa: quia, vt puto, quæ colonica primum erat, postea cultis circum pluribus agris profecit in villam. Quid hoc miraris? idem ipsum manso factum est, vt intelligitur ex verbis quæ ab eodem Imperatore subiuncta sunt: *Villam quæ appellatur mansus Adalungi.* Inuenio præterea terminum pro colonica positum: *Villa cum termino vel colonica sua: & postea, terminos vel colonicas suas,* inquit Theodetrudis seu Theodora in donatine monasterio Sandionysiano facta anno 1129. Carolus vero Simplex dixit mansionile pro manso.

- 58 Secundò cū legis ecclesiam teneri à canonico, sub. cum suis agris, vineis, pratis, &c.

Tertiò in obedientia Girmandi scribitur *curte dominica*, & in obedientia Gothofredi Blarbano *clauzo indominicato*. Curtis dicitur *dominica* pro *dominicata*. Sic appellatur quam dominus colit, non mansuarius; seu quæ est domini, non autem coloni seu mansuarij. Hic enim possidebat agrum sub censu seu seruili, seu ingenuili vel ingenuo; itaque Carolus Caluus, anno trigésimo secundo regni sui, sic locutus est, in confirmatione bonorum mentæ conuentualis monachorum S. Germani: *Vinea siue indominicata, siue in beneficium quibuslibet data: & apud Aimoinum l. v. c. xxxv. ordinauit vt de mansis dominicatis solidus vnus, de vnoquoque manso ingenuo quatuor denarij de censu dominico, & quatuor de facultate mansuarij; de manso verò seruli duo denarij de censu dominico, & duo de facultate mansuarij, &c.* Clauzum eodem sensu appellatur indominicatum: clauzum verò est, quod nunc etiam vulgò appellamus *vn cloz*; Blarbanum fuit proprium nomen huius clauzi.

- 59 Quartò Bergogiatibus Iterij est fortasse Bergogiates, quem vidimus in dotatione ecclesiæ Viuariensis in Alcinio, & Burgum sancti Andeoli. Cur autem ipse Iterius dicatur Præpositus sancti Andeoli haud scio. Quod enim Burgi est sacerdos sancti Andeoli, Leodegarius episcopus tradidit Canonicis Sanrufensibus anno mcviii. abs dubio tamen videtur curasse bona Præposituræ, de qua in illius sacerdotij donatione sermo est, vt videbimus suo loco.

Episcoporum Viuariensium. 191

Quintò Canonici in hoc breui recensentur xxx. & ex illis presbyteri tantum tres, nullus è Dignitatibus Collegij. Verumtamen certum est fuisse quondam in Collegio Viuariensi Canonicos xl. & in ipsis Præpositum, Archidiaconum, Præcentorem, Sacristam, Archipresbyterum, Vicarium. Crediderim qui erant in dignitate constitui, ut suo munere fungerentur, nullam bonorum Collegij procuracionem aduſſe; ceteros vel ab ætate, vel ab alia causa, minus tum idoneos administrationi bonorum fuisse.

Sextò denique nulla earum rerum, quas in dotatione ecclesiæ Viuariensis legimus, attribuitur Canonicis in hoc breui: in illa vidimus ecclesias triginta, in isto sunt quadraginta duæ supra capellas. Colonica verò data sunt Episcopo ad septuaginta & vnum, ut non memorem castra, villas, vineas, prata: & Canonici administrabant mansos ducentos septuaginta & octo, qui capiunt longitudine milliaria clx. & passus cxxviii. Vah quante opes Episcopi & Canonicorum! Quæ per Gallias regio tanta est, ut colligat milliaria longitudine quidem octingenta nouem, latitudine autem cccv. Si mansos & colonica, ex antiquis autoribus bene sum dimensus, hoc illud spatium est, quod agris illi tenebant ante Carolum magnum, ut non afferam villas, castra, insulas. Sed profectò res superat omnem fidem. An ergo quod villis, pagis & vicis tum agrestibus, tum vrbis, hoc manso denique & colonico factum est, ut incertæ ac non raro permodicæ amplitudinis fuerint; neque vel duodecim bunnaria seu iugera, aut etiam integrum aliquando iugerum impleuerint? Hoc fortasse aliis probabitur; nos reuertamur ad Episcopos Viuarienses.

60

DE REBUS GESTIS

EPISCOPORVM VIVARIENSIVM

LIBER SECVNDVS.



IGITUR post SS. Ianuarium, Septimum, Maspicianum & alios, S. Auxonius erat Episcopus, cum Alba per Croscum Vandalum (Caracum nonnulli dicunt) euerſa est. Scio esse qui post Aimoinum & Anonymum autorem vitæ S. Ausonij Engolismensis Episcopi velint Vandalos duce Croſco victoriis peragrasse Galliam, atque adeò perdidisse Albam sub Valeriano & Galieno, qui anno cclvii. iniierunt imperium, quia Gregorius Turon. ita scripsit l. i. de hist. Franc. c. 32. *Chrocus ille Alamannorum rex commoto exercitu Gallias peragrauit* Valeriano & Galieno Imperatoribus. Sed Vandalum constat fuisse Chroscum, & ceteros autores antiquos, Vandalorum, quos ab Alamannis semper distinguunt, irruptionem in Gallias, refert ad annum circiter quadringentesimum. Orosius l. 7. c. 64. ita habet: *Anno vrbis conditæ mclxiv. is fuit Christi ccccxiii. irruptio vrbis per Alaricum facta est.* Post pauca; *Ante biennium Romana irruptionis excitate per Stiliconem, gentes Alanorum, Sueuorum, Vandalorum Rhenum transiunt, Gallias invadunt.* Prosper, Anno Domini ccccviii. *Vandali, & Alani Gallias trajecto Rheno pridie calend. Ianuar. ingressi.* Cassiodorus: *Aradius vl. & Probus Coss.* (fuit hic annus ccccviii. Christi.) *Hic Coss. Vandali*

1

- et Alani traiecto Rheno Gallias intraverunt. Ado sub finem imperij Arcadij, ante annum ccccv. Vandali atque Alani Gallias aggrediuntur. Igitur Turonensis secutus est autorem vitæ S. Priuati, qui ista scripsit: Valeriano et Gallieno Imperatoribus Alemanni transmissio Rheno Gallias petierunt, quos regem Scorconem illo tempore habuisse confirmat antiquitas, &c. sanctum Priuatam Episcopum in eius, quam diximus, crypta receptaculo hostilis furor reperit, &c. Atrociter in eum barbari seuiunt: aded cum excruciant ut exanimis putaretur, &c. Illis cruciamentis quassatus, non multo post è seculo commigrauit. Nam cap. xxxiv. subiungit: Irrentibus autem Alamannis in Gallias, sanctus Priuatus Gavalitane vrbs Episcopus in crypta, &c. tamdiu susibus ceditur, quoadusque putaretur exanimis. Sed ex ipsa quassatione, interpositis paucis diebus, spiritum exhalauit. Sed tam vera de Crofco seu Scorcone attulit ille autor, quam de eo qui S. Priuatam peremit. Neque enim Alamanni Croscum ducem secuti, sed Romani ex edicto Valeriani & Galliani occidere S. Priuatam. Audi martyrologium Romanum xxiii. Augusti: In territorio Gavalitano sancti Priuati episcopi et m. qui passus est in persecutione Valeriani Gallieni. Beda, Ado, Vsuardus iisdem verbis martyrium subiisse aiunt. Vtunque hoc habeat, index martyrologij Gallicani, non immerito suspicatur Chro cum Turonensis, seu Scorconem autoris vitæ sancti Priuati, non fuisse Vandalorum illum ducem, qui à Mario ad Arelatem captus, pœnas luit cladis vrbibus Galliarum illatæ. Vandali enim autoribus Orofio, Prospero, Cassiodoro, Adone primum intrauerunt Gallias post annum quadringentesimum Christi. Igitur placet dicere cum Sigiberto quem attulit. super. num. 3. Albam à Crofco Vandalorum duce euerfam post annum Christi ccccx. Ea euerfa. cæloque Crofco, B. Auxonius, monete Deo, Clericos suos deportauit Viuarium. In finibus quidem diœceses est vrbis, sed tantu ducebat sanctus vir firmo, & aduersus omnes barbarorum impetus duraturo loco Episcopium statuere. Atque igitur cum in excelsa rupe, è qua vrb reliqua descendit in Occidentem, satis esset spatij capiendis supra templum ædibus totius Cleri. in ea resedit. Antiquæ tabulæ referunt egisse in ipsa annos quinque; quem verò successorem in Episcopatu habuerit non inuenio: sed neque plurium ab eo præsulum tempora satis certò notare possum, quando illa antiquæ chartæ non digerunt. Nomina tantum afferunt, neque vno tamen ordine omnes locant, ut petardum sit aliquid veri super hac re constituere. In martyrogio Viuariensi ita legitur x. cal. Mar. *Hac die, videlicet decimo cal. Mart. in nostra presente ecclesia Viuariensi fit festum de translatione sancti Auli episcopi, qui sancto Luciano successit, ut habetur in nostris antiquis monumentis, quæ chartam antiquam vocant. Libri moderni habent eum successisse B. Eucherio, cum tamen inter illos, ut antiqua charta docet, sine sancti Venantius, Rusticus, Melanus, Firminus. Post sequitur Eucherius, cui successit B. Aulus, illi Eumachius, deinde sanctus Longinus regnante Alarico. Igitur autore martyrologio Viuariensi, ponendi sunt ordine S. Lucianus, S. Venantius, S. Rusticus, S. Melanus, S. Firminus, Eucherius, B. Aulus, Eumachius, S. Longinus. Sed in vita B. Auli paulo aliter habes: Post obitum S. Eucherij, inquit autor illius, accepit episcopatum Ecclesie Viuariensis, quæ olim vocabatur melius Alpiensis, S. Firminus, qui non post multos dies tradidit sacerdotum beatissimo filio suo Aulo &c. post cuius obitum, voluntateque Auli presuit Episcopus Eumachius. Ecce ait sedisse S. Eucherium, S. Firminum, B. Aulum, Eumachium. Si quid tamen*

in re obscura aut asserendum, aut ad aliquam veri speciem dicendum est, ita ego quidem censebam. Ioannes vixit post Auxonium, Ioanni successit 6 Melanus, & Melano Lucianus: mortuo Luciano sedit Valerius, & post Valerium, Eumachius, Ardulphus, Venantius, Longinus, B. Aulus. Omnino dubium commouet, atque vt ita sentiam facit, antiquissimus ille ordo Episcoporum dotantium Ecclesiam Viuariensem à me ab Thoma exscriptore allatus superiore libro. Atque vt aliquid demus auctori martyrologij Viuariensis, addo quos memorat sanctos Lucianum, Venantium, Rusticum, Melanum, Firminum, esse diuersos ab modò allatis Melano, Luciano, Venantio; reorque post B. Auxonium sedisse Viuarij ordine Ioannem, Melanum, Lucianum, Valerium, Eumachium, Ardulphum, S. Lucianum II. sanctum Venantium, S. Rusticum, S. Melanum II. S. Firminum, Eucherium, B. Aulum, Eumachium II. S. Longinum, Venantium II. Longinum II. Nam quod affertur ex vita S. Auli, Eucherium S. Firmino superiorem fuisse, non magnam est: neque tanti ego quidem putauerim autorem illius, vt prae auctore martyrologij debeat poni. Non video tamen, cur illi non concedamus vt Eucherius dicatur sanctus. Hic vide, quàm multi post Longinum beati viri Episcopatum habuerint. Sanctorum profectò virorum fuit illa ætas; & non veri nullam habet similitudinem, quàm sanctitate fulgebant, eam ad suos potissimum è clero deriuasse. Lucianus quoque & Valerius ab eodem martyrologio appellantur sancti Valerijque tempora etiam annotantur. Sic habet: *iv. S. Valerius. cal. Febr. depositio B. Valerij Episcopi Viuariensis, qui B. Luciano regnante Alarico successit, vt in monumentis antiquis, quam chartam antiquam vocant, vsque ad presentem diem habetur: Alaticus autem à Clodoueo cæsus anno Christi dñx. ante illum igitur, & anno circiter quingentesimo sedebat Viuarij sanctus Valerius, quod non parum firmat seriem Episcoporum, allatam è dotatione Viuariensis Ecclesie. Cùm enim sanctus Auxonius, Albà post annum quadringentesimum euersà, fixerit sedem Viuarij, & sanctus Valerius ibidem federit sub annum quingentesimum, non caret veri magna similitudine inter vtrumque per annos LX. & si quid excurrit, fuisse Episcopos Ioannem, Melanum, sanctum Lucianum. Nam quis mirabitur, his præfatis singulis dari annos plus minùs viginti? Ceterùm quæ de Episcopis à B. Auxonio vsque ad sanctum Longinum II. allata sunt, ne ita intellige, quasi fuerint alij post alios, nemoque vnus inter eos positorum me fugerit. Agripius anno quingentesimo quadragésimo primo, fuit in Concilio Aureli. III. Sabinus seu Sabinus anno DCLXXXVIII. in Matisconensi: post Ardulphum ergo aut Venantium fortasse fuit iste, ille post Firminum vel Eumachium. Sed Venantius à me præteriri non potest. Is Sigismundi regis Burgundionum, sancti patris sanctus filius fuit. Sedit verò post B. Valerium annis XXVII. Hæc ambo, cum eius præclare gestis rebus, traduntur in Breuiario Viuariensi. Post obitum, inquit autor illius, Sanctissimi Valerij Viuariensis Ecclesie Episcopi, filij eiusdem sanctæ matris Ecclesie, conuenientes in vnum, vnanimiter ac pari consensu, gloriosissimum Venantium elegerunt sibi antistitem. Quo factò patrem suum Sigismundum adeunt &c. constructa ergo Viuariensi ciuitate tam honorificè, vt dictum est, & Ecclesie sanctorum splendide ac mirificè compositis, psalteriumque choris porordinatis, Ecclesiam Viuariensem XXVII. annis reuoluentibus felici gubernatione rexit, quibus transactis plenus sanctitate atque dignus omnium*

- 10 *laude. nonis mensis Augusti animam Deo reddidit. Is interfuit concilio Epaunensi anno dix : ante illud itaque mortuo B. Valerio inuit Episcopatum, neque mulcūm Sigismundo patri supervixisse puto, qui casus est à Clodomiro Clodouei filio sub annum Christi dxxix, quando hic nihil non mouisse legitur aduersus sanctum antistitem, post peremptos fratres ipsius cum patre, vt perditā omni familiā securus sibi haberet regnum Burgundionum. Si petas quæ fuerit Epauna, inuenies 2. de Valent. ep. n. xx. esse Agaunam Papiro Massono & Iennam in Sabaudia Polycarpo de la Riuiera. In breuiario Viuariensi vñum additur dignum hoc loco: Ecclesiam S. Iuliani martyris, subterpositis marmoreis columnis, ac pavimento polito lapide constructo, miro construxit edificio. Nihilominus & baptisterium in ista ecclesia, cum tabulatis & columnis marmoreis, atque cum corona ex plasteo desuper in altum deducta, miro fundauit opere. Sub terra verò aquam venientem in ipsam ecclesiam, de loco qui vulgò Calefecetus dicitur, deduxit, quæ & per meatus plumbeos in altum respirans, per columnas marmoreas mirabiliter ascendebat, quam etiam ancus ceruus in medio stans euomebat. Ecclesiam quoque Beati Saturnini, ac Beate Mariae Genitricis Domini Dei nostri, venerabili opere construxit, atque in honore horum sanctorum dedicauit. Haëtenus breuiarium Viuariense. Augustissimæ adis Saniulianæ nullum est vestigium. Tamen cū nuper, iuxta cognominem ædiculam semirutam, vites ordine ponerentur, & alia sunt effossa, & à puriore plumbo tubus, magno argumento ædiculam olim excitatam in basilicæ euerse ruinis; quasi ille tubus sit particula meatuum plumbeorum, agente S. Venantio deducentium aquas, de loco Calefecetus, in ecclesiam Saniulianam. Duo præterea referuntur de S. viro, quorum alterum omnino falsum est, alterum popularis rumor habet, atque igitur ita referetur à me, vt cuique liberum sit seu abicere, seu recipere. In martyrologio Viuariensi ita legitur: Venantius filius Sigismundi regis Burgundia, monasterium sub regula B. Benedicti, in Albauico, in supercilio montis ad Rhodanum edificatum adiit, vbi monachus factus, ob vite sanctitatem defuncto B. Valerio in*
- 13 *episcopum eligitur. Vide manifestum errorem. S. Venantius iam Viuariensis Episcopus anno dxx. interfuit concilio Epaunensi; monachi verò Benedictini, eo ipso anno venerunt primum in Gallias sancto Mauro duce; itaque Beatus Venantius, non potuit ante Episcopatum adire monasterium, sub regula Beati Benedicti positum, in monte Albauici. Deinde quod seu Benedictinum, seu aliud monasterium reponis Albauici, contra fidem omnium tabularum; Præterea breuiarium Viuariense docet clericos Viuarienses, adisse Sigismundum regem, & inde Venantium filium, Episcopatus officio se indignum clamantem inuitum deduxisse. Quod ita loquitur, non obscure tradit vt ageret monachum (id enim non habeo cur asseram aut negem, etsi alibi tabularum quàm in hoc martyrologio non legitur) certe Viuarij eum non egisse. Quod ergo assertur super ipsius Benedictino monachatu falsum est. Sine verum, quod fama vulgaris habet super eius sancto cadauere haud scio. Aiunt sepultum in ecclesia B. Marix de Rhodano, quam moniales tum tenebant, & cū vel ab affinibus, vel à cognatis Burgundia regibus repeteretur, ab illis impositum nauis, vt Lugdunum Rhodano deportaretur; & cetera quidem facile delatum, sed vbi naus legeret ripam Subdionensem, vi nulla potuisse moueri, attonitis ad insigne portentum mortali-*
- 14 *bus;*

libus; atque admirationem auxisse, quòd æra campana de se, nemine agitante, sonitum pariter omnia subitaneum, ac vehementem dedere. Igitur substituisse Subdione venerandum corpus; & monialibus, quæ illud deduxerant, excitatam esse eodem loco domum. Istis qui volet, adhibeat fidem. Ego non facile crediderim, moniales quondam habitasse in B. Maria de Rhodano, cum S. Venantius extremum diem obiit. Nullum in veteribus chartis est vestigium ed eam monasterij. Tamen est verum Subdionenses monachas, Valentiam, declinando hæreticorum furori, deductas, habere in ædes sua partem reliquiarum S. Venantij Episcopi Viuariensis; & habuisse Subdione integrum fere corpus, quod Calvinistæ barbaro ausu cremauerint. Plura de S. Venantio dicere, non iuuat festinantem ad alia. Accipe tamen quod in monacharum Subdionensium breuiario legitur. *Erat quedam nobilis mulier uxor Gilbii comitis, quæ à vertice vsque ad plantam pedis, ita scabiosa prurigine torquebatur, quòd se viuere tristabatur, vtpote quæ ignitum dolorem patiebatur. Denique quadam nocte cum se sopori dedisset, intimatum est ei in visione (credo, angelica admonitione) vt ad ecclesiam in qua S. Confessor Venantius requiescebat iret, si salutem quam optabat consequi veller.* Ex dictis hæctenus pone hoc ordine Episcopos Viuarienses. S. Auxonius sedit Viuarij, post annum ccccxi. Ioannes post eum fuit, tum Melanus, deinde S. Lucianus, postea S. Valerius ante annum quingentesimum. Ab huius morte S. Venantius vixit vltra annum quingentesimum vicesimum. Ei successit Firminus, & Firmino Eumachius Ab isto federunt alius post alium Agripius, Ardulphus, Sauinus siue Sabinus, Venantius, Longinus, S. Lucianus II. S. Venantius II. S. Rusticus, S. Melanus II. S. Firminus II. S. Eucherius, S. Aulus. Hic Aulus ille est clarissimus miraculis, vt eius vitæ autor multis persequitur. Cuius fuerit, quibus temporibus vixerit, quos parentes habuerit, non quidem tradit, sed tamen docet nutritum Viuarij successisse B. Firmino in Episcopatu. *Post obitum S. Eucherij. inquit, accepit Episcopatum Ecclesie Viuariensis S. Firminus, qui non post multos dies tradis sacerdotium beatissimo filio suo Aulo &c. in beata ecclesia Viuariensis nutriuisti & meruisti B. Aulum.* Illud de Firmino inter Eucherium & Aulum supra reieci ex martyrologio Viuariensi. Quod Ecclesia Viuariensis dicitur nutriuisse beatum virum, facit vt putem de regione nobis ignota venisse Viuarium, & in eius ecclesia clericum egisse. Scilicet meruit habere sibi, quem alia seu regio seu ciuitas genuit; nutriuuit verò quem suos, scilicet ecclesiasticos, ritus & mores docuit, Clericumque seu Canonicum habuit. Atque ista causa est, cur in eadem vita appelletur filius sancti Firmini, ante ipsum Episcopi, Pergit paucis, sed accuratis verbis tradere virtutes illius. *Docuit semper virtutes priscorum patrum, quotidie ieiunans, in vigilis & orationibus perseuerans, affligebat temporale corpus, vt mereretur accipere sempiternum paradisi habitaculum. Captiuus fuit redemptor, & valde innumeros absoluit à iugo seruitutis. Ecclesie mœnia multiplicauit & auxit. Pauperibus curam, viduis & orphanis egit tutelam, susceptor peregrinorum, hospitium aduenis, blandus, mellifluus, misericordie plenus, benignus, doctor.* Post aliqua subiungit quæ supra naturæ vim facta sunt, cum mortui cadauer efferebatur ad tumulum: *Equus cui semper sedere consueuerat, vsque dum sanctum corpus sepultum est, nullum accipere voluit pabulum, sed retrò lacrymas dabat, & velum vnde feretrum segebatur capite suo amouens, osculabatur lectum, &c. dum sacrum corpus ad sepeliendum*

venerabiliter deportaretur, contigit vt inimicus humani generis aliquem de sequentibus acciperet, & cum cum spuma in terra alideret. Sed cum cum tunc fideles sub ferebro prostrauissent, statim in nomine Domini nostri Iesu Christi sanus abcessit, & non est ulterius eum ausus Satanas tentare. Pergit dicere viri miracula. Sepulto autem eo, inulta hic appaerent viuentes ad sepulchrum eius: multi cæci lumen consequuntur, & demones ab obsessis corporibus deiiciuntur: non solum autem hic, sed in quacunque villa, in eo loco vbi lectus eius fuit, homo febribus laborans veniit, statim sanus abscedit, &c. Hæc omnia de B. Aulo afferre volui, quia omnibus

19

Eumachium.

ignota scriptoribus, latent in charulario Canonorum Viuariensium, characteribus quos dicunt Gothicos semiesis exarata. In eodem veteres tabulae tradunt, stolam sancti viri quondam fuisse in sacratio ædis Saniuicentianæ, inscriptam versibus opere plumario, per nobilem atque insolitam ingenij vim. Eam cum corpore sancti Auli seruabant inter sanctorum exuias: sed Caluinistæ anno MDLXIII. per vesanam impietatem dederunt ignibus. Ceterum non mirabitur versus in ea scriptos fuisse, qui apud Vualtridum Strabum legerit imponendos cereo. Post S. Aulum Eumachius fuit Episcopus. Rursum audi autorem vitæ illius. *Beatissimus Eumachius obediens præceptis Dominici, quibus dixit, Vende omnia que possides & veni, sequero me; & ista quotidie voluens, dereliquit omnia que habuit Ecclesie Viuariensi; vnde pauperibus alimenta ministrans, secutus est Christum; vir magnus, auctor & amator, congregatorque plebis sanctæ.*

20 Eumachio mortuo sedet sanctus Longinus eo nomine secundus, vt antea memorabam. Huic quis successerit non inuenio: igitur quorum tempora sunt incerta, & minime notus ordo, duos ego præfules post B. Longinum scribendos existimaui, Eribaldum & Arcontium. Illum antiquæ sine anno tabulae, habent in infeudatione quorundam bonorum ecclesie Viuariensis. Hunc fecit memorabilem mors suscepra pro libertate Ecclesie à suis Viuariensibus. Ego autem satis emirari prædicareque non possum modestiam, & animos Episcoporum, qui post eum vixerunt. Corpus B. viri clarum miraculis sanctè seruauerunt inter ceteras beatorum reliquias, sed nullum de illius, morte librum scripserunt, vt importuni facinoris autorum fama consulerent. Igitur neque in sacris officiis vlla vnquam narratio de tanti præfulis eade audita est. Procul oculis populi tamen, tabularium Canonorum in martyrologio habet sequentia, & meritò quidem, vt sancti martyris nomen deducatur ad posteros, neque mors eius animosè fortiterque suscepta, reponatur inter malè certa rumorum vulgi. *Sexto idus Ianuarij B. Arcontij maregrij episcopi Ecclesie Viuariensis, qui pro libertate Ecclesie inimicos confundens, ab incolis Viuariensibus in porta de trabe, varijs verberibus & ignominiosis iniurijs afflictus, tandem ab illis decollatus est. Cuius corpus ex integro habetur, & honoratur vsque ad præsentem diem, clausum in capsula ferrea,*

21 *ad latus sacelli sancti Martini, intra ecclesiam nostram Viuariensem. Cum legis decollatum ab incolis Viuariensibus pro libertate Ecclesie, ne cogita id factum publico ciuitatis vel impetu, vel decreto. Nunquã audiuius peccasse populum in suum antistitem, neque ante Conradum II. fuit episcopo aliquid iuris in Viuarium urbem, cui infringendo ciues potuerint laborare. Si in cæca re licet agere coniecturis, ego quidem oculos intendens in donationem ecclesie Viuariensis, eò cogitatione deuenio, vt suspicet esse in illa villarum*

S. Longinus 2.

Eribaldus

S. Arcontius

villarum, coloniorumque multitudine nonnihil, quod alicuius animum
 offenderit. Quid non audet opum cupiditas? excitat in domibus rixas,
 turbas in urbibus, in regionibus bella; atque scilicet tum maximè, cum
 arbitramur eas à nobis ad alienos aucti, quæ ad nos à maioribus cum san-
 guine deriuari videbantur. Vnus ergo aliquis & alter, aut verò pauculi fuisse
 putandi sunt, qui voluerint restitui suæ genti, quæ pridem donata fue-
 rant Ecclesiæ Viuariensi; & cum non possent iure agere, animis in barba-
 rum furorem intumescensibus, primum conuiitiis, postea verberibus, deni-
 que gladio, episcopum pro Ecclesia sua, & eius libertate, fortiter animosè-
 que dicentem excepisse. Neque obscurè hoc significauerunt canonici
 cum dixere, *verberibus & ignominiosis iniuriis afflicto, ac tandem decollato.*
 Occupauere forsitan sicuti incautum & incomitatum, non procul porta,
 cum egressus ciuitate, rus pro Episcoporum illis temporibus simplicitate
 adiret. Vide quid Aimoinus l. 3. de gestis Francorum cap. 52. scribat de
 Etherio Lexouiae episcopo: *dum una dierum, inquit, pontifex ad agricul-
 tos exercitandi gratia exisset, clericus quidam cum securi eum ponè sequebatur.*
Conuersus sacerdos ex videns eum, ut quid, ait, me cum hac prosequeris dolabrat
tunc ille eius pronolatus pedibus veniam petiit dicens, indulge pater sancte reo fa-
cinus consenti. Viuebat Etherius sub Chilperico II. circa annum DLXX. Gre-
 gorius Turonensis rem fusè scribens vi histor. capite xxxvi. ait exiisse
 vrbe vt videret, *operarios, quos in agro aggregauerat ad sulcandum.* Vtrum-
 que hoc habeat, canonici dixere, totum corpus esse vsque ad præsen-
 tem diem, in ecclesia Saniuincientiana; sed tu intellige diem quo scribe-
 bant; illud quippe non peruenit ad nostra tempora. Effera Calvinistarum
 rabies, ipsum cremauit cum corpore S. Auli. Hic vnum voluisssem, vt qui
 scripsere diem mortis, annum etiam addidissent. Verùm, vt vides, nemo
 hæctenus eum notauit, in memoratis præsulibus. Puto id dedisse virorum
 famæ. Tanta eam claritate nobilem esse sentiebant, vt non suos quisque Vi-
 uariensium annos magis, quàm illorum nosset. Vt sortem nostram non im-
 meritò dolere possimus, qui nihil vnum eorum sciamus, quæ tam multa
 maiores nostri, à nemine vllis vnquam temporibus ignorari posse arbi-
 trati sunt. Certe B. Arcontius ante occidit pro iunibus Ecclesiæ suæ, quàm
 conficeretur illud breue de obedientiis canonicorum, à me recitatum supe-
 riore libro. Ionas enim in illo fertur curasse ædem ei sacram. Vnde etiam in-
 telligis, vt hoc non prætermittam, dotationem Ecclesiæ Viuariensis scriptam
 post S. Aulum, quandoquidem Albinus, in illa scribitur dotasse ipsius ex-
 tra Viuarium ecclesiam, & Macedonia forot B. Auli, cum Alcinio coniuge,
 tradidisse S. Vincentio, & alia, & Argentariam insulam. Ceterà B. Arcon-
 tium, cum eius tempora nesciam, isto loco posui martyrem, vt clauderet su-
 periorum præsulum venerabile, & verè sanctum agmen. Ipse est omnino de-
 cimus septimus, qui beatorum honores meruit ab hominibus, vt Ecclesia
 Viuariensis non tantùm ob integritatem fidei, religionum sanctitatem, pu-
 ritatem morum, vt plures alix, sed ob tam multorum episcoporum beata-
 tem, se beatam iure prædicare possit; & autor vitæ B. Auli non iniuria ob
 hoc ipsum etiam dixerit beatam esse.

Iam ante octingentesimumquartum annum non inuenio, quis episco-
 pus vno aliquo federit post B. Venantium, quem suo loco docui non mul-

- 27 tum superasse quingentesimum vicesimum. Sed habemus tamen episcopos omnino octodecim, qui ab hoc anno vsque ad illum vixerint, magno argumento neminem intra istos sex supra cclxxx. annos sedisse Viuarij, cuius nomen nos fugerit. Cur enim dicemus singulos tam paucis annis fuisse in episcopatu, vt non impleuerint annos xvi. aut xvii. vel si qui fuerunt breuioris in episcopatu vitæ, cur negabimus nonnullis ita diuturnam, vt suâ longitudine compensauerit eam breuitatem alienam? Seuerinus sedebat Viuarij anno dccciv. qui fuit Caroli magni quartus in imperio. Eo interfuit consecrationi cuiusdam altaris in Ananienſi monasterio. Thomas erat episcopus anno dcccxv. Eo Ludouicus Pius exemit per quoscumque pagos & territoria res omnes Ecclesiæ Viuariensis ab omni seu iudicum potestate, seu per regios quoscunque ministros onere. Cetera in illius literis sunt facilia: videtur habere aliquid obscuritatis, quod Imperator prohibet facere mansiones aut, paratas, vel freda in locis istius Ecclesiæ. Mansio est hospitium: audi Carlomanum xiii. capitulorum Vernensium; *Placuit nobis vt presbyteri suos parrochianos admoneant, vt & ipsi hospitales existant, & nulli iter facienti mansionem negent. Et vt omnis occasio rapine tollatur, nihil carius vendatur transeuntibus, nisi sicut in mercato accipiunt.* Paratæ verò sunt hospitia cum expensis: Ludouicus Pius in præcepto Hispanis ad se confugientibus dato sic loquitur, *missis nostris paratas faciant, & ad subuentionem etiam veredos donent.* Idem Imperator in edicto de victualibus monachorum S. Germani Paris. appellauit *expensas ad hospitum susceptionem.* Sigonius tamen l. 7. de regno Italix putauit significare sumptus populi in vias & pontes pro itinere principis: Fredum denique seu freda, vel freta est mulcta seu pœna pecuniaria. l. 4. legis Franciæ cap. 2. ita legitur: *Sanguinis effusio in ecclesia cum fuisse, si presbyter fuerit, triplo componatur; duas partes eidem presbytero, tertia pro freda ad ecclesiam.* Fregdam appellauit Pipinus Maior domus in exemptione Matisconenſis ecclesiæ, & fream Carolus Magnus in exemptione Sanmarcellini ad Cabilonem monasterij. Igitur non vniuersum de voce: sed pro loco dixit Gregorius Turonen. iv. de miraculis S. Martini cxxvi. Rex affirmavit compositionem fisco debitam, quam illi fretam, vocant, à se fuisse reus indultam. Sed veniamus ad tabulas Ludouici Pij.
- 30 - In nomine Domini & Saluatoris nostri Iesu Christi Ludouicus diuina ordinatione prudentia Imperator Augustus. Si sacerdotum ac seruorum Dei iussis petitionibus acquiescimus, hoc nobis sanè ad æternam beatitudinem prouenire confidimus. Idcirco comperiat omnium fidelium nostrorum, presentium scilicet & futurorum; industria, quia vir venerabilis Thomas episcopus Albenſium seu Viuariensium, veniens ad nos, deprecatus est celsitudinem nostram, vt pro nostra mercedis augmento prædictam sedem, cum fratribus ibidem Domino seruientibus, sub nostra defensione & immunitate recipereamus. Cuius petitioni assensum præbentes, per hoc nostra autoritatis præceptum confirmare studuimus. Precipientes ergo iubemus, vt nullus iudex publicus, neque quislibet ex iudicaria potestate, seu aliquis ex fidelibus sancte Dei Ecclesiæ, ac nostris in ecclesias, aut loca, vel agros, seu reliquas possessiones, quas moderno tempore iuste & rationabiliter possidere videtur in quibuslibet pagis & territoriis, vel quidquid & iam deinceps propter diuinum amorem ibidem collatum fuerit, ad causas audiendas, vel freda exigenda, aut mansiones, aut paratas faciendas, aut fideiussores tollendos, aut homines ipsius Ecclesiæ tam ingenuos, quam seruos,

seruos, iniuste distringendos, sine ulla redibitione, vel illicitas occasiones requirendas, nullo vnquam tempore ingredi audeat, vel ea quæ sunt supra memorata exactare presumat, sed liceat seruis Domini ibidem consistentibus, sub nostra defensione & immunitatis tuitione perpetuo tempore quietè residere, & pro nobis ac coniugo proleque nostra, seu pro stabilitate totius imperij nostri à Domino vobis collari, & eius clementissima miseratione ingiter conseruandi, Domini misericordiam exorare. Et vt hac auctoritas verius certiusque credatur, manu propria subscripsimus, & annuli nostri impressione signari iussimus. Signum domini Ludouici serenissimi Imperatoris. Datum xvii. cal. iulij anno ii. imperij domini Ludouici Augusti indict. viii. Actum Aquisgran palatio regio, in Dei nomini feliciter. Amen.

Quo anno seu ceperit, seu desierit sedere Thomas non lego, Post eum Tengrinus anno dcccxxxvi. Albenſis episcopus subscripsit priuilegio S. Remigij Senonensis in synodo apud Vormatiam: & post Tengrinum Armannus fuit episcopus; sub illo enim dotata fuit ecclesia S. Symphoriani in Valle Vinaria anno xx. regni Lotarij, qui fuit dcccclx. Christi, Censeo quippe Lotarium in ea dotatione memorari, quem Ludouicus Pius, non autem Ultramarinus genuit: ab Ultramarino quippe natus regnavit annos tantum xxxi. Pij verò filium constat regnasse vltra annos xxv. statim videbimus anni ipsius tricesimum. Charta est in tabulario canonicorum Viuariensium antiquissima, sed magnam partem seu per temporum iniuriam, seu destinatè lacerata. In ea Atmannus episcopus incerto mihi tempore cum consilio Geraldij & uxoris sue Gardamutis, & cum consilio clericorum, dat loanni presbitero, & Pontio, & uxori sue Richildi, aliquid de rebus S. Vincentij apud medium Platum in Pago Viuariensi, in Vicaria Melatenſe, in villa quæ vocatur Burgalennis, in ipsa villa; hoc est pessiam de campo, & habet fines de latuſ terram S. Andeoli. Hactenus charta, ceteris quæ sequebantur truncata. Hic vide barbariem illorum temporum. *Dono pessiam de campo*, inquit episcopus de consilio clericorum suorum: *pessia habet fines de latuſ*. Sed cur ad istam donationem non adhibuit solos clericos; porro expetiit concilium Geraldij & Gardamutis uxoris? nemo dicat in illa non latini sermonis, sed regni ceterarumque rerum peruersitate. Pagus autem scriptus est pro Comitatu, quo in sensu postea nomen accepit Carolus Caluus in edicto Pistensi c. xxvi. *Pagenſes franci* id est ingenui, seu liberi qui caballos habent vel habere possunt, cum suis Comitibus ad hostem pergant. Et in Siluacensi cum diuideret regnum in missaticos, id est regiones ad quas destinabat missos, ita scripsit in titulo, *missi & pagi permissaticos destinati*, tituloque subiungit primò quidem missos deinde verò pagos, quibus fere singulis tribuit nomen Comitatus. Accipe missaticum quartum: *Falcoinus episcopus, Adalgarius, Engiscalcus, & Berengarius missi in Comitatu Berengarij, Engiscalchi, Gerardi, & in Comitatibus Reginarij*. Vicaria verò est posita pro parte Comitatus, hic enim videtur fuisse diuisus in plures Vicarias, Carolus Caluus in capitulis Pistensibus cap. xxviii. *Comites vel Vicarij hoc eis non consentiunt*. Denique villa Burgalennis videtur esse, quam Bergogiateſa quoque vocabant, vt annotauit l. super, num. lvii.

Celsus successit Armano; certè ab eodem Lotario accepit insignes tabulas. Date sunt anno eius imperij decimo in Francia, tricesimo in Italia. Inſolens scribendi modus, quasi tum Imperio nulla sua esset, regio, & qui Imperator dicebatur, is in illa, quacunque ipsa esset, imperium quoque haberet.

Sed

32
Tengri-
nus.
Arma-
mus.

33

34

35
Celsus.

Sed quis iste Christi annus? octingentesimus; scilicet decimus à morte ac proinde imperio Ludouici patris, & tricesimus à coniugio, & per coniugium dato regno Italix. Accipe tabulas

- In nomine Domini nostri Iesu Christi. Lotharius diuina ordinatione prouidentia Imperator Augustus. Si sacerdotum ac seruorum Dei iustis petitionibus acquiescimus, hoc nobis sanè ad eternam beatitudinem peruenire confidimus. Idcirco comperiat omnium fidelium presentium scilicet, ac futurorum industria, quia vir venerabilis Celsus episcopus Albensium, seu Vinarie nsum, veniens ad nos, quandam nostris obtulit obsequiis auctoritatem, domini & genitoris nostri Ludouici piissimi Augusti, qua idem genitor noster sub immunitatis tuitione posuerit, & ab infestantium molestia quietam eius Ecclesiam posuerit, deprecans idem Celsus nostram similiter eidem sanctæ sedis scilicet auctoritatem, per quam deinceps sub nostra & successorum nostrorum defensione memorata consistat Ecclesia. Ostendit etiam quandam conscriptionem rerum suarum similiter roboratam Canonici sive eiusdem Episcopatus publicè contraditam, quam nostrâ expetit; simul cum reliquis rebus, à personis nobilibus virorum illi delegatis, aut etiam delegandis corroborari preceptione, quatenus sibi datas res memoratus Pontifex Celsus vnâ cum Canonis suis, absque cuiusque subractione retinere quiuisset.
- Cuius petitioni assensum præbentes, per hoc nostre auctoritatis preceptum concedimus, & confirmamus eidem sanctæ sedis B. Vincentij gloriosissimi Martyris abbatiam, que vocatur Dozera, cum cellulis suis, consistentem in Comitatu Aurelico super flumen Rhodani sitam. Insulam quoque Formicariam secundum antiquam integritatem, sicuti ad Comitatu enebatur, omnia & ex omnibus, præfata Ecclesia, & rectoribus eius Episcopis concedimus, & confirmamus per hanc nostram auctoritatē, ut ab hodie no die, & deinceps, tam Celsus Episcopus, qui nunc præfate Ecclesiæ præest, quàm successores eius, voluentibus temporibus habeant faciantque, quemadmodū de alijs rebus sue sedis, absque vilius contradictione, quidquid iuste & legaliter voluerit. Precipimus ergo & iubemus, ut nullus iudex publicus, neque quilibet ex iudiciaria potestate, seu aliquis ex fidelibus S. Dei Ecclesiæ ac nostris, in Ecclesias, aut loca, vel agros, seu reliquis possessiones, quas moderno tempore iuste & rationabiliter possidere videtur, in quibuslibet pagis & territorijs, vel quidquid deinceps propter diuinum amorem ibidem collatum fuerit, ad causas audiendas, vel freda exigenda, aut mansiones vel paratas faciendas, aut fideiussores tollendos, aut homines ipsius Ecclesiæ tam ingenuos, quàm seruos iniuste distringendos, siue vllas retributiones, vel illicitas occasiones requirendas, vllò vnquam tempore ingredi au leat, vel ea quæ super memorata sunt, exactare præsumat. Sed liceat seruis Dei ibidem consistentibus, sub nostra discretionis & immunitatis tuitione, perpetuo tempore quietè residere, & res memorato Episcopo à ceteris Dei fidelibus traditas, aut deinceps diuino interueniente nutu tradendas, absque cuiusque episcoporum diuina ratione disponere, & disponendo canonice prout decuerit ordinare, & pro nobis ac coniuge proleque nostra, seu stabilitate totius imperij nostri, iugiter Domini misericordiam implorare. Et ut auctoritas verius credatur, & diligentius conseruetur, manu propria subeius firmauimus, & annuli nostri impressione signari iussimus. Signum Lotharij serenissimi Imperatoris, Daniel notarius ad vicem Haldumini. Datum xv. cal. Nov. anno Christo propitio imperij domini Lotarij Pij Imperatoris in Francia x. & in Italia xxx. indict. xiii. Actum Gondulphi villa palatio regio. In Dei nomine feliciter. Amen.

- 39 Lorarius omnino quatuor concedit Celso, & post eum futuris Episcopis. Primò confirmat concessa ab Ludouico Pio patre anno dcccxvi. iisdem

isdem pene verbis cum ipso vtens. Secundò confirmat omnia bona episcopis Viuariensibus autè concessa, & à Celso In peculiaribus tabulis enumerata. Tertiò dat abbatiam Dozeræ cum suis cellulis. Quartò tradit insulam Formicariam. Nomine cellularum Dozeræ, significat bona cum paruis monachorum domibus, attributa abbatiæ in aliis præter Dozeram locis. Nam 6. capitul. 138. ita præcipitur: *Nullus monachus, congregatione monasterij derelicta, cellam construere sine Episcopi permissione, vel abbatis sui voluntate presumat.* Vide Dozeram tum fuisse in Arafico seu Araufico Comitatu. Et ista quidem Lotarius Celso nunc dedit, sed post annos quinque vnum edixit, quod episcopo Viuariensi gratumne fuerit, non satis video. Commisit Rolando Arelatenfi Archiepiscopo monasterium Crudatense, quod situm est in diocesi Viuariensi regendi gratia, vt loquitur, abbate Blicodo. Puto constituisse patronum & defensorem monasterij. Nam Rostagnus Rolandi successor petiit à Bosone Prouinciæ rege, vt sibi & ceteris post se Archiepiscopis, liceret esse tutoribus abbatiæ. Sic loquitur Boso: *Adiit presentiam nostram Rostagnus venerabilis Arelatenfis Archiepiscopus, deferens obtutibus nostris auctoritatem prædecessorum Lotharij videlicet Augusti atque piissimi filij, ejusque Equiuodi illustriss. Regis. Vbi continebatur qualiter idem prædecessores nostri monasteriolum in Comitatu Viuariensi super Rhodanum fluiuium situm, quod Crudacus dicitur, cum monachis Deo ibidem militantibus, omnibus rebus & familiis ad eos spectantibus vel pertinentibus, Rolando reuerendo quondam prædecessori suo, Arelatenfi scilicet Archiepiscopo contulerunt, humiliter poscens, vt easdem auctoritates modò regali corroboraremus præcepto.* Cujus non spernendam petitionem propter æternam remunerationem libentissimè suscipientes, hoc serenitatis nostræ præceptum fieri censuimus, per quod jubendo statuimus, vt presens rector ejus monasterij Aymon nomine, omnesque successores ejus, cum insuper monachis amodo ibidem Deo militaturis, cum omnibus rebus ac familiis sub tuitione consistant Rostagni presulis Arelatenfis, vniuersorumque successorum ejus in eadem sancta sede. Et quidem literæ illæ Lotarij Imperatoris ad me peruenierunt. Sed quis Equiuodus rex Lotharij filius? Abs dubio is est, qui alio nomine ipsoque vulgari appellatur Carolus rex Prouinciæ, neque fuit olim hoc insolens. Multos legimus binomines. *Agilulfum qui & Ago dictus est, ducem Taurinatum, Ainoinus l. 3. hist. Franc. c. 79. Ad domum Dadonis referendarij, qui & Andoënus dictus, idem l. 4. c. 29. Raimondus qui & Pontius comes Tolosæ, charta anno 932. scripta pro monasterio S. Pontij Tomeriarum. Denique Fortunatus l. 9. scribit carmen 10. ad Rhagnemundum episcopum, & illud tamen orditur his verbis. summe pater patrie dulci mihi lumine Ruco.* Atque hæc dicta sunt de Equiuodo. An potius equiuoci legendum est, vt Lotarius filius Lotarij imperatoris intelligatur? ita Flodoard. l. 2. c. 20. scripsit, *Ludouicus Pius ab equiuoco filio suo restitutus est.* Hujus Caroli, seu equiuodi aut Lotarij regis, chartam non inuenio. Cur autem monachi Crudatenses Arelatensem Episcopum sibi volueret defensorem? Omnes tabulæ silent: si quid tamen assequi conijciendo liceat, putauerim aliquid ipsis cum Episcopo Viuariensi contentioni fuisse ab ipsa fundatione monasterij, Ardolphus episcopus, vt in dotatione Ecclesiæ vidimus, quondam concesserat Episcopis Viuariensibus, & alia, & curtem Crudatis: postea sub Pipino aut Carolo magno Eubertus Theodori Comititis pater referente Ludouico Pio in Comitatu Viuariensi in loco qui vocatur Crudacus, qui erat ex jure


fisci regy desertum inueniens, construxit monasterium. An episcopus Viuariensis iura sua curius ad desertum proferebat, aut pro limitibus ejus, cum monachis deserti possessoribus contendebat? Crudatem scilicet curtem puto esse Crudatem, seu Crudace & Crudane villam. Ita Flodoardus l. 2. c. 11. & 12. Gerniacam curtem scribit pro villa. Sed res omnino occulta est; igitur ad Episcopos Viuarienses reuertamur.

- 43 *Berno-*
nus. Post Celsum Bernoinus videtur iniisse episcopatum, sedebat quippe anno octingentesimo quinquagesimo octauo, ex antiquissimo manuscripto miraculorum sancti Andeoli. Ecce ejus initium. *Cum in nomine sanctissime Trinitatis, gloriosissimus, atque piissimus Karolus rex Burgundia, seu Provincia Gallia, mare usque terminato, Deo fauente, potiretur imperio, anno siquidem Incarnationis Dominice octingentesimo quinquagesimo octauo, passionis vero Beati Andeoli &c. de passione namque illius, quomodo, vel qualiter gestum sit, nullum penitus arbitror ignorare. Temporibus namque beatissimi Bernoini episcopi, idem predictus Martyr, qui diu per multa tempora latuit, sub crypta in profundo à Beata Tullia conditus, maximis, virtutibus claruit. Nam cum frequens oratio esset cuncto populo, ut Dominus cubiculum serui sui reuelaret, Episcopus iam presatus, spiritu incitatus diuino, cunctam suam diocesim commouit, jejuniis triduo commonito omnes piissime exorans, ut vno voto*
- 44 *parique desiderio Dei implorarent misericordiam &c. Carolus, qui memoratur, est filius Lotarii, post Ludouicum Pium patrem Imperatoris: ubi enim Ado sic locutus fuisset in chronico anno 865. Lotarius Imperator infirmari se conspiciens, regnum inter filios diuidit, Carolo minori Prouinciam & partem Burgundia &c. subjicit ad istam rem apta, etiam aliquantum auctori hujus manuscripti contraria: Hujus Imperatoris tempore ossa beatissimi Andeoli martyris ipso reuelante reperta, in loco qui antiquitus Gentibus dicitur in Viuariensi parochia sito. Cum legis parochiam, intellige diocesim juxta illud l. 6. capitul. Caroli magni, unusquisque episcoporum habeat sue parochie potestatem. Tulliam verò arbitror dici, non antiquam illam è fabula sub Imperatore Seuero, sed quæ dederit causam fabulæ, filiam sancti Eucherij, è Galla conjuge ante sacerdotium susceptam, ut auctor est idem Ado in*
- 45 *martyrol. virginittis gratiâ & signorum gloriâ claram sub annum quadringentesimum vndecimum, cum & alij toto Viuariensi tractu, & Gentibentes ad Rhodanum positi timerent sibi à Vandalis, puella potens opibus & virtute illustis, occuluit corpus sancti Andeoli, Eucherio patre, (qui postea Lugdunensis extrema ætate Episcopus interfuit Arausicano secundo) in agro suo super flumini Druentiam intra septa speluncæ sponte concluso, ut adjungit Ado. Is ager creditur vicos Santullianum & Bellimontensem impositos Druentia, non procul Manualca vrbe, complecti; & spelunca beatissimi viri, cum plures centenot annos sepulta fuisset rudetibus, saxisque temerè congestis, fertur nuper inuenta in Bellimontani colliis radicibus, & nunc suum in hiatum aperta pluribus, conuiscare miraculis. Ceterum vides corpus sancti Andeoli non minore pietate Bernoini paruisse, quàm à B. Tullia conditum fuerat. Carolus autem hic rex, Lotarii Imperatoris filius, ad preces Gerardi Comitis atque (ut loquitur) magistri sui, anno 7. regni id est 862. Christi, dat Episcopo Viuariensi Fornicariam insulam. Sic loquitur.*
- 46

In nomine D. nostri Iesus Christi Dei aeterni.

Carolus diuina ordinante providentia rex, Lotarij quondam piissimi Augusti & inelyti filius. Sublimitas regalis magnitudinis, quanto circa loca sanctorum benignior esse reperitur, ad sancti sanctorum pietatem ad sui miserendum facilius inclinatur quam obrem indictum sit omnibus fidelibus..... venturis, presentibus scilicet & futuris, quod Gerardus illustris Comes ac magister noster, nostram humiliter poposcit clementiam, quatenus ad anime nostra & parentum nostrorum remedium, res quasdam sancti Vincenti Viuariensis Ecclesie, ad Comitatum pertinentes, propter inopiam rerum episcopalium ad episcopatum redderemus, ac largitatem istius exhibitionis, quatenus perpetualiter inconuulsè eas tenere posset, certo concessu eas Ecclesie, precepto autoritatis nostre confirmaremus. Cuius postulationi, ut praefertur, rationali, aurem mansuetudinis nostre assensibiliter inclinantes, hoc magnitudinis nostre decretum fieri censuimus, per quod statuentes donamus ipsas res, hoc tenementi ad insulam quae Formicaria vocatur, secundum antiquam integritatem cum suis contiguis, sicut ad Comitatum tenebatur, praefatis Ecclesie & successoribus eius Episcopis: & constituimus, quatenus per hanc nostram autoritatem, ab hodierna die ac deinceps, tam Bernoinus episcopus, qui nunc praefata praest Ecclesie: quam successores ejus aduenientibus temporibus habeant, quemadmodum de aliis rebus sue sedis, absque ullius contradictione, vel renuntiatione, quidquid iuste & legaliter voluerint potestatem faciendi. Et ut hac nostra constitutio in posterum firmior, atque acceptatior habeatur, manu propria subscripsimus & annulo nostro signari censuimus.

R
A
L

Signum K  S Karoli Regis; Gerardus Cancellarius.

Datum II. calend. Ianuarij anno 7. regni D. nostri Karoli gloriosissimi regis
indict. 11.

Actum Hieltauilla in Dei nomine feliciter. Amen.

Post Bernoinum Eucherius fuit episcopus. Viuebat anno octingentesimo septuagesimo tertio. Vir ingentium animorum & singularis prudentia, hoc excelsa mente inuenit, ut omnia quae ad ecclesiam Viuariensem pertinebant, dotationem etiam priore libro à me exscriptam, Reges aliquando firmarent. An Celsus hoc jam curauerat à Lotario Imperatore fieri, qui conscriptionem rerum suarum ei firmandam tradidit: puletum seu poletum & politicum alij appellabant; & puletum Eucherio episcopo confirmauit Carolus Caluus sequentibus verbis.

In nomine sanctae & indiuiduae Trinitatis. Karolus ejusdem Dei omnipotentis misericordia imperator Augustus. Si actis, locisque diuinis cultibus marcapatis, emolumentum imperialis celsitudinis exhibemus, seruorumque Dei utilitatibus operam ferendo consulimus, profuturum nobis ad aeternae remunerationis premium facilius obtinendum, & praesentem vitam facilius transiendam fore, nullo modo dubitamus. Quapropter noverint omnium sanctae Dei Ecclesie fidelium, nostrorumque praesentium, & futurorum, quomodo nos ob amorem Dei & Beati Vincentij martyris

martyris venerationem, necnon & Bosonis carissimi ducis nostri deprecationem, concedimus Viuariensi matri Ecclesie, qua edita est in honore S. Vincentij martyris, cui preest Eucherius venerabilis Episcopus, res qua quondam fuerunt in iure eiusdem Ecclesie, idest quidquid sancti Vincensij in eodem Comitatu Valentiniensi, cum
 49 dimidia ecclesia sancti Romani dignoscitur. Concedimus & confirmamus abbatiam que vocatur Dozera, consistentem in comitatu Aurascio, fundatam super flumen Rhodani, cum cellulis & pertinentiis suis; districtum quoque ex vtraque parte Melatrem quoque vsque ad aqua ductum cum Exemplatorio, siluis, & insulis, & manso Godobro, qui est de fisco nostro; insulam etiam Argentariam iuxta sanctum Andeolum; & ecclesias duas sancti Iusti & sancti Marcelli; & Bernas mansum; necnon Bocestatis; & ecclesiam sancti Remigij; & in Corconensi ecclesias duas, sancti Martini & S. Stephani, cum suis beneficiis; destructam quoque ecclesiam S. Victoris, super Rhodanum, vsque Scotadium. Hec autem omnia suprascripta, confirmamus Ecclesie, suisque rectoribus & confirmando perpetualiter delegamus, eo videlicet modo, vt nulla seculari potestate a gremio dicta Ecclesie queant se parari: sed liceat rectoribus prefata Ecclesie easdem res quiete tenere, & pro libito suo vt ecclesiastica postulauerit vtilitas ordinare. Vt autem hoc nostra auctoritatis preceptum, plenior firmitatis obtineat in Dei nomine vigorem, manu nostra illud firmauimus, & annulo nostro iussimus sigillari. Datum 11. idus Augusti, indict. x. anno xxxvi. regni Caroli Imperatoris in Francia, & Imperij eius 11. Actum Vesonio ciuitate.

R
A
V
L

Sigillum K — S gloriosissimi Imp. Aug.

50 Districtus ex Burguitate, seu (quod idem sonat) districtus Burguitatis, est districtus, seu regiuncula Burgi. Nam Burguitas videtur dici, quam supra vidimus Bergogiatem, Burgogiatem, Burgalennem. Portus autem ex vtraque parte, est portus Rhodani ex parte Burgi, & ex parte Dozera.

Melate quæ fuerit ignoratur. Olim dabat nomen vicariæ. Vicaria verò erat sedes vicarij, seu regio cui jura dabat vicarius; & Comitatus diuidebatur in plures vicarias. Carolus Caluus in literis pro abbacia Trenorchienſi, videtur confundere vicecomitem cum vicario, & vicariam proinde cum vicecomitatu. Nullus, inquit, comes aut vicecomes seu vicarius, aut missus, &c. Sub vicaria Melatenſi tum erat Burgum S. Andeoli. Exemplatorium est ignotus inter Tilium & Viuarium locus ex l. 1. num. 26. quocunque fuerit situs, aquæ ductus, de quo nunc est sermo, erat ei proximum. Hinc intelligis Melatrem, quæ dabat nomen vicariæ in comitatu Viuarienſi, fuisse septentrionalem Viuario, & fortasse Tilium, qui nunc est vicus; quandoquidem protendebatur vsque ad Exemplatorium Tilio Viuarioque medium.

Manſus seu manſum Godrobum dicitur fuiſſe de fiſco imperatoris, ſed
 51 ejus ſitus me later. Scripſi verò manſus seu manſum, quia legimus vtramque vocem. Vnus manſus integer, Ludoticus Pius cap. 1. Coloni ſuas hereditates, id. manſa qua tenent vendent, Carolus Caluus c. 30. Piſtenſium.

Insula

Insula Argentaria *juxta S. Andeolum* fuisse asseritur l. i. num. xxxix. constituta est ad Burgogiatres, seu Burgogiatrem superiorem. Hæc faciunt vt putem sanctum Andeolum fuisse inter Burgogiatres duos superiorem & inferiorem; atque illum quidem fuisse locum vbi erat corpus sancti Andeoli, istos vero non mulam, seu ab eo, seu inter se distantes viculos, qui in Burgum sancti Andeoli circa eadem martyri sacram coierint.

Denique Carolus litteris, quo solebat modo subscripsit. Quia in ejus nomine sunt literæ consonantes *iv.* & quæ tres in eodem sunt vocales, possunt in vnâ figuram conuenire, huic in medio posita, illas in morem crucis circumponebat. Aliquando consonantes ei figuræ de vocalibus compactæ circumpositas iungebat lineolis, & tum vocabat monogramma, vt videre est cap. i. i. Pistensium, ea verò de vocalibus facta, habebat speciem thombi. Quia superiore parte lineola media scindebatur, ea quidem videbatur esse vocalis A, inferior autem vocalis V, tota demum ipsa circuitu suo quadamtenus orbiculari, malè barbaris per Gothicum morem angulis asperam vocalem O referebat. Ante Caluum, Carolus rex Prouinciæ filius Lotarij, in tabulis paulò suprà citatis, isto monogrammate vsus est, Carolus Magnus etiâ autore Sanjuliano in antiquit. Cabilonensibus, & Carolus Martellus in fundatione Augiæ majoris: suppare verò post illum Carolus Simplex apud Oisellum in commentariis Bellouacensibus. Monachi Sandionysiani illud inscribebant suæ monetæ, magno argumento quòd jus eam cudendi habuerunt à rege ejus nominis. Sed ista hæctenus, redeundum est ad episcopos Viuarienses.

Eucherio mortuo successit Ætherius, nam fuit in concilio Pontingonensi anno dcccclxxvi. Patatunus comitis anno dcccclxxvii. Synodo Mantalensi anno dcccclxxix. defunctus sedere Anno dcccclxxxii. quo Rostagnus erat episcopus, vt intelligitur ex donatione ecclesiæ S. Philippi, apud Lusignatum in Valleuinaria posita. Accipe tabulas Ermemburgæ donatricis pietate nobiles.

S. Ecclesiæ S. Vincentij castro Viuariensi constituta, vbi Domnus Rostagnus cum suis Canonicis sollicitè seruiunt ecclesiæ. Ideo ego Ermemburga, siue Mofia quondam auita mea, pro Dei timore & æterna Christi retributione, propterea concedimus ad ipsum sanctum locum aliquid de rebus nostris, quia nobis de alode parentum nostrorum legibus obuenerit. Et sunt ipsas res in pago Viuariensi, & in Valleuinaria, in loco vbi vocabulum est lusignato; hoc est Ecclesiæ in honore sancti Philippi constructa, cum casa, curte, & horto, & eximio campo, quidquid ad ipsam casam Dei aspicit &c. Donatio ista firma, & stabilis permaneat cum stipulatione subnixâ, facta donatione istâ. xv. cal. Maij anno v. regnante D. Odone rege feliciter. S. Ermemburgis & Mofie, quod donatione istâ p̄d scribere & firmare rogaerunt manibus eorum firmantes. S. Eunnone, S. Gilberti, S. Rainoardi.

Qui rex dicitur Odo, is ille est Odo siue Endo post Carolum Crassum, seu rex, seu regni gubernator. Catolo Simplice puero illis regnasse fertur modo & jure, quibus ante ipsum & Carolus Crassus & Ludouicus cum Carolomanno fratre leguntur regnasse Franciæ, vt vulgò loquimur, regentes, non reges, Sed ita tum ferebant tempora, vt appellarentur reges, regio scilicet diademate coronati. Odorannus tamen sic loquitur: Anno dcccclxxxvi. *Walterius Senonensis Archiepiscopus vnxit Odonem in regem.* Et Autor fragmen-

ti Floriac, historix Francorum, vbi dixisset Odonem Carolo Simplici adolescenti restituisse sua regna, addit à quo parte regni redonatus Odo. Certè anno octingentesimo nonagesimo octauo ita locutus Odo est monachis Sandionysianis : *Donamus ex fisco nostro &c. mansum vnum supra, & subius fluuio Rodono.* Rhodanumne intelligit? Id annoto vt hinc etiam intelligas non mirandum esse, quòd dicitur regnasse Viuarij. Is desit regnare anno nongentesimo nono : sed audi breue ex bibliotheca Tiliiana Chronicum. *Inito consilio Francorum electus est Odo in regem ad tempus. Deinceps Carolus etate factus sceptrum regni recepit cum assensu Odonis regis. Tunc diuisum est regnum in duas partes. A Rheno vsque ad Sequanam fuit regni Caroli, & à Sequana vsque ad Hispaniam fuit regnum Odonis, tamen in subiectione prædicti Caroli regis.*

Carolo in cunis posito, regnare ceperat Odo anno DCCCLXXXVI. annus ergo ipsius quintus fuit octingentesimus nonagesimus primus Christi. Ab eo ad nongentesimum octogesimum tertium, per annos fere centum, omnes silent de episcopis Viuariensibus.

56 Anno 983. Petrus erat Episcopus ; eo anno obsignauit fundationem cœnobij S. Petri à Guigone episcopo Ancienfi factam Anicij. Sedebat anno 984. ex chartâ cœnobij Monasteriensis tertîa ab Anicio leuca. Ejus obsignatio facta est anno 984. indictione 13. epactâ 15. concurrente 2. *Rege Lotario, Guigone abbate & præfule in mense Nouembri, feriâ 3. Petro Episcopo Viuariensi, Guigone Episcopo Ancienfi.* Sedebat anno 999. Ex chartâ fundationis prioratus Langognæ apud Gabalos, cui eo anno subscripsit. Post illum Hermannus, siue Hermannus interfuit vnctioni adis Sanuictorinæ per Benedictum VII. anno MXV. qui anno incerto scribens ad Francorum Episcopos sub Roberto rege, eum illis annumerat cum Vigone Valentino ; & Comitibus sub Conrado Lugdunensibus anno MXXXI. & Hermannus mortuo Geraldus restitutioni plurium vinearum abbatix Viennensi sancti Petri ab Hermengarde vidua Henrici secundi Imperatoris, cum Gregorius abbas illam instauraret anno MXXXVII. Anno MLVI. interfuit Concilio apud S. Ægidium ex Balusio in additionibus ad caput XIV. libri IV. Marca de libertatibus Ecclesiæ Gallicanæ pag. 281. Et eo ipso mortuus est, ex sepulchrali lapide in quo sequitur istud epitaphium :

O naturæ lex, ô peccati pœna,
Si afflictus grex, si ploratus vena,
Possent homines à morte eruere,
Fleremus omnes de isto puluere,
Girardus esset in præsentî vena &c.

Post Geraldum, aut Geraldum successorem nobis ignotum fuit Gebonardus vt intelligitur ex causa 7 qu. 2. c. in literis, vbi Alexander secundus ei respondet super sacerdote, qui morbo caduco laborat. Alexander enim sedit anno MLXI. vsque ad annum MLXXI. Sed quò Christi anno Gebonardus tulit responsum, nemo dicat omnibus chartis tacentibus.

57 Gebonardo mortuo sedit Geraldus secundus : scilicet anno MLXX. dedit Petro de Chauanon fundatori, & primo Præposito Pebracensi ecclesias S. Laurentij & S. Pontij, adductus sanctitate & miraculis viri: Geraldo autem defuncto Ioannes secundus - anno MLXXVI. concessit cœnobio Monasteriensis

iterienſi apud Velaunos eccleſiam S. Eulaliæ. Anno 1088. interſuit donationi eccleſiæ de *Tuech* eidem cœnobio, & anno 1092. donationi eccleſiæ S. Martini in *valle Amariſ*, vulgò *Valamas*. Conceſſiones veræ hæ tres cœnobio Monafterienſi anno ſeptuageſimo tertio, & ſequentibus factæ omnino docent literas illas falſas eſſe, quibus dicitur Gregorius anno 1073 poſt Gerardum ſcilicet, dediſſe Ioanni Cardinali ſuffraganeum in Archiepiſcopatu Ebredunenſi Oliuarium decanum Ebredunenſem.

In priore huius libri editione dixi Ioannem Cardinalem ſediſſe annis 1073. & 1107. Chartæ Viuarienſes quas referebam, fecerunt vt ita dicerem, ſcilicet Rituale, quem vocant librum magiſtri chori, & alia neſcio quæ charta: iis ego, cùm nihil occurrebat contrarium fidem habui, neque immeritò. Nunc aio Ioannem, ſi ſedit aliquando Viuarij, omnino ſediſſe inter annos 1092 quo Guilelmum vidimus, & 1096. quo ſedebat Leodegarius.

Inuenio ſcilicet Leodegarium fuiſſe Viuarij Episcopum annis 96. 1108. 58
1109. 1111. 1112. 1117. Duchesneus in probationibus hiſtoriæ Ducum Burgundiæ pagina 31. & Chiſletius in probationibus diatribæ de illuſtri genere S. Bernardi pag. 428. ex tabulis archetypis referunt, Leodegarium episcopum Viuarienſem miniſtraſſe Paſchali 2. vngendū templum S. Benigni Diuſione anno milleſimo centeſimo ſexto non igitur illo anno Ioannes ſedebat Viuarij. Cœnobium Sancti Theofredi ſeu Monafterienſe, diſſidebat abbate Vvillmo cum dōnis de *Mezene*: conuentionibus interſuit *Leodegarius Episcopus Viuarienſis* anno 1096. rege Philippo. Anno 1108. dedit Canonicis Sanruſenſibus eccleſiam S. Andeoli. Ego, inquit, *Leodegarius Episcopus, cum conſilio clericorum, eccleſiam Sancti Andeoli in loco qui Burgias dicitur, vbi ſacraſſimum corpus ejuſdem Martyris quieſcere videtur, temporalibus bonis quondam locupletem; nunc autem multis modis attritam committimus atque donamus ſub cura & prouidentia Leberti Abbatis S. Ruſſi.* Anno 1109. dedit Priori Lingoniæ eccleſiam S. Laurentij de Balneis, anno 1110. abbati Theofredi eccleſiam S. Geruaſij, anno 1111. prioratum de Rionis & eccleſiam de Rogeris; anno 1112. imperante (vt annotauit) D. Henrico rege Tentonico, Priori de Runipone eccleſias S. Mariæ de Exobredio, Sancti Stephani de lacu, mandamenti Sanctalbanenſis omnino ſex, ſcilicet S. Albani, S. Symphoriani de Senec, S. Iuliani, S. Geruaſij, S. Cyriaci, & denique capellam caſtelli quod Votta dicitur: eodem anno monachis Conchenſibus S. Fidis & S. Saluatoris eccleſias S. Chriſtophori, S. Mauritiij, & S. Ioannis de Fabrias. Et iſta quidem elargitas eſt Regularibus: qua autem honore proſecutus fuerit Sanctos, accipe è charta canonicorum Viuarienſium, exſcripta ex alia antiquiſſima Leodegarij. 59

Inenarrabilis memoria Leodegarius huius Eccleſiæ Episcopus, Apoſtolice ſedis Legatus, cùm multas Sanctorum Patrum reliquias ad eccleſiam B. Vincentij contuliſſent, & eam multis & variis ornamentis ornatiſſent, volens parietes ipſius, qui jam ruinam minabantur, in melius reformare, cùm partem illam, quæ Caput dicitur, dirueret, inuenit ibi plurimorum Sanctorum reliquias, quas beatiſſ. Predeceſſores ſui, de diuerſis partibus mundi, ad eccleſiam iſtam contulerunt: quas omnes cum magna deuotione poſuit, & eorum ſcripta conſcribi fecit. Sequitur illarum catologus in has voces.

CATALOGVS RELIQVIARVM

Viuariensis Ecclesiæ S. Vincentij.

D E ligno Domini. De sepulchro ejusdem. De pallio quo fuit inuolutum corpus ejus. De prasepi, ubi positus fuit. De spongia, qua Iudæi potauerunt eum.	S. Desiderij. S. Romani. De ossibus Sanctorum Innocentium. S. Blasij. S. Simplicij. S. Georgij. S. Christophori. S. Baudilij. S. Arcontij Brinocensis. S. Cipriani. S. Dionysij. S. Iuliani. S. Theofredi. SS. Traci & Probi. S. Andronici. S. Cyriaci. S. Cyrici. S. Iulie matris ejusdem. Digitus Sancti Adriani. S. Alexandri. S. Benigni. S. Troci. S. Maurity. S. Domnici. De Legione sancti Maurity. De Legione Thebeæ. De sancto Antonio. S. Feliciani. S. Longini. S. Vesterij. S. Ignatij Antioch. episcopi. S. Polycarpi. S. Saturnini. S. Nazarij. S. Apollinaris. S. Pantaleonis. S. Mannetis. Sanctorum Vincentij & Orantij. S. Cecilie. S. Proculi. S. Sperati. S. Iustiani.
De capillis B. Mariæ. De lacte ejusdem. De pallio ejusdem. De sotulari ejusdem. De velo ejusdem. De sepulchro ejusdem.	
De sanguine B. Ioannis Baptiste.	
Digitus pars ejusdem.	
De vestimentis ejusdem, & pilis camelorum.	
Reliquia Apostolorum 12.	
Dens B. Petri Apostoli.	
De ossibus ejusdem.	
De cruce ejusdem.	
De Reliquiis B. Ioannis Evangeliste.	
S. Bartholomæi.	
S. Mathæi.	
S. Pauli.	
S. Iacobi de Galicia.	
S. Iacobi minoris.	
S. Marci Evangeliste.	
S. Philippi.	
S. Thomæ.	
S. Andree.	
De cruce ejusdem.	
De Dalmatica ejusdem.	
De capite S. Stephani protomartyris.	
De lapidibus, quibus fuit lapidatus.	
De pallio, quo fuit inuolutum corpus ejus.	
Reliquia multa S. Vincentij.	
Dens S. Laurentij.	
S. Leodegarij.	
S. Projecti.	
S. Marini.	
S. Victoris.	
SS. Cosmæ & Damiani.	
SS. Geruasij & Protasij.	

S. Viatoris.
S. Martini.
S. Nicolai.
S. Bonifacij p.
S. Hilarij.
S. Leonis.
S. Cannati.
S. Antonini.
S. Geruasij.
S. Luca Constantinopolitani.
De pallio sancti Philiberti.
Sancti Fore.
Corpus sancti Arcontij.
Corpus sancti Auli.
Stola ejusdem versificata.
S. Verani.
S. Venantij ep Viuar.
S. Adjutoris.
S. Xenati.

S. Cleri.
S. Urbani.
S. Tutacl.
De vestimento S. Agathe.
De ossibus ejusdem.
Caput sancta Aurea.
Reliquia sancte Basille.
S. Marie.
S. Pelagie.
S. Tecla.
S. Eulalie.
S. Anastasie.
De pulvere B. M. Magdalene.
De sepulchro ejusdem.
Caput sancta Florina V. & M.
De capite vnus vndecim millium vir-
ginum.
S. Ursule.
S. Agnetis.

Has omnes beatorum exuuias, sancte seruauerat ecclesia Viuariensis, v. 61
 que ad patrum nostrorum memoriam, cum Caluinistæ illas, & injurioso
 pede calcatas, dederunt ignibus. Quia locus monet, addo corpus S. Ostiani
 Presbyteri, quondam fuisse in arde Sanmartiniana vallis Conspiensis, ad
 vnum milliare Viuarij. Verum de B. viro in omnibus tabulis magnum est
 silentium, vnum martyrologium Viuariense ita habet. *In territorio Viua-*
riensi, in ecclesia B. Martini vallis Conspiensis, ad vnum milliare ciuitatis versus sep-
temtrionem, in radice montis turris S. Martini, jacet vsque ad presentem diem, san-
ctum corpus Ostiani presbyteri, cum multis aliis, &c.

Sed reuertamur ad Leodegarium episcopum, is anno 1117. interfuit con- 62
 cilio Trenolchiano. Post ipsum Hato episcopus fuit in concilio Rhemenfi
 anno 1119. quo anno plura super ipso habet Ordericus Vitalis l. 12. *Hato.*

Post Hatonem, Petrus natione Burgundio, vir vite venerabilis, simplex, ac 11- 63
 mens Deum, vt loquitur Guilelmus Tyrius l. 15. c. 15. factus est episcopus; &
 si credimus Quercetano, anno postea 1131. ex episcopatu Viuariensi transiit
 ad archiepiscopatum Lugdunensem. Petrus venerabilis lib. 2. epist. 2. sic ad
 eum scribit: *De Viuariensium colle ad Lugdunensem montem te Diuina dispositio*
transulit. Argute dictum. Sanctus vir alludit ad situm presentem episcopij
 Viuariensis in colle, & antiquum Lugdunensis in monte; vtroque excelso,
 sed hoc altiore. Petri locum Lanceranus impleuit, sed quo anno sedere vel ce- *Lance-*
 perit, vel deserit non possum asserere. Anno 1134. interfuit absolutioni Gui- *ranus.*
 gonis Delphini ab Hugone Rhotomagensi archiepiscopo, Legato sedis Apo-
 stolice, ab excommunicatione ob bellum aduersus Ecclesiam Viennensem
 gestum. Anno 1137. dedit abbati Casæ Dei quasdam ecclesias.

Lancerano mortuo Galceranus fuit episcopus; legitur quippe anno 1147. 64
 fuisse Viuarij, in confirmatione priuilegiorum Ecclesiæ apud Boucheum
 l. 1. pag. 820. Guilelmus tamē anno ab Incarnatione 1145. interest 21. Martij
 mortui. Ioannis episcopi Valentini ex vita S. Ioannis cap. 10. apud Manriques

Guilel-
mus.

tomo secundo Annalium Cisterciensium paginâ decimâ quartâ. Hic de nobilissimo genere ortus, Conradum II. imperatorem sanguine contin-
gebat; igitur non difficilè summâ omnia sibi & successoribus suis ab eo ac-
cepit, monetam, pedagium, ceteraque jura regalia. Tanto nomine dignissi-
mus episcopus, qui ab Imperatore cognato non expetiit opes, cum ipso de-
fecturas Ecclesiam; illas sibi voluit, quæ cum omni posterorum memoria
coæquarentur in episcopis sequentibus. Ecce tabulas Imperatoris.

- 65 Conradus Dei gratia Romanorum rex, Uvilelmo dilecto consanguineo suo, vene-
rabilis Viuariensis Ecclesie episcopo, ejusdemque ciuitatis clero & populo, gratiam
suam, & bonam voluntatem. Antiqua regni consuetudo celebris, & Imperatorum
instituta, regum Romanorum discretionem sollicitant, quatenus Ecclesiarum utilita-
tibus studeant providere, clericos defendere, bona illorum ac laudem & gloriam no-
minis Christi, illibata obseruare, & ne aliqua impiorum tyrannide affligantur ma-
ximè operam dare, si quæ etiam eisdem damna truculentè inferantur, piè & miseri-
corditer reseruando eadem resarcire. Imperialia itaque decreta non deserentes, ante-
cessorum nostrorum clementiam imitando, tibi venerabilis pretaxate vr̃bis Uvilelme
episcopo, & per te & Ecclesie tue, & successoribus tuis Viuariensis vr̃bis, nostra re-
galia concedimus, monetam, pedagium vr̃trâque stratâ telluris, & Rhodani fluminis,
teque quâdam prerogatiuâ consanguinitatis animo nostro amplectimur. Concedi-
mus etiam tibi Dozeram, & quæcumque in regno nostro, predecessorum nostrorum
auctoritas, vel quorumlibet pietas principum, Ecclesie tue & antecessoribus tuis, ca-
ritatis studio concessit. Verumtamen vt donatio ista firma & stabilis, posteris tuis
aternaliter permaneant, paginam presentem sigillo nostro insignire iussimus. Si qua ve-
rò improborum temeritas, confirmationem istam inquietare presumat, banno regali
subiaceat. Hujus donationis testes esse volumus episcopos Orolibino Basileensem,
Pronocardum Buccam Garmariensem Constantiensem, Ancelinum, Arnulphum
Cancellarium, Druyenium archidiaconum, Renicianum, ac alios multos, anno ab in-
carnatione Domini 1149. anno verò 10. regni.

- 66 Ceterum Guilelmus apud Boucheum in historiâ Prouinciæ tom. 1. pag.
820. dicitur ab eodem Conrado sedisse Viuarij anno 1146. quem scriptor vi-
tæ Ioannis episcopi Valentini asserit interfuisse ejus morti anno 1145. die 21.
Martij tu sic intellige vt Conradus more Romanorum annum ceperit à
natiuitate Christi quadragesimum sextum, quem Valentia totaque Gallia
non orsi sunt mortales nisi post menses tres sub finem Martij.

DE REBUS GESTIS

EPISCOPORVM VIVARIENSIVM

LIBER TERTIVS.

1
Thom. 2

OST Guilelmum Thomas II. fuit episcopus. Sedebat anno 14.
Conradi II. regis Romanorum. Fuit is Christi quinquagesimus ter-
tius supra millesimum centesimum, Conradus enim regnare cepit
anno millesimo centesimo vicesimo nono. Episcopus memorandus in pau-
cis. Cum videret omnium ante se præfulum res obliuione semisepultas vnīs
tabulis contineri, quæ appellabantur *chartæ vetus*, & non tantum veteres,

vt

ut ipsum nomen præ se fert, erant, sed characteribus exesis & ferme deletis oculos legentium fugiebant) constituit restituere, & opere nouantiquo luci reddere; grande seque posteris solarium, seu maioribus ornamentum. Utque sapienter constituerat, perfecit animosè & fortiter, atque politicum (Carolus Caluus vocabat puleum) dixit. Audi præfationem viri. *Ego Thomas episcopus exemplavi istud politicum de aliis vetustissimis chartulis, quas inueni in chartulario S. Vincentij: & nec tertiam partem potui exemplare, propter nimiam vetustatem qua sunt consumptæ, anno 14. regnante domino Conrado rege. Ex isto politico plurima attuli prioribus libris: & verò episcoporum seu Alben- sium, seu Viuariensium, qui ante annum millesimum vixerunt, nulla esset memora, si Thomas episcopus illud non perfecisset. Dignus profectò omnium recordatione laudèque sæculorum, qui fecit ut prædecessorum suorum nomen ad posteriora, nostræque adeò, tempora perueniret. Anno 1153. Thomas moritur, & ejus locum Guilelmus II. implet. Est charta in archiuo ecclesiæ Aniciensis, quâ illius antistes traditur conuenisse cum vice- comite Podieracensi, ex mandato Eugenij III. Romani Pontificis. Ea quidem est sine anno, sed cum doceat Guilelmum sedisse tum Viuarij, & Eugenium Romæ, atque adeo viderimus Thomam scripsisse suum politicum anno 1153. quo Eugenius desit viuere, sentiamus necessum est eo ipso & è vitâ abiisse Thomam, & Guilelmum esse initiatum episcopatu. Venit in manus meas donatio quarundam ecclesiarum Abbatissæ S. Andreæ Viennensis anno 1154. Exscriptor eam tribuit Guidoni episcopo: sed errare putabam delusum initiali nominis literâ, quam illis temporibus fere adhibebant solam. Cum G. scriptum esset, Guidonem ipse interpretatus est, qui debuit dici Guilelmus, ea sic habet.*

In nomine Patris & Filij & Spiritus sancti. Ego G. Viuariensis Ecclesiæ episcopus & minister indignus, rogatu domini Hugonis bonæ memoriæ Viennensis Archiepiscopi & Bernardi Valentiniensis episcopi & aliorum quàm plurimorum concessi & laudavi ecclesiæ S. Andreæ Viennæ, & Elizabeth abbatisse sanctimonialium supradictæ ecclesiæ & successoribus ejus, omnia beneficia quæ sub ditione episcopatus nostri possident vel possidere debent, videlicet ecclesiam S. Martini de Villa Dei cum appenditiis suis, ecclesiam S. Maurij de Estecis cum appenditiis suis, ecclesiam S. Eustachij de castro Lanæ cum parochiâ & appenditiis suis, ecclesiam sancti Desiderij vltra Ardeschiam cum appenditiis suis, ecclesiam S. Petri de Vaycas cum appenditiis suis, ecclesiam S. Marcelli de Bergalia cum appenditiis suis. Insuper ecclesiam in honore S. Crucis Viuarij antiquitus fabricatam, cum antiquâ dignitate sua & beneficiis. S. Leth. S. Cros canonici & archipresbyteri. S. magistri Lantelmi. S. Stephani Gilij sacristæ, & Martini hebdomadarij & archipresbyteri. S. Raimundi Agonis. Si quis hanc nostram paginam temerario ausu infringere vel infringere voluerit, cum Iuda proditore & ejus sequacibus damnatus in perpetuum extremo supplicio condemnatur. Acta anno ab incarnatione Domini 1154.

Post Guilelmum sedit Raimundus ex privilegio quod Fridericus I. concessit ciuibus Viuariensibus. Guilelmus archiepiscopus Ebredunensis anno 1158. Dixit in monasterio sancti Marcelli dat ei villam Vallis Viuariæ, cum suis ecclesiis & omnibus ad ecclesiam, villamque pertinētibus; & anno 1160. Visellum Bernardus de Visello, quod tamen postea recipit seruandum obsequio clientari. An perueniret ad annum 1170. non inuenio. Certè vidi

Rober-
tus Al-
ba.

ego tabulas quibus anno 1171. die 2. Nouembr. Robertus Alba anno 1. episcopus *prædecessorum donationem confirmans*, tradit Rotberto priori S. Medardi ecclesiam S. Montani, & adiculam S. Mariæ in eodem vico positam, cum decimis, primitiis, oblationibus, agris, domibus, & aliis omnibus ad eas pertinentibus, sub censu solidorum 10. in synodo Octobris, & denariorum 4. in synodo Maij, ac denique librarum 10. solidorum 4. & cartalli olei oliuarum dominica vicefima.

Nico-
lam.

6 Robertus non fuit diu in episcopatu. Nicolaus post eum sedit annos omnino 3. Quæ ab illo fortiter & sapienter pro episcopatu gesta, ad me perueniunt, accipe. Anno 1177. habuit literas à Friderico I. quibus imperator confirmat data Raimundo episcopo, per literas mihi ignotas, & subiicit in hæc verba. *Concessimus vniuersa regalia, cunctasque possessiones, que vel quas ex antiqua vel moderna liberalitate regum vel imperatorum, munificentia principum, oblationibus fidelium, iuste & rationabiliter hætenus tenuit & possedit. De quibus quadam propriis duximus exponenda vocabulis, scilicet monetam, pedagium vtrâque strata, telluris videlicet & Rhodani, & quacumque alia regalia ad eandem pertinent ecclesiam saluâ tamen imperiali iustitiâ. Præterea statuimus, vt præfata ciuitas & ecclesia, de libertate camera nostre decretâ, nullo vquam tem-*

7 *pore aliquem excepto suo pontifice dominum habeat & possessorem Nobile munus. Sed vt episcopus voluit vnus dicere jus Viuarij, vt aduersarium sensit Comitē Tolosanum. Nolo ego, neque locus postulat dicere, quid veræ potestatis habuerint Comites Tolosani in illam ciuitatem. Scio Bertrandum Raimundi filium anno 1095 cum duceret Eleatani conjugem (alij vocant Elenam; Ordericus Vitalis in hist. eccl. l. 1. 3. Helam) dedisse illi in sponsalitorium munus & alia, & Viuarium ciuitatem cum Comitatu, & episcopio. Igitur neque miror Raimundum, annis post Bertrandum 80. & quod excurrit, aduersatum Nicolao episcopo, cum ex Friderici tabulis voluit vnus dominari Viuario. Contentio tenuit plures annos; & alia porro erant ipsius capita. Robertus archiepiscopus Viennensis rem aliquando composuit in has voces.*

8 *Comes in perpetuum remittit episcopo Nicolao, & omnibus successoribus ejus, & Ecclesia quidquid petebat, vel petere poterat in ciuitate Viuarij: nec debet jus, vel feudum ecclesie aliquem acquirere, sine consensu episcopi & ecclesie. Et propter hoc Nicolaus episcopus & ecclesia donauit ei iura, que habent in castello de Gorepera & ejus mandamento, exceptis ecclesiis, & earum pertinentiis, & quidquid habent in castello de Ayguere & ejus mandamento. Præterea donauit ei centum marcas argenti. Et sciendum quod de eo, quod habet Comes in villa S. Marcelli, debet facere iustitiam episcopo & ecclesie, per manum D. archiepiscopi Viennensis ante Pentecostem. Hæc scripta sunt ultra Burgum S. Andeoli & Paludem anno 1193. mense Maio.*

9 Quoniam alie contentiones solent ex aliis, seu verè, seu ad speciem compositis exoriri, factum est vt qui semel dissenserant ab inuicem Nicolaus Episcopus Viuariensis & Raimundus Comes Tolosanus, etsi conuenissent inter se, non difficilè, rursus contenderint. Argenti fodinæ (argenterias vulgò dicunt scriptores veterum chartarum) diuiserunt concordēs animos. Eas episcopus aiebat omnes esse sui juris, & nonnulla porro ad illas, seruando scil. argento effosso, castris Raimundus è contrario sibi & horum aliqua, & illarum non modicam partem asseribat. Aymarus Pictauiensis & Bermundus de Andusia, appendices dissidij, sibi assumebant aliquid earundem rerum. Lis diu

agita

agitata denique visa est componi anno 1198. cōmunissimā omnium volun-
 tate. Quia post aliquot annos excitata non semel est controuersia, ex istaui
 opera futurum non leue pretium, si tabulas compositionis recitarē. Ex illis
 intelliges, antiquam contentionem variis quondam modis sopitam fuisse;
 verūm ij ad me non peruenerunt: neque etiam hactenus reperi ē quibus
 fontibus duceretur jus episcopi Viuariensis ad fodinas argenti, an ex
 peculiari munere alicujus viri qui eas possideret, an ex communi conces-
 sione regalium à Conrado II. & Friderico I. Fuerat equidem illi cum
 suis canonicis rixa, super decimis argenti effossi, & larentus episcopus
 Diensis eam porro composuerat anno MCXCVI. sed de ipsis fodinis con-
 tendisse non inuenio. Super illis decimis larentus ita edixerat. *Omnium ar-*
gentiarum que in toto Viuariensi episcopatu apparent, vel in futurum appa-
rebunt decime, siue in parochiis ecclesiarum quas canonici similiter suas esse dicunt
siue in parochiis aliarum ecclesiarum, vel vbicumque in toto Viuariensi episco-
patu apparuerunt, communes sint inter episcopum & canonicos; vt in eis duas
partes episcopus, canonici verò tertiam excipiant. Hugo etiam Duissel, aliquam
 fodinarum partem olim conserat episcopo, temporibus ignotis mihi. Sed
 enim verò quis primus fodinas omnes argenti, quis primus ad eas Argen-
 tariam pagum, aut Seguillerias castrum præbuerit, quæ ad me peruene-
 runt chartæ non habent. Hic Hugo videtur fuisse consanguineus Bernardi
 de Vissello (si quid tamen nonini concedendum est) qui anno MCXII. Vl-
 sellum gentilitium pagum tradiderat Raimundo præfati, vt in episcopum
 pietas, dicenda sit ad illum descendisse cum sanguine. Sed veniamus ad tabu-
 las pactorum Nicolai episcopi cum Raimundo Tolosano, Aimaro Pic-
 tuiensi, & Bermundo Andusiano. Causæ rixarum erant Argentaria seu Se-
 gualleriæ castra, fodinæ argenti in Segualeriis, Chassiers, Taurians, & aliæ
 innominatæ à Lende amne ad Taurians locum, & à Breuz riuo vsque ad
 Chassiers item locum. Ipsi per se sopiuerunt totam litē sequentibus articulis.

Controuersia vertebatur inter D. Raimundum Comitem Tolosanum ex vna par-
te, & D. Nicolaum episcopum Viuariensem & Ademarium Pictauiensem & Ber-
mundum de Andusia ex altera. Petebat siquidem predictus Comes ab eis castrum
de Segualeriis, & totam argentariam de Segualeriis & de Chassiers & de Taurians,
hec omnia ad se pertinere. Quod predicti episcopus & A. & B. de Andusia nega-
bant. Tandem post longas diffensiones & contentiones, consensu & voluntate ipso-
rum, sopita est inter eos predicta controuersia in hunc modum. Cassatis quidem
prius causa transactionis omnibus donationibus & conuentionibus, & in irritum
deductis, quæ prius facta fuerant super argentariis & castro predicto, inter predi-
ctum episcopum & A. & B. de Andusia, predictus Episcopus, consensu capituli Vi-
uariensis, presentibus & consentibus predictis A. & B. de Andusia per se, & per
successores suos, in perpetuum donauit, concessit, & laudauit in feudum d. R. Comiti
Tolosano & successoribus suis, medietatem castri de Segualeriis, & medietatem to-
tius argentarie de Segualeriis & de Chassiers & de Taurians, & medietatem in om-
nibus argentariis quæ modò apparent, & in futurum apparebunt, à flumine Lende
vsque ad Taurians, & à riuo Breuz vsque ad Chassiers, ita vt percipiat d. Comes me-
dietatem omnium prouentuum, qui ex eis procedunt, & in futurum procedent, &
reducunt, scilicet in hominibus, in firmanciis, iustitiis, furnis, molendinis, sarnariis,
bannis, tollis, tallis, & quistis, leudis, mercatis, & in omnibus exactionibus iustis seu
in iustis,

- iniustus, & in omnibus omnino redditibus seu prouentibus, qui in eis apparent vel apparebunt, vel quomodocumque à quocumque excogitari poterunt, exceptis decimis, quas sibi retinent Episcopus & Ecclesia, eas tamen accipient sicut accipere consue-
- 14 runt, scilicet decimam decimarum. Sciendum verò quòd de decimis, quas asserunt rotas Episcopus & Ecclesia ad se pertinere, non exigent ampliùs in argento & mina, nisi cum consensu capituli Viuariensis & predictorum R. Comitis & B. de Andusia & A. Pietauiensis. & exceptis his quæ Hugo d'Vffel reliquit ecclesie Viuariensi, in quibus nihil ei donat. Et propter hæc d. Comes predictus fecit fidelitatem Episcopo & iurauit, & debet defendere Ecclesiam predictam & canonicos & res & iura ejusdem ecclesie, & promisit quòd non acquireret aliquod castrum vel partem castri, feudum vel partem feudi predictæ Ecclesie absque consilio Episcopi & canonico- rum ejusdem Ecclesie, & reddet castrum de Argentaria pro recognitione tantum, mutato Episcopo vel Comite. Eadem facere debebunt omnes, qui ei succedent in hoc feudum. Eodem pacto & eadem lege & convenientiâ, presentibus D. R. Comite Tolosano & B. de Andusia predictus Episcopus cum consensu & voluntate Viuariensis capituli in perpetuum donauit, concessit, laudauit in feudum Ademaro Pietauiensis, tertiam partem alterius medietatis predictarum argentariarum &
- 15 predicti castri, &c. Eodem modo & eadem lege & convenientiâ presentibus & consentientibus D. R. Comite Tolosano & A. Pietauiensis, predictus Episcopus cum consensu & voluntate Viuariensis capituli in perpetuum donauit, concessit, laudauit in feudum B. de Andusia tertiam partem alterius medietatis predictarum argentariarum & predicti castri, &c. Reliquâ tertiâ medietate ejusdem sibi retenta, &c. Sciendum autè quòd si Comes predictus turrin ibi facere voluerit, predictus Episcopus & A. & B. de Andusia poterunt facere insimul turrin ejusdem altitudinis & ejusdem spissitudinis, & è contrâ. Vel si nolent tres consentire, possent facere duo: vel si non duo, posset facere vnus solus. Sciendum quoque quòd de his quæ Hugo d'Vffel dicitur reliquisse Viuariensi Ecclesie debet dici, vt secundum quod ius dictauerit inter eos persequi debeat Ecclesia Viuariensis, & B. de Andusia, & Episcopus & Haslafracta & P. Vvilelmi frater ejus. Item sciendum quod quidquid habebat B. de Andusia in argentariis, antequam esset castrum adificatum, scilicet quod habuerat ab Vvilelmo de Baladuno, & ab Haslafracta, & quod habebat in Fumpâ, habebit hoc totum precipuum, exceptis iustitiis & ceteris quæ ad dominationem
- 16 pertinent. Item quidquid de cerero acquirerent Episcopus, & Comes, & A. & B. de Andusia simul vel separatim in argentariis quocumque modo, vel quocumque titulo, communicabitur inter omnes, pretio tamen infra annum emptori, si emptum fuerit, restituto. Præterea sciendum quòd si probauerit Episcopus esse feudum suum, quod Stephanus de Taurians donauit Comiti, habebit Comes predictus quartam partem argenti tantum ab Episcopo quod inde exibat: Quòd si non probauerit, habebit Comes in alodium. Stephanus tamen, siue probauerit Episcopus, siue non, nullum damnum patietur vel penam, propter donationem quam fecit Comiti. Sciendum præterea quòd propter compositionem istam, seu transactionem, nihil mutatur, vel diminuitur Comiti predicto in denariis, qui antè percipiebantur in singulis marchis nomine ipsius, &c. Acta sunt hæc omnia apud Albenacum in platea ad trabem, anno ab incarnatione Domini 1198. mense Iulij, presentibus B. Bonello, &c. Eodem anno & eodem mense, post paucos dies, predictus Comes propter hoc feudum, ex conventionem & debito fecit hominum S. martyri Vincentio, super altare ipsius, apud Vinarium in ecclesia maiori, Episcopo tenente catenam circa collum ejus, dum

oscularetur altares & recognouit omnia supradicta, & successores suos omnes promissit ita facturos & obseruatuos, presentibus suprascriptis canonicis & B. Tricastrensi episcopo, Iordane archidiacono S. Pauli, G. de Bordels, Guarino de Randon, P. Agulans vicario Wilclmo & multis militibus & populo Viuariensi. In 17
 istis conuentionibus castrum de Argentaria euidenter traditur esse castrum, quod in superioribus asseruerant esse medietatē castri de Segualleriis; & iam olim fuisse in clientela Episcopi Viuariensis. Cū autem hic Tolosanus Comes, qui Raimundus senior appellatur, fuisset post aliquot annos damnatus hæreseos Albigensum & eius res omnes cis Rhodanum proscriptæ, illud castrum Episcopo Viuariensi cessit ex Nogerio in historia Tolosana. Sed vide professionis clientelaris genus insolens. Raimundus Comes catenā circumpositā collo, quam manu tenebat Nicolaus Episcopus, & osculo dato aræ, post promissam obseruationem pactorum superioribus articulis comprehensorum, se dixit clientem S. Vincentij. Cur circa collum posita 18
 fuit illa catena: certē capita conuentionis cum Episcopo nihil habent super ea. Cū Raimundus post aliquot annos iterum rixatus esset cum Burnone Episcopo, & ad pacta cum eo rediisset, id positum fuit in articulis pacis, vt referam suo loco. Atque hoc facit, vt putem ritum insolentem ac inauditum, principio quidem ex pio animi sensu adhibitum à Comite Tolosano, sed postea ne quid minus haberent posteriores conuentiones, postulatum ab antistite. Nam ego quidem nunquam dixerim, susceptum in pœnam scelerati facinoris, quando nullum huius vestigium est in tabulis. Peccauit equidem post aliquot annos Raimundus, cū præbuit auxilium Albigenribus, & in eorum errores abiit, sed ad hunc vsque annum 1198. omnium eiusmodi criminum purissimus erat; & vbi post sustentatam hæresim sese reddisset Ecclesie, nihil ejusmodi ab ipso vel postulatum, vel susceptum legimus in pœnam criminis. Nam quod pertinet ad osculum altari Sanuincenciano datum à Co- 19
 mite, solum illud erat in donationibus factis, vt annotauit Sanjulianus in antiquitatibus Cabilonensibus. Fuit etiam cū terræ donatæ modicum quid, manu, vel extremo pallio receptum, superponeretur altari, iuuante fulcientēque munus episcopali manu, & donandi ritum scotationem appellabāt. Audi Innocentiū III. archiepiscopo & c. Lug. habeturque c. ex literis de cōsuetudine. Proponitis quod in huiusmodi donationibus modicū terra consueuit in manu accipere, vel in extremitate pallii, quod manu Prelati Ecclesie suslinetur, aut super altare ponendū, & c. huiusmodi signū quod scotatio dicitur, non tā factæ donationis, quā traditæ possessionis sit euidens argumentū. Hic Bosquetus ad regist. 13. Innocentij III. ep. 57 pro Lug. id. Lugdunensi, Lundesē legit & Danorū fuisse istā consuetudinē ait. Fuit etiam qui cespitem, cui viridis ramus infixus erat, super altari poneret apud Miræum 1. diplom. c. 50. & quidem caligulā contentum ex tabulis Belusenribus anno mxxxi. Nolo vnum quid prætermittere à 20
 Nicolao episcopo piē pro Cartusianis Bonæ fidei factum. Canonici de Charaix exigebant ab illis decimas, & ipse soluit eos onere. Anno quidem 1129. quarto idus Oct. Roberto priore Bonæ fidei dat Ecclesiam de Fabras ecclesie de Charaix, excepto cartone decimarum & iure Episcopali, sub tali conditione, vt decimas, illas quas ecclesia de Charaix, siue possessiones quascumque huc vsque possidebat, infra terminos bonæ fidei, tam presentibus quā futuris concederent, Anno autem 1137. primo Oct. Iarentone priore dat Ecclesiam de Gene-
 stella

Stella eidem ecclesiæ de Charaix decimis & episcopali jure retentis, exceptis quas præfata ecclesia habitatores, Episcopi consilio acquisierunt. Et ideo, subiungit Nicolaus, ecclesia de Charaix mihi & capitulo Viuariensi, decimas & cetera jura ecclesiastica, que huc vsque possedit infra subscriptos terminos Bonæ fidei, qui constituti sunt in parochia S. Martialis, exceptis agris propriis, tribuit & concessit. Nos verò de dilectione & pietatis intentu ista habitatoribus Bonæ fidei, canonicis de Charaix laudantibus, donauimus, & in perpetuum habenda concessimus. Sciendum tamen quidam fratres Bonæ fidei, in possessionibus infra dictas contentis, quas nondum acquisierunt, nisi decimam decimarum ad præsens non accipient: postquam verò ipsas possessiones acquisierint, decimas plenariè possidebunt. Atque hæcenus dictum fuerit, de concessione decimarum Cartusianis Bonæ fidei. Placet addere sequentia ex chartario Grangie de Berco, quæ ad abbatem Mansiadae pertinet. Nicolaus sedebat anno 1183. ex donatione quarundam rerum Mansiadae, ab Ecclesia Viuariensi; anno 1186. ex aliarum rerum, eidem monasterio concessarum ab eadem Ecclesiâ: anno 1202. ex conuentionibus Mansiadae cum.....de pascuis Alpium. An vltra hunc annum, & quis ab eo vsque ad annum 1206. federit nondum legi, Manriques tomo 3. Annalium Cisterciensium docet Innocentium 3. anno 1205. die 13. cal. Februarii iussisse, vt intra paucos dies eligeretur Episcopus, scilicet cum quidam canonicorum multa graua contra Episcopum proposuissent, cumque de eis tum per confessionem ipsius, tum per depositiones testium juratorum, pro parte non modica constituisset Rodolpho & Petro de Castronouo, Cisterciensibus Fontisfrigidi, Legatis Apostolicis, is episcopatu cesserat. Eodem autem Innocente teste is, quicumque fuerit, erat potens, & nobilis; & episcopatus totus periclitari sub ipsis poterat potentia. Manriques loco citato fusè dicit de hac re. Illum vide. Innocentius ipse tercius libro 8. epistolarum ducentesiimâ nonâ de eadem loquitur. Decimo tertio calendas Februarii iussit canonicis eligere alium ipsius loco depositi à Legatis.

- 21 Bemio seu Burno vir fundatæ mentis, & rerum episcopalium curator attentus. Vornonem seu Vvmonem dictum quoque putabam, litera V, posita pro litera B, vt etiam nunc Valcones, paucique alij pronuntiant. Burno sedet ab anno 1206. vsque ad annum 1220. aut 1221. scilicet anno 1206. dicitur Electus Viuariensis & alibi, & in homagio Guidonis de Castronouo. Anno 1209. accepit à Geraldo Ademari castrum Rupismaura, ad æternum nomen pietatis Ademarorum: sed homagio viri contentus, acceptum ei restituit futurum episcopale feudum. Parque aliquid pergit facere anno 1210. cum enim 11. calendas Augusti accepisset à Raimundo de Charlas castrum & mandamentum de Maler, atque 18. cal. Decembr. Balmam à G. de Balmâ, vtrumque castrum ipsis restituit, vno homagio sibi & successoribus seruato. Magna proculdubio & illustribus exemplis contestata vigeat in illis virtus. Nam quid aliud commouit nobiles viros ad castra, vt ita loquar, auellenda à sua gente; & in Ecclesiâ, è qua nunquam tollerentur conferenda? Sed hunc annum fecit memorabilem conuentio Burnonis Episcopi cum
- 23 Raimundo Comite Tolosano. Quæ Nicolaus episcopus cum eo per egerat, seruare nolebat Comes, & porro alia non pauca super argentariis aliisque, peccabat in episcopum tantâ pertinaciâ, vt Legatus summi Pontificis non potuerit reddere officio suo. Sed denique Raimundus Vtricensis episcopus quem

quem Innocentius III. postea enexit ad archiepiscopatum Narbonensem, vi-
lus est rem confecisse. Exscribo pactorum tabulas, quoniam eunt per om-
nia offensionis capita, neque apertioribus quàm ipsæ scriptæ sunt verbis, rei
totius historia proponi à me potest.

Controuersia vertebatur inter D. B. Episcopum & Canonicos ex vna parte, 24
& D. R. Comitem Tolosanum ex altera. Conqueriebatur siquidem D. episcopus
& canonici Viuarienses de castro de Faniau adificato à D. Comite, quod affere-
bant in suo solo adificatum ad se pertinere. Item quod seuda illorum acqui-
sierat, videlicet in argentariâ vnam setzenam à Stephano de Taurians, alte-
ram à Pontio de Rochaforti, castrum de Alsaz, turrim Petri de Vernone de
Monteregali, castrum S. de Taurians de Monte Brisonis. Item dicebant quòd
quidquid adquisierat in Sumpa & in aliis redditibus, iniuste possidebat vel per-
cipiebat prædictus Comes: afferebat prædictus episcopus cum iniuste, sicut a lodium
Viuariensis ecclesia, acquisisse. Reuocabant etiam prædicti episcopus & canonici
compositionem factam inter Nicolaum bone memoria quondam Viuariensem Epi-
scopum & Raimundum comitem patrem ejus: & idcirco petebant sibi restitui ca-
strum de Aigueze & de Gurgipetra, & de Remolinis, & ducentas marcas argenti,
& sex denarios, quos in marca argenti percipiebat in argentaria, nomine compo-
sitionis. Afferebant etiam, quod pater ipsius Comitis, & ipse Comes & bajuli eorum,
& Aragonenses in argentaria, & alibi in Viuariensi multa damna intulissent, su-
per quibus satisfactionem sibi fieri postulabant. *E contra conqueriebatur D. Comes 25*
prædictus, quòd instrumentum, quod factum fuerat inter ipsum & D. Nicolaum bo-
ne memorie quondam Viuariensem episcopum & ejusdem ecclesie canonicos, super
compositione facta inter eos de argentaria, nollet, cum ex parte teneretur, sigilli sui
munimine roborare. Ecce contentionis semina, è quibus intelligis, Bunionem
episcopum noluisse hæcenus obsignare sigillo, articulos conuentionis cum
Raimundo Comite Tolosano, scriptos anno 1198. Hic ille est Raimundus
Constantiæ, & aliis facinoribus, & Albigensum erroribus nobilis: patrem
habuit Raimundum Faidæ; sic enim ad discrimen appellantur ex matribus.
Que memorata sunt capita pacis Raimundi Faidæ cum Nicolao episcopo,
ea non inuenio: sequuntur articuli vniuersæ contentioni sopiendæ consti-
tuti. Tandem lite super his omnibus contestatâ, coram Legato Romane curiæ V. Re-
gensi episcopo & magistro Thediso, à Summo Pontifice delegatis, D. episcopus & Ca-
nonici Viuarienses, & D. Comes prædictus compromiserunt super his omnibus in D.
R. episcopum Vticensem, coram quo prædicta lis in controuersia amabili composi-
tione partibus inter se vltro conuenientibus terminata est in hunc modum.

Quando audis Regiensem episcopum, & Thedisium canonicum Ge-
nuensem à Summo Pontifice delegatos, ne cogita missos huic liti compo-
nendæ: ad res Albigensum cognoscendas, & ipsi & alij missi fuerant, ex Ita-
lia quidem Thedisius cum Milone ingentium animorum viro; è Gallia ve-
rò, vt habes apud Valissarnensem c. 48. Fulco Tolosanus, Raimundus Vti-
censis (adde memoratum Regiensem) episcopi, & Abbas Cisterciensis, Cæ-
so enim Petro de Castronouo Legato etiam Apostolico, Tolosanus Comes
& Abbatibus illius & aliorum Legatorum acerbiter queritatus est, petitisque
ab Innocentio III. virum è domo pontificia ad se mitti: futurum aiens vt is,
seu ex institutione omnium integerrimâ, seu allis ex capitibus, tanto malo
vnus medicinam inueniret; & Pontifex quod petebatur non negauit.

- Milonemque Romanum clericum ac Thedisum Genuensem canonicum misit, ad legationem additis alio tempore aliis. Iam hi ad contentionem episcopi Viuariensis cum Tolosano comite animum necessario admouent. Primum Nicolaus, deinde Burno antistites sancti viri rem christianam toto episcopatu ita gerebant, multum connitentibus suppari pietate canonicis, ut nulla Albigensum veneni vis Viuariensium ullam partem vnquam afflauerit. Tolosanus vero Comes, & Petrus Aragonum rex Tolosani vxoris frater, aduersus episcopum & canonicos insurgere; & alibi tota regione & per argentarias cladem inferre. Vno & altero etiam post hæc anno, Ademarus Pictauiensis, additamentum turbarum, sua per Viuariensem episcopatum castra, quæ non pauca tenebat, muniuit ad aliquod presidium Albigensum: igitur cum Milo & Thedisus venissent in Prouinciam, principio Tolosanus Comes omnibus lxtitiis exultauit, arbitratus se non difficile imposturum Italis, turbarum Gallicanarum ignaris. Sed eo gradu depulsus, per sinceras religiones sanctitatemque virorum, & illos auersatus est, & ad nulla sua negotia, res etiam Viuarienses adhiberi voluit: eaque causa fecit, ut Regiensis quoque episcopi iam cum Thedisio diu à Pontifice Legati, consilia neglexerit, malueritque ad Raimundum episcopum legationi pontificiæ recens additum se admouere. Eo faciente conuenit cum Burnone episcopo in
- 28 capita quæ sequuntur. *Conuenit siquidem inter eos, quod D. Burno Viuariensis episcopus remisit, & garpinis predicto D. Comiti, & successoribus suis in perpetuum, petitionem quam faciebat ei super castro de Faniau in feudum, secundum formam infra scriptam. Insuper donans ei in feudum partem suam casali, quam habebat iuxta castrum predictum; & concedens & approbans eidem sub eadem forma quidquid à B. de Andusiâ, seu Petro Bremundi filio, ei ab A. Pictauiensi in eodem casali poterit acquirere. Cessit insuper eidem Comiti, ut predictum castrum edificare ad libitum suum valeat &c. Præterea soluit & garpinis predictus episcopus predicto Comiti petitionem, quam faciebat ei de castro d' Aigueze, de Gurgipetra, & de Remolinis, & de ducentis marcis argenti, & de sex denariis quos percipit in marca argenti, quæ omnia habuerat ex compositione facta inter Nicolaum quondam Viuariensem episcopum & R. Comitem patrem eius, & remisit ei omnes petitiones & actiones supradictas & omnia maleficia & omnia damna &c. Præterea predictus episcopus concessit eidem Comiti, & confirmauit, & laudauit in feudum, secundum compositionem factam inter D. Nicolaum quondam Viuariensem episcopum, & ipsum Comitem de argentaria &c. Et propter hoc D. Comes predictus debet facere fidelitatem &c. Et debet castrum de Faniau de argentariâ, reddere predicto episcopo pro recognitione, tantum mutato domino hinc & inde. Ad hæc D. Comes predictus reddidit predicto D. episcopo vnâ setzenam, quam sibi acquisierat à Stephano de Tauriâs de feudo de Taurians, retentâ sibi quartâ parte ex concessione D. Nicolai quondam Viuariensis episcopi. Item reddidit ei vnâ setzenam, quam acquisierat à P. de Rochaforti de feudo de Taurians. De feudo autem Maleti, & Montis Brissoni & de feudo Petri de Veronno & de Alex debuit probare episcopum Viuariensem pertinere &c. Item D. predictus Comes donauit, concessit, garpinis predicto d. episcopo etiam partem de iis omnibus quæ in suprâ, vel in eius pertinentiis poterit retinere &c. Post aliquot minutos articulos ita sequitur. Ad hæc D. Comes predictus, per se, & per successores suos, iurauit super sanctis Dei euangelia manu tacta, fidelitatem domino B. Viuariensi episcopo & successoribus*

eius, adiciens eidem iuramento pro se, & successoribus suis quod vniuersa & singula, que supra continentur ipse, & successores sui predicto episcopo, & successoribus suis, & Ecclesie Viuariensi seruabunt bona fide perpetuo illibata, & quod propter hoc feudum, hominum faciant martyri Vincentio super altare ipsius, apud Viuarium in Ecclesia maiori, episcopo Viuariensi tenente catenam circa collum eius, dum osculabunt altare &c. Adiecerunt etiam episcopus, & Comes predicti, & promiserunt sibi inuicem, quod pro predicta compositione inuiolabiter obseruanda, dabunt sibi inuicem fideiussores Pontium de Montelauro, & Draconetum de Monte Dracone, & meliorem partem hominum de Argentaria Quod si alteruter predicta pacta infregerit, & ad commotionem &c. Predicti fideiussores tenebuntur iuuare conuenientem contra infringentem, modis omnibus, donec conquerenti eis infringente fuerit satisfactum, ad cognitionem quatuor amicorum, quos communiter ambo elegerint, & quinti quem elegerit episcopus Viuariensis consilio communi quatuor amicorum. Acta sunt hec omnia anno ab incarnatione Domini MCCX. idibus Augusti apud Burgum S. Saturnini in camera prioris eiusdem Burrgi, &c. sequuntur nomina testium, & approbatio capituli Viuariensis facta Viuarij xxvi. Calend. Septembris. Quare Burno secutus Nicolaum, Aiguesium castrum & alia, reliquerit Comiti Tolosano, inuenire non potui: à quo & quam ob causam illi sex denarij dati fuerint, accipe ex charta à Roberto archiepiscopo Viennensi, ac proinde ante ann 1187. scripta Robertus enim obiit anno 1195.

Notum sit omnibus, quod Raimundus Comes Tolosanus, remisit omne ius quod sibi competit siue iure suo, siue iure aliunde sibi acquisito, in argentaria de Taurias, & in argentaria de Sigillierijs, & in argentaria de Chassers; & accipit eos in fide sua nunc & in perpetuum, quod non decipiat eos, nec aliquam violentiam eis faciat, nec castra siue munitiones eis auferat, neque nouas in argentarijs vel super argentarias faciat, nec alij facienti auxilium vel consilium praebeat, & dominos de argentarijs, & res eorum & homines ibi manentes & venientes in argentarias, & redeuntes debet manutenere & defendere de se & de suis, de gentibus extraneis, nec debet aliquid acquirere de feudo Ecclesie per donationem, per venditionem, per pignorationem, vel alio aliquo modo. Et propter hoc Episcopus & domini de argentarijs, donant ei sex denarios pogijs, in singulis maris que percipiebantur in argentarijs, exceptis decimis episcopi, & Ecclesie, & dominorum: homines tamen ultra sex predictos denarios dabunt quantum facit computatio predictarum decimarum. Et sciendum quod domini de argentarijs, iurabunt & baiulos suos iurare facient, quod predictos denarios sine aliqua retentione & diminutione fideliter ei redderit; & quando suas decimas diuident, certiorare debent illum cui Comes reddi voluit. Ad huius pacti confirmationem & testimonium, D. Robertus archiepiscopus Viennensis, presentem paginam super hoc factam, sigillo suo signauit. Raimundus hic Tolosanus Comes, fuit qui Faidæ dicitur, Raimundus enim Constantiæ filius adiit principatum an. 1196. Sed hæcenus super hac tota re dictum sit, redeamus ad Bernonē episcopum.

Anno 1212. accipit à Le. Bremundi de Salue, & Vñ fratre eius, quæ cum ipsis erant in controuersia: & ambo hi fratres fatentur se ab illo habere omnia quæ possident in argentaria. Anno 1214. B. Desiderius antistes Diensis adiit Fridericum II. imperatorem, vt monebam L. II. de Valent. episcopis num. 63. & fecit, vt Bernoni confirmaret ea omnia, quæ Fridericus I. olim præbuerat Raimundo episcopo Viuariensi. Sed nolo prætermittere, in illa Bremundorum fratrum charta pro Bernone Vernonem

scriptum esse, literâ V, posita pro litera B, vt alibi quoque factum dixi num. xxi. Denique, vt hoc addam, Honorius Pontifex Romanus Anno i. sui pontificatus vniuit episcopatu Ecclesiam S. Hilarij de Chasseris: sed tertiusne fuerit qui cepit sedere anno MCCXVI, an secundus vel quartus haud scio, vt hîc de re scriberem fecit illa attenta & accurata in augendo episcopatu cura Bemonis, quam hactenus vidimus, & ea porro elucet in omnibus tabulis homagiorum, quæ plurima de nobilibus viris cepit. Ad ceterarum exemplum sequentes accipe.

- 35 *Notum sit omnibus hominibus presentibus & futuris, quod anno ab incarnatione Domini MCCVII. quarto non. Augusti ego Pontius de Montelauro confessor, & recognosco tibi domine Burno episcopo me tenere habere, & possidere nomine tuo, & Ecclesie Viuariensis, castrum de Mazrel & totum ipsius mandamentum seu tenementum, propter quod ego feudatarius tuus nunc facio tibi hominium, & iuro tibi fidelitatem & Ecclesie Viuariensi, eodem Sacramento promittens quod castrum de Mazrel predictum, & omnes fortias quæ ibi modò sunt, vel in futuro erunt, vel toto ipsius mandamento, ego reddam tibi & successoribus tuis bona fide, vel misso vestro, vel capitulo Ecclesie Viuariensis, vel eius misso si Ecclesia Episcopum non haberet, quætiescunque & quandocunque volueris, legem constituens in posterum omnibus successoribus meis, vt & ipsi hæc omnia similiter facere teneantur. Et ego Burno Dei gratia Ecclesie Viuariensis Episcopus, quidquid in castro de Mazrel modo habes, vel in futuro iuste acquisieris, per me & successores meos, tibi in feudum concedo, & laudo in perpetuum. Acta sunt hæc apud Alanac, presentibus, & ad hoc conuocatis testibus, D. B. Episcopo Aniciensi, D. P. Abbate Mansiade, D. Rodulfo Abbate Briuacensi, Fratre Petro de Castronouo legato sedis apostolica, B. Aspas canonico Aniciensi, Silio archipresbitero Viuariensi, P. Ademarij monacho, P. Falcone, G. de Cornilone canonico Viuariensi, B. Lone clerico.*
- Et ego Raimundus Gnill, cancellarius Domini episcopi presens interfui, & subscripsi.*

- 37 *Vide vt omnia ad ornamentum Ecclesie Viuariensis composita sint, quibus verbis se hominem episcopi fateatur Pontius, quibus verbis hominem suum accipiat Burno: vocati etiam sunt in testes viri præcipui, vnus episcopus, abbates duo, vnus Apostolicæ sedis legatus. Hic verò legatus ille est rebus contra Albienfes hæreticos gestis, & morte pro Christo obita celebramus. Audi Innocentium III. Sanctæ memoriæ frater Petrus de Castronouo monachus & Sacerdos, vir inter viros vique virtuosus, vitâ, scientiâ, & samâ præclarus ad euangelizandum pacem, & confirmandam fidem &c. ob fidem & pacem,*
- 38 *quibus nulla est prorsus causa laudabilior ad martyrium, sanguinem suum fudit. Ad Fanum Egidij casus, sepultus est primùm in clauitro, deinde in Ecclesia monachorum; & autore Vallissarnensi c. 13. cum in hanc ex eo transferendus educeretur, conditorio efflauit suauissimum odorem integer, ac recens toto corpore, vestibusque. Natus Monspelij professus fuerat apud Cistercienses. De viri legatione pontificia ad Occitanos, fusè agunt Petrus Vallissarnensis, & Guilelmus de Podio Laurentio contemporanei, deque recentioribus Catellus l. 2. de Comitibus Tolosanis. Puto Petrum Aimarij monachum, qui subiungitur, fuisse socium Castronouensis. Quod verò Raimundus se dicit cancellarium episcopi, facit quoque ad honorem Burnonis episcopi. Raimundus de Gourdan se maluit appellare notarium anno MCCX.*

in conuentionibus suprà recitatis cum comite Tolosano; quia scilicet Hugo de Cabiracio se non cancellarium, sed notarium Comitum appellabat.

Anno 1213. Petrus rex Aragonum, venerat Viuarium cum Hugone de Baucio vicecomite Massiliensi, ex dote Barracæ conjugis filia Hugonis Gaufridi vicecomitis Massiliensi, & principe Arausicano Locus fecit, vt diuturna contentio Burnonis cum Ademaro Pictauiensi finem haberet Hic vir animorum malè potens non Valentinum modò & Diensem episcopos malè habebat, vt suo loco fusè persecutus sum, sed etiam Viuariensem: volebat vnus dominari Barræ & Rupissaluz, quarum quintam partem ditione tenebat: cum autem Mesenæ imperitaret, nolebat pro feudo suo dicere se clientem episcopi; demum inuito Burnone, exstruxerat Chamairacum castrum in ipsius regiones; & securus querelarum episcopi, porro iactitabat sibi reddenda decem millia solidorum posigiensium, olim data Nicolao præfuli pro negotiis argentariæ. Arago & Arausicanus edixere. Sua quinta Barræ & Rupissaluz pars sit Ademaro, toparchæ reliquis in feudum ipsius, vt apromiserunt, sibi seruent: sed is pro totis castris erit cliens episcopi. Idem Ademarus sibi habeat Balmam, Mesene, & Chamairac: sed pro iis se dicet clientem præfulis, eique decem illa millia solidorum condonabit.

Anno 1216. episcopus, an Burno, an Burnonis successor accepit domi suæ Bertrandum Cardinalem à Pontifice legatum, & Simonem Monfortium, acturos de obsidione Montilij & Cristæ: in illo enim Ademarus Montiliensis, in hac Ademarus Pictauiensis agebant pro comite Tolosano & Albigen-sibus, vt autor est Petrus Vallissarnensis cap. 161. Hic vide animos & sancti-tatem episcopi Viuariensis. Valentia Auenionem vsque, si ad Viuarium excipias, Rhodanus tenebatur ab Albigen-sibus: ad oppidum etiam San-spíritense (tum appellabatur Burgum S. Saturnini) Bertrandus Pontificis Legatus saxis petitus fuerat; vnus Viuariensis episcopus inuentus est, qui fidam stationem daret nauibus Monfortianis, & ad vltiorem ripam faceret viam; hostibus longissimè totà, ad Auenionem etiam, regione tendentibus ne quidquam, pugnantibusque. Ab eo anno ad 1220. grande super episcopis Viuariensibus, est silentium tabularum mearum.

Anno MCCXX. Guilelmus III. erat Episcopus, quo Alazais de Comilon dedit ei Cornilonum pagum: sequente verò canonicis suis condonauit ne-scio quos census, & seu morte seu alià ex causa, id enim obscurum est, episcopatu cessit. Nam anno MCCXXII. sedebat Viuarij Bertrandus de Andusia ex rituali canonicorum, qui liber magistri chori appellatur. Cum etiam se-dederet sequente anno, minor quæ dicitur præbenda, instituta est à collegio ca-nonicorum. Bermundum inuenio appellatum à Clemente IV. Pontifice. Hoc fuit gentilitiū nomen, Andusianum verò illud cognomē, ex oppido paternæ ditionis acceptum. *Petrus Bermundi filius Bernardi de Andusia dominus de Salue,* vt ipse de se loquitur Innocentio III. in eius regesto xv. epist. cccxx. Ante annum MCLXXXIII. duxit filiam Raimundi Faidæ comitis Tolosani, post mortem regis Nauarræ prioris mariti, ex Guilelmo de Podio Laurentij cap. 5. Bertrandus Episcopus dicatur illius frater; & quidem ambonum quoque fra-tres fuisse ego quidem putabam Bermundos, qui anno MCCXX. dederunt Burnoni antistiti ea omnia, quæ habebant in Argentaria, de quibus Bemar-dus pater conuenerat cum Nicolao Episcopo anno MCLXXXVIII. vt non

immeritò Petrus in epistola cit. laudauerit suam gentem à pietate. Neque ea multùm erat post Tolosanam, vt ex nuptiis Petri intelligis; atque fortassis descendebat ab illo Bermundo, quem Ademarus Cluniacensis cap. xviii. miraculorum S. Benedicti, docet datum Aruernis Comitẽ à Carolo magno, qui Corsonem siue Torcinum, aut Corfone remoto Guilelmum, autorem Tolosanæ gentis, inposuit Comitẽ Tolosatibus.

44 Bernoinus. Ab anno MCCXXXIII. omnes chartæ de episcopo tacent per annos XI. Bernoinus episcopus, anno MCCXXXV. accepit à Friderico II. confirmationem eorum omnium, quæ ante ipsum imperatores, & reges concesserant Ecclesiæ Viuariensi. Inter alia accepit pedagium terræ & aquâ per Duzeram & Burgum S. Andeoli, vsque ad flumen Arduchi veteris, quod est limes imperij, & similiter per Viuarium, & per castrum de Tilio. Anno 1236. Petrus de Vogorio confirmat venditionem omnium pascuorum, quæ pater habuerat contra ardechiam fluuium vsque Berc monasterio Mansiada, Bernoino episcopo. Hic non debeam, nec possim prætermittere pietatem episcopi, & canonicorum. Isti anno MCCXXXVIII. illo probante constituerunt, vt ab octaua Pentecostes vsque ad Aduentum, & ab octaua Epiphaniæ vsque ad carnispruium, singulis Sabbatis fieret officium B. Virginis in maiore choro. Sed quæ causa sapientes viros ad hoc, præter consuetudinem statuendum commouerit, non inuenio.

45 Hoc eodem anno 1238 legitur in chartario Mansiada Guilelmus de Morta dedisse sua in S. Andeoli de Berco prædia, cùm Bremundus federet Viuarij. An errauit scriba, posuitque Bremundum pro Bernoino, certe illum hic præcessit; qui Bremundus Bernoino successerit, non inuenio. Maximè cùm legamus Sebastianum eo ipso anno 1236. quo Bernoinus est mortuus sedisse. Enimvero Sebastianus Episcopus eo anno dedit baroni Albenfi canes duos, & quod mireris, Petrus Ricardus scriba rem posuit in tabulis publicis. Res equidem leuissima est hæc, verùm non raro ita fit vt leuiculus ad grauissimarum cognitionem nos ducant. Sebastianus successisse videtur Bernardus de Arausica. sedebat enim anno 1234. ex quorundam testium examine, de donatione prædij rustici ab aqua Alsonis vsque ad Bercum, monasterio Mansiada à Dalmatio de Vogorio. Post Bernardum Arnaudus, siue Arnaldus fuit episcopus Viuarij vt conuentiones eum, de pascuis alpium annis 1246. 1247. 1248. affirmant. sedisse anno 1250. docent conuentiones eiusdem monasterij de Valleuinaria; & homagium quod ei fecit Baro Albenfis: sedisse anno 1251. tabulæ de nescio qua hæreditate inita per iudicem, vt habet chartarium Mansiada. Aimarus Arnaudo successit: dominus Rupicolubæ se ipsius clientem dixit anno MCCLII. Ab isto anno ad annum millesimum ducentessimum sexagesimum secundum, nihillego de Viuariensibus episcopis: isto Aimo Episcopus, an Aimari successor? dedit Baroni Albenfi canes duo, & Petrus Limarin scripsit munus in publicis tabulis.

46 Hugo de Turre. Hugo de Turre sedit post Aimonem. Eum memorant tabulæ publicæ annis millesimo ducentesimo sexagesimo tertio, millesimo ducentesimo sexagesimo quarto, millesimo ducentesimo sexagesimo quinto, millesimo ducentesimo sexagesimo octauo, millesimo ducentesimo septuagesimo octauo, millesimo ducentesimo octogesimo, millesimo ducentesimo octogesimo.

gesimo septimo, millesimo ducentesimo octogesimo nono, anno 1263. tabula docent contentione aliquid olim fuisse Aimaro episcopo, cum Ademaro Pictauiensi Comite Valentino. Causas rixarum non inuenio si quid ex anterioribus litibus, quas arbitrarij iudices composuerant, colligere licet, puro Pictauiensem turbasse nonnihil propter decem illa millia solidorum condonata Burnoni episcopo. Scilicet vir quietis malè cetus, atque, vt ex bellicis per ipsum tumultibus totis Valentinorum, & Dienfium regionibus intelligitur, ecclesiasticorum opum appetès, pactorum iniquitatem queritabatur; Igitur vir præcipitis ingenij eò irarum adductus est, vt obsideret castrum Montispenferij, & alij ad facinus ingemuere, & Dienfis episcopus Viuariensi fuit auxilio. Is erat Amedeus, genere Geneuensis; publicæ tabulæ docent fuisse fratrem Aimari: vt non mireris ad arma pro eo venisse, & videas Aimaro etiam fuisse genus Geneuense. Pictauiensis non fuit par ambobus episcopis fratribus, & obsidione castri solutâ discessit inglorius. Sed Amedeo Aimarus se scripsit obstructum pro belli impensis; cùmque per vitam non fuisset soluendo, neque post ipsum Aimo episcopus nomen omne expediuisset, Hugo demum illud explicuit. Legi partem huius aris alieni, soluiffe Amedeo per Ioannem Aimarum Burgensem anno 1264. quo anno vnum aliud longè illustrius in eodem castro fecit: appellatur illud & Castrum Montispenferij, & Castrum nouum, ab eoque nomen acceperat, quæ olim toti dominabatur gens Castronouensis. Guido ex illa progenitus, & antiquæ ditionis alia, & pedagium terrâ Rhodanôque sibi sumebat. Hoc episcopus ab ipso, & à Laura matre, ne quid turbatum aliquando cieret dotis nomine, emit anno MCCLXIV. Iam Burgundio Mondonis filius anno millesimo ducentesimo sexagesimo tertio vendiderat Hugoni episcopo res suas Castronouenses; & Aimo ante Hugonem antistes, ab eadem Castronouensium gente, omnia in illud castrum iura emerat. Summi principatus ea iura erant. Igitur ipsorum emprio varias per plures annos contentiones peperit, quas demum Hugo episcopus finit anno 1278. Gaufrido & Bertrando filiis Manonis mansit nomen Castronouensium, datâque ipsis ab Hugone nonnulla tum Viuarij, tum aliis per episcopatum locis iura. Sed Claudius à Turnone episcopus anno millesimo quingentesimo decimo septimo vendidit regi supremum hoc dominium seruato nomine principis.

Neque inferiora peregit annis sequentibus Hugo episcopus, vt statim videbimus. Nunc aduerte, anno MCCLXV. ipsum & Viuariense canoniconum collegium, compromississe super damnis ex erecto primùm, postea deiecto pariete, sub campanili sancti Vincentij. Tria docent vixisse anno MCCLXVIII. exscriptio tabularum Caroli regis quem Lotarius imperator genuit: emprio nescio cuius rei à Crescat & Mozelat ludæis per Pontium Lheurardum, fundatio maioris (vt loquuntur) *præbende* in Ecclesia Saniuincientiana. Quoniam ista fundatio habet aliquid singulare, iuuat de ea dicere. Capitulum, & Rostagnus de Rhodano clericus illam constituerunt. Et quidem capitulum certam frumenti viniq; mensuram annuatim addixit, Rostagnus verò reditus, quos adiculæ in sancti Vincentij conditæ attribuerat. Eo autem consilio ipsam constituerunt, *vt capellanus teneatur residentiam in Viuariensi Ecclesia facere, & diuina officia continuè celebrare, & interesse horis omnibus in dicta Ecclesia, sicut cantor.* Sed istud hætenus. Ab anno, quo istud sacerdotium erectum

Etum est, ad annos omnino decem, nulla mearum tabularum meminit Hugonis Antistitis. Anno MCCLXXVIII. conuenit cum archidiacono de iurisdictione archidiaconatus. Scilicet is censetur inter ordinarios, & Alexander III. in concilio Turon. cap. vii. *ad agendas*, inquit, *uices episcoporum & archidiaconorum, & terminandas causas Ecclesiasticas* & Matth. Paris. in veter. consuet. Anglorum sic loquitur: *de appellationibus si emerferint, ab archidiacono debet procedi ad episcopum, ab episcopo ad archiepiscopum*. In tabulis Cortesferæ lego Hugonem sedisse anno 1280. Sedebat anno 1287. ex conuentionibus monachorum Mansiæ, cum canonicis Viuariensibus⁵⁰ super decimis *terrarum noualium, & aliarum*, pratorum, hortorum, &c. Grauis & diuturna Hugoni fuit contentio, cum suorum canonicorum collegio de pluribus capitibus, & potissimum de iurisdictione Viuarij & Burgi sancti Andeoli, atque iuribus in canonicis & alios qui ad capitulum pertinent. Cùm denique constitissent stare iudicio archiepiscopi Viennensis, is plurima edixit anno MCCLXXXIX. quia per innumeros illa versùs benè multis tenduntur paginis, non placet fufius persequi ad alia properanti. Et mirabitur fortasse quispiam, nullum aut certè non uehementem & grande, ad Hugonis vsque tempora fuisse canonicis dissidium, cum suo episcopo per annos mille. At enim verò semel dissuta concordia, non facilè restituta est; & quæ anno millesimo ducentesimo octogesimo nono, prorsus instaurata putabatur videbimus sapiusculè pollutam annis insequentibus, itaque ad noua fœdera redeundū annis 1207. 1363. 1407. 1429. 1434. 1438. 1448. 1464. 1526. quid? quod denique anno millesimo sexcentesimo quadagesimo secundo, post multam litem ad alia pacta ventum est. Ceterà quid Hugo fecerit, post initam cum canonicis suis pacem. nemo afferat tacentibus chartis omnibus. Cùm ea digerebatur in articulos suos per archiepiscopum Viennensem, emit pedagium, quod Hugo Michalhe habebat Burgi, iam tum meditantibus episcopis congerere in vnum ea omnia, quæ imperabantur Viuarij, Burgi, Castronoui, Dozeræ, Tilij, & aliis locis in ditione antistitis. Denum eodem anno 1289. Hugo interfuit concilio Viennensi, cuius decretorum titulos recitat Ioannes le Lieure in antiquit. Viennens. cap. xviii.

50
Regim.
de Fal-
gario.

Post Hugonem Guilelmus de Falgario, fuit episcopus ex ordine Minorum assumptus: maiores in veteribus chartis tradunt fuisse *virum sciensificum & generosum*. hoc fuerit ingentium animorum, illud singularis doctrinæ. Seddit an. MCCLXXXIV. & MCCLXXXVI. fuit carissimus Philippo Pulchro regi, & ab eo pro doctrina atque prudentia adhibitus ad consilium secretius. Eodem anno emit pedagium Dunzeræ à Guidone de Castronouo; & à Guilelmo de Dunzeræ castrum & mandamentum eiusdem Dunzeræ, resque illius positas Petrelatæ. Hoc de pedagio Dunzeræ nunc afferro; & illud de pedagio Castronoui empto ad Hugone. anno MCCLXIV. annotaui, vt intelligas Innocentium III. non de vtriusque antiquo & iusto portorio, sed de aliis exactionibus recens perque nefas inuentis, locutum anno MCCX. Abbati Cisterciensi in hæc verba regesto 12. epist. 39. *Cùm in nobiles viros Comitem Forcalariensem, G. Ademari, Lambertum de Montelio, dominos & dominas Castronoui & Dozeræ, Siluium de Crista, Alasiam de Roca, Prepositum Valentium, Artaldum de Rossillone fratrem ipsius & quosdam alios propter pedagia, exactiones indebitas, & alias iniquitates, quas in stratis publicis & fluminibus committere non*

verentur,

verentur, à te (fili abba) de multorum Prælatorum consilio sententia fuerit promulgata, discretioni vestra per apostolica scripta mandamus, quatenus eundem sententiam rationabiliter latam, faciatis, appellatione remota, per censuram Ecclesiasticam usque ad satisfactionem condignam firmiter observari. Nam si noua & iniqua fuissent ea duo portoria, & à Legato primum apostolico in plurium episcoporum Concilio, deinde à Summo Pontifice damnata, quis putet ultra annos 90. porro perdurasse, præsertim à non multum illustri potentēque toparcha, ad plurimarum & vrbiū, & regionum grande damnum inuenta, & demum ab episcopo sacrarum religionum, & omnis æquitatis doctore cōinpta fuisse?

Guilermo mortuo Adelbertus de Petra episcopatum iniit. In antiquis tabulis dicitur fuisse *vir nobilis & potens* scilicet genere: at quæ fuerit Petraræ gens vnde ducebat originem, & quàm latè dominata, non addunt, neque vllibi chartarum inuenio. Hic ille est episcopus qui anno 1300. venit in pacta cum Philippo pulchro rege: sed inuidere nobis tempora sapientiam tanti præsulis, & perdere chartam conventionum episcopi cum rege. Existimo ego malè tum certa fuisse fœdera, atque (vt in maximis quibusque rebus euenit) rudimentum mage pactorum informis, quàm vera duraturæque pacta: etenim postea anno 1305. ipse cum suorum canonicorum collegio probauit, quæ ad regem Legati constituerant. Audi tabulas publicas. Nos Adelbertus Dei patientia episcopus, & Guilelmus præpositus, & capitulum Ecclesiæ Viuariensis notum facimus: quòd cum super iure superioritatis regalie, & ressorti nostri, Ecclesiæ nostræ ciuitatis ac temporalitatis Ecclesiæ nostræ, ac subditorum Ecclesiæ ipsius in Rhodano ac circa Rhodanum, quoad superioritatem attinet temporalem inter nos ex vna parte, ac gentes excellentissimi principis D. regis Francorum ex altera, verteretur materia questionis, tandem super his, & ea tangentibus, inter procuratores nostros ad hoc specialiter destinatos, & gentes dicti D. Regis tractatus fuit habitus compositionis, transactionis, & conditiones solennes in hunc fuerunt tenorem qui sequitur continentes. His dictis subiiciunt capita conventionis cū rege per legatos inite, iisque recitatis sic addunt: Nos igitur visis & diligenter inspectis cōpositione, transactione, & conuentione prædictis per dictos procuratores nostros, pro nobis & Ecclesiæ nostræ.... & ibi compositis cum gentibus D. Regis, prædictam compositionem & transactionem, ac conuentiones easdem, ac omnia & singula contenta, in eis modo superius expressato probamus: ratas & gratas habemus, & nos successoresque nostros solenniter promittimus seruare, accordare, & complere. In quorum testimonium & munimen sigilla nostra capituli & episcopi duximus apponenda. Actum Viuarij Februar. anno millesimo trecentesimo quinto. Procuratores episcopi & capituli fuerant Raimundus de Conareto, Raimundus de Gorcia Viuarienses canonici, Armandus deone officialis Viuariensis, & Petrus Melheri iudex Viuariensis. Rem peregerant Lugduni 3. nonas Ianuarij, capita verò conuentionis hæc fuerunt potissima. Fatemur & recognoscimus D. episcopum, capitulum, Ecclesiā, & ciuitatem Viuariens. terram & totam temporalitatem D. episcopi, capituli, ac subditorum suorum in Rhodano & circa Rhodanum existentes, D. regi & ejus regno esse subiectos quoad superioritatem attinet temporalem. Episcopus, & successores sui, Viuariens. episcopi, qui pro tempore fuerint jurare debebunt, se esse fideles de personis, & terris suis D. regi & successoribus suis regibus Francor. licet terram

51
Adelbertus de Petra

52

53

suam à nemine teneant, sed allodiam habeant. Non poterit D. rex deinceps aliquid de nouo acquirere in terrâ D. episcopi vel capituli, in qua omnimodam habent iustitiam, non in feudo, vel retro feudo eorum, sine consensu D. episcopi & capituli, non aduersationes nouas vel noua gandargia recipere. Portare debebis D. episcopus deinceps arma regia, & eis uti in vexillis. Donauit rex episcopo, quidquid de iure vel de facto acquisiuit in villâ sancti Iusti Viuariensis, eiusque territorio & districtu. Vacante sede Viuariensi non impediunt gentes nostre quominus custodiam terræ, & beneficiorum episcopi habeas capitulum, prout ad ipsum de iure, vel consuetudine noscitur pertinere. Cetera minutiora sunt, quàm ut operæ sit alicujus ea recitare: ferme pertinent ad iudicia & eorum exercendorum rationem, aliquidve suppar. Denique procuratores episcopi & capituli, finierunt in hæc verba: Premissa vero omnia & singula, tunc demum & non antè, vigorem, effectum, & virtutem habebunt, cum & S. sedes Apostolica prædicta omnia duxerit concedenda: aliter autem pro nullis & infectis penitus habeantur. Hæc illi anno 1300. Adelbertus erat episcopus anno 1303. ex homagio Petri Bernardi: anno autem 1305. ea cum rege Francorum per procuratorem pacta probauit tabulis à me lectis. Sed viri mors non multo post secuta fecit, ut quæ rata habuerat, suos exitus non facile inuenirent. Scilicet vacabat sedes anno 1306. die 5. Iulij ex iniunctione armorum hominibus Villanoux de Berco à monachis Mansiada ad defensionem domus, seu grangie de Berco, ut legitur in eorum chartulario.

DE REBUS GESTIS

EPISCOPORVM VIVARIENSIVM

LIBER QVARTVS.

1
Ludouicus
cum de
Picta-
nia.



1 GITVR Ludouicus de Pictauiâ post Aldebertum episcopus, ille est qui Viuarium & omnem episcopatum Viuariensem, omnino restituit regno Francorum post annos quadringentos. Cum Bosso, imperatore Carolo Caluo, duxisset Hermengardem ex Ludouico fratre Caroli neptem, & seu imperatoris munere, seu ex dote vxoris, & alias regiones & Viuariensem regno quod fundabat inseruisset; ab eo ad alterum Bosonem reges aut Prouinciæ, aut Arelatensium, aut Burgundiæ, omnibus enim his nominibus dicti sunt, atque à Bosone altero imperatores Germanorum, sibi Viuarium cum episcopatu vniuersaque regione habuerunt. Sed alij reges Francorum alijs temporibus Arelaten, Prouinciâ, Delphinatû, & reliquas ferme omnes illius regni partes reddidere Francis, Philippus verò Pulcher conuentionibus cum Ludouico episcopo & capitulo initis recepit Viuarium & omnem ejus episcopatum, etsi alijs quoque temporibus alij reges eum sibi subditum habuissent, ut de Odone & Roberto
2 suis locis annotaui. Is episcopus anno 1306. appellatur electus Viuariensis in pactionibus Guilelmi de Castronouo cum Petro Marroan. Jam episcopus anno 1307. Scripsit nobiles illos pactorum cum Philippo rege articulos, qui ad hæc usque tempora singulis post eum regibus probari sunt. Res est in omnem partem magna & illustis, atque à me hoc loco commemoranda
Audi

Audi edictum regis. *Compositio, transactio & conuentio* cum Aldeberto episcopo nondum fuerat in omnibus executæ, tandem dilectus & fidelis noster Ludouicus Viuariensis episcopus, Remundus de Garcia archidiaconus & Arnaldus Armandi Vicarius pro se & procuratorio nomine capituli, nostre maiestatis presentiam aduētes, visâ & diligenter pensatâ dictâ compositione, & transactione cognoscentes, de ea certiorati eam fore utilem & necessariam utilitati, quieti, & securitati dictæ ecclesiæ, eam laudantes approbauerunt, ratificarunt, & innouauerunt, & etiam nobiscum ipsam compositionem de nouo inierunt, & nobiscum conuenerunt. Quæ capita conuentionum Aldebertinarum nondum essent executioni mandata, cum Rex ita loquebatur, non inuenio : quæcunque illa fuerint, episcopus & canonici singula nunc instaurarunt, firmauerunt quæ præcipua retuli superiore libro, num. 54. & 55. nunc addo vnum ibi omissum. *Erunt episcopi Viuarienses de consilio nostro regio, & successorum nostrorum : & cum sacramentum fidelitatis præstabunt, non irabunt etiam consilium nostrum, prout moris est alios prelatos de consilio nostro iurare* Atque ista hæctenus. Puto Ludouicum ante Parisiis quàm excederet, dixisse regi sacramentum, egisseque in eius consistorio consiliarium. Certè pro insignibus siue armis episcopalibus, accepit lilia de scuto regio, & ipsum, hac in parte, ceteri ab illo antistites, ad istum diem secuti sunt. Hoc aduerto vt Papirium Massonum non audias, cum in Rhodano suo tradit Ioannem Francorum regem concessisse Ecclesiæ Viuariensi pro aquila liliis vii. Ad eruditi viri manus non peruenerant tabulæ patrum Philippi Augusti Francorum regis, cum Aldeberto & Ludouico episcopis.

Archium canonicorum Viuariensium habet tabulas, quæ docēt Ludouicum de Pictauia antistitem fuisse annis MCCCXIII. MCCCXVII. In istis vltimis Capitulum fertur conuenisse cum præcentore ; sed quid ei cum ipso dissidij esset, non addit. Demum, vt hoc non taceam, Esmemarte Abbatissa de Merchoyra, Cisterciensis Ordinis in diocesi Mimateni, anno & die incertis pollicita est tres libras ceræ annuatim soluere in synodo pro synodatico cathedratico, propter illa quæ Rando, & Guilelmus Randonis filius, toparchæ Luci, dederant eius apud Pontem de Vaycia monasterio. *Cathedraticum* autem, inquit Glossa c. conquerente de Officio Ordinarij, appellatur, quia pro honore cathedra datur. Quandoque appellatur synodaticum, quia in synodo datur. Ecclesiæ dabant pro eo solidos duos ex decreto Honorij III. & Bracarensi II. *Monasteriorum tamen basilicis ab hac solutionis pensione seiunctis*, vt præcipitur in Tolet. 7 c. 4. & refertur c. inter cetera 10. qu. 3. Igitur quod lege non debebat, ad hoc sese ipsa obstrinxit Esmemarte.

Guilelmus de Flauacourt, vir gente, doctrina, pietate nobilis, Ludouico Pictauiensi successit in episcopatu, lectus anno MCCCXIX. vt legitur in constitutis à Capitulo. Postea fuit Archiepiscopus Auxitanus, & abeuntis Viuario locum impleuit Petrus de Mortuo mari, ita dictus à Mortuo mari, loco in Lemouicensibus, vbi & tria monasteria erexit, & cum hac epigraphe tumulatus est, *vbi natus ibi sepultus*. Sedebat Viuarij ann. MCCCXX. ex emptione agrorum nescio quorum in mās de Volec, cultorum, & in cultorum : anno 1324. die 31 Augusti, ex tabulis, quibus Guilelmus de Baladino pollicetur præstiturum se monasterio Mansiæ damnum ex eo obueniens, quod locus de Vazellis est in regis clientela, quem eâ liberū dixerat cum venderet,

- 8c. ann. mcccxxv. ex testamento Guilelmi de Samfone : vt satis mirari non possim Andream Fauinum l.2. theatri cap. 12. afferre sequentia. *Hæc fuerunt ordinata in concilio celebrato apud Asnerias die lune ante Ascensionem Domini 1321. &c. Item ordinatum est eadem die per D. regem in consilio suo, presidentibus*
- 6 *D. de Valesio, D. Roberto Atrebate Episcopo Viuariensi, &c.* An qui apud Sanmarthenfes Robertus, Roberti secundi Atrebatum Comitis filius, per hæc tempora innuptus & iunior vixit, Sacris rebus à puero addictus destinabatur episcopatu Viuariensi, vt non rarò fit in principum virorum familiis, quem traderit Petro de Mortuomari, dum tamen palatinorum vulgus ipsi nomen episcopi tribuerat? Vt vt hoc habeat, Petrus anno post vicessimum quintum supra millesimum trecentessimum transiit ad Episcopatum Antifiodorèsen, tum Cardinalatu, ac demum etiam Sabino episcopatu donatus est. Certè Aimarus sedit anno 1327. die 15. mensis Octobris, ex quadam recognitione abbati Mansiada; & ex tabulis, quibus Ioannes de Vazellis & Pontius de Vafelis vendunt Guilelmo de Rhodano medietatem Defensi Coyrati, in loco qui vocatur *salauanta*. Anno 1328. sedit ex tabulis matrimonialibus à Guilelmo Bastidono scriptis & peruenit ad 1330. ex procuracione Capituli super conuentionibus ipsius cum præcentore. Sed eodem anno Henricus de Villars suffectus est Aimaro, ex nescio qua emptionis charta; in chartulario Mansiada dicitur fuisse Episcopus anno 1332. cùm emebatur nescio quod *Defensum*. Anno millesimo tricentesimo trigesimo tertio, cepit homa-
- 7 gia Bernardi de Gaudiofa, Petri de Mirabello, Petri de Tilio, Hugonis de Vissello, Rainaudi de Vogorio, Guilelmi de Taurianis, Pontij de Montelauro, Bertrandi de Chassalibus, Guilelmi de Baladuno, Hodilonis de Vernone, Petri de Brisfone, Bertrandi Monachi, Pontij de Garda, Raimundi Bertini, Incelini de Lauraco, Audeberti de Montebrisfone, Giraudi de Montealto, Giraudi Ademari, aliorumque nobilium virorum, quæ sinceris inscripta tabulis, habet etiam nunc episcopium Viuariense. Eodem anno mcccxxxiii. vnum quid memorabile gestum est in capitulo. Opes illius variis cladibus multum attrita fuerant, neque pro tam illustri ecclesia sufficiebant canonicis; igitur vbi diu sustentata fuisset egestas, omnesque rei restituendæ moditentati, denique sapientibus viris occurrit, numerum canonicorum, (erant illi supra quadraginta) minuendum esse, & quidem omnino media parte, in id omnes communissimo consensu conuenerunt Henrico antistite. fuerunt ad xxvii. in eo confessu. Audi constitutionem quæ tum ab iis facta est.
- 8 *Guido de Castronouo Præcentor, Albertus de Càires Sacrista, Hugo muli Vicarius, Raimundus de Samfone, Guilelmus de Mirabello scholasticus, Dalmatius de Gorgia, Raimundus de Gorgia, Pontius de Samfone Legum doctor, archidiaconus de Seya in ecclesia Legionensi, Guilelmus de Samfone, rector de Gurgie petra, Guilelmus Aynardi rector S. Marcelli, Reimundus de Samfone rector S. Arcentij, Armandus de Combis rector S. Albani, Pontius Malbani rector Sancti Martini Valgorgie Joannes Malbani rector ecclesie de Gorgia, Garinus de Gaudiofa, Planstanus de planfiano operarius Viuariensis, Petrus de Serefuderio iurisperitus Vincentius Amblaudi, Raimundus larente magister in medicina, Hugo Seutre rector S. Andeoli de Berco, Petrus de Balneis rector S. Saluatoris, Pontius Maliani, Bertrandus Melheti, Raimundus Audoardi, Hugo Garbes, Beraudus Lamberti, & Pontius Bressachij canonici Viuarienses capitulantes &c. in capitulo generali &c. Inuenio fuisse omnino*

Henri-
cus de
Villars.

nino quadraginta tres. Post paucos annos Aimato de Vouta episcopo. Illorum autem constitutio æqua deinde visa est Clementi VI. anno 1. Pontificatus, 2. idus Maij. Anno 1336. Henricus è Viuariensi transiit ad Valentinam sedem, vt docui 3. de Valentinis episc. numero 55. & pro eo Aymar de Vouta pridem Valentinus anristes adiit Viuariensem, & in ea fuit vsque ad annum 1365. vt intelligitur ex sequentibus. Scilicet viuebat anno 1337. ex nescio cuius operarij sacramento de iis, ad quæ peragenda tenebatur; anno 1338. ex vnione ecclesiæ Salauatij, cum sacristia Viuariensi; anno 1340. ex quodam laudimio abbatis Mansiada; anno 1341. 1342. ex *deliberatione* (Gallicè deliurance) *Luede ponderis*, &c. & ex homagio Prioris Albensis; anno 1344. ex tabulis, quibus *Raimundus de Marcello de Mirabello*, & Lucia vxor vendunt Petro Chautardi, & Raimundæ vxori *terram in mandamento Mirabelli*; anno 1345. ex petitione solidorum à singulis hebdomadariis, & solidorum 15. à capellanis Balmæ; anno 1346. ex vnione curæ S. Iuliani de Saluatio cum sacristia Viuariensi. An est hæc ecclesia Saluati, iam ei vnita ab annis 8. vt ex ignoto defectu vnienda illi rursus fuerit? Anno 1347. pestis per vniuersum ferme orbem grassata est, Viuariumque sic depopulata, vt vix decimus ciuium post eam superstes fuerit. Latrones vti occasione vastitatis, vbi totas dies per agros retendissent insidias viatoribus, se per noctem recipiebant ad suburbia. Igitur Tolosani senatores ista euerterunt, vt deiectis sicariorum receptaculis infesta rura non essent. Per eam pestem inclaruit pietas & charitas tum episcopi, tum canonicorum, eoque peruénit vt cum fames ad diuturnam tabem accessisset, etiam altarium vasa confregerint, egestati ciuium subleuandæ. Porro ad B. Virginis auxilium, depellendo malo confugerunt. Vide quid constituerint. Liber ritualis, quem à magistro chori appellant, ita habet. *Scien-* 10

dum & memoriter tenendum est, quod sub anno Domini 1348. ante vel post dies aliquos, epidimia quedam, seu letalis agritudo sexum vtrumque, virorum scilicet & mulierum, adolescentium crebrius quàm paruulorum & veterum, certissimè verò dominarum pregnantium, vniuersaliter & per omnes partes sic inuasit, vt alios febris pestifera cum sputu sanguinis, alios venerosi tumores, seu bossæ apostematice sub axillis & inguine, alios verò diuersæ anthracis & carbunculorum species irremediabiliter affligerent, quod vix aliquis hac peste percussus mortem euaderet. Communiter estimantes decimam partem populi superfuissè. Ex quo tempore venerabile Viuariense collegium, pro Dei misericordia per intercessionem gloriose Virginis obtinenda, hanc piè & deuotissimè consuetudinem introduxit, vt statim post Completorium, dicant in choro omnes simul, diebus singulis, vnâ ejus antiphonam cum oratione modulatis vocibus. Cantatur autem sciatim & successiue. sed redeamus ad Aimarum de Vouta episcopum. Sedebat ille Viuarij 11

anno 1350. ex concessione centum librarum annui redditus à Ioanne Francorum rege; anno 1351. ex annumeratione sortis earum; anno 1352. ex reductione census cuiusdam terræ, ex inuestitione diuersorum hominum ab Abbate Mansiada, ex recognitione Trucheti Abbati Mansiada, ex inuestitione cuiusdam terræ Vitali ab eodem; anno 1357. ex recognitione Cæcilie Stephani Columbenij vxoris Abbati Mansiada, & ex mutatione quadringentorum florenorum ciuibz Viuariensibus; Anno 1360. ex subhastatione furni, Leidæ, & aliorum onerum Villanouæ de Berco, atque demum an- 12

no millesimo trecentesimo quinquagesimo quinto, ex electione procuratoris canonicorum in suum procuratorem, & donatione octingentorum florenorum auri supra mille, capitulo in stipendium clericorum orantium pro mortuo, prima die singulorum mensium. Hac donatione peractâ, mortuus est antistes, omnium memoriâ sæculorum victurus.

13 *Petr. de Sorcena. co.* Post Aimarum de Vouta Petrus Amelij de Sorcenaco, seu Sartacenaco, fuit episcopus ex auditore Rotæ Pontificiæ. Gallia purpurata facit Cadurcensem è Sortenaco, sed distinguit à Petro de Sorcenats, seu Sorcenico, quem vult ortum è Soricinio, agri Tolosani villa. Hic ubi paucos menses, aut vnum fortasse annum sedisset Viuarij, euectus est ad archiepiscopatum Ebredunensem, anno sexto supra millesimum trecentissimum sexagesimum: à Pseudoclemente septimo factus Cardinalis, moritur Auenione anno millesimo trecentesimo nonagesimo. Tu non miraberis doctum, & sapientem virum sterisse à falso Pontifice: statim videbimus hoc alijs Viuariensibus episcopis & Ioanni de Bruniaco euenisse: infelicissima tempora, sapientissimos vniuersâ Europâ viros habebant dubios, super vero Pontifice; & alij etiam principes cum suis prouincijs pro alio nitebantur. Sed non postulat locus de re dicere; quod nostrarum est partium, sequamur annos antistitem Viuariensem, & per eos ab ipsis gesta.

14 *Bertr. du de Castronou. no.* Petro Ebredunum eunte, Bertrandus de Castronouo Viuariensem episcopatum intrauit: alij vocant Bertrandum de Chalanconio. Reor alterum viri nomen à gente, alterum à gentili ditione ductum esse; sed earum quod ditionis, quod gentis fuerit nescio. Chartæ Viuarienses tradunt sedisse usque ad annum millesimum trecentissimum septuagesimum tertium. Franciscus Ægidius anno sexagesimo sexto acceptam nescio quam pecuniæ vim reddidit creditori, alius verò *acquisiuit* eminam frumenti annuam à Guilelmo de Rhodano Viuariensi: & nescio quis aliud quidpiam emit anno sexagesimo octauo; Anno 1371. sedisse legi in *recognitione medietatis totius Facti de Clus, constantis ex hospitij &c. à Petro Costini* monasterio Mansiadæ; demum alius Castronouensis, Donzeræ anno septuagesimo tertio professus est, se domum à Capitulo habere in feudum nobile: & scribæ annotarunt ea facta Bertrando episcopo. Res exiguæ illæ quidem sunt per se, verum ad temporum cognitionem pernecessarias esse non negabis.

15 *Beraldus. Bernar. dus de Agrifolio.* Beraldus anno tercio supra millesimum trecentissimum septuagesimum facit homagium Regi. Post Beraldum Bremundus sedit anno 1375. ex chartâ, in quâ recitantur conuentiones Abbatis Mansiadæ cum de pascuis Alpium. Eodem anno sedes vacat ex eadem chartâ. Bernardus de Agrifolio prior S. Martini Parisiensis, erat episcopus anno 1376. fratres, aut cognatos habuit Cardinales Guilelmum nepotem Clementis I Pontificis, & Faiditum cognomines; quorum ille scientiâ juris notissimus Clementem antipapam iuuat & auxit omnibus ingenij viribus. Anno 1376. cepit homagium Raimundi de Fabregoles, & 28. Ian. nonnullas Castronouensium recognitiones, anno 1378. Domini de Bazaluc; anno demum 1379. sacratiæ Viuariensis.

Anno 1380. sedere dicitur duabus in chartis. Prima est quâ Raimundus de Montealto asseritur die vigesimâ primâ Iulij *pratum acquirere*. Secundâ Catha

Catharina de Albinachio traditur die 19. Nou. remittere deussum juxta crosum de Salananta mandamenti S. Andeoli de Berco & parœcia Mercoprasij. Ambas chartas legi ego in chartario Mansiada. Verum hîc hæreo. Nam Petrus Guigonis scriba in recognitionibus sacristiæ S. Vincentij Viuariensis testatur Guilelmum sedisse anno 1379. & aliis in tabulis habetur Ioannem sedisse anno 1380. quæ scilicet agunt de amplificatione castellanie Vianesi in ecclesiâ Viuariensi S. Laurentij vt postea videbimus. In re difficili tu dic, cum Bernardo cogitare de deferenda ecclesia Viuariensi electum fuisse anno 1379. Guilelmum, cumque pro morte aut aliâ ex causâ nobis ignotâ, non habuisset res suos exitus, Ioannem ejus locum impleuisse. Hac neque aliâ ratione Guilelmus & Ioannes dici potuerunt Episcopi Bernardo sedente.

Ioannes hic ille est de Bruniaco. Vir prudentiæ singularis, & ingentium animorum fuit, ac necessarius Ecclesiæ suis temporibus. Sunt qui appellant Ioannem de Embroniaco, quia in erectione Auenionensis collegij, quod à sancto Nicolao dicitur, voluit vt inter viginti quatuor, quibus sedes parabat, essent duo Ebredunenses collegæ: addunt etiam nonnulli Embroniacum è vulgi sermone vocatum pro Ebredunensi, vt si ortus è patre Ebredunensi, fuerit natus ipse in Sabaudia. Carpentarius in historia Cameracensi vulgari lingua vocat De Brogni. Larvatus ille Pontifex Clemens dixit Cardinalem anno MCCCLXXXV. sed audi Ciaconium.

Videns post Clementem Gregorij duodecimi, & Benedicti decimertij tergiversationem in vnitae ecclesia faciendâ, præcipuus autor fuit, vt Cardinales Galli Benedicto deserto Pisas ad generale Concilium accederent, in quo omnium suffragiis Alexander quintus creatus est. Interfuit comitiis Ioannis vigesimertij, & Constantia in generali Concilio ejus depositioni: in quo cum esset viriusque partis vetustissimus, magnæ illi synodo præsedet, & Martinum quintum cum illis creauit, atque nono post anno mortuus est Romæ carissimus Martino, scilicet anno MCCCCXXVI. In episcopatu tamen Viuariensi vsque ad eum non sedit. Amplificatio capellanæ Viarnesi in ecclesia Sancti Laurentij agnoscit antistitem anno MCCCLXXX. sed Oliuarius Pictauiensis, ex canonico episcopus, sedebat anno MCCCLXXXVI. Pileus de Prata anno MCCCLXXXVII. Petrus de Alliaco anno MCCCLXXXVIII. Guilelmus de Pictauiâ ab anno MCCCLXXXII. vsque ad annum MCCCCVI. denique Ioannes de Liueriis ab anno MCCCCVI. vsque ad annum MCCCCXXIII. An Ioannes Cardinalis de Bruniaco seruauit episcopatum Viuariensem vsque ad annum Mcccc. quo Ioannes de Nouocastro Cardinalis Ostiensis mortuus est? ex eo enim

iniit episcopatum Ostiensem, & cepit dici Ostiensis etiam qui Viuariensis antè solum appellabatur. Suspicionem auget, quod Oliuarius & Pileus in veris atque sinceris tabulis administratores, non episcopi Viuarienses vocantur: quasi coadjutores fuerint Ioanni Cardinali, vehementer distento summis negotiis Ecclesiæ vniuersalis, per fixum schismatum in varias partes scissæ. Fateor equidem nomine administratoris vulgò significari aliquid aliud, sed locus tamen facit vt moneam ita fortasse illis temporibus significasse. Vt cumque hoc habeat, neque enim ego voluerim in re multum obscura quidquam pertinacies asserere. Eo episcopo Ioannes Flandinus antistes Auxitanus, primum lapidem de-

16

Oliuarius de Pictauiâ. Pileus de Prata. Petrus de Alliaco. Guilelmus de Pictauiâ.

17

18

cit

cit in fundamenta Sanlaurentiani extra Viuarium templi, anno millesimo trecentesimo octogesimo primo, ut habet etiam nunc in lapide inscriptio illorum temporum. Is Bourea modico apud Viuarienses pago natus, fuit primum canonicus Viuarij, tum decanus Baiocensis, postea Auxitanus episcopus, denique anno millesimo trecentesimo octogesimo nono Cardinalis. Mortui cadauer ex morituri mandato sepelierunt in S. Vincentij, illam verò ædem S. Laurentij, eo anno millesimo trecentesimo octogesimo primo exædificatam, Calvinistæ patrum nostrorum temporibus euerterunt; ipsa an. 1606. Ioanne de l'Hostel episcopo restituta est intra urbem. Eodem Bruniaco antistite, qui se Clementem VIII. Pontificem Auenione ferebat, vniuit episcopatu anno MCCCLXXIV. prioratum Dunzetæ, quia *reventus episcopi*, ut loquitur, *nimum imminuti fuerant per pestem, guerram, & mortalitates*; & patriarcha Antiochenus anno MCCCCXXXVI. probauit vniionem Concilio Basileensi. Prioratus pertinebat ad monachos abbatiæ Trenorchianæ. Diuersus fuit ab illa abbacia Donzetæ, quam vidimus episcopo traditam à Ludouico Pio & Carolo Caluo imperatoribus non facile dixerim. An abbacia primum abstracta est à cætera domo, deinde verò reliqua domus sub nomine prioratus, cum ad regularis disciplinæ restitutionem adjuncta fuisset Abbatiæ Trenorchianæ, cessit episcopo?

- 20 Oliarius de Pictaui sedebat Viuarij anno MCCCLXXXVI. ex nescio cuius rei venditione, postea episcopus Cauallicensis, & Pileus anno 1387. ex quibusdam tabulis operarij ecclesiæ Viuariensis. Hic natus Concordia in Italia, fuit comes Prætæ, & aliam aliis temporibus fortunam sibi ipse fecit, vir acerrimi ingenij & ingentium animorum. De Viuariensi episcopo factus est Cardinalis ab Urbano VI. & cum ab eo ad salum Clementem defecisset, Cardinalatu dejectus est: sed Bonifacius nonus restituit Cardinalatui post desertum antipapam, & donauit episcopatu Tolosano, atque Pontificio in temporalibus Vicariatu, quibus honoribus immortalis est anno millesimo quadringentesimo primo. Post Pileum Ioannes electus episcopus legitur fuisse, anno millesimo trecentesimo octogesimo octauo. Quo anno Petrus de Alliaco, seu ceperit, seu desierit Viuarij, non possum dicere. Vir theologicarum rerum peritus, & quod honori ducebat discipulus, magister Ioannis Gersonis, prius fuerat episcopus Anicij, postea fuit Cameraci, & à Ioanne XXII. est annumeratus denique Cardinalibus; certissimo argumento, ingenium & rerum diuinarum scientiam plurimum posse ad consequendas dignitates ecclesiasticas. Scilicet Compendij ex infima plebe ortus fuerat. Obiit anno MCCCCV. cum interfuisset concilio Constantiensi, & multa ad immortalem gloriam acutè scripisset.

- 22 Guil. de Pictan. Guillemus de Pictaui legitur episcopatum gessisse ab anno MCCCLXXXII. annum vsque 1407. Sed quo ceperit, quo desierit esse antistes nullibi chartarum, quod sciam, traditur. Anno MCCCLXXXII. Petrus Vrsus nescio quid suum clientelare professus est; anno MCCCCVI. Iacobus de Crofco emit domum à Petro Genetta; & utroque anno, scriba annotauit rem fieri Guillemo episcopo.

- 23 Ioannes de Li. neriis. Anno 1400. sedebat ex charta, qua monasterium Mansiadæ emit pedatitium à domino Alpium. Ioannes de Liueriis sedit anno 1407. post Guillemum, ex recognitione Petri Frequeræ Abbati Mansiadæ die 15. mensis Septem

Septembris. Sed eo anno vnum aliquid gestum est, quod prætermittere non possum. Anno MCCCXLII. Pseudoclemens, cum probasset petitionem canonicorum Viuariensium, ex constitutione capitulari anni MCCCXXXII. imminuerat numerum ipsorum, & illos ad 20. coëgerat, igitur iis non defuit per aliquot annos vnde vitam honestè agerent. Sed quæ pestis anno MCCCXLVIII. totis regionibus grassata est, ita fortunas eorum rursus afflixerat; præsertim bellis cum diuturna & grauifame ad illam accedentibus, vt vitam ampliùs sustentare vix possent. Igitur vbi nihil non tentassent, decreuerunt agere cum Summo Pontifice, vt aliqua per dioccesim Sacerdotia donarentur capitulo in canonicos diuidenda. Omnia Romani Pontificis tum vniuerso orbe turbata erant, & pro eo Benedictus XII. tenebat Auenionem. Hic ergo Guidonem & Ioannem episcopos Cardinales, illum Prænestinum, Sabinum istum rei cognoscenda præficit, qui cum à Benedicto discedere per ecclesiasticas illorum temporum angustias non possent, miserunt Stephanum abbatem Crudacensem, qui eam cum potestate è propinquo disquireret. Stephanus vt erat vir accurate prudentiæ, & spectatæ virtutis, inuere suo diligentissimè functus est; cumque omnia retulisset ad Cardinales, Benedictus iis auditis, vt Canonici postulauerant, ipsorum collegio addixit nonnulla per episcopatum sacerdotia & quod in illa turbatione ecclesiæ fecerat Pseudoclemens, Alexander quintus postea probauit. Is ille est Stephanus abbas, qui agente Pontio de Sampson (præcentor erat, & tum collegij sui rerum curator) rogatis testibus inquisitionem instituit de tabularum antiquitates de prouentibus capituli, & demum de argenteis vasis, aliæque sacræ summi pretij in sancti Vincentij suppellectile. De canonicorum redditibus dicere locus non postulat, tabulas à Thoma episcopo ante annos circiter quadringentos scriptas legit probauitque. Si cui est animus scire vim prædictæ suppellectilis, ille eam intelliget ex parte ipsius quam non multò antè sublatam furto fuisse affirmauerunt post sacramentum plurimi testes. Sustulerant fures pedum pastorale, thuribula duo, Christum cruci affixum cum B. Virgine & S. Ioanne ad latera, opus egregium maximæ basi impositum, quam & infra sustinebant, & supra muniebant leones quatuor. Hæc omnia constabant argento deaurato. Eripuerant porro basim argenteam marcarum XXVII. fultam leonibus IV. sustinendæ Eucharistiæ, cum supplicatio per urbem ducta suis locis consisteret. Coronam auream pluribus gemmis instructam, tiaras duas, & mitras IV. lapillis graues. Vas capiendò thuri ex argento deaurato, quod encaustes variis figuris distinxerat. Vas è cristallo ingens, hinc inde sultum manibus duorum Angelorum cum suo tecto, cui nobilis imago B. Virginis erat imposita, candelabra argentea duo, pondò marcarum XVIII. Quid referam thuribula, calices, catinos, aliæque eiusmodi de argento vasa? vt cetera taceam, impij prædatores abstulerant calices argenteos omnino quindecim auro encausticoque ornatos, & hæc pars tantum erat auri argenti que facti, quod maiorum pietas in sacrarium Sanuincientianum congesserat, pergamus ad alia.

Ioannes de Liueriis sedebat anno 1421. ex codicillo Ioannis Bouicantij Franciæ Marefistelli apud Iustellum in probationibus familiæ Turenicæ pag. CCCXXXIX. Peruenit ad annos MCCCCXXXIII. post quem tabulæ de illo

silent. Anno MCCCXVII. conuenit cum canonicis de choriatorum admissio-
 ne: & in hac enim etiam parte fuit episcopo cum illis quondam dissidium.
 Cum super aliis quoque capitibus fuisset nonnulla lis, pacata ea est an-
 no MCCCXXVIII. denique inuenio homagium fuisse Ioanni præstitum à
 Priore sancti Petri Albensis anno MCCCXXXIII. à quo per annos decem
 magnam de antistite silentium Aymarus 4. sedebat anno 1437. Legi enim
 ego in chartario Grangie Berci Abbatem Mansiada, eo episcopo conue-
 nisse anno illo ipso cum, domino Alpium de Fanno & transitu animalium
 per agrum earumdem Alpium. Anno ergo ante illum septimum incertà se-
 dere ceperit. Legi etiam in chartis Viuariensibus canonicorum, Baronem
 Albensem se dixisse Ioannis Episcopi clientem anno millesimo quadringen-
 tesimo quadagesimo tertio, & Bertrandum de Fain Oliuarij de Pictauiæ: eo
 ipso anno igitur Aimato, post an. 1443. anno incerto successit Ioannes, &
 Ioanni Oliarius; aut è contrà Oliarius post Aimarum, & post Oliarium
 Ioannes sedit. Siue hic siue ille posterior sederit, Guilelmus de Pictauiæ
 sedebat Viuarij anno millesimo quadringentesimo quadagesimo septimo,
 vt docent conuentiones canonicorum cum ciuibus Viuariensibus; & an-
 no millesimo quadringentesimo quadagesimo nono, vt habet vnio capel-
 læ de Gandoberto cum officio operarij. Moritur anno millesimo quadrin-
 gentesimo quinquagesimo quarto, die 1. mensis Augusti ex chartulario an-
 nuorum factorum; vocant anniuersaria. Quis post Guilelmum suffectus
 fuerit, non possum dicere. Elias de Pompadour ex Eletensi antistite fit Viua-
 riensis anno MCCCCLIV. erat episcopus anno MCCCCLVI. quo in Aruernia
 baptizauit Carolum B. Amedei Sabaudie ducis & Yolande primogenitum,
 ex Guichenono in hist. Sebusiana; peruenit ad MCCCCLXXVII. tabulæ ven-
 ditionis nonnullorum censuum anno MCCCCLXXVIII. scriptæ sunt eo episco-
 po; & eodem antistite Antonius de Borna præcentor Viuariensis fundauit
 capellam in ecclesia parochiali B. Mariæ de Sableris. Anno 1463. missus
 est Elias in Sabaudiam, ad componendas eius Ducis res, cum Ioanne Duce
 Borbonio. Post Eliam Ioannes de Monte. Canuto sedit annos circiter XX.
 cum enim esset episcopus anno MCCCCLXXIX. vixit vsque ad nonagesi-
 mum septimum, suprâ millesimum quadringentesimum. Anno illo 1479.
 M. Chafalis nescio quas tabulas venditionis scripsit, & adiunxit se eas scri-
 bere Ioanne præfule. Plures verò chartæ asserunt peruenisse ad millesimum
 quadringentesimum nonagesimum septimum. Scilicet collatio capellanæ
 quam appellant de Pretiosa; testamentum duplex, alterum Antonij de
 Borna præcentoris, alterum Martialis Messes. Et huius episcopi gente no-
 bilissimi, & aliorum res præclare gestas sepeliuit obliuio; eorum tempo-
 ra annotasse, suosque in annos digessisse fuit non raro satis; nisi velis,
 quod suam habet veritatem, magnum prorsus & in omnem partem illustre
 esse, quòd & Albigenibus, & alijs late circum grassantibus Hæreticis sa-
 cras religiones, & sacrarum rerum alia à maioribus sanctè inuenta sa-
 pienterque constituta seruauerunt illibata. Scilicet qui graditur per alie-
 na vestigia, non minoribus animis viam conficit, atque ille qui per
 viam primus iit. Seu morum, seu religionum integritate quam suis
 præluserunt, docent se posteriores tempore, non inferiores virtute il-
 lis fuisse, quorum ante ipsos veneramus fortissima facinora. Sed non pos-
 sum

Aima-
rus. 4.

Ioannes.

Olima-
rius.

28
Guilel-
mus de
Picta-
uiæ.

Elias de
Pompa-
dour.

29
Ioannes
de Mo-
nte Ca-
nuto.

sum prætermittere Ioannem episcopum anno millesimo quadringentesimo octogesimo quarto, diuturnam cum Ioanne Crudatensi abbate litem super iurisdictione his conuentionibus finiuisset. Cognitio & coercitio ac punitio monachorum in grauioribus & maioribus criminibus & delictis, & omnimoda & totalis erit vnus episcopi : in leuioribus autem aut episcopi, aut abbatibus primò occupantibus; si tamen abbas causam primus acceperit, liceat prouocare seu appellare ab eo ad episcopum. Sed regularis correctio omnis pertinebit ad solum abbatem. Ioanni successit Claudius à Tumone, & in episcopatu fuit annos omnino LIV. Istius præfulis laudes nunquam tacebit, & eius tamen munera nunquam dignis præconiis offeret Viuariensis ecclesia. Dux chartæ docent fuisse antistitem an. MCCCCLXXXVIIII. altera collationis capellanix sancti Iacobi in ecclesia sancti Petri Gaudiolæ, altera fundationis capellanix de Albignatio. Hugo Mutonis eo episcopo addicauit se capellanum in ecclesia cathedrali anno MCCCXCIX. Quid alios summi viri annos referam ex veris tabulis? hoc fortiter egit anno millesimo quingentesimo decimo, quòd asservit pedagium Viuariense; illud magnificè, quòd basilicæ Sanuincientianæ concessit vitam patroni martyris in tapetibus opere phrygionico depictam ex auro, argento, serico, opus visendum & nobile. Sed hæc parua censeantur. Is ille est antistes, qui superbas, regeque dignas ædes excitauit Dunzeræ, illustre episcopium Burgi sancti Andeoli, Sanuincientianum odeum Viuarij, munimenta demum Argentariæ. Is ille præterea est, qui plurimum auxit redditus episcopales, qui cathedralem ecclesiam instruxit modulatis & vegrandibus organis, argenteis ad omne sacrum opus vasis, ac denique pluribus ad preces dicendas, & peragenda sacrificia prouentibus. Ista perficientem mors non inexpectata excepit Dunzeræ ann. 1552. Mortui corpus ad Viuariensem ecclesiam delatum est. Funus illustrissimum fuit, ministrantibus episcopis quidem septem, sacerdotibus verò aut clericis supra vniuersum ecclesiæ Viuariensis clerum ad septingentos. Tumulum ipse sibi parauerat per vitam in medio odeo, è candido marmore circumingenti de ære Corinthio laminam, cui post mortem epitaphium inscribere, & aliis & sequentibus carminibus.

Sponsam locupletem.....fecit, & auxit.

Veste, sacris, redditu, vase, ministerio.

Organa magna dedit, templum hoc renouauit, & ades

Struxit eas, quæ te Dozera nobilitant.

Oppida, sana, domos, fundos meliora reliquit

Sponsa.....

Sæpe potestati laica sine iure prementis

Aut sponsam, aut clerum, restitit intrepidus.

Ceterum Claudius ante episcopatum fuerat canonicus & præpositus. Iam episcopum seruauit præposituram per aliquot annos, quibus elapsis eam concessit Francisco fratris filio, quem postea vidit Gallia Ebreduni, Bisturgibus, Lugduni archiepiscopum; Venetiæ, Roma, Germania legatum regium; Roma principio Cardinalem, deinde sacri senatus principem; & demum ecclesia Gallicana necessarium in rebus angustis columen. Vt enim cetera prætermittam, cum Franciscus rex dedisset commeatum Philippo

G g 2 Melan

Melanctoni & aliis hæreseos autoribus, Turnonius Cardinalis exitiosam pestem auertit à Francis, regémque per nescio quas artes pro natua facilitate delusum, grauissimâ oratione dedocuit, deterruitque. Debeámne in vltimis Francisci pro fide catholica, Gallicanâque republica facinoribus ponere, quòd Societatem Iesv vocauit Turnonum, relinquo aliis cogitandum. Certè Viuarienses, Valentini, & reliqui circum Turnonem populi, debent illius collegio, aut omnes aut maximam partem religiones sacras. vbi verò literæ suæ humaniores, suæ graues & summæ, cultius olim & gratius atque augustius habuere domicilium? & quidem hætenus super Francisco Cardinali non omnino aliena ad instituto meo, vt pote qui tantorum rudimenta ceptorum posuit Viuarij Præpositus, sub Claudio episcopo patuo.

33 Claudio mortuo, Carolus à Tumone fratris filius; adiit episcopatum, antea primùm archipresbyter, deinde præpositus, ac demum electus in episcopum anno 1536. Certè florebat clerus Viuariensis sub fratribus Turnonijs Francisco præposito, Carolo archipresbytero, & reor maximam quòque partem canonicorum è præcipua vicinarum regionum nobilitate genus tum duxisse. Neque hoc insolenserat isti ecclesiæ. Lege nomina canonicorum ante annos centum, quæ recitauì hoc l. num. II. inuenies in illis Castrouenenses, Cairios, Sampsonios, Mirabellios, Gorcias, Planianos, Serrescudorios. Aberant autem à conuentu memorato Cardinalis de Columna præpositus, Card. Belloforti archidiaconus, Guigo de Godeto, Hugo de Turnone, Petrus de Cuberiis, Guigò de Rupemoria, Rostagnus de Montealto, Petrus de Tilio, Pastor de Ranco, alij que plures è clarissimis circum gentibus. Carolus à Tumone præposituram seruauit episcopus; suauissimi vir ingenij, & gratissimorum omnibus morū fuit. Substruxit scalas lapideas, quibus è cæmeterio ascenditur suprâ odeum, & ædi Sanuincientianæ dedit plurimum argenti facti, ad omnes sacros vsus supra illud quod sibi sacrificanti proprium moriens addidit. Ei successit Simon de Mailhè anno quidem incerto, sed legitur tamen iurasse in priuilegia Viuariensium anno millesimo quingentesimo quinquagesimo secundo, & primùm sacrificasse in sancti Vincentij. Anno insequente post aliquod tempus deseruit episcopatum Viuariensem, adeptus archiepiscopatum Turonensem: & abeuntis locum impleuit Viuarij Iacobus Maria Sala Bononiensis Italus. Hic autem anno millesimo quingentesimo quinquagesimo sexto, fuit episcopus, vt pote sedem assecutus à Iulio III. qui obiit anno millesimo quingentesimo quinquagesimo quinto. Auenione fuit pro Legato Romani Pontificis: & cùm iuisset ad concilium Tridentinum, illi est immortalus. Eo vita functo episcopatus Viuariensis datus est Cardinali Farnesio, qui possessione nondum initâ abdicauit, eum transcribens Eucherio à sancto Vitali affini. Is episcopatum adiit anno millesimo quingentesimo sexagesimo quinto, tercio calendas

34
Simò de Mailhè

Iacobus Maria Sala.

Farnesius Cardinalis. Eucherius à S. Iulij.

35 Hic non licet mihi res episcoporum Viuariensium scribenti prætermittere cladem à Caluinistis furentibus illatam eorum ecclesiæ. Ab ipsis episcopatus initis, Viuarium fide, pietate, sacrarum religionum cultu viguerat: neque vt in vicinia Manichæi primùm, deinde Ariani, postea Prædestiniani,

tum

tum Petrobrusiani, & Albigenſes, denique Valdenſes aliquando radices fixerint, vllâ mali tabes ciuitatem adhuc afflauerat. S. Auxonius cum episcopali ſede, tantum amorem episcoporum & cleri in eam inuexerat, tamque certam ſacrarum rerum reuerentiam, vt nulla tempora, quæ nihil non exedunt, ipſam ab Chriſtiana pietate dimouere hæctenus potuerint. Piget ad vltiora pergere, per hæc ſum ſuſceptæ ſcribendi prouinciæ. Anno MDLXII. vnus quis demum inuentus eſt, gente quidem nobilis, ſed degeneri ſcelorum importunitate maioribus ſuis indignus, Noëmus Albertus dominus S. Albani, qui patriam pollueret, omniâque illa decora barbaris & impiis aduerſus Deum, episcopos, clerum, ac denique ædes, reſque ſacras facinoribus deterere & perdere contenderet. Verùm turpiſſimi prædonis, paucorumque aſſecularum perfidia, non eſt inurenda vniuerſæ vrbi: ingemiſcebant boni, præcipua & maxima pars: ſed ſcilicet non multorum ſicariorum furor, potior erat in nobili, & ſuis episcopis jam olim addictâ, ciuitate. Igitur Albertus qui in Caluiſtarum errores deflexerat, cum valida latronum manu repente poſt occupatos canonicos, ingreſſus ædem S. Vincentij, primùm imagines omnes deiecit, tum fregit organa, ſanctorum reliquias veſano pede calcauit, protritæſque dedit ignibus, omnem quæ occurrit argenteam ſacrorum ſupelleſtilem ſibi arripuit, improbo auſu, furjata mente. Illa die perdidimus corpora ſanctorum Auli, Arcontij, & aliorum præſtitum, qui cum olim per hanc vitam antiſtites, ſermonibus & exemplis ſeruafſent vrbe, poſt mortem beati, pergebant ſuſtentare precibus ad Deum in cælo ſuſis. Perdidimus partes prælepis, pallij, & crucis Chriſti; partes capillorum, lactis, pallij Beate Virginis, & ſotulare porro ac velum; perdidimus digitum Sancti Ioânis B. & S. Adriani, dentem B. Petri & S. Laurentij, atque aliorum ſanctorum exuias, quæ à maioribus in ædem S. Vincentij, de omnibus terræ partibus, tam multæ congeſtæ fuerant, vt cælo ſuppar, eorum ferme omnium aliquid de corpore videretur habere, quorum animas illud tenet. Sed rudimenta malorum hæc fuere. Anno poſt quarto, ſæculi ſexageſimo ſeptimo, Santalbanus ſe deterior, veluti fera guſtato ſanguine ad prædam animoſior ſeuiorque, vltimò venit ad S. Vincentij, & deiectis ad latera ædicularum pronæon euerſit. Sepulcra tum violata ſunt, & humana quoque omnia polluta; cogitauit etiam homo barbarus deicere odeum illud nobile à Claudio Tumorio exadificatum, ſed non potuit, ceteris ad vnus interitum ſibi metuentibus latomis, qui foramen in medio fornice apertum ampliare tentabat. Is è ſummo decidens, in varias partes ſciſſus fuerat ad grâde, par aliquid auſuris exemplum. Quid? quod domo Dei tam malè vexata, paucis poſt diebus domos quoque totius cleri, præter quatuor aut quinque, quarum incolæ præcipuos de hæreticis ſanguine contingebant, affixâ prius epigraphe diripiendas dat, deinde incendit euerſitque. Sed antè omnia ſacram ſupelleſtilem ſpecioſam illam & diuitem rapit, bibliothecam canonicorum, egregijs pluimiſque voluminibus inſtructam, & omnia tabularia, dat in ignes, maiore neſcias impetu, quàm veſaniâ. Enimvero ſi vel ad momentum temporis ſeſe ipſe conſuluiſſet, ſuſtinuiſſet profeçtò manum in medio facinore. Cur non ita peragebat cum animo ſuo; quid ſuſcipis Alberte, quid tendis? canonici non pereunt cum ædibus & libris; vt qui nunc vi-

uunt, etiam ipsi moriantur; quid tum exorietur aliquis de mortuorum cineribus, qui ista doleat, quærat, vlciscatur. Non hac ipsâ vi concidunt regij iudices. Putas non futurum qui temeraria damnet aulâ. Sed scilicet maior à dæmone furor mētem perualerat tenebātque, quàm vt aliquid cogitaret cōpos sui. Igitur vbi tumultus defœuit, & quod seu diriperetur, seu incenderetur nihil præterea rerum sacrarum fuit, Albertus necessariò quieuit pòstque aliquod tempus reddita ab hæreticis toti regno pax fuit, & aliis enim ciuitatibus, neque paucis, sua quoque fuerant turbamenta. In vrhem, qui alij aliò fugerant, redire canonici, in mediæ ruderibus excelsâ animi firmitate constantique, & habitarunt, & solitas Deo præces dixerunt. Sed enim verò non multò pòst questi sunt de iniuriis & clade sacrarum rerum, apud senatores Tolosanos, qui auditis quæstoribus, de Sanctalbano Viuariensi, Monrufo Delphinatæ, paucisque aliis latrocinij locis, morte illatâ meritas pœnas sumplere. Placet vnum addere, vt videas dæmonis mage, quàm hominis, fuisse illum furorem Alberti. Tumulus Claudij Turmonij quondam episcopi violatus est, virique cadauer ab vnguētis, quibus secundum mortem infecerant integrum, per plateas castri (ita appellant regionem vrbis) in rupis fastigio positam, quæ habet clericorum omnium domos, injuriosè tractum est, habitumque ludibrio; & si Turmonix gentis reuerentiā monitos minimè deterruisset sicarios, grauius aliquid passum esset: fuit ergo qui è media platea tum deferret domum suam, & postea de nocte in sacram ædiculam, multatòque Santalbano redderet sepulcro suo. Sed diu jam tædet ista persequi: & omnia lubens præterissem, si per historiæ fidem licuisset scribenti.

41 Cùm eagerebantur Viuarij, aberat episcopus ante annum quidem 1563. aut nullus, aut in Italiâ tantum electus; anno autem 65. Auenione Eucherius, qui vt futuræ tempestatis argumenta notauit, vt in Pontificiam ditionem ire maturauit, vbi securus malorum, quibus occurrere non poterat, se melioribus temporibus seruaret. Ea dum votis opportuna vel expectat, vel desperat, moritur, vir gente, scientia, humanitate præcipuus anno 1571. die 5. mensis Ianuarij. Erat tunc temporis Auenione Franciscus à Balma Comes Suxæ, & pro vicinia opportunum suæ genti videns episcopatum, petit à Carolo rege, vt Pontifici suorum aliquem præficiendum dicat. Postulatio placuit regi; & Franciscus is erat cui res negari non posset. Scilicet antiquissimâ stirpe progenitus, majorum suorum nomen implebat; & suis ipse fortiter pro publica re gestis, vt Christianæ fidei & religionum præscarum apprime amans erat, censebatur in illis regionibus ferme vnus esse, qui opponeretur hæreticis, & Ecclesiam Viuarij restitueret; fuerat quippe primùm dux centum leuioris armaturæ equitum, deinde pro summo vniuersi exercitus in Delphinatu duce absente, quam vtrâque præfecturam ingenti cum laude peregerat. Igitur hic annuente rege facit, vt Petrus d'Vrre affinis episcopatum adipiscatur. Sed eo post annum mortuo Ioannem de l'Hostel ei præficiendum curat. Hic antiquæ simplicitatis, sinceritatis, & probitatis sacerdos, erudiebat liberos comitis ad omne virtutis genus. Sedit in episcopatu ab anno 1573. vsque ad annum 1621. quo mortuus est sexto Aprilis: cùmque deficeret senio, videretque Rostano Francisci filio Comiti Suxæ, Ludouicum

Francis

Petrus
d'Urre.
Ioan. de
l'Hostel

Franciscum liberis omnino, cum per ætatem liceret, idoneum gerendo episcopatum, memor beneficiorum, quæ plurima per omnem vitam acceperat, postulauit à rege & per regem à pontifice, vt sibi liceret eum habere operis adiutorem.

Ioanne antistite non vna fuit Viuarij, & circumpositæ regionis facies. Anno MDLXXVI. Hæretici Gaydano homine ignoto & obscuræ originis duce, per noctem dolūque intrant castrum (quæ regio est vrbis in fastigio rupis clero habitata) omnesque domos diripiunt, effuso in cæcam barbariem furore; & canonicos in cellam vinariam vi adactos internecione delcussent, si Gaydanus faciens impetum in ciues, pro clero ex solitâ maioribus pietate certantes, non fuisset in humero brachioque vehementer pulsatus, mortuario arceo per fenestram dejecto à muliere in maiore, vt loquuntur, vico: is enim fracto ita corpore cecinit receptui, & verò scilicet cum suis recessit ex vrbe. Sed non diuturna fuit canonicis quies. Guido hæreticus, se baronem Villanoux Berci appellabat, post Gaydanum occupauit castrum Viuariense, munivitque, & sua feritate primum omnes clericos, deinde ceteros ciues dedit in fugam; perrexissetque tyrannum agere homo ferox & projectus ad omne facinus, si per cæcam noctem seu cælestia, seu alia visa (id enim obscurum est) horrore incusso non pepulissent tota regione canonicorum, Secuti ducem ij etiam qui urbem tenebant, vt fit, monstrorum insolentia in majus auctâ, conciti præcipitesque abscefferunt. Sed lamentabilis profectò & catholicis durus fuit annus septimus supra millesimum quingentesimum octogesimum. Hæretici interceperant Montem Aimari, & ex eo non Donzerâ modò & aliis episcopi pagis, sed ceterâ etiam per Delphinatum & Viuariensem prouinciam circum regione prædas agebant. Catholici contrâ cogebant copias; & receptâ vrbe, cum per vltimam rerum desperationem è castro erumpentibus obsisterent, ducem, atque adeo urbem & omnia amiserunt. Præerat vehementer pugnantibus Franciscus comes Sulsæ bello notissimus; vir fortis pro patria & Ecclesia supra hominem manu agens cecidit, & cum eo catholicorum omnis spes, quæ gladiis bellatorum non ceciderat; multa nobilitas venit in manus Calvinistarum, & Arausicam deportata est, ipseque Rostagnus Francisci comitis filius.

Francisco Sulano mortuo, timebatur rursus Viuarij ab hæreticis, & primum comes Turnonius illi fuit præsidio, deinde dynasta Ventadurius, adhibitis ducibus catholicis & probis. Verùm sustulit omnem metum Henricus IV. ecclesiæ reddidit, & per eum pax toti regno; tum enim verò respirare canonici, & cum Ioanne episcopo cogitare de restituenda basilica S. Vincetij. Perfectum est opus anno MDLXXXIX, curante Francisco Monerio Præcentore, viro in paucis pio, modesto, & ad omne genus virtutis facto, impensis episcopi & capituli. Ioannes verò antistes reliquam vitam quietè duxit; peruenit ad annum nonagesimum quartum. Aliquoties, per hebdomadam toto anno jejunabat, omnem ferme diem ponebat in oratione, cumque præ senio caligarent oculi, neque precibus legendis pares essent, nihilo tamen minùs solitis temporibus agebat cum Deo, illa sæpiusculè repetens quæ fidei, ex plurima olim oratione, memoriâ retinebat, & rosarium maximè Virginis præcipuâ pietate percurrrens; ceteroqui cum vigeat ætate, fecit Deo singulis diebus, & horis omnibus canonicorum quotidianis summo etiam diluculo

diluculo interesse perdurauit. Sed eo Episcopo res gesta est, à me non præmittenda hoc loco. Anno hujus sæculi tertio Societas Iesu posuit Albenaci prima sui Collegij fundamenta. Res Viuariensi prouinciæ in paucis grata, & jam magnis expedita diu votis, atque ex eo etiam non sine conuictio postulata, cum Iacobus Salelius, vir omni virtutum, & scientiarum genere clarus, Tumoniq̃ professor Theologiæ, Albenaci pro Christo Caluiniſtarum manibus cum Guilermo Saltamochio Coadjutore cecidit. Igitur ad Societatis in eam vrbe aduentum vniuerſa exultare, lætāmque agere diem, Caſſeriarum etiam & Argentariæ ciues, ſolemnicum prece ſupplices adire Albenacum. Supra ceteros eminuit pietas Mottæi toparchæ Venefacij. Hic vir, vt opibus & animis respondebat antiquitati nobiliſſimæ ſtirpis, acceptis à ſuo collegio duobus Canoniciſ Viuarienſibus, cum præclara cantorum manu, & comitatus viginti millibus hominum, quos ſui ad quindecim circum Albenacum millitaria Sacerdotes bonâ cum prece ad Deum, piâque ducebant, intrauit Albenacum, voluitque Chriſtiana ſacra fieri in mediâ plateâ, quando alius tot hominum millia locus non capiebat, quæ Iacobi Galtærij ſapientiſ ex Societate Ieſu Theologi de rebus diuinis ſermo excepiſ, attonitiſ ad eruditionem dicentiſ, & audientium ab pietate fiduciam catholicis, & nequidquam frementiſ hæreticorum, cum vniuerſâ ferme vrbe, quam errores ſuos docebant. *Miniſtris.*

- 48 Ludouicus Franciſcus de Suſe, principio epiſcopus Pompeiopolitaſ, & adiutor Ioannis de l'Hoſtel fuit anno 1618. die 14. menſis Maij, poſtea Ioanne mortuo adiit epiſcopatū Viuarienſem anno MDCXXI. die vi. menſis Aprilis. Hic Roſtagni Comitis Suſani & Magdalenæ de Medullione Breſſieux filius illos omnes animos in eccleſiæ ſuæ uſus impendit, quos gente ex alto ductâ, dedit ſanguis & paternus è Suſaniſ, Leuiſ, Bauciſ, Saſſiſ; & maternus è Medullionenſibus, qui ante quadringentos annos pagis ad minimum xxxv. dominabantur, vt annotauit. de Valent. epiſc. num. 25. & per Medullionenſes, Piſtauienſibus, Delphinſque Vienneniſibus: eoſque adhibet ad epiſcopale officium pietate, modeſtiâ, populorum caritate gerendum. Nihil dico ex amore tam illuſtriſ epiſcopi, quas per ſcholasticum puluerem in puero auditore facilitatem, ſinceritatem, natiuâque (vt ita loquar) virtutem dilexi, ex per maturiores ætates incrementis latentibus ad illam peruenerunt firmitatem, quam laudamus omneſ, & ego quidem emiror ac deoſcutor. Pietas non moroſa, grauitas non ſeuera, facilitas non leuiſ, omneſ ad ſe alliciunt, detinentque. Hic Franciſcanos, qui Recollecti appellantur, deduxit Argentariam, & Dominicanas virgineſ Viuarium. Cum pararetur iſtiſ monialibuſ templum, ubi quondam ſterit ædeſ ſacra Beatæ Mariæ de Rodano, effoderenturque ruderâ, triſte Caluiniſiani furoris exemplum, & alia occurrerunt, & ſepulcraliſ ingeſ lapis cum ſua epigraphe. Fert iſta potentem virum ſub illo tumulatum fuiſſe, qui ex hæreſi eductuſ plurimoſ ſecum traduxerat ad fidem Trinitatiſ. Si memineriſ Gothoſ Arianoſ quondam Viuario totiſque Occitanîæ dominatoſ, & Gothiciſ characteribuſ conſtat inſcriptio, non difficile cogitabiſ conditorium antè annos mille excitatum fuiſſe; & gaudebiſ non aliter apud Viuarienſeſ cognosciſ majorum hæreſeſ, ſi quod malum illoſ afflauit, quàm per earum abiectionem, cum non paruo fidei incremento. Sed

ad Ludouicum episcopum redeamus; ejus seu dignitati, seu amoris vnum ali-
quid à Deo datum est Anno 1636. tanta murium multitudo Viuariensibus
agris infidebat, vt tertiam partē tritici depasta, ingentem mœstitiā inferret
omnibus colonis. Dei manum sensit episcopus, & de consilio canonicorum
suorum, primū quidem voluit illum exorari supplicationibus publicis om-
nino tribus, primā ad B. Mariæ Magdalenæ in Xenodochio, alterā ad B. Vir-
ginis de Rhodano vbi nunc sunt Dominicanæ virgines, tertīā ad S. Lauren-
tij. Deinde verò iussit, vt agri lustrarentur aquā, per hebdomadarios benē-
dictā. Denique per eosdem maledixit inportunis, humanóque generi infe-
stis animantibus. Probauit Deus ingeniosā Præsulis pietatem. Mures seu
aliò delati, seu terrā sepulti fuerint (hoc enim obscurū est) clam omnibus re-
pentē desierunt. Hoc Dei erga Ludouicum amoris fuerit argumentum. Sed
ego quidem supplicibus; accuratisque viri religionibus redditum puto.
Quid alia afferam? Sua pro Deo & Ecclesia opera viuenti ingerenda non
sunt.

Superiore anno Canonici vnum aliquid susceperant, in cuius commemo-
ratione placet operi finem imponere. Anno sæculi tricesimoquarto sta-
tua B. Virginis ab eremitā, pio viro, vel inuenta, vel excisa cepit inclarescere
Rupesforti, pago inferiori Occitanie non multū ab Auenione cluiate, &
ædem eidem virgini sacram nobilibus prodigiis illustrare. Celeberrimum,
& ad populorum famam clarissimum fuit, quod Ioannis Sicardi filia, sep-
tem mensium infans, perpetuo capitis motu repentē sub sacrum curata est
die vicesimā quintā Martij. Canonici Viuariensēs, vt sunt pii, & ad omne
virtutis publicæ genus populo duces, decreuerunt ad imaginem Virginis
ire supplices. Igñit anno tricesimo quinto die quartā Septembris, se Rho-
dano frequentissimi committunt: suum Clerum sequitur de ciuitate & plu-
ribus circū pagis innumera hominum vis. Rupesforti exscensionem fa-
ciunt omnes, & singula vrbis templa, vniuersāque ab vrbe viam Rupes-
fortem vsque, bini, sequentibus tota regione populis, piissimo simul & sua-
uissimo concentu implent. Sed Rupesfortianam ædem ingressi, Marianam
imaginem tam concinnā & ad veram pietatem, per Alamelli scilicet sui
modulos, factā prece saluant, vt omnium adstantium animos vehementer
commoueant, & in vberes lacrymas soluant. Iacobus à saltu Præcentor Vi-
uariensis rem sacram ceteris succinentibus fecit. Neque minor in suam ci-
uitatem redeuntium pietas fuit. Omnes ibant pedites; quācumque ince-
debant, omnia castis complebant precibus, agros, compita, pagos, vrbes,
obstupescētibz ad sinceram, & parem antiquæ pietatem Canonicorum
Viuariensium per omnes regiones mortalibus.



DE REBUS GESTIS
EPISCOPORVM
VALENTINORVM
ET DIENSIVM
 LIBRI QVATVOR.

Illustr^{mis} & Reuerend^{mis} Patribus
ARCHIEPISCOPIS,
ET EPISCOPIS
 Ecclesiæ Gallicanæ.

IACOBVS CAROLVS GELASIVS LEBERON.

Episc. Valent. & Diens.



MA est diu, illustrissimi Præsules, quod apud vos, & in publicis Cleri Gallicani comitiis & in priuatis cœtibus querelas meas depono. Non semel audiistis referentem longis sermonibus, & non sine grauib. lamentis recitantem damna mearum ecclesiarum Valentiniæ & Diensis. Quod integerrimorum antistitum erat, doluistis & vos mecum, bonamque etiam manum adhibere malo tentastis. Sed omnia scilicet vestra, meaque irritato conatu ceciderunt. Igitur denique cogitavi rem, ut est, omnibus non Galliarum, non Europæ, sed vniuersalis Ecclesiæ populis, palam facere per recitationem bene longam, neque inaccuratam de rebus gestis & meis, & eorum qui ante me, seu Valentiniæ, seu Diæ fuerunt Episcopi. Ex ipsa intelligent vniuersi
 florentissi

florentissimarū quondam Ecclesiarū Antistes summum gessisse principatū Valentīæ, Diæque, ambarum citatum possedisse comitatus, omnia utroque episcopatu & loca tēperasse iudiciis, & regalia sibi habuisse jura, pagos demum ditioe plurimos, clientelā plures ducentis tenuisse. De tantis siue opibus, siue honoribus, solum penē Comit̃s nomen vix mihi reliquum est. Atque summum quidem principatum Ludouicus Pi&tauieus Episcopus concessit Ludouico primū Delphino, deinde Francorum regi vndecimo, non omnino malis conditionibus. Sed hæ pene omnes paucis pōst annis euersæ sunt, neque tamen Episcopo suus redditus principatus. Quid? quōd quæ restabat & mihi clientum turba, & meis iudicibus potestas, magnam partem accisa nuper est. Ut non fallar, si dicam viuīdam illam & robustam, ac veluti masculam, succisq̃ue plenam, Ecclesiarum mearum speciem omnino concidisse; quod ejus superest formæ, suo nomini par non esse; antiquarum exsucca potiū, ut ita loquar, cadauera videri, quā vera viuāque corpora. Ecce materiem voluminis, quod fidei verāque manu Ioannis Columbi è Societate IESV Professoris Theologiæ conscriptum, publicam do in lucem. Id autem ad vos defero, Christianissimi Præsules, ut videatis cū cetera restituendis meis Ecclesiis opportuna animosē & fortiter susceperim hactenus, quod publicarum aperta malorum in vulgus propositione vnicum supererat querelarum, hoc etiā vehementer ac magnis viribus præstare.

AVCTOR LECTORI SVO.

DE rebus gestis *Valentinorum*, & *Dienſium* Episcoporum tibi ſcribo, mi Lector. Cur te hic ſiſtam, & prius appellem, quā ad legendum Opus accedas, faciunt eius ab illis hinc nobilitas, inde obſcuritas, non tacenda hoc ipſo in limine. *Antiquiſſimarum Eccleſiarum* Episcopos tibi repræſento, maximam partem gente illuſtres, ſapientiā claros, ſanctitate venerandos. Videbis *Sabaudoſ*, *Lotharingoſ*, *Geneueſeſ*, *Salaffoſ*, *Pi&tauieſeſ*, *Turnonioſ*, *Cruffolioſ*, magna Nomina; & de *Innico Bearnio Caſtellanorum*, *Aragonum*, *Nauarraorum* Regum parente Nepoteſ *Monlucioſ*, ac *Leberonioſ*, ut taceam fratrem *Bofoniſ*, *Arelatenſium* Regiſ, *Ratbertum*, et filium *Iſcij* Senatoriſ *Apollinarem*. Miraberis *Ragnoaldum*, *Aredium*, *Vldricum*, *Eſpinaium*, certoſ.

profligatores hæreſeon, & fidei curatores attentos. Quam animi firmitatē preſtitit Hugo per Gallias Legatus Sedis apoſtolice. De Gallicanis vnus Nicaſius fuit in priore Nicena Synodo. Venerabere Saturninum, Vlpinum, Petronium, Marcellum, Stephanum, Ioannem, alioſque plures, ita Deo gratos, vt Apollinari fontem aperuerit leuanda ſiti; ita ſuorum preſtites, vt Iſmidonis mortuum corpus tactu excitauerit ad vitam alienum cadauer. Debuerant profeſſo Majores noſtri tantorum Virorum ſingula decora literis commendare; & quorum voce ac exemplo informati ſunt ad omne vite officium, eorum fortiter geſta ad poſteros deducere. An fecêre illi quidem grati ac memores; verum alia aliis temporibus barbararum gentium incurſiones, importunus variarum hæreſeon furor, ipſum tempus rerum edax, & ignauia atque inſcitia identidem temporum comites, omnia perdidērunt. Certe laborandum mihi fuit in eruendis è puluere ac ſordibus, & in vnum colligendis, ex infinitis aliud agentium chartis, quæ aſſero. E tabularijs Caroli Iacobi Leberonij penè omnia deſumpſi. Qualiacunque ſunt, tanta firmitate conſtare inueni, vt quibus temporibus geſta ſunt, ſis conſcripta fuerint manu publica ferè omnia, & ſummarum Virorum ſigillis munita. Atque tam vera fide refero, vt nihil repotam non meis luſtratam oculis, meæque manu diligenter verſatum. Sed in Tabularijs illius Epifcopi non omnia habentur: deſiderantur nonnulla, quæ in aliorum Bibliothecis latere non dubito. Sicuti enim Chartis, quas innumeras volutaui, multa pro temporum, officij, negotiorum varietate ſunt immixta aliena; ita extraneis puto aliqua noſtrorum Epifcoporum inſita. Alia omninò amant ad alia adheſcere, imò ad diuerſa & pugnantia quaque, non in rerum modò corporearum, mundi que adedè ipſius ſerie; ſed in omni etiam Hiſtoriarum genere. Hiſpanus in Galliarum monumentis legit Luſitanorum Regum origines, & prima Maurorum in Celtiberis excidia; Anglus natales ſuorum regum; Italus perſugia Summarum Pontificum; Siculus, Hungarus, Syrus, Sarmata Principes ſuos. Et nos viciffim miramur in antiquis Romanorum, & Græcorum Annalibus, Maiores noſtros tam tum olim, eſſi in media barbarie natos & educatos, tantum non cepiſſe Romam, & ſuum nomen dediſſe Galatiis. Hiant alicubi, neque ſibi aptè cohærent Epifcoporum tempora præcedentium cum ſequentibus: aliqui de Valentimis circumferuntur incerti, plures Dienſium omninò exciderunt. Tu, mi Lector, ſi potes hos excitare, illos aſſerere, omnes alios aliis ex vero admoſuere, facies, vt quæ non ingrata tibi fortæ ſis eris de Valentimis, & Dienſibus Epifcopis mea Tractatio, ſit etiam integra, ſuique ſucci, & ſui roboris per omnes artus plena.



DE REBUS GESTIS
 EPISCOPORVM
 VALENTINORVM
 LIBER PRIMVS.



VALENTIA, prænominè Iulia; *Ῥώμη* Græcis, magnum apud omnes historicos nomen; Segalaunorum ciuitas, colonia Romanorum; amœna situ, irrigua fontibus, studiis legum humanarum nobilis, potens arce, Rhodano flumini post Iſaræ amnis confluentem imposita est. A quo fidem Christianam acceperit non facile dixerim. Sanjullianus in Antiquitatibus Matificonis paginâ 269, ex antiquissimo Lugdunensium ad

S. Irenæi canoniconum de charta pergamena libro, recitat beatum Paulum, cùm tenderet in Hispaniam Lugduno descendisse Valentiam, & *in ea reliquisse Rufum filium Simonis Cyrenæi*. Vtunque habeant cetera illius libri, neque enim ea singula placet excutere, hoc de Rufo magnam habet similitudinem veri. Ado ante annos octiaugentos scripsit sequentia in Chronico. *Creditur Paulus ad Hispanias peruenisse, & Arelate Trophimum, Viennæ Crescentem discipulos suos ad prædicandum reliquisse*. Iam cur negabis, cùm iret Arelatem Viennâ, exscendisse Valentiam, vt consueuerunt nauicularij; & serendæ fidei Christianæ discipulum in florentissima &, vt Prosper anno 19. Arcadij & Honorij loquitur, *nobilissimâ Galliarum ciuitate reliquisse*, sicuti Crescentem reliquerat Viennæ, & cogitabat Trophimum Arelate relinquere? Ista si non negaueris, propè est vt fatearis Rufum Simonis Cyrenæi filium esse, quem ei doctorem imposuit, qui scilicet post aliquot annos Aueuionem (primo illa gloriatur antistite) profectus fuerit relictâ Valentiam, quemadmodum Crescentens relictâ ex eodem Adone Viennâ rediit in Galatiam. Neque nihil ad hoc facit, quòd Irenæus libro 1. cap. 9. autor est fuisse Christianos in regionibus ad Rhodanum non longè à Lugduno positos ante Marcum Valentini Gnosticonum principis discipulum, ac proinde sub tempora S. Rufi. Nam cur in illarum vna non reponemus Valentiam, & scriptori illius antiquissimæ apud Sanjullianum chartæ negabimus eam à S. Rufo edoctam fuisse? verùm istud quisque, vt visum fuerit, æstimet, certè ipse idem Irenæus Polycarpi quem Ioannes Apostolus erudierat discipulus, Lugduno Valentiam militem Felicem, Fortunatum, & Achilleum, qui fidem Christianam ciues edocerent vt mirari non debeas quæcunque à Calvinistis per seditionem & turbas (bella quippe non dixerim contra Deum gesta & regem) procellæ fuerint

excitata, ruentibus in hæresim vicinis populis, Valentinus stetit in-
 motos in Christi fide: Irenæi discipulos audiuerunt, & per eos à
 sanctissimo viro odium hæreticorum hauserunt. Chenuitius asseruit fuisse
 Valentinus episcopos aduersus Bedam, Vsuardum, & omnes alios ante ip-
 sum scriptores. Eodem anno, eadem die in carcerem missi, & post vincu-
 la perempti, quomodo alius ab alio episcopatum gerere potuerunt? Ado
 in Martyrologio tradit Felicem fuisse presbyterum, & Fortunatum atque
 Achilleum diaconos, additque sequentia, *qui à beato Irenæo Lugdunensi epis-*
copo & martyre ad predicandum verbum Dei missi, cum maximam partem supra-
dictæ vrbs ad fidem Christi conuertissent, à Duce Cornelio in carcerem trusi: dem-
durissima nervorum flagellatione diutissimè verberati: post etiam reuinctis post
terga manibus, cruribusque contractis, circa rotarum vertiginem adstricti, sumi quo-
que amaritudine supposita, die ac nocte continuatâ equulei extensione suspensi, ad
 3 *extremum gladio consummati sunt.* Feruntur humata cæsorum corpora, vbi
 postea fuit Prioratus sancti Felicis, vnde Remegarius episcopus translulerit
 in templum olim Cornelio & Cypriano, nunc Apollinari episcopo dica-
 tum. Est princeps vrbs ecclesia; habet collegium nouen canonicorum su-
 pra Decanum, Præpositum, Abbatem S. Felicis, Archidiaconum, Theolo-
 gum. Adjunctam regit paræciam S. Stephani; & ante centum annos, quam
 à figurâ vocabant Rotundam, ædem Virgini sacram, habebat in propinquo.
 Euerterunt hæretici, Ecclesia S. Ioannis vetustissimo episcoporum Concilio
 nobilis, à canonicorum, quod memorauimus, collegio accipit curiones duos.
 Erat etiam olim in ciuitate paræcia S. Martini: nomen à Caluinianis euer-
 sâ hæret nunc quoque in aliquot vrbs regionibus. Hæ sunt quatuor Val-
 entinorum paræciæ, nisi quod Rotundâ & Martinianâ onus, ex quo desie-
 runt, incubuit in Sacerdotes S. Stephani. Ad illas quondam accedebat extra
 urbem ad Turdeonis portâ quinta. A S. Vincentio nomen acceperat Euer-
 4 tere Caluiniani. Cum staret, habebant Hospitalarij, Burgum, vt loquuntur,
 Valentini impositum est Rhodano ad Septentrionem vrbs. In eo præterea
 visitur ædes Petro sacra, canonicorum collegio nobilis, quibus trans fluuium
 ecclesia Marcelli, Bartolomæi, & Apollinaris subjacent. Restituerunt super
 ruderibus Catharinæ paræcie cum ipsa ab hæreticis dejectæ. Ad ejusdem
 vrbs meridiem stabat olim ad Rhodanum abbatia S. Rufi. Antiquissimam
 & sanctissimam domum susque deque verterunt Hugonotti. Erecta fuerat
 post annum millesimum centesimum quinquagesimum octauum, quo
 Raimundus abbas ei construendæ cœmit aream ab Odone episcopo. Post
 ejus excidium abbas in urbem deportauit suos canonicos, cum omnibus, vt
 appellant, Officiis, Sacrista, Priore claustrali, Eleemosynario, Camerario,
 Correario, Infirmario, Operario, Præceptore, Subsacrista, Priore collegij san-
 ctæ Mariæ Magdalenæ. Sedit in vrbana domo prioratus S. Iacobi. Ad col-
 ligendos peregrinos constructa fuerat. Ante Caluinismum, ciuitas habuit
 quoque extra muros, prioratum S. Felicis ex codeni S. Rufi canonicorum
 ordine: habet verò nostris quoque temporibus, Dominicanos, Franciscan-
 os conuentuales, Minimos, Capucinos, Recollectos; & de sacris Virgini-
 bus, illas quæ, seu à Visitatione B. Mariæ, seu à S. Vrsulâ sibi nomen fecerunt.
 Petrus Andreas Leberonius antiquæ pietatis antistes, deduxit in urbem mo-
 5 niales, Benedictinas quidem Subdione, Bernardinas autem Vereefone. Sed

vt ad felicem presbyterum, Fortunatum & Achilleum diaconos aliquando redeam, venerint Valentiam cum illis episcopus, non inuenio. Certè cum *maximam partem florentissimæ vrbs ad fidem Christi conuerterint*, omnino asseramus oportet, si non venerunt subsidio episcopi post Rufum, Rufique successores, laborantis, non multo post ipsorum mortem tempore Valentiam episcopum venisse qui recomponeret Ecclesiam, furore Cornelij Ducis turbatam. Quicumque is fuerit, & post ipsum alij, Æmilianus tum se-
*Æmi-
lianus.*
debat Valentie, cum Eusebius Vercellensem gerebat episcopatum; huius enim mandato Marcellinus Æmilianum ad sui in episcopum Ebredunensem vnctionem adhibuit, vt tradit qui de ejus vita scripsit. Saussaius in episcopis Aurelianensibus paginâ 70. docet Nicetium qui anno 374. interfuit Concilio Valentino, fuisse Valentinum antistitem, Chorerius 7. historiæ Delphinæ sectione 7. Æmilianum vocat, qui ei Valentinus interfuit. Maximus anno 419. gerebat episcopatum Valentie, & cum accusatus fuisset manichæismi à suis clericis, Bonifacius Pontifex noluit causam cognosci ab episcopis septem prouinciarum, vt habetur in illius epistolâ 2. Putabam absolutum in amplissimo Concilio: tanti enim Præfulis damnatio reliquisset alioqui sæda vestigia in scriptoris alicujus volumine impressa. Septem illæ Prouinciæ sunt Viennensis, Aquitania prima & secunda, Nouempopulania, Narbonensis prima & secunda, Alpes Maritimæ.

Post Maximum annis incertis beatus Apollinaris vniuersâ Gallia celebrissimus sedit Valentie. Hic vir Isicio primum Senatore, postea Viennensi Archiepiscopo, ex Audentia conjuge natus, fratrem habuit sanctum Auitum Viennensem quoque Archiepiscopum & Fuscina sororem, ad quam Auitus frater ita de laude castitatis scribens cecinit.

*S. Apol-
linaris.*

Edidit vt quartam genitrix Audentia prolem,
Tèque dedit generi partu secunda supremo,
Confestim paream promittit ducere vitam,
Ac deinceps paribus castum seruare cubile,
Constituit votis carorum cura parentum.

Post multa addidit, cum Fuscina soror virginitatem Deo vouisset, se & Apollinarem fratrem, illius ad exemplum sæculo renuntiassè.

Junior ortu,

Religione prior viuendi iura dicasti.

Conuersio fratrum

Exemplo debenda pio.

Fratribus deinde Isicium patrem addidit, & ipsorum trium insulas episcopales memorauit:

Te meruit primam cognatio tota patronam,

Iam te signiferam sequimur.

Pontificem sacris assumptum respice patrem.

Suscipe quos humiles patrum ad consortia fratres,

Officio similes necens Ecclesia iunxit.

Apollinaris anno quadringentesimo nonagesimo tertio postulatus est à Valentinis in Episcopum. Subdione quippe, quam ex hæreditate paterna dominus tenebat, cum degeret, monachumque ageret, atque suas opes vel profunderet in pauperes, vel construendo sacras ædes refunderet Deo, venerationi

rationi omnibus erat ; & præfule mortuo viſus eſt , non ſine volente Deo , propoſitus illis proximè urbem , qui legeretur in epiſcopum. Domi ſux templum crexerat Geruaſio & Protalio martyribus ; atque vt ſecuturis Præſulibus daret exemplum amplificandæ Eccleſiæ , Subdionem illi epiſcopatum iniens dedit. Ea per plurimos annos fuit in Antuſtitis ditione , cum autem aliquando ad moniales perueniſſet , anno milleſimo ducentefimo quadra-geſimo quinto rediit ad epiſcopum. Anno quingentefimo nono , interfuit Concilio Epaunenſi. Infracſti antiſtes animi , regem quoque cum de diuinis legibus agebatur , non dubitauit offendere. Stephanus vir opibus potens , regnóque neceſſarius , duxerat ſororem conjugis mortuæ , & Apollinaris autor tuit epiſcopis in Synodum coactis arcendi hominem ſacris ; neque imperato exilio potuit à ſententiâ dimoueri. Longè à ſuis ouibus deportabatur , & febris regem inuaſit. Itam Dei vindicis interpretata regina , cucullam epiſcopi Valentini agro impoſuit : fugatus eſt morbus ; reuocatus eſt exul. Aliis etiam prodigijs , ipſiſque innumeris , ſanctitatem viri teſtatus eſt Deus. Si-cienti per immodicos æſtus , ſons erupit juxta Lugdunum. Et plures curauit agros , & ex Aliphij corpore dæmonem pepulit. Denique ſic locutus eſt Agobardus Lugdunenſis Archiepiſcopus Ludouico Pio Imperatori , trecentis poſt ipſum annis. *S. Apollinaris Eccleſiæ Valentina , quantus fuerit & ſit , non ſolum geſta de eo , ſed & crebra ejus miracula uſque hodie ſublimiter teſtantur.* Poſt Agobardum Ado Archiepiſcopus Viennenſis ſequentia ſcripſit in chronico. *Auitus quoque Viennenſis epiſcopus , eloquentia & ſanctitate præcipuus , & ejus frater Apollinaris Valentia epiſcopus , miraculis inſignis , Iſci præmum Senatoris , cum Viennenſis epiſcopi , duo lumina , clariffimi filij.*

- 8 Poſt S. Appollinatem Chenutiũ ordine ponit Æmilianum , Saluium , Antonium ; eos Robertus poſt Ingildum conſtituit : neuter habet antiquum ſententiæ ſux autorem. In muſæo Salignonis olim Saciſtæ Dienſis , inuentus eſt catalogus Valentinarum antiſtitum , ab innominato ſcriptore concinnatus. Quia non omnino ineptè conditus eſt , nonnullæque habet ceteris autoribus ignota , cum ego teſtem aliquando afferam rerum propoſitarum , & quidem ſub nomine Salignonis quando ipſe vnus , quod ſciam , illum habuit. Saligno igitur longè alia à Chenutio & Roberto offert. *Beato Apollinari ſucceſſit Maximus ſanctitate ac virtutibus pollens. Inde Æmilianus vir ſanctiſſimus. Poſt hunc Saluius nimia ſanctitatis epiſcopus , quem ſecuti ſunt Antonius , Antoninus , Gallus , Rainaldus , & Elephas.* Ego autem in Concilijs Galliæ , poſt Apollinaris mortem habitis ante annum ſexcentefimum , lego Gallum , Maxiimum , Ragnoaldum epiſcopos Valentia , ceteros ſeu à Salignone , ſeu ab alio allatos , nullis in libris , ſeu typo , ſeu manu ſcriptis , lego. Sunt

Gallus.

*Maximu 2.
Ragno-
aldus.*

Ab anno ſexcentefimo uſque ad ſeptingentefimum tres tantum inuenio

uenio episcopos, Agilulfum, Ingildum, & Bobonem. Agilulphus, nonnullis Agulphus, sedebat Valentie anno quarto Clodouei secundi Francorum regis, autore Aimoino libro 4. historie Francorum capite 40. cum enim adhaereret Vvilebaldo Vltrajuranæ Burgundie patritio & is cum Flaucato, quem Nantildis regina præfecerat palatio Burgundie, contenderet, ait Augustodunum petrexisse, *vt qua in regia aulâ agerentur cognosceret, atque ad Wilebaldum referret.* Idem Aimoinus sequenti capite scripsit sequentia. Clodoueus anno regni quarto & decimo *argentum quo genitor suus absidem supra sepulchra martyrum Dionysij, Rustici, & Eleutherij prominentem operuerat, auferri mandauit, & Agulpho loci illius abbati tradi, vt ipse illud egenis & necessitatibus (quia fames eo tempore totam pene occupauerat Franciam) dispartiretur.* Annus Clodouei decimus quartus est Christi nonus & quinquagesimus: si Agulphus hic abbas Sancti Dionysij est idem cum Agilulfo Valentie episcopo, asseramus oportet illum eo anno sedisse Valentie. Hoc ego secutus sum in editione secunda istius libri, nunc aduerto Agilulfum ab Aimoino dici abbatem, & non multis ante lineis agentem de episcopo Valentie appellasse Agilulphum, eò igitur inclinat animus, vt abbatem diuersum ab episcopo fuisse putem. Vtunque hoc habeat, Ingildus episcopus Valentie sedit in Concilio Cabilonen-^{Ingildus.} si, cujus annus incertus est. Sunt qui velint habitum circa quinquagesimum à sexcentesimo, alij octauo & quinquagesimo post sexcentesimo, ego in prioribus istius libri editionibus illos secutus sum qui ad sexcentesimo sexagesimum secundum referunt, Bobo post septuagesimum^{Bobo.} huius sæculi fuit episcopus & à sede suâ dejectus est post annum sextum & septuagesimum. Homo malæ fidei, ac militaris ingenij, & alia grauiter peccauit, & Ebroino ad omne scelus projecto sese adiunxit, & Sanctum Leodegarium Augustodunensem episcopum vehementer insecutus est, affixitque. Hic in vita sancti Leodegarii Augustodunensis episcopis dicitur occupasse Valentiam, vt sui iuris. Sequuntur Saluius secundus, Lambertus, Bonitus, apud Scriptores nouitios de episcopis Valentinis. Eos ego apud antiquos non inuenio, si Bonitum excipias. Hic interfuit Concilio Narbonensi anno septingentesimo octogesimo octauo, ex actis ipsius Concilij, quæ recitat Balusius ad caput vigesimum quintum libri sexti, de libertatibus Ecclesie Gallicanæ, autore Petro de Marca Archiepiscopo Parisiensi. Lupicinus ego in editione secunda libri istius subjunxi Bonito, & de eo hæc addidi: *subscripsit indicto Caroli Magni super Sanctorum reliquiis Aquisgranii repositis ab imperatore, cum Felice presbytero & Fortunato diacono, ex Doubleto in Antiquitatibus Sandionysianis;* Sed è quo ea acceperim non inuenio. Ex aliquo habuisse me non dubito, sed quis ille fuerit nunquam occurrit diligenter & accuratè quæritanti. Certè Doubletus ipse in Antiquitatibus Sandionysianis ipsa non scripsit.

Placet hîc asserere Saligionem. Vvaldus familiaris fuit Carolo Magno¹¹ imperatori, manifestans ei primordia religionis Christianæ in vrbe & diocesi Valentia. Quapropter religiosus imperator inter cetera dona dedit ei in episcopatu Regensi ecclesiam vnâ cum appenditijs suis, in qua beati confessoris Maximi Regensis episcopus & Apollinaris conuenire solebant de rebus diuinis tractaturi. Eo tempore legati prædicti imperatoris diuinâ prouidentia ossa

Beati Cypriani episcopi Carthaginensi & martyris ab Africa secum detulerunt usque ad urbem Arelatensem, quæ à prefato imperatore Laidrado Archiepiscopo Lugdunensi data fuerunt in custodiam, quoadusque reliquias beati Corneli Romani Pontificis & martyris coadunasset, & templum SS. martyribus condignum edificasset. Cumque in hoc sancto proposito intenderet, Aquisgranum in Domino obdormiunt: cujus piam voluntatem sequentes episcopi Siluius & Lambertus executioni mandare curauerunt. Hæc Saligno. Vvaldum Bonito subiungit. Vt cetera veritatem habeant, certè quod de Sanctis Maximo & Apollinari falsum est, nisi dicamus hunc in adolescentia, aut iuuentute positum, accessisse ad illum jam ætate grauem, vt ab eo virtutis omne genus ediceret, cujus nomine, ex monasterij Lerinenfis præfectura collecto, clarissimus erat tota Galliâ.

I 2 *Druſſa* *nm.* Aegidius Lacary Societatis nostræ anno 1665. die 30. mensis Augusti ad me scripsit sequentia. *Druſſanus fuit episcopus Valentie.* Postea multis asserit fuisse etiam abbatem sancti Theofredi annis octingentesimo trigesimo nono, & octingentesimo quadragesimo nono, ante episcopatum: sed non asserit annum, quo ex abbate euasit in episcopum, neque tempus quod in episcopatu posuit. Cum tamen addat Galterum, qui abbas erat anno 863. ei successisse in monasterij præfectura, intelligis episcopatum adiisse ante illum annum: sed abs dubio illum addit ante quinquagesimum octauum; Ratherus enim apud Claudium Perry in historia Cabilonis legitur sedisse Valentie anno decimo octauo Caroli Calui, qui fuit Christi octauus & quinquagesimus supra octingentesimum. Charta est in illius historie probationibus pag. 31. quâ Ionas Aduensis episcopus dat canonicis suæ ecclesiæ Simponiacum villam. Scripta est illa in episcoporum Synodo, & his verbis concluditur. *Tēſtes adſuerunt infraſcripti, quos Synodalis celebritas conuocarat. Remigius Gratianopolitanus &c. Remigius Diensis, Ratherus Valentienſis.*

13 *Ratbert* *nm.* Rathero successit Ratbertus, Raspertum etiam & Robertum vocant. Fortassis erit qui neget ei successisse, ac eundem faciat cum Rathero. Donec aliquid occurrat quo euincatur non esse ab illo alius, ego quidem existimo diuersum ab eo esse. Ratbertus ego fuit anno octingentesimo quinquagesimo nono in Concilio Tullensi, & sequente, atque in Pontigonensi octingentesimo septuagesimo sexto, & in Mantalensi octingentesimo septuagesimo nono. Vir sanguine summus ac virtute, anno octingentesimo septuagesimo sexto, Cariloci constituit abbatiam, probante Concilio Pontigonensi, & in ea Gaufrmarum abbatem. Nunc est prioratus Ordinis Cluniacensis. Charta quâ ipsum Eudrado (Eduardum nonnulli vocant) cum fratre jam mortuo se erigere ait, recitatur verbatim à Seuertio in Aureliano episcopo Lugdunensi, qui Concilio præfuit pag. 186 Parte Bosone, seu Boue. Ac Buuino Ardennarum Comite natus, Bosonem Mantalæ anno 879. electum in regem habuit fratrem. Et Thietbergam Caroli Calui uxorem sororem. Hic ipse Ratbertus anno 875. confirmat bona & iura monasterij Trenorchienſis, in S. Marcelli Cabilonenſis, cum aliis episcopis, teste Chiffletio in probationibus historie Trenorchienſis pag. 217.

14 *Isaac.* Isaac anno octingentesimo octogesimo septimo, interfuit Concilio Cabilonenſi, & post nonagesimum secundum Viennensi. Fertur Eilardus eum præcessisse, & post ipsum sedisse Aimarus, Ado, Brocardus, Archimbertus,

Episcoporum Valentinorum. 251

bertus, siue Archimbaldus, Agildus seu Ainus, Robertus, Isaac secundus; Saligno istis addit Nicolaum secundum. Sed nullum ego istorum episcoporum lego, seu in antiquioribus chartis, seu in libris qui peruenierunt ad meas manus.

Remegarius accepit à Ludouico quarto Imperatore Saxiacum, Adgentiolum, & Saonem ex charta sincera ab ipso Ludouico subscripta sine anno & die; quæ habetur in episcopio Valentino. Ludouicus autem cepit imperare anno nongentesimo, & quadriennio post oculis & imperio priuatus est à Berengario Forojulij Duce. Pius Imperator ait se pro animabus Bosonis & Hermingardis parentum dare ea castra Sancto Cypriano martyri & S. Apollinari confessori, quibus scilicet princeps ecclesia Valentia sacra erat illis temporibus Charta sic habet.

In nomine Domini æterni & Saluatoris nostri Iesu Christi. Hludouicus diuine ordinatione prouidentia Imperator Augustus. Sacris locis emolumentam nostræ imperialis celsitudinis exhibemus, profuturum nobis id ad præsentem vitam facilius transeundam, & ad æternam facilius obtinendam confidimus. Grande comperiat omnium fidelium nostrorum, præsentium scilicet & futurorum solertia, quam quidem nos pro remedio animæ genitoris nostri Bosonis, ac piissimæ genitricis nostræ Hermingardis, atque ad deprecationem inelyti Ducis, ac Marchionis nostri Hugonis, videlicet propinqui nostri, comperimus Deo, & Sancto Cypriano gloriosissimo martyre, ac Sancto Apollinare eximio Confessore, atque Pontifice Valentinensis Ecclesiæ, ubi Remengarius reuerendus noster, atque fidelis Præsul esse dignoscitur, res sitas in Comitatu Deensi, villam scilicet quæ vocatur Saxiacum, cum castro desuper similiter nominato, cum Adgentiolo, atque Saone. Hæc itaque omnia cum ecclesiis, vna in honore Sanctæ Dei genitricis Mariæ dicata; aliâ in honore sancti Ioannis; tertiâ quoque in honore sancti Tierij martyris, cum familiâ vtriusque sexus, cum vineis, pratis, syluis, pascuis, molendinis, aquis, aquarumque decursibus, & cum omnibus ad prædictam villam, Saxiacum videlicet, pertinentibus, totum Deo, sanctisque jam dictis donamus: vt faciat exinde Remegarius Præsul, sui que successores ab hodie & deinceps, sicut ex aliis rebus à piissimis Regibus & Imperatoribus inibi (idest abs dubio in Comitatu Deensi seu Diensi) collatis. Vt autem hæc nostra largitio, nostris futurisque temporibus, inuolabilem in Christi nomine obtineat firmitatem, manu nostra subter firmamus, & de annulo nostro sigillari iussimus.

Signum Hludouici serenissimi Imperatoris Augusti.

Non hic est ille Remegarius, sed secundus, qui anno nongentesimo duodecimo recepit ab ipso Hugone qui postea fuit rex, Villanouani, quam à Carolo Magno concessam, & à Bosone ac Hermengarde regibus confirmatam eripuerat Ecclesiæ Valentiniæ, vt ex ipsa restitutionis ab Hugone factæ charta docet Chorerius libro decimo historię Delphinatus sectione 13.

Aimo fuit Archicancellarius Conradi Pacifici, interest donationi, aut potius restitutioni quorundam prædiorum Viennensi monasterio sancti Petri à Ratburno Conradi genero & Vicecomite Viennæ, vt autor est Chorerius libro citato sectione 18. ex ipsa restitutionis charta scripta anno 975.

Guido. Guido Valentinus episcopus, & præpositus Aniciensis anno nongentesimo nonagesimo tertio interfuit foundationi ecclesiæ S. Petri Monasteriensis in vrbe Aniciensi à Guidone Aniciensi Episcopo, vt legitur in Bibliotheca M S. Philippi Labbé tom 2.

18 Humbertos duos lego apud Guichenonum in historia Sabaudix pag. 1159.
Hüb. Guigonis secundi Comitis Albonensis fratrem alterum, alterum filium. Hic anno 991. dicitur interfuisse donationi Vizilæ &c. Cluniacensis ab Humberto patruo episcopo Gratianopolitano : ille anno 27. interfuisse consensui Summi Pontificis in donationem prædiorum rusticorum Campisauri à Guigone auo iisdem. Chorerius libro 1. historix Delphinatus libro 11. paginâ 795. post Duchesnum libro 4. historix Burgundionum cap. 54. memorat Humbertum episcopum Valentix & ait ipsum anno 1025. interfuisse concessioni prioratus Burgeti Cluniacensis ab Amedeo Comite Maurianensi, addit fuisse nepotem Humberti episcopi Gratianopolitani ex Guigone II Albonensi Comite fratre. Scio Chorerium nihil scripsisse de Gratianopolitanis episcopis, quod ex veris chartis non acceperit, in eam igitur venio sententiam vt Humbertus Guigonis illius secundi filius sederit Valentix anno 1025. & qui sedebat ex Guichenono anno 1127. non fratrem, sed filium quoque eiusdem secundi fuisse. Si quis Humbertus fuit episcopus Valentix anno 991. putauerim fuisse fratrem Humberti episcopi Gratianopolitani, non nepotem ex fratre. Certè qui sedebat Valentix Humbertus Guigonis secundi filius annis 1025. & 1027. non sederat anno 991. quandoquidem anno 993. sedebat Guido vt vidimus, non Humbertus. Adde quòd Lambertus frater Aimari Pictauiensis, qui Valentia Comes erat, sedebat anno 1011. vt Ægidius Lacary ex S. Theofredi tabulario ad me scripsit, eo quippe anno tradidit monachis S. Theofredi ecclesiam S. Victoris ad Valentix muros tum positam, nunc euersam, pridie idus Martij anno 1011. regnante Rodulfo, quemadmodum habetur in chartâ ab eo subscripta.

19 Illo ipso vndecimo post millesimum Lamberto successit Remegarius secundus, sic enim legitur in breuiario Valentino. Anno Incarnationis Domini millesimo vndecimo, defuncto sanctæ Valentinenſis Ecclesiæ episcopo, Remegarius natione Francus in eadem Ecclesiâ subrogatur Episcopus. His verbis subiunguntur miracula duo S. Apollinaris quondam episcopi. Hic dum in iam dictam Ecclesiam aduentaret, accidit vt ad osium B. Apollinaris puella nomine Richildis jaceret, quæ multis annis contracta jacebat, nec omnino ambulare poterat. Necessitate autem Agarenorum instante, præfata basilica, in quâ beatus Pontifex jacebat, plena erat vasculis, in quibus vinum atque annona recondebatur. Eliminât autem omni spurcitiâ ecclesiæ à præfato Præsule, statim prædicta puella laudans Deum erecta, & sic incolumis facta est, quasi nunquam renum ac crurium dolorem sensisset. Eodem namque tempore puella quadam nomine Ermengardis ex patre Ragebarto malè à dæmonio vexabatur. Hanc ecclesiam intrare spiritus malignus nullatenus sinebat &c. Curata est voto facto; quod cum frater non impleteret, rursum à dæmone arrepta est, ad lectumque gloriosi Pontificis ductam in cavenis ferreis, omnino defenit dæmon.

20 Remegario secundo successisse videtur Guigo siue Vvigo. Robertus enim illum legit in litemis à Benedicto octauo datis anno millesimo decimo quinto, & attingit annum millesimum quintum, quo fuit in Ansana Synodo, &c.

Episcoporum Valentinorum. 253

& eo ipso anno Guigoni successit Humbertus Guigonis secundi Comitiss Albonensis filius, Chorerius enim vt in superioribus domi vidit eum in tabulis anno 1025. scriptis. Eratis Romæ anno 1027. vt etiam supra ex Guichenono retuli.

Hüber-
im. 2.

Pontius anno millesimo quadragesimo, interfuit vñctioni basilicæ Sancti victorinæ ad Massilliam per Benedictum vñdecimum, eo ipso Pontifice teste, in chartâ quam de ea vñctione edidit. Peruenit ad annum quartum à millesimo quadragesimo ex Roberto. Interfuit Victore secundo Pontificè restitutioni quorundam prædiorum monasterio S. Petri Viennæ, vt docent tabulæ de ipsâ scriptæ: Victor autem pontificatum adiit anno millesimo quinquagesimo quinto, mortuus est 1057. Incerto inter vigesimum septimum & trigesium secundum à millesimo interfuit fundatori Taluuriarum monasterij (vulgò dicimus Taloire) in Geneuensi comitatu à Rodulpho tertio & Hermengarde Regibus Alemanniæ, Burgundiæ, & Prouinciæ ex Guichenono in historiâ Sabaudia paginâ 189. Incertum dico annum, quoniam foundationis tabulæ illum non habent, neque potuit, aut Pontius ante annum vigesimum septimum esse episcopus, quandoquidem illo anno sedebat Humbertus, aut Rodulfus post trigesium secundum fundare monasterium, qui trigesimo secundo mortuus est.

2 1
Pontius.

Quis Pontio successerit non inuenio. Audio chartam esse in tabulario canoniceorum Romanensium in Delphinatu, quæ docet Gontardum fuisse episcopum Valentia anno millesimo octogesimo secundo. Legi ego in chartâ episcopij Valentini sedisse Valentia, & excepisse domi suæ anno nonagesimo quinto Urbanum II. euntem ad Concilium Claromontem. Saligno addit vñxisse principem vrbs ecclesiam recenter ædificatam & *martyrum Cornely ac Cypriani ossa supramajus altare collocasse, vñâ cum corporibus martyrum Felicis, Fortunati, & Achillei, ac Apollinaris episcopi.* Liceat mihi vñum hîc adjungere. Gontardi tempore viuebat ille Bernardus Valentia natus, qui post Claromontanum Concilium, secutus est in Syriam episcopum Aniciensem. Vir profectò magnus, quo ciue gloriatur Valentia: fuit principis Artasiensis episcopus, postea primus Latinorum Antiochiæ Patriarcha, ex Guilmo Tyrio libro sexto belli sacri capite vltimo.

2 2
Gontardus.

Eustachius de Aniciensi canonico episcopus Valentia, sedebat anno millesimo centesimo vñdecimo ex Odone Gissley in Virgine Aniciensi libro decimo capite decimotertio, & trigesimo quarto ex chartulario Sancti Bernardi Romanensis ac centesimo trigesimo septimo, vt videbimus n. 38. Post illum Eustachius alter occupauit episcopatum, & Ioannes Abbas Bonauallis prope Viennam eo pulso electus est in episcopum anno millesimo centesimo octauo; vt tradit Manriquez tomo 1. annalium Cisterciensium. Non placuit, Eustachio præmittere Henricum qui in libro rituali Ecclesiæ Viuariensis dicitur Valentinus episcopus anno 1107. ministrasse Paschali secundo, vngenti principem ecclesiam Viuarij cum Ioanne Viuariensi & Petro Dienfi episcopis. Scriptor hujus libri errat in episcopis Viuariensi & Dienfi; illo enim anno sedebat Viuarij Leodegarius, & S. Ismido Dia: fortassis etiam errauisse putandus est, in episcopo Valentino. Certè nemo negabit fidem in episcopi Valentini nomine non mereri.

2 3
Eustachius.

S. Ioannes ex primo Bonauallis prope Viennam abbate electus est in episcopus.

scopum Valentinum. Habet hic vir magnum nomen apud monachos Cistercienses, quorum instituta secutus est à prima iuuentute. Gaufridus S. Bernardi discipulus, & Ioannis socius, scribit de viro in suis ad Apocalypsim commentariis. *Cum prima*, inquit, *nostri Ordinis Cisterciensis jacerentur fundamenta*, erat in ecclesia Lugdunensi quidam clericus honestus & honorabilis Ioannes, qui rumore celebri nostri Ordinis compunctus, tacitus secum proposuit in nostro se collegio sociandum. Quod propositum post paucos dies, subeunte alià cogitatione mutauit, & pro recompensatione talis propositi peregrinationem S. Iacobi aggressus est: quâ deuotè completâ rediens, à domesticis gratulabundè susceptus est, & fatigatus ex itinere in cubiculum se recepit, quiescentique mox affuit in viso Deus Iesus Christus, cum duobus Apostolis, beatis Petro & Iacobo, quorum Petrus in manu librum tenebat, quem praecepit Dominus aperiri. Erat autem scriptus aureis literis, continens nomina predestinatorum. Iussus ergo Apostolus cepit legere: & cum ibi legeret nomen Ioannis illius; Tolle, ait Dominus, tolle, dele eum, dele, quia meum se futurum promiserat, & resiliit à promisso. Accedens autem propius beatus Iacobus, & obsecrans, dicebat: Nomine, meus est peregrinus; ne deleas, obsecro, nomen ejus. Cui Dominus; Meus, inquit, non peregrinus, sed ciuis esse debuerat. Nonne melius est ciuem esse meum, quàm eum peregrinum? Apostolus autem Iacobus persistens in supplicatione, ne deleas, inquit, Domine piissime, ne deleas eum, obsecro; ego tibi pro eo fidejubeo; faciet, quod proposuerat. Et Dominus ad eum: Quando faciet? Apostolus autem: Infra quindecim dies. Excitatus ad hæc verba Ioannes solo proster-nitur, & fidejussori suo cum vberima lacrymarum effusione gratias egit, dicens, Faciam profus Apostole, faciam quod tam misericorditer pro me pollicius es. Non multò post fletum magnum, iterum obdormiuit: iterumque Dominus cum duobus Apostolis predictis affuit, iussitque iterum librum aperiri, in quo audiuit idem Ioannes sanctum Petrum legentem, Murenulas aureas faciemus tibi verniculas argento. Mox Ioannes surgens, & præfixum diem præueniens, adimpleuit votum.

25 Hic fuit primus abbas Bonæuallis, & post Ecclesie Valentina, antistes, cujus vita & mors multis meritis & miraculis claruit. Hactenus Gaufridus. S. Ioannes fuit Abbas Bonæuallis ab anno millesimo centesimo decimo septimo, ad octauum & trigessimum illius sæculi: fuit episcopus Valentie à trigesimo octauo ad quadragesimum quintum, quo mortuus est, quia verò mortuus est die prima, & vigesima mensis Martij, & Conradus secundus confirmauit jura Ecclesie Viennensis ante diem quintum, & vigesimum mensis illius, Boucheus tomo 1. historię Prouinciæ libro septimo, paginâ 820. dicit mortuum anno quadragesimo sexto post millesimum centesimum. Scilicet annus tempore sancti Ioannis episcopi incipiebat à die vigesimâ quintâ Martij, qui nunc incipit à die primâ Ianuarij. In Bonaualle hoc vtilissimum Ecclesie fecit abbas, quòd Petrum Cisterciensibus suis adiunxit, & postea anno millesimo centesimo vigesimo septimo dedit abbatem Stamedio quod erigebat, qui ad Tarentaliensē insulâ euectus grauissimas ex Ildraëlis Pseudoepiscopi fraude vique, totâ regione turbas composuit. Dicunt jam episcopum multa passum Valentie; multa egisse; pulsatum etiâ fuisse pro pietate. Manriques tomo 1. annalium Cisterciensium paginâ 73. non pauca refert ex libro de ejus vita, quem scripsit Anonymus cotaneus & habetur Bonaualle: & tomo 2. paginâ 14. Hujus episcopi vitam sanctissimam miracula crebra testantur, quæ per ipsum & cum ipso ad tumulum ejus

omnipo

omnipotens operatur. Inquit scriptor vitæ S. Amedei apud Manriqueum tom. 2. annaliura Cisterciensium pag. 76. Anno quarto & quadragesimo sæculi conuenit cum Siluione Clariacensi, agentibus Stephano Viennensi & Hugone Dienſi Præſulibus. Alexiacum, de quo lis erat, ei ſtetit. Nobiliſſimæ Clariacenſium gentis arma habes in alterius Siluionis ſigillo addito ad tabulas anno milleſimo ducentefimo quinquageſimo octauo ſcriptas. Equum gerebat, & ab utraq; ſcuti parte extra ipſum clauem erectam.

S. Ioanne epifcopo mortuus eſt Guigo de Caſtro, ſiue vt alij volūt, de Pinu, 26 quintus Cartuſiæ Prior, *quinquageſimum agens annum*, vt loquitur Sutor lib. 2. de vita Cartuſiana cap. 5. *conuerſionis verò triceſimum, prioratus ſui viceſimum ſeptimum vel circiter, non ſine ſanctitatis opinione, anno Domini triceſimo ſeptimo ſuprà milleſimum centeſimum, ab inchoatione verò Ordinis quinquageſimo quarto.* Hic vir natus Valentix à me prætermitti non debuit. Scripſit vitam ſancti Hugonis epifcopi Gratianopolatani; meditationes de ſacris rebus, apud Petrum Cluniacenſem epiftoas, libros de contemplatione, de laude vitæ ſolitaria, de quatuor gradibus ſpiritualibus, de veritate & pace. Sed audi Dorlandum in Chronico Cartuſi libro 4. cap. 3. *Guido clarius quidem fuit genere, clarus ingenio, eloquio, ſed longè clariore ſcientiâ & ſanctitate. Hujuſ memoria tenax, ſermo dulcis, efficax adhortatio erat.* Sub hoc patre domus Portarum, Excubiarum, Durbonis, Silue benedieta, Majoreui, Aruerix, Montis Dei ortum & progreſſum ſumpſere conſpicuum. Hic poſt magnum in temporalibus fructum, libris perquirendis, deſcribendis, emendandiſque operam multam adhibuit. Hic beatiſſimi Hieronymi epiftoas, ſcriptorum vitio corruptas, ad primam veritatis lineam reuocauit. Audi quoque autorem vitæ beati Antelmi epifcopi Bellicenſis capite 5. *Guido hanc obtinet prerogatiuam, vt bonus prior vocetur ab illis qui de eo loquuntur. Is Cartuſienſi inſtituto modum, certosque limites ſtatuit: regulam enim ipſe conſcripſit, quam conſuetudines voluit appellari.*

Orilbertus ſedebat anno decimo Conradi regis, vt habent ſincere tabula 27 epifcopij Valentini, quibus octauo Maij dedit rerum ignotarum mihi præſtariam Giborno de Auriolo, viro, ſicut loquitur, *incluto*, & facultatem ædificandi caſtrum in pago Valentino. Pagus illis temporibus fere ſemper pro epifcopatu ſcribebatur. Tamen cum aliquando tribuatur vrbi, etiam in qua non ſedebat epifcopus; exiſtimo nunquam non ſcriptum eſſe pro regione ſubjecta vrbi cui tribuitur, ac proinde pro Comitatu aut Ducatu. Pagus ergo Valentinus eſt comitatus Valentix. Præſtaria principio erat charta qua vſusfructus alicujus rei dabatur, poſtea dicta eſt ipſe illius vſusfructus. *Karolus Pipini filius*, inquit Flodoardus libro 3. cap. 20. *Deduciacum villam apud Tilpinam epifcopum obtinuit in præſtariam.* Illi opponitur precaria ſeu precatoria: igitur Flodoardus libro 2. cap. 1. ſic loquitur; *Mapimius Remenſis Præſul Theudechildi Snauegotte regina filia tertiam partem ville Viriſiaci vſufructuario, per precariam ſaluo eccleſiæ jure conceſſit.* De precaria vide Marculphum libro 2. cap. 41. & de præſtaria cap. 40. Hic Conradus eſt ſecundus, qui creatus eſt anno milleſimo centeſimo trigefimo nono, mortuus eſt quinquageſimo ſecundo: non poteſt dici primus, anno enim decimo primi, qui fuit Chriſti milleſimus trigefimus ſeptimus, Pontius erat epifcopus, vt vidimus. Orilbertus demum anno Conradi ſecundi decimo epifcopus, videtur ille eſſe, quem S. Bernardus epiftoia 248. reſtatut electum ex priore Caſtæ Dei circa annum ſæculi

ſæculi quadrageſimum ſextum, & de quo ſic loquitur Eugenio Pontifici epiſtola 270. *Dominus Valentinus conualeſcit, & ubi valet operatur bona: propterea amatores boni diligunt eum, & ipſe diligit bonos, in hoc apparet, quia bonus eſt. Veſtrum eſt tales diligere & ſovere.*

28 *Bernardus.* Bernardus erat epiſcopus Valentinus anno milleſimo centeſimo quinto quageſimo quarto, ut intelligitur ex chartâ Guilelmi Viuarienſis epiſcopi eo anno ſcripta. Sic habet. *in nomine Patris, & Filij, & Spiritus ſancti. Ego G. Viuarienſis epiſcopus & miniſter indignus, rogatu domini Hugonis bone memoria Viennenſis archiepiſcopi, & Bernardi Valentinenſis epiſcopi, & aliorum quàm plurimorum, conceſſi & laudavi eccleſie Sancti Andree Vienna, & Elizabeth abbatiffe Sanctimonialium ſupradictæ eccleſie, & ſucceſſoribus ejus, omnia beneficia quæ ſub ditione epiſcopatus noſtri poſſident &c. Acta ab incarnatione Domini anno milleſimo centeſimo quinquageſimo quarto. Anno incerto confirmavit quod Euthachius & Ioannes, ante ipſum epiſcopi conceſſerant Cifterciienſibus fontis Leoncie ſeu Lioncelli. Tabulæ ita habent. Notum ſit omnibus præſentibus & futuris, quòd Euthachius epiſcopus & Comes Valentinenſis dedit jure perpetuo Deo & B. Mariæ fontis Leoncie & fratribus ibidem commorantibus in manu Falconis pedagium & leidam ſuarum rerum apud Valentiam: quod etiam domnus Ioannes, qui poſt eum in epiſcopatu ſucceſſit, laudavit: & domnus Bernardus, qui poſt eos Valentinenſem rexivit Eccleſiam, ut ratum in poſtmodum maneret ſuo ſcripto & ſigillo in præſentia domni P. Abbatis confirmavit. Porro ex iſtis tabulis intelligis duo. Primum eſt Euthachium, ſanctum Ioannem, & Bernardum ſediſſe deinceps Valentia. Secundum eſt Euthachium ſediſſe anno ſæculi trigefimo ſeptimo. Eo anno cepit monaſterium Lioncelli ad illud Bonavalle deductis Cifterciienſibus ex Manrique tomo 1. Annaliu Cifterciienſium: igitur qui dediſſe ei dicitur Euthachius, illo ipſo dedit, atque adeò ſedit, nam, ut ſuo loco docui, Ioannes fuit epiſcopus anno trigefimo octavo.*

29 *Odo.* Odo gente nobilis, nobilior moribus, de cujus laudibus nunquam conticeſcet Eccleſia Valentina, factus eſt epiſcopus ex decano. Patrem habuit Guidonem de Chaponay, ut Humbertus de Chaponay qui ab Heſtore Odonis fratre quintus & decimus rectâ gradatim linea deſcendit, mihi ex chartis domeſticis aſſeruit. Quoniam vir hic pro magiſtratibus, quos à primâ juventute ſapienter ac ſanctè geſſit, magiſterio maximè libellorum ſupplicum, & pro perpetuo veritatis amore is eſt, cui nemo prudens negare fidem poſſit, placet de ejus gente hic ſparſim dicere quæ ab vltimis initiis ex fidelibus tabulis repetita ad me detulit. Igitur Guido Odonis epiſcopi pater per Leonardum deſcendebat à Guilelmo Chaponaij, Mareniarum, Aueniarum & Brangonis domino, matrem verò habebat Annam de Bellomonte Frætæ, ſanguinéque proximus erat Berengariis & Groleis, nobiliſſimis etiam nunc in Delphinatu gentibus. Leonardus enim avus anno ſexageſimo ſexto ſupra nongenteſimum duxerat Catarinam Geraldij Berengarij & Ainardæ Roſſilionæ filiam, Guilelmus autem Alanus Luciam de Grolea. Odo epiſcopus is ille eſt, qui poſt S. Apollinarem, auxit eccleſiam Valentiam plurimum, opibus propriis, & alienis. Anno ſæculi quinquageſimo ſeptimo accepit à Fiderico primo Valentiam civitatem, & quidquid intra ambitum ejus continetur, vel extra comitatum, videlicet eccleſias, abbatias, monaſteria, cum omnibus

omnibus possessionibus eorum, forum, mercatum, duella, monetam, naulos, telonia, pedagia, castra castella, villas, (sunt verba Imperatoris,) vicos, areas, seruos, ancillas, tributarios, decimas, foresta, sylvas, venationes, molas, molendina, aquas, aquarum decursus, campos, prata, pascua, terras cultas & incultas & commune forum agentium & sustentium causas, tam ciuilibiter, quam criminaliter; & possessiones sequentes, castrum Alexiani, Montilisi, Montilij, Balma, Finciaci, Liberonis, Aureoli, Castrum novum, Castrum duplum, Montis-Veneris, de Stella, Alisij, Saonis: in supradictis verò omnibus, & in toto Episcopatu ordinariam iurisdictionem. Haetenus sunt Friderici verba, in litteris datis Bisuntij, octauo Calendas Decembris, qui addit sequentia: *Ne quis à flumine Isare ad castrum Montilij, & à castro Cresci ad villam de Subdione, & in Episcopatu Valentino pedatium accipere praesumat: ne quis baronum Valentini episcopatus habeat facultatem beneficium regni, (id est, res, quæ regni erant, & datæ sunt episcopo,) vel Ecclesia alienare: nullus Comes, aut Iudex legem in iis facere praesumat.* Cum legis imperatorem ea quæ retuli concessisse Odoni, ne cogita dedisse quibus antè carebat episcopus: edicto firmavit pridem possessa. Et verò ante annos tredecim Alexianum, ante ducentos & septuaginta Sao erant in episcopi ditione superioribus; ante nouem facultas episcopi necessaria erat nobilibus viris ad extruenda castra demum comitatus, pedagium seu portorium & leida Valentini erant episcopi igitur Fridericus secundus primi hujus nepos ex filio, post vnum & septuaginta annos scitè annotauit auum ista ponentem in suo edicto, secutum alios ante ipsum reges & imperatores. Ad Odonem episcopum redeamus. Eodem anno cal. Decembris interfuit donationi plurium rerum episcopo Auenionensi Gaufrido à Friderico Lex Noguero libro de episcopis Auenionensibus pag. 48. & 49.

Sequente anno siue octauo & quinquagesimo post millesimum centesimum Odo vendidit Esparueriam insulam Raimundo abbati S. Rufi Regio est agri, Rhodano adjacens: & per latè fusam planiciem porrigitur meridiem inter & Occidentem, distincta riuulis, lata situ, opima pascuis. Insula dicitur, quia per fontanos riuos à reliquo agro distinguitur, quà Rhodanus non alluit. Ducentis argenti marcis eam Odo vendidit. Venditionem probauere Adrianus IV. Pontifex, olim abbas, & Carolus etiam IV. Germanorum imperator. Conuenerant ad Raimundum abbatem priores frequentissimi emptioni faciendæ, Hoardus Viennæ, Andreas Combar, Raimundus Pairaudi, Guilelmus Annoniaci, Petrus Dix, Guilelmus Claëllarum, Ademarus Voluentæ, Stephanus Valentini, Guigo Lugduni, Vicardus Buxi & alij. Hos recensere volui, vt videas jam tum latè sparfos fuisse canonicos. Odo ad magni pondus fecit vt res coram Legato Pontificis gereretur. Stephanus erat Viennensis archiepiscopus: virum comitabatur Hugo Praeful Diensis. Illa in insula sedem posuit abbas, Canonicorum regularium per Gallias, & reliquum orbem Christianum moderator generalis. Anno 1488. regebat monasteria centum octoginta nouem ex Innocentij octauo litteris. Sunt qui asserant Odalgerium istis canonicis primum abbatem praefuisse, & iis ego etiam olim assensus sum; nunc autem assentiri non possum, qui lego Odalgerium seu Oldegarium ex abbate S. Rufi episcopum Barcinonensem principio, deinde archiepiscopum Tarraconensem primum, admissum fuisse in

Ordinem canonicorum S. Rufi à Bertrando postea episcopo Barcinonensi. Ex abbate episcopus anno 1116. iussu Paschalis secundi, moritur *Barcino*, ex Tarrapha libro de regibus Hispania in Alphonso octauo, anno Christi millesimo centesimo trigesimo sexto die quarta Martij. Hic vnum miror. Vincen-
tius Domenecus libro 2. de sanctis Catalonia fol. 75. ait Oldegarij tempore abbatiam canonicorum Sanrufensium fuisse in *Magalonensi non procul à Montepeffulano ditione*. Hoc apud alium scriptorem non lego. Abs dubio cœ-
pit iste canonicorum Ordo Auenione anno millesimo trigesimo nono, vt singulari de ea ipsa re libro docui; videtur ergo abbas principio sedisse in Auenionis agro ad Druentiam fluuium, vbi nunc etiam sunt monasterij ru-
dera: quo autem tempore sedem mutauerit, aut quem in locum eam ex illo deportauerit non inuenio.

- 31 Anno 1573. Odo concessit nonnulla Cisterciensibus Lioncelli, quæ ipse enumerat in tabulis ejusdem anni, quas placet hic recitare. *Ego Odo Valentinensis episcopus dilectis filiis & fratribus abbacie Lioncelli in episcopatu nostro sita, Pontioque ejusdem loci abbati, quem sicut proprij pupillam oculi veneror simul ac diligo, & omnibus ibidem Deo seruientibus &c. dono consilio totius capituli Valentini, quidquid ad Ecclesiam Valentinam pertinens possident, de quibus in presentiarum, anno videlicet ab Incarnatione Domini millesimo centesimo septuagesimo tercio inuestiti fore noscuntur, idest grangiam de Blanchia, verumque Cognerium, grangiam de Palaranges, grangiam de Bacea; necnon & omnia que ad ecclesias de Burgo, sanctique Felicis pertinentia possident &c. vsus rerum ab eis apud Valentiam emptarum vel venditarum, vt sicut à peccati iugo secularium comparatione liberi creduntur existere, ita ab exactione fisci præter morem secularium immunes valeant permanere &c.*

- 32 Post annum millesimum centesimum septuagesimum lis plurima, & apud Fridericum multiplex Valentinarum de Odone episcopo fuit querela. Anno septuagesimo octauo, vigesimo calendas Augusti, sequentia Imperator constituit, è quibus peruenies ad totius contentiones fontes. *Mortui sine testamento, & heredibus bona, tam mobilia quam immobilia sint episcopi. Proditores, homicide, adulteri, fures, & omnes qui sunt conuicti criminis alicujus, sacrilegi, & falsarij puniantur, tam corporaliter, quam pecunialiter pro arbitrio episcopi Valentini: non faciant juramentum, neque societatem jurent, sine arbitrio & consensu episcopi sub pœna centum librarum, mediam partem dandarum episcopo, mediam fisco imperatoris. Exactionem non faciat episcopus neque in ciuitate, neque in alijs regalibus, nisi quando vadit ad curiam, vel facit manifestum imperij seruitium. Episcopus non accipiat vltra sexaginta solidos pro multa, ab homine damnato in causa pecuniaria: nihil accipiat de mutata pecunia, si mutatus fuerit damnatus in lite mota inter ipsum & mutuatorem. Viduis liceat nubere, neque cogantur inde dare pecuniam.* Hæc Fridericus. Non placuerunt Odoni conditiones, jura regia minuunt, quæ non restricta nõ truncata jã olim habebat, & non ante plures annos ei firmauerat imperator. Neque bene ominatum antistiti in consequentia tēpora duxit, quod ad primam cum Valentinis contentionem, decisum fuerat aliquid de illius dignitate. Vt summo erat ingenio, intellexit refarciendum damnum; nimirum alioqui partem autoritatis aliam alio tempore. donec vniuersa deficeret. Hoc in ædibus, hoc in familiis, hoc in imperio videmus: vbi semel faiscunt, nisi sustentas tota pessum-
cun-

Episcoporum Valentinorum. 259

eunt Nont stat, quod sui parte jam cecidit. Igitur reliquam vitam in eo al- laborauit, vt rem instauraret. An ipse restituit, an post ipsum ante Falconem alius? Certè Innominatus anno millesimo centesimo octogesimo octauo perfecit apud Henricum sextum : nisi quò tributum viduis imponi ve- tuit pro repetitis nuptiis. Humbertus post Falconem antistes, ab Hen- rico imperatore facta probauit Philippo I I. vt omnia maiore firmitate constarent.

Eodem anno octauo & septuagesimo post millesimum Odo episco- 33
pus dedit ecclesiæ Valentinæ Bellum - castrum. Gentilis trans Rhoda- num fluuium pagus, de patena hereditate portio ad eum peruenerat. Annus quem iniquum Antistes ex Friderici edicto patiebatur, facit vt cogitem, dedisse hoc castrum Ecclesiæ suæ, aut testamentum non ma- lè gestæ rei, aut solatium episcopis post eum futuris. Monumentum cer- tè ac pignus veræ æternæque caritatis hoc fuit. Atque igitur fortasse hoc il- lud est, quò Deum commouit, vt ab eo ad nostra vsque tempora gen- tem illustrissimi Præfulis per viros pietate, opibus, militari virtute claros perduceret, quos per capita censere nunc placet. Humbertus de Chaponay Libellorum supplicum magister. Ex domesticis tabulis illam à Guilhelmo de Chaponay domino Caponaij, Mareniarum, Aueniarum, Brangonis & Lucia de Grolea repetit. In superioribus ab Humberto ad Odonem episco- pum vsque deduxi, accipe reliquam ab eodem Odone ad nos vsque. He- tior Odonis episcopi frater, Bartholomeum ex Magdalena Allemanda seu Allemanna genuit, qui à vuluere in obsidione Damasci accepto claudus, de Bernardina Poisiaca dedit Gasparem Clementiæ Bellouisanæ conjugem. Hic consilijs & manu potens Ludouicum postea Francorum eo nomine octa- uum regem in Angliam secutus, cepit Vicestram. Ab eo natus Bartholo- meus secundus de Huguetta Rufa sustulit Phillippum, ex Maria de Bonne Patrem Petri, qui sub Guigone Lusignano in Hispania pugnans anno millesimo ducentesimo octogesimo quinto, ingentes præ se animos tulit in obsidione Gerundæ. Iste Guigonam Portream duxit è Rosseli- no descendentem, qui post annum millesimum sibi Caponaium pa- gum, vnde genti nomen, acceperat in dotem Helenæ conjugis amia- tæ Odonis episcopi. Humbertus Petri filius habuit in matrimonio 34
Beatricem de Sachenay. Natus ex ea Bernardus anno millesimo trecen- tesimo quinquagesimo tertio fortiter egit aduersus Anglos; & cùm in- gens in oculo dextero vulnus accepisset, reliquit Antonio filio hereditatem virtutis. Nam hic auis atavisque non minor, adhæsit Pothoni Hircio heroi totâ Galliâ celeberrimo, diuque pro rege aduersus eosdem pugnavit; & cùm ab ipsis anno millesimo quadringentesimo vicesimo quarto, cap- tus fuisset in obsidione Vernulij, maluit Pensionarium majorum à Pe- tro abauo hereditarium vendere, quàm in Anglicano pro rege cæcere inglorius perdurare. Patrem æmulatus Ioannes ex Catarina Villano- vana filius, contra Burgundiones chiliarca Ludouico vndecimo rege decertans *Validi* cognomine donatus est. Ex Catarina verò Pom- petrana genuit Philibertum Faifini dominum, & Francisca Villa- rix conjugem qui ex eâ sustulit Ioannem secundum. Hic Ioannes ille præses computorum apud Gratianopolitanos curiæ primus, ad
K K 2 bellicam

- bellicam maiorum ante omnem memoriam fortitudinem adiungens, scientiarum decora, magnum vnus post Carolum Hectoris filium, & Delphini sub annum millesimum trecentesium cancellarium, posteris exemplum ad omne virtutis genus reliquit. Ab eo stirps in duo scissa est per Soffredum & Nicolaum filios. Nam ille Aibeni & Bressonis dominus per Laurentium, Petrum, Bernardum dedit Octauianum, qui ex Ludouica de Loras Chama-nieu Gasparem, aliosque liberos edidit. Nicolaus verò, per Ioannem & Nicolaum secundum rarsus in duo capita gentem partitus est. Ioannes enim ex Anna Torueona Franciscum habuit, qui cum de Ioanna Gaultia Nerium & Eleonorum Alexandrum genuerit, pro rerum humanarum vicibus, illum præproperâ morte dolet extinctum, hunc curiæ Gratianopolitanæ senatori in omnium oculis esse lætatur. Nicolaus autem secundus Humbertum reliquit filium. Hic & aliarum, & Meanni ad Fasianum insularum Rhodani dominus, fuit supplicium libellorum magister, & apud Lugdunenses primum, deinde Boios rei forensis, politicæ, & arariæ præfecturam per difficilia tempora sapienter gessit. Cùmque meminisset Philibertum Atrauum, Franciscam è nobilissimo Villariorum genere, sibi supra centum quinquaginta annos vxorem accepisse, & ipse de ea Eleonoram plurimum Viennæ archiepiscoporum cognatam duxit, deque ipsa Balsarem Metensis curiæ senatorem, & aliam sobolem numerosam dedit. Vides quàm frequens illustribus viris gens, ad nos ab Hectore Odonis episcopi fratre, per quingentos annos descenderit. Neque opulenta minus fuit. Caponaum, vnde viris nomen, ante annos septingentos ditione tenebat: an erexit ipsa fundauitque? Ad illum pagum alios aliis temporibus, qui per filias parentum heredes in varias familias enubentes plurimi sparsi sunt, adiunxisse scimus, Marenias, Auenias, Brangonem, Lessinum, Augustani, Ponsonatium, Fasianum, Aibenum, Bellam-Gardam, Bressonem, Fanum Vincentij, Meani demum, & alias ad Fasianum rhodaninas insulas. Sed iis longè plures tenuisse ex eo intelligis, quòd Odo episcopus Bellum - Castrum, vt supra memorabam, ex hereditate paterna pagum concessit Ecclesiæ Valentiniæ.
- 36 Nam cetera generis decora tacere iuuat. Quid enim memorem magistratus, seu militares, seu politicos; quid affinitates cum Artaldis, Anceduniis, Montainardis? Iam supra quadringentos annos iunxit conubia cum Balmanis de Suza, Vtræis, Podiis, Claromontanis, Andelotiis: ante annum etiam millesimum cum illis totâ Prouinciâ potentissimis Agoutiis. Addam tamen, quod hereditaria Caponaiorum pietatis non vltimum argumentum est, Soffredum antistitem Gratianopolitanum, quem libro secundoafferam, Odonis proneporem fuisse, & Guilelmum Humberti quidem filium, Bernardi verò, nepotem, sancti Nicolai apud Andegauenses Abbatem. At Rhodios seu Melitenenses Equites protectò non possum prætermittere. Nobilissima gens omnino quatuor dedit, cunctos ab hostibus Christianæ fidei caros in prælio. Hugo enim anno millesimo trecentesimo octauo à Saracenis, Philibertus anno millesimo trecentesimo quadagesimo sexto, & Humbertus anno millesimo quadringentesimo quadagesimo sexto à Turcis, omnes Rhodi, ac denique Robertus magnæ spei iuuenis

Iuuenis anno millesimo quingentesimo sexagesimo secundo, ab Hugonotis contra Ecclesiam & regem agentibus Mallij ad Antifiodorum perempti sunt. Verum ista de Odonis episcopi gente hæcenus dicta sint; ad ipsum orationem referamus.

Quid non possunt exempla præfuls? Lumen est in sublimi loco accensum: quæ spargit radios, eunt greges Christianorum illo perfusi. Aliena quidem virtus spectatores adducit ad æmulationem sui; quæ ab antistite proficiscetur, rapit victrice illecebra: paterna est: cum sanguine vitæque descendit ad filios. Quos, putas, mortuus excitauit totâ Valentiniâ diuiceli donatio Bellicastri Ecclesiæ ab Odone. Mirata nobilitas vniuersa est: ad suppar aliquid agendum excitari non pauci. Anno sæculi octogesimo Guilelmus Pictauiensis Valentinus Comes dedit Ecclesiæ Monmerani decimas, & auctore Chorerio lib. 11. historię Delphinatus numero 17. confirmauit datas Odo. Humbertus autem de Monteuenenis anno tertio & octogesimo, dedit pagos episcopo Montemueneris, vnde genti nomen, ac Bellimontem cum omni iure fructuque.

Falco federere cepit Valentini anno millesimo centesimo octogesimo nono, desit viuere nonagesimo nono *quarto nonas*, vt habet funeralis Sanruffensium liber. *Ianuarij*: Hoc vtrumque lego in tabulis, quas statim referam: medios quoque nonagesimum, nonagesimum tertium, nonagesimum sextum, inuenio scribam aliena ferentem notasse. Res per se modica, non parum sæpenumero facit ad summi viri ætatem ostendendam. Anno sæculi nonagesimo Vvilelmus Antonius emit ab Hugone de Petragorda seniore, & Vvilelmo fratre quidquid possidebant Mortæ, iis libris Valentinis quas dederat Hugoni iuniori, in apparatu itineris Ierosolimitani patre Hugone seniore probante. Iacobus episcopi notarius tradit se rem scripsisse coram Falcone. Anno secundo & nonagesimo Falco dat Cisterciensibus Lioncelli & alia, & Valentini pascua. Anno nonagesimo tertio Iarentus Dienfis antistes conuenit de Aurello pago cum Ademaro Pictauiensi, vt lego in veris ac probis tabulis, ex docent Falconem rei præfuisse. Anno sexto & nonagesimo Falco firmavit sigillo suo sententiam Bernardi Cardinalis sancti Petri ad vincula Legati sedis apostolicę, super contentione Dienfis episcopi & prioris sancti Medardi cum episcopo Aniciensi & Abbate S. Rufi de ecclesiis Cristæ. Ille annus dicitur octauus Falconis in chartis Cisterciensium Lioncelli. Demum anno nonagesimo nono ipse Falco fatetur se accepisse mille solidos à canonicis Valentinis Placuit minuta hæc sequi ad tempora Falconis aperienda tendenti. Et quidem probaui ego semper atque suspexi viros, illos, qui res bello paceue sapienter ac fortiter gestas literis mandant. Ætati consulunt futurę, præsentique. Cum viuos laudant, condunt victuris exempla præceptaque. Sed nunquam tamen existimaui humile opus abiectumque suscipere, qui temporibus notandis allaborant, & quis quo anno vixerit docent. Semina iaciunt fusæ dicendorum ab alijs, & præterea dant historis artus ossaque, alioqui iacentibus ac nesciis consistere. Viri principes sunt in republica seu sacra, seu profana, quod sidera in cælo, tellure fontes flumique, vt aliud non agant, ortu cursuque suo dispensant orbem. Spiritus quoque sanctus multus fuit in censendis illorum virorum annis, per quos ab Adamo ad Christum tempora peruenerunt. Igitur neque ego indecora pu-

taui operæ esse Falconis, & aliorum episcoporum aperire dies, & è veterum scriptorum monumentis eruere. In illa cautione pecuniæ à canonicis numerata adiungitur fieri anno episcopi nono: sed perfectum intellige; decimus enim iam ceptus erat, & nono ac quinquagesimo Falco iam erat episcopus, cum Vvilelmus Beldisnarius ad æmulationem Humberti Monuenerij concessit episcopo Castrumbucum, Balfram, & omnia prædia quæ Noso & Ereone modicis annibus concluduntur. Felices profectò viri, qui rerum conscij futurarum præsentibus non adhæserunt, & pro cælestium desiderio non duxere terrenas amore dignas. Alij maria, terram, æra fatigant opibus, vt auaræ libidini per malè sana imperia famulentur; aut congestâ pecuniâ faciunt sibi gradus ad honores immeritos. Quod facinus adè insolens est, quod crimen adè importunum, vt auro vel affusum illice non blandiatur etiam asperæ seueræque virtuti, vel victrice tentandum, non habeat viam facilem cupiditati effræni ac duræ? Pauci opibus & fortunis conantur ad virtutem. Dum erit Ecclesia Valentina, præconiis omnibus efferet Monuenerios & Beldinarios. Ambitiosi virtutis amatores, cum prædia, castra, & à maioribus cumulas opes Ecclesiæ tradiderunt, cisis veluti aureis perrexerunt ad Deum.

40 Beatus Humbertus de Mirabello episcopatum adiit anno millesimo ducentesimo, vt intelligitur ex charta quæ fert Eustachium de Saone & Iarentonam fororem, vendidisse anno millesimo ducentesimo decimo tertio prædia Valentina, & Castronouensia Romano de Monte-mirato. Nam scriba addidit rem gestam fuisse quarto & decimo episcopatus Humberti. Hinc vides, quod suprà dixi Falconem desuisse anno nono & nonagesimo post millesimum centesimum. Humbertus de Priore Cartusianorum siluæ Benedictæ assumptus, intrauit episcopatum. Tumultu turbisque ac bellis, & subditorum rebellionè impeditum: tympanis omnia personabant, & lituis, totis campis pagisque errabat miles. Vir sapiens non erubuit militarem Ecclesiæ suæ faciem, memor in Sulamite choros castrorum esse; & sacerdotes fuisse qui clangerent olim tubis in Hebræorum exercitu. Audierat Augustinum dicentem libro vigesimo secundo contra Faustum cap. 74. *quid enim culpatur in bello? an quia moriuntur quandòque morituri, vt domentur in pace victuri; hoc reprehendere, timidorum est non religiosorum.* Non pugnavit ille quidem manu, neque crispavit ensem, aut torisit lanceam, militibus sua arma cessit, ipse cum Moyse pro pugnam agentibus orabat: non dubitavit tamen quantum satis fuit pecuniæ profundere legendo seruandòque militi, sentiens se principem esse, cui, vt docet idem Augustinus loco citato, *ad hoc tributa præstantur, vt propter bella necessario militi stipendium præbeatur.* Sed nominibus hostium pepeccerunt maiores. Et verò quid honoris viro gentiue nobili à bello in suum præfulem? domiti illi sunt, Humbertus anno 1202. rationes bellicas posuit cum canonicis suis Eustachio Præposito, & Lambertto Decano. Quæ verò seditionis, turbarum, ac belli causæ: omnino quæ alibi gentium atque locorum, dominatio aliena, Episcopi iura partem, vt vidinius, corrupta restitueras Odo: Labefactare iterum conati non Valentia tantum ciues, sed tota regione viri etiam nobiles: Fridericus quæ quondam concessa fuissent

fuiſſent confirmauerat episcopis, vt in ciuitate quidem iuribus regis fruere-
tur, in agro autem summi viri essent in eorum clientela; nullus praxer an-
tistitem jus indicendi vectigalis haberet. Sic constituta conuellere ausi plu-
res vi, doloque. Neque semel victi destiterunt: instaurare fraudes, & pu-
gnam identidem alij alio tempore. Summo ingenio fecit Humbertus vt
Philippus Imperator suo firmaret assensu concessa à Friderico, eludendis om-
nibus aduersariorum artibus. Contra vim parauit socios belli, & instruxit
exercitum. Philippus anno quinto supra millesimum ducentesium, octa-
uo cal. Februar. iussit literas Friderici anno millesimo centesimo quinqu-
agesimo septimo scriptas Vefontione, suam habere vim, & suprà castra in illis
enumerata addidit episcopo Vitrani, Pelafollum, Copium, Augustinum,
mediam Vpiani partem. Edixit quoque sigillatim querelis omnibus exscin-
dendis de iumentis clitellariis, quid è singulis antistiti cederet in vectigal.
*Demum, inquit, prohibemus ne aliqua occasione ciuibz Valentinis licitum sit inter
se aliquam communiter jurare societatem, vel aliquando contra aliquem vel aliquos
ordinare conspirationem, nisi id specialiter de arbitrio & consensu ipsius episcopi.*
Anno millesimo ducentesimo octauo, repetiit sexto idus Ianuarij & rursus
confirmauit illam edicti partem quæ est de vectigali pecunia; & insuper
eam ipsam tulit, sanciuítque anno sequente calendis Ianuarij, atque adun-
xit vt vni episcopo liceret probare aurum argentumque Valentia: abs-
que ejus consensu probantú pœna fuit centum auri pondo. Hæ Philippi
leges valuerunt illæ quidem, vt Valentini semel atque iterum quiescerent
à turbis, facere tamen non potuerunt vt viri nobiles cessarent totà diœcesi à
turbis.

Anno millesimo ducentesimo nono Christi, & (vt legitur in Cisterci- 42
ensium Lioncelli chartulario) decimo episcopatus, quinto calendis Februarij,
denique conuenit Humbertus cū Valentinis pro vectigali, agentibus Hum-
berto Archiepiscopo Viennensi, V. idest Vmberto siue Humberto Diensi, &
V. seu Vumone ac Burnone Viuariensi episcopis, quos ambos esse quoque
canonicos Valentinos scriba aduertit. Habebat noster Humbertus in con-
silio Priores Cartusianos A. Syluæ benedictæ & P. Vallis S. Mariæ, atque Ar-
naldum Priorem S. Rufi. Hoc aduerto, vt non mireris contentionem lon-
gam & difficilem habuisse bonos & faciles exitus. Viri pij omnia quiete
moderati sunt. Neque parum virtute regularique disciplina tum florebat
canonici Santufenses, ex quibus accepit episcopus, quem non inferiores Car-
tusianis diceret.

Cum viris per agrum nobilibus diuturna magis fuit contentio, neque 43
villo fœdere componi potuit, nunc his, nunc illis, vt ferre tempora videban-
tur, pugnam cientibus. Igitur Humbertus belli socios asciuit & alios, &
Bernardum Aniciensem episcopum, atque Guigonem Turnonis domi-
num, & Giraudum Basterum pollentes opibus, & clientum magna vi. Certa
putauit auxilia quæ de regione trans Rhodanum posita peterentur: laborare
duxit accepta de Valentino cis fluuium tractu, quem vnuerſum non leuiter
offendebant jura à Friderico & Philippo imperatoribus accepta. Cum Ber-
nardo episcopo conuenit in has leges. Alterum injuriâ pulsatum (erāt illi etiā
hostes sui) alter iuuabit milite propriis sumptibus cōducto; & quidē per obsi-
dionē caſtri, aut vincula canonici, quā multū succēturiare poterit. Guigonē

- dynastam sibi adjunxit concessione Drunstallij pagi anno septimo & decimo supra millesimum ducentesium : Beldisnario Charmium dedit Basteo cedendum, vt Giraudus intelligeret cum pago accipiendam in episcopum, charitatem, quam à multis annis præstaret Beldisnarius. Taceo prælia cum ceteris. Memorabilis fuit pugna cum Guntardo Cabeoli domino. Vir gente illustris, potens opibus, auxiliis ferox, Cabeoli vectigal imperabat, Copij & Vopilleriarum clientelam negabat Humberto. Faciebant animos dynastæ Rossilionæus, Brissiacus Bosserellus, Oseferra, Durantius. Certatum est ad Cabeolum. Captus in Prælio Guntardus, & in carcerem actus Valentia, lustrus pœnas rebellionis atque turbarum, si Monfortius Comes Simon
- 44 & Delphinus non fuissent episcopo autores veniæ, pacisque. Carcere solum compellauit his verbis coram multis proceribus & magna clientum turba. Quod liber es, Guntarde, Monfortio debes atque Delphino. Plus valuit apud me illorum sanctitas, quàm tua perfidia. Debueram certè pro clientelâ violatâ mihi habere Copium & Vopilleras : volo hoc quoque illis dare, vt maneant tibi æternum meæ benignitatis exemplum. Vide vt tuâ modestiâ serues, quod alienâ facilitate tenes. Non est quòd vltrà, vel exultes iuueritute; vel copiis, gente, auxiliis ferocias. Quoties Valentia recordaberis; & in conspectu Cabeoli est; toties carcerem in ea, si quid præterea moueris, esse intelliges. Vectigal Cabeoli posthac non imperabis. Castro Copio quæsitus cedes mihi cliens. Super Vopilleriis pago satisfacies foro meo. Meis omnibus rependes damna per bellum illata. Noli pœnam criminis interpretari quæ impero. Illa debebas ante seditionem tuâ; atque vt non penderes, bello, turbis que facere cogitasti : ista immeritis abstulisti. Dicenti applausere omnes. Guntardus iussu staturum pollicitus est. Si mandata violaret, ad carceres reditum sanctè iurauit. Et Durantius addidit se in carcere socium Guntardo futurum : Rossilionæus autem Brissiacus, Bosserellus, Oseferra hostes perfido, atque aduersus eum vel pugnatos cum Humberto, vel militi legendo pecuniam daturus. Hæc ipsa Monfortius & Delphinus appromisere Ceterum (vt hoc non taceam) Guido Turnonius à Guichenono in Bugiacensium nobilibus familiis pag. 117. tacitus, fuit filius Odonis primi, qui se dixerat clientem Philippi Augusti anno millesimo centesimo octogesimo octauo, & pater Guilelmi I. anno millesimo ducentesimo septuagesimo mortui. Nolo etiam præremittere B. Humberto Præsule plures longè pagos fuisse in antistitis Valentini ditione, quàm nunc sunt. Dominabatur is tum Charmio & Drunstallio, vt vides, Vitræ, Pelafollo, Copio, Agüstodino Saoni, Adgentiolo, Saxiaco superioribus. An graues causæ fecerunt vt, sicuti Drunstallium Humbertus donauit Guinoni Turnonio, & Charmium Basteo, ita alij episcopi aliis temporibus cõcederent aliquos pagos nobilibus viris?
- 45 Canonici quoque Valentini (hoc vnum fortissimo antistiti reliquum erat ad gloriam) nonnihil turbauerunt. Sunt in eorum collegio præcipui quatuor; vocant Dignitates: Decanus, Præpositus, Abbas S. Felicis, Archidiaconus. Voluerunt ipsi illos per se constituere. Neque injuriâ sibi videbantur ita sentire. Ipsi (aiebant) Præsulem nobis eligimus; Præpositum, Decanum, aut etiam ipsis inferiores aliis nobis imponet? Qui antistitem soli, & nobis, & Ecclesiæ Valentinae damus, non ij sumus qui Archidiaconum constituamus? Canonici sunt Decanus, Præpositus, Abbas, Archidiaconus: qui nullum alium

alium creat, cur istis collegij principibus faciendis sese immiscebat? Hi si aliquando accipiunt sedes suas ab episcopo, vt gratias ei referre debebunt, totum collegium pro autoritate sua ad ipsius nutum moderabuntur & dispensabunt. Vacillabunt igitur res nostræ, neque nostris singulorum vñibus commodique, sed episcoporum libidini seruiant: qui si, vt in summa dignitate prouum est, vel familiam suam augere, vel suo genio indulgere amauerint, sua pectum omnia, nostraque dabunt. Obstant autem, & murum pro domo Dei opponent se Præpositus. Decanus, Abbas, Archidiaconus, si nihil ab eo vel habeant, vel sperent. Hæc illi, vt ferebant, ex amore rerum seu episcopi, seu sui collegij; vt plures interpretabantur, & sentiebat episcopus, ab hostium Ecclesiæ suorumque consiliis. Nam seu cognatione sanguinis, seu affinitate malum serpebat ad canonicos & ad nobilissimas tota regione gentes. Humbertus quæ erat prudentiâ compescuit omnem motum. Abbatem (edixit) & Archidiaconum Antistes ipse constituet per se vnus, Præpositum & decanum electos à collegio. Creati dicent se & hi, & illi Præfatis clientes: cum sedes vacabunt, & ipsæ, & earum iura vniuersa erunt episcopi. Annus erat 1216. cum hoc egit. Diuine postea vixerit haud scio. Viuebat ille quidem anno consequente, sed magnum de ipso deinde silentium Cartusianorum tabulæ habent mortuum anno 1220. Necrologium Sanrufense 3. cal. Maij.

Gerondus, nonnullis Giraldus, de Abbate, antea Molisimensi, tum Cluniacensi episcopus anno 1222. cum Hugone Lingonensi antistite quæsiuit de vita & sanctitate Roberti Molisimensis olim abbatis. Visus est Honorio III. Pontifici is esse, qui omnium certissime posset rem cognoscere, quando monasterium rexerat vbi ille vixisset. Placet hic partem literam Honorij recitare. Cum ad id vt aliquis habeatur vt sanctus in Ecclesia militanti, inquit Pontifex Molisimensibus monachis, *neceſſe sit vt vera fidei quæ per dilectionem operatur, merita cū perseuerantia finali præcedant, & clara etiam miracula subsequantur, neque alia sine aliis plenè sufficiant ad iudicium sanctitatis, eò quòd nonnulli faciunt opera sua vt videantur ab hominibus, & nonnunquam angelus Satane transfiguratus se in angelum lucis hominibus frequenter illudit, sicut de magis legitur Pharaonis. Cum itaq; inquisitores prædicti, Gerondus & Hugo, nobis super his plenius rescripserint veritatem, &c. quia licet nobis quadam miracula quæ post mortem fecerat intimarunt, de his tamen quæ in vita fecisse dicitur fidem plenariam non fecerunt, nos ne precibus vestris videremur omnino deesse, concedimus vobis vt eum tanquam sanctum in vestra ecclesia veneranter, ejus apud Deum suffragia fiducia- liter imploretis.* Hæc attuli, vt videas beatificationem, quam dicimus, illis temporibus à canonisatione distinctam fuisse.

46
Gerondus

Ann. 1224. Gerondus accepit à Guidone Ademaro Mirmandam pagum. Guido noluit Ademaro inferiores esse Monueneriis & Beldisnariis, duxitq; si Montilium, plures pagos, caltræque & prædia non pauca in spes hujus vite relinqueret suis heredibus, è re sua futurum si certè Mirmandam pagum parandæ æternitati daret suo antistiti. Guidonis exemplum secutus est de Ademaris Guigo cognatus 80. post anno, qui Montilij suam, idest quartam partem, Montem-Bocharium, Saussiam, Clesensæicum, Rossacium, & Montem-Pausium posuit in episcopi clientela.

Gerondum excepit Guilelmus, Thomæ Comitris Sabaudie filius, ante episcopatum monachus, vt ipse scribit in omnibus tabulis quæ ab ipso obfignatæ petuenerunt ad manus meas. Vbi monachum professus fuerit non

48
Guil. de
Sabau-
dia

lego, Robertus addit adjunxisse Leodienſes infulas Valentinis. Se dicit in tabulis anni 1126. miniſtrum Eccleſiæ Valentinæ, electum Valentinum ceteræ vocant. Quo anno cepit ſedere Valentini non inuenio. Guichenonius ait cepiſſe anno 1224.

- 49 An. 1226. accepit à Siluione de Criſta decano partem caſtri de Criſta, Auguſtam & Diuauiam caſtra. Tabulæ 3. idus Martij de reſcriptæ ſic habent. *Ego Siluio de Criſta, decanus Valentinæ Eccleſiæ, donatione inter viuos donauit, & cōceſſi & tradidi, me deuſſiendo & te inueſſiendo, vſum fructū mihi retinendo, tibi Guilelmo miniſtro Eccleſiæ Valentinæ, & ſucceſſoribus tuis epiſcopis Valentinis, in perpetuum meam partem caſtri de Criſta, & caſtrum de Auguſta, & caſtrum de Diuauia, & quidquid juris habeo vel habere debeo in prædictis caſtris, & mandamentis, & pertinentiis iſiſſorū, videl. munitiones &c. Ego verò Vilelmus miniſter Eccleſiæ Valentinæ, attendens liberalitatem & deuotionē prædicti Siluionis de Criſta, decani Valentinis, in recompensationem prædictæ donationis donauit, & conceſſi eidem in beneficiū personale caſtrum Montis-Veneris cum mandamento & pertinentiis ſuis, & villam Bellimontis cum mandamento & pertinentiis, & obuentiōibus eorundem, ſi fortè aliquæ proceſſu temporis obuenerent, & centum libras in pedagio Valentino ſingulis annis quoad vixerit, percipiendas &c. Iuravi etiam prædicto Siluioni, quod debita ſua perſoluam, de clamoribus ſatisfaciam, eleemoſynas quas erogauit reddam vſque ad ſummam 32000. ſolidorum. Acta ſunt hæc Valentinæ in domo epiſcopi, &c. anno 1226. menſe Martij, 3. idus ejuſdem, domino Papa Honorio præſidente, & Frederico Romanarum Imperatore regnante. Hactenus tabulæ proſectò memorabiles.*
- 50 Majorēne Guilelmi epiſcopi, quàm Siluionis decani laude conſcriptas dixerim? Decanum epiſcopus eo adduxit, etiam labantem & mentis incertum oratione adiegit, vt Criſta mediam partem (alteram ditione tenebat Guilelmus Piſtauienſis) Auguſtam, & Diuauiam donaret Eccleſiæ. Quid enim, aiebat, vel ad gloriam illuſtrius, vel ad beatitatem opportunius facias Siluio? Qui clero nomen dedimus, vt cenſemur in hæreditibus fortèque Domini, ita Deum ſcribere debemus hæredem, & ponere in ſorte noſtra. Nihil nobis cum gentilibus noſtris, ex quo cenſemur in Eccleſiæ familia. Non ille videtur tibi abdicare ſe pietate, & Criſtum abjicere, qui prædia & caſtra, quibus per vitam clericum geſſit, dat fruenda poſt mortem ſuam hominibus ſæculi? Omni ſermone apertioribus factis clamat ſe, ſi poſt mortem ſuperſtes foret, non Deo, ſed carui & ſæculo ſtipendiis ſuis militaturum. Non quidem gloriæ quidquam, aut honoris ab hominibus ſperare debemus ex rebus pro Deo geſtis; tamen ſi ſuam partem Criſtæ, Auguſtam, Diuauiam Criſto das in epiſcopis Eccleſiæ tuæ, parabis tibi immortale decus. Cognati & affines, vbi per aliquot annos in hæreditate fuerunt, fere obliuiſcuntur eorum per quos proſecerunt. Quis noſtrum meminit illius viri, qui in noſtram familiam contulit quam omnes ſuſpiciunt, opum vim ante centum, vel etiam pauciores annos? Si quod ſuadeo facias, poſt me epiſcopi, atque adeò Valentinæ Eccleſiæ nomen tuum cum omni poſteritate cōarquabit: Et ego quidem, ſi hæc placent, dabo tibi Montem-Veneri, & Bellimontem caſtra per vitam habenda: addam de veſtigiali Valentino centum libras annuas; ac demum te omni ære alieno expediam, & quæ in pauperes erogavi reponam tibi ad duo ſolidorum millia

& triginta, vt videas non meis commodis, sed tuæ meæque in cœlis beatituti seruire cùm hæc loquor. Siluionem commouerunt hæc verba, & fecerunt vt in pacta cum Guilelmo descenderet.

Anno 1227. pugnavit cum Aimaro Pictauiensi seniore. Qui Pictauienses iam molesti erant diu episcopis Dionsibus, neque dubitauerant exercitum in eos ducere, non aggressi hæcenus Valentinos, ceperunt turbare Guilelmo episcopo. Aimarus auus multa castra sustulerat ab Aimaro nepote. Illa in episcopi clientela erant, ipso tamen inscio ea sustulerat. Igitur Flotta pueri mater Ademaro Brissaco & Eraclio Monlaurio tutoribus juncta, implorauit opem Guilelmi pattoni. Voluit sapiens antistes, vt junior Aimarus sacramento diceret, Vpiani & Montaissonem habere se ab ipso beneficiaria, adderétque quadraginta quinque millia solidorum Viennensium aut Valentinorum olim debita. His conditionibus pugnavit in Aimarum seniore, armisque reddidit officio suo. Sed Præfulis caritati junior non respondit; post annos octo mouit aduersus ipsum in magnam suorum perniciem, si certæ victoriæ Guilelmus non prætulisset arbitrorum iudicium.

Longè alium exitum habuit seditio Valentina. Ciues post pacem ab Humberto episcopo factam multa querebantur, hoc maxime quòd omni clari episcopo societate, publicoque conuentu prohibuerant tum Fride-ricus, tum Philippus secundus imperatores. Indigna res, inqueiebant, ciui- bus Valentinis. Sua quisque prædia moderatur proprio nutu, domos, fami-lias; neque iis constituendis præesse vult episcopum, nisi vecors & malè sa- nus. Valentina ciuitas id non præstet quod singuli facimus, neque suarum quidquam rerum sine Præfule poterit moderari? Imponunt ego sibi recto-rem, & iudicem, quibus adiungunt consiliarios; hunc cognoscendis causis, illum curandæ publicæ rei. Additus est præco pronuntiandis vtriusque edictis. Insolentia facti aduerit omnium circà mortalium animos. Epi- scopus, clerus, regularium vniuersæ familiæ, quisque pro sua virili occurre- re malo, ponere ob ciuium oculos literas imperatorum. Furor, potissi- mum qui publicus est, semel conceptus sustineri nunquam potest: cæco impetu prorumpit in effrenem licentiam. Pellunt vrbe episcopum, cle- rum pulsant, & regulares, post eorum direptas domos. Giraudi Basteti anti- qua in antistitem pietas iuuenescere visa est, & suprà quàm dici potest eni- tuit. Quid non ille consilio? plurimum enim mente poterat; quid non manu armisque tum suis, tum affinium & cognatorum ausus est, gessitve? Sed vicit malum omni remedio majus. Domum excitant habendis con- uentibus publicis, Confratriæque nomine vocant; vt doceant rem com- munitibus ceptam animis, fraternâ à singulis pietate seruandam esse. Cogunt frequens concilium. At enimvero populorum seditio, torrentis in mo- rem aut turbinis scuit, non diu datura strages. Hoc habet omnis impetus; quando vehementissimum putas, deficere incipit. Et hoc cogitauerat multò antè Guilelmus. Cessit furori lecturus in agro militem, & auxilia non contemnenda de fœderatis ad Valentiam populis coacturus. Iam- que instructo exercitu immunebat vrbi, cùm resides ciuium animos componit species præsentis periculi, obsidio, & post mœnium expu- gnationem deprædatio domuum, proscripio capitum seditionis, aut

eades, alique id genus pœnæ. Hoc sapienter denique constituentint, ut veniam ab episcopo peterent infimis precibus, & dicerent prudentes viros, quorum arbitrio starent de omni controuersia & crimine. Hic benignitatem suam Guilelmus aperuit: injuriarum oblitus, fremente nequidquam milite prædam sibi eripi, vota Valentinorum audiit. Volumus Comes Geneuensis, Raimundus Berengarij, Rogerius Clariacensis, Petrus de Bucionem, Pontius Duranti dixerunt sententiam Rupe de Glues decimo calendis Nouembris, distinctam in plures articulos: confratris domum euertere; prohiberunt omni clam episcopo conuentu ciues; isdem imposuerunt marcas argenti sex mille. Gestares est anno millesimo ducentesimo vigesimo nono. Cumque Valentini non essent soluendo, Guilelmus sequente antio, mutauit pro arbitrio Petri Dominicanorum Aniciensium prioris, marcas argenti libris Viennensibus.

53

Anno millesimo ducentesimo trigesimo octauo, Comites Prouinciæ & Tolosæ mittunt auxiliarem militem ad Fridericum secundum in Italiam, duce Guilelmo. Imperator Mediolanum obsidebat, & nobilem chartam scripsit mense Nouembri Cremonæ de iuribus Ecclesiæ Valentini in hæc verba. *In nomine sanctæ & indiuiduæ Trinitatis. Fridericus II. diuinâ fauente clementiâ Romanorum Imperator semper angustus, Ierusalem & Sicilia rex. Si bene meritis ac expertis fidelibus retributio reddatur juxta votum, salubriter ex hoc consiluitur profectibus largientis, quoniam eo fortius virtus roboratur principis, quod plenius per eundem subiectis providetur. Venientem itaque ad curiam nostram Guilelmum, Valentiniensis Ecclesiæ venerabilem procuratorem, seu electum, debitâ honorificentia suscepimus, & consueta benignitate tractauimus, ipsi quoque de omnibus regalibus, castis, munitionibus, & vniuersis possessionibus ciuitatis Valentini, & totius episcopatus plenissime inuestiuimus. Cum per privilegium inelyte recordationis Friderici aui nostri plenè constiterit, hæc eadem ab ipso prædecessorum suorum vestigiis inbarente concessa fuisse prædecessoribus ipsius electi, episcopis scilicet Valentini apud Bisuntiam nono calendis Decembris indictione quinta anno Domini 1157. regnante Domino Friderico Romanorum imperatore gloriosissimo, anno regni ejus sexto, imperij verò tertio. Quam concessionem ratam habentes, & etiam innouantes, concessimus prefato Electo, & per eum omnibus successoribus suis episcopis Valentini, in perpetuum ciuitatem Valentinam cum suis suburbiis, & territorio, & quidquid infra ejus ambitum, & extra in toto episcopatu Valentino continetur, comitarum videlicet, abbatias, monasteria cum omnibus possessionibus eorum, forum, mercatum, duella, monetam, stratas, naulos, telonia, pedagia, castra, castella, villas, vicos, areas, seruos, ancillas, tributarios, decimas, foresta, syluas, venationes, furna, molas, molendina, aquas, aquarum decursus, campos, prata, pascua, terras cultas & incultas, & commune forum agencium & sustinentium causas tam ciuilitate, quam criminaliter. Quasdam etiam possessiones duximus exprimendas, castrum videlicet Alexiani cum appenditiis suis, castrum Montilisi cum appenditiis suis, castrum Montislagerij cum appenditiis suis, castrum Balma cum appenditiis suis, castrum Faiciaci cum appenditiis suis, castrum Leberonis cum appenditiis suis, castrum Aurioli cum appenditiis suis, castrum nouum cum appenditiis suis, castrum duplex cum appenditiis suis, castrum de Stella, castrum Alisij, castrum Saonis, castrum de Vrre cum appenditiis suis, castrum Vpiani cum appenditiis suis, castrum Coperij cum appenditiis suis, castrum Agustudini cum appenditiis suis, castrum*

Marmande

Marmande cum appenditiis suis, Bastiam de Confluenci cum appenditiis suis, Bastiam de Lisignaco cum appenditiis suis. In supradictis vero omnibus, & in toto 54
 episcopatu Valentino ordinariam prefato Electo, & per eum omnibus successoribus suis electis vel episcopis Valentinis concessimus jurisdictionem; scilicet ut tam in civitate, & suburbis, quam in castris & villis propriis Ecclesie, causas tam civiles, quam criminales, per se vel per officiales suos audire, proditores, homicidas, adulteros, fures, latrones, perjuros, & quoscunque in criminali causa convictos, vel confessos, & quoscunque falsarios, inter quos censemus omnes illos, qui non legitimo pondere, vel mensura, vel anna veniunt, eam corporaliter, quam pecunialiter punire possit; & banna ponere, & a transgressoribus penas exigere, & omnia que ad ordinariam jurisdictionem pertinent exercere; hac etiam omnia possint idem Electus & ejus successores per omnia alia loca episcopatus Valentini, exercere per appellationem ad ipsum factam, vel in defectu dominorum. Decernimusque & omnimodo mandamus observandum, ne quis hominum preter Electum, vel episcopum Valentinum a flumine Isara usque ad castrum Montily, a castro Crisse usque ad villam de Subdione, & in toto episcopatu suo pedagium vel quidagium accipere, seu stratam publicam divertere, vel aliquomodo impedire presumat. Concedimus quoque, & imperiali majestatis 55
 donatione sancimus, ut memoratus Electus, ejusque in perpetuum successores Electi vel Episcopi apud Valentiam, vel Liberonem, vel alibi in episcopatu habeant accipiendi facultatem liberam, in onere cuiuslibet equi, siue muli per terram, vel aquam deportato duodecim denarios: similiter in onere vero asini quod est in sale, vel in ferro, vel in ejusmodi, quatuor denarios. Ad honorem quoque supradicti Electi, omniumque successorum ejus communem utilitatem, imperiali districtu inhibemus, ne aliqua occasione civibus Valentinis, vel aliquibus aliis de toto episcopatu Valentino, licitum sit inter se communem aliquam jurare societatem, vel aliquando contra aliquem vel aliquos ordinare conspirationem, nisi id specialiter de arbitrio vel consensu ipsius Electi vel episcopi, qui pro tempore illic presidebit, fiat. Ceterum ut prave consuetudines ratio vincat, & illicitus usus legum soluat autoritas, imperiali autoritate in posterum interdici-
 mus, ne aliquis baronum vel alius Valentini Episcopatus habeat facultatem, beneficium, seu feudum imperij, regni, vel ecclesie alienare, vel in alterius dominium sine ipsius speciali mandato transferre. Quod si factum est aliquo tempore, illud irritum revocamus: & si deinceps factum fuerit, legis vigore carebit. Castra igitur seu possessiones sic alienatas, dictus Electus & ejus suc-
 cessores, tanquam eis commissas, valeant vendicare. Interdicimus quoque ne ali- 56
 qua persona civitatis vel episcopatus Valentini, alta vel humilis, ecclesiastica vel secularis, castellum novum, bastiam siue munitionem aliquam facere presumat. Castra etiam vel munitiones, que intra limites episcopatus Valentini sine speciali mandato nostro, vel predecessorum nostrorum, a tempore coronationis Divi Augusti Friderici avi nostri constructa fuerunt, ad requisitionem ipsius episcopi, tanquam constructa contra predicta Ecclesie privilegia, destruantur: quod si castrorum vel munitionem domini ad mandatum ipsius Electi vel successorum ejus facere recusaverint, ipsa castra, seu munitiones, eidem Electo & successoribus suis incidant in commissum. Concedimus etiam supradicto Valentino Electo & successoribus ejus, ut si quando ipsos cum armis, vel sine armis, ad presentiam vel exercitum nostrum, de mandato nostro, seu

pro negotiis nostris vel Ecclesia venire cōtigerit, pro expensis ab eis in aduentu velin
seruitio nostro factis subuentionem omnes homines episcopatus, tam feudatarij, quàm
alij, secundum quantitatem & qualitatem expensarum, & facultates hominum
57 predicatorum prestare teneantur. Ne verò predicta omnia aliquā valeant refraga-
tione conuelli, sed debitā stabilitate Ecclesie Valentina debeant inconcussa manere,
omne auctoritatis nostra robur accommodamus, & presentis priuilegij munimine
sepeditate Ecclesia confirmamus, saluā per omnia imperiali iustitiā. Nulla igitur
in supradictis omnibus infestatio scuias Tyrannorum, nulla potestas ibi per
violentiam irruat, nullus Comes aut iudex legem in his facere presumat, præter
episcopum Valentinum, cui soli volumus hoc licere. Sit illa ciuitas Valentina, totus
& episcopatus liber ab omni alia potestate. Statuimus insuper, & imperi-
ali sancimus edicto, quòd nulla persona, alta vel humilis, ecclesiastica vel sa-
cularis, predictum Electum, vel successores suos contra presentis priuilegij nostri
tenorem ausu temerario impedire vel molestare, seu in aliquo contrahenire vel per-
turbare presumat. Quòd si præsumperit, indignationem nostram se noverit incur-
surum, & centum libras auri..... pro panā, quoties in toto, vel in parte contrahen-
nerit, accompositurum; medietatem scilicet camera nostra, & reliquam medietatem
dicto Electo, vel ejus successoribus persoluendam. Ad hujus autem concessionis,
ratihabitionis, innouationis nostre memoriam & robur perpetuū valiturum, presens
priuilegium fieri, & bullā aureā..... nostra majestatis impressā jussimus communi-
ri. Hujus rei testes sunt Herbipolensis, Wormatiensis, Vercellensis episcopi, dile-
cti principes nostri &c. Acta sunt hæc apud Cremonam, anno Dominice incarnationis
millesimo ducentesimo trigésimo octauo mense Novembri &c.

58 Eodem anno Guillelmus ab Honorio tertio Pontifice legatus est in
Galliam, & euectus in gubernatorem patrimonij sancti Petri, autore Gui-
chenono in historia Sabaudia paginā 256. qui, repugnante Matthæo Pa-
risiensis, addit Guilelmum hoc eodem anno electum fuisse in episcopum
Leodiensem; est consequente captus ab hostibus Ecclesie, venenōque
mortuus Assisij in carcere. Corpus in Sabaudiam delatum jacet in mona-
sterio Altacombe cum hoc epitaphio. Anno millesimo ducentesimo trigésimo
nono, tercia nonas Maij, delatus fuit de curia Romana illustrissimus vir dominus
Guillelmus de Sabaudia Electus Valentie.....

59 Anno millesimo ducentesimo quadragésimo primo, Bonifacius de
Bonif. Sabaudia Guilelmo fratri datus est successor ab Innocentio quarto, sub
de Sa- administratoris nomine, scilicet Bellicensis erat episcopus: administratoris
baudia. verò nomen reliquit Philippo fratri anno quinto & quadragésimo, cum
Archiepiscopus Cantuariensis electus est. Moritur anno septuagésimo in
Sabaudia; die decima quarta mensis Iulij, jacet Albe-combe cum hoc elo-
gio Hic jacet Bonifacius de Sabaudia Cantuariensis Archiepiscopus, operibus bonis
& virtutibus plenus. Ante episcopatum fuerat Cartusianus, vt intelligitur ex
litteris Hugonis secundi Cartusie Prioris, quas Guichenonus recitat in pro-
bationibus historie Sabaudie. Ex eodem certum est Amedeum fra-
trem fuisse quoque Cartusianum, qui postea Mauriennensem gessit episco-
patum.

60 Philippus à Sabaudia Archiepiscopatum Lugdunensem adjunxit ad epi-
scopatum Valentinum, anno millesimo ducentesimo quadragésimo sexto,
Philip. à Sabau- & utrumque rexit vsque ad septimum & sexagesimum, quo iis abdicatis,
dia. cum

cùm sacros Ordines non suscepisset, duxit Alissam seu Adelaidem Hugonis Comitissæ Cabilonenfis viduam ex hæreditate paternâ Comitum palatinum Burgundiæ. Anno quinto & quadragesimo accepit Subdionem, à Bernarda abbatissâ cum arce, & ceteris præter portorij tertiam partem, & jura venandi, piscandi, aliaque paucula. Anno secundo & sexagesimo mutauit hemina sextarium frumenti, quem Subdionis incolæ ponebant abbatissæ pro agrorum cultura.

Huic Episcopo perpetuum fuit cum Aimaro Pictauensi bellum. Guilelmus Philippi frater, viderat non fida pangi anno trigésimo quinto, neque certa & duratura fœdera cum viro vehementis ingenij, & insanæ cupiditatis. Igitur pro suâ prudentiâ addiderat tribus post annis ut Fridericus secundus Imperator probaret literas, quibus ante ipsum Imperatores Valentiam & plurima castra, jurâque in ipsis regia concesserant Episcopis, ut paulò antè vidimus in ejus tabulis. Imperatoris jura Aimarum commouerunt, feceruntque ut per aliquot annos cessaret à turbis. Decimo post duxit exercitum, & prædas egit per regionem Episcopi. Sed Philippus virum ætate, armisque ferocem voluit frangere patientiâ suâ, dicitans Christianâ modestiâ, non ense, hastâque, dum liceat, pugnandum Episcopo; ac juribus nonnullis cedendum potius quàm pugnandum, quando in subditorum maximè commoda peruenerint ea ad Præsules: atque longè major vis auri profundatur alendo militi ac instruendo, quàm illa æstimentur. Ipse cum Aimaro conuenit die quinta Octobris, anno incerto, de Cristâ, Alesio, Lesignano causis bellis. Episcopus eam Cristæ partem habebat, quæ fuerat Siluionis Cristensis; alteram tenebat Aimarum: sed tanta non erat tum Crista, ut satis ad dominium esset duobus potentissimis viris, iisque non omnino amicis. Philippus ergo constituit, ut ciues quidem essent illius in potestate, in cujus parte habitarent, neque ulli ab alterâ in alteram migrare liceret; in aduenas verò ei jus esset, in cujus diuione hospitarentur: in quo peccaret quis loco, reus sisteretur domino loci: terræ prouentus, quisque peteret, ex ea regione quam coleret. Hactenus super Crista conuenerunt: trifariam verò dimiserunt Alesium; tertiam partem iusserunt esse Episcopi, ceteras duas Aimari. Totum Lesignanum addixerunt Philippo. Miror quod Antistes adjunxit (sed tanti erat quies) sibi non ultra licitum exædificare arcem Valentiam Liberonem usque, quâ viam inter publicam & Liberonem jacent campi. In hæc fœdera jurauit tum Aimarum, postmodum abjuranda: nani per episcopatum Philippi pugnare petrexit homo inquietus & paetorum infidus. Intercessere pugnantibus sæpenumero Baucius, Brissacus, & alij dynastes, cum Ioanne Archiepiscopo Viennensi; sed irritò conatu. Fuit tamen, cum in pignus certæ pacis daret Poussinum castrum; fuit, cum adderet Gorgorium, & Pontaisium pagos, Philippo concedente Fanum Marcelli, & Castrum-nouum Ilaræ impositum. Detestabantur omnes circum dynastæ perfidiam Aimari, & obstinatum bellare animum, nisi fortè si quos conjuncto sanguinis, aut rei domesticæ difficultas ad eum admoueret. Plures Philippo se adjunxerunt. Insignis fuit pietas Rogerij Andusiani: Votam quoque dedit episcopo. Munus illustre: sed Antistes clientelæ professione contentus, restituit castrum Rogerio. Non omittendas à me voces voluit ascribi tabulis: se ductum pietate in Deum, & non inmemorem beneficiorum

rum à Præsule acceptorum, dare Philippo Voutam. Modesta nobilissimi viri oratio auxit munus magnum per se.

Philippo episcopatum abdicante cura belli canonicos vrgebat, Aimarus enim omnia rapinis peragrabat & cædibus. Putauerant olim opponendos viro Antistites gente clarissimos, si forte ab alto ductum genus vereretur, qui tot Præsulum virtutem & sapientiam offendere hæcenus non dubitauerat. Verum nulla eum tetigerat reuerentiâ Guilelmi & Philippi Principum Sabaudorum, gentis claritate superiorum & opibus.

Guido de Montelauro de Aniciensi canonico, & Bertrandus de Auenionensi Episcopo fiunt antistites Valentini anno septimo sæculi & sexagesimo, malè pacatis canonicorū comitiis. Laborabant scilicet viri sapientes pro difficultate temporis, neque satis cogitare poterant, quem Aimaro darent aduersarium animis, prudentia, gente illustrem. G. Præpositus, & aliqui de Canonicis, Guidoni palam aduersantes, prouocauerunt ad Sedem apostolicam ab cæterorum in eum consensione: ipse 9. Calendas Februarij, Romam misit Ycterum de Rupeforti, & Iordanum Frollum, rerum curatores & causarum, ac præsertim quæ erat de electione in Episcopum Valentinum.

63 Sed Clemens IV. pro Bertrando tulit sententiã; hoc maximè sapienter, & ad publicam quietem opportunè, quod sanguine junctus erat Pictauiensibus, jamdiu certis Episcoporum hostibus. Ita scribit Aimaro de Bertrando, ut ex epistolarum pontificiarum codice accepit Polycarpus de la Riuere; non Guidoni, ut alij voluerunt: *Ecce jam, ni fallimur, tuo laudabili desiderio satisfecimus, dum Ecclesia Valentiniensi prouidimus de persona prouida, & discreta, & tibi sanguinis proximitate conjuncta.* Sed fefellit Pontificem sua spes. Aimarum bellum indicit, post paucos annos ab eo in episcopatu gestos, ut videas eacum esse dominandi cupiditatem, & inuerecundam; neque vllâ, seu virtutis & sapientiæ, seu sanguinis gentisve reuerentiã cohiberi ab procaci-

64 bus cæptis. Crisla, Augusta, Deuaua belli causæ. Iam olim Siluio dederat ea castra Episcopis: & cum Philippo Antistite conuenerat de Crisla etiam ipse Aimarus. Sed homini inquieto, & rei alienæ appetenti, nulla pax fida, nullum jus certum. Occupare quoque tentauerat Lesignanum, & Alefium. Vrebat maximè vitum principem, & ingentis spei dynastam, totâque supra centum annos gentem ejus malè habuerat vectigalis per dioccesim prohibitio, Comitatus Valentini nomen datum Episcopo, & scilicet solemnissimæ professio obsequij, & clientelæ eidem faciendæ. Igitur alia ex aliis bella ferebat. Res Bertrando visâ est importuna. An Episcopo semper pugnandum

65 erit? Igitur pedum ense, templum castris, Clerus milite mutabitur? Deo populis, sibi que placando, non Pictauiensibus debellandis Ludouici, Frederici, Henrici ac Philippi Imperatores; Monuenerij, Beldisnarij, Ademari potentès viri ac nobiles; Apollinares, Odone, Guilelmi Episcopi, hanc opum vim Ecclesiæ concesserunt. Quid? Siluio ipse Cristenfis, castra hæc Decanus ab affinium numerosa gente, suâque illustri, & militares animos spirante familia abstulerit, ut nos militiam geramus sacerdotes? Ergo Aimarum priuat Christianorum sacris, omnemque illius tota regione ditionem. Hominem impium dementarunt. Ecclesiæ fulmina, non sanitati reddiderunt. Sacra miscet profanis, Præsulemque ipse agit: clericos prohibet crucibus, & arte campano, concionatores ambonibus, archipresbyteros visitatione templorum.

plorum. Tanta rerum omnium conuersio, in regione ad Italiam posita, non potuit latere diu Pontificem Romanum: mittit V. Prænestinum, & B. Sabinensem, Episcopos Cardinales qui æqui bonique, & arbitrij Iudices, nonis Iulij tulere sententiam Lugduni pro Bertrando, omnibus in Aimanum occlamantibus, vimque, & perfidiam, ac immensam ambitionem homini exprobrantibus: & sanguini tamen iuncto dedit pacem Bertrandus, meliorem precatus animum in res sacras, & profanas, mortuūque fecit locum Guidoni de Montelauro, qui anno millesimo ducentesimo septuagesimo quarto, electus rursus in antistitem, cum esset in comitatu Romani pontificis, obiit extremum diem Tarascone, ut scribit autor vitæ Amedei Rossilonæ post Guidonem episcopi; quo vehementer annitente, Gregorius decimus videns agi rem cum animi impotente viro, fideique malè certo, & bella per Episcopatus Valentinum, & Diensem singulis penè annis ciente, ducentēque, cogitauit aliquando antistiti vtrāque Sedem concedere, quod in Concilio generali propositum fuerat, & ab Gregorio IX. quondam tentatum, ut maioribus ei viribus obfisteretur, quacūque auderet facere impetum. Igitur anno 1275. Viennæ 7. calendas Octobris, vniuit ambos Episcopatus & voluit, ut de duobus Præsulibus, alteri superstes haberet vtrumque: quo mortuo Valentiam alternā vice, Diāque canonici Dieneses simul & Valentini, qui intra prouinciā Viennensem essent, conuenirent electuri Episcopum; exordio tamen ab ciuitate Valentia factō. Literæ Summi Pontificis ita habent.

Guido
de Mō-
relauro

67

GREGORIUS EPISCOPUS, SERVVS 68
seruorum Dei.

Ad futuram rei memoriam.

Valentinensem, & Diensem Ecclesias, in eadem, Viennensi videlicet, prouincia constitutas, & non absque diocesium contiguitate vicinas, subiectōsq; ipsarum, iamdudum adeo graui tyrannii oppressit, & ab olim infesta continuatur oppressio, ut ad felici recordationis Gregorij Papæ IX. prædecessoris nostri aures vehemens illarum clamor ascendens, ad eum lacrymabili conuersione detulerit, quod sic nobilium, & populorum ipsius subditorum malitia ebullierit in easdem, ut non erubuerint insurgere in parentes, multiplicato frequenter Patris exilio, & per directionem bonorum, ac alias persecutiones innumeras in Matris excidio frequentato. Adiecit præmissis duellarum Ecclesiarum miseranda conditio humilis supplicationis instantiam, ut cum hostilis eorumdem subditorum insania, contra ipsas non desisteret ab inceptis, nec ad sui defensionem earum aliqua sufficeret per seipsam, illas, cum id exigeret urgens necessitas, & euident suaderet utilitas, dictus prædecessor vniret quatenus ipsarum sub vnius & eiusdem Reclorij moderamine vnita potentia, sufficientius resisteret dictorum persecutorum insultibus, & commodius eorum violentas molestias, & molestas violentias propulsaret. Iam verò prædecessor horum consideratione commotus, certis personis suis, sub certa forma dedit literas in mandatis, ut de necessitate, ac utilitate prædictis sollicitè inquirentes, si expedire ipsis Ecclesiis inuenirent, illas eius auctoritate vnire curarent contradicētores per

Mm censuram

- 69 *cenſuram eccleſiaſticam appellatione poſtpoſita compeſcerent, ſicut in ipſius prædeceſſoris literis perſpeximus plenius contineri. Licet igitur eodem prædeceſſore morte præuen- to, & propter alios incidentes euentus, ad id non fuerit ipſius authoritate proceſſum; quia tamen ſuper his, quæ idem prædeceſſor per alios inueſtigari mandauit, & nos iamdudum, maxime circa Valentinenſem Eccleſiam, dum nos minor ſtatus haberet, & Fratres noſtros, qui vna nobiſcum nuper circa partes illas aliquamdiu conuerſati, eadem quaſi manibus tractauerunt, & euidentiùs notitia experimentalis inſtruxit, quò huiuſmodi perſecutionis diuturnitas, in hæc uſque producta tempora, ea magis reddidit manifeſta, cum eiſdem Fratribus noſtris perpenſa deliberatione præhabita, memoratas Valentinenſem, & Dienſem Eccleſias propter urgentem neceſſitatem, & euidentem utilitatem ipſarum, de quibus nobis & eiſdem Fratribus noſtris conſtitit euidenter, de ipſorum Fratrum conſilio, præſertim cum ad hoc etiam vicinitas locorum inmitet, & de apoſtolice plenitudine poteſtatis vnimùs authoritate præſentium. Statuentes, ut ſtatu Præſulum, qui nunc præſunt eiſdem, ſine immutatione aliqua remanente integro, tandem quouis ipſorum cedente, ſeu etiam decedente, ſic vna ſit earundem Eccleſiarum episcopalis dignitas, quoddam ſuperſtes ſit Episcopuſ vtriuſque, Valentinenſis, & Dienſis Episcopuſ nominandus, ac deinceps Eccleſia: ipſas vno & eodem Antifite ſimili, quin potius eadem intitulatione uſuro, perpetuis temporibus gubernante. Cuius electionem in ipſis Eccleſiis alternis vicibus, ſed in Valentinenſi primò ab vtriuſque Canoniciſ, vocem in eadem electione quaſi corpus vnum, ſeu Collegium pariter habi-*
- 70 *turis, decernimus celebrandum. Quoties autem noui Paſtoris creatio imminet, illorum ſit eorundem Canoniconum vtriuſque Eccleſie vocatio, quibus in ea Eccleſia, ab ea vice, ſortem electionis huiuſmodi viciffitudo conceſſerit, ius vocationis eiùſdem antea compete- bat; & Canonici alterutriuſ Eccleſie, dum in illa, in qua tunc eſt electio facienda, propter hoc præſentes fuerint, diſtributiones in ea quotidianas percipiant, & in omnibus aliis pro ipſius Canoniciſ admittantur. Sed aliàs quoad Canonicatuſ, præbendas, & obuentiones quaſlibet, Canonici earundem Eccleſiarum in diſcretionem, ſeu diuiſionem remaneant conſuetæ. Caterum, ne conſuetudinum in eorundem Canoniconum vocatione diuerſitas, occaſionem aliquam inter eos altercationis inducat, illos tantummodò Canonicos ad electionem vocari*
- 71 *ſtatnimus, qui tunc temporis fuerint in eadem prouincia Vienneniſ. Per hæc autem venerabili Fratri noſtro Vienneniſ Archiepiſcopo ipſarum Eccleſiarum Metropolitanano, eiùſque ſucceſſoribus, ſeu etiam Vienneniſ Eccleſie, nullum præiudiciuſ generetur, quominùs in eiſdem Valentinenſi, & Dienſi Eccleſiis habeant aliàs omnia, & percipiant ſicut priùs. Nulli ergo hominum liceat hanc paginam noſtra vnionis, & conſtitutionis infringere, vel ei auſu temerario contrariare. Si quis autem hoc attentare præſumpſerit, indignationem Omnipotentis Dei, & Beatorum Petri ac Pauli Apoſtolorum eiùs ſe nouerit incurſurum. Datum Vienna, 7. Calendas Octobris, Pontificatuſ noſtri anno 4.*

DE REBUS GESTIS
 EPISCOPORVM DIENSIVM
 LIBER SECVNDVS.

DIA, siue Deia, vrbs est in Alpium radicibus, non procul à Droma fluuij, secundo & vicesimo lapide ab ejus fontibus. E castello quondam nobili, & muris valido, quod faxeus collis habet, descendit orbiculatim in planitiem, situ firma, frequens incolis, agro potens, amœnaque, vt non immeritò primùm Vocontij urbem suam esse voluerint, tum Romani colontiam, ac demum sedem Comites, latè dominantes à Valentinis ad Treuienses. Cingitur illa montibus præaltis omni parte, nisi quâ Dromam flumen agro accipit, emititque. Diceret se, suosque campos diuites pingui glebâ, ad inuidiam ostentare posito circum theatro. Sunt illi ferè prærupti, niuosi que; sed rigorem sustinent tamen, neque ad rura demittunt jacentia: potius non vno in Septentrionem & meridiem flexu, auras, & solem ita dispensant, vt hominum, & frugum vni salubritati seruiant. Tellus itaque ferax frumenti, ac vini, pomorumque varij generis, & aliarum fere omnium rerum, quibus vita non tantum honestè, sed etiam cū voluptate agitur. Has illa opes ad speciem quoque, veluti exultabunda proponit: fluuiis enim, & riuis passim distinguitur, atque tota pene in tumulos colliculósque protuberat, si partem excipias, quam Droma fluuius curuat in plures sinus. In paucis opima est vallis, quam interfecat Meiorssa amnis salutari memorabilis latice. Primùm hortis, ad urbem scilicet, tum pratis, vitibus, omni que segetum genere pro situ nitet. Morbos etiam vulgò nesciunt, seu rure coloni, seu ciues in vrbe; & ad effectam ferme senectutem perueniunt, sine omni langore. Numerant familias supra mille: neque multi sunt anni, cū longè plures censebant: inuenio quippe tria fuisse suburbia, Sanmauridianum, Pilolum (ita vocabant à gente nobili & inclytâ) & Sanmarcellinum; eaque pluribus distincta vicis, ac summorum virorum ædibus ornata, vt affirmant quæ de domo sua professus est anno millesimo trecentesimo primo Petrus Moterius vir clarus & diues, Sanmarcellinum paucis domunculis indecorè aggestum vix sustinet nunc nomen suum, duo alia omnino desiere. Ferunt euerfa latrocinio, à nescio quibus hominibus ante aliquot centenos annos, vagis quidem, sed specie militari per malè certos ordines grassantibus. Omnino tamen ignota est res, neque barbari nomen ac effrœnis exercitus ad nos peruenit. Excitata profectò fuerant post extinctum totâ Galliâ nomen Romanum, ciuitate scilicet jam quicquid, post multiplicem ac immanem Vandalorum, Gothorum, Saracenorum, Hunnorum depopulationem, & restituentē sibi, atque pro antiqua magnitudine modicam; è ruderibus resciente urbem murisque concludente. Romanis quippe totâ Galliâ vigentibus Dia excreuerat in amplitudinem visendam, & coloniâ dignam. Dabat illa sedes fidas, & opportunas venientibus ex Italiâ in Galliam Ebreduno. Atque nisi rupes ingens, terræ motu excussa de summo monte, viam intercluderet ad

Mm 2 Lucum

Lucum pagum, factò lacu de Fontanis & torrentibus aquis, nunc quoque frequens esset populis ex omni Gallia Romam euntibus. Quæ urbis porta à S. Marcello nomen accepit, floribus inscripta, caputque bouis gerens in medio coronicis, habet speciem arcus triumphalis, ab imperator eexercitus profectò erecti, qui urbem incoleret, aut eam non procul vicisset hostem. Et agrum ciues duobus, Pedonis scilicet, ac Iustini, castellis munierunt: sed illius quidem etiam locus ignoratur nunc, hujus verò ingentes ruinæ visuntur in confragosi montis saxeo vertice.

5 Religionibus quoque sacram esse urbem iusserunt; & quam Vocontij Diam vocabant, appellauerunt Deam, ut legitur in Antonini Itinerario (Deam Fortunam interpretatur Massonius in notitia episcopatum Galliarum) ut ne patriam quidem sine sensu pietatis memorare, aut meminisse possent, Diuam non pauci deinde dixerunt ex vocis affinitate, ac Diuiam. Diniam quoque appellauit autor Bibliothecæ Cluniacensis colum. 1732. *Prioratus, S. Marcelli Diniensis*: & postea, *Prioratus de Tribus mariis diocesis Diniensis*: & infra, *Prioratus de Persico Diniensis*. Scimus quippe Tria mœnia, & Persicum esse pagos in regione Treuiensi diocesis Dienensis, Sanmarcellinum verò monasterium in urbe Dia. Tantis demum honoribus ceteras circa colonias antecellere rati sunt, urbis situ, multitudine ciuium, agrorum vbertate, sanctitate sacrorum, ut Deam Augustam nominauerint, sicuti habent antiqui lapides; atque adeo auxerint Comitatus dignitate, Deensem appellauit Ludouicus 4. Imperator sub annum nongentesimum. Post regni Arelatenensis in varias partes diuisionem, is Bosone mortuo fuit pars Prouinciæ, Mediterraneo mari, Rhodano, Uara, & Alpibus comprehensæ. Raimundus Tolosæ Comes sub annum millesimum octogesium nonum, petente Ademaro auulsit ab ea Prouinciæ parte, quam Faïda in Alfonsum Tolosanum enubens acceperat à Guilberto & Tyburga parentibus. Anno demum quadringentesimo circiter suprà millesimum Ludouicus Caroli VII. Francorum regis filius addidit Delphinatui suo.

6 Quo potissimum sæculo fides Christiana Diam peruenerit, quo Episcopus habere ceperit, non liquet. Princeps ecclesia dicitur à Virgine Dei parente: scilicet in Assumptæ honorem dicata est. Decani Sede, pluriumque canonicorum collegio nobilis, tantam præterea presbyterorum vim ante Hugonotorum hæresim habebat, ut Deo laudes eadem horâ, junctis tamen à canonicis diuisi ædibus canerent, ex quo aucta fuerat prioratu S. Mauritiij. Eâ porro tunc mole surgebat è quadro lapide, ut seu longitudinem, seu latitudinem spectares, visenda omnino esset, vixque ampliore toto Delphinatu haberet. Sed omnia ornamenta deiecerunt hæretici tantâ, seu cæcitate, seu impudentiâ, ut decusso fornice, euerso odæo, parietes interiore parte decrustauerint. Itaque hiant vndique fracturæ, cæmentaque horrentia vix se sustentant.

7 In extremâ æde, ad templi fores læuâ ingresso portâ occurrit. Ducebat olim ad ecclesiam infantium, seu baptismalem. Virâque voce appellant chartæ veteres, quòd eam infantibus & baptizandis, & sepeliendis curaret suus Sacerdos. Vide singularem Diensum quondam pietatem. Nolebant innocentium puellorum sancta de baptismo corpora, miscere post mortem corporibus, quæ per maiorem ætatem seruire potuerant immunditiæ & ini-

quita

quiritati ad iniquitatem. Dicata erat Ioanni Baptiſtæ. Quatuor artis ſurgebat. Nunc omnino jacet, vixque illius etiam rudera aliquid ſuperſeſt. Quinque inſuper ſacras ædes in antiquis tabulis lego, quarum omnis memoria excidit, S. Vincentij, S. Magni intra urbis muros; S. Laurentij, S. Saturnini, S. Fetreoli in agro. Ad portam cognominem Sanuincientiana ſtabat: ædes S. Magni erat parochia. Hanc, impietate duce, ſurore comite, non exciderunt modò Caluiniani; ſed ſuper exciſæ ruinis, in ſanctiſſimo ſano, ſynagogam Satanæ (templum vocant) excitarunt, trophæum hæreſi de fide; & excitatum, proh dolor! ſeruant ſuſtinântque. Demum in ipſo ferme urbis pomærio, extra portam S. Petri, fuit domus, quam vocabant recluſoriam. Incluſia dicitur à Foguardo in libro ſtatutorum & conſuetudinum eccleſiæ S. Pauli Lugdunenſis, ubi etiam fuſè recitat ritum, quo includebatur olim Incluſus ſanctorum Bartholomæi & Epipodij ab Obedientiario. Recluſoriæ juncta erat olim ædícula, ſacra B. Mariæ de eleemoſyna. Habebat ea ſuum Sacerdotem. Quondam erant etiam Dixe plures & variæ Regularium domus, ſcilicet canonicorum Sancti Ruſi, Hoſpitalariorum Sancti Antonij, monachorum & ſancti Mauritiij, & ſancti Marcelli, Mendicantium ſancti Dominici & ſancti Franciſci, Militum templi. Horum Militum ædem lego fuiſſe juxta S. Vincentij. Ne nomen quidem ejus nunc extat. Quid? quòd cæteræ vi, & veſaniâ Hugonottorum dirutæ ſunt. Antonianorum fundamenta quoque eruta, nomenque ſepultum æternâ obliuione. Putatur horum domus ad arcem fuiſſe: vocabatur eccleſia de caſtello, & Sanctæ Agathæ, ac ſancti Marcelli: fuit parœcia ad annum uſque nonum & ſexageſimum ſupra milleſimum quadringeſimum. Canonici ſancti Ruſi, quos à ſancto Petro appellant, & monachi tum ſancti Mauritiij, tum ſancti Marcelli, habitabant extra urbem. Deſiete Mauritian anno milleſimo quadringeſimo quinquageſimo, quo illorum omnia ceſſerunt collegio ſanctæ Mariæ: Cluniacenſes de ſancto Marcello Dienſium epifcopo, domo in vna urbana omnes incolunt. Dominicanorum nemo in urbe eſt. Vnus Franciſcanorum & alter in magnarum quondam ædium rudibus incolunt. An Cisterciienſium abbatiam, quæ à ſitu loci appellatur Valliſcrescentis, cenſere debeam, animi pendeo. Sanè in agri finibus eſt, & qui eam habent coloni, ſacramenta petunt ab urbe. Olini quoque pro ſepeliendis fidelibus egit certâ lege, conuenitque Abbas cum canonicis ſanctæ Mariæ. Sed ſacris ædibus cur Hoſpitales non adjungam, in quibus maximè ſacrum opus, ſalutis noſtræ cardo, ſanctæ mentis fundatiſſimum argumentum, eleemoſyna, & eleemoſynæ præcipua pars, ægrorum pauperumque cura ſedem habet? Vt ergo præteream duas leproſorum 11
 8
 9
 10
 11
 12
 13
 14
 15
 16
 17
 18
 19
 20
 21
 22
 23
 24
 25
 26
 27
 28
 29
 30
 31
 32
 33
 34
 35
 36
 37
 38
 39
 40
 41
 42
 43
 44
 45
 46
 47
 48
 49
 50
 51
 52
 53
 54
 55
 56
 57
 58
 59
 60
 61
 62
 63
 64
 65
 66
 67
 68
 69
 70
 71
 72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100
 101
 102
 103
 104
 105
 106
 107
 108
 109
 110
 111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200
 201
 202
 203
 204
 205
 206
 207
 208
 209
 210
 211
 212
 213
 214
 215
 216
 217
 218
 219
 220
 221
 222
 223
 224
 225
 226
 227
 228
 229
 230
 231
 232
 233
 234
 235
 236
 237
 238
 239
 240
 241
 242
 243
 244
 245
 246
 247
 248
 249
 250
 251
 252
 253
 254
 255
 256
 257
 258
 259
 260
 261
 262
 263
 264
 265
 266
 267
 268
 269
 270
 271
 272
 273
 274
 275
 276
 277
 278
 279
 280
 281
 282
 283
 284
 285
 286
 287
 288
 289
 290
 291
 292
 293
 294
 295
 296
 297
 298
 299
 300
 301
 302
 303
 304
 305
 306
 307
 308
 309
 310
 311
 312
 313
 314
 315
 316
 317
 318
 319
 320
 321
 322
 323
 324
 325
 326
 327
 328
 329
 330
 331
 332
 333
 334
 335
 336
 337
 338
 339
 340
 341
 342
 343
 344
 345
 346
 347
 348
 349
 350
 351
 352
 353
 354
 355
 356
 357
 358
 359
 360
 361
 362
 363
 364
 365
 366
 367
 368
 369
 370
 371
 372
 373
 374
 375
 376
 377
 378
 379
 380
 381
 382
 383
 384
 385
 386
 387
 388
 389
 390
 391
 392
 393
 394
 395
 396
 397
 398
 399
 400
 401
 402
 403
 404
 405
 406
 407
 408
 409
 410
 411
 412
 413
 414
 415
 416
 417
 418
 419
 420
 421
 422
 423
 424
 425
 426
 427
 428
 429
 430
 431
 432
 433
 434
 435
 436
 437
 438
 439
 440
 441
 442
 443
 444
 445
 446
 447
 448
 449
 450
 451
 452
 453
 454
 455
 456
 457
 458
 459
 460
 461
 462
 463
 464
 465
 466
 467
 468
 469
 470
 471
 472
 473
 474
 475
 476
 477
 478
 479
 480
 481
 482
 483
 484
 485
 486
 487
 488
 489
 490
 491
 492
 493
 494
 495
 496
 497
 498
 499
 500
 501
 502
 503
 504
 505
 506
 507
 508
 509
 510
 511
 512
 513
 514
 515
 516
 517
 518
 519
 520
 521
 522
 523
 524
 525
 526
 527
 528
 529
 530
 531
 532
 533
 534
 535
 536
 537
 538
 539
 540
 541
 542
 543
 544
 545
 546
 547
 548
 549
 550
 551
 552
 553
 554
 555
 556
 557
 558
 559
 560
 561
 562
 563
 564
 565
 566
 567
 568
 569
 570
 571
 572
 573
 574
 575
 576
 577
 578
 579
 580
 581
 582
 583
 584
 585
 586
 587
 588
 589
 590
 591
 592
 593
 594
 595
 596
 597
 598
 599
 600
 601
 602
 603
 604
 605
 606
 607
 608
 609
 610
 611
 612
 613
 614
 615
 616
 617
 618
 619
 620
 621
 622
 623
 624
 625
 626
 627
 628
 629
 630
 631
 632
 633
 634
 635
 636
 637
 638
 639
 640
 641
 642
 643
 644
 645
 646
 647
 648
 649
 650
 651
 652
 653
 654
 655
 656
 657
 658
 659
 660
 661
 662
 663
 664
 665
 666
 667
 668
 669
 670
 671
 672
 673
 674
 675
 676
 677
 678
 679
 680
 681
 682
 683
 684
 685
 686
 687
 688
 689
 690
 691
 692
 693
 694
 695
 696
 697
 698
 699
 700
 701
 702
 703
 704
 705
 706
 707
 708
 709
 710
 711
 712
 713
 714
 715
 716
 717
 718
 719
 720
 721
 722
 723
 724
 725
 726
 727
 728
 729
 730
 731
 732
 733
 734
 735
 736
 737
 738
 739
 740
 741
 742
 743
 744
 745
 746
 747
 748
 749
 750
 751
 752
 753
 754
 755
 756
 757
 758
 759
 760
 761
 762
 763
 764
 765
 766
 767
 768
 769
 770
 771
 772
 773
 774
 775
 776
 777
 778
 779
 780
 781
 782
 783
 784
 785
 786
 787
 788
 789
 790
 791
 792
 793
 794
 795
 796
 797
 798
 799
 800
 801
 802
 803
 804
 805
 806
 807
 808
 809
 810
 811
 812
 813
 814
 815
 816
 817
 818
 819
 820
 821
 822
 823
 824
 825
 826
 827
 828
 829
 830
 831
 832
 833
 834
 835
 836
 837
 838
 839
 840
 841
 842
 843
 844
 845
 846
 847
 848
 849
 850
 851
 852
 853
 854
 855
 856
 857
 858
 859
 860
 861
 862
 863
 864
 865
 866
 867
 868
 869
 870
 871
 872
 873
 874
 875
 876
 877
 878
 879
 880
 881
 882
 883
 884
 885
 886
 887
 888
 889
 890
 891
 892
 893
 894
 895
 896
 897
 898
 899
 900
 901
 902
 903
 904
 905
 906
 907
 908
 909
 910
 911
 912
 913
 914
 915
 916
 917
 918
 919
 920
 921
 922
 923
 924
 925
 926
 927
 928
 929
 930
 931
 932
 933
 934
 935
 936
 937
 938
 939
 940
 941
 942
 943
 944
 945
 946
 947
 948
 949
 950
 951
 952
 953
 954
 955
 956
 957
 958
 959
 960
 961
 962
 963
 964
 965
 966
 967
 968
 969
 970
 971
 972
 973
 974
 975
 976
 977
 978
 979
 980
 981
 982
 983
 984
 985
 986
 987
 988
 989
 990
 991
 992
 993
 994
 995
 996
 997
 998
 999
 1000

12 Episcopum nunc habet eundem cum Valentia; quondam habebat proprium. Quo anno, quibus ex causis, ea mutatio per summum Pontificem inducta sit referam suo loco. Nicasium Diuionensem, aut Diuiensem de provincia Galliarum Episcopum, interfuisse Nicenæ Synodo, testantur huius Concilij tabulæ. Diensem fuisse docet Vlpinus, Dienfis & ipse antistes, in vitâ S. Marcelli. Diam enim vti Deam, ita Diuam, antiqui appellauerunt, & Diuiam, aut Diuionam quoque, vt ex hoc loco intelligis. Vixit circa annum trecentessimum vigesimum, & quinto post anno se contulit Niceam Bithyniæ, Gallorum vnus Pontificum. Magna laus illa ætate! scilicet de Gallia primus in Orientem penetrauit, pro Christianâ fide tuendâ, nouo ausu, magno exemplo. Scio esse, qui Nicasium velint fuisse Diniensem episcopum: & verò in quibusdam Concilij Niceni codicibus, Nicasius *Dinienfis* subscriptus legitur. Sed in ea subscriptione *Dinienfis* positus est pro Dienfi, non aliter quàm in Bibliotheca Cluniacensi, vt annotaui numero quinto. Certè si Nicasius eripiendus erat Dienfis, & Dinienfis concedendus, quis hoc facere magis, & pro eruditione potuit, & pro ecclesiæ suæ amore debuit, Gassendo Dinienfis ecclesiæ Præposito? ipse tamen, & Nicasium fatetur Dix sedisse, non Dinia, in notitia Dinienfis ecclesiæ capite 8. & id comprobatur ex epistola Gregorij septimi ad Hugonem episcopum Diensem anno 1076.

13 Ante Nicasium Polycarpus Lariuerius sedisse Dix S. Martium, Higerium, Leonem, Seruilium, ad me scripsit anno huius sæculi septimo & trigésimo. Quoniam iisdem literis etiam recitat plures post Nicasium, placet omnem epistolam hic exscribere. Ea sic habet. *Cum ex Prouinciali omnium ecclesiarum, in quo à B. Dionysio Papa, anno à sede Petri Romæ conditâ ducentesimo vigesimo primo (ducentessimum sexagesimum sextum Christi intelligit, & sextum Dionysij, cum Petrus fixerit sedem Romæ anno Christi quadagesimo quinto) singula metropoles & diœceses Galliarum describuntur, constet Deam, siue Diam Viennensis prouincia ciuitatem, jam à multis annis habuisse episcopum frustra dubitari posse videtur, S. Martium, qui primus ejus sedis antistes recensetur, ante conscriptum illud Prouinciale Dionysianum, quinquaginta saltem annis residisse in eâ. Itaque conjecturâ haud inani sed quam facile erit mihi æquo probare judici, ductus, circa annum 220. beati illius statuo pontificatum Diensem: & Exin successores quos nancisci licuit, enuntio. In ordine ergo ordine sunt isti.*

14

1. S. Martius circa annum Christi 220.	} Quatuor hi ex vitâ S. Marcelli episcopi Dienfis, carmine edicâ.
2. Higerius.	
3. Leo.	
4. Seruilius.	

Nicasius
Celsus

325.

356. in annalibus nostris Ecclesiæ & ciuitatis Auenionensis, cum Nestario Viennensi, Metiano Auenionensi, Eradio Arausiensi, & aliis magnis Viennensis prouinciæ episcopis aduersus Saturninum Arelatensem.

Constantinus
Proiectus

419.

440.

S. Petro

S. Petronius, cui fatalis annus 463. contigit.

S. Marcellus ejus frater.

Seculatus anno 517.

Præstantius 739. in diplomate Caroli Martelli,

Aramandus 776. in *Valesiorum* historiâ.

Desideratus 788.

Vlfinus 800.

Emico 876.

Gisenodus 943. in *Oëtodorensibus* nostris cum Sabone
Viennensi, Bosone Ebreundenſi, &
aliis Archiepiscopis & Episcopis regni
Burgundie.

Isardus, vel Isarnus 981.

Petrus 1037.

Hugo 1076.

Isnio 1103.

Et ceteri, de quibus nihil non lectum reuerentia vestra nuper animaduerti. Porro ex fide omnia, & ex animo voueo testatissimis veterum auctorum, vel tabularum monumentis explorata & probata.

Iesus amor noster, doctrina, virtus, salus, & gloria nostra.

Atque in eo humillimus seruus, & frater

Polycarpus de la Riuiera
Cartusianus.

20. Iulij 1637.

Quod provinciale Dionysianum memorat Polycarpus, jam expectamus diu : quam enim lucem non dabit omnium gentium, & locorum historiis, notitia adeò antiqua vniuersorum totius Christiani orbis episcopatum ? Vitam S. Marcelli utrâque oratione in vetustissima membrana conscriptam habuit Parisiis. Vlfinus Marcelli successor, auctor est solutæ numeris. Seruat etiam Polycarpus nomina martyrum & confessorum, qui sub Eurrico Gothorum rege passi sunt in Gallia Narbonensi. Hæc omnia typis aliquando mandabit, & à se recensitos episcopos suis firmabit auctoribus, redeamus ad episcopos Dieneses.

S. Martius ergo sitcorum primus ex Polycarpo. Hic ex eodem fedit circa annum 220. Post Martium sederunt deinceps Higerius, Leo, Seruilius teste S. Vlphino episcopo Dienſi, in vita S. Marcelli. Nicasius interfuit Concilio Niceno an. 325. Æmilianus anno 374. Valentino, vt ex Polycarpo Lariuerio aduertit Gassendus in notitia Ecclesiæ Dinienſis capite 2. Constantinus sedit anno 419. & Projectus 440. vt vidimus in epist. Lariuerij. Innominatus anno post quadragesimum sexagesimum incerto, vnctus est à S. Mamerto archiepiscopo Viennensi in episcopum Dienſem Hilario Papâ, vt ipsemet Hilarius docet epistolâ 9. & 11.

Sancti Petronius & Marcellus post eum gesserunt episcopatum. Fratres Auenione nati apud breuiarium Dienſe, & ante Sacerdotales infulas monachi loco ignoto ; fortassis Lerone ad extremam Prouinciâ, vbi post Honoratum florebat scientiâ & virtute insignes Vincentius, Hilarius, Cæstius ? Lego Petronium per vitam, & post mortem inclatuisse miraculis, Diuinarum

16
S. Mart.
rius.
Higer-
rius.
Leo.
Serui-
lius.
Nica-
sius.
Æmi-
lianus
Constā-
tinus.
Proie-
ctus.
17
Petro-
nius.

narum rerum cognitione, & dicendi vi etiam illustrem fuisse docent ista verba, quæ canit Ecclesia Diensis: *Diam dies illustrauit, per verbum quod prædixit in eâ Petronius.* Addit in breuiario mortuum die morbi septimâ, vt prædixerat; *Exitum suum Christo reuelante prædixit;* & *agrimonia membra carpit languida, diæque septimâ cælum felix conscendit anima.* Mortuus est autem anno quadringentesimo sexagesimo tertio vt vidimus, ex Lariuiario. Altare, in quo faciebat, seruauere canonici, vsque ad sacræ adis per Caluinistas excidium. Episcopi, primùm urbem ingressi, iurabant ad illud in exemptiones ciuitatis, & cleri. Lego id sacramenti dixisse anno octauo & sexagesimo supra millesimum quadringentesimum, 14. calendas Octobris Geraldum de Crusscolo, & quadagesimo quarto supra millesimum quingentesimum 7. calendas Augusti Iacobum Turnonium. Marcellus Petronio fratri mortuo electus est in episcopum ex diacono. Cùm eligebatur in Præsulem, fugit vltra Dromam fluuium, & superato monte, qui Dromæ imminet, latuit dies 12. in tugurio Mellis dicto, vt probaretur (sunt verba breuiarij Diensis) *esse dulce quod saperet, quibus semper de corde puro diuina eloquia, super mel & fauam dulcia, de ore proferens, fidelium transmissa faucibus inferebat.* Interea prehensabat episcopatum alius nescio quis, vt illius ambitio calcaretur, & Marcellum eligeret fuga nobilior. Igitur vicit non caterua nuntiosorum, sed illa quæ melior, & demum Marcellus electus est, secundum præcedentes in ipso prophetias: columba quippe eligendum monstrauit, & electum secuta est vsque ad sedem pontificiam. Rex Burgundionum Arianus, misit episcopum in exilium (Dia quippe tum suberat illi genti) neque ab exilio reuocauit, nisi post filium letali morbo curatum. Anno sæculi quinquagesimo sexto interfuit Concilio Agathensi. Iterum postea exul, mortuus est in Prouinciâ, non longè Barjolis oppidulo, & corpus incorruptum ad eas delatum, anno millesimo quingentesimo quinquagesimo sexto, datum est ignibus à Caluinistis. Osculum modò pollicis, nunc è busto reliquum seruant. Fama est non arboris, non fruticis, non herbæ vllum genus in loco nasci, in quo crematum est. De illâ beati corporis translatione sic habetur in Missâ, quam Massiliensis Ecclesia in suo missali quondam reposuit. *Sanctus Marcellus peracto tempore, cuidam presbytero, qui assiduus erat in basilica S. Mauritij, tribus, aut circiter, leucis à Bariolis, nocte in pontificali apparuit. His auditis presbyter in loco Bariolarum peruenit, nuntians visionem de transferendo sancti viri corpore in celebriorem locum. Quo audito à presbytero, petente vt reciperetur Bariolis, & factò jejunio triduo, vtrè Bariolenses iuerunt festinant ad locum, vbi in ecclesia Sancti Mauritij corpus erat;*

19 *& honorabiliter eum deduxerunt.* De sancto Marcello denique ita scripsit Gregorius Turonensis libro de gloria Confessorum capite 70. *Fuit autem & Marcellus Diensis vrbs episcopus, vir magnifica sanctitatis, ad cuius nihilominus tumulum, abs dubio iu illa S. Mauritij basilica, Lychæns accensus diurno spatio lucere solet. Præstat ex eo oleo virtus Domini medicinam infirmis.* Hæc Turonensis. Vlphinus & ipse Diensis antistes scripsit de vita sancti viri. Habet librum Polycarpus Lariuiarius; additque in eo, & alia præclara conteri, & legationem Nicasij Diensis ad Concilium Nicenum, atque Nicenorum Patrum responsa Gallis episcopis per Nicasium data. Auentinus, Roberto Antonius anno quingentesimo septimo interfuit Synodo Aurelianensi primæ.

*Auenti-
nus.*

Se metropolitanum in ea scripsit : an error potius est hic typographi ? Qui idcirco negauerit fuisse episcopum Diensem, nã ille significabit ignorare se datum aliquando episcopis metropolitani nomen. Tolosanus episcopus in eadem Synodo accepit illud, qui pluribus post sæculis adeptus est à Ioanne XXII. Pontifice nomen archiepiscopi. An quod Proculo Massiliensi concessum fuerat in Taurinensi Concilio circa annum 400. vt in prouincia secundà Narbonensi haberet per vitam nomen metropolitani, hoc Auentino datum est? An metropolitani nomen accepit, & iura, per Romani Pontificis sententiam in episcopum metropoleos, vt Constantius Vticensis ab Hilario contra Hermem Narbonensem dicente, & antiquissimus prouinciæ à Leone, aduersus cedentem alteri iure suo?

Seculatus post Auentinum interfuit Epaunensi Concilio anno 509. Quæ fuerit Epauna prorsus ignotum est. Qui ponunt ad Auregeram fluuium in diœcesi Tolosanâ, multum errant. Fuit istud episcoporum prouinciæ Viennensis Concilium, vt docet ipse Auitus archiepiscopus Viennensis epist. 80. quâ illos vocat ad Synodum : *Supplicat per me, si dignamini, Ecclesia Viennensis &c. Cunctos simul poscimus fratres, vt Deo fauente, 8. iduum Septembrium in parochiâ Eponensi adesse dignemini.* Quis autem animum inducat antistites illius prouinciæ, vltra Tolosam, ad montes Pyrenæos conuenire voluisse? atque, vt cogitassent, profectò Sigismundus Burgundionum rex, non passus fuisset extra regnum coïre, in vrbe Gotho principi tum & Ariano subiectâ. Synodum Epaunensem pro Agaunensi vocatam existimauit Papirius Massonus, & tantum non docent Aimoinus, & Fredegarius. Ille sic loquitur libro 3. cap. 30. *Synodum 40. episcoporum aggregari præcipiens, vt ordo psallendi, qui in loco sanctorum Agaunensium temporibus Sigismundi regis ab Auito, & ceteris episcopis illius temporis institutus fuerat, in cœnobio quod ipse fabricarat, teneretur, efficeret.* Hic autem habet istain Chronico. *Synodum 40. episcoporum fieri precepit, & ad instar institutionis monasterij SS. Agaunensium, qua temporibus Sigismundi regis ab Auito & ceteris episcopis, ipso iubente principe, fuerat firmata, idemque & hujus Synodi conjunctione, monasterij Sancti Marcelli Guntramnus institutionem firmandam curauit.* Lariuerius vidit Iënnæ in Sabaudiâ non procul Rhodano lapides inscriptos Deæ Eponæ, quia verò ab Eponâ ad Epïenam facilis est deflexio, facilior etiam deformatio Iënnæ ex Epïena, priorem syllabam, vt fete cetera, detentibus sæculis, eò cogitatione, neque immeritò, deuēnit, ex Dea quam colleret, loco fuisse nomen Eponæ, & in eo Synodum habitam Eponensem, seu Epaonensem. Profectò ab ingentibus magnâ agri parte donorum ruinis intelligere est, urbem olim non contemnendæ magnitudinis fuisse, qui modicus nunc est pagus. Vt cumque tamen hoc de Epaunâ habeat, Seculatus qui anno 509. fuit in Epaunensi Concilio, sedebat Diæ anno etiam 517. ex Lariuerio, vt ex ejus ad me epistolâ in superioribus retuli.

Aredius anno 552. fuit in Synodo Aurelianensi quintâ, & anno 559. in Parisiensi secundâ. Cum autem in Aurelianensi dicatur Diuïensis episcopus, ex in Parisiensi Diensis, vides eandem urbem tum passim vocitatam esse Diam, & Diuiam. Lucretius anno 570. per Vincentium presbyterum fuit in Concilio Lugdunensi primo, & an. 573. per se ipse in Parisiensi quarto; Heraclius an. 582. in Matisconensi primo, Paulus an. 588. in Matisconensi secundo.

2 2. Præstantius habetur in diplomate Caroli Martelli ex Lariurierij in epistolâ
Præstan- ad me datâ, quam in superioribus recitavi; & sedebat Dix anno 189. & Ara-
tius. mandus anno 788. ex eadem epistola. Desideratus eodem anno sedebat ex
Aramā- Concilio Narbonensi, cuius acta recitat Balusius ad librum 6. Marcæ de
du. libertatibus Ecclesiæ Gallicanæ cap. 25. Igitur illo amborum alter cepit, desit
Deside- alter sedere: quis autem eorum ceperit, deserit quis, non possum dicere.
ratus. Nam Concilium quidem illud inchoatum est quinto calendis Iulias igno-
 tum verò mihi est an Aramandus ante illum diem gesserit episcopatum.

2 3. S. Vlsinum Lariurierius sedisse vult anno octingentesimo. Eodem nono
S. Vlsini- sæculo sedisse lego Dix Remigium, Aurelium, Emiconem. Remigius octa-
nus. uo illius & quinquagesimo, mense & die ignotis, interfuit instaurationi mo-
Remi- nasterij Sancti Andochij Heduenfis, & Concilio Lingonensi 13. calendis
gius. Maias, quo die Ionas Heduenfis antistes in eo dedit Simponiacum villam
Aure- suis canonicis. Aurelius anno quinto & septuagesimo in S. Marcelli Cabilo-
lius. nensis, cum aliis episcopis in Concilium coactis confirmat omnia jura, &
Emico. bona cœnobij Trenorchienfis, vt autor est Chiffletius in probationibus hi-
 storix Trenorchienfis pag. 218. Emico anno sexto & septuagesimo sedet in
 Pontigonensi, & tertio post anno in Mantalensi.

2 4. Gisenodum vidimus in superioribus sedisse Dix anno 943. ex Lariurierio.
Giseno- Eo ipso sæculo 10. Achideus, Vvlsadus, & Isardus fuerunt episcopi. Achideus
du. mense Maio, anno 20. regnante Conrado concessit ecclesiam de Caranols cœ-
Achi- nobio sancti Theofredi, seu Monasterij, vt Ægidius Lacarry è nostra So-
deus. cietate scripsit anno 1665. die 30. Augusti se legisse in tabulis autentis.
 Annus autem Conradi vigesimus fuit Christi nongentesimus sexage-
Vvlsad. simus, vt intelligitur ex iis quæ docui de annis ejusdem Conradi libro se-
 cundo de episcopis Sistaricensibus numero 1. Vvlsadus siue Golsadus ex
 abbate monasterij S. Theofredi, quod rexerat annis 955. 960. 970. Episco-
Isardus. pus, autore eodem Ægidio Lacarry fuit. Addidit autem se id accepisse ex
 libro ante annos 500. scripto qui in eo habetur monasterio. Isardus de-
 mum, siue Isamus scribitur in illâ ad me epistolâ sedisse anno nongen-
 tesimo octogesimo primo.

2 5. Petrus annis 1012. & 1023. gessit episcopatum, ex tabulario S. Bamardi
Petrus. Romanensis. Gessit quoque anno millesimo trigesimo septimo ex illâ Lari-
 uierij epistolâ & Roberto in Gallia Christianâ? Gessit demum Petrus anno
 1036. ex Romanensi tabulario, & 1059. ex Roberto. Si vnus & idem Petrus
 illis omnibus eum gessit, dicendus est sedisse annos certè 50. quod cur asse-
 ram, aut rejiciam non occurrat.

2 6. Hugo ingendum vir animorum, & infractæ virtutis; religione etiam, vt
Hugo. loquitur Iuo Carnotensis, prudentiâ, & autoritate mirabilis, anno Christi
 millesimo septuagesimo quarto fit Episcopus non sine prodigiis testan-
 tibus vim præsentis, ac veluti suffragium ferentis Dei. Videtur natus in
 Viennensi diocesi: cur enim alioqui jam episcopus Dienfis, dictus est fi-
 lius Ecclesiæ Viennensis? Romani vrbe positâ in ejus prouincia fortassis
 natus fuerat, qui ab eodem Pontifice Romanus appellatur, & negatur
 tamen Romæ natus, & educatus. De viri in episcopum electione
 ne, ita loquitur Paulus Berniedensis. In electione tantum lumen cœ-
 litus descendit, vt diem vinceret, & corda omnium qui aderant aduenisse
 Spiritum

Spiritum sanctum non dubitarent. Guilelmus Comes Dionsis vñctionem Præfatus electi turbare cogitauit, & ipso, longè ab hominis irâ vi, Romam profecto, prædas egit de ciuibus contrâ nitentibus: commouerat scilicet populum quoque Dionsensem cœlestem portentum. Clericum etiam misit in carcerem. Probauerat ipse tamen Hugonis electionem; vt quid enim lumen illud, & alterum veluti solem dicere falsum ausus fuisset? etique *fidelitatem fecerat* (vt verbis vtat Gregorij Pontificis) quæ profecto dicenda est professio clientelæ. Res importuna visa est Romæ. Igitur Pontifex vngit Hugonem in Episcopum; castigat verbis Guilelmum Comitem, sique pergat in scelere, intentat refectionem à sacris Ecclesiæ Christianæ. Sed cum Hugo 27 Flauiniacensis abbas, Hugoni Episcopo coruus & carus, dixerit fusè de illius electione in chronoco Viudunensi, non contemnendum erit operæ premium, si illam ex eo referam. Anno, inquit, ab Incarnatione Domini millesimo septuagesimo quarto, præsidente Romane Ecclesiæ Papa Alexandro, Giralduſ Ostiensis Episcopus, Romane sedis Legatus in Galliis, Concilio habito Romam rediens, & apud urbem Dionsensem hospitatus, cum clericis in Ecclesiâ de vtilitate Ecclesiæ loquebatur. Erat enim in eadem vrbe Lancelinus Simoniacus, dictus Episcopus, qui vocatus ad audientiam, cum venire recusaret, & se in domo episcopali manu militari defenderet, & episcopatum retinere tentaret, tractabat Legatus cum ciuibus, canonicis scilicet, & plebis maioribus, quid de episcopo agerent, &c. Cum ergo de his inter eos tractaretur &c. ecce personuit ad aures eorum, aduenisse illuc, & ecclesiam quâ tenebantur, intrasse dominum Hugonem Lugdunensem Camerarium, præcinctum, & paratum ad equitandum; ibat enim Romæ ad sanctum Petrum. Nec mora, Spiritus sancti gratiâ corda suorum illustrante, sic clamor, & concursus fidelium; ocreatus cum calcaribus inuenitur, rapitur, tenetur in conspectu Apostolica sedis vicarij, summo omnium favore & gratiâ deducitur, quod dignus sit qui possit Ecclesiæ præesse, & professe acclamatur. Reclamabat ille, & votis populi parabat obfistere, quasi qui non posset, nec deberet, sp̃so legitimo viuente castitatem Ecclesiæ scdâ scissione corrumpere. In hac deuotâ contentione, placuit diuinitati beneplacitam suæ præsentie voluntatem, in ostensione lucis suæ fidelibus declarare. Nam cum esset nubilus dies, lux in modum sphaera per aliquot horas in gremio, & facie splenduit ecclesiæ, quæ sic accendit cunctos qui aderant & viderant, ad laudandam propitiationem diuinæ clementiæ, vt clamaretur ab omnibus, Benedictus Dominus Deus respexit defectionem Ecclesiæ suæ, vt visitaret eam, & illuminaret tali Pontifice. Sic clamores & vota omnium, iudicium probauit cæleste, & electus ille, qui nec valuit, nec voluit tot præcurrentibus iudiciis voluntati Diuinæ contraire. Compulsus est autoritate Apostolicâ remouari, & confirmata est super eum electio cleri, & populi. Quo audito, ipse qui Ecclesiam per simoniam inuaserat, & armis retinere tentabat, dolens vnanimem esse assensum ciuium, & timens populi gaudentis, & ad pia vota incalescentis animo, si intumesceret, impetum ferocissimum, demum episcopatum deferuit, & recessit &c. sublimatus est electus noster &c. Inuenit itaque ciuitatem angoris plenam, tribulationibus circumseptam, vigilantia multâ egentem, resque episcopij direptas, ita vt non inuenerit, vnde vel vno die de redditibus domus episcopalis viuere potuerit. Ita omnia astruerant, qui ante eum fuerant, adeo vt de omnibus totius episcopatus ecclesiis, vix vnâ haberet domus episcopa-

- lis, aut mater ecclesia, cum fere omnes possiderentur à militibus, & à quibuscumque secularibus &c. Obierat ipso anno Papa Alexander in ipso Apostolorum Petri & Pauli natalitio, & substitutus erat unanimi electione cleri & populi Gregorius septimus &c. Hugo solam clericatus tonsuram habebat, detestabatur enim simoniacorum ordinationes. In mense Decembrio, per manum eius (scilicet Gregorij septimi) usque ad presbyteratus gradum promotus est, &c. in quadragesima vero Sabbato in presbyterum, & sequenti Dominica ad Missam in Episcopum consecratus est. Sic post octonos consecrationis dies assatim imbutus diuinis dogmatibus, & vberim roboratus ecclesiasticis sanctionibus, benedictione percepta dimissus est ad regendos filios &c. Post ipsam suam electionem, que facta est mense Octobrio die decima nona ad suscipiendos ordines Romam mense Decembris venisset &c. Gregorius VII. commisit ei suas vices in Gallia &c. quia perrari illic erant, qui non essent aut simoniaci, aut à simoniacis ordinati, aut
- 28 per manum laicam inuestiti &c. Hactenus Hugo Flauiniacensis abbas in Viridunenfi chronico de electione, vinctiōe, & per Gallias legatione Hugonis Episcopi Diensis. Hic placet addere, non esse nihil, cur miremur Hugonem ab eo semper appellatum, etiam cum Lugdunensis Camerarius erat, Diāmq̃ue vñit, si ante episcopatum dicebatur Rollandus Humbaldus, vti voluit scriptor chronici Malleacensis ad annum 1083. Certè hoc nominis Hugo monachus ignorare non poterat, de quo ipse jam è Diensi Lugdunensis antistes, cum Flauiniacensibus dedisset abbatem, scripsit Haganoni episcopo Hedueni, quem nobis assumpseramus, cujus nos sedulitati credebamus imo cujus lingua vox nostra erat. Vnum aliud non tacebo. Sanmarthani de Hugone Diensi agentes, habent sequentia. *Columbus libro 2. episcoporum Diensium, ex genere principum Burgundionum procreatum affirmat, nepotem scilicet, Hugonis filij Odonis primi ducis: sed nihil de eo reperies in stemmate regio principum Burgundionum.* Ego Petri Frizonis fidem secutus sum, qui libro 2. Gallia Purpurata ita scripserat, Hugo Diensis episcopus, nepos Hugonis filij Odonis primi Burgundionum ducis. Neque Sanmarthani videntur non legisse clarissimi viri verba. Non addidi tamen ex eo rem accepisse me: scilicet non solemus addere, nos ex autoribus repetere quæ gentis sunt; & ipsi, puto, Sanmarthani fere non addunt. Erit fortasse, qui, post Frizonem, ex veris tabulis addat stemmati regio principum Burgundionum Hugonem episcopum Diensem, Sanmarthanos imitatus, qui & illi ipsi stemmati, & ceteris quæ Francorum reges attingunt, secundis, & tertiis lucubrationibus plurimos ex vero inferuerre. Vtunque hoc habeat, an. 1109. obiit Hugo archiepiscopus de Diis, ex chronico Malleacensi. Sed ad illa accedamus, quæ ante archiepiscopatum Lugdunensem peregit cum episcopis sedebat Dix.
- 29 Anno 1075. renuntiatus est Legatus Gregorij septimi Pontificis per Gallias. Magna per se dignitas, sed plena inuidiæ illis temporibus, & periculi. Plures Gallorum antistites tum simoniā laborabant, aliisque criminibus; neque illi contemnendæ authoritatis, vt quos supra decus antiquissimarum sedium, admovebat summis Comitibus, Ducibus, Regibus, vel amor & voluntatum conjunctio, vel sanguis & familiarum nobilitas, Tantorum virorum sceleta quis aduerteret certus opum, honorum, vitæ & dissimularet securus æternæ salutis & Dei? Hic igitur Hugo se probavit fortem virum, & iudicem mentis inconcussæ. Suspendit Hugonem Bisuntinum, Richerium

Senonensem, Rodolphum Turonensem Archiepiscopos: deposuit Stephanum Aniciensem, Rainerium Aurelianensem, Gothfredum Carnotensem episcopos. Animaduertit in episcopum Teruanensem, nequidquam contrā agente Roberto Comite Flandriæ: & in Dolensem Archiepiscopum qui se tuebatur autoritate & opibus Guilelmi regis Anglorum. In Humberto Teruanensi hoc singulare fuit, quod ad simoniam adjunxerat hæresim (agebatur annus millesimus septuagesimus nonus) Berengarianam profectō, quam enim illis temporibus, aliam? Manichæismus ex Italiā in Galliam Aurelias deportatus per insanam mulierem, & agentibus Heriberto ac Lisoio propagatus, jam ceciderat manu Roberti regis anno millesimo vigesimo. Nondum excitauerat Sabellianismum ille apud Anselmum, qui ex magnā rerum sacrarum ignoratione dicebat vnam non esse naturam trium diuinarum personarum, si prima & tertia carnem non acceperunt humanam cum secunda: cepit enim homo impius errare anno millesimo nonagesimo quarto; Berengarius autem anno millesimo septuagesimo nono damnauit vltimum suam hæresim. Tum agebatur moderate in hominis sequaces, vt non mirere Hubertum, de illis vnum aspirasse ad episcopatum. Rupertus post annum millesimum centesimum decimum septimum, libro septimo in Ioannem asserit toleratos ab Ecclesiā sed in pontificia sede ferre non potuit noster Hugo. Causa Manassis archiepiscopi Remensis tenuit plures annos Legatum summi Pontificis. Ea est, vt videatur res alicujus operæ totam fuisse exequi, ad aperiendam Hugonis patriam, auctoritatem, vim mentis atque prudentiam. Manasses malè audiuit apud Gregorium summum Pontificem: cūque alix ab aliis querelæ, tum ab ipso, tum contra ipsum contentiosè consurgerent in dies, neque Hugoni Legato iussu se silteret, denique damnatus est anathemate, suāque sede pulsus magno disciplinæ ecclesiasticæ bono, & grauissimo pontificij vigoris argumento. Prima seges malorum fuit vexatio monachorum sancti Remigij. Obierat abbas nobilissimi monasterij: cūque Manasses alium, vt in mandatis habuerat, non sufficeret; potiùs ejus facultatibus immineret, ac turbaret quietem, & pietatis officia; atque monachi Romam profecti vehementer exposcularent apud Pontificem, indoluit scilicet Gregorius inde mala monachorum & disciplinæ regularis damna oriri, vnde virtutis omnia decora sanctitatisque petere debuissent; & quam domum Remigius optimis legibus constituisset, à sancti viri successore illam diripi & euerti. Iubet igitur præficere abbatem, atque vt hominem vigeat, acerrimōsque stimulos ægrè agentī adhibeat, intentat excommunicationem gerenti segnius rem, & literas ad ipsum pontificias ad Hugonem Cluniacensem abbatem mittit, qui reddat Manassi, deque viri, vel morā in parendo, vel diligentia referat ad Pontificem. Præcepta Gregorij pupugere hominem. Metis euocat abbatem sancti Arnulfi, virum præstantem literis, & insignem virtute, cūque præficit monasterio Remensi, vt videas metum esse non leuem officij magistrum. Sed qui abbas scientiā, & pietate valebat, neque alterum, scilicet Merense, Monasterium regere fugiebat, vtrique regendo parem se omnino diffitebatur: atque vbi Romam venisset, probauit Gregorio mentem suam. Alium

ergo iussus est Manasses dare abbatem Sanremigianis monachis eumque ad Beati Benedicti leges prius exigere. Hic arbitratus est iam se Pontifici fecisse satis, & abbatibus Metensis euocatione tantum nomen pietatis ac obedientie collegisse, ut si nunc indulgeret sibi aliquid, minusque probum monachis daret Præpositum, non ultra querelis eorum atque criminationibus aurem Gregorius præberet. Præficit abbatem sine literis, sine pietate hominem: nihil ex legibus S. Benedicti, affectu omnia proprio, imperique dispensat. Quod temerario ausu perfecerat, in eo tuendo ferociter obstinavit. Neque enim uero monachi piis & sapientibus præpositis assueti, ferre poterunt hominem literarum omnium rudem, & totius virtutis indigum. Alium abbatem postulant: negatur ipsis: queruntur creatum contra monachorum leges; vis reponitur pro querelis, excommunicationem intentat, inseriturque demum Manasses, etiam prouocantibus ad sedem apostolicam Roberto & Lamberto monachis, atque fratri cuiusdam laico, eique cæco. Dignus hic profecto erat, cuius non taceretur nomen, vir oculatissimus mente. Res tanta non potuit latere diu Gregorium. Iubetur ab illo Ioffredus episcopus Parisiensis rem è propinquo cognoscere, ne contentio latius serpat, atque totum negotium ad Hugonem episcopum Diensem deferre conficiendo iudicio, & accipiendæ super graui controuersia sententiæ. Neque solos Remenses monachos vexabat Manasses, de clericis quoque suis nonnullis abegit in exilium; & tamen multa super Laudunensi, & Suctionensi episcopis, multa super Vormundo archiepiscopo Viennensi queritabatur apud Pontificem: illos ipso metropolitano inconsulto imposuisse manus aiebat Ambianensi episcopo, quem de manu laica sedem accepisse addebat. Iactabat Vormundum deiecisse gradu presbyteros in diocesi Remensi, & ordini suo postea restituisse. Hæc aliæque id genus memorantem, sistere se Hugoni Legato Pontifex imperat, qui dirimat uniuersam litem. Vide fastum hominis: reponit sibi archiepiscopo Remensi iudicem unum illum esse, qui Petro Apostolo successisset, aut à Petri successore Romæ Legatus adesset, qualis in media Gallia natus Hugo dici non possit. Quasi Legatus, qui Romanus appellatur, non à Romano Pontifice, qui eum delegat id nominis, sed ab origine patriæque sortiatur. Episcopum Diensem non morantur inanes tricæ, Lugduni cogit amplissimum episcoporum concilium: vocat ad illud Manassem: non venire obstinantem damnat de communissimo assensu omnium Gallicanorum antistitum. Nam & alia prudenter, & hoc fecit excelsio ingenio, ut neminem damnaret, aut absolueret, nisi in magno Patrum concessu; ut non ab ipso uno, sed ab omnibus Galliarum præsulibus ageretur quod susceperat, atque scilicet communis abs re iudicanda, non eius esset singularis vel acerbitas, vel inuidia.

- 33 Quid eam per cetera viri facta? nihil fuit in uniuersa Gallia, quod non exigeret ad Ecclesiæ leges. Atque putauerim ego visum Gregorio, è Diensi sede ad Lugdunensem euehere virum excelsi animi, & virtutis in omnem partem accuratæ anno 1082. ex Chronico Virdunensi, ut quò altius emineret fastigio dignitatis, eò latius panderet exempla sapientiæ. An potius nobili, & facto ad summa quæque ingenio vir Lugdunum appetiit, neglecta Dià? Certè accusatur summi etiam pontificatus prehensati post Gregorium, & Victorem. Neque illo fuit indignus, quem ceteris post Desiderium
- Abbatem

Abbatem Cassinensem, qui fuit Victor tertius, præferendum iudicauerat ipse Gregorius. Diu vixit in archiepiscopatu Lugdunensi. Iterum fuit Legatus Apostolicus Urbano secundo Pontifice. Pro Galliarum primatu, & legatione pontificiâ longam habuit, eamque difficillimam contentio- nem cum luone Carnotensi, & aliis episcopis. Hæc, quia non sunt instituti mei, prætermitto: volui attingere suscepta ab episcopo quondam Dienti.

Quis Hugoni successerit Dix non inuenio. Pontius fortasse successit: is Dix sedebat anno 1088, ex charta donationis nescio cuius ecclesiæ pagi, cui nomen *Tuech*, in Viuariensi prouinciâ. Ea definit in istas voces: *Factum est hoc pactum, cum auctoritate Geraldi episcopi Viuariensis, & Pontij nepotis eius, episcopi Dientis.....anno 1088. mense Iulio feria 5. Luna 4. Urbano Papa, regnante Philippo rege.*

Sancto Ismido (Ismeonem, & Ismionem etiam vocant) canonicus Lugdunensis, vehementer renitens ante millesimum centesimum anno ignoto datus est adiutor episcopo Dienti, plurimum ex ignoto mihi morbo laboranti. Gente nobilis primam ætatem per omne virtutis & scientiæ genus egerat Valentis in patris (cuius nomen excidit) domo. Hic ille episcopus est, qui bis adiit Ierosolymam, & ex ea sanctorum reliquias deportauit, annuâ Dientium veneratione celebres. Robertus in Galliâ Christianâ autor est sedisse anno millesimo centesimo decimo tertio; Urbanus verò Pontifex anno 1099. 7. cal. Maij, eius meminit scribens ad Hugonem archiepiscopum Lugdunensem his verbis: *Cum ad Apostolorum limina &c. presentibus Legatis tuis Ismeone Dienti episcopo, Girino decano &c. istam epistolam fere omnem verbatim recitat Petrus Bulliodus in historiâ Lugduni M. S.* Multa Deus per virum fecit prodigia. Puerum vocabat lupus, & Ismido bestiam imperio fugauit illæso puero. Fur episcopi rem clam omnibus rapiebat, & peremit hominem è cælo Deus. Corpus quoque Ismidonis mortuum, animam eius in cælo viuere docuit, excitato à mortuis alieno, quo contingebatur, cadauere. Neque immerentem igitur ornavit laudibus auctor libri de vita Sancti Petri Tarentasiensis cap. 19.

Stephanus anno millesimo centesimo vigesimo primo interfuit vñctioni Ecclesiæ Cartusianorum Durbonis à Leodegario Viuariensi Episcopo, ex Sanmarthanis tomo 3. pag. 126. Sedebat quarto & vigesimo illius sæculi, ex tabulario Ecclesiæ Romanensis: vigesimo septimo literas dedit ad Seuerum abbatem sancti Rufi, quibus firmabat donationem quarundam Ecclesiarum monasterio, ab Hugone, & Ismidone episcopis. In illis memorat ecclesias Calorconis, Voluenti, Tauliniaci, Arnaionis. Tauliniacensem lego concessam ab Ismidone. Stephanus addidit se scribere anno episcopatus sexto, & Ismidonem paucis antè annis mortuum appellauit sanctum.

B. Vldricus, siue Odolricus ex decanatu Gratianopolitano peruénit ad insulas Dientes anno incerto. Iam episcopus vltimæ Cartusianam induit anno 1132. ex tabulario S. Barnardi Romanensis. Vldrico successisse videtur Bosaranus, & Bosarano Cusino, siue Cuno: lego enim in tabulis Romanensis Ecclesiæ sedisse Dix illum anno hujus sæculi trigesimo quarto, istum 37. Vldricus

34
Pösim.35
S. Ismi-
do.36
Stepha-
nus.37
Vldri-
cus.

Vldricus autem traditur apud Cartusianos mortuus quinto & quadragesimo. Petrus venerabilis ad eum episcopum Diensem scripsit nobile contra Petrobrusianos opus.

38 Hugo 2 Hugo II. sedebat Dia 1144. ex conuentionibus S. Ioannis episcopi Valentini cum Siluione Clariacensi, quibus eo ipso præerat, & quas suo sigillo firmavit. Sexto & quadragesimo istius sæculi interfuit confirmationi iurium Ecclesiæ Viennensis apud Boucheum in historia Prouinciæ tomo 1. pag. 820. Eodem anno Arnaudus de Cristâ, vir gente nobilis, & potens opibus, se suâque omnia volens tradidit Hugoni. Grande pietatis facinus, & in omnem partem illustre! Episcopus laudatâ viri mente, restituit Arnaudo vniuersa quæ dederat, seruato sibi (vt vocant) maiore dominio; addiditque vexillum suum, in singulare grati animi argumentum. Dominabatur Arnaudus Cristâ, Augusta, Vanerâ, Betonâ, Fano Medardi, Fano Benedicti, & aliis pagis. Quæ causæ fecerint, vt Hugo ad Fridericum imperatorem iret non inuenio. Illum adiit anno 52. sæculi, & interfuit sententiæ per ipsum latæ contra Guigonem de Baucio pro Berengario juniore, super contentione de Comitatu Prouinciæ. Demum octauo & quinquagesimo subscripsit venditioni Esparueriæ, vt vocant, insulæ in agro Valentino, non procul Rhodano fluuio, Raimundo abbati Sanrufensi per Odonem episcopum Valentinum. Petrus Crassus Prior S. Petri ad Diam aderat abbati suo. Vide quàm antiqua sit ea Sanrufensium Dia domus.

39 Petr. 3. Petrus III. anno 1167. accepit (vt loquuntur) homagium Luci castri per Isoardum id habes in tabulario episcopij Diensis, elegantissimis characteribus exaratum. Hic placet exscribere chartam vetustate nobilem. Habebis veluti formulam, ex qua illius sæculi homagia concepta intelligas.

AVDI PETRE DIENSIS EPISCOPE.

Ego Isoardus filius Iaucerandi & Beatricis, non te decipiam, nec Ecclesiam tuam, de munitionibus, vel firmitatibus vestris: te, vel clericum tuum non capiam, nec capi faciam: & si quis hoc facere attentauerit, ego omnibus viribus meis vindicabo. Ciuitatem Diam, nec possessiones ejus, consuetudines, vel iura, siue regalia, siue sacerdotalia, castella, villas, possessiones, quas tu vel Ecclesia tua impresentiarum habetis, vel alius nomine vestro in antea iusto titulo acquirere poteritis, ego non auferam, nec auferri permittam: & si quis hæc auferre, vel aliquo modo infestare presumpserit, ego tibi, & successoribus tuis, & Ecclesie tue pro viribus meis fidelis adiutor & defensor ero: & si qua vobis vel successoribus vestris ablata fuerint, & ea aliquando recuperare potero, vobis sine omni contradictione reddam. Castrum de Luco quoties tu, vel successores tui, vel nuntij tui quaesierint, ego cum munitionibus, qua in eo modo sunt, vel in antea edificata fuerint, sine omni contradictione reddam: & dum illud tenueris, non auferam, nec auferri faciam: & si quis illud tibi abstulerit, ego fidelis adiutor, donec recuperetur, ero. Hæc, inquam, omnia tibi, & successoribus tuis, & Ecclesie tue, si quando pastore vacauerit, fideliter per hæc sacramenta obseruabo. Et hoc quidem faciendum ad omnes posteros meos transmissio, & ad hoc sacramentum præstandum omnes heredes meos obligo. Et tibi, & successoribus tuis in omnibus, & per omnia fidelis ero secundum iustitiam. Et per te, & per Ecclesiam tuam, me in feudum tenere confiteor, quidquid in ciuitate Diensi, & in mandamento ejus habeo, vel alius nomine meo, & castrum de Luco cum

cum mandamento suo. Huius pacti & sacramenti obfides & fideiussores dedi Hugonem D' Ais, Escassinum, V. de Gusans V. de Luzerans, Gerardum, & Odonem, & Umbertum de Quinto, Gau. de Verona, Armaricum de Auelone, Le. Ramerij de ora, Arbertum de Monteclaro; Lon. de Romeier, Petrum Monachi, Vgonem Ramerij, Isoardum Mearie, Fideiussores tantum & testes, Nicolaus Diensis decanus, & Jarentus de Quinto. Testes solummodo Berengarius de Borna, Stephanus sacrista, Ar. de Bussi, Le. Pinetti, Le. de Borna, Guigo Lombardi, Philippus Elisiardus, W. Arberti Prior S. Marcelli, Acelennus, Stephanus Vicarij, Vgo Vicarius, Saramannus de Borna, Vv. Perdrix, Vv. Longailla, Siluio de Mirabello, Vv. Ramerij, Vv. Maurij, & G. filius eius, Be. Lantelmus &c. Factum est autem hoc pactum & sacramentum, anno ab incarnatione Domini 1167. Alexandro summo pontifice in sua sede quietè viuente, Friderico Romanorum imperatore regnante, idibus Januarij, anno 4. episcopatus Petri Diensis episcopi.

Quos Isoardus scripsit obfides, si contra fidem egisset, debuerunt permittere se Petro, fideiussores præstare damna episcopi. Vide autem quam multæ nobilium virorum familiæ illis temporibus erant in vrbe finibulue Diæ. Perierunt ferme omnes: ad nos peruenere vna & altera, Aisienfis siue Artauda, & Perdricensis. A paucis annis urbem ista deseruit, procul in pago degit. De Hugone Aisienfi loquar ad annum 1212. sub Longueuillio Priore canonicum regularem in S. Marcelli professus est, consanguineo fortassis Vvilelmi. Nomen Escafini in Diensibus magnum erat; neque Aisienfisbus, Gotis, Pictauiensibus minor ipse erat: simul cum ipsis recitauit Henricus imperator, cum sustulit vestigalia per diocesim Dientem à dynastis imposita. Memoria Sacristarum maneret in Hospitali, vt vulgò loquimur, domo, quod prochotrophion Græci dicunt, si Hugonotorum furor sancta omnia non violasset. Sacristanam inuenio vxorem Fromundi Berengarij anno 1284. qui dominabatur Morgiis, Tribus-mœnibus, Trafortio, Fano Martini, aliisque pluribus pagis. Quis verò est Isoardus, qui Petro præstat homagium? An viri proprium nomen fuit, an commune genti? Fridericus 2. in literis ad Desiderium episcopum datis anno 1214. memorat nobilem feminam Isoardam, & eius filios. Putabam esse matrem Isoardi Crepiasij, & Gaufredi Bordellensis fratrum. Gaufredus genuit Isoardum, Remundum, Albertum, Amphilifam, Fyam, & Gaufridam ex Ryssendice Cornelia. Gens Isoarda habuit in armis tres ad sacra loca peregrinantium scipiones, suis pro more instructos globis, & illos gerebant Crespiasius ac Bordellensis fratres, post Iaucerandi filium dominatorem Luci, cuius homagium Petro antistiti præstitum modò vidimus, vt non hominis, sed gentis nomen Isoardum fuisset hinc etiam intelligas.

Bernardus ex Cartusie Portarum priore episcopus Diensis Alexandro 41
tertio Pontifice, sedit incertis annis. In aliis editionibus istius libri Bernardum Priorem Portarum negauit successisse Vldrico episcopo Dienti: id nunc etiam nego. In illis ipsis addidi nusquam episcopum fuisse: nunc contraria sentio. Vt sentiam sedisse Diæ Alexandro tertio Pontifice faciunt hæc codicis M. S. Portarum verba, quæ mihi ad hanc diem ignota fuerunt. *Sub Pontifice Alexandro tertio nobis creptus est Bernardus, Prior quondam noster, vere vir Dei, & sanctus, & episcopus Diensis.* Sed ego quidem non facîle dixerim annum, quo Alexander eum Diensibus dedit antistitem. Sequentia ta-

men afferre mihi visum est, vt non omnino taceam in re vehementer obscura. Alexander præsuit Ecclesiæ ab anno 1159. ad 1181. Iam lego Petrum sedisse Diæ anno 1164. ad annum 1167. & Robertum anno 1178. atque sequentibus; non lego qui per ceteros huius pontificis annos sederint. An ergo Bernardus dictus est ab Alexandro episcopus, vno aliquo eorum, qui ab anno 1167. fluxerunt vsque ad 1178. Hic vnum mihi certum est. Bernardus non fuit episcopus Diæ ante annum 1164. fuit post annum 1173. Nomenclatura Prionum Cartusie, antiquis statutis & scriptis manu, & typo editis annexa, quæ ad istam vsque diem me latuerat, hoc euincit. Ea sic habet. *Sub Guigone secundo priore Cartusie circa annum millesimum centesimum septuagesimum sextum, floruit Bernardus olim prior Portarum, postea episcopus Dionsis.* Iam Guigo secundus inuit prioratum Cartusie anno 1174. desuit eum gerere, mortuus anno 1177. qui ergo floruit ipso Priore circa annum millesimum centesimum septuagesimum sextum, videtur fuisse episcopus Dionsis post annum 1173. non autem ante annum 1164. Sed non possum dicere quo anno inter 1174. & 1177. euaserit in episcopum, si quid tamen suspicari liceat, ad hoc inclinat animus, vt anno ipso millesimo centesimo septuagesimo sexto, circa quem floruisse fertur, fuerit ereptus Cartusianis à pontifice, impossitūque Dionsibus antistes. Commouet ceterà minùs certum animi, sanctus Stephanus, qui è priore Portarum fuit etiam episcopus Diæ. Clarissimus inuenis natus anno 1150. accessit ad Cartusianos Portarum anno ætatis sexto & vigesimo; ac proinde Christi millesimo centesimo septuagesimo sexto. Vt Portarum cœnobium adiret, fecit eximia virtus duorum viro- rum, qui in illo vixerant, Bernardi monachi, & Antelmi ex monacho episcopi Bellicensis, vt traditur in eius vitâ. Illorum duorum virtus adeò illustrem totis circum religionibus claritudinem habebat, vt in hanc cogitationem venerit, futurum quoque, vt aliquando sinceram ipse virtutem in Portarum monasterio coleret, quam illi communissimis omnium mortalium serm- nibus in eo secuti fuerant. Iam peto si Bernardus noster ereptus est Cartusianis Portarum ab Alexandro pontifice, cum ista Stephanus touchebat animo, cur ipsius quoque nomen quod Portis Diam vsque celeberrimum volita- bat, non venit in mentem optimi inuenis, vt ad cœnobium currentem in- citaret; an virtutis exempla præsentia, & veris ob ipsos oculos vestigiis im- pressa, non potuerunt, quod antiqua, & à pluribus ante ipsius ortum an- nis data, fecerunt apud attentum & æquum æstimatorum rerum. Donec ergo aliud quid ex veteribus tabulis & vtrum afferatur, placet, ne- que omnino, mihi quidem videtur, iniuriâ dicere Bernardum, pau- cis post acceptum domo Stephanum diebus, à Portarum Cartusianis ad Dionses abiisse episcopum anno millesimo centesimo septuagesimo sexto.

43
Robertus
im.

Robertum lego sedisse annis 78. 79. 80. istius sæculi: vt Bernardus vix duos in episcopatu annos posuisse dicendus sit. Robertus igitur an- no 1178. imperatorem adiit Arelate, & apud eum fecit, vt antistes Diæ di- ceretur princeps imperij, comēsque Dionsis quarto calendas Augusti, ac- ciperetque Diam ciuitatem, cum sua propriâ monetâ, mercatu, plateis, fur- nis, molendinis, & huiusmodi omnibus, quæ ad imperialem specialiter coronam pertinere noscuntur, stratam publicam in omni episcopatu; & vt nullus pedagium

in eo accipias, medietatem Crisla, & mandamenta, & domaria; & Augustam, & castrum S. Medardi cum mandamentis suis; & quicquid Guilelmus de Picciauia habet in episcopatu, excepto castro quod dicitur Quintum; & insuper Aupegne, Mirabel, Marinbac, Iusli, Romerei Montem-maiorem, Menglo, Rocafuram, Auribel, Luc, Follas, Parabois, cum omnibus mandamentis suis; Vallem quæ dicitur Tresmenich cum suis munitionibus, medietatem Torane, Bellimontis, & Leo, cum medio mandamentorum eorumdem, tertiam denique partem Aisji. Anno 1179. interfuit concilio Lateranensi sub Alexandro tertio; 1185. fecit ut Lucius 3. non seiuingeret ab episcopatu præposituram Diensem, quam Alexander 3. cum illâ vniuerat. Hic tacere non possum duo. Quod Fredericus 44 asseruit anno millesimo centesimo septuagesimo octauo, se dare Lucum antistiti, suadet non accepisse pagos omnes alios Robertum ab illo, quos in imperialibus literis enumeratos vidimus. Hoc primum est, Enimvero Lucus anno 1167. erat in episcopi potestate, ut intelligitur ex Isoardi homagio, quod non multò antè recitauit. Quos dedit pagos, quæ seu castra, seu prædia, non prius ab antistite possessa; quæ dare se dixerit quod gratam haberet in ea dominationem episcopi, nemo asseueret in tantâ illorum temporum antiquitate. De Dia ciuitate lis est. Verum si episcopus non ei ante Fridericum dominabatur, quid ille ipse Isoardus aiebat, se à Petro episcopo tenere in feudum illa omnia, quæ in ciuitate Diensi, & in mandamento eius habebat? cur anno 1073. Guilelmus còmes Diensis *fidelitatem*, ut Gregorius VII. loquitur, fecit Hogoni in Præsulem electo? Alterum etiã in Friderici literis adueito. In iis primum occurrit nomen Picciauiensis, nonnulla imperio in episcopatu tenentis Duchesnius existimauit primum de illa apud Dienses gentes, fuisse Aimarum anno 1189. qui aliunde ad eos venerit. Sed vides Guilelmum Friderico teste apud illos ipsos latè dominatum fuisse anno 1178. lego etiam eundem anno 1168. accepisse Taurini die decima Ianuariæ, potestatem imponendi vectigalia per suum omnem agrum, quam posset & iste, & anno 1139. Fridericus II. reuocauit.

Ann. 1085. aut mortuo, aut cedente Roberto, Petrus Dix sedit episcopus. 45 Scil. Fornerius in historiâ MS. Ebreduni sic loquitur. *Secunda contentio Præpositi Ebredunensis & canonicorum, cum Raimunda archiepiscopo, de argentariis Curegi, & Farauelli, fuit Lucio Pontifice. Hic Petrum episcopum Dix, & Guigonem Reuelum abbatem Biscandoni, qui postea Dinie fuit episcopus, rei cognoscenda præscit; & eorum sententiam suo corroborauit iudicio; excommunicationem quoque intenuit illi ex contententibus, qui ipsam violasset.* Cùm ergo Robertus, sedit Dix anno quinto & octogesimo sæculi, atque Lucius Pontifex eo ipso mortuus fuerit, profectò qui Petrus episcopus Diensis, datus fuit à Lucio iudex, illi canonicorum & Præpositi cum Archiepiscopo suo liti, non potuit ante annum quintum & octogesium, non potuit post annum quintum & octogesium sæculi, ponere sui episcopatus initia.

Inuenio præterea Petrum episcopum conuenisse de decimis cum priore 46 Sancti Mauritiij, annum quo conuenit non lego. Sed fueritne is tertius, aut qui ante Robertum sedit secundus non possum dicere. Conuentorum tabulæ ita habent. *Contentio super decimis orta est inter episcopum Petrum Diensem, & sancti Mauritiij priorem A. nomine, quæ sapientum virorum maturiori consilio terminata est sine optato hoc modo: ut episcopus*

habeat decimam à riuo S.Ferreoli vsque ad scirum de cruce super stratam publicam; monachi à jam dicto riuo infra vsque ad ciuitatem. Hujus concordie testes sunt ij subscripsi, Petrus Pineti, Aubertus de Pellafol, Vmbertus procurator, canonici; Girardus Perdici, Vv. Pagani, G. Monachi, Falco capellanus, Pontius capellanus Sancti Petri: Vv. Chabaudi, Arnulphus capellanus S.Ferreoli.

- 47 Vnum aliud lego factum ignoto mihi antistite, quod tamen factum videtur, vel Petro, seu tertio, seu secundo, vel Roberto episcopo, utpote cui pro suo collegio interfuerunt Petrus Pineti & Aubertus de Pellafol canonici, testes memoratæ Ebredunensi à Petro III. concordie. Raimundus Berengarius, clericus Diensis, episcopo simul & canonicorum collegio dederat Praboisium, Toronam, Tresmenios, Foilas, Treuienses pagos episcopalis feudi. Euellendis contentionum radicibus, & sinceræ paci seruandæ procul suspicione ac dolo, visum est è re futurum ut inter se sortirentur. Foilasum episcopo & canonicis commune tamen mansit, peræquandis aliis partibus: Praboisium cecit in partem episcopi: cetera fuerunt canonicorum collegij. Res acta est in templo B. Mariæ, intra chorum, ante majus altare. Pro collegio suo aderant Iarentus decanus, Arbertus Sacrista, Petrus Pineti, Petrus Rainaudi, Humbertus de S. Boneto, Philippus & Arbertus de Pellafollo, Aimô, & Petrus Durre canonici.

48 Iarentus ex decano episcopus post Petrum III. fuit. Quo anno ceperit, non liquet. Sedebat anno 1193. quo per Robertum archiepiscopum Vienneensem, Falconem Valentinum, Ioannem Gratianopolitanum episcopos, & Fr. Berengarium arbitros diuisit Aurellum pagum cum Aimaro Pictauiensi. Partem suam is emerat à Vvillelmo de Aurello. Celestinus III. eodem anno 8. idus Nouembris episcopum Iarentum, monet, ut Artaldos duos, & illum ipsum Aimarum prohibeat inpositione vestigalium per diocesim, juxta constitutiones Concilij Lateranensis sub Alexandro tertio. Vide quàm tum illustis erat Artalda gens: Artaldos memorat duos, ante Aimarum Pictauiensem. Nobilissima gens imperabat Aisio, Castellioni, Tribus canutis, Nonetiis, Archianæ, Bellagardæ, Estableto, Bornæ, Glandagio, Moleriis, Reuello, aliisque pluribus pagis. Etiam nomine Comitatus erat insignis ex rubricis archiui canonicorum Diensium *litera C.* Diuturna & grauis contentio de ecclesiis Cristæ fuerat episcopo Diensi & canonicis S. Medardi, cum episcopo Aniciensi, & canonicis S. Rufi. Illam denique composuit Bernardus, Cardinalis S. Petri ad vincula anno 1196. Cristæ tum erant hæ sacræ ædes, S. Saluatoris, S. Andreæ, S. Iacobi, Crescelonis, Brislanorum; & in agro ad vrbs muros paræcia. Bernardus ita edixit. Abbas S. Rufi habeat in eccle-

- 49 S. Saluatoris, quod ante hæc tempora possidebat episcopus Aniciensis, præter tertiam partem decinarum, & jus omne diocesani, censumque annum, & ædiculam: hæc enim erit canonicorum S. Medardi, cetera Diensis episcopi; curio tamen non sit canonicus regularis, & episcopo sistatur ab abbate. Eccleæ Sancti Andreæ & Sancti Iacobi, arque paræcia in agro posita, sint episcopi Diensis; Cresceloniam ille idem partiatur cum abbate Sancti Rufi. Brislanorum clerus nulli decimas pendat, & sibi habeat oblationes fidelium pro mortuis, nisi quòd abbati dabitur canonica portio pro sepultura. Hæc Legatus summi Pontificis. Aduerto canonicam portionem pro sepultura defunctorum dicere, non vnâ aliquam, sed tertiam eorum quæ

quæ ponis in tumulando primo de familia; quartam illorum quæ in sepeliendo secundo impendis; atque ita deinceps: & tacere nomen episcopi tum Diensis. Anno 1197. Iarentus composuit litem Nicolai episcopi Viuariensis super decimis argenti effossi *in toto episcopatu*, vt annotaui libro 3. de Viuariensibus episcopis numero 11. obiit autem anno incerto, & illius vt amici & benefactoris memoriam seruat necrologium S. Victoris ad Lutetiam Parisiorum, ex tomo 1. libro 2. pag. 447. Antiquitatum Parisiensium.

Humbertus anno 1197. illi successisse videtur, eo enim sedisse memorant tabulæ Lioncellensis monasterij. Anno 1201. concedit Siluioni de Cristâ, vt homagium Andreæ Delphino faciat eorum castrorum, quæ ab episcopo cliens habet, ex Iustello in historiâ gentis Aruernæ, pag. 167. probationum. Peruenit ad annum 1202. quo Lambertus de Egleu firmavit assensu signoque suo, à parentibus concessa monasterio Lioncelli (appellatum quoque inuenio monasterium Fontis Leonciæ) ipsius consiliis.

S. Stephanus patre natus Berardo (Hugonem dicere maluit Guichenonus de Sebusianorum historia parte 3. pag. 119.) Castellionis prope Lugdunum domino, dicitur apud Surium de priore Portarum, sub. Iocelino priore Cartusiæ factus episcopus, & post sextum episcopatus annum mortuus anno 1213. errore insigni. Nam ex sinceris tabulis Humbertus regerebat episcopatum annis 1109. 1110. 1112. Putabam vtrique Humberto medium sedere cepisse anno secundo, desisse octauo sæculi. Atque id voluit scriptor de illius vita, sibi contrarius hac in parte, cum addidit assumptum in episcopum Dientem duobus fere annis post mortem S. Hugonis Lincolnensis, quem constat mortuum esse anno 1200. atque euidenter docuit scriptor miraculorum ejus, quæ archiepiscopus Viennensis & ipsius suffraganei, miserunt ad Gregorium IX. anno 1231. his verbis. *Anno ab incarnatione Domini 1208. octauo idus Septembris, Stephanus Cartusienfis monachus & prior Portarum Cartusienfis ordinis & diuinâ gratiâ Dientis episcopus. transiens ab hoc seculo migravit ad Dominum.* Quid referam viri pietatem, integritatem morum, modestiam, aliasque virtutes, siue in domo paternâ ante regularem vitam exercitas, siue in eremo cum Cartusianis, siue in episcopatu? Ab ipso vtero infans nutricis vbera nunquam duxit feriâ sextâ, vt cum Christo jam tum pateretur, & tantum non doceret, se illâ die non posse viuere, quâ Dominus est mortuus. Cum pueritiam exuisset, studiis literarum, orationibus, & omni virtutum genere castigabat corpus suum, & in seruitutem redigebat: atque vt intelligeres, non suo, sed Dei spiritu agi, carne omnino abstinebat, in Cartusianæ vitæ magnum rudimentum; nam vt eam primùm inauditi, annum ætatis sextum & vigesimum agens, eam iniit in Portarum domo. Sex autem & viginti totos annos in solitudine posuit, ne pauciores in Dei, quàm in parentum familiâ exegisse videretur. Anno ætatis quinquagesimo secundo postlatus est in episcopum à canonicis Dientibus tanto suo dolore, vt iteratis Innocentij III. literis auelli ab eremo non potuerit. Dedit priori Cartusiæ Iocelino, vt se pateretur episcopum. Et alia antistes, & hoc singulare, ac in omnem partem insigne fecit Dix, vt teterrimâ specie dæmonum, quos videndos præbuit, populum deterreret à violatione festarum dierum. Surius ita loquitur in viri vitâ à se castigatâ. *Inuenit gentem illam miseram, & execrabilis consuetudine cecam, non honorare diem dominicum; immo verò contra*

Dei præceptum diabolo illum dedicare, quòd illo solo die exercerentur nundine, tabernæ, choreæ, ludis, luxur, & pernicioſa ſpectacula. Quamobrem ad populum conſecrationatus, blandis & mellitius verbis apertiſſimisq; rationibus, oſtendit eis peccati illius enormitatem, diuinæ majestatis offenſionem & contemptum; ſed gens beluina & ceca, non ſolum non admittit ſermones ejus, ſed etiam per contemptum eos audire reſuſcit. Dolens autem ſeruus Dei tam proteruos illos ad corrigendos mores, ad ritus impios tam plene barbaros, tam erga Chriſtianam religionem inſolentes, tam vitâ profanos, acrius inſiſtendum exiſtimauit. Itaque intelligens ſe non mercenarium eſſe, ſed paſtorem, conſtituit oportune prædicationi incumbere, ſi fortaſſis poſſent reſiſcere à diaboli laqueis, à quo captiui tenebantur. At ſurdas illorum aures ſermo diuinus minime penetrabat: tum verò magno animi dolore concepto, apoſtolicum virum reſerens, & ſui apoſtolatus ſigna euidenter oſtendens, præcepit dæmonibus, qui ad ea quæ diximus, ſacina illos incitabant, & quorum voluntati parebant, vt ſine vlla cuiuſquam læſione ſe eis videndos exhiberent. Mox parent illi dæmones, quem homines peruicaces audire nolebant. Videre tum licebat horrendum & terribile ſpectaculum, dæmones procerâ ſaturâ & inmani, nigerrimos, cornutos, fætores & flammas ſpirantes, ad viri imperiũ apparere cuncti, ruſſumq; recedere, nec quemquam ledere poſſe. Cepit ergo occæcata gens aperire oculos, vitam & mores corrigere. Per cetera ſancti ſacerdotis ire non placet. Ita Deo gratam & virtute nobilem vitam egit, vt variis tota regione prodigiis, etiam poſt mortem inclaruerit. Aurea fuerunt, neque prodigio minora verba, quæ proximus morti dixit. *Virgentibus autem* (inquit Surius) *Eccleſiæ ſuæ filiis, vt teſtamentum faceret; non eſt, inquit, neceſſe, cum omnia ſint ſponſæ meæ, quam gubernandam ſuſcepi.* Sed vnum tacere non poſſum, quod publicus ſcriba poſuit in ſuo chartulario. Iſtius antiſtitis corpus, plures centenos annos ad eò frequentibus illuſtre fuit miraculis, tantæque populorum & cleri veneratione celebratam habuit, vt in epiſcopum electus deduceretur ante ad preces ſub ejus tumulum fundendas, quàm Præſulis ſedem occuparet. Iacobus de Baternay anno 1472. die 11. Decembris, viam monſtrante Petro Richerij decano, ad Stephani ſepulcrum acceſſit orationis cauſâ: tum ad altare S. Petronij iurauit in exemptiones ciuitatis & canonicorum collegij; denique ſedit in cathedrâ pontificiâ. Marmoream lego fuiſſe, & retro altare poſitam. Sed, vt fit, deficientem ſenſim aliquando viri memoriani reuocauit, quod tumulus apertus eſt anno 1557. Serpebat hæreſis, & per incrementa latentia occupabat Diam, neque ſolitus honor habebatur exuiis Stephani, potiùs, vt proteruus eſt Caluinismus & procax, non longè contemptu etant cilicium, ſcapulare, calcei, zona, eremiticus ſcapio, monimenta & pignora ſanctæ inter Cartuſianos vitæ, ac in auiliis locis procul mortalibus quondam actæ, quæ majorum pietas ſepulcro eduçta propoſuerat ſpectanda plebi. Tetigir alitè Monlucium epiſcopum effrænis & importuna licentia: quâ erat prudentiâ, & in reſactas veneratione, duxit ſanctæ viri ſpolia non diutiùs permittenda eſſe degenerum filiorum oculis ſubſannantibus patrem. Iubet corpori ſuo reddi, & ruſſum condi ſepulcro. Dies erat octaua Iulij. Humbertus Faucher canonicus juffa Præſulis deferēbat. Spectante frequentiffimo populo ſepulchralis tollitur lapis: de vrbe principes viri caueam intrant: vident inſolentis portentum, tractantque corpus in mediâ calce integrum, ſuccique plenum: Pontificia veſtis videtur, tractaturque

omnis sincera & incorrupta, alba quoque, casula, mitra, sandalia, post annos à morte Stephani nouem & quadraginta supra trecentos. Sed quarto post anno, scilicet Christi primo & sexagesimo post millesimum quinquagesimum, busto in mediâ plateâ structo imposuerunt hæretici, cremaueruntque; impius, & Hugonottorum furor defecit in sacrum corpus flammis edacibus, quod absumere tot sæcula non potuerant. 36 Iuuat eruere ista omnia ex publicis tabulis, quæ tûm scripta sunt, cûm ipsa gerebantur. Primò spiritus Dermenon tabellio regius ita scripsit de apertione tumuli quani videbat. Anno millesimo quingentesimo quinquagesimo septimo, die tertia mensis Iulij &c. Iacobus Vacherius, & Ióannes de Croux iussi, aperuerunt conditorium domini Stephani quondam Diensis episcopi. Secundò idem tabellio addit sequentia de corpore S. Stephani, quod in aperto tumulo inuentum est. Aperto tumulo occurrit omnium oculis corpus albâ indutum, & casulâ. Sub hac utrimque pendebat. Capiti, cui hærebant sui capilli, sacerdotali coronâ distincti, imposita erat mitra. Brachiorum alterum alteri superimpositum jacebat, Manus chirothecis operæ erant. Tertium seu medium dextere digitum ornatbat annulus aureus, cujus splendentis pala insita erat insignis gemma. Pedes atque tibias muniebant caligæ episcopales. Terriò pedes, tibias, manus, brachia, pectus, caput, totum denique corpus suis ossibus stetit, suâque viguisse carne, hinc intelligis, quòd carne sua, suisque ossibus constabat, cûm post annos quatuor combusserunt, vt statim referam. Quartò B. Stephani corpus in mediâ calce repertum est. Donnedon enim scriba regius hæc adjungit: *Toto conditorio quàm longum & latum erat, vim maximam calcis, & subjecerant, & superposuerant corpori, pontificalibus induto vestibus.* Quintò denique idem corpus, quòd calx plurima non potuerat annis omnino 360. & quod excutrit absumere, impositum busto, & crematum est anno 1561. in mediâ Dix vrbis plateâ, vt quæstori de sacrarum omnium rerum euersione, quem Gratianopolitanum dederat parlamentum, responsurus est annò 1573. Ceteris enim facinus quidem referentibus, sed de tempore tacentibus, vnus in hæc verba testatus est cum sacramento: Anno 1561. *incredibilem chartarum ecclesiasticarum vim in bustum, media platea erectum dejecerunt, cum S. Stephani corpore, quod carne suâ, ossibusque constabat.* Cûm publicæ tabulæ sic habeant, doceantque corpus S. Stephani crematum esse an. 1561. & eo ipso anno episcopus Diensis, se ad Concil. Trident. viæ cûm aliis Francorum episcopis & Cardinale Lotharingo, Caroli regis iussu commisit, vt Carolus rex ipse scripsit annò 1567. qua veritate scriptor Indiculi Sanctorum Lugdunensium, homo alioqui eruditus, sine teste, sine tabulis, vnus in quibusdam illius exemplaribus nuper assenuit corpus S. Stephani crematum fuisse episcopo in lupum verso: sed ad vnum aliud de sancto viro referendum accedamus. Ad meas manus peruenit epistola Episcoporum prouincie Viennensis de canonizatione S. Stephani scripta ad summum Pontificem anno 1231. eam, quia longior est, postea in appendice recitabo.

Humbertus II. post S. Stephanum episcopus, anno 1209. interfuit conuentionibus Humberti episcopi Valentini cûm suis ciuibus, vt libro superiore scripsi num. 52. Anno millesimo ducentesimo decimo, die 12. Martij composuit litem quæ diuturna fuerat Eliæ hospitalario præceptori Ricobelli cum Bertrando Misonio & Luzerana Bertrandi vxore. Eodem anno mense Iunio, agente B. episcopo Viuariensi conuenit ipse cum Aimaro

57.
Hüder-
180 2.

Picta

Piçtauiensi de Aurello, Baſtidâ Vvilelmi Pilofi, ædificatione Villæ Paone-
ti per Guidonem Ademarum defructâ, Fano Ferreoli, Mota Bordellorum,
Turri quam Saramannus habebat Spennæ, & iis quæ Almaricus de Vaſco
Cumſiſi poſſidebat. Hic primum occurrit epîſcopo Dienſi cum Piçtauien-
ſibus bellum. Ceperat ſub Hugone contentio, liſ diu concepta eruperat in
apertum diſſidium larento antiſtite, nunc denique pugna aduerſus Hum-
bertum fuit. Dia, Aurellum, alij plures pagi, veſtigialis per diœceſim prohi-
bitio; ſed enimvero maximè homagium, ſedes magna bellorum. Dolebant
ſe ſub epîſcopi dominio viros principes, deque Tolofano, & Piçtauienſi co-
mitibus, archiepîſcoporum dominis, ducentes originem. Durauit malum
ducentos aut plures etiam annos. Pugnæ dux & auctôr Guido tenebat di-
tione Montilium, Sozas, Condiliacum, Lachanum, Turretas, & alia loca.
Neque parum amabat Eccleſiam qui Valentino antiſtiti poſſidendam dedit
Mirmandam, ad æternum decus Ademarorum. An quid fuerat, vnde læ-
ſum ſe à præſule Dienſi quereretur! an potiùs fecit affinitas ſanguinis, vt ita-
ret pro Aimaro? Anno milleſimo ducentefimo duodecimo, quarto idus
58 Februarij, Humbertus epîſcopus dedit priori ſancti Marcelli eccleſiam
ſancti Bartolomei de Greſſâ, cum decimis, primitiis, oblationibus; &
decimas Baſtidæ Graſſi, ac totius Greſſæ quas, iure ſuas querebatur ab alio
poſſeſſas. Seruauit in illâ eccleſiâ *epiſcopalem* (vt ferunt tabulæ *reuerentiam*
in omnibus, & jus *diœceſani*; atque de prouentibus ejus aliquam vim
auri ac frumenti. Hugo de Aiſio poſſeſſor decimarum Baſtidæ, & Greſ-
ſæ, illas eidem priori jam dederat anno 1211. menſe Septembri, quâ die ca-
nonicum regularem in S. Marcelli profeſſus fuerat, Hugone Longueuillio
priori, magno in omnem partem exemplo. Neque enim Cluniacenſium,
vñ nunc, monachorum, ſed canonicorum regularium erat tum ea domus,
Anno etiam 1232. ſecundo calendâs Martij obiſſe legitur in lapide ſepul-
erali Guigo Virgiliis, ſacerdos & canonicus S. Marcelli. Habes lapidem affi-
xum muro vrbiſ, non procul portâ S. Vincentij, quâ itur ad S. Petri. Hugo
autem Aiſius de gente Artalda, ante religionis ingreſſum ſuſtulerat ex vxore
Guigonem & Guilelmum: Guigo ex Dalmide genuit Hugonem; Guilel-
mus ex innominatâ vxore Iſoardum. Guigo jam obierat: Guilelmus,
Hugo, & Iſoardus firmauerunt aſſenſu, ſigillâque donationem illarum deci-
9 marum ab Humberto epîſcopo. Mirari autem ſæpenumero venit in men-
tem, quid exciſæ fuerint ab imâ ſtirpe tam multæ, ac fere omnes virorum no-
bilium familiæ, quas in agro Dienſi ea ætate fuiſſe lego; & Artaldorum
gens ad hanc diem perduret vigeâtque. Pilofi, Quintenſes, Veronenſes, Sa-
cristæ perierunt; Iſoardi etiam dynaſtæ, Montalbani, ac Piçtauienſes, deſie-
runt à multis annis aut omnino, aut certè vniuerſis per Delphinatum, pro-
ximâque prouincias, regionibus. Arbitrabar Hugonis Aiſij pietati hoc da-
tum eſſe. Voluerat latere inter canonicos vir ſanguine rebusque geſtis clarif-
ſimus; fecit Deus, vt poſteris ad quingentos vſque annos & noſtra tem-
pora, innoteſceret piſſimi viri, ac illuſtriſſimæ gentis decus & ſplendor.
Nam Iſoardus Hugonis ex Guilelmo filio nepos fratrem habuit Petrum
Iſoardi, qui Guilelmum progeniuit, Guilelmus autem Petrum Iſoardi ſecun-
dum, & Hugonem ſecundum. Ab hoc Hugone gens ad nos propagata
peruenit. Scilicet Guilelmum ſecundum anno milleſimo trecentefimo no-
nageſimo

nagesimo septimo, scripsit heredem. Guigo ex vxore sustulit Guilelmum tertium, cui fuerunt filij duo, dicti ambo Ioannis ndmine. Istorum primogenitus ex filia Atnaldi Montalbani sustulit Iustinam conjugem suprarupensis toparchæ, & Lucretiam vxorem Pompeij Esparronij sorores ex Rainaudo Montalbano patre. Secundogenitus reliquit Spiritum & Laurentium Artaldos, fratrum filios, qui viuebant anno millesimo ducentesimo tercio. Ille per Gasparem filium, & Guichardum nepotem, habuit Ludouicum patrem Renaudi; hic ex Guilelmo filio sustulit Claudium patrem Nicolai & Francisci; Nicolaus genuit Spiritum, & Franciscus Laurentium. Scutum antiquissimæ gentis gerit castella tria, quæ singula surgunt in turres tres; duobus subiectum est tertium: Petrus Isoardi tamen vnum in scuto castellum habebat, non tria.

B. Desiderius Comitis Forcalquerij filius, ex Cartusiano episcopus, post Humbertum II. sedit. Cujus Comitis filius fuerit non inuenio. Si ex Adelaide, Guilelmique junioris & vltimi de Forcalqueriensium gente Comitis sorore, non est progenitus (ejus enim & conjugem, & filios, ac nepotes scimus se Forcalquerij Comites appellitasse) abs dubio nepos fuit Guigonis, qui Manualcam vallem Hospitalariis dedit anno millesimo centesimo quadagesimo nono, frater Bertandi, patruusque Guilelmi junioris illius. De Guigonis hujus filio, qui fortasse Beati Desiderij episcopi pater fuit non nihil scripsi in Guilelmo juniore numero tertio & quarto. Vtcumque hæc habeant, Beatum Desiderium sedisse Diæ lego annis sæculi 14. 16. 20. Anno millesimo ducentesimo decimo quarto Basileam iuit ad Fridericum secundum imperatorem, & in eâ peregit sequentia. Primò fecit vt Fridericus Aimarum Pictauiensem prohiberet exactione vectigalis per diocesem Diæ. Secundò obsignauit tabulas testis, quibus imperator plurima donabat Humberto Viennensi ex Cartusiano præfati, vt videtur est in Bibliotheca Floriacensi xysto lxxv paginâ nonagesimâ primâ. Tertiò obtinuit à Friderico, vt posset *castrum in monte Pedonis adificare, munire, & habere*, accepitque Quintum castrum supra illa omnia, quæ Fridericus I. Robertos episcopo ante annos 36. concesserat. Sedes opportuna Aimaro ad excitandos tumultus & prædas agendas seruandæque, debuit esse in episcopi fide. Mons est in finibus agri Diensis, aduersus inuiis rupibus, quas sibi continuas apperuisse videtur ad accipiendam sinu Dromam vnâ: iter quippe quod viatoribus præterea suspendit medius, modico & infido calce tenditur per saxa lubrica, humumque fatiscentem. Monti castellum inposuerant insana turrium mole visendum; Quintum vocabant: tenebat Aimarus: non ita pridem iussu regis euersum est. Imperator suis in literis addit sequentia. *Concedimus præterea vt nulli hominum liceat acquirere feuda tua, & Ecclesie tue, nisi consilio & permissione tuâ &c. Concedimus tibi, vt in toto mense Augusti, in Diensi ciuitate nulli liceat vinum vendere, nisi tibi soli, & successoribus tuis, vel illi cui mandaueris, distrahendum &c. Præterea vallem de Torona, & quidquid nobilis mulier Isoarda in episcopatu tuo tenebat, & quidquid filij ejus in eodem adipisci poterunt, sicut ipsa coram prædecessore tuo Humberto recognouit &c. de dominio tuo esse volumus & concedimus.* Anno 1216. conuênit cum Raimundo Berengario, qui turbabat non nihil super pagis à Raimundo Berengario fratre concessis episcopo & ecclesie, vt vidimus nu. 47. Desiderius ad cer-

tam rei firmitatem voluit conuentiones comprobari à Bertramo archiepiscopo Viennensi. Anno millesimo ducentesimo vigesimo Desiderius cancellit Ricobellum Roberto Misonio in feudum; neque postea diu vixit. Ferunt mortuum anno 1221.

- 62 B. Desiderij successor ignotus est. Quicumque fuerit, omnino videtur alienâ manu cecidisse. Charta est in episcopi Dionsis tabulario antiqua quidem, sed priuata, neque manu publicâ, sigillôve munita. Memorat occisum episcopum tanto canonicorum dolore, vt anno millesimo ducentesimo vigesimo tertio, die terciâ Septembris decreuerint magno consensu, nullum ad quartam vsque progeniem, de illorum gente qui præsum peremissent, admittendum totâ diocesi ad beneficium ecclesiasticum. Omnino sede vacante ita constituerunt: neque diu antè ceciderat episcopus. Scilicet videtur pena recentissimi facinoris. Digni laude canonci! Cùm pro Christianâ modestiâ nolint fundere patricidarum sanguinem, aue tamen illis dicere fugiunt ex præcepto Apostoli, & de Domini disciplinâ excludunt domo, gentèque suâ filios impiorum, ad quartam vsque generationem. Et incautum profectò antistitem superauerunt ferro, vt à maioribus traditum est, ad lateralem portam Sanctæ Mariæ. Si egrèdiebatur sacra æde Sacerdos, exemplo Christi extra portam passus est, vt populum sanctificaret per suum sanguinem: sin templum ingrediebatur, cecidit Deo victima, & Christo sanguinem reddidit. An hic ille Humbertus est episcopus, quem in veteribus tabulis lego *pulsatum* à Dionsibus *per seditionem*? annum quo pulsatus est; causas iratum & furoris in eum; nomina denique sicariorum non inuenio. Igitur donec occurrat aliquid ex veteribus chartis certius, dicatur Humbertus III, successisse Desiderio, & cecidisse per populi seditionem ad lateralem portam S. Mariæ anno 1222, circa Septembris initium.

Hubertus 3.

- 63 Bertramus videtur tempora significare, Humberti à Dionsibus perempti successor sedebat annis 23. 24. 26. 35. post millesimum ducentessimum. Anno millesimo ducentesimo vigesimo tertio, cùm Guilelmus Artaudus negaret homagium vt loquuntur, res arbitrariis iudiciis commissæ est. Vvilelmus de Bordellis decanus Dionsis & Rambaldus Osaficca Guilelmum damnauerunt. Agebatur de Glandagia, Borna, Molerijs, Reuelo, Lunis, & Aisij parte mediâ. Hugo Aisius, Arnaudum de Cristâ secutus posuerat illos omnes pagos in episcopi fide. Guilelmus Hugonis filius negabat iure positos, sed an. 1224. clientē se dixit episcopi, qui hoc sapienter addidit, vt Moardus Guilelmi filius (ne quid aliquando post mortem patris moueret) comprobaret clientelæ professionem à patre factam. Frequens quoque canonicorum collegium, & viri nobiles plurimi, interfuerunt dicenti se clientem episcopi, ad maiorem rei celebritatem ac firmitatem. In canonicis censetur *Magister Artaudus*, sanguine & sapientiâ illustis, cuius & Iacobi de Monte canuto Cantoris Viennensis consilio, Soffredus episcopus Gratianopolitanus, transtulit Gratianopolim Præpositum & canonicos Campaniaci positos, à Delfino, in templum S. Andree, quod Eustachius prior S. Martini illis donabat anno millesimo ducentesimo octauo, calendis Februarij, ad petitionem Andree de Burgundiâ successoris Delphini, & primi secundæ Delphinatorum gentis. Neque verò vlla diuitiarum, aut honoris cupidi

Bertramus.

cupidine adductus Bertrandus, Artaudum adegit ad professionem clientelæ: 64
 jura episcopi neglecta noluit. Quàm non parcus opum esset, non appetens
 honorum, affirmant quæ cum Hospitalariis, & S. Mariæ canonicis peregit.
 Anno 1226. donauit Hospitalariis ecclesias, prædia, census, & quidquid rei
 habebat Valle Dromæ: seruauit tamen sibi *sextarios centum frumenti, & cen-*
tum bladis solidos seu Viennenses seu Valentinòs annuos octo; & jura epis-
 copi, scilicet (vt ipse in tabulis exponit) *visitationis, procurationis, altarium*
consecrationis, collationis Ordinum Ecclesiæ. Hinc intelligis antistitem latè
 dominatum in Dromæ valle, qui sub grauissimo censu annuo daret sua Ho-
 spitali sancti Ioannis, in prouentus abs dubio non contemnendos.
 Pro Magistro Hospitalis rem gesserunt Pontius de la Montagna, & Gi-
 raudus Auricula Hospitalarij, Girardus Vallis-dromæ clericus & Giraudus
 prior sancti Ægidij. Tabulas publicas scripserunt Dix decimâ sextâ lu-
 lij in domo episcopi, juxta ecclesiam Sancti Nicolai. Ecclesiam appellat
 scriba sacellum episcopij, quod sancto Nicolao (fuerat cum eo Nicasius
 in Concilio Niceno) sacrum esse tradunt chartæ vetustissimæ. Anno 65
 millesimo ducentesimo trigesimo quinto finem dedit tertiâ idus Maij,
 diurnæ contentioni cum collegio canonicorum sanctæ Mariæ de juri-
 bus episcopi; an potius sub pacis specie longam contentionem induxit?
 Certè ab illo ad nos vsque vix aliquando conueniit bene canonicis
 tum episcopo; illis aientibus se non esse in episcopi jure, hoc nitente
 canonicos subicere suo vtrique foro. Et non rarò in apertum dissi-
 dium, neque occulta odia, res erupit sub Guilermo Rossilionæo,
 Ioanne Ioseurio, Amedeo Cardinali de Saluciis, Ioanne Monlucio. Nu-
 per etiam canonici cum Carolo Iacobo Leberonio contenderunt. Quo-
 niam causa peruenit ad iudices, non est meum super ipsa pronuntiare: ne-
 que igitur referam seu Bertrandi literas, seu conuentiones Guilelmi Ros-
 silionæi, aut Amedei Salassi cum canonicis; seu in canonici crimine vel re-
 ciprocâ missionem rei ad Ioseurium, & collegium, vel edicta sena-
 tus Grarianopolitani pro Monlucio, & Petro Andrea Leberonio. Certè
 quieti suæ consulere voluisse Bertrandum, questi sunt ex eo præfules,
 & dignitatem antistitis nimîâ facilitate corrupisse; & canonicis ex aduer-
 so laudantibus benignitatem parentis; & erga filios æquitatem inter-
 pretatis.

Humbertus IV. post Bertrandum episcopus, attigit annum sæculi quint- 66
 quagesimum. Nobilis & clarus est ab homagiis illustrium virorum, *Hüber-*
 Isoardorum maximè, & Artaudorum. Res cuiuspiam fortasse videbitur *im 4.*
 tenuis, neque commemoranda: sed non modicum quid honoris confert in
 Ecclesiam Dei, qui subiectos illi docet, quos ceteri mortales venerantur.
 Ioannes tacere noluit principes christianarum tribuum deponere diadema
 de capite, & illud abicere ante thronum Dei, & Agni. Anno millesimo du-
 centesimo trigesimo septimo, mense Aprili, Gaufridus de Bordellis, ex
 gente Isoarda, se dixit clientem Humberti pro Chalancone, Podio acut-
 to, Villaperdrice, Crepiasio, Leone, Mota, Fano Ferzeoli: anno millesi-
 mo ducentesimo trigesimo octauo, 9. cal. Martij Vvilelmus Artaudus pro
 Tribus-canutis, Noueriis, Archiaua; & anno millesimo ducentesimo trige-
 simo nono, pro Castellione. Gaufridus in homagij tabulis proficitur

- Isoardum patrem accepisse ab episcopo Crepiasum, Leonem, Motam, & Fanum Ferreoli. An hic ille est Isoardus, de quo dixi ad annum 1167. Idem Gaufridus ad tabulas adjunxit sigillum, & (quod nusquam aliàs factum inuenio) scutum posuit in sigillo transuersum. In scuto visuntur Isoardorum scipiones tres æquè alti, sub capite reticulato. Isoardus Chalanconius, Gaufridi filius, medium scipionem tulit ceteris altiore, & in capite
- 67 reticulato fasciam. Rem verò suam Humbertus feliciter, & pro episcopatu sapienter, egit apud Fridericum nomine secundum imperatorem. Tres ab ipso literas habuit anno 1238. Piius imperator comprobat, & corroborat tabulas, quibus tum ipse Desiderio antistiti anno 1214. tum Fridericus, Roberto plures pagos donauit anno 1178. & varias exemptiones. Secundis tollit à Dia vrbe onine jus publici clam episcopo concilij; additque Humberto sequentia. *Mandamus quatenus in ciuitate Diensi legales mensuras & iustas, & legalia ac iusta pondera statuas firmiter ordinari, vt vendatur, mensuretur, & ponderetur ipsis ponderibus & mensuris.* Tertiis imponit Diensibus octo millia solidorum pro militibus per Ioachimum Spinolam mandato episcopi ductis in Longobardiam. Fridericus Brixiam obsidione cinxerat: Spinola erat Vicarius imperatoris per regnum Arelatense, & (sicut ferunt literæ) Viennense. Hoc regnum Viennense ab Arelatensi omnino diuersum, excitare contendit Humbertus II. Delphinus, eo teste qui gallicè scripsit de toparchatum per Delphinatum iuribus; & anno 1335. accepit literas à Ludouico Comite d'Okiegen, quibus nomine Ludouici Bauari imperatoris euehebatur in regem Viennensem. Harum literarum exemplaria duo autentica sunt in tabulario regio Delphinatus, vt addit idem scriptor, qui etiam ad-
- 68 uertit Humbertum nunquam tamen sibi accepisse nomen regis. Quid fuerit cur Veronam, & Aquabellæ Bastidam Humbertus venderet, nullibi chartarum inuenio. Dederat episcopo vtrumque castrum Petrus de Verona. Omnino pietas commouit sapientem antistitem vna. Dedit illa Petro de Cigoterio Priori Salientis: & venditionis tabulæ ad solam speciem sunt factæ. Et verò quis putet ambo venire potuisse libris tantum 80. Viennensibus, aut Valentinis, quot libris ab Humberto emisse recitatur Petrus? Optimus Præsul noluit videri pietate & liberalitate inferior ante ipsum episcopis. Desiderius dederat Misonio Ricobellum; Humbertus II. Sanmarcellinis canonis ecclesias Gressanas; Bertrandus Hospitalariis ecclesias, agros, & census Vallisdromæ; Hugo I. Ismido, Stephanus I. Santufensibus ecclesias Calorconis, Volventi, Tauliniaci, Arnaionis. Amabat ipse monachos Salientis, igitur concessit, illis Veronam, & Bastidam Aquabellæ. Nobile munus! nequis dilapidationem rerum episcopalium queritaretur, donationem
- 69 obuelauit nomine venditionis. Hoc pietatis fuerit, & largitatis. Vt pacem amauerit, & quàm sollicità sedulâque prudentia quæsuerit, & seruauerit, docent quæ cum episcopo Sistaricensi, & Aimaro Pictauiensi gessit. Monasterium S. Marij est in finibus Sistaricensis diœcesis, quâ Dienseni attingit. Humbertus assererat esse in sua, non infirmis neque leuibz exemplis: sed vicit quieta caritas, vt ad insulam Barbaram, Sanmarianorum caput monachorum adiret, cum Sistaricensi Præsule. Prior Insulanus ex publicis fidelibusque chartis docuit, monasterium esse in diœcesi Sistaricensi. Humbertus acquieuit Priori, & omni in Sanmarianos iure cessit. Res gesta est anno 1247.

Aurellum Humberto II. præbuerat causam belli cum Pictauiensibus: grauior quoque mali causa huic quarto fuisset, si Aimarum ipse non adduxisset in vera (vt tum videbatur) & duratura fœdera anno 1250.

Amedeus de Geneua (appellabant *de Gebenna*) vltimus est episcoporum, 70
qui ante vnionem episcopatum Dions cum Valentino federunt. Patrem habuit Vilelmum Comitem Geneuensem, & matrem Alesiam Alberti domini Turrispini & Mariæ Aruernæ filiam. Sedebat anno 1252. ex tabulis, quibus eo anno Vilelmus pater *confirmauit & ampliauit* fundamentum Cartusie Pomerij. In illis ita legitur apud Guichenonem in Bibliothecâ Sebusianâ, centuriâ 2. cap. 14. *Nos Vilelmus Comes Gebennensis, & Alesia Comitissa vxor mea, & Rodulphus filius noster primogenitus, cum ceteris filiis nostris, scilicet Amedeo venerabili viro, episcopo Dionsi, Aimone Cantore Gebennensi, Henrico-Roberto canonico Viennensi, Vilelmo, Guigone &c. confirmamus.* De Geneuæ Comitibus natus antistes sanguinem probauit virtute, auxitque. 71
Cum Guigone Delphino contendebat de Riua-Sicco, Reuello, Rancurello, Orma Battidâ, Casteturio; Anno 1253. decimo septimo calendas Nouembriis, agentibus archiepiscopis Ioanne Viennensi, & Philippo Lugdunensi, cum eo conuenit in hæc pacta. Riua-Sicco, Reuello, Battida Ormæ sint episcopi: Guigonis sint Rancurellum & Casteturium, sed beneficiario iure ab episcopo; nihil præterea possidere possit in illis tribus pagis. Anno incerto Bertrandus de Medullione dedit Amedeo ea omnia quæ possidebat in valle Dromæ. Quæ fuerint illa, tacuit scriba publicus. Dignum certè Bertrando censebam munus, claro dynasta. Scilicet noluit Medullionenses debere quidquam Isoardis, Attaudis, Berengariis, Veronensibus, quos largitionibus in antistitem suum insignes extitisse reuli suis locis. Isoardus 72
quoque Chalanconius concessit Motam, sed Nilleto mutatam voluit Amedeus. Gausfredi Bordellensis filius is erat. Literæ permutationis finiunt in istas voces. *Nos dictus episcopus, & ego dictus Isoardus, sigilla nostra apposuimus, & rogatu nostro & mandato, Dionsis Ecclesie, & S. Mauritij Capitula, sigilla sua apposuerunt in veritatis testimonium in hac chartâ.* Ex verò literæ scriptæ sunt anno 1255. Sanmauritianorum monachorum pietati hoc datum est. Neque tacuerim emisse clientelam Isoardi libris 18. & Gausfredi patris 40. Laude dignus antistes, qui firmandæ ad sacratum rerum venerationem auctoritati, non exaturadæ libidini in sacerdotum probra & dedecus, impendit suas opes. Ista fecisse recitatur in homagio Isoardi pro Crepiasio, Villaperdrice, Fano Ferreoli. Scriba addidit prælitum id in domo Guiniasæ, olim. Fratrum Minorum Dionses domum nunc ignorant, commemorare tamen volui, vt intelligas fuisse tû in vrbe Fratres minores, etiam à nonnullis annis, vt pote qui sedes jam mutassent. Cum hæc res gesta est, erat annus 1267. Quando locus patitur, adjungam istud etiam, apud ipsos fuisse postea sanctissimum virum, nomine Electum, referente Bartolomeo Pisano: *In conuentu Dionsi, inquit, jacet F. Electus, homo sanctissimus valde.* Quid egerit Amedeus ex illo tempore non inuenio, nisi quòd anno 1268. cepit 16. calendas Septembres homagium Raimundi de Agouto, & Iacobi de Entrauenis fratrum pro Lucio. Cetera vel maiores non scripsere, vel sibi tradita posteri neglexerunt. Mortuus est anno 1276. die 22. Ianuarij. *Eodem anno idest 1276. mense Ianuario, in festo S. Vincentij* (inquit scriptor vitæ Amedei Rossilionæ qui tum erat episcopus Valen-

tinus) venerabilis pater Amedeus de Gebenna, Diensis episcopus, vir pius & pacificus migravit ad Dominum, & in ejus transitum adfuit Amedeus de Rossilione Valentinus episcopus, qui & sepultura exequiis ministravit. Unde accidit illud raro contingens, quod filiolus patrem, nepos avunculum, Amedeus Diensem episcopum sepeliuit.

74

Anno 1275. septimo calendas Octobris, Amedeus Valentinus episcopus, vt in ejus vita legitur, de consensu omnium Cardinalium obtinuit Vienne à Papa Gregorio X. privilegium unionis episcopatum Valentini & Diensis, quod recitavi in fine libri primi, mensibus fere quatuor ante mortem Amedei episcopi Diensis. Certè adeò multa grauiàque nunc Valentino, nunc Dienfi antistiti damna, à pluribus annis intulerant Piçtauienses, latissimè per vtramque diocesim domini, pergebantque inferre, vt non aliud visum sit opportunius tantæ ecclesiarum cladi remedium. Et verò cum in omni contentione bellòque vires spectentur, & opes pugnantium, non ex Piçtauiensium erant, vt qui Valentinus simul & Diensis foret episcopus, suppar, aut etià par non esset. Cum latissimè omnium de illa gente dominabatur Aimarus III. tenuit castra 82. vt habent tabulæ professionis clientelæ, quam fecit Ademaro Voutensi episcopo, spectante Ioanne XXII. Pontifice anno 1332. tenuia fere omnia & ignobilia; nullum oppidum nobile, nullum insigne. Eorum protuentibus gloriabatur cæca dominandi gens, eorum armis terrebat, premebaturque nunc Valentinum, nunc Diensem episcopum, vt mage imparatus ab auxiliis & militibus, alter, vt irruptioni magis obnoxius videbatur. Præsul autem vtrique diocesi præpositus, habiturus erat in sua potestate oppida, seu pagos, & castra ad 40. & in iis Valentiam, atque Diam vrbes, eo tempore graues opibus, frequentes incolis, opere firmas, & tantæ totis regionibus dignitatis, vt si opponeres aduersarij pagos, mapalia diceres, aut Valentinorum prædia, vel Diensium: neque milites militibus objecturus Piçtauiensis putaretur, sed colonos dominis, & seruitia ciuibus. Nam quid pagani illis fieret, vtrâque ciuitate ad arma ruente? Vbi primum amburerentur segetes, vires euellerentur, excinderentur arbores, agri latè vastarentur, vicatim gemere, atquæ indignari: neque jam cogitare læti victoriam, sed perditos labores, vitamque afflictam miserabiliter plangere. Iam si spectes auxilia, vt Piçtauiensis affinitate teneret vicinis quoque regionibus nobilissimas gentes, non par, sed fere superior foret episcopus. Quando enim haberet ille, quos opponeret hujus clientibus? Vt enim Valentinum taceam, Dienfi Præsulî pagi omnino ad 5. & 90. sunt beneficiarij. Iam canonicorum collegia duo, jam clarissima vtrâque diocesi monasteria, jam frequentissimus clerus, quas non familias sanguine, opibus claritate non cietet per proximas dioceses ad arma, cogeretque ad episcopi signa?

DE REBUS GESTIS
VALENTINORVM,
ET DIENSIUM EPISCOPORVM
LIBER TERTIVS.

HACTENVS Valentinus, & Dienses Episcopos diuissim persecutus sum: res operis non parui. Antiquitas obliuione deleuerat penè omnia eorum fortiter & sanctè gesta, non paucorum etiam nomina. Operæ duxi alicujus vindicare nonnullos, & eorum salutem tempora annuatim notare, per quorum facta ire non licebat. Igitur aliqui minuta retuli: satis erat se penumerò atatem digerere, aut signare. Nunc ad Valentinus simul & Dienses aggredior. Nullus eorum mihi excidit.

Valentina, & Diensis Ecclesiæ, armis jamdiu fatigatæ, pressæque, respirare sunt visæ per conjunctionem in vnum Episcopum, factam à Gregorio X. Et perculit Aimarum ea res: sed enim verò Regulus malè sanus, quod ausu temerario cœperat bellum, in eo vi obdurauit; maximè, quia duxit, ex imbecillitate animi factum interpretaturos omnes, si tum cessaret ab armis. Guidone Monlauro factam Sedium vnionem, ait Robertus. Tu in re multum antiqua & per se obscura, sequere innominatum autorem vitæ Amedei Rossilionæ. Is tradit Guidonem de Montelauro, cum Belliquadri creatus fuisset episcopus Valentinus à Gregorio decimo, Tarascone mortuum esse anno 1274. & Amedeum inuitum atque vehementer obsistentem factum pro eò antistitem, ab ipsôque Pontifice vñctum Viennæ, prius Valentiam quam adiret, obtinuisse lictas vnionis episcopatus Diensis cum Valentino à me recitatis libro primo. Amedeus autem patria Delphinus, gente Rossilionæus, Abbas tum erat Sauigniænsis seu Sapiniænsis monasterij, ita dicti, vt volunt, à sapinis quibus regio abundat, per Adalbertum sub Carolo magno Abbatem primum. Et alia fortiter egerat Abbas, & hoc præcipuè quod regulum Belliocensem pepulerat nescio quo castro sui monasterij per vim occupato, & monachos regulari disciplinæ reddiderat. Itaque Gregorius cum reluctantem cogeret ad episcopatum, spiritu diuino actus prænuntiavit restitutum ecclesiam Valentinam pristinæ gloriæ. Vt Valentiam intravit Antistes, vt Amedeus Geneuensis episcopus mortuus est Die anno millesimo ducentesimo septuagesimo sexto, mense Ianuario; igitur Rossilionæus ex literis pontificiis à me relatis libro primo Diensem adiit episcopatum, Valentinôque primus vnitus tenuit. Vnionem verò episcopatum minus decoram certamque arbitrat, quamdiu canonici eorum diuissi ab inuicem essent, vniuit eorum collegia, & fecit vt ipsorum singuli seu Die, seu Valentia ministrarent, essent Valentini simul & Dienses canonici. Inueniet etiam vnum quid aliud seruandæ eorum concordia. Crista opidum inter Valentiam, & Diam medium est: in ea collegium instituit de Valentinis & Diensibus canonicis. Illa collegiorum vnio diuturna non fuit,

*Ame-
dem.*

desiit

- defuit quippe anno nonagesimo octauo supra millesimum ducentessimum: tertium istud collegium stabat anno eum consequente sub Petro Galberti Præposito, & vigesimo nono supra millesimum quadringentesimum Guilelmo de Pictaui filio Ludouici Chalanconij etiam Præposito. Rossilionæus gerebat vtrumque episcopatum anno 76. & 77. ex tabulis, quibus scribitur fuisse Saliente, pago per bellum cum Aimaro Pictauiensi cæptum fido, & opportuno: multaque ciuibus, multa Ainaro Priori, concessisse. Probauit venditionem Veronæ, & Bastidæ Aquæbellæ, Petro de Cigoterio Priori ab Humberto III. an IV. Diense Episcopo anno 1244. Addidit velle se, vt incolis Salientis liceat vt syluis, pascuis, aquis, tum Veronæ Priori venditæ, tum Mirabelli spectantis ad Episcopum. Pollicitus quoque est, non venturum se ad pacis fœdera cum Aimaro, prius toti Salienti, quàm præstisset ille omne damnum ab proximo bello: nam alioqui de suo repensurum.
- 6 quod contra eum pro ipso pugnantes amisissent. Denique adiunxit, fateri se Priorem habere Saliente *ius omne, merum & mixtum imperium, altum & bassum dominium*. Hactenus Amedeus anno septuagesimo septimo, decimo septimo Calendas Februarij. Rigaldus Prior Druciaci, & Guilelmus Rector Ecclesiæ abbatialis, III. Cal. Apriles Diæ iurarunt, Abbatem Auraliacensem (ab eo pender Prioratus Salientis) firmaturum suo assensu acta Saliente ab Episcopo: & omnino rata habuit 13. Cal. Iunij. Res tentata fuerat anno LXXVI. & Guilelmus Abbas III. Cal. Aprilis commiserat vni Rigaldo suas vices: sed (qua ex causa non inuenio) dilata est in annum sequentem.
- 7 eoque perfecta, & Rigaldo additus Guilelmus Abbatæ Curio. Eo ipso anno, Amedeus Episcopus accipit ab Isoardo, solenne obsequium clientelæ, pro Crepiasio, Villaperdice, sano Ferreoli. Rem exiguum pratermittere nolui: quia, quæ tabulæ illud habent, addunt emptum ab Humberto Diensi Præsule libris XL. pro Crepiasio, & Chalancone: atque Crepiasum ab Amedeo Geneuensi occupatum quia Isoardus patronum adsciuerat Aimarum pro ea parte, quæ fuerat Caltronouensium. Noster quoque Amedeus Foilanis pepulit Guigonem Berengarium IV. Nonas Ianuarij, anno 1278. An se negabat clientem eius? Sed pro Foilanis iam asseruerant Berengarij; Raimundus anno huius sæculi LIX. & alter Guigo XVIII. An stabat ab partibus Aimari? tanta quippe tum contentione pugnabat cū Amedeo, vt Philippus Rex Francorum paternæ pietatis hæres, miserit, qui res eorum componerent. Monarcha sapientissimus dolebat bellandum Episcopo tam longa tempora, nullamque malo medicinam ab vicinis circà Dynastis, Summo etiam Pontifice, tota vi allaborantibus, afferri potuisse. Archiepiscopus Narbonensis, & Rodulfus Salassus Franciæ Marecallus, ab Rege Legati fecerunt, vt de omni controuersia starent sententiæ Guilelmi Episcopi Lingonensis, & Humberti de Belloioco Conestabilis. Quid secutum sit, tacent antiquæ tabulæ: nihil certi ab illis constitutum putabam: vt quid enim quatuor post annis, iterum ad iudices arbitrarios deducta fuisset tota causa? Nullâ tamen armorum cogitatione, nullâ turbarum, potuit Amedeus ab eo diuelli, vt iura Ecclesiæ illibata non seruaret, dicens, quod est, firmitate animi res geri, imbecillitate corrumpi. Neque nobilibus viris disceptanda dedit, vt non accederent ad Aimarum. Giraudus, vir gente clarus & potens, nescio quid tricabatur super professione clientelæ: Episcopus quâ minis, quâ blando sermone fecit, vt arbitra

arbitrario iudicio tota controuersia solueretur. Ipse Giraudus Montilij, quod ditione tenebat voluit, arbitros, eosque indigenas Franciscanos, Guichardum, & Aimarum. Hi Giraudum damnauerunt solennis obsequij Amedeo, & Amedeum Giraudum quinque millibus solidorum Viennensium. Solidum 10 eundem fuisse grosso, affirmatur in testamento Christophori de Saliente Præpositi Valentini per Cluserum, Valentie anno 1516. die 15. Septembris: anno tamen 1478. florenus capiebat solidos 24. ex tabulis, quibus recitatur venditio pensionis pecuniariæ, Collegio sancti Nicolai de Annessiaco apud Auenionem, per Antonium Armandi, & XII. tantum grossos anno MCCCCLXXXII. ex iis, quibus Antonius de Balsaco Episcopus recitatur emisse Dix prædium auroræ, ab Iacobo Albenaci. Tabulæ venditionis illius habentur Valentie, istius emprionis Dix; ambæ in Archiuo Antistitis. Anno etiam 1417. constabat grossis 12. ex conuentionibus Ioannis Botarin Antoniani Curionis Pontaisij, cum Iacobo Massardi Thesaurario Ioannis de Pictauia Episcopi. Quod arbitri edixerant, fecit Giraudus anno proximo: 11 dicit se clientem Antistitis pro sua parte Montilij, & castis Soz, Condiliaco, Lachano, Turretis, Deuailia, quæ Guigo Ademari quondam posuerat in patrocinio Præfulis Valentini: non præstitit Amedeus morte præuentus; sed pro Amedeo, Ioannes Geneuensis anno 1285. Episcopus numerauit Giraudum quinque millia solidorum. Fuit etiam Amedeo pugnandum cum Augusta, Espenello, & Pontaisio: fuit & arx imponenda Cristæ. Denique addidit, ut cum Artaudo Abbate S. Rufi conueniet de Abbatia S. Medardi, sede ad Cristam oppidum opportuna Antistiti per bella cum Pictauiensibus, pro Crista ipsa, & Augusta ac Deuailia ac Deuailia castris non multum remotis. Artaudo concessit omnes Ecclesias, quæ suberent Prioratu S. Marcelli ad Diam, & S. Medardi non procul Crista: accepit ab Artaudo Abbatiam cum onere librarum c. pro censu Aniciensis Episcopi. Quod de Prioratu S. Marcelli sustulit Ecclesias inferiores, & tradidit Sanrufensibus, facit, ut putem, monachos Cluniacenses nondum eius temporibus in illum immigrasse; atque ut canonicis regularibus non dicatur peperisse damnum, fuisse ipsorum ædem in Episcopi potestate. An Præful Dionsis fundauit Monasterium, quod anno 1212. Humbertus II. appellabat filiam suam spirituale? Episcopo dignum profecto opus; nonne alius alio tempore Præful Dix, multa & infinita penè incredibili sua laude concessit Hospitalariis, Sanrufensibus, Sanmarcellinis, Auraliacensibus: Neque prædia solum donabant sancti Antistes, aut Ecclesias; 12 sed castra, ac pagos Veronam, & Bastidam Aquæbellæ: quid magnum est, si quis eorum dicitur canonicis regularibus ex ædificasse monasterium Sanmarcellinum? Atque hæcenus dicta sint, quæ Amedeus Rossilionus pro suis præclare gessit. Non minora suscepit pro alienis. Guidone Archiepiscopo turbatum est aliquid Viennæ. Amedeus occurrit nascenti malo, & arces latrocinio occupatas recepit. Composuit æquus arbiter litem Lamberti Montiliensis cum episcopo Viuariensi erupturam in bellum de Castronouo Montispenseri ad Rhodanum: Marchionem Monferratensem cepit, & in carcere tenuit, donec restitueret Taurinum Comiti Sabaudie, neglectis Archiepiscopis Aquis & Ebredunensi, à summo pontifice legatis, qui neptem Monferratensi coniugem dederat: denique pro canonicis Romanensibus duxit exercitum anno millesimo ducentesimo octogesimo

primo & è bello redux obiit diem extremum Dix ex tertia febris decimo sexto die mensis Semtembris.

- 13 Placet vnum addere. Isto anno die quintâ idus Iulius *Ludovicus de Sabaudia, & Aymar de Pictavia Comes Valentiniensis* iurant se iuvare mutuo in placito, & in guerra, contra *Aimarum de Rossilione archiepiscopum Lugdunensem, Amedeum Rossilioneum episcopum Valentinum & Diensem, ac Artaudum dominum Rossiloni Viennensis diocesis, & omnes de genere ipsorum descendentes*, vt habet charta illo die scripta apud Iustellum; Ex qua intelligis Rossilionem è qua & Amedeus episcopus & eius gens nomen duxerunt positam esse in episcopatu Viennensi.

Quis Amedeo successerit, asseuerare non possum. Non inuenio qui Valentiniæ, Dixque sederit reliquo anno 1281. à die 17. Sept. ad finem vsque, qui anno toto 1281. Anno 1282 sedes vacabat, & pugnabatur tamen cum Aimaro Pictaviensi: quare putauim contentionis aliquid tum fuisse de electione Episcopi. Pridie Calendas Octobris G. de Chasta Decanus Valentini, P. Rostagni Præpositus item Valentini, G. de.....esio Præpositus Cristæ, & P. de Quinto Sacrista Diensis Curatores Ecclesiarum, atque Aymar conueniunt in arbitros Rogerium de Clariaco, & Arnaudum de Asseduno, ignoto exitu. Vacante profecto Sede conueniunt, idque in tempus incertum; scilicet, per litem super Antistite electo: qui enim Canonici conueniunt creandis Ecclesiarum curatoribus, nunquid potius eligendo Præsuli coisissent? Quem Præpositum Cristæ lego, arbitrabar fuisse quoque Decanum Diensem: vt quid enim alioqui præcederet Sacristam S. Mariæ, & cum eo regeret Episcopatum? Omnino vt Valentini Collegij Principes, Decanus, & Præpositus; ita etiam Diensis ad eam curam vocati dicendi sunt. Petrus Galberri, Cristæ quoque Præpositus, fuit Canonicus Valentini anno 1299. Porro non contemnendam fuisse Præposituram ex eo intelligis, quòd anno 1429. Guilelmus de Pictavia, filius Ludouici Chalanconij, & cognatus Ioannis tum Episcopi, eam gerebat.

- 14 Anno 1283. Ioannes Geneuensis Episcopus, ingentium vir animorum, vocauit ad professionem clientelæ Rogerium de Vouta Andusianum, Guigonem Ademari, Giraudum de Guisandis, Percellanum de Rosanis, & alios vtrâque diocesi procures. Chartas de re feliciter gesta integras, & illibatas, nobile opus venerandæ antiquitatis, videre est in tabulario episcopij Valentini. Membrana est pergamena, pluribus foliis distincta, scripta synceris & venustis characteribus. Ante sacerdotales infulas professus fuerat monachum; sese ipse Cœnobitam scribit. Quo in monasterio vixerit, quàm castè virtutem coluerit atque vt excelsâ animi vispes rerum humanarum omnes cœnobio mutauerit, præcideritue, nullus memorat. Omnino malè posteris consultum voluere antiquis illis temporibus Scriptores, qui (vt alios taceam) de Valentini, & Diensibus Episcopis, tam pauca, & penè nulla dixere. Omnibus sæculis memoranda susceperant, perfecérantque Apollinaris, Remegarius, Ioannes Mirabellus Valétini; Vlsinus, Exuperius, Saturninus, Vldricus Diéses. Antè annū millesimum pauci noti, dubij multi feruntur. Quanto in omnem partem exēplo, Rathertus, Bosonis Arelatensium Regis frater, calcarâ purpurâ sacerdotem egit Valentini; quanto Desiderius, Reguli Forcalqueriensis filius, Carthusianam eremum adiit, è qua vocatus est ad infusus Dienses: silēt ista literæ omnes,

omnes, commemoranda sermonibus omnium populorum. Igitur sæpe-
 numero venit in mentem cogitare, non paucos ignorari Antistites, qui &
 sanguine, & rebus gestis, & integritate vitæ conspicui, debuissent cum om-
 ni posteritate coæquare memoriam. Dia decem omnino numerat in Cæ-
 lilibus, Martium, Higerium, Petronium, Marcellum, Vlsinum, Exuperium,
 Saturninum, Vldricum, Stephanum, Desiderium: quàm multo plures po-
 situra tibi videtur, si posset omnes censere, & per singulorum facta ire: Mo-
 nachum egerat Ioannes filius Reguli Geneuensis, magno exemplo. Vt alia
 tacita sint, hoc certè inuida ætas condere non potuit, è Cœnobio ad Episcopatum
 detulisse insignem pietatem, modestiam, æquitatem. Fortasse
 monachum professus est Nantuaci, cuius prior tricesimus octauus renun-
 tiatus est anno 1276. Ex Amedei olim Dionsis Episcopi fratre genitus, Amedeum
 Rossilioneum, vtriusque Sedis primum Episcopum sanguine contin-
 gebat. Supra viri sanctitatem, fecit fortassis vtriusque Antistitis memoria, vt
 a canonicis expeteretur, & à Monasterij latebris educeretur in tantæ sacer-
 dotij lucem anno 1283. Ille ipse annus nobilis est à fine belli cum Aimaro
 Pictauiensi per nouem annos gesti: ratiõne turbarum, an sceleris con-
 scientiæ? cessit ille Ioanni, iure omni in partem Cristæ oppidi, quæ fuerat
 Siluionis Decani Valentini, Augustam, & Deuauiam, atque vergebat in se-
 nectam. Sed malè certa, neque diuturna fuit quies. Multa posterius moue-
 runt, neque ab armis, tumultuque cessarum omnino fuit, donec Bordellis, ac
 Besauduno, & ducentis in singulos annos florenis aureis, Cristæ suam par-
 tem mutauit Episcopus ex mandato Summi Pontificis. Vt mirari subeat
 animum constantiam nostrorum Antistitum, animosque, & certissimam
 virtutem, qui per magna vitæ discrimina, majorémque in cogendos, &
 sustinendos exercitus profusionem pecuniarum, amauerunt bellare po-
 tius ducentos, aut etiam amplius annos, quàm permittere, vt pars Cri-
 stæ, totius mali seminarium auelleretur ab Episcopatu. Dignissimi profectò
 æternâ laude viri, & ij, quibus sua Christus commissâ vellet. Atque summo
 consilio fecit Ioannes, vt in vera tum fœdera cum Aimaro conueniret, cæ-
 teram quippe vitam ingenij quidem mitissimi vir, sed intactæ constantiæ,
 egit in turbis Valentis, Dieque. Si Aimarum se addidisset hostibus, nã im-
 portuna, & incredibilis fuisset vexatio, neque tumultui par esse, aut tot ad-
 uersariis occurrere, tantus potuisset Antistes. Primum canonicis cum Valen-
 tinis fuit negotium. Tribunal episcopi jam fugiebant diu, & ante omnem
 memoriam, atque forum vtrumque: neque hoc tantum, id iuris ad familiam
 suam, imò ad totam gentem protendebant. Durauit aliquod tempus conten-
 tio: agente Guilelmo, Archiepiscopo Viennensi, hoc indulsit Ioannes, & vo-
 luit haberent sibi ludicem, præterquàm in causa hæreseos, falsæ monetæ,
 machinationis contra Episcopum, & ejus facultates. Seruauit sibi jus prouo-
 cationis, & diligentiam in coërcendis criminibus imperauit: alioqui se, per eo-
 rum negligentiam, illa castigaturum sanctè iurauit. Quod de gente addiderant,
 non omnino negauit: fratres, fratrum filios, consanguineos Canonicorum
 fecit ejusdem iuris. Hoc ipsum dedit familiæ tum collegij, tum singulorum:
 familiæ verò nomine complecti se dixit Clericos, Scutiferos, Notarios, Scrip-
 tores, seruos, ancillas, & eos omnes, quos propriis sumptibus alerent. Quia ve-
 rò Dionsis Episcopatus nuper additus fuerat Valentino, eam immunita-

- tem concessit vbiicumque locorum vtriusque peccarent. Cum Guilelmo Archiepiscopo laborauerant Artaudus Abbas S. Rufi, & Guilelmus Firmini
- 19 Canonicus Valentinus; arbitrarij cognitores totius causæ. Neque à solis Canonicis turbas patiebatur episcopus sed toto tractu Valentino nascentibus occurrit benignitate sua: Giraudus Ademari numerat quinque millia solidorum, pro clientelæ professione, olim promissa ab Amedeo Præsule: componit diurnam cum Montiliensibus litem de decimis, & quarta parte omnium terræ prouentuum: Montelerium mutat Castro nouo ad Isaram, cum Gumisio Castronouensi: alia id genus non pauca (quid enim eam per singula?) suscipit perficitque, conciliandis sibi omnium animis, & litibus quâ lopiendis, quâ interuertendis. Nolo vnum tacere, quoniam postea tetendit ad iudicium, & peruenit ad Imperatorem. Vendit baluiam Valentinam Ioanni Macellario libris D. Tabulas venditionis probauit post annos 80. Carolus IV. Imperator, agente Iacobo Arthodo hærede Macellarij; extinguendæ profectò contentioni, quam intercessisse putabam cum iis, quibus illam vendiderat Guilelmus, Ioannis in Episcopatu successor, pro sumptibus faciendis in aduentus Clementis V. Summi Pontificis. Coquebat ista gerentem Episcopum cura Dionsis Ecclesiæ ac ciuitatis, & grauior longè tempestas inde minabatur, atque dubium habebat, quâ vi vel orienti occurreret, vel cenè coortam cohiberet, extinguerétve. Stetit animo Imperatorem adire, vt inde firmaretur, & resloresceret autoritas in Dioneses, ac dominatio, vnde ad Robertum Episcopum ante 100. annos peruenerat. Ita B. Desiderium, ita Humbertum IV. quondam Antistes fecisse, labantémque injuriâ temporum, & penè fatiscentem dignitatem sustentasse. Valentino- rum quoque tumultui, seu ciuium in vrbe, seu procerum in agro, si quis aliquando resurgeret apertissimam fore medicinam, & olim vtilem B. Humberto, Guilelmoque Præsulibus Valentinis. Quàm gratus Imperatori fuerit Ioannis aduentus, quàm probata Episcopi iura in Valentino, Dionsesque, testantur illius literæ, (Rodolphus is erat,) Moreti datæ 6. Nonas Maij, anno sæculi 91. *Nos ipsum (loquitur Rodulfus) tanquam nostrum, & Imperij Principem, ad beneuolos applausus ducedinis admittentes amplexus, regalia feuda Principis Pontificatus, quem obtinet, sibi de regia liberalitate concessimus, & eundem Episcopum inuestiuimus de eisdem; administrationem temporalium, iurisdictionem plenariam Principatus eiusdem, prauocato Episcopo presentium serio*
- 20 *committentes.* Hæc imperator de Ioanne. Sed enim verò tam certæ sunt aliquando mali causæ, atque ita in impetu, vt sustineri nulla vi queant: erumpat illud firmatis omni parte, validisque radicibus, necesse est: proficit etiam non rarè, vnde putaueras excindendum, ac veluti probatis contentione succensisque viribus, fit se maius. Canonici, Clerici, ciues Dix, coniurant in Episcopum ex aula Rodulphi reducem: communis omninò causâ tanti tumultus. Tetigit alrè Ioannem iniquitas rei: primùm ira cœpit, tum indignatio: occurrebat, & suadebant vulgò, furore occæatos & præcipites prorsum impellere perderéque: nam, quid ab eis aliquando speres boni, quos virtutis indociles non tenet veneratio Sacerdotis; maiestas, visque Imperatoris non terret? Sed vicit optimum Antistitem sua mens, curaque gregis, & amor, atque, scilicet, Christi Summi Pastoris exemplum Nascenti malo mederi voluit benignâ manu; & supra veniam, tum alia, tum hæc maxime dedit,

dedit, è quibus ad fontes seditionis peruenias. Iurauit in exemptiones canonicorum, cleri, ciuitatis ab anterioribus Episcopis concessas, siue scripto, siue solo vsu ex constarent. Sanctè pollicitus est, nihil se super decimis tentaturum vltra consuetudinem. Donauit Ecclesie, & ciuitati omnem illam pecuniæ vim, quæ ipsi deberetur ex professione ad Imperatoris curiam Res acta est 8. Idus Iunij, anno 1292. Tabulis addidit sigillum; illud quidem non insolens, neque inassuetum; sed in quo videas hoc non tacendum. In postica parte habet Virginem, cum filio herente pectori, positam in mediâ figura non vulgari. Triangulus est angulo insidens, nisi quod non clauditur supemè lineâ, ex angulis quippe superioribus, non vna ab altero ad alterum recta, sed duplex inferiùs descendit in Sanctandream crucem, à singulis singula: ex illos non superant, clausæ in alterum triangulum lineâ rectâ, veluti ad sedem B. Mariæ: scilicet, Virginem esse docet inscriptio: *Genuit puerpera Regem*. Arbitrabar, hoc symbolo ad sigillum addito, docuisse, Virginis, Christi que benignitate, in mortales alioqui scelere perditos, adductum ad scribenda superiora capita. Et fecerunt illa quidem, vt ciuitas tum quiesceret, & recomponeretur ad pacem: sed, quia suæ sunt rebus periodi, morbis potissimum, & furori, quas nisi totas explicant, reuocant identidem, repetuntque; rediêre ad seditionem cruda ingenia, nondum matura certæ valetudini. Post annum tumultus iterum Dix à canonicis, clero, ciuibus. Direptæ Edes Ministorum Episcopi, pulsata etiam corpora. Hic Ioannes vehementer, scilicet pro re, commoueri; rescindere etiam ipse capita venia, pacis que non ita pridem datæ; velle causas canonicorum cognoscere. Impetuis erat, mentis que contra idolem motio. Neque igitur diu stetit. Non dubitauit pro innata facilitate pius Antistes concedere pluribus dynastis, vt Principis Arausici iudicium sequeretur, (Bertrandus de Baucio erat, latissimè ad Diam in montibus imperabat) & viro totius causæ cognitionem permetteret. Id promiserunt aduersarij, sed infida voce: acceptâ quippe sententiâ turbas agere pertexerunt. Isoardus de Aquis, Sutemandus de Valleserra, Guilelmus Iordanus, Guilelmus de S. Laurentio, Guilelmus de Maissenas, & Inardus canonici S. Mariæ, misti ciuibus, obstinant in seditione, & Raimundum de Medullione oblitum fidei ante annos 4. datæ sequuntur in armis, suumque, ac ciuitatis dominum profitentur. Nunc ad Delfinos nunc ad Pictauiensēs inclinabat Medullionensium gens: Ioannes ei ad se, adiungendæ emerat Raimundi clientelam, & dominium (quod vocant) directum Medullionis, Buxi, Villafrance, Mollanorum, Sadaronis, Rupis, Petralongæ, Agullieriarum, Elaziani, Costæ, Bastidæ collis de Sebayrano, Belliviciini, Beninaij, Peralij, Pennæ, Pogeti de percipia, Alanfoni, Rochetæ, Gouuemeti, Boissieri, S. Saluatoris Villanij, Pogeti segelarij, Besignaci, Cornenij, aliorumque pagorum, quibus dominabatur omninò ad 5 & 30. Cur contra datam fidem egerit, non inuenio. Magis miror, quod Dix ciuitatis dominationem ambierit, quàm non ignorabat primùm à Friderico I. tum ab Henrico, Friderico II. Philippo, Rodulfo Imperatoribus concessam vni Episcopo, cæteris dominatoribus prohibitis. Et ante Fridericum I. habuisse Petrum Episcopum intelligitur ex verbis obsequij ab Isoardo præstiti: atque Hugonem, ex fide ipsi data, à Guilelmo Comite Diensi. Quid verò mentis erat illis Canonicis Collegio suo indignis, se suâque subijcere Raimundo,

Clericos militi, posthabito Episcopo: Vesana quidem ausa: sed tantum erant Ioannis odium. Ceteri canonici importunum furorem execrati, reos agunt apud Archiepiscopum Viennensem, & Summum Pontificem. Atque Ioannem aliquando puduit suæ modestiæ. Contemni benignitatem suam videns, descendit ad seueriora consilia. Dat Guigoni Alemanni Foilanos, à Guigone Berengario ex rebellionem quondam creptos, Alemannæ genti viris & opibus potentissimæ in belli societatem vocandæ. Ipse Guigo rependit sexdecim millia sol idorum; quantis; scilicet, impensis Amedeus abstulerat Foilanos à Berengario: pecunia militi ad signa vocando non contemnenda illis temporibus. Porro episcopus adiungit sibi Humbertum Delsinum, per Guilelmum Archiepiscopum Viennensem, & Guidonem Toparparcham S. Treuerij in Dumbis Iudices arbitrarios. Fœdus scripsere Romani. Humbertus militem pollicitus est contra Dienes: cessit jure omni in partem Cristæ, quæ fuerat Siluionis, Augustam, & Deuatiâ: professus est, Medullionem, & alia, quæ Raimundus ab ipso haberet, se à Ioanne in retrofeudum (quod vocant) tenere. Quod euaserit bellicus iste apparatus, non dicere majores. Nihil vltrâ turbatum lego: sed neque, vt in pacē conuentum fuerit. Quod audis, Humbertum cedere Augustâ, Deuatiâ, & mediâ parte Cristæ, res operæ magnæ fuit. Aymarus Pictauiensis certus Valentia, & Densum Episcoporum hostis, anno 1267. mutauerat illis Clariacum, Chantamerlam, Bosternauium, Montemcanutum, Laruagium, Monasium, Clauaifonum, & mediam partem vectigalium veteris Rupis de Gluey, ac recentis Rupis cum Guigone tum Delsino. Iniqua pactas sed agebant hominem odium, ac furor. Dominari auebat locis, & (si posset) Episcopos pellere. Nullum Delsinis in ea jus erat: vicit tamen imperandi libido. Verum Guido moriturus, iussit Aymarum acta conuellere: vrgebat quippe Christianum Regulum conscientia sceleris. Et post conjugis mortem, B. olim vxor mandata Guigonis ad virum detulit 1271. 14. cal. Martij: Aymarus paruit tantum post annos 12. interea temporum conatus vi, & armis seruare, quod fraude parauerat. Ioannes, ad veram firmitatem rei, voluit Humbertum firmare suo assensu mandata Guigonis, & jus omne in ea loca ipsum quoque abjicere. Gesta sunt hæc anno sæculi 95. Sabbato post diem B. Magdalene sacrum, vt tabulæ ferunt. Biennio post mortuus est Episcopus gente, animis, sapientiâ, integritate vitæ magnus. Anno ipso 97. quo mortuus est, permisit Iacobo, & Geraldo Balbis, exercere Valentia mercaturam, quæ (addit) *licita sit*, & omni scœnore procul. Rem per se leuem afferre placuit, ad grave argumentum authoritatis, & dignitatis Episcopi.

25
Guilel.
Rossiliana.

Guilelmus Rossilionæus, ex fratre Amedei cognominis Episcopi natus, successit Joanni Geneuensi consanguineo. Multa ille præclara bello, pacēque gessit, & totus fuit in Sedibus suis ornandis, dirandisque. Bordellos, Auribellum Podiolos, Castellionem Densum intrauit, ditionēque primus tenuit. Anno 1300. cum Ryssendice Corneliana, vxore quondam Gaufredi Bordellensis, & ejus liberis, mutat ipsorum totis Bordellis valle amœnâ, diuitēque juribus, census Aurioli, nemus, furnum, ac molendinum Mirmandæ; additque insuper quinque millia solidorum rei peræquandæ. Sexto post anno emit ab Armando Ruffi, & Blaccosia vxore partem Auribelli: sæculi autem duodecimo conuenit de Podiolis cum Guilelma olim conjuge Bettrandi Podiolen

Podiolenſis, quos deinde poſt annos iv. diuidit cum Saladino Artaudo anno 1318. regens eccleſiam Viennenſem Archiepiſcopo mortuo, vt ſolet epiſcopus Valentinus antè omnem ſæculorum memoriam 26 Februarij vniuit prioratum de Bogies pitanciæ S. Petri Vienneniſis, Abbate Joſſerando de capella. Anno 1319. Durandus & S. Saluatore officialis Valentini, & Vicarius Guilelmi ſigillat tranſactionem inter Priorem Tranſæ, & Curionem S. Andreæ 26 des Effangats. Inſigne verò ad memoriã eſt, quod anno ſæculi 21. Caſtelliorem, ingentem pagum, ac Dix ciuitati peropportunum, emit ab Arauficano Regulo, prouentibus, & pecuniis, fructibùſque illis omnibus, quos Valentina ciuitas faceret Epiſcopo per annos 11. hoc meritò probantè, laudantèque Summo Pontifice: is erat Ioannes xxii. Conuenit quoque cum Liberonenſibus. Guil. pacti ſunt 34. libras annuas pro furnis & ligno. Multa inſuper alia id genus ſuſcepit nobiliſſimus Antiſtes: ſatius quippe ducebat, & Præſule dignius, in Eccleſiam ſuam refundere, quas ab illa opes acciperet, quàm ex iſtis ſeruire ſuæ libidini, genioque. Sentiens videlicet omni tum maximè Epiſcopum & honeſtum eſſe, cum ornat, honeſtâtque ſuam Sedem.

Cum canonicis quoque ſuis per vtrâmq; diœceſim ita egit, vt dignitati 27 ſuæ conſuleret; neque tamen creſceret ex eorum detrimento. Diuturna illi fuit, & impedita contentio cum Dienſibus. Iuriſdictio cauſa litis atque turbarum. Atque proſectò vergebat res in apertum diſſidium: tandem vicit benignitas, vt totam commiſſam vellet triumuiſis arbitris. Hi tulere ſententiam Liberone, vltimo Decembris, Andreas Balduini Decanus Dienſis, Guilelmus de Iuriaco miles, Ioannes Guibundi Præpoſitus Criſtar: eamque finierunt in verba: *Qualibet pars* (Antiſitem intellige, & Canonicos) *prædicta omnia ratificet emologet, approbet, & confirmet; eſ ratificare, emologare, & confirmare debeat, ac etiam teneatur & requirere R. in Chriſto P. ac Dominum Archiepiſcopum S. Vienneniſis Eccleſiæ, & eidem cum affectu ſupplicare, quatenus prædicta ratificet.* Sed capita, ſeu contentionis, ſeu pacis non affero; cur ita faciam, dixi cùm agebam de Bertrando Epiſcopo Dienſi. Lam tum olim, cùm intrauit Epiſcopatum Guilelmus, oſtenderat, quàm facilis & bonus foret ſuis omnibus, ſeu Dienſibus, ſeu Valentinis canonicis. Rem paulò altius repetamus. Tanta Cleri totius approbatione facta eſt coniunctio Eccleſiarum Valentiniæ, & Dienſis in vnum Epiſcopum per Gregorium X. vt, quod Pontifex non cogitauerat, voluerint vtrūque canonici, coire in vnum quoque Collegium, quod Valentinū ſimul, & Dienſe vocaretur: ſuos haberent Valentini reditus, ſuos Dienſes: nomen cômune eſſet, Conciliūmq; Amedeus tum Epiſcopus probauit virorū mentem: vnum de duobus fecit Collegiū; atque ita volentes ad egit in ſacramentum ſeruandæ vniõnis illius, & nunquam volandæ. Paucis ab inde annis pœnituit facti canonicos, 28 nomen alterū inane querebantur: non poſſe vnum eorum eſſe Collegiū, qui nunquã in vnum conuenirent prædium, ciuitatūque diſtantia, aut in commune conſulerent. Viſum etiã fuerat graue, durūmq; Dienſibus, quod Valentinini deſeruerant armisque prohibuerāt per bellum cum Ioanne Epiſcopo. Igitur conſpirantibus animis ſuſpirabāt diuiſionem Collegiorū, petebântque. Noluit concedere poſtulantibus ante Guilelmū Geneuenſis; ſeu religione ſacramenti perterritus, ſeu quapiam alia ex cauſa. Mortuo Ioanne, qui pro Epiſcopo erat Dix, ſoluit ſuos iuramēto; ſed irito conatu, Valentinini quippe ſimul erant canonici Guilelmus anno mcccxxxviii. dixit duum viros totius rei cogni

cognitores, eosque Canonicos, Alterum Valentinum, Diensem alterum: iis fecit potestatem exsoluendi singulos sacramento; Collegium in duas
 29 (vt olim fuerat) omnino partes diuidendi. Vidi ego tabulas, tractauque datę hujus facultatis: munitę olim erant sigillis Guilelmi episcopi, & vtriusque canonicorum Ecclesię. Petentibus quippe hoc indulgebat Guilelmus. Alia duo vetustate perierunt: syncerum omnino est sigillum Diensum.

30 Non dubitauit etiam cum Regularibus pro innata facilitate rem placidę gere, proculque omni contentione; ac lite descendere ad fœdera. Anno sęculi 99. 12. cal. Decembris conuenit cum Pontio Chailati, Priore Salientis, agentibus pro Abbate Aureliacensi Guidone Camerario Abbatię, Guilelmo de Clamis Priore Burgi in Caturicensibus, & Guilelmo de Vayriaco Priore Podij celsi apud Albieneses. Gesta per Amedeum Guilelmi patrum cum Ainardo Priore, semina dissensionis fuerant: iis quippe nixus Pontius se gerebat Toparcham Salientis; Espenelli etiam, (qua ex causa, incertum est,) Bairij, & Arnaudi: atque porro sibi postulabat ab Episcopo libras D. argenti, pro damnis per bellum cum Aimaro Pictauiensi illatis Salienti. Sed Salientis quidem pagus, Diam iuris Valentia necessarius est ad viam, aperit quippe vallem, in quam fert Crista, præruptis ferę cautibus vtraque parte clausam, & vnicum per hyemem Diam iter. Igitur Guilelmus eo sibi accepto dat Pontio libras Viennenses annuas L. In Espenellum, Bairium, & Arnaudum non erat Priori jus. Salientem fore indemnem promisit Episcopus. Pontius agri Barnauiensis, pagique fructus, prætulit pecuniariis pensionibus: dedit Barnauam Guilelmus cum omni prouentu, addiditque ex Montemajore, vel Gentsiaco id repetendum annuatim, quod Barnauę deesset ad D. eas libras Viennenses. In ista præcipuę jurauerunt Episcopus & Prior, cętera pacta minutiora sunt. Nolim prætermittere, quod Pontius voluit sibi, suisque successoribus dari ab Antistite Canonicatum Panaterium idest solis distributionibus (vt loquuntur) gaudentem Valentię, Dięque. Inuenio Guilelmum Martellum, canonicum Panaterium Valentinum anno 1438. 27. Ianuarij. Acta cum Priore probarunt; Dix, Collegium S. Marię, 8. cal. Decembris; Romani, Guilelmus Archiepiscopus Viennensis, 7. Valentię, collegium S. Apollinaris, 6. Canonicatus autem ille Panaterius non ignobile profectō quid in collegiis tum fuit, neque contemnendum, quod Prior diues, & honoratus non dubitauit sibi accipere, postularęque; & in nutu Episcopi erat, probantibus etiam canonicis vtriusque collegij. Atque
 31 ita cum Monachis Salientis rem egit Guilelmus. Cum Cisterciensibus Lioncelli non fuit contentio: agebant greges & amenta ad pastum per syluas Castri noui: concessum ab anterioribus Episcopis noluit negare. Descendit in pacta cum Antonianis, etsi aliquantū egrius. Anno 1304. 16. calendas Maij Benedictus XI transfert Prioratum S. Medardi a canonicis Sanrufensibus ad Antonianos, ita volentibus, qui canonicos in eo tūm profitebantur. Ante annos circiter 40. Summi Pontifices, probantibus Imperatoribus, abbatiam ejusdem prioratus adjunxerant ad Episcopatum Diensem; hoc ipsum, signatę scribentes in suis literis, quod animo laxando posset Episcopus in Abbatis ædibus diuersari. Quietis suę intercedere hoc Antonianis visum est. Igitur egerunt cum Guilelmo diu contrā nitente, vt abbatia cederet, ejusque prouentus (perueniebant ad 100. libras) mutare omni ipsorum reditu

ditu S. Martini, & S. Iuliani in Vercorciis. Porro tamen voluit Guilelmus, ut Episcopo sua jura perdurarent in Abbacia, eisque subiectis ædibus sacris: & Prioratus Brislanorum, ac Veronæ nunquam peruenirent ad Pictauienses, ipsoꝝve sequaces. Res gesta est cum Aimone abbate Antoniano, & Abbacia curatoribus Gaufrido Vapincensi præceptore, Guilelmo Arume, Girardo de Marnanto, Petro Gratianopolitano præceptore. Corrupti ferè negotium, quod post annum Antoniani dederant quidem Guilelmo proventus Vercorcios; sed obstinabant habere Sanmartinianam ædem. Aimo Abbas per Gaufridum Vapincensem, & Petrum Gratianopolitanum præceptores, denique suos inde Hospitalarios euocauit, virgente vehementer Episcopo. Addidit bonus Antistes, ut cum eodem abbate de Pontasio conueniret. Omnia turbabant decimæ trifariam diuisæ, in Episcopum, Monasterium S. Crucis, & Curionem. Ioannes Geneuensis concesserat Antonianis hoc Monasterium: Guilelmus ad illud adjunctis sacras ædes Pontasij, iusque suum ad decimas æstimauit certis pensionibus frumenti, ut soli Antoniani rem agerent in pago. Quod Brisanos, & Veronam nullo vnquam tempore voluit, haberentur à Pictauiensibus, in causa est locorum per bellum de Crista, opportunitas: atque id etiam fuerat, cur Amedeus Guilelmi patruus sibi Abbatiæ S. Medardi acciperet: qui enim Aimarus quieuerat per vitam Ioannis, sub Guilelmo denique bella mouit, vbi diu grauis imminere visus fuisset. Nihil non quidem tentauit Episcopus, ut quietem non indecoram, minúsque tamen vtilem seruaret, pugnaeque præferret: verum, vbi sustentare amplius pacem non potuit, non refugit bellare. Vnum ante inuenit summo ingenio, ut Albertum de Cassenatico faceret ducem exercitus, & diceret assertorem Ecclesiarum suarum. Quid enim (aiebat) Episcopus veniat in curam, & veluti partem pugnae? Nos Aimarus, senes iuuenis, præliis assuetus inelmes contemnit: minimè verò decet sacerdotem prælia cogitare, & pacis discipulum meditari pugnam, & exercitû cogere, ducere. Ea est Cassenaticorum gens, ut non multum Pictauiensi debeat, aut verò superet, è Lusignan's Cypriorum Regibus oriunda: certè vtraque ex magno Hugone descendit, qui anno 900. Mariam Mesicam duxit uxorem. Albertus autem omninò Aimarum antecedit consilio, mansue. Varaici apud Bugiacos fortiter egit pro Delfino: Aigreuillium, magnum Franciæ Magistrum, occidit Parisiis, cum Isabellam Regis filiam Delfino conjugem peteret. Placuit viris nobilibus, placuit Canonicorum collegiis, placuit ciuibus Valentinis, & Diensibus mens Guilelmi. Neque Albertus gerere pro Episcopo bella recusauit: ducens, quod erat, honestissimum sibi, gentique suæ, quod præ summis vtraque diocæsi dynastis, vnus fuisset vocatus in societatem militiæ, & custodiam ac protectionem Ecclesiarum Valentiniæ, Diensisque. Nulli quippe inferior genti, ita superiorem quoque futurum ceteris se cogitabat: Aimarum, & Ioannem Berengarios, illum Pontis Roiani, hunc Morgiarum dynastas affinitate iunctos habebat, in istius quippe conjugio posuerat Eleonoram, in ejus Beatricem sorores: Attaudos autem, & Alemannos, ceterosque tota vtraque Episcopi regione procures à parentibus contingebat. Ipse Francisci ex Agnete filius per Desiderium, Aimarum, & Guidonem à magno Guidone descendebat, qui Templariis Iseronem vocatis dederat latè accentes in S. Saluatoris campos. Venit in pacta cum Guilelmo. Placet ea

verbatim recitare, æternum exemplum sacerdotalis prudentiæ, magnûmque Cassenaticæ gentis ornamentum.

- 35 **N**os Guilelmus de Rossilione, permissione diuina Valentinenſis, & Diensis Episcopus, & Comes, notum facimus vniuerſis, has præſentes literas inſpecturus, & auditurus, tam præſentibus, quàm futuris, quòd cum Eccleſie noſtre, Valentinenſis, & Diensis, perſecutiones grauiffimas patiantur in moribus hominum, occupationibus & depredationibus rerum ſuarum illatis dictis Eccleſiis, rebus, & ſubditis ſuis per D. Ademarium de Piſtauia, & per ſubditos, & vaſſallos, & valitores, ac ſequentes dicti D. Ademari, nos ad protectionem & deſenſionem dictarum Eccleſiarum, hominum, & ſubditorum, & conſeruacionem iurium earundem Eccleſiarum, auxilium & iuuamen, de conſilio, & conſenſu, & inſtancia nobilium, Canonicoꝝ, burgenſium noſtrorum, inuocauimus nobilem, & ſtrenuum virum D. Albertum de Caſſenatico militem. Idem verò miles libenti animo pro præmiſſis venit ad nos perſonaliter in ciuitate noſtra Valentinenſi. Nos autem ſuper præmiſſis, & inſcriptis, tractatu, & deliberatione cum eis habita diligenti, ipſum nobilem remunerare volumus, & ſic alligare nobis, & ſucceſſoribus noſtris, & dictis Eccleſiis, quòd dicta Eccleſie eundem habeant perpetuum deſenſorem & adiutorem. Unde ex cauſis præmiſſis eidem D. Alberto donamus, & concedimus pro nobis, & ſucceſſoribus noſtris, in dictis Eccleſiis libras annuas 200. computato vno Turonenſi argenti cum.....pro 20. denariis in dicta ſumma, ſoluendis eidem D. Alberto annis ſingulis, & quandiu fuerit in humanis, per caſtellanum noſtrum; qui nunc eſt, & fuerit pro tempore caſtri & mandamenti Baſtide noſtræ de Vercors, & de Riſoſſico; videlicet, in feſto omnium Sanctorum, 100. libras dictæ monete, & alias 100. libras, in feſto Paſche. Et pro huiusmodi penſione eidem D. Alberto ſoluenda annis ſingulis, prædictis terminis, redditus & prouentus prædicti caſtri, & mandamenti, nomine noſtro, & dictarum Eccleſiarum obligamus, & redditus & prouentus prædictos pro prædicta penſione volumus eſſe obligatos eidem, & affectatos. Concedimus etiam eidem D. Alberto, quòd ſi fortè contingeret eundem emere caſtra, terras, vel poſſeſſiones alias, quæ eſſent de feudo noſtro, & Eccleſiarum noſtrarum prædictarum, quòd eum de huiusmodi feudo retineamus, & eundem inueſtiamus. Et quod in ejuſmodi acquirimentis faciendis per eum, in feudis dictarum Eccleſiarum, debeamus eum iuuare de 1000. libris dictæ monete: vbi verò nos, vel Eccleſie noſtre iuuauerimus cum de dictis 1000. libris, & eas ſoluerimus pro huiusmodi acquirimento, vel acquirimentis per eum faciendis, ex tunc nos, & ſucceſſores noſtri ad penſionem annuam 100. librarum, eidem D. Alberto, quandiu vixerit, tantum teneamur. Et inſuper vltra dictas 1000. libras ſi contingat dictum D. Albertum acquirere redditus de feudo noſtro, & Eccleſiarum noſtrarum prædictarum, laudimia ſeu placitamenta nobis competentia librarum 200. in redditibus acquirendarum per ipſum D. Albertum, eidem D. Alberto per nos, & ſucceſſores noſtros in dictis Eccleſiis, ex nunc, prout ex tunc, donamus, & remittimus per præſentes. Pro iis autem idem D. Albertus nobis recipientibus nomine noſtro, & Eccleſiarum noſtrarum prædictarum, fecit homagium, & iurauit nobis, & dictis Eccleſiis fidelitatem obſeruare, & alia capitula, quæ ſub iuramento fidelitatis includuntur; ſaluo tamen & retento homagio, & fidelitate illuſtris Principis D. Delfini Vienneniſis, cui ante omnes alios ad fidelitatem & homagium eſt obligatus, ac promiſit per iuramentum ſuum, nos, & ſucceſſores noſtros, & Eccleſias prædictas, vaſſallos, & ſubditos earundem perſonaliter ſequi,

sequi, protegere, & defendere toto suo posse, contra quoscunque, cuiuscunque conditionis existant, excepto prædicto D. Delphino Viennensi, cui idem D. Albertus primò & principaliter est adstrictus. Nos verò vicem mutuam eidem reddere volentes, pro nobis, & successoribus nostris, & dictis Ecclesiis, promittimus eidem D. Alberto personam eiusdem, homines & subditos suos, ac eius terram, & res suas, & subditorum eorum contra quoscunque iuuare, protegere, & defendere, maxime contra D. Aimarum de Piclavia, & eius subditos, & sequaces, exceptis tantum superioribus nostris, & domini, & vassallis aliis antiquioribus nostris, & Ecclesiarum nostrarum, qui, tanquam vassalli, fidelitatem debitam nobis, & dictis Ecclesiis seruant, & olim etiam seruauerunt. Et volumus, quòd iuueamus nos, & defendamus ad inuicem, prout inter vassallos, & dominos est fieri consuetum, &c. Acta fuerunt hæc Valentie, in hospitio nostro episcopali, 4. die mensis Septembris, anno Domini 1329. presentibus testibus dilectis & fidelibus nostris, Ioanne Basset domino Cruceoli, Iacoba Vaguardi, & Durando de S. Salvatore, canonicis Valentinis.

Has Guilelmi cum Alberto conuentiones, probauerunt Collegia Valentinorum, & Diensium canonicorum, tanto consensu, vt Dienses in concilio fuerint omninò xvii. Ioannes Pomey Decanus, Albertus de Folhanis Sacrista, Guigo Alhumacij, Iacobus de S. Laurentio, Humbertus Ganidius, Aimo....., Thomas Milonis, Ioannes de Folhanis, Iuuenis Pertuferi, Petrus de Riuosicco, Petrus Banelli, Guilelmus de Folhanis, Ioannes Vincentij, Guilelmus Guerfi, Petrus Albanelli, Hugo Pilosi, Ioannes Guibondi. Scripsere 1331. in frequentissimo concilio Commemorationis mortuorum. Quid hæc pacta secutum fuerit, non habent episcopales tabulæ. putabam Aimarum cessasse ab armis: tum in eo rerum erat articulo, vt Alberti animis, vique militari terretur. Sunt, qui dicant, ab Alberto armis compressum; & in Cassenaticæ gentis chartulario descriptum esse numerum cognatorum, affinium, & amicorum omnium, quos in societatem belli vocauit. Certè anno sæculi xxx. Guilelmus Episcopus dedit Subdionem canonicis Valentinis, pro auxiliaribus copiis, per bella cum Aimaro datis. Sed, quæ ista fuerint, vbi, quibusve causis cœperint, & quo, vel Episcopi damno, vel Aimari, nemo refert. Post Subdionem canonicis concessam moritur Antistes omni memoriâ dignus, & cui paucos reperias pares sapientiâ, & sedium suarum studiis, bello, pacèque augendarum. Ille est, qui suam firmitatem, & speciem, decusque, addidit Præfuli vtrunque diocesim habenti; & veris exemplis docuit, earundem coniunctionem in vnum Præfulem, perutilem eam ac necessariam, singularem, & penè diuinum consilio inuentam à Gregorio X.

Canonici multum laborauere in legendo viro, qui Guilelmo par esset, ipsūque virtutibus repræsentaret, ac factis. Anno ipso xxxi. cum Guilelmus diem vltimam obisset, consenserunt in Ademarum à Vouta, canonicum Valentinum, & Viennensem, filium Bermundi de Andusia, & Eleonore filix Aimari III. Piclaviensis. Bermundus inperitabat Voutæ, aliisque pluribus pagis. Nobilissima gens Andusianorum Voutana, tulit scutum trifarum diuisum: priore parte crucem Tolosanam supernè, fluctus erectos infernè; posteriore leonem pardicum & inuersum. Adematus peruenit ad annum 36. vt videas falli Possuinum in Apparatu, cum ait, Richardum sedisse Valentie Segalaunorum anno 33. Hoc Episcopo dissidium de dignitate,

quod cum Delphino imminerebat, in ipso ortu extinctum est. Is quippe (Guigo erat) visis literis utriusque Friderici, Rodulphi, & Philippi Imperatorum, voluit Ademaro sua jura esse inconcussa, edicto posito, ne quis Delphinalium ministrorum jus diceret in illius utraque diocesi, aut vectigal imperaret, vel arma Delphini, signaque poneret, præterquam sicubi locus ad ipsum spectaret primario, aut secundario jure clientelæ. Hi post 4. & 20. annos, cum Delphinatus peruenisset ad primogenitum Regis Francorum, tanti nominis majestate elati, edictum infringere conati sunt, fictum ab Episcopis jactitantes: sed Gratianopoli quaesitum mandato Caroli Delphini (fuit postea Rex eo nomine quintus,) & inuentum seruauit suam vim. Agebatur tum sæculi annus 32. Longè major, de bello cum Pictauiensibus, coquebat cura, non Antistitem modò Valentinum, totamque per Dieneses, ac Valentinos regionem, sed Summum etiam Pontificem: omnia illò turbati sacra, profanæque, infestum agrum, vrbes inhospitas, vastasque jam esse, & pessimo, damnandoque exemplo Sacerdotes assuescere armis, ac pugnæ. Igitur Ioannes XXII. constituit finem ei aliquando per se ipse ponere, & causas illius omnes ab ima radice auellere, quando neque Principum circum virorum consilia, neque Ecclesiarum per Gregorium X. vnio, neque Francorum Pares, Episcopi, Conestabiles, & Marescallus à Rege Legati, potuerant certum illi hæcenus modum statuere, jam per 200. annos contentiosè gesto. Auenionem (in ea vrbe sedebat) vocat Ademarus Episcopum, & Aimarum III. Pictauiensem. Fauebat, quòd Ademarus Aimari nepos erat ex filia. Rem committit Petro Episcopo Prænestino, & Petro Stephani in Cælio monte Presbytero Cardinalibus. Hi censuere in hunc modum. Crista oppidum, antiqua bellorum causa, ne sit diuisa in duas partes, alteram Episcopi, Pictauiensis alteram, tota in utriusque vt vnus toparchæ jure sit. Ademarus Monteclaro diocesis Dienesis, 100. libris annuis de vectigali Valentino, & 20000. florenorum auri emat clientelam Aimari, omniumque cis Rhodanum, quàm latè dominatur, pagorum, exceptis fano Valerij, & Viuaio: sitque Pictauiensis eliens Episcopi hac mercede. Pontifex probauit sententiam Cardinalium. Episcopus Aimaro certis pensionibus eam vim auri numerauit, 100. libras in singulos annos de vectigali Valentino sanctè pollicitus est: cessit denique Monteclaro. Pictauiensis contra se, suasque omnia cis Rhodanum posita, præter duo castra recensita, posuit in Episcopi patto cinio: tabulæ referunt omnino ad 80. Existimabat optimus Pontifex Aimarum, & vi illà auri, & annuo vectigali, atque potissimum fide datà, futurum in officio; neque Cristæ barbarum quidpiam cieri posse, sub vno imperio: sed fefellit eum spes sua: neque fuit

41 vera quies, donec secedente Antistite, vni Aimaro Crista obueneret. Si cui autem placet scire villas, pagos, & castra Aimari, quorum clientelam emit Ademarus, ea accipiat. Sunt omnino ad 78. Quintum, Pontaisium, Eugleu, Bannum Diensium, Bigortium, Castrum Arnaudi, Podium grossum, Crista, Cabrilianum, Auripleum, Sao, Soianum, Marfana, medietas Sauasæ, duæ partes Castrinoui Dalmaeni, Perdicum giro, medietas Audestæ, Charpeium, Castrum duplex, Vpianum, Monmeiranum, Vannavesium, Vacha, Grana, medietas Belregardi, Rupesfortis, Barberia, Marcæ, Barcilona, Balma cornilana, Orca, Recheta, Montaifum, Rocha prope Granam, Autichanum, Cobona, Sufa vetus, Sufa noua Chassarij, Bastidæ mandamentum,

Episcop. Valentinor. & Diensium. 317

rum, Castrum Barra, Espenellum, Albenacum Mornaum, Bordelli, Befaudunum, Conisum, Bastida ad Befaudunum, Popetum selare, Roynachum, Podium S. Martini, Pons Bareti, Rocabaudum, Felinas Cleou, Sangeruasius, mons Bocherius, medietas Saufelæ, Bastida Rocani, Laupia, Conca, Rupes fortis Vaudaniæ, Porta, Rupes Sanlegreti, Balma Beconæ, Alanfos, Vpeguæ, Espeluca, Poietum vallis, Deus fecit, Sub peyra, Manas, Caravolsium, Blatos, Feudus Vacij, Sangenesius, Sinlaifium, Mandamentum Rupisfortis.

Ademarus de Vouta Valentinum & Diensem episcopatus Viuariensi ⁴² mutauit cum Henrico de Villars. Hunc aliqui Vaurentem fuisse volunt: sed quotidianæ viri rationes Viuarij ab anno 1330. quas ingenti voluntine comprehensas habet tabularium Episcopi Valentini iis aduersatur. Cœpit homagia nobilium utrôque episcopatu virorum, Vvilelmi de Vaesco, Petri Rainaudi, Petri de Viriaco, Bertrandi de Agouto, Guilelmi de Castronouo, Alberti de Vrre, Odoberti Chanabeti pro parte montis Lagerij & aliorum plurimum. Henricus verò sedebat Valentie anno 1340. ex charta quæ recitat clientelæ professionem Pastori de Albenaco Ebredunensi archiepiscopo ab Humberto Delphino Auenione. Peruenit ad archiepiscopatum Lugdunensem, & Delphinatus ad regnum Francorum additi moderator fuit. In eius locum suffectus est Petrus de Castrolucij, ex Abbate Cluniacensi episcopus, de quo magnum silentium post annum L. Neuter alia re quàm pace memorabilior est, atque summâ utraque diœcesi quiete. Petrû excepit Ioannes Ioseuri: Iosencum, & Iosencium vocat Robertus: Iosencum etiam Odo Giffreus, Iassent rubricæ archiui canonicorum Diensium, & de Gaussiens. Vir doctus, & ante pontificales insulas Professor Iuris vtriusque. Robertus autor est fuisse postea Aniciensem Antistitem 63. Me latente eius initia: nihil reperio de illo ante annum 54. Viuebat 52. ex recognitionibus Montismainris.

Ludouicus de Villars, post Ioannem fuit Episcopus ipso anno sæculi 52. ⁴³ peruenit ad finem septuagesimi septimi, frater Henrici Villarij, & consanguineus Guilelmi Rossilionxi, ante ipsum Antistitem. Veteres chartæ testantur fuisse quoque Abbatem S. Rufi, & S. Bernardi Romanensis, ac S. Theuderij. Sunt etiam qui & ipsum, & Henricum fratrem faciant cardinales. Villarij verò gens habuit pro insigni, tres fascias rubeas obliquas, in campo argenteo, & se principem tum gerebat omni ea regione quam inter Ararim & Rhodanum tenebat, vrbibus aut pagis centum minùs duobus imperitans. Post mortem Amedei septimi & de genere vltimi, anno millesimo quadringentesimo decimo octauo Ioanna & Beatrix sorores hereditatem inter se diuisere: Villarium tamen ipsum, vnde nomen familiæ, ante annos sedecim vænierat Amedeo comiti Sabaudie. Ioanna nupsit Ioanni de Balma postea comiti Montis reuelli, Beatrix Guidoni de Monbel domino Intermontium. Sed hætenus de Gente Ludouici episcopi non omnino importunè dictum sit. Anno 1356. cùm Delphinatus regno Francorum redditus ⁴⁴ peruenisset ad primogenituram regis, Ludouicus recens episcopus querebatur propinquos suis populos tantæ maiestatis poteutiæ & autoritate subnixos insolescere, plura sibi assumere, deque antiquissimis totâ diœcesi Valentinâ, totâ Diensi iuribus Episcopi Comitibus detrahere: & Carolus Delphinus Ioannis regis filius pro innata sibi sapientia, quæ regi postea nomen

ad immortalē gloriam peperit, nascentibus malis occurrit, & Antistiti satisfecit. Audi quæ edixerit vigesimo quinto Octobris, ex iis singulas querelarum Ludouici episcopi causas intelliges. Firmavit à Guigone quondam Delphino decreta, & remisit episcopo *gardas, guidagia, & impositiones penicellorum, seu quorumcunque aliorum signorum in terris vel hominibus episcopi, siue omnia penitus renouauit & amouit.* Item solemnī stipulatione promisit, quòd extra terram suam ipse Delphinus, seu gentes sue, infra terram episcopi & hominum subditorum seu vassallorum suorum, processus & executiones aliquot & aliquas non facerent. Hæc autem Carolus promisit, visis quas recitauerat tabulis, à Guigone obsignatis Pisfanciani anno millesimo trecentesimo sexto, die decima nona Septembris. Anno 1357. editæ sunt vltimæ Episcoporum conuentiones cum Pictauiensibus de Crista. Ioannes XXII. Pontifex voluerat Præfulem, & Aimarum toti Cristæ dominari, ambos ex æquo. Rem attuli ad annum 1332. Malè fida concordia Vrbs ea nunquam ceperat duos dynastas: in vnum quando illi coëant, qui per 200. & plures quoque annos, animis certauēre magis, quàm armis? Igitur Innocentius VI. iussit Talayrando Cardinali Albanensi, certius aliquid ad æternam pacem procudere. Voluit, vt Ludouicus partem suam Cristæ Bordellis, ac Besoduno mutaret. Parum æqua mutatio. Addidit daturum Episcopo Aimarum Pictauiensem, aliquid supra duo castra, pro sentētia Cardinalium Petragoricensis, & Vrgellensis, vel Magalonensis. Facturum se negauit Aimarus Pontifici. Visā est importuna negatio. Auenionem euocat Ludouicum, & Pictauiensem: seque coram agi iubet (Lugduni edixerat Talayrandus) per Cardinales Petrum Prænestinum, Guidonem Portuensem, Audoinum SS. Ioannis & Pauli, Eliam S. Stephani in Cælio monte, qui 200. florenos auri annuos supra Bordellos, & Besaudunum addicunt Episcopo. Cardinalium sententiā probauit Innocentius, & mandato Innocentij acquieuerunt Ludouicus, & Aimarus, majorēne Pontificis, an sua laude? Lego in tabulis clientelæ, quam Guilelmus de Austeduno professus est Episcopo anno 1395. Aimarum pro 200. florenis auri, dedisse Antistiti, quæ habebat in montibus Vercorciis, Vacuis, & Riuisicci.

- 45 In minore causā majus tranquillī, benignique animi nomen habuit Ludouicus. Anno 1359. fuit contentio curatoribus episcopalis rei apud Dienes, cum Guilelmo Artaudi, de finibus Dux, & Moleriarum. Ipse Præsul auditis prudentibus viris, & suadentibus, totam composuit 14. Nouembris, nouo, & magno exemplo. Erant in Episcopi consilio Petrus de Bosanis, Laurentius Guilliendi; ille Valentinus, hic Viennensis Archidiaconus; Humbertus Dars Canonicus Lugdunensis, Guilelmus Talonis Decanus Diensis, Ioannes toparcha Montiscalui, & Corbeilonus de Suyriaco milites, ac Ioannes de Bouenco. Debui eorum nonnina scribere. Dignī æternā memoriā viri, qui ad magni Antistitis consilia vocati, quiete negotia moderati sunt, non vi turbauerūt. Iussit autē Episcopus in hæc verba. Quidquid iurisdictionis, meri, & mixti imperij, est à castro de Moleriis, vsque ad riuum de Auicula; videlicet, à fluuio Dronæ, vbi intrat dictus riuus, ascendendo vsque ad fontem vocatum, *Nidus de vrsā*, vbi vnus terminus diuidens mandamenta & & territoria ciuitatis Diensis, & castrorum de Aisio, & de Moleriis ponetur: & à dicto fonte ascendendo vsque ad verticem montis, in loco, vbi

vbi solebat esse quidam furnus calcis & à dicto loco ascendendo rectè, pro-
ut aqua pendet à parte ciuitatis vsque ad cacumen rupis de Milaura, vbi po-
netur crux ferrea, siue meta alia in signum diuisionis, & limitationis manda-
mentorum prædictorum. Anno 1364. Ludouicus ad petitionem ciuium
Valentinorum quadam indixit vrbi muniendæ. Ea ad me articulatum per-
uenerunt. Modica sunt. Afferre tamen placet, vt adeò antiquæ rei memoria
non pereat.

Ludouicus Dei gratia Episcopus & Comes Valentinus & Diensis, vniuersis &
singulis literas inspecturis, rei gestæ memoriam cum salute, &c. Primò quòd omne
bladum, frumentum, filigo, pisa alba, faba, & omnia legumina, quando extrent
de ciuitate, quòd ille qui exigit, seu exigi faciet, soluere pro quolibet sextario dena-
rios 12. teneatur. Item de auena millio & castaneis, &c. Item quòd omne sal
quòd adducetur per terram, siue per aquam, & descargabitur in dicta ciuitate, sol-
uet adducens pro qualibet sommata denarios 12. &c. Item quòd omne animal on-
eratum ferro, canape, brucino, vel aliis mercaturis similibus, quæ non remanerent in
vrbe, vnum denarium soluere teneantur, &c. Item quòd omne animal transiens
quadrigando per mandamentum, oneratum pannis, telis, seu auere, & aliis simili-
bus mercaturis, soluere debeant pro animali duos denarios, &c. Item quòd draperij,
mercerij, apothecarij, perolerij, quironrij, cordubenarij, teleserij, ferraterij, &c. ex-
ceptis reuendetricibus quæ soluent sex denarios pro septimana, soluere teneantur
pro libra duos denarios, &c. Item omnis macellarius, &c. Item omnis sabaterius, &c.
Item omnis cordurerius, &c. Item omnis albergator, &c. Item quòd omnis nota-
rius, &c. Item quòd omnis moinerius pro quolibet sextario bladi, &c. Item omnis
tabernarius, &c. Item quòd omnis persona quæ est residens in villa, in quocumque
loco in dicta ciuitate teneantur de prisiâ suâ, censibus, pñsionibus, &c. pro libra duos
solidos. Item quòd omnis pelisserius, pellerius, chapusius, latomus, faber, marescallus,
ferrailerius, sellerius, roerius, borderius, ganterius, pergamenarius, brocherius, omnis
reuenditor, barbitonsor, aurifaber, poterius, pincenerius, teinturerius, taifferandus,
remenator, qui non tenent mercaturas de eorum ministerio, summam 25. florenorum
non excedentes soluere pro qualibet septimana sex denarios teneantur.

Ludouico Episcopo, Menglo & Marignanum pagi, positi sunt in patro- 46
cinio Summi Pontificis. Res non dissimulanda hoc loco. Canonici Dien-
ses iis imperitant. Multa utroque passi à nobilibus vitis, cum suæ rei tuendæ
non essent, fecerunt beneficiarios Romanæ sedis, cuius vices impleter, præ-
staretque Rector pro Pontifice Venaissinus. Literæ Collegij Canonicorum
ad Gregorium XI. & Gregorij ad Canonicos, Rectorémque Venaissinum,
etiã nunc extant, simul cum homagio Rectori præstito, per Canonicum
à suo Collegio in id missum. Rector erat Guilelmus de Belloforti Viceco-
mes Turenæ. Habes literas in libro rubeo Canonicorum Diensium. Di-
ploma Pontificis publicum fecit Episcopus anno 70. Sed rem non habuif-
se suos exitus, inde intelligas, quòd annui census nulla fuit ab eo memoria.
Quid illam corruperit, non liquet. Longè grauius fuit, & Episcopo noxium, 47
quòd Aimarus Pictauiensis voluit Comitatus, Valentinum & Densem, esse
in fide Summi Pontificis. Reputabat ille cum animo suo, si tantâ authorita-
te fulciretur, & non jam ipsius vnus; at Romanæ quoque Sedis causa fo-
rer, nullum futurum Antistitem Valentini, & Diæ, quem non vexaret, oppri-
meretque; & homagium, quod Episcopo præstiterat (pungebat id homi-
nem

nem gloriæ cupidissimum,) inane omninò, pròque nullo habendum. Honestum verò maximè visum est Gregorio XI. Comitatus Valentinum, & Diensem adungere ad Venaissinum. Igitur Pontifex homagium Aimari IV. pro vtraque regione emit 8. & 30. millibus florenorum auri (vt loquuntur) de camera, & quarta parte Montilij, additque consulturum se indemitati Episcopi. Hoc fecisse non inuenio, & pacta, in quæ ventum fuerat, corrupta sunt per ignotas mihi causas. In tabulis homagij, Villanoux ad Auenionem Gregorio præstiti, dicitur Auricus fuisse tum Episcopus (agebatur annus 1374.) errore insigni: nam Lambertus de Cliuo, Castellanus Liberonis, & Aureoli, suas rationes sub Ludouico Villario, deducit ad annum 76. Arbitrabar mortuum exeunte 77. Guichenonus mortuum dicit tertiâ die Septembris; certè Sedes vacabat 78. ineunte. Petrus de Hugoneria fuit Officialis Valentix, pro Canonicorum Collegio, sede vacante 22. Februarij; & vltimo tamen Aprilis regebatur Episcopatus ab Archiepiscopo Viennensi. Igitur nescio quid contentionis fuit Archiepiscopum inter, & canonicos, super iurisdictione per vacationem Sedis. In mandato diuidentis collegia, Valentinum, & Diense, duobus Canonicis, alteri Valentino, Dienfi alteri, per Guilelmum Rossilionæum Episcopum, dicitur, sede vacante, jam supra annum 1298. Ecclesiam Valentinam gubernatam ab Archiepiscopo Viennensi, cum Dienfis regeretur à collegio canonicorum suorum. Aliquid etiam dissidij arbitrabar canonicos inter ipsos fuisse: vt quid enim alioqui non erat vltima illa die Aprilis, qui Ludouici locum haberet? Omninò per comitia abierant illi in varias sententias: Guilelmus de Vouta primum sedit anno 79. decisâ proculdubio lite accepitque homagia & aliorum, & Odonis de Retortorio pro Bellocastro. Hic anno 82. prouocauit à curia Gratianopolitana ad Regem Delfinum, & ad Summum Pontificem: causas prouocationis pmo recitat. Neque diu post hæsit in Delfinatu. Sum vtrunque Episcopatum Albienfi mutauit: Valentinorum ciuium prerogatiuas ab anterioribus Episcopis concessas, probatasque, dederat ipse quoque, & suo assensu firmauerat. Anno 80. Valentia, Diâque recedens, locum fecit Amedeo de Saluciis.

*Guil. de
Vouta.*

*49
Amed.
Card. de
Salucis*

Ducebat Amedeus originem à Marchionibus Salassis, nepos Clementis dicti VII. & S. Mariæ nouæ Diaconus Cardinalis. Ciaconius, contra fidem omnium tabularum, putauit adscriptum Cardinalibus, anno 1389. 1. calendis Ianuarij: illæ affirmant fuisse Cardinalem, anno tum 88. tum 85. iis-que suffragatur Author anonymus de vita Clementis dicti V. nuper typis mandatus, qui creatum refert anno 83. die 23. Decembris. Paucos annos ille quoque in episcopatu hæsit. Eò tamen habet laudem non vulgarem, quòd solenni fœdere conuenit cum suis Canonicis. Guido quippe Artaudus Aisij toparcha, Antonius Louerius, Ioannes de Palmis, Humbertus Grami, Petrus Blaini, Thomas de Auxona, Nicolaus Cortesij, Guilelmus Chalholis, Lemachonus Barletonus, fecerunt, vt cessaret à grauissima lite, cum collegio canonicorum Diensum. Scripserunt capita xv. in quæ vno animo coierunt: quæ olim, etiam hoc tempore, causa litis erat: iurisdicção in canonicos & eorum familiam. A Bertrando Episcopo Dienfi profeminata contentio, per singulos penè antistites non occultis simulatibus fota, prorupit non rarò in aperta dissidia, sub Ioanne Geneuensi potissimum, Guilelmo

Episcop. Valentinor. & Diensium. 321

lelmo Rossilionæ, Ioanne Iosephi. Sed stat animo rem silentio premere:
 nunquam animis, opibusve maioribus agitata est: in Tolosani senatus edicto
 vertitur. Difficilius venit Amedeus in pacta cum canonicis Valentinis. Cle-
 mens, qui septimum nomine Pontificem agebat Auenione, componendo
 negotio præfecit Petrum Cadinalem Sabinensem. Ita ille decreuit: *In primis* 50
volumus, mandamus, & ordinamus, declaramus, & definimus quod in canonicos,
 & Clericos, ceterosque incorporatos, & beneficiatos Ecclesia S. Apollinaris & in fa-
 milias, ac bonis, omnimoda iurisdictio, alta, & bassa ubique in ciuitate Valentie, intus,
 & extra, & in tota terra, seu districtu D. episcopi Valentini & Diensis, spectet, &
 pertineat ad Decanum, & Capitulum Valentinum: familiam verò intelligimus Cle-
 ricos, Scutiferos, coquos, trotarios, socios, bubulcos, ancillas, fratres, nepotes, con-
 sanguineos, & omnes alios, quos videlicet sui propriis expensis tenent & tenebunt
 in futurum. Item, quod dictum Capitulum in ciuitate Valentina habeat, & eligat
 baiulos 10. & non ultra: qui quidem baiuli eligantur, & assumantur de tribus
 statibus, scilicet, duo de maioribus: ut de draperiis, salateriis, vel campforibus, &
 tres de mediocribus, ut de Apothecariis, Notariis, & consimilibus; quinque de aliis,
 ut de ferreteribus. Item, quod Decanus Valentinus habeat unum baiulum medio-
 crius status, & tres Officiales inferioris status. Item, quod ultra præmissa, dictum
 Capitulum habeat 11. bastoneros, & unum platacappa, non de maioribus, nec homi-
 nes status, sed de inferioribus; habiles tamen ad hoc. Item, quod ultra præmissa,
 dictum Capitulum habeat unum laticem secularem, de extra Ecclesiam pro
 laicis; & unum laticem ecclesiasticum, de Ecclesia pro Clericis; unum Procura-
 torem, unum Secretarium, unum Notarium pro sua Curia, unum guachiam, &
 unum seruientem. Item, quod ultra præmissa, dictum Capitulum loco regis ribaldo-
 rum, & eius præpositi, habeat unum inferioris status: de rege ribaldorum faciat D.
 Episcopus, prout sibi videbitur expedire, &c. Post aliqua excepit corruptores
 tam literarum Episcopi, & episcopalis Curie, quam monetæ, reosque hæ-
 reseos, ac proditores, & authores machinationis in Antistitem, eiusve ca-
 stella, pagos, vrbes. De his non canonicorum collegio, sed Episcopo cog-
 noscendi ius esse vult; atque præterea in quoscunque reos, si fortè collegij
 Iudex querere de crimine negligeret. Censebitur autem cessare per ignauiam,
 qui tertio mense post publicum, sibiue notum crimen non aget. Addit, licere
 prouocationem ad Episcopum. Alia minoris momenti adiungit, quæ nul-
 lius opere videtur recitare. Placuit Amedeo cardinali Petri Sabienfis edi-
 ctum, placuit canonicis Valentinis: in illudque adeo iurauerunt. Pro-
 nuntiauerat Petrus anno sæculi octogesimo octauo, die nona Septembris.
 Nono post mense Amedeus Sedem reliquit Henrico Costantiensi Episco-
 po; & post biennium Henricus Ioanni de Pictauia, qui eam tenuit annos
 omnino 7. & 50.

Henri-
cus.

Henrico Episcopo, Clemens dictus VII. Montilium addixit Eranci- 51
 sco de Cassenatico, Henrici filio. Ei quondam impuberi Ludouicus An-
 tistes dederat Podiolos, & Mirmandam, pro 200. illis florenis aureis, quos
 annuatim pendere Cassenatici dynastæ, Ecclesiarum suarum suarum prote-
 ctori, sanctè promiserat Guilelmus Rossilionæus. Cum adolescentiam exuis-
 set, vehementer expostulauit de iniuria, & restitutus in integrum dixit diem
 Henrico Episcopo, coram Clemente, qui Romanum Pontificem agebat.
 Clemens pro Francisco iudicauit, dixit iniqua cum Ludouico pacta, reli-
 quias

quias veterum pensionum æstimauit 700. florenis auri; Podiolos, & Mirmandam restituit Henrico; Montilifium reposuit eorum pagorum loco; & si annuo prouentu non faceret 200. florenos auri, dedit peræquatores Ludouicum de Vouta, & Guigonem de Aisio viros nobiles, & sapientes. Hi dixere: Montilifium annuo reditu non superat florenos aureos sex & octoginta; reliquos centum quatuordecim. Cassenaticus sibi sumat ex portorio Valentino. Cæterum, Henricus Francisci pater, non veniebat ab Alberto, qui descenderat in pacta cum Guilelmo Episcopo; sed è Beatrice sorore, quam Albertus Aimaro Berengario Pontis Roiani toparchæ vxorem dederat. Genuerat illa ex Aimaro Henricum Iqui ab Hugonetta de Turre cognata Delphini, sultulit Franciscum, Aimarum, Albertum, memorabiles viros. Franciscus pugnavit in Prussia pro Equitibus Teutonicis cum Duce Borbonio, & ex Alissa Arausicani Reguli filia nullos habuit filios. Per Aimarum igitur propagata gens est, qui Henrico, patri Francisci, pro quo Clemens edixit, dederat fratres Antonium, & Albertum. Ea veto tum diuisione tenebat & alios pagos, & Cassenaticum, Talartum, Monilifium, Vinaium, Vatilium, Montis Musardi Bastidam, Fanum Andreæ, Chapeuerfum; atque, quod aliàs annotauit, nihil Pictauiensi debebat, quæ Delphino, & Arausicano Regulis non multum inferior, & ex affinitate suppar erat.

52
Ioannes
de Pi
etania.

Ioannes de Pictaui creatur Episcopus ante 21. Octobris, anno 1390. natus annos 11. & XX. Desiit sedere anno 1448. nam tum peruenit ad archiepiscopatum Viennensem, mortuo Godefredo Vassalli. Parentes habuit Carolum à S. Valerio, & Simonam de Mery. Hac post mortem, frequentissimis prodigijs seruauit nomen sanctitatis, populorum communi voce per vitam acceptum. Fuit Rector Venaissini Comitatus per annos 16. postea Vicarius Imperatoris per suam vtrâque diocesim: & Carolo primum Delphino, deinde Regi Francorum nomine septimo charissimus. Vir fundatissimi iudicij, & rerum forensium, ac politicarum scientissimus. Sigismundus Imperator anno 1415. fecit Comitem Palatinum cum potestate creandi, ac destituendi scribas, & tabelliones, atque censendi spurios in ingenuis, eoque faciendi ad publica officia idoneos. Hac potestate vsum lego, & aliàs, & speciatim vndecimo Septembris, anno millesimo quadringentesimo quadragesimo secundo. Ante adeptam Vicariatus dignitatem, venerat in suspicionem ambitus, & prehensati in vtrâque regione sua summi imperij. Anno sæculi 25. ciuitate pellitur ab Valentinis; etiam totis agris ab Imperij Vicario; is erat Dux Sabaudix. Raptim conuolat Liberonem munitissimam situ, manûque arcem. Interea rerum adest ab Imperatore Nicolaus Chalmastre, qui cognoscat de crimine. Hic innocentix Ioannis certus, reuocat Episcopum Valentiam, qui ciuibus parcat, & plura multiplicis prærogatiue iura elargitur in magnum summæ benignitatis argumentum. Proximo post anno Ioannes consulturus dignitati Sedis Valentinx, constituit ea omnia de viris nobilibus recipere, quæ per bella cum Pictauiensibus vendita, aut etiam erepta ex Episcopi rebus fuerant. Sententia summo viro digna! negotio gerendo præficit Antonium d'Ostun toparcham Balmæ, Ademarum de Viro, & duos canonicos Valentinos 14. & XX. antè annis (secundus erat sæculi) ad suam Sedem adiunxerat Prioratus de Clino, & sancti Martini Caprihani Illi suberant Monasterio sancti Theofredi; sed erant excisæ ædes, neque per

per monachos decimoquarto ab ipsis lapide confidentes, cauebatur damno, quod à latronibus, qui monasterij ruderibus immorabantur, latè per totam regionem spargebatur. Ea causa fuit Eugenio Summo Pontifici, auferendi abs monachis suos prioratus, illósque tradendi Ioanni Episcopo, qui auctoritate sua cohiberet grassantes sicarios. Anno 26. accidit, vt Gaufridus Bouci-
cautius bellaret cum Pontifice. Causa turbarum ad me non perueniunt. Vir gente, opibus, auxiliis illa ætate potens; frater Marescalli Franciæ, (Mengram vocabant familiam,) Pertusio, Borbono, Luco, aliisque per Prouinciã pagis & castellis imperitabat. Cœperat ille quidem initio, vt erat rei bellicæ sciens, & primo impetu ferox, Vasionem ciuitatem; atque per ditionem Pontificis, toto Comitatu Venaissino, prædas agebat. Sed tantis cœptis cetera non responderunt. Coactus denique est Liberonem arceni, à situ loci inexpugnabilem, in perfugium postulare. Dedit Ioannes Isabellæ filix fratris (eam Gaufridus habebat in matrimonio) dignis Episcopo conditionibus, quas fusc recitatas habes in tabulis scriptis die 10. Maij. Sed Bouci-
cautius non diu fuit in arce: leges accepit à Ioanne Reate, qui ad rem componendam missus fuerat à Romano Pontifice.

Anno 1446. Reges Franciæ & Siciliæ petierunt, ab Episcopo territorium Valentie, ad ferendam sententiam aduersus suos subditos, qui in eam urbem fugerant, & potestatem in subditos episcopi participes criminis. Quia res facit ad demonstrandam antistitis summam auctoritatem Valentie, placet verbatim exscribere responsionem Ioannis. 54

Requesita, per Dominum nostrum audita, idem Dominus noster Episcopus, & Comes eisdem Dominis petentibus, ad & contra subditos dictorum Dominorum regum, quacunque acta, & explicita iudiciaria infra dictam suam Ciuitatem Valentinem faciendi territorium, duxit concedendum, & concessit: quoad verò suos subditos, super concessione dicti territorij deliberabit. Anno 1434. omnia ciuis nescio cuius Valentini sine hæredibus mortui bona, vt caduca, venerunt in potestatem Ioannis episcopi. Lego vniuersas quoque fortunas Iacobi Iaruelli aduentæ eadem caduciarum lege adjudicatas Monlucio anno sæculi præcedentis 47. & Petro Andreæ Leberonio Guigonis Cotai antè annos 35 post edictum senatus Gratianopolitani anno 1610. latum.

Ioannes senio grauis, iniit Archiepiscopatum Viennensem. Vrgebant mandata Regis Francorum. Suis Episcopatibus excedens, hoc fecit ad memoriam insigne, vt excelsi ingenij viro, & ingentium animorum, traderet gubernandos. Is fuit filius Ludouici fratris, item ipse Ludouicus, Abbas S. Rufi. Ante 1448. annum Episcopus, obiit 148. Gerebat Præposituram Valentini, cum patui sedem impleuit. Abbatia quoque Romanensis habuisse tum in canonicis gloriatur. Habebat etiam Lugdunensis ecclesia ex actis capituli anno 1450. quo ejus canonicatum canonici concesserunt Ioanni de Grolee. Ex matre Polyxena Roussa dominabatur Serignano. 55

Lud. de Pilaud

DE REBUS GESTIS
VALENTINORVM,
ET DIENSIUM EPISCOPORVM
LIBER QVARTVS.



- I** GEBATUR annus 1448. Fuit aliquid contentionis Ludouico recens episcopo, cum Ludouico Delphino. Fuit is deinde vndecimus eo nomine Francorum Rex. Habebat Episcopus in carcere Valentie Antonium Monclusum, & Carlotum (nomen gentilitium tacent publicæ tabulæ) reos cusæ Romani falsæ monetæ; deque nummis ipsorum asperis collegerat omnino ad 1000. & 400. An Delphinales ministri prædæ inhiabant; an sibi reddendos jure arbitrabantur reos? Valentiam veniunt Guido Chourpius, Aimarus Ponsiacus milites, Guido Papius, & Ioannes Cizerinus periti juris, à Delphino secundum; postulant sibi dari vtrunque reum; si non concedantur, intentant poenam quinquaginta librarum auri. Pupugère Antistitem mandata, ac minæ: reponit Carlotum sæculi curiæ Clericum permittendum non esse. Ut neuter eorum censeretur in clero, ambos teneri Valentie, Præfulis non Delphini ditione. Ite igitur, addit, per Delphinatum jus dicite; meis iudicibus sistentur rei. Ludouicum Delphinum sua mens regia, & Carolus pater prohibebunt Episcopi injuriâ. Prouooco ad Regem, & Regis Curias, Parisiensem, atque Tolosanam, ac maximè ad Summum Pontificem. Hæc pronuntiavit Ludouicus ardentibus oculis, voce grandi, firmo pectore, vultu habitûque corporis nescio quid humano majus spirante. Diceret de antiquis illis, & apostolicorum temporum Episcopis vnum, ante Præsides, & Reges spiritu diuino agente loqui, non coram militibus & jurisperitis agere. Gesta res est Valentie, in inferiore aula Episcopi illa amplissima, per Ioannem patruum Antistitem cum reliqua domo exadificata, spectante & suspiciente vniuersâ ciuitate. Quid secutum fuerit, non inuenio. Delphinum Episcopus sibi voluit socium in Comitatibus Valentie, ac Dix, duobus post annis, ejusque clientem se dixit verbis solemnibus Gratianopoli. Ea in Comitatibus societas ingens causâ turbaturum fuit proximo Ianuario. Ioannes de Fraxino misit Valentiani Perronetum de Auenis qui per cõpita pronuntiaret Ludouici Delphini mandata super armorum gestatione & hujusmodi aliis. Laurentius Dazoli Officialis Episcopi stupuit ad confidentiâ viri, & de iudiciis aliorumque sententia veruit *taliam facere* (sunt ipsa ejus verba) *cum prima cognitio in talibus sit Domini nostri Episcopi, nec Delphini potestas ad præmissa se extendat.* Sed Dazoliana jussa non habuere magnam vim. Perrexerunt Delphinales ministri episcopalibus molesti esse, donec Ludouicus suorum ausa non ferens venit in noua cum Episcopo pacta anno 1456. Res in omnem partem grauis neque hic dissimulanda. Igitur accipe tabulas eo anno sextâ die mensis Februarii confectas: *Cum ad aures ipsius Illustrissimi Domini nostri nouissime displicenter euenerit*
- 2**

uenerit certas differentias seu altercationes pretextu dicti paragiij inter suos, & dicti Domini Episcopi officarios ortas fuisse, hinc igitur est, quod anno ejusdem Domini millesimo quadringentesimo quinquagesimo sexto, à Natiuitate sumpto & die veneris que fuit sexta mensis Februarij, idem Dominus noster Princeps Christianissimus qui Ecclesias ipsas, & quascumque alijs protegere augereque potius quam minuire consuevit: etiam ut Religiosi, & Ecclesiastici ipsarum Ecclesiarum in suis, orationibus dictum Dominum nostrum, & suos habeant perpetuo, & libentius commendatos, dictum paragiium eidem domino Episcopo, & suis in eisdem ecclesijs successoribus tenore presentis publici instrumenti liberaliter remisit, saluis dumtaxat in premis Superioritate, & Ressorto cum homagio predicto, etiam jure si quod sit alieno, & similiter ultra remissionem dicti paragiij ipse dominus noster dictum locum Pisanciani cum suis predictis pertinentiis dictæ Ecclesiæ Valentia ex pleniori gratia, & deuotione dimisit, & de nouo motuque proprio in augmentum dicti feudi, & contemplatione dicti homagij, cessit penitus, & donauit, & de omnibus regalibus ciuitatum Valentinens, & Dionsis, nec non castris, munitionibus, & vniuersis possessionibus suis, & ad dictum Episcopatum pertinentiis, quas Ecclesiæ ipsa uise sunt habere vnâ cum dicto loco Pisanciani, saluis ut supra reseruatis, ipsum Dominum Episcopum plenarie inuestiuit, cum per priuilegia antiquissima eidem plenè consisterit hæc eadem prædecessoribus suis ipsius Domini Episcopi concessa fuisse. quam concessionem ratam habuit, innouauit, & concessit prefato Domino Episcopo, & per eum omnibus successoribus suis Episcopis Valentinensibus, & Dionsibus in perpetuum ciuitates Valentiam, & Diam cum suburbij suis, & territorio quidquid infra ejus ciuitatum, & extra in Episcopatibus Valentino, & Dionsi continetur, Comitatum videlicet, Ecclesias, Abbacias, Monasteria cum omnibus possessionibus eorum, forum, mercatum, duella, moneta, stratas, naulos, Toloneam, pedagia, castra, castella, villas, vicos, areas, seruos, ancillas, tributarios, decimas, foresta, syluas, venationes, furna, molas, molendina, aquas, aquarum decursus, campos, prata, pascua, terras cultas, & incultas, & commune forum agentium, & sustinentium causas tam ciuiler tam criminaliter, que ad dictas Ecclesias pertinere dignoscuntur. Quarum quidem possessionum aliquas propriis vocabulis duxit exprimendas, castrum videlicet Alexiani, castrum Liberonis, castrum Aurioli, Castrum nouum, castrum Montis ueneris, castrum Auguslodini, castrum Airmande, castrum Bellimontis, castrum Mirabellis, castrum de Bordellis, castrum Decrupis, castrum de Besaudinco, castrum de Varese villam Vese de Saliente, Castrum de Aurellis, castrum Chamolosco, castrum Bastida uercortij, castrum Montis maioris, castrum Castilhonis, villam de Podiolis, castrum de Tencheris, castrum Valludrome, & de Chanales vnâ cum appenditiis suis vniuersis, castra aliâ que ipse Dom. Episcopus nomine suæ Ecclesiæ possidet atque tenet, & alij tenent, & possident ab eo, quorum declarationem latius faciendam reseruauit in tempus faciendæ enumerationis, & in supradictis omnibus, ac toto Episcopatu Valentinensi ac Dionsi ordinariam Domino Episcopo prefato, & per eum omnibus successoribus suis Episcopis concessit jurisdictionem scilicet tam in ciuitatibus, & suburbij quam in castris, & villis, ac locis propriis Ecclesiæ: causas tam ciuiles quam criminales per se vel officarios suos audire, proditores, homicidas, adulteros, fures, latrones, periueros, & quoscumque in criminali causa conuictos vel confessos, ac quoscumque falsarios, inter quos censuit omnes illos qui non legitimo pondere vel mensurâ seu carnâ utuntur, tam corporaliter quam pecuniariter punire possit, banna ponere, & à transgressoribus pœnas exigere, & omnia que

ad ordinariam jurisdictionem pertinent, & de quibus sui predecessores hactenus visi fuerunt libere exercere, & hac etiam, ut omnia possit idem Dominus Episcopus, & ejus successores, exercere per judicem suum appositum in causis, in quibus à iudicibus suis ordinariis, & subditorum suorum, vel defectu eorumdem appellari continget, à quo quidem Iudice appellationum, & non alibi quam ad Parlamentum Delphinatus recurri, vel appellari possit. Prasatus Illustrissimus Princeps pariter indulgit, concessit quoque, & Delphinali Autoritate sancit, ut memoratus Dominus Episcopus, atque vniuersi in perpetuum successores Episcopi apud Valentiam, vel Liberonem, vel alibi in Episcopatu, habeant recipiendi facultatem libere jus pedagij quod hactenus percipere est consuetum. Concessit etiam sepedicto Domino Episcopo, & successoribus suis pralibatis, ut si quando ipsos cum armis, vel sine armis ad presentiam, vel exercitum suum de mandato suo, seu negotiis suis, vel Ecclesie venire contigerit, pro expensis ab eis in aduentu vel seruitio suo factis, subuentioem omnes homines episcopatus tam feudatary quam alij, secundum quantitatem, & qualitatem expensarum, & facultates hominum predictorum prestare teneantur.

- 3 Anno 1457. Ludouicus Episcopus vetuit nocturnas sine omni lumine progressionem per urbem Valentia, post signum ære campano datum. In edicto additur correariū ita cum Episcopo jubere, cui ad faciendas per urbem excubias adduntur 4. vigiles anno millelmo quingentesimo quadagesimo secundo, ex mandato episcopalis consilij. Nihilque vltra dignum memoriā suscepit Ludouicus Antistites, nisi quod 9. mense ante mortem, Christi in æde S. Saluatoris, fecit Collegium Canonicorum 7. sub Præposito, & Cantore, quibus ministrarent Presbyteri 10. & Clerici 8. Postulat tamen locus, ut dicam eo Episcopo constitutam esse Vniuersitatem Valentiam anno millesimo quadringentesimo quinquagesimo secundo. die 26. Iulij à Ludouico Delphino Caroli VII. regis filio, postea Francorum rege, magnum urbis Valentia decus. Ludouicus episcopus anno 1467. interfuit comitiis regni à sexto Aprilis ad decimum quartum Turonibus, & vno post anno mense Aprili mortuus est Ambasia.

- 4 Gerardus de Crussolio, seu Curceolio, vtroque enim nomine sese ipse appellat, eo ipso anno fit Episcopus Valentinus, & Dienfis, jam Turonensis Archiepiscopus, & deinde Patriarcha Antiochenus. Sunt qui addant, fuisse quoque Abbatem S. Rufi decimo nono Maij. Non (ut fiebat tum temporis) per canonicos alium ab alio scribentes suffragia; sed electorum omnium in vnum repente conspirantibus animis, & vocibus, vocatur ad Episcopatum. Sic habent publicæ illius diei Chartæ: Anno 1467. 19. Maij, Die Petrus Richerij Dienfis Decanus, Ioannes de Grolea Valentinus Decanus, Antonius David Dienfis Sacrista, Ioannes Perini Canonicus Dienfis & Valentinus, Laurentius Dole Valentinus Canonicus, Guilelmus de Montecirano Dienfis Canonicus, Ioannes Saluionis Valentinus Canonicus, Huguerus Fabri Dienfis Canonicus, Eugenius de Bellocastro Dienfis & Valentinus Canonicus, Guilelmus Ioanini, Amedeus de Viro, & Bertinus Faucheti Dienfes Canonici, & Amedeus de Luriaco Archidiaconus & Canonicus Valentinus, vnanimiter & concorditer, nemine eorum discrepante, vniq; inspirationis Spiritus sancti, ipso Spiritu sancto, ut firmiter credebant, inspirante, subito, & repente, vna voce, & vno spiritu, vota sua dixerunt in Reuerendissimum in Christo Patrem & Dominum, D. Giraudum

Episcop. Valentinor. & Diensium. 327

randum de Crussolœo, Archiepiscopum Turonensem. Hic ipse est qui ter-
tio ante mortem mense, scripsit egregias constitutiones iudicibus Va-
lentinis. Tacere non possum, quòd pars ædis sacræ Antonianorum Dien-
sium ceciderat: ei instaurandæ, neque canonici, neque ciues (curionem
quippe habebat) se satis esse dicebant. Gerardus anno 69. 7. Nouembris, cu-
ram animarum ab illa transfert in templum S. Marix, & in certa cum Anto-
nians pacta conuenit. Moritur anno 1472. mense Augusti, die 28. & in
ejus locum sufficitur Iacobus de Batemay, vocant etiam de Lasternay, 11
die mensis Decembris, ex canonico S. Iohannis Lugdunensis & decano Gra-
tianopolitano Episcopus: sed non diu is sedit. Nihil de ipso scriptum lego
vltra diem 12 mensis Aprilis, anni 1473.

*Iacobus
Batema-
y.*

Iacobi successor fuit Antonius de Balsac, frater Roberti Agennensium
Senescalli, Prior ipse Cassiani in Bitertensibus: est domus canonicorum san-
cti Rufi. Auctoritate vnus Regis euicit à Romano Pontifice, vt sine canoni-
corum comitiis eueheretur ad Episcopatum, & post eum Ioannes Espinauius
electus est Dux, Valentix ante ipsum electus fuerat Baternauius. Peruenit ad
annum 1491. Hic ille est, qui Castrobuxo toparcham pepulit, quia nolebat
dicere sacramentum clientelæ. Carolus Bouerij implebat vices Correatij
Valentini. Ioannes de Genasco virum pulsauit ingenti suo damno. Etenim
post fatigata tribunalia iudicum penè omnium, Metropolitani, Summi Pon-
tificis, Curix Cratianopolitanæ, imploranda fuit homini benignitas Anto-
nij Episcopi, & tradendæ libræ quingentæ ad præstandum indemnem. Gui-
lelmus Antistes Tricastinus csericos totonderat, in adicula S. Desiderij, ad
Montilium oppidum Antonio inconsulto: hic litrem illi dicit, & tantâ con-
tentione agit, vt denique Guilelmus Guillioni Abbas Antonianus, à Sede
apostolica datus iudex, damnauerit sumpti contra fas sibi alieno loco impe-
rij. Denique, vt id non præteream, quod facit ad Cassenaticorum decus &
ornamentum, de gente antiqua & nobili Iacobus contendit cum Antonio
Episcopo. Res paulò altius repetenda est. Ex edicto Clementis dicti sep-
timi, Episcopus Valentinus annuatim pendit dynastæ Cassenatico 114.
florenos auri: Pedemontani ex pacto erant floreni, sed redemptores epis-
copales jam diu faciebant Valentinis, non exiguo Cassenaticorum derri-
mento. Dynastæ alius ab alio (vt armis semper floruit, vigustque gens) bel-
lis regum impliciti, domestica curare satis hætenus non potuerant, vt vel
redemptores vestigalium Episcopi, vel Antistitem ipsum decreto Senatus
Gratianopolitani redderent officio. Henrici duo, Aimari filius alter, alter pa-
rens, fortiter pugnâtes contra Anglos ceciderant: Franciscus Aimari ex filio
nepos, totam ætatem fuerat in castris regiis. Igitur, vbi à bello respirare po-
tuit Iacobus, Francisci filius, diem dicit Antonio Episcopo Gratianopoli.
Senatores edixerunt, qui Pedemontani floreni ferebantur, æstimari 30. solidis
vulgaribus, atque adeo 114. florenos eos, facere nummos aureos currentis in
Gallia monetæ 7. & 50. Senatus edictum nunc etiâ vim habet suam. Iacobus
autem apud Ludouicum Regem eo nomine XI. graciosus erat, vt pote cubi-
cularius, proque eo pugnauerat in Flandria, Brabantia, Leodiensi regione:
anno etiam 1485. alarum Dux Delphinati nobilitati fuerat, contra Ricar-
dum Regem Angliæ, Henrici quondam summi Proregis ex Antonetta Sa-
lassa nepos, & Francisci sub Regis oculis, cum fortiter ageret, cæsi in monte

*5
Ant. de
Balsac.*

6

Heraldi

7 Heraldj filius. Ab eo placet ad nos vsque deducere nobilissimam gentem, & censere clarissimos viros, qui per aorum conjuges oriuntur ex Regulis Delphinatibus, Salassis, Araucanicis. Iacobus genuit & alios, & Ludonicum, atque Franciscum: posteri Ludouici jam diu desierunt, ipse & Ludouico Aurelianensi primum Duci, postea duodecimo ejus nominis Francorum Regi fidiissimus semper fuit, & pro Rege pugnans captus est ad fanum Albin in Britannia. Francisco fuere tredecim liberi: Franciscum patri cognominem, & Iacobum pugnantem mors exceperit, illum ad Ticinum, istum Neapoli: Laurentius primogenitus per Antonium dedit nobis Gasparem Casenatici Marchionem, qui, cum scribo, Franciscum genuit: Antonius secundogenitus, Baro Montilij & Iseronis, Valentia & Viennae Gubernator, magnus terror Calvinistarum, per secundogenitum, cumque etiam Antonium habuit Alphonsum, qui ex Ludouica Latera de Charpey sustulit Iosephum, aliamque sobolem numerosam. Anno millesimo quadringentesimo nonagesimo primo, Claudius de Genasco Valentinus nobilitate generis clarus Claudiam filiam dedit uxorem Guilelmo de Piolenco seu Podiolenco Sanpirciteni, neque voluit soluere episcopo ferculum, quod dicitur, nuptiarum, & edicto senatus Gratiopolitani soluere coactus est. Podiolencorum gens nobilis & antiqua habet ab annis supra quadringentos oppidum S. Spiritus, seu S. Saturni de portu. Inuenio enim Raimundum de Podiolenco anno 1231. 1251. & denique 1278. venisse in pacta cum Petro Sabranio & Hugone Turmonio de equite cataphracto quem debebant regi Francorum; alterum Raimundum anno 1369. venisse in partem meritorum Dominicani ordinis ex concessione Eliae generalis; Adcodatum anno 1391. tenuisse quartam partem S. Iuliani de Campanis seu Peirolis, pro qua Raimundus pater anno 1365. se dixerat clientem Caroli Francorum regis; Guilelmum accepisse ab Alano Cardinali legato Auenionensi potestatem altaris portatilis; denique Ioannem & Carolum, conuenisse cum Raimundo cognato procuratore apud Aqueses regio anno 1583. Ex hac gente fuit nuper in Societate nostra iuuenis, gratiarum veluti manibus ad omnem noyrum suauitatem & elegantiam factus Alphonsus, quem mors praeperea nobis merentibus abstulit.

8 Ioannes d'Espinau ex nobili apud Armoricos familia, patre Ricardo, matre Beatrice Ioannis Montalbanij Franciae admiralli sorore, fit episcopus post Antonium, frater Andreæ cardinalis Lugdunensis, & Ioannis episcopi Nannetensis. Hujus antistitis electio, quam publicus scriba obsignauerat, incidit in meas manus. Iuuat hoc loco ponere, unde ceteros Episcopos legendi antiquam rationem intelligas. Balthemius Valentiae creatus fuerat ante Balthemium, ab vno Summo Pontifice factum agente Rege. Igitur debuit eligi Dux, Antonio mortuo, Episcopus. Ex literis sedium vniouis per Gregorium X. incumbere collegio Diensi monere canonicos vtriusque ciuitatis, Diemque euocare constituendo Praesuli. Rem egerunt per Ioannem Benedicti in haec verba: *Christophorus Artaudi Decanus, Lantelmus Fabri de Vercoreio S.S.A. Protonotarius Sacrista, Bertonius Faucheti, & Einardus Regis canonici Ecclesiae cathedralis B. Mariae Diensis, D. Ioanni Benedicti Presbytero & habituato dictae Diensis Ecclesiae salutem in Domino sempiternam. Discretionem vestram significamus, quod bona memoria Reuerendus in Christo Pater, & Dominus,*

nus, D. Antonius de Balsaco, quondam Episcopus Diensis & Valentinus, die 3. huius mensis Nouembrii, circa 3 horam, ut fertur, post mediam noctem, viam vniuersae carnis fuit ingressus, sicut Deo placuit, in prioratu de Amberia. Et quia in hac vacatione prouiso Pastoris debet fieri in dicta Ecclesia, seu Capitulo Diensi, secundum transactiones initas inter dictas Ecclesias, Valentinas, & Diensem: ne igitur Ecclesia nostra propter vacationem diuturnam grauem patiantur in spiritualibus, & temporalibus lesionem, diem 22. huius mensis Nouembrii, cum continuatione sequentium dierum, ad tractandum de futuri electione pontificii, & ad electionem celebrandam duximus statuendum in ciuitate Diensi, ad ipsamque diem Dominos Decanum, & canonicos Ecclesiarum Valentinas, & Diensis citari mandauimus. Quocirca vobis dicto D. Ioanni cōmitimus, precipimus, & mandamus, quatenus citetis peremptorie, & precise, praefatos dominos decanum, & canonicos Valentinos, & Dienses, si personaliter apprehendi possint: alioquin per affixionem copie praesentium, in valus dictarum Ecclesiarum, Valentinas, & Diensis, quos etiam praesentium tenore citamus. Anno millesimo quadringentesimo nonagesimo primo 5. Nouembrii. Haecenus illi. Venerunt Diem canonici 14. Nouembrii, sacra trabea induti, cereis praecedentibus, ad aulam Collegij sui pertexerunt, post auditam in Aede S. Mariae Missam de Spiritu sancto: celebrauerat Carolus de Grolea, decanus Valentinus. Ipso autem principio fecerunt suffragiorum collectores, Christophorum Artaudi decanum Diensem, Ioannem Chabrolis episcopum Aptensem, & sacristam Valentinum, Lantelmum Fabri sacristam Diensem. Postea varios sermones inter se habuerunt de summis toto regno viris, qui iis episcopatibus regendis viderentur idonei. Denique cotam scriba & suffragiorum lectoribus, singulis sententiam suam ex animi sensu, clam omnibus scriptam dedere. Decanus Diensis primus omnium ita scripserat: Ego Christophorus Artaudi, decanus, & canonicus Diensis, audita & intellecta multiplici fama, consideratisque negotiis Ecclesiarum, eligo in episcopum, pastorem & Ecclesiarum Diensis, & Valentinas, canonicis unitarum, reuerendum patrem egregiumque virum D. Joannem d'Espinau, in presbyteratus ordine constitutum thesaurium & canonicum Rhodensem, viriusque iuris professorem, Consiliarium D. nostri Francorum Regis. Haec Christophorus. Ceteri iisdem ferme verbis, omnes ad vnum, tulere suffragia omnino ad quindecim. Primi Ioannes & Lantelmus praefecti capiendis sententiis, tum alij, Valentini Diensibus mixti. Post data suffragia, Ioannes episcopus Aptensis publicam fecit electionem Espinaui; & primum collegis in ipsa confessus aula, deinde populo in aede sacra recitauit. Anno millesimo quadringentesimo nonagesimo septimo magister portuum Viuariensium nitebatur naufragia & aspagia capere in litore Rhodani per mandamentum Subdionis: & episcopus intrerecessit, prouocauitque ad senescallum Nemaufensem, sibi ea capiens ante omnem hominum memoriam. Modica quidem res haec alicui videbitur, sed verum non modici episcopalis iuris argumentum tacere ego quidem non potui. Suppar est id quod sequitur anno millesimo quadringentesimo nonagesimo nono. Petrus Sameonis mercator ibat Rhodano, & petiit ad Ioannem episcopum facultatem non constandi viagium salis prope currim pro consuetudine, & ei concessum est pro illa vice propter vim aquarum quae non patiebantur tunc accedere & constari. Sunt verba libri consiliorum episcopaliū. Id Bernardo Rondeleti non est concessum anno millesimo quin-

gentesimo octogesimo secundo. E medio Rhodano ad portam salis iussus accessit cum nauibus sale onustis *vt constaret*, inquit tabulæ tum de re confectæ, id est vt fune quo naues ab equis trahebantur soluto, eas ligarent ad vncum ferreum turri Constantiæ infixum per modicam temporis partem

- 9 Hæresis Valdensium tenuerat plures annos Cabeolum, Montem-Veneris, Barcelloham Alexianum, Caltrumduplum, Peirusium, aliisque pagos dioceseos Valentini. Quod primum fecit Ioannes, inito Episcopatu, fuit, quætere in erroris turpissimi sectatores. Christophorus de Saliente, vicarius episcopi, rem attentè gessit, ac fortiter: adiit loca singula: reos indagavit: pepulit suis sedibus magistros hæreseos. Habebat hoc proprium secta, quod specie sanctitatis blandiebatur hominibus, & vitæ exempla, ac doctrinam, ab ipsis Ecclesiæ Christianæ exordiis repetebat. Querebatur multa, & infinita, ac penè omnia Christianorum, ab facinorosis sacerdotibus inducta corradendæ pecuniæ, & exsatiandæ libidini. Misit per regionem episcopus, qui populum dedocerent errores. Atque, vt omnia fierent accuratè magis, & sanctè, hoc addidit, vt summus pontifex mitteret quæsitores. Sunt in archiuo episcopij Valentini publicæ, fidelisque tabulæ: totam causam habent Moneti Regis de sancto Mamato, cognoscente Antonio Fabri, viro docto & sapiente: erat Canonicus Ebredunensis, & ad id missus Roma. Opera duxi alicuius eas proferre. Scripsit Vincentius Gobaudus, scriba episcopi. *Dixit, & sponte confessus est, & sunt 15. anni elapsi, vel circà, venit ad eundem loquentem quidam Telmonis Pascallis de Bellorèspetu, eius affinis, qui sibi notificauit, quod in domo ipsius Telmonis erant duo boni homines, qui multa bona verba salutaria dicebant, dicendo sibi quod si vellet eos audire, quod veniret ad dictam domum, ubi eos inueniret. Quo audito, dictus loquens accessit ad dictam domum, ubi reperit duos homines, Ipso ingresso cum eis, vnus ipsorum hominum, scilicet antiquior legere cepit quosdam paruos libros, quos secum deferrebant, in quibus asseriebant, descripta esse 10. præcepta legû; & ibidem quam plurima bona verba dicebant, vt sibi videbatur. Et inter cetera dicebant, quod nemo alteri facere debet, quod sibi facere nollet. Item, quod solus Deus erat colendus, adorandus, & derpecandus: quia ipse solus est, qui potest nos iuuare. Item, quod iurare pro quauis occasione, vel causa, siue pro vero, vel mendacio, aut aliud quodcunque facere iuramentum, ubi poneretur ista locutio, per, erat magnum peccatum. Item, quod Sacramentum Matrimonij debebat firmiter, & fideliter custodiri. Item, quod bona opera, quæ fiunt ante mortem hominis, plus prosunt, quàm quæ fiunt post mortem. Item, quod homines maritati abstinere debebant ab actu carnali, tempore menstruo so, & etiam diebus Veneris in honorem Dei. Item, quod Sancti, nec Sancta, non erant deprecandi in nostrum auxilium: quia non poterant nos in aliquo iuuare, nisi solus Deus. Item quod dies Dominicales super omnia alia festa debebant solemniter coli: alia verò festa dicebant fuisse per Ecclesiam inuenta, quæ non erant de necessitate colenda, imò poterant aliquid operari in eisdem, exceptis festiuitatibus Apostolorum, & aliis maioribus, quas non exprimebant. Item quod viri ecclesiastici nimias habebant & possidebant diuitias, atque bona, vltra quàm oportebat, ob quod mala multa faciebant: quorum aliqui causantibus eorum superfluitatibus, & bonorum abundantiis, erant feneratores, vsurarij, superbi, & auaritia pleni: alij verò nimis liberaliter, & inonestè vivebant, tenendo meretrices in domibus suis palàm & publicè, sic ma-*

lum exemplum ostendendo in populo. Item, quòd prædicti sacerdotes, eorum causante malâ vitâ, non habebant maiorem potestatem absoluendi, quàm habebant ipsi prædicatores, siue huius sectæ magistri; imò ipsi magistri, siue prædicatores, licet essent laici, habebant tantam potestatem, sicut sacerdotes & ecclesiastici. Item quòd melius & magis meritorium erat dare elemosynam vni pauperi leproso, aut infirmo, vel indigenti, quàm offerre in ecclesia sacerdotibus diuitibus; etiam quia non obseruabant sanctitatem, quam tenebantur. Item, quod omnes aque fuerant semel à Deo benedictæ, & quod non erat necesse, aquam iteratò benedicere à sacerdotibus, quia nihil plùs valebat vna, quàm alia. Item, quòd in vanum & frustra 10 erat orare pro animabus defunctorum, ex eo, quia, quando aliquis moritur, anima eius tendit illico, & incontinenti, ad paradysum: si vero malè, ad Infernum. Item, quòd; nullum poterat fieri aliud melius ieiunium, quàm ieiunare diebus Veneris: idèò exhortabatur eos, qui ibidem erant, vt quantum possent, ieiunarent ipsis diebus in honorem Dei. Item quod frustrâ erat accedere ad imagines Sanctorum, & Sanctorum, orando coram eis: quia non erant nisi res materiales facta de nemore, aut lapide, vel depictæ, non audientes, neque intelligentes, & aliàs nihil potestatis habentes. Item, consulebant, & admonebant omnes ibidem existentes, quòd quantum eis possibile esset, maritare & nubere staderent eorum filios, & filias, inter eos, qui scirent esse de secta huiusmodi. Item, quòd ipsi prædicatores, seu magistri, & sacerdotes siue viri ecclesiastici vno semel processerunt, & eodem ordine siue consortio: sed, quia ipsi sacerdotes insequi voluerunt auaritiam, & voluptates mundanas; & ipsi prædicantes, siue magistri remanserunt in eorum paupertate, quam hætenus obseruauerunt; & propterea fuerant ordinati per Deum, ad eundum per mundum, prædicando veram fidem catholicam ad instar Apostolorum: sed ne offenderentur à malis gentibus, necesse erat eis incedere cautè, & securè. Item dixit & sponte confessus fuit, quòd ex post factis prædicationibus prædeclaratis, ipse qui prædicauerat, se inclusit infra quamdam cameram, dicendo sibi quòd accederet ad eum, vt eidem confiteretur, quia erat sanctus, & iustus vir, habens magnam potestatem: quod & factum fuit, & confessus est eidem genibus flexis. Deum facta confessione ipsum absoluit, ad modum sacerdotum manum ad caput imponendo. Interrogatus, quam pœnitentiam dedit sibi dictus prædicator, dixit, & respondit, quod sibi iniunxit dicere magnam quantitatem de Patris nostri, tantum quantum dicere posset, & faceret aliquas elemosynas infra suam possibilitatem. Post multa sequitur: Interrogatus, quid dabat dictis confessoribus, siue prædicantibus, dixit, & respondit, quòd dabat eis aliquoties duos, aut tres grossos; & ipsi prædicatores, siue confesso- 11 res dabant sibi aliquandò certam quantitatem acuum, siue d'aguillas. Hætenus dixit Monetur Regis, scribente Gobaud. Claudius Darlet anno proximè superiori, Cabeoli, quærente Officiali Valentino, adiunxerat duo ab Valdensibus asseri, quæ nolo prætermittere; exequias sibi quemque parare debere, ac facere ante mortem, quando vitâ functis non prodesse: suæ sectæ autorem esse pontificem Romanum illum, qui, cum ab ciuibz vrbe pulsus fuisset, nescio quam regionem adierit; ex eius disciplina ortum Valdensem. Quâ utrâque sententiâ nihil incredibile magis, aut ridendum cogitari potuit, vel fingi. Ea tamen, aliâque id genus docebant viri ad grauitatem compositi, vnum Deum, & veram pietatem buccis crepitantibus resonantes, ad sacra loca peregrinantium vestem induiti. Agnes Saulsa sanctè iurauit speciem illam pietatis fuisse. Rogata

Cabeoli Christophoro respondit: *Quando veniunt, oportet, quod bibant de meliore vino, quod sit in penu: pariter, quod habeant de melioribus caponibus, & quod cubent in meliori lecto totius domus; & quod mundent eorum camisias.* Iacobus Lecureus animaduertit, venire solitos Cabeolum circa dies festos Pentecostes, aut Corporis Christi. Pedemontani fermè erant, vel Longobardi, vt videas falli Perrinum, quando in Valdensium historiis dixit, è Delphinatu in Pedemontanam regionem propagatos: nam, quod adiungit pagos esse in comitatu Valentino, qui ab pluribus centenis annis seruauerint eorum doctrinam, vt qui Falconum dicitur, & Bellitrespectus, atque ad Cristam Balma, est contra fidem totius regionis. Falconum autem villa fuit nomine Borberia, non pagus: rure habitabant Falcones agricolæ, sub vno patre plures filij, nepotisque cum rustica familia. Putauerim autem Valdenses esse, qui Petrum, & Castellatum Franciscanos peremerunt, de quibus Ieremias Buchius ita scribit: *Valentie iacet F. Petrus Martyr, qui ab hæreticis propter officium inquisitionis, ipse, & cum eo F. Castellanus martyrisati sunt.* Neque enim alias, ab fundatione Franciscanorum, inuenias vel hæreticos ante nostrorum temporum Calvinistas, vel de hæresi, quæsitores in regione Valentina.

12. In superioribus editionibus ita scripsi. *Mortuo Ioanne tertiâ Ianuarij anno 1503, coorta est grauissima contentio inter canonicos, alijs Gasparem à Turnone, alijs Urbanum de Miolano eligentibus in Episcopum.* Vnde acceperim contentionem istam euenisse mortuo Ioanne non inuenio. Apud Salignonem longè alia lego. *Ioannem d' Espinay, inquit, ob prudentiam Ludouicus duodecimus Francorum Rex inuitauit, vt Presidens esset in curia Normanna, quam ex scacario senatum fecerat. Huic successit magnificus Carolus de Turnone, virtute ac nobilitate præclarus, qui si diu in episcopatu vixisset, futurus erat pater & Ecclesie & patrie Valentine. Quo defuncto ipsum episcopatum obtinuit eius magnanimus frater Gaspar à Turnone, &c. is quieuit in pace anno 1520 mense Aprili.* Ex Salignone intelligis Carolum Turnonium Espinaio successisse per modicum tempus, & Iacobo Gasparem fratrem, neque morte Espinaij, at cessione, episcopatum vacasse. Igitur non Espinaio, sed Carolo mortuo, grauissima contentio coorta est inter canonicos annò 1500. die 3. Ianuarij alijs Gasparem à Turnone, alijs Urbanum de Miolano eligentibus in episcopum. Conuenerant ad quatuor & viginti, Alexiani primum, deinde Romani, ac denique Valentia, vbi pestis infamia laborare desisset. Cùm ad dicendas sententias ventum esset, 17. Martij sexdecim ex illis maior pars, dixere Urbanum Antistitem; octo reliqui, portio magis sana (hoc enim nomine se iactabat) Gasparem: vtunque absentem, illum archidiaconum Valentinum. Hic miror, quòd Petrus Raboti decanus Diensis publicam fecit electionem Urbani, & cùm postea res peruenisset ad iudices, Christophorus de Saliente decanus Valentinus, Sede vacante vicarius, pro eodem Urbano pronuntiauit: nam vterque Turnonium dixerat episcopum. Sed Petro comitiorum præsidi, & Christophoro iudici visus est tum recitandus, quem maxima pars Canonicorum elegerat. Christophori edictum probauit primo Iulij Guilelmus Palmerij ad rem cognoscendam missus ab archiepiscopo Viennensi: traxit eò inuitum quoque electorum ille numerus. Verùm archiepiscopus ipse (erat Antonius de Claramonte) postea sub nomine primatis, tum Summus Pontifex, tum denique curia Gratianopolitana, semel atque iterum, prætulere Urbano Gasparem.

Nocuit

Episcop. Valentinor. & Diensium. 333

Nocuit Urbano atas, nondum agebat annum 26. Gaspari profuit Sacerdotium, quo superabat Urbanum. Sed vna, scilicet, Regis voluntas rem confecit, Primate, Summo Pontifici, Curia spectata; ad quam canonici suos sensus accommodare debuerant, sicuti Humbertus Maritanagensis pro Gaspare demonstrauit: ostendit quippe mandata Regis fecisse, ut Ludouicus Pictauensis, Gerardus Cursolius, Iacobus Baternaius, Antonius Balsacus, Ioannes Espinaus, seu à canonicis Principem suum verentibus, seu à Romano Pontifice Christianissimis Regibus hoc indulgente legerentur. Dux Sabaudia scripserat pro Urbano Romam, virum esse sibi charissimum, & ex utroque parente ducere originem de nobilissimis Comitibus: corrupte ea commendatio totum negotium; suspitionum, & inuidia plena res visa est, talem ac tantum virum præponere Gallo sacerdoti, orto de gente ad Valentiam ipsam latissimè imperante in certum Ecclesiæ præsidium: quod quid aliud esset, quàm in Gallicano negotio, non Regis ipsius Galliarum, sed Sabaudia Ducis nutum attendere? nam, si spectaretur nobilitas familia, Turnonia (quod paucis, aut fors nulli dynastarum concedas) suos regebat populos ante mille annos, & sanctissimum Lugdunensibus Præsulem dedecorat iustum, qui cum magno Ambrosio fuit in Aquileiensi Concilio, Gallicanorum Episcoporum nomine. Urbanus tamen ita obstinauit, & tanta viliter duxit, ut toties damnatus, porro voluerit anno 1205. totam causam ab ipsis initis repeti, per Gratianopolitanos Senatores. Quid? quòd omnibus eorum calculis iterum damnatus, seruauit nomen Episcopi. Quod mirere, anno 1515. iuit ad Synodum Lateranensem, sub Leone X. cum Ioanne de Sabaudia Episcopo Geneuensi; & 4. Maij se dixit electum Valentinum, cum in frequentissima Synodo recitarentur literæ Ducis Sabaudia. Verùm Concilio non subscripsit, & Gaspar egit Episcopum Valentia, Diæque, ab anno 1504. ad 1520. quo diem extremum obiit.

Ioannes de Lotharingia Gaspari Tumonio successit, Electus Metensis, 14 Cardinalis S. Onufrij, & tum decanus Cardinalium. Paucos annos tenuit Sedem vtramque: Franciscus quippe Cardinalis de Claromonte, & Auenionensis Legatus, post eum sedebat anno 1524. qui septimo post cecidit Episcopatu, sub finem Septembris, Antonio de Væsko sororis filio. Legoministros istius episcopi Cardinalis, suscepisse duo à me commemoranda. Anno 1530. die 24. Decembris fecerunt, ut Antonius Vialis pro non soluta clielliariorum asinorum opera, Dominicis ab omnium sanctorum festo usque ad festum natiuitatis Christi diebus, damnaretur septem grossis: sequente autem post anno, concessere piscatoribus propter nimiam vim aquarum Rhodani ut non piscarentur nocte, quæ feriam sextam hebdomadis sanctæ consequitur. Vide quid ministerij debeant episcopo hi homines. Eo anno tricesimo primo Franciscus tradit Valentinum, & Diensem episcopatum Antonio de Væsko sororis filio, ad Narbonensem Archiepiscopatum euectus; antè Valentinum habuerat Agathensem: legationem verò Auenionensem obiit usque ad annum quadragesimum. Per eam sæculi anno vicesimo septimo fecit ut Clemens septimus Romanus Pontifex poneret in beatorum numero Petrum de Luxemburgo, & Ludouicum Allemandi Cardinales: & illius etiam corpus, ipse de humo sublatum Auenione proposuit oculis & venerationi mortalium.

*Ioannes
Card. de
Lotharingia.
Francis.
Card. de
Claromonte.
Ant. de
Væsko*

15 Antonius de Vaëſco fuit filius Caroli de Vaëſco & Antonettæ ſeu Antoniolæ de Claromonte; Carolus autem Stephani Senefcalli Belliquadrenſis, quā ſibi charum in paucis Carolus VIII. Francorum rex Neapoli reueſurus in Galliam, ubi præfeciffet illius regni ærario, creauerat ducem Nola, & Antonetta Triſtandi, quem genuerant Pontius de Caſtelnaud, & Antonetta de Claromonte Lodeux, è qua antiquiſſimum Claromontis nomen acceptum, adhæſit poſteris. Triſtandus habuit in matrimonio Catarinam Ambroſianam ſororem Georgij illius Cardinalis, qui rem Gallicanam ſapienſiſſimè ſub noſtris Regibus adminiſtrauit. Antonio epiſcopo Balliuus anno triceſimo ſæculi inſpexit, parauitque vias regi Valentiam adituro. Quoniam de Balliuo dicere locus poſtulat, addo eum anno milleſimo quadringentiſimo ſexageſimo, die viceſima nona Maij edixiſſe viris nobilibus vt ſe ad bellum pro rege agendum pararent. Sed celeberrimum eſt quod ejus ſæculi anno triceſimo octauo, die 3. Nouembris fecerat, is erat Guilelmus de Piſtauia. Ioanne epiſcopo monente inſpexit muros vrbiſ & burgi Valentia præſentibus nobili viro Ioanne Palmier Syndico & Ioanne de Creſt mercatore; variâque decreuit & mandauit latomo fabrôque lignario ad id vocatis: curauit etiam bombardas, variâque armorum genera; atque ciuibus ad ſeptem ſupra octingentos ſua imperauit arma, & ceteris quoque 2. marcas argenti quas poſtea mutauit octo florenis monetæ currentis. In ciuibus cenſetur Petrus Filue: hoc aſſero quia gente nobilis dicitur. Sed vide opes Ioannis de Genafco nobiliſſimi ciuis, cū ipſe Balliuus aſſerat ſe tres milites inſtructurum armis, imperat ei omnino ſex militiæ paratos. Placet vnum addere ſuper Balliuo epiſcopi is anno quadrageſimo ſupra milleſimum quadringentiſimum, die decima quarta Septembris ediſto prohibuit vnum proponere triticum publicè ante meridiem. Sed ad Antonium epiſcopum redeamus: dicitur ad Valentinum & Dienſem epiſcopatus adiunxſſe Caſtrenſem. Peruenit ad annum 1537.

16 *Iacob de Turnone* Iacobus de Turnone ſedit poſt Antonium, de fratre Gaſparis ante Lotharingum Cardinalem Antiftitis natus. Sedere cœpit ineunte anno 1537. deſiit poſt 1553. Anno 1540. Rex voluit, vt Senefcallus Valentinus (habet ille tribunal in oppido Montilij) cauſas beneficiorum eccleſiaſticorum cognosceret. Is ſupra regia mandata quærebat de capitalibus, ceteriſque, etiam per diœceſes Valentinam, & Dienſem. Iacobus ſe peti videns, ſuâque jura infringi, poſtulat à Senatu Gratianopolitano Duum-viros, apud quos deponat ſuas querelas. Hi Diæ, ac Valentia longum morati, & audiis poſt ſacramentum plurimis teſtibus, decreuerunt Epiſcopo eſſe Valentia, eſſe Diæ, qui Senefcallum ageret per Iudicem, à quo ad ſummam Curiam, ſine mediâ vllâ prouocatione iretur. Arque igitur, qui Montilij pro Senefcallo ſedet, juſſus eſt ceſſare à Iacobi injuria. Sequenti anno cū Correarius Valentinus de nocte ageret per urbem excubias, occurrit neſcio quibus arma ediſto vtrita ferentibus; & expoſtulatione ſua ad Iudicem, fecit vt ea ipſi adjudicaerint. Hoc attuli, vt videas quæ ſint Correarij jura. Ex occaſione autem armorum & excubiarum quæ dixi, poſtulo vt mihi liceat addere ſequentia, ne non proſus indigna ſcitu pereant. Anno milleſimo quingentiſimo ſeptuagēſimo ſexto Monlucius Antiftites arguit Dienſes per epiſtolam, quòd die viceſima tertia Nouembris arma ſe inſcio cepiſſent. Anno quadrageſimo nono

Episcop. Valentinor. & Dienſium. 335

nono ſuprà milleſimum quadringentefimum die 13. Maij, iudex epiſcopi dat nescio cui facultatem tradendi armorum diſciplinam: nono autem poſt anno correarius vocat ciues Valentinus ad excubias & portarum incenium-que vrbiſ cuſtodiam.

Anno 1543. Iacobus epiſcopus iubet inſtaurari vias publicas, quæ cau- 17
ſæ ſuaſerint hoc mandare non inuenio. An ipſas ſibi ſubiectas eſſe docuit: certè anno triceſimo quarto ſuprà milleſimum quadringentefimum, cùm conſules inſcio epiſcopo vnam earum interrupſſent, deducendis Charano Valentiam aquis fontanis, Ioannes de Piſtauia tum Antiſtes iuſſerat princi-
pio ſiſti, deinde poſt petitam à conſulibus veniam perfici. Poſt quatuor an-
nos Iacobus Iauellus aduena extremum dieni exheres obierat: & caducia-
riâ lege omnia ipſius addicta ſunt Antiſtiti; quòd ipſum anno decimo ſexto
ſuprà milleſimum ſexcentefimum factum eſt bonis Guigonis Cotavi, poſt
edictum ſenatus Gratianopolitani antè ſex annos lati. Anno quadageſimo
turbatum aliquid erat in conſtitutione conſulum Valentix, & ciues ſuppli-
ces ab epiſcopi abſentis vicario poſtulauere, vt ſibi liceret perficere eorum
creationi comitia. Scilicet ab omni memoria uſque ad curiæ præſidialis fun-
dationem vicarius epiſcopi præfuit creationi conſulum, & abſente vicario
balliuus, iſtoque impeditè iudex.

Anno 1551. omnia turbabant hæretici per Gallias. Henricus Rex, 17. 18
Februarij, ſcribit ad epiſcopos, videant, ne quid detrimenti patiatur Chri-
ſtiana fides, & vera concordia populorum. Iacobus rem accuratè geſſit Dix;
ac Chriſtæ: quid fecerit Valentix, ignoratur. Dix adegit ad ſacramentum ec-
cleſiaſticos viros, & ciues nominis alicuius. Omnium communifſia voce
accepit homines 4. infimæ notæ, neque plures, nullum indigenam, religio-
nis violatæ reos haberi. Iordanum Giton, Gaſparem Andream, Berbeierium,
& Bouriam. Digni proſectò laude ciues, & à me commemorandi, qui ad
æternum dedecus filiorum, urbem nunc hæreſi perditam, omni errore pur-
gatam ſuis temporibus ſeruauerunt, Ludouicus Second, & Ioannes Plante,
Conſules; Antonius Peirol, Antonius Charenci, Raimundus Apays, Tho-
mas Garcin, Ioannes Albert, Conſiliarij; cum nobilibus viris, Fabris Vercor-
ciis, Antonio, Iordane, Gaſpare Antoni j filio; Carolo Ionio Pennarum to-
parcha, & Antonio Perdrice. Dia Chriſtam iuit Epiſcopus: accepit conciona-
torem impiè locutum ex ambone de verbis Eucharifticis, & Baptiſmi care-
moniis; ceterà rem Chriſtianam feliciter habere.

Ioannes de Monluc, mortuo Iacobo, litteras de Epiſcopatu accipit ab 19
Summo Pontifice anno 1553. moritur 1560. iacet Tolofæ in S. Stephani
odeo. Vir excelli animi, culti ſermonis, fundatiſſimi iudicij, Italiam, Germa-
niam, Angliam, Scotiam, Poloniam, Conſtantinopolim, & denique vniuer-
ſam penè Europam legationibus pro Rege peragravit. Eas obiit omninò ad
15. Ad preces Germanorum Imperatoris fecit, vt Turca ceſſaret ab armis: Ma-
riâ Scotiæ Reginam Cancellarius iuuit conſiliis. Celeberrima legatio fuit, &
per totū orbem notiſſima, qua in Polonorū comitiis. vicit vt Henricus, Dux
Andium, poſt ea tertius eius nominis Francorū Rex eligeretur in regē, ac Mo-
ſchorū Duci, Principi Ruſſiæ, Erneſto Maximiliani Germanorū Imoeratoris
filio, Sigifmundo filio Ioannis Suecorū regis, & nobiliſſimo Polonorū Pia-
ſte, præponeretur Varſouiæ an. 1573. tã certo comitiorum cōſenſu, vt de trigin-
taquinque

traquinque millibus Electorum, quingenti tantum principio deflexerint ad alios, qui postea ad Henricum accesserunt die 9. Maij. Res fortiter ac feliciter gestæ, & scilicet ingenij summa decora fecerunt, ut Ioannes chatissimus esset Henrico II. Francisco II. Carolo IX. Henrico III. & Catharina Henrici II. vxori, ceterorum Regum matri: Valentinam Ecclesiam ad mortem vsque tenuit charus Regibus, regnoque necessarius: demum in Societatis IESV manibus sinuque animam efflavit Tolosæ.

²⁰ *Carolus Leberonius.* Carolus Leberonius è sorore Monlucij genitus, ex Abbate sancti Rufi Episcopus, moritur Patauij in Italia anno millesimo sexcentesimo secundo. Turbarum quippè seditionisque perturbatus, & rebellionis Hæreticorum totis Diensum ac Valentinorum regionibus, maluit mutare solum & apud exteras gentes degere, ac mon. quàm videre populos suos ruentes in hæresim, fidemque efferti se coram vir rectus, & timens Deum, atque ingenij mitissimi. Fuit, cum neque domum suam habere potuit Dix: fuit, cum neque pro morituro seruo facere ad priuaturn altare licuit.

²¹ *Petrus Andreas Leberonius.* Petrus Andreas de Leberon successit Carolo patruo, anno desinit viuere Præsul animi candidissimus, & antiquæ virtutis. Fidem ille Catholicam tota penè vtraque diocesi, virtutem pluribus locis jam multos annos exulem, reuocare contendit. Per regiones suas sæpenumero pedes iit, docuit in publica platea, innocentissimum corpus multo jejunio, crebrâque maceratione castigauit. Quem ille laborem refugit, quæ pericula non adiit, quorum odia furorémque formidauit pro re Christiana tuenda? Curioni decimas negabat toparcha Treuiensis Hæreticus, atque obstinanti petere durus imminebat, & grauis; minitabundus etiam non raro frangebat verba, manusque intentabat: denique aliquando seuocauit in penetralia, veluti daturus decimas importunè instanti, & domi suæ in abdita parte semotâque incautum peremit. Impium facinus non potuit latere diu plebem. Hæretici, maxima pars, risere crimen, arbitrati suorum potentia posse pœnam vel declinari, vel obrui. Catholici, portio minima, & contempta, ingenuè taciti: sed Petrus Andreas videns peti religionem in Sacerdote, minime dissimulandum putauit: it Gratianopolim, Senatus fidem implorat, neque labori, neque sumptibus parcat. Quibus blanditiis, quibus minis non egerunt viri totâ Galliâ summi, ut ab actione desisteret, seu illecebra pecuniarum adductus, seu ingentis alicujus periculi, ac priuati etiam damni metu adactus? Vir constans animi, certusque virtutis stetit inflexus: *Sanos (inquit) habemus Iudices: nulli sumptui parcam: superimpendam quoque sanguinem, si in latronem incidero.* Igitur constantiâ suâ, animique firmitate perfecit, ut pœna sceleri responderet: iubente Senatu ceruices ²² homini sicario fractæ sunt. Longè majores etiam animos præbuerat ante Dix. Tota ciuitas errore cæca, Comitem Episcopum admittere dubitabat, arcis Gubernatore Hæretico sic agente: patientiâ tamen suâ vicit, ut in urbem postliminio rediret etiam Clerus, & frendentibus Calvinistarum Ministris, publicus cultus Ecclesiæ redderetur. Ipse aliquando in veste pontificia, non dubitauit extra templi Sanctæ Mariæ fores compellere plebem hæreticam, & docere; atque perrexisset in apostolico munere, si Calvinista turbas non excitasset. Timuit vrbî ex seditione, & suorum consilio seruauit se Catholicis, alioqui de se paratus animam ponere pro suis ouibus

ouibus bonus Pastor, & Christo cadere victima pro fide. Quid eam per reliqua integritimi prefulis opera? sed nolo pratermittere summo consilio fecisse, vt anno decimo supra 1600. acciperet à Ludouico XIII. rege literas, quibus omnia ea firmarentur quæ Ludouicus de Pictauia pactus olim fuit cum Ludouico Delphino primum, deinde vndecimo Francorum rege, & alij episcopi egere cū alijs regibus aut ab ijs accipere. Audi Regem. *Concedimus ei & confirmamus omnia & singula priuilegia, conuentiones, pacta, libertates, immunitates, ipsi & alijs ante ipsum episcopis concessa, &c.* Neque ei aliquid detrimenti ex eo esse volumus, quod decessores ipsius nullam eiusmodi confirmationem acceperunt à Carolo & Henricis ante me regibus, &c. Scilicet ea fuit à Francisco II. rerum in Gallia perturbatio, vt episcopi Valentini nullam à regibus post ipsum confirmationem istiusmodi postulauerint.

Carolus Iacobus de Leberon, ex fratre Petri Andreæ genitus, ingreditur primum Valentiam iam Episcopus anno 1624. 6. Februarij; Diam anno proximè sequente, mense Aprili, die 6. Leberonij sunt de gente Gelasia, cui nomen ab Gelasio pago olim, castelloque in Vasconibus, ruinâ ingenti, & vastis ruderibus noto. Nunc primus post decimum est, ab eo, qui Leberonia stirpis antiquæ vnicum germen filiam accepit. Ex eo coniugio sub nomine Leberonio (gentile Gelasium maioribus natu minimus fratrum ex connubialibus tabulis reliquerat) sobolescente progenie, per longam seriem nepotum descendit Carolus Iacobus Antistes Valentie, & Dix, atque Abbas Bonæcumbæ in Ruthenensibus. Cæsis duobus fratribus, magnæ spei iuuenibus, & bello notis, reliquum vnum habebat, cū hæc primum scribebam Marchionem d' Ambres, qui pro rege Tolosam tenebat superioremque Occitaniam, spectatus armis & pace; Vignolæ, atque adeo Hiræ iam ab Carolo VII. notissimæ familiæ per coniugem hæres. Episcopus vir pectore infractus, ingens animis, quid non contra Calvinismum tentauit? Ante aliquot annos Pontaisij, & Liberone Calvinianos pepulit templo, quod diu tenuerant latrocinio Catholicis ereptum. Inerme pectus proponebat Hæreticorū furori, sine milite sine comitatu. Armatus scilicet de Apostolo lumbos virtute, pectus iustitiâ, pedes Euangelio pacis, caput salutem, manus spiritu, quas non intraret hæreson turbas, & caderet? Vidi ipse per inhospita Treuensium, ac Dionsium loca, fugientibus ad viri nomen erronibus, & Hugonottorum Ministris, sua Christo omnia restituere, templa, prædia, Sacerdotes.

Salientem præterea, Camelotium, Plouuerium, multos ad Diam, & in Vercorciis agros, Castellionem denique, oppignerata redemit magnâ pecuniarum vi: Valentie Dixque domos episcopales restituit, tetreūmque aggerem illum Valentie spectatissimum firmavit, & dimidio ampliavit: Alexiani domum situ visendam emit; & episcopis in agro sedem parauit. Am borum episcopatum loca singula pedes adiit, accuratèque in spexit: pluribus annis aluit suis impensis Valentie clericos duodecim, seminarium Sacerdotum suæ vtriusque Diocesis. & archiuum vtriusque episcopij spoliatum restituit, consulum distinxit ordinauitque: hospitio, vt vocant, accepit Valentie Recollectos; domo etiam moniales, quæ quidem à B. Mariæ visitatione nomen habet Montilij, & Cristæ; quæ autem appellantur à S. Vrsula Cristæ, Cabeoli, Dix, Valentie.

An quæ per tribunalia iudicum Gratianopoli, Tolosæ Parisiis vehemēt-

ter & magnis animis egit, commemorare debeam, hæsi aliquamdiu. Scio futuros qui ea damnent, neque miror, cum alia aliorum hominum studia sint; & ea maximè omnes & vituperemus & abjici velimus quæ nobis aduersari putamus. Sed mihi scilicet de rebus gestis Valentinorum & Diensium episcoporum scribenti istam operis suscepti partem prætermittere non licet. Quod ceteris historicis semper datum est, hoc vnum peto, ut possim sine cuiusquam offensione recitare ex vero quæ gesta sunt. Fuit Carolo Iacobo apud iudices contentio de iuribus episcopi, in vniuersitate, cuius est cancellarius; in vrbe, præsidio instructa, cuius Dominus & Comes est; in foro prædiali curiâ aucto, cuius hæcenus caput fuerat.

- 26 Igitur, ut ab ultimo articulo inuidioso maximè & plurimum impedito incipiam, res paulò altius repetenda est. Episcopus ante annum millesimum Comes Valentia, dum in vrbe stetit Germanorum imperium, summus quoque ipsius princeps eâ fuit ratione, qua Colonia, Herbipoli, Moguntia Episcopus princeps est; habuitque *commune forum*, ut loquebatur Fridericus anno millesimo centesimo quinquagesimo septimo, *agentium & sustentium causas tam ciuilitè quàm criminaliter: nullisque Comes præter ipsum, aut Iudex, nisi ab ipso constitutus legem in eâ facere præsumpsit.* Quam iurisdictionem exponens Fridericus secundus anno millesimo ducentesimo tricesimo octauo docet, *tam in ciuitate Valentia & suburbis, quàm in Castris, & villis propriis Ecclesie causas, tam ciuiles, quàm criminales per se, vel officiales suos audiuisse, proditores, homicidas, adulteros fures, latrones, perjuros; & quoscumque in criminali causa, &c. tam corporaliter quàm pecunialiter puniuisse, &c.* Hæc etiam omnia potuisse per omnia alia loca episcopatus Valentini exercere, per appellationem ad illum factam, vel in defectu dominorum. Iam anno millesimo quadragesimo quinquagesimo sexto, Ludouicus Pictauensis episcopus, laudabilibus, ut ipse profitebatur, *respektibus vtilitatem Ecclesiarum suarum plurimum concernentibus, recognouit Ludouicum Caroli septimi Regis Francorum primogenitum Delphinum Viennensem, Comitèque Valentensem & Diensem, suum dominum superiorem, eidemque homagium ligium & fidelitatem præstitit de tota temporalitate suarum Ecclesiarum.* Delphinus, concessit ei Pisantianum, in contemplationem dicti homagij, & comprobauit confirmauitque omnia antiqua vniuerso episcopatu jura, etiam iurisdictionem iis ipsis vocibus expositam, quibus Fridericus secundus vsus fuerat anno millesimo ducentesimo tricesimo octauo, nisi quòd *ad iudice appellationum non alibi quàm ad Parlamentum Delphinatus recurri vel appellari voluit; promissique bonâ fide in verbo principis & alia, & nihil in præjudicium iurisdictionis episcopi attentare; reuocatis in irritum quidquid in contrarium fieret.* Anno autem millesimo sexcentesimo
- 27 tricesimo sexto Ludouicus XIII. Francorum rex, præsidiale cum senescallia tribunal præcedente anno erectum Anicij, transfert Valentiam cum potestate dicendi jus totis Valentia, Dix Cabeoli, Stella finibus; & audiendi prouocationes à Senescallis Montilij & Crista, balliuis Sanmarcellini & Buxi, iudicibusque vniuersi quam latè patet, Viuarij, ac denique iudicandi de causis beneficialibus & rebus tam ciuilibus quàm criminalibus ad ciuitatem Valentiam ejusque doctores, discipulos, membra pertinentibus,

& anno millesimo sexcentesimo tricesimo septimo, huic tribunali Senescalum imponit Veinium. Carolus Iacobus Leberonius episcopus ei tribunalis translationi intercedit, pro eo solo capite quod episcopatus & Ecclesias Valentie Diaque contingit anno millesimo tricesimo octauo, die decima Nouembris; & Lausono, ad quem rex miserat Anicio translatum constituendum Valentie, addit in hæc ipsa verba: Non enim venire possit cuiquam in mentem tantam Ecclesie Dei cladem inferri conscio seu rege, seu præcipuo regis ministro. Zelus præque charitas utrique quotidiana faciunt, Lausone, ut sperem te in opere non perreclurum, quod ipsis insciis, & sine omni iuriam episcopatus Valentini cognitione demandatum fuisse credibile est, & Ecclesiam Dei sponsam in suarum rerum vsu ac possessione relicturnum. Et certè posteri non immeritò mirarentur & obstupeficerent, si per tempora Ludouici Regis adèd & Christiani & iusti, diuineque bonitati plurimum obnoxij, quæ etiam non ita pridem nostris Francorum votis & præcibus Delphinum dedit, episcopus in ipso Delphinatu spoliaretur bonis, & honoribus jam olim à regibus, imperatoribus, aliisque principibus viris pro animarum suarum redemptione, & votorum executione concessis. Legimus in nostris annalibus Carlomannum à Carolo Caluo patre missum in carcerem, quia, cum esset Abbas, neglexerat sua monasteria; & episcoporum bona euerti per incuriam fuerat. Enimuero scilicet res Ecclesie multum differunt à ceteris: hæc in publicos vsus impendi possunt; illas neque recipies, neque minues sine importuno crimine grauique sacrilegio; cuius apud Deum omnium æquè hominum iudicem reus agaris. In secundo huius ciuitatis Valentie Concilio, ad petitionem Guntranni Regis Patres edixere, ut quodcumque rex concefferit Ecclesie, ei proprium sit, neque ab aliis post ipsum regibus minui tolliue possit; qui regum contra egerit, veluti necator pauperum (sunt ipsorum verba) perpetui iudicij Dei anathemate plectatur, ut veluti sacrilegij perpetrator, criminis sui reus, supplicio æterno teneatur obnoxius. Hæc ille in sua intercessione typis mandata. Eadem postulauerant, 28 & alij, & Ventadurius ac Sullius duces, Vicecomitissa Priuasi Viuariensium, Comititia totius Occitanie: sed tam æqua visa regi est querela Valentini Episcopi, ut ceteris rejectis vnam ipsius admisierit, & secundum eam anno millesimo sexcentesimo tricesimo nono, die duodecima Iunij sententiam tulerit relata in acta principis à senatu Gratianopolitano; ac Episcopo Valentino sua omnia iura restituerit. Et quidem res omnis confecta videbatur, sed ab eo tempore ad hanc vsque diem magnis partium studiis semel, iterum, atque pluries agitata, versatæque tam variè est, ut quo demum loco sit constituta nemo facillè dicat. Primum quidem enim illa regis pro episcopo sententia, vbi per octo consiliarios regios, & vnum supplicum libellorum magistrum excussa fuisset, approbationem omnium meruit equidem, sed obsignationem sigillumque regis non obtinuit, remissaque etiam ad Majus regis consilium, ab ipso rejecta est, præsidialem curiam, cum omnibus quæ anno millesimo sexcentesimo tricesimo sexto per institutionem adeptæ fuerat iuribus, comprobante. Postea huic Majoris Consilij edicto intercessit episcopus: & anno 1643. in nonnulla cum aduersariis pacta conuenit, sed cum ea neque ipse, neque alij satis probarent, ventum est rursus ad

judicium tribunalia. His ad Majus consilium confugientibus, Episcopo ad-
cunte senatores Gratianopolitanos, causa peruenit ad Priuatum regis consi-
lium, quod statim edixit donec penitus cognitam omnino finiret, sua *vt ante*
jura stare debere episcopo. Voces ex *vt ante* Carolo Iacobo Anstisti vise
sunt ambigua, vtpote quæ possunt referri ad tempus quod fuit, vel ante edi-
ctum regis de constitutione prædialis curiæ anno 1636. latum, vel ante pa-
cta cum aduersariis inita anno 1643. Igitur sibi tum duxit metuendum ab
aduersariorum seu gratia seu potentia, quæ judices adduxisset ad ejusmodi
votis ambiguitatem in edicto suo ponendam; atque pro metu recessit ab eo
tribunali, omnique ipsius, si quod foret, judicio vehementer intercessit.
Petrexere nihilo tamen minùs judices in excutienda causa, & cum episco-
pus non accederet ad ipsos, nihilque pro se afferret, eum damnauere anno
1647. Sed Carolus Iacobus adit senatum Gratianopolitanum anno 1649. à
quo suis, prohibita prædiali curia, juribus restituitur; & cum ejus edictum
à Superiore consilio suspensum fuisset, anno 1651. mense Martio curat re-
scindi illam anni 1647. sententiam Priuati consilij, quàm aduersarij restituere
nunc contendunt. Sed ista hæcenus dicta sint, ad alterum eorum articulum
accedamus, quæ super juribus in vrbe Valentina vehementer exercuerunt
episcopum.

- 29 Is queritur plurima ita fracta & euerfa esse, vt solum pene Domini &
Comitis nomen nunc habeat. Arx querelarum omnium istarum causa est.
Ante annos octoginta imposuerunt Valentia. Causas quæ regem ad eam
exadificandam adduxerunt, afferre mihi nec vllus animus, nec operæ ali-
quod pretium est. Vt ipsi datus est moderator, vt vrbs etiam se rectorem
gessit, atque adeò qui seu continendis sine omni tumultu ciuibus, seu pro-
pellendis per bella hostibus se arcu vrbiq; præpositum sentiebat, omnia
etiam quæ portarum, vicorum, angiportuum, & regionum vrbs per diem,
& per nocte custodiæ tranquillitatique còsulant, sensim & alia ab alijs traxit
ad se. Ante omnem tamen sæculorum memoriam episcopus ea omnia per
ballium, correarium, excubiarum magistros, & regionum & cohortium
vrbatarum duces, portarum & clauu vrbs custodes curauit in ciuitate, in-
dauitque curam, balliuo quidè & aliorum & reficiendorum mœnium, atque
capiendorum gerendorumque per bella armorum; correario autem vigilia-
rum ac nocturnorum per vicos sine armis & cum lumine progressum. Anno
1433. 19. Martij Ioannes de Chaponay fit ab episcopo per suos in concilium
vocatus dux ciuium, Paganus an. 1586. 23. Augusti fit eorum ducis legatus
in episcopali domo: anno 1579. 8. Maij Ioannes Raynaudus, Nicolaus du
Cros, & Ioannes Valet fiunt ibidem regionum vrbatarum duces: anno
1563. 29. Decembris in eadem domo fiunt excubiarum magistri, & coram
episcopi iudice dicunt sacramentum. Anno 1586. 14. Octobris ibidem Clau-
diolus portæ Sauneria cultos officio dejicitur, vbi protectò fuerat in eo po-
situs, maximè cum ex Valentinorum priuilegijs constet janitores vrbs con-
stitui ab episcopo, cui anno 1577. 9. Ianuarij consules iussi restitunt clau-
es vrbs. Anno 1645. 17. Maij iudicialia inquisitio instituta est, è qua intelli-
gitur correarium episcopi vltra omnem memoriam fecisse per vrberu excu-
bias. Balliuus episcopi anno 1439 vltimo Maij, 1450. 26. Aprilis 1457. 20.
Martij 1565. 4. Nouembris edicto vetat arma diu nocturne per vrberu ferre:
anno

Episcop. Valentinor. & Dionsium. 341

anno 1440. 5. Martij ad postulationem consulum jubet ea ferre: 1443. 19. Septembris prohibet eadem ipsa efferre vrbe, & correarius ire noctu per urbem sine lumine. Demum Guilelmus de Pictavia balliuus anno 1438. Nouembri mense inspicit muros & curat refici incenia vrbis; armæque singulis ciuibus & pecunias ad bellum imperat. Cùm hæc ita habeant Carolus Iacobus episcopus vehementissimè queritur jura quæ tot sæculis inconcussa Antistiti Valentino perdurare, nunc trahi ad moderatorem arcis; & demum anno 1650. 31. Decembris ita loquitur in comitiis Ecclesiæ Gallicanæ. *Cum interessem Ecclesiasticis ante annos 5. comitiis 12. Iulij, clerus querelis meis commotus mandauit Sagienti, Massiliensi, & Sanctonensi Episcopis, atque Abbatibus Bernagio, Bituricensi Decano, & Turonensi Officiali querere de tota re: sed ad ipsum eam referentibus intercessit Simianus à Costa Abbas, & ex Veynaeo consanguineo Valentine arcis prefetto commisit episcoporum arbitrio. Applaudentibus comitiis ego quidem à me nominavi Coadjutorem Parisiensem & Regensem Episcopum, ipse autem pro Vaynaeo dixit Narbonensem & Arelatensem Archiepiscopos: sed cùm ij quedam capita definissent, Veynaeus post annum monuit causam quæ agebatur, esse de prefetto arcis regia, ac proinde ejusmodi, vt pendeat ab vno rege, ab episcopis pendere non possit; asseruit igitur se non posse stare horum arbitrio contra quam antea decreuisset. Hæc ille, qui post multa sic addidit: anno 1649. cùm vocatus venissem ad regem, ipse rei iudices dedit Episcopos Coadjutores Montalbanum & Andegauensem. Hospitalium Franciæ Marefcallum, & Marchionem Veterisville, & Fouquetum supplicum libellorum magistrum: atque apud eos igitur meas querelas scripto deposui, sed Veynius nunquam adduci potuit, vt apud eos quoque rem ageret. Hactenus ille. Dicentem placidè audierunt episcopi, & cùm Antistes Viuariensis adjecisset non vnius Valentini præfulis, sed vniuersæ prouinciæ Viennensis rem agi, clerus & frequenter & vehementer egit apud Regem, vt sua Ecclesia Valentinx antiquissima jura seruantur; sed scilicet nihil hactenus obtinere potuit, Carolo Iacobo episcopo nequidquam jactitante se à ciuitate sua jam longum abesse, & deinceps absuturum, in qua neque honestè, neque satis etiam securè, cùm omnia & à præfidiali curia & ab arcis gubernatore sic habeant, posse degere.*

Tertium super Vniuersitate articulum paucis expeditio. Post multiplices & diuturnas lites, demum Episcopus obtinuit à Senatoribus Regiis, vt ejus rector assummeretur è juris auditoribus, solitumque diceret sacramentum: vt qui in doctores euaderent, curarent & alia, & se contra episcopatum Valentinum nihil seu consilio, seu aliter suscepturos: vt episcopus qui cancellarius est, sit caput Vniuersitatis; literas concedat professoribus; officia secretarij & sigillorum custodis, vbi vacauerint, ipse suis literis largiatur; doctores cùm ipse renuntiabit, dicat se agere autoritate non tantum apostolica, regia, delphinali, sed etiam sua; & qui alius id faciet, profiteatur *illustrissimi etiam domini episcopi Valentini autoritate se agere.*

Daniel de Cofnac, filius Francisci de Cofnac & Eleonoræ Talairandæ de Chalais, in episcopatu successit Carolo Iacobo de Leberon, & in Episcopum vngitur anno 1655. die 24. mensis Octobris.



APPENDIX
AD LIBROS QVATVOR,
DE REBVS GESTIS
VALENTINORVM
ET DIENSIVM EPISCOPORVM.

ILIBRO 3.de rebus gestis episcoporum Valentinorum & Diensium asserui fuisse olim qui scriberet libellum de vita Amedei Rossionæi, & ex eo docui de abbate Sapiniacensi euasisse in episcopum. Hæc vtraque res fecit, vt non pauci neque inuiditi viri monuerint, facturum me è re literaria, si illum in lucem ederem, maxime cum in amicorum congressu adderem Amedeum inclaruisse suis temporibus sapientiâ, sanctitate, rebus fortiter & præclare gestis. Igitur libellum typis committo. Scriptor illius cœtaneus viro fuit, mortique ejus interfuit. Hoc affero, vt intelligas ea scripsisse quæ ignorare non poterat. Minus Latine (fateor) scripsit: sed ego putabam veritatem dictorum, non elegantiam in scriptoribus de summorum virorum vita requirendam esse, cum viuendi, non autem dicendi exempla se nobis proponere illi profiteantur.

Huic libello visum est addere epistolam Ioannis de Burnino Archiepiscopi Viennensis & suffraganeorum ejus ad Gregorium IX. Pontificem anno 1231. scriptam. Ea postulant, vt Stephanus olim Cartusianus & è Priore Portatum episcopus Diensis anno 1208. mortuus scribatur in sanctorum canone. Pro frequentissimis ac illustrissimis quibus coruscabat miraculis. Recitant miracula supra 60. & in illis prorsus nouem homines excitatos à mortuis, intra annos 23. à Stephani morte.

*EPISTOLA IOANNIS DE BURNINO
Archiepiscopi Viennensis & suffraganeorum ad Gregorium IX.
Pontificem, postulantium canonizationem Stephani è Cartusiano
episcopi Diensis.*

SANCTISSIMO Patri ac Domino Gregorio Dei gratia summo Pontifici I. Viennensis Ecclesiæ minister humilis. G. Valentina Ecclesiæ procurator, B. Diensis. G. Gratianopolitanus; B. Viuariensis, Gebennensis, A. Mauritanensis, Episcopi, Viennensis Ecclesiæ suffraganei, cum omni reuerentia, ad pedum oscula beatorum. Quas gratias, & quas laudes referamus Domino nostro Iesu Christo, Deo viuo & vero, humani defectus & nostræ mortalitatis ignorat imbecillitas. Qui cum sit mirificus in seruis suis, mira mirificè non desinit misericorditer operari. Quantâ quidem & quàm præclarâ merito-
rum

rum apud Deum & homines, & præclarus enituerit prærogatiuâ, quot & quantus virtutum cõriscauerit radiis.

Venerabilis in Christo frater noster bonæ memoriæ Stephanus quondam Dientis Episcopus, & miraculorum quæ per ipsum tam in vita ejus, quàm post ipsius transitum operatus est Dominus in suis fidelibus, & in præsentiarum operatur & declarat euidencia, frequens etiam & copiosa diuersarum nationum multitudo propter morborum molestias & diuersorum infortuniorum pressuras ad dicti Episcopi tumulum cateruatim confluens dicti viri meritis pulsus langoribus, sanitatis gausa remediis, aliis etiam infortuniis propulsis, & hoc idem longè latèque tam verbis quam factorum euidentiâ, & publicè protestatur; verum quia nemo quantacumque meritorum prærogatiuâ poleat ab Ecclesia Dei pro sancto habendus aut venerandus est, nisi prius per sedē Apostolicam ejus sanctitas approbetur, miraculorum, quibus apud fideles viri dicti sanctitas manifestè innotuit, apud pedes sanctitatis vestræ tenorem transmittimus, vt inspectâ ipsorum continentiam sublimitatis vestræ P. Sanctissime circumspecta decernat prouidentia, Vtrum dictus Episcopus à sancta Dei Ecclesia pro sancto haberi & venerari, & in sanctorum debeat catalogo imputari. Illud etiam sanctitatem vestram latere nolumus, quod quicumque aliquibus pressis langoribus, vel grauati aliquorum infortuniorum instantiâ se asseruerint sospitatem & liberationem dicti viri meritis consecutos; non prius fides adhibita est à Dienti Ecclesia nisi prius assereretur prestito super sancta Dei Evangelia corporaliter sacramento, adjunctis etiam sibi sociis in sacramento, si fortè socios habebat aliquos, & morborum vel aliorum infortuniorum sustinuisse grauamina, & nomine dicti Episcopi Stephani precibus suis ad Dominum, sospitatem & subsidia pro quibus supplicauerat impetrasse.

Anno ab Incarnatione Domini millefimo ducentesimo octauo, octauo Idus septembris Stephanus Cartusienfis monachus, & Prior portarum Cartusienfis ordinis, & diuina gratia Dientis Episcopus transiens ab hoc sæculo migravit ad Dominum, cujus vitam pretiosam, atque sanctam constat fuisse miraculorum testimonio declaratum, quæ diuina clementia in honorem sanctæ & indiuiduæ Trinitatis & gloriosissimæ Mariæ Virginis, ac totius curiæ cœlestis per eum dignata est operari. Quorum principium post vitæ suæ transitum Deo annuente differimus.

De filia hominis Dientis cæca. Die itaque præsentī quā dictus Stephanus sepultus fuerat, in qua celebratur Dei genitricis natuitas, filia cujusdam hominis Dientis de Burgo S Marcelli Lamberti nomine, quæ per tres menses cœca extiterat, delata ad sepulchrum ejusdem Stephani, atque ibidem commorans, lumen oculorum diuinâ meruit recipere miseratione.

De filia febricitante sanata. Alterâ autem die cum filia alterius cuius Dientis Martini nomine, portaretur ad locum vbi jacebat dicti Stephani corpus, quæ diu febrili calore languens consumpta fuerat, & ab vniuersali paralyfi detenta, sui penitus valetudinem corporis amiserat, vt merita hujus viri plenius panderentur Christi fidelibus, dictæ agrotanti omnipotentis Dei misericordia cum vsu gradiendi sanitatem omnimodam restaurauit.

De Armigero resuscitato. Postea Armiger quidam Bertrandus nomine de Vapinco, qui causâ insultus faciendi ad Vapinci ciuitatem, cum exercitu

Domini

domini sui iter arripuerat, cum in itineratione perseveraret nocte quadam ab equo Domini sui in pectore percussus extremis pedibus corruit interemptus. Quod factum postquam concitavit exercitum, tandem venit ad aures domini qui morore plenus & compatiens defuncto pro infortunio, ad eum accessit cum multa turba militum, e quibus vnus signa & miracula tēdūxit eis in memoriam quibus volebat Dei administratio merita dicti Stephani Episcopi non occultari. Tunc illis ingenti deuotione & prece supplici genibus flexis, inuocantibus ejusdem Episcopi misericordiam, homo qui passus fuerat mortem, erexit oculos, dixit ad milites circumstantes: Gr̃atias ago Deo & B. Stephāno Diensi Episcopo qui misertus est mihi misero, & obuiavit in statu pulcherrimo eripiens animam meam à manibus Dæmonum, dum ad pœnam æternam eam trahebant, quam vidi paratam meo cruciatui cujus dum recordor, totis mentis viribus incido & corpore contremisco.

De captiuo liberato. Venit autem postea quòd quidam vir de Brione captus apud Montemclarum, infra turrim tenebatur subtus tinam magno aceruo lapidum oneratam, hic vero de sua liberatione solerter cogitans, factā cauernā fodiendo cum vnguibus, inter humum & tinæ summitatem se supposuit, & ab vtroque constrictus grauissimè magna mole lapidum, intus redire vel foras exire nullo modo potuit tunc contritus, eorum qui incaptione detinebant vesaniam timens ne ab ipsis taliter inueniretur, toto cordis affectu cum lacrymarum copia dicti Præfulis misericordiam exorauit; cujus interuentu euasit periculum, quia penitus inde liberè se substraxit; & accedens ad portam turris eam inuenit obseratam cum duobus repagulis, quæ dum retro pelleret, exaudiuit sonitum speculator supra turrim euigilans, & captum liberari voce magnā excitando viros qui manebant in illo oppido reclamauit. Ille vero prædictam portam transiens, duas alias reperit clauſas firmiter catenis ferreis, quas nodis ferreis expeditas aperuit facillimè gloriosi Pontificis præuiā protectione, his itaque peractis passu velocissimo properauit ad sepulchrum ejusdem Pontificis, & cum ibi reperto populo laudes retulit multimodas saluatori & liberatori suo.

De Canonico Valentinenſi ſanato. Inter cætera istud excellentissimum præterire nolumus, quòd quidam Sacerdos & Canonicus Valentinenſis Ecclesiæ multo tempore languens jacuerat, quasi de salute suâ desperans penitus, quia sibi per foramen rupturæ intestinorum massa exibat non modica; necnon alterā ægritudine quæ morbus Mascelæ dicitur vulgariter nimis grauiter laborabat. Interim cum quidam vir bonæ opinionis eum visitaret, & de dictis ægritudinibus loquerentur ad inuicem ægrotanti notificauit prædicti Stephani miracula quibus Dei bonitas, vnicuique reddens juxta sua opera, volebat suum dignum præfulem exaltari. Ipse vero languidus sperans affectum suum ad effectum duci posse precibus ejusdem Stephani, diu noctūque vigilando & dormiendo videlicet, vt ejusdem habemus testimonia, affectuosā prece & lacrymis ejusdem Præfulis clementiam supplicabat. Quadam autem nocte apparuit ei præfatus Stephanus, & dum interrogaret eum quid sibi veller fieri, sanitatem sibi dari petiit, qui à somno excitatus ab vtroque morbo nominato superius se sentiit liberatum. Adhuc autem stupefactus ni-

mis præ gaudio reuelauit illis qui illius assistebant seruitio, quæ sibi contigerant, qui admoto lumine rei veritatem prout ipse dixerat repererunt.

De muliere cæca illuminata. Erat vero quædam mulier apud castrum de Augusta nomine Eschengar, cui oculus lippidine penitus cõsumptus fuerat, & ex altero fuerat eadem ætitudine cæca facta. Hęc quidem audiens virtutum testimonia quas Dominus per præfatum Stephanum faciebat, ad eius sepulchrum se fecit duci ductoris auxilio, vbi visum recepit in ægrotanti oculo, ita quod absque ductoris sui beneficio rediit in domum suam.

De muliere clauda. Postea quædam mulier de Vacino Ruffa nomine quæ per trium annorum, trium mensium, & 15. dierum gressum perdiderat, vt audiuit miraculâ quæ in honore eiusdem præsulis Stephani operabatur diuina pietas, mente deuotissimâ eiusdem viri implorauit auxilium, atque continuo sanitate reddita membris in omnibus, sepulchrum eiusdem propriis pedibus visitauit.

De filia fistulata curata. Filia etiam iam dictæ mulieris filij, cui vertex capitis vitiatu fuerat multis fistulæ foraminibus, vt eam pater & mater vouerunt Stephano prædicto, statim cæpit curari à sanie fistulæ; nec in ea infra quatuor dierum spatium nisi cicatrix potuit apparere.

De muliere à morbo caduco curata. Quædam vero mulier de villa Menclij, quæ caduco morbo affligebatur grauissimè, audiens famam miraculorum eiusdem Stephani, Dei clementiam, & illius pontificis toto mentis affectu opem inuocauit deuotissimè, & ab illo morbo horribili se sentiuit deinceps liberatam.

De muliere clauda. Item alia mulier de castro d' Aix sexaginta vel plurium annorū, audiens dictū Stephanū tantis insigniri miraculis ad ejus sepulchrū deferri voluit, vbi immensâ Dei bonitate gressum quæ perdiderat recuperauit.

De puero clauda. Quidam etiam puer de eodem castro per duos annos non vsus pedum beneficio, quàm citò ab amicis suis præsentatus fuit præfati Stephanus tumulto, gressus ei redditus est Dei misericordiâ operante.

De muliere mestruosa. Cùmque audisset quædam mulier de Dia quæ G. vocabatur gloriam eiusdem Stephani tantis consecrare miraculis, perueniens ad eius sepulchrum, oratione quantumcumque potuit supplicauit vt à fluxu menstruo quo non modicè fuerat fatigata per quatuor menses diebus quatuor exceptis eam liberaret, illâ vero in oratione perseuerante vt ampliaretur honor dicti Stephani sic operari dignata est potentia diuini numinis, sicut dicta per vulgauit mulier, quod ibi sanitatis receperit beneficium.

De muliere Vorapj sanata. Item alia mulier de castro quod dicitur Vorapium cui iunctura dextri brachij seiuncta fuerat per quinquennium, dum moraretur subter sepulchrum episcopi venerabilis, consecuta est coniuncta compagine sospitatem.

De quodam ciue Diensi sanato. Accidit autem quod quemdem ciuem Diensem P. nomine punxit spina in genu, cui tam femur quam tibiâ pes adeo tumuerunt, quod gressus officium omnino perdidit. nec vllò modo trahere potuit ad se pedem. Hic verò medicinæ beneficio de salute suâ desperans penitus, voto promisso implorauit summo mentis affectu pietatem eiusdem Episcopi, & eum Dei misratio, sublimando merita sui serui, recuperare concessit denuo sanitatem.

346 Appendix ad Lib.IV. de rebus gestis

De muliere Romearij sanata. Postmodum verò diebus paucis prætereuntibus, mulier quædam de valle Romearij, quæ in tantum afflicta fuerat Emprotortono, quodd nullatenus dextrorsum, sinistorsum, nec ad cælum poterat respicere, peruenit ad sepulchrum venerabilis Stephani, atque & in quartum potuit gratiarum actiones obtulit, quia cervicis liberationem eo interueniente se cognouit à Deo recepit.

De muliere Barrij cæca. Alia autem femina de castro quod Barri appellatur, perducta ad sepulchrum ejusdem Stephani, quæ diu oculorum permansit orbata lumine, recessit gratulans & Deo grates peragens, qui in honore dicti Stephani Episcopi sibi de lumine perduto dignatus est providere.

De homine de Chayssilhana sanato. Procedenti vero tempore vit quidam de Chayssilhana nomine luuenis, allatus ad sanctam Dei genitricis Ecclesiam ubi requiescit corpus ejusdem Stephani Episcopi, quamvis tanta fuerit occupatus ægitudine quodd de salute ejus sui penitus desperarent, & ipsum crederent extremum anhelitum respirare. Cum ipse in tanto periculo vitæ suæ positus ab amicis suis inuitaretur, vt panem quem dictus Stephanus benedixerat ad salutem animæ suæ reciperet, acceptâ loquelâ quam perdidit panem illum benedictum præberi sibi petiit, asserens circumstantibus quodd in prædicto mortis articulo, mente saltem quâ poterat, præfato Stephano se oblatum ceream imaginem promiserat, & quodd ex illâ horâ cœperat conualescere meritis ejusdem Stephani intercedentibus.

De filia Bellimontis sanata. Contigit autem vt filia cujusdam hominis de Bellomonte ad sepulchrum venit prædicti Pontificis, cui moram ibidem facienti aliquantulam, beneficium dextri brachij, quo à natiuitate suâ impotens extiterat, concessit ineffabilis Dei misericordia volens decus, & gloriam sui antistitis sublimari.

De muliere Cristæ surda. Erat siquidem mulier quædam apud Cristæ oppidum surda existens per septennium, deducta ab amicis suis ad sepulchrum prædictum, dum ibi ingemiscens, & lacrymans supplicaret Reuerendissimo Episcopo, sibi diuinæ opitulationis gratia auditum aurium patefecit.

De filio resuscitato. Quadam autem die accidit quodd quidam homo de Vercorsio Guesonis nomine, defuncto patre suo perrexit cum vxore suâ ad sepulture patris sui obsequium, filium suum domi jacentem in lectulo sanum & incolumen relinquentes, & cum redirent cum propinquis suis plurimis, Semianimem inuenerunt non cognoscentes in eo aliquod vitæ signum, mater vero mœstissima lugens & dolens inconsolabiliter de morte filij sui, summâ deuotione inuocauit misericordiam prænominati Stephani proferendo verba hujusmodi cum profundo gemitu, & imbre maximo lacrymarum. Domine Beate Stephane in cujus nomine tot & tanta miracula nuper audiui fieri, tuam sanctam & gloriosam benignitatem deprecor per gloriam quam adeptus es cœlestis patriæ, vt succurrere digneris mihi miseræ, quatenus intercessionis tuæ virtus Domini nostri Iesu Christi tua dilatando miracula filium meum mortuum vitæ reddat. His dictis spiritus in corpore est reuersus.

De alio filio resuscitato. Quædam autem mulier de castro quodd Rimont nuncupatur die quâdam ierat spatiatum, & reuersa suum filium conuerso

conuerso lectulo reperit suffocatum, introductis in domum suam aliquibus de vicinis quod sibi acciderat indicauit: recordata de virtute venerabilis Episcopi Stephani, quamvis dolore ac timore foret turbata & anxia, ejus auxilium implorauit; & dispositione diuina puer qui suffocatus fuerat cœpit flere & deinceps melius habere.

De filio qui ruit de arbore. Præterea filius Pontij Ferrandi de Podio grosso arborem quandam altissimam ascenderat, qui ruens in terram cecidit & per quatuor dies & quatuor noctes loqui non potuit, cibum non accepit, oculos non aperuit; vnde ejus amici de vita ipsius desperantes: mater ipsius spem habens in misericordia prædicti Stephani, cujus miraculorum famam audierat, votum promisit pro filio, & corde contrito atque lacrymarum abundantia implorauit eam, & continuo patiens aperuit oculos, & cibum petiit; cui Dei virtute intercedente seruo suo Stephano plenæ sanitatis gratia demum concessa fuit.

De alio ejusdem loci. Quidam etiam homo Gerardus Theodictus, manuum suarum effectus impotens, ejusdem episcopi fauore humiliter depositus, sanitatis beneficium accepit.

De muliere cæca. Cumque rumor tantorum miraculorum multas propulset provincias, mulier quædam de Alexandria Italiæ ciuitate, ductoris administratione nouit se ab hospitio, peregrinando ad sepulchrum præfati antistitis proficiscens, quæ per triennium duos menses & tres hebdomadas luce oculorum orbata extiterat, etiam manu retorta dextri brachij impotens, quod sibi culpâ propriâ exigente credimus euenisse, nani cum nocte vigiliæ assumptionis Dei genitricis vestes cuiusdam furaretur, qui die crastinâ miles de nouo debebat fieri cum duabus sociabus, passa est primitus pœnam superius memoratam. Completo vero vnius diei itinere, piissimus ac mitissimus Dominus, vt credendum est precibus fuit placatus antistitis sui, quia mulieri restituta est oculorum acies & brachij valetudo.

De filia resuscitata. Postmodum vero euenit apud oppidum de Gressa, quod mulier quædam filiam suam iacentem in cunabulo domi sospitem reliquerat, & rediens cucurrit ad ipsam, vt ab ea risus assumeret & gaudia, quam tangens manibus frigidam reperit, cognoscens filiam suam propter maleficium intorsionis falcici circa collum inuolutæ animâ exhalasse, quare prorumpens in lacrymas vestes scindens, atque capillos distrahens, Dei misericordiam & supradicti Episcopi Stephani implorauit intercessionem, & subito Dei beneplacito viuificatum est corpus paruulæ superius memoratæ.

De muliere impotente. Fuit autem altera mulier apud castrum Montisveneris, quæ cum per septennium extitisset vt nullam partem sui corporis posset regere à pectore inferius, repetito ab ipsa ejusdem Præsulis adiutorio oratione deuota, & supplici sanitatem consecuta est.

De Priore S. Ioannis Gutozo. Non multo intervallo prætereunte temporis, Prior S. Ioannis de Royans Gontardus appellatus, qui per annum & tres menses guttâ constrictus, vsu gressus perduto allatus est ad tumultum reuerti Episcopi juxta quem cum cura ministrorum studuit collocari: vbi in oratione deuotè vigilans & preces summo creatori, atque suo Confessori proferens assiduè, diuina pietas secum egit misericorditer, & pedum officium sibi restituit, & opem contulit sanitatis.

348 Appendix ad Lib.IV. de rebus gestis

De Sacerdote de rupe lapsō. Sacerdos autem erat in Triuiarum partibus, habitator caltri quod nuncupatur Aignonet, qui rupe lapsus altissimâ, læsâ compage neruorum & femoris per annum, amiserat gressus vsu. Cum audisset ad tumultum jam dicti Episcopi multos sanari languidos, de conferenda sibi sanitate sperans, ad eum iumentî verticulo festinauit, vbi in orationis officio, cum domum suam redire præparasset & ab vrbe recessisset, iungere vnius milliarij, femoris sui neruos coarctatos laxari, atque sanari sentiens, descendens per se tantummodo (qui prius non poterat) à iumento supra quod sedebat, sociis qui aderant quæ sibi deuenerant demonstrauit, & festino vestigio laudes offerens quas poterat liberatori suo Stephano, pede ejus tumultum visitauit.

De homine Crisla impotente. Alteri etiam homini dicto Humberto Sauuerio de Crisla, allato ad sepulchrum reuerendi Episcopi, qui valetudinem & regimen perdiderat, sinistri brachij & pedis Deo, imploranti fauorem sui Episcopi gratia præstita est sanitatis.

De duobus viris captis. Diebus autem interim non multis succedentibus venerunt duo viri, quorum vnus ciuis Diensis, & alter erat habitator in partibus Triuiarum compedes in quibus capti steterant præfato Episcopo Stephano suæ liberationis titulum offerentes, affirmantes quod miseratione ejus catenâ ferreâ ab eis fractâ quam secum deferebant, ab illo oppido in quo capti fuerant horâ dici quasi mediâ exiuerant, & sic crudelitatem euaserant tyrannorum.

De homine de Tribus-cliuis sanato. Inter hæc vir quidam de castro quod appellatur Trescleux, peregrinus venit ad tumultum jam dicti Episcopi qui viginti annorum spatîo gressu frui non poterat, nisi sustentando artus baculi adminiculo, cui creator omnium reuelans suum præfulem dignissimum, reddidit ipsâ horâ quâ venit antiquam gradiendi potentiam.

De paruo Caducato. Quodam autem opido sito in deserto vocato Montanegre, infans qui quartum mensem ætatis suæ implere poterat, morbo caduco singulis diebus affligebatur pluries, tam miserabiliter, vt ad fletum omnes moueret, quia prædicti morbi cruciatu nigrefactus huc & illuc torquere cogebatur membra trementia, & os ejus multas spumæ abundantia profuebat. Mater vero dolore incomparabili mota super filio, puro corde magno lacrymarum impetu miserationem supradicti Episcopi flagitauit, & incepto recepit incolumem filium suum.

De homine squinantiam patiente. Accrescente vero copiâ virtutum ejusdem Stephani, cuidam viro de Montanis loco dicto Autrans, guttur & lingua tumuerunt adeo, vt oris concauitas linguam præ timore nimio non posset recipere per dies quatuor, & ad mittendum oris anhelitum vix posset sufficere, nec æger ipse cibum recipere, siue potum. Tunc assistentes amici profusis lachrimis suffragium poposcerunt voce magna Reuerendi Episcopi, ad quam vocem annuere nutu quo poterat videbatur. Voto vero pro ægroto à prædictis facto eidem Episcopo, statim à tantâ ægritudinis occupatione æger est Dei misericordia liberatus.

De homine Maniaco. Post hæc autem adductus est ad sepulchrum ejusdem Episcopi, homo quidam de ciuitate Viënæ, passione maniaca laborans, manibus

manibus propter nimietatem inſaniæ ferreis manipulis inſolutis. Inæſtimabilis vero prouidentia tanto ſigno reuelari voluit ſanctitatem ſui digni præſulis, quod ab inſania hominem illum liberauit, qui in honore libertatis ſuæ quantuſcumque laudes potuit obtulit, & catenam.

De homine ictu lapidis interfecto. Conſequenter accidit vt miles quidam de Monte-lugduno Bernardus nomine cum pluribus perrexit ad bellandum quoddam Noui-caſtri edificium. Quod cum multo bello affligeret, quidam ex eis Durandus nomine ictu lapidis adueniente in parte poſtremâ capitis cecidit interfectus. Hunc tollentes focij qui aderant credentes ipſum miſſiſſe ſpiritum quia ſigna mortis apparebant in membris ejus omnibus, ſudarium & locum vbi corpus recondereſetur parauerunt. Interim vero miles jam dictus, cujus mandato illuc aduenerat, præcepit vt perſpicerent ſi in eo aliquod ſignum reperiretur, & nullum niſi caloris aliquantulum perpenderunt. Cujus infortunij ad aures vxoris deſuncti fama perueniente, lugubris & anxia illuc properauit paſſu velociffimo, & dum inuocaret voce magna opem venerabilis Epifcopi Stephani, viſo corpore ſemianimi, protinus ipſe oculos aperuit, & mente ſolâ ſpem vitæ ſuæ ponens in miſeratione tanti præſulis, quâ ereptus eſt à morte ad ejus ſepulchrum ſudarium funeri ſuo ante præparatum appendit.

De viro tumore capitis oppreſſo. Peruenit autem poſtea vir quidam de Treſclux ad tumulum dicti Epifcopi, qui propter nimium tumorem capitis per dies quinque in extremis laborare credebatur. Spe ſanitatis penitus amiſſâ quia cibi vel potus, ſeu alterius cujuſlibet beneficium nullatenus capiebat. Mater vero ipſius flebilis, atque mœſtiſſima magnitudinem pietatis prædicti Stephani pro ſalute ſui nati popoſcit affectuoſis præcibus, & ſubito euaneſcente tumore capitis ægotanti ſanitas eſt conceſſa.

De homine Cæco. Audiens quidam homo de Moyerant tot languidos ſanati interceſſione præſati Stephani ad ejus ſepulchrum ductoris veniæ auxilio, vbi ipſi Dei clementia voluit lumen amiſſum reſtitui oculorum.

De Puella ſanata. Euenit quidem apud villam de Romanis quod quædam puella quæ per ſeptennium greſſum perdidit, implorato ab ipſa & à ſuis parentibus præſati antiſtitis auxilio pedum beneficium eſt adepta.

De muliere muta. Iterum dum vigeret tot ac tantorum fama miraculorum venerabilis Stephani in pluribus orbis partibus, & turba plurima peregrinantium ad ejus ſepulchrum viſitandum accederet, mulier de caſtro quod dicitur Moubluens in Archiepiſcopatu Lugdunenſi, quæ per annum muta extiterat peregrinauerit, & dum pietati illius ingemiſceret diuina prouidentia merita ſui præſulis nolens latere ſub modio, elucere ſupra candelabrum, linguâ patientis diſſolutâ priſtinum ipſius vſum reparauit.

De muliere Chiragra. Venit etiam mulier ab oppido de Cremieu, quæ chiragram diu pariebatur manibus ita quod non poſſet aliquid agere, ad ſepulchrum pronominati Epifcopi properans, ibidem ejus meritis plenariam conſequuta eſt ſanitatem.

De puero ſanato. Quidam puer de Bagnols, qui à matris vtero per ſeptem annos laborauerat, cum pater ſuus multo gemitu, & lacrymis operi Epifcopi antedicti poſtulaſſet, deſperans de medicorum remediis, ſequenti die perfectè à Summo medicorum medico eſt ſanatus.

350 Appendix ad Lib.IV. de rebus gestis

De duobus resuscitans. Venetunt etiam duo viri vnus de Liuron, & alter du Buis vno die sua deferentes sudaria, qui se vitâ priuatos fuisse penitus afferebant: cum autem vxores eorum & amici multis lacrymarum imbribus ejusdem Stephani postularent auxilium, vitam & sanitatem pariter receperunt. Iſtis autem præſtabat ſuper his teſtimonium multitudo maxima ſociorum.

De nepte ipſius Epifcopi Stephani. Quædam nobilis neptis dicti Stephani Epifcopi, audiens ſui auunculi miraculorum inſignia ad ejus tumbam veniens multas fudit lacrymas atque preces, vt diuina pietas ſibi præſenti tantorum miraculorum oſtenderet aliquod. Accidit vt iuuenis quidam de Argenteria, qui per tres annos omnium fere membrorum deſtitutus fuerat officio, ſedens ſuper aſinum ad januam venit Dienſis Eccleſiæ, ibique ſubmiſſus à ſociis de aſino dum adhuc dicta nobilis perſeuerabat in orationibus, confidens ipſe qui antea ſe ſuſtentare, ſine ſociorum manibus non poterat, ad ſepulchrum Pontificis abſque omni ſuſtentaculo ſolo diuino ſultus auxilio mirificè properauit; & inde lætus & incolumis gratias agens Domino ad propria pedes rediit.

De homine inſano. Quidam homo du Buis graui raptus inſaniâ à fratre vinctus ad ſepulchrum ejusdem Epifcopi adductus eſt, vbi per hebdomadam moram faciens ad honorem ipſius Stephani, diuino munere ſanus & alacer ad propria remeauit.

De alio inſano. Alius de eodem loco cum diu teneretur binis junctis compedibus, inuocato Dei genitricis, & ipſius Stephani auxilio, liber ad ſepulchrum compedes attulit, grates multimodas referendo.

De puero reſuſcitato. Puer de oppido quod dicitur Mirabel in Diœceſi Vaſionenſi cecidit in aleum, vnde extractus rigidus, & à videntibus mortuus æſtimatus, ad honorem venerabilis Stephani Epifcopi, cujus ſanctitas & beneficium pariter inuocabatur humiliter, & deuotè diuinâ pietate patri ſanus reducitur; quem Pater de eo laudes proferens ad ſepulchrum ſui Præſulis præſentauit.

De milite caſo. Quidam miles de Vaubouneys, dum ruſticum quemdam pro retento cenſu pignorarẽt, & ſuum bouem duceret, ruſticus ipſe ventrem, & dorſum militis lancea perforauit; nec iis contentus ad mortem cum cultello eum vulnerauit, quem vxor ejus, & amici æſtimantes mortuum, inuocato Stephani Epifcopi auxilio ſanum per paululum receperunt.

De paralitico. Quidam homo de Ciſteron totius lateris dextrî motum amiſerat per dimidij anni ſpatium & loquelam pariter & auditum paralyſi percuſſus, cum ejus vxor præclara miracula dicti Stephani audiſſet, & virum ſuum ipſius ſepulchrum viſitaturum cum multis lacrymis promiſiſſet, ipſo die auditum recepit ac loquelam, & poſt paucos dies à ſummo medico curatus ſepulchrum Præſulis viſitauit.

De pedibus non incedente. Alius de oppido quod dicitur Mirabellum Viuatienſis Diœceſis per ſex annos, & dimidium deſtitutus tibiæ beneſicio, per ſeptem dies effundens preces & lacrymas ante ſepulchrum præſati Pontificis, diuini doni munere ſanus effectus, erectis tibiis quas per dictum tempus poſt ſe traxerat, relictis croſſulis ad propria reuerſus eſt.

Episcop. Valentinor. & Dionsium. 351

De capto à latronibus. Cùm quidam Pastor ouium de oppido quod dicitur Monclar, ibi suas & alias custodiret ouiculas à latronibus captus est, & per plurimum tempus constrictus instrumentis ligneis quæ sepes vocantur in quodam oppido Valentinensi, & ibi diutius maceratus prædicti Pontificis meritis relaxatis sepius, cum gratiarum actione ad sepulchrum ipsius seipsum cum cerea imagine cereumque lumen tenens in manibus præsentauit.

De puero resuscitato. Puer de oppido quod dicitur Saufet in alueum, & aquarum impetu ductus longissimè inter fruteta mortuus inuentus est, cuius parentes cum multis lacrymarum imbribus reuerendi Episcopi postularent auxilium, ipsum puerum post pauca sanum & incolumem receperunt.

De captiuo liberato. Cùm quidam de Asperis à raptoribus captus, apud Poyols teneretur sub tinâ maximâ quam dicti prædones magno lapidum acervo accumulauerant, inuocato Domino & dicti Stephani auxilio, ad sepulchrum ejus gloriam & laudem referens, prædictam tinam ab ipso Stephano eleuatam assebat.

De subdiacono paralytico. Quidam Subdiaconus de Turnone ad tantum per annum & dimidium morbo paralytico laborauerat, ut dextro latere omnino erat destitutus membrorum officio, nec vlla ei proficere poterat medicina. Cùm autem oratione & genitu per merita ejusdem Stephani Episcopi diuinum postulasset auxilium, quasi incontinenti se alleuiari sentiens, non post multum temporis se ab omnium medico curatum agnouit.

De duobus captis à latronibus. Duo homines du Genevray ad sepulchrum Pontificis venientes, inciderunt in manus latronum qui ipsos capientes adduxerunt in oppidum vocatum Bruchet, & ibi torti diutius multas fundebant preces ad Dominum, ut prædicti Pontificis meritis ad quem iter direxerant ab atroce manu hostium eos liberaret. Diuina verò pietas soluit eos à vinculis, & ubi nunquam via antiquitus patuit per rupem arduam eis bonam viam præstitit atque securam.

De muliere resuscitata. Homo quidam de Monte majori uxorem habens grauissima afflictam infirmitate, quæ ut vir ejus jurauit postmodum in Dionsi Ecclesia spiritum exalauit. Ad preces vero & lacrymas dicti viri diuina respiciens misericordia jam dicti Stephani meritis, vitam ei reddidit & sanitatem.

De Clerico Dionsi sanato. Albertus Clericus Dionsis infirmitate grauissima à multo languebat tempore, ad sepulchrum Pontificis accedens profusis largè lacrymis preces obtulit, ut aut ab hoc eriperet sæculo, aut à prænotata infirmitate liberaret: promittens visitaturum se terram sanctam Domini, si sibi sanitatem indulgeat. Peractâ autem vigiliâ somno plurimo aggrauatus ad thorum rediit, & quietè dormiens se mane sanum reperit atque lætum.

De filio fistulato. Quidam homo de mandamento du Buys vnicum habebat filium, cui fistula fere totam tibiā cum osse occupabat & implorato medicorum auxilio maxima parte ossis ejectâ à tibiâ, dixerunt puerum curari non posse modo aliquo, nisi incideretur per totum totâ tibiâ fistulata. Quo audito pater deflexit, & vlulans dixit eum malle mori quam tibiā rescari.

352 Appendix ad Lib. IV. de rebus gestis

secari. Incontinenti verò reducens ad memoriam miracula prædicti Stephani, ipsum Episcopum magno fletu, atque suspirio ad pueri reclamauit adiutoriū, promittendo se ceræ tibiam oblaturum, & sex denarios censuales semper præstiturum. Post paucos verò dies filio sano, atque incolumi cum multis gratiarum actionibus sepulchrum Pontificis assistens pater visitauit.

De domicello capto. Quidam domicellus de Cobona rediens de Cabeolo dum transiret per burgum Montis-veneris prope portam captus fuit cum quinque sociis à quodam pessimo qui Petrus de Varo vocabatur; & ultra Rhodanum perductus, à mane vsque ad nonam in quadam spelunca latuit, serò verò tribus dimissis cum duobus cæteris ad locum vbi cæperat reuersus est, cumque ligatis tribus ipsos teneret in nemore, inuocato Stephani Episcopi auxilio laxatis miraculosè funibus inuitis custodibus euaserunt.

De puero resuscitato. Accidit etiam vt in castro quod dicitur Charpey duo inter se iurgia mouerent, & iunior cultello percussus est à maiore, ita quòd iuxta guttur collum perforauit. Nec his contentus iteratò cum ipso gladio, ex parte alià collum & gulam penetrauit; omnis autem vicinitas ipsum habens pro mortuo, nec in eo vllum sentiens anhelitum, mater ipsius ad merita Pontificis confugiens, inuocato ejus auxilio puerum vidit paulò post aperientem oculos, qui deinceps paucis diebus sanus factus est.

De puella sanata. Quædam puella de Visilia quæ per duos annos & dimidium gressum perdiderat, allata ad tumulum Stephani Episcopi ibidem Dei beneplacito antiquo gradui fuit restituta.

De duobus pastoribus captis. Duo verò pastores ciuitatis Dienensis capti à latronibus, & ad Balmam nigram deducti & retenti, quamvis fortibus & difficilibus ligati forent compedibus latronibus ipsis præsentibus, & dormientibus interuentione suffulti Stephani Episcopi captionem cum eorum compedibus euaserunt.

De cæco illuminato. Inter peregrinos venit vnus de Lombardia, qui quinquennio lumine oculorum caruerat, & cum in oratione moraretur subtus sepulchrum præfati Episcopi, & missa matutinalis celebraretur intercessionem ejusdem Episcopi gratulatus est coram omni populo visum recepisse.

De muliere sanata. Nec est prætermittendum quod cum dictus Episcopus languore non modico ægrotaret, mulier quædam Bertranda nomine graui, & diuturnâ capitis infirmitate oppressa accessit cum lacrymis ad ipsum, humillimè supplicans vt caput ejus manibus suis tangere dignaretur: quod vt tetigit diuina pietas virtuti Pontificis adjiciens mulierem sanam effecit.

De conuerso Durbone infirmo. Istud verò miraculum non est tacendum quòd cum dictus Stephanus esset in monasterio Durbonis Cartusienensis ordinis, & ibi conuersus ejusdem monasterij homo timens Deum, & magnæ religionis graui laboraret infirmitate, accedens ad eum Stephanus dixit ei: frater crede quod ex hac infirmitate migrabis ad Dominum, vnde rogo te vt pro me Dominum depreceris, quòd si ego in Episcopatu ipso Dienensi animæ meæ periculum incursum sum, & æternum præmium amissurus, vt me non permittat in ipso Episcopatu diu manere, postmodum decessit conuersus; & dictus Episcopus cæpit eodem die infirmari & infra duodecim dies suum vltimum clausit in Domino.

Episcop. Valentinor. & Dionsium. 353

Sunt & alia plura miracula, quibus apud fideles suos diuina clementia dictum mirificauit Episcopum & eundem adhuc mirificare non desinit, serui sui merita signorum euidentia multipliciter commendando. Illud etiam sanctitatem vestram Pater Sanctissime latere nolumus, quod Bertrandus Dionsis Episcopus, & alij Dionsis Ecclesie canonici, nobis in verbo veritatis & animarum suarum periculo, tam super sacramento quo iis laborantes se asseruerunt dicti Episcopi meritis diuersa fuisse remedia prestita consecutos, quam aliis quae sunt superius recensita protestati sunt praedicta omnia, vt dicta sunt superius se habere. Nos vero dictis ipsorum, & sanctae publicae fidei plenariam adhibentes, praesentem chartam nostrorum roborauimus praesentia sigillorum, rogantes & a Sanctitate vestra Pater Sanctissime postulantes humillime, vt praesenti consilium negotio, & auxilium curetis apponere salutare: ne pretiosa Domini margarita in Ecclesia Dei lateat tanquam ignobilis & ignota, & ne tanti lucerna luminis abscondatur sub modio, sed potius gregem Dominicum in viam vitae dirigat, & ad hereditatis perducatur praemium sempiternum. datum Viennae tertio Nonas Maij, anno Domini millesimo ducentesimo sexagesimo primo.

- ✠ Ioannes Viennensis Archiepiscopus.
- ✠ G. Valentinensis.
- ✠ B. Dionsis.
- ✠ G. Gratianopolitanus.
- ✠ B. Viuariensis.
- ✠ Gebennensis.
- ✠ A. Mauritanensis.

Hic pro anno 1231. scriptus est annus 1261. vt ex nominibus summi Pontificis & episcoporum Valentini, Dionsis, Gratianopolitani atque Viuariensis intelligere est. Nam anno millesimo ducentesimo sexagesimo primo, sedebant 3. Nonas Maij.

Alexander IV. Romae,
Amedeus de Genqua Dia,
Philippus de Sabaudia Valentiae,
Falco Gratianopoli,
Aimo aut Hugo Viuarij.

Qua ergo veritate feruntur Praefules tum fuisse,

- G. Valentinus,
- B. Dionsis,
- G. Gratianopolitanus,
- B. Viuariensis,

Atque anno eo ipso 1261. 3. Nonas Maias scripsisse ad Gregorium Pontificem. Igitur cum Gregorius IX. anno 1231. & 3. Nonas Maij sederit Romae.

- | | |
|--------------------------------|------------|
| L. idest Ioannes de Burnino | Viennae, |
| G. idest Guilelmus de Sabaudia | Valentiae, |
| B. idest Bertrandus | Dia, |

Yy

B. idest

B. idest Bernardus aut Bemoinus Viuarij,
A. idest Aimarus. Maurianæ.

Et numerus millesimus ducentessimus tricesimus primus, differat à numero 1261. solo penultimo caractere, dicendus videtur scriptoris errore positus hic pro illo.

Quid autem Gregorius Pontifex responderit Episcopis prouinciæ Viennensis non inuenio. Beatificationem, vt loquimur, concessisse non dubito; atque id respondisse arbitrabar, quod nouem ante annis Honorius responderat Molisfmensibus monachis canonizationem Roberti Abbatis postulantibus. *Licet nobis quedam miracula, quæ post mortem fecit intimaueritis, de his tamen quæ in vita fecisse dicitur, fidem plenariam non fecistis. Nos quesitores de illis damus. Et ne vestris precibus videamur omnino deesse, concedimus vobis, vt eum tanquam sanctum in ipsius Ecclesia venerantes, ejus apud Deum suffragia fideliter imploretis.* Vt ita sentiam, facit publica sancti viri veneratio, quæ ante aliquot sæcula fuit in Ecclesiâ Diensi, cum tamen neque ipse Gregorius, neque alius quis Romanorum Pontificum legatur illum canonizasse; & singulis sæculis post ejus mortem vsque ad annum millesimum quingentesimum vigesimum, actum fuerit à Diensibus, vt ejus canonizatio vrgeretur Romæ. Eo anno Ioannes de Lotharingia Cardinalis, cum in Valentinum Episcopum electus Romam iret, rogatus est à Diensibus agere de ipsius canonizatione; & Gabriel Gay Canonicus Diensis illi additus est, qui à Pontifice eam nomine totius cleri & ciuitatis Dix postulare. An Pontifex Ioanni Cardipali assensus fuerit non inuenio. Ioannes se nihil Romæ non tentaturum promiserat; & fere omnes chartæ Diensis Ecclesiæ, rerum olim gestarum memores, datæ sunt ignibus ab Hugonotis.

VITA AMEDEI ROSSILIONÆI
EPISCOPI VALENTINI
ET DIENSIS PRIMI.

INCIPIT præfatio in spectaculum bonæ memoriæ Amedei de Rossilione quondam Episcopi Ecclesiarum Valentinenfis, & Diensis, athleta inuictissimi Ecclesiarum suarum. Illustrium virorum gesta magnalia, præclaris titulis, & aliis Epithaphiis solent per manus artificis in lapidibus exarari, in virtutum speculum, & in excitatiuum spectaculum probipatis; impium enim est, & indignum, piarum mentium actus laudabiles, per manus ingratiitudinis & negligentie, cum pulueribus & ossibus totaliter sepelire. Ideoque præclarissimi viri Amedei de Rossilione Valentinenfis & Diensis vnionis primi Episcopi, vitam inimitabilem, & actus strenuos, & mortem prouidam, volui penæ officio in pellem describere; quamquam potius deberent in laminibus aureis imprimi stylo ferreo, in futurorum stimulum, & in ejus memoriam sempiternam.

Incipit

Incipit spectaculum, & primo de vitâ claustrali. Fuit Amedeus vir nobilis genere, sed nobilior animi probitate, à primâ suâ ætate sufficienter in scientiâ eruditus, sub claustrali & regulari disciplina diligenter nutritus, Sancti Eugendij monachus, qui cum adhuc esset iuuenculus claræ indolis, & bene industrius factus est monachorum pater, & Abbas monasterij Sauiniatij, in diocesi Lugdunensi; suâque prouidentia Abbatiam creditorum scœnore aggrauatam quàm plurimum releuauit, bonaque monasterij prædecessorum suorum incuriâ à longeuis distracta temporibus, sollicitè, & efficaciter requisit, & requisita obtinuit cum effectu; & vt in posterum possint bona monasterij à suis successoribus tutius ac melius defendari castrum quod dicitur Chaissen de nouo edificauit, & fundum emit, & feudum Delui in mandamentum prædicti castri acquisit, item fortalitium de Vindrali à domino Belli-loci diu antè vsurpatum, in sudore & labore multo causam prosequens in curiâ Regis Francorum, finaliter obtinuit, & suę fecit restitui abbatię. Item prioratum claustralem lustrati in Episcopo Lausanensi, per illius loci priores schismaticos diu antè abbatię subtractum, ad obedientiam venire coëgit, & castrum de Mōntaneu à Lausanensi Episcopo diu antè vsurpatum dicto prioratui restitui fecit. Item vagabunda & externa monachorum solatia ad claustralem & intrinsecam reduxit honestatem; dispersos & segregatos per cameras monachos ad vnitatem refectorij, religionis zelo studiosius reuocauit, & de communi: sicque monasterium suum tam in spiritualibus quam in temporalibus prudentissimè reformauit.

De Promotione ejus in Episcopum Valentie, & vitæ ejus in statu Prelationis. Per idem tempus anno incarnationis Domini millesimo ducentesimo septuagesimo quarto, Dominus Guido de Montelauro sanctæ memoriæ, electus Valentie, apud Bellicastrum à Gregorio decimo confirmatus, adhuc existens in curiâ apud Tarasconem migrauit ad Dominum, cui Papa Gregorius substituere voluit Abbatem Amedeum virum approbatum, & de eo præ cunctis mortalibus Valentinenſi Ecclesię prouidere: cui reluctanti cum lacrimis sanctis, Papa dixit, noli timere, per te spoliata Ecclesia Valentina restituetur. Et hoc dictum fuisse in spiritu prophetię, per rei aduentum clariùs elucescit. Qui sacratus est apud Viennam à prædicto Papa, qui ei injunxit primo Tyrannum inuadere in brachio Ecclesię, deinde iussit contra obstinatum arma sumere, & in clauâ Gregorij sexti clauum retundere inimici. Factus Episcopus, in speculâ prælationis dignitatis, noluit alta sapere, sed humiliter consentire; Epulationes, diuitias, vestes pretiosas & multiplices, & ejus mensam detestans splendidam, in vili habitu, & mensâ tenui, & cibo rustico, & longâ abstinentiâ vitam monasticam conseruauit, locutorum, & histionum, & omnium ludorum vana solatia, aues & canes venatores, caudam famulorum inutilem, & omnem pompositatem ab se abiciens, in paucitate vixit mirabili, & omnem voluptatem suo corpori denegauit, feras siluarum & aues æris in pace relinquens, de eorum lupinis faucibus prædam erueri, & prædones de suis terminis expellere totis viribus pastor egregius conabatur, contra hostes Ecclesię ducens exercitū, non sub territorijs vel papilionibus cū aliis magnatibus, sed in tabernaculis sub ramis arborum cū popularibus;

niuis & grandinis, glaciei & pluuiæ incommoitates, & aëris intemperiem patienter sustinens; corpus suum fessum & lassum sapissimè super terram, solis super stratis paleis reclinabat; sicque clientes suos & comilitones præ labore contractos, animo & exemplo suo ad longanimitatē & tolerantiam prouocabat. Nazareus noster rarò rasuram faciēs inter compros & compositos milites & clericos, incompro crine & barbâ prolixâ, velut alter Maurus ab eremo progrediēs, hispidus apparebat, in prosperis non elatus, in aduersis indeficiens, ad hæc & ad illa æquanimiter se habebat, in propriis expensis parcissimus, in donariis largissimus, parum, vel nihil sibi retinens, prouentus & redditus suos & quæcumque habere poterat, condignis & bene meritis largis suè tribuens diuidebat, post aurum non abiit, nec sperauit in pecunia & thesauris, fecitque mirabilia in vita sua, in solitudinibus, in angustiis, & multis laboribus vitam & corpus suum infra vnam annorum septimanam consumpsit penitus: inter quod in eo finaliter non ramanisit species neque decus, sed vidimus eum despectum & nouissimum virorum, virum dolorum & habentem infirmitatem, & nos putauimus eum quasi leprosum & percussum a Deo & humiliatum, & verè languores patriæ ipse portauit, dolores populi sui ipse tulit, cuius liuore pro magna parte sanati sumus à plaga Tyrannidis adiacentis. Ex quibus colligitur Amedei felicitates cumulans, quia in his arduis supremum pastorem Christum Dei filium inuenit imitari.

Sequitur de strenuis actibus eius, & primò de iis quæ fecit pro ecclesiis suis Valentiniensi & Diensi. Anno primo præsulatus sui, antequam de se facta prouisio esset, Valentinis canonicis promulgatæ prouisioni assentiens, supplicauit pro adiutorio, & de consensu omnium Cardinalium obtinuit à Papa Gregorio X. vnionis priuilegium, pro quo diu ante fuerat supplicatum, & illud deposuit in locis tutissimis velut thesaurum pretiosissimum reseruandum. Eodem anno mense Ianuarij in festo sancti Vincentij, venerabilis pater Amedeus de Gebenna Diensis Episcopus, vir pius & pacificus migravit ad Dominum, & in eius transitum adfuit Amedeus de Rossilione Valentinus Episcopus, qui & sepulturæ exequiis ministravit, vnde accidit illud rarò contingens, quòd filiulus patrem, nepos auunculum, Amedeus Diensem episcopum sepeliuit, qui ex vi priuilegiatæ vnionis eidem succedens, factus est lapis angularis positus in caput anguli, vt faceret vtraque vnum; A Domino factum est istud, & est mirabile in oculis nostris: sicque præsul prudens & vigilans, vnionem priuilegiatam absque vlla contradictione prudenter reduxit ad actum prosperum. & iocundum. Item ecclesiarum suarum capitula vniter in vno capite ad se inuicem adunauit, & ex vtroque capitulo hinc inde assumptis partibus, vnum collegium participationi medium in terræ medio, scilicet apud Cristam instituit, vt in eo, & per illud tanquam per cauillam & clauum medium, ecclesiarum vnio indissolubiliter & perpetuò ligaretur. Item Castrum Crispiati tutissimum suis appropriauit ecclesiis, in totius terræ deserti præsidium, refugium, & recursum. Item villam Salientem in transitu & in passu episcopatum, suis alligauit ecclesiis fœdere sempiterno. Item fauentibus fidelibus suis, villam Augustæ ingrediens in manu valida, eiusdem fortalitium munitissimum viriliter impugnans per triduum, Deo auxiliante obtinuit, & eos qui in munitione erant, plufquam sexaginta bellatores electos in compedibus alligauit. Item Espenellum &

Baronum

Basonum obſeſſit, & erectis machinis arctauit obſeſſos, coëgit aduerſarium pacem petere, & offerre quam acceptauit, vir induſtrius & ſub pacis fœdere de Criſta Dei adiutorio in poſſeſſionem corporalem poſitus, ſeceſſit à Pontaiſio & occupata caſtra illaſa reddidit, & generalis interdicti ſententiâ relaxauit, ſicque Valentina Eccleſia per Dienſium auxilium reſtituta ab oppreſſione tyrannidis, & non aliter reſpirauit. Ex quo verè concluditur vnionem eccleſiarum indubitanter à diuinâ prouidentia proceſſiſſe. Item ſuper Criſtę verticem, fortaliſſimum diſpoſitiſſimum erexit vſque ad ſummum, ſub mirabili temporis breuitate. Item nobilem virum Ademarus GERALDUM cum parte ſua Montilij, & tota terra alia quam habet circa Rhodanum in dominium ligium acquiſiuit & emit, & pretium acquitauit. Item Praciluallum nobilem ciuem cum ſua terra Dienſi recepit in homagium ligium, & in feudum, item alia feuda Eccleſiæ ſuæ perſulia de quibus non eſt dicendum per ſingula acquiſiuit. Igitur fuit ſacerdos magnus, qui in vita ſua ſuffulſit donum, corroborauit templum, & præualuit eccleſiarum ſuarum dominium ampliare.

De iis que fecit pro Eccleſia Lugdunenſi. Quàm audacter & quàm viuaciter, & quoties feroces & potentes inimicos Lugdunenſis eccleſiæ inuaſerit & viriliter impugnauerit, & cum fratre ſuo Lugdunenſi Domino ſe eis obiecerit, cauſa breuitatis liceat præterire.

De iis que fecit pro Eccleſia Viennenſi. Mortuo Domino Guidone de Alunnya Archiepiſcopo Viennenſi, & adminiſtratione recuperatâ, vt erat de iure & conſuetudine antiqua, & nobili, priuilegia eiſdem eccleſiæ à manu forti occupata fecit viriliter expediri, & ea poſuit ſub nra cuſtodia reſeruanda. Item feudum caſtri ſancti Theodori inueteratum pro eadem Eccleſia, cum poſſeſſione plenaria renouauit eiſdem. Item canonicorum Eccleſiæ periculofam & inſtinam diſcordiam cupiens dirimere, excedentes & culpabiles de ciuitate exire compulſit, & oppreſſos ſub alis protectionis ſuæ recolligens, villæ & eccleſiæ internam pacem reddidit & quietem.

Que fecit pro Viuarienſi Eccleſia. Quæſtionem tediousam & querelam longuam, quam habebat vir nobilis Lambertus dominus Montilij cum Epifcopo Viuarienſi, pro feudo Caſtrinoui iuxta montem Pauſardi, Amedeus fideliter cum arbitris procedens in negotio, querelam cum vtriuſque partis gratia per manum arbitrorum laudabiliter compoſuit & de vexatione, & de guerra longiſſima Viuarienſi Eccleſiæ pacem reddidit & quietem.

Que fecit pro Eccleſia Romanenſi. Cericofitatem & rebellionem Romanenſem cupiens reprimere, in fauorem Eccleſiæ Romanenſis, cum ſit Eccleſiæ villa collegiata & vnita in capite, turrem fortiſſimam de lapidibus quadratis tempore ſuâ breuitate imperceptibili erexit ſupra Pontem Iſaræ, & cum canonicis Eccleſiæ tradidit muniendum in deſenſionem innocen-tium, & in reprehentionem malitiæ peruerſorum, ſed Romanenſibus non obſtante fidelitate iurata ab intus repugnantibus & expulſis canonicis, capellanis & clericis omnibus, & per manum Burgundienſem eandem turrem impugnantibus, Amedeus ſe opponens pro eccleſia per menſem inter-grum tempore hiemali, ſe & ſua expoſuit, & turrem & pontem contrâ te-

nuir & subfodit, & in eorum oculis pontem cum turribus deiecit in Isaram, & per octo dies & totidem noctes in tubis Iosue villam anathematis circuiens, usque ad muros villæ extrinseca deuastauit. Quadam etiam die cum exercitus Amedei ab vno loco ad alium se transferret, Romanenses in suâ superbiâ de conductâ militiâ confidentes, extra portum concorditer exierunt, se paratos ad prælium ostentantes, & trucidatâ multitudine compulsi sunt fugere, & villam intrare cum impetu præcipiti, & portas pendulas super insequentes Dieneses dimittere sunt coacti. Tandem denegatis vndique Romanensibus victualibus, infra annum suæ rebellionis coacti sunt pacem & veniam petere, & subiectionem offerre debitam & de forefactis satisfacere obtulerunt, quod obtinuissent nisi dispensator humani generis, Amedeus infra tractatum pacis in malum Romanensium de medio subtulisset, rebelles enim & discoli non fuerunt digni tanti Pontificis pace frui.

De his quæ fecit zelo iustitiæ. Triflating vrbis ciues, maleficos qui peregrini patris Amedei spolia depredarunt, collecto exercitu in filiali affectu & veneratione crucis Christi prædones & prædam in eorum vrbe propria quæ dicitur sancti Pauli, in sua audaci potentia requisitum & principaliter actorem maleficij cum suis sodalibus exilio relegauit, hospitium Castellanus, in quo præda reducta fuerat dirimi fecit funditus, in vindictam crucis Christi & in rei gestæ memoriam sempiternam.

Item rectorem ejusdem vrbis cum aliis ciuibus prædæ consentientibus pro expensis factis in quadam pecuniæ summa misericorditer condemnauit, quibus peractis cum suis in pace ad propria est reuersus.

Item Marchionem Montis-ferrati Mediolanensis, & magnæ Lombardiæ Capitaneum, usurpatorem injustum terræ Sabaudienfis, dum transiret in Hispanias auctacter detinuit, & detentum coëgit Taurinum & castra adiacentia Domino Thomæ de Sabaudia restituere cum pace tuta, & hoc fecit Amedeus, in zelo iustitiæ, & in recompensationem collati beneficii à Sabaudienfi Ecclesiæ Valentini retroactis temporibus. Super quo Papa Nicolaus propter sponsalia neptis suæ Marchioni affinitate ligatus, solemnes nuntios Legatos Ebredunensem & Aquensem Archiepiscopos, Amedeo cum literis comminatoriis destinauit, quos vir prudens recepit cum reuerentia, & saluis terminis obedientiæ eos remisit vacuos, manensque imperterritus in suâ constantiâ, ab inceptâ executione iustitiæ non recessit.

Item eodem zelo iustitiæ castrum del Bos de la Sayas à dicto Thoma Sabaudienfi usurpatum, fecit restitui Domini Comitissæ Viennensi, & inter eos pacem gratissimam reformauit.

Item eodem zelo castrum S. Theofredi causâ correctionis monasterij à seipso diu detentum, factâ monasterij reformatione à nullo coactus, sed spontaneus monachis reddidit & Abbati.

Item eodem zelo Castrum-nouum supra Isaram, à prædecessore suo propter rebellionem Remundi Fedentarij retentum, Amedeus ex compassione & zelo iustitiæ, Guilhelmo prædicti Remundi filio & heredi reddidit.

Item eodem zelo auditâ morte Domini Simonis de Cleriaco, & cognitiâ ejus filij Rogeni gratitudine, castrum Pisantiani, & castrum Bocci & alia feuda occupata ab Ecclesiâ Valentinenfi & Romanensi gratificata heredi liberaliter expediuit.

Item zelo pietatis plebanis suis , in aduersariorum carceribus detentis paterno affectu compatiens, captiuum magis valentem pro captiuo quocumque suo minus valente semper fuit paratus expedire libentius quàm ab eis pecunias extorquere.

Item quadam vice in suæ pietatis Amedeus argumentum, pro expeditione suorum hominum obligauit se ad soluendum decem millia solidorum statuto termino; & pro prædictis castrum Montis-veneris die statuto tradidit recurrendo, nisi aliter Deus prouidisset.

Generalis conclusio. Burgundos compescuit, Lombardos corripuit, Hispanos ad iræ fremitum concitauit, Prouinciales ad regem Burgundiæ anelantes ne ipso viuente proprios exirent terminos retentauit. Summum Pontificem totius orbis principem, suis probis & iustis actibus non timuit irritare, omnes externas nationes famâ sui nominis fecit quam plurimum admirari, genti suæ & omnibus suis successoribus velut alter Machabæus, Mathatiæ filius gloriam, & honorem & reuerentiam acquisiuit.

De zelo regularis discipline. Zelo zelatus cum Helia in domo Domini non solum Abbatiam Sauiniani in religione & disciplinâ monasticâ reformauit, sed Abbatiam S. Theodori in Diocesi Viennensi de monachorum dissolutione & insolentiâ diffamatam, præmunito castrî præsidio personaliter visitauit, & præmissâ diligenti inquisitione rebelles monachos & incorrigibiles à loco expulit, obediens & disciplinabiles retinens senioribus eos tradidit instruendos. Item abbas ejusdem loci receptâ spontaneâ cessione, prouidit eidem de abbate magis prouido, industrio, & viuaci. Item canonicos non canonicè viuentes, regulares sub regula non degentes, ad regulam professam & ad statuta religiosa religauit: & quia bonorum temporalium affluentia, causa casus religionis fuerat, ab indignis ministrantibus partem subtraxit inutilem, & eam vtilitati communi patriæ & Ecclesiæ applicauit. Ipsi tamen de subtractione temporalium dolentes, neque amplius de promotione religionis gaudentes, velut tauri indomiti, erectis ceruicibus, per campos licentiæ discurrentes, imprudenter attentant jugum religionis abicere, & contra applicatum sibi stimulum calcitrare.

De ejusdem morte gloriosâ, & duro mortis præfagio. Quadam die anno Incarnationis Dominicæ 1281. mense Iunij, Sathan humani generis antiquus aduersarius, permissione diuinâ Amedeum percutere gladio Romanensium attentauit, in quorum sibi paratas incidas incautè incidens, factò graui gladio super eum, in clypeo diuinæ protectionis se & suos apud Alexianum recolligens, vix euasit. Eodem die & horâ eâdem, licet tempus esset satis serenum, Sathan confusus eo quòd eum non poterant percutere, in flammâ fulguris visibiliter de cœlo cecidit super campanile Ecclesiæ Cathedralis Valentis, & solum speculatorem percussit, & speculam combussit; in quo factò domum veri speculatoris ejusdem Ecclesiæ morte resoluturam in proximo, suo duro præfagio demonstrauit. Eodem anno mense Septembris in vigilia B. Virginis, Amedeus febre tertianâ correptus cum esset apud Valentiam, versus Dienses iter arripuit ac si vellet deliberare ibidè cū auunculo suo altero Amedeo suo corpore se pulturâ, vocatisque suis canonicis & Confessoribus rogauit eos, vt confestim eū apud Diā arrepto itinere sequerentur, quo cū peruenisset de morte suâ ab infirmitate suâ præmonitus cōfessione priuatâ deuotè,
die

360 Appendix ad Lib. IV. de rebus gestis

die Dominico in festo Exaltationis sanctæ Crucis, Præsul Christi præcepit sibi Eucharistiam præsentari. Congregantur canonici, conueniunt clerici, multique viri religiosi ciuēsque fidelissimi suspirantes: sedit Præsul super lectum suum, & præsentato sibi corpore Christi, altâ voce cunctis audientibus qui aderant, de morte sua gratias Domino reddidit Saluatori, proferens quæ sequuntur. Graues inquit guerras & periculosas pro tuendis iuribus Ecclesiarum per quadriennium perperessus sum sine pecunia, in vno pede & vna manu; & multis me & meos exposui periculis, hinc cadebant lapides de tormentis & machinis, inde tela, hinc inde gladius, & ex omnibus me eripuit Dominus, & in suâ clementiâ me morti tam prouidè referuauit, vnde sibi gratis referre debeo & vos mecum. Post hæc facta confessione generali omnibus indulsit, & veniam petiit: requisitus de fide Eucharistiæ erectâ manu dexterâ, & ostenso corpore Christi multum affectuosè dixit hunc credo firmiter, illum eundem esse integraliter qui pro me & aliis peccatoribus pendit in cruce: & manu ad caput suum positâ subjunxit, pro istâ fide paratus sum, & semper fui det truncationi exponere caput istud. O mira & salubris Confessio! quod corde credebat ad iustitiam, ore confessus est ad salutem; & martyrium quod pro tuendis iurisdictionibus Ecclesiarum diu ante in membris suis patienter sustinuerat, modo pro fide in voluntate affectuosâ suo obtulit Saluatori in sacrificium, & hostiam pinguißimi holocausti. Eodem die in metu diuinæ prouidentie adfuerunt Domini Lugdunensis Archiepiscopus, & quidam alius Episcopus amicus ejus, Abbas sancti Theodori, & Abbas sancti Felicis & soror sua; & breuiter quasi omnes præcordiales sui, quos sub adjuratione fidei & fidelitatis mutue charitatis oris osculo concurrente, de forefactis suis, & debitis. soluendis & clamoribus sedandis, vt fortiùs potuit obligauit, sententias omnes acceleratas relaxauit, condemnationes iudicum suorum absoluit, captiuos ratione guerra detectos iussit relaxari. Item ordinauit & præcepit vt appropinquante agone suæ mortis conuocarentur Christi milites, sui Canonici, & interessent ciues voluntarij, qui eum in suo vltimo & periculoso prælio suis interventionibus adjuuarent. Vt simplex Claustralis mori cupiens, in manu Domini Lugdunensis quantum in se fuit omnibus suis dignitatibus & prouisionibus resignauit. Tertiâ feriâ immediatè sequente in festo Euphemie, ipso annuente vocati sumus horâ primâ, & lectâ Passione à Domino Lugdunensi Litanias, Psalmos, Orationes ad hoc speciales diximus frequenter emittebantur suspiria, & singultus. Tâdem circa tertiam cum nullum verbum ab eo expectaretur, scicitatus à Domino Lugdunensi vt in B. Virginem speraret, & in eam mentem figeret, exinsperato respondit altè & distinctè, ipsa inquit stat mihi in bono loco. O mira ad instantiam consolatio, & gaudij mirabilis agitatio, in tantum vt facies silentium risum ostentare coactæ sint, nam ille vltimo instanti vitæ suæ termino, verbo miraculosè prolato, viuâ voce asseruit gloriosam Virginem in mortis periculo sibi in præsidium adfuisse. Beati qui sperant in eâ. Post paululum Christi miles suauissimè in Domino obdormiuit, qui bonum certamen certauit, cursum laudabiliter consummauit, fidem firmiter tenuit & seruauit, & ideo coronam sibi ab æterno dispositam in thesauro diuinæ prouidentie, reddet sibi iustus iudex Dominus Iesus Christus qui cum Patre & Spiritu sancto viuut & regnat Deus per infinita sæculorum sæcula: Amen,

Exhorta

Episcop. Valentinor. & Diensium. 361

Exhortatio. O Præclari viri Christi Pontifices, Ecclesiarum Principes, terrarumque rectores, pigri, tepidi, inertes, huc venite. Amedæi spectaculum attentè, vt respicite per radiorum suorum diffusionem ejus exemplaris ratio ad actus similes vos prouocet, & prouocatos stimulet, probitatis & virtutis iter arripere depositaque voluptatis mollitiæ, vires mentis resumite, vt in præfenti prælio de tenebrarum harum principibus triumphare valeatis, in retributionis tempore pro palma sempiternæ vitæ brauium mereamini reportare. Amen.

Explicit vita bonæ memoriæ Amedæi de Rossilione episcopi primi Valentiniensis & Diensis post unionem, qui obiit anno Domini 1281. die vero 17. Septembris. Ceterum, vt hoc non taceam, Rossilionæ gens, è qua fuit Amedæus Episcopus, est nobilissima illa & antiquissima, quæ ex Rossilione Viennensis Dioceseos oppido, vbi quondam habitabat, sibi nomen fecerat, vt intelligitur ex sacramento, quo Ludouicus de Sabaudia, & Aymar de Pictauiæ Comes Valentinus anno 1281. die 5. idus Iulij dixerunt se iuuare mutuo in placito, & in guerra contra Aimarum de Rossilione Archiepiscopum Lugdunensem, Amedæum de Rossilione Episcopum Valentinum & Diensem, ac Artaudum Rossilionis dominum Viennensis diocesis, & omnes de genere ipsorum descendentes.

EGO Claudius Boniellus, Prouincialis Societatis IESV in Prouincia Lugdunensi, factâ mihi potestate ab admodum R. Patre nostro Generali, facultatem concedo, vt libri *De rebus gestis Episcoporum Valentinorum & Diensium*, &c. à Patre IOANNE COLVMBI, ejusdem Societatis Theologo compositi, & à tribus Societatis ejusdem Censoribus approbati, typis mandentur. In cujus rei fidem has literas sigillo nostro munitas, & manu nostra subscriptas dedi Lugduni die 1. mensis Decembris anno 1637.

CLAVDIVS BONIELLVS.



DE REBUS GESTIS
EPISCOPORVM
VASIONENSIVM
 LIBRI QVATVOR.

Illustr^{mo} & Reuerend^{mo} D.
D. IOSEPHO MARIAE
SVARES EPISCOPO
 Vasionensi.


IOANNES COLVMBI è Societate IESV.



NON facile dixerim, Episcoporum Illustris-
 sime, quid secutus sis, cum iussisti ut scribe-
 rem de rebus gestis eorum Præsulum, qui an-
 te te sederunt Vasionē, quod tu illā sermonis
 elegantia, illā eruditionis celebritate vir, po-
 teras vnus omnium felicissimè perficere.
 Quoniam ipsæ cum tuis ita coniunctæ sunt,
 ut sine iis dici non possint, neque, ut maximè possent, debeant,
 cuiusmodi fortasse videberis modestiæ illi tuæ id concessisse,
 quam & voce, & vultu, ac totius corporis habitu, velut innat-
 tam præ te fers. Sed ego semper existimaui sententiam ejus-
 modi esse hominis potius ex ignavia timidi, quàm viri à sa-
 pientia moderati. Scilicet contra modestiam is magis non pec-
 cat, qui sua suorumque præclara facinora assumit sibi dicen-
 da, quàm qui gerenda suscepit: Nisi fortasse putandum est
 plus arrogantia in eo esse ut dicas, quàm ut agas præ
 aliis; atque ut summa facinora recites, quàm ut fortiter, &
 animosè ea vnus suscipias. Operibus quippe sua vox est,
 eaque

eaque index animi verior, quàm & scriptorum voluminum, & ipsius quoque oris ac linguæ. Potius interest maximè posterorum, atque adeò virorum omnium qui verum amant; ipsius etiam seu famæ, seu sinceritatis, ut qui à maioribus fortiter gesta acceperunt domi suæ, & qui magna quoque gerunt aguntve, ea ipsi aliis referant. Nam quando certiùs, apertiùs, veriùs recitabuntur, quàm ab illis qui ipsa penitus nouere? Et aliena profectò nunquam ita scimus, ut nostra. Aquæ etiam (nam quid alia memorem?) nonnihil deperit, quæ à fonte in vas immittitur: plurimùm verò, quæ ab vno in aliud transfunditur. Vox ipsa quæ res dicit, nunquam sincerior est, quàm in ipso loquentis ore. Ut ab eo discedit, ut aliquid deperdit sui; longiùsque profusa sensim deteritur, donec omnis euanescat. Denique hinc fit, ut fama veri nuntia, feratur ficti prauique tenax, quòd aliorum de rebus vulgò loquimur, non de nostris. Sed utcumque hoc habeat, verissimus ille amor, quo ante annos triginta complecteris amantem tui, facit ut magis putem te, qui tuus omnino erat, cum in scribendo locum dedisse mihi: neque fui difficilis ego iubenti, ut dum scriberes à te gesta, non ab iis gerendis aliquando desisteres. Igitur etsi calamo manum non ad-mouisti, scripsisti tamen tu etiam hos de Vasionensibus episcopis commentarios; nisi fortè scribentis mens, quæ calamo non utitur, dicenda non sit scribere, quæ manu ponit in charta. Tu ille es, qui & aperto episcopij tabulario, & tuis omnibus libris chartisque mecum familiariter communicatis, meam mentem scribendis omnibus instruxisti. Neque manum, ut mea sit, quæ à prima tui adolescentia amicissimi viri est, quisquam arbitrat à te alienam esse. Sed vide an ista aberrauerit à tuis cogitationibus: id enim scilicet causæ est cur hos commentarios ad te detulerim.

AVCTOR LECTORI.

 *Q*UAM illustris quondam fuerit episcoporum Vasionensium claritas, mi Lector, hinc intelligis quòd Sidorinus Apollinaris et nobilitate generis, et opum vi eo celebratatis euectus, ut Auiti Imperatoris filiam haberet in matrimonio, fontem Vasionis episcopum sibi suæque familiæ validissimum semper patronum fuisse fatetur. Tanto apud ho-

*mines nomini vite integritas, veraque de cælo sanctitas respondebat. Nam cùm Theodosius, Quinidius, Barbus, alius post alium Episcopi, cælestibus sint aucti honoribus, cerè fateamur oportet inquilinum, ac veluti domesticum ipsis, & ferme, ut ita loquar, hereditarium fuisse virtutis omne genus. Sed Saracenorum principio, deinde Albigensum furor fecit, ut tantorum virorum omnis penè memoria obliuione sepulta sit. Vastauere Prouinciam, Vasionem incenderunt euerteruntque. Igitur ad quos de Vasionensium Episcoporum rebus gestis commentarios legendos accedis, arbitrare de fauillis cineribusque ereptum opus esse. Post antiquissimos illos Prasules Mornatus, Lambescius, Railanaus, Laudunensis, magna apud Occitanos & Prouinciales nomina; Raibaldus demum & Riperthus Flotta, Guilelmo Forcalquierensium regulo ex lauceranda Flotta matre genito proximi sanguine, sederunt Vasion: sedit Petrus de Casa per vitam, & à morte prodigiis celeberrimus. Hoc affero, ut videas potuisse Saracenos, Albigenes per Raimundos Tolosa Comites, Faïdo filium, & nepotem, potuisse Vasionensium Episcoporum tabulas, domos, ciuitatem, regionem dare gladiis ignibusque; celebritatem ac virtutem euertere perdereque non potuisse. *Que res ab ipsis fortiter gesta sunt, eas, ut ad me peruenerunt, tu bonus et facilis accipe.**

EGo Hugo Guilelmus Prouincialis Societatis Iesv in Prouincia Lugdunensi, facta mihi potestate ab admodum R. Patre nostro Generali, facultatem concedo, ut libri quatuor *Derebus gestis Episcoporum Vasionensium*, à Patre IOANNE COLUMBI, ejusdem Societatis Theologo composita, & à tribus Societatis ejusdem Censoribus approbati, typis manderur. In cujus rei fidem has literas sigillo nostro munitas, & manu nostra subscrip-
tas dedi Lugduni die 15. mensis Maij anno 1655.

HVGO GVILELMVS.



DE REBUS GESTIS

EPISCOPORVM VASIONENSIVM

LIBER PRIMVS.



Vasionensium, seu Vasiensium, aut Vafensium, (tribus
enim istis nominibus dixerunt antiqui Patres) Episcopo-
porum primus ignoratur. Anno post Christum natum
trecentesimo decimo quarto Dasius siue Damas, cum Victore exorcista de ciuitate Vafensi, interfuit
concilio Arelatenſi, quod post Romanum Melchias, agente Constantino magno, in causa Donatistarum coactum est, cum, vt loquitur Augustinus epi-

ſtola 162. Glorio & alijs Episcopis, illi omnes in pertinacia scelestissimi schismatis permanerent. Et ego quidem existimabam Dasium, nobilissimam & clarissimis factam viris. Ecclesiam à maioribus accepisse, quæ in Exorcistis, ferme ultimo clericorum gradu, haberet Victorem, celeberrimo illo totius Occidentis Episcoporum confessu dignum. Certè Vasio tum ea erat, vt fortissimis & omni ornamentorum genere illustrissimis viris abundaret. Vocontiorum ciuitatis duo capita, inquit Plinius trecentis ferme ante Dasium annis, Vasio, & Lucus Augusti: oppida verò ignobilia nouemdecim. Loco autem vel euerſo, vel sua deſecto celebritate, centum annis post Plinium, Prolemæus Vasionem solam Vocontiorum ciuitatem agnouit; cui proinde vni, tum subiecta erant omnia illa Plinij ignobilia oppida. Cùm autem non multò antè docuiſſet Maſſiliam Græcorum Phocensium fœderatam fuiſſe, profecto non obſcurè ſignificauit Vasionem opibus, viris, omnibꝫque belli & pacis artibus floruiſſe, Romanis pro fœdere ſub Traiano principe venerandam, Maſſiliæque ſupparem. Poſita tum erat in conuale, quam Ouidia quidem fluius, poſtquam è pluribus riuis in vnum alueum conuenientibus, inter Aulanum & Rupeculam (Rochettam vulgus dicit) pagos ortus, per ſana Gallæ & Leodegarij torrentis in morem decurrit, interſecat; amœni verò primùm tumuli, deinde non infelices, neque ingrati montes, in theatri ſpeciem cingunt. Habebat Ouidiam ad Libonorum; & nunc etiam ab aquilone fluminis, viſuntur ſacratum, & profanarum ædium magnæ & latè iacentes ruinx, argumentum ampliſſimæ quondam vrbiſ. Sed quanta fuerit poſt ſuperatos à Burgundionibus Vocontios, docent quæ poſt quinquageſimum ſupra quadringentos annum Sidonius ſcripſit Apollinari. Viennam veni, vbi Thaumaſtum germanum tuum maſſiſſimum inueni. Namque

confirmat magistro militum Chilperico, victoriosissimo viro, insurreptum tuo potissimum machinato, oppidum Vasonense partibus noui principis applicari. Quem principem appellat, est Gundobaldus Gunderici Burgundionum regis filius primogenitus, qui Chilperici equitum, cum pater viueret, magistri filiarum alterâ, seu Chronâ ex Adone, seu Mucuninâ ex Gregorio Turonensi cxsâ, alteram Chroildem postea dedit Clodoueo Francorum regi vxorem. Ei post patris mortem tam opportuna occupando Chilperici regno visa, ob nobilitatem scilicet, opesque, ac situm, est Vasio, vt eam sibi adiunxerit, non Apollinaris quidem operâ, quem sanctissimum postea præsulem habuit Valentia, sed nescio quibus aliis artibus. Neque minùs florentem fuisse arbitror post Burgundionum regnum à Clodoueo extinctum. Nam quæ res igitur fecit, vt eam Carolus Prouinciæ rex, Ludouici Pij per Lotarium imperatorem filium nepos adierit, non aditis Carpentorata & Auenione, vrbibus non multùm distitis, vt intelligitur ex tabulis, quibus in ipsâ scriptis Carpentora ctenfia quædam, cum S. Antonij sacra æde, prædia tribuit Episcopo Vendacensi? Sed quæ à Saracenis primùm, deinde ab aliis ad alios, vsque ad Raimundos Faidæ filium & nepotem, comites Tolosanos, sæpe turpiterque vastata crematâque fuerat potentissima vrbs, denum, vehementer accisa, seque plurimùm minor, à conualle ad montem proximum, vbi nunc sedet, deportata necessariò est, post arcem à Raimundo Faidæ nepote impositam illius summo vertici. Verùm, vt cumque hæc omnia habeant, quæ pro loco fusiùs exequi non possum, certè Dasno Pontifice, post annum Christi trecentessimum, clara plurimùm & nobilis erat.

- 6 Quis eo mortuo Episcopatum adierit non inuenio. Sed vnum aliquid apud Adonem post annum trecentessimum tricesimum septimum, temporibus Constantij, quem Constantinus magnus genuit, lego quod ad non modicum Vasionis decus facit. *Nectarius Viennensis Episcopus, in doctrina fidei eximius, qui in Vasensi illa Synodo primus interfuit, & Patris, & Filij, & Spiritus Sancti vnam esse naturam, & potestatem & deitatem, & virtutem in Ecclesiâ publicè prædicaui & docui.* Et si Ado sub illum annum de hoc Concilio scripsit, putabam ego tamen habitum, vt in eo publica fierent acta Nicenæ Synodi, quæ Nicausius Dicensis Episcopus ad ipsam à Gallicanis præsulibus, quemadmodum attuli libro 2. de Valentinis Episcopis numero 12. missus, ab Oriente retulerit. Nam cur ergo Nectarius, qui ei præter, in ipsa docuit Trinitatis essentiam esse vnam, quod in Niceno Concilio præcipuè definitum est: & Vasioni perhonorificum omnino fuit, ab Episcopis eligi ad recipiendâ Nicenorum, Patrum responsa.

7 *Auspici-* Post centum à prima Synodo Vasensi annos, Auspicius præfuit Ecclesiæ Vasionensi. Lego interfuisse tribus conciliis, Regensi anno 439. Arausicano anno 440. secundo Vasensi anno 442. reorque eum esse, ad quem, quando cum reliquis prouinciæ Arelatensis præsulibus consecrabat Arelatensibus Episcopum Rauennium anno 449. S. Leo literas dedit. Et fortassis ipse ille est, quem Sidonius libro 4. epistola 7. laudat à doctrinæ abundantia, & cui decimam libri octauæ epistolam sollicitus venerator scribit pro Petro tribunatio viro, qui eam sedulo expoposcera, & cui opem manente respectu nihilominus æquitatis precatur.

- 8 Auspicio successit Fonteius illo anno 449. aut sequente. Hic Fonteius vide-

videtur ille Fonteius Episcopus Synodi, cuius epistolæ respondet S. Leo epistola 32. Herculano Consule id. anno 452. vt habetur in M.S. Sauaroris. Ad illum Sidonius, anno post secundo & vicesimo in Episcopum Aruernensem electus, dedit literas in hæc verba. *Sic te familia mea validissimum semper patiorum fuisse reminiscor, vt amicitias tuas non tam expetendas mihi, quam repetendas putem. His adjicitur, quod indignissimo mihi impositum sacerdotalis nomen officij, confugere me ad precum vestrarum præsidia compellit, vt adhuc vlcerosæ conscientia minus biulea vulnera vestro saltem cicatrifentur oratu. Quapropter me meosque commendans, & excusans literas seriores, granditer obsecro vt intercessione consueta, cuius viribus immanè polletis, clericalis tyrannij in nobis rudimenta tucamini.* Ejusdem humanitatem laudat libro 7. epist. 4. *Cum sis, inquit, opinione magni, gradu maximi, testis est Vindicis noster non tamen esse vos amplius dignitate, quam dignatione laudandos. Prædicat sanctas & melleas, & floridas, quæ procedunt de temperata communione blanditias, nec tamen ex hoc quidquam Pontificali deperire personæ, quod sacerdotij fastigium non frangitis comitate, sed flectitis.* Fonteio sedente Chunnorum 9 (Hunnos nunc vulgò dicimus) rex Attila Gallias deuastauit, & Gregorius Turonensis libro 1. de miraculis cap. 13. autor est, rem in Vasatenfi vrbe memorabilem euenisse, cum oblideretur à Gauferrico verbis sequentibus. *Sacerdos conuocatis ciuibus vigilias celebrat, & missarum agit festa pro liberatione populi sui. Dum autem hac ageret, respiciens sursum, videt super altare quasi de camera templi cadere tres guttas equales magnitudine, claritate & candore crystallum vincentes. Cumque cum admiratione & stupore vehementi intenderent, easque nullus auderet attingere, Petrus quidam Presbyter qui, vt res ipsa asserit, magni erat meriti, exhibitâ argenteâ patenâ guttas colligere nittitur, quæ dum per altare vago cursu rotantur, defluentes in ipsam patenam, statim in se conjuncta vnâ gemmâ pulcherrimam effecerunt. Paruitque euidenti ratione contra iniquam & Deo odibilem Arianam hæresim, quæ eo tempore pullulabat, hac astra. Ha-* 10 *ctenus Turonensis, Quæ sit ei Vasatenfis ciuitas nonnulli quaeriant: & sunt qui velint esse eandem cum Vasensi, vt vbi sincera Nicenorum patrum de Trinitate sententia, ante centum annos, Gallicanis præsulibus probata fuerat, ibi diuinis etiam operibus firmata sanciretur. Neque verò putant Hunnos ad Vasatensem, quæ vulgari sermone appellatur *Basas*, depopulationibus peruenisse, & (vt non mirere Vasatensem pro Vasensi scripsisse) addunt Gregorium hoc sibi in huiusmodi nominibus assumere, vt ea plurimis mulcùmque variis demutationibus flectat. Libro 2. de miraculis S. Martini capite 44. scripserat Pictauium; postea dixit Pictauiensem capite 45. & Pictauiensem capite 56. Præterea cum scripserit ibidem libro 3. capite 34. Turonorum, addidit capite 36. vt scriberet Turonicum. Denique libro de sanctorum patrum vita capite 10. legis Caduricinum; & is ille est quem capite 20. inuenies Cadurcensem, & libro 4. historiarum capite 47. Cadurcinum. Hæc alij sentiunt iactantque: etsi ea non probem, refellere tamen non vacat. Certè qui ea ferunt, nunquam negabunt Turonensem alibi locorum semper scripsisse Vasatensem pro vrbe, quam Galli vocamus *Basas*, nusquam pro Vasione.*

Ethilius, siue Sextilius anno quingentesimo septimo interfuit Aurelianensi tertio: sed an Fonteio successerit non habeo cur asseram, aut negem. 11
Ethi-
liu.

Gemell.
luz.

Gem. Gemellus Vafensis antistes fubfcripfit Epaunenfis concilio, quod anno quingentefimo decimo feptimo coactum eft. Quæ verò fuerit Epauna dixi libro 2. de Valentinis Epifcopis numero 20. ftegit olim vbi nunc Iena Sabaudorum ad Rhodanum eft, nomine ab Epiena decifio, in quam Epau-na fenfum ita facientibus ſæculis feſe aperuerat. Eo ipſo anno mortuus eft Vaſione Eripius preſbyter. Hoc affero, non quòd res ab illo præclatè geſta ad me peruenerint, ſed quoniam ejus inſcriptio ſepulchralis, nobile antiquitatis argumentum, ad noſtra vſque tempora perdurat incorrupta. Sic habet marmor in baſilica quondam cathedrali effoſſum è parietinis.

✠ HIC IN PACE

REQVIESCIT

SANCTÆ MEMORIÆ

ERIPIVS PBR

QVI VIXIT

ANS XXVII

MENS. X. D. XVIII.

OB. VIII. KL. FEBRVAR.

PC. ITERVM

AGAPITI. V. C.

CONSS. ✠

Ex iſta inſcriptione, intelligis Eripium preſbyteratu initiatum fuiſſe, ante annum ætatis ſux triceſimum, præcepto Patrum è Gotthorum regno Agathenſium, non ſeruato à Vaſionenſibus in Burgundionum regno poſitis.

12. Anno poſt Eripium nono, non multis Vaſione milliaribus, Caſaria virgo ſancta & nobilis, mortua eſt in Odoacrenſi nemore, vbi nunc cæſis arboribus viſitur arx, ad Auenionem Sanctandreana, Rhodano impoſita. Placet afferre epitaphium ejus conditorio cùm ſepeliebatur inſculptum, quia faciet vt nonnihil in Eripiano non prætermittendum aduertam.

MENSIBVS ET GEMINIS CONCLVDENS TEM-
PORA VITÆ

VIVIT IN ÆTERNVM NVLLVM MORITVRA
PER ÆVVM

ISTA VALENS FIERI FLETVM MANANTE RO-
GAVIT

IVRA SACERDOTII SERVANS NOMENQVE
IYGALIS

✠ OBIIT BON. M. CASARIA MEDIVM NOCT.
D. DNICO INLVSCENTE VI IDVS DE-
CEMB. QVATRAGIES

ET VI. P. C. BASILII IVNIQORIS V. C. C.
ANN. XII. REGN. DOMINI CHILDEBERTI
REGI INDICT. QVINTA.

Sunt

Sunt qui ex particula &, initio hujus inscriptionis posita, colligant partem ipsius posteriorem priore amisâ esse, non totam: sed ita tulerunt rudia sæcula, ut orationem aliquando, non minùs quàm apud Latinos auctores sententiam, inchoaret. Libro 2. n. 2. 3. videbimus Guilelmum Arausicanum Antistitem, suas de damnis Vasionenſi Ecclesiæ à Comite Tolosano illatis tabulas ab eâ inchoasse. Marculfus sic orditur formulam 1. libri 1. *Dum & nobis divina pietas de natiuitate filij gaudium habere concessit, & formulam 24. libri 2. Ideoque placuit, Althelmus ita cecinit monosticho 194. Seruiet & segnis duro sub fasce laborum.* Accedamus ad alia. Annus, quo S. Casaria in hâc epigraphe traditur obiisse diem extremum, est Christi quingentesimus vicesimus sextus. Is enim est sextus & quadagesimus post consulatum Basilij junioris, & duodecimus Childeberti Francorum Regis, quandoquidem ille consulatum gessit 480. Christi; iste regnum inijt 514. quo Clodoueus pater vitâ excessit. Cum autem ea feratur, conclusisse mensibus geminis tempora vitæ, intelligis morbum quo extincta est durasse duos omnino menses. Valens inscriptionis autor se dicit & sacerdotem, & jugalem seu conjugem Casariæ, ut quod de quibusdam aliis legimus & suspicimus, Casaria quæ ab omnibus pro virgine habetur coliturque, virginitatem in conjugio illibatam seruauerit. Par omnino aliquid memorat Gregorius Turonensis libro de gloriâ confessorum c. 32. eum accipe. *Duos fuisse apud Aruernum, virum scilicet & puellâ, refert antiquitas, qui conjuncti conjugio, non coitu, & in vno strato quiescentes, non sunt ab alieno polluti in voluptate carnali. Post multos verò annos, cum eis esset latenter vita castissima, ex consensu pari vir conspuratus ad clericatum, puella verò religiosum induit vestimentum.* Sed vide annos Childeberti Francorum regis, cum anno Romani consulis positòs, senescente jam per Gallias imperij dignitate, & memoriâ consulum ipsius ex eo tantùm seruata, quod Clodoueus patrij nomen oblatum non abjecerat. An ipsius filijs quoque, aut Childeberto certè, id datum est? cur verò igitur in Eripij presbyteri tumulo nullus regis annus cum Agapiti consulatu scriptus est? putabam aut nouo exemplo hoc factum in B. Casariæ epitaphio, aut si tum ferebat in Gothia consuetudo, Vasioneses non seruasse, ob turbas à Clodouero Chilperici fratre toto Burgundionum regno excitatas, in regië ipsorum gentis, quod vehementer sequebatur, excidium. Verùm hæc satis pro loco fuerint, redeamus ad Gemellum Episcopum. Quo anno Christi mortuus fuerit, quàm multam ætatem in Episcopatu posuerit, non liquet. Aut ipso, aut alio post ipsum incerto, mihi Antistite, Concilium tertium Vasionè habitum est anno 508. ut significat decretum Carpentoraçtensis, quod præcedente auno latum fuit in hæc verba: *Hoc etiam placuit custodiri, ut sequenti anno, in vico Vassenſi, octauo idus Nouembris, debeat Concilium celebrari.* Sed nonnulli mirantur vicum à Patribus Carpentoraçtensibus appellari, quàm ciuitatem (ut Ptolemæum annis antè quadringentis taceam) post annos triginta vocauit Alethius Episcopus. Hoc ego non miror, qui vicum pro ciuitatis suburbio scriptum existimo. Gregorius Turonensis libro de gloriâ confessorum cap. 89. scripsit in hæc verba: *Marcellus Parisiæ urbis Episcopus, serpentem immensum hoc depulit ab oppido: & nunc in ipsius ciuitatis vico quiescit.* Capite centesimo quinto, iterum habet Parisiorum vicum: *tumulus*, inquit, *erat in vico Parisiorum.*

- 16 Alethius anno 51. Vafione fedit anſtes, quartoque Aurelianenſi Conci-
lio ſubſcripſit, & non multò poſt ipſum viuere deſuit. Eo quippe ipſo anno,
aut circiter, S. Theodoſium ei ſucceſſiſſe non dubito, qui jam ſenio grauis
Quinidium ſibi accepit adiutorem operis, volentibus Childeberto Franco-
rum rege, & Vltrogota regina Childeberti vxore. Nam cùm rex anno pri-
mo & viceſimo poſt Aurelianenſe quartum mortuus fuerit, & Vltrogota à
Clotario leuiro, conjugis ſucceſſore, amandata fuerit in exilium, proſectò fi-
dem ſuperat, quòd aut Alethius diu poſt primum & quadrageſimum illum
annuñt fuerit, aut Alethio mortuo, Theodoſium ante, aliquis Episcopatum
geſſerit, niſi dicas (quod ego nunquam duxerim) hunc ſenio valde proximū,
aut eo jam grauem, electum in Episcopum. Quantum enim eſt illud anno-
rum viginti tempus ante vltimam, & eſſetam, ac ſine corporis ad Episco-
patus munia viribus ſenectutem? Quinidius verò, ſive (vt Paſchalis ſecun-
dus dixit) Clinidius, Theodoſij ſucceſſor, hic ille eſt Quinidius Vaſionen-
ſium ingens decus, & ad noſtra vſque tempora, per mille & quod excur-
rit annos, nomine ſanctitatis clariffimus. Quo anno diem extremum ob-
jerit Theodoſius, nullibi chartarum inuenio, & de illo id vnum in anti-
quiſſimis tabulis legitur, tantà per vitam morum integritate, & tam multis
verſique poſt mortem fulſiſſe miraculis, vt inter cœlites autè omnem me-
morian relatus ſit.
- 18 Quinidius autem Theodoſij ſucceſſor, Vaſione natus eſt, non ſine præ-
cedentibus prophetiis Audi Anonymum, ſed coëtaneum autorem ejus vi-
tx. Feſtinaſ B. Geneſij martyrſ Chriſti, Arelate pro ejus confeſſione paſſi, ageba-
tur. Et ecce inter turbam, qua vndeque ad limina B. Martyrii colligebatur,
Quinidij mater mox futura grauaſ ſinu ſelici puerperio onerata, ardore pietatis
ducta peruenit. Nam & ipſa familiarius locum amplectebatur. Obſeratis ianuſ
Ecceſie, cùm pro amore martyrſ vigilas ſactura ſoris ſubſtitieſſet, aſſectū pio lachry-
mis ſuffuſa, vt in amorem Dei rapitur, orationem continuat. Illico audit propter
memoriam S. Martyriſ, Angelorum dulciſſimum ſtupendūque concentum. Nam
ianua quas cuſtodia vigilum clauſerant, diuino nutu panduntur. Sancta ſemina
terrore pio verecundè introgreſſa, & viſione mirabili percuſa, ſolo proſternitur,
claritate in expertà paſcitur. Cui ne timeret, de Beatis Angelis vnus ex multitudine
illa conſolationem preſtiturus adſiit. Diligenter, inquit, ſamina qua munere
Dei tui donantur accipe. Habitura es filium, quem Vaſenſium vrbs aliquando
ſuſceptura eſt ſacerdotem. His votis obſequiſque Deo placiturus, multis eſt cauſa
ſalutis futurus. Haçtenus ille. Quòd aſſerit turbam vndeque ad limina
B. Geneſij ſolitam colligi, confirmant ea qua Gregorius Turonenſis libro
primo de gloriâ martyrū cap. 66. refert de ponte Arelatenſi, qui ſuper na-
ues locatus nutare cepit, ac præ nimio pondere populorum ipſe naues debiſcentes, in
alueo fluminis populum ſubmergebant, in die ſolemnitatis ejus. Sed, vt ſubjun-
git beatus vir, ſub populi vnâ voce martyrē auxilio vocantis preces, mox
ſtante vento vulgus omne ad littus reduçtum, miratur ſe virtute martyrſ eſſe
ſaluatum. Pergit Anonymus de Quinidio dicere, vt primam ætatem
in ſtudiis literarum poſuerit, vt in clericum attonſus fuerit, vt puer,
ac adoleſcens ſenibus maturitate grauitatēque morum nihil debuerit.
Verecundia, ſubjungit, qua in ipſis adoleſcentibus prima virtus eſt, adco
illi ſociata fuit, vt innata ei videretur: humilitas autem & patientia præter bu-
manum

manum modum, castitas gratum Deo & hominibus veris iudiciis commendabat. Vigilantia orationis, lectionis assiduitas, meditatio & seruatior legis Dei, illi continuam contra hostes inuisibiles expedituram prestabant. Quod postea affert, diaconum ita non Vasionem & finitimas vrbes, sed Alpinas regiones, & Italiam celebritate nominis impleuisse, vt magnâ totius populi consensione, cui cesserit Arelatenſis Archiepiſcopus, à Theodosio in Episcopalis curæ adiutorem acceptus sit, profectò immensam viri laudem habet. Verùm antè vlterius quàm pergo in rebus à sanctissimo viro præclare gestis, existimo mihi dicendum esse de B. Rusticula, quæ nata est Vasione, anno 10. post Concilium Aurelianense quartum, Arelatèque in S. Cæsarii monasterio, virginum per annos 9. omnino & 50. mater, omnem Galliam impleuit nomine ex cælestibus prodigiis, & clarissimâ morum integritate collecto. Felicia profectò Vasionensibus tempora illa fuisse, cum duo ciues, Quinidius & Rusticula, splendidissimas virtutis faces tanto fulgore prælucebant, vt vniuersâ Prouinciâ maribus ille, hæc fœminis ad omne officij genus duces essent. Quoniam Rusticula omnibus ante me literis, si Pontificium Arelatenſe, & Martyrologium Gallicanum excipias, ignota est, plurimùmque facit ad laudem antiquissimæ ciuitatis, cuius Episcopos oratione sequor, placet de ipsâ dicere prolixius, & ex Florentio Tricastino, cum ea viuebat, presbytero qui de istâ ad Celsam scripsit, præcipua illius vitæ capita recensere.

Atque vt à sanctissimæ puellæ ortu incipiam, Rusticula virgo, inquit ille, ex 2 1
familiâ Martiâ Valeriano & Clementiâ nobilissimis & Christianis parentibus orta, commorantibus iisdem in agro Heboſiaco, qui est situs in territorio Vasionensi, factum est vt nasceretur eis filius, & non multo post tempore, dedit eis Dominus hanc sacratissimam prolem Rusticulam. Quis ager Heboſiaco? ignotum mihi est: & in tanta seu rerum, seu vocum omnium non Vasione, sed omni Prouincia per sæcula prorsus decem mutatione, quis aliquid certi afferat? faciunt tamen cū qui nunc vulgari sermone dicitur Arbosset: noménque alludit. Hoc etiâ iuuat addere. Ad Seguretum prope Vasionem pagum duo sunt montes, alterū vocant Arboux, Mars alterum: si quid ex nominum similitudine fas est colligere, cur negabis eos agro Heboſiaco, Valeriani gente Martij prædio contineri; & hunc è Martiâ gente acceptum seruare nomen, illum ex variâ per ætatū vices demutatione sic appellari, vt non parum de antiq̃ua voce sibi seruet? Pergit Florentius: Contigit autem vt eadē die, quâ hæc nata est, pater ejus 2 2
de hac luce migrauerit. Transactis igitur nō plurimis diebus, defunctus est & parvulus. Postmodum verò mater viduitatis veste contecta, tristitiâ, quam conjugis amissione vel filij assumptione, per hanc prolem fecunditatis sue viro editâ consolabatur, quam gentrix ad sacri baptismatis vndam Christo obtulit sancendam, eamque in regenerationis fonte ex suo genere Rusticulam vocitauit. Ab omni verò domus familiâ, Martia nūcupabatur. Hęc ille. Ex ipso habes nomina duo fuisse Rusticulæ, alterum è paterna Valeriani, alterum è maternâ Clementiæ gente acceptū: & hoc quidem in baptismo à matre impositum fuerat, illud verò à domesticis communi sermone vsurpabatur. Idem omnino Vvaldoni cuidam factū est apud Gregoriū Turonensem libro 8. historię cap. 22. accersito; sunt ipsius verba, Vvaldone diacono, qui & ipse in baptismo Berthchramnus vocitatus est. Certe sic ferebant illa tempora, vt singuli fere hominibus nomina duo essent, quemadmodum legere est & apud alios, & apud eundem Turonensem ac

- Flodoardum. Iste libro primo suæ historiæ cap. 10. ita loquitur de S. Remigio: *Remedium cum fuisse vocatum in veteribus quibusdam reperitur scriptis. Ille autem hæc habet in Francorum historia: Austrigildem cognomento Bobilam; libro 4 cap. 26. Gundegisilum cognomento Dodonem; libro octauo cap. 22.*
- 23 *Vedastes cognomento Auo; libro 7. cap. 3. Iam Martiorum gens, maximi apud Romanos nominis, ab ipsis pene incunabilis urbis fuit. Caius Martius in illam intulit consulatum, anno ab urbe condita quadringentesimo secundo. Quam illustris autem fuerit Rusticorum gens magis obscurum est. Sed ut antiquiora tempora non referam, Rusticum illum in eâ censere ego quidem non dubitauerim, quem B. Hieronymus monachum epistola 4. instituit. Non procul Massilia egisse ex eo volunt, quòd proximum habebat Proculum in ipsâ Episcopum, de quo S. Doctor ita loquitur. *Habes istuc sanctum doctissimumque Pontificem Proculum, qui viuâ & presenti voce nostras schedulas superet, & quotidianis tractatibus iter tuum dirigat.* Hic enim ille existimatur Proculus, qui quòd Episcoporum omnium Prouinciæ secundæ Narbonensis magister fuisset, in illa Metropolitanì nomen seruauit decreto Concilij Taurinensis. Verùm quando legis B. Hieronymum scripsisse *habes istuc, nolim putres Rusticum Massiliæ natum fuisse: si in ciuitate literis florentissimâ ortus fuisset, eum non in Gallia, sed Massiliæ operam dedisse literis adderet his verbis: *Audite te religiosam habere matrem, multorum annorum viduam, quæ aluit, quæ erudit, infantem, ac post studia Galliarum, quæ vel florentissima sunt, misit Romanam, non parcens sumptibus, & absentiam filij spe sustinens futurorum, ut vbertatem Gallici nitoremque sermonis grauitas Romana condiret.***
- 25 Magis existimo e patriâ, & fortassis Valsione, Massiliam ut Monachum ageret perrexisse, atque vitam in illo duxisse Monasterio, quod sub Antonino Pio jam olim conditum, ducentis post eum annis Cassianus vehementer auxit. Huic Rustico frater, aut certe consanguineus alter videtur, cui idem B. Hieronymus epist. 46. scripsit. Gallus etiam ipse erat, ut intelligitur ex Artemiæ uxoris patriâ, ad cuius matrem Hedibiam sic epist. 150. locutus est. *Ignota vultu, fidei mihi ardore notissima, de extremis Gallie finibus, in Bethleemitico rure latitantem ad respondendum pronocas.* Et fortassis non longè Valsione degebat, cum barbari, omnem Galliam victoriis peragrantes, deuastarunt Prouinciâ: ad eum enim ille ipse sanctus vir dedit sequentia. *Si te rei familiaris tenent reliquia, ut scilicet & mortes amicorum & ciuium videas, & feroces hostium vultus, & Prouincia tue infinita naufragia, teneto tabulam penitentia, & memento conserue tue, quæ tuam quotidie suspirat & non desperat.* Scilicet Artemia Rustici conjux in Palestinam pro sacramento venerat, Deo in monasterio seruitura, feceratque ut
- 26 S. Hieronymus maritum ad ejusdem sacramenti memoriam reuocandam induceret. Existimauerim quoque Rusticiam patriciam, cui ob barbarorum metum Constantinopolim Roma profugæ, literas dedit B. Gregorius libr. 3. epistola 44. ejusdem Rusticorum gentis fuisse. Ista verò Rusticia est, cui indictione 10. dederat epistolam 21. libri secundi: utraque enim patriua erat, utraque à sancto Pontifice iussa est salutare Eusebiam (quæ ex libro septimo epistola 23. indictione 1. Rusticianæ filia erat) & Apionem quidem Rusticia, Rusticiana verò Apinionem. Nam quæ in nobilissima gente vocabantur Rusticiæ, Rusticianæ, Rusticulæ, erant Rusticæ, nomine, ut in aliis vulgò fit, ex blanda per parentum amore deflexione mollito. Quid autem

autem huic ſeu Ruſticæ, ſeu Ruſticianę B. Doctör ſcribat libro nono, epiſtola 38. accipe. *Vnum egre ſuſcepi, quod in eiſdem epiſtolis ad me, quod ſemel eſſe potuerat ſepius dicebatur; ancilla veſtra. Ego enim qui per Epiſcopatus onera ſeruus ſum omnium ſactus, quia ratione ſe illa mihi ancillam dicit, cui ante Epiſcopatum proprius fui.* Et iſta quidem ſatis fuerint ſuper nomine & genere S. Ruſticulę: magis obſcurum eſt quo anno ſit nata. Dixi equidem in ſuperioribus natam anno decimo poſt Aurelianenſe quartum, ac proinde Chriſti quingentefimo quinquageſimo erimo, ſed vnde id habeam nunc aperendum eſt. Ita ego mihi quidem videor colligere ex Florentio illius vitę autore. Is tradit accuſatam fuiſſe apud Clotarium regem Pariſiorum, quod occulte regem nutriret, & ad ipſum vt ſe criminis purgaret vocatam adiſſe. Quem regem occulte nutriuiffe dicta fuerit docebo poſtea, & oftendam occultam apud Clotarium, ab eoque Pariſis vocatam anno ſexcentefimo decimoquarto. Hoc iam conſtituto ſic habet. Ex eo ipſo Florentio, cüm Ruſticula paucos dies egiſſet Pariſis, rediit Arelatem, & quarto decimo poſt anno ex hac vita deceſſit, ætatis ſeptuageſimo. Quartusdecimus autem poſt ſexcentefimum decimum quartum eſt ſexcentefimus viceſimus octauus, à quo ſi tollas ſeptem & ſeptuaginta, reſtat quingentefimus quinquageſimus primus. Hoc igitur nata eſt, illo poſt ſeptuaginta ſeptem annos vitę mortua. Sed hæc omnia ſeſe magis aperient, explicataque erunt ex ſequentibus.

Poſt non multos à Ruſticulę ortu dies vnum aliquid euēnit memorandum hoc loco. Florentius pergit. *Erat itaque pulchrā facie, & eleganti corpore, tantā verò in dilectione à notis & amicis, vel à familia domus habebatur, tantam ſi cæleſti eam ſibi gratia condonata omnes congauderent.* Quid maius de Moyſe legimus? *pulchrā facie, & eleganti corpore* erat infantulus ex capite 2. Exodi: igitur erat in omnium oculis; atque, vt Paulus ad Hebręos capite. 11. tradit, *fide à parentibus adamabatur, quod vidiſſent elegantem.* Quo autem amore Clementia mater complecteretur Ruſticulam accipe. *Quadam igitur nocte, cüm mater eius ſopori dedita accubuiſſet, vidit in ecclaſi ſe quaſi duos pullos columbarum ſummo affectu enutrire: & vnum quidem niueo candore præfulgentem, alium varietatis tegmine conſtantem. Cümque ſuper eodem nimio affectu congauderet, videtur ſibi quaſi domus familiam nuntiare, quod S. Ceſarius vrbis Arelatenſis Epiſcopus pro foribus adſtaret. Quod illa audiens, ſancti viri gauiſa aduentu, in occurſum eius lata properat, acque officioſiſſimè eum ſalutans, vt in ingreſſu ſuo benedictionem ſuę domui largiretur, humili prece petebat. Ingreſſusque domum benedixit eam. Cümque illa honore debito deprecaretur eulogias eius accipere, merereturque ipſe potum vel cibum accipere, hoc ab eo reſponſum accepit: Dominiſ tecum ſit, filia mea, nam ego vt pullum illum columbarum, quem tu dulciter tibi videris enutrire, mihi concedas exopto. At illa hæſitans intra ſemet ipſam cogitabat: vnde hoc ſcirat quod hæc illa apud ſe haberet, dicens ſe huiusmodi rem non habere. At ille dixit ad eam: Coram Deo dico: non hinc egrediar, priusquam petitioni meæ ſatisfacias. Mox illa negare non potuit, ſed exhibuit, & ſtatim viro Dei obtulit. Ille verò cum magno gaudio apprehendens eum qui nimio candore præfulgebat, oans in pectore ſuo collocauit, & valeſaciens abſceſſit. Illa expergeſcit a cogitabat intra ſemeipſam quid hoc eſſet, & reuoluebat in animo ſuo, quare ille qui deſunctus fuerat ſibi apparuiſſet, ignorans quod familiam ſuam (pro in familia*

- 30 sua) Episcopus *sponsam sibi eligere adoptaret*. Ecce Rusticulam Clementia mater vehementissimè amat, sed Deus ei per somnum significat futurum esse, ut illa sit olim monialis in Arelateni cœnobio, quod beatus Cæsarius erexit. Et quidem præfagorum eiusmodi somniorum pleni sunt libri, pleni visorum, quibus sancti homines sub imagine candidissimæ columbæ demonstrantur. Non igitur velim ego hoc aduertere: quod cogitare te cupio, est Rusticulam Cæsario ad Monasterium expetitam, cum prorsus infantula esset in cunis, scilicet nondum extincto fratre ab illa columba variis tincta coloribus significato, qui extremum diem obiit *non plurimè*, ut paulò antè vidimus, post Rusticulæ ortum *diebus*; & Cæsario proinde expetitam septimo post mortem anno, qui quingentesimo quadagesimo quarto Christi decessit è vita. Ceterum eulogias pro cibo & potu Florentius usurpauit cum aliis, & cum Fortunato libro vndecimo carmine nono. Audi Episcopos, à Childeberto & Guntramno regibus præpositos causæ Chrodieldis puellæ reginæ, cum Agnetè Abbatisa, apud Gregorium Tironensem libro decimo historię capite 16. *De conuiuio etiam, Agnes se nullam nouam fecisse consuetudinem, nisi sicut actum est sub domna Radegunde, se Christianis sibelibus eulogias obtulisse, nec sibi comprobari cum illis collatè conuiuasse*. Cæsarius in regula suarum
- 31 monialium numero 25. habet *eulogiam panis*. Cur ita Rusticulam sibi amaret Cæsarius, Clementia puellæ mater ignorabat; non ignorabat verò dæmon, sibiq; ab illa timuit, & in futurum præcauens, voluit infantulam deliciis in nutriri, & iam tum, si posset aliquando matrimonij vinculis irretiri, nuptiarum aliqua veluti rudimenta ponere. *Igitur*, addit Florentius, *cum esset hæc virgo annorum quinque, capta est à quodam viro, nomine Cheraonio: cumque eam ad domum suam perduxisset, genitrici suæ eam obtulit enutriendam, ut cum ad legitimam peruenisset ætatem filio suo connubio iungeret*. Cum legis puellulam à Cheraonio captam, ne cogita dolo, aut vi è manibus Clementiæ matris exceptam. Clementia Cheraonio alendam dedit, quæ filij nuptiis parabatur:
- 32 sed scriptor semibarbarus vim suam Latinis vocibus non reliquit. Hoc fecit dæmon, quid verò Deus? accipe. *Sed ille*, sunt Florentij verba, *qui non dormit, neque dormitat, et qui custodit Israël, reuelauit spiritui sancto Liliolæ Abbatisse Monasterij, quod sanctæ recordationis verbis Arelatenis Pontifex Cæsarius fundauit, ut peteret à venerabili Siagrio Episcopo, qualiter agere deberet apud gloriosissimum Gunderamum regem, ut intra septa monasterij eam faceret introire. Tunc supradictus Cheraonius cum hoc factum comperisset, cepit multis precibus & muneribus precari, ut ipsa ei concederetur in matrimonium: Sed diuinâ gratiâ concedente, ita ipsi regi in suo corde largitus est Dominus, ut eam per quendam Abbatem virum magnæ conuersationis ad Liliolam dirigere debebat. Liliola hæc illa est celeberrima Monasterij Arelatenis post Cæsariam, aut B. Cæsarij sororem, aut, ut alij volunt ex Cypriano qui sancti Cæsarij vitam scripsit, aliam ceteris scriptoribus ignotam Abbatisa, sanctæque Radegundis reginæ in rebus monasticis, Sigiberto rege postulante, magistra: quæ tes fecit ut Fortunatus post Cæsariam inter virgines in celo per Cæsarij fratris monita constitutam ita caneret.*

Quos Liliola refert æquatis moribus ambos,

Et claram heredem proxima palma manet.

Et quæcumque suos vigilans meditabitur actus,

*His erit egregia participanda gradu.
Concipiente fide, Christi Radegundis amore,
Casarij lambit regula quidquid habet.*

Casaria verò posuerat Massiliæ rudimenta pietatis Monasticæ, in cœnobio quod Cassianus ante centum quinquaginta annos erexerat; & Rusticulæ etiam temporibus, religiosis vigeat legibus, ut intelligitur ex S. Gregorio libro sexto epistola 10. Respectæ Massiliensi Abbatissæ. Cur autem Liliola cogitauit de Rusticula in monasterio habenda? quid rei Gunderamo regi ad id proposuit? omnes libri, omnes tabulæ hæc tacent. Si suspicionibus agere fas est, crediderim ego sanguine proximam fuisse Rusticulæ, & cum pro generis propinquitate puellam & diligeret, & variis per nuntios neque infrequentes literas, ut sit, frequentaret officiis, denique huius ita sibi Deoque deuinxisse animum, ut Beato Casario cepta, quæ vidimus, maturante de cœlis, Rusticula Cheraonij nuptiarumque imminentium perosa, cogitauerit monasterium, & de ipso adeundo vehementer egerit cum Liliola. Quando enim inuitam, aut non cogitantem, vel hæc ad monasterium à rege peteret, vel Abbatissæ postulanti rex concederet; quibus verò aliis siue officiis siue artibus duodenni puellulæ aut innotuisset, aut amata fuisset, quæ longè in cœnobio clausa erat Liliola? utcumque ista habeant, certè Cheraonij iam penè foci, & Clementiæ matris nullæ artes potuerunt efficere, ut quod rex concesserat, Rusticula Arelatense Monasterium non adiret. Illas fuscè tradit Florentius. Gunderamus autem rex huic scriptori est, quem vulgò Guntramnum dicimus, siue Guntheramnum, Clorarij primi filium, qui cum adierit regnum Burgundiæ, Arelatē & vniuersam cis Rhodanum Prouinciā complexum, anno quingentesimo sexagesimo quinto, ante hunc annū Rusticula non venit ad Liliolam; sed neq; post eum, se Monasterio ipsa addixit, quandoquidē quingentesimo sexagesimo nono in Abbatissam assumpta est octodecim annorū virgo, ne feratur religionum prorsus rudis in hoc dignitatis euecta, quod omni summatarum virtutum genere promeruisset statim videbimus. Rusticula ergo quaturdecim annos nata, ambiente Liliola Arelatensi Abbatissa, agente Siagrio Augustodunensi, ut ego quidem arbitrabar, celeberrimo illo iis temporibus præsule, annuente Guntramno rege, ducente Anonymo quidem sed sanctissimo Abbate, Cheraonij domo excessit, monialēque Arelate professā est. Iuuat hoc addere, si B. Radegundis de Arelatensium monachorum habitu cultuque nihil mutauit, Rusticula vestem lacteam in cœnobio induit, quod præscribit S. Casarius in regula num. 44, siue lactineam, hoc est colore lacteam, ut ego quidem interpretabar, & nudos omnem vitam pedes habuit. Nam Fortunatus libro octauo carmine primo sic loquitur de B. Radegunde.

Regia lactineo mutauit pallia cultu:

Vilior ancilla vestis amata tegit.

Splendida ferrata quondam subuecta superbo,

Nunc terit obsequia plautæ modesta lutæ.

Lactineus verò, siue lacteus color à summa albedine remissus, auctore Theophrasto medico de urinis cap. 5. similis est lacti, & albedinem recipit, id. glauci superat, qui est insar cornu attenuati perspicuus: Atque lactinea vestis mihi quidem videatur concolor Cartusianæ, & qui Casarianarum erat in veste virginum

ginum pannus, colore & (si ex ceteris regulæ partibus conicere fas est) alperitate omnino par illi, quem in superiore Occitania plebs agrestis adhibet ad sua pallia, quæ Galli dicimus *capès de Bearn*: sic enim profectò erat *uilior*, ut loquitur Fortunatus, seu vilissima ancilla *uestiù*.

- 38 Florentius persequitur studia puellæ iam monialis: addit tantis ceteras virgines anteiisse virtutibus, ut paucis post annis in Liliolæ mortuæ locum magno omnium consensu euecta fuerit. *Tantam autem gratiam*, inquit, ei Dominus, & memoria capacitate dignatus est tribuere, ut intra pauca temporum spatia psalmos omnes didicerit, & omnes scripturas diuinas memoriter retinuerit. Nam fertur aliquando dum infans psalmos pararet, & ut adsolet, infantie somno occuparetur, recumbens in genua vnius de sororibus, psalmum & ipsa in aure dicebat. *Quæ mox ut expergescenda fuisset, tanquam si eum legisset, ita memoriter recensebat, implens illud scriptura dictum, ego dormio, & cor meum vigilat. Tanta autem caritate & humilitate circa illam sanctam congregationem sibi exhibebat, ut homines eam nimio venerarentur affectu. Erat enim strenua in omnibus, prudens in verbis & moribus bonis, elegans specie, ætate conspicua, in omnibus mansueta, præceptis Christi morigera, ita sue proprietatis nomen actibus demonstrans, ut iam illi in tempore dignam sponsi vocem mereretur audire; speciosa sicut luna. Igitur beatissimâ Liliolâ de hac vita migrante, à Domino visum est ad omnem illam sanctam congregationem, ut dilectam Dei Rusticulam eligerent sibi matrem. Illa autem resistebat, indignam se esse dicens ad hoc opus. Sed multum fauente Domino impletur deuotio ancillarum Dei, impositoque sibi honore, Christi sancto moderamine, inuigilabat pro animabus ad se pertinentibus. Erat autem tunc annorum circiter decem & octo. Quid plura referam, & quæ Abbatissâ gessit recitem? ea fuscè tradit Florentius, virtutes in super, miracula, visâ; in quibus illud eminet, quo Lucia & Melania sanctæ mulieres sese conspiciendas Rusticula præbuerunt. Vnum ille omisit, quod habet Gregorius Turonensis libro quarto historię capite 26. Theodogildis ex opilionis filia in vxorem & reginam euecta est à Chariberto Parisiorum rege: sed eo mortuo, & suæ à natalibus tenuitatis, & tanti supra omnia humanarum cogitationum vota coniugis, oblita ad Sigibertum Metis regem leuiro nuptura proficiscitur. Hic effrenam impiæ mulieris siue arrogantiam, siue libidinem detestatus, eam anno istius sæculi septuagesimo damnat Arelatensi monasterio. *Hæc**
- 41 *Verò agrè ferens*, subiicit Turonensis, ieiunius ac vigilis affici, per multos nuntios Goibum quendam adiuit, promittens si se in Hispanias deductam coniugio copularet, quod cum thesauris suis de monasterio egrediens, libenti eum animo sequeretur. Quod ille nihil dubitans repromisit. Cumque hac collectis rebus, factisque volueris, à cænobio pararet egredi, anticipauit voluntatem eius industria Abbatissæ: deprehensaque fraude eam grauiter casam custodiæ mancipare precepit, in qua usque ad exitum vite præsentis, non mediocribus attrita passionibus perdurauit. Vixit Rusticula vicennis Abbatissâ secundum in magistratu annum perfece- rat, cum Theodegildis ad eam venit. Quo autem Gothus vir cum ea de matrimonio & Hispana protectione egerit, mihi non liquet. Certè totum hoc facinus prudentiam, animosque virginis religiosam in monasterio suo disciplinam vehementer amantis, sanctæque seruantis, apertissimè demonstrat.

- 42 Interea rerum daemon frendebat, grauissimæque dolens ereptam nuptiis, sæculoque,

ſeculoque ac ſibi nobiliſſimam virginem ; & Ruſticulam reſtitutis cum
 templo ædibus monaſterij, magnôque puellarum agmine ſibi ad Dei cultum
 ſociato feliciffimè agètem, turbare ac perdere cogitauit per importunû faci-
 nus. *Suaſit cuidam Epifcopo, Maximo nomine, & cuidam principi nobili ſecundum
 ſeculum, nomine Ricamiri; ſunt Florentij verba, vt falſum teſtimonium cogitarent
 aduerſus famulam Chriſti, quòd illa occultè regem nutriveret : & abeuntes ad regem
 Clotarium accuſauerunt eam.* Quis Maximus antiſtes fuerit, quis Ricamir Prin-
 ceps me later. Rex quem ij per inſignem calumniam aiebant à Ruſticulâ
 occultè nutiri, eſt Childeburtus Theodorici filius, qui Sygoberto, Corbo, &
 Meroueo fratribus captis à Clotario *fugaciter aſcendens, nec vnquam poſtea
 fuit reuerſus*, vt loquitur Appendix Turonenſis capite 41. Porro Maximus &
 Ricamir fecerunt, vt Amphidius Arelatis pro rege gubernator (principem
 vocat Florentius) eſſi amiciffimus erat Ruſticulæ, eam tamen à Clotario ju-
 beretur etiam nolentem educere de monaſterio Pariſios deducendam. Igitur
 quæ non potuerat minis ex eo pertrahi, hoc Amphidij precibus demum
 conceſſit, vt cùm antea præceptum S. Caſarij de non exeundo è monaſterio
 præ omni à rege terrore poſuiſſet, ex ipſo prodiret, atque in illius cellam ſe
 reciperet. Præceptum B. Caſarij habes in ejus regula n. 2. *Nulli, inquit, ex vobis
 uſque ad mortem ſuam de monaſterio, aut permittatur, aut per ſciſam præſumat
 exire.* Id Epifcopi omnino ſeptem reſpondentes Beate Radegundi de
 monaſterio ab eâ erecto, & puellis ad illud conuolantibus ſuâ conſtitutione
 confirmant. *Deſinimus, inquit, ſi qua de locis ſacerdotaliter voſtra gubernatio-
 ni Domino prouidente commiſſis, in Piſtauia ciuitate voſtro monaſterio meruerit
 ſociari, ſecundum beata memorie domini Caſarij Arelatenſis Epifcopi conſtituta,
 nulli ſit vlteriùs diſcedendi licentia.* Quàm graue autem habitum ab omnibus
 fuerit facinus, contra illud à Chrodieldæ & Baſina Regiis virginibus ſuſcep-
 tum, inuenies apud Gregorium Turonenſem libris nono & decimo hi-
 ſtorie. Arelatenſis monaſterij cella abs dubio dicitur à Florentio, in quâ
 excipiebantur hoſpites: cella ſalutatoria appellatur à Sancto Caſario in re-
 gula numero ſexageſimo quinto. Iam cùm Ruſticula ſeptem totos dies
 in eâ cellâ hæſiſſet, dedit ſe Pariſienſi ad Clotarium regem viæ, &
Deus reuelauit per Spiritum ſuum ſanctum, ait Florentius, *cuidam apoſto-
 lico viro, Epifcopo ciuitatis Viennenſis, vt protinus ad regem graderetur, & denun-
 tiaret ipſi grauiter in Deum offendiſſe, eò quòd inuſto iudicio condemnaffet famulâ
 Chriſti, & protinus ſe à filio orbari pro tam immifericordia iuſſione.* Sanctus & apo-
 ſtolicus Eccleſiæ Viennenſis, qui memoratur, Epifcopus eſt Domnolus. Stre-
 nuum appellat Ado in chronico, & in redimendis captiuis egregium, vt non
 mirere quòd ſtatim atque Ruſticulam, clariffimæ ſanctitatis virginem, acce-
 pit eductam non ſine vi è monaſterio, haberi per viam honeſtè quidem, ſed
 veluti tamen in vinculis, ipſe Clotarium regē acceſſerit, grauique oratione,
 & ab impio facinore deteruerit, & eò adegerit vt ſplendide per viam tractari
 iuberet. Is S. Deſiderio Auguſtodunenſi ſucceſſerat, quem Brunehildis &
 Theodoricus recta monentem anno ſeptimo ſupra ſexcentefimum oc-
 ciderant, teſte appendice Gregorij Turonenſis capite trigefimo pri-
 mo : *Theodoricus conſilio Aridij Epifcopi Lugdunenſis perſidi vtens, &
 perſuaſu auia ſuâ Brunehilde ſanctum Deſiderium de exilio egreſſum lapi-
 dare*

dare præcepit: ad cuius sepulcrum miras virtutes à die transitus sui Dominus integrâ assiduitate ostendere dignatur. Ut martyrem de via salutaret Rusticula, basilicæ fores, quæ serâ occlusæ erant, magno portento repentinè patuerunt. Cùm autem Parisios peruenisset, humanè quidem accepta est à Clotario rege, sed cùm is sacramento virginis de non suscepto crimine, cuius apud ipsum accusata fuerat, non haberet fidem, quod ei fuerat prædictum, per injusta iudicia quæ in Dei famulam exercuerat, filium suum se amissum, compleuit in meritum,

46 *ut loquitur Florentius. Ille puer est filius Clotarij ex Berthrude, quæ eo ipso anno mortua quoque est: is verò erat trigessimus quidem illius in regno Burgundionum, Christi verò sexcentessimus decimus quartus. Clotarius filio mortuo, Rusticulam in monasterium magno cum honore remisit, procul dubio grauiora sibi ab ipsius injuria, si in eâ pergeret, metuens. Illa post reditum vixit annos quatuor. Ætatis septimo & septuagesimo extremum diem obiit, lætissimo vultu, addit Florentius, oculis præfulgentibus quasi subridens, Theodosio Arelatenfium Episcopo. Hactenus de beatissima puella dictum sit. Neque alienum omnino à scribente de Vasionensibus Episcopis, ego quidem arbitratus sum disserere de Vasionensi virgine, quæ & ab illorum institutione sanctitatem accepit in pueritiâ, & ipsorum ciuitatis præcipuum est decus. Ad Quinidium, à quo pridem discessimus, reuertamur.*

47 *Florebat omni virtutum genere clarissimus apud suos Diaconus, & Theodosius antistes: jam atate vietâ, quietem ab Episcopali opere cogitabat. Igitur vnus ille huic occurrit, in quem deriuaret laborem. Id meditantî tendentique, populus omnis applausit. Theodosij autem votum, inquit Anonymus de Quinidij vitâ scriptor, & petitio populi ad Childebertum regem, qui Francorum regioni principabatur, pia sollicitudine dirigitur. Ne mireris Childebertum non regem sine omni appendice, at Francorum regem dici. Vasio tum erat in regno Burgundionum. Cùm Childebertus & Clotarius fratres istud occupassent, hinc certè intelligis Vasionem in sorte Childeberti fuisse. Sed nec ipsius voluntas dispar, pergit Anonymus, in tam bono & præclaro opere inuenitur. Accepit Ecclesiæ preces: dat suâ autoritate fauorem: proceres ipsius absque mora roborant: regina, Vltrogotta nomine, nec ipsa excluditur: scilicet princeps tanta bonitatis festinat inueniri. Vltrogoto appellatur à Fortunaro libro 6. in titulo carminis octauî, quo ejus hortum laudat, asserens illius arbores manu Childeberti insitas fuisse.*

Hæc magno inseruit rex Childebertus amore:

De cultore trahit mellitum planta saporem:

Regis honore nouis duplicata est gratia pomis.

Vltrogotonem etiam in ipso carmine pergit appellare:

Possideas felix hæc Vltrogoto per auum,

Cum geminis natis tertia mater ouans.

Poëtæ vota Deus non audit. Nam quemadmodum habet Turonensis libro 4. historię cap. 20. Clotarius Childeberti fratris mortui regnum & thesauros accepit, atque Vltrogotam cum filiabus duabus misit in exilium. Sed

48

quo sæculi anno Quinidius Episcopatum inuit? hoc ego quidem non inuenio. Ex vltimo tamen Theodosij senio, qui antea annum primum & quadragessimum factus fuit Episcopus, in eam cogitationem venio, ut non multò ante

Childeberti

Childebiti mortem illum inierit, vicesimo scilicet Episcopatus Theodosij
 anno aut circiter, & primo ac sexagesimo seculi. Lego Episcopum anno ter-
 tio & septuagesimo interfuisse Synodo Parisiensi. Cetera tanti Antistitis præ-
 clare per vitam gesta, meæ tabule non habent, si vnum excipias, quod Ano-
 nymus subiungit. *Patritius cui nomen Mummulo, feroci naturâ, Vasensem ur-*
bem fastu turgidus ingreditur. Sanctus vir præceptum præ oculis habens Apostolicum,
obuiam elati patritij aliquantulum perrexit. Tunc idem seipsum pro superbia non se-
rens, in contumeliam serui Dei prorupit, indignans cur ad recipiendum submissus
& pomposus non paruisset, &c. Ad vocem superbi hominis, & gestum austerioris
circa se animi, beatus Quinidius armis virtutum succinctus, ad cellulam suam
regreditur, ac sese in orationem profundens, Domine, inquit, Iesu, &c. properat
iter ceptum Mummulus perficere. Diuino iudicio è vestigio correptus, tandem inui-
tus meminit se hominem esse quoderat. Siquidem præceptus lassitudine, & defe-
ctione corporis grauissimè fatigatus, vicinam sibi mortem inesse putabas. Inter fa-
mulantium verò manus sustentatus, ad sancti viri cellulam protrahitur potius, quàm
progreditur. Aestuante incendio officium membra perdunt, horrore sanguis con-
gelascit, supponitur ad pedes sancti hominis, affectu lacrimisque quibus potuit de-
precatur, nunquam se deinceps in quemcumque seruorum Dei talia tentaturum pol-
licitus. Vir Domini, misericordia, & pietatis visceribus plenus, veniam roganti
misero indulgit; sanatumque, vt in seruis Dei Christum veneretur, pius pastor
monuit. Quis Mummulus iste fuerit tacet Anonymus. Puto eum fuisse, de
quo Gregorius Turonensis plurima, & aliis alia locis memorat. Eunius, in-
quit libro quarto historiæ capite sexto & tricesimo, cognomento Mummolus
rege Guntramno Patritiatum promeruit. Fuit is eodem Turonensi autore Alti-
siodorensis vrbs incolæ, Panio patre ortus, qui huius municipij comitatum regebat.
Pœnius autem Ferreolo & Industria Clodouei filiâ natus, Ansbertum ha-
buit fratrem Austrasiæ ducem, è quo per Alnoaldum filium ortus est S.
Arnulphus Ansegisi pater, & Pipini auus, vnde Caroli Martellus, & Ma-
gnus, longâque serie alij Francorum Reges, & Imperatores Romanorum
progeniti sunt. Iam Mummolus, pro barbarâ indole, importunisque ac sæ-
uis in omnes moribus, superbius & iniquius egit cum Quinidio Episcopo.
Certè quid non in Pœniûm patrem suscepit impius? Panius, pergit Turo-
nenfis, cum ad renouandam actionem Comitatus Altisiodorensis, munera regi per
filium transmisisset, ille datis rebus paternis, Comitatum patrii ambiuit, supplant-
auitque genitorem, quem subleuare debuerat. Sed Anonymus prodigium supe-
riore maius subiungit à me non prætermittendum. Mummulus humiliatus,
& de castigatione cautiôr factus, reddi debere curatori suo cupiens munera, condu-
centia seruo Dei direxit, que me ad subleuationem pauperum, ne hominem con-
tempnissè videretur, recipere iussit. Sed quid fraus antiqua experiri voluit? vnum
de sociis vel contubernaliibus ipsius patritij voto auaritiæ aggreditur. Is conciliato-
re diabolo Pontificem post paululum suppresso dolo alloquitur, se missum qui pecu-
niam olim datam à Patritio pauperibus erogandam iussu ipsius recuperet. Mentien-
tem non eum vltio diuina vsquequaque sustinuit. Ne enim mentientem Spiritui san-
cto per Apostolum Petrum Ananiam sententia Diuina coërcuit, & ne deinceps
quicumque talia præsumerent penam mortis cum vxore perculit, ita & hunc suo iu-
sto iudicio morte festina prostrauit. Ita ille: qui, vt vides, non coetaneum
modò, sed etiam contubernalem Quinidij se fuisse non obscure tradit. Et

cetera

- cetera quidem accuratè scribit, in eo certè peccat, quòd neque ortùs, neque mortis annum addit; initia quoque & durationem Episcopalis curæ tacet. Nam in iis quæ sequuntur, docet quidem varia edidisse miracula, & præterea tradit nihil egregij sanctique esse, quod non animosè ac fortiter exegerit, sed diem mortis asserens non adjungit ejus annum. Vnum hîc præterite non
- 52 possum. Iam à pluribus siue annis, siue sæculis Mauriacenses Aruerni sanctum Quinidij corpus habent, ac debitis venerantur honoribus: sed à quo tempore, & quo faciente illud acceperint, nullibi chartarum lego. Nam quòd eorum nonnulli arbitrantur (& ex non recenti volumine manu nescio cujus scripto duxerunt) Sanctum Honoratum archiepiscopum Arelatensem eum esse, qui per discipuli manus illud Vafione Mauriacum detulerit, ego quidem probare non possum; & vehementer miror esse qui non abjiciant. Certum quippe est Honoratum ex hac vità decessisse annis ferme centum ante natum Quinidium, utpote qui monasterium Lerinense condiderit multis ante quadringentesimum annis; & si Prosperum audimus, Arelatensem Ecclesiam adierit sexto supra quadringentesimum vicesimum.
- 53 Magis dixerim, si conjecturis agere fas mihi est, fuisse in veteribus Episcopis, qui beatissimi viri corpus in templo quondam ei Vafione erecto, è parietinis nunc restituto, posuerit, cum ad Abbatiam templo additam, & Paschali secundo Pontifici Romano cognitam, euocasset Mauriaco monachos; atque in monachis Sanquinidianis etiam fuisse, qui per Saracenorum aliorumve hominum seu barbarorum, seu barbaris immanitate parium latrocinia ereptum deportauerint Mauriacum. Scilicet Auriliacense, ut alia taceam, in eà ipsà Aruernià monasterium etiam per Delphinatum, aliisque longius regiones colonias deduxit, & Mauriacense cœnobium à Theodigulde seu Theuchilde Clodouei filia, ante mille & centum annos erectum, eà quondam inclaruit morum integritate, ut non magnum videri debeat, si feratur habitatum à monachis, quos Vafionensis Episcopus expetierit.
- 54 Sancto Quinidio traditur successisse B. Barthus, siue Bartius, ut Vasio gloriari; & quidem meritissimò possit, sibi que gratulari, quæ tres deinceps Episcopos felicissimo hoc sæculo habuerit omni virtutum genere illustres, celestibusque donatos honoribus. Sed ut Theodosij, ita etiam Barthi res obliuione sepultæ sunt vniuersæ, & sola clarissimorum virorum nomina ad nos peruenerunt. Hoc tamen possum asserere, si Barthus post Quinidium
- Arthemius.* sedit, ut à majoribus accepimus sedisse, non multos egisse annos Episcopum. Lego enim Arthemium anno quingentesimo octogesimo primo fuisse in concilio Matifconensi, quarto in Valentino secundo, & quinto mississe ad Matifconense secundum qui vices ipsius ageret: ut si Quinidius post Parisiense, cui interfuisse diximus, diem extremum obiit, & Arthemius ante Matifconense primum adiit Episcopatum, Barthus annis tantum octo præfuerit Ecclesiæ Vafionensi. Post Arthemium non inuenio qui Vafione sederit ante annum sexcentessimum, quo Petronius Cabilonensi concilio interfuit. An is Arthemio successit, qui post Cabilonense mortuus videtur?
- Petronius.* 55 nam Simplicius tertio post illud anno Episcopus fuit. Enimvero potuit Arthemius superare decimum aut quindecimum à sexcentesimo, & Petronius eo mortuo sedere annos supra triginta aut viginti. Quis fando non accepit plures fuisse quondam antistites, qui annos quadraginta, aut quinquaginta,

Vasionensium Episcoporum. 381

vel etiam plures in Episcopatu posuerint? Vt cumque hæc habeant, istorum Episcoporum temporibus vixit S. Rusticula Vasionensium insigne decus & ornamentum: scilicet anno 551. nata peruenit ad 628.

DE REBUS GESTIS

EPISCOPORVM VASIONENSIVM

LIBER SECVNDVS.



QUIS Petronio successerit Vasionē, non inuenio. Sed neque in tabulis, quæ ad meas manus plurimæ petuenerunt, memoratur ab eo quisquam Episcopus per 200 annos. Quæ prælongi causæ silentij? nemo dicat. Potuit vacare sedes annos supra 100. principio per Clodouei II. & totius ab eo gentis ignauiam, deinde per Saracenorum frequentissimas excursiones, & barbara latrocinia. Sed profectò nunquam ego quidem existimaui vllâ vi factum vel arte, vt Pipini primùm, postea Caroli magni, & Ludouici Pij temporibus Vasio sine præfule fuerit. Perierunt chartæ, quæ res ab Episcopis per annos 200. gestas ferebant. Imperante Lotario, quem Ludouicus Pius genuit, Simplicius Vasionē sedebat anno 3. supra 850. Is Eliam fortassis habuit successorem, qui Mantalensi Concilio interfuit sex & viginti post annis. Charta vetustate nobilis est in tabulano Episcopi Carpentoracensis, quâ Carolus rex Antistiti Vendacensi nonnulla elargitur Vasionē, vt loquitur, *civitate*. Eam iuvat excubere, vt ex aduentu regis ad ipsam, intelligas antiquissimæ & nomilissimæ vrbi suum etiam tum stetisse nomen; nam cur ad ipsam alioqui venisset? Reges non adeunt vrbes modicas, præsertim per quas via non fert ad ampliores.

Simpli-
cius.
EliA

In nomine omnipotentis Dei, & Saluatoris nostri Iesu Christi. Carolus diuine providentiæ clementiâ rex. Dignum est, vt regalis majestatis parochianorum petitionibus opportunè præbeat beneficia, eorumque vtilitatibus pietatis suæ provideat adminiculo, quatinus eos nobilitando, eos ad sua reddat obsequia promptiores. Nunc igitur comperiat omnium fidelium sanctæ Dei Ecclesiæ, nostrorumque presentium scilicet & futurorum industria, quia Gerardus illustris Comes nostris detulit obtutibus per Ioannem venerabilem Vendacensem Episcopum, quod quasdam res nostras ex fisco sibi in beneficio pertinentes, Ecclesiæ suæ sedis S. Dei genitricis Mariæ, & eidem Episcopo conferre debuissimus. Nos qui assensu petitioni ejus præbentes salutaribus moniti institutis abnegare non contempsimus. Igitur vna pro Dei amore, & pro luminariis Ecclesiæ prædictæ continuandis, clericorumque ejusdem sedis seruientium alimoniis, concedimus in civitate Carpentoracensis Ecclesiæ S. Antonij cum omni fisco, quantum in præfata civitate habere videmur. Insuper etiam conferimus totū ab integro fisco, ab Alzone riuo vsque ad alium riuum qui vocatur Denesclia, & Protermaruco vsque in Palude Mairre, omnia inter hæc terminata, consistentia de fisco quæ nobis pertinere videntur. Etiam villa quæ dicitur Vnango mansorum quatuor, & colonicas duas; & in valle Nabrone juxta castrum Vennascha Ecclesiæ S. Petri cum suo prioratu, & fisco quantum habere videmur cum ibi, quod & in omnibus præscriptis locis, presenti tempore & futuro. Tradimus itaque,

B B b 3 atque

3 atque transfundimus omnia ista supradicta cum omnibus sibi pertinentiis, cum servis & ancillis, campis, agglatis, vineis, perreriis, arboribus pomiferis & impomiferis, cum molendinis, aquis, aquarum que decursibus, ad predictam sanctam sedem Ecclesiam per deprecationem supra factam Comitibus. Et faciat ex his rebus quidquid elegerit vel voluerit. Sed pro firmitatis studio hoc nostrum pragmatum fieri decreuimus, per quod censentes decernimus, ut iam memorata Ecclesia predictas res sub omni integritate perpetualliter retineat, faciatque ut paulo post insertum est. Et ut hec nostra corroboracionis autoritas firmior fore noscatur, & diligentius conseruetur, manu propria subter firmauimus, atque annali nostri impressione consignari precepimus.

Signum piissimi Domini Karoli I gloriosi regis. Agrum sagius regie dignitatis comitius recognouit.

Datum decimo octauo cal. Aprilis, anno, propitio Domino Iesu Christo, domini Caroli gloriosissimi regis decimo tertio indictione vndecima. Datum Vasionis in Dei nomen feliciter. Amen.

4 Hactenus antiqua charta. Illius ego cetera prætermitto. Quod istius loci est, existimo Carolum regem, non Magnum, quod plurimi volunt; non Caluum esse; sed Magni pronepotem, filium Lotarii Imperatoris, Prouinciæ ac Burgundiæ regem. Ut ita sentiam facit maxime, quod is anno regni septimo concessit ad preces Gerardi Formicariæ in sulam Rhodanensem Episcopo Viuariensi, ut retuli secundo libro de Viuariensibus Episcopis numero 46. qui ad Gerardi comitis preces Vendacensi Vnamgonem villam, & alia nunc elargitur anno regni tertio decimo. Eo igitur anno qui fuit Christi octingentesimus sexagesimus octauus ad ipsam venit Carolus rex, neque tamen Carpentoracem aut Auenionem proximas vrbes adiit. Nam cur alioqui in ea potius, quam in istis tabulas scripsit?

5 Humbertus Isonis frater regebat Episcopatum Vasionensem anno nongentesimo vndecimo, & annis 985. ac 989. ex tabulis Arelatenfis Archiepiscopi quemadmodum intelligitur ex charta pro Montis maioris monasterio scripta à Benedicto octauo. Benedictus sedebat Vasionis anno nongentesimo nonagesimo sexto. Almeradus autem septimo post, ac Petrus millesimo nono, Imbertus sexto & vicesimo eiusdem sæculi, Petrus secundus quadragesimo 31. anno 1044. interfuit donationi burgi & Ecclesiæ S. Promasij Forcalqueriensis Sanctitorinis à Bertranno Comite Forcalquerij, pare, Vvilelmi & Gaufridi. Episcoporum fere sola nomina ad nos, ut vides, perueniunt, quos ego quidem non dubito maioribus inferiores non fuisse sapientiâ, pietate, rebus præclare gestis, sed & alia ab aliis variorum gentium seu bella, seu latrocinia, quæ Prouinciæ omnem & ipsorum, & longis etiam post ipsos temporibus pessimè habuerunt, & inscitia ignauiaque identidem commites temporum, omnia eorum monumenta perdiderunt. Gaufredus & Bertrandus Prouinciæ reguli, mediam Vasionis partem dederunt Petro Vasionensi Episcopo, ut autor est Paschalis secundus, cuius literas exscribam postea. Quis autem is Petrus Antistes, an primus, an secundus? hic hæreo. Gausfridum & Bertrandum lego regnasse hoc sæculo ab anno octauo decimo vsque ad primum & quadagesimum. Petrus verò primus potuit sexto & vicesimo mori, quo Imbertus sedere forsitan cepit; & secundus viuere quadagesimo. Certe Guilelmus Gaufridi & Bertrandi pater octauo & de-

cimo

cimo viuere deſiit , & eo filij cum Fulcone fratre dederunt Sanuiſtori-
nis monachis Manuſcencia quẽdam prædia; primo autem & quadrageſimo
Bertrandus , Gaufrido præſente , Audaeonenſibus mediam neſcio cuius pagi
partem. Vt autem in Bertrandi nomine non erres , mox eo cognomen viri
fuiſſe. Guilelmus dicebatur , cognomine Bertrandus. Quem etiam Gaufri-
dum legis , inuenies appellatum aliquando Leſridum. Benedictus ſecundus
ſedebat anno ſecundo & quadrageſimo : eo enim coram Raimbaldo Arela-
tenſi Archiepiſcopo ita profeſſus eſt : *Ego Benedictus Vaſioneſis Eccleſie vo-*
catuſ Epicoſopus , promitto coram Deo , & ſanctis eius , omnem ſubiectionem & obe-
diẽtiam canonicam , & fidelitatem Eccleſie S. Stephani ſedis Arelatenſis , ubi
corpus B. Trophimi confeſſoris quieſcit , Raimbaldo Archiepiſcopo , & ſucceſſoribus
eius , ſi cum ſuperuixerõ. Hoc ipſum cum Benedictio profeſſi ſunt Roſtagnus
Aqueniſis , Bertrandus Foroiulienſis , Bernardus Antipolitanus , & alij in ba-
ſilica S. Stephani , præſentibus Raimundo Gaufrẽdo , Ioanne Capa , Ber-
trando Porceleti , Bernardo Oliuario , Roſtagno de Poſqueriis conſulibus:
Sed Roſtagni Aqueniſi Epicoſpi verba placet afferre. Sic loquitur. *Ego fra-*
ter Roſtagnus Aqueniſis Eccleſie ordinatus Epicoſopus , debitam ſubiectionem , & obe-
diẽtiam , & reuerentiam à ſanctis Patribus conſtitutam ſecundũ præcepta canonum ,
ſanctæ ſedis Arelatenſis Eccleſie , rectoribusque eius in præſentia D. Raimbaldi per-
tuõ exhibiturum promitto , & ſupra ſanctum altare propriâ manu firmo. Ante Ro-
ſtagnum Pontius iis ipſis verbis Archiepiſcopo Arelatenſi fidem appromi-
ſerat. Hæc autem retuli , vt videas cum ea gerebantur Epicoſum Aquenſem
nondum euaiſſe in Archiepiſcopum. Id quo poſtea factum ſit anno non in-
uenio. Certe Archiepiſcopus erat ante milleſimum centeſimum quinquage-
ſimum ſecundum. Petrus tertius Raimbaldi Epicoſatus Siſtariceniſis di-
reptione nobiliſſimi filius , patre melior , interfuit Concilio apud S. Ægidium
circa annum 1056. quod habetur apud Marcam , libro 4. libertatum Eccle-
ſiæ Gallicanæ cap. 14. pag. 281. dedit monachis Sanuiſtoriniſ in Maſſiliam ,
Abbatiam SS. Petri & Victoris in ſua diœceſi poſitam , ſed Abbatia nomen
extrinſectum eſt ; & Draponem caſtrum Raimundo Epicoſo Nicieniſi. Ro-
ſtagnum ſediſſe anno milleſimo centeſimo octauo docet Paſchalis ſecun-
dus , vt potè ad quem eo ſequentes litteras dedit.

Paſchalis Epicoſopus ſeruus ſeruorum Dei venerabili fratri Roſtagno Vaſenſis
Eccleſie Epicoſo , eiſque ſucceſſoribus canonicè intrantibus in perpetuum , luſſis vo-
tis aſſenſum præbere , inſiſque petitionibus aures accommodare nos conuenit , qui licet
indigni iuſtitie cuſtodes atque præcones , in excelsa Apoſtolorum principum Petri &
Pauli ſpecula poſiti , Domino diſponente conſpicimur. Tuis igitur , frater in Chriſto ve-
nerabilis Roſtagne , iuſtiſ petitionibus annuentes , ſanctam Vaſenſem Eccleſiam , cui
autore Deo præſides , ſedis Apoſtolice autoritate munimus. Statuimus enim ut Va-
ſenſis ciuitatis medietas , quam B. Maria ſemper virginis matris Eccleſia , ex anti-
quo iure poſſederat , & altera medietas , quam Gaufridas Prouincia Comes , cum
fratre ſuo Bertramno per manum Petri bone memoria Epicoſpi eidem Eccleſie tra-
didit , ſaluo iure omni , & in agris , terminis qui prædictorum Comitum cbirographo
continentur. Alia etiam ad ius eiſdem Eccleſie pertinentia , id. Abbatia S. Cli-
nidi , Burgus Balneoli , caſtrum Raſſelli , caſtrum Croſſi , medietas Intereallis
cum appenditiis ſuis , & vniuerſa que iuſſe ad eandem Eccleſiam pertinere viden-
tur , in tua tuorumque ſucceſſorum poſſeſſione , diſpoſitione , atque regimine libe-

7
Benedi-
ctus 2.

10 ra semper & illibata seruentur. Porro clericorum personas & res, tibi semper liberar permanere sancimus, ut nemini præter Episcopale iudicium eis violentiam liceat irrogare. Interdicimus etiam ne post tuum, aut successorum tuorum obitum, quicumque Episcopi fuerint, inuadere aliquis aut distrabere audeat, sed omnia sub clericorum cura & diligenti prouisione seruentur. Decernimus ergo ut nulli omnino hominum liceat eiusdem Ecclesie possessiones auferre, vel ablatas retinere, minuire vel temerariis vexationibus fatigare: sed omnia integra conseruentur tam tuis, quam clericorum & pauperum vñibus profutura. Si quis igitur in crastinum Archiepiscopus aut Episcopus, Imperator aut Rex, Princeps aut Dux, Comes, Vicecomes, Iudex, aut Ecclesiastica qualibet secularisue persona, hanc nostra constitutionis paginam sciens, contra eam temerè venire tentauerit, secundo tertioq; commonita, si non satisfactione congruà emendauerit, potestatis honorisque sui dignitate careat, reamque se diuino iudicio exisistere de perpetrata iniquitate cognoscat, & a sacratissimo corpore ac Sanguine Dei & Domini nostri Iesu Christi aliena fiat, atque in extremo examine districtæ ultioni subiaceat. Cunctis autem eidem Ecclesie iusta seruantibus sit pax Domini nostri Iesu Christi, quatenus & hic fructum bonæ actionis percipiant, & apud districtum iudicem præmia æternæ pacis inueniant. Amen. Amen. Amen.

Scripsum per manum Raineri scriniarij, regionarij, notarij sacri palatii.

Ego Paschalis Catholica Ecclesie Episcopus.

Datum Laterani per manum Joannis S. R. E. Diaconi Cardinalis, ac Bibliothecarij 5. cal. Maij, indict. I. incarnationis Dominicæ anno 1108. Pontificatus autem Domini Paschalis secundi Pape nono.

11 Ex Pontificiis tabulis intellige sequentia. Primum est Ecclesiam Vasio-nensem iam olim fuisse sacram B. Mariæ: B. Maria semper virginis matris Ecclesiam Paschalis appellat. Secundum est mediam partem Vasionis in Episcopi Vasionensis ditione fuisse multò ante annum millesimum centesimum: Vasis civitatis medietas, quam B. Maria semper virginis matris Ecclesia ex antiquo iure possidet, inquit Pontifex Romanus. Sed à cuius munere proflexerit id iuris, mihi quidem non liquet. Tertium est Abbatiam S. Clinidij, vte hæc fuerit cuius rudera ibi nunc videmus vltra Ouidiam fluuium, vbi quondam stabat Vasio, tamen extra muros vrbs, & ab ea distinctam fuisse, utpote quam Paschalis cum castris Rastelli, & Cresti seu Cresteti censet inter illa, quæ præter Vasionem ad Episcopum pertinent. Ceterum, ut id non taceam, Burgus Balneoli fertur fuisse suburbium antiquæ Vasionis, ita dictum à balneis, quæ putatur habuisse, & quorum vestigia nonnulli arbitrantur extare in illius parietinis.

12 Berengarius de Mornatio.

Berengarius de Mornatio sedit annis tertio & quadagesimo, primo & quinquagesimo, ac tertio & septuagesimo post millesimum centesimum. Sunt quidem tabulæ, & ex veteres, quæ ferunt anno istius sæculi secundo & quinquagesimo interfuisse translationi S. Trophimi à basilica S. Honorati in campis Elisis suburbana, ad aliam ædem sacram intra urbem ipsam Arelatensem, cum Episcopis Bernardo Arausicano, Valfrido Auenionensi, Petro Massiliensi, factæ quarto Iunij, Raimundo Archiepiscopo Arelatenensi: vercor tamen, si res habet veritatem, ut non suo anno consignata sit literis; iam enim vidimus sanctissimi viri corpus fuisse Arelate tertio & quadagesimo in basilica S. Stephani. Mihi magis verum est anno tertio & septuagesimo Berengarium interfuisse conuentionibus Raimundi Arelatenensis Archiepiscopi,

copi, cum Petri de Lambesco filius de arce Salonia, & aliis Archiepiscopus
 castis, quæ hi armis occupauerant tenebantque. Arbitrarij quidem iu-
 dices erant Bernardus Cabilonensis Episcopus, laufredus magister militum
 Comitissæ Forcalquerij, Bertrandus de Baucio, & Bernardus de Sabrano
 Comes stabuli: testes autem cum Berengario alij tres Episcopi, Gaufridus
 Auenionensis, Petrus Arausicanus, & Hugo Tricastinus. Comitissæ illius
 Forcalquerij nomen ignoratur: quocunque ea diceretur, certè vxor erat
 Guilelmi, qui se pluribus in chartis vocitat filium Bertrandi & Iosserandæ
 Comitum, annoque octauo post sexagesimum successit Bertando fratri.
 Iosserandam volunt Arnaldi Flottæ filiam hanc fuisse. Et ista quidem hæte-
 nus dicta fuerint ad recitandos & ex vero consignandos Berengarij antistitis
 annos. Sequitur vtrum aliquid afferam, quod & ipsum, & Bertrandum
 de Lambesco, Berengarium de Reilana, ac denique Guilelmum de Lau-
 duno successores vehementer exercuit afflixitque. Sub annum huius sæcu-
 li sexagesimum Raimundus Comes Tolosæ filius Faidæ, quam Gilbertus
 Prouinciæ Comes genuerat, Vasionem & alia Vasionensis Episcopi castra,
 quæ in maternæ hæreditatis parte pro clientelâ erant, cogitauit sibi habere,
 & ex ipsis præfulem expulit. Quæ Christianum Principem causæ ad impor-
 tunum facinus egerint, nemo hætenus ex veteribus tabulis attulit. Fortasse
 vt niedietatem Vasionis Episcopo dederunt Gaufridus & Bertramus Pro-
 uinciæ Comites, ita etiam eiusdem vrbis alteram partem ac Episcopalia castra
 ante illos tradiderant alij eiusdem Prouinciæ seu Comites, seu Reges; atque
 Raimundus vt erga Episcopos & Ecclesiam Catholicam ipsam malè affe-
 ctus erat, doluit erepta Comitatu Prouinciæ (marchionatum, suam illius
 appellabat partem) atque adeò Faidæ matris hæreditari, & ipsi, vnde
 per dilapidationem iniuriosam sublata fuissent, duxit restituenda. Nam
 Carpentoracensem quoque Episcopum, ab eius filio barbarè habitum do-
 moque pulsum, ac prædiis spoliatum scimus, quæ Carolus Prouinciæ Rex,
 ei non pauca de fisco principis ablata, fuerat elargitus. Sed quoniam tota hæc
 res ad Pontificem Romanum, & imperatorem Germanorum qui Prouin-
 ciam sibi clientem tum tenebat peruénit, qui cognitores dederunt anno se-
 quentis sæculi vndecimo, cum ad eum annum peruenero, illam afferam.
 Nunc satis erit aduere testes supra centum super ipsatum dixisse, & Guilel-
 mum de Proas eorum sextum & quadragesimum elocutum esse in hæc vet-
 ba. *Dominus Episcopus Berengarius, qui fuit de Mornatio, tenebat, & possidebat;
 segnorialiter ciuitatem Vasionis cum palatio, faciendo iustitias; accipiendo Lei-
 dam in mercato: & tenebat molendinum, & totum hortum, & suum, & mon-
 tem in quo modo est castrum Vasionis, & totum territorium, vt dominus. Paria Gui-*
 lelmo attulisse alios postea videbimus.

Bertrandus de Lambesco sedebat anno octauo & septuagesimo. seque
 testem tabulis inscripsit, quibus Fridericus primus Raimundo Arelatensi
 Archiepiscopo, & eius canonicorum ac clericorum collegio, concedebat
 immunitatem ab omni vrbano siue municipali onere, etiam cum reficiendi
 sunt muri, vel restituenda murorum fossa, aut demum seu constituenda,
 seu intendenda per noctem vrbis vigiliæ. Hic Antistes ea recepit quæ Rai-
 mundus Tolosæ Comes à Berengario Mornatiensi abstulerat. Vilelmus
 coram quæsitore seu Pontificio, seu Imperatorio, testis quintus ita respon-
 dit:

dicit: *Post primam captionem D. Episcopus Bertrandus de Lambesco Episcopus Vasionensis recuperavit palatium, & tenuit in pace & quiete, & castrum de Cresteto & de Rastello recuperavit, & alias res Episcopales, & in pace possedit.* Alij testes addunt seruasse per omnem vitam.

- 17 *Bereng. de Reilana.* Bertrando successit Berengarius de Reilana. Hic à Comite Tolosano rursum Vasionē pulsus est, atque ceterā ditione Episcopali priuatus. Istius Episcopi temporibus hoc etiam addidit regulus Tolosanus, vt munitionem nescio quam è ligno imponeret monti, in quo nunc est Vasio. Cūque nihil aliud posset Antistes, Comitem anathemate petiit, siue, vt vulgò loquimur, excommunicauit, & omnes qui eum in opere iuuarent. Munitionis istius erectio fortassis faciet, vt puret aliquis Tolosanum Comitem, ab armis Episcopi timuisse Vasioni receptæ; & quidem abs dubio, quia Bertrandus de Lambesco, ereptam Mornatiensi, restituerat vi. Et verò gens seu Lambescia, seu Reilana tum ex erant, vt illa quidem per Prouinciam, hæc verò per Forcalqueriensem Comitatum opibus dignitatēque florētes, possent Vasionem propinquam urbem; seu gentilium & affinium, seu amicorum armis, & occupare, & tenere, præsertim cū Comites Prouinciæ, & ipsis & amore sanguine proximi Comites Forcalquerij, non multū aequi Tolosano essent, ex nuptiis & hereditate Faidæ. Verū audi quæ Vvilelmus testis quintus anno vndecimo supra 1200. dixit ad quæsitores facinoris Tolosanorum Comitum. *Quando Episcopus de Reilania fuit expulsus de Episcopatu Vasionensi, scilicet de ciuitate, & de Cresteto, & de Rastello, ipse Episcopus vocauit canonicos, & presbyteros Episcopatus, apud castrum de Entrechaux, & excommunicauit Comitem Tolosanum & terram Comitatus quæ erat in ejus Episcopatu. Idem prohibuit homines Comitatus Tolosani, qui faciebant excarrazonatam in loco in quo est modò castrum Vasionense, ne eam facerent, & excommunicauit. Et ita tunc dimiserunt. Hoc de excommunicatis excarrazonatam facientibus omnino antè factum est, quàm Episcopus Vasionē pelleretur. Imò si quid ex sequentibus licet colligere, ea excommunicatio illa est, quæ Raimundum Tolosatem eò furentis fruiiæ compulsi, vt Antistitem Vasionē deieceret. Pergit enim Vvilelmus:*
- 19 *Vvilel. de Lauduno.* Sedebat ego domi suæ, siue in suo palatio, quietus Antistes, cū Raimundus Tolosæ Comes excarrazonatam faciebat in summo monte. Quidquid autem intelligas excarrazonatæ nomine, ignotum quippe mihi est, certè videtur mœnium aliquod genus significare, & ejus loco, turrim postea ab eo ipso Comite exædificatam videbimus. Muniebat supremum verticem montis Comes, & videbatur, inquit Anierius testis quartus & sexagesimus, *Berengario de Reilana Episcopo, quoddam Ecclesia, & ipse damnetur in opere illo.* Damno huic auertendo latum in opifices est anathema, & Comes injuriam ultus est depulsione Episcopi à domo, ciuitate, & castris Episcopatus.
- 20 Berengarium Reilanæum excepit Vvilelmus de Lauduno. Hic Episcopatum omnem à Raimundo Tolosate recepit, & ad mortem vsque tenuit. Armisne, an dignitate, autoritatēque receperit haud scio. Certè gens Laudunensis, iis erat tum opibus per inferiorem Oëcitaniam, & tam multas affinitate cognationeque gentes nobilitate rebusque bello & pace gestis illustres continebat, vt cum ab eius armis sibi timeret Comes, existimandus sit

crepta

crepta Reilanzæ voluiſſe concedere ob ipſius claritudinem. Igitur ſic ea tradidit, vt recipi tamen iuſſerit poſt Vvilelmi mortem; & ne periculi aliquid eſſet in mora, tum dolo abrepta ſunt, cū Epiſcopi cadauer magno Vaſionenſium luſtu efferebatur ad conditorium. Ipſius etiam præſulis domum arte oëcupauerunt, cū corpus ex ea educebatur. Barbarum facinus, neque alij quā hæretico homini cogitatum.

Vvilelmo Laudunenſi ſucceſſit Raibaldus Flotta, vir genere, opibus, dignitate clariſſimus, his maximè temporibus cū viuebat Guilelmus Bertrandi & Joſſerandæ Flottæ aut amitæ, aut certè conſanguineæ filius, qui regulus Forcalquerij, Ebredunenſes, Vapincenſes, Siſtaricenſes, Auenionenſes, omnem Druentiam à fontibus ad Rhodani conſlutium, ampliſſima ditione tenebat. Igitur exiſtimabam Vaſionenſes canonicū in eum hoc maximè conueniſſe, quòd intelligerent proſus futurum, vt Tolofatum Comes Forcalquerienſem certè, vt alia non eſſent, reuerſus ſua omnia Raibaldo Antiſtiti reſtitueret. Neque fellit ſapientes viros ſententia. Tolofanus tamen tres omnino annos à Laudunenſis morte tenuit, maximo argumento diſſicillimè factum, vt ab ipſo diuellerentur. Quo autem anno Raibaldus vel inierit. Epiſcopatum, vel à Tolofano Comite ſua receperit, tabulæ meæ non habent. Anno 1212. electus in Epiſcopum interſuit Concilio Vaurenſi. Sed cū Raimundus Faidæ nepos, denique ad Albigenſes hæreticos deflexiſſe videretur, Innocentius tertius Pontifex, & Otho Germanorum Imperator, qui Prouinciā clientelæ iure ſibi obſtrictā, & arbitrabatur, & tenebat, dederunt Raibaldo iudices, qui de damnis ab eo Vaſionenſi Eccleſiæ illatis cognoscerent. Vt enim Vaſionem ciuitatem, & Creſtetum, ac Raſtellum, caſtra reſtituiſſet Epiſcopo, non tamen canonicis, aut etiam Antiſtiti fecerat hætenus ſatis, pro clade eorum domibus agrisque illata. Innocentius Raimundum Vticenſem Epiſcopum Legatum in Gallias ſuum, Otho Michaëlem Archiepiſcopum Arelatenſem iudicio præſecerunt: & ambo in Vvilelmo Arauſicanum præſulem conuenere, qui de propinquo rem quæreret. Is per Hugonem Florentium, Arauſicæ quondam Epiſcopum & Guilelmum de Nouefano præbyterum ſtrenuè opus geſſit. Tabulæ quas Vvilelmus ſeu Raimundo, ſeu Michaëli conſecit, ſunt in archiuo Epiſcopi Vaſionenſis: placet eas exſcribere. Ex ipſis intelliges, quā grauiter ambo Raimundi Tolofates reguli, Faidæ filius & nepos, in Eccleſiam Vaſionenſem peccauerint, & quā neceſſaria fuerit & Romani Pontificis, & Germanorum Imperatoris autoritas, ad reſarcienda quæ ei damna intulerant.

Venerabili in Chriſto patri, & domino, Raimundo Dei gratia Vticenſi Epiſcopo, Apoſtolice ſedis Legato, Vvilelmus Dei miſeratione Arauſicenſis Epiſcopus ſalutem. Et in omnibus ſamulari volentes paternitatis veſtræ mandatis, in omnibus obedire quæ de negotio Eccleſiæ Vaſionenſis iuſſiſtis executioni mandauimus, teſtes domini Vaſionis Epiſcopi, pro vt producere voluit, audiendo, quorum atteſtationes inferius continentur in hunc modum.

Hugo de Arbues teſtis iuratus, dixit quòd ipſe vidit, & audiuit, quòd dominus Vaſionis Epiſcopus Berengarius, qui ſuit de Mornatio, habebat, tenebat, & poſſidebat palatium & villam Vaſionis, vt dominus, in pace & quietus. Et poſtea venit Comes Tolofæ pater iſtius qui modò eſt Comes Tolofæ, cum bracamzonibus, & aliis mainadis, & vi intravit cum illis villam Vaſionis, & palatium obſedit, & ibi tantam moram

fecit oppugnando palatium, quòd aquam abstulit eis, qui intus aderant infra palatium, & vi eos qui erant in palatio expulit, & palatium vt accepit, villam cremanit dictus Comes. Interrogatus quomodo hoc sciret, dixit quòd tunc ipsemet testis, erat in palatio pro dicto Episcopo, & idem fuit cum aliis expulsus. Item vidit, quòd eodem tempore dictus Comes, cum eisdem mainadis abstulit castrum de Rastello iam dicto Episcopo; & sunt quinquaginta anni, & plus. Et Comes tantum tenuit castrum de Rastello & ciuitatem Vasionis, quousque dictus Episcopus obiit.

- 25 Petrus de Rione testis iuratus, dixit idem per omnia, quòd primus; & hoc plus, quòd castrum de Cresto vi abstulit dictus Comes, cum iisdem mainatis eidem Episcopo. Et nominatim dixit, quòd ciuitatem Vasionem, & eius territorium, plenarie possidebat dictus Episcopus, vt dominus.

Venteirolus de Propriet testis iuratus, dixit idem per omnia quòd supradicti, & hoc plus, quòd montem, vbi est castrum Vasionense modò edificatum faciebat cassare dictus Episcopus vt dominus, & possidebat vt suum. Et ipse testis portauit multoties chirogyllus istius montis ad palatium D. Episcopi, nomine ipsius Episcopi. Et isti duo expresserunt, quòd molendinum, & furnum, & mercatum, & totum hortum, & totam iurisdictionem Vasionis, vt dominus possidebat.

- 26 Oliuarius de Propriet testis iuratus, dixit idem per omnia quòd proximus, & hoc plus, quòd ipsemet capiebat de nocte, cum luminaribus, & cum filato quòd dicitur Sordus, in monte, in quo modò est castrum Vasionis perdices, & perdices quas ibi capiebat, portabat dicto Episcopo vt domino. Hanc cassam fecit multoties pro domino Episcopo, & quandoque cum Gillio; & cum aliis sociis. Apes etiam, & fauum apum, multoties in eodem monte extraxit pro dicto Episcopo. Item dixit quòd idem Comes Tolosa, petiit à domino Episcopo Berengario qui fuit de Railana, vt redderet ei palatium: & respondit Episcopus, quòd habebat à Deo & à B. Maria, & non à Comite, & ideo non redderet ei palatium. Et tunc dictus Comes, abstulit dictum palatium per vim, oppugnando dictum Episcopum Vasionis. Interrogatus quomodo hoc sciret, dixit quòd ipse testis tunc erat infra palatium, pro Episcopo qui de Relania, quando Comes vi cepit illud, & abstulit dicto Episcopo. De prima iniuria, facta à domino Comite Tolosano, domino Episcopo Vasionis qui fuit de Mornatio, sunt quinquaginta anni & plus: de secunda iniuria, facta ab eodem Comite, Episcopo qui fuit de Relania sunt viginti quinque anni & plus.

- 27 Magister Vuilelmus testis iuratus, dixit idem per omnia, quòd proximus de possessione, & de vtraque captione, & de tempore captionum. Et dixit quòd post primam captionem Dominus Episcopus Bertrandus de Lambesc Episcopus Vasionis recuperauit palatium, & tenuit in pace, & quiete, & castrum de Cresto, & Rastello recuperauit, & alias res Episcopales, & in pace possedit. Item dixit quòd dominus Episcopus Vasionis, qui fuit de Landuno, recuperauit palatium, & Episcopatum totum, & in pace tenuit vsque ad mortem. Et tunc quando dictus Episcopus extrahabatur mortuus de palatio, cum nuntij Comitum Tolosani viderent Ecclesiam desolatam; sursum intrauerunt palatium, & illud abstulerunt; & per triennium tunc dictus Comes tenuit palatium, & accepit redditus Episcopales, in ciuitate Vasionis, & in castro de Cresto, & Rastello. Item dixit, quòd quando Episcopus qui fuit de Relania, & fuit expulsus de Episcopatu Vasionis, scilicet de ciuitate, & de Cresto, & de Rastello, ipse Episcopus vocauit canonicos & presbyteros Episcopatus apud castrum de Entrechal, & excommunicauit Comitem Tolosanum, & terram Comitum, que erat in eius Episcopatu. Item dixit quòd dominus Episcopus Vasionis, qui fuit de Relania,

Relania, prohibuit homines Comitibus Tolosani, qui faciebant excarrazonatam in loco, in quo modò est castrum Vasionis, ne eam facerent, & eos excommunicauit: & ita tunc dimiserunt: & Episcopus fecit portare ligna dictæ excarrazonata ad dictum palatium, ad comburendum ea.

Petrus S. Quindiy testis iuratus dixit idem de possessione, &c. Hic & qui sequuntur Rogerius de Entrechalz, Saufredus Mazotus, Petrus, Vvilelmus de S. Stephano, Vvilelmus Chana, Gerardus Vrgaz, Petrus Gaissernens, Vvilelmus Peregrinus, Pontius Laurentius, Stephanus Berengarius, Vvilelmus Rodulphus, & alij eadem superioribus dixerunt, nisi quòd sequentes nonnihil addiderunt.

Petrus Enaus testis iuratus, dixit quòd de propriis terris, quas habebat in dicto monte, ipse dabat tascbam domino Episcopo.

Vvilelmus prior de Proaz, vidit, & audiuit, quòd Dominus Episcopus qui fuit de Mornatio, tenebat & possidebat segnorialiter ciuitatem Vasionis cum palatio, faciendo iustitias, accipiendo leidam in mercato; & tenebat molendinum; & totum hortum, & furnum, & montem in quo modò est castrum Vasionis, & totum territorium vt dominus. Et vidit quòd in dicto monte, ter vel quater cassabant pro Episcopo supradicto: & ipsemet testis portauit bis, vel ter, cassam ad palatium domini Episcopi. Et vidit quòd dictus Episcopus Berengarius, tenebat castrum de Rastello, & Castrum de Cresto, vt dominus, & ipsemet testis portauit quartam partem casse saluazina, que fuit capta in territorio de Crest, ad palatium dicti Episcopi, quam cassam habuit dictus Episcopus ratione territorij, & domini de Crest. Postea audiuit dici, quòd Raimundus Comes Tolose venit cum mainatis, & abstulit vt dicto Episcopo Berengario ciuitatem & palatium Vasionis, & castrum de Rastello, & de Crest. Postea ipse testis vidit dictum Episcopum exheredatum, & audiuit ab eodem quòd Comes Tolose vi abstulerat ciuitatem, & palatium Vasionis, & dicta castra. Et sunt sexaginta anni, quòd primò vidit dictum Episcopum in possessione, & de prima captione palatij & castrorum sunt quinquaginta anni, & plùs.

Petrus Gallafredus vidit, quòd dominus Episcopus Berengarius qui fuit de Relania, tenuit in pace & quiete, & habuit ciuitatem Vasionem, & palatium, & totum Episcopatum: postea vidit quòd Comes Tolose venit cum militibus, & clientibus, & abstulit dicto Episcopo ciuitatem Vasionis, & palatium, & expulit homines Episcopi, & suos intromisit; & dictus Episcopus remansit exheredatus dum vixit. Et postea quòd quando dominus Raibaldus Flotta, qui modò est Episcopus, fuit electus, Comes tenuit dictum palatium per aliquot annos, postea reddidit domino Episcopo, & alias res Episcopales. Vidit etiam, quòd Comes Tolose edificauit turrin in monte vbi modò est castrum Vasionis, faciebat expensas de blado Episcopi. Interrogatus quomodo scit: dixit quòd ipse vidit quòd homines dicti Comitibus extrabebant bladum Episcopi à palatio, vnde expensas turris faciebant, quando eam in dicto monte edificabant. De iniuria facta domino Berengario qui fuit de Reliana, sunt viginquinque anni & plùs, de iniuria que fuit facta D. Raibaldo, qui modò est Episcopus, quando fuit electus, sunt octodecim anni, & plùs.

Petrus Bamoinus vidit & audiuit, quòd Raimundus Comes Tolose, vi abstulit palatium Vasionis cum blado, & vino, & pannis, & bestijs, tempore quo dominus Raibaldus, qui modò est Episcopus, fuit electus: & vidit quòd de blado, & vino dicti electi, que erant in palatio, fuerint factæ expensæ in turrin edificandam que modò est castrum Vasionis.

Siluius Magnanus, postquam dixisset ea ipsa, quæ Petrus Barnonijs, addidit quòd homines de Vassone qui erant de Episcopo, unà die & alià non com-
pellebantur & cogebantur esse in opereturris.

- 32 Post teditas testium octo supra centum, responsiones, Vvilelmus Antistes Arausicanus pergit in hæc verba. Hos testes, dominus Vassonis Episcopus Raibaldus Flotta, in nostra curia, in forma publicationis induxit, & eos audiui. Et quid super hoc deinceps sit agendum, vestra discretio provideat & decernat. Facta fuit hæc publicatio anno Dominica incarnatio millesimo ducentesimo undecimo mense Decembri, assidentibus domino Hugone Florentio quondam Auraicensi Episcopo, & Rosagno Lauterio Auraicensi canonico, magistro Geraldo, & Vvilelmo de Nonisano aconomo nostro, prædictos testes audientibus & intelligentibus inquirendo. Huius rei testes fuerunt Ripaldus Flotta præpositus Vassonis, Vvilelmus Isnardi sacrista Vassonis, Azemarius canonicus Vassonis, Ricanus Dalbaros, Bertrandus Eli-
33 siarius, & plures alij. Hæc ille Raimundo Vticensi Episcopo, qui omnino eadem, nullis vocibus immutatis, scripsit Michaëli Archiepiscopo Arelatensi. Quid ea secutum sit, charta Vassionensis Episcopi non habent. Antiquissima charta recitat rem à me non prætermittendam, quæ à Raimundo Comite Tolosano, & Milone Apostolicæ sedis Legato gesta est, quoniam partem facit ad hunc locum. Comes cum sacramento asserit futurum, ut super capitibus quæ recitat, & vnum eorum est de damnis Ecclesiæ Vassionensi illatis, iter præceptis Legati, quæ ille ipse Milo subiungit eius sacramento.
- 34 Raimundus Comes Tolosa, Dux Narbone, Marchio Provincia sacrosanctis reliquiis, Eucharistiâ, & ligno sanctæ crucis Domini nostri positis supra sancta Dei euangelia corporaliter manu tacta, iuro quòd super singulis & vniuersis capitulis, pro quibus à domino Papa, vel eius Legato vel Legatis, seu aliis, vel ipso, antè sui, vel sum excommunicatus, sibi omnibus mandatis ipsius domini Papæ, & vestris magistri Milonis domini Papæ notarij, Apostolicæ sedis Legati, seu alterius Legati seu Nuntij sedis Apostolicæ, ita videlicet quòd quidquid per se, literas suas, nuntium vel legatum mihi præceperit, super vniuersis illis pro quibus excommunicatus fui, vel sum, bona fide super istis præcipuè capitulis que hic nomino. Videlicet quòd pacem aliis iurantibus, dicor noluisse iurare. Item quòd iuramenta que feci super sione hæreticorum, vel eis credentium non seruasse dicor. Item quòd hæreticos dicor semper fouisse. Item quòd de fide suspectus habeor. Item quòd rotarios siue mainadas tenui. Item quòd dies..... qui securitate gaudere debebant dicor violasse. Item quòd aduersariis meis qui se iustitiæ offerebant, pacemque iurauerant, dicor iustitiam noluisse exhibere. Item quòd ludæis publica commisi. Item quòd monasterij S. Vvilelmi & aliarum Ecclesiarum possessiones & Ecclesias iniussè detineo. Item quòd incastella aut Ecclesias incastellatas detineo. Item quòd indebita pedagia vel guldagia colligo vel colligi facio. Item quòd Episcopum Carpenteriacensem à propria sede depuli. Item quòd de interfecto S. memorie Petro de Castronouo suspectus habeor, pro eo maximè quòd interfectorem eius in magnam familiaritatem recepi. Item quòd Vassionensem Episcopum & capi feci & palatium eiusdem Episcopi, & domos canonicorum destruxi, & castrum Vassionense per violentiam abstuli. Item quòd in religiosas personas manus violentas iniectis, & incendiis, & multas rapinas dicor commisisse. Si autem ea que circa prædicta capitula, & alia mihi innuncta fuerint, in perpetuum bonâ fide non seruauero, volo

Et concedo, quod septem predicta castra, scilicet vñche, Opeda, Balne, Rochamaura, castrum Murnacij, cadant in commissum Romane Ecclesie; Et ius quod habeo in Melgoriensi, ad Romanam Ecclesiam plenissime reuertatur. Volo etiam vt persona mea excommunicetur Et eadem pœna stratas pulcias seruabo. Haetenus Raimundus Tolosæ Comes. Milo Apostolicæ sedis Legatus sequentia subiungit.

In nomine Domini. Anno Pontificatus domini Innocentij Papa tertij duodeci- 37
mo, 14. cal. Iulij. Ego Milo domini Papa Notarius, Apostolica sedis Legatus, præ-
cipio tibi domino Raimundo Comiti Tolosano sub debito prestiti iuramenti, et sub pœ-
na in forma eiusdem iuramenti adiecta, vt dominum Episcopum Carpentora-
tensem tam in ciuitate, quàm extra, pleno iure restituas, et de damnis datis tam
de rebus, quàm de fructibus eidem Episcopo resarciendis, fide iussores præstes
idoneos; Et vniuersos ciues Carpentoratenses, à iuramento, quod citra trien-
nium tibi, vel alij tuo nomine, præstiterunt, absoluas omnino, et munitionem
quam ibi fecisti fieri, mihi vel cui iussero facias assignari. Item præcipio tibi
sub eadem pœna, vt dominum Episcopum, Præpositum, et canonicos Vasionen-
ses tam in castris, quàm alijs, pleno iure restituas, et de damnis datis, et edi-
ficijs destructis, et rebus alijs, et fructibus resarciendis, eisdem fideiussores
præstes idoneos; Castrum Vasionense mihi, vel cui iussero facias assignari. Item 38
sub eadem pœna vt Aragonenses, rotarios, catarellos, manadas seu Vascones,
vel braibansiones, vel quocunque alio modo vocentur, de tota terra tua, pro posse
tuo prorsus expellas, nec in alienam terram eos immittas, vel alij concedas, nec eor-
um consilio villo tempore vtari. Item sub eadem pœna vt vniuersos Iudeos, de to-
ta terra tua pro posse ab omni administratione publica, vel priuata, prorsus amo-
ueas, nec vnquam ad ipsam, nec aliam restituas, vel alios Iudeos ad aliquam ad-
ministrationem assumas, nec eorum consilio villo tempore contra Christianos vtari.
Item sub eodem iuramento, et eadem pœna, tibi præcipio, vt stratas publicas securas
obserues, saluis his que tibi dominus Papa, vel ego, vel alius de mandato ipsius, eo-
dem tempore vel diuersis, tibi duxerit posterum iniungenda. Quia verò Vasionen- 39
ses illi testes, cum sacramento asseruerunt, Comitem Tolosanum cum clien-
tibus suis venisse, et vi cepisse Vasionenem, addam his omnibus consules Aue-
nionis ea ipsa die 14. Iulij iurasse et alia se præstituros, et Comiti Tolosano
aduersaturos, si iurata non seruet. Vide autem quid subiungant: aiunt se ei
aduersaturos in villis, et castris nostri consulatus, et ipsa ciuitate. Quæ fuerint
villæ casique Auenionensis consulatus nullibi tabularum lego. Certè nunc
etiam diocesis Varenensis, tum regio Comiti Tolosano subiecta, (puto, et
alix saltem nonnullæ in Occitania) per consulatus diuiditur. Cum Auenio- 40
nis consulibus, sacramentum alij non pauci dixerunt, quos ego quidem non
dubito clientes principis Tolosani fuisse (clientes autem ad spoliandum
Vasionensem Episcopum adhibuisse audiuius à Petro Gellafredo) Baucij
quatuor, Guilelmus, Hugo, Raimundus, et Dragonetus. Hugo Guillemi fra-
ter erat, et vtriusque nepos Raimundus. Ij sanguine continebant Raimun-
dum Tolosatem: Faida quippe ipsius auia sororem habuit Stephanetam Rai-
mundi, quondam Baucij coniugem. Vvilelmus Arnaldus, Raimundus de Agou-
to, Ricardus de Caron, Bernardus de Lauduno, Guilelmus Bernardi frater,
Bernardus de Andusia, Petrus Bernardi filius, Robertus de Vcctia, Dia-
nus

- nus Roberti filius, Robertus de Poscheris, Robertus Gantelmi de Lunello, cum Bauciis erant. Audusiani gente Bermundi erant, & latè per Occitaniam dominabantur, atque Petrus Raimundi Comitis sororem habebat in matrimonio, vt scripsi 3. de Viuar. Episcopis num. 43. ex Guilelmo de Podio Laurentij cap. 5. Ceteri Bermundis nobilitate generis, opibùsque suppare erant. Igitur Miloni Legato Innocentij tertij coram Eucharistia, ligno S. Crucis, & beatorum virorum reliquiis Euangelio superimpositis, ipsi quoque jurant staturos se illius & Ecclesiæ mandato.

*Super expulsionẽ mandatorum perpetuã,
Iudeis ab omni administratione vel officio perpetuò amouendis,
Pedagijs & quidagijs dimittendis,
Pace & treugã juxta mandatum tuum, vel alterius Legati D. Papa, insti-
tuendã.*

*Plenã Ecclesiarum libertate seruandã,
Ecclesijs incastellatis demoliendis, & penitus dimittendis, & nullo vnquam
tempore incastellandis.*

Damnis datis Ecclesijs, & alijs personis siue laicis siue priuatis resarciendis.

- Denique quòd de nobis conquerentibus iustitiam exhibebimus, stratas publicas securas seruabimus, & eos quos Episcopi nostri hereticos nominabunt, & receptores
42 & fautores eorum, animaduersione debita puniemus. Hæc illi. Ad Raibaldum Episcopum reuertamur. Ex judiciaria illa Arausici Antistitis inquisitione, videor mihi colligere, electum in Vasionensem Episcopum, anno tertio & nonagesimo supra millesimum centesimum. In eã quippe anno vndecimo post millesimum ducentesimum instituta fertur electus anno octauo antè & decimo. Cùm autem in eã ipsã legamus Railanæum præfulem Vasionem pulsū ante annos quinque & viginti, ac proinde quinto illius sæculi & octogesimo, aut circiter, asseramus oportet Laudunensem non sedisse Vasionem multos annos, cui mortuo Raibaldus Flotta successit tertio & nonagesimo. Vt enim Railanæus eo, quo ciuitate pulsus Intercallem secessit, obierit extremum diem,
43 annos tantū omnino septem sedit. Hic autem subit animū cogitare, Raimundum Tolosatē dedisse Bernardo & Guilelmo Landunensibus, qui ejus partes, quemadmodum vidimus, sequebantur, vt Episcopo vel fratri, vel consanguineo, Vasionem restitueret. Sed neque Lambescius diuturnus in Episcopatu fuit, quem vidimus anno sæculi octauo & septuagesimo Antistitem. Vvilelmus Berengarius ab Arausicano Episcopo quæsitore rogatus, & alia respondit, & sequentia: Domi-
44 nus Episcopus Berengarius, qui fuit de Lambesco, tenebat & possidebat montem, in quo modò est castrum Vasionis, & ipsum defendebat vti dominus. Quĩ defendisse montem asserit, significat fuisse qui montem aggrederebantur. Igitur eò cogitatione deuenio, vt putem nobilissimum Antistitem, suis & gentiliū affiniumque amicorum armis illa omnia recepisse, quæ Raimundus Tolosæ Faidæ filius à Mornatio, ante ipsum Antistitem, vi abstulerat; & cùm Comes Tolosanus ipsa rursū occupare cogitaret summa montis aggressum, quæ Lambescius tutatus traditur. Iam Raibaldus peruenit ad septimum, & vicesimum post millesimum ducentesimum, & quatuor ac triginta annos, aut circiter tenuit Episcopatum.

patum. Anno enim sæculi septimo vicesimo Ripertus Flotta ex cano-
nicorum Præposito electus in Episcopum erat. Qui ergo R. Vasionen-
sis Antistes interfuit conuentionibus Archiepiscopi Arelatenſis cum Ab-
bate Montismajoris, Raibaldus est. Illi conuenerunt de finibus. Post Ri-
pertum sedisse rebar Guidonem, qui anno sæculi primo & quadragesi-
mo electus, interfuit professioni clientelæ, quam Comes Tolofanus fecit
Albigenſi Episcopo. Guidonem excepit Faraudus è canonico in Episcopum
electus.

Guido

DE REBUS GESTIS
EPISCOPORVM VASIONENSIVM
LIBER TERTIVS.



MAGNUM sibi nomen fecit Faraudus & aliis rebus præclare
gestis, & conuentionibus cum Comite Tolofano primùm,
deinde cum Præposito suorum canonicorum. Illæ enim
sunt quæ Vasionem, Rastellum, Crestetum, & Inter-
callem omnino asseruerunt Episcopo; hæ verò, quæ cano-
nicorum collegium verâ pace composuerunt. Sed principio præcipuam
laudem habet, quod anno sæculi quinquagesimo, erexit in basilica prin-
cipe (cathedralem vulgò appellant) beato Quinidio quondam Antistiti
altare. Ante ipsum, qui Vasionensium Antistitem hoc suscepit, non
inuenio, etsi de illius nomine Abbatiam vidimus jam à Paschali se-
cundo firmatam Episcopis. Sequenti anno cogitauit de finienda con-
tentione cum Comite Tolofano, quæ annos ferme centum pessimè ha-
buerat præfules Vasionenses. Alphonſus Ludouici Francorum regis octa-
ui filius enupserat in Ioannam Comitissam, quæ mortui patris heres fuit.
Vt ex institutione Blance matris, & exemplis Ludouici Francorum regis
fratris, qui sanctorum virorum honores & promeruit, & consecutus est, ad
omne virtutis genus sponte ferebatur, voluit quod ipsi erat de Vasionem
dissidium, finiri sapientium virorum consiliis, arbitrioque. Igitur Raimun-
dus Gaucelinus Venaissini Comitatus, in quo est Vasio, gubernator, ejus
mandato Nemausi cum Faraudo conuenit de re tota, in Guidonem Ful-
codium tertio calendas Septembris, qui consultiſſimus juris vnus illis
temporibus vniuersâ Galliâ ferebatur. Hic vir gente Grossus, ad eum
honorum apicem denique peruénit, vt Romanum Pontificatum adipisce-
retur. Clementem quartum dicimus. Qui partium fidei iussores pro illo-
rum temporum more fuerunt, illos ego, præter Alphonsum quidem, pu-
tauerim autores Faraudo & Gaucelino ad concordiam fuisse. Dracone-
tus toparcha Montis Albani & Raimundus de Medullione stabant ab Episcopo
& Gaucelino Ademarus de Grayano & Isnardus de Montemeirano.
Baucij Arausicæ Principes hoc sapienter fecerunt, vt ambos amplecterentur,
& Raimundus quidem esset ab Antistite, à gubernatore Vvilelmus. Sed
his, & illis, magnum quid ad gloriam profectò fuit, opus curare vigereque.
Nam seu rem de quâ agebatur spectes, antiquissimæ ciuitatis dominatio-

1

Faraudus.

2

3

nem ; seu viros qui inter se contendebant, Regis Francorum fratrem, & antiquissimæ ciuitatis Episcopum ; seu diuturnitatem & vim acerbiteratemque discordiæ, & ferro igneque exercita per centum annos dissidia, qui id operis occæperunt, nā summi illis ac pene diuini consilij mens fuit. Atque Guido grauissimus sanctissimusque virorum habitus est, cuius vnus arbitrio omnis causa permitteretur. Qualis autem & quā illustris fuerit, accipe ex antiquā Normanniæ chronica, quam Duchesnius edidit. *Guido fuit primitus aduocatus post (vt dicitur) miles. Vxore mortuā factus est Episcopus Sanctæ Mariæ de de Podio in Aruernia, de hinc Carbonensis Archiepiscopus : post ab Urbano IV. Papa ad cardinalatum vocatus, dictusque Clemens IV.*

Itaque Sabrani, Laudunenses, Montilienses, & alij per Prouinciam Occitaniamque clarissimi dynastæ voluerunt conuentionis in Fulcodium testes esse. Is eo ipso anno, tercio calendas Ianuarij edixit in hæc verba.

- 4 Ego Guido de Fulcodio, auditis diligenter & inspectis his, quæ coram me proposita fuerunt, pacem cupiens inter dominum Comitem, & dominum Episcopum Vasionensem reformare, & disceptationis materiam futuris auferre temporibus, de plenitudine potestatis mihi data, sic prefatas determino quæstiones. Imprimis volo & iubeo, quod dominus Episcopus restituat domino Comiti supradicto, infra mensem à die instantis Epiphaniæ computandum, castrum seu fortalitium Vasionis, cum omnibus prædijs rusticis & vrbis, censibus, & seruitiis, feudis seu feudorum dominiis, quæ dominus Comes possidebat, vel quasi possidebat apud Vasionem, seu in territorio Vasionis, die qua dominus Episcopus de meo speciali mandato fuit per senescallum, vel alium eius nomine ad prædicta omnia restitutus, saluo iure Vasionensis Prepositi, si quod habet in aliquibus seruitiis de prædictis, ita quod his non obstantibus ius suum possit liberè prosequi contra dominum Comitem restitutum. Mando etiam restitui Comitem ad pedagium siue in pedagio, quod apud Vasionem percipiebat & percipere consueuerat, præterquam de roux (est herba inficiendis rubro colore vestibus) & plumbo, quarum rerum pedagium mihi constat ad solum Episcopum pertinere. Iurisdictionem autem omnem, merum & mixtum imperium in ciuilibus & criminalibus quæstionibus in parte illa quæ breue seu regio Episcopi appellatur, in quascumque personas, exceptis bailiis domini Comitis, & aliis personis inferiùs nominatis, domino Episcopo & successoribus eius adiudico, & à petitione senescalli quā petebat in parte prædicta, nomine domini Comitis merum imperium & gladij potestatem, dominum Episcopum absoluo. Porro in parte altera, quæ breue seu regio Comitis appellatur, firmantias & iustitias criminum capitalium quæ in ea committi contigerint, talium scilicet quæ de iure scripto sunt, & consuetudine curiarum mortis supplicium vel membri mutilationem insigunt, ictus etiam si qui eodem breui quod dicitur domini Comitis, ferro, fuste, vel lapide ex proposito facta fuerint : si tamen ex eis atrox effusio sanguinis, vel ossis fractio secuta fuerit, adiudico domino Comiti prefato in quascumque personas, exceptis bailiis Episcoporum, & aliis personis cum eisdem inferiùs nominatis. Et si ex dictis causis eidem adindicatis, bona cuiusdam contigerit confiscari, bona mobilia erunt domini Comitis, immobilia verò domini Episcopi, eū exceptis quæ à domino Comite vel eius feudatariis laicis, tenentur in emphyteusim, vel in feudum, &c. Sequuntur minutura quædam de punitione criminum, quæ non placet exscribere. Tantum aduerte viros quos suprà dixit inferiùs nominandos, cum de animaduersione in reos agebatur, esse baiulum

baiulum & castellanum Comitis, atque eos qui in eius familia sunt, aut ipsius castro custodes sunt impositi; & baiulum ac familiam Episcopi, Præpositi, & canonicorum. His itaque saluis domino Comiti, pergit Fulcodius, quæ circa iurisdictionem, & merum imperium sunt distincta, & eidem Comiti reservata, omnia alia iurisdictione contentiosa & voluntaria, tam in casibus civilibus, quàm in furis, adulteriis, & aliis criminibus ordinariis, & extraordinariis cognitionibus, & omnia ad merum & mixtum imperium pertinentia, exceptis hiis quæ domino Comiti sunt retenta, ad dominum Episcopum pertinebunt, & ea eidem & successoribus eius adiudico, sine contradictione domini Comitis perpetuo possidenda. Bannum verò vini secundum formam multis temporibus observatam in tota ciuitate Vasioneusi similiter eidem domino Episcopo adiudico. Bannum etiam territorij Vasionis quoad tutelam fructuum & talas cobibendas, ad dominum Episcopum pleno iure pertinere pronuntio, salvo tamen banno Præpositi, & militum Vasionis, qui in tertius locis bannum habere & habuisse noscuntur. Corratas insuper & ligna in vigilia Natalis Domini in omnibus hominibus totius ciuitatis, eidem domino Episcopo adiudico, exceptis clericis & militibus. Hic hæreo, & antè ad vltiora quàm pergo, placet nonnulla aduertere. Primum est, priùs Guido quàm hæc ediceret, iussisse vt castrum Vasionis traderetur Episcopo cum omnibus prædiis rusticis & vrbaniis, censibus & seruitiis (vt ipse modò loquebatur) feudorumque dominiis: sed quo tempore id præceperit non est in meis tabulis. Tamen cum animo meo reputans, quæ Raimundi ambo, filius & nepos Faidæ, Comites Tolosani per importunam vim aduersus, Episcopum susceperunt, in eam cogitationem venio, vt putem Fulcodium huius causæ principio voluisse Antistitem in omnia Vasionis inmittere iura dominum, suum etiam deinde si quod esset Comiti aliquà in ciuitatis parte ius ipsi seruatorum. Ex his autem postea aduerto, factum igitur vt Raibaldus Flotta quondam Antistes, non accepit à Comite Tolosano omnia Vasionis, sed Rainundum sibi retinuisse castrum, & alia quæ Fulcodius sub ipsa iudicij initia Faraudo iussit restitui. Et fortassis ea res est, quæ Raibaldum commouit, egitque ad postulandos ab Innocentio tertio Pontifice Romano & Othone Germanorum Imperatore cognitores, qui de damnis Ecclesiæ Vasionensi à Tolosane illatis quærerent. Tertium deinde quod miror est portorium plumbi, & quæ panni rubescunt herbæ, deberi Episcopo, cum de ceteris mercibus nullum vectigal colligat. Quis ceteras portorij partes sibi seruans, concessit hanc vnam? abs dubio diuise ex quondam erant, & in diuersos tributæ dominos; ad quem verò ista pertinebat, ille ipsam donauit Antistiti. Et is fortasse ille est qui primus antiquissimis temporibus mediam partem Vasionis dedit Episcopo; aut verò Gaufridus, & Bertrannus Prouincie Comites qui, mediam alteram elargiti sunt. Sed tu mihi magis quartum aduerte, quod de duplici breui seu regione ciuitatis dixit Fulcodius. Ergone altera Vasionis regio semper spectauit ad Comitem Venaissimum, an ex eo tantum tempore potius, quo in montem ex transouidiana conualle vrbs transit? Hæc res vehementer dubia est. Ex tabulis pendet, quibus factum est, vt Vasio principum munere ad Episcopum perueniret: ex verò aut perierunt, aut in nocte cæca nescio cuius tabularij obscuræ, omnibusque ignotæ latent. Si quid cogitando assequi licet, existimauerim ego, vt vniuersæ Vasioni iam

olim dominaretur Antistes, tamen certa, et spero obscura, semper Comit
fuisse iura in parte ciuitatis, etiam cum trans Ouidiam erat posita: cumque
nonnulli principes pro summa Episcoporum veneratione (neque fructuosa
valde sunt) ea neglexissent, præfules donata interpretatos primum sibi ac-
cepisse, tum posteris vti omnino concessa reliquisse. Et hinc, vt ego quidem
13 arbitrabar, vniuersa mali moles in eos incubuit. Nam vt Raimundi Tolosa-
tes filius & nepos Faidæ, principio non erant Episcoporum obseruantes,
postea etiam hostes erant, illa expetuerunt, & aduersus præfules qui nega-
bant egerunt armis, ac in obsistentes vsi sunt iure summorum principum,
& ceteris castris ac Vafione etiam pro rebellionem, quam interpretabantur,
multauere. Igitur quod de palatio Episcopi recitauit Oliuarius de Propriac
coram cognitoribus, vt suo loco memorauimus, tu hoc de regione vrbis etiam
intellige. Raimundus Faidæ filius Comes Tolosæ *peine à domino Episcopo*
Berengario qui fuit de Reilana, vt redderet palatium: & respondit dictus Episco-
pus quod habebat à Deo & à B. Maria, & non à Comite: & ideo non redderet ei
palatium. Et tunc dictus Comes abstulit dictum palatium per vim, oppugnando di-
ctum Episcopum Vafionis. Iam vi ceperat ciuitatem, & eam quoque abs du-
bio pro Antistite obsistentem, ignibus dederat; obnitebatur tamen Beren-
garius tam pertinaci firmitate, tamque eduris animis, vt quæ in palatium de-
riuabantur, aquæ fontinæ, eas Comiti necessum fuerit ruptis canalibus aliò
auertere, deducereque. Atque ea existimo esse iura in quæ longo postliminio
Alphonsum Comitem nunc inducit Fulcodius. Pergit autem in edicto suo
his verbis. *Pro honore verò domini Comitis, & marchionatus Prouincie ad ipsum*
pro domina Comitissa spectantis eius uxore, plenius & melius integrando, volo &
iubeo quod dominus Vafionensis Episcopus iurisdictionem, & signoriam & omnem
districtum quem habet in territorio & ciuitate Vafionis, & in tribus castris proxi-
40 *mè nominatis, & territoriis eorundem à domino Comite supradicto, tanquam domi-*
no Venaissini & marchionatus Prouincie vt in feudum recipiat honoratum, & quod
fidelitatem iuret eidem, nec ad onus, vel seruitium aliud præter hoc teneatur. Vides
quo damnet Episcopum Guido. Igitur Antistes comiti Venaissino subiici
fugiebat, seque negabat illius clientem esse. Scilicet arbitrabatur qui Comi-
tes Vafionem, aliqua castra Ecclesiæ tradiderant (& vt aliud nunc non sit,
hinc intelligis concessisse) non seruasse sibi apertis verbis ius clientelæ. Atque
id erat cur Berengarius de Reilana diceret se à Deo, & B. Maria, non Co-
mite Tolosano habere palatium, adde & Vafionem, etiamque Vafionensis
Ecclesiæ castra. Subiicit Fulcodius: *hoc saluo, quod dominus Comes in ciuitate*
& castris supradictis, cotalam seu albergam habeat, quantum hactenus Comes
habere consueuerunt, & caualcatam cum vicinum vocauerit vel commouerit. Item
tamen, quod homines dicti Episcopi, caualcatam redimere data pecunia nullatenus
compellantur. Et si de danda pecunia cum balliis domini Comitis conuenerint, illa
15 *pecunia domino Comiti & domino Episcopo sit communis, & cetera quæ se-*
quuntur, quæ quoniam minutiora sunt, nullius est operæ recitare. Sed quos
homines putas Episcopi dicere? an qui in domo & familia illius censentur,
vel aliquem sub eo magistratum habent? an potius omnes ciuitatis & castro-
rum, præter eos qui in breui seu regione Comitis Vafione degunt? Atque
hactenus edictum Fulcodij latum Parafisi anno primo & quinquagesimo su-
pra

pra milleſimum ducentefimum. Qui de collegio Vaſionenſium rei teſtes interfuerunt, Bernardus præpoſitus, & Guilelmus Ferrandus, ac Guilelmus Operarius Canonici, illos ego interfuiſſe exiſtimabam mandato Epiſcopi, vt viderent ne quid in grauiffima & per centum annos magnis animis agitata cauſa, pateretur detrimenti Eccleſia.

His feliciter à Guidone Fulcodio geſtis, qui Gauſſelino in Venaſſini Comitatus regimine ſucceſſit Ioannes de Arſicio pacem corrumpit, erigens moleſtrinam inuito Epiſcopo, in ea regione agri, quæ ipſi cum Comite communis eſt. Sed Alphonſus, vt quietis amantiffimus erat, & Epiſcoporum ac Eccleſiæ obſeruantiffimus, indoluit, atque Petrum de Ruzato Prædicatorij ordinis, virum ſapientem ac probum, iuſſit rem cognoscere de propinquo. Vtque omniâ diſcordiæ ſemina tolleretur, id ſimul probauit quod Fulcodius peregerat Pariſiis. *Petrus de Ruzato cauſam ſeu cauſas, inquit, vel negotia ſine debito terminet abſque dilatione, ſecundum quod erit de iure & conſuetudine patriæ faciendum.* Reſcriuiſimus, addit, & concedimus domino Epiſcopo ſupradictæ item clauſes portabulum Vaſionis, & ſornagium furni dicti domini Epiſcopi, & partem dimidiam alterius molendini veteris, & hortum, & vineam eiufdem domini Epiſcopi, & iuriſdictionem plenariam, & dominium in ciuitate Vaſionis, & territorio eiufdem ciuitatis dicto Domino Epiſcopo reſtitui mandamus & concedimus, ſecundum formam compoſitionis factæ per venerabilem virum dominum Guidonem Fulcodij inter dominum Comitem & dominum Epiſcopum ſupradictum. Item reſtituiſimus poſſeſſionem & quaſi iuriſdictionem S. Verani (regio agri eſt ad ædiculam S. Verani dirutam) & eius territorij, promittentes tenere & obſeruare dicto domino Epiſcopo compoſitionem prædictam, &c. Item ſuper caualcatis de Intercallis, & ſuper pedagio Vaſionis, & ſuper delictis ſeu commiſſis aliquibus, ſeu quibusque commiſſis, in quibus videbatur vobis dominum Epiſcopum Vaſionenſem commiſſiſſe contra curiam domini Comitis prætaxati, cum eodem domino Epiſcopo tranſegimus, & ipſe nobiſcum tranſegit, &c. Iſta Alphonſus, vt autem id adiungam, Cle-
mens ſextus Pontifex Alphonſum ſecutus, ratum etiam habuit quod Fulcodius peregerat. Nos ante omnia rationem intereſſe Romanæ Eccleſiæ, quæ poſtmodum præſato Alphonſo in dominio totius Venaſſini prædicti, in quo ciuitas, & caſtra, ac eorum territoria prædicta conſiſtunt, ex iuſto titulo ſucceſſit, compoſitionem prædictam, & alia in inſtrumento prædicto contenta videri ſecimus & inſpici diligenter, ac tandem comperto compoſitionem eandem partibus vtilem & accommodam fore, & in earundem partium & ſubditorum ſuorum in ciuitate, caſtris, & territorijs ſupradictis communem vtilitatem notoriè redundare, ipſius Petri (Petrus de Caſa eſt hic Epiſcopus Vaſionenſis ab anno ſecundo & quadrageſimo ad octauum & quadrageſimum milleſimi trecentefimi) ſupplicationibus inclinati, compoſitionem eandem auctoritate Apoſtolica ex certa ſcientia confirmamus.

Atque hæc dicta ſint ſuper conuentionibus Parauadi Antiſtitis cum Comite Toſolæ de Vaſione & alijs caſtris, accedamus ad eiufdem cum canonico-
rum collegij ſui Præpoſito. Rem vniuerſam poſuerant in arbitrio Ioannis Auenionenſis Epiſcopi. Is hoc præterea accepit ſibi faciendum, vt canonico-
rum collegium, veluti recenter exortum eſſet, conſtitueret, firmaretque ſuis legibus. Et quidem principio imminuit canonico-
rum numerum, & voluit eſſe omnino tantum decem. Tum iuſſit vt ſinguli per ſe, vel per alium, intereſſent matutinis vespertiniſque precibus, & ſacro quod conuentuale appellant.

Deinde ea decreuit quæ ad eorundem cibum, & potum, ac vestes, & cetera quibus vita honestè ducitur faciunt. Demum de sacerdotiis (præbendas vocant) edixit: reliqua enim minutiora non iuvat oratione sequi.

- 19 Fuit præterea contentionis aliquid Fataudo Episcopo cum monachis Valriacensibus de decimis. Res neque impedita, & pertenuis est. Ab ea igitur fusiùs recitanda abstineo. Monachi Crudato venerunt. Aquo Valriacum seu vocati, seu deducti fuerint mihi non liquet. Sed neque inuenio quibus temporibus inibi sedes fixerint. Crudatum autem, in Comitatu Viuariensi pagus est, non omnino modicus. Aliis domibus ab aliis sensim ad monasterium adiunctis denique surrexit. Eutbertus Theodori Comitis pater hoc crexerat, autore Ludouico pio in Crudati siue Crudaci deserto in *comitatu Viuariensi super Rhadannum fluium*, vt loquitur Boso Prouinciæ Rex, & ego docui 2. de Viuariensibus Episcopis num. 40. Media decimarum pars cessit Episcopo, monachis media anno secundo & sexagesimo istius sæculi. Guigo Crudati Abbas tum erat, & Merulus Valriaci Prior. Diuine postea vixerit Fataudus haud scio. Ab hoc anno ad primum & septuagesimum meæ omnes chartæ de Episcopo tacent.
- 20 Istò sedebat Giraudus, & rem obscuram atque perdifficilem, quæ ipsi erat cum Hospitalariis sapienter composuit. Hi habent duas, vt loquuntur; præceptorias in Episcopatu Vasionensi, alteram in fano Romani Malagardæ, alteram in Villa dei. Fataudus ante Giraudum Antistes tria, vt scriba loquitur, *affaria* (puto esse prædia) prope Villamdei in regione agri dicta *Quesonegas* emerat: vnum à Guilelmo Guilelmi de Podio Almatio filia & Peregrini de Bellomonte vxore, alterum à Bertrando & Guilelmo Peregrinis illius Guilelmæ filiis, tertium ab Hugone de Falcone & Guilelma vxore, neptemque Peregrini de Bellomonte quem memorauimus, per Luciam filiam. Et Aguillonus præceptor aiebat se in eorum ab Episcopo emptionem assensum non esse, quibus tamen clientelari iure dominabatur; velleque ea sibi ipsum, quando beneficiaria essent. Hoc primum contentionis caput erat, & cum accerrimè res hinc & inde ageretur, alia antiqui dissidij capita, vt solet, excitauit. Igitur alterum erat de solidis quinque, quos Episcopus ex *affari* nescio quo Hospitaliariorum Villadeano sibi postulabat in censum annum.
- 21 Isti proximum fuit tertium de duodecim denariis censualibus ex nemore Lamienorum, in quos iam ab anno millesimo centesimo nonagesimo Hospitalarij cum Antistite conuenerant, & conuentiones anno post septimo & tricesimo probauerat Henricus Cardinalis Albanensis, agentibus Riperto Flotta Episcopo, & Guilelmo Sanromani præceptore. Quartum & vltimum iam ab annis centum durè pertinacique lite trahebatur. Giraudus Antistes aiebat Henricum Albanensem Episcopum iudicem arbitrarium, iam olim edixisse, vt media pars decimarum Sanromani de Malagarda traderetur Bertrando de Lambesco præfuli: & cum res rursus vocaretur in controuersiam post annos septem & quadraginta, edictum Henrici sapientibus viris probatum fuisse: Ista Giraudus pro se: ex aduerso Petrus Aguillonius & Raimundus de Grassa Hospitalarij, ille Auenionensis & Villadeanus, hic Arausicanus & Sanromaninus de Malagarda Præceptores contendebant se nullos Episcopo denarios, nullos solidos in annum censum debere, & decimas tum Villadeanas tum Sanromaninas per annos quinquaginta

quinquaginta, vt aliud non esset, iam suas, sine omni impedimento possedisse. Rem vt vides, ancipitem Giraudus ita composuit, vt cederet Hospitalariis tria Faraudi Villadeana affaria, & quinque solidos censuales annuos; ab Hospitalariis autem acciperet duodecim denarios annuatim pro Lamenio nemiore, & decimam partem declinarum Villædei, ac Fani Romani ex agris quos ipsi colonis curandos traderent. Lamenium illud nemus Templariorum quondam fuerat, & Villadeanus quoque prioratus: Arausicanus autem Præceptor Hospitaliorum dominabatur parti Arausicæ, quam anno septimo supra millesimum trecentissimum mutauit nescio quibus rebus cum Carolo claudio Prouincie Comite, & Arausicæ per clientelam domino: & ille ipse Carolus sequente anno donauit Bertrando Baucio, cum se ipsum ex Arausicano principatu clientem profiteretur. Anno quinto & septuagesimo idem Giraudus Antistes rem Podialmeracensem composuit. An diu post vixerit nescio.

Bertrandus secundus sedebat anno octogesimo, eratque in comitatu Friderici Imperatoris, cum Arelatensem Ecclesiam onere quopiam pecuniario leuauit. Post Bertrandum secundum alter Giraudus fuit Antistes anno septimo & octogesimo vsque ad quintum & nonagesimum. Et cetera quidem illius sunt pertenuia, nullius que nominis; hoc non tacendum, quod anno nonagesimo conuenit cum Richauo Petri Templario, præceptore Roaisij, de aqua Ouidiana Rastellum ducenda, per G. Hugolinum Præceptorem Ricarencarum, & Raimundum Raybaudi ciuem Vasíonis, virum nobilem, militemque. Post Giraudum secundum Antistes fuit Raimundus de Bellomonte anno sexto & nonagesimo, atque cum secutus vocauit Vasíonenses ad professionem clientelæ. Quoniam tabulæ de ea confectæ venerunt in manus meas, nobile antiquitatis monimentum, placet eas exscribere. Et fortassis nonnullos iuuabit legere virorum nomina qui Vasíonem tum incolebant. Certè Vasíonenses in iis videbunt maiores suos, & præter antiquitatem familiæ, intelligent à quibus acceperint cultum ac venerationem suorum Antistitum. Optandum omnino esset, vt tabulæ, quas plures olim de clientelæ professione scriptas fuisse omnino certum est, vsque ad nostra tempora perdurarent. Vt alta non dicam, plurimarum gentium que perierunt, clara & illustis perduraret ad hanc diem memoria.

Notum sit omnibus tam presentibus, quam futuris per hoc presens publicum instrumentum, quod anno ab incarnatione domini millesimo ducentesimo nonagesimo sexto, scilicet nona die mensis Ianuarij, Guilelmus Artaudi, & Guilelmus Catalani de Vasíone, constituti in temeterio cathedralis Ecclesie B. Marie Vasíonensis, in presentia venerabilis viri domini Raimundi de Bellomonte electi confirmati predictæ Ecclesie Vasíonensis, confessi sunt, & in veritate & ex certa scientia recognouerunt predicto Domino electo confirmato, presenti & recipienti nomine suo, & predictæ Ecclesie Vasíonensis se tenere debere sub dominio & senioria predicti domini electi, & dictæ Ecclesie Vasíonensis omnia bona immobilia, & res immobiles, & iura quæ ipsi habent, tenent, seu possident, seu quasi possident, seu alij habent, tenent, seu possident, seu quasi possident sub eorum dominio apud Vasíonem, & in eius territorio exceptis iis quæ ipsi tenent, seu possident, seu quasi possident sub domino alicuius, & pro predictis bonis & rebus immobilibus, & futuris in modum præmissum per eos supra confessis & recognitis, & pro personis ipsorum, promiserunt

dicto

- 28 dicto domino electo presenti ac recipienti nomine suo predicta Ecclesia Vasionensis, esse boni & fideles sibi & dicta Ecclesia Vasionensi, & conservare sibi vitam, & membra, & ea omnia que in sex casibus fidelitatis continentur, scilicet incolume, tutum, honestum, utile, facile, possibile. Incolume, ne sint sibi, scilicet Domino Electo, in damnum de corpore suo: tutum, ne sint sibi in damnum de secreto suo vel de munitionibus suis per quas tutus esse potest: honestum, ne sint sibi in damnum de iustitia sua vel de iis que ad honestatem suam videntur pertinere: utile, ne sint sibi in damnum de possessionibus suis: facile, possibile, ne id bonum quod leniter possunt facere, sibi reddant difficile vel impossibile. Et quod predicta omnia & singula predictus Guilelmus Artaudi & Guilelmus Catalani teneant & observent & contra non veniant, bona fide promiserunt predicto Domino Electo. Et insuper stantes erecti, predicto tribuunt, manus suas inter manus predicti Domini Electi predicti ponendo, & Domino Electo presenti & recipienti nomine suo & dicta Ecclesie Vasionensis homagium faciendo, &c. Post Artaudum & Catalanum
- 29

Guilelmus Paschalis,
Hugo Paschalis,
Germanus Quintardi,
Guilelmus Rostagni,
Bertrandus Raynij,
Bertrandus Ebrardi,
Aymicus Andreæ,
Raimundus Fomerij,
Petrus Corderij,
Iannes Costa,
Petrus Malaucena,
Pontius Gilij
Petrus Boyssoni,
Ioannes Galafredi,
Raimundus Berengerij,
Raimundus Gontardi,
Raimundus Boyssie,
Rostagnus Ruffi,
Bertrandus Blasmoia,
Pontius Botuelli,
Iacobus Vidonis,
Michael Ricij,
Pontius Boyssoni,
Raimundus Riperti,
Bertrandus Bermundi,
Bertrandus Ioannis,
Stephanus Ioannis,
Arnaudus Fabri,
Stephanus Paschalis,
Hugo Fabri,
Raimundus Andreæ,

Franco Pueti,
Petrus Micerij,
Durandus Achardi,
Bertrandus Fentretij,
Raimundus Carpentorati,
Guilelmus Chardoni,
Raimundus Savinij,
Martinus Benosa,
Pontius Maschoni,
Raimundus Guntardi,
Guilelmus Rostagni,
Guilelmus Bruni,
Guilelmus Fomerij,
Raibaudus Paschalis,
Guilelmus Lautij,
Bertrandus Belliparij,
Guilelmus Pontij,
Guilelmus Ioannis,
Petrus Blegerij,
Arnaudus Boyssoni,
Raimundus Fabri,
Petrus Galafredi,
Arnaudus Olerij,
Bertrandus Mererij,
Petrus Pontij,
Iacobus Andreæ,
Iacobus Balma,
Petrus Meerij,
Petrus Testa,
Guilelmus Auracij,
Raimundus Nigri,

Imbertus Christophori,
Giraudus Bruni,
Ioannes Pueti,
Nicolaus Bermundi,
Ioannes Christophori,
Guilelmus Paschalis,
Stephanus Guntardi,
Raimundus Mauratij,
Petrus Bruni,
Pontius Boyssoni,
Petrus Euariacij,
Bertrandus Bretij,
Raibaudus Scoferij,
Laugerius Iuliani,
Petrus Paschalis,
Raimundus Sartoris,
Guilelmus Latili,
Petrus Bermundi,
Petrus de Ramea,
Guilelmus Faraudi,
Hugo Fornerij,
Arnaudus Sartoris,
Petrus Textoris,
Robertus Coretas,

Guilelmus Chatberti,
Stephanus Gilij,
Guilelmus Bermundi,
Guilelmus Martini,
Raimundus Marini,
Petrus Meonij,
Marinus Meonij,
Guilelmus Olerij,
Guilelmus Pelliparij,
Richardus Micerij,
Raimundus Macellarij,
Guilelmus Meissonij,
Pontius Matfredi,
Pontius Iugularij,
Oliuarius Gastaut,
Giraudus Meerij,
Guilelmus Coreni,
Raimundus Sperandei,
Raimundus Scalloni,
Bertrandus Iuuenis,
Bertrandus Leonis,
Bertrandus Regis,
Ioannes Saumata,
Bertrandus Bruni.

Hi omnes, vt in tabulis sequitur, de ciuitate Vasionis confessi sunt, & in 30
veritate & ex certa scientia recognouerunt predicto domino Eleto, presenti, &
recipienti nomine suo, & predictae Ecclesiae Vasionensis se tenere, & tenere debere sub
dominio & senioria ipsius predicti domini Eleto, & dictae Ecclesiae Vasionensis, om-
nia bona immobilia, &c. vt in superioribus de Artaudo & Catalano dictum
est. Bona fide promiserunt dicto domino Eleto presenti & recipienti & super san-
cta Dei Euangelia ab eis, & quolibet eorum, corporaliter propria manu tacta,
iurauerunt super hoc flexis genibus, dicto domino Eleto sedente, fidelitatis oscu-
lum eidem domino Eleto predicto in eius pollicibus tribuendo, manus suas inter ma-
nus predicti domini Eleto ponendo, & eidem domino Eleto predicto recipienti nomi-
ne suo, & dictae Ecclesiae Vasionensis, homagium faciendo, &c. sequuntur hos in 31
tabulis alij: & ego quidem cur ab iis diuisi fuerint, non video, nisi forte lo-
cus omnes capere non potuit, profitentes Episcopo clientelam, igitur prio-
ribus recedentibus isti accessere.

Simeon Mercerij,
Raimundus Textoris,
Ioannes Milonis,
Guilelmus Nicolai,
Guilelmus Bontos,
Raimundus Iuuenis,
Petrus Mutatoris,
Petrus Marini,
Petrus Olerij,

Guilelmus de Sauoia,
Rostagnus Malaucena,
Guilelmus Eustachij,
Bertrandus Richaudi,
Guilelmus Frontinarij,
Petrus Iuuenis,
Rostagnus Midolij,
Ioannes Iuliani,
Ioannes Meissonij,

E E c

Petrus

Petrus Carpentorati ,
 Ioannes Richaui ,
 Hugo Giraudi ,
 Hugo Cabasuti ,
 Petrus Giraudi ,
 Raimundus de Valentia ,
 Marinus Cogullati ,

Raimundus Grassi ,
 Andointus Cabassuti ,
 Bertrandus Grassi ,
 Guilelmus Bernardi ,
 Ioannes Iugulati ,
 Ioannes Ioannis ,
 Raimundus Alanzoni .

33 Isti etiam omnes de dicta ciuitate Vasionis , vt habent tabulæ , confessi fuerunt , & in veritate , & ex certa scientia recognouerunt predicto domino Eleeto , presenti & accipienti nomine suo , & dicta Ecclesia Vasionensis , se tenere debere sub dominio & senioria , &c. vtin præcedentibus immediatè .

34 Denique , pegunt tabulæ , Leonetus Iudeus habitator dicta ciuitatis Vasionis promisit , & super sanctam legem Moyfis , ab ipso corporaliter propriâ manu tactâ , iurauit predicto domino Eleeto presenti , recipienti , pro se & dicta Ecclesia Vasionensi , esse bonus & fidelis eidem domino Eleeto predicto , & dicta Ecclesia Vasionensi , & seruare sibi membra & ea omnia , que in sex casibus fidelitatis linguâ maternâ expositis plenius continentur fidelitatem & homagium faciendo eidem domino Eleeto predicto , recipienti pro se & dicta Ecclesia Vasionensi , sicut ceteri proximè nominati .

35 Acta fuerunt hec omnia & singula supradicta , in cemeterio predictæ cathedralis Ecclesiæ Vasionensis , presentibus testibus domino Ioanne de Maya Præposito predictæ Ecclesiæ Vasionensis , domino Arnaudo de Bellomonte monacho , domino Raibaudi milite de Vafione , domino Bertrando de Muris , domino Pontio Boquerij , domino Faraulo de Bellomonte , canonicis Vasionensibus , Raibaulo de Vafione , Guilelmo Petri de Intercallis , Bausano de Menerba domicellus : domino Nicolao de Compedio Ecclesiæ de Albaruffa , Pontio Nicolai , domino Raimundo Pelliparij de Vafione præbytero , & pluribus aliis , & me Hugolino de Venteivolio publico notario

36 Episcopi Vasionensis , qui in omnibus supradictis presens fui . Hactenus tabulæ prorsus insignes . Guilelmum Artaudi , qui primus omnium stans se clientem Episcopi dixit , existimo de Artauda siue Artalda illa nobilissima gente fuisse , quam libro 2. de Densibus Episcopis num. 59. & aliis docui potentem his temporibus fuisse opibus , antiquitate , nominis dignitate , latissimèque dominantem , & Comitatus honores tulisse ante annos quadringentos , atque à Cælestino secundo Pontifice prælatam aliquando Pictauiensi . Neque Vasio multùm à Densibus remota est . De qua gente autem fuerit Guilelmus

37 Catalani non possum dicere . Lego quidem Guilelmum Catalani , aut hunc ipsum , aut alium isto iuniorem , post annos sex & quadraginta , & ei cognominem , filium Raimundi , cum Antonio de Castello , & aliis , clientelam cum sacramento professos coram Petro de Casa Episcopo . Sed eius maiores tacent meæ omnes chartæ . Profectò nobilissimus genere fuit , qui cum Artaudo , clarissimæ & antiquissimæ gentis viro , vnus & stans , & osculo dato iurauit Antistiti fidem . Denique vt id quoque aduertam , Guilelmus Petri ille Intercallensis domicellus , quem in testibus vidimus , abs dubio erat sanguine proximus Richaui Petri his ipsis annis præceptorum Templariorum Roaysij , neque fortassis alius gente à Petri , notario Guilelmi Comitis Forcalquerij , ante annos circiter nonaginta . Sed accedamus ad alia .

38 Anno trecentesimo post millesimum , Raimundus Episcopus quæsiuit Valriaci

de fide , cum Guilelmo Marrori , & Garino de Anſaduna Minoritis locum Guilelmi de Marcello quaſitoris fidei implentibus , & Pontium Chabaſſij , Pontium Gilij , Mabilem Artaudi Eſmeniant vxorem , Remundam Fabriciam , & Peironam Chaubaudam , Valdenſium hæreſeos damnauit. Legō in præſulis chartulario eundem Antiſtitem ſediſſe anno poſt ſecundo : ſed tabulæ canonicorum collegij , ſerunt Bertrandum ſecundum eodem ipſo anno Epiſcopum fuiſſe. Illo igitur Raimundus aut ſedem mutauit , aut extremum obiit diem. Magis ego quidem putauerim , aut errare has tabulas , aut cū in ipſis primus tantum character nominis , pro illorum temporum more non infrequenti ſcriptus fuerit (eas ipſe non legi) alterunt pro altero , & B. pro R. non multum apud antiquos diſſimili , acceptum à nonnullis fuiſſe , qui Bertrandum pro Raimundo , in tabulis canonicorum ſcripſerunt. Nam Raimundus de Bellomonte legitur Vaſione ſediſſe , ab anno ſæculi octauo ad triceſimum , neque eſt , cur cum à ſuperiore Raimundo Bellomontanodiuerſum faciamus , qui ſex tantum annos ſederit , & Bertrandum habuerit per annos etiam ſex ſucceſſorem. Vt cumque res ferat , eam enim ego quidem nolim , quæ vniuerſa ſuſpicionibus nititur , omnino definire , Raimundus de Bellomonte , anno ſæculi ſexto emit à *Raibaldo Iordani domicello* Camareti ciue , *directum* ſeu nobile *dominium* Creſtetenſis cuiuſdam agri. Sunt qui velint eum ipſum , anno quinto & triceſimo vocatum ad Sanruſenſe Auenionis concilium : ſed inuenio ego Ioannem , qui Auenionenſis Epiſcopus ei interfuit , dictum in ipſius actis regere anno triceſimo Vaſionenſem Cetera & Raimundi , & Ioannis ſepeliuit obliuio. Dicitur in hiſtoria Cameracenſi pag. 471. Ioannes Pochon & aſſeritur fuiſſe ex canonico Cameracenſi epiſcopus.

39

Ioann.

Poſt hunc Raterius anno ſexto & triceſimo iniit Epiſcopatum , & poſt annos quindecim in eo actus , anno ſæculi primo & quinquageſimo ad Caſſinem ſem translatus eſt. Tamen qui Goctium de Bataglia , Ariminenſem Antiſtitem , docent ad Cardinalatum perueniſſe anno ſeptimo & triceſimo , addunt ex Vaſionenſi ſede in Ariminenſem abiſſe. Hoc ſi veritatem habet , dicamus neceſſum eſt ſediſſe medium inter Ioannem & Raterium , aut annis , aut menſibus incertis poſt triceſimum , & ante ſextum ac triceſimum. Raterius anno ſeptimo poſt triceſimum vendidit Humberto Delphino duas quartas partes Propiaci pagi. Erit operæ aliquod pretium aſſerre venditionis tabulas , ob id maxime , quod ex ipſis intelligimus , quartam eius partem , iam olim Ventaitoliis traditam ab Epiſcopo , ſub cenſu ſolidorum quadraginta Viennenſium ; & Delphinum pro eadem ab ipſis accepta ante annos ſeptem & ſexaginta cenſum ei feciſſe , quod cetera tacene chartæ , non patuo argumento Vaſionenſes Antiſtites alia etiam caſtra tenuiſſe quidem olim diſione , ſed rem , ſeu bellorum ac tumultuum impetu , qui per urbium euerſionem , vaſtationemque prouinciarum , omnia corrumpunt tabularia , ſeu temporum etiam vi quæ nihil non arrodunt exeduntque obliuione ſepultam eſſe.

40
Raterius.

41

Cum illuſtris Princeps dominus Humbertus Delphinus Viennenſis , Dux Cam-
piſauri , Vienna & Albonis Comes , & palatinus , dominusque baroniarum Medullionis & Montisalbani , teneat tanquam dominus Medullionis , in emphiteoſim à domino Epiſcopo & Eccleſia Vaſinenſi , quartam partem caſtri , & fortaliſij ,

42

in iurisdictionis, dominij castri de Propiaco Vasionensis diocesis; item & dominium quod dictus dominus Episcopus habebat & solebat habere in alia quarta parte castri & ferialitij predicti, quam tenebant seu tenere solebant pro dicto domino Episcopo, liberi & heredes quondam Hugonis de Ventairollo & Raimundi de Ventairollo, sub annuali pensione quadraginta solidorum Viennensium in Natali Domini soluendorum dicto domino Episcopo Vasionensi, licet dictus contractus esset emphiteotarius, facere homagium & fidelitatem, iurare cum capitulis in sacramento fide litatis contentis, & recognitionem facere de homagio & fidelitate predicta in mutatione Episcopi tenementarii, cum dictus tenementarius foret requisitus per dictum dominum Episcopum, & pro dicto affari dictus Dominus Delphinus, tanquam dominus Medullionis, etiam teneretur iuvare dictum dominum Episcopum de placito & de guerra, prout predicta latius contineri dicuntur in quodam publico instrumento confecto manu Raimundi Reinaudi de Rastello..... sub anno Domini millesimo ducento

- 43 tesimo sexagesimo nono pridie idus Ianuarij. Hinc est quod reuerendus in Christo pater Raterius Episcopus Vasionensis, considerans quod dictus contractus & dictum affare, modicam utilitatem afferebat dictæ suæ Ecclesie Vasionensi, ipsius Ecclesie utilitate considerata pro se & suis successoribus in dicta Ecclesia, sciens, spontaneus, & nomine suo, & dicta Ecclesia permutavit, & nomine permutationis tradidit & concessit predicta omnia superius contenta, & quidquid iuris, actionis, & requisitionis habebat in predicto castro, territorio, & districtu, & in, & contra dictum dominum Delphinum occasione predicta dicto domino Delphino presenti recipienti, & stupulanti pro se & suis heredibus & successoribus pro decem florenis Delphinensibus & ponderis Delphinensium florenorum, quos dictus dominus Delphinus pro se & suis heredibus & successoribus, dat & concedit & causâ permutationis predicta pro dictis rebus, iuribus, & rationibus sibi permutatis eidem domino
- 44 Episcopo presenti & recipienti vice & nomine predictæ Ecclesie Vasionensis, percipiendos perpetuo anno quolibet in festo omnium sanctorum in, & super pedagio, & valore pedagij castri & loci de Nionis, &c. Post multa, Acto inter dictos dominos, quod quicumque pedagij seu exactores pedagij dicti loci de Nionis, teneantur iurare in creatione sua, ad requisitionem dicti domini Episcopi, seu eius procuratoris, soluere dictos decem florenos anno quolibet, termino supradicto, absque difficultate quacunque, &c. Actum apud Buxum in cimiterio fratrum Predicatorum, presentibus reuerendo patre domino Ioanne Episcopo Turinensi, nobilibus viris Agato do Baucio domino de Brantulis, Guigone de Morgiis domino de Spina, Guilermo de Bezigano nultibus, &c.

- 45 Quarto post Propiaci venditionem anno, scilicet sæculi quadagesimo, Raterius Antistes à Benedicto septimo pontifice missus est, cum Roberto Patriarcha Constantinopolitano, ad Robertum Neapolis, & Petrum Sicilia reges, componendæ inter eos paci. Rem tradit Fasolus decade prima de rebus Siculis libro nono cap. 4. sed Messanenses portu prohibuerunt. Raterium excepit Petrus de Casa ex Priore Generali quartodecimo Carmelitarum assumptus. Vir suo tempore clarissimus sapientiâ, sanctitate, doctrinâ. Lemouice in Aquitania nobili genere natus est. Paradisus & Athenarum Carmelitarum volunt corruptè dici de Casa, qui de Cesis appellandus esset, atque Cesia de gente Cardinalibus, & Ducibus, Principibus, Marchionibus apud Italos illusterrimâ ortum esse. Puer ad Carmelitas sese applicuit, seu Bononiæ Gallorum, seu Lemouice; id enim inter Carmelitarum etiam scriptores du-

bium est. Anno sæculi tricesimo, cùm Ioannes de Alerio Tolosæ Valentennis Belgij in comitiis generalibus lubens magistratû abdicaſſet, magno omnium consensu in eius locum ſuffectus est. Ter vniuerſi Ordinis comitia, ſingulis trienniis ſingula, coëgit. Nemaufi primùm anno præfecturæ tertio, tum Bruxella ſexto, demum Lemouice nono. Eruditiffimos ſcripſit libros in Magiſtrum ſententiæ, & Ariſtotelis politica, ſermoneſque de B. Virgine, de tempore, & de ſanctis. Cùm que dicendi vi, & eruditione, ac ſapientiâ, vitæque ſanctitate toto Chriſtiano orbe celebraretur, tantum habuit in Gallia Italiaque nomen, vt à Clemente ſexto Pontifice euectus ſit principio in Episcopatum Vaſionenſem, deinde in Hieroſolymitanum Patriarcharum Anno ſæculi octauo & quadageſimo, obiit Vaſione tertio nonas Auguſti, per vitam, & poſt mortem magnâ, vt ferunt, prodigiorum multitudine clarus. Accipe carminâ, quæ autor Athenæi Carmelitarum de eo recitat.

Dicitur à Caſa: Petrus Ieconius hic eſt,

Diui Carmeli qui Generalis apex.

Hunc ſibi doctorem in ſtudiis pietatis amauit;

Clemens cui ſeries nomine ſexta fuit.

Et tandem Antifites Solymæ moderatus habenas;

Conditus in tumulto plurima ſigna dedit.

Caſano mortuo, Petrus de Beretto Graſſenſis Episcopopus, accepit curam Vaſionenſis Eccleſiæ. Hic etiâ fuit Carmelita, & (ſi Geſnerum audimus) Magiſter ſacri palatii. Doctus vir multa ſcripſit, Placita Theologica, Canones Repertorium, Deprecatorium, Manuale. Quàm lôgo tempore rexerit Vaſionenſem Eccleſiam, aut etiâ vixerit me latet. Lego illam rexiffe anno ſæculi quinquageſimo; Laurentium verò d'Albiac Vaſione ſediſſe annis nono & quinquageſimo, ac duobus ſequëtibus. Huic ex tabulis Pontificiis ſcimus ſucceſſiſſe Ioannem Morellianum ſecundo ac ſexageſimo. Anno i 365. intereſt concilio Aptenſi. Hic ille eſt, qui conſequente anno quæſiuit de ſanctitate vitæ & miraculis beatæ Delphinæ Ariani Comitiffæ, cû Ioanne Archiepiſcopo Aqnenſi, ex mandato Urbani V. Romani Pontificis. Audiuit Angelicum Auenienſem Episcopopû fratrem Urbani, Philippum Patriarcham Ieroſolymitanum, Guirandû de Sirimiana, Ioannem de Sabrano, alioſque omnium ordinum nobiliſſimos teſtes ad octo & ſexaginta, qui tam illuſtria ſeu ſummæ virtuti, ſeu præcipuè ex prodigiis omnem rerum à Deo productarum vim excedentibus admirabilitatis exëpla, tum ſacramento retulerunt, vt ad ea quæ ipſi legi, ego quidem ſanè ſtupere non poſſim. Sed hæc aliàs fortaliſſiſ ſuſius exequar, Petrus Boëtius fuit Ioânſ in Episcopatu ſucceſſor. Hic anno ſeptimo & ſexageſimo ſedere cepit, & eo ipſo damnauit veneficij, ſeraliumque carminû, Petrum Sollier & Eliâ ſeu Eliſam (Eletam quoque & Alaidem vorabant) coniugem, omniaque eorum bona addixit Eccleſiæ Raſtellenſi S. Andreæ. Eblo poſt Petrum fuit Episcopopus. Sedebat anno 2. poſt 70. Ad 80. peruénit. Res per ſe minima eſt, ſed ad habendam cognitionem tēporum maximè facit. Tabulæ tradunt anno. 7. poſt 70. *ſeciſſe gratiam de furio*. 80. illo Episcopatum inijt poſt Eblonem Raimundus. 7. autem & 90. poſt Raimundum Radulphus ſedebat ab ignoto mihi tempore. Redulphum excepit Guilelmus. Anno 1401. Antifites ſextum non ſuperauit; eo enim vocabat ſedes. Diarium Benedicte XIII. eſt in codice Vaticano 7. & 20. ſupra quinquies milleſimum ſexcentefimum. Fert Pontifi-

47

48

49

Petrus
5 de Be-
retto.

Lauren-
tius.
d'Al-
biac.

50

Ioannes
Morell

51

Petrus
6.

Eblo.

52

Raimu-
ndus 2.
Radul-
phus.

Guilel-
mus 2.

cem, Monæci die Iulij sexta & vicesima, cùm haberet in comitatu duos tantum Cardinales, Fliscum & Pompilonensem, cum iis tamen in concilium (consistorium vocant) conuenisse, & Ecclesijs Cauallicensi ac Vasionensi vacantibus præfules imposuisse, huic quidem Guilelmum de Pesserato, illi

53 verò ignotum mihi alium quem. Pesseratius in Episcopatu fuit ad vndecimum vsque sæculi. Decinio vnum aliquid suscepit, cuius ego quidem causas non inuenio, quod non expeditam successoris litem perpetit. Bernardono de Serris omnem fecit in Episcopatus vniuersos fructus potestatem, cum assumens in Ecclesiæ suæ protectorem. Virum audi.

Guilelmus 3.
de Pesserato.

54 Nos frater Guilelmus de Pesserato Dei gratia Vasionensis Episcopus studentes die nocteque loca Ecclesiæ Vasionensis & nostra, ac homines subditos, & bona sua ab iniurijs, grauaminibus, & offensionibus præseruare, ac sub alicuius teneri custodia, sub cuius vmbra ipsa, loca, & homines, ac bona eorum conseruentur illæsa, disposuimus curam illorum alicui committere, cuius solerti diligentia & peruigili custudio, præfati homines, & loca, ac bona eorum, præseruari valeant & gaudere. Ecce igitur ab experto meritò confidentes de nobilitate, lealtate, & industria magnifici viri Bernardoni de Serris domini Malaucenzæ, quem tenemus indubiè dictos homines, loca, & bona eorum, conseruaturum veluti suos proprios, eidem magnifico Bernardono committimus curam & regimen locorum & hominum dictæ Ecclesiæ, & nostrorum. Et per præsentem eundem Bernardonum, in temporalibus rectorem, & gubernatorem, & administratorem nostrum, & dictæ Ecclesiæ, & hominum & bonorum quorumcumque ipsius, dantes & concedentes, Bernardono plenam potestatem, & liberam facultatem regendi, gubernandi, protegendî, ponendi, corrigendi castigandi dictos homines, & eorum quemlibet, prout eorum demerita existant, & sibi videbitur, ac percipiendi, leuandi, recuperandi omnia & singula iura, redditus, emolumenta, prouentiones, &c. Si verò contingat in posterum ipsum Bernardonum pro defensione, custodia, saluatione prædictorum, vel alicuius eorum, expensas aliquas de suo proprio facere, & ultra redditus & prouentus ipsorum, promittimus eidem Bernardono, & ordinamus, quòd dictas expensas sic facienti, de quibus stare volumus conscientie & dicto ipsius, eidem Bernardono restituemus, &c. pro quorum quidem restitutione dicta causæ fiendorum, eidem Bernardono obligamus, & obligata esse volumus omnia & singula loca, & bona, ac res dictæ Ecclesiæ Vasionensis, &c. Hactentus Antistes.

56 Quæ causæ virum adegerunt, vt quod nullus ante ipsum Episcopus in summo etiam rerum omnium discrimine cogitauerat, faceret ipse pacato faciliq; tempore, non possum dicere, atque vt maximè possem non ausim ego quidem. Non modicam pecuniæ vim cùm id faceret accepit mutuam à Bernardono. Sed lectori relinquere satius sit, quàm de tanti Antistitis & ante Episcopatum vitam regularem professi in ordine mihi ignoto (se enim ipse fratrem, vt vidimus, appellabat) consilijs iudicium ferte.

57 Episcopales tabulæ docent Hugonem de Theysiaco seu Theriaco, patriâ Sabaudum, sedisse anno sæculi duodecimo. Eo se Pontificis pro Vasionem, & alijs castris clientem, professus est ipse, coram Ioanne de Pictauia Episcopo Valentino, qui Comitatus Venaissini tum rector erat. Scilicet Episcopatum intrabat nouus Antistes, & sacramentum pro more dicebat Pontifici. Sed vt Vasionem intrauit, vt Bernardono de Serris mortuo Garciotus fratris heres exegit

Hugo
de Theysiaco.

exegit florenos auri supra quingentos & mille, quorum quisque solidis Delphinalibus quatuor & viginti responderet. Capita verò nominum hæc proponebat. Bernardonus frater Guillelmo Episcopo dedit in rem Episcopatus florenos auri omnino mille & triginta nouem, ac insuper tres grossos numeratione duplici. Is ipse Crestetum annos tres tutatus est, neque tamen quidquam ex ejus redditibus sibi in solidum promissis accepit: annis singulis ad sex supra centum florenos perueniunt. Demum in custodiam Cresteti, & ejus incenium instaurationem, seu Bernardonus, seu Garciotus frater florenos prorsus ducentos impenderunt. Hugo hæc in Guillelmi Episcopi, non in Ecclesiæ commoda reponebat impensa, ut taceret importunè postulari pecunias à præfule, limen Episcopaliū ædium subeunte, & redituum ejus ac rerum penitus ignaro. Addebátque iniquam esse Garcioti postulationem, qui Crestetum multo milite occupatum teneret. Sed contententes Franciscus Narbonensis Archiepiscopus composuit, restituto ante omnia Præsuli Cresteto cum omni supellectile. Anno sæculi nono supra decimum, Hugo Episcopus ad mediam Intercallis partem, quam Antistes ante annos trecentos possidebat, addidit ut alteram, quæ ad Ioannem de Podio pertinebat, sibi emeret auri florenis bis mille viginti quatuor. Media hæc pars Intercallis, peruenit ad Pontificem Hugone mortuo sine hærede, & octauo post anno veniit ex mandato Fuxij Cardinalis à Pontifice Legati Bernardo Gaufridi. Anno quinto & viceesimo, interfuit Hugo finitoni limitum Salonis inter Archiepiscopum Arelatensem, & ciues. Tertio post præfectus est erectioni Auenionensis collegij de Anneciaco à Ioanne de Bruniaco Ostiensi Cardinale ipsum moliente. Sexto & tricesimo fecit, ut Eugenius Pontifex juberet reddi Ecclesiis Vasionensi & Tricastinæ (hanc Hugo Vasionensis Antistes regebat) bona præter jus falsque ab illis avulsa, & rei cognitores daret Decanum Auenionensem atque Officialem Viuariensem.

Eugenius Episcopus seruus seruorum Dei dilectis filiis Decano Ecclesiæ Auenionensis, & Officiali Viuariensi salutem & Apostolicam benedictionem. Venerabilis fratris nostri Hugonis Episcopi Vasionensis, qui Ecclesiam Tricastinam ex concessione Apostolica obtinet in commendam, precibus inclinatis, præsentium vobis auctoritate mandamus, quatenus ea, quæ de bonis ad Vasionensem & Tricastinam mensas Episcopales spectantibus, alienata inueneritis illicitè, vel distracta, ad jus & proprietatem earundem mensarum legitimè reuocare curetis, &c. Bononia anno incarnationis Dominice millesimo quadringentesimo tricesimo sexto, 15. Aprilis; Pontificatus nostri anno septimo.

Addidit etiam Hugo, ut is ipse Pontifex quarto post anno Tricastinum Episcopatum vniret cum Vasionensi, quemadmodum habes in ipsius regesto folio ducentesimo octogesimo octauo. Inuenio præcedente anno dedisse in emphiteusim, mediam partem frumentariæ molestinæ ad Ouidæ amnis pontem posite, Saluiano de Viuariis Iudæo, cum facultate deriuandi aquam fluiuij ad illius usum, sub censu aïminarum frumenti annuarum sex; & mediam partem furni sub censu aïminarum totidem, ac vnus insuper denarij. Hoc non mirabitur, qui meminerit Leonietum Iudæum, se clientem Raimundi Bellomontani Antistitis dixisse, ante 100. & 40. annos. Samson Iudæus anno millesimo quadringentesimo octogesimo quinto recognouit Abbatem Sanrufensi Auenione, ut ferunt illorum temporum tabulæ, vineam trium aïminatæ

- 62* *Pontius de Sadone.* *aiminatorum, confrontatam à Borea recto cum vinea Iacob Messæ Iudæi, qui ei-*
dem Abbati ipsam beneficiariam esse professus est. Hugo denique in pau-
cis clarus Antistes anno quinto & quadragesimo Crestei moritur, & Pon-
tius de Sadone Præpositus Ecclesiæ Metropolitanæ Auenionensis qui adju-
tor viuenti fuerat, successit mortuo, & ad nonum ac sexagesimum vsque
seruata Auenionensi Præpositura peruenit. Octauo & quadragesimo Ro-
bertum Archiepiscopum Aquensem comitatus, interfuit cum aliis pluribus
Episcopis illi celeberrimæ inuentioni corporum Mariæ Iacobi & Mariæ Sa-
63 lomes ad Arelaten, coram Renato rege Siciliæ & Comite Prouinciæ, atque
Petro de Fuxo Cardinali & Auenionensi Pontificis Legato. Nono autem
post anno fuit in Synodo, quam Pontificis Legatus coëgerat. Anno 1458.
vicarius Alani Cardinalis vltimi Auenionis Episcopi posuit sub altari supre-
mo templi S. Agricoli corpus S. Magni. Ex vita S. Agricoli in Bibliotheca
Ioan. de Monte Mirabilis. Lerinenſi pag. 324. Pontium excepisse fertur Ioannes de Montemirabili.
Certè anno tertio & septuagesimo vocauit sacerdotes suos in concilium.
Referendarius fuit Apostolicus: igitur & vixit, & extremum diem obiit Ro-
mæ, ædibus suis testamento datis Beatæ Mariæ de populo, in cuius templo
ediculam sancto Ioanni exedificauerat. In ea visitur conditorium viri, & in-
scriptio sepulchralis in hæc verba. *Ioannem de Monte mirabili hic sepultum,*
intelligentia Apostolicum Abbreniatorem, fides Referendarium secretum, probitas
Sixto quarto Pontifici maximo familiarem, religio Episcopum Vasionensem fecit 3
quibus persunetus septuagenarius obiit tertio Iunii, anno millesimo quadringentesi-
64 *mo septuagesimo nono. Hæc si consideres satis admonent.* Eo ipso anno Amalricus
Amalricus. Ioanni substituitur. Sedebat primo & octogesimo: an eum superauerit du-
bito vehementer. Cum enim Benedictus de Paganotis quinto sederit, inter
Odo. ipsum tamen & Amalricum fuit Odo Antistes, qui fortasse paucos menses,
aut vnum certè annum tenuit Episcopales infulas Vasionæ. Benedictus Flo-
Benedictus de Paganotis. tiæ natus, moritur Florentiæ; & Ordinem S. Dominici professus sepelitur
in Dominicanorum templo. Peruenit ad primum à millesimo quingentesi-
mo vicesimo, annos omnino quinque & triginta Episcopus.

DE REBUS GESTIS

EPISCOPORVM VASIONENSIVM

LIBER QVARTVS.

- 1* *Hieronymus de Seledau.* **P**OST Benedictum Paganotium Vasionæ sedit Hieronymus Seledus. Hic vir, Vicentiæ in Italia natus, ita Clementi septimo se-
probauit, vt ad grauissima negotia, ad animam quoque pœni-
tentiâ eluendam, ab ipso adhibitus fuerit. Sed res viri præclare
gestas epitaphium paucis verbis in patriâ positum complectitur. *Hieronymo*
Seledo, Episcopo Vasionensi, Clementis septimi Pontificis maximi domus Magistro,
in Hispaniam Legato ab eo ad Carolum quintum Impatorem misso, rebus supra
omnium spem ejus prudentiâ celeriter ex voto confectis, affinitate etiam inter il-
los junctâ, Casare in Italiam adducto, cum Venetis ceterisque Italia principibus
sædere inito, duce Insulrum Casari conciliato, in Belgis iterum apud eundem
legat ioue

legatione functo, Roma in maiori de se expectatione sublato, Ioannes Petrus fratri optimo ac innocentissimo P. Vixit annos duos & quinquaginta, dies duos. Obiit quarto nonas Ianuarij anno 1533. Tacere tamen non possum, quod cum suis canonicis gessit. Res vt omnino apetta fiat, paulò altius repetenda est. Ex conuentionibus Faraudi Episcopi cum collegio suo, canonici poterant abesse ipsi à diuinis in basilica laudibus, & si, quem sui loco reponerent, fruebantur omnibus sacerdotij fructibus. Vt nihil est quo vetustate non debilitetur primum, & postea sensim deficiat, ita euenit vt Canonici cum vicarios sibi principio supposuissent in rebus sacris, demum causati non esse in non multum magna, neque frequentissima ciuitate, qui abscentium vices pro collegij dignitate implerent, & abfuerint ipsi, & sui tamen loco neminem ad Deo dicendas laudes subiecerint, acceptis, sibi que scilicet seruatis sacerdotij fructibus. Scelus Antistes rei seu insolentiam, seu importunitatem tulit argerrimè, eamque Clementi septimo emendam proposuit. Pontifex anno tertio & vicesimo supra millesimum quingentesimum ita edixit.

Quia Præpositus, Archidiaconus, Sacrista, Præcentor, necnon Canonici Vasionensis Ecclesie, tot redditus in absentia, quot in presentia, vel quasi ex dignitatibus, necnon canonicatibus & præbendis percipiunt, non curant in Ecclesia residere, in maximum ipsius Ecclesie dedecus, ac diuini cultus detrimentum, & populorum scandalum, &c. autoritate Apostolica tenore presentium omnes & singulos fructus, redditus, & prouentus, ac emolumenta quæcumque dignitatum, necnon canonicatum & præbendarum ab iisdem dignitatibus, necnon canonicatibus & præbendis, perpetuò separamus ac dismembramus, ac in dicta Ecclesia vnâ mensam communem capitularem, quatenus erecta non sit, erigimus & instituiimus, ac eidem mense omnes & singulos fructus, redditus, & prouentus, ac emolumenta quæcumque eiusmodi, perpetuò applicamus, & approbamus, vt quod illa ac alia quæcumque emolumenta, ac fructus, redditus, & prouentus dictæ mensæ in distributiones quotidianas de cetero existant, & inter Præpositum, Archidiaconum, Sacristam, & Præcentorem, & Canonicos, pro tempore dictæ Ecclesie inibi continuò personaliter residentes, ac diuinis officiis interessentes, distribui debeat, & portio absentis alius inibi residentibus & interessentibus accrescat, &c. Addidit etiam vt pergeret in hæc verba. Approbamus, quòd dictus Hieronymus Episcopus, quæcumque statuta, & ordinationes, licita & honesta, ac sacris canonibus non contraria tam circa residentiam, interessentiam, ac fructus, redditus, & prouentus, necnon distributiones quotidianas huiusmodi ipsorum fructuum reddituum, ac prouentuum, & distributionum participationem ac distributionem, & ipsius Ecclesie seruitium, & alia quæcumque præmissa, quomodolibet concernentia, quoties sibi placuerit, facere, alterare, ac mutare, quascumque etiam permutationes perpetuò dignitatum, necnon canonicatum & præbendarum prædictarum, & aliorum quorumcumque beneficiorum Ecclesiasticorum, & inhabilitatis ad illa, ac pecuniarias alias quascumque, de quibus sibi placuerit censuras & pœnas in quælibet contrauentionem apponere, &c. Canonici ad Clementis literas ingemuerunt, & anno sexto ac vicesimo prouocauerunt ab illarum executione. Sed demum re sapius agitata, inque variâs partes non indiligenter versatâ conuenerunt cum Hieronymo Antistite in capita sequentia, quæ Clemens Pontifex postea comprobauit. Primò fructus, redditus, & prouentus ciuitatis ac territorij Vasionis, &

S. Marcellini sint ipsius collegij, & in commune conferantur. Secundò *Archieidiaconus* eidem collegio dat Ecclesiam *S. Quinidij*, & illius fructus, atque iura omnia *reservatis sibi oblationibus dictæ Ecclesiæ, & tenemento antiquo dictæ Ecclesiæ, ac pensione annua sex ducatorum auri de camera quoad vixerit.* Tertio *Sacrista* etiam tradit collegio suo decimas, fructus, & emolumenta, quæ ratione sue sacristiæ percipit ratione Ecclesiarum *S. Verani, & S. Martini in territorio Vassionensi, ac territorio S. Verani vocati le Flese, servatâ quoad vixerit pensione*

7 *annuâ viginti quinque ducatorum auri.* Quarto *Firaudus Borelli, sacrorum curio*, cedit omni suo iure, & eidem collegio illud concedit, servatis in omnem vitam fructibus eius. Atque hæcenus ista. *Scledus Antistes* moritur anno sæculi tertio & tricesimo, die secunda mensis Ianuarij: & illorum temporum vir anonymus Archiepiscopo *Toletano* scribit *Clementem* septimum voluisse, vt duo serui cadauer *Episcopi à muscis ventabulo* defenderent, quod solis Cardinalibus tum dabatur.

8 *Thomas Cortesius* Prati in *Tuscia* natus, *Hieronymum* excepit anno illo ipso tertio supra tricesimum: & datarius siue notarius Pontificis scripsit matrimoniales tabulas *Henrici Ducis Aurelianensis & Catharinæ de Medicis Massiliæ* die 27. Octobris quas recitat *Iustellus* in probationibus historiæ *Aruerniæ* pag. 129. Cum illo eas scripserunt *Ioannes Breton & Gilbertus Bayard Secretarij regij.* Ipsi *Episcopalis curæ* initium finem imposuit liti, quam de *Intercalli olim venum ab Hieronymo Paganotio data*, *Scledus* intentauerat *Hieronymo Guiramando.* Hic omnia *Episcopi* in pagum iura emerat à *Paganotio* triginta in singulos annos florenis, & *Iulius secundus Pontifex* emptionem probauerat anno sæculi sexto. Indigna *Scledo* post *Paganotium* *Episcopo* res visa est, neque vnquam potuit adduci vt probaret venditionem non ignobilis pagi iniquis conditionibus factam: sed mors præpropere fecit, vt causa edicto iudicum non fineretur. Vt *Guiramandus Thomam*

9 illi succētum accepit, vt saniora secutus consilia cum eo conuenit, datis supra annum triginta florenorum cēsū *hæmmis aureis septingentis & quinquaginta.* *Thomæ Iacobus* ex vxore ante sacerdotium filius successit in *Episcopatu*, anno sæculi primo & quinquagesimo, arque ad *Patriarchatum Alexandrinum* euectus interfuit *Concilio Tridentino.* Rexit *Vassionensem Ecclesiam* annis octo supra viginti. Sexagesimo sæculi acceperat sibi adiutorem operis *Rainerium Ceuli Dominicanum* sororis filium: sed is ante auunculum septuagesimo *Cresteti mortuum* obiit.

10 *Guilelmus* nobilissima *Cheifolmorum* gente in *Scotia* natus, *Ecclesiâ Dumblanensi*, patriâque cum catholica fide pulsus, *Vassionensem* regendam accepit. Sed antiquæ pietatis *Antistes*, cum in ea curanda posuisset annos quatuordecim, honorum opumque pertaxus, *Cartusianorum* instituta magno in omnem partem exemplo amplexus est. Concessit tamen *Mariæ sanctissimæ Scotorum reginæ*; quod negare non poterat, vt pro ea ad Pontificem orator præter ordinem esset. Obiit *Romæ*, anno tertio & nonagesimo sæculi, *Cartusianorem Prior*, quem in sanctissimo Ordine magistratum iam *Lugduni* sapientissimè gesserat. Eo ad *Cartusianos* profecto, Pontifex tradidit *Episcopatum Vassionensem* *Guilelmo* ipsius ex fratre nepoti, anno quarto & octogesimo sæculi. Hic post *Sacratum Carpentorætensem Episcopum* rexit *Comitatum Venaissinum*, & cum ad *Scotia* re-

Vasionensium Episcoporum. 411

gem electus à Pontifice nuntius fuisset, edidit librum aduersus Caluinistas hæreseos in patria satores. Moritur nono & vicesimo anno supra millesimum sexcentesium. Michaël Dalmerathius viuens in Episcopali opere adiutor successit mortuo. Natus Balneolis in Occitania, moritur quarto post adeptum Episcopatum anno.

*Micha-
el Dal-
merath-
ius.*

12

*Joseph
Maria
Suarez.*

Erat tum Romæ, in comitatu Francisci Cardinalis Barberini, Ioseph Maria Suares, intimus summi Pontificis Cubicularius, vir Græcis & Latinis literis eruditus, & antiquarum rerum seu sacrarum, seu profanarum apprime sciens, atque mortuo Michaële fit Vasionensis Antistes, ex adiutore Auenionensis in basilica metropolitana Præpositi. Licebit puto mihi, & locus postulat, fusiùs dicere de amicissimo mihi ante annos triginta Episcopo, ejusque ex domesticis tabulis gente. Atque, vt aliud non esset, id debeo Ioanni Francisco patruo, quem cùm pueritiam exuerem, & à Societatis Iesv tyrocinio recens, prima Philosophiæ spatia discipulus emetiret, Turno-

13

ni amantissimum & boni supra paternum animi Rectorem habui. Igitur Ioseph Maria, per Iosephos patrem & avum, à Didaco illo descendit, qui, vt erat ingenio, prudentiâ juris, rerumque gerendarum peritiâ summus, & Belgarum iniperium in Hispania non ferebant nobilissimi per Castellam, Andalusiam, aliasque regiones viri, & cogitabant de Calabria duce, Neapolitani regis filio, educendo ex arce Sciatua, & post nuptias cum Ioanna regina vidua in regem euehendo, turbarum pertaxus excessit de patriâ, & quiescissimas supra Regem à Romano Pontifice sedes elegit, Comitatum Venetissimum, Pontificiam in mediâ Galliâ ditionem. Is ille Didacus est qui Suaresiorum gentem antiquissimâ apud Hispanos nobilitate illustrissimam, Cordubâ Auenionem transtulit ante annos 130. Genuit verò ex Eleonorâ Oli-

14

uaria, Francisci Franciæ Cancellarij & Seraphini Cardinalis consanguinea, Iosephum, qui de Clementiâ Lopia sustulit filios omnino quinque, Franciscum, Iosephum, Ludouicum, Ioannem Franciscum, Henricum, omnes sapientiæ laude clarissimos, Franciscus eruditionem & eloquentiam probauit etiam Romæ. Vini mentis & pietatem Ludouicus omni vitâ constanter præ-

15

stitit. Iosephus omnia post parentem togâ decora tulit, omnes magistratus in patriâ, & supra ipsum in Arausicani Principis curia Senator fuit consultissimus juris. Henricus Iosepho non impar inclaruit & ipse togâ, Henricumque cognominem habet filium & magni nominis hæredem, & eruditum in paucis. Ioannes Franciscus amavit Societatem Iesv & à puero secutus est, in eâque Theologiam cum laude docuit, & Tolosanæ Prouinciam summâ rexit prudentiâ. Sed præcipuum nomen ducit à pietate, quàm in viro tam accuratam veramque vidimus ac suspeximus pueri, vt velut innatam veramque vidimus ac suspeximus pueri, vt velut innatam dice-

16

remus. Certè, vt fatear quod est, annus sæculi vertebatur vndecimus, cùm in adolescentiæ limine grauissimâ febre correptus sum. Ardente per immo- dicam ætatem cælo totum corpus ignis vrebat, jamque viscera durè depastus, proximè erat vt certissimam mortem inferret, eruditissimus Tardino qui de pilis sapientissimè scripsit, omnem medicam artem nequiquam contendente. Interea rerum Ioannes Franciscus Rector, cùm in hominibus nihil esset opis, ad Deum ipse confugit, precibusque ac lacrymis per dies omnino quatuor apud illum sic egit, vt animam pene fugientem

- distinuerit in corpore. Hic vir exitus habuit pares vitæ, & quod ab omni virtutum genere, ac in deum pietate potissimum tulerat per omnem vitam nomen, seruauit in morte: & fertur nonnihil etiam à morte supra hominum vim egisse, è quo intelligas in cælo viuere. Ad Iosephum Ioannis Francisci fratrem qui Iosephum Mariam Episcopum genuit redeamus. Is ex Paula Santronquætia quinque liberos sustulit, maioribus non minores. Hoc etiam
- 17 patris maior est Iosephus Maria primogenitus, quod Episcopatum Vasionensem in familiam intulit, & plurima de rebus antiquis eleganter, doctè, sapienter scripsit. Ludouicus præposituram metropolitane basilicæ à Francisco patruo acceptam prudentissimè gerit, vir factus ad pietatem, caritatem, &
- 18 omne virtutis ac officij genus. Carolus Iosephus Canonicum sequebatur, cum hæc primum scribebam, nunc est Episcopus. Franciscus ex Elisabetha Spinata Guilelmi, & Ioannæ Vitræ Podij Sanmartinensis filia, duos habet liberos in spem illustis familiæ succrescentes, Auditorum rotæ Decanus, Aulæque & Poëti in Delphinatu dominus. Denique Ioannes Franciscus togæ saguni prætulit, & alæ equitum leuioris armaturæ præfectus, arma non sine laude in Italia tulit. Sed ista de gente Suaresia fuerint satis. Iam Iosephus Maria Episcopus, Vasionè sedit ab anno sæculi tertio & tricesimo, Christianamque rem sanctè curauit, & vehementer vixit magno cerè fructu, Atque Antiquitatem pestulabat diocesis, qui & in ipsa hæreret, & indefessò illius culturæ allaboraret studio. Multa ille Vasionè ciuitate, multa per pagos & oppida, pro cuiusque vsibus sapienter ocepit, & perfecit animosè. Ea non apertiùs neque faciliùs intelliguntur, quàm si Episcopatum omnem in suas regiones diuidam, & per singula earum loca lectorem ducam.
- 19 Episcopatus Vasionensis trifariam sectus est. Ecclesias habet duas in Arausicano principatu, in Delphinatu sedecim, reliquas in comitatu Venaissino. Celeberrimum est in Arausicano principatu monasterium Sancti Andreæ de Rameriis. Tenent moniales Cartusianæ ab anno millesimo centesimo octogesimo Quis, & vnde illas eò deduxerit nemo hactenus dixit. Per iniquitatem temporum expecta ceteris in rebus furentium hæreticorum vim, nemo mirabitur amisisse tabulas, quibus & institutio cœnobij, & ædium erectio, & alia in quotidianos etiam vsus continebantur. Nunc ipsarum Abbatissa, & Gigondatij, de quo statim dicam, Prior coguntur quoque hæreticis pendere annuatim aureos duodecim supra ducentos, pessimo in omnem partem exemplo. Ioannes Maria Episcopus hic grauius laborauit. Ad finem nemoris domum habent puellæ nobiles in Cartusianâ veste, neque Cartusianorum quemquam tamen videas, à quo seu leges sanctissimi Ordinis accipiant, seu sapientissimis monitis exemplisque ad omne officij genus informentur. Quod igitur facile alioqui pro hominum imbecillitate erat, neque monachorum illorum, quæ veste præferunt, sequuntur aut etiam nouerunt instituta, & id solum virtutis exequuntur, quod cuique bona mens, & sapientis presbyteri, apud quem peccata deponunt, sermo suggesserit. Cogitaterat quidem Episcopus eas pro Concilij Tridentini mandatis deducere è silua Gigondatium, & quibus monachas teneri decet leges dare. Sed magna confusio nondum suos exitus inuenerunt. Ceterum latè per nemora dominatur cœnobium

Vasíonensium Episcoporum. 413

cœnobium, & vñdecim Ecclesias per pagos sibi subiectas habet, præter suam ædem sacram, in qua ipsis datus sacerdos, rusticis per monialium villas latè sparsas etiam sacramenta ministrat curio. In eodem Arausica Principatu Gigondatium est oppidum non ignobile, & Sufeta pagus, atque Castrum nouum Redortetij. & Mons mirabilis pagus tenuis vicatim habitatus. A catholicis quidem ferme incoluntur, sed aut vi per hæreticorum tumultus, aut seu temporum quæ nihil non exedunt, seu Priorum suorum incuriâ (res enim obscura est) ceciderunt sacræ ædes. Pro diruta ergo quæ in agro erat basilica, Gigondatiani aliam intra oppidi muros tribus facellis ornatam habent, & in ipsa eius porta ædiculam beatæ Virgini sacram. Polyandrium tamen adhuc in agro est ad parietinas veteris basilicæ. Redortetium, Sufeta, & Mons mirabilis sacerdote carent, & à Gigondatio petunt sacra ceteris præter paucissimos illos anni celeberrimos dies. Iosephus Maria Episcopus scripsit metro chorographiam suæ diœceseos. In ea sic loquitur de Gigondatio.

21

Inclinat iucundatium, & pendere videtur

E monte: hîc siluæ, plenaque lustra feris.

Principi hîc iucunda fuit venando voluptas.

In Delphinatu Buxum & Nionium habent aliquid nominis; neque Vinobrium omnino illaudatus est pagus: cetera diœceseos modica ignotaque sunt loca. Igitur Buxum oppidum celebre, & regionis (baronias vocant) caput, cui regius in eo dat iura, vt loquuntur, ballius. In eius agro quondam fuit Dominicanorum cœnobium. Hugonotti euerterunt. Raimundus Medullionis regiuncula dynasta, & Delphinis tum Viennensibus & qui Valentinarum & Diensum Comites erant Pictauiensibus fere suppar, erexerat anno quarto & nonagesimo supra millesimum ducentissimum, ad preces Raimundi fratris, ex Dominicano Archiepiscopi Ebredunensis, Ioanni Genestô & Radulpho de Monte seniore, paucisque aliis à Petro de Miterno Prouinciali post capitulum, vt vocant, generale Monpessulanum missis, & eos acceperat domi suæ seruaueratq; donec in propriam post annos sedecim immigrarunt. Nunc alio in loco restituitur viris ædes. In oppido sunt hæretici non omnino pauci. Longè plures Nionium habet. Neomagum Prolenizi faciunt, Tricastinorum ciuitatem, Montalbanæ caput dynastiæ. Nobile est singulari prorsus vento, cui Pontiacus nomen, & aquis ad humani corporis sanitatem, ventum admirabilitate superantibus. Audi Iosephum Mariam præfulem in sua Episcopatus Vasíonensis chorophia canentem de S. Casario deducēte monachas Arelate Nionium.

23

Prece Casarij ventos spirare secundos

E rupe, ac medias surgere iussit aquas.

Hîc, cum pestis grassaretur, fecit Episcopus, vt hæreticos ministro fugiente Fraticiscani, quos Recollectos vocant, eâ tactis essent auxilio; quod maximo omnium ciuium vsu ab iis actum est, hæreticorum etiam nonnullis ad catholicam fidem adductis. Sed prætermittendum non est, quod Antistes ipse magnâ suâ laude suscepit. Cœnobium Sancelarianarum monialium Nionij quondam inclytum erat. Delecere Caluiniani, & suis spoliauerunt redditibus, eorumque testes tabulas aut acceperunt sibi, aut etiam corrumpere ac perdidere, id enim obscurum est. Igitur cum Ioannes Maria Episcopatu accepto

24

- recens in oppidum venisset, vnam inuenit puellam sine suis adibus, quæ velte magis, quàm moribus monacham præ se ferret. Quid in re deplorata faceret non habebat: restituere tamen cœnobium conatus est. Nunc al-
- 25 quot sunt in eo virgines, seruantque leges ab Antistite datas. Vinsobrium pauci habent catholici: & ea res fecit vt anno quinto & tricesimo hæretici suam in ipso pseudosynodum cogerent. Sed aduolauit ad oppidum sapiens Antistes, firmandis in fide catholicis, & conuincendis, si res postularet, hæreticorum ministris. Quæta fuerunt omnia, neque turbatum aliquid est à Caluinistis. Octo & sexaginta qui conuenerant errorum satores, non sustinuerunt doctissimi Præfulis conspectum, fugeruntque. Cetera quæ sequuntur in Delphinatu loca censere satis erit. Tuleta seu Aleta modicus ac pertenuis pagus se, quod mirens, Principatus nomine circumspicit, Proactium, Belluicinum, Propiacum, fanum Maurij, Nouefanum, Venterolium, Mirabellum, Castrum nouum Bordetta, Guigonis podium, Merindolium, Petralonga cuius curio Penam etiam regit, vt Beneuadium, Aulonum, & Rocamblancam tector Ecclesiæ Belluicini, denique Molanum,
- 26 nihil habent memorabile & hoc loco dignum. Sed tacere tamen non possum, quod anno & quadagesimo huius sæculi euenit Molani. In agri regione quam à vitulis dicunt, ad montis Ventosi radices, centum aut circiter à Tolloureno amne passibus, stabat quondam ædícula beatæ Mariæ, quam ob ignotas mihi causas appellabant Candidam, sacra, & ab ea non longè villa Petri Vrræ torparchæ. Hæretici, vt totis regionibus cætera, sic Marianum illud sacellum euerterant. Et Petrus, vt gente nobilissimus erat, & Molani etiam pro toparchia omnino clarus & spectabilis, facile à Guilelmo, ante Ioannem Mariam Episcopo, lapides ruderum ipsius accepit, in villæ constructionem impendendos, appromittens futurum vt
- 27 Marianam ædiculam restitueret. Igitur villam de sacelli rudibus excitans, neque sacellum tamen ipsum instaurat. Puto equidem cogitanti opus, vt morum iutege accuratulusque pietatis erat, mortem intercessisse: verùm Deo non placuit maior villæ, quàm ædiculæ Mariæ cura. Nam, ecce tibi rem prorsus stupendam, Ludouica Landona Antonij & Ludouicæ Helicæ filia, annorum quatuordecim puella, die mensis Octobris teritiâ decimâ, nescio quid ad villam (Antonius pater eam colonus habebat) ex parentum prescripto faciebat operis rusticani, & ecce tibi Petrus ante annos octodecim mortuus, eise conspicendum præbet. Multo puluere videbatur sordidus, omnisque veluti terreus, nisi quòd velatus erat humerosum futurum vt
- 28 putrido. Neque vno eo die, sed aliis etiam consequentibus sæpenumero vsque ad sextum & decimum Nouembris, tristes illos vultus, fœdamque speciem, trepidanti puellæ proposuit, nunc extrâ villam, nunc in villæ fenestris. Pauca alia, sed hoc maxime per puellam postulabat clarâ voce, vt ædícula Sanmariana quàm primùm instauraretur, aiens futurum vt eâ maturatò excitatâ purgantibus educeretur è flammis. Cùmque Ludouicæ, referenti visâ auditaque, non haberetur fides, minitatus est non semel ignes villæ, pro nimia cuius cura ipse cremabatur post vitam, & pecori armentoque cædem; ocepitque hanc inferre: sed desinit etiam videri, cùm ædícula, monente Episcopo, manus admota est.

In Comitatu Venaissino occurrit principio Valriacum præstans & incluta

ra vrbs. In ea sunt Benedictini, Crudatensium apud Viuarienses monachorum colonia, Antoniani, & Franciscanis Minoribus Conuentuales & Capucini, ac demum virgines Vrsulanæ. In Conuentualium æde sacra visitur corpus Martini de Vlmis Episcopi Tricastini, & in magna populi veneratione est. Illud Alanfono, Dienſium pago Guilelmus Gaudiberti curio, iuuenibus Petro de Laya & Giraudo Tortelli, Valriacum clam ceteris hominibus tulit anno millesimo trecentesimo nonagesimoquarto, per tumultum Tureniorum militum, omnia sacra profanaque importunis miscentium latrociniiis, vt non quod Chetino de Rechercheris barbarâ feritate factum fuerat, aliquando pollueretur. Et Valriaci etiam Franciscani, omnia tuta timentes, humo condidere loco ignoto. Sed centum & octo post annis, cum cerissima conditorij argumenta essent, in Conuentualium æde sacra inuenerunt, effossa humo coram Gauterio Ademaro Grignani barone cœnobij fundatore, quem Marmetus Clareti, Stephanus Dies, Georgius de Forests, Astorgius de Alriots, Petrus de Bologne nobilissimi toparchæ, comitabantur cum innumera plebis multitudine.

Malaucena oppidum, æstiuâ Clementis quinti Pontificis domo, ad caput Gratzelli fontis aquarum copiâ splendoreque visendi in agro positâ, clauum est. De hoc fonte Ioseph Maria Episcopus ita carmine cecinit.

*Ausit olim Cauares prælongo fornire, circi
Hunc ad Arausificaces ducere Nannachias.*

Anno millesimo quadringentesimo suberat Bernardo de Serris, quem anno post decimo Guilelmus de Pesserato Antistes voluit Ecclesiæ suæ patronum. Inuenio habitatum quondam à pluribus Iudæis, qui (cur hoc non afferam?) ratione cœmeterij & scholæ debebant Episcopo annuatim libram pipæris, zingiberis libram, & duo ceræ pondo. Anno tertio & tricesimo supra millesium quingentesimum omnes, præter duo capita, Iacob de Belliquadro, & Samuelem Mehjo, defecerant. Hi vectigal pendere recusabant, & Samuel (quid socio factum sit tacent Episcopales tabulæ) denique sapientum virorum consilio damnatus est octodecim per annos singulos grossis.

Crestetum, Rastellum, & Intercallis, pagi non contemnendi, sunt in diuisione Antistitis. Eorum vicecomes appellatur. Ante Hieronymum Scledum non inuenio qui hunc dignitatis titulum sibi acceperit, qui se etiam Capreriarum Comitum ferebat: sed ante eum non multas habet Episcopium charitas. De Capreitiis Iosephus Maria Episcopus ita cecinit.

Cum titulo Comitum Caprerieque iugum.

Igiturne existimandum est iugo seu vertici montis datum ad iniuriam magis quàm decus, nomen Comitatus? abs dubio vrbs siue castrum in iugo quondam fuit, cum nomine Comitatus; perque illam de Vasionis dominatione, ac proinde comitatu, qui antiquis illis temporibus vrbs quæ Episcopos haberent tribuebatur, cum Comite Tolosano contentionem, Episcopo caprearum Comitum nomen hæsit. Placet his adiungere, quæ Antistes in sua chorographia scripsit de Cresteto & Rastello.

Crestetum vocitant quia cristæ montis inhaeret,

Rastellum rasiro simile est.

Seguretum tenuis pagus habet in agro ædiculam S. Iusti prodigiis frequentibus illustrem. Est ea in modico nemore ad Arbautium & Martium montes.

- tes. Dicitur Aubussoni, quondam in cognomine monte pagi, fuisse, cujus incolæ, furoris Turenij tristes reliquæ, Seguretum secesserint, suo ad ipsius agrum addito cum nemore, S. que Iusti sacellò. Quis fuerit Iustus, qui in ædícula colitur, non omnino mihi constat. Priscæ, quibus de illo scribebatur tabulæ, aut bellorum, aut tumultuum vi omnes perierunt. Putatur Complutensis, cum Pastore, per Dacianum sub Diocletiano martyr. Ante omnem non hominum, sed tabularum, memoriam se tam beneficium eo loci mortalibus ostendit, ut admirationem vniuersis circum populis moueat. Igitur non marmore, non auro splendidius ornabitur vnquam ejus ædícula, quam subalaribus fulcris, cereisque tibiis, pedibus, brachiis, manibus, oculis, & id genus anathematis; quæ mortales pro valetudine instaurata beneficij memores nunc etiam appendunt, inclarescit. Possum ego multa & antiquorum & nostrorum temporum prodigia recensere; perdurat enim ante multas ætates
- 33 cepta vis. Placet vnum afferre quod anno hujus sæculi primo & tricesimo magnos fecit animorum motus. Ioannes Baptista Aubric, Francisci & Mariæ Brunellæ filius, Sabletensis, annos natus septendecim, altero pede nati non poterat, contractis in fœdam speciem tibiæ nervis. Igitur subalaribus furcillis & sustinebat, & ad gressum mouebat agebátque egrum corpus. Magno & ipsius, & parentum labore ducitur ad ædículam B. Iusti: solidam noctem in eâ non sine bonis precibus agit: summo manè peccata apud sacerdotem deponit expiátque. Cum postea interesset sacrificio, ecce tibi patitur deliquium cordis, & in somnum veluti soluitur. Sed sibi redditus sumit Eucharistiam, & redeuntis in membra valetudinis, cùmque morbo pugnantis verissimum argumentum, ingens dolor, adolescentem occupat. Redibant suâ per nervos viâ de summo vertice spiritus, cogebanturque per arctatos humore pingui concretóque meatus, & vehementissimos ad deliquium vsque sopori simillimum ciebant cruciatus. Nam ut omnia ceptæ pietatis opera perfecit adolescens, ut in pedes erectus, stupentibus cunctis mortalibus iuit sine baculo, sine furcilla per sacellum, perque omnem Sabletum vsque viam. Miraris adolescentem doluisse, cùm curabatur diuinâ per Iustum vi? accipe quid Flodoardus libro 1: de Remensis Episcopis scripserit cap. 22. de Flotgilde puella annum sextum & decimum nata, quam B. Remigius curauit. *Diuinâ sibi gratiâ superueniente, vim medicina vix ferre valens, magnis cepit vocibus strepere, & ejulatus acerbos edere. Sicque nodis nervorum resolutis, omnique poplitum contractione relaxatâ, vnius horæ ferme spatio, viribus exhausta jacuit quasi mortua. Sed qui contulit absolutionis opem, roboris addidit quoque vigorem. Moxque seu de gravi euigilans somno, ubi supernum sibi sensit obuenisse beneficium, pignoris almi petis loculum, cujus gratiâ sibi contigisse non hæsitabat beneficium.*
- 34 Bellimons, Queirana, Buissomum, Fana Paataleonis, Romani de Malagardia, & Romani de Vianefio, Sabletum, Villa Dei, Fara, Falconum, Podialmeratium, Roassium, tenues modicique pagi sunt. Albarufum à Iosepho Maria Episcopo vocatur Alba Rufi in chorographia Episcopatus: & in eo gypsum laudatur, ut sabulum Sableti, & mala seu poma Malagardix,
- Eminet Alba Rufi, gypsi generosa metallis.
Sabletum clini sabulosi dorsa coronat.*

Coloni,

Confer

Confertis calathis mitia poma legunt.

Guardia malorum dicta hinc.

Albarufi signum est B. Virginis ligneum coloris oleacei, jam olim eui- 36
dentissimis aduersus omne quidem malorum corporis genus, sed vertiginē
potissimum, morbum Herculeum, & alios ex inuoluntate cerebri ortos
prodigiis celeberrimum. Vnum certè cum hæreticorum etiam admiratio-
ne stuporēque à centum ferme annis euenit. Albarufum ab Hugonortis per
effera totis Gallis tumultuantium seu latrocinia, seu bella captum est. Pago
direpto, imagines sacræ omnes, cum libris & chartis Ecclesiasticis, in ro-
gum ingentem conjectæ sunt, subjectisque ignibus crematæ: vnum hoc
B. Mariæ signum in mediis flammis perdurauit illæsum, & sine fumo etiam
fuliginēque intactum.

Vasio denique ciuitas, diæcesos caput, non ampla, neque ædibus seu sa- 37
cris, seu profanis visenda est. E monte saxeo, cui insidet, decliuus resupinatur
pene omnis versus Ouidiam borealem fluuium. Fuit olim trans amnem am-
plissima, vt intelligitur ex dictis libro 1. Sed cum à Raimundis Comitibus
Tolosanis, Faidæ filio nepotēque, Episcoporum odio furentibus, vastata cre-
natæque fuisset, castrum principio, quod nunc etiam stat, in monte erectum
est à Faidæ nepote, deinde sensim aliæ post alias aduersus militum omnia di-
ripientium incurfus & latrocinia domus additæ, donec vniuersa ciuitas, flu-
uio superato, sese ad castrum in urbem quam videmus applicuit. Scili-
cet non hominibus tantum, ciuitatibus etiam sua sunt fata. Iosephus
Maria Episcopus in antiqua recentēque ciuitate plurimum laborauit, mul- 38
tæque sapienter egit ac fortiter. Taceo quòd suam Beato Quindio ru-
deribus purgatam ædem restituit in antiqua; quòd in nouæ basilica reliquias
Sanctorum & diligenter inspexit, & apto ad populi venerationem loco re-
posuit: quòd non pauca in illius principe (cathedralem dicimus) Ecclesia
quæ omnis de lapide quadro stat etiam nunc, & non pauca in istius Episco-
pio perfecit: vnum & alterum prætermittere certè non possum. Vt anti- 39
quissima Vasio est, eratque olim perillustis & nobilissima, habet pluri-
ma variæque venerandæ antiquitatis argumenta in nummis, sepulchris, in-
scriptionibus, statuis. Eminent in istis de lapide seu deorum, seu senato-
rum imagines; & vestis siue insolentiâ, siue maiestate commota plebs, vt
rerum huiusmodi ignara est, Sanctorum arbitrabatur statuas, colebatque
præcipuis honoribus, sanctas Niobes (à quo & vnde acceptum fuerit no-
men nemo dicat) appellitans. Doctus Antistes ex veste quæ essent ima-
gines intellexit, & de doctâ plebe domum suam deportauit, ex oculis vul-
gi omnes erroris causas sapientissimè rollens. Aliud erat quod non mulier- 40
culis, plebique, sed toti ferè ciuitati in non exiguum Christi aut Episcopi
contemptum imponebat. Die beato Stephano sacrâ, quæ Christi
natalem sequitur, ouum à gallina recens per urbem humeris hominum
manè portabatur, cum festo tibiarum & fistularum sonitu in domum non
inopulenti cuius, in qua deinde ad vespem vsque comotationibus certa-
batur. Quid ouo hoc per plateas, vicos, & angiportus tanta celebritate dela-
to significaretur, ego quidè non video. Si cogitabis homines festam ouo re- 41
cens orto veluti sacantes diè, insultare Christo voluisse per frigora, omniūq;
rerum egestatem recenter nato, vt ego quidem animum inducere non

possim, non tamen temerè cogitabis: si aliquid, quod non puto, ille cuius sibi inde honoris, & in ceteros quasi clientes sibi juris sumebat, nã multùm ille peccabat in Antistitem, cui & ipse, & ceteri Vasionenses, exempla majorum secuti, sæpenumero se clientes esse professi sunt. Sed hæc omnia de Vasionē placet claudere insignibus per B. Virginem prodigiis, in cuius clientela ab antiquissimis temporibus est Vasionensis, & Ecclesia, & per Ecclesiam, vt puto, ciuitas.

- In illius agro sunt plures ædiculæ: duæ Virgini sacræ, sanctis Stephano, Laurentio, Martio, Verano prorsus quatuor, singulis singulæ. Celebratissima semper fuit, quæ Virginis agtorum, vulgò Nostræ Domine de campis, appellatur. Annus incertus, supra centesimum quinquagesimum tamen fuit, cum Iacobus Ioannes die sancto Barnabæ sacrâ, vt erat pius & sacrarum rerum amans, Cresteto ad eam venerabundus ibat. Vt ad Tarainum torrentem, qui in mediâ viâ est, venit, vt videt beatam Virginem ad dexteram rupis: in cuius caua sese ille immittens influit in Ouidiam, & vehementer ad insolita visâ hæret. Solatur stupentem Mariam, jubetque suos Cresteti ciues ac Vasionis moneat de vitii ad auertendam, quæ immineret, iram Dei, doceatque, 42
43
44
45
facellum sibi eo loci exadificandum esse. His dictis ea recedit ab oculis Iacobi, & ipse pergit in via, principio vehementer pro viso attonitus, postea cùm sibi redditus fuisset, malè omnino certus quid ageret. Redeunti ex Mariana ædícula domum, beata Virgo igitur rursus sese viro videndam præbet, ad eamdem Taraini in Ouidiam sese exonerantis rupem, suæque mandata repetit. Iacobus Ioannes iubenti paret, atque Vasionenses Cresteten-sibus juncti facellum extruunt imperatum, tanto beatæ Virginis fauore vt se loco præsentem magnis, & frequentibus prodigiis ab eo tempore docuerit. Singulare est quod anno primo & vicesimo post millesimum quingentesimum euénit. Placet illud innominati sed coëtanei auctoris vocibus recitare. Vt barbara sit, vera tamen est oratio, & suâ simplicitate fortassis non erit ingrata lectori. *Verceyranus iuuans Petrum Garini, mercatorem Carpentoraënses, quamdam magnam tinam (cuppa vinaria est) mutari, in mutatione fuit auersè confractus, brachio toto penitus discusso. Mansit per dies, quibus nullo chirurgico inde valuit sanari. Ex quo rediens ex Mirabello, cepit se vouere beatae Mariæ de Tarayno, dignaretur succurrere, & brachium perditum, de quo desperabat, penitus suæ pristinae salutis redderet. Adueniens ad pontem Vasionensem licet à multis disturbaretur, ne iret ad cenam cum eis..... vt se vouerat, pedibus nudis cepit eò ire, & quamquam..... vix pedem mouere valeret, vt cepit, leporius tamen accessit. & statim ad locum capella destinata perueniens cepit ultro-neus liberè brachium mouere, &c. docet redditum pristinae sanitati in ipsâ ædícula. Quis autem Iacobus Ioannes fuerit non inuenio. Certè is moribus fuisse videtur, vt pietate ac ceteris Christiani viri officiis meruerit conspectum & colloquium beatæ Virginis, atque ad Cresteten-ses suos, ac Vasionenses ab eadem legationem. Sintne nunc Cresteti viro consanguinei nescio. Qui Vasionis ciues anno sexto supra millesimum ducentesimum Bertrandus Ioannis, Stephanus Ioannis, Guillelmus Ioannis, & Ioannes Ioannis se dixerunt clientes Episcopi, videntur ejusdem cum Iacobo generis fuisse. Audio qui etiam nunc Malaucenam incolunt, ipsi cognomines, ex eadem cum Cresteten-sibus gente esse; ex*

Vasionensium Episcoporum. 419

iis autem noui ego à primâ pueritiâ Ioannem Baptistam, qui vno post me anno Societatem Iesv ingressus, pietatem Iacobi constanter à puero, æmulatur, omnesque viri sapientis & probi numeros nunc implet in procuratione Prouinciæ Lugdunensis, post acuratam & diligentem collegiorum Turnonensis, Auenionensis, ac Lugdunensis: atque institutam ab adolescentiâ in tyrocinio mecum amicitiam perpetuis per quinque & quadraginta annos seruat officiis colitque.

Atque hætenus dictum sit de Vasion totâque ipsius diœcesi, atque adeò de Iosepho Maria Suares illius episcopo.

Carolus Iosephus Suares ex Auenionensis basilicæ Metropolitanæ canonico Episcopus Iosepho Mariæ fratri successit anno 1667.

EGo Hugo Guilelmus Prouincialis Societatis Iesv in Prouinciâ Lugdunensi, facta mihi potestate ab admòdum R.P. nostro Generali, facultatem concedo, vt Liber cui titulus est *Manuasca*, à Patre IOÂNE COLVMBI ejusdem Societatis Professore Theologiæ compositus, & à tribus Societatis ejusdem censoribus approbatus typis mandetur. In cuius rei fidem has litteras, sigillo nostro munitas, & manu meo subscriptas dedi Arelate die 10: mensis Febr. anno 1659.

HVGO GVILELMVS.



MANVASCA.

Antiquissimæ nobilitatis viro
 IORDANO DE GVASQVI,
 IOANNI CATHELINOT,
 STEPHANO ALIGNI,
 CONSVLIBVS MANVASCÆ.

IOANNES COLVMBI è Societate IESV.



VR ego seu de Manuasca scripserim, seu ad vos *Sapientissimi Consules*, de eâ scriptum volumen deferam, non est quod edisseram pluribus. Illud patriæ, hoc vobis debebam. Certè patria parens est. Cùm aliud rependere per vitam à puero institutam non possim, orationem refero. Decennis eram puerulus, cùm Auenionem iui ad studia literarum, vbi sexto post anno inij Societatem Iesu, longè à Manuasca omnem ætatem acturus. Sed fortassis oratione non sum minùs in ipsam gratus, quàm si omnes ab incunabilis annos in eâ ad vrbanos vsus posuissem. Ceteri ciues claram, spectabilem, opulentam quotidianis laboribus faciant: dico ego sibi opportunam, felicem agro, terra, aquis, aëre salubrem; institutis præclaram, religionibus venerandam: & speciem cùm à naturâ insitam, tum ab incolis affusam, deduco per alias vrbes & regiones; spectandamque, & prædicandam propono. Igitur aliis ciuibus, vt maiora suscipiant, etiam collaboro, in publicam lucem educens ornamenta, quæ addût patriæ. Neque est quòd vitio generis humani, puter illius amore delusus, Manuascam extollere fictis laudibus. Nihil affero de loci natura, quo illustriora hospites non emirentur, laudèntque: nihil ad naturam à ciuibus adjunctum, quod ex fidelibus chartularij vrbani auctoribus non sit acceptum. Et verò non is ego sum à gente, ab ortu, ab institutis, vt pro illa mentiri debeam.

debeam. Societas Iesu, quā ab annis sexaginta profiteor, neque habet à Manuascā causas, quibus ad fingendum adducat; & vt haberet, nescit fallere. Ego patriæ ortum debeo: sed non est ipse tanti, vt me, qui pene infans ab illā in omnem ætatem recessi, cogat aut sollicitet ad mendacium. Gens dēnique, cū natus sum, non multos annos supra triginta in vrbe numerabat. Ad quos autem magis, quā ad vos, id quidquid est muneris deferre debui? patriæ patres, capita potius estis: & quæ de ipsā afferro, non tam ad vos spectant, quā de vobis sunt: Igitur nā sim vehementer iniquus, si non ea vobis repræsentem. Præterea cū Manuascæ, pro munere nominēque consulatis, vestrum est videre, an ex vero illam expresserim, ejusque singula secutus fuerim decora. Demum si quis ipsius ornamenta, quæ profero, tentet arrodere, vos magna tuebimini ope, quibus omnes ante quingentos & quinquaginta annos Comites ac Reges, post Guillelmum iilum juniorem dederunt vt regere & gubernare, ita defendere patriam.

AVCTOR LECTORI.



D ipsum hujus libri conspectum miraberis fortasse, mi Lector, quod in tanta clarissimarum urbium per omnes Gallias multitudine, vnā elegerim, de qua scriberem, Manuascā: maximè cū, si in Prouincia amabam habere, habeamus Mafsiliam, Arelatem, Aquas sextias, Auenionem, antiquitate, amplitudine, celebritate, ceterisque ornamentis, ante omnem temporum memoriam florentissimas ciuitates. Scilicet vt alia taceam, Manuascā, et noua est, non enim ante annos trecentos è burgo non ignobili quidem, sed burgo tamen, cū ad ipsum è pagis prorsus quinque circumiacentibus omnes accolæ aduenissent, surrexit in urbem; neque omnino magna, utpote quæ murorum per stadia nouem circuitu capit ciues tantum ad decem millia. Sed ubi perlegeris istud de Manuascā volumen, eris abs dubio quod mireris, me non eadem cum ceteris nostrorum temporum scriptoribus sentire de Guigone, Bertrandique fratris filii, Comitibus Forcalquerij; & Prouinciam dicere non, vt fere nunc fit, Galloprovinciam, aut Phocensē, aliove ejusmodi cognomine antētam Prouinciam. Reor itaque facturum me ex tuā, meāque re, si causas mea super tribus istis capitibus sententia in ipso voluminis huius lumine proponam.

Purgabo nomen ego meum , teque omni admiratione prohibebo.

Maximarum illarum per omnes Gallias, urbium, nulla mihi , per suas partes, ad scribendum satis nota est : & singula pro sua dignitate scriptores inuenient, qui accuratè ornatèque sequantur vniuersa ipsarum decora. Ego Manuasca orationem hanc debeo , scilicet patria est : & illius pene omnia noui. Quid meam memorem in rebus ejus cognoscendis operam ? Ioannes Antonius Audifredus in Aquis curia patronus, vniuersum ipsius chartularium indefesso labore euoluit, & capita, per summam fidem exscripta, mecum bonus communicauit. Vt peruestustis instructum est tabulis , sapissime pugnandum viro fuit cum blattis & puluere. Per semiesas etiam chartas non raro iuit post fugientes characteres. Sed optimo viro suauissimus erat pro patria labor.

Si quis autem putat de magnis tantum urbibus scribendum esse, na is vehementissimè fallitur. Principio regionum rationem , qua maxima est in omni geographia & historia, nullam, aut, vt moderatè loquar, modicam ducit. Vnam fere qualibet regio, aut alteram habet urbem clarissimam, certè non multas : totaque aut verò plurima mediocribus, aut etiam modicis, in castrorum & pagorum veluti capita, urbibus continetur. Has ergo si ignorabis, regionem etiam, qua ex ipsis constat, nescies : si verò nullis ponantur in libris, quando poteris omnes cognoscere ? Optandum potius mihi quidem videtur, vt non urbium etiam minimarum, aut oppidorum, sed castrorum quoque ac pagorum situs, origines, progressusque, ac vniuersa demum diligentissimè scribantur, qui ab ipsis initus habeant eos incolae, quibus institutis regantur & legibus ; quis & quantus sit ipsorum ager , quibus distinguatur riuis, finiatur montibus, fluuiis alluatur, fructibus quoque ac frugibus abundet. Hoc si aliquando fiat, magna regionum descriptioni, ac vniuersa geographia lux affundetur ; historia verò sua constabit sinceritas & firmitas , qua alioqui, vt magnarum illarum urbium nihil taceatur , sit omnis fere in tenebris , & labascet necessum est. Deinde quid tanti est in clarissimis urbibus, vt vna celebranda sint ? abundant fateor, illustribus viris , abundant adibus sacris & profanis : sed agro ferme carent, haec multo, culto illa : & vt aliquem magnum etiam, nonnulla habeant, pro scientiarum, ac armorum, & deliciarum, alio in aliis ciuibus, amore negligunt. Is autem & precipuam laudem per se habet , & in ceteris urbibus ferme plurimus est : neque à scriptoribus abjicitur, qui etsi de hominum rebus aut pace, aut bello praeclarè gestis gaudeant dicere , non tamen fugiunt, amant potius, disputare de illis, qua natura per plana camporum, vallium concaua, alta montium, splendide sapienterque posuit.

fuit. Sed ut præclaras omnium generum magno numero ades illis unis concedamus, fortissimi viri non omnes prodeunt ex amplissimis urbibus: non paucos edunt alia; & ab iis illa, cum minores, aut permodica erant, in summas euaserunt. Enimvero quas ab amplitudine ac diuitiis nunc laudas urbes, è tenuibus ac ferme nullis prodierunt initiis, magnamque partem laterent exteros homines, si cum erant mediocri, aut nullâ magnitudine spectabiles, scriptorem nacta non essent. Quid demum dubitem dicere? nostrâ, & patrum, ac majorum memoriâ, atque antiquissimis etiam illis temporibus, fuere qui dicerent, non de summis tantum ciuitatibus, sed de omni urbium genere, ac oppidis quoque, & pagis. Didymus Alexandrinus grammaticus Caballum olim scripsit; & nonnulli faciunt oppidum Cappadocia, Appio autem pagum Alexacam inter atque Tharsum. Hubam, & Laureacum, illaudata ceteroque nomina, scripsit ante annos centum Gaspar Bruschi. Fuere qui non ita pridem scriberent de Bernia, qui de Victria, qui de Belna, singulares de singulis oppidis libros. Nonne Dornanum scripsit Iacobus Lescornaius, nonne Argisi montem non ignobilis historicus? Ægidius Coninckius Bellæ patria, quam Iodocus Hondius facit villedemunicipè, dicanit suum de virtutibus Theologicis tomum, additis carmine laudibus quas innominati poëta cecinerant de eâ plurimas. Quid afferam Ioannem Chollum scripsisse de quercu & monte Pilati, Paulum Thomam de Tonera Engolismensium fluuiolo, et alios de aliis montibus, fluuiis, fontibus? Plena descriptionum Bibliotheca sunt, plena laudum, quibus oppida etiam, pagique per sua decorantur volumina. Nemo cerè nescit de monasteriis non ita amplis scribi à sapientibus viris; tu verò urbèsne maximis illis minores post ea singula ponere audeas, quæ multas non Monachorum sed Clericorum ades suis concludunt muris? Igitur ut de Manasca una loquar, habet illa supra curiales basilicas monasteria quinque, quorum res si ab ipsis initiis repetens dicerem, plures mihi conscribendi forent libri. Hospitalariorum cerè, quos Melitenses vocamus Equites, ante annos quingentos domum vno volumine non exequar, nam quâ eam oratione per laudes & aliorum seu Præceptorum, seu Balliuorum, & Berengarij Monachi, aut Ioannis Bonifacij, qui sanguine, armis, pietate sanctissimum Ordinem vehementer ornarunt. Errores & casus Caroli Grassij librum soli suum impleant: res autem ab Elione Villanouano, postea Hospitalis Magistro, gesta, vno contineri nunquam poterunt. Sed istud hæte-

nus dictum sit. Magis id premere, fusiſſe perſequi non placet.

Iam quid de Guigone, Bertrاندique fratris filiis, Comitibus Forcalquerij, ſentiam, paucis accipe. Guigonem, Guilelmi & Garſendis filium, aio fuiſſe fratrem Bertrандi minorem natu, quia poſt eum ſemper ſcribitur, etiam à parentibus. Celeberrima ſunt ille tabula, quibus Adelaïs auia, Bertrандo & Guigoni fratribus, ſua omnia in Prouinciam iura conceſſit. Præterea nego dominatum Forcalquerio, cuius nomine tenuis, pro Principum minorum natu illis temporibus in Prouincia more, Comes eſſet. Bertrандus ſcilicet, frater natu maior, ei imperauit dum ille uiueret, ut omnes tabula ab ipſo ſcripta docent. Sed tibi ne uideatur teſtamentum Comitit, Forcalquerienſi ab Auenionenſibus ad Vapincenſium & Ebredunenſium extrema regioni, latiſſimè dominantis, in quo ubi dixiſſet Guigo, dono Hoſpitali Ieroſolymitano Manuaſcam, ſubiunxit, reliqua bona mea, ubicumque ſint, filiis fratris mei relinquo; non potiùs uiri, qui alia aliis per Forcalquerij Comitatum locis poſſideret? Bertrандus fratris filius longè alia in teſtamento ſcripſit: Dono Hoſpitalariis quidquid ego habeo, vel habere debeo, in caſtro de Manuaſcâ, & de reliquo Comitatu meo ſic diſpono, ut frater meus Guilelmus Comes mihi heres exiſtat. Iam Bertrандo illi Guigonis fratri fuerunt filij omnino tres, qui ſinguli, alio ſine liberis poſt alium mortuo, imperitauere Comitatu Forcalquerienſi, Guilelmus, Bertrандus, & Guilelmus alter, quem ut à primogenito diſtinguam, conſueui appellare iuniorem. Et Guilelmus quidem maximus natu regnabat Eugenio tertio Pontifice, qui ab anno quinto & quadrageſimo poſt milleſimum centeſimum ad tertium & quinquageſimum rexit eccleſiam: conuenit enim cum Hoſpitalariis in nonnulla de Manuaſca capita, ſuadente Guilelmo de Beneuento Archiepiſcopo Ebredunenſi, quem Eugenius legatum habebat in Prouincia. Is ipſe non multis poſt patris mortem, & ante Guilelmi fratris ortum diebus, anno illius ſæculi quinquageſimo, cum Bertrандo fratre, & Garſende auia conceſſit Leporianum Templariis, & octauo poſt anno caſtrum de Horreis Archiepiſcopo Ebredunenſi. Bertrандus autem ſecundogenitus, & regnabat, & Vvilelmum fratrem, ſcilicet iuniorem, ac minimum natu, teſtamento dicebat heredem uniuerſi Comitatus, anno octauo & ſexageſimo, ut modò retuli. Demum hic ipſe Vvilelmus, ſeu Guilelmus iunior in tabulis, Manuaſca pro Lurenſi Abbate ſcriptis, anno primo & nonageſimo, ait ſe annorum eſſe quadraginta, ac proinde natum quinquageſimo; regnatque

à morte Bertrandi fratris, usque ad octauum à millesimo ducentesimo, quo Manuascam, & Manuasca palatium, à se regia magnificentiâ exedificatum, dat Hospitali Ierosolymitano, isque datis moritur, ut intelligis ab Andrea Delphino Beatricis ex Garsende filia neptis conjuge, qui anno post secundo docebat mortuum olim fuisse; et ex Garsende uxore quondam Ildephonsi Comitissæ Prouincia, quæ anno millesimo ducentesimo nono, pridie Calendas Decembris, dat Berengario filio, sub tutela Petri Aragonum regis constituto, sua omnia in Forcalquerij Comitatum iura, ex donatione Comiti olim coniugi facta à Guilmo quondam Comite Forcalquerij, per patrem auo. Isti quatuor Principes, sunt illi quatuor Comites Forcalquerij, quos in Manuascentibus pro habenda Forcalqueriensi pratura chartis, legimus sepultos Manuasca in cæmeterio sancti Petri; & Hospitalarius Ierosolymitanis, qui eandem sacram adem olim curabant, bonos amicosque fuisse docebo suis locis. Diarium Consulare ipsis adiungit Comitissam, Guigonis ex marito sororem, & ceterorum trium matrem. Sacrum in Sancti Petri celebratur, sunt eius verba; pro Guilmo Comite, sub. iunior, qui prerogatiuarum Manuascentium auctor est, pro Comitissa matre & aliis, sub. Comitibus, in Sancti Petri cæmeterio sepultis. Iusserandam hanc, seu Gausserandam appellat Guilelmus iunior pluribus in tabulis. Flottam gente arbitrabar, & Arnaldi Flotta sororem: nam cur hunc unum alioqui auunculum dicit? Certe cum Guilelmus avus, & Ermengardus abavus nullam progenuerint filiam, Arnaldus amitam eius non duxerat. Et quidem hætenus dixerim de istis Forcalquerij Comitibus.

Cur autem Prouinciam semper scripserim, nunquam Phocensem, aut Narbonensem Prouinciam, nec Galloprouinciam, accipe. Antiqui scriptores, ex quo tempore Prouincia Narbonensis erepta est Romanis, omnem illius cis Rhodanum partem dixerunt Prouinciam. Aliquos de innumeris afferro. Sanctus Remigius in testamento apud Flodoardum scripsit quæ sequuntur: Septimania, & Aquitania concessit, & eas quas in Prouincia Benedictus, &c. Gregorius Turonensis libro primo historia capite septimo. Albinus ex Præfecto, per Dynamium, rectorem Prouinciæ, extra Regis consilium, suscepit episcopatum Viaticensem: & capite undecimo. Apud Massiliensem urbem Dynamius rector Prouinciæ grauitèr insidiari Theodoro Episcopo Massiliensi cœpit. Fortunatus libro septimo, carmine unde-

cimo & duodecimo, scribit ad Iouinum rectorem Prouinciæ. *Angradus in vita Sancti Ansberti Rothomagensis Episcopi*: Duxera ultra fluium Rhodanum, in regione quæ propriè vocatur Prouincia. *Fredegarius libro quinto*. Carolus germanum suum Hildebrandum ducem partibus Prouinciæ dirigit. Auenionem urbem &c. *S. Bonifacius epistola tertia, Ethibaldo Merciorum Regi*: gentibus Prouinciæ, & Burgundionum populis contigit. *Annalista Francorum à Pithæo & Petauio editus anno septingentesimo tricesimo nono*. Carolus intrauit in Prouinciam vsque Massiliam. *Ludouicus Pius in priuilegijs Hispanorum*; In partibus Aquitaniæ, Septimaniæ, Prouinciæ: & in diuisione regni inter filios; Totam Prouinciam, & totam Gothiam. *Nithardus libro secundo, de dissensionibus filiorum Ludouici Pij*: cederet Carolo Aquitania, Septimania, Prouincia. *Annalista Fuldenfis anno septingentesimo tricesimo octauo*. Carolus Prouinciam ingressus. *Paulus Diaconus libro sexto, de gestis Longobardorum capite quinquagesimo quarto*: Saraceni Gallorum fines ingressi, vsque ad Prouinciam venerunt, & captâ Arelate omnia circumquaque demoliti sunt. *Agobardus libro contra Simoniacos*: Clari & honorati viri per Septimaniam & Prouinciam consistentes. *Hermannus Contractus anno 738*. Carolus Prouinciam petens. *Petrus venerabilis libro secundo, epistola decima nona, Henrico Uvintoniensi Episcopo*: solent Marciniacum venire, Lugdunum adire, Prouinciam penetrare. *Petrus Cellensis libro octauo, epistola secunda, Episcopo Auenionensi*: commitimus Prioratum nostrum, cum his quæ ad nos pertinent in Prouincia. *Quid afferam capitularia nostrorum Regum, Flodoardum, Adonem, & alios de Gallicanis rebus Scriptores? Quos attuli sufficient cogitanti nomina regionum ex antiquissimo & communissimo illustrium omni antiquitate virorum vsu pendere, usurparique*. Non possum tamen Auitum prætermittere. Hic vir post annum à Christo quingentesimum queritur de Sigismundo Gundobaldi Regis filio, quod è Sabaudia vadens in Prouinciam non adierit Viennam: non absque scrupulo potest accipi, inquit, quod de Sabaudia itineribus exquisitis videmur ad Prouinciam præteriri. *Chronicum Virdunenfe ita etiam scripsit anno sexcentesimo tricesimo*. *Aribertus Dagoberti Regis frater regnabat in Prouincia*. Scio Prouinciam scribi nunc à nonnullis cum additamento, eoque alio ab aliis, ut à Prouincia, appellatio nomi-


ne, distinguatur. Sed hac res mihi quidem non videtur tanta, ut suum nomen regioni mutare debeas. Nolo plura dicere, non enim est iste locus aliena carpendi. Erit satis addere, antiquissimos viros neque regionum, neque urbium nomina idcirco mutauisse, quod alij cuiuspiam rei etiam tribuerentur. Nouam Augustinus memorat inter vrbes Africa, Forum Paulus Diaconus facit patriam Sancti Baudolini, Octauum Gregorius Turonensis ponit in Lugdunensibus vicis, & Tertium in castellis Italiae, Ioannes Biclarensis castrum nescio quod impositum Rhodano appellat Hodierno. Quid referam Leges Plutarchus populum esse, & Nouas Antonino Mysia urbem, atque Legionem Hieronymo Iudae vicum, aut urbem? Sed vide quid beatus Doctor scripserit libro de locis. Omnis vsque ad montem Sinai cremus Sin vocetur; & ex tota prouincia, etiam locus nomen vnus mansionis acceperit, sicut Moab tam vrbs, quam prouinciæ nomen est.

Ciuis animum non habet, qui vrbs suæ gratiâ non teneatur. *Cassiodorus libro 8. variarum epist. 30.*



MANVASCÆ.

LIBER PRIMVS.



- GER Manualcensis, Volsiensis ad Orientem; Santulliano, Petrauridensi, atque Monfaronio ad Occidentem; Villamurio, Sanmartinensi, & Dalphinio ad boream finitus; per septem in longitudinem, & ferè totidem in latitudinem, millaria ducitur, ad Druentiam vsque fluium, meridiionalem linitem. Antiquæ tabulæ appellant vallem, quia quibus perpetuis montibus collibusque super alios aliis, ab ortu, occasuque, ac Borea surgit, sub illorum finem aperitur medius in theatri figuram, & resupinatur interior ad vegrandem veluti aream, quæ versùs Meridiem æquatis omni parte spatii panditur in latissimè fufam planitiem. Affluit frumento, vino, oleo, pomis, pyris, prunis, nucibus, ac demum reliquis omnium ferme generum vniuersà Galliâ fructibus frugibusque. Plures oleas ipsi vidimus, quæ seu gleucini, seu tortui, liquoris pondo darent omnino centum. Amygdalæ tam frequentes in planitie sunt, tamque multis brachiata ramis, vt Ioanna Prouinciæ Comes earum florem emirata, *Manualcæ* addiderit cognomen *Florentis*. Vites hæ collinæ, campestres illæ, & aliis populis, & per montana Delphinatibus, vinum largè ministrant,
- 2 quod nulla gestatione corrumpitur. Quid afferam frumentum, aliâque fruges, aut poma, pruna, & ceteros arborum fructus? nullus non eorum hîc fecilicissimè nascitur. Scilicet suum cuique solum est, in plurimis, & altitudine, situ, magnitudine, accliuitate variis montibus, tumulis, collibus, quos frequentes appricæque valles interfecant, quos amplissima planities excipit. Quod ergo Belleforestus montium longos ordines, latèque jacentes campos in Prouincia denigratus, asseuerauit eam Galliæ reliquæ compendium esse, hoc æmulari fas mihi sit, & agrum Manualcensem pro situ vario & multiplici partium fecunditate, non vnus vrbs, sed regionis, siue (vt moderatè dicam) regiunculæ agrum appellare, ac prouinciæ, & adeò Galliæ breuissimum compendium. Certè nihil ab accolis expetit; omnia incolis, alia pro alijs, vt ita loquar, plurimùmque diuersis plagis, ad vitam honestè agendam, non necessaria, sed apta, copiosè suppeditat. Ad remotas etiam gentes magnam rerum de terra pene omnium dimittit vim.
- 3 Ad lætum & nobile soli ingenium maximè faciunt aquæ, eas salubritate laudabiles, nitidas, hilares, splendore visendas, per omnia illius viscera in generosum fufas esse succum demonstrant fontes, qui plurimi passim prorumpunt. Denique tam multi sunt, vt omnino quatuor principes riuos (quid enim recenseam ignobiles?) progenerent, perpetuisque agminibus alant.

Ij à septentrione in meridiem longè decurrunt, Ridaius, Sanctalbanus, Furnocalcius, & Valueranus. Sanctalbanus tamen ac Furnocalcius, sub fontes Droiilios, coeunt in eum, cui à magna jam aquarum copia datum est Magni rui nomen. Et verò anni suppar ante annos quatuor erat, maximè post acceptam, fossâ per Volsienses ductâ, Lanici fluuioli partem. Nunc in plurimas scissas particulas, id decoris non habet. Henricus Latilius Entraguius occlusit alueum, quem ingentem supra annos quinquaginta ei foderat Carolus Grassius, ante ipsum, vt Equites Melitenenses vocant, Balliuus. Igitur sortem suam indignatus, variis per vicinos agros fossulis errat, donec inglorius, & sine nomine, ac veluti aspersus puluere, lutoque, de pratis quæ rigar, & agris quos interluit, deformis, non tam influat Druentiam, quàm eâ se condat. Est quidem in montana regione etiam quintus Septifontius riuus, 4 est sextus Laussellatius: sed ij ab extremis ad Septentrionem montibus oriuntur, & ad Delphinios campos eunt, non ergo placet in Manuascensibus numerare. Iuuat tamen asferre, vt videas fontium reliquo omni agro multitudinem. Illum edunt septem (vnde ipsi nomen) per gyphi tumulos, in eundem alueum confluentes, quâ mons non modica Delphinum decliuitate descendit. Inuenies præterea in veteribus chartis riuos, Sanmartinensem, Droiilium, Espellium, Albetæ, & Conchetarum. Sunt hæc nomina Sanctalbani, & Furnocalcij, ita dictorum ab originis loco; eaque varia pro agri varia regione, per quam eunt: illius quidem priora duo, istius verò cetera.

Aquarum & solis felicitatem comitatur par cœli bonitas. Aër neque acris subtilitate corrodit viscera incolarum, neque præpingui spissitudine caput grauat. Non æstas, non hyems vrit campos, aut homines. Pluuiæ, venti, niuēs fere seruiunt, segetibus & arboribus: omnino infrequenter nocent. Sol plurimus licet: rarò nubilus est. Igitur ad extremam senectutem incolæ magnam partem perueniunt. Atque si aliquando fruiat hyems in montibus, sub illis latè patet aprica planities, quam sui Principes ob amenitatem sic olim adamauere, vt Forcalquerienses reguli hybernas Manuascæ sedes habuisse ferantur. Sin è contra æstas plus æquo viget, & ab vrente sirio ardeant agri, tam multa per montes vallis est, & arboribus frondosa, & aquis rigua, vt per calidissimam æstatem in ea ver esse cogites.

Ager quippe Manuascensis quadratus est. Qua parte videtur oblongior, 6 diuiditur in duas regiones, Septentrionalem alteram, alteram Meridionalem: montosam illam milliarium quatuor, trium fere hanc planam. Vbi montana planæ iungitur, arcuatur media in aliquam theatri speciem, plana autem æquato situ omnis protenditur, nisi quòd cùm mons omnium ventorum, siue *Totarum*, vt vulgò loquuntur, *auratum*, qui theatrum ad Occidentem claudit, non aspera rectitudine, non vt Aureus in opposita ad Orientem parte mons, difficili & duro descensu præcipitet in planitiem, sed mollissimâ deuexitate per longissima versus Meridiem spatia sensim demittatur, illi sese ita immisceet per Sauellum vtrumque, vt aliquando neque tumulus etiam ampliùs, neque tamen omnino planities esse videatur. An omnem agrum in tres partes diuidas aptiùs? montana, cùm desinit, aperit se mediam in hemicyclum theatralem: plana ab extremis montosæ in theatrum sese deducens comibus, ad Druentiam vsque fluuium per tria milliaria porrigitur: area inter vtramque media sic habet, vt principio perpetuis seu mon-

- tium, seu collium radicibus, in semicirculum per miliaris, & quod excurrit, diametrum extendatur, deinde extrema planam, ipsis superatis latè profundat. Sed in montibus est vnum aliquid prorsus singulare. Illi neque praelongi sunt, & in multos vertices fere scinduntur. Amœnas igitur in valles, ad Orientem maximè & Occidentem, passim resupinati descendunt. Tres in ortiuis felicissimæ sunt. Gaudea fontibus rigua, arboretis vmbrosa, frumento, vitibus, omnique reliquo frugum ac fructuum genere diues, Espellio, Pimaioire, (Podium majus appellant veteres tabula,) & Furnocalcio montibus cingitur. Santostaniana vnum milliare longa lataque, nihil vberis glebæ, nihil hilaritate camporum debet Gaudæ. A Columbarij montis radicibus aperitur. Pimaior mons, & Valueranius riuus à tertia inno minata seu valle, seu planitie, per stadia septem vel octo fusa sejungunt, quæ ceteris omnium rerum abundantia par, habet hoc eximium, vt Hospitalario, & Siluacutio montibus, multa quercu nunquam folia perenni virore lecta dimittente (quòd in Thurini agri vna post Varronem suspexit Plinius) ad omnem delectationem nemorosis, à Meridie claudatur. Occiduos verò montes à Septentrione ad Meridiem longissimè diuidit sinuosa conuallis. A faucibus ea Soprosis per Sanctalbanam & Pontailaudiam regiones, in Sanmartinianum pontem descendit. Quid istis vallibus ad omnem hilaritatem cogitari potest factum magis? Certè si, vt poetis mos est, ita mihi jam liceat ludere, dicam ego ver, quando cetera seu planorum, seu montanorum, æstuant, in eas pullum recedere, jucundèque cum Nymphis otari?
- 8 Ceterum hic ager à cælo, aquis, terra, in omnem opum vini, & vitæ honestatem instructus, vt aliquod regiunculæ nomen prorsus impleat, reliqua etiam habet, quæ minùs aspectu grata, suo vsu & necessaria, & commoda sunt. In vltimis ad Septentrionem montibus, toto ferme ab Oriente ad Occidentem tractu, post alios veluti latent inhonora. Ibi pascua gregibus, & armentis: ibi carbo, lignumque: calx, gypsum, lapis ibi plurimus est. Denique Gypsarij, & Furnocalcij colles, ipsis nominibus docent qui sint. Carbo autem (vt hoc non taceam) duplex effoditur: hic accepto igne ardet per se, ille non sine follibus: ambo non in vna fodina, sed in vno etiam ordine immixti videntur. Quid referam aquas Espellias parandis coriis, lanis inficiendis, & aliis hujusmodi rebus manu laborandis, maximè idoneas esse? verum eas, vbi ad vilia opera deiciuntur, puduit se ad ludibrium spectandas proponere campis & montibus, frumento, vitibus, oleis ad omnem inuidiam speciosissimè confitis, ac, vt aliud non sit, rumulorum & collium, per quorum aream fluunt, theatro. Igitur vt lateant, foderunt altè sibi alueum, donec Sanctalbanis mixta, in Magnum proficiant humilioribus ripis riuum.
- 9 Qui, & quàm multi homines habuerint primi hunc agrum, vberitate, vsu, venustate spectabilem, & sufficientem sibi, ac regiunculæ supparem, ignotum mihi est. Indigenarum nomen nulli Scriptores tradidere. Aliqui suspicantur à Romanis, post indigenas, habitatum fuisse, qui & amœnitate loci, & viæ Massiliæ ad Alpes Cottias opportunitate adducti, coloniam ad ipsum miserint; atque Manualcæ, à manu, quàm in signis elatam præferebant, dixerint. Alij Bormannicum Plinij, aut Antonini Alaunium Segusterionem inter seu Sistaricum & Aptam Iuliam positum, in eo constitunt. Fuit qui vellet Gregorium Turonensem memorare Manualcam li-

bro 4. historię Francorum cap. 39. atque , vt territorium non semel scribit pro Comitatu aut Ducatu , seu pro regione Comiti Ducie subiecta, constituere in Auenionis territorio , cui per illa , quæ recitat , tempora subiecta esset. Vnde etiam factum fortassis est, vt, S. Majolus Valentiolæ, quā Druentia fluuius à Manuasca diuidit , autore Francisco de Riua natus , feratur ab innominato Siluaniciensi, *regione, quæ Prouincia nominatur, oriundus, oppidanorum Auennicorum*, siue vnus ex oppidis, Auenionensi foro & seu Ducatui seu Comitatu tum subiectis, alumnus. Neque rem mirabitur, qui cogitauerit anno etiam millesimo septuagesimo sexto Episcopatum Aquisensem fuisse in Comitatu Auenionensi, ex tabulis , quibus *Petrus & Pontius* dan*aliquid de alode suo* Sanuictorinis Monachis. Post annos à Turonensi quadringentos fuit in Comitatu Sistatico, in Forcalqueriensi jam à centenis pluribus annis est. Legimus quidem Macao apud ipsum : sed non innotuit vir, addit duplicem ab exscriptoribus errorem, esse in vna voce. Qui vulgò contrahebant nomina veteres, existimat Macam scripsisse, cùm Manuascam legerent : sed quoniam & Manuasca tum ignota erat, & Maca nullibi locorum extabat, alios Macao pro Maca sequentibus temporibus posuisse. Igitur Paulus Diaconus libro 3. de gestis Longobardorum capite 3. eadem Turonensi recitans , appellat Machouillam, veluti distinguat à Machocastro, & Manuascam villam (vt quondam diuersa omnino erat) à Manuasca castro. Quid sapientem virum adduxit , vt ista longiusculè petita sentiret? Ipsa res, quam Gregorius Turonensis tradit. *Tres Longobardorum duces* inquit, *id. Amo, Zabam, ac Rhodanus* Gallias irrupere. Et *Amo quidem Ebredunensem* carpens viam, *vsque Macao villam Auennici territorij, quam Mummolus munere meruerat regio, accessit, ibique fixit tentoria.* Zabam verò per Deensem descendens urbem, *vsque Valentiam* venit. Rhodanus autem Gratiopolitanam urbem aggressus est, ibique papiliones extendit. Et *Amo quoque Arelatensem* debellauit Prouinciā, cum urbibus quæ circumpositæ sunt. Et *vsque Lapideum campum, qui adiacet vrbi Massiliensi* accedens, tam de pecoribus, quàm de hominibus denudauit. *Aquensibus autem* obsidionem parauit , de quibus viginti duabus libris acceptis abscessit. Hactenus Turonensis, quem pene verbatim exscripsit Paulus Diaconus. Iam doctus vir ita subiungit. Qui Ebreduno exercitus cogitat Arelatē, & ex eo Aquas Sextias, atque vrbes vtrique ciuitati vicinas, is profectò non inueniet certiozem, neque faciliorem, quàm quæ Manuasca fert, viam. Denique Manuascam Ebreduno ducit Druentia exercitui superanda. Neque aluei fluuius ambigui, maximè cùm creuit, trajicietur aptius quàm septimo aut octauo sub Manuasca lapide, vbi impatiens cogi, & aquarum impotens, hinc & inde præalta rupe coercetur. Hæc ille. Ego autem inuenio agrum Manuascensem, locis omnino sex habitatum fuisse ante annos septingentos. Antiquiora nullis in libris, tabulis in nullis lego ; & non lecta suspicari veritatis amantem pudet.

Eminebant Castrum Manuascæ in monte ad Orientem Aureo , & Burgum seu Villa (vtrâque voce appellant veteres chartæ) in vallis medio. Suum neque paruum nomen habebat Fanum Petri ad Meridiem Villæ , n*I I* ipsi ingentis planitie initis, non procul confluyente riuorum Sanctalbani & Furnocaleij, vtpote quod etiam burgum vocauerunt tabulæ ante annos quingentos scriptæ : maximum pagus Omnium ventorum in monte cognomine

nomine, cui nomen quoque castrî, à mœnium (vt arbitror) firmitate, dabant. Ignobiliores fuere pagi, Montacutius supra regionem Espelliam, & Sanmaximus sub monte Aureo ad Boream, incolis tamen non infrequentes, utpote quibus singulis suus sacrorum curio erat anno quadragesimo supra millesimum. An istis sex locis suos incolas habentibus, septimum adjungere debeam Fanum sepulcri hæreo. Fuit quidem sepulto Christo sacra suo cum curione in agro ædes, sed id non ininis pago tamen datum non inuenio in antiquis tabulis. Igitur volunt, neque injuria, Fanum Petri ab illa cepisse proximum sacra. Erexere fortassis principio templum Principi Apostolorum in agro, & ad illud postea, aliis ad alias sparsim additis domibus, surrexit viculus: tum postquam excreuisset hic in burgum, ei datus est sacerdos, & sacerdoti proximè excitatum jacentis in sepulcro Christi delubrum.

- 12 Ista sex loca, ut situ ab inuicem longè disjuncta fuerint, nunquam tamen institutis & moribus sejuncta fuerunt. Diuersæ potius, latèque per agrum fusæ regiones & paræciæ vnius vrbs videbantur. Manualcam olim appellabant totam vallem, ea verò sex loca, aut partes aut appendices partium Manualcæ. Audi Guigonem Forcalquerij Comitem. *Dono inquebat anno nono & quadragesimo post millesimum centesimum, Hospitali Ierosolymitano Manualcam.* Petis quid intelligat nomine Manualcæ? accipe. *Burgum, pergit, & Castellum, & Totas auras, cum toto territorio, & omnibus ad Manualcam pertinentibus.* Ecce docet Manualcam ex tribus partibus constitisse, Burgo seu Villa, Castro, & Toris auris. Fanum Maximi verò, Fanum Petti, & Montem acutum ponit in iis quæ ad Manualcam pertinent. Atque ita patrum intelligebat Guilelmus junior, cum scripsit quæ sequuntur anno millesimo ducentesimo sexto. *Confirmo donationem, quam Guigo bone memorie Comes Forcalquerij, avunculus meus, domui Hospitalis fecit de Manualca, Burgo scilicet, & Castello, & de Toris auris, cum eorum territoriis.* Quia Manualcæ appendices appellauimus, Hospitali Ierosolymitanum vocabat suburbium & alias, & anno post Guilelmum juniorem 6. & 40. cum probaret pacta, in quæ Ægidius Railanæus, Prior Ægidianus, vices Hospitalariorum Manualcensium agens, venerat cum Manualcensibus. Neque immeritò sic vocabat, suburbia enim non ubique regionum quondam juncta fuisse urbibus aut villis, ut Catellus aduertit libro 2. historiarum Occitanie capite 2. cum tradit Tolosana longissimè ab vrbe quondam fuisse. Iam si postules, quæ trium Manualcæ partium nobilissima fuerit, respondebo Castellum, & situ, & arte munitissimum, maximi per bella fuisse nominis; Burgum verò seu Villam, & subvrbiorum numero ac amplitudine, & ciuium opibus, multitudine, viribus, & agri varietate, dignitate, vbertate Totas auras, atque Castellum longissimè superasse. Alfatia Mesollana recentissimos vniuersâ cis Druentiam Prouinciâ tumultus, & Vasconum latrocinia spectabat, cum de beatæ Dalphinæ sanctitate ad iudices dicto sacramento loquens, visa est præferre Castellum seu Castrum Villæ; & hanc, ut inferiorem, de illius veluti nobilioris nomine appellans, asseruit monasterium Franciscanarum esse in Castro Manualcæ, quod Saunariæ erat proximè Villam. An potius nomen castrî, non ut proprium Manualcæ parti accepit, sed ut commune arcibus, locisque non immunitis, qualis Villa ipsa erat? Certè Ioannes de Villaribus,

ribus, Hospitalis Ierosolymitani Magister, isto posteriore modo vocem
 usurpabat, cum ita scripsit anno sexto & octogesimo supramillesimum du-
 centesimum; *in ipsius castri seu Burgi Castellania*. Palatium quippe fossâ, lori-
 câ, turribusque munitum, castri speciem habet, noménque castri Villæ tum
 dabat, maximè cum emineat situ. Enimvero quæ de collibus, tumulis, &
 montibus in hemicyclum positis sese aperit area, sic habet, ut non æquis vni-
 uersa spatiis, planoque situ tendatur: ipso hemicycli medio surgit in terræ
 lingulam, quæ principio stadium lata, deinde dorsuatim in utrumque
 latus deuexa, per tria aut circiter stadia versus Meridiem obtuso, & dex-
 torum verrucato mucrone protenditur. Sed omnis tamen descendit, scilicet
 à Meridie quidem nunc sensim, non ut quondam abruptè, in latissi-
 mam illam planitiem; ab Occidente autem, viâ per Guilelmipetrianam con-
 uallem in Sanctalbanum riuum præcipiti; ab Oriente demum, non omnino
 molli in Fumocaltium decliuitate. Hujus lingulæ dorso villa sic erat im-
 posita, ut cum per longa & æqua spatia, à porta Sobeirana ad Mercatoriâ vî-
 que plateam iacuisset, facillimo cliuo sensim ascenderet ad tumultum Libo-
 no to oppositum. Altè igitur sese efferebat, & ab Occidente potissimum aut
 Libonoto venientibus, munitissimi castri speciem palatio, quod etiam hodie
 stat, ampliter turrato præ se ferebat. Sed Guilelmus junior, Forcalquerij regu-
 lus, apertè docuit Villam Castello, & Totis auras præstare, cum ei vni anno
 millesimo ducentesimo sexto nonis Februarij concessit insignes præro-
 gatiuas. Ipsius etiam dignitatem & copia paucis post diebus aperuit, cum
 Totas auras tacens, illas ad Castellum extendit, deque duodecim vtrius-
 que consilibus, ac sexaginta consiliariis, voluit tertiam tantum partem
 è Castello assumi, ut libro 2. referam. Fulcò autem de Villareto Hos-
 pitalis Ierosolymitani Magister rem prorsus confecit, complexus nomi-
 ne districtus Villæ, Castrum, ac Totas auras, & quas dixi Manualcæ par-
 tium appendices. *Concedimus*, aiebat anno millesimo trecentesimo octauo;
*ut deinceps in Villa Manualcæ. nec ejus districtu, aliquis incola vel habitator Ma-
 nualcæ, vel ejus districtus, ad aliquod officium publicum judicaturæ nullatenus ad-
 mittatur.*

Et putabam ego quidem Villam ceteros edidisse pagos, castraque, & per
 alias agri partes alios sparsisse ciues, coloniarum in morem. Neque fal-
 letur meo judicio, qui dixerit posuisse primum castra ad totius Vallis secu-
 ritatem & quietem, in Aureo, & Omniuni seu ventorum seu aurarum mon-
 tibus (Castellum seu Castrum Manualcæ, & Totas auras, seu Totarum au-
 rarum castrum antiquæ tabulæ vocant) deinde ad delicias ædificasse do-
 mos in amenissimis agri partibus, quæ aliæ ad alias additæ profecerint in
 pagos S. Maximi, S. Petri, & Montis acuti. Nam cum Vallis Manualcæ illis
 de montibus aperiat in planitiem, quibus ad Meridiem extremis ea
 duo castra erant imposita, certè ipsorum incolæ velut in custodia positi fuis-
 se videntur, ut hostium aduentum ciuib in Villa, aut per agrum, constitu-
 tis, ære campano, vel ignibus nuntiarent, & si vîsus ferret, impetum opposi-
 tione corporum sustinerent, frangerentque. Ager verò ita habet, ut omnis
 quidem abundet frugibus, fructiferisque lætè surgat in arbotes, tamen si
 montem Espellium, conuallem Gaudeam, Portaleti clausum, Beatæ regni-
 culam Rostanæ, Columbarij collem, Cuniculorum accliuia, Plana Sobeirana,

- Magnana demum latifundia, ceteris præter Aureum montem, in quo summo Castrum Manualcæ quondam stabat, componas partibus, videberis opponere solem stellis, & riuo flumen aut mare. Iam ergo cur in iis reliqui pagi, nisi ad delicias ædificati fuere? nam profecto nullum ad Tiblam, vel Corcoffonum, nullum ad Fodinas gyphi, loca magni quidem ac necessarij
- 18 vsus, sed injucunda, ædificauere pagum. Montacutum supra montem Espellium non longè erat, qui per sexcentos longitudinis, & trecentos latitudinis passus, non paucioribus seu patet, seu surgit amœnitatis gradibus; declinisque descendit in vallem Gaudeam, quæ vt à Petro Gaudio post annum millesimum centesimum diuissimo viro, Gaudiaue gentis alio dicta fuerit, pro suo tamen nomine gaudiorum ad satietatem omnium, & riguarum hilaritate aquarum, & herbescentium viriditate pratorum, & multiplici arborum varietate parens alitrixque est. Ante se autem videbat felicissimam illam S. Rostanæ regiunculam, Clausumque Portaeti, sic appellatum, quia montibus Espellio, Pimaio, Columbario, & Aureo ita clauditur, vt inter eos, per conualles non omnino amplas, veluti ingentes aperitur in portas. Fanum Maximi lego fuisse paucis à Montacuto stadiis, in borealibus Aurei montis radicibus, atque adeò ad illum, sub ipsis finibus regiunculæ Sanrostananæ, quæ in mille seu longitudinis, seu latitudinis passus patet. Denique Fanum Petri, quàm latè ad Magnum riuum funditur meridionalis planities: mittebat diuites colonos per Valuerania, Sobeirana, Contalia seu Comitalia, Magnanaque arua. Neque parum ad hoc facit, quòd à ceteris seu castris, seu pagis jam olim incolæ ad Villam accessere, eò veluti redeuntes, vnde quondam discesserant, domumque patriam veluti postliminio repetentes. Igitur dirutis primùm, deinde per cæmenta pendencia euerfis, à fundamento demum avulsis eorum ædibus, reliqua est vna turris in Castro Manualcæ, mole etiam nunc sitique visenda. Nam quod ex Omnium ventorum castro reliquum vides templum Mariæ, id è ruderibus erutum est, vt B. Petri etiam delubrum in cognomine quondam pago.
- 19 Quibus verò temporibus castra, & pagi, incolis vacuati fuerint, ceciderintque, non omnino liquet, atque hoc loco necessarium tamen est dicere. Igitur sic habeto. Castrum Manualcæ tum stabat vigebatque, cum Guilelmus junior Forcalquerij regulus, anno ducentesimo sexto suprà millesimum pridie idus Febtuarj imponebat Manualcæ consules 12. & consiliarios 60 simul enim edixit, vt de Castro quidem consules 4. & consiliarij 20. ceteri autem de Villa, assumerentur. Stabat quoque altero post anno Omnium ventorum castrum, quo idem ipse regulus & alia, & palatium, quod sibi exædificauerat, visiturque etiam nunc, dedit Hospitalariis Ierosolymitanis.
- 20 Illius enim incolæ in doni testes sunt adhibiti. Sed quàm multis post annis vtrumque castrum steterit, non facile asseuerauerim. Robertus Sistaricensis Episcopus, in literis anno millesimo quadringentesimo vigesimotertio scriptis, videtur docere, ipsa, & Fanum Petri quoque, centum post illas Guilelmi Comitis tabulas annis cecidisse. Cum enim asseruisset Castrum Manualcæ à sexaginta annis *es vltra funditus depopulatum, ac gentibus omnino desitutum*, subiungit, *ecclesias S. Martini in Castro Manualcæ, Sancti Sepulchri in Fano Petri, & B. Mariae de Totis auris esse, atque fuisse à tanto tempore quòd memoria hominum non existit, depopulatas parochianis,*

gentibus funditus destitutas. Quia nihil ejusmodi memorat de Fano Maximi & Montacuto, additque istius curionem *teneri ad procuratorem, & Synodalem comparitionem*, crediderim ego stetitisse quidem ipsius temporibus, sed paucis ac ferme nullis habitata ciuibus, quandoquidem ante annos centum & quinquaginta desierunt. Quæ autem causæ paganos omnes coegerint in Villam, minùs faciliè dicas, in magno antiquarum silentio chartarum. Etenim quod nonnulli asserunt, id per teterrimam illam Vicecomitis Turenij seditionem factum esse, vt in aliorum castrorum excidio, magnaue regionum etiã vastitate habere placeat veritatem, profectò nullam in euerfione Castræ Manualcæ similitudinem veri habet. Ejus incolas, & situs loci, & turris de ipso reliquæ, cujus firmitatem laudamus, ac alia, quæ de turri non difficile colligas, mœnia, tutos ab hostibus latrocinio magis, quàm magni exercitus vi agentibus satis præstabant. Ego, quandoquidem solis suspitionibus locus est, eò cogitatione veniebam, vt ducerem publicæ potiùs rei consiliis sustentandæ causâ, vniuersos in vnum locum, & quoniam peropportunum erat, in Villam sub mediam Vallem conuenisse. Ita enim videmus nostris temporibus, & audimus à ciuibus grandi natu, atque in antiquissimis etiã tabulis legimus, Manualcenses publicæ attentos rei semper fuisse, vt non eam, sed ipsius speciem, priuatæ anteposuerint. Scilicet vno in loco positi, & velociùs in tumultu, & securiùs per bellum, & certius quæcumque fortuna homines sollicitet, consulunt in commune. Nam si aliquæ agri regiones superandæ sunt, si aliquot milliaria sub dio perficienda, vt ad curiam venias, nunc æstus, nunc venti, aut pluriæ morabuntur euntem; atque, si aliud non fuerit, certè fugient tempora, è quorum momentis vniuersa res pendet. Iam hoste campos habente, aut etiã latè rura vastante, quì fiet vt per illa vitæ securus eò pergas, vbi cum ciuibus agendum est. Bello autem factum esse, vt è castris & pagis in villam coierint Manualcæ vallis totius incolæ, ego quidem nunquam crediderim. In Castrum potiùs situ antèque munitum è Villa confugissent, quæ & humilitate situs, & mœnium infirmitate longè opportunior illo est hostibus. Ceteros ad Manualcæ vallem pagos sui non deseruerunt incolæ, non Dalphinum, non Volsium, non Fanum Tulliæ, non Villamurum. Sed quid tantum opis, è Villâ sperari in te dubia potuit, à circùm per vallem jacentium desertoribus castrorum & pagorum? vt cetera taceam, si castra manibus hostium ceciderunt, quo consilio factum est, vt præalta firmâque turris Castræ Manualcæ illas euaserit, quæ vna maximè hostium vim experta esse, ac eorum furori succubuisse dicenda est? Stat tamen ipsa, ad agri custodiam dubio procul seruata, cum ciues ad Villam incolendam descenderunt. Atque scimus (quid alia memorem?) quo impia fœdera tempore omnem Prouinciã in duas diuisere partes, militem in eã cum græ campano constitutum fuisse, qui moneret agricolas de hostium ad latrocinia aduentu: atque brutas quoque animantes sic audientes monenti se præbuisse, vt signo dato ad vibem concito cursu perfugerent. Non igitur bello factum est, vt castra pagique defererentur à Manualcensibus: mediã magis pace actum id ego dixerim, & quidem vt publica res, quam semper antetulunt priuatæ, consiliis felicibus opportunisque gereretur. Hic sentio me in locum difficilem incidisse. Enimvero quid rei tandem fuit, cur castra pagique, à Guillemi

junioris reguli morte, aliis post alios incolis viduati sensim fuerint, ac demum anno post ipsam ducentesimo, aut circiter, illis omnibus defecti ceciderint, & quidem publicos in vsus, atque vt facilius inter se confulerent? Eane incidere tum tempora, vt viri suis ædibus desertis, ad alienas in Villam confugere debuerint? rem vt à sapientibus viris accepi referam.

- 25 Guilelmus junior regulus, Bertrandi & Iosserandæ Flottæ filius, ille est qui Manualcæ vallem, cum suis burgis, castris, & pagis, Hospitali Ierosolymitano, à Guigone patruo, Guilelmi & Garfendis filio natu minore, concessam, demum asseruit anno Christi millesimo ducentesimo octauo, post graues variâsque, vt libro secundo afferam, contentiones. Is ipse duobus antè annis plurimas & insignes prærogatiuas concesserat principio ciuibus Villæ, & aliis etiam deinde adjunctis, eisdem ad Castrum Manualcæ incolas extenderat. Hæc omnium malorum semina sunt, quæ in castra & pagos incubuere plurima, & demum fecere, vt viduarentur incolis, sua omnia ad villam necessario deferentibus. Neque pauca hanc quoque ipsam affligerunt! sed suis ea viribus stetit inconcussa, multumque etiam accepit ad firmitatem, quod
- 26 in illam de omni valle ceteri accolæ commigrarunt. Scilicet Guilelmo juniore mortuo Hospitalarij iniere Dynastiam Manualcæ, & quoniam Guigo eam ipsis concesserat, fuisse qui assererent Bertrandi fratris filium nullas valles, iam non suæ, prærogatiuas potuisse largiri; & aliquas si donare potuerit, eas certè Villæ, & Castro, quæ memorat, concessisse; non ceteris, quos non loquitur, pagis. Igitur qui pro illis agebant, omni contenderunt ope, vt inanes ipsæ essent, atque omnino vt non pertinerent ad pagos. Manualcenses rem vrgentibus obstituerunt, eoque acerbioris demum deuenit iam per plures annos reciproca contentio, vt sequentis sæculi tertio & septuagesimo, Ioannes Sauini Hospitalarium Præceptor, clauferit carcere Ioannem Burle scribam, fortiter obeuntem munus pro patria, populûsque pro re commotus tumultum decreuerit, edideritque.
- 27 Scriba sibi restitutus, est atque Manualcensibus reddita tum quies, ac postea omnes etiam à Guilelmo reguli prærogatiuæ, quas Ioannes de Villanibus & Guilelmus ac Fulco de Villareto, Hospitalis Ierosolymorum Magistri, suis literis ante Ioannem Sauini firmauerant. Per illos turbarum annos (& supra centum quinquaginta fuerunt) non aliâ magis re quàm concordia steterunt Manualcenses. Igitur cum varia prærogatiuarum ad maximos vsus capita sint, neque pagonum incolis spes earum vlla, dum in ipsis habitabant effulgeret, alij ab aliis, vt res domesticæ animique ferebant, sua omnia in Villam deportauerunt, & Omnium denique ventorum Castrum, Montacutius pagus, & Fanum Martini anno tertio & nonagesimo post millesimum ducentesium à nobilibus viris deserta sunt. Eo quippe factum inuenio, vt in Villa tantum, & Castro Manualcæ, ac Fano Petri habitarent ij, quo scilicet pro prædicatoriis, ceterisque tributis, cum plebe conuenerunt. Vt autem antiquissimarum gentium nomina non pereant, placet illa ex ipsis conuentionum tabulis recitare. Igitur in pacta cum ceteris ciuibus venerunt *nobiles viri, Guilelmus Rainaudi, Fulco de Fontiana, Raibaudus Garnerij, Bertrandus Trimundi, Simon Ricau, Bertrandus Portalis, Gaufridus filius Isuardi, Hugo Hospitalarij, Guilelmus Fulconis*. Nono autem & vicesimo post anno conuenerunt etiam cum plebe *Nobiles & generosi viri*, vt habent veteres chartæ, *Petrus de Selhono, Guilelmus*

lelmus de Monteburno, Bertrandus Gaufridi, Bertrandus Portalesij, Guilelmus Barratij, & Barratius Barratij fratres, Bertrandus de Montelauro, Alfantus Aycaardi, Isuardus Gaufridi, Bertranda uxor quondam Hugonis Rostagni pro ea & filiis, & Guilelmus Bertrandi de S. Michaeli procurator, & procuratorio nomine Domina Laure Trimunde. Hic placet aduertere Raimundum Garnerium, Bertrandum Trimundum, & Petrum Selonium Lauramque Trimundam memorari. Quorum gentes non dubitamus ad hanc usque diem perdurare. De Selonius multa lego in veteribus chartis. Habebant in castro Manuascæ. In charta anno millesimo trecentesimo quadagesimo sexto scripta, sic habes, *nobilis Raibanda uxor quondam nobilis Petri de Selono de castro Manuascæ.* In alia ejusdem anni hæc leguntur: *Nobilis & discretus vir Gaufridus de Seloni de castro Manuascæ.* Inuenio Robertum de eâ ipsâ gente monachum Sancti Eusebij. In charta anni 1347. sunt uerba sequentia: *Nobilis & religiosus vir Robertus de Selono monachus monasterij S. Eusebij.* De Garneriis opportunior erit locus dicendi num. 33. De Trimundis fusè scriberem si eorum gens ab anno illo 1293. ad nos usque hæssisset Manuascæ. Vniuersa enim ejus ab auo Bertrandi series ad nostra usque tempora, fuit in manibus meis expansa. Sed quoniam vrbe à plurius annis excessit, Mediocrisque primùm, Aquas deinde deportata est, ad hunc locum ea non peruenit. Hoc tamen tacere non possum. Bertrandus Alphonsi filius avum habuit Raimundum; genuit verò Petrum ex Catharina de Castellana Georgius, Monetus, Bernardinus, Antonius, Thomas, Antonius, Honoratus, Leo, alius ab alio & post patres filij duxere familiam; & Leo demum ex Elisabetha de Villanoua genuit Honoratum qui in Parlamento Prouinciæ Consiliarius Regis est. A Castro Manuascæ, & Fano Petri non multò post illa tempora recessere non viri tantum genere nobiles, sed etiam ceteri; & de reliquis pagis, totaque adeò valle, concessere demum omnes in Villam Manuascæ.

Vtunque verò hæc habeant, ex quo pagani conuenerunt in Villam, profecit ea in urbem, quæ censu ante aliquot annos instituto capiebat hominum capita supra octo millia. Longè plura nunc habet, maximè post tristes ante decem annos totâ Prouinciâ turbas, cum viri quietis amantes in ipsam, ut consilio plurimum viget, pacatam tranquillamque, velut ad certissimum asylum, non infrequentes confugerunt. Numerant ad decem millia, iis adjunctis qui per agrum perpetui sunt in villis. Hæc cum sint omnino centum & quinquaginta, octoginta de ipsis habitantur à suis colonis. Igitur anno septimo & nonagesimo supra millesimum quadringentesimum, à comitiis Prouinciæ in illarum numerum urbium adscripta est, quæ ad ea ipsa communibus vocantur literis.

In quatuor regiones diuisa, aperitur totidem portis ad quatuor partes vniuersi, Sobeirana, Auroulæ, Saunariana, & Guilelmi pettia. Vnde nomen Auroulæ acceptum sit, non difficile dicas: porta respicit Orientem. Guilelmus Petrus, aut potius Petri, fuit nobilis & potens ciuis, atque ille abs dubio, qui anno millesimo ducentesimo octauo, cum aliis nobilibus viris, dicto sacramento pollicitus est, facturum se ut omnis Manuascæ in Hospitalis Ierosolymitani ditionem, ex Guilelmi junioris reguli munere veniret. Neque multum à vero recedere mihi videbitur, qui dicet fuisse illum Petri notarium, seu cancellarium Principis, cujus manu exaratas habemus literas

- ab eo, quæ modò memorauimus, Guilelmo in maximas opportunitates Manualcensium. Primum Manualcæ priuilegium ciues appellant. An ei sanguine propinquus fuit Bernardus Petri, quem in testem accepit Hermengardis Vicecomes Narbonæ, cùm Regi Aragonum Alphonso nuptura dabat suæ ditionis vrbes pagosque? An Arnaldus Petri Iudex Tolosæ anno secundo & quinquagesimo supra millesimum centesimum? An Richauus Petri Templariorum Roaylij anno millesimo ducentesimo nonagesimo, & Grassæ, Nicearumque, ac Bisaci trecentesimo Præceptor, & Bernardus Hospitalariorum eodem anno? Certè per illa tempora, cùm Prouinciæ & Forcalquerij Comites, Tolosanis, aliisque per Occitaniam principibus, ac Aragonum regibus essent affinitate conjuncti, ferme fiebat, vt ab alia in aliam sub ipsorum imperio regionem commigrarent & viri, & familie. Igitur, vt in Manualcæ nostra hæream, neque ceteras. memorem vrbes Prouinciæ, scimus Gaufridos Aquis Sextiis, & Trimundos Mediis esse; Raimundos autem, Garnerios, Montelauros variis in ciuitatibus ego vidi. Ante quingentos annos Gaufridus, cum aliis sanguine junctis, excitauit Vauriprioratum Benedictinis, quem Ioannes Pontifex eo nomine secundus & vigesimus in episcopatum euexit. Non errabit ergo qui asseret, quos Petros, seu Petri, Manualcæ olim habebat, eos & Occitaniam, & Comitatum Venaisinum junctis sanguine viris aliquando tenuisse. Guilelmo illi Principis notario, gente opibusque illustri, ingens domus, quæ ad Portalesios postea peruenerit, ibi fortasse quondam stabat, vbi nunc est Carmelitarum cœnobium. Quoniam situ alta imminebat portæ vrbs, & ædium substructionibus visenda vrhem ingredientibus admiratione suspendebat, à domino potente opibus, nobilitate præcipuo, dignitate ac autoritate ob curatas illas à
- 3 3 Principe literas summo, factum est portæ nomen. Saunaria fuit suburbium, de quo postea fusè dicam. Ab ea, proximæ portæ hæsit nomen. Dicta etiam fuit *Dam Garnerij porta versus Saunariam*, ex tabulis ante annos fere 300. scriptis, quæ ferunt eam Patroni Sauini, & Hugonis Roche nobilium virorum curâ instauratam fuisse. Vox *dam*, Hispanis *dom* est, Latinisque *dominus*. Itaque à Philippo Mouskesio siue Meusio, Gauterio Metensi, & aliis antiquioribus poetis tribuitur etiam Deo, vt annotauit Frenæus in Glossario antiquarum Villeharduini vocum: *Dam le Diex*, inquit; quas voces si Latinis efferas, dices, *Domine Deus*. Tamen Andreas Duchesnæus in historia familie Plestæonum Richelieæ cap. 1. putauit nomen solis Equitibus datum fuisse: *Damoiseau*, sunt ejus verba, à voce diminutiuæ *dam*, quæ significat *sire*, aut *Monsieurs* & *Equitibus vnus competit*. Verùm, seu equitem qui olim miles dicebatur, seu dominum vox *Dam* significat, certè qui Garnerius nomen suum imposuerat portæ vrbs clarus erat in paucis: num. 28. vidimus Raibaudum Garnerij repositum fuisse anno millesimo ducentesimo nonagesimo tertio, in nobilibus viris. In aliis pluribus chartis lego dominatum etiam aliquot castris. Qui Manualcæ habent nunc Garnerij, originem suam ab illo repetunt: & ex ipsis Baltazar majorum nomini virtutique responderet. Vitrius Franciæ Marecallus, & Ludouicus Valefius, cùm Prouinciæ pro rege tenebant, habuerunt domi suæ in nobilibus quos vocant ordinarios; marique & terrâ cohortem ducens fortiter egit: igitur anno 1638. meruit laudem pugnans cum Hispanis, quam triennium Præfectus sua manu obsignauit.

Porta denique Sobeirana in consulum diario appellatur *suprema*. Suntergo 34
 qui velint illud ex vulgari sermone nomen, huic Latino significatione par
 esse; & eo portam idcirco vocari, quòd ceteris superior situ sit. Ego autem
 vereor, ut qui diaria consulum Latine scripsit, reddiderit aptè vocem *Sobeira-*
ne. Is ipse, annis quinto, & sexto supra millesimum quadringentesimum;
Sagnariam pro *Sanguinaria* dixit: igitur voluit *Saunariam*, nomen vulgo ac-
 ceptum, esse idem ac *Sanguinariam*, siue, ut vulgus etiam loquitur, *Sagna-*
riam, & à *Sanguinando*, seu *Saguando* deduci. Hoc si veritatem habet, cur
 postea *Salsam* Latine reddidit anno illius sæculi septimo, quasi *Saunaria* sit,
 quam vulgò appellamus *Saunerie* & à *Sale* descendat: ut ut istud habeat, cer-
 te Sobeirana ceteris Manualscæ portis non est ita superior, ut ex eo nomen
 habere debeat. Nam si maiores nostri situm in ferendis portarum nomini-
 bus consulere, cur inferiorem aut infimam non dixere, cui in vallis imo po-
 sitæ nomen de Aurorula fecerunt? In conuentionibus Elionis Villanouani 35
 Hospitalariorum Præceptoris, quorum postea fuit Summus Magister, capi-
 te 45. traditur, cum racemi per vindemiam duabus tantum portis inferren-
 tur in urbem, posse in posterum deportari per tres, Guilelmi Petri, Eimonis,
 & Chabassij. Nominum ordo, facit ut putem Eimonis fuisse, quam Sobei-
 ranam vocamus; & Chabassij, quæ ab Aurorula appellatur. Saunariana enim,
 quæ quarta est, tum vocabatur *Raimundi veteris*, aut *Dam Simonis*, quemad-
 modum intelligetur ex postea dicendis. Scilicet quæ porta Aquis Sextiis;
 Principis sede, venientes admittebat, nolebant pro regiæ maiestatis cultu,
 quem animo altè fixum semper habuere, & præ se tulere, iumentis vinde-
 miam inferentibus, & musta spumantibus, impediri ac dehonestari. Verùm
 de Aurorula potius postea voluerunt, quàm de Chabassio (quem non in-
 uenio quis fuerit) portarum vnam harum dicere, & Sobeiranam alteram,
 quàm de Eimone. Illud nominis fecit situs ad Orientem. Ut tamen de Au-
 rorula, magis quàm de Aurora, dicerent suasit mons Aureus. Is ad Orientem
 solem positus, non longè à porta incipit; illique igitur auroram tum ferine
 aperit, atque adeò modicam, cum Sol pene videtur à ceteris partibus vrbis:
 Sobeiranæ verò nomen, putabam de incertæ originis è vulgo voce, additum
 alteri portæ. Certè Sobeiranam nunc etiam appellamus planitiæ partem,
 quingentorum ex omni parte passuum ad Druentiam flumen, juxta agrum
 Volsiensem. Alia duo nomina portarum lego, quæ quibus attributa fuerint 36
 difficile dictu est. Ante Elionem Villanouanum annis duobus & viginti, Be-
 rengarius Monachi, seu Monachus, venerat in pacta cum Manualcensibus.
 Hi querebantur domos, (quod jam olim ex fœdere cautum fuerat) excitari
in vallatis, quæ barrio conjunguntur; petebantque ut id prætetea non liceret.
 Cum Berengario demum conuenerunt, Præceptorem non vltra commissu-
 rum ut id fiat. Sed quæ tamen ædes, inquirunt, *jam exedificata sunt in valla-*
tis, quæ barrio conjunguntur, remaneant in eo statu ut nunc sunt; scilicet à Porta
Rainaudi veteris, usque ad portam nouam. Hic hæreo. Quæ vallata, quas por- 37.
 tas, in istis conuentionibus dici putandum est? Age afferamus tamen, quæ
 veri videbuntur similia. Ut hinc incipiam, fuit qui nomine vallati publicam
 extra urbem ad muros viam intelligeret. Is refellitur ex prædij, quod *Casum*
 vocant, finibus à Ioanne Cossino, fratrum Minorum Gardiano, præfixis in
 clientelari professione, facta Berengariæ Saunæ Aurefoni dominæ, implenti
 vices

- vices Coliadi, seu Nicolai de Cruce, filij. *Situm*, aiebat, *prope vallatum dictæ ville Manualcæ, camino in medio.* Caminus via est illa publica, *vallatum* fossâ.
- 38 Hinc etiam tejitur, quod ex diario consulum, cum vrbs anno millesimo trecentesimo sexagesimo sexto sibi timeret ab hostibus, muros quidem à porta Saunaria ad Sobeiranam per Aurorulæam circumposuit; ad omnes verò tota circum vrbe tanto *vallata* opere fodit, ut *quinquenarij* plures instarent laborantibus, & è nobilibus viris Raimundus Portalesij esset *quinquenariorum* vigesimus. Quam hîc mihi viam tu cogitabis, propugnationi vrbis scilicet per opportunam, non potiùs circum muros fossam? Deinde, ex eo ipso diario, pecudes anno millesimo quadringentesimo vicesimo quarto prohibita sunt pascu in *vallatis*; & opiliones, qui ipsas illo non arcerent, damnati non leui pœna, nisi fortè ex *currendo intraverint vallata*. Eritne jam qui putet alias hîc dici, quàm fossas vrbis? In iis, utpote per pacem neglectis, herbas latè succrescere nemo nescit, & ad ipsas factâ alicubi per mollem
- 39 descensum viâ, pecudes intrare & pasci posse. Præterea anno millesimo trecentesimo septuagesimo secundo consules in hæc verba iusserunt: *Nemo summum, paleas, terram, sordes deponat in vallatis Manualcæ, & itineribus circum circa dicta vallata.* Quæ hæc itinera circum *vallata*, nisi publicæ viæ, quas vulgò nominamus *les lices*? *vallata* certè igitur sunt ad illas fossæ. Demum anno millesimo quadringentesimo octavo disputatum lego à consulibus in vrbanò confessu de locandis fossatis Ville, & ad certum *seruitium tradendis*. Putas cogitasse de locandis publicis viis? Abs dubio *vallata* hîc feruntur eadem cum fossatis, seu fossis muralibus Villæ. Id si negas; certè (ut de voce non contendamus) concedes suas tum Villæ ad muros circumpositas fossas. Sed *vallata quæ barrio conjunguntur*, in illis Manualcensium cum Berengario conventionibus, fortassis non sunt fossæ, muris omnibus circumdata. Ex quippe nunc quidem nullæ sunt, quæ autem olim fuerint nulla videntur vestigia.
- 40 Neque verò potuerunt aliqua circum ipsos omnes duci. Ut enim antea monebam, lingula terræ, cui vrbs imposita vniuersa est, multùm ab Oriente deuexa descendit in riuum Furnocalcium; & ab Occidente in Sanctalbanum, post mollem sub Guilelmipetriam aliquanto spatio descensum, præcipitat. Iam ea orientalis deuexitas, post paucos à porta Sobeirana passus incipit, longumque per lutosam, neque non aspera hîc demittitur, illic deicitur, donec ad Aurorulæam portam perueneris. E qua si ad Saunarianam progrediatis, eundem tibi erit per alti radices tumuli, in cuius summa murus perdifficili ascensu ducitur. Superato tumulo proxima occurret porta Saunariana, non procul extremo lingulæ urbem habentis. Hinc verò prætergressus, in ibis viam passus duodecim latam, inter vrbis murum, & hîc non mollem descensum, illic non nihil prærupti, quod in altè demissum præcipitat campum. Iam cum vrbis murus per alta tumulorum, vallium declinua, angusta viarum feratur, certè nullus, ut maximè volueris, tibi locus est ducendæ circum omnem fossæ. Fortassis tamen cum à porta Saunariana, per Guilelmipetriam, æqua sint ad Sobeiranam spatia, fossa ad illam ab istâ olim erat aliqua, seu lata, seu angusta, pro situ loci. An potiùs non erat vna perpetua, sed omnino duplex: & quidem altera ab eo loco incipiebat, è quo à Saunariana ad Aurorulæam descenditur, desinebatque sub initia ipsa angustiarum in Guilelmipetriam viæ: altera his superatis angustijs, per Guilelmipetriam & So-

beiranam, desinebat in deuexitate, quæ ad Aurorulxam fert, iis scilicet locis, hosti per æqua spatia patet ad urbem aditus, cui prætercludendo apertuntur circum ipsam fossæ. Nam per cetera, neque pro locorum iniquitate fossa duci potest, & in nullos patebit vsus, cum per ea ipse situs satis arceat hostem ab vrbe. Sed siue vna perpetua fossa, siue duplex, hic vna, illic altera, 42
aperta fuerit, quod tu mihi *portale nouum* villæ, quod *Rainaudi veteris* fuisse putabis? profecto alia aliis temporibus, neque multum diuturna, portis urbanis, si Guilelmipetriam excipias, fuere nomina. Abs dubio, quæ *Dam Garnerij* post nonaginta annos appellata legitur, vocabatur *Rainaudi veteris*, temporibus Berengarij Monachi. Hoc vehementer suadet, portæ, quam *no-uam* appellabant, situs. Quæ enim hæc fuerit accipe. A palatio ad vrbis vsque muros regiuncula, nomine Gaudia, versus meridiem est. Vnde id nominis acceperit non inuenio. Gaudiorum potentissimæ quondam gentis vnus quis illud ei, vt in agro valli, fecit. *Gauschiam* quoque, & quidem à voce, quæ corrupta de vulgo gaudium significat, dictam lego. In eâ mediâ apertus erat in portam, & ipsam Gaudiam, seu *Gauschiam*, murus. Clausæ vestigia etiam nunc in eo videas. Quis aperuerit, clausuræ ignoretur. 43
Et id ego quidem non miror. Consulium enim diarium, in quam urbanarum eiusmodi rerum vnâ chartam habemus, incipit ab anno nono & sexagesimo supra millesimum trecentesium. Hoc omnino est, quod emiremur, cum munitissima quæque portarum scripta in ipso sint, seu claudi earum aliqua ob coortam in proximo pestem debuit, & valetudine restituta recludi; seu refici limen, vestibulum, fores, seras demum oportuit, nusquam tamen habes occlusionem portæ illius Gaudia. Anno millesimo trecentesimo octogesimo quinto appellat *portale nouum*; & cum jam occlusa fuisset secundo post & nonagesimo, *portale clausum*. Septimo & septuagesimo post millesimum quadringentesimum sic loquitur: *Prohibetur burlare nisi in bur-laria antiqua, videlicet à portali superiore vsque ad portale clausum, vocatum le portal de gausch*. Abs dubio ea non fuerat aperta in necessarios ciuium vsus: ex quo enim occlusa fuit, non est inuentus illorum vnus, qui reclusam voluerit: & cum de portis urbanis, ad publicæ rei opportunitates, sermo à consulibus, eâ aperta, habebatur, nunquam de ipsa institutus fuit, ceteris quatuor, suo quoque nomine, memoratis. Ad priuatos Principis in proximo habitantis vsus aperta omnino fuerat.

Hactenus dixerim de portis Manualæ: ad muros in quibus ea patent 44
accedamus. Illis in speciem pyri, per stadia nouem ductis, vrbs circumdatur. An minus in spatium ante acceptos paganos collecta fuerit, vehementer addubito. Nam à porta quidem Soberana, vsque ad Saunarianam, ij per Guilelmipetriam omnino steterunt ante omnem tabularum memoriam, quos nunc etiam videmus: per Aurorulxam verò qui feruntur, excitati sunt anno sexto & sexagesimo post millesimum trecentesium. Ceciderantne igitur tum ij magno portento, quàm longè per vnas trecentas septuaginta tres hodie protenduntur, ceteris qui per Guilelmipetriam ducti sunt, maiore stantibus? An potius vrbe ad Orientem ampliata, muri quoque sunt excitati per longiorem circuitum, ceteris ad Occidentem immotis? Certè illo anno, mense Martio, die vicesima, consules conuenere cum latomo, de mirandis & edificandis illis orientalibus, vt fert ipsorum dia- 45

rium. Et verò, si terræ lingulam, cui imposita est vrbs, sequaris à Meridie per Orientem oculis, videbis illam paucis post portam Saunarianam passibus, curuari, & in hemicyclum versus Septentrionem protendi ad macellum vsque, non penitus nullo argumento, qui quondam à Saunariana ad Septentrionem Orientales erant muri, ibi stetit, antequam *mutarentur & edificarentur*, vbi per ambitum fere semicircularem, qualis occidentalibus muris competit, nunc à Saunariana ad macellum vsque vicus porrigitur, & ex eo per Franciscanorum regionem, extremam tum & neglectam, ludæisque habitatam, subiisse ad portam Sobeiranam. Vtcumque id quondam habuerit, ingrediamur urbem, deque ipsius regionibus, vicis, & domibus dicamus.

- 46 Regiones Manualcæ vrbs sunt quatuor, Hebreardæa, Paganica, Martellæa, Palatina. Cur hæc à palatio nomen acceperit, facili dictu est. Habet Principis domum per amplam illam, & solâ, loricâ, turribus munitam, quæ à Guilelmo juniore, Forcalquerij regulo, Hospitalariis Ierosolymitanis attributa est. Vnde nomen alix duxerint, magis, quam cur ita fuerint appellatæ, afferas. Putabam tamen Hebreardos, Paganos, Martellos ciues, quia præ ceteris gente excreuerant, junctique domibus latè vicos implebant, suum quosque suæ regioni nomen dedisse. Pagani fecerunt etiam nemori, siue (vt ferunt conuentiones Elionis Villanouani cum Manualcensibus capite 24.) *bosquetu* suum inter Villamuriam & Sanmartinensem sub faucibus Soprosis vias. Hebreardæa, & Martellæa regiones sunt omnium frequentissimæ, ac nobilissimæ: obscurissima Paganica. Omnes ab vna vrbs porta, per amplissimos vicos sinuatim progressæ quiescunt in proxima, Paganica quidem incipit à Sobeirana, & vbi primùm via se in duas scindit, sinistrorum per Hospitalem domum, & ignobile vulgus, flectitur ad Franciscanos Obseruantes, quos prætergressa, descendit ad Clarissarum parthenonem, sub portam Aurorulæam. Hebreardæa verò, ab hac, per literarias scholas, ad nobile Bernardinarum Virginum monasterium adscendit; tum, post aliquid viæ, sensim in angustiores immissa vicum, sese ab eo ad beatæ Mariæ læuas fores educit in Mercatoriam latè plateam, è qua per vicum situ & nomine *Rectum* ad portam Saunarianam longis progreditur itineribus. Iam Palatina regio, cum ab eadem Saunariana porta, per illum ipsum vicum, ad plateam Mercatoriam peruénit, rectà sese infert in portam Guilel-
- 48 mipetriam. Cetera vrbs Martelli amplissimè occupant. Quintamne vrbs regionem dicere debeam, quæ *burgata* vocatur in diario consulum anno nono & septuagesimo supra millesimum quadringentesimum, & Saunaria in tabulis à Petro Atanulpho scriba exaratis millesimo trecentesimo tricesimo nono, prorsus subdubitem. Extra vibem ea, cum stabat, posita erat ad portam, quæ primùm Rainaudi Veteris, tum Dam Simonis, postea Dam Garnerij, demum Saunariana, nomine ab ipsa accepto, appellata est. Neque igitur pars illius erat, & nunc omnino desit. Quia tamen, cum stabat, fuit
- 49 appendix vrbs, neque debeam neque possim nunc tacere de illa. Incipiebat à porta vrbs proxima, desinebat in Clarissarum ad Meridiem ædibus: quæ enim ultra has erant, *grangia* seu *bosalia*, & in agro domus, ac villæ jam dicebantur. In tabulis de vnus illarum auctione sic habes: *Grangia siue bosal, sita est versus ecclesiam, seu carreriam Minoritarum, confrontata ab vna*

parte cum ecclesiâ dictarum Minoritarum, & cum domo & viridario Raimundi Robaudi, & cum carreria publica, & cum viridario ipsarum dominarum Minoritarum. Quàm verò latè ad Orientem ac Occidentem porrecta fuerit hæc burgata, seu Saunaria, nusquam tabularum inueuio. Fortasse, vt in suburbiiis ferme sit, ad vici illius, quem vidimus, latera, minores vici sparsis mage quàm junctis errabant domibus, vt extra illam habitasse dicendi sint Franciscani, in prædio, quod Casum vocant, ante in urbem quàm immigrarent. Quæcumque fuerit ejus seu longitudo, seu latitudo, area inter ipsam, & seu Villam seu Urbem, appellabatur quondam *platea vlni*, sicuti ferunt veteres chartæ. Ingens vlnus eam opacabat: inde ipsi nomen. Ad quos vlnus olim hæc vlni fuit area? non inuenio. Viennenses ante aliquot sæcula habebant plateam Vlni sua in vrbe quondam regia, & in eâ jus ab vltimâ Burgundiæ regum memoriâ ferebant. Quid miraris? Rhama Francis antiquissimis fuit judiciorum locus; & rhamallus forum competens: denique dicebant *adrhamire* quod Latini *deliberare* ac decernere. Voces à ramis, vt vides, ortæ sunt. Et sub ramalibus apud eos sedebant judices; ac proinde sub patulis & latè brachiatis arboribus. Ceterùm, vt excitaretur Saunaria, 50 fecerant & alij, & muliones maximè, seu Massiliâ in Delphinatum, seu è Delphinatu Massiliam perpetui. Neque nihil momenti fuerat in illis, qui ad Manualensium merces aliò deferendas veniebant. Sed ij etiam ipsi vni postea fecerunt, vt euenteretur. Scilicet per Torum inuenerant sibi viam vno milliari breuiorem, singulari Manualensium damno, quos nisi ad opera necessaria jam nemo adibat. Torus autem est agri pars sub infimam planitiem, duobus ab vrbe milliariibus. Ita vocatur ab eminulo situ: Torus enim Prouincialibus mons est. *Extra Torum, seu montem*, inquebat scriba in conuentionibus Episcopi Dinienfis cum Comite Prouinciæ anno millesimo ducentesimo quinquagesimo septimo. Igitur vt suorum quisque compendiorum attentus est, fuit è ciuibus, qui ad portam viæ obuersam, publicas inuitandis hospitibus ædes excitaret, si qui nocte deprehenso, Manualensium tamen amarent accedere. Cùmque res ei perbelle cecidisset, (ceteri quippe viatores, & alias ob causas, & vt summo manè, antè vrbem quàm recluderentur portæ, se darent itineri, auebant hospitari extra urbem) alia ab aliis diuersoria ad illud excitata sunt. Tum autem etiam principio propolæ, postea ceteri mercatores, denique alij ciues, quibus cum aduenis nulla erat negotiatio, sibi domos extruxerunt, totumque, nec ignobile nomen suburbij, sese pluribus vicis explicuit. Nam non pauci jam & Santulliana, & Volsiensia, modicorum scilicet pagorum, in proximo hospitia, post Manualensia, cùm elegantiam vrbis & abundantiam representarent, habebant. Hæc aduenarum frequentia, quò spectabilis mage ad nonnullorum è ciuibus 51 opportunitates erat, eò grauiorem in dies ipsi vrbi cladem inferebat. Viduabatur aliis post alios optimatibus immerita, cùm etiam denique in suburbium commigrarent non pauci, vt cum cognatis, affinis, amicis, & iucundiùs laxiùsque veluti in agro habitarent, & ampliores ad omnem viæ honestatem adjungerent domibus hortos, & liberiore (si aliud non erat) aëre fruerentur. Igitur etiam publicæ rei curatores (Syndicos vocabant) vrbs sibi è Saunaria aliquando accepit; & in eam ciues excessere, vt peritissimos juris viros audirent. Quid verò tum Consules? in re & accipiti, & angustâ

sta vnum aliquid inuenerunt, quo neque vlli ciuium noceret, & omni com-
modaret vrbi. Cogitauerunt denique illam per Torum viam intercludere, fa-
ceréque vt Principis edicto non alia Fano Tullix Volsium, quàm Manuaf-
câ, esset via. Saunarianos sic facile redituros in vrbe, maximè si eorum do-
mus (quod maximo ciuium consensu decretum fuerat) are publico eme-
rentur. Quod sapienter cogitauerant, id feliciter perfecerunt. Ludouicus
52 rex eo nomine duodecimus audiuit æquissimas ipsorum querelas, atque, vt
erat populorum suorum amantissimus, interelusâ per Torum viâ, iussit anti-
quissimam Manuascâ restitui. Et Franciscus mortui firmavit edictum: cum-
que Sistaricenses & Santulliani Torensem nuper restituisent, re apud Ludo-
uicum tertiumdecimum ingentibus animis agitâtâ, damnati sunt, intentatæ-
que non leues pœnæ, si quid rursus mouerent. Saunaria ergo etiam eorum-
dem Regum Ludouici XII. & Francisci I. mandato euerfa est, anno superio-
ris sæculi quarto & vicesimo, cum Palissæus Franciæ Marefcallus opportunè
iussisset, vt ad septuagesimum ab vrbe passum rescinderetur, ne Carolo Bor-
bonio, qui maritimam Prouinciæ oram latè vastare ferebatur, utilis ad ci-
uium oppugnationem esset. Quot annos steterit non possum dicere, illius
enim initia non inuenio. Florebat anno millesimo trecentesimo, sub quem
Petrus Muratoris de iure, cuius erat scientissimus, consulentibus in illa res-
pondebat. Saunariam verò dixerant à sale, è salariis (vulgò Saunariis) seu
hospitiis, seu tabernis. Salariam, siue Salinariam Latini diceremus. Maxi-
mam salis vini, perpetui muliones deferunt ad Sistaricenses, Vapincenses, ac
Ebredunenses: neque omnino modicam propolæ in vicina loca distrahunt.
Hi tabernas, hospitâ illi habebant in subvrbio. Hactenus de Saunaria di-
53 ctum sit: ad regiones Manuascæ vrbis redeo. In illis alia aduertent alij:
ego vnum satis laudare non possum. In singulis suæ sunt ædes sacræ, sua sunt
monasteria. Quod palatium ambitiosa turrium maiestate spectandum &
sublime suspicis, Guillemus junior Forcalquerij regulus fecit *monasterium*
Hospitaliariorum (quos nunc vocamus Equites Melitenses) è domo ad san-
cti Petri in cognomine burgo e ductorum anno octauo post millesimum
ducentessimum, seu *conuentum*, (vt traditur in conuentionibus Elionis Villa-
nouani cum Manuascensibus,) Hospitaliariorum Manuascæ. Et quidem
vt omnium, sed maximè sacrarum rerum initia feruent, anno post quinto &
decimo milites sex, & presbyteri octo degebant in eo cum suo Præceptore.
Sed alius erit de augusta domo dicendi locus. In illam Hospitalarij Rhodo
captâ intulere corpus beati Gerardi, qui sanctum & Christianis perutilem
54 inuenit Ordinem, & eo veluti sacrauerunt regionem Palatinam. Martellæa an-
tiquissimam habet Sanuictorinorum Monachorum ædem, à Sancta Maria
ob illustre cœlestibus prodigiis signum dictam, & Carmelitarum cœno-
bium. Hebreardi ingente Saluatoris hominum basilicâ se circumspiciunt,
& clarissimâ Bernardinarum virginum domo. Ignobiliorem, & egentiotem
ceteris Paganorum regionem sanctus Franciscus suis cum Obseruantibus, &
de beata Clara Monialibus, amavit post Christum, qui Hospitalem egeno-
rum, scilicet suam, domum in eâ posuit. Et in palatio quidem, domestica tan-
tùm est sine sacerdote nunc ædícula. In ea singulis diebus festis facit sa-
cerdos, ab Hospitalis Præceptore vocatus. Cetera seu paræciarum, seu mo-
nasteriorum templa omnibus ad quotidianâ sacra ciuibz aperta sunt.

Ad singula non inelegantes de quadrio lapide fontes pluribus fluunt
 his, si Bernardinarum ædem excipias, quæ ad hanc diem suo fonte nescio
 quo fato caret, non sine magna aduenarum omnium admiratione, vt non
 dicam, conuicio, qui satis intelligere non possunt, quo consilio factum sit, vt
 virgines & numero spectabiles, & pietate insignes, & præcipuis tota vrbe
 gentibus seu sanguine, seu affinitate junctæ, tam vili, aut etiam necessario, ad
 domesticos vsus adminiculo hæctenus careant, maximè cum suus Carmeli-
 tis, Obseruantibus, Capucinis, & Clarissis, sit quoque intra domum fons, at-
 que tanta per vniuersam urbem decurrat aquarum vis, vt nouem omnino
 fontibus, ad infimæ etiam plebis opportunitates positis, fluant supra quatuor;
 extra eandem singulos singulis portis additos. Vetustissimi omnium am-
 pliciter eunt tubis quatuor ad ædes S. Saluatori & B. Mariæ sacras, in antiquis
 earum cœmeteriis, anno millesimo quadringentesimo nonagesimo sexto,
 ex edicto Honorati Vallis Sanctæ in episcopatu Aptensi Abbatis, missi à
 summo Pontifice, ad quem in id Consules, pro sua pietate, & sacrarum rerum
 veneratione, adierant. Ante illum annum ciues utebantur putealibus fere
 aquis. Et alios quidem puteos alij foderant domi suæ, sed ad communes
 populi vsus, viscebantur singuli, ad singulas vrbis portas. Qui ad Sobeiranam
 olim stabat, cum oclusus fuisset anno octauo & nonagesimo superioris sæ-
 culi, aperuit nuper talus nescio quis amplissimè quadratum, ad laeuam in-
 gredientium urbem. Remotior à Guilelmipetria suus erat, scilicet inter
 duas transuersarias sentitas, & viam publicam quæ fert Pertusium. Cum hor-
 tus, cui proximus erat, peruenisset ad Ioarinem Ingilardum, eum nono &
 quadragesimo præcedentis sæculi anno obducti sedes auxit, venum illi à ci-
 uibus data. Quæ ceteri ad Saunarianam & Aurorulæam defossi parte fue-
 rint, non lego. Consules ante annos ducentos & quinquaginta volue-
 runt, qui ad istam viscebatur, *alsari de muro, vt non flet in tanto periculo
 vt nunc est.* Præter puteales, fontanarum tamen aquarum erat tum
 aliquis ex agro vsus, scilicet Aurorulæarum, quæ manant proximè cognomi-
 nem vrbis portam; Conchetanarum, inter eandem non longè, & Sauna-
 rianam fluentium; Droüilensium denique ad cognominem, qui Sanctalba-
 no riuo inpositus, est pontem, duplici decurrentium loco. Sed neque à pu-
 teis, neque ab his fontibus, consulum satis erat vrbi. Illi, vt patebant omni-
 bus, infimæ etiam plebi ac pueris, sordidi, ab horum maximè lasciuiâ, ferme
 erant; isti sine omni cultu, atque, suos tum dabant è terra, neque omnino
 integros, latices. Igitur inuenio (quis civium non mirabitur in aquarum,
 quæ omnibus ferme compitis nunc fluunt, copia?) aquam venisse Manual-
 cæ ante annum millesimum quadringentesimum. Eo denique vetitum est
 vltra vendere; & puteis proinde, ac fontibus cura maior impensa. Sed an-
 no septimo post & sexagesimo non potuit villo labore fieri, vt isti non are-
 cerent. Scilicet sic habent, vt non apertâ è mari, aut fluiui decurrant viâ.
 Potius principio modicè per terrarum viscera, è quo capite incertum est, eunt
 aquæ, aut tenuissima, vt ita loquar, aquarum fila; & post multos errores de-
 nique in alium alix conueniunt temerè fonticulum. Ante id conjugij, non
 aperto certòve decurrunt illæ alueo, sed veluti terrâ exudantes, abeunt per
 ipsius poros, aut etiam per partes veluti spongiosas. Isti fonticuli postea suo
 pondere faciunt sibi alueolos, donec vbi plures incertâ currentes viâ coie-
 rint

rint in vnum, denique tum aperto, quod sibi foderint, prodeunt ore. Iam cum scuit æstas, ut terram vrit, ita illius humorem ebibit plurimum; tum verò neque in tam multos latices exudat ima tellus, & quijam suo alveo minores fluunt, eos fugit, magnanque partem sorbet. Anno illo septimo & sexagesimo post millesimum quadringentesimum, æstus tam vehementer scuit toto agro Manualceusi, ut cum intima terrarum pervaderet vreretque, hæc suctu consumpserint omnes memoratorum fontium aquas.

- 59 Quid facerent in illis angustiis Consules non habebant. Cogitauerunt tamen, quod vnum reliquum erat, perficere concamerationem fontis Auro-
luri ante annos quatuordecim captam. Hic proximus vrbi est; ad potum
cuium igitur maxime opportunus. Post quinque & viginti annos eam ex-
egerunt. Opus est omnino illustre ac visendum. Fons ad vrbs portam, vbi
pontem riuo Furnocalcio impositum superaueris, labitur, & per se profectò
nobilis, & aquarum seu salubritate, seu iucunditate superior ceteris. Scilicet
ex imis Aurei montis visceribus, educitur per alveum lapide quadro stratum,
ac per ducentos & quadraginta passus Orientem versus ad hominis altitu-
dinem fornicatum, qui in duos eodem opere per longissima spatia labora-
tos postea diuiditur. Nam è duorum conjugio laudatissimorum fontium
60 nasci debuit, ne vnus tantum dotibus inclaresceret. Si vel in urbem quo-
que inductus fuisset, vel tanto iret aquarum agmine, ut in ipsam inductus
pares toti sufficeret ad potum, nã consultum ex eo ciuibus erat. Sed quando
tam multis hominum millibus aquæ petantur ad potum de vno fonte non
maximo, eoque trans Furnocalcij riuu pontem in agro? Consules attenti
publicæ rei hoc videre, & cum fontes Conchetanus atque Droüilenses, ne-
queant pro inferiore situ in urbem deriuari, modicisq; decurrant agmini-
bus, quinquagesimo illius sæculi anno egere consilia de Garinio, & sequen-
te de Gaudeo, è Septentrionalibus montibus in ipsam deducendis. Cum il-
le ad urbem peruenisset, aquarum copia, ex incertâ mihi causâ, non respon-
dit labori, & neglectus est, ac nunc pene exaruit. Hic anno quingentesimo
post millesimum manauit primum intra urbem, ipsique anno post quinquar-
61 gesimo adjunctus est Morellius. Sed locus monet, ut cum de Aurulæo di-
xerim, non taceam de duobus istis. Hoc faciam, si prius eos retulero qui, ut
non sint publici vsus, nomen aliquod tamen habent. Vnum Paulus de Co-
longue, Prætoris litium apud Forcalquerienses capitalium pater, è non re-
moto Hospitalariorum, ipsis volentibus, agro effossam, aperuit rure suo,
quod ad sinistram viæ Pertusium ferentis, riuo Sanctalbano impositum,
ornabat, & ad omnem honestatem atque elegantiam componebat. Illa ipsa
via alterum habet, vbi principio longa decliuitate descendit, posteaque præ-
ceps etiam fuit. Sunt qui velint aquis fluere, quas puteus ad portam Guilel-
mipetriam olim apertus, multas perenni scaturigine dabat. Sed fortassis ille
Colonguius ipsis fuit. Anno enim secundo & vigesimo præcedentis sæ-
culi, cum ex tertio jam anno sensim per operosos labores ducerentur in
Droüilensium vnus conjugium, prædura rupes vetuit ire longius, & in ipso
62 Hospitalariorum campo continuit. Tertius est in Pauli Figuerij opulenti
cuius prædiò. Conchetanum vocabant à Conchetis, quæ agri regio est. At-
tentè curatum lego, cum nullus intra urbem manabat, Postea neglectus est,
atque anno tertio & tricesimo superioris sæculi, quæ pro illo patebat area, in
hortum

horum à Consulibus ad quindecim annos locata primum, postque varias incerti temporis locationes, deinde vendita est. Quartum Elio Villanovanus, qui à Collecta nomen habet, de principe tota Prouincia nobilitate vir; sexcentis ab vrbe ultra Droüilium pontem passibus, in villa magno agmine fluentem excipit. Quinto quondam ignobili, Patroni Aquentes fecerunt celebritatem, cum Senatus præcedente sæculo Manuascam venisset, hæretetque in eâ, donec Fæderatorum aduersus Regem furor, qui omnem Prouinciam miscebat, quiesceret. Vt sunt viri elegantes ingenio, amauere splendentium aquarum salubritatem, & non raris frequentauere conuiujs. Igitur ex eo, ab illis facto nomine, dicitur Fons patronorum. Sextus agris magis, 63
quàm sanis opportunus ac bonus est. Leuat pectus, renes purgat, ciet lottium: medicumque experiuntur nephretici & asthmatici. Sed apud Manuascenses, à cælo scilicet, aquis, terra fere sanos, in honore non est. Sulphureum ab odore appellat vulgus. Septimum Droüilium, eumque duplicem, Aquensis ad cognominem, qui Sanctalbano riuo impositus est, pontem excipit via. Ij magnum quondam habuere nomen: sed neque ad urbem omnino sunt, & ad illos ab ipsa non facilè descenditur per lapidosa & quasi abrupta loca. Sensim ergo desierunt celebrari. Ceteros, neque pauci sunt, sed ferme illaudati, qui per agrum fluunt, tacere placet. Ad eos redeundum mihi est, quos situs suasit, & aquarum abundantia, in urbem ad publicos, priuatosque ciuium vsus deriuare. Vt hinc incipiam, omnium, qui intra Ma- 64
nuascam decurrunt, si Clarissum excipias, fontium origo est in montibus agri borealibus. Duobus surgunt capitibus, altero Orientali, Occidentali altero. Quod Morellorum dicunt, visitur ad Paganorum nemus, Sanmartinensi non procul agro. Ab eo ingentes magna vi prorumpunt aquæ, quæ suis acceptæ tubis, tam per decliua feruntur diu, donec centum circiter à porta Sobeirana passibus misceantur illis, quæ ab Orientali borealium montium latere, magnis de summa conualle Gaudea ortæ agminibus, per pontem Espellium ipsis occurrunt. Ex hoc aquarum confluuiio nascitur omnis fontium intra urbem multitudo, paucis enim post passibus, in minores tubos diuise, immittuntur per varias illius partes. Qui verò fontes fluunt, siue in domo, siue ad fores Franciscanarum virginum, habent, omne pro puellarum sanctitate non contemnendo, ortus suos à Paradiso. Regionis ad Orientales urbis muros hoc nomen in agro est. Denique inuenio in veteribus tabulis *Fontenam streciam, fontes stellerum, Botini, Coopertum, Petri Ioannis*. Etasne suas istis fontibus aquas abstulerit, an mutauerit potius nomina, vt ab iis quos jam memorauim non differant, non possum dicere.

Ceterum per urbis regiones quatuor recitatas, sunt domus omnino ducentæ supra mille: quid enim referam in agro positas, numero centum & quinquaginta? Antiquæ constant lapide ex septentrionalibus agri montibus eruto. Omnes gypsum, ex agri quoque fodinis erutum, ornant ad omnem elegantiam & venustatem. Nulla in vicum è primâ contignatione prominet. Cum plurimæ de eâ extarent, angustarentque vicos, urbano decreto actum est per Senatum Aquensem anno millesimo quingentesimo octauo, vt Petrus Matthæi, Reuersi dominus, & Simon de Tributis, regij Senatores, id dedecoris ex omnibus rescinderent. Neque nihil ad ciuium valetudinem res facit. Per apertos ventus, per apertos sol multus, sese immitit vicos, purgatque 65

purgatque aëra. Ad speciem verò id prorsus necessarium erat. Dejectis contiguationum prominentiis suum lumen totum est vico, sua inter oppositorum tectorum subgrundas spatia, sua denique domibus æqualis, & , vt ita loquar, ex vero facies.

- 66 Neque minùs est vrbi à publicis ornamentum plateis. Circa palatium latè vacat omni parte. Perpetuà veluti plateâ cinctum diceret. In media ipsa vrbe visitur in quadrum oblongior, mercatorum officinis circumdata. Mercatoriam ergo possumus appellare. Longè amplior proximè hanc est, ad ædes Marianas, foro nundinario destinata. Vt sit amplissima, certè vix sufficit hebdomadario per sabbatum mercatui. Nam cum solemnes sunt, & per annum quater celebrantur nundinæ, tanta & emptorum, & seu mercatorum seu propolarum confluit multitudo, vt vniuersa ipsa vrbs forum esse videatur. Scilicet supra frumentum, vinum, oleum, pomorumque ac nucum omne genus, & frugum, lino, cannabæ, telæ, corio, cerâ, pice, melle, resinâ, vt de serico lanâque pannos, & alia sapientis manu artificis labarata, præteream, abundant officinæ. Vnum hîc tacere non possum. Tanta vis amygdalæ in vrbem ex agro seu proprio, seu vicino deportatur, vt, cum tempora ferunt, exteris mercatoribus centum pondia ad centum & quinquaginta dietim apparentur. Ex ea ergo Manuascensibus lucrum obuenit supra centum millia Francorum. Sed putamen lignosum est, pinguique ac oleoso saturatum succo facilè in flammam emicat, & ligno omni accenso vehementius ardet. Amygdalinum carbonem dicas. Certè ligneo non est inferius ad domesticos vsus, & colore odorèque superius. Pro Saluatoris hominum templo jacet etiam platea, sed longè minor, ex eo potissimum tempore, quo in illius parte, læuo templi pariete aperto, tres ædiculæ exædificatæ sunt. Sua quoque ad Franciscanorum Obseruantium, sua ad Carmelitarum, sua ad Clarissarum ædes, neque prorsus angusta est. Cœnobium Bernardinarum non postulat plateam, populo, qui è sacris confertim exit, capiendo. In amplissimo, & ad non modicæ plateæ speciem latissimo, vico positum est.
- 68 Igitur cum Manuafca sit agro speciosa & diues, domibûsque, plateis, & fontibus commoda & spectanda, abundauit etiam olim nobilibus viris. Et quidem in superioribus non modicam clararum nobilitate gentium multitudinem attuli. Nunc placet nonnullas adungere, quas ego ipse ex publicis archiui vrbani tabulis accepi. Sauini, Rochæi, Valentia, Simianzi, Panerij, Villamurij, Veteres, Berardi, Mainerij, Casanouij, Altouiti, Hospitalarij, Bardocij, Thomacij, Coruini, Fabri, Taloni, Crucij, Vetulæ, Pontij, Bruneri, Lauenæ, Safalini, Redorterij, Aiminij, Rainerij, Blanchardi, Textores, Lauenturæ, Iustacij, Burgij, Campisaurij, Boissoni, Barrilloni, Brocherij, Rostani, Pugeti, Clementes, Arnaudi, Boueti, Veirerij, Tillij, aliisque non pauci illustres genere viri, habitauerunt in vrbe. *Nobilis vir Guilelmus Piolla*, (in tabulis ita legitur) anno septimo & sexagesimo supra millesimum trecentissimum, agebat iudicem Manuafcæ, & eum consequente habitabat in ipsa, vt ferunt plures eorundem annorum chartæ. Quæ Piollarum gens vrbem, & ex eâ Forcalquerium, atque Massiliam habet, suam originem ab illo repetit: & Ioannes, Iosephi apud Forcalquerientes regij Consiliarij filius, post annos ferme trecentos, magnâ suâ laude locum Guilelmi, iudicem agens, nuper impleuit.

pleuit. Scilicet æmulatus exempla Francisci fratris egregij iuuenis, sequitur patrem non iniquis passibus, qui, vt Gallicanæ vim possēos, & cetera taceam ornamenta, consultissimus juris est. Iosephus post vtrumque fratrem est sola ætate. Ingenio, memoriâ, dicendi ad concionem copiâ & vitorâ morum indole præstans sese Deo addixit Theologica Sorbonicorum spatia nunc ingentibus decurrens animis ponit magna pietatis Ecclesiastica rudimenta apud celeberrimos vniuersâ Europâ Sanſulpitanos ascetas. Franciscus (vt hoc addam) nuper duxit Isabellam Scipionis de Gombert filiam, qui nobilissimâ ortus gente dominatur Dromono, Sangenesio, & Sangenesianæ valli.

Quo autem scelere prætermittam Gualquios? Egregia eorum supra quadringentos annos, singulis sæculis, vt in aliis super alias chartis lego, pro vrbe facinora antiquissimæ gentis nobilitatem plurimum augent. Sed hoc maxime Manualcensibus curam faciat, quod vna de indigenis claritatem à maioribus acceptam, ad nostra vsque tempora, perenni velut agmine fluentem, deduxit, etiâque nunc seruat. De ipsâ omnium celeberrimus fuit Petrus. Ab anno millesimo quadringentesimo octogesimo ad octauum sequentis sæculi, per octo & viginti rem patriæ publicam sapientissimè egit, gessitque. Aduersus Iudæos Auenionem iuit ad Legatum Pontificium anno millesimo quadringentesimo nonagesimo quarto, Lugdunum ad Regem millesimo quingentesimo. Per Ioannem patrem, auum Ioannem, Raimundum proauum, id odij in perfidum genus hominum, & amoris in patriam, acceperat ab Isnardo abauo. Ceterum existimo Guilelmum Gasç, qui centesimus sexagesimus quintus, coram Guilelmo juniore Forcalquerij regulo sacramentum dixit de seruanda Hospitali Ierosolymitano Manualca, fuisse Gualquium, & per nominis exitum Prouincialibus familiarem, dictum quoque *Gualqui*, atque hoc nominis accepisse à valle *Gasç*, seu Gasquia, vltra Louberiam vallem & Sanctalbanum montem, ad fines agri Manualcensis, Monfuronium inter ac Petrauiridensem posita, cui dominaretur. Certè Sanmarthani fratres tomo 3. Gallix Christianæ ita loquuntur in Episcopis Nemausensibus: *Ioannes Gasç, aliàs Gasqui, ex Abbate Aniane in Occitania, Ecclesiam Nemausensem suscepit administrandam, anno millesimo trecentesimo sexagesimo sexto, ex tabulis Vaticani.* Neque hic (vt id non prætermittam) è Gualquiis primus gessit episcopatum: *Ioannes Gualqui* fit Massiliensis Episcopus anno millesimo trecentesimo tricesimo quinto, moritur quarto, & quadragesimo. Qui fortia posterorum Guilelmi facinora, per grauissimas cum Hospitalis Ierosolymitani Præceptoribus contentiones, legerit in Consulium diatio, is non mirabitur tardè, ac veluti agrè, venisse ad illud sacramenti. Tardiùs etiam venere, postque ipsum longè, Raimundus ac Guilelmus Rainaudi, Rostagnus Hospitalarius, Guilelmus Gaufridi, illustres genere viri. Guilelmus Gualqui nepos avum æmulatus est. Serò & proximè tamen Petrum Hospitalarium nobilissimum virum, venit in pacta cum Berengario Monachi, Præceptore Ierosolymitano. Cætera clarissimæ gentis ornamenta præmitto. Vnum tamen placet hic addere, quod Carolus Augustus de Sales Episcopus Geneuenſis, & Sancti Francisci de Sales ex fratre nepos scripsit in libro de gente

lua pag. 306. Ludovicus de Sales, frater Francisci aui, duxit Ianipam de Guasquis, filiam Ioannis de Guasquis domini de Matamos, & Anna Ludouice Romx. Ioannem de Guasquis genuerant Petrus de Guasquis & Pernetta de Liuron, ab anno millesimo quingentesimo duodecimo die vicesima Aprilis conjuges: Petrum verò Matheus de Guasquis & Iaquelina des Bois. Dicitur gens Guasquia hæc, originem ex Prouinciâ duxisse.

72 Quo tempore Laduncellij, seu Lincellij, aut (vt vulgò loquimur) Lincellij ad Manualcam accesserint, non inuenio. Ante quingentos circiter annos habebant in agro clientes atque in iis Lambertus Petrum Gaudium opulentum ciuem. Ditione tenebant Landucellum, vnde genti nomen, anno primo & sexagesimo supra millesimum, Romolas, & Fanum Martini Ranacatiensis. Post annos ab illo trecentos, de eâ ipsâ gente Lambertus alter, emit à Beata Delphina Ariani Comite, cum prædiues & illustrissima virgo sua omnia dispergeret in pauperes, Podium Michaëlis, & Hospitaletum, teste Guilermo Henrici ad iudices dicente, qui de ejusdem Dalphinæ sanctitate quærebant. Dominati sunt præterea Toramæ vique, Montretereto, Albenatio, & alijs pluribus per Prouinciâ pagis. Sed vide quis, & quàm clarus fuit suo tempore, Georgius Lincellius: Simianæis, & Flottis non impar habebatur. Denique anno millesimo trecentesimo sexagesimo nono, cum Rodolphus de Lupieri gubernator Delphinatus, & Raimundus de Agouto Senescallus Prouinciæ, in pacis fœdera pro suis regibus conuenissent, conservatores pacis dicti sunt, Guirannus de Simiana, Ofasica Flotte, Georgius de Lincello & Bertrandus de Castello milites. Gaufridus eo ipso genere ortus Vapincensem gerebat episcopatum, anno millesimo ducentesimo octogesimo. Quid taceam Berengarium, Oliuarium, & Ioannem Hospitalarios Equites? Hic anno octogesimo post millesimum quadringentesimum cecidit Turcæ manu, cum fortiter ageret in propugnatione Rhodi. Goussancurius in Sanctissimi Ordinis martyrologio facit Lioncellum gente, non Lincellium; & Delphinatem patriâ, non Prouincialem, manifesto errore. Tessarium antiquissimæ gentis symbolum est argentea transuersâque lanceæ culpis rubra in aræ. Sanmartinensis Lincelliorum familia viget etiam nunc in vrbe, omnibûsque vetustissimæ nobilitatis insignibus floret. Ioseph, amississimus mihi vir, Laurentia matre, auia Castellana, Rascaria proauia genitus eam ducit. Plures in spem illustrissimij generis liberos, ex Magdalena Lumbarda sustulit. Accipe illius seriem per sua capita numeratam ab anno 1150. ad nos vsque.

Stemma Laduncelliorum Sanmartinensium.

I. Lambertus de Laduncello, seu Laincello
 & anno 1150. & 1190.
 II. Gaufridus 1222.
 &
 III. Lambertus II. 1241.
 &
 IV. Lambertus III. 1259.

v.	Tiburgis d'Alamanon. Berengarius 1273.
vi.	Raibauda de Vngula. Berengarius II. 1299.
vii. de Borbone. Lambertus IV. 1318.
viii.	Sibylla de Podio Michaëlis. Gaufredus
ix.	Mabilla de Castellione. Berengarius III.
x.	Berengaria de Venellò. Berengarius IV.
xi.	Sancia d'Albe. Berengarius V.
xii.	Catharina de Barras. Berengarius VI.
xiii.	Constantia d'Alamanon. Claudius
xiv.	Constantia de Laincello. Gaspar
xv.	Catharina de Villanoua. Antonius
xvi.	Catharina de Rascas. Antonius II.
xvii.	Ioanna de Castellana. Hubertus.

XVIII.

Ludouica de Laurens.

Ioseph

Magdalena de Lombard.

- 73 Volandos hoc extremo loco memorare placet. Ij plurimum contulerunt ad erectionem Franciscanorum Obseruantium templi. Sed omnia seu majorum, seu ceterorum gentilium decora virtutis magnitudine superauit puella, æternum nobilissimæ gentis ornamentum. Excidit ipsius nomen omnium temporum memoriâ dignissimum, profectò vt è perituris mortalium voluminibus, transcriberetur ab Angelis in librum cœlestis vitæ. Anno sexto & decimo superioris sæculi Franciscus rex, eo nomine primus,
- 74 Manuascam adiit, & in Antonij Volandi domo hospitatus est, cujus filia nubilus (& præstantis formæ virgo erat, atque supra natiuam speciem vehementer, pro more, ornata) clauēs vrbis, cū eam ingrederetur, obtulerat. Honestissimum puellæ fuerat id officij deferre Principi, illiusque patri supra omnem votorum inuidiam ipsum habere domi suæ. Verū hęc vtraque res castissimam virginem grauissimè afflixit. Cū Manuasca clauēs offerebat Regi, notauit Franciscum oculos in ejus vultum, omnēque corporis habitum, non illubentes deflexisse, & supra ætatem, re tum quidem dissimulatā, indoluit. Vt primū facultas data est, vt se ab omni hominum turba principio, deinde etiam congressu, seductam cubiculo clausit. Et, quid agimus anime, in lacrymas soluta exclamat, quid agimus? Viuimus, an perimus? Vidi Principis oculos in meo vnius vultu hærentes. Abs dubio igitur illi placet. Atque iuuenis ipse est. Sed viuamus, quando ita videtur Deo. Illud potius de facie pereat, quod in virginitatis contumeliam placere potuit viro. Vix dixerat, & quibus potuit sordibus vultum infecit, Cūque per illas forma minor quidem, sed gravior, atque protus illecebrosa pelluceret, sulphur ardentibus imposuit carbonibus, flammantisque turpem fumum tam hausit diu genis, totoque vultu, donec viuudum illud natui coloris, ac splendidum, pallido luteoque mutatum est, atque nonnihil etiam fœditatis infedit faciei. Magnum facinus, & supra puellæ annos, omnium,
- 75 qui Regem secuti Manuasca tum aderant, admirationem meruit: atque ejusmodi profectò est, vt cum omni posterorum memoria cœquari debeat. Francisco etiam Regi, vt accuratus rerum æstimator erat, plus eo puella placuit, quā specie placuerat. Igitur excedens vrbe, noluit indotatam esse. Non pauca, neque maximo Principe indigna, pro ætate ipsius & sanctitate, ad eam misit. Antonius virginis pater duodecimo post anno cū gereret consulatum, mortuus est. Nicolao & Hugueta Amauda natus, genuerat liberos octo, Georgium, Claudium, Gaucherium, Poncetum, Raimundum, Honoratam, Nicolaam, & Catharinam. Gaucherius, & Raimundus, cū in Britanniam iuissent, in eā sedes fixerunt. Et familia quidem à Gaucherio ducta, onnis jam ab aliquo tempore desit; quæ verò à Raimundo prodierat, cū in scēnam vniuersa defecisset, à Marino D. de la Pyaie genitam, ea nupsit Baroni des Arcis Consiliario in Parlamento Redonensi & post liberos duos genitos nuper mortua est. Georgius ex
Clara

Clara Barcelona Albenuatij domina, sustulit Gabrielem, Pontium, & filias 5. Gabriel duxit Lucretiam de Bonne sororem Vicecomitis de Talard, & Comititis d'Auriac, atque Carolum ex eâ progeniuit, qui ex Dianâ de Blacas primâ vxore genuit filias duas; & ex Ioannâ de Matharon D. de Salignac & d'Entrepierres secunda, Carolum & filias duas. Carolus habet in matrimonio Dianam de Seguiran, & ex ipsâ suscepit Iosephum, Antonium, & filiam innominatam. Vt autem Volanda gens, ad hanc vsque feliciter propagata floreat Aquis Sextiis, tamen Manuascæ non viget Manuascensis Volandorum familia post Antonij mortem florere desuit, quasi viribus in puella memorata ad omne officij genus informanda exhaustis, iam vieta deficeret. Desierunt post illam plurimæ quoque gentes, antiquissimâ illâ nobilitate insignes, aut vrbe exceßerunt. Quæ superant & paucae sunt in plebeium ordinem se deiecerunt, agrorum delicias, & ex mercatura opes præ generis claritate habentes. Illarum quidem locum multæ jam implent, Villanouana etiam, quæ supra omnem tabularum memoriam, inter nobilitate vniuersam per Prouinciam principes, & quondam habita est, & nunc habetur. Ex eâ Iosias Tortonæ dominus in Sufannam Safalinam enubens, amplissimam hereditatem Manuascæ adeptus est. Sed non id ego suscepi, vt veluti censum agens, per singulas gentes eam. Antiqua vrbis, non noua, sequi oratione animus est. In patriam tamen certè peccauerim, si Petrum Vallatorum clarissimæ stirpis virum præteream, qui ad illam ipsius ornamenta plurimum aucturus nuperrime venit. Vallatoria gens, ex quo Antonius Vallatorij, Dromoni, Sangenesij, Brianconi, & Autonni dominus Margaritam Villamuriam ante annum millesimum quadringentesimum octogesimum sextum duxit vxorem, Volsio de ipsius dote dominatur. Cum Villamurij, præ eo, & Villamuro, suæ ditionis pagis, Manuascam habuissent, Vallatorij tamen alia omnia hæcenus secuti hælerant Volsij. Sed Petrus Antonij trinepos, cum videret liberos è Gabrielâ Forbinorum Soleria latè inclarescere, tum Manuascæ fixit sedes, augendo scilicet (nam quid aliud animo sequebatur?) illius nomini. Nicolaus Regij in proximo Episcopus est Franciscus Augustus à puero amicus assuetus, adoleuit in exercitu, & nomine de magnis per Germaniam, Catalauniam, Belgium, & Italiam facinoribus collecto, Galliam omnem impleuit: nuper in Papia, & Valentia Insubrum obsidione Legatum Mutinæ Ducis egit. Huic etiam expugnandæ maximum fuit momentum. Non minore vigilantia nunc ei pro rege præest. Palamedes, & Ludouicus inhaerent fratrum vestigijs. Ille pietatis & literarum studiis æmulator Episcopum: ille alam equitum in Italia ducit, Hospitalarius, siue, vt nunc loquimur, Melitenfis Eques. Vnum addere hîc mihi liceat. Anna Petri soror, ingentium & supra fœminam animorum, capacissimæque mentis puella, quæ à primis annis erat S. Bernardi apud Auenionenses alumna, Manuascam ante fratrem accessit, & postquam excitasset, sanctisque legibus ac moribus constitutum parthenonem diutissimè rexisset, à duobus annis extremum diem obiit, magno cum pietatis sensu, vt referam libro tertio.

MANVASCÆ

LIBER SECVNDVS.

- 1 **M**ANVASCÆ nobilis & peramcena portio Comitatus, quem principio Sistaricum, postea cū Ebredunenses & Vapincenses Sistaricensibus addidisset, atque per Aptenses vsque ad Rhodanum peruenisset, Forcalqueriensem dixerunt, anno nono & quadagesimo supra millesimum centesimum, attributa est Hospitali Ierosolymitano à Guigone dynasta. Hic Guilelmo Regulo, & Garlende genitus, Bertrandum fratrem habebat natu maiorem, & paterni scilicet principatus heredem Manuascæ ipse, Pertusio, aliaque non multà ditione, donatus est à parentibus, honestūque Cominis nomen pro illorum temporum consuetudine, quæ nunc etiam viget in Germania, ab iisdem in omnes
- 2 liberos deriuatum, tulit. Magna pietas adegit optimum principem ad id muneris in Hospitalarios conferendum. *Temporalibus, inquit, æterna, transitoris permanentia cupiens comparare, pro salute anime mee, & parentum meorum dono Deo, & Hospitali Ierosolymitano, & pauperibus in perpetuum Manuascam.* Fecit etiam ea ipsa, vt majus aliquid susciperet: *Et meipsum pergit, eidem Hospitali, & pauperibus in perpetuum ad seruendum contrado.* An Hospitalariorum Ordinem vouet? An Hospitali Ierosolymitano se donat, pro præcellentium illis temporibus pietate virorum, è qua, cū in ignobilia capita emanasset, profluxit denique *donatorum*, vt loquuntur, genus, vt dicam libro 3. num. 40. & 41. Quoniam Manuascæ Hospitalariis concessio, est in omnem partem illustis, atque per annos quinquaginta, & quod excurrit, damnata fuit à Comitibus Forcalquerij, & cū à Guilelmo juniore firmitatem suam aliquando habuisset, postea tamen & à Prouincia Regulis agitata fuit, & magnas iis ipsis Hospitalariis cum Manuascæ ciuibus contentiones peperit, locus omnino postulat, vt Guigonis tabulas referam. Sic habent.
- 3 *Cū præcipua philosophia Christianorum sit cogitatio mortis, prudentium est diem mortis præuenire, & sic super suis bonis dissonere, vt possint de immortalitate sperare. Idcirco ego in Dei nomine Guigo Forcalqueriensis Comes, temporalibus æterna, transitoris permanentia cupiens comparare, pro salute anime mee, & parentum meorum, dono Deo, & Hospitali Ierosolymitano, & pauperibus in perpetuum Manuascam, Burgum, & Castellum, & Totas auras, cum toto territorio, & omnibus ad Manuascam pertinentibus. Hoc est vsque ad territorium Sanctæ Tullie, & vsque ad territorium Petrauridis, & vsque ad territorium Monu furonis, & vsque ad territorium Sancti Marini, & vsque ad territorium Dalphini, & vsque ad territorium de Vols, & vsque ad flumen,*
- 4 *quod vocatur Durentia. Et meipsum eidem Hospitali, & pauperibus in perpetuum ad seruendum contrado. Reliqua bona mea, vbicunque sint, filiis fratris mei relinquo, & eos per suam fidem rogo, vt hanc donationem, hoc salubre reliquum, quod pro redemptione anime mee in pauperes confero, firmum illibatumque conferuent. Quod si violare præsumperint, eis omnia que reliqui aufero, & Guiranno & Bertrando Rainibaldi omnia bona mea relinquo, & eos per suam fidem rogo, vt*
- quod*

quod reliqui Hospitali, & pauperibus, firmum manere faciant; & tam ipsi, quam hæredes eorum perpetuo defendant. Sciendum tamen est, quod in iis omnibus, quæ filius fratris mei relinquo, matrem meam dum vixerit usum fructum habere volo. Præterea matri meæ jure proprietatis relinquo, quod ejus industria castro, quod vocatur Pertuis, accrevit. Facta est hæc dispositio anno ab incarnato Domino 1149. 5
 tertio Calendæ Iulij, Luna 21, regnante Imperatore Conrado, in præsentia domini Petri Sistaricensis Episcopi, auctoritate cuius & testimonio confirmatur. Præterea isti homines testes existunt, Garfendus Comitissa mater ipsius Comitis, Bertrandus Raymbaldi, Hugo Bosé, Aicardus de Saignone, Isnardus de Mota, Faraldus Fairol, UV. de Bellemonte, UV. Raimundi de Caderachia, UV. Cornutus, & UV. Cornutus filius ejus, Bermundus Leotaudus, & UV. Bermundus filius ejus, Raimundus de Bonauilla, Bertrandus Nigrellus, UV. Nigrellus, Petrus Adam, Hugo de Ausonigaz, UV. de Clumans, UV. Ramoardus, Aicardus de Manuasca, Raimundus de S. Martino, Raimundus Rostanus, Aicardus de Roca.

S. Petri Sistaricensis Episcopi.

Guigone mortuo, Hospitalarij adeunt Manuascæ dynastiam infelicibus 6
 initiis. Bertrandi fratris filios scripserat hæredes: & is Manuascam, abactis Hospitalariis, inter filios cum moreretur diuidendam sibi accepit, ex incerto mihi jure: nisi quod ipsius, Bertrando mortuo, in filios tres diuisio suadet à Guilelmi aut testamento repetitum, qui donata Guïdoni filio secundogenito, si absque liberis moreretur, voluerit in primogeniti filios diuidi. Hæreditarium certe appellauit eorum vnus, vt suo loco referam. Quodcumque fuerit, probauit ipsorum pater. Viuebat scilicet, cum Guigo frater testamentum scripsit. Anno enim sequente, qui erat quinquagesimus sæculi, lauseranda conjux genuit Guilelmum juniorem filiorum tertium ex tabulis anno septimo supra millesimum ducentesium exaratis, in quibus hic asserit se annorum quadraginta factum esse primo & nonagesimo post millesimum centesimum Nouembri mense. Probauit Garfendus auia, à patre & liberorum & Comitatus administrationi postea testamento admota. Hæc quidem subscripserat Manuascæ Hospitalariis donationi, atque, vt fit, non inuita: sed optimam principem jura nepotum edocuit Bertrandus filius. Putabam ego probatum quoque Guiranno & Bertrando Raimbaldi; qui dejectis Manuascæ ditione Hospitalariis, se non gesserunt pro Guigonis hæredibus. Certè ij tum erant & gentis claritate, & opum vi, & clientum multitudinie, vt Guigonis fratri, Hospitalarios Manuascæ dynastia prohibenti, obistere omnino possent. In conuentionibus Abbatibus Montis majoris cum Baucis principibus ita legitur: *Guirannus de Simianaz, & frater ejus Bertrannus Raimbaldi.* Hinc intelligis & fratres, & gente Simianzos fuisse. Imperitabat hæc illis temporibus Aptæ Julix, Casanoux, Saignono, Auribello, & aliis supra sex & quadraginta castris, pagisve. Suberat quidem regulo Forcalquerij, vt intelligere est ex tabulis, quibus anno millesimo ducentesimo quinquagesimo tertio judices à Beatrice, Guilelmi junioris ex filia pronepte, & Caroli Ducis Andegauensis vxore, dati, damnaverunt iniquorum per Comitatum Forcalqueriensem portiorum, & alios nobilissimos viros, & Bertrandi Raimbaldi filium, Rosciamque matrem, ac Guideri de Simiana filios. Sed plurima tamen supremi principis habebat: vocabat sub signa equites, bella suis gerebat auspiciis, monetam suo nomine

nomine inscribemat. Quid verò non tentasset aduersus Forcalquerij Comitum, si iure agere posse cogitasset, quæ pro Stephanetta Baucia aduersus Prouinciæ Regulum contendere atque non dubitauerat? Sed etiam ipsa profectò exilimauit Bertrandum iure facere, qui Guigonis fratris hereditatem sibi sumeret in filios diuidendam. Hospitalarij Manualscæ dynastiâ dejecti, sese in suâ per Principis testamentum iura connituntur restituere, & omnibus prædiis, quæ ante Guigonis mortem possidebant, à fratre regulo depelluntur. Quid enim viri potentiâ præcellentes non audent, perficiuntve? Igitur cum neque vi rem agere valerent, & juri alius non videretur locus, confugiunt ad Eugenium Pontificem eo nomine tertium. Quid Romæ actum sit non lego. Guilelmus de Beneuento Archiepiscopus Ebredunensis rem composuit. Legatus erat Pontificis. Igitur capita in quæ ipso agente cum tergeminis, post mortem Bertrandi patris, fratribus conuenerant, ad eum scripsit in hæc verba.

- 8 *Talem inter eos transactionem, vtriusque partis consensu, dictauimus, ut Hospitalarij iure perpetuo haberent, & quietè possiderent, quidquid ibi idest Manualscæ, ut intelligitur ex orationis serie & ex repetitione hujus particule in consequentibus, nec Comes quidquam ab Hospitalariis ibi haberet, nec Hospitalarij Comite. Igitur mirati satis non possum, quod Boucheus in historia Prouinciæ tom. 2. velit ibi esse hic idem atque in comitatu. Habebant Manualscæ antequam Guigo Comes hanc donationem eis fecisset. Cetera verò, videlicet castrum cum aliis possessionibus ad illud pertinentibus, & castrum quod dicitur Totas auras, cum territorio suo, equaliter inter se diuiderent; ut medietatem Hospitalarij pleno iure haberent, & liberè possiderent; & aliam medietatem haberet & possideret Comes eodem modo: ita quod nec Comes cum fratribus, & auia, quidquam penitus ab Hospitalariis ibi haberent, nec Hospitalarij à Comite, vel ejus fratribus. Præterea in transactione expressè fuit comprehensum, ut non liceret Comiti, nec alicui de parte ejus, nec Hospitalariis, nec alicui de parte eorum, in castro quod dicitur Manualscæ, turrem, vel aliquam munitionem ad instar turris edificare. Si verò Comes, & fratres ejus, & soror decederent sine legitimis liberis, pars illorum, quæ ex transactione ita eis obuenerat, Hospitalariis libera ex pleno iure cederet. Vnde in signum & in argumentum hujus rei, Comes & fratres ejus singulis annis consuetam libram incensi in festiuitate Pentecostes Hospitalariis soluere.*

- 9 *Hactenus Eugenio Guilelmus. Raimundus Hospitaliorum Magister, fecit ut Pontifex probaret, quæ Legatus constituerat; & anathemate damnaret, qui illa violarent. Sed longè alia Forcalquerij gerebantur. Guilelmus de Beneuento non egerat cum ipsis Principibus. Fratrum vltimus erat in cunis, vnus anni, aut paucorum mensium infantulus; secundus & tertius non multùm majores quarto, ad pueritiam nondum peruenerant: primus, à Garfende auia, puer, cum principatu regebatur. Quod cum hæc, nepotum nomine, egerat, principes ætate majores non probauerunt, ipsam etiam, mutato jam consilio, non repugnante, & Manualscam suâ quisque parte sibi perrexerunt habere. Neque Hospitalarij vehementer obstiterunt, suis ante Guigonis mortem prædiis restituti: omnino etiam, ad speciem certè, probasse videntur & aliàs, & anno sexto supra millesimum ducentesimum. Eo Guilelmus junior fratrum tertius, & Comitum vltimus ipsis Manualscam omnem donat, & profectò suam; nam quid aliena concederet? scilicet Ber-*

gum Castrum, & Totas auras cum omnibus pertinentiis. Fulco Ægidius Prior, Hospitalis Ierosolymitani nomine, pium munus, & alienam igitur rem, admittit. adstantibus volentibusq; Præceptoribus ex eodem Ordine tribus, grauissimis viris, Bertrando de Oliuello Raimundo de Ludiuizonio, Petrillono. 10
Sed vt de Manualæ ditione hæreditaria taceam, quando Folcalquerionfes Principes iam ætate firmata (& tres, alijs ab alio sine liberis mortuo, regnauerunt) subterficerent ceteris conuentionum capitibus, quæ Guilelmus de Be-neuento tulerat? Potueruntne aliquando patienter audire Hospitalariis ita concessam medietatem Manualæ, vt ibi nihil habeant à Comite; sibi que in altera prohibitum, *turrem vel aliquam munitionem ad instar turris edificare?* potueruntne probare, *sibi mandatum soluere singulis annis libram incensi, in festiuitate Pentecostes Hospitalariis?* Profecto illis qui deicitur, aut prohibetur, abdicatur summo principatu Manualæ: hoc qui facit, partem summi sui principatus subiicit Hospitalariis. Guilelmus itaque iunior, vt Guigōnis patris donationem, ad Legati Pontificij articulos exactam, fratribus mortuis aliquando, sicuti postea referam, probauerit, turritum tamen, solâque & lorica munitum palatium, quod nunc etiam stat, extruxit Manualæ. Non dubitauerime ego Archiepiscopi Ebredunensis arbitrium, quod improbatur ipso vsu, quod ab iis quorum in vsu datum fuerat negligebatur, demum à Pontifice quoque ad regulorum præces abrogatum fuisse. Hospitalarij eo gradu deiectioni, non cadunt tamen animis. Quam sibi ex Guigōnis testamento debitam arbitrabantur, de Manualca per illorum ipsorum Principum aliquem vnum habenda, quando aliud non occurrebat, cogitant. Neque nulla spes erat, futurum vt quatuor certè post primum vnus patrum æmularetur pietate. Et tenera ætas, & armorum tyrocinium, poterant illa seu indole, seu fortunâ puerulos admouere & nobilibus, 11
& sacris Equitibus. Quid cum Guilelmo fratrum primo, & post Bertrandum patrem Regulo, egerint, non inuenio. Bertrandus fratrum secundus, eo mortuo Comes, ad ipsos vehementer adiecit animum, maximè cum florens ætate, armisque aptus, Ierosolimitani in Saracenos belli consilia mente volueret. Non pauci de Gallia principes viri, id non sine laude tum gerebant. Isoardus Diensis in proximo Comes, cum Godefrido Bullionio profectus in Syriam, magnum ab arte militari nomen sibi collegerat, vt Guilelmus Tyrius tradit libro primo. Comes Ægidianus, totum Orientem ante paucos annos impleuerat clarissimæ famæ gloria, ex rebus illustrissimè gestis ducta. Horum, & aliorum procerum virtus iuuenile pectus incendebat & laudis, & pietatis amore. Neque parum vrgebat animum, tot principum virorum exemplis incitatum, quæ ad Hospitalarios frequentibus nuntiis deferebantur ex Oriente. Quos armorum socios habiturus sibi videbatur, eos sub ipsam expeditionem sibi prorsus deuincire constituit. Scilicet plurimum iam poterant armorum à triginta annis professione suscepta Suam Manualæ partem ipsis elargitur. Tabulæ à Ierosolymam perfecturo scriptæ sic habent.

Notum sit cunctis tam presentibus, quam futuris, quod ego Bertrandus Comes, amore & salute animæ meæ, necnon parentum meorum, bono animo, & sincera voluntate, in bona mente, & corporis valetudine, dono, & irrevocabiliter concedo, & relinquo, omni dolo, omni que humana machinatione postpositâ, Domino Deo, &

Sancto Hospitali Ierosolymitano, & pauperibus ibidem degentibus, presentibus scilicet, & futuris, ut melius sine enganno dici, vel cogitari potest, totum hoc quod hereditario iure habeo & possideo, vel habere & possidere debeo in castro de Manuafca, & Totis auris, & in toto eorumdem territorio, & suis dependentiis, terris videlicet & aquis, ingressibus & egressibus, cum fratribus Hospitalis presentes & futuri, absque alicuius requisitione, calumnia, molestia, & quiete in perpetuum habeant & possideant. Hanc siquidem donationem facio, & offero super altare S. Petri, in ecclesia domus Hospitalis de Manuafca, in presentia domini Petri Sistaricensis Episcopi, & VV. Prioris Hospitalis S. Egidij, in cuius manu hoc donum facio,

13 *& fratris Rainaudi S. Michaelis. Et iterum factum recognosco in prefata ecclesia, & cimiterio, in presentia domini Hugonis Aquensis Archiepiscopi, & domini Petri Aptensis Episcopi. Et ego predictus VV. Prior tibi prefato Bertrando Comiti, si forte, quod Deus concedat, ab Ierosolymis reuerteris, cum consilio fratrum nostrorum, iam dictam hereditatem commendamus, ut quamdiu vixeris eiusdem fructus ad utilitatem Hospitalis habeas & possideas: te vero defuncto tota & integra predicto tenore Hospitali reuertatur. Testes huius donationis sunt Raimundus de Medullione, VV. de Sefinana, frater Stephanus Capellanus, VV. Baiuli, Petrus de Rognonatio, Petrus de Drasorte, VV. de Crato. Factum est hoc anno ab incarnato Domino millesimo centesimo sexagesimo octauo, regnante Friderico Teutonicorum Imperatore.*

14 *Hæc Bertrandus, Quæ ut pro Hospitalariis scripserit bonus & pius, vide tamen ut se castri Manuafca, & Totarum aurarum dynastam hereditario iure dicat, ut Guigonis patris donationem taceat, ut nihil Manuafca ditionis ad Hospitali Ierosolymitanum pertinere memoret, Vvilelmi Antistitis Eredunenſis conuentiones, hereditario à maioribus ſui iuri contrarias, dedignatus. Has ipſas etiam damnare videntur Hospitalarij, & fateri ſe nihil Manuafca caſtrorum habere, cum ab illo accipiunt, poſt ipſius mortem poſſidenda. Sed regulum, arma pro Chriſto in Iudæa cum Saracenis cogitantem, grauis morbus exceperit, quem mors ſecuta ingentes animos, grandiaque vota, intercluſit in ipſo profectionis articulo. Hic quo eſſet in Hoſpitalarios animo aperit. Non ſuam Manuafca partem, ſed plurima etiam alia caſtra ipſis moriturus donat. Accipe teſtamentum reguli viros vehementer amantiſ.*

15 *In nomine Sanctæ & indiuiduæ Trinitatis. Anno ab incarnatione Domini millesimo centesimo sexagesimo octauo, regnante Friderico Teutonicorum Imperatore, ego in Dei nomine Bertrandus Comes Forcalqueriensis, pro redemptione anime meæ, & parentum meorum, irrenocabiliter dono, atque concedo Deo, pauperibus Ierosolymitani Xenodochij, & tibi Gaufrido de Bresil Priori domus Hospitalis S. Egidij, & per te Hospitalarijs, tam presentibus, quam futuris in perpetuum, quidquid ego habeo, vel habere debeo in castro de Manuafca, & in castro de Totis auris, & in eorum territoriis siue pertinentiis, & quidquid iuris habeo in castro Garenbois, & in castro de Limasia, & in territoriis eorum siue pertinentiis, & in terris cultis vel incultis, nemoribus, pratis, pascuis, aquis, aquarumque decursibus, ingressibus, & egressibus. Preterea causâ mortis meæ dono tibi Gaufrido predicto Priori,*

16 *per te fratribus Ierosolymitani xenodochij, presentibus & futuris, castrum de Bellomonte, & castrum de Rota-cuberia, & castrum de S. Tullia, & duo castra qua nominantur de Petraniridi, & castrum de S. Maximo, & castrum de Da-*

phino, & castrum de la Rocha, & castrum de Volsò, & castrum de Monteacuto, cum territoriis & omnibus pertinentiis eorum: Tali siquidem pacto, ut præscriptam donationem nullo casu reuocare valeam, nisi liberos qui mihi succedant de legitimo matrimonio accepero. De reliquo Comitatu meo sic ultimam meam voluntatem dispono, ut frater meus Guilelmus Comes mihi heres existat in reliquo. Tali tamen lege, ut liberalitatem quam in domum Hospitalis contuli, perpetuò ratam & firmam habeat & ab omni interpellatione & inquietudine defendat & protegat, & partem suam, quam in prædictis castris habet, & in eorum territoriis Hospitali domini donet, & liberè habendam & possidendam in perpetuum concedat. Si verò voluntatem meam infregerit, omnia quæ iure institutionis sibi reliqui aufero, & totum quod habeo à Sistarico versus Alpes, relinquo Raimundo Comiti Tolosano: quod autem habeo à Sistarico vsque ad Rhodanum, consanguineis meis VVilmo de Sabrano & Guiranno de Simiana, & fratri eius, & liberis Bertrandi Raimbaldi: & consanguineo meo Raimundo de Medullione relinquo Sistaricum & vallem de Noguerris, & vallem S. Vincentij. Sorori autem meæ Adelais relinquo castrum S. Martini de Brasca, & castrum de la Mota, & castrum de Cucurone. Tali quidem pacto fratri meo, si voluntatem meam infregerit aufero, & istis relinquo, ut per omnia liberalitatem meam, quam in domum Hospitalis contuli impleant, ab omni inquietudine perpetuò defendant. Volo autem & iubeo, ut quicunque mihi hæres extiterint, pecuniam totam, quam mihi Hospitalarij crediderunt, & expensas, quas mandato meo fecerunt, integerrimè persoluant. 17

Factum est hoc in villa S. Egidij, in domo Hospitali, iuxta ecclesiam beati Ioannis Baptiste, rogatis testibus VV. de Fontiana, Raimundo Girino, Bertrando de S. Maximo, Bernardo de Panargio, Bertraudo Bedocio, Raimundo fratre eius, Martinto Remigio, Ildino de Castello, & Hospitalariis VVilmo bainlo, Ioanne Raimaldo de Saluiniano, Bernardo de Nemauso, Raimundo de S. Michæle, Pontio Pistore, Petro de Podio, Lantemo capellano, Raimundo de Montilio, Raibaldo de Montaforte, fratre Rogerio Ricardo capellano, fratre Villano Bertrando armigero, Vinano armigero, Rodulpho causidico, Villano Iacobo clerico Prioris qui hæc scripsit. Ego iam dictus Bertrandus Comes supra scriptam donationem secundum conditiones præactas, me perpetuò firmam habiturum, sub presentia testium supra scriptorum, tactis sacrosanctis euangelis iuro, & sigilli mei impressione presentem paginam confirmo. Ad hoc dominum Aquensem Archiepiscopum precor, & Ebredunensem Archiepiscopum, & Episcopum Vapincensem & Sistaricensem Episcopum, & Aptensem Episcopum, ut amore Dei, & animarum suarum salute, hanc meæ elemosynæ stabilitatem ecclesiasticâ censurâ Hospitali tueantur, & si ab Hospitalariis requisiri fuerint, sigillis suis præsens scriptum corroborent. 18

Quis Guilelmus Comes, Bertrandi frater, & ex testamento hæres fuerit, dubitatum inuenio. Est, qui cum careret liberis masculis, Garfendem filiam vnicam Raini Sabronorum Castellario dedit in matrimonium: diem extremum obiit anno millesimo ducentesimo octauo. Atque falluntur, qui eundem faciunt cum illo, qui superioris sæculi quarto & quinquagesimo castrum Leporianum tradidit Templariis, atque nono post villam de Horreis, & alia Archiepiscopo Ebredunensi. Is enim Bertrandi & Iaußerandæ regulorum primus filius, patri successit in Comitatu, & apud Guilelmum de Beneuento, Legatum Pontificium egisse cum fratribus, omnino iunioribus, 19

- bus. legitur, scilicet per fidum Garfendi auix tutrici ministrum, de Manuascæ, atque Bertrandum fratrem moriens reliquit heredem, è quo alter Guilelmus, quem soleo dicere juniorem, fratrum tertius, annôque quinquagesimo illius sæculi natus, vt annotabam n.6. Comitatum ex testamento nunc recitato heres accepit. Hic sub ipsa principatus initia, Hospitalarios non tantum omni Manuascæ dominatione prohibuit, hæreditario, vt ante ipsum fratres, jure subnixus, sed variis etiam grauibusque damnis immerentes affecit, vt ipsemet fatetur in tabulis anno octogesimo scriptis. *Multa & varia damna*, inquit, *venerabili & sanctæ domui pauperum Hospitalis Ierosolymitani, peccatis exigentibus, irrogavi.* Et postea: *grauissima damna, & injurias domui Hospitalis, in castro de Manuascæ, & alijs pluribus locis mei Comitatus me confiteor & recognosco irrogasse.* Quæ ea damna fuerint non adjungit, & in alijs tabulis non lego: neque igitur possum recensere. Abs dubio Hospitalarij, & Manuascæ castri, ac Totarum auratum, atque aliorum castrorum ex Bernardi testamento hæredes se ferebant, & Guilelmum vehementer aduerfantem senserunt, illis etiam depulsi prædijs, quæ Manuascæ ad S. Petri, & in alijs Comitatus Forcalqueriensis partibus, quierè hæctenus possederant. Annos supra decem iræ durauit regulo: demum fractus Henrici Albanensis Episcopi precibus, descendit ad leniora consilia, & Hospitalarij jam bonus, & alia, & Manuascam, pro Guigonis patri testamento, re tamen ad conventiones cum Guilelmo fratrum primo per Archiepiscopum Ebredunensem quondam inductas expensâ, concessit Aquis Sextiis. *Donationem, quam in testamento patruus meus Guigo de castro Manuascæ, & ejusdem Burgo, & castro de Totis auris, eorumque territorijs, adjacentijs, & pertinentijs fecit secundum quod in instrumento autentico compositionis UV. de Benevento, quondam Ebredunensis Archiepiscopi, Apostolica Sedis legati, continetur, &c. concedo, laudo, & confirmo.*
- 2 1 Henricus à Pontifice Legatum in partibus Prouinciarum, vt adjungit Guilelmus, agebat. Hoc placuit aduertere, vt intelligas non vnâ illis temporibus Prouinciam, sed multiplicem fuisse; & præter Prouinciæ Comitatum, Druentiâ, Rhodano, Alpibus, Marique mediterraneo comprehensæ à Fridrico Imperatore, cum eam dabat in feudum Raimundo Berengario, alias fuisse Prouincias. Ex eo duas lego, quo Boso secundus vniuersam in Guilelmum & Rothboldum filios partitus, alterâ quæ Prouinciæ nomen seruabat primo filiorum datâ, alteram nomine Comitatus Forcalqueriensis appellatam concessit secundo. Ista diuisione factâ Rudolphus Alemannorum rex, dicitur in pluribus chartis Prouinciarum quoque rex. Tertiâ Prouinciam inuenit Gilbertus post annos centum & quinquaginta, cum id omne quod à Druentia ad Isaram vsque regulo Forcalqueriensi non suberat, donauit Faide filix Alphonso Comiti Tolosano nuptæ, quem autor vitæ S. Petri Tarentasiensis Episcopi docet dominatum Gratianopolitanæ regioni. Tertiâ hanc trans Druentiam Marchionatum fere vocabant. Lego tamen Comitis Prouinciæ nomen, non rarè attributum Comiti Forcalqueriensi: scilicet ab illo trahebat hic originem, & Bertrandus Guigôque fratres, ab Adelaide matre jus nescio quod in Prouinciæ Comitatum repetebant. Sed vt ad Guilelmum juniorem reuertar, is cum Manuascam omnem ex Guigonis patris testamento, ad capita conventionum per Archiepiscopum Ebredunensem latarum exacto, tradidit Hospitalarijs, non tamen dum viueret habendam concessit:

concessit: seruauit omnem sibi per vitam, vt intelligitur & ex aliis chartis, ex ea quâ rursus vniuersam largitus est anno millesimo ducentesimo sexto, cum propriam quoque domum, scilicet palatium de Manuasca, quod folsâ, loricâ, multâque turri munitum, sibi regiâ magnificentiâ exâdificauerat, addidit muneri, appendicem splendidam. Quam donationem, vt omnino certa esset, nulloque ex capite vllis vnquam temporibus vacillaret, altero post anno non sine sacramento repetiit, & Manualcenses omnium ordinum ciues ad Hospitalarium, ipso mortuo, clientelam adegit. Quia res & illustris exempli est, & Manualcam sanctissimo fortissimorum Equitum Ordini vniuersam aliquando asseruit, neque nihil facit ad cognitionem gentium, quæ tum amœnam per plures pagos, castrâque, & burga vallem habebant, non fortassis nullum operæ fuerit pretium tabulas, quibus omnis continetur, exscribere.

In apicibus literarum memoria commendatur, ne res gesta obliuioni tradatur. 23
Presentibus igitur & futuris hoc presenti scripto cunctis notificetur, quod anno Dominicæ incarnationis millesimo ducentesimo octauo, indictione vndecima, pridie nonas Februarij, dominus Comes Uilhelmus filius domini Comitû Bertrandi, & domina Comitissa lausseranda, in palatio suo Manuasca, in camera subius capellam, in suo scilicet sedens lecto ante fornellum, nobiles viros suos, castellanos scilicet, & milites, ac filios militum terre sue, burgeneses & procures, totumque populum suum de Manuasca, tam diuites, quàm pauperes, tam iuuenes quàm senes, nomina quorum omnium inferius scripta sunt, cum pietatis affectu, atque pia cum diligentia, cum religiosa mente, ad se in conspectu suo venire iussit, atque curauit. Quibus omnibus in conspectu suo assistentibus confessus fuit, & recognouit donationem auunculi sui Guigonis, & eam specialiter confirmauit, & proprium corpus suum sepultura destinando, & destinationem seu votum suum sacramento confirmando, dono in domum Hospitalis, donatione inter viuos, contulit in hunc modum.

Ego Uilhelmus Dei gratia Comes Forcalquerij, filius domini Bertrandi, & D. 24
Comitissa lausseranda, & pietatis intuitu, & in redemptione peccatorum meorum, & parentum meorum, & in compensatione damni domui, & fratribus Hospitalis, à me illati, dono, & jure perpetuo donationis inter viuos tam in perpetuum, sine omni retinemento Domino Deo & fratribus Hospitalis Ierosolymitani presentibus & futuris, necnon tibi Petro de Falcone ejusdem Hospitalis Priori, propriam domum meam, scilicet palatium de Manuasca, cum omnibus pertinentiis suis, quod meis sumptibus edificauit. Et præterea quidquid quocunque jure ad me pertinet, vel quocunque modo pertinuit in Burgo, & Castro de Manuasca, & eorum pertinentiis, & in Totas auras, intus, & extrâ, cum terris cultis & incultis, pratis, nemoribus, aquis, aquarumque decursibus, & cum hominibus & feminabus, & cum iustitiis, firmantiis, & jurisdictione, & explechiis, sicut melius generaliter, & specialiter posset nominari, sicut ego vel aliquis de genere meo, per alium vnquam melius vel plenius habuimus vel possedimus vel habere & possidere iussimus, vbicunque in omnibus superscriptis territorijs, seu quolibet eorum, hoc est vsque ad territorium Petra viridis, & vsque ad territorium Montisfuroris, & vsque ad territorium S. Martini, & vsque ad territorium Dalphini, & vsque ad territorium de Vols, & vsque ad flumen Durentia, que vtique omnia in eadem donatione in formam superscriptam concludo. Et profiteor in veri- 25

- tate & recognosco, me eamdem dudum domui Hospitalis & fratribus celebrasse donationem, & à tempore predicta donationis, omnia predicta pro domo Hospitalis & fratribus possedisse, & modo in presenti totum predictum palatium, & Burgum, & Castrum de Manuasca, & Totas auras, & si quid meo nomine in predictis locis, vel infra predicta loca possideo, nomine domus Hospitalis, & fratrum ibidem Deo seruientium, presentium, & futurorum, me constituo possidere tantumdem vixaro; & exinde fratres Hospitalis sui autoritate, nullius requisito consilio, nec alicuius expectata voluntate, omnium predictorum possessionem absque contradictione valeant occupare, ut propriam habere, ad omnes voluntates suas inde plenarie faciendas. Præterea corpus meum uiuens & offerens pro sepultura in cæmeterio domus Hospitalis, profiteor, & in veritate recognosco Guigonem auunculum meum bonæ memoriæ, predictorum locorum omnium domui Hospitalis, & fratribus, presentibus videlicet & futuris, fecisse donationem, quam specialiter bona fide, & sine omni dolo laudo, & in perpetuum confirmo. Omnia itaque & singula, sicut superius scripta sunt, me perpetuo bona fide seruaturum per me successoresque meos; nec aliquo iure scripto, vel non scripto, vel ratione contrauenturum, per stipulationem promitto, & meos inde deuotio, & domum siue domos Hospitalis, & fratres, presentes scilicet & futuros, inde inuasio. Et ut predicta donatio, & omnia superscripta, post obitum meum, maiori & perpetua gaudeant firmitate, barones, & procures meos, & homines de Manuasca, quorum nomina infra scripta sunt, per sacramentum fidelitatis & hominū, quo mihi tenentur adstricti, commoneo, eosque de nouo iurare precipio, ut predictam donationem deuote factam pro posse suo seruent, & seruari procurent. Et si quis in posterum, contra dictam munificentiam, aliquando venire tentaret, contra illum, vel illos, pro posse suo domui Hospitalis auxilium, & consilium impendatur, & ab omni violentia defendatur; ac ipsis Hospitalariis homines de Manuasca, in omnibus, & per omnia tanquam veris dominis, obediētes existant, & de predictis (si necessitas exigeret, testimonium ferant donationi specialiter addico, scilicet ut iure præfato donationis habeant in perpetuum, omnes hereditates seu possessiones, vel honores, qui fuerint militum vel hominum de Manuasca, quas pro malitia, seu perfidia, vel proditione, quam contra me commiserunt, iure confiscationis occupaui, ita ut nullus eorum aliquo tempore suas valeat possessiones recuperare, nisi ad recognitionem domini Prioris pro tempore in Prioratu Hospitalis residentis, à crimine tante perfidia sese purgauerint. Ad maiorem vero superscriptorum omnium firmitatem atque cautelam, hanc cartam publicari volo Domino Pape, & Domino Imperatori, & in eorum notitiam quidquid in ea continetur deduci, & ad perpetuam rei memoriam, & indubitabilem fidem, eorum sigillis presentem paginam precor communiri. Ad hæc nos barones, & procures, & homines infra scripti, pie Domini Comititis donationi gratum præbentes assensum, bona fide promittimus, & tactis sacrosanctis euangelis iuramus, quod omnia predicta, & singula, pro posse nostro damui, & fratribus Hospitalis, presentibus & futuris, defendemus, & contra omnes homines ad tuitionem predicta donationis, auxilium, & consilium ipsi præstabimus. Et nos homines de Manuasca ipsis post obitum Domini Comititis tanquam dominis obediēmus. Illi itaque qui iurauere sunt hi.
- 29 VV. de Sabrano. Raibaudus Osasica, & Raimundus frater eius. Bertrandus Villamuro. Guigo Rozo. Isnardus de Dalsino. Bertrandus de S. Maximo, & Laugerius frater eius. Petrus Ferulfus. Durandus Basili. Tibanus Guigo. Barba Toffe.

Hugo de Manuasca. Arbretus Maj. Guilelmus de Cucurono. Guibertus de Railana,
 & Lambertus frater eius. Hugo de monte Iustino. Petrus Nigrellus. Bertrandus Sa-
 uini, & Laugerius frater eius. Guilelmus Cornuti. Guilelmus de Forcalquierio.
 Raimundus Riperti. Rostagnus Rose. Guilelmus de Villamuro. Guilelmus Petri de
 Manuasca. Bonus Tes. Bertrandus Felici. Guilelmus Vetula. Bertrandus de Sauone.
 Guilelmus Garini. P. Petri. Guilelmus Rainaudi. Isnardus Rainaudi. Petrus Ro-
 stagni. Giraudus Ebrardi. Guilelmus Simon. Bernardus Meuli. Petrus Nigri.
 Guilelmus de Taradello. Stephanus Morderij. Guilelmus de Croso. Paran. Pontius
 Rainaudi. Petrus Gaudi. Ioannes Capuci. Mathaus. Petrus Bona filius eius. Petrus
 Bone. Rainaudus de Bariolo. Rostagnus S. Petri. Bernardus Casari Boiardi.
 Guilelmus No..... Guilelmus Macellarius. Guirinus. Petrus Racemi. Bernardinus
 Odo. Guilel. Moëgg. Petrus Coferius. VV. Migro. Isnardus Ensendius. Petrus Blanc.
 Buerius Ruffus. Nendis Corderon. Raimundus Sestaronus. Guilelmus Bergopnoni.
 Guilelmus Faber. Bernardus Petrus Niger. Trotinus. Ioannes Boneme. Ber-
 trandus Furni. Giraudus Mantelli. Iacobus Malpel. Petrus Rireme. G. Martini.
 Bertrandus de Arelate. Guilelmus Nicolani. Redon. Giraudus Buerius. Bertran-
 dus Macellarius. Guigo Arguerius. Guilelmus Aurici. Petrus Gallina. Petrus Ra-
 deyrus. Fulquerius. Petrus Andreas. Guilelmus Benedictus. Guilelmus Marelli.
 Arnandus Aygrene. Ioannes Descalane. Petrus Rasacijs. Albertus de Villamuro.
 Adam. Guilelmus Ioannis. Guilelmus Vincentij. Tedanus. Guilelmus de Lemio.
 Iacobus de Primerijs. Guilelmus Feutrerij. Petrus Barretti. Martinus Troterij.
 Michaël Ginardi. VV. de opere. Ioannes de Nonay Stephanus Recobie. Ioannes
 Laya. Iacobus Breti. Stephanus Rosalpayrus. Petrus Stephanus. Bertolomeus Mo-
 nacus. Bonetus Uffe. Guilelmus Garembge Totas auras. Rogerius. Guilelmus
 Blanc. Petrus Bernardus. Menetus Coste. Andreas Panuini. Pontius Sartor. Gi-
 raudus Sartor. Petrus Sutor. Raimundus Durandi. Ioannes Ricardi. Mauranet.
 Stephanus Sartor. Guilelmus Rainaudi. Vv. Ruffi. Vv. Roreni. Petrus Au-
 trici. Petrus Adam. Geraudus de Valansolia. Petrus Monachus. Petrus
 Braidacius. Maurannus Rost Barbergerius. Petrus Bone. Michaël Ar-
 nulphi. Bernardus Galiguerrans. Vincentius Sagnator. Ioannes Brunelli. Rodul-
 phus de Volucy. Raimundus Babarot. Bertrandus Coroffonus. Buerius. Bertrandus
 de Malafogacia. Petrus Roterelli. Michaël Totabonga. Petrus Robaudi. Hugo
 Bernardi. Ioannes Garini. P. Fremini. Ioannes Menerij. Guilelmus Bonus. Ber-
 nardus de Reclus. Columbus Pipeti. Hugo Martini. Pontius Gebelini. Guilelmus
 Robaudi. Roma Sentroneti. Geraudus Fugonis. Bertrandus de Falco. Guilelmus
 Gasc. Guilelmus Fugonis. Germanus Audibertus de Valensolia. Guil. Bibensa-
 quam muraior. Ioannes Faber. Iacobus Burgarelli. Guilelmus Imberti. Raimundus
 Rainaudi. Imbertus Faber. P. Babareti. Guilelmus Felici. P. Niger. P. Gontardus.
 Guilelm. Bibensaquam. Blegierius Pontius. Menonius Aymus. Caputi. Guigo Ca-
 puti. Petrus Oline. Guilelmus Carembge. Petrus de Currello. Petrus Seg-tra. Rai-
 mundus Monetii. Petrus Remusati. Bernardus Faber. Simon Raimundus. Be-
 nonus. Martinus. Garini. Raimundus Rutterius. Rostagnus Hospita-
 larius. Bertrandus Testa. Guilelmus Recobraire. Petrus Remardi. Guilelmus
 Raimundus. Giraudus Faideti. Guilelmus Gausfridi. Guilelmus Guido.
 Isoardus Cosinus. Martinus Corderij. Bernardus Ioannis. Frumen. Martinus.
 Florenti. Raimundus Arnaudus. Isnardus Rostag. Petrus Reuelli. Petrus Robaudi.
 Giraudus

Giraudus Gerini. Ioannes Menerij. Guilelmus Bonus. Bernardus. Guilelmus Rainaudi. Bernardus Iacobus. Raimundus Ganandani. P. Bueyserius. P. Alnemacij. Pontius Cabreri. Petrus Berblegerij. Guilelmus Bonduni. Gaufridus Ranzli. Petrus Bon. Raimundus Astorgo. Petrus de Mura.

Petrus notarius, supradicti Comitibus mandato, hanc huius pie donationis chartam dictauit, & propriis manibus conscripsit.

Guilelmo mortuo, Hospitalarij Manuascam omnem domini tenuerunt, si Montacutium pagum demas. Neque Raimundus Berengarius Prouinciar Regulus, per Garfendam ex vnica filia, quæ etiam Garfendis appellabatur, pronepos quidquam turbauit: Atque Carolus, Beatricis quam Raimundus genuerat, coniux, cum post plures annos intercessisset dominantibus, millesimo tamen ducentesimo sexagesimo secundo non iniquis conditionibus firmavit illorum dynastiam. Ex eo, post centum & tredecim à Guigonis donatione annos, ad hæc vsque tempora, Hospitalarij Manuascam omnino quieti possident. Tanti erat dominari amœnissimæ valli, quam villa vna, castra duo, tresque pagi nobilitabant, & castris pagisque euerfis vrbs perinsignis, ampliatis Villæ muris, nunc facit illustrem. An illis castris, pagisque singulis, ante Guigonem Comitem, singuli domini fuerint, vehementer addubito. Fuisse suum Montacuto dominum hinc intelligis, quod Hospitalariis non subest, Petrus Calueto anno sexto supra millesimum ducentessimum dominabatur Castro Manuascæ in parte, vt tradit Guilelmus iunior Regulus Forcalquerij. Sanuictorinus B. Mariæ Prior imperitabat Villæ Manuascæ, à portali superiore, Sobeiranum vulgus dicit, vsque ad furnum superiorem, & vsque ad ecclesiam S. Ioannis, & à domibus Robertorum & Renaudorum, vsque ad domum que fuit Odonis. Et ex alia parte à domibus Imberti Roberti, vsque ad ecclesiam B. Mariæ, vt habent tabulæ conuentionum illius cum Hospitalariis anno millesimo ducentesimo decimosexto. Hugonem de Manuasca, & Bertrandum de S. Maximo vidimus probasse donationem Manuascæ Hospitalariis, à Guilelmo iuniore. An id nominis ferebant, quod maiores dominati fuerant Villæ Manuascæ & Fano Maximi? Certè Villamuriis, Dalfiniis, Cucuronis, Moniustiniis toparchis immixti sacramentum dixerunt. Vtunque hoc habeat, Sanmarianus Prior suam Villæ partem vendidit Hospitalariis autore Carolo Regulo Beatricis coniuge. Quid Caluetonis toparchia factum sit, nemo dicat in magno chartarum omnium silentio. Manuascæ Villa fertur (sine certo autore rumor est) eam, cum sine hærede fuisset mortuus, adepta ex priuilegiis, quæ vocant à Guilelmo iuniore concessis. Lego Abbati Lura, Laincellis, ex Berengaria Sauina Crucis, & per hos Aurefoniis Marchionibus, Aimericis quorum Ioannes Manuascam suarum omnium rerum filio vnico subrogauit heredem, Panneriis, atque aliis ciuibus non paucis, fuisse quondam Manuascæ suos à possessionibus clientes: sed directi, vt loquuntur, domini hoc iuris est, non illius quod nunc dicimus, & vni toparchæ competit.

Ipsis dynastie initiis, Hospitalarij, & alia de Manuascensibus questi sunt, & duo maxime, grauium & longarum seminarium litium. Alterum est, quod de suis viros, publico ciuitatis concilio probatos, iudici ab ipsis constituto adiungebant, ad sententiam de reis ferendam. Hoc interpretabatur non

constituto adiungebant; ad sententiam de reis ferendam. Hoc interpreta-
bantur non sine sua fieri iniuria, ad quos vnos, ut cetera dynastarum, pertine-
ret causas capitales per iudicem cognoscere. Id ut graue putarent, minùs
tamen dolebant: alterum & prorsus insolens, neque ferendum videbatur;
Consules, eosque duodecim, sibi annuatim imponere, maximè cum id sibi
assumerent, ut dynastam, & ab ipso iudicem, si peccassent, arguerent. Et
profectò capita hæc duo, & per se illustria sunt; & ut quæ afferunt taceam
commoda, faciunt ut Manuascenses suis dominis autoritate suppare, non
multum ab illis distent. Ea, & alia, in magnos vsus acceperunt à Guilelmo
iuniore Rugulo Forcalquerij. Priuilegiis quæ Manuascenses vulgò appellant
continentur. Sunt tabulæ duæ. Prioribus prærogatiuas aliquot tribuit ciui-
uibus Villæ seu Burgi Manuascæ: posterioribus eas ipsas & multum auget,
& ad incolas Castri extendit. Ehis, & illis Manuascenses meritò glorian-
tur, & exultant se circumspiciunt. Ex Principibus seu Comitibus seu Re-
gibus, ad nostra vsque tempora, per annos quadringentos & quinquagin-
ta probatæ, perpetuoque vsu firmatæ, non plurimas tantum & peritiles, sed
nobiles & honoratas opportunitates ad ceterorum Prouinciæ incolarum
inuidiam ipsis afferunt. Locus omnino postulat, ut ipsas recitem. Priores
accipe.

In apicibus literarum memoria commendatur, ne res gesta penitus obliuioni tra- 33
datur. Presentibus igitur, & futuris hoc presenti scripto cunctis notificetur, quod
ego Guilelmus Dei gratia Comes Forcalquerij, filius domini Comitùs Bertrandi, &
domina Comitisse lauserande, non ad monitionem, non ad preces alicuius, sed me-
râ ac spontaneâ, & propriâ bona voluntate meâ, & puro animo, & pro bono & le-
gali seruitio, & naturali fidelitate, quam semper in vos, naturales homines meos
& fideles, Burgi de Manuasca inueni à tempore, quo ego regnare cæpi, vobis om-
nibus communiter, paruis & magnis, diuitibus & pauperibus, tam presentibus quàm
futuris, remitto, laxo, & desempio, & quirpio omnia mala usatica, & omnia
mala alleuamenta, omnesque malas & prauas consuetudines, quas ego, aut villici
mei, meo consilio aut voluntate, vel sine mea voluntate & consilio, à die &
tempore, ex quo ego terram meam, & Forcalquerij Comitatum meum regere
& gubernare cæpi, in iam dicto Burgo de Manuasca alleuaueram & statue-
ram.

Et dono vobis, & concedo, atque confirmo per totum Comitatum meum, tam 34
per terram, quàm per aquam, omnibus vniuersaliter hominibus, qui nunc habitant,
vel in antea habitabunt in Burgo de Manuasca, omnia pedagia mea, & usati-
ca; ut ipsi nec mihi, nec baiulis meis, nec aliquibus, qui meo nomine, vel pro me,
vel nomine villicorum meorum, vel pro eù in aliquo loco totius terre meæ, vel
Comitatus mei, infra villas, vel extra ciuitates, vel extra castra, vel intra, præ-
stare de cetero teneantur: sed liberè & sine vilo grauaminis impedimento, hæc illac,
hæc & ubique, cum omnibus rebus suis quas modò habent, & in futuro habebunt, sem-
per ire & redire valeant.

Volo etiam, dono, & confirmo, & à me statuisse cunctis notificetur, quod si ali- 35
quis præoccupatus fuerit in aliquod delicto vel malefacto, pro quo in curia appelleretur,
cum consilio proborum hominum de iam dicto Burgo de Manuasca, iuste & legaliter
iustificetur.

- 36 Hoc similiter volumus inesse statutum & compositum, & à nobis confirmatum, quòd si aliquis vestrum alicui in Burgo de Manuasca possessiones & res suas pignori obligauerit, antequam veniat tricesimus annus, redimendi habeat potestatem. Et si fortè in aliquo casu, vel aliquo modo, iam dictum pignus, vel dicta pignora non redimeret infra hos superscriptos triginta annos, pro hac facta à nobis institutione, & compositione, & confirmatione, quasi de iure valeat se defendere qui possederit pignora, & ab illo tempore in antea, non teneatur alicui de pignore, vel de pignoribus respondere, sed sicut propriam rem suam habeat, & in æternum possideat.
- 37 Si quis honorem suum, & hereditatem, alteri vendere voluerit, vicinus, vel extraneus, licentiam habeat, exceptis ecclesiis, & domibus religiosis, salvo tamen iure domini, scilicet ut dominus habeat à venditore tredecim denarios pro laudamento, & censum, sicut positum erat antea in honore vel hereditate, de impignorandis honoribus & hereditariis quibuscumque, exceptis ecclesiis, & domibus religiosis, salvo iure domini, bene facere possint. Si autem aliqui vel aliqua, sani vel sane, in infirmitate positi, vel posita, voluerint condere testamentum, possint pecuniam, & res suas mobiles relinquere ecclesie, vel cuicumque voluerint, modo tamen legitimo pro liberis obseruato.
- 38 Item si qui res suas immobiles ecclesie relinquere voluerint, hoc facere possint, salvo iure domini pro quo possident, si possessione illa aliquid prebeant censuale. Si verò possessionem aliquam liberam habeant, & pro qua domino censum aliquem non prebeant, possint de illa possessione vel hereditate, prout eis placuerit, ecclesiis, vel domibus religiosis relinquere.
- 39 Si fortè maritus obierit sine testamento, & sine herede, habeat vxor res mariti, & possideat, dum vixerit sine marito: vel si vxorem premori contigerit sine herede, & sine testamento, habeat & possideat maritus res mulieris, similiter dum vixerit sine vxore. Et quando tamen ille vxorem duxerit, aut illa marito nupserit, res & possessiones defuncti, vel defunctæ, in voluntate, & arbitrio proborum hominum Burgi de Manuasca valeant remanere.
- 40 Si aliquis etiam sine vxore, vel aliqua sine marito, ab intestato decesserit, ille qui proximus fuerit vsque in quarto consanguinitatis gradu, habeat res suas similiter, & possideat. Si tamen propinquo careat, iam dictæ res sue & possessiones sint in arbitrio, & voluntate proborum hominum de Manuasca.
- 41 Si tamen aliquis extraneus, vel extranea obierit in Burgo de Manuasca, & non habuerit ibi proximum, res illius defuncti vel defunctæ, si quas habuerit, teneantur fideliter, & custodiantur, nisi hoc, quod pro anima sua reliquerit, per circulum anni & vnius mensis, quod fortè aliquis defuncti proximus veniet cui reddantur. Si verò in annum vnum & mensem aliquis non veniat propinquus, proceres postea supradicti Burgi de Manuasca, de iam dictis defuncti rebus faciant voluntatem suam.
- 42 Si autem commenda facta fuerint, cuiuslibet de Burgo de Manuasca, ab extraneo qui non sit de Burgo, & guerra exorta fuerint interdominium extranei, & domini Burgi, commendata illa salua sint extraneo.
- 43 Hanc predictam libertatem, donationem, concessionem, remissionem, & sinem omnium pedagiorum meorum, & vsaticorum meorum, & has iam dictas institutiones & consuetudines bonas, facio ego iam dictus Guilelmus Dei gratia Comes Forcalquerij, & constituo pro me, & omnibus successoribus meis, vel & omnibus successoribus

cessoribus vestris, presentibus scilicet & futuris in perpetuum, ita quod libere, absolute, sine aliquo vitio, siue ingenio iuste habere, & in eternum de dono meo possidere valeatis. Et si quis contra hanc donationem & libertatem, consuetudines, & institutiones frangendo venire presumpserit, iram Dei, & suam incurrat maledictionem.

Et nos itaque communiter omnes homines Burgi de Manuasca, presentes & 44
futuri, diuites & pauperes, & parui & magni, vobis venerabili, & naturali domino nostro, Guilelmo Dei gratia Comiti Forcalquerij, post Deum grates multiplices referimus, de tanta libertate, & tanto bono, & honore, atque donatione, de tam bonis institutionibus ac consuetudinibus, quas nobis facere, donare, componere, statuere dignati estis. Vnde ad dies vite vestre, & nostre, in illa fide firma, & naturali fidelitate, in qua nos semper inuenistis, perseuerabimus, & in maiori, si possumus, vel scimus, & illi successori vestro, cui nos dare & relinquere vobis placuerit, promittimus, & tenemur fideles existere in omni firma fide, & naturali fidelitate, fideliterque facere, & incorrupte obseruare illa seruitia, & antiqua v&atica, que inter vestros & nostros fuerint olim composita, & statuta predecessores. Actum est hoc apud Manuascam in palatio, & in camera subtus capellam, & in presentia multorum procerum circumstantium, nonis Februarij, sub Dominica incarnationis anno millesimo ducentesimo sexto, indictione nona. P. curia domini Comititis notarius propria manu scripsit, & dictauit. Sed ad maiorem huius scripture confirmationem dominus supradictus Comes, eiusdem P. Notarij sui hanc cartam cum hoc sigillo plumbeo presenti corroborando sigillari precepit ipsi Petri.

Hactenus priores tabule. Alia in iis aduertent alij. Ego animum inten- 45
debam in tria. Portorium omne, tam viarium, quam aquarium, toto Forcalqueriensi Comitatu Guilelmus remittit Manuascensibus. Hoc primum esto. Alterum sit velle eundem, vt criminis reus sine proborum hominum consilijs damnari a iudice nequeat. Tertium denique est, Manuascam ab illo ipso constitui eorum ciuium ex asse heredem, qui sine omni per leges, ac testamentum, heredem mortuus fuerit. In ista capita ego quidem animum defigo, quia ipsorum constitutio ea est, vt à Summo Principe vno pendeat: ab illo, qui sub Regulo fuerit Manuasca dominus, nequeat proficisci. Nani si illorum vltus spectare præterea velis, inuenies maximarum in omnem partem opportunitatum plenissima. Suas omnes Manuascensibus merces relinquit Guilelmus integras, cum eximit portoriis; etiam eorum opes, sine alicuius iniuria, cum heredes constituit, quibus à testamento, aut lege nullus est. Dentium eripit illos dynasta (si quæ in tanta ingeniosem varietate aliquando fuerit) libidini, cum iudicis ab eo pro nutu constituti, improbitatem consilijs proborum hominum temperat. Neque paruum puta illud de 46
omni portorio munus Forcalquerij Comitatus latissime tum patebat. Guilelmus à Bertrando fratre ipsum accepit ex testamento: Bertrandus verò Sistaricum in illius medio reponit, docetque constituisse duabus partibus, altera quidem à Sistarico versus Alpes, altera verò à Sistarico vsque ad Rhodanum. Prior illa pars ea est, quæ Beatrici ex Garfende vnica filia nepti, à Guilelmo iuniore attributa est, cum Andreæ Delphino nup̄ebat, & Vapincensi ac Ebredunensi regionibus continetur. Vt Comitatus Forcalqueriensis id terrarum omne complecteretur, quod cis Druentiam per Auenionenses (exceptâ aliquâ Auenionis vrbis parte) Aptenses, Sistaricenses, Aqueses
N N n̄ z Vapincen

Vapincēses, ac demū Ebredunēses Diocēses, longē latēque ducitur. Quā igitur per amplissimas horum populorum regiones sunt portoria, illis omnibus Manuascentes eximit optimus Princeps. Erant ea tum (nam quid ad nostrorum temporum res descendam?) omnino quinque in illa parte Comitatus, quā à Sistarico ad Rhodanum pertinet, ut intelligitur ex eorum virorum edicto, quos anno millesimo ducentesimo quinquagesimo tertio, Beatrix Guilelmi iunioris abnepitis (auiæ soror partem, quā à Sistarico *versus Alpes* fertur, adiunxerat Delphinatui) dedit iudices. ij fuere Humbertus Sistaricensis Episcopus, Falco de Podio, Richardus, Gaufridus de Tarascone, Artaudus dominus de Venelis, Robertus de Leueno. Dicimus, inquit, & pronuntiamus *pedagia Pertusij, & Libreilana, & Petrosij, & Podij pini, & Sezarisia iusta & antiqua esse.* Locum iudicio fecerat, quod ante Guilelmi iunioris mortem in Sistarico, & Manuasca antiquitus *pedagium* capiebatur, & post ipsius mortem plurima alia ad ingens populi detrimentum, infcio Principe, inuenta fuerant. Igitur damnauere portoria Castrinoui, Sandonati, Volsij, Relanix, Sanmartini Caroloci, Pettauiridis, Santullix, Sanmargaritæ, Turris, Bastidæ Iordanorum, Vitrolæ, Sanmartini de Brasca, Balmetæ, Sanuicentij. Sic autem edixerunt *Saluis libertatibus, quas dicunt se habere homines Forcalquerij, & Manuasca, & Bellimontis, & Montis Iustini, ex concessione Comitum alias facta.* ludicium institutum est citatis omnibus quos res tangit, & specialiter dominā Mabilia Comitissā Forcalquerij, & D. Castrinoui, & dominæ Roscia dominæ Aptæ, & S. Donati, & Domino Bertrando de Simiana, & domino Gaucherio domino Sezarisia, & domino Raimundo de Medullione, & domino Raimundo Raynouo domino de Turri, & domino Guilelmo de Pertusio, & domino Iustacio domino Podij pini, & dominis de Vols, & dominis de Bastida, & dominis de Balmeta, & dominis de Relania, & dominis Sancti Vincentij. Sed ista satis dicta sint. Ad posteriores Guilelmi iunioris Reguli tabulas veniamus.

48 In apicibus literarum memoria commendatur, ne res gesta penitus oblivioni tradatur. Igitur presentibus & futuris presens publicum instrumentum visuris, lecturis, & etiam audituris, cunctis notificetur, quod anno millesimo ducentesimo sexto, indictione nona, pridie idus Februarij, ego Guilelmus Dei gratib. Comes Forcalquerij, domini Comitissæ Bertrandi, & Comitissæ lausseranda filius, non seductus, non deceptus, non monitus, non errans in iure, nec in facto, sed certificatus de iure meo, proprio nutu, puro corde, & sano animo, per me & heredes, & omnes successores meos, & dominos siue rectores, qui pro tempore erunt, locorum meorum Burgi seu Ville Manuasca, & Castri Manuasca, donatione purā, speciali, generali, perpetuā, & irrevocabili inter vivos, dono, trado, cedo, concedo, & in perpetuum insituo, confirmo libertates, privilegia, franchises, institutiones, & stabilimenta infra scripta omnibus, & singulis hominibus, naturalibus meis, dictorum locorum & cuiuslibet eorum in solidum, presentibus & futuris, pauperibus & diuitibus, parvis & magnis, natis & nascituris, & qui nunc in dictis locis, vel eorum altero, vel in eorum territorio habitant, & pro tempore, seu futuris temporibus habitabunt, ut infra sequitur.

49 In primis in Dei nomine approbo, amologo, & in perpetuum confirmo dictis hominibus dicti Burgi, omnes & singulas libertates, franchises, privilegia, donationes, & institutiones, constitutiones & stabilimenta & consuetudines, per me dictum Guilelmum

Guilelmum Comitem eis olim donatas, traditas, & concessas, contentas in quodam publico instrumento, scripto manu Petri notarij mei publici, sub anno quo supra, nonis Februarij.

Item quòd annis singulis, & in quolibet mense, & in qualibet septimana, & in quolibet die, omnes dictorum locorum & viriusque eorum, omnes simul, aut tot quot voluerint totiescunque & quotiescunque, & vbiunque voluerint, se valeant, & possint insimul congregare, & colloquium facere, & concilium facere, & habere, & omnia, & singula negotia, tam ad agendum, quàm defendendum, & ad omne quare faciendum & procurandum, liberè, & impunè, & licentiâ domini, baiuli, iudicis, & pretoris, non requisita, & non obtenta.

Item & quòd sexaginta homines de melioribus & sapientioribus, quadraginta de dicto Burgo, & viginti de dicto Castro, duodecim Consules, octo de dicto Burgo, & quatuor de dicto Castro, quandocumque eis videbitur & placuerit, illi sexaginta valeant & possint eligere, facere, ordinare dictos duodecim Consules, qui habeant omnes, & eorum subsequentes, & quilibet in solidum, plenam, & liberam potestatem dominum suæ rectorum, baiulum, & iudicem, qui pro tempore in dictis locis, vel eorum aliquo fuerint, de eorum male gestis arguere, & homines dictorum locorum, in bonis operibus, & consuetudinibus, regere, & gubernare, & iura, actiones, libertates, consuetudines, priuilegia dictorum locorum defendere, exigere, & recuperare, & contra quascumque personas ecclesiasticas, & seculares in iudicio stare, & litigare, & omnia alia, & singula, quæ ad iudicium, & in iudicio pertinent, facere, & dicere, tam in agendo, quàm in defendendo.

Item quòd annis singulis subsequentes illi duodecim Consules, qui pro tempore fuerint electi, de voluntate, consilio, & consensu sexaginta hominum dictorum locorum, ut prædictum est, alios duodecim Consules, octo de dicto Burgo seu Villa Manuasca, & quatuor de dicto Castro eligant, constituent, faciant, & ordinent, licentiâ domini, ut supra non requisitâ, nec expectatâ.

Item quòd quotiescunque in dictis locis, vel eorum aliquo, per mortem, vel aliter quomodo dominus suæ rector, aut baiulus, seu iudex, aut notarius mutabitur, quilibet in principio sui regiminis, ad requisitionem duodecim Consulum, vel eorum maioris partis qui pro tempore fuerint, infra decem dies ad requisitionem eorum subsequentium, super Sancta Dei Evangelia iurare debeant omnes & singulas libertates, franquesias, consuetudines, & statuta dictorum locorum inuiolabiliter obseruare debeant, & custodire, & non contrâ venire. Alioquin eum, & eos, dominum suæ rectorum, & baiulum, & iudicem non esse valeant, & possint recusari, quousque præstiterint, ut præmittitur, iuramentum.

Item & quòd baiuli, & iudices, & notarij curiæ, & nuntij sint annuales: & qui semel baiulus, aut iudex, aut notarius, aut nuntius curiæ fuerit, quousque quinque anni subsequenter & continuè fuerint lapsi, in eodem officio non audeant remeare.

Item & quòd pro fiscali pecunia non audeat fieri detentio personalis, si de soluen- uendo infra quadraginta dies dare poterit cautionem.

Item & quòd ornamenta aratro pertinentia, nec lecto pertinentia, nec animalia ad agriculturam dedita, nec ornamenta persona, ei pertinentia & necessaria, pro pignore capi non audeant aliqua ratione, nisi in defectu aliorum bonorum.

Item quòd valeant, & possint dictorum locorum Consules, qui pro tempore fuerint, quomodo cumque eis placuerit, nomine vniuersitatum prædictarum, infra terri-

torum dictorum locorum, & intra dicta loca ubicunque voluerint, molendinum, & molendina, & paratoria edificare, construere, & facere, & in eis blada dictorum locorum, hominum, & aliorum tridere, & relas parare, & etiam clibanum, & clibana facere, & in eis coquere.

58 Item quod dominus siue rector, vel baiulus, vel iudex, nec eorum alter qui pro tempore in dictis locis fuerint, penam seu multam aliquam, nec bannum seu banna aliqua hominibus dictorum locorum vniuersaliter audeant imponere, constituere, vel ordinare absque voluntate, consensu, & consilio Consulum, & sexaginta hominum predictorum, vel maioris partis eorundem: quod si fieri contigerit, nullum præiudicium eis valeat generari.

59 Item quod milites, & eorum filij, & nepotes, nec eorum uxores, nec qui de genere, seu progenie, tam ex linea masculina, quam feminina Petri Caluetonis militis, & domini in parte dicti Castri fuerint descendentes, qui pro tempore in dictis locis fuerint, vel eorum altero habitantes, non adstringantur, nec teneantur soluere annis singulis mihi nec heredibus aut successoribus meis aliqua ratione banna, per eos, vel eorum liberos, vel per eorum animalia habita, vel habitura committitura, nec bladagium siue albergam, nec contalagium siue ciuatam, nec cozzias, siue medias cozzias de eorum bladis, & rebus que ad mensuram sestarii venduntur; & mensurantur. Et nihilominus rectores mensurarum eis sestarium, & alias bladi mensuras prestare teneantur: alioquin cum eorum legali sestario, & bladi mensura impune & liberè valeant mensurare.

60 Item quod aduocati, & notarii publici, qui pro tempore in dictis locis, vel eorum aliquo fuerint habitantes, & habitabunt gaudeant in omnibus, ut milites, privilegio antedicto.

61 Item quod homines omnes & singuli, presentes & futuri, qui in dicto Castro habitant, & qui in futuris temporibus in eo habitabunt, & domicilium facient, omnibus & singulis libertatibus, privilegiis, & franquesiis, & donationibus in suprâ designato instrumento contentis pariter gaudeant; cum hominibus dicti Burgi seu Ville Manualcæ, vtilitatem similem & profectum recipiant: quod non adstringantur aliqua ratione ad excubias faciendum, nec ad eundem sine lumine de nocte per dictum Castrum. Et quod liberè & impune singulis annis valeant & possint, quandocumque & quotiescumque, in omni tempore, mense, & septimana, & die, quicunque voluerint extraneis & priuatis personis eorum, vinum, & vina vendere, & in minuto, & in grosso, publice, & ad tabernam.

62 Item quod quotiescum homines dicti Burgi per se, aut cum domino siue rectore, baiulo, vel iudice, qui pro tempore fuerint, voluerint aliquam, vel aliquas ordinationes ordinare, quod teneantur dicti Castri Consules, & alios decem homines vocare, requirere legitime, & habere, & de eorum voluntate, consilio, consensu ea facere & ordinare. Quod si sic factum non fuerit, aut quando Consules, & decem homines dicti Castri non consenserint & per dictum Castrum preconizatum non fuerit, hominibus dicti Castri nullum præiudicium modo aliquo valeat generare.

63 Item quod quotiescumque talliam siue quistam, quacumque ratione vel causa, tam realem, quam personalem, in dictis locis fieri, seu facere necesse fuerit, quod vniuersitates doctorum locorum, siue homines eorundem, & eas simul debeant ordinare, & vtraque vniuersitatum per se colligere. In hunc modum, quod quicunque vsque ad quantitatem viginti solidorum in bonis non habuerit, pro quista nihil soluat.

soluat. Et quicumque à viginti solidis usque ad quantitatem viginti librarum in bonis habuerit, pro qualibet libra unum denarium soluat. Et à viginti libris usque ad centum libras, pro qualibet libra tres picas soluat. Et si à quingentis libris usque ad mille, vel plus, in bonis habuerit, pro qualibet libra unam picam soluat. Et quod quilibet suo sacramento credatur, & stetur, & bona omnia sua teneatur aestimare.

Item quod vniuersitates predicta, nec homines earundem, vel aliquis eorum, 64 libertatibus in presenti instrumento contentis, nec libertatibus in suprà designato instrumento contentis, aliquà ratione, vel causa possint renuntiare. Et quod antiqua possessio in contrarium obstita, aut vetusta cessatio de non vti libertatibus antedictis, aut earum aliqua, hominibus dictorum locorum, qui pro tempore fuerint, nullam preiudicium valeant generare. Nec prescriptiones de eam, viginti, triginta, quadraginta, & centum, aut mille annorum, vel plus, contra homines dictorum locorum vel aliquem eorum, aliquo iure valeant interuenire.

Et quicumque contra predicta, in presenti instrumento, aut in suprà designato 65 contenta, aut eorum aliqua venire presumpserit, aut contraxerit, aut obseruare noluerit, aut contra in aliquo se opposuerit, ira Dei omnipotentis veniat super eum, & super eam, & insuper Nunc, prout ex tunc, & tunc prout ex nunc, iurisdictioni, coërcitioni, atque punitioni, & condemnationi curie Forcalquerij, & eius iudicis qui pro tempore fuerit, submitto, & remitto coërcendum, & coërcendos, puniendum, & puniendos, quemlibet, & qualibet vice, in ducenta millia denarios auri fini, dandos & soluendos, medietatem fisco dicta curie Forcalquerij, & aliam vniuersitatibus antedictis, infra decem dies à die sententie proximè subsequentes. Quam condemnationem ipse iudex nullatenus valeat mitigare. Et ut de predictis omnibus eterna memoria babeatur, volo fieri publicum instrumentum per te Ioannem Albi notarium publicum, bullà plumbeà meà roboratum, & tot quot habere voluerint. Acta fuerunt hac omnia iasra palatium Manuasca, in camera subtus capellam. Adhac fuerunt testes vocati, & requisiti, Petrus de Albagnano, & Guilelmus de Sabrano, de Rocha, milites & Hugo Iaufferandi, & Petrus Auenassi dicti Burgi Sacerdotes & Guilelmus de Villamuris dominus in parte castri de Vols. Et ego Ioannes Albi auctoritate imperiali, & auctoritate dicti domini Comitis notarius publicus, qui supradictis omnibus interfui, ex mandato dicti domini Comitis hanc publicam chartam scripsi, & bullam plumbeam eiusdem pendentem in alba corrigia apposui, & signo meo signaui.

Hæ posteriores tabulæ plurima, eaque grauissima, capita ad priores 66 adiungunt. Publicam rem præcipuè constituunt. Imponunt Manuasca & Caltro, & Villæ Senatores, seu Consiliarios sexaginta, qui annuatim sibi addant Consules duodecim. Consulibus verò id muneris esse volunt, ut rectorem, baiulum, iudicem de malè gestis arguant: ciues in bonis operibus, & consuetudinibus regant & gubernent: Manuascensium iura, consuetudines, priuilegia defendant, exigant, recuperent in iudicio: faciant ut rector, baiulus, iudex, notarius iurent in libertates, franquesias, consuetudines, & statuta eorundem; iurare fugientes prohibeant munere: baiulum, iudicem, notarium, nuntium anno concludunt. Demum concedunt omnes sine pratore, baiulo, iudice, Consulium & Consiliariorum conuentus. Cetera prætermitto. Ambarum tabularum omnia probauere Ioannes de Villaribus, Guilelmus, & Fulco de Villareto Hospitalariorum Magistri: & in ea sanctè iurarunt, quotquot ipso-
rum

- rum Præceptores, & adiere hæcenus dynastiam Manualscæ. Tamen ante Ioannes quàm ipsis subscriberet, grauibz longisque contentiõibus vehementer, & non sine magna animorum acerbitate, actum est de Confusum dignitate, & Proborum ciuium per priores tabulas in iudiciis capitalibus vi. Sed, vt ab hac incipiam, quotiescumque peruenit ad iudices, & non semel ad illos delatam lego, toties edicto regis curiæ firmata est. Ac meritò. Nam quid magnum, aut insolens, Manualscensibus optimè de se meritis, concessit Guilelmus iunior Forcalquerij Regulus? *Volo*, inquit, quòd si aliquis præoccupatus fuerit in aliquo delicto, vel malefacto, pro quo in curia appelletur, cum consilio Proborum hominum de Burgo de Manualscæ iussu, &
- 68 *legaliter iustificetur.* Qui hoc à Principe constitutum miratur, nã ipse non ineuidenter ostendit, ignorate se iudiciorum ordinem, qui post euersum à Francis, Burgundionibus, & aliis eiusmodi gentibus, in Gallijs Romanorum imperium, aut inductus est, aut cum iam haberet vim suam diutissimè vixit, etiam post Caroli Magni tempora. Nam quid tum iudices sine Probis ciuitatum, vt bium, oppidorum, pagorum hominibus tandem suscipiebant? rem accipe ex veteribus iuris formulis ad Marculphum adiunctis. *Iudex vnus cum Bonis hominibus* cognoscebat de homicidio ex formula tricesima Veterum secundum legem Romanam, seu legem quæ ante iura à Francis inducta seruabatur à Gallis, quos Romanos, quia Romanis subiecti fuerant, vocabant. Qui leuda, seu leude damnatus fuerat à Comite, apud ipsos Bonos homines, qui in ipso mallo, scilicet cum eo ipso Comite, residebant, epistolam securitatis manu eorum firmatam capiebat, ex formula octaua variarum. Quid? quòd aliquando, vt habes in harum ipsarum prima & quinquagesima, *Boni homines*, sine Comite, sine iudice, ac demum soli ius dicebant. Ante Bonos homines fit agri venditio, vt habeat suam vim non à & decimâ formulâ Variarum; & serui quoque, primâ & vicesimâ. *Boni homines* de chartis igne consumptis testimonium scripto ferunt, formulâ secundum legem Romanam vigesimâ septimâ; orphanorumque indicibus subscribunt quarta &
- 69 vicesimâ. An ergo potius est quòd miremur, *Probis Manualscæ hominibus* id modò datum à Guilelmo Regulo, vt in delicto & malefacto ciues ex eorum consiliis capiant iura, sine quorum sententia, aut illius, aut non multò ante ipsum præteritis temporibus, nulla ceterarum rerum fiebat in iudiciis? Certe Carolus magnus anno regni sui duodecimo voluit, vt duo *Missi*, cum probis hominibus, præessent altercationibus, & negotiis causarum dirimendis, & iustis vel rellis iudiciis faciendis, legitur in chartâ de recuperatione duarum villarum Ecclesiæ Massiliensis. Hugo etiam quartus Burgundiæ Dux iussit, vt *probi homines* quatuor, iudices causarum essent Cabilone. Denique *Missi*, & iudices, vel plures *Boni homines*, resident ad causas dicendas, ex charta Caroli Magni anno 14. regni Francorum, quâ Milo damnatus est restitutione bonorum Ecclesiæ Narbonensis, teste Bessio in historia Ducum Narbonis, & Castello libro 5. de Langothix rebus pagina 742. & 743. Igitur idem Bessius affert *sigillum Proborum hominum Carcaffone*. Iam vbi hæc Manualscensium prærogatiua, cum reliquis omnibus, probata est Hospitalariis, vt ipsis mage, quàm ciuibz æqua, ex eo per annos fere ducentos, in Epiphania Domini, è consiliariis sexaginta eligebantur annuatim probi & sapientes viri, quorum sententiâ starent aut caderent edicta

edicta iudicis. Ab anno quarto & sexagesimo supra millesimum quadringentesimum, Consules ipsi id loci implent. Maior fuit de Consulibus, & eorum dignitate contentio. Ipsos Guilelmus iunior anno millesimo ducentesimo sexto, ut modò referebám, inuenit, pluribusque ornamentis auxit. Ut omnia per Occitaniam, Provinciam, & quem Delphinatum nunc dicimus, tum pro Albigenensium erroribus turbata erant, ipsisque etiam Summis Principibus ab Ecclesia non parcebatur, magna erat Innocentij tertij Pontificis autoritas. Per Milonem, & Thedisium Legatos maximè agebat: & omnia grauissimarum quoque rerum ad ipsos deferrebantur. Igitur Hospitalarij apud Thedisium querelas deposuerunt. Aiebant Manualcam vallem cum Villa sua, castris, & pagis omnem, ante annos duos & sexaginta, datam Hospitali Ierosolymitano à Guigone Forcalquerij Comite, cum iuris dicundi facultate, & ceteris honoribus, qui ad dynastam pertinent. Sed Guilelmum ex fratre Guigonis genitum, cum patruj vota sequi velle se diceret ex asse hæres, ea nuper non sine graui iniuria truncasse: imposuisse Villam, Castioque Consules, eosque duodecim, qui, ut alia taceantur, non æquales dynastis, sed superiores sint. Enimvero quis hos iure arguat inferior? Certè superiorem iudice, ac rectore seu domino facis te, qui eum reprehendis. At qui *de malè gestis* illos cogitas arcescere, damnareque, putas nullam cum ipsis contentiõnem futuram, malène, an secus rem gesserint? Sedebris ergo iudicis iudex, rectorisque ac domini tui ipse rector, ac dominus, ipsis dices iura, legesque. Hæc illi, quæ, ut nonnulli sentiunt, non iniqua Thedisio visa sunt. Verùm non tam Manualcensium, quàm Remundi Berengarij, ex Beatrice matre Comitis Forcalquerij, res agebatur, ac Summi Principis; & is puer admodum erat, neque vna ad Rhodanum de ipsius ditione vrbs hæreseos Albigenensium suspicione laborabat. Igitur Tolosani in proximo Comitis clade commonitus, totum Manualcensibus permisit negotium; noluit apud Thedisium agere, quando in iudicium à nemine vocabatur; melioribusque temporibus seruauit se, conscius sui ex summo principatu iuris, certusque futurum aliquando tempus, cum per Ecclesiam, procùl omni hæreseos suspicione, liceret docere Guilelmum Comitem proauum id egisse, quod sine vlla dynastæ iniuria commodaret plurimum omni Manualcæ. Nam, inqueiebat, cum Guilelmus huic imposuit consiliarios, & cum suis prærogatiuis Consules, nihil de eius dynastæ iuribus detraxit, sed quæ sibi Summo Principi supra dynastam habebat Manualcæ, illorum nonnihil disperseit in populum; de se, pro antiquissimâ fide ac pietate, optinè meritum. Nunquid potest Comes ipse iudicem rectoremque *de malè gestis* arguere, cum publica sunt; nunquid consilere ciuibz, vocare iudicem ac rectorem ad sacramentum de seruandis subditorum à principe prærogatiuis, togere ciues ad consilium? An si hæc aliquando fecerit, inelamabis tua proculcati iura? si nescis, qui Manualcam concessit tibi, non exiit Supremum Principem. Quod proauus meus per se poterat, id per Manualcenses sibi de probitate, fide, integritate notissimos voluit in perpetuum tempus agi. Atque, ut de optimi principis animo non dubitares, videresque sui loco ipsius excitate Consules, prohibuit illorum conuentibus omnem seu à dynasta, seu à Regulo magistratum, quos scilicet ut populum *regere ac gubernare* iubebat, ita Castri, Villæque veluti re-

- ctores ac gubernatores instituebat. Hæc Berengarius, quæ non post eum Comitibus Regibusque, sed Pontificibus probata sunt. Et verò Reges (quid enim antiquiora de Comitibus reuocem?) Prouinciæ pro rege summi rectores, Senatus demum Aquisensis, Consules Manuascæ (cùm res ferebat) ad nostra usque tempora, & dixere gubernatores vrbis, & pro illius gubernatoribus habuere. Anno huius sæculi decimo Antonius Giraudus Consul Aquis Sextiis erat, cùm de morte Henrici Magni venere nuntij, & vt pro re commotus est Senatus, vt iussit imponere militem vrbi castroque, ac videre ne publica Manuascæ res aliquid detrimenti pateretur. Anno autem primo & vigesimo Ioseph Guasquius à Consulibus dictus est militum in vrbe castroque dux, & iussus à Senatu primum, deinde à Prouinciæ prorege cauere patriæ. Sed audi Honoratum Tendæ Comitum, qui pro Rege imperitabat Prouinciæ anno millesimo quingentesimo sexagesimo septimo. Ita loquitur Consulibus, *Capite arma: eum militum numerum castro imponite, qui vrbi custodiende necessarius vobis videbitur: demum videte, vt vera quies sit omni Manuasca.* Henricus rex eo nomine tertius, anno millesimo quingentesimo septuagesimo septimo, his verbis pro Francisco Goufonio Manuascæ, vt loquuntur, Balliuo Consules compellauit: *Reddite illi domum suam, ita tamen vt à vobis, ad eius custodiam, illum è ciuibus numerum militum in ipsa habeat, qui necessarius videbitur.* Quid afferam plura, aut vetera repetam? anno istius sæculi primo & vigesimo res coram Senatu Aquisensi acta est: is edixit in verba sequentia *Consules tesserariam vocem, vt vrbs & castri gubernatores decet, dicant, donec aliud imperetur.* Illam Hospitaliorum balliuus dicere pro dominio contendebat. Sed ista hæcenus. Ea virgere, premereque non est huius loci. Nam extinctis Albigenis erroribus, redditæque populis ex illorum odiis pace, & has seu de ciuium in iudiciis per probos homines autoritate, seu de dignitate Consulium, & ceteras à Guilermo iunior, aliisque Comitibus prærogatiuas, etiam Hospitalarij probauere. Accipe Ioannem de Villaribus supremum sanctissimi Ordinis Magistrum, omnes gratias, inquiebat anno millesimo ducentesimo octogesimo sexto, *omniaque priuilegia à Comitibus indulta, autoritate presentium confirmamus, inbibentes ne Prior aliquis, Præceptor, vel alius Balliuus cuiuscumque & quatecumque autoritatis, seu potestatis existat, contra confirmationem huiusmodi aliquid attentare presumat.* Guilelmus, & Fulco de Villareto, in summa illa Hospitaliorum dignitate deinceps constituti, subscripserunt Ioanni. Igitur omnes ab eo seu Præceptores, seu Balliui, in ipsis magistratus initiis, ad hæc usque tempora, sanctè iurauerunt in Manuascensium à Guilermo iunior prærogatiuas. Lego quidem Petrum de Vtesio ante Ioannem de Villaribus Præceptorem, anno secundo & quadragesimo post millesimum ducentissimum, ad sacramentum addidisse sequentia: *Per iuramentum per me præstitum nullo modo intendo derogare iuri Hospitalis nostri sacre Religionis.* Verùm ad voces non ante eam diem auditas, vniuersa Manuasca infremuit: & cùm ciues proximè turbas essent, Petrus ciurauit addititia verba, solitumque sacramentum in ista concepit: *Iuro dicta priuilegia, libertates, franquesias, consuetudines, statuta obseruare, iuxta tenorem priuilegiorum, & non contrà venire.*
- 74 Neque immeritò ita decreuerunt Hospitaliorum Magistri; & post eorum decreta,

decreta, sacramento dixerunt, seu Præceptores, seu Balliui Manualæ. Vt
pientissimi erant, obsecuti sunt Clementi id nominis quarto Pontifici. Hic
(& erat consultissimus iuris) anno ipso pontificatus primo, scripsit sequentia
Sistaticensi Episcopo. *Libertates & priuilegia, olim donatas & concessas Ma-
nualcensibus per Guilelmum Comitis Bertrandi, & Comitisse lausseranda filium,
Forcalquerij Comitem, prout scripta sunt, obseruare recusant Hospitalarij, con-
trariæ venire & annullare nituntur. Si sic est, autoritate Apostolicâ, per epistolam
scripta, discretionis tue mandamus, partibus conuocatis, sine iuris strepitu, & fi-
gura iudicij, coram audias & debito sine decidas: & quoscumque cuiuscumque
status, aut dignitatis fuerint contra ipsa priuilegia venientes, & eorum fau-
tores, per tuam, & Aptensem diocesem autoritate Apostolica excommuni-
catos, singulis diebus dominicis & festiuis publicè in ecclesiis facias nuntiari:
& quos nunc, prout & tunc, autoritate Apostolicâ excommunicationis vinculo
innodamus.*

75

Nam quod numero 70. allatum est, Hospitalarios, cum agerent apud
Thedisium, dixisse Guilelmum iuniorem, quas non potest, prærogatiuas
attribuere Manualcensibus? & Guigoni patruo contraria ferre, qui Ma-
nualcam Hospitali Ierololymitano concesserit; atque scilicet huic detrahe-
re honestates & dignitates, quas in illos contulerit; ego quidem nunquam
existimaui, non in iudicio, sed in confesso, hominumue corona dixisse.
Nobilissimi gente viri, & ex rectissima sanctissimi Ordinis disciplina insti-
tuti, moderatius profectò locuti sunt de tanto, &, vt alia non essent, opti-
mè de ipsis merito Principe. Ea verba omnino sapiunt forum, & à viris pro-
fluxere, qui actores in curia pro Hospitalariis stabant, ij vt elegantes ingenio
sunt, præstantque dicendi vi, non omnia sic proloquuntur, quasi singulis
tendant rem conficere; neque nudam istam ita pro iudicum oculis ponunt,
vt sine ornamentis, ac veluti vestibus, inhonora conspiciatur. Multa de se
illi addunt, fucum etiam non raro: sic enim & viuudum præfert colorem,
& illustris ac splendida intrat in contuentium animos. Guigonis tabulas ia-
ctant post Bertrandi fratris filiorum mortem, quas Hospitalarij regnantibus
ipsis neque vnquam opposuere, & suo damnauere iudicio. Fridericus, co-
gnomine Ænobarhus, Guilelmum seniore, quod clientelam professus non
esset, damnavit anno millesimo centesimo quinquagesimo secundo; &
iuniorem Alphonus Prouinciæ Regulus ad eam armis adegit sexto post &
vicesimo. Poterant per illa tempora apud eos (& bonos ac fauentes habuis-
sent) agere pro literis Guigonis, contra fratris filios: quia non egerunt, neque
eas probasse dicendi sunt. Sed cum Bertrandus fratrum secundus, anno octa-
uò & sexagesimo illius sæculi, suam ipsis semel ac iterum donabat Manualcæ
partem; cum tertius Guilelmus, secundo & septuagesimo, per summam
pietatem, seu Cartusianis Durbonensibus multa concedebat, seu Compostel-
lanæ ad Iacobum Apostolum peregrinationi se dabat, cur non eas in magni
ex vera æquitate officij partem proposuere, longè maiora ex pietate suscipien-
tibus? Hic ipse Guilelmus iunior, ter Hospitalariis tradit Manualcæ, in omnes
vitæ annos sibi seruatam: ter ipsi Manualcæ, quæ donabatur, accipiunt; acceptam-
que ei relinquunt in omnes vitæ annos, neq; vnquam significat iam à Guigo-
nis patruu morte suam esse. Bertrandus tamen aiebat se illam *hereditario iure*

76

possidere ; & Guilelmus, *ab antiquo, ab antecessoribus suis*. Scilicet id ipsi quoque tum taciti fatebantur ; neque Guigonis tabulas cogitabant. Si illarum adminiculo ad Manuascæ possessionem nitebantur , cur non eas vnas fratris filiorum autoritate corroborari petierunt ? cur ipsarum confirmatione neglectâ , & Manuascæ partem à secundo fratrum Bertrando semel ac iterum, & vniuersam Manuascam à tertio postulauerunt ter ? Plura non addam , vnum vbi dixero. Bertrandus ante Guilelmum iuniorem Regulus , nescio quam pecuniæ vim moniturus fateatur à se debitam Hospitalaris, testamentoque iubet ab hæredibus reddi , putas , si quam possederat , eorum fuisset Manuascæ ex Guigonis patris testamento , non etiam iussurum , vt , quos per insignem iniuriam ex illa perceperat fructus ipsis restituerentur ? Guilelmus autem iunior , & existimauit etiam ipse sui iuris Manuascam vniuersam per omnes sui regni annos fuisse , & vt illam moriens donet Hospitalariis , redditus tamen de eâ acceptos , vtpote suos , non refundit. Ceterum ita ipsam tum his elargitur , vt ciuibus antè consulat. Sentiebat , & honoris , & tutelæ , & variarum in orationem opportunitatem opum plurimum , per eam donationem Manuascensibus decedere. Igitur Puteanus , libro de regis Francorum in Barri ducatum iuribus sapienter aduertit , *cum princeps longè lateque potens , cogitat de regiuncula principi minus amplè dominanti donanda , huius incolarum plurimum interesse non mutare dominum*. Futurum quoque cogitabat Guilelmus , vt dynastæ mutatio , sub Hospitalaris frequentissima , turbatum aliquid cieret fortassis aliquando Manuascæ , dum alias ab aliis seu spes , seu formidines , & inducit , & auget. Multiplicem ergo prærogatiuam ei concedit principio , remque ipsius publicam præcipuè constituit : deinde quietam , ornatamque Hospitali Ierosolymitano concedit. Atque vt ad Consules ab ipso inuentos redeam , Consulumque Senatores seu Consiliarios , de quibus ad Thedisium delatæ referuntur querelæ , celeberrimum est illud Manuascensium concilium , iubente Roberto Rege coactum anno millesimo trecentesimo trigesimo quarto , in quo & Consiliarii omnino sexaginta , & Consules duodecim , ex Guilelmi iunioris præscripto instituti sunt , postquam Forcalquerij iudex , qui mandata Regis detulerat , recessisset ex aula. A Roberto ceteri reges suas has omnes prærogatiuas Manuascensibus illibatas esse iusserunt. Ipsorum tamen precibus dedit Senatus Aquensis , vt duodenarium Consulium numerum tenario mutarent. Annis ante nos paucis Henricus Magnus duodenarium Lugdunen-

78 siu numerum mutauerat quaternario. Is ipse senatus pro ceteris prærogatiuis toties pronuntiavit , quoties aduersus illas insurrexerunt actores. Nobilissimum est edictum de fumis ante ducentos annos , & quod exterrit , latum. *Declaramus* , inquit regij senatores , *vniuersitati Manuascæ ; virtute privilegiorum eidem vniuersitati per quondam Guilelmum Comitem Forcalquerij , licuisse , & licere perpetuo furnum , & furnos facere , victum victori in expensis legitimis condemnantes*. Non placet ire per ceteras prærogatiuas. Vnam tamen illarum prætermittere nec debeam , nec possim , quæ in publico vsu semper fuit , & cum peruenisset ad iudices , ipsorum decreto firmata est. Guilelmus iunior illorum qui sine omni seu ex testamento , seu ex lege hærede , diem extremum obierint , vniuersa iubet esse Manuascensium , & Isnardo de Flayosc. Hospitalariorum Præceptori displicuisse rem inuenio. Anno millesimo ducentesimo

centesimo nonagesimo nono Petrus de Laca moritur ex hæres, & Isnardus intercedit Manuascensibus hæreditatem adeuntibus: sed octauâ & vigesimâ die mensis Septembris, edicto curiæ damnatus est. Igitur ex eo, suam vim sine omni contentatione habuit, à Guilelmo Principe prærogatiua. Anno sexto & sexagesimo superioris sæculi (quid enim antiquiora persequar?) Michaël Almaignac Manuascensis ciuis obiit Valentis Delphinatum, & Manuascenses hominis sine omni hærede mortui fortunæ, ut iam suas, transferunt in publicam pauperum & infirmorum ædem. Longè alius ab Isnardo fuit Fulco de Villareto Supremus Hospitaliorum Magister: is non prærogatiuas à Guilelmo iuniore concessas firmavit suis literis, sed etiam anno vndecimo post millesimum trecentesium, ad ipsas addidit quæ sequuntur. *In perpetuum in speciale privilegium concedimus, & donamus, ut deinceps in Villa Manuasca, nec eius districtu, aliquis incola vel habitator Manuasca, vel eius districtus, ad aliquod officium publicum indicatura, vel baiulia, vel alterius, cui sit annexa iurisdictio, nullatenus admittatur. Dantes Priori S. Egidii, & Præceptori Manuasca, qui nunc sunt, vel qui pro tempore fuerint, in virtute S. Obedientie presentibus in mandatis, ut in futurum nullum habitatorem vel incolam Manuasca, vel eius districtus, ad officia admittere valeat. Hoc mandatum secuti sunt, & ceteri Manuasca Præceptores, & sapientissimus ille Helio Villanouanus anno post Fulconis præceptum septimo, ut intelligitur ex capite decimotertio conventionum cum Manuascensibus editarum, ex consensu, ita ipsæ habent) voluntate, & assensu fratrum conventualium conventus palatii de Manuasca, conuocatorum ad sonum campanæ, ut moris est. Si verò postules, quid Villaretum adduxerit ad id Manuascensibus concedendum, respondebo spectasse illorum quietem. Sanè pro parte vestra (verbis supra recitatis præmiserat, ad ipsorum postulata respondens) nobis oblata postulatio continebat, quod retrorsus temporibus propter consilium incolarum vestrorum, regimina suis parentibus consanguineis fauorifantium; illicitæ multe vobis sunt illatæ iniuriæ, & inter vos plures ortæ discordiæ, quas expedit radicibus extirpare. Non pauca alia, & is ipse, & Fulco, & alij Hospitaliorum Magistri Manuascensibus indulserunt; alique etiam ab aliis non pauca Balliui. Ea recensere non placet. Neque enim scribo ego iuris Manuascensis corpus. Præcipuas tamen leges, quibus publica stat eorum, floretque res, tacere non potui. Hoc etiam iuuabit adiungere. Cum nonnulli è ciuibz, animo parricidalis coniurassent in patriam, anno tertio & trigesimo sæculi præcedentis eiusque prærogatiuas omnes, & illa maximè capita, quæ spectant ad Consiliariorum numerum & perpetuitatem, atque Consulum dignitatem & vim, præcipuas rei Manuascensium publicæ columnas euertere, apud Senatum Aqueensem contenderent, damnati sunt communissimo sapientissimo sapientissimæ curiæ sensu, quæ iussit ut Manuasca pergeret in suis moribus & institutis, iuxta privilegia Guilelmi Comitis. Franciscus rex etiam asperè, pro crimine, habuit degeneres, patriæque indignos ciues? & cum omnes prærogatiuas suo firmasset assensu, eorum aduersus ipsas libellum, quem supplicem Nicolaus Cumbus obtulerat, manu Cancellarij laceravit. Domus autem, in quam consiliis capiendis conueniunt ciues, emptæ est anno millesimo trecentesimo nonagesimo septimo. Eius anni diarium hæc habet:*

Die tricesimâ Octobris consilium habitum est in domo consilij nouiter empta ab Antonio Martini iuxta cæmeterium S. Saluatoris. Ante illud temporis, habuerunt quidem aliam domum publicam, ab anno incerto: Sed tum curiæ tamen non erat vnus locus; neque infrequenter conueniebant in sacrum aliquem. Lego cætus habuisse in cæmeterio S. Saluatoris, anno sexto & sexagesimo post millesimum trecentesium; in ecclesia S. Stephani, sexagesimo post millesimum ducentesium. Celeberrimus est, ad quem anno 1334. die 3. mensis Februarij, conuenere viri omnino 775. in claustro ff. Minorum, vbi est vlmus & pratum, inter dormitorium, & domum forestariæ, ac refectorium, vbi consuevit vniuersitas in casibus similibus congregari. Cùm certa non erat comitiis domus, publicum tabularium fuit Manualscensibus in S. Mariæ augustis illis ab omni temporum antiquorum memoria ædibus. Tam acerbis autem odiis semper infecuti sunt eos, qui arcana curiæ consilia prodidissent, vt anno millesimo quingentesimo trigesimo tertio, obtinuerint à Francisco Rege aduersus ipsos legem: alteroque post anno, candidissimam quatuor aut quinque palmorum latitudine fasciam, toti muro illius, ad duos super foribus pedes cum quadrante, imposuerint, inscribendis ad æternum dedecus nominibus ipsorum, ex decreto quod publicus scriba istis verbis concepit in Consulum diario. Die decimâ Martij decretum fuit per ipsum Consilium ordinatum, quòd thesaurarius facere faciat cum plastro bene albo emblachiere, supra portam domus Vniuersitatis à parte extrâ, à modo siue façon, de vn epitaste en la paret, ad describendum nomina & cognomina illorum eiusdem Consilij septuaginta duorum, qui ordinationes seu secreta eiusdem Consilij indebitè reuelabunt, seu diuulgabunt. Nomine epitaste inscriptionem significat. Corruptè autem scripsit, vt ab omnibus caperetur. Neque id miror. Ita scribebant ad vulgus illis temporibus, & quidem iam ab mille annis ceptâ consuetudine. Cùm Gregorius Turonensis, vt ipse in epistola ad Ecclesiam Turonicam autor est, matri per somnum negaret scribere de Beati Martini miraculis, excusans Latini sermonis ignorantiam, diceretque, non te latet quòd sim in scius literarum, & tam admirandas virtutes, stultus & idiota non audeam promulgare; illa respondit: Nescis quia propter intelligentiam populorum, si quis loquitur, sicut tu loqui poteris, eò magis habebitur præclarum? Sunt qui velint id consuetudinis cœpisse à Concilio Turonensi 3. cap. 17. anno 813. Quilibet Episcopus habeat homilias continentes necessarias admonitiones, quibus subiecti erudiantur, &c. easdem homilias quisque apertè transferre studiat in rusticam Romanam linguam, &c. quòd facilius cuncti possint intelligere quæ dicuntur. Qui hoc sentiuunt arbitrantur rusticam Romanam linguam dici, quæ Latina quidem est, verùm barbarissimis, solæcisimis, & vocibus è vulgari sermone in Latinum inflexis, scatet. Cùm eis sentire videtur Regino ad annum 814. cùm ait in libello quodam se reperisse plebeio & rusticano sermone composita, quæ ex parte ad Latinam regulam correxerit. Sunt tamen qui malint rusticam Romanam linguam esse, quæ Romana corruptè appellatur apud Rudolphum Abbatem S. Trudonis in chronico M. S. his verbis: Adalardus Abbas natiuam linguam non habebat Teutonicam, sed quam corruptè naminant Romanam VValonicam. Hac certè videntur olim vsi Franci, quos Otho Frisingensis, vt à Teutonicis distinguat, appellat Romanos.

83

Antequam hunc de prærogatiuis, moribus, institutis, & dynastis Manualscensium

Manualensium concludam librum, aliquod operæ fortassis pretium erit adde-
 re, quod Consules suo cum Senatu, ex plebis mage, quàm suo, vſu ac
 dignitate, anno sexto & trigesimo superioris ſæculi ſuſceptum, per annos
 quinquaginta omni optum vi perficere contenderunt. Voluere ſibi præ-
 torium Forcalquerienſe. Res ex familiari ſermone nescio cuius ciuis, alia
 omnia cogitantis, cum Ioanne Carriolio Canoniciſ Aqueſibus Præpoſito
 cæpit. Scilicet ita fere habet, vt è minimis momentis maxima ſurgant,
 ſtenteque conſilia, & vehementiſſimus ignis è tenui ſcintilla promicet latè-
 qua ſpargatur. Vt ab Aqueſi curia pro perpetua veneratione pendent, an-
 te omnia Bartolomeum Caſſaneum curiæ principem, ſcriptis libris notiſſi-
 mum, adeunt. Vbi is audendi annos fecit, nullis ſumptibus, laboribus
 nullis parcunt. Aiebant, & inquisitioni præfecto probauere, (Bertrandus
 præſes iſerat, qui è ſigilli regij poſtea cuſtode, demum in Cardinalem eua-
 ſit) Manualcam omnibus per Comitatum Forcalquerienſem actoribus, &
 ſitu, & annonâ, longè opportuniorem Forcalquerio eſſe. Ad huius agrum,
 qui neque oculis placeat, & cultori ſuo ingratus ſit, anguſtum ex omni
 parte ac difficilem patere aditum, cùm illius & amœnitas inuitet, & vber-
 tas detineat aduenas. Sed impediēbat rem omnem Hoſpitalariorum dyna-
 ſtia, quibus ſi prætores ipſorum domi præponas, & præponendi ſunt ij quo-
 rum iudices ſedent, detrahes dignitatem. Igitur viſum eſt futurum è popu-
 lorum quiete, vt Manualca, ſi regium auct prætorium, redeat in iura prin-
 cipis, præſtito Hoſpitalariis damno, & præterea ex grati veneratione animi,
 pro lucro ab actorum frequentia, honoreque, & prærogatiua ſupra Forcal-
 querium iure, vim aliquam pecuniæ Regi pendat. Neque diſplicuit Con-
 ſulibus conditio. Dabimus, inquiunt, Hoſpitalariis ad librarum triginta
 millia, Regi decem minùs: quæ autem Hoſpitalarij poſſident, non ſerua-
 bimus tamen omnia, forum iudicis concedemus regi, prætoribus iuri di-
 cundo palatium, cetera nobis habebimus. Iam reſpectabat ad finem, cùm
 Manualcenſes ſuam poſtponunt Prouincialium publicæ, cuius curatores
 vehementer agentibus intercedebant, petentes vt vniuerſi Prouinciæ,
 quàm latè patet, prætores Aquis Sextiis iura darent & tum quidem ceſſa-
 uerunt. Anno eiſdem ſæculi ſexageſimo, Hugonotti, aut diſſimulantibus,
 aut clàm quoque fauentibus prætoribus, habebant Forcalquerij publicos
 cœtus, & Manualcenſes, vt, accepto à maioribus, ante omnem aliorum
 poſt alia ſæcula memoriam, odio, hæreſes ſemper inſecuti ſunt, iſque capi-
 ta nullis vnquam temporibus ſubmiſerunt, reſumunt interrupta à pluribus
 annis vota prætorij. Ingentes animos fecit, quòd publici Prouinciæ cura-
 tores nihil iam turbabant, ſentientes longè alia comitiis tum eſſe conſilia. Ne-
 que paruum agentibus apud Regem fuit momentum ab omnibus pene dy-
 naſtis Comitatus Forcalquerienſis, qui iuſta poſtulare teſtabantur, teſta-
 bantur id etiam vrbes præcipuæ. Tres totos & viginti annos laborauerunt.
 Sed operi tanto nullus reſpondit fructus. Quid prælongi & eduri laboris præ-
 tium coruperit non inuenio. Certè ſua Forcalquerio prætura eſt. Neque
 vlliſ habendæ, cùm etiam plures toto regno ex antiquioribus reciſæ ſunt,
 Manualcam præterea inuaſit cupidus ſuo vno, & eo annuo, ac extraneo iudi-
 ce contenta eſt.

Etego quidem magnis præconiis potiùs efferam illos ciues, qui trigēſi- 86
 mo

mo sepeioris sæculi anno, antiquitatis retinentes extinxerunt nomen Syndici, seu protectoris, & Defensoris, ante centum annos, & quod excurrit, inuentum. Excogitauerant illud probabili in vulgus magis, quàm necessario, aut vtili exemplo. Consulum ipsorum est protegere, tueri, defendere suos ciues, iisque consulere, vt docebat Guilelmus iunior, qui ipsos inuenit. Hoc si faciunt alij, illis certè cum munere concedendum est nomen Consulis. Et hoc viderant, qui tertio ante Syndicorum expunctionem anno, id nominis attribuerunt principibus Consulum binis. Ab eo, dum stetit numerus duodenarius, tuebantur ipsi ciuium iura quod Syndicorum, seu protectorum, ac defensorum fuerat; sed Syndicorum carebant tunica illâ illustri & splendîdâ. Hanc enim sibi etiam isti acceperant, vt qui Consulibus præbant, præ ipsis quoque insignes veste essent. Postea tamen pro tunica duobus illis collegarum primoribus tradita est epomis, quæ cum numerus omnis ternario mutabatur, pertinuit cum Syndici munere ad vniuersos, pro ceteris præcipuarum totâ Prouinciâ vrbium Consulibus.

MANVASCÆ

LIBER TERTIVS.

- I** ACTENS ea sum persecutus, quæ ad Manuascæ pertinent agrum, incolas, domos, fontes, plateas, muros, dynastas, prærogatiuas, & instituta. Reliquum est, vt exequar sacras ædes. Et hæc pars operis, quam à puero vitam institui, maximè decet. Ad eam igitur omnes animi vires libentiùs, (accuratiùs non possum) intendam necessum profectò est. Vt hinc incipiam, ante annum millesimum trecentesium quadragesimum erant illæ omnino vinginti & vna, in valle Manuascæ. Suam Montacurum Petro Apostolorum principi sacrauerat; suam Maximo Regiensium Episcopo, vnde etiam sibi nomen habebat, Fanum Maximi; Ventorum omnium pagus Mariam Virginem colebat in altera, in altera Iacobum, seu Christi, seu Ioannis fratrem, hoc enim obscurum est. Castrum Manuascæ, quod Fanum Martini etiam vocatur, Martinum venerabatur in præcipua, in altera Christi matrem. Fanum Petri tribus in lineam ferme rectam insigne erat: Christo sepulto surgebat media, cique dextera Petro; Lazaro quem Iesus amauit, læua. In Villa seu Burgo viscebantur omnino quatuor. Saluatori hominum dicata vna erat, Mariæ altera, tertia Ioanni Baptistæ, Stephano martyrum principi quarta. Ad Villæ muros stabant tria cum suis templis monasteria. Sub portam Guilelmi petriam suam erat Carmelitis, Clarissis virginibus in extrema Saunaria suum, suum denique Franciscanis ad riuum Furnocalcium, proximè Conchetarum fontem. Stephanus summam venerationem habebat in antiquissimo Formicarij nemoris templo. Denum reliquo in agro non procul Druentia fluuiio stabat Martino ædes Monlorguia, Rostanæ virgini iuxta Fanum Maximi sua, sua & Michaëli archangelo, & Albano martyri, cuique in regione cognomine. Vah Sacrarum ædium pro valle multitudinem! Verissimum

simum profectò est summæ Manualensium vetustissimis temporibus pietatis argumentum. Lego quidem præterea Vbangorum, & Podij acuti templâ: sed qui video podium montem esse, putauerim hoc Montacutij pagi templum dici; illudque fortassis etiam ab vno ex aliis quæ memorauimus aliquo, distinguebatur sola voce.

Post annum millesimum trecentesium quadragesimum, ille sacrarum ædium numerus plurimum decreuit, & nonnullarum quoque situs vehementer immutatus est. Fanis Petri, Martini, Maximi, & pagis Ventorum omnium, ac Montis acuti euerlis, eorum templa stillicidiis & vetustate, cum à ciuibus deserta non curarentur, denique ceciderunt. Cetera in agro posita, quoniam qui in Burgum conuenerant, ad remota frequentes non adibant, ruinam quoque sensim de se passa sunt. Duo quidem ex illis nunc stant, alterum Mariæ dicatum Virgini, ad Ventorum omnium olim castri sedes; Petro alterum, vbi cognominis pagus quondam visebatur. Sed instaurauere istud Hospitalarij, ciues illud. Carmelitarum denique, Franciscanorum, & Clarissarum monasteria, ex agro, vbi patebant militum furori (& ab ipso senserant cladem) in urbem commigrarunt. Quid ? quòd cum vrbs pietate non minùs, quàm amplitudine murorum, & multitudine ciuium, domuumque accreuerit, ac tria etiam illa monasteria muris acceperit, Capucinisque se non procul ædes excitauerit, templa tamen Ioannis Baptistæ, ac Stephani, quæ in ea media stabant, sic excisa sunt, vt illorum sedes ab omnibus ignoretur.

Sacerdotiorum autem, quæ ad ea olim spectabant, & de ipsorum nomine etiam nunc censentur, non vna & eadem semper fuit administratio, si Sanmarianum & cetera quæ Regulares habent, demas. Episcopi Sistaricenses, Geraldus Caprerijs post annum millesimum sexagesimum, Bertrandus millesimo centesimo septuagesimo tertio, Alanus millesimo ducentesimo sexagesimo primo, ac demum & alij nobis ignoti, & Robertus millesimo quadringentesimo vigesimo tertio, antiquissimam ita sensim mutauere, vt quæ singulorum ad singulos rectores pertinebant sacerdotia, nunc demum in Forcalqueriensium canonicorum collegium collata, suo tantum nomine perdurent. Sed hæc res est eiusmodi, vt è veteribus chartis erui debeat, & in lucem edueta peruenire ad posteros. Bertrādus ergo sic loquitur: *Gerardus Caprerijs donauit Forcalqueriensi Ecclesia ecclesias S. Martini de Manusca, cum omnibus ecclesijs quæ in eadem valle erant, vel fieri poterant. Cum legis donasse ecclesias vallis Manuscæ, intellige collationem earum, quâ potiebatur, in Forcalqueriensem Ecclesiam transfudisse. Alanus enim ille est, qui ipsarum plurium fructus, aut dominium dedit. Audi constituentem canonicorum, quas loquuntur, præbendas. Visum fuit, quòd prædicta diuisio, & ordinatio præbendarum constitui & fieri plenè non posset, nisi ecclesie &c. ad collationem dicti capituli pertinentes, quas nunc temporis tenent non canonici, scilicet ecclesia Montis acuti, & ecclesia S. Maximi, & ecclesia S. Sepulcri, & ecclesia de Totis auris, & ecclesia S. Saluatoris essent confusa & vnita capitulo dictæ Forcalqueriensi Ecclesia. Et nos &c. imprimis ecclesiam supradictam de Totis auris ecclesie supradictæ S. Saluatoris de Burgo Manuscæ anneximus, & vnimus, & vnitam pèrpetuò fore censemus &c. Item tam iam dictas ecclesias S. Saluatoris cum prædicta ecclesia de Totis auris sibi annexa, quàm prædi-*

- Etiam ecclesiam S. Maximi cum predicta ecclesia Montis acuti sibi annexa, & ecclesiam S. Sepulcri de valle Manualscæ, saluis iuribus ad vitam suam, quam habent priores seu rectores, scilicet S. Salvatoris, & de Totis auris, & S. Sepulcri, & Montis acuti in eisdem &c. cum omnibus iuribus & pertinentiis, & dependentibus ab eisdem, episcopali auctoritate anneximus, & unimus, & easdem omnes, & singulas communitati Forcalqueriensis Ecclesie tanquam annexas & unitas nunc & in perpetuum deputamus. Hæc Alanus. Sacerdotia quinque adiungit collegio canonicorum Forcalqueriensium, & ipsis vnis ad consilium adhibitis, & Manualscensibus inauditis. Quis cetera illi addiderit non inuenio: Sanmartinianum Castri Manualscæ adiunctum Præposituræ fuerat ante Alanum à Rostagno Cabassola vtriusque sacerdotij rectore. Quia in sacris vnus eorum ædibus morati, atque, vt vulgò dicunt iubentque iura, residere volebat, hoc inuenit nono anno supra millesimum trecentesium trigesium, vt sui loco sacerdotem (vicarium appellant) in Fano Martini constitueret; eique pro templi cura ædituum, pro sacramentorum ministerio, quem dicunt secundarium, tresque canendis Deo laudibus clericos, ac in varia templi opera denique famulum, apponeret suo stipendio singulis attributo: cetera prioratus Sanmartinensis adscripsit Præposituræ Forcalqueriensi in seculis Manualscensibus. Sed istorum omnium stipendia, Robertus Sistaricensis Episcopus ei ipsi Præposituræ tradidit, sexto & octogesimo post*
- 7 anno. Nobis constat ex privilegiis & libertatibus vobis concessis, alloquitur canonicos Forcalquerienses, nec non per chartas publicas, per vos nobis exhibitas & ostensas, quòd cum apud S. Martinum de Manualscæ multitudo populi existeret, propter quem eidem ecclesie cura animarum actualis imminerebat, facta donatione & concessione de decimis & iuribus dicte ecclesie S. Martini, vobis & ecclesie B. Marij de Forcalquerio, quidam dominus Rostagnus Cabassola tunc Præpositus dicte Forcalqueriensis Ecclesie, pro cura animarum, que dicte Ecclesie imminerebat, constituit, ordinauit, atque fundauit eidem vicariam perpetuam, assignans pro vicario, & statu eiusdem vicarij, de fructibus, emolumentis, & obventionibus dicte ecclesie certam cotam, vt latius & magis plenè in fundatione prædicta inuenimus contineri. Verum quia nunc notoreitate facti monstrante fuimus legitime informati, quòd locus ipse est, & fuit, à sexaginta annis & ultra funditus depopulatus, ac gentibus omnino destitutus, propter quod nulla actualis cura nunc imminet animarum, nec est spes quòd in futurum immineat, quapropter considerantes quòd cessante causâ, propter quam vicaria fuit fundata, debet similiter effectus & dicte vicarie merito cessare, dictam vicariam, ac eius effectum, annihilantes, unimus, incorporamus perpetuò, & anneximus dicte Præposituræ Forcalqueriensis, eadem dictam ecclesiam tenore presentium incorporando. Qui sacerdotia S. Ioannis Baptistæ, & aliorum per vniuersam vallem templorum concesserint Forcalqueriensibus canonicis non lego. Ante Robertum Sistaricensem Episcopum tradiderant, Is enim ita loquitur: Ecclesie S. Marij, Ecclesie S. Martini, S. Salvatoris de Manualscæ, S. Ioannis eiusdem loci, S. Sepulcri, B. Mariæ de Totis auris ex ora muris Manualscæ, necnon ecclesie, in dicte valle Manualscæ constituta, fuerunt donata atque concessa, cum omnibus iuribus suis, atque decimationibus.
- 9 Si petas quid sapientissimos antistites adduxerit ad ecclesiarum Manualscensium

cenſum principio collationem, deinde ſacerdotia collegio canonicorum Forcalquerienſium donanda, accipe. Res aliùs reperenda eſt. Frondonus Episcopuſ canonicos in eccleſia Forcalquerienſi conſtituit omnino ſedecim, & Siſtaricenſis etiam eccleſiæ canonicos eſſe iuſſit, vnum ex his & illis collegium compingens. *Forcalquerienſis & Siſtaricenſis eccleſia, una fuerunt eccleſia*, inquiebat Bertrandus, etiam ipſe Siſtaricenſis antiſtes anno tercio & ſeptuageſimo poſt milleſimum centeſimum, *& ab Episcopo Frondono ſexdecim canonici in utraque eccleſia ſuere conſtituti*. Quo anno id perfecit, & quo vixerit Frondonus tempore, non liquidò dixerim, tacentibus vniuerſis, quæ ad me peruenerunt chartæ. Suſpicabar feciſſe, cùm Guilelmus Adelaidis, ſeu Aliſiæ, Comitis Dienſis coniux, aut Rothboldus pater, Forcalquerienſem principatum fundauit primus Comes. Quis enim dubitet & alia, & ſacra decora Forcalquerio tum addidiſſe: cùmque Episcopuſ ſedem ſuam in id, Siſtarico deſerto, deportare per ſe ipſe non poſſet, canonicos certè, qui ad ſummum honorem Siſtaricenſes ipſoque eſſent, Principe ſuadente in illo poſuiſſe? Frondonus anno milleſimo triceſimo ſedebat Aquis Sextiis, & Siſtaricum venit, cùm Durandus Episcopuſ beato Promaſio templum excitabat. An hic ille Frondonus eſt, qui, quod non ſemel factum legimus, è Siſtaricenſi Antiſtite in Aqueſem eualeſcit? Certè, ſi hoc ſentias, facile intelliges cauſas ei ex priſtina conſuetudine fuiſſe non leues, cur Siſtaricum veniret ad erectionem ſacræ ædis: & Rothboldus anno quinto illius ſæculi viuebat, Guilelmusque filius ſecundo ac vigeſimo Putabam igitur olim ego Frondonum ſediſſe Siſtarici per illos annos & libro 2. de rebus geſtis Episcoporum Siſtariceniſium, docui ſimillianum, veri eſſe, quòd ſederit incerto tempore inter Vſum anno 967. autore Conrado Pacificò Episcopum, & Durandum qui anno 1030. templum S. Promaſio antiſtes excitauit. Sed cùm eos libros typis edentem, res dubium habuiſſet, atque tempus quo Frondonus ſedit omnino obſcurum videretur, opportune accidit, vt typographis in hoc de Manualca opere laborantibus, nuper inuenta fuerit in canonicorum Forcalquerienſium tabulario charta, ab ipſo ſcripta an. 1015. ſedit ergo medius Vſum inter ac Durandum quidem, ſed quo ſedere cepit, quo deſuerit, proſus incertum, eſt. Hoc vnum liquet ſediſſe anno 1015. In eà chartâ *Frodus* (Frodonem etiam & Frodonum, atque Frondum, Frondonem, ac Frondonum, vt aliàs annotaui, appellant veteres tabulæ) *Episcopus Siſtaricenſis anno 1015. die 18. calendæ February dat Eccleſiæ S. Mariæ, S. Marci, & S. Thyſi* (eſt hæc eccleſia Forcalquerienſis) decimas Salagonis. Placet hic vnum addere. Ex iſta charta intelligis, Boucheum in Chorographia Prouinciæ Libro 4. cap. 2. §. 9. profeſſum ea ſe tantum nomina Episcoporum Siſtariceniſium allaturum, quæ veteribus legiſſet in tabulis, ſcripſiſſe quidem vera, cùm Frodonem in illis præſulibus poſuit, ſed nullis in tabulis legere potuiſſe tempus, quo ſediſſe ſignificat: Vide quid eo libro ſcripſerit. Sederum Siſtaricici.

Anno 967.	Verſus.
999.	Rodolphus 1.
1030.	Durandus.
—	Petrus 1.
1070.	Gerardus Chabet.

P P p 2

Carolus.

Carolus.

Petrus 2.

Frodo.

1102. — Bertrandus 1.

non peto vnde acceperit Rodolphum I. sedisse anno 999. vnde Petrus I. L. Carolo & Frodoni medium: certè nunquam legit in veteribus tabulis Frodonem sedisse proximè annum 1102. quandoquidem ipse idem Frodo dedit anno 1015. decimas Salagonis Ecclesiæ Forcalqueriensis. Salago autem, cuius decimas dedit, est agri Mammæ ad Forcalquerium oppiduli regio. Sedecim verò canonicos fuisse in Forcalquerij, ipsis iniunctis collegij, aut iis certè non procul, ille fortassis emirabitur, qui ad tenuissimas ipsius opes ante sacerdotiorum Manualscensium concessionem attenderit. Forcalquerisia ferme sola scilicet possidebat. Sed is vbi cogitauerit illa tum fuisse tempora, quibus antiqua clericorum per vniuersam Galliam reuocabatur pietas, inueniet canonicis sedecim suffecisse. Canonici in capitula Sparnacensia sese restituebant, quibus edicitur, *vt in dormitorio dormiant & in refectorio comedant, & in domo infirmorum necessario subleuentur, & tam sani, quam infirmi canonicè vestiantur, & sub custodia canonica lectioni, & ceteris diuinæ institutionis insistant officiis.* Putas canonicis sedecim, sese ad eas leges componentibus, non fuisse satis ad vitam honestè agendam, quæ de Forcalqueriensibus sacerdotiis colliguntur pecuniæ? Anno etiam tertio & septuagesimo post millesimum centesimum communi mensâ vivebantur, autore Bertrando Episcopo qui tum vivebat, magno argumento ceteras etiam vitæ rationes ad Sparnacensia capitula exegisse. Frondono mortuo res plurimum immutatae sunt, eò denique deuenerunt, vt Canonici Forcalquerienses à Sistaricensibus seiungi debuerint, & in vnum seorsim ab illis collegium conuenire. *Bona memoria D. Geraldus, qui cognominatus est Caprerius, inquit Bertrandus Episcopus, alteram ecclesiam ab altera, sicut in charta eius continetur, diuisit, diuidens etiam nomina dignitatum inter eas. Queris causas diuisionis? accipe. Idem ipse Geraldus in charta sua, pergit, satis simplicibus verbis narrat, quomodo ante ipsum ita fuit destructus culpa laicorum & Episcoporum Sistaricensium episcopatus, quòd nec etiam vna gallina remansit. Et fecit hoc maximè quidam nobilis homo Ragobaldus nomine: fecerunt hoc impij Marchionis antè, quorum nomina dicit deleta esse de libro vite. Prædictus Ragobaldus emis episcopatum Sistaricensem filio suo paruulo, qui postea factus est Episcopus Vasionensis. Destruxerunt etiam ipsi, qui ante eum fuerunt, de quibus ipse dicit quòd simoniaci erant viua voce, vxorati publicè. Vnde accidit quòd episcopatus Sistaricensis fuerit absque rectore decem & septem annis. Tandem verò electus est ipse D. Geraldus apud urbem Auenionensem in Concilio magno, quod ibi celebrauit cum omnibus Episcopis totius Prouinciæ Hugo Cluniacensis Abbas, fungens legatione D. Papæ Nicolai, ad quem à prædicto legato missus iam dictus Geraldus in Episcopum fuit consecratus. Hunc Roma redeuntem, vt ipsemet narrat, Sistaricenses non permisissent transire per ciuitatem suam. Veniens ad Forcalquerienses, honorificè & cum magno gaudio receptus est ab eis. Ibi, vt ipse dicit in charta sua, inuenit filios Ecclesiæ congregatos. Et tandem dedit seipsum, & corpus suum Deo, & S. Mariæ & S. Mario Confessori, & beato Tyrso Martyri. Hic, vt dictum est, canonicos Sistaricenses & Forcalquerienses*

querientes separauit nominatim & expressim, Dignitates inter se diuidens, & Præpositos in utraque ecclesia constituens. Ecce causas diuisionis canonicorum 13
 Forcalqueriensium à Sistaricensibus. Illæ ipsæ fecerunt, vt idem Antistes plurima in eos conferret sacerdotia, plurima successores, ac demum Manualcensia etiam omnia. Dum stetit ea mens viris, vt communem agerent vitam, fuit illis opum satis, sine istis ad honestè ducendam: cum ab ipsa discedere visum est, propriamque sibi rem singulis per singulas domos habere, profectò satis non fuit. Sed istud hæcenus dixerim, & afferre plura non placet. De Forcalqueriensibus canonicis orationem non instituo: neque postulat locus, vt ipsorum instituta, religionesue exequar. Nonnullum tamen operæ fortassis erit pretium, si Episcopos eos memorem, qui ab annis ante Geraldum Caprerium quinquaginta, vsque ad tertium & vigesimum à millesimo quadringentesimo fuerunt Sistarici per annos omnino quadringentos, & quod excurrit. ij scilicet illi sunt, qui è clero Manualcensi ad Forcalqueriensem præeunte Caprerio sacerdotia transtulerunt; aut suis moribus fecere, vt Caprerius Sistarici admissus non sit, Forcalqueriumque igitur adierit, amaueritque, vnde omnis suorum à Manualcensibus sacerdotiorum auulsio profecta est. Qui ergo post annum Christi millesimum Sistarici per annos quadringentos sederunt Episcopi, inuenio consequentes. 14
 Petrus 1. sedet anno 1030. ex magno chartulario S. Victoris, in quo extat eius donatio Orbazacæ in Comitatu Nicensi Sanuictorinis monachis. Geraldus 1. sedet anno 1031. ex donatione Guilelmi Bertrandi Prouinciæ Comitit Sanuictorinis monachis. Sedet anno 1035. ex donatione ecclesiæ Fontelaneæ Sanuictorinis. Rogobaldi filius inuadit episcopatum à patre emptum: qui idcirco vacat annos 17. ex literis Bertrandi 1. Sistaricensis episcopi. Geraldus 2. gente Caprerius, ex fundatore, & primo Præposito monasterij Olciensis creatur episcopus anno 1060. aut circiter Auenione in Concilio, ex literis Bertrandi 2. Sistaricensis episcopi, Nicolao 2. pontifice. Sedet anno 1065. ex literis, quibus Cunibertus Episcopus Taurinensis, & alii, & à Comite Sabaudia concessa, confirmat Nantelino, Geraldus Caprerij in fundatione monasterij Olciensis socio, & in eiusdem Præpositura successori. Carolus Geraldo tertio successit, ex literis Bertrandi secundi; & ex iisdem Carolo Bertrandus primus, qui sedet anno millesimo centesimo quinto, ex plurium rerum concessione Canonicis Forcalqueriensibus. Bertrandus primus anno millesimo centesimo secundo, Geraldus tertius Sedet anno millesimo centesimo decimo, ex chartulario canonicorum Aquensium. Petrus, gente Sabranus successit Geraldo quartus ex literis Bertrandi secundi. Sedet anno millesimo centesimo quadragésimo nono, ex donatione Manualcæ Hospitalariis à Guigone Comite Forcalquerij. Sedet anno 1168. ex donatione Manualcæ Hospitalariis à Bertrando Comite Forcalquerij. Sedit annos 26. & menses 2. ex literis Bertrandi 2. Bertrandus 2. de Cartusianorum Durbonis Priore Episcopus, sedet anno millesimo centesimo septuagesimo, ex ipsius pro canonicis Forcalqueriensibus literis anno millesimo centesimo septuagesimo tertio, ex literis de controversia Templariorum cum Cartusianis Durbonis. Bermundus de Andusia creatur anno 1174. ex prærogatiuis Cartusianorum Durbonis à

Guilermo Comite Forcalquerij. Rodolphus de abbate Cisterciensium Toroneri Episcopus, sedet anno 1216. ex conventionibus Hospitalarium Manualcensium cum Priore Sanmariano. Moritur anno 1241. currente ex chartis Episcopi Sistaricensis. Henricus de Bartholomæis de Suse, ex archiepiscopo Ebredunensi Episcopus anno 1244. sedet ex literis quibus accipit molestinam, vineas, & alia ab canonicis tum Crociensibus, tum Placiti Dei. Cùm sedisset annis 8. fit Archiepiscopus Ebredunensis ex chartis Episcopi Sistaricensis. Humbertus, siue Imbertus ex ordine Prædicatorum sedet annos 6. ex tabulis Episcopi Sistaricensis. Anno 1251. 12. cal. Septembris accipit à Vvilelmo Romanorum Rege confirmationem omnium castro- rum, prædiorum, & iurium Episcopatus. Anno 1257. sedet ex literis quibus emit quæpiam bona à Rostagno Gauterio de Reuesto. Alanus sedet anno 1260. ex arbitrio Raimundi Arditi Præpositi Forcalqueriensis, & Imberti de Ausonis super iuribus de Ybonicis. Petrus Giraudi, sedet anno 1276. ex literis, quibus seruatur indemnis à bedali nescio quo Druentia. Anno 1291. currente moritur, cùm sedisset an. 14. ex chartis episcopij. Petrus de Alamanonno ex ordine Dominicanorum Episcopus succedit Petro Giraudi. Sedet anno 1291. ex chartis Episcopij. Anno 1293. accipit potestatem à Carolo secundo Comite Prouinciæ emendi castrum de Ybonicis. an. 1303. interest professioni clientelæ Rollandi Porcelleti Dinienfis Episcopi Comiti Prouinciæ & Regi Sicilia. Eo ipso anno moritur, cùm sedisset annos 13. ex cartulario Episcopi. Iacobus Gantelmi creatur anno 1303. moritur an. 1310 cùm sedisset annos 6. ex chartis episcopij. Raimundus Rostagnus sedet an. 1330. ex concilio Sanrufensi ad Auenionem. Petrus Auogradi an. 1349. Gerardus 4. sedet anno 1363. ex forensibus de Dalphinæ Ariani Comitis sanctitate chartis. Petrus 6. sedet anno 1364. ex chartis Carmelitarum Manualc. Geraldus 5. sedet anno 1367. ex cartulario Manualcæ. Ranulphus sedet anno 1372. ex consecratione ecclesiæ S. Saluatoris Manualcæ. Artaudus. sedet anno 1383. ex chartulario Manualcæ. 1387. ex chartulario Manualcensium Obseruantium. Robertus de Furno sedet anno 1400. ex chartulario Manualcæ. Sedet anno 1415. & 1417. ex iuramento Abbatis Luræ. Sedet anno 1423. ex literis pro canonicis Forcalqueriensibus, quæ addunt sextum episcopatus esse. Ex hac Episcoporum serie intelligis Robertum, esse illum, qui stipendia, Sanmartinensibus à Rostagno Cabassola sacerdotibus, & clericis, constituta, transtulit in canonicos Forcalquerienses. Ab Alano fuit duodecimus Antistes. Qui sacerdotia Manualcensium, non concessa illis canonicis ab Alano, tradiderit, non habetur in meis chartis. Petrus autem ante Ragobaldi filium, & Geraldus, ac fortassis ante Geraldum quis ignotus nobis, illi sunt qui autore Caprerio, episcopatum Sistaricensem importunis deturpauere flagitiis. Marchionum denique, episcopatus ante Rogobaldum expilatorum, nomina afferre non possum. Eò tamen cogitatione deueniebam, vt suspicaretur esse dominos Sistarici, quos, quia Comitibus Forcalqueriensi suberant, vocauere. Vicecomites. Ex iis Berengarius anno millesimo trigesimo quinto dicitur Vicecomes Sistaricensis à Geraldo Episcopo. Marchiones etiam vocatos ille non mirabitur, qui cogitauerit Marchiones non alios esse à Comitibus, & esse marchæ seu limitis Comites, neque olim fere appellabantur ante Comites, cùm interiora regionum

pro pace, quâ solent frui, opulentiora sint limitibus, excursioni hostium opportunis. Sed hæc aliàs fortassis accuratius edissetam. Ad Manualensium sacerdotia, & sacras ædes, quod huius operis est, reuertamur.

Cum à Geraldo Capreio suum Forcalqueriensibus canonicis collegium 16 constitutum fuisset, sacerdotiisque Manualensibus à Bertrando II. Alano, Roberto, & alijs Episcopis Sistaricensibus auctum, Villa Manualæ insignem sacerdotum penuriam passa est. Non deseruere quidem illam sui, sed cum ad eorum numerum nulla accessio facta esset, quæ maxima ad ciuium multitudinem aduenerat, impares scilicet tanto oneri, non potuerunt hi, vt vehementissimè contenderent, suam seu nauare, seu probare operam omnibus incolis. Igitur alij alijs temporibus ad ipsos necessariò adiuncti sunt. Neque modicum accepere præsidium à Franciscanis, & Carmelitis in Villam immigrantibus. Hæc & eiusmodi alia non aptius exequar, quàm si eam per verbis, quæ nunc viget, sacras ædes, & doceam quæ, quo numero, & quibus ministris nunc in ipsa stent. Fortassis tamen fuerit aliquod operis pretium, si de ceteris etiam templis, quæ totâ valle quondam visebantur dixero. Ordiamur à Fano Martini.

Duas in illo sacras ædes fuisse, lego in enumeratione rerum, quas Fulco 17 de Pontues Vicecomes, & Guilma de Cefanista vxor, possidebant anno quinto & decimo supra millesimum ducentesium. *Infra castellum habent ecclesiam S. Maria cum suo tenemento. Ecclesia S. Martini habet quamdam vineam in Clauso de nutrino pro Falcone de Pontues.* Non alibi tabularum lego Marianum illud templum: hoc Martinense frequentissimum in plurimis est. Et quidem vt id vnum afferam, Adrianus Pontifex, eo nomine quartus, anno quinto & quinquagesimo post millesimum centesimum scripsit sequentia: Collegium canonicorum Forcalqueriensium possidet ecclesiam S. Martini de Manualæ, cum omnibus redditibus, & decimis suis in solidum, & absque alicuius participatione. Adriano paria docuit Alexander tertius quarto & vigesimo post anno. Ista Pontificum verba sic intellige, vt non vnus 18 alicuius, aut alterius canonici fuerit hoc sacerdotium. Erat canonicorum per capitula Sparnacensia simul sub Præposito degentium, in dormitorio dormientium, ac in refectorio, etiam post centum ab Alexandro tertio annos, comedentium. Igitur curabant id templi, non vnus canonicorum, aut alter, sed ipsum collegium, Præposito rem gerente, aliosque ab alijs, necessario ad ciuium vsus numero, canonicos submittente, & quidem, vt arbitrabar, omnino ad quinque. Nam cur alioqui, cum ignotas mihi ob causas, & sacerdotes, & clerici templo imponendi fuere perpetui, Rostagnus Cabassola Præpositus (Martinianum Castri Manualæ sacerdotum Præposito obuenerat) hos omnino tres, duos illos voluit esse, ac famulum insuper vnum, nisi quòd canonicorum collegium non pauciores de suis iam olim consueuerat mittere in ædis sacræ ministerium? Et verò eorum sedes anno millesimo quadringentesimo quadragesimo spectimo visebantur in odæo Sanmartinenfi, vt autores sunt Consules, tum agentes apud Carolum Sistaricensem Episcopum aduersus Forcalqueriense canonicorum collegium.

Sub Castro Manualæ Fanum Maximi quondam stetit. Eius incolæ, om- 19 nium de reliqua valle vltimi, in Villam immigrarunt. Ab æde Maximo Regiensium

giensium Antistiti dicara nomen accepit. *Ecclesiam S. Maximi* appellat Adrianus Pontifex id nominis quartus.

- 20 Proximè in Podio acuto, seu Montacuto, vel pago Montacutio, surgebat templum Martino, & in eius agro Rostanæ seu Rostanæ (vulgus Rostagnam dicit) sacellum. Diarium consulare anni millesimi quingentesimi vigesimi habet sequentia ad diem quintam mensis Ianuarij: *capient lapides extra ecclesiam S. Martini, & secus ecclesiam S. Rostagnæ*. Sermo est de latomis, fornicem proximè imposituris aquæ fontanæ ad pontem Espellium decurrenti è vâlle Gaudea.

- 21 Supra pagum Montacutium, longè ad dexteram euntibus, est agri regio non prorsus inhonora. Formicariam vocant. Habitatum fuisse quondam villis latè sparsis, docet quæ Lausselatio riuo imposita erat, ad ipsarum scilicet vsus, moleturina. Habebat ædem Stephano protomartyri sacram, in nomine, Formicario quoque dicto. Adrianus quartus appellat *Ecclesiam S. Stephani de Tairone*. Vnde id nominis? An ab agri regione, in qua stabat; Vt cumque hoc habeat, suspicor templum esse, quod Consortia, ante annum à Christi ortu quingentesimum erexit Martyrum Principi. Certè Tullia soror in Mariano illo medix vallis celeberrimo sepulta fuit, vt scripsi in Virgine Romigeria numero 4. & Eucherius pater in *agre suo super fluvium Druentiam, intra speluncam*, quæ in Bellimontani non longè collis radicibus nuper aperta est, quemadmodum annotavi libro 2. de Viuariensibus Episcopis numero 45. *sponte conclusus* diu latuit. Igitur, vt non rarè mutant agri nomen, quæ Formicaria nunc appellatur regio, quondam vocabatur Taironia, fortasse antiquissimis temporibus dicta est *Moslan*; & quæ ad Stephani templum iacebant non ita pridem rudera, tristes fuerint reliquæ xenodochij Consortiani, seu bello, seu vetustate diruti. Sed vt dicam quod sentio. Cum legis Tulliam in templo S. Mariæ pro voto sepultam, cogita aream templo proximam, neque enim intra ipsius templi parietes corpora tum condebantur. Antè autem quàm eam in aream deportaretur sepeliendam, Tairone condita est, vt docet liber ille MS. Sancti Eugendi quem Chiffletius citat in Paulino castigato pagina septuagesima prima. ait scilicet agrum in quo est condita vocatum *Tere*: Tairo autem seu *Tero*, quàm parum differt à *Tere*!

- 22 E Formicaria regione descendentibus urbem versus, occurrit ad Occidentem Corcoffonus mons. Imminet Sancti martinenfi Ranacatiensium viæ. Is habet in vertice sacellum Michaëlxum. *Michaëlem de Tamiserio* (ignota nunc ciuibus est hæc vox) appellant veteres tabulæ, & cetera illius tacent. Tacent etiam omnia templi, beato Albano in cognomine ad Occidentem longissimè regione positi.

- 23 In Omnium ventorum castro, ad Sancti albanæ regionis meridiem constituto, (Totas auras vulgus appellat) stabat olim ædes Jacobo Apostolo, & iuxta ipsam altera Mariæ Virgini. Vna illa curialis erat. Consules anno secundo & vigesimo post millesimum quadringentesimum cogitauere ambas, cum ruinam minarentur, euertere, & earum vice tertiam in ipsa rupe excitare. Sed, vt ego quidem reor, cogitare ausos deterruit populi pietas. Ante omnem cartulariorum memoriam, Mariana est in magna veneratione

ratione ciuium : Christique mater religionibus eorum bona respondet. Igitur accolam sacerdotem habuisse, qui illam curaret, non dubito ; & affirmat iuncta ipsi domus. Priorem etiam ei tribuit non semel diarium consulare , & aliquot vineas omni tributo liberat. Sed iam à pluribus sæculis presbytero defecta est perpetuo. Lego expetitam à Seruitis Aquisensibus in monasterium , datam verò eremitæ primum , deinde Franciscanorum Tertiario , postmodum Augustiniano, ac Obseruanti Franciscano demum , vt eremiticam sine socio vitam ducerent. A non multis annis, magno per vltimam luem voto ciuium , instaurata est. Curatur à Carmelitis Manualcensibus, neque nullâ populi frequentia celebratur. Quia verò Totas auras memorauimus, aduertam quoque armandum & Guigonem fratres anno 1245 in donatione nescio cuius rei monachis Mansiadae, *Totas auras* posuisse Berci: *In Totis auris*, & *Manso Octobris*, inquit. Ista donatio habetur in libro chartarum grangiae de Berco folio 316. pag. 2.

Sed barbarum Caluinistarum facinus hic tacere non possum. Istud genus hominum, & alia grauissimè peccat, & maximo scelere exosam habet Virginem Christi matrem. Vbi etiam accuratiùs à nobis colitur, ibi audent durioribus exercere odiis. Igitur Marianam ad Omnium ventorum quondam pagum ædem, antiquissimis Manualcensium religionibus nobilem, flagitiosa sacrarum imaginum fractione corruperunt anno primo & sexagesimo superioris sæculi, mense Iulio. Illam ipsam, & ceteras omni vrbe agroque euertissent, si Mailæ Comitis veneratio non tenuisset firmantes. Manualcæ tum ea debebat, Tendæi dynastæ, qui Provinciam pro Rege moderabatur, socrus. Inuenio fregisse etiam imagines in *Marie de Compassione in agro Manualcensi*: sed quæ fuerit hæc ædícula nemo dicat. Sacellum Virginis *de consolatione* fortassis cogitabat scriba vrbani, & alteram vocem pro altera, vt non rarò fit, posuit in diario Consulium. Ista certè visitur ad Septentrionem aræ Soberanæ.

Si petas ; Vnde Hugonottis in vrbe piissima tantum seu audaciæ, seu virium : sic habe. Placet omnem Manualcensium historiam ab ipsis initiis repetere. Ante annum millesimum quingentesimum quinquagesimum quintum, silent vrbani omnes de Caluinistis tabulæ. Diarium consulare eo ad secundam diem Nouembris ita refert : *Qui duo ciues Aquis Sextiis Legati redierant, retulerunt vocatos ad consilium, magno consensu decreuisse, pellendos publico Manualcæ vrbis concilio, qui in suspicionem hæreseos venerent, aliosque sincera fidei viros ipsorum loco eligendos esse*. Hi illi sunt, qui Caluinismum primi intulere in urbem. Nulla chartarum quas legerim, habet ipsorum nomina ; neque affert doctores, à quibus errorem acceperunt. Lego Christophorum Bremundum anno post quinto missum in carcerem, ob Caluinianæ professionem hæreseos ; & cum ea demum per manifesta claresceret incrementa, inuasisse octavo & sexagesimo sæculi anno, & alia, & ad nouem ac triginta obdurata capita. Placet illa censere de nomine. Habentur in diario Consulium.

Antonius Pasquier. & Ioseph Antonij filius. Paulus Brunet. Franciscus Aunier. Fulco Brunet. Claudius Bardol. Spiritus de la Venture. Theobaldus Lambelot Anton. Armandus de Taulete. Ioannes Clementis. Bertrandus Paget. Iacobus Imberti. Franciscus Arnaud. Iacobus Boyer. Elzearius Ferand. Ralmundus de

Greaux. Ioan. Franciscus Brena. Bremundus, dictus Mouron. Joannes Selon. Raimundus, Taxil. & Petrus Raimundi filius Raimundus Gencis. Spiritus Tournet. Dionysius du Puis. Franciscus Taxil. Iacobus Rei, Ioseph Aimin. Bartolomeus Granon. Elzearius Battarel. Antonius Simiane. Michaël Oliuarius Lesardy. Antonius Cognat de Molet. Saunarius de la Sourde. Bonnetus Labory, & filius. Ioannes Trempe. Ludovicus Alloat. Stephanus Brunet. Honoratus Clementis.

- 26 Anno primo & sexagesimo venerant Geneuâ, qui voce exemploque confirmarent Imbutos recenter hæresi. Neque multo post etiam Minister; quem vocant, ex Angroniana valle. An is ille censendus autor ad imaginum Marianarum fractionem, quam modò memorauimus? certè duobus ante illam mensibus in urbem venerat; & non multis ante annis Angroniani hæretici sacram ædem euerterant in patria; cùm autem alia domus iam erectis tantò præsidio animis opportunior non videretur, ausi sunt cæterus, preces, conciones clam, omni ciuitate, habere in artibus per noctem in gymnasio literario, quod cùm sine sera, sine pessulo pateret omnibus, taciti intrabant: & Consules excitum importuni sceleris, occupatum claudunt sera. Quid ambitioso precum & concionum nomine quærent, docuerunt effera, in patriam cæpta. Intra duos & triginta annos, seu dolo, seu vi, tentauerunt nouies Manualcæ, scalis quoque ad muros per noctem admotis octauo & septuagesimo superioris sæculi, quartâ & vigesimâ die mensis Octobris. Consules autem non alio vñquam tempore, certius
- 27 aperuerunt suam fidem erga Deum, & Regem. Singulis ferme annis, à sexagesimo ad quartum & nonagesimum, publicis fatigauere Deum precibus, & ad Senatum Aquisensem, ac ipsum etiam Regem, cùm postulabant tempora, rem detulerunt. Fuit quoque, cùm noueridiales, exorando Deo, per urbem supplicationes egerunt; Fuit etiam ad eommunißimum concilium, firmandis illi qui labascent animis, coëgere familiarum ad septingenta capita. Agebatur octaua & decima dies anni secuudi & sexagesimi, cùm singuli, quàm multi erant, elata ad cælum manu dixere sacramentum in hæc verba: *Volūmus viuere, & mori in nostrorum supra mille annos maiorum fide. Regemque oramus, ut vestigiis maiorum suorum insilens, non patiatur Manualcæ alias, quàm ex Ecclesiæ præscripto, conciones haberi.* Quid? quòd erexerunt duo patibula, alterum in foro Mercatorio, ad portam Saunariam alterum, ut quos pro caluinismi obdurata impietate non tangebant sacre illæ religiones, certè supplicij publicè propositi acerbitas deterreteret à patricidibus in Deum, Regem, patriam facinoribus. Sed nullus fortissimorum
- 28 Consulū operæ fructus constitit. Manualcæ, ut agro culta est, & ad Druentium fluuium sedes, Forcalquierensemque Comitatum, frequentissimâ Aquas Sextias, Arelatem, & Massiliam è montanis viâ, reliquæ iungit Prouinciæ, cogitate perrexerunt hæretici: atque, si conatus non responderent votis, certè in ea conciones, ac publicum suæ cultum hæreseos. Illud, per vigilantiam, & fortitudinem Consulū, perficere hactenus non potuerunt; in hoc saltem ex parte feliciores fuisse videntur. Suos, omnibus palam, in urbe profitentur errores; cæterus, publicas preces, conciones habent in agro. Scholis scilicet vrbæ, ut memorabam, pulsi, & alia aliis mouera temporibus, & denique anno huius sæculi primo, die tertia & vigesima Februarij, edictum à duumviris, quos Henricus Magnus rei præfecerat

fecerat abstulere, quo illis conceditur habere suos cœtus in Petrablancana ad Druentiam villa, & Andreas Arnaudus Forcalquierensis Pætor iubetur rogantes mittere in possessionem ruris. Multa Consules inteturbandæ rei susceperunt apud Aquisensem seu Archiepiscopum, seu Senatum, multa apud Prouinciæ comitia, & cùm à Duumuiris gerebatur Aquis Sextiis, & cùm Manuascæ agebatur ab Arnaudo. Sed irritò conatu omnia. Igitur denique prouocarunt ad Regem: prouocauit & Carolus Grassius vrbs, vt Hospitalarij loquuntur, Balliuis. Scilicet manifesta huic fiebat iniuria, cùm Rex Hugonottorum conciones prohibuerit Ecclesiasticorum virorum, (& Ecclesiastici puto sunt Hospitalarij, qui Religiosum Ordinem proficuntur) omni ditione: neque obscurè peccabatur in Manuascam, quæ suburbii, hæreticorum conuentuum ex lege Regia loco, caret. Quia verò tum per grauissima negotia non licebat iure agere, pro facta prouocatione apud Regem, Consules certè decreuerunt videndum, ne quid detrimenti res Catholica pateretur. Auenione virum è Societate Iesu, quem Calvinistarum Ministro opponant, deducunt, Guilelmum Changetum, eloquentiâ ad populum graui clarum, & multarum de hæreticis palmarum nobilem. Is in vrbe annum solidum hæsit. De collegio præterea eiusdem Societatis instituendo agunt; neque enim certius Fidei firmamentum Catholicæ tum videbatur. Et suos exitus res habuisset, si qui illam inuenerat, vrgebatque vir ingenio, scientiâque, prorsus excellens vixisset diutiùs. Erat is Consul primus, quando Duumuii edixerunt pro hæreticis; & cùm nihil non moueret Aquis Sextiis apud sacros & profanos ordines, fecit vt Ioseph Gualquius, antiquissimâ gentis nobilitate clarissimus, Ioannes Antonius Boissonus, aliique collegæ, ab iis Manuascæ prouocarent ad Regem. Ab illo deinde alij quidem aliis temporibus, nuperrimè quoque, postulauerunt à Societate Iesu, vt nonnullos de suis ad ipsos mitteret, verùm qui optimi, deque vrbe meritißimi cluis spiraret animos, Collegiumque ab ea peteret, non hæcenus est inuentus. Hugonotti verò, vt suis rebus attentij præ Catholicis sunt, erexerunt animos ad Duumuiorum edictum; & si per Consulum vigilantiam non liceret moderari vrbi, conciones suas interea, ne rusticariz omnino esse, & de villatico prodire ore dicerentur, tetenderunt aut in urbem ipsam inducere, quod in animo semper habuerant, aut ad eam certè admouere. Et quidem anno huius sæculi duodecimo, egere apud Regem conatu inani, vt per ipsum liceret habere propiùs urbem cœtus suos in conualle Guilelmipetia Quid verò contra Regem & patriam? audi consulare diarium anni millesimi sexcentissimi vigesimiprimi. Cùm moniti fuissent Consules, Hugonottos de occupanda Manuascæ cogitare, urbano concilio decretum est muro claudere portas vrbs duas, Sobeiranam, & Aurorulaam, atque ipsos circum urbem muros restituere. Ex mandato igitur Regis vocauerunt eos ad dicendum sacramentum. Ad illud adacti sunt omnino quadraginta.

Ioannes Defauris. Ioannes Guilelmi. Philippus Gaudemar. Antonius Gaudemar. Paulus Gaudemar. Petrus Gaudemar. Ioannes Ferrand. Iosue Ferrand. Marcellinus Laugier. Petrus Feraud. Ioannes Granon. Honoratus Gaudemar. Ioannes Feraud. Petrus Portalis. Ioannes Martinus. Petrus Fayet. Marcus Masse. Stephanus Teissier. Ioseph Carriol. Melchior Genoyer. Ioannes du four. Petrus Candier. Francis-

*cus Taxi. Rolandus Genies. Petrus Blayn. Petrus Guiguet. Mauritius Resplendin. Michaël Reyliet. Steph. Reillet. Gabriel Reillet. Ant. Melue. Iacobus Columbi. Antonius Garcin. Isaac Bourdin, vir moribus elegans, & scientiâ medicâ clarus. Daniel Peyrè. Ioannes Castagny. Henricus Blayn. Ioseph Arbaud. Antonius Larderet. Mo-
netus Secundus.*

Quinque vltimi ad Catholicos ante mortem rediere. Redibunt etiam, qui supersunt, fortasse aliquando. Scilicet genus hoc hominum iam multum decreuit. Anno sæculi præcedentis octauo & sexagesimo, numerabant ad quatuor & nonaginta viros: huius autem secundo & vicefimo, Spiritus Lumhardus Consul cum sacramento coram prætore dixit, esse in vrbe tantum ad quinquaginta. Cum hæc scribo, sunt in ea duo & triginta; deque ipsis aduenæ prorsus ad viginti; sex neque plures, patre & totidem auo, ciuibus nati. Vnus Honoratus Feraud ab auo per patrem accepit hæresim. Sed ista hætenus ad Manuascæ templa redeamus:

- 34 Cum ab Omnium monte ventorum descenderis, occurret non longè, ædes Apostolorum principi sacra. Ab ea vnus è Manuascensium pagis, quem pro amplitudine burgum quoque dicebant, nomen habuit. Hospitaliariorum iuris est ab annis supra quingentos. *S. Marius* (inquirebat Bertrandus 2. Antistes Sistaricensis, anno septuagesimo supra millesimum centesimum) *habet ecclesias istas in valle de Manuascæ, ecclesiam S. Martini, ecclesiam S. Sepulchri, ecclesiam S. Petri quam tenent Hospitalarij, solucentes pro ea singulis annis libram incensi, in festo S. Marij.* Sed vt hæc, & alia quæ ad ipsam pertinent, apertiora & illustriora sint, dicam oportet de Hospitalariis, deque palatio, in quod ex S. Petri commigrarunt. Hospitalarij, incerto
35 ante quingentos anno, Manuascam venerunt. Principio federunt in S. Petri. Igitur venit in mentem cogitare, qui ad sacram ædem vocati sunt, sacerdotes fuisse: & cum ij in sanctissimum Ordinem adsciri fuerint à Raimundo Puteano, qui seu primus, seu à Gerardo inuentore secundus, circa annum millesimum centesimum vigesimum secundum suprenum adiit magistratum, subiisse Manuascam sub illius sæculi trigesimum Quis ad B. Petri vocauit sanctissimi Ordinis sacerdotes? hoc tacent Manuascenses tabulæ. Quoniam ædituus non inopulentus quondam fuit, vt pote cui & ad ædes in pago, & in Villa visebantur prædia sub clientela, arbitrabar vnum aliquem de Forcalqueriensibus principibus illum esse, qui ipso templo donauerit, &c, quod in templi curam & ornamentum excitabat, sacerdotio.
36 Neque hæc suspicio potius, quàm sententia, nihil fundamenti habet in veteribus chartis. Conuentionis capitum, in quæ Guilelmus Senior cum Hospitalariis venit de Manuascæ à Guigone donata, primum continetur sequentibus verbis: *Hospitalarij iure perpetuo habeant, & quietè possideant quicquid habebant pridie, antequam Guigo Comes hanc donationem Manuascæ ei fecisset.* Iam peto, qui ita loquitur, abs dubio tradit Hospitalarios non vnus Manuascæ dynastiâ, sed aliarum etiam rerum dominatione deiectos fuisse à Comite Forcalquerij. Hoc si aliquando concedas, cur negabis res eas prædiis, aliisque huiusmodi, ad S. Petri sacerdotium spectantibus, contineri? Ista vero si à Principe donata non fuerant, quid in ipsa Guilelmus Senior cum fratribus inuolabat? Scilicet vt dicam quod sentio, templum Petri, vt alia uon pauca, ad vnam populi pietatem excitandam, fouendamque

damque, erectum fuerat in agro. Id Princeps Hospitalariis concessit, non
 proptur nullo, neque contemnendo è suis rebus instructum sacerdotio. Has
 res, vt Manuscam ipsam, Hospitalariis donari non potuisse contendebat
 Guilelmus: vt iure donatas, antè de Manusca quàm pronuntiet, Ebredun-
 nensis Anristes iubet, hoc primo conuentionum articulo, illibatas ipsis ser-
 uari. Atque, vt id addam, existimo Guigonem, qui post viginti, aut cir-
 citer, annos Manuscam omnem, quando liberis carebat, concessit,
 illum esse qui hoc templum ipsis tradidit. Quid enim alium cogitabimus?
 qui virorum pietate commotus id sacerdotij largitus fuerat, cò sensim no-
 uis per annos pietatis incrementis adductus est, vt omnem quoque Ma-
 nuscam elargiretur. Vt nique hoc habeat, Hospitalarij *Commendatorem*, 38
 vt loquuntur, profectò habebant in S. Petri, antè Guilelmus Iunior quàm &
 in palatium; & in Manusca totius iura ipsos induceret. Vtilemus hoc di-
 gnitatis gerebat anno illius sæculi octogesimo ex tabulis, quas Guilelmus
 Iunior conclusit istis verbis. *Hanc autem donationem, & concessionem in Aque-
 nsi ciuitate, in manu tui Odini Prioris Hospitalis S. Egidij feci, assistentibus tibi fra-
 tribus Hospitalis, Petro Gaunterio Commendatore Hospitalis (sub. Aque-
 nensis, Aquis enim Sextiis hæc scribebantur) Vvilelmo de Alaemegue Priore Hospitalis S.
 Thoma de Trencataila, Vvilelmo Hospitalis Commendatore Manuscae.* An plures
 eiusdem Ordinis cum eo fuerint, haud scio. Certè postquam Guilelmo 39
 Iunior mortuo migrasset ad ipsius palatium, plurimos secum habuit.
 Anno millesimo ducentesimo nonagesimo tertio, Hospitalarij Ma-
 nuscaenses iurauerunt, se non vltà è suo alueo educturos aquas riuorum
 Droüila, & Conchetarum. Rem agebat Berengarius Monachi Præceptor, no-
 mine domus, cum consensu, & voluntate, & assensu fratrum in dicta domo com-
 morantium. Vis horum nomina? accipe. Nomina verò dictorum fratrum sunt
 hæc Frater Petrus de S. Martino baiulus Manuscae; fr. Hugo de Cori, fr. Pe-
 trus de Clauso, fr. Hugo de Genaseruis, fr. Petrus de Cressello, fr. Bertrandi
 de Barasso Præceptor Castris, fratres & milites Hospitalis, fratres Georgius de
 paribus transmarinis, fr. Pontius Miter Presbyter, fr. Bertrandus rector furno-
 rum, fr. Dominicus presbyter, fr. Stephanus Conbili, fr. Hugo Peyrolecius senes-
 callus, fr. Guilelmus Lasallus. Testes, & alij tabulis subscripserunt, & Donati
 tres Hospitalis, Guilelmus Alphanti, Olluerius de Bariemono, & Guilel-
 mus Veyscanti de S. Georgio. Hoc placet aduertere. Donati non sunt Hos- 40
 pitalarij: igitur non fratres, sed contrates vocantur. ij se sanctissimo Ordini
 quibusdam conditionibus addicunt, quas in ipsius regula legere est ti-
 tulo 2. num. 34. Principio promittunt beneuolentiam & caritatem Magistrò
 Hospitalis, fratribus, Ordini. Deinde pollicentur tutelam & defensionem
 iisdem, illamque si præstare non possint, eorum certè manifestationem
 quæ detrimentum inferre valeant. Postea non alium, quàm Hospitalis
 Ordinem professuros se asseuerant; petuntque si non professi fuerint, vt
 sepeliantur in ipsius cœmeterio. Denique aiunt, se in istius veluti clientelæ
 professionem, nonnihil operis annuatim in Hospitale collaturos, die
 Ioanni Baptista sacro. Atque ego quidem non dubitabam Guigonem For-
 calquerij Comitem, si Hospitalarium Ordinem si non vouet, sese in 41
 numerum Donatorum adscribere illis verbis, quæ libro 2. numero 3. re-

citauit. *Meipsum eidem Hospitali & pauperibus, ad perpetuum ad seruiendum contrado; & Guilelmum Iuniorem iis quæ retuli eodem libro num. 26. corpus meum, vouens & offerens pro sepultura, in cæmeterio domus Hospitalis.* Scio nationem Donatorum non esse in honore apud Hospitalarios, & dedecere non principes, aut dynastas, sed nobiles viros: verum alia omnia quondam fuisse non dubito; summosque etiam viros, cum se matrimonio, seu aliis causis, prohiberentur sancto Ordine, ei saltem ad precum, bonorumque operum partem adhæsisse, cumque ipso societatem iniisse. Confraternitatem hanc vocabant; seque Confratres, & quia ad seruiendum per vitam, postque mortem ad sepulturam donabant, Donatos. Bernardus Grossus Brancionis & Vxellarum dominus, qui nupsit forori Ducis Lotharingæ ante annum 1149. iuit *Ierosolymam, in domum Hospitalis, ubi se donauerat*, ut loquitur Amedeus tum Lugdunensis Episcopus, apud Guichenonum in Bibliotheca Sebustiana centuria 2. cap. 63. Illis sanctissimi Ordinis, ut ceterorum, initiis, non omnia dum sic erant composita, ut Donatorum seu Confratrum illa essent, quæ nunc legimus, instituta. Sicuti Raimundus Puteanus ad Gerardi autoris leges addidit, & alia, & militia celeberrimum munus, ita alij à Raimundo Magistri, alia capita adiunxerunt, è quibus denique legumille liber omnis profluxit, quem habemus in manibus. Igitur in eo etiam legimus, quæ singuli inuenerunt: & quæ retuli Donatorum iura, censentur in rebus à Rogerio de Pinubus post annum quintum & quinquagesimum à millesimo trecentesimo constitutis, scilicet ducentesimo post Guigonis, qui Manualcæm donauit, mortem. Sed quid ista fusiùs exequat? index chartarum Aquis Sextiis in turris thesauri, ut loquuntur, regiarum, docet in arca longa, quæ habet caissonos 10. caissono quarto, tabulas esse hoc argumento: Anno 1209. mense Decembri Magister domus Templi Provincia recepit in Fratrem ac Donatum Ordinis, Dominum G. Comitem Forcalquerij in ultimis suis. G. Comes iste est Giraudus Amicus Sabranus, Comitæ cognominis filius ex Alissa, siue Adelaide, Guilelmi Iunioris sorore secundò genitus. Ex aliis chartis constat extremum diem hoc nono anno obiisse. Atque hæcenus ista dixerim, cõ reuocanda est oratio, vnde deflexit, & plures Hospitalarios cum suo Præceptore fuisse Manualcæ, ex vetustissimis tabulis ostendendum. Anno millesimo ducentesimo trigésimo quarto, dissentiebat à ciuibus Manualcensibus Falco de Bonatio Præceptor, & conuentus domus Hospitalis Ierosolymitani de Manualcæ. Arbitrorum in quos conuenerant sententiæ testes, & alij fuerunt, frater Bertrandus de Laya, & frater Hugo de Crocis: agebant autem in palatio, cum Falcone, Bertrandus Gantelmi, Gaufridus de Moyssaco, & Augerius milites: & Donatos habebant Rostagnum de S. Georgio, atque Ioannem Paganum. Sed in nobilissimis illis conuentionibus Helionis Villanouani, postea Magistri Ordinis, cum Manualcensibus anno millesimo trecentesimo decimo quinto ita legitur: *De consensu, & voluntate, & assensu fratrum in frascriptorum conuentus palatii de Manualcæ, conuocatorum ad sonum campanæ, ut moris est, scilicet fratris Giraudi de Rossato, fr. Raimundi Geraudi baiuli, fr. de Raibaudi de Lostorio, fr. Sauarici de S. Maximino, fr. Guidonis Asofmarij militum: fratris Raimundi Solegui, fr. Iacobi de Elorio, fr. Guilelmi Beroti sacerdotum: fratris Guilelmi Folecherij, fr. Guilelmi Naset, fr. Hugonis Thome, fr. Iacobi Girardi, fr. Fulconis Picholi.* In testi-

bus

bus fuit Petrus de Roca rubea Donatus. Vides Hospitalarios vitam plures in palatio ex religiosis egisse legibus, vt pote quorum ædes, vt ingens turrita que sit, *conuentus* dicebatur. Ante Pium 2. pontificem austeris debebant institutis: per Quadragesimam, & Aduentum, atque feriâ per omnem annum quartâ ieiunabant: post cœnam prohibebantur potu: silebant in mensa, & lecto: non iacebant sine lumine in cubili. Ista seu virium corporis firmitati militibus necessariâ aduersa, seu per se dura, Pius eo nomine secundus abstulit, Lucobo Millæo Ordinis Magistro, qui (vt hoc non taceam) Manualæ Præceptorem in Ballium euexit. Plures sub Præceptore debebant in ea, quam Magister singulis assignauerat domum; Præceptorque illud tantum de redditibus sibi assumebat, quod familiæ à Magistro constitutæ necessarium videbatur, cetera in communes Ordinis vltius seponebat. Sed ista satis. Locus postulat vt de Palatio Manualæ dicam. Quadratum est. Singuli anguli rotundantur in singulas turres: media latera si occidentale excipias, quadratæ muniunt. Et hæc, & illæ surgunt elegantes in pinnas, opere firmæ, altitudine spectabiles. Vniuersum insignis lorica circumdat, quæ interiorē fossæ, antequam negligereetur, altissimæ oram ab extremo eius fundo ducta munit: nam exteriorē, vt alia non afferam, tempus corripit. Per duos pontes sublicos ad ipsum accessus est. Alter fossæ, vbi aperitur lorica; alter palatij portæ appositus est. Hac superatâ, ingens atrium ingredientibus excipit, omni parte circumdatum amplis ædibus, quas in elegantiam & maiestatem Principe dignam compositas, vt à colonis in prædia rustica solum intentis fere habitantur, vna firmissimi operis crassitudo sustinet. Igitur à stillicidiis, & colonorum fortassis etiam fraude, ruinam aliqua parte minantes, recomposuit ad suam firmitatem, ante annos centum & viginti laudatissimus ille Balliuus, Ioannes Bonifacij, vt fert inscriptio superposita portæ verbis sequentibus.

Reuerendus & strenuus miles, frater Ioannes Bonifacij, presentis fabricæ restitutor, superillustris domini fratris Philippi de Villiers Lisle Adam Sacre domus Hospitalis S. Ioannis Ierosolymitani magni Magistri locum tenens, Balliuus Manualæ, Præceptor præceptoriarum de la Chapelle, Massilie, Valentie, & S. Christophori in prioratu D. Ægidij, hac posteritati relinquenda curauit die vltimâ Iulij 1537.

Bonifacius hic dicitur Delphinus ab Hospitaliorum historicis. Vir in paucis clarus, & insignis, summi suorum Magistri vices obiit per vitam, & post mortem Philippi Villetij, vsque ad Petri Pontani successoris aduentum Melitam. Anno illius sæculi quarto & trigésimo desinente venit Manualcam, & in ea reliquam ætatem egit. Ad portæ palatij dexteram ingredientibus occurrit sacra ædícula. Bonifacius in eam induxit corpus beati Gerardi. Hic vir Maltromellæ in Prouincia natus, inuenit Ordinem Hospitaliorum Ierosolymis, anno millesimo nonagesimo nono. Naberatus in tabulis expansis prærogatiuarum Ordinis sui appellat Petrum Gerardum, errore (vt reor) magno typographi, qui P. id Petrum scripsit pro F. id *fratre*. Neque nullo argumento est, quod ceteris Hospitaliorum Magistris addidit characterem initialem F. fratres dicens, Gerardo non adiunxit. Magis miror, quod Innominatus autor, in conuientariis, regulâ, & constitutionibus Ordinum Montis Carmeli, & S. Lazari Ierosolymitani, appellat

- pellat *Gerardum de Thom*, inaudito de nostra usque tempora cognomine. Fauinus autem in honoris & equitatus theatro, sine autore facit Sandesiderianum in Picardia gente; & eâ profectò fide, quâ Raimundum Gerardi successorem facit Aruernum, contra Puteanorum in Delphinatu Monbrunios, qui antiquissimis ipsius etiam temporum chartis supra certissimos de Hospitalariorum rebus gestis historicos, fortissimum virum asserunt suo generi. Altari ædiculæ Bonifacius tabulam pictam imposuit. Ea in duas veluti regiones diuiditur, Superior Christum habet de Cruce pendentem, cui ad dexteram stat Virgo mater, Ioannes Apostolus ad sinistram. Inferior Mariam Virginem, quæ à Filerma nomen accepit, ostendit mediam: ei dexter est Ioannes Baptista, Gerardus sinister. Et illi quidem, ex communissimo Ecclesiæ more, Christo adstant affixo Cruci. Cur Ioannes Baptista Gerardo ad dexteram additus fuerit, in promptu est dicere. Is habuit Domini Præcursores pro autore Ordinis sui: in illius ipsius tutelâ reposuit Hospitale suum: demum eidem sacrauit ædiculam Hospitali adiunctam. Scio Guilelmum Tyrium libro 18. ita de Hospitalariis scripsisse; *Eregerunt in eodem loco, Ierosolymis scilicet, altare in honore beati Ioannis Eleemosynarij & Ioannem de Vitriaco in historia Ierosolymitana; Primum paupertatis sue patronum, & coadiutorem eorum, & loci apud Dominum protectorem, beatum Ioannem Eleemoniam deuotissime venerantes, & aduocatum suum consistentes.* Sed tu audi Godofredum Bullionium Ierosolymorum Regem. In tabulis prærogatiuarum Gerardo, post inuentionem Ordinis anno primo, Christi autem millesimo centesimo, concessarum hæc scripsit: *Post Christi sepulcrum, ceteraque loca Ierosolymis sacra, denique perrexit ad ecclesiam Hospitalis, erecti in honorem Dei, Beate Virginis, & Sancti Ioannis Baptiste.* Audi Paschalem 2. Pontificem. Is Gerardum sic alloquitur anno tertio & decimo post millesimum centesimum: *Postulauit siquidem dilectio tua xenodochium, quod in ciuitate Ierusalem, iuxta beati Ioannis Baptiste ecclesiam instituisti, Apostolica sedis auctoritate muniri.* Audi Bernardum Archiepiscopum Arelatensem. Is anno 1129. & decimo post S. Gerardi mortem scripsit sequentia. *Ego Bernardus Arelatensis Ecclesie Archiepiscopus &c. confirmo Deo, & S. Ioanni Baptiste, & Hospitali S. Sepulcri, &c. sicut ab Antone antecessore meo data est, ecclesiam S. Thomæ Apostoli &c.* Cur Guilelmus Tyrius his contraria scripserit, vide apud Nabertum in Gerardo. Eum certè secutus est Vitriacus. Sed Bolandus non viderat Paschalis Pontificis, & Godofredi Regis literas, cum ad diem 23. Ianuarij ita scribebat: *facellum illud Hospitalis Ierosolymitani, cui dicatum fuerit, vtri tandem certius nosse potuerunt, Tyriusne & Vitriacus, qui id suis ipsi oculis resurparunt, an recentiores, que sola ratiocinatione id concludunt, & quidem*
- 48 *sententie dubij.* Ad tabulam altari à Bonifacio superimpositam redeamus. Ea ligneo insidet gradui. Hic prominet circiter palmum, & anteriore facie pictus gerit in medio angelum, qui nuntiat Virgini futurum, ut mater Dei sit; in dextera parte, baptismum Christi à Ioanne præcursores; in sinistra, Gerardum, qui caeco homini visum instaurat. Virgo denique Filermia nunc Melitæ visitur. Tabula picta est. Nomen accepit à Filermo Rhodi monte, qui occidentalis vrbi attollitur ad Septentrionem insulæ. Antè in hanc quàm Turcæ exscenderent, illam Hospitalarij de monte deportauerant in S. Marci.

ci. Vrbantum templum est. Hic prodigiorum nomen, quod à pluribus annis acceperat, seruauit. In medijs scilicet templi per hostilia tormenta ruinis perdurauit illæsa. Igitur Hospitalarij ex his in beatæ Catarinæ, non sine magnis honoribus, detulere; & Rhodo postea excedentes, acceperunt sibi in viæ comitem, ac tutelam. Denique anno primo & tricesimo præcedentis sæculi, cùm basilica S. Laurentij arderet Melitæ, & murus, cui Virgo Filermia superposita erat, caderet, ipsa sine omni per grauissimam cladem fuit iniuria. Bonifacius ergo quam pietatem præstiterat Rhodi, Melitæ, & ab illa ad hanc per varios errores omni via, ad Virginis imaginem Filermiæ, eam Manualcæ perpetuam habere voluit in ædícula domus suæ, Virginem ipsam suis coloribus repræsentans in tabula. Ceterùm Gerardus est in præcipua Manualcensium veneratione, & sæpenumero pluuiam arentibus agris rogatus concecit. Atque hæc dicta fuerint de Manualcensi præstite, eiusque in palatio ædícula, & ipso palatio, atque Petro Apostolo sacra æde, è qua Hospitalarij commigrarunt intra urbem.

Ad orientem huius ædis, quondam alia visebatur, Christo sepulto dicta. Postquam eius sacerdotium ad canonicos Forcalquerienses peruenisset, concessa est eremitæ, à quo deinde, cùm ruinam proximè esset, deserta est, ceciditque demum, solo nomine nunc nota. Ad meridiem verò longè, est agri regio Petrablancana. Vt non vniuersam sibi haberent Calvinistæ, Ioseph Garnetius beato Iosepho partem sacravit. Quà in rus Culuinistarum cœtibz notum fert non procul viâ, ædiculam erexit, & miseratus agricolas, in ea fieri per æstatem à sacerdote iussit.

Ab eadem longè ad euronotum in agri regione Monlorgula, Martinus nostris etiam temporibus sacellum habet, non procul Durentia, Sanmariano Priori subiectum. Id Vvilelmus Cômes Prouinciar & Girberga cõiux anno tertio & decimo supra millesimum Sanuictorinis monachis cum proximo agro concessere. *Est prædicta donatio, inquit, in Comitatu Sistarico, intra terminus de villa que dicitur Manualca, id. ecclesia S. Martini, qua sita est non longè à fluuiio Durentia &c. Sed & terram delegamus eidem ecclesie ad ipsam paludem que adiacet, & de palude vsque in Durentiam fluuium, totam siluam illam &c. Sunt autem termini ex parte orientali, sicut iacet terra de Amraone, & peruenit vsque ad fontem quem vocant Stelella, & sic in directum vsque in Durentia. Ex parte meridiana ipsum fluuium Durentia. Ex parte occidentali, à præfato fluuiio in directum vsque ad molendinum Siluestri, & ad fontem Christophori &c.* Chartam donationis absignarunt qui sequuntur. *Ego Vvilelmus comes Prouincia &c. Domna Girberga inclita comitissa. Dominus Vvilelmus eorum præclara soboles. Guilelmus Vicecomes. Quis hic & cuius regionis Vicecomes? non liquet. Lego Fulconem de Ponteuës Guilelmi de Cerueria filium anno millesimo ducentesimo decimo quinto Vicecomitem quoque vendidisse castellum & plurima per Manualcæ vallem prædia, iuraque. An valli ergo huic erat Vicecomes? Vvilelmi verò Comitis donationem probauit Adalais mater anno post secundo, iisdem omnino verbis suam scribens: cur Vvilelmus & Fulco atque Acelena & Odula coniuges suam fecerint non inuenio. Vtunque hoc habeat Fulco & Odula anno millesimo vicesimo quinto dedere Sanuictorinis vnum mansum in Comitatu Sistarico, in villa quam vocant Manualca, ipsum verò mansum, addidere, excolis homo nomine Lunaris, & vxor sua Rama.*

- Si è Monlorguia regione reddas te Volsiensi Manualcam viæ, occurret, quingentis ab vrbe passibus, ædes leproforum Lazaræ, cum sacello suo. Hunc qui operam dat sacerdos, à Forcalqueriensibus canonicis iussus est ministrare Saluatoris hominum templo. Et in æde Lazaræ leprosus fere non est, cui curam impendat suam. Istum Sacerdotem diaria Consulum appellant Præceptorem. Nominis nullas inuenio causas. Urbanos fortasse pueros antè docebat, quàm illis plures à Consulibus attribuerentur scholæ. Virgines
- 52 Franciscanæ iam olim sub annum millesimum trecentimum habebant monasterium Manualcæ: desierunt in illâ esse, nono & septuagesimo post millesimum quadragesimum. Ad eam Arelate longo postliminio redierunt quinto & vigesimo huius sæculi. Et quidem antè Manualcæ quàm excederent, sederunt primùm Saunariæ, postea habitauerunt intra urbem, vbi nunc sunt scholæ literariæ: in ipsam verò reduces, proximè portam Aurorulæ incolunt, contra sed multum infra literarium illud gymnasium. Quoniam nimis nota in vulgus est vetus earum, siue in vrbe, siue in sub-urbio sedes, placet de ipsa pluribus disputare, antiqua Manualcensium
- 53 relegendi. Igitur sacris virginibus principio stetit ædes extra urbem, in ea Saunariæ ad Meridiem extrema parte, in qua terræ lingula, cui vrbs imposita est, prærupto quondam mucrone descendebat. Vt enim tradidi libro 1. num. 14. area illa quæ montibus in theatri speciem circumdatur, vbi superato hemicycli medio, iam accepit urbem, & per eam stadium impleuit versus meridiem longitudine, tum principio dorsuati inclinât, præcipiti, & in Orientem, & in Occidentem, ad Aurorulæ & Guilelmipetriam vsque portas descensu, postea mucrone in Meridiem protenso omnis protuberat
- 54 ad Orientem, & Occidentem. Vbi enim ad Aurorulæ fere portam descendit, iam suæ crassitudini ad Meridiem reddita, verrucatur in Orientem ingenti tumulo, qui in duo capita scissus, Campum amplexa Cunderium, centum à porta Saunariana passibus, surgentem accipit meridionali capite murum vrbs. Ad Guilelmipetriam verò ita seu demittitur, seu deicitur, vt à vico qui per Carmelitarum templum ad ipsam fert, ascendat omnis ardua in Terrallum, in quo, æquatis latè spatiis, Guilelmus iunior, Forcalquerij Comes, insigne illud palatium extruxit, quod sublime excelsis firmisq; turribus, habet speciem munitissimi castrî. Ad Terrallum etiam à reliqua vrbe per plateam Mercatoriam, vicumque omnem Rectum, & ab ipsa ad eò Saunariæ porta ascenditur, vt occidentalis hæc lingulæ Palatinam regionem habentis
- 55 pars non verrucari, sed omnis altè intumescere videatur. Post illos ad Orientem, & Occidentem verrucis pares tumulos, lingula iam liberis extra urbem decurrens spatiis in mucronem ibi desinebat, vbi non modicus claudebat (vt ego quidem arbitror) Saunariam hiatus. Maiores voraginem implere, vt nihil vltà moraretur euntes, seu in aream triturando post messim tritico factam, seu ad frumentarias non procul Druentia fluuiio moletrinas, seu in agros per latissimè fusam planitiem iacentes. Ad hunc hiatum olim visebatur Franciscanarum monasterium: & illius partem altè descendisse affirmat, quod ruinæ ereptum est templum terra omnino conditum. E quadro lapide
- 56 statueris Monialium ædibus. In forensibus de Beatæ Daphinæ Ariani Comitissæ sanctitate chartis memoratur hoc monasterium. Nec ingratum, puto, lectori

lector erit, si ex illis nonnulla referam de Alafatia Mesollana, quæ primo & tricesimo loco testis, ad Aquensem & Vasionensem Antistites, rei quasitores, anno millesimo trecentesimo sexagesimo tertio dixit. Assertit se de virginitate Dalphinæ accepisse, & ab aliis alibi, & in castro de Manufca à sorore Moneta, filia ipsius testis loquentis, & à domina Baudonia, Abbatissa monasterij S. Clare, &c. Fuerunt presentes &c. sorores Dalphina de Albenasio, & Reynauda moniales S. Clare. Addit se audiuisse prædicta à viginti annis & proinde anno illius sæculi tertio & quadragesimo. Post multa sic habes in iisdem forensibus cartis. Alafatia Mesollana interrogata de tempore, quo audiuit primò dictam dominam Dalphinam, vidit loquentem de Deo verba, prout suprà deposuit, dixit quòd ex quo primò audiuit, sunt bene viginti anni elapsi, vel circiter, & deinde pluribus & diuersis vicibus. Interrogata quibus locis, & quibus presentibus, dixit, quòd in ciuitate Aquensi, in Manufca, in monasterio S. Crucis prædicto. Et fuerunt presentes in dicto monasterio D. Isabella de Simiana, & D. Aicelana de Apta abbatissa dicti monasterij. Et in ciuitate Aptensi presentes fuerunt D. Berga Aueriga, Masbendis Taulerie, & Beatrix de Gargaco: & in Manufca sorores Dalphina de Lasmedas, & Baudonia Binneria. Atque hæc ex Alafatia Mesollana. Vides Baudoinam fuisse Franciscanarum Abbatissam Manualcæ, anno tertio & quadragesimo post millesimum trecentesium; & sub ea Clarissarum profectas instituta Monetam Mesollanam, Dalphinam de Albenasio, Reynaudam Renaude, Dalphinam de Lasmedas, & Bauduinam Binneriam. Clemens eo nomine Sextus Pontifex, literis eo ipso anno datis, docet illarum monasterium illustre omnino fuisse. Et alia concedimus, ipsas alloquitur, & ut possessiones &c. bona &c. firma vobis, & eis quæ vobis successerint, & illibata permaneant. In quibus hæc propriis duximus exprimenda vocabulis. Locum ipsum, in quo præfatum monasterium cum omnibus pertinentiis suis, cum terris, pratis, vineis, nemoribus, vsuagiis, & pascuis, in bosco, & plano, in aquis, & molendinis, iu viis & semitis, & omnibus aliis libertatibus & immunitatibus suis &c. Ita Pontifex 2. nomas Apriles. Cardinales omnino ad quindecim Pontifici subscripserunt. Sed hic vnum afferam necesse est. Eadem die Clemens Clarissas Manualcenses subiicit Franciscanis. Deuotionis vestre, inquit, precibus inclinati, vos, & vestrum monasterium, autoritate presentium, Generali, & Prouinciali Ministris committimus. Paucis antè diebus omnes Franciscanorum à Pontificibus prærogatiuis ipsis concesserat. Scilicet non Francisci, sed Benedicti leges secutæ, non Franciscanis, sed sacerdotibus, quos sæculares vulgus dicit, suberant. Audi Pontificem ad eas loquentem. In primis statumus, vt ordo monasticus, qui secundum Deum, & Beati Benedicti regulam, atque institutionem monialium inclusarum S. Damiani Assisimotis, formulam vite vestre, & felix recordationis Gregorio prædecessore nostro Ordini vestro traditam, cum adhuc esset in minori officio constitutus, in eodem loco institutus esse degnoscat, perpetuis ibidem temporibus obseruetur. Gregorius nonus Pontifex est hic. Ante pontificatum vocabatur Hugolinus. Cum esset Cardinalis Ostiensis, anno millesimo ducentesimo decimonono, instituta Franciscanis S. Damiani virginibus, probante Sancto Francisco, legesque ex beati Benedicti regula dedit. Quos autem aduersarios experte tum fuerint Clarissæ Manualcenses non possum dicere. Profectò eâ erant potentiâ & autoritate subnixi, vt totâ regione non inueniretur, qui puellis petentibus auderet iura reddere. Miseratus

ipsas Pontifex, imperat præterea omnibus per diœcesim Sistaricensem ecclesiasticis viris, vt opem ferant laborantibus ab aduersariis vi. Lego etiam quinto & tricesimo post anno vendidisse prædia nescio quæ. Tabulis subscripserunt Beletta Portalesia monasterij Vicaria, Moneta de Melano, Bauda de Vaqueriis, Haucuna de Vandieno, Astruga de Galabruna, Haucuna de Villamuris, Sriga Galabruna, Hacauna Boca. Iuat hoc præterea non tacere. Nono & vicesimo anno illius sæculi, emunt à Bertrando Gausio vineas duas, *subter fontem Gloriam*. Abbatissam agebat Guilelma de Booyrana. Petrus Aimericus clientelâ soluit euentes. In emptionis testibus legitur *frater Guilelmus Gurgonis, de Ordine Minorem de Manualca*. Hoc assero, vt videas gentem Guigoniam ante annos trecentos fuisse in vrbe. Bertrandus Panerius, post annos quatuor, soluit has ipsas virgines agri clientelâ, quas eas donauerat. Iam si petas, quo anno, & vnde Saunariam venerint, rem mihi profus ignotam postulabis. Anno octauo & sexagesimo illius sæculi in urbem immigrauerant, & duodecimâ die Martij habitabant non procul porta Chabassij in conductâ domo, sedesque in proximo figere cogitabant, vbi etiam domum coëmisse traditur in tabulis, quas placet recitare. *Anno millesimo trecentesimo sexagesimo octauo, die duodecima Martij, D. Guilelmus Castellani presbyter de Manualca vendidit nobili & religiose domina Raimunde de Melhano, Abbatissa monasterij de S. Clara presenti, & presentibus sororibus Tiburgiâ Ferenque, Baudâ de Vaqueriis, Catharinâ de Vaudroma, & Asturgia Galabruniâ, monialibus dicti monasterij, congregatis ad sonum campane, vt moris est, infra domum dotalem Raimundi Capelli, vbi presentialiter dicta domine moniales suum domicilium faciunt, vnâ domum cum quodam viridario infra dictam domum situato, loco dicto,*

60 *in carreria portaliâ Chabassij &c. Quæ res fecerat, vt Saunariâ excedentes commigrarent in urbem: Illa profecto, quæ Carmelitas & Franciscanos monasteriis pepulit, & in urbem coëgit, vt postea referam, bellum scilicet quod à Minutis & Vasconibus illatum anno illius sæculi septimo & quinquagesimo, omnem ferine Prouinciâ vastauit eis Druentiam. Ne tamen puta perpetuas in vrbe sedes tum fixisse. Non multos post annos Saunariam redierunt. Lego quippe Consules, cùm Manualca sibi timeret à Vicecomite Turenio, eas anno secundo & octogesimo rogasse, vt redirent intra urbem. Atque ipsarum ædes euertisse arbitrabar, quandoquidem illas in urbem inuitabant, ad hoc, (ita legimus in eorum diario) quod gentes armigerorum non possint ibi se collocare. Exierunt ergo Saunariâ rogatæ: in vrbe vsque ad annum millesimum quadringentesimum septuagesimum nonum hæserunt, quo, vt gentibus quoque ac viribus sua sunt fata, monasterium omnino extinctum est, monialibus aliis in alia loca recedentibus. Igitur Franciscani Obseruantes vacuum domum occupant, postque varia consilia, anno denique millesimo quingentesimo, eius in plures diuisæ dominos pretium, in ædificando suo monasterio impendunt. Hæc res monet, vt ad dicendum de illorum templo, & monasterio accedam. Prius tamen aduerto Saunarianas viginum ædes peruenisse aliquando ad Margaritâ Alansoniam Massiliensem, & Guilelmum Monnerium Priorem xenodochij Sanspiritensis Aquisfextiis, eâ donante, suadente Ioanne Sistaricensi Episcopo, iubente Rege, Consulibus denique probantibus, voluisse in illis excitare xenodochium Ordinis sui. Quid rem tanto omnium ordinum fauore cogitam, & tantum non acceptam, corruerit non inuenio.*

inuenio. Toris annis, nonagesimo post millesimum quadringentesimum, & consequente, magnis animis acta est in vrbano concilio.

Franciscani, quos nunc dicimus Obseruantes, habitauerunt quondam in agro ad orientem Saunaræ. *Casum* vocabant eam agri partem. Manetque etiam nunc loco nomen; ob celebritatem puto, nam *casum* antiquitus plebi erat, quem Latini *fundum* vocant. Quam domum Guilelmus Castellani, vt referebam numero 59. vendidit Clarissis virginibus intra urbem, non procul porta Chabassij, ea finiebatur *granico*, vt scriba tradidit, *caso*, *Viridario*, & *vico publico*. *Granicum* villa est. Ab eo, & à *caso* intelligis, agri primûna, deinde suburbij locum hunc antiquissimis temporibus fuisse, cum muri vrbani eò versus Orientem nondum descendissent, vbi nunc stant. Villæ enim & *casa* in agro sunt. Ex ipso in suburbium principio, postea in urbem induxere. Franciscanorum istud *casum* ex charta anno millesimo quadringentesimo quadagesimo octauo scripta, *situm est prope vallatum Ville Manusce, camino in medio, cum riuo Albete, & cum fonte de Conchets es camino publico, quo itur ad ipsum fontem*. Nunc hortis, agro, vineâ, continentur. Eo pulsi sunt Franciscani à gentibus armigeris, quæ se Magnam Societatem vocabant, autore Innocentio VI. Pontifice, & quæ Comitatus Prouincie & Forcalquerij penitus inuaserunt. Quæ fuerit hæc armigerorum Magna Societas dubitatum inuenio. Iuuat eos audire, qui coram Aquisi & Vasio-nensi præsulibus, ex Urbani V. mandato de Dalphinæ Comitis Ariani sanctitate querentibus, dixerunt anno tertio & sexagesimo post millesimum trecentessimum. Catarina de Podio tradit appellatos fuisse *Minutos*, & *Vascones*: Ioannes de Sabrano vocat *Societatem Vasconum*, qui erant de *Ultra Rhodanum*; aliquando autem ita loquitur, *Fertur quidam vocatus Archipresbyter habuisse societatem Vasconum*; aliàs verò, appellantur, inquit, *Magna Societas Vasconum*, *Minuti*. Demum Nicolaus Loarenchi, forensis curator rei, hæc habet articulo sexto & quinquagesimo: *Durandus Arnaldi de rupe Alguiria Magaloniensis diœcesis, existens cum Societate magna, & inimicus Prouincie*. Igitur vides homines Transrhodaninos, ex aliis regionibus alios, è Vasconia maximè, sub duce, quem appellabant Archipresbyterum, grassatos esse per Prouinciâ. Dicebant nunc *Minutos*, nunc Societatem magnam. Eorum ducem nonnulli vocant Arnaldum de Seruola, faciuntque natione Vasconem, dignitate archipresbyterum de Seruiis: Sed *Durandus ille Arnaldi de rupe Alguiria*, seu *Aineria*, vel *Aiguesij*, (his enim nominibus, alij alio vt fit in rebus ceterâ ignotis appellabant) in tabulis asserit *Petrum de Sornolis capitaneum Societatis magnæ inimicorum Prouincie*, sibi ducem fuisse. Cum autem veri exercitus nomen, neque militum multitudinem, neque autoritatem ducis, neque claritatem causæ satis implerent, hæc illac inexpectati cursitabant, omnia magno, neque inani, terrore complentes. Certè omnem pene cis Druentiam regionem latrociniis peragrarunt. Cucurono per dolum capto, Ansoysio nequidquam tentato, & alios agros, & Manualscensem depopulati sunt. Hæc illa est armigerorum Magna Societas, quæ autore Innocentio sexto Franciscanos in eo afflixit, ipsorumque domum evertit. Quo euenerit clades anno, accipe ex Ioanne de Sabrano, & Catarina de Podio, ad ipsos, quos modò memorabam, quæsitores dicentibus. Ille sic loquitur: *Societatem illam Vasconum discursisse per Prouinciâ bene sunt quinque*

- anni, vel sex. Ista verò: *quinque anni sunt elapsi, anno videlicet, quo Vascones erant in Provincia.* Hæc aiebant anno tertio & sexagesimo post millesimum trecentesium. Fuit octauus & quinquagesimus, ex tabulis eo ipso die scriptis, quo Durandus Arnaudi, vnus ex Magnæ illius Societatis militibus, mortierепus est Ansoysij, in *auencho, seu puteo secco profunditatis duarum & viginti cannarum*, à S. Dalphina, Aptæ quidem tum degente, sed viri tamen preces peringens prodigium se ferente in multo lumine, soluentique vincula, quibus *post tergum manus ligatus fuerat, cum in eum capite supino proiceretur, & post ipsum magna copia lapidum ad interimendum eundem.* An Fanciscani post Vasconum latrocinia cogitauerint restituere domum, ego quidem non inuenio. Arbitror non contendisse. Hispanorum Societas anno primo & sexagesimo Forcalqueriensem Comitatum vix bene à Vasconum latrocinii respirantem rursus vastauit teste Aycelona de Aptæ Abbatissa monialium S. Crucis, ex forensibus illis de Dalphinæ Comitatus sanctitate
- 64 chartis. Et verò tum accipere facultatem à Pontifice deportandi monasterium intra urbem. Sedes à Consulibus designata est *versus carriam Iudaicam antiquam*, vt ferunt illorum temporum chartæ. Sed designatam obtinuerunt difficilè. Lego non possedisse post annos duodecim, cum ij ipsi Consules rogauerunt canonicos Forcalquerienses *pro area* (sunt verba eorum diarij) *ad monasterium fratrum Minorum.* Aegrius etiam in area, cum ipsam aliquando obtinuissent, ædes excitauerunt. Artaudus Sistaricensis Episcopus negabat cœmeterium sacræ ædi anno sexto & octogesimo: neque monasterium perfectum erat primo & nonagesimo post millesimum quadringentesimum. Consules absoluendo tum emerunt mapale proximum, & alia nescio quæ extruccioni necessaria peregerunt anno quarto
- 65 post & vigesimo. Quid autem dicam de templo? Tectum quidem illi imponebatur anno millesimo quadringentesimo septimo, vinctum tamen, ac proinde perfectum fuit vndecimo post millesimum quingentesimum. Vacherij, Volandi, Redorterij, nobiles & pij viri, plurimum ad eius erectionem contulerunt. Attentos publicæ rei fuisse Consules hinc intellige, quòd cum vetuissent anno millesimo trecentesimo quadragesimo octauo prætergredi limites areæ, ad monasterium concessæ, neque satis ea resectorio excitando esset, noluerunt centum & quinquaginta post annis viculum humilem ac neglectum & sordidum ad ipsam adiungere, nisi magna Clarissarum monasterij à pluribus annis extincti parte, ad scholas literias, in permutationem ab ipsis acceptâ. *Caso* autem suo Obseruantes, cum ad annum tertium & vigesimum præcedentis sæculi possedissent, demum se abdicarunt communissimo præsidium consensu. Neque nullum est argumentum, ex pecunia ciuium publica quondam emisse, quòd illud abdicantes permiserunt Consulibus. Ceterum ex hoc monasterio illustres viri,
- 66 & alij prodierunt, & qui (eorum nomina nemo recitat) anno primo & sexagesimo post millesimum quingentesimum, Manualcæ vexati sunt à Calvinistis, Mauuantiò duce. Et alia grauissima passi, & pedibus suspensi, in puteumque capite deorsum deiecti, tantum non occidere. Et hi quidem ita fidem suam probauerunt Deo: aliorum verò fidem non obscure remunerauit Deus anno octauo & vicesimo huius sæculi. Mense Iulio res euenit à me non tacenda. Franciscus Piolla, non inopulentus ciuis, manipu-

lorum frumentariorum magnam vim in strues congestam, pro more habebat in area illa pene media, quæ ad portam Sobeiranam latissimè pater. Casu, an fraude? asserunt ij nocte concubia. Vt visus est ignis, vt mortales totà areâ, quæ in fascium pares cumulos surgebat, concurrunt; vniuersâ etiam vrbe turbatur, ad multa hominum millia aduolant; nulli labori par-citur. Sed omnia in cassum abeunt. Viuit ignis, vigetque media in strue, & altè volitantibus flammis, non iam vniuersis frumenti per aream fascibus, sed vbi quoque non dubium minatur incendium. Neque longè erat, vt conclamatum putaretur, cum ecce Franciscani, matutinis precibus recita-tis, accipiunt ciuium grande periculum, & assumptâ Eucharistiâ prodeunt cum cruce, supplicationeque ad aream institutâ acedunt ad ignem. Hic fle-xo humi genu, oculis ad Christum, quem manu tenebant, intentis, ore in preces lamentabiliter soluto, Dei benignitatem exorant. Ignis, qui nulla aqua potuerat à multis hominum millibus susti, vi præsentis in Eucharistia, vigen-tisque, Christi extinguitur.

Area Sobeirana, in qua id prodigij euénit, monet vt de ædicula, ad eius 68
Septentrionem à Consulibus posita, dicam. Mariæ Virgini sacra est. De con-solatione appellant, vt mihi quidem dubium sit, an Consolatricem intelli-gant an quæ consolationem & solatium ipsa accipit. Hoc securi videntur, qui quinto & decimo anno superioris sæculi curauerunt altari imaginem Virgi-nis, medios inter angelos præcipuo lumine coruscantis. Illud verò magis co-gitabant, qui tertio & decimo pòst anno censuerunt ædiculam, quæ affecta erat, omnino esse perficiendam, *vt possit* (sunt verba diarij Consularis) *in illa de seruire Deo, & attento quòd ibi fere est omne solatium hominum* *Ville Manuascæ*. Supra hanc ædiculam longè, in Rupecula (locus est regionis in agro) ad dexteram Forcalqueriensis viæ, Petrus Ioannes Dulme, anno istius sæculi quarto alteram erexit Mariæ misericordii. Nobile facinus pij, neque inopu-lenti ciuis.

Sub annum millesimum trecentesium, Carmelitæ Manuascam ve-niunt, excitantque monasterium extra vrbein, ad portam Guilelmi petriam. 69
Magna illa Vasconum duce Archipresbytero Societas, de qua dixi numero 62. eorum ædes euerterat anno octauo & quinquagesimo illius sæculi, & Inno-centius sextus quarto pòst ipsis concedit, vt intra vrbein transmigrant, non ampliùs obnoxij militum per latrocinia furori. Scilicet ab illo tum etiam vehementer timebatur. Et sequente anno Vrbanus Pontifex, Ludouicus antistes Valentinus & Diensis, Delphinus, Ioanna Comes Prouinciæ & For-calquerij, ac Pedemontij, Amedeus Sabaudix Dux, & Ademarus Comes Valentinus & Diensis Auenione fœdus ineunt aduersus latrones. Giraudus de Tres Cancellarius Sabaudix erat in comitatu sui Ducis, Rodolphus de Lupeio agebat pro Delphino, Fulco de Agouto *Vallium saltus & Reilane* dominus pro Ioanna, Guilelmus Artaudi dominus Aisij pro Ludouico Epif-copo. Quàm non vanus esset ab illis timor, Pontifex docuit verbis sequen-tibus. *Quanta ecclesiarum & monasteriorum, aliorumque locorum incendia, ho-minum cedes, & personarum ecclesiasticarum, necnon nobilium & ignobilium exi-lia miseranda, violationes pudicitie, matronarum vincula & carceres, rapinae execrabiles, & destructiones secularium & ecclesiasticarum personarum, & sacula-tatum, aliaque mala tam animarum quàm corporum, impietate quorundam viro-*

- rum crudelium, quos sub titulo Comituarum seu Societatum congregauit è vicinis & remotis partibus, prouenerint hactenus, & proh dolor! pronement, nisi desinane olim miserabiles, experientia docuit, docereque non cessat. Igitur Carmelitæ tertio post anno emunt à Raimundo Portalesio antiquissimæ nobilitatis viro ædes quas etiam nunc incolunt. Sed abs dubio latissime tum patebant hortis, areaque. Scilicet plurimæ ab omni circum parte domus, sub monasterij clientela sunt, in illis profectò ædificatæ. Vbi tamen æra princeps nunc stat, ibi angiportus quondam erat. Eum Consules, ad illam in amplificato templo excitandam, concesserunt ante annos ferme ducentos. Hæc sunt quæ de antiquis ædibus ad me peruenerunt. Cetera Sanctissimi monasterij perdidit, æternaque damnarunt obliuione, & ab Hugonotis tumultus, & ab aliis hostibus bella. Neque igitur possum dicere, qui Carmelitæ doctrinæ, qui sanctitate floruerint Manualcæ. Hic addo vnum. Quod tessetarium scutum foribus templi alèd imminet, est ignotum ciuibus. Quia non viderit ædes in sacros vsus excitata, suspicabar Portalesiæ quondam dominæ, quæ à multis temporibus desit, gentis fuisse. Tribus lunulis splendet, quarum cornua deorsum spectant. Tertia duabus subiecta est. Placuit hoc afferre, vt quod modico post tempore deiicietur, Portalesiorum scutum non omnino pereat. Audio quippe Leonem Trimundum Aigluni (Aigledunum antiquæ tabulæ vocant) dominum, qui ab Trimundis illis antiquissima nobilitate Manualcensibus, à me libro 1. num. 28. memoratis, originem suam repetit, cogitare de excitanda, alæque è quadro lapide ornanda Carmelitani templi porta.
- 71 Capucini probante, præsentique, Tossanctio Glandeuessio Episcopo Siaticensi, & plaudente vniuersâ vrbe, anno huius sæculi vndecimo pridie nonas Augusti, inducti sunt in ædes eorum vsibus excitatas, vbi Clarissæ virgines quondam habitabant Saunariæ. Consules vocauerant, vt supra clerum, Observantes, & Carmelitas, haberent in vrbe, quos sanctitate vitæ, & integritate scientiæ viros insignes opponerent Caluinistis, ad Ministri, vt loquuntur, sui, ab aliquot annis in Petrablancano rure conciones exultantibus. Neque Manualcensium expectationem fefellit euentus. Hugonotis non dubio terroris fuit, & vero Catholicis firmamento.
- 72 Anna de Vallatorio, puella gente nobilis, præstans ingenio, animis excelsa, pietate præcellens, Auenione à prima ætate degebat, virginum Cisterciensium instituta in S. Catarinæ professæ. Monasterium illustre ac perantiquum plures annos magna cum laude tlexerat. Igitur diuinas res cogitanti venit aliquando in mentem, futurum è Manualcensium vsibus & pietate puellarum, si parthenonem apud ipsas erigeret, & quibus insueuerat legibus informaret. Volsij, paterno pago, proximè nata, Manualcam, vbi fere à cunis ad pubertatem egerat, habebat pro patria. Quod singulari pietate cogitauerat, hoc insigni, per ingentes quibus vigebat animos, sapientiâ perfecit anno præsentis sæculi quarto & trigésimo. In Monasterio, quod sanctissimis ex Catarinæ Auenionensium domo legibus instituerat, migravit à duobus annis è vita, relicto ciuibus magno sui desiderio. Monasterium est in Aurulæo vico, floretque numero & virtute puellarum, quæ suorum institutorum vehementer attentæ, diuinique accuratæ cultus, sunt patriæ non modico decori & ornameto.

Stephano martyrum principi sacra fuit olim ædes Manuascæ, intra villam. Qui hoc negant, & non aliam Protomartyri stetitse volunt ab illa, quam in agro positam vidimus numero 19. & appellatam *de Tairone*, ex eo rejiciuntur, quod Manuascenses antè excitarent quàm sibi domum, habendis conuentibus publicis, ipsos egere frequentissimos in Stephani templo. Nam quis accredat dicenti ciues, vt alia non asseram, ætate maturos & senio graues, (& hi fere sunt in curia præcipui) aut dignitate præstantes, longissimè à villa, & omnibus pagis, castrisque, in excelsum montem, qui Fornicarium habet nemus, iisse, vt in Stephani æde agerent de rebus vrbatis consilia, qui plures alias & amplitudinè, & opere clariore, intra Villam, atque in agro proximè pagos, aut Villam, adire sine omni labore poterant? Sed vide, quid anno nono & octogesimo supra millesimum trecentesium decreuerint in S. Stephani: *Decur Domino Cardmali Neapolitano de vno bono vitulo, & sex duodenis pullorum; & si non reperiuntur pulli, presententur duo boni vituli.* Putas subiisse nemus Fornicarium per ardua montis, vt rem prorsus modicam constituerent, qui grauissimi momenti, aut in platea Vlmiad Saunariam, aut in cœmeterio S. Saluatoris peregerant. Anno millesimo ducentesimo sexagesimo primo. erat controuerfia Manuascensibus cum canonicorum Forcalqueriensium collegio, de decimis. Raimundus Arditus huic Præpositus, & Pontius Raynaldus de Saunaria *Ville Manuascæ*, illorum syndicus, actores conuenerunt quarto nonas Ianuarij, in Berengarium Monachum Hospitalariorum Manuascæ Præceptorem, Vvilelmum Marinum S. Saluatoris Manuascæ Priorem, Pontium Burgundionem Canonicum Forcalqueriensensem, iudices arbitrarios, in Stephani sacra æde. Iam vide quid addant illius dici tabulæ. Tam multi ciues conuenerant, vt tota Ecclesia S. Stephani de Manuascæ, esset plena hominibus, & pro multitudine ibi commodè stare non possent, imò starent multi extra dictam ecclesiam, & in ostiis dictæ ecclesiæ, habentes aures intentas ad hæc que agebantur. Ecce templum dicitur *Sancti Stephani de Manuascæ*, profectò vt distinguatur ab illo, quod vidimus appellatum, *de Tairone*. Cuius autem noni sapientiæ, sed honestatis fuisset, omnes ferre ciues, ex Villæ opportunissimis cogendo cœtui locis, in remotum montem educere? Hic placet eorum nomina recitare, quorum consilij publica res maximè tum sustentabatur, vt optimorum ciuium, & antiquissimarum gentium memoria non pereat. Præ ceteris consilio vigeant qui sequuntur.

Bertrandus Petri, Garnerius Felicius. Petrus Brito Iurisperitus. Raimundus David Iurisperitus. Petrus de Fonte. Hugo Stephanus. Gerardus Veirerius. Vvilelmus Veirerius. Benediclus de Fonte. Vvilelmus Fulco. Petrus Stephanus. Petrus Chabacius. Bertrandus Gaudius. Vv. David. Bertrandus Rauerus. Iacobus Rauerus ejus frater. Petrus Mamellus. Raimundus Mucellaris. Vvilelmus Hospitalarius. Petrus Tardatus. Guilelmus de S. Martino. Petrus Rasterius Senior. Michaël de Apta. Andreas Amirardus. Hugo Agrena. Hugo David. Hugo de Fonte. Rostagnus Marcellus. Vv. Discalcinus. Vv. Burgundio. Ioannes Albertus. Petrus Sartor. R. Iocacius. Vv. Michaël. Ioannes Roërius. Rainaldus Bona. Vv. Blancus de Saumana. R. Rogerius. Hugo Faber. Arnaudus Robaudi. Ioannes Cusenderius. Petrus Codofius. Ioannes Isnellus. Ioannes Arrenasius. Bertrandus Gantierius. Vv. Maluppius. Vv. Arnaudi. Raimundus Aymerceri. Bertrandus Aycardi.

Petrus Sayfa. Petrus Roëna. Vv. Eroffus. Petrus Maximus. Giraudus Rostagnus. Raimundus Albenacij. Bertrandus Hospitalarius. Vv. Iordanus. Vv. Roueria. Vv. Garcinus. Bonpar Hortolanus. Isnardus Giroardus. Ioannes David. Vv. Cor-derius. Petrus Rasterius. Martinus Florius. Englicus Robaudus. Rayboldus Cor-coffonus. Petrus Gaudius. Ioannes de Pererio. Andreas Grumelaine.

77 Eo ipso anno, in hoc idem Manualscæ Villæ templum ciues conue-
runt, septimo & decimo calendas Martij. De ludæis actum est in concilio.
Duo maximè decreuerunt. Item quòd habeant duas tabulas ad carnes suas
faciendas, in macello, in summitate macelli. Item quòd de debitis suis creditis ad-
judicetur eis per mensem, & soluant debitores eisdem Iudæis pro qualibet libra, sex
denarios. Quare ad illud de carnibus, quæ venum Iudæis proponerentur,
in macello seponendis descenderint, facile dictum est. Cavendum iis erat
à carne secundum Mosaicam legem immunda, quam suis ex carnium
in alios ciues distrahendarum similitudine misceri querebantur. Sed hoc fœ-
noris profectò superat omnem fidem. In libra ænea nummularia sunt denarii
ad ducentos quadraginta. Si pro fœnore das denarios sex in mensem, da-
bis omnino duos & septuaginta in annum, quæ ferme quartapars libræ est.
Contra Iudæos tamen pro Christianis res constituebatur. Scilicet non mul-
tum fœnus visum est, præ eo, quod ab illis hi pendere, cum ferebat usus,
cogebantur. Igitur ego quidem non miror fuisse gentem in perpetuo Ma-
nuascensium odio. Et id augebat, quòd Iudæi & suis permixti iudicibus,
iurisdictione regiâ soluti sunt, ante annum millesimum trecentesium;
& omnibus centesimo post anno vectigalibus exempti, quamvis (quis
crederet, si ipsa Consulum non affirmarent diaria) de octodecim agri
78 partibus possiderent prorsus decem. Proh tempora! Igitur meritò ci-
ues, apud Ægidianum Hospitaliorum Priorem, querelas aliquando de-
posuerunt, petieruntque vt rejicerentur ex vrbe, quia ob insultum dictorum Iu-
deorum Manualscæ caret gentibus, & bonis. Neque cessauerunt, donec
anno millesimo quingentesimo natio vniuersa, edicto Ludouici regis, pulsa
est omni Prouinciâ; & bona seu pulsas propria singulis, seu perfracta genti
communis, tertium post annum addicta fisco. Quinto antè anno, die quin-
ta mensis Maij, plebs Carmelitas, & Franciscanos, præuamque illis cru-
cem secuta, diripuerat, euerteratque ipsorum domos, & synagogam. Legi
in chartis Consularibus turbatum tota vrbe à flagitiosorum hominum fœ-
nore, singulis ferme annis post septuagesimum à millesimo trecentesimo.

79 S. Ioanni (Baptistam facit chartularium Episcopi Sistaricensis) quondam
stetit Manualscæ templum. Tabulæ Manualscenses vocant ecclesiam de infe-
riori monasterio. An aliquando habuit monachos, & ab iis monasterij no-
men? fortasse Sanmartiani, cum ipsorum ædes Saracenorum furore cecidisset,
tenuerunt. Certè situs addidit monasterio nomen inferioris. Is pa-
trum etiam tempore ignotus erat. Hic vnum, quod me mouet, tacere non
possum. Adrianus pontifex, eo nomine quartus, inter ecclesias Canonico-
rum Forcalqueriensium Manualscenses, censet ecclesiam S. Ioannis de inferiori
monasterio, cum decimis & oblationibus suis, cum baptisterio totius Villæ. Scribe-
bat ista Pontifex anno millesimo centesimo quinquagesimo quinto. Nul-
lumne tum igitur erat baptisterium Manualscæ, nisi in S. Ioannis? Certè Ber-
trandus antistes Sistaricensis, septimo & decimo post anno, templum San-
joannino

joannio majus agnoscebat, cum ita locutus est: *quartam partem mortalagij habet Episcopus in ecclesia S. Ioaanis, cum hoc non habeat in maiori ecclesia.* Putabisne tu hanc caruisse baptisterio: Sed in consulari diario anni secundi & septuagesimi post millesimum trecentesium, legimus *parochianos ecclesiarum S. Saluatoris, B. Mariæ, & S. Ioaanis.* Res hæc difficilis est. Ut super ea pronuntiem, dicam oportet de æde Saluatori hominum sacra.

Ea est ingens basilica. Quæ nunc visitur, ipsam crexerunt post annum nonum & septuagesimum à millesimo centesimo. Isto *crux dominica*, ad ipsius extructionis futuræ argumentum, *ab Episcopo jam fixa erat*, autore Alexandro III. Pontifice. Quo deinde seu ædificari ceperit, seu perfecta fuerit, chartæ urbanæ non habent. Certè Ranulphus Sistaricensis antistes post centum nonaginta tres vnxit, recentissime scilicet absolutam. Puto iniquitatem fecisse temporum, ut tardissime surgeret. E ruderibus à Saracenis quondam euersæ excitata profectò est, & quidem cum Sanmariana multis antè annis instaurata fuisset, per ingens illud prodigium, quod in Virgine Romigeria reperi. Ut enim asseram, quod mihi videor ex vetustissimis chartis colligere, in Villa Manuscæ fuerunt, etiam ante Saracenorum in Prouinciã aduentum, templa curiali omnino tria. Ab his (sub annum, ut putabam, non-gentesimum) quæ duo præcipua Saluatori hominum, & Mariæ Saluatoris hominum matri stabant, euersa cum Villa sunt. Tertium Ioaanni Baptistæ sacrum, pro tenuitate sua, seu semirutum, seu neglectum superfuit barbarorum hominum furori. Stetisse putabam, vbi tenues olim per domunculas *granicis & casis* mixtas eò descende-batur, vbi porta Aurorulæa nunc est. Et verò Sanmarianum non multò post cladem à Saracenis illatam restituerunt. De Saluatorense instaurando senius quidem cogitatum est, sed tamen ante annum à millesimo centesimo. Ut ampliudine visendum fuerat, ita *8 f* egrius ad illud excitandum accesserunt, maxime cum videretur minimè necessarium, aliis duobus jam stantibus; & Marianum signum frequentissimis prodigiis ciues ferme omnes ad se vocaret, detineretque. Ioanninum Adrianus Pontifex tum dixit habere baptisterium totius Villæ, quia quæ Sanmariani ditione continebatur regio, ut Villæ dynastæ non suberat; ita non dicebatur illius pars; suisque non Villæ clientibus *baptisterium* habebat. Vtunque hæc fuerint, sacerdotēs octo ministrant basilicæ Saluatoris. Inuenio laborasse Manuscenses, ut Forcalquerienses Canonici suum in eam collegium deducerent: labori tamen nullus adhuc respondet fructus. Curiales autem vnum aliquid magnâ laude susceptum à ducentis ferme annis, *8 b* majore non perfecerunt incuriã. Anno millesimo quadringentesimo septuagesimo, Ardissonus Coriol habitabat in Fano Tullie proximo. Is crucem argentæam, in qua de ligno Crucis Dominicæ pars non proflus modica inclusa erat eripuit huic basilicæ. Indoluerunt ciues ad impium facinus. Curiales fugientem in Pedemontium patriam insequuntur. Lignum Crucis, quod vnum suspirabant, datum fuerat monachis Sauillanensibus, & repetere neglexerunt. Sed post duos & viginti annos res euénit à me commemoranda, quæ venerationem S. Antonij in huius templi ædícula, ab Antonio Bruneto quondam erecta, culti plurimum auxit. Ioannis Hospitalarij *8 j* vxor enititur filiollâ, eamque mortuam, & Dalphina Croteria obstetrix natâ non sine præcipuo animi dolore sepelit. Vide quid possit sermo de sancto-

- rum virotum vita, & apud Deum meritis. Octauo post die, Dalphina accipit factum aliquando esse, vt beatus Antonius Arelate ad sui corporis, in monasterij Montis majoris sacris ædibus, ossa cinerésque rogatus, vitam in id temporis restituat fœtui mortuo, quod ad baptismum accipiendum sit satis: & maximo repente capitur, agiturque, ac ardet æstuantis animi voto, vt quod sepelierat cadauer deferatur Arelatem. Neque potuit se continere ab eo exhumando, mirantibus qui aderant omnibus. Ecce rem prorsus insolentis, neque ad id temporis Manuascæ visi, plenam prodigij. *Infans, sunt verba diarij Consularis, miraculosè fuit conspectus integer, incorruptus, es cum viuido colore in facie, es in corpore, prout domini Syndici, es plus de ducentis, vel trecentis personis videre.* Igitur Antonius Rogonus cognomine Croterius, Dalphinæ conjux, magno populi exultantis fauore, mittitur Arelatem à Syndicis; majoréque etiam Arelatensium ciuium, ad rei nouitatem defixorum, deponit ad S. Antonij corpus infantulam, non sine bonis precibus, & vesano ejulatu. Vix finierat, cum anima redditur suo cadaueri, motuque totius corporis, gemitu oris, oculorum obtutu, se corpori ad vitam restituto, vigentique, testatur esse præsentem. Manuasca omnis, re quæ per vniuersam Prouinciã magnâ cum hominum admiratione spargebatur acceptâ, effunditur ad occursum Rogoni, & post publicas, præunte S. Antonij ligneo signo, per totam urbem preces, mittit Arelatem Syndicos in peregrinantium veste, beato supplices eremitarum principi.

- 85 Ultimo hoc loco disputandum mihi esset de templo Mariæ Virginis sacro, quod in media valle urbéque visendum, præstat ceteris, antiquitate, & religionibus. Verùm de illo, & de signo Mariæ, vnde ipsi nomen, quod in eo prodigijs nobile veneramur, scripsi ante aliquot annos libellum, neque possum veriùs, clariùs, ornatius de illo quàm tum feci, nunc dicere.

EGo Laurentius Grannon Prouicialis Societatis Iesv in Prouincia Lugdunensi, juxta potestatem ab admodum R. Præposito Generali mihi factam facultatem concedo, vt liber inscriptus, *Noëles Blancalandane, &c.* à P. Ioanne Columbi ejusdem Societatis professore Theologiæ compositus, & ab ejusdem Societatis censoribus approbatus, typis mandetur. In cujus rei fidem has litteras sigillo nostro munitas, & manu nostrâ subscriptas dedimus Lugduni die 20. mensis Iulij anno 1660.

LAVRENTIVS GRANNON.



NOCTES BLANCALANDANÆ.

Illustr^{mo} & Reuer^{mo} Domino,
D. IOANNI VINCENTIO
DE TVLLES,
EPISCOPO VAVRENSI,
REGI AB INTIMIS
consiliis, &c.

IOANNES COLVMBI è Societate IESV.



RAM ego tecum *Blancalanda*, tuo apud *Constantienses* in extrema *Normannia* monasterio, *Episcoporum* illustrissime, cum *Sammarthani Galliam Christianam*, tomis quatuor comprehensam, ediderunt in lucem. Infinita illi addiderunt, ad *Clandij Roberti* de *Gallia Christiana* optimè meriti librum; & in iis, plurima mihi ad illud temporis ignota: nonnulla tamen super aliquarum *Ecclesiarum* episcopis & abbatibus omiserunt, quæ in aduersariis à me olim annotata inuenio. Scilicet, ut ab episcopis ordiar, pro ea illorum veneratione, quam à puero in Societate *IESV*, & didici, & ad hanc diem professus sum, antiquos singularum *Gallia ecclesiarum* antistites, è codicibus seu manu, seu typo scriptis, in singulas schedulas, ut legenti occurrebant, à pluribus annis retuli, cogitans omnes aliquando ad eos, quos *Robertus* habet, suo quemque loco adiungere. Caudeo quidem maximam, et fere omnem laboris partem, ab optimis viris mihi præreptam esse: verùm quæ illorum diligentiam suggerunt, & pauca quidem, de plurium ecclesiarum episcopis,

sed non omnino contemnenda, publicare demum iuuat; et de Vaurenſibus atque Conſtantiensibus plurima. De Vaurenſibus annuatim referam ea ſere omnia, quæ cùm Vauri eſſem domi tuæ, ex Vaurenſis eccleſiæ et Soriciniens ſis monaſterij, poſſiſſimùm tabularijs, ante ſep-tem annos collegi; et de Conſtantiensibus, quæ Blancalanda apud te ab annis quinque agens, ex tuis eiſdem abbatiæ chartis accepi. Demum dicam de Chaponea Odonis Valentini epiſcopi gente. De pau- cis abbatibus agam. Immenſi eſſet operis, in illa per omnes Gallias multitudine, diſputare de pluribus. Sanruſenſium aperi- am initia: et vulgò ſeu obſcura, ſeu etiam ignota ſunt. De Blancalandanis autem, tuæque Blancalanda, fuſius diſſeram, et de ipſi amore ac religionibus conjunctiſſima Lucerna. Viriusque chartularia non inaccurate peruoluï, cùm in Normannia tecum verſabar. Quia no- titibus id operis Blancalanda occepi, viſum eſt Blancalandanarum noſtrum illi nomen imponere. Nam per dies, et alia negotia, et unum iucundiſſimè diſtinebat, tua perpetuus in me bonitatis uſus, quæ cùm antiquiſſima ſit, iuueſcere tamen in ſingula pene momen- ta videbatur: et, ut maxima ſemper fuerit, nouis, iſſque ſummis, incrementis augeri. Negotiorum eſt iſtud operoſiſſimum quidem, at ſuauiſſimum quoque. Cetera id habent, ut ſeu corpus, ſeu etiam ani- mum, aliquando fatigent; ceſſarèque demum aut ſuadeant, aut co- gant: hoc hominem totum occupat, ſingulasque in horas omnem eius mentis vim irrequietum depaſcitur, neque tamen ſinit ſatiſcen- tem ac beneficiis obrutum ceſſare; et facit, ut cùm nequeat amori ſatis reſpondere, ſuum bene ſanus laborem amet. Totum opus in tres partes diuido. Primâ nonnullos epiſcopos aſſero, quorum ſeu nomina, ſeu anni non recitantur ab illis, qui noſtris temporibus ſuos ſingulis, et Eccleſiis præſules, et præſulibus annos, attribuire contenderunt. Secundâ tribus de illis regularium canonicorum monaſteriis, quæ iam memorauimus, diſſerit. Tertiâ de Odone Chaponeo, Valentino epiſcopo diſputat. Ad te illud mitto: nam ad quem alium? Tuæ do- mi Blancalandanæ conceptum eſt: ex tuo Vauro, tuæque Blancalan- da non modicam partem conſtat: ego demum ante annos triginta tuus ſum; et tuis beneficiis omnia mea debeo. Pro tua tamen boni- tate patieris, ut ſecundam libri partem Generali Sanruſenſium ca- nonicorum abbati, et tertiam Alexandro Eleonoro de Chaponey Faiſini domino qui regiſ in ſuprema Delphinatum curiâ conſilia- rius eſt, inſcribam: In ea exequor illius canonicorum initia, huius Chaponeam, quæ Odonis Valentini epiſcopi eſt, gentem.



NOCTIVM BLANCALANDARVM

PARS PRIMA.

EPISCOPI, QVORVM SEV
nomina, seu annos non habent, qui
Gallicanarum Ecclesiarum Episcopos
collegerunt, & per sua digesserunt
tempora.

Abrincenses.



ANCTVS Seuerus sedet Corbecenò, Constantiensis,
Balocensis, & Vallis Viriè regionum rege, *Anonymus*
scriptor ipsius vite.

Ricardus de Suligneio sedet anno 1145. quo, &
nemore de Curua-fossa fratres descenderunt in vallem
iuxta Thor, & excepti sunt in capella lignea, à Ricardo de
Suligneio Abrincensi Episcopo, fratre fundatoris; qui in
ea consecrauit altare, coram innumerabili populo in festo

S. Lucæ. M. S. Lucernæ Premonstratensium abbatiæ. Moritur peregrè anno
1153. ex catalogo abbatum S. Michaëlis de monte: scilicet *in itinere Romæ,*
ex chronico ejusdem S. Michaëlis.

Acardus I. post Herbertum, anno 1160. mortuum ex Ricardi III. literis.

Ricardus II. sedet anno 1161. ex tabulis, quibus testatur Hasculsum de
Suligneio transtulisse, Acardo I. Episcopo agente, fundatoris Lucernæ Pre-
monstratensium abbatiæ iura, in Guilelmum de S. Ioanne.

Acardus II. sedet anno 1162. ex *donatione quorundam prediorum Mona-*
sterio Lucernæ, à Guilelmo de S. Ioanne. Anno 1163. interest translationi San-
cti Eduardi. *Ex libro de ea translatione.* Anno 1164. 12. cal. Aprilis demit-
tit in fundamentum templi Premonstratensium Lucernæ primum lapidènt,
ab Asculfo de Suligneio, & Guilelmo de S. Ioanne fundatoribus porrectum.
Ex MS. Lucernæ.

Ricardus Acardi II. successor anno 2. testatur se cùm esset Constan-
tensis Archidiaconus, interfuisse, quando Guilelmus de S. Ioanne, iura
omnia fundatoris & aduocati Lucernæ Monasterij, accepit ab Asculfo de Su-
ligneio, præsentè Acardo ante ipsum Episcopo. Anno millesimo centesimo
septuagesimo octauo, die vicesima prima Decembris yngit altare in tem-
plo

plo Lucemani Monafterij recēſ erecto, ad honorem SS. Apoſtolorum omnium, *MS. Lucerna.*

Guilelmus de S. Maria anno 1225. ſuccedit Guilelmo, & anno 1240. 6. idus Decembris moritur. *Chronica Normannia.*

Albienſes.

S. Saluius ante Epiſcopatum Monachus, è feretro ad vitam rediit, & quæ ſupra cœlos viderat recitauit, ex Gregorio Turonenſi lib. 7. hiſtoria cap. 1. *In Epiſcopatu decimum annum cum ageret, inualeſcente apud Albigenſem urbem inguinario morbo, beatum ſpiritum exhalauit: ex eodem ibidem: qui de illo etiam agit libro 5. cap. 44.*

Adolenus ſedit anno 883. ex chartâ Caroli Simplicis apud Iuſtellum libro 1. hiſtoria gentis Aruernæ cap. 4. Eodem anno ſubſcripſit chartæ Froterij Archiepiſcopi Bituricenſis, *ex eodem Iuſtello in probationibus hiſtoria gentis Turenſis pag. 15.*

Amelius, ſeu Amelinus anno 1028. intereſt dedicationi Eccleſiæ S. Saluatoris Lemouicenſis. *Ex Chronico Lemouicenſi.* Anno 1031. ſedit in concilio Bituricenſi. *Anno quarto, Hainrico rege,* qui erat Chriſti tertius & trigefimus poſt milleſimum, intereſt erectioni Canoniorum S. Satyri prope Sanceram. *Ex chartâ de eâ erectione.* Anno 1040. teſtis ſubſcribit fundacioni Vindocinenſis Monafterij, vt in eâ ipſâ videre eſt.

Alettenſes, ſeu S. Maclouij.

Aubertus ſedit anno 1168. ex chronico Normanniæ, quod Duchefneus edidit.

S. Ioannes de Craticula cognomen *de craticulâ* ex eo habet, quod Maclouienſes, vt ſanctum venerat, clatris ferreis tumulum ipſius concluſerunt, ex Sirmundo ad librum 2. Petri Cellenſis epiſtola 15. qui Petrus ad Ioannem ſcripſit illo ipſo lib. 2. epiſt. 15. 17. 18. 19. 20. Hic ex Cifterciienſi (vt habet idem Cellenſis lib. 1. epiſt. 16.) monacho epiſcopus, de Aletta tranſtulit Epiſcopatum in Aaronis inſulam, ita dictam ab Aarone Britanno eremita, qui in ea vixerat: ob infrequentiam vrbiſ non omnino tutæ, aduerſus potentiam filiorum Stephani Pontheurenſis. S. Ioannes ſcripſit S. Bernardo epiſtolam, quæ eſt prima & vigefima inter epiſtolas Nicolai ſcribæ B. Bernardi.

Robertus ſedit anno 1303. Philippus Pulcher ei ſcripſit, *ex huius regis cum Bonifacio VIII. Pontifice ſcripta gallicæ contentione.*

Ambianenſes.

Berteſfridus anno 664. concedit Corbeienſi monaſterio, vt monachus contumax emendetur ab abbate ſecundum canonicam inſtitutionem *MS.*

S. Honoratus Theodorico Francorum rege moritur, ex Nicolao libro 2. de vitâ S. Godefridi Ambianenſis epiſcopi cap. 28. qui ejus annulum à Geruino prædeceſſore venditum redemit, ex eodem ibidem cap. 24.

Ragnerius anno 836. in Vormatiienſi concilio dat Senonenſi S. Remigij monaſterio priuilegium, quod Ludouicus Pius confirmat, *ex Roſerio in Reomaſ pag. 81.* An eſt idem cum Ragenario anni 845?

Fulco ſedit anno 1023. ex chartâ Roberti regis, quæ habetur in chartario S. Vedasti Atrebatenſis.

Vvido

Vvido, seu Guido, sedet anno 1060. ex chartâ restitutionis abbatix Sancti Martini de campis ab Henrico rege. Anno 1067. ex chartâ Philippi regis scripta in dedicatione S. Martini de campis. Anno 1068. sequitur Matildem Guilelmi nothi uxorem in Angliam. *Ordericus libro 4. eo anno.*

S. Godefridus. Hoc Episcopo Ambianenses anno 1113. obtinent à rege facultatem *faciendi communitatem*, vt tradit Duchesneus libro 6. de familiâ, quæ dicitur *de Guines* cap. 6.

Ricardus anno 1207. diuidit parrochiam de Rue, ex *bibliotheca Sebustiana* pag. 443.

Andegauenses.

S. Maurilius anno 860. apparet Numenoco Britonum regi, & baculo in capite pertusum perimit, ex *Sigiberto ad eum annum.*

Hebermus sedet anno 887. ex *Odono Cluniacensi de reuersione S. Martini à Burgundiâ.*

Henricus. Hoc antistite curtis Chiriaci anno 929. data est monasterio S. Albini à Fulcone Rufo Comite. *Chronicum Andegauense S. Albini.*

Rainaldus consecratur anno 974. moritur anno 1005. cum sedisset annos 31. *Chronicum Andegauense S. Albini.*

Hubertus, siue Humbertus consecratur anno 1006. *Chronicum Andegauense S. Albini.* Anno 1025. idibus Octobris interest vnctioni cuiusdam ecclesiæ S. Hilarij. *Chronicum Malleacense.* Moritur anno 1047. *Chronicum Andegauense S. Albini.* Chronicon Andegauense Vindocinensis cœnobij docet huic Episcopo cognomen fuisse Martello.

Vlgericus sedet anno 1126. ex *Orderico libro 12. eo anno.*

Rodulfus ordinatur anno 1177. moritur anno 1197. *Chronicon Andegauense S. Albini.*

Guilelmus consecratur anno 1197. moritur anno 1200. *Chronicum Andegauense S. Albini.*

Anicienses.

Aurelius. Gregorius Turonensis libro 10. histor. cap. 25. habet sequentia verba. Homo qui se malis artibus Christum fingeat, ingressus Vellane urbis terminum, ad locum quem Anicium vocitant accedit, & ad basilicas propinquas cum omni exercitu restitit, instruens aciem qualiter Aurelio ibidem tunc consistenti Episcopo bellum inferret.

Martinus sedet anno 1362. ex chartis prioratus Tanse, quæ habentur in Lugdunensi Collegio Societatis IESV.

Gotescalchus anno nongentesimo quadagesimo primo sedebat ex tabulis, quibus Comes Aruerniæ confirmat nescio quid monasterio Cantogilonensi, ad deprecationem Henrici Lingonensis Episcopi, & Gotescalchi Aniciensis presulis; apud Iustellum in probationibus historie gentis Aruerniæ lib. ... cap. 2. Bertrandus de Turre cum Tullensi Ecclesia presuisset annos circiter septem, ab Innocentio VI. donatus est Episcopatu Aniciensi anno 1359. inuestitus de regalibus à Carolo V. anno millesimo trecentesimo sexagesimo quarto. Ex vetere MS. Episcopatus Tullensis.

Bertrandus anno millesimo trecentesimo octogesimo octauo, fuit Patriarcha

triarcha Ierofolymitanus, & administrator Aniciensis Ecclesiæ, ex *char-*
ris prioratus Tanfæ quas *Lugdunense Societatis IESV Collegium* seruat.

Elias moritur anno 1418. die 17. mensis Iulij, ex Sanmarthanis in Gal-
lia Christiana. Sedes vacat die etiam 28. mensis Ianuarij ex *patronagio curæ*
S.Iewij, & aliorum censuum, quod seruatur, in Lugdunensi Collegio Socie-
tatis IESV, cum alijs prioratus Tanfæ chartis.

Ioannes de Borbonio sedisse traditur anno 1491. die 18. mensis Decem-
bris, à tabulis prioratus Tanfæ in Lugdunensi Collegio Societatis IESV ser-
uatis paginâ 332. versâ; etsi in libro funerali abbatum Cluniacensium fera-
tur mortuus anno 1483.

Antipolitani.

Heldebertus anno millesimo quadringentesimo secundo, dat Sanuictio-
ris Monachis Ecclesias *Clausanæ* loci, ex chartulario S.Victoris, in quo di-
citur Antibulensis Episcopus.

Manfredus Grimaldus sedet anno 1124. ex Grimaldorum arbore pa-
ginâ 69.

Fulco *Monasterium Massiliense restaurauit anno 1185. mense Iunio, cum*
de manibus Indorum vallem Massilia liberauit. Qui eodem anno 4. idus Iu-
lias apud præfatum Monasterium sepultus est. Chronicum Massiliense sancti
Victoris.

Raimundus Grimaldus sedet auno 1190. ex Grimaldorum arbore pa-
ginâ 76.

Bertrandus. Bosquetus ad primam & trigessimam Innocentij III. epi-
stolam putauit hoc Episcopo sedem Antipoli delatam esse Grassam, man-
dato Innocentij tertij, anno quarto supra millesimum ducentessimum: ego
non puto. Innocentius quartus anno septimo & quadragesimo illius secu-
li, Humberto Ebredunensi Archiepiscopo scribens, meminit Episcopus
Antipolitani, & eum numerauit in iis qui ipsi erant subiecti: igitur Episcopus
eo anno sedebat Antipoli. Idem ipse Pontifex anno quinquagesimo scribens
ad Henricum Ebredunensem Archiepiscopum, pro Antipolitano Episco-
pato memorauit Grassensem: non ergo amplius Antipoli, sed Grassæ tum se-
debat antistes, cum sedem vno aliquo inter quadagesimum septimum &
quinquagesimum anno ab illa in hanc transtulisset Aium Innocentium IV.
anno Pontificatus quarto autorem translationis fuisse, qui fuit Christi 1247.
Ambæ, quas dixi, Pontificis epistolæ sunt in tabulario Ebredunensis Ecclesiæ.
Neque Bertrandus Episcopus, sed Raimundus tantæ mutationis autor fuit.
Verissimæ apud Sanmarthanos tabulæ docent Raimundum sedisse anno 1.
& 40. atque igitur Antipoli: & anno 50. atque igitur Grassæ. Profectò, vt
alios non memorem, Leander Albertus libro 3. de viris illustribus Prædi-
catorum ita loquitur. *Raimundus ex Gallia Narbonensi, vir ingentis literature,*
ingentis morum honestatis & prudentiæ, Ecclesiæ Grassensis primus antistes fuit:
adde, & Antipolitana ultimus. Quæ causæ Raimundum ad murandam
sedem adduxerint, me latent. *Ingentis, vt asserbat Leander, prudentiæ, virum*
non aliæ, quam grauissimæ permouerunt. An vrbs mari impositæ infre-
quentia, & à pyratibus ob infrequentiam periculum, id mentis antistiti rerum
Ecclesiæ suæ accurato dederunt? Vtrumque hoc habeat, certè vides falli

eos qui volunt Episcopatum Antipolitanis ob antistitis eadem ereptum fuisse.

Deuotus Grimaldus, Pontij successor, sedebat Grassæ anno 1263. ex registro villosi collegij canonicorum Forojulienfium, & Nicolao Grimaldo in genealogia gentis suæ. *Venasquius in arbore gentis Grimalde.* Dicitur tamen in illo registro Episcopus Antipolitanus, quoniam Episcopatus Antipoli Grassam paucis antè annis translatus fuerat. Quid miraris? Venantius anno 507. sedebat Viuarij, se tamen in Concilio Epaunenfi dixit Episcopum Albenfem, quoniam ante eum Episcopi sederant Albæ, ab ipsis episcopatus initiis, vsque ad annum 1411. *ex registro villosi capituli Forojulienfis, & Nicolao Grimaldo in genealogia gentis suæ Venasquius in Grimaldæ gentis arbore.*

Antifiodorenses, seu Antifiodorenses.

Antifiodorenses primi præfules videntur sedisse hoc ordine. Peregrinus, Valerianus, Marcellianus, Elladius, Amator, Germanus, Allodius, Fraternus, Censurius, Vrsus, Theodosius, Eleutherius, Aunarius seu Aunacharius.

De quinque prioribus ita loquitur Constantius, seu Constantinus libro primo de vitâ S. Germani cap. 16. quem iubente Censurio illo Antifiodorensi nono antistite publicauit. Mamertinus dicit: *Vidi quinque stantes ante crepidinem altaris, &c. Ille qui in medio stat* (respondit mihi Corcodemus Diaconus) *est S. Peregrinus Episcopus & Martyr, cum quo à Romana vrbe ego quoque missus sum imperio Pape Sixti. Illi duo, qui dextro adherent lateri, sunt Amator, & Marcellianus Episcopi; qui sinistro Elladius, & Valerianus Sanctissimi, qui beatissimo Peregrino gradatim successerunt.* Hec ille. Quod ex S. Corcodemo assentit, Episcopos eos quatuor Peregrino gradatim successisse, fuge sic intelligere, vt Amator, quia primus ad Peregrini dexteram memoratur stetisse, primus etiam sedisse Antifiodori post eum feratur, postea Marcellianus, tum Elladius, denique Valerianus. Amator, vt omnes fatentur, quintus à Peregrino fuit Episcopus; & ipso Constantio teste, Germanum VI. proximè antecessit. Ante Amatorem verò tenuit Episcopatum Elladius, sicuti affirmat scriptor de vita S. Amatoris innominatus, *Amator, inquit, post decessum S. Elladij, & in Antifiodorensi Episcopatu substitutus est.* Sic intellige, vt cum Elladius Amatorem præcesserit, Marcellianus ante Elladium dicatur fuisse antistes, & Valerianus denique Peregrini successor Marcellianum præcessisse: steteritque Peregrinus inter Marcellianum sinistrum, & Valerianum dexterum proximos, Elladiumque etiam sinistrum, & dexterum Amatorem remotos. Certè ordinem hunc postulat loci dignitas, in quo singuli stabant: sinister præ dextero antiquis illis temporibus habebatur, vt in Virgine Romigeria docui num. 15. & Peregrino medio proximus præ remoto est.

Iam si petas quot annos singuli quinque hi Episcopi sederint, & quo seu ceperint, seu desierint sedere anno, ita respondebo. Peregrinus Antifiodorum venit cum Marso presbytero, Corcodemo Diacono, Alexandro & Iouiano Subdiaconis, Iouiniano Lectore, missus à Sixto Pontifice Romano. Constantius hoc tradidit sexto & decimo illo capite, quod citavi. Sixtum verò pontificem id nominis secundum dicere arbitror, quia Corcodemus

eo ipso capite docet non post multum temporis à S. Peregrini martyrio, imperatorem regnasse, qui persecutione remotâ cunctas clausas Ecclesias patefecit, & eis catholicos prepositos ordinavit. Scilicet Constantinum imperatorem loquitur, qui anno trecentesimo vigesimoquarto Christianas religiones amplexus, templâ, in quibus exercebantur, toto orbe aperiri voluit anno post Sixtum eum Pontificem sexto & sexagesimo, cum imperasset octodecim. Peregrinus ergo sedere cepit anno Christi ducentesimo sexagesimo, quo vno Sixtus pontificatum gessit: desit incerto quidem, sed non multò ante sextum à trecentesimo, quo Constantinus imperare orsus est. Qui in persecutione proximâ Constantini Imperio cecidit, profectò sub annum trecentessimum per seculissimam illam Diocletiani persecutionem, Rictiouaro præsidente, peremptus est. Valeriani, Marcelliani, Elladij tempora, inter Peregrinum, & Amatorem media, non possum ita digerere, ut suum annum dein eorum Episcopatus seu initio, seu fini. Atque hæcenus dixerim de quinque primis Antisiodorensibus Episcopis, ad ceteros quos memorauimus accedamus.

Constantius libro 1. de B. Germani vita cap. 1. ait eum Amatori successisse. Libro autem 2. cap. vltimo ita de illius in Episcopatu annorum numero loquitur: *Sedit in Episcopali cathedra annos 30. dies 25.* Trigesimus hic & vltimus Germani in Episcopatu annus, erat Christi quadringentesimus trigesimus quintus, quo beatus antistes à Britannia secundum redux, pro Armorici ad placandum Imperatorem Rauennam iuit. Cum igitur eo mortuus fuerit, die vltimâ mensis Iulij, vides sedere cepisse anno quadringentesimo quinto die sextâ illius ipsius mensis.

Vt autem aliquid certi de iis qui post Germanum sederunt afferamus, principio audiendus est Henricus Antisiodorensis monachus. Is epistolâ ad Carolum Caluum, quàm libris de illius vitâ carmine scriptis præfixit, hæc habet de Aunario: *Sanctissimus Aunarius VI. post beatum Germanum Antisiodori Episcopus.* Igitur episcopi omnino quinque sederunt à Germano ad Aunarium vsque. Iam cum multò plures vulgò ferantur, videamus qui sedisse præ aliis censendi sint. Ex Episcoporum conciliis (quid ipsis certius?) duos, qui cum suis annis sequuntur, accipe. Aunarius anno quingentesimo septuagesimo tertio fuit in Parisiensi concilio. Ante ipsum Eleutherius, & Theodosius subscripserant Aurelianensibus. Ille quidem ad secundum iuerat anno ejus sæculi quadragesimo nono, & ad quintum trigesimo tertio, hic autem ad primum quinto. Tertium præfulem Constantius quem non semel in superioribus laudauimus, eo vtroque antiquiorem Censurium. Huic, & Patienti Episcopo Lugdunensi, quem scimus anno quadringentesimo septuagesimo quinto subleuasse penuriam circumjacentium populorum, suos scripsit de Germani vitâ libros. Quartum, & quintum antistites in antiquis scriptoribus non inuenio. Sed qui de Antisiodorensibus Episcopis aliquid edidere, omnes in id conueniunt, ut Censorio Vrsus successent. Veræ autem tabulæ demum docent Allodium mortuo Germano fuisse Antisiodorensis Episcopum. Sed hic vnum tacere non possum. Illæ ipsæ præterea tradunt, cum Episcopatus post Allodij mortem vacasset annos decem, Fratrum in antistitem electum esse, & eo die, quo in antistitem vnctus est, cecidisse manibus barbarorum hominum, qui omnia per Gallias populati, Antisiodorum vastauerint. Occisum ego exilimabam anno quadringentesimo

simo quinquagesimo primo, nam quo alio? eo Attila vniuersas fere Gallias turpissimâ vastatione peragrauit. Cum hæc ita ex certis autoribus habeant, sedere post Germanum Alodius, Fraternus, Censurius, Vrsus, Theodosius, Eleutherius, Aunarius. Sed Henricus Antisiodorensis monachus, cum assererebat Aunarium à Germano sextum fuisse Episcopum, Fratrem, qui solidam in Episcopatu diem non egisset, neque in præsulum serie sibi numerandum putauit. Gregorius autem, Optratus, Droctoaldus, Romanus, Aetherius, vt posterioribus sederint temporibus, sedisse post Germanum, & ante Aunarium dicendi prorsus non sunt. Et verò, vt aliud non afferam, Gregorius fertur Episcopum egisse Siluerio, & Vigilio Romanis pontificibus errore magno, nam Eleutherius eorum toto sedit tempore, qui anno post quingentesimum trigésimo tertio, ante vtrumque pontificem interfuit concilio Aurelianiensi secundo, & quadagesimo nono ejusdem sæculi subscripsit post vtriusque pontificatum Aurelianiensi quinto.

Iam singulorum à Germano ad Aunarium Episcoporum annos, quis ex vero censeat sine antiquo autore? Alodius post Germanum antistes peruenit ad primum & trigésimum à quadringentesimo. Eo mortuo fuit Antisiodorum sine antistite annos decem. Fraternus primo illius sæculi & quadagesimo vnctus, ac preëemptus est vnâ & eadem die. Ab eo Censurius, Vrsus, Theodosius, Eleutherius ad quingentesimum quadagesimum dicantur rexisse per annos omnino centum Antisiodorensē Ecclesiam. Qui cogitauerit plures, & quidem alios in aliis vrbibus, Episcopos sedisse supra quadraginta aut quinquaginta annos. is non mirabitur à me dici centum annos à quatuor Episcopis fuisse in regendis Antisiodorensibus positos.

Saloco Ioannis, seu Iona coëpiscopus anno 864. *Scheda Flauiniacenses.*

Armarius, seu Ianuarius sedit anno 887. ex Odone Cluniacensi libro de reuerfione S. Martini è Burgundia. Hic vnum vehementer miror, Regino ait Gozzilinum *inter Normannorum obsidiones* mortuum fuisse, & Harschircum ei successisse. Gilboldus autem eo ipso anno diem vltimum obiisse dicitur ab autore Chronici Lemouicensis.

Hugo. Glaber libro 3. cap. 2. tradit eum sedisse anno 30. Roberti regis; Chifletius autem epistolâ de Beatrice Cabilonensi Comitissa incerto Henrici anno. Hic multa de Hugone addit, subscripsisse concessioni monasterij *Colchas* abbati Flauiniacensi ab Helmoino Augustodunensi Episcopo; anno Henrici regis duodecimo donationi Reginaldi Niuemensis Comitris monasterio Flauiniacensi, tertio nonas Maij vnctum, obiisse secundâ die mensis Nouembris, ex calendario Ecclesiæ S. Stephani Antisiodorensis. Recirat etiam sequentia ex paruo chronico Antisiodorensis Ecclesiæ: *Anno 1039. obiit Hugo Episcopus, & in ipso ordinatio Eriberti Episcopi: & ista ex gestis Antisiodorensium episcoporum cap. 49. Hugo sedit in Episcopatu annos 40. menses 8. & dies 4. & fuit ciuitas sine episcopo dies 36.*

Robertus moritur anno 1094. & Humbaldus ordinatur. *Chronicum Antisiodorensē paruum.*

Radulphus ex Cluniacensi monacho Episcopus, anno 1132. cum Petrus Cluniacensis Abbas omnes cellarum Priores vocasset, atque datâ die ducenti affuissent, & monachi ad mille ducentos duodecim in choro steterissent, sedit cum illis. *Ordericus libro 2. 3. eo anno.*

Aptenses.

Petrus. Anno 1174. interfuit transactioni Bermundi Sistaricensis Episcopi cum Templariis super variis rebus, de quibus erat contentio. *Ex libro Sistaricensis Episcopi, quem vocant viridem.*

Hugo. Anno 1305. accepit ea quæ Bertrandus Raimbaudi, & Guirandus de Simiana debebant pro Bocaria, & Mediano, breuibus Aptæ, & pro Fano Martini, ac Saignono. *Ex Aptensis Episcopi tabulario.*

Raimundus. Anno 1326. interfuit concilio Sanrufensi ad Auenionem. *Ex actis ipsius concilij.*

Arausicani.

S. Agritius, S. Florentij, siue, vt alij volunt, Florentini successor interfuit concilio Arelateni secundo. Florentius ergo hic sedebat Arausica; ante illum qui anno 517. interfuit. Epaunensi, & illum qui anno 880. sedebat.

Guilelmus. Sedit anno 1211. *ex cognitione de damnis à Tolose comite illatis Vasionensi Episcopo, ex mandato Innocentij III. Pontificis, & Othonis Germanorum imperatoris.* Eam habet Vasionensis Episcopus in suo tabulario.

Ioannes. Anno 1337. interfuit concilio Sanrufensi ad Auenionem. *Ex actis ipsius concilij.*

Augustodunenses.

Ansbertus sedit Carolo Martello maiore domus. *Ex scriptore de vita S. Eucherij Aurelianensis Episcopi coeui.*

Modoinus ex Reomaënsi Abbate Episcopus fuit anno 835. Cum ageretur de Ebbonis Rhemenfis Archiepiscopi depositione, eligitur in arbitrium iudicem ab ipso Ebbone, apud Roüerium in Reomao.

Siagrius sedit anno 887. *Ex Odone Cluniacensi in reuersione S. Martini à Burgundia.*

Vvalterius anno 993. concedit nescio quæ bona Monasterio S. Symphoriani, apud Chiffetium epistola de Beatrice Cabilonenfi pag. 199.

Stephanus anno 1131. subscribit fundationi abbatiæ de Aserault, quæ post consumptionem appellata est Buxeria, gallicè de la Buxiere, vt habet Chiffetius epistolâ de Beatrice Cabilonenfi Comitissa pagina 186. Moritur anno 1140. *ex breui chronico S. Benigni.*

Sequentes Episcopos habet Roüerius in Reomao.

Stephanus II. anno 1173. sententiam fert cum Bernardo Niuernensi pro Reomaënsibus monachis.

Galtherius iudicio finit litem inter Cadriaci presbyteros, & Reomai monachos anno 1200. Sedet anno 1202. ex conuentionibus Reomaënsium, & Ioannis Guarart: & anno 1212. ex tabulis, quibus Aalis Burgundiæ ducissa, testatur liberos Ioannis de Guarart, se dedisse monasterio Reomaënsi, vt liberos perpetuum possidendos.

Guido anno 1239. testatur Ioannem de Roca conuenisse cum Reomaënsibus monachis.

Guido (Hugone vocant Sanmarthani anno 1289.) vnit Ecclesia Suentiaci, &

& Fanî Germani, ex tabulis vñionis. Anno 1298. mense Aprili sedet ex chartâ libertatis, quam Regmundus Reomaënsis abbas dat Hugoni de Fontetieto.

Ioannes Rolin anno 1463. confirmat ordinem precum, à Ioanne de Cussiniaco constitutum in Reomaënsi cœnobio.

Aurelianenses.

S. Euortius Desimiano succedit S. Siluestro Pontifice, & Constantino imperatore, post duos vacationis annos: & Euortio Anianus succedit. *Vita S. Euortij.*

Marcus S. Liphardo diaconatum confert, ex hujus vita.

S. Eucherius à Carolo Martello, quod ei contra Raginfredum cuncti, urbem Aurelianensem præ timore Raginfredi aperire noluit, Episcopatu priuatus, & apud Sarcinium vicum Hispanie exulatus, in cœnobio S. Trudonis in sanctitate consummatum est. Sigobertus anno 723.

Baiocenses.

S. Vigor Atrebatensis, Childeberto rege puer, educatur in monasterio S. Vedasti. *Vita S. Vigoris.*

Careultus interest Vormatiensi concilio, apud Roërium in Reomao pagina 81. quod dedit priuilegium Monasterio Senonensi S. Remigij, à Ludouico Pio postea confirmatum. Annus erat Christi octingentesimus trigessimus sextus.

Philippus. Hoc Episcopo præsentè, Henricus II. Angliæ Rex, confirmat suo assensu erectionem monasterij Lucernæ, erecti præmonstratensibus ab Hasculfo de Suligneio. Annus tabulis non est inscriptus: sed Henticus II. regnare cepit anno 1154. anno 1162. moritur ex chronico Normanniæ.

Henricus sedet anno 1168. ex erectione monasterij S. Marie de Longiæ.

Vdo cum Philippo Ebroicensi, & Simone Maclouienfi, ac Odone Archiepiscopo Rotomagenfi censetur in chartâ, in qua enumeruntur quæ Comes Campaniæ, & Rex Nauarriæ habebant in clientelâ Regis Francorum.

Bellouacenses.

Rogerus anno 1023. decessit. Inter alia beneficia dedit Ecclesiæ S. Petri, cui præsidebat, Alliacum in Normannia, Montiacum in Vermandensi Prouincia. Comitatum quoque ejusdem vrbs ab Odone Campaniensi Comite impetravit, dato ei pro commercio castro Synterrio Bituricensi territorio sito, quod sibi patrimonij jure competeat. Sigebertus eo anno.

Vvarinus, seu Guarinus sedet anno 1028. ex chartâ restitutionis monasterij Columbarum. *Duchefnius libro 1. historia Monmorantiorum cap. 3.*

Guido, seu Vvido sedet anno 1065. ex chartâ Philippi regis pro abbatiâ S. Petri de Hasnon, ex *Duchefnio libro 1. historie de Guines cap. 5.* Anno 1078. ex chartâ pro Ecclesiâ S. Quintini, apud Loissellium in *historiâ Bellouaci.*

Philippus gente Diocensis, sedet anno 1111. ex *Duchefnio libro 6. historia de Guines cap. 5.*

Milo anno 1227. iuuat Iacobum Sueffionensem Episcopum in vnctione basilicæ

basilicæ Longipontis. *Machautius in vita B. Ioannis de Monte mirabili* pagina 474.

Robertus anno 1240. recipit prioratum Buriaci à Cluniacensibus, ex bibliotheca Sebustiana pag. 432.

Biterrenses.

Bernardus Ioanne Pontifice (quem dicebant vigesimum, & qui creatus anno 1023. moritur anno 1034.) interest dedicationi Magalonensis Ecclesiæ. *Verdula in Magalonensibus Episcopis.*

Triocenses.

Philippus S. Vvilelmo succedit, & ab Innocentio I V. Lugduni obtinet ejus canonizationem. *Godegridus Caluus Bituricensis antistes in vita sancti Vvilelmi.*

Gotho eligitur in Archiepiscopum Turonensem anno 1155. *Chronicum Normannie à Duchesno publicatum.*

Cabilonenses.

Veranus jubetur à Guntronne rege quærere de cæde Prætextati Rotomagenfis Archiepiscopi à Fredegunde. *Turonensis libro 8. historie cap. 31.* Idem de eo dicit libro 9. historie cap. 4. & libro 3. de miraculis S. Martini cap. 60. Cauallicensem nonnulli volunt hunc esse totâ Prouinciâ celeberrimum: sed ab eo alium fecit Turonensis, cum Cabilonensem dixit; nam cur dicamus Cabilonensem, pro Cauallicensi scriptum à sanctissimo viro, quod aliqui autumant, ego quidem non video.

Frotgarius sedit anno 960. ex cuiusdam sacre ædiculæ concessione anno 6. Lotarij.

Roclenus sedet anno 1077. ex Hugonis Cabilonensis Comitissæ concessione Sanmarcellino monasterio.

Gualterius sedit anno millesimo centesimo decimo tertio ex donatione quadam Cisterciensibus.

Robertus sedit anno 1202. ex conuentionibus Beatricis Comitissæ Cabilonensis, & canonicorum collegij. Anno 1205. ex donatione Alexandri fratris Ducis Burgundiæ, monasterio Macciarum, apud Chiffetium epistola de Beatrice Cabilonensi pag. 137.

Durandus sedet anno 1225. ex chartâ Beatricis Comitissæ Cabilonensis. Anno 1229. dicitur executor Beatricis Comitissæ Cabilonensis, à Ioanne Comite filio.

Cadurcenses.

A. Cadurcensis Episcopus anno 930. Rodulpho Rege Francorum regnante testis est donationis Soliaci curis in vicaria de Cassiliaco, Aureliacensi monasterio, Frotardo Vicecomite, anno 5. Roberti, apud Iustellum in probationibus historiæ Turenis pag. 9.

Deusdedit anno 1028. interest dedicationi Ecclesiæ S. Saluatoris Lemouicensis. *Ex chronico Lemouicensi anno 1035.* Fundationi canonicorum S. Satrii prope Sancerram, *Ex ipsa fundationis eorum charta.*

Therbaldus

Therbaldus. Huic ex Cluniacensibus assumpto scribit Petrus venerabilis libro 4. epist. 40.

Petrus Ioanne Romano Pontifice, quem dicebant vigesimum, & qui creatus anno 1023. moritur anno 1034. interest dedicationi Magalonensis Ecclesiæ. *Verdala in Magalonensibus Episcopis.*

Carnotenses.

Airardus sedebat anno 3. Theodorici regis, qui fuit Christi septimus post 680. *Vita S. Ansberti Rotomagensis Episcopi.*

Bernuinus sedit anno 836. ex vita S. Liborij Cenomaniensis Episcopi libro 2. cap. 17. Anno 836. interest Synodo Vormatiensi, quæ dat priuilegium Senonensi monasterio S. Remigij, à Ludouico Pio postea confirmatum. Roüerius in Reomaio pagina 81. recitat hoc priuilegium.

Ragenfredus anno 904. restituit monasterium S. Petri in valle. Chartam restitutionis leges apud Duchesnium libro 2. histor. Monmorantiorum c. 1.

Theodoricus anno 1040. probat erectionem monasterij Vindocinensis cum exemptione.

Goisfredus. Ordericus libro 5. anno 1077. sic de huius Episcopi initiis loquitur. *Rodbertum abbatem Uticensis, fratrem Hugonis de Greatemaisnilio, accerserat Philippus Rex Francorum, volens ei dare Episcopatum Carnotensem: sed Gallis Normannorum deuicantibus magisterium, Goisfredus Eustachij Boloniensium Comitum nepos, præoccupauit pontificatum.*

Iuo S. Quintini Belluacensis præpositus, à Papa Urbano consecratus, fit Carnotensis Episcopus anno 1092. vt loquitur Robertus de Monte in continuadone Sigiberti. Anno autem 1078. is ipse Robertus scripsit sequentia. *Ab hoc tempore, cepit resflorere in Ecclesia S. Quintini Belluacensis, Canonicus Ordo, primum ab Apostolis, postea à B. Augustino regulariter institutus, sub magno luone eiusdem Ecclesie Præposito, postea Carnotensium Episcopo.*

G. iuuat Iacobum Sueffionensem Episcopum anno 1227. in vnctione templi Longipontis. Machautus in vita B. Ioannis de Monte mirabili pagina 474. Gerardum interpretatur: sed Galterus sedit annis 1219. & 1235. ex Sanmarthanis in Gallia Christiana.

Carpentoraënses.

Remundus anno 1142. interest mandato, quo Boscaudonenses monachi, à fundatoribus addicuntur institutis monasterij Calisiensis. Pontius d' Albert, Guilelmus de Monmira, & Tranquerius de Sauina eorum monasterium exerexant, probante Guilelmo de Beneuento Ebredunensi Archiepiscopo.

Guilelmus de Risolo dicitur factus Episcopus anno 1155. in donatione quadâ Rainundi Prouincie Comiti Guilelmo Ebredunensi Archiepiscopo.

Otho anno 1326 interest Concilio Sanrufensi ad Arenionem.

Hugo anno 1337. interest Concilio Sanrufensi ad Auenionem.

Ioannes anno 1365. interest Aptensi Concilio.

Ceterum Carpentoraënsis Episcopus, à nonnullis dicitur idem fuisse olim cum Vendascensi seu Vendauscensi, & Carpentoraëte vrbs eadem cum Vendasca. Itaque Blondellus in præfatione apologetica quaternione 72. pagina quarta, sic loquitur. *Vendascinum comitatum pro Vendauscensi à Vendaasca*

basilicæ Longipontis. *Machautius in vita B. Ioannis de Monte mirabili* pagina 474.

Robertus anno 1240. recipit prioratum Buriaci à Cluniacensibus, ex bibliotheca Sebustiana pag. 432.

Biterrenses.

Bernardus Ioanne Pontifice (quem dicebant vigesimum, & qui creatus anno 1023. moritur anno 1034.) interest dedicationi Magalonen-sis Ecclesiæ. *Verdula in Magalonen-sibus Episcopis.*

Briocenses.

Philippus S. Vvilelmo succedit, & ab Innocentio I V. Lugduni obtinet ejus canonizationem. *Godegridus Calus Bituricensis antistes in vita sancti Vvilelmi.*

Gotho eligitur in Archiepiscopum Turonensem anno 1155. *Chronicum Normannie à Duchesno publicatum.*

Cabilonenses.

Veranus jubetur à Guntronno rege quærere de cæde Prætextati Rotomagensis Archiepiscopi à Fredegunde. *Turonensis libro 8. historie cap. 31.* Idem de eo dicit libro 9. historie cap. 4. & libro 3. de miraculis S. Martini cap. 60. Causalicensem nonnulli volunt hunc esse totâ Prouinciâ celeberrimum: sed ab eo alium fecit Turonensis, cum Cabilonensem dixit; nam cur dicamus Cabilonensem, pro Causallicensi scriptum à sanctissimo viro, quod aliqui autumant, ego quidem non video.

Frotgarius sedit anno 960. ex cuiusdam sacre ædiculæ concessione anno 6. Lotarij.

Roclenus sedet anno 1077. ex Hugonis Cabilonensis Comitis concessione Sanmarcellino monasterio.

Gualterius sedit anno millesimo centesimo decimo tertio ex donatione quadam Cisterciensibus.

Robertus sedit anno 1202. ex conuentionibus Beatricis Comitissæ Cabilonensis, & canonicorum collegij. Anno 1205. ex donatione Alexandri fratris Ducis Burgundiæ, monasterio Maceriarum, apud Chisleium epistola de Beatrice Cabilonensi pag. 137.

Durandus sedet anno 1225. ex chartâ Beatricis Comitissæ Cabilonensis. Anno 1229. dicitur executor Beatricis Comitissæ Cabilonensis, à Ioanne Comite filio.

Cadurcenses.

A. Cadurcensis Episcopus anno 930. *Rodulpho Rege Francorum* regnante testis est donationis Soliaci curtis in vicaria de Cassiliaco, Aureliacensi monasterio, Frotardo Vicecomite, anno 5. Roberti, apud Iustellum in probationibus historie Turenix pag. 9.

Deusdedit anno 1028. interest dedicationi Ecclesiæ S. Saluatoris Lemo-uicensis. *Ex chronico Lemoicensi anno 1035.* Fundationi canonicorum S. Sartyri prope Sancerram, *Ex ipsa fundationis eorum charta.*

Therbaldus

Therbaldus. Huic ex Cluniacensibus assumpto scribit Petrus venerabilis libro 4. epist. 40.

Petrus Ioanne Romano Pontifice, quem dicebant vigesimum, & qui creatus anno 1023. moritur anno 1034. interest dedicationi Magalonenſis Ecclesiæ. *Verdala in Magalonenſibus Episcopis.*

Carnotenses.

Airardus sedebat anno 3. Theodorici regis, qui fuit Christi septimus post 686. *Vita S. Ansberti Rotomagensis Episcopi.*

Bemuinus sedit anno 836. ex vita S. Liborij Cenomaniensis Episcopi libro 2. cap. 17. Anno 836. interest Synodo Vormatiensi, quæ dat priuilegium Senonensi monasterio S. Remigij, à Ludouico Pio postea confirmatum. Roüerius in Reornao pagina 81. recitat hoc priuilegium.

Ragenfredus anno 904. restituit monasterium S. Petri in valle. Chartam restitutionis leges apud Duchesnium libro 2. histor. Monmorantiorum c. 1.

Theodoricus anno 1040. probat erectionem monasterij Vindocinensis cum exemptione.

Goifredus. Ordericus libro 3. anno 1077. sic de hujus Episcopi initiis loquitur. *Rodbertum abbatem Uticensis, fratrem Hugonis de Greatemaisnilio, accerserat Philippus Rex Francorum, volens ei dare Episcopatum Carnotensem: sed Gallis Normannorum deuitantibus magisterium, Goifredus Eustachij Bolonensium Comitum nepos, præoccupauit pontificatum.*

Iuo S. Quintini Belluacensis præpositus, à Papa Urbano consecratus, fit Carnotensis Episcopus anno 1092. vt loquitur Robertus de Monte in continuadone Sigiberti. Anno autem 1078. is ipse Robertus scripsit sequentia. *Ab hoc tempore, cepit resorere in Ecclesia S. Quintini Belluacensis, Canonicus Ordo, primum ab Apostolis, postea à B. Augustino regulariter institutus, sub magno luone ejusdem Ecclesie Præposito, postea Carnotensium Episcopo.*

G. iuuat Iacobum Sueffionensem Episcopum anno 1227. in vnctione templi Longipontis. Machautus in vita B. Ioannis de Monte mirabili pagina 474. Gerardum interpretatur: sed Galterus sedit annis 1219. & 1235. ex Sanmarthanis in Gallia Christiana.

Carpentoraënses.

Remundus anno 1142. interest mandato, quo Boscaudonenses monachi, à fundatoribus addicuntur institutis monasterij Calisiensis. Pontius d' Albert, Guilelmus de Monmira, & Transquerius de Sauina eorum monasterium exererant, probante Guilermo de Beneuento Ebredunensi Archiepiscopo.

Guilelmus de Risolo dicitur factus Episcopus anno 1155. in donatione quadã Rainundi Prouinciæ Comiti Guilermo Ebredunensi Archiepiscopo.

Otho anno 1326. interest Concilio Sanrufensi ad Arenionem.

Hugo anno 1337. interest Concilio Sanrufensi ad Auenionem.

Ioannes anno 1365. interest Aptensi Concilio.

Ceterum Carpentoraënsis Episcopus, à nonnullis dicitur idem fuisse olim cum Vendascensi seu Vendrauscensi, & Carpentoraëte vrbs eadem cum Vendasca. Itaque Blondellus in præfatione apologetica quaternione 72. pagina quarta, sic loquitur. *Vendascinum comitatum pro Vendrauscensi à Vendasca*

ſeu Carpentoraſſe nuncupant. Suareſius autem Vaſionenſis Epiſcopus in deſcriptiuncula Auenionis, & Comitatus Venafcini, ait Epiſcopatum Vendafcenſem, cum alius à Carpentoraſſenſi fuiſſet, in eum eſſet reductum, & Vendafcam, ſeu Vendauſcam, ſeu Vendacum, eſſe oppidum, quod à Carpentoraſſe vrbe aliquot leucis diſſitum, vulgò appellatur Venafca. *Fuit & Epiſcopatus quondam Venafca, ſeu Vinnaufſca, verum Carpentoraſſem reductus eſt.* Addit, vt hoc non præmittam, Vinnaufſcam dici à Neſcâ, ſeu Nauſſica fluuiolo. *Sorgia varios in fluuiolos diſcinditur, poſtquam Auercione ſuſcipit Neſcam, ſeu Nauſſicam fluuiolum, vnde vallis Neſca, ſeu Vinnaufſica, & Vendacum dicta eſt, vulgò Venafca.* Ego hîc hæreo Carolus rex Prouinciæ, quem Lotarius imperator genuit, dat *Vendacenſi Epiſcopo Eccleſiam S. Antonij in ciuitate Carpentoraſſis, & in Valle Nabrone, iuxta caſtrum Vennafca, eccleſiam S. Petri, vt domi libro 2. de rebus geſtis epiſcoporum Vaſionenſium humero 2.* Videtur ergo Vendacum à Carpentoraſſi & à Venafca diſtinguere.

Catalaunenſes.

Domitianus ſedit non longè ab Apoſtolorum temporibus. *Acta ejuſdem S. viri.*

Camelianus ſuccedit Albino, ex vita S. Lupi Trecentis anno 426. epiſcopi, quem Albinus magiſtrum habuit.

Donatianus anno 533. interfuit per vicarium Aurelianenſi II. & anno centeſimo trigefimo octauo, Aurelianenſi 3. Conciliorum tamen codices non meminerunt illius.

Domitianus II. interfuit Concilio Turonico II. anno 567. actâ Concilij tamen id non habent.

Adalelmus anno 836. interfuit Vormatienſi Concilio, quod monaſterio Senonenſi S. Remigij priuilegium dedit à Ludouico Pio poſtea confirmatum, ex Roüerio in Reomao pag. 81.

Rotgerus I. ordinatur anno 1009. moritur anno 1042. Ei ſuccedit Rotgerus II. qui moritur anno 1065. Poſt quem ſedit Rotgerus III. ac moritur anno 1093. Quo anno Philippus fit Epiſcopus; moritur autem anno 1100. *Chronicon Catalaunenſe S. Petri.*

Archimbaldus ſedit anno 1377. ex tabulis, quibus Sicardus frater, Epiſcopus Biterrenſis dat Ioanni de Belloforti ſua jura in Vicecomitatu Lautrecenſi, & Baroniis Ambreſij & Brogueria.

Cauallicenſes.

Deſiderius Cauallicenſis Epiſcopus, & Gemmellicenſis Abbas, creatus anno 1080. in Concilio Auenion. ab Hugone Dienſi Epiſcopo, Legato Gregory VII. obiit in Claromontano Urbani II. Concilio, ac proinde anno milleſimo nonageſimo quinto.

Cenomanenſes.

Aldricus ſedebat anno 836. Ludouico Pio imperatore, ex vita S. Liborij cap. 8. Eo ipſo anno interfuit Vormatienſi Concilio, quod dedit priuilegium monaſterio Senonenſi S. Remigij, à Ludouico Pio poſtea confirmatum, ex Roüerio in Reomao pag. 81. Lupus Ferrarienſis meminit hujus Epiſcopi epiſt. 84.

Bertrigam

Bertrigamnus monachos à S. Benedicto postulat, vt habet Faustus contemporaneus in vita S. Mauri.

Leuthericus ægritudinem causatus, successorem sibi voluerat Franconem Parisiensis Ecclesiæ Diaconum : quem cum postea Episcopatu deicere resumpro cogitaret, Fulbertus Camotensis epist. 8 negauit id fieri posse.

Gerualdus anno 1040. interest foundationi Vindocinensis monasterij.

Vulgrinus sedet anno 1062. Arnaldus moritur anno 1081. *Appendix ad chronicum Andegauense.*

Ouveldeus, seu Ohellus sedebat anno 1094. ex literis Hugonis Archiepiscopi Lugdunensis, & Legati Romani Pontificis in causa Fulconis Andegauensis Comitis. Anno 1098. moritur ex Orderico libro 10. eo anno. Eo mortuo *Elias Cenomanorum Comes Gislefredum Britonem, decanum ejusdem Ecclesiæ ad Episcopatum elegit: sed praueniens clerus Hildebertum de Lauarceio Archidiaconum in cathedra pontificali residere compulsi, & cetera quæ in Episcopi electione fieri solent perfecit. Cumque Elias se opponere vellet, dixerunt clerici: Electionem tuam Ecclesiastica præferre non debes.* Igitur, vt Deum timebat, dicentibus acquieuit.

Claromontani.

Arnoldus sedit Lotario rege, ex Iustello in probationibus historiæ gentis Aruernæ pag. 18. Quis Lotarius hic? Eidein Iustello est filius Lodouici Vltimorini, qui cepit regnare anno 954. aut 956.

Stephanus anno millesimo sexagesimo nono, interfuit donationi quorundam solidorum monachis Celsinensibus, ex Iustello in probationibus gentis Aruernæ pag. 23. Hic Stephanus videtur esse idem cum eo, quem Sanmarthani vocant Stephanum de Polignac, & aiunt sedisse anno millesimo sexagesimo quarto, Iustellus autem facit filium Guilelmi III. Comitis Aruernæ.

A. sedit anno 1136. ex Iustello in probationibus historiæ gentis Aruernæ pagina 41. Aimericum ergo arbitrabar, qui ex Sanmarthanis sedebat anno 1124.

Robertus sedit annis 1202. & 1207. ex Iustello citato.

Constantienses.

Salomon fuit Episcopus Nicolao Pontifice primo, qui sedit ab anno 858. ad annum 867.

Sequentia de Constantiensibus episcopis, accepi ex chartulario Blancalandani Præmonstratensium monasterij.

Rogenius sedit anno 1120. ex chartâ Henrici Angliæ regis pro Cisterciensi abbatiâ.

Ricardus anno 1154. confirmat literis suis fundationem abbatiæ Blancalandanæ. Anno 1164. dat Blancalandanis canonicis Ecclesiâ S. Mariæ de Rauenuilla. Anno 1170. scribit pro Blancalandano monasterio. Anno 1178. moritur ex Blancalandano Anonymo in chronologiâ.

Vvilelmus anno 1188. dat præsentationem S. Mariæ de Buneuilla Blancalandanæ abbatiæ, ad id resignatam à Luca de Ruueuilla. Anno 1189. testatur Robertum de Sorteilla dedisse Blancalandæ *jus præsentationis quod habebat in*

medietate Eccleſia S. Mariæ de Sorteuilla. Anno 1191. ſcribit pro Blancalandanis canonicis. Anno 1193. teſtatur Herbertum de Hetreuilla, donaffe Blancalandano monaſterio, præſentationem Eccleſiæ Ketteuillæ. Annis 1194. 1197. 1199. ſcribit pro Blancalandanis canonicis. Anno 1202. moritur ex chronologia Blancalandani Anonymi.

Viuianus vngitur in epiſcopum anno 1202. ex Anonymo Blancalandano in ſua chronologia. Anno 1207. ex eodem confirmatur.

Hugo anno 1207. epiſcopus, ſcribit pro Blancalandanis canonicis. Anno 1208. confirmat Blancalandæ *garbas* duas Anſgouillæ, & S. Dionyſij le Veſtu. Anno 1210. teſtatur Laurentiam olim vxorem Oliuerij de Boſſalou recognouiſſe Vadi moletrinam Blancalandano monaſterio. Anno 1211. ſcribit de duabus Blancalandanorum *garbis* in S. Dionyſij le Veſtu. Anno 1213. ſedet ex donatione Eccleſiæ Anglicauillanæ Blancalandanis canonicis per Odonem de Leſtra. Anno 1214. facit vt monachi Majoris monaſterij cum Blancalandanis canonicis conueniant de Eccleſia S. Martini de Belloſa. Anno 1215. ſedet, ex donatione patronatus S. Martini de Anglicaulla, Blancalandano monaſterio, per Vv. Auenel. Anno 1216. confirmat decimas Anglicauillæ, Blancalandanis canonicis; & fundat vicarium, qui pro iſſis Eccleſiam ejus curet. Anno 1217. ſedet ex literis Adami de Languetot. Anno 1220. ſedes ex chartâ Vv. de Humetto, pro Blancalandano monaſterio. Anno 1221. ſedet ex chartâ Vv. de Leſtra ſuper concordia cum Blancalandanis canonicis. Anno 1222. ſcribit pro monaſterio Blancalandæ. Anno milleſimo ducentefimo trigefimo, pro eodem ſcribit. Anno 1232. ſedet ex reſignatione cujuſdam agri à Petro de Boſco, Blancalandanis canonicis. Anno 1238. moritur ex chronologia Anonymi Blancalandani.

G. id. Gillanus ſedet anno 1040. ex literis balliui regis Angliæ in Gerſoiſ inſula, pro Blancalandano monaſterio. Anno 1246. ex tabulis, quibus inſularum jurati teſtantur Blancalandanos canonicos ei præſentare ad S. Martini de Belloſa ſacerdotium. Anno 1250. ſedes vacat, & eâ vacante Rogerius Archidiaconus conſert ſacerdotium in Eccleſiâ de Boleuilla, ex litteris Conſtantiensium canonicorum collegij.

Ioannes ſedet annis 1256. & 1260. ex literis, quibus tum ſcripſit pro Blancalandæ monaſterio. Anno 1262. ex literis juratorum Gerſoiſ inſulæ pro Blancalandæ. Anno 1276. Moritur ex chronologia Anonymi Blancalandani.

Euſtachius Ordinis S. Franciſci anno 1283. ſcribit pro Blancalandæ abbacia. Anno 1285. ſedebat ex edicto Karentaniens ſis Vicecomitis. Anno 1286. ſcribit pro Blancalandanis canonicis. Anno 1292. *obiit frater Euſtachius Conſtantiens ſis Epiſcopus.* Sunt verba canonici Blancalandæ Anonymi in ſua chronologia.

Robertus de Haricurtia ſedere cepit anno 1292. ex chronologia Anonymi Blancalandani. Anno 1293. ſcribit de Runeuillæ Eccleſiâ. Anno 1294. nescio quem curionem inſtituit. Anno 1302. edicit de quadam decima. Anno 1304. ſedet ex Conſtantiens ſis balliui literis. Anno 1314. nonis Martij moritur ex Blancalandano Anonymo in chronologia.

Nicolaus de Treuilla ſuccedit Roberto Haricurtio, & vngitur anno 1315. ex Anonymi Blancalandani chronologia. Anno 1343. ſcribit nescio quas
litteras.

litteras. Anno milleſimo trecentefimo quadageſimo quinto, moritur ex chronologia Anonymi Blancalandani.

Ludouicus de Arguemato vngitur in Episcopum anno 1345. ex Anonymo Blancalandano in chronologia. Anno 1349. imponit Eccleſiæ Belloſæ, Henricum Labbei Blancalandanum canonicum in curationem, ad abbatis ſui nominationem.

Silueſter ſedebat anno 1383. ex præſentatione cuiuſdam præſbyteri ad parochialem Eccleſiam, per Thomam Blancalandæ abbatem.

Nicolaus ſedebat anno 1387. quo ejus in remoto loco agentis vicarij generales, permittunt Joanni de Prato canonico Blancalandano, vt à quocumque vltimo fuerit Episcopo initietur minoribus quatuor ordinibus.

G. id. Guillemus de Creueccœur, ſedit anno 1397 quò ab ejus officialibus dicuntur quaſitores de graui facinore in iſulis de *Guernéreyo*. Anno 1398. ſedit ex præſentatione canonici Blancalandani ad prioratum Anglicauiæ. Anno 1400. ſedit ex literis deprecatoriis Thomæ Blancalandani abbatis ad ejus Officiales, & iſtorum reſponſione. Anno 1402. ex vicariorum ejus generalium literis dimiſſoriis. Anno 1406. ex literis Thomæ abbatis Blancalandani deprecatoriis ad ejus Officiales, & ipſorum reſponſione.

Corisopitenſes.

Alanus. Ei ſcribit Philippus Pulcher Rex anno 1303. ex hiſtoria diſſidij inter Bonifacium VIII. Pontificem & Philippum Pulchrum regem.

Diniennes.

Æredius anno 588. interfuit Ebredunenſi Concilio ſub Emerito archiepiſcopo, quod ex MS. Baldezani publicauit Ludouicus de la Cheza in hiſtoria Pedemontana.

Guigo de Reuel ex Boſcaudonenſi Abbate Episcopos ſub initia Lucij III. Pontificis, ex chartulario Boſcaudonenſi.

Hugo intereſt iudicio arbitrorum diſſidij inter Aimarum Ebredunenſem Archiepiſcopum, & Ebredunenſes anno 1241.

Guillemus. Hoc Episcopo agente Arnulphus Boſcaudonenſis Abbas anno 1286. depoſuit Abbatem de Folleſnec, ob monaſterij rerum dilapidationem, eique ſubſtituit Hugonem de Durbis.

Elzearius anno 1337. intereſt Sanruſenſi ad Auenionem Concilio.

Bertrandus anno 1365. intereſt Aptenſi Concilio.

Dolenſes.

Aimo pugnat cum Odone Dolenſi Duce anno 1037. *In ipſo prælio vulneratus, nec tamen mortuus, armis relictis euadit.* Chronicum Dolenſe.

Saloco. Chronicum Viridunenſe aduerſatur Sueſſionenſi Concilio, cum aſſerit extremam diem obuiſſe anno 864.

Ebroicens.

R. id. Rotrocus ſeu Rotrodus interfuit confirmationi fundationis Lucernæ Præmonſtratenſium monaſterij ab H. Rege. Annus tabulis inſcriptus non

est. Videtur Robrotus fuisse, qui anno 1163. cum Achardo Lexouensi interfuit translationi S. Eduardi, & cuius meminit Robertus de Monte anno 1157.

Radulphus de Pins ex Cancellario regis Angliæ anno 1248. Episcopus, euadit in Cardinalem anno 1249. ut habet Normanniæ Chronicum, quod Duchesneus edidit. Vnde factum sit, ut iis ipsis annis, & ultra ipsos etiam, Ioannes dicatur Episcopus in chartis quas Sanmarthani referunt, non lego.

Elofenses.

Philibander pater S. Philiberti abbatis ex vxore ante Episcopatum innotata, Dagoberto rege, post matrimonium eligitur in Elofensem Episcopum. *Vita S. Philiberti, cap. 1.*

Engolismenses.

Geraldus anno 1040. interest fundationi Vindocinensis monasterij. *Tabule ipsius fundationis.*

Cetera que sequuntur, accepta sunt, ex chronico Engolismensi.

Autbertus claruit anno 844.

Elias, qui detulit corpus Sancti Benigni martyris Engolisma ciuitati moritur anno 860.

Oliba 3. Nonas Septembris obiit anno 892.

Anatolus obiit 12. calendas Maij anno 895.

Gumbaldus, siue Guibaudus, ut habet scriptor Innomminatus de Episcopis Engolismensibus. Anno 940. 10. calendas Aprilis obiit, qui sedit annos 43. dies 21.

Hugo sedet anno 958.

Eblo moritur anno 964. 15. calendas Februarij, cum sedisset annos 12. menses 9. dies 16.

Ranulfus moritur anno 973. 19. calendas Februarij, cum sedisset annos 9. menses 9. dies 13.

Hugo sedet ab anno 974. vsque ad annum 990. quo moritur 8. calendas Decembris.

Grimoaldus consecratur anno 991. 3. cal. Octobris.

Forojulienses.

Gontarus sedet anno 951. ex nescio quantum rerum permutatione, cuius meminerunt Sanmarthani in Israële Aquis Archiepiscopo.

Petrus anno 1156. interfuit donationi Raimundi Prouinciæ Comitæ Guilelmo Ebredunensi Archiepiscopo. *Fornerius in Ebreduno MS. pag. 396.*

B. anno 1208. arbitarius iudex, fert sententiam de controuersia inter Raimundum Ebredunensem Archiepiscopum & canonicos. *Fornerius in Ebreduno MS. pagina 411.*

Bartolomeus annis 1326. & 1337. interest Conciliis ad Auenionem Sarumensibus. *Acta eorundem Conciliorum.*

Geneuenses.

Maximus sedet Sigismundo Burgundionum rege, ex fundatione Agauensis monasterij.

Astaldus

Astaldus anno 836. interest Synodo Vormatiensi. *Rouërius in Reomado pagina 81.*

Protadius sedet anno 880. ex Sanmarthanis tomo 4. Gallix Christianæ in Agauno.

Cetera quæ sequuntur, habet Guichenonius in Bibliotheca Sebustiana.

Riculphus. Hoc episcopo Eldegardis Comitissa Geneuensis anno 836. dedit multa prædia Ecclesiæ Satiniatensi. *Centuria 1. cap. 32.*

Hugo anno 1019. aut 1020. interest donationi Roberti Comitis Geneuensis monasterio Peloniaci, fundato à Geroldo prædecessore. *Centuria 1. cap. 40.* Anno 998. subscribit Concilio Romano.

Vvido, seu Guido anno 1091. dat Ecclesiæ Seyssiacenses monasterio S. Eugendi. *Centuria 2. cap. 1.* Anno 1109. dat Prioratum de Condominio Cluniacensibus. *Centuria 1. cap. 4.* Anno 1110. dat eidem monasterio plures Ecclesias. *Centuria 1. cap. 82.*

Humbertus anno 1124. dat Cartusiæ Majoræi decimas agrorum, quos ejus monachi ipsi colunt. *Centuria 2. cap. 12.*

Arduus, siue Arduilius anno 1150. interest concordiæ Ecclesiarum Nouarlicensis & Condominensis *Centuria 1. cap. 20.* Anno 1153. obtinet à Friderico Aenobarbo confirmationem priuilegiorum Ecclesiæ suæ. *Centuria 2. capite 35.* An. 1172. monachi Abundantiæ excitant monasterium Grandis Vallis hoc Episcopo. *Centuria 1. capite 97.* Anno. autem 1178. Vvilelmus Geneuensis Comes erigit Cartusiam Pomerij. *Centuria 2. cap. 13.*

Nantelmus, seu Nantuellinus. Hujus Episcopi & Monachorum Cluniaci, Nantuaci, & S. Eugendi dissidium componunt an. 1198. Stephanus Lugdunensis Archiepiscopus & alij. *Centuria 2. capite 34.*

Bernardus an. 1212. Electus Ebredunensis Archiepiscopus, dicitur arbitrius iudex dissidij inter Matisconensem Episcopum & Cluniacensem Abbatem, ex epitome amborum in eum compromissi, quæ habetur pag. 430.

Henricus an. 1262. conuenit cum Simone de Ioinuilla domino de Gex. *Centuria 2. cap. 47.*

Glandatenfes.

Agretius anno 588. interest Concilio Emerito Ebredunensi archiepiscopo, quod ex MS. codice Baldezani acceptum Ludouicus de la Cheza edidit in historia Pedemontana.

Isnardus Grimaldus anno 1190. sedet, ex arbore Grimaldorum pagino 169.

P. anno 1242. sedet, ex controuersia Aimari Ebredunensis Archiepiscopi cum Templariis Nicensibus de visitatione. *Fornerius in Ebreduno MS. pagina 428.*

Iacobus anno 1337. interfuit Sanrufensi ad Auenionem Concilio: *Acta ejusdem Concilij.*

Gratianopolitani.

Isaac in chartulario S. Bernardi Romanensis, citatur cum Elizachar Bellicensi Episcopo, qui anno nongentesimo decimo quinto, interfuit Cabilonensi Concilio. Anno octingentesimo nonagesimo octauo, interest verpitioni

pitioni monasterij Gigniaci à Bernardo Comite. *Guichenonus centuriæ 1. Bibliotheca Sebusiana capite 26.*

Anselmus anno 1042. interest donationi monachis Noualicensibus ab Aimone. *Guichenonus loco citato cap. 84.*

Ioannes anno 1093. fuit arbiter controuersie Iarenti Episcopi Diensis cum Aimaro Comite Valentino & Diensi, vt annotauit lib. 2. de Diensibus Episcopis num. 48.

Hugo fedit anno 1134. ex chartulario S. Bernardi Romanensis.

Laudunenses.

Rodolphus anno 912. consecrat Heriueum Remensem Archiepiscopum. *Flodoardus lib. 4. cap. 11.*

Gibenuinus sedebat Gereberto, qui postea fuit Siluester 2. Pontifex Romanus, scribente epistolam 59. Diederico Metensi Episcopo.

Elinardus sedit anno 1060. ex restitutione monasterij S. Martini de Campis ab Henrico rege. Anno 1060. ex literis Rainaudi Remensis Archiepiscopi. Anno 1094. ex Sigiberto. Robertus de Monte ait extremum diem obiisse anno 1095. & ei successisse Ingeltrannum: sed Duchesnius libro 6. gentis *de Guines*, capite 2. putat Ingeltrannum ipsi successisse anno 1100. & Ingeltranno, Galdricum, seu Vvaldricum, qui ex Roberto de Monte loco citato occisus est anno 1112.

Bartolomeus sedit anno 1118. ex chartulario S. Remigij Remensis. Anno 1131. ex tabulario S. Vincentij Laudunensis. Anno 1142. ex tabulis Praemonstratensis monasterij. Anno 1144. ex chartis monachorum Theolix.

A. idest Anselmus sedebat anno 1218. autore Duchesnio libro 6. *historiae de Guines* capite 6. in probationibus.

Lemouicenses.

S. Sacerdos quiescit apud Sarlatum in diœcesi tum Petragoricensi. Hic beatus & sanctus Sacerdos, natione Burdegalenfis, ex patre Laban, & matre Mundana, tempore Clodouei regis Francorum diuinâ reuelatione factus est monachus, deinde Abbas, tandemque episcopus Lemouicensis. Qui cum quadam die inuenisset patrem suum, sine viatico ex hac vita migrasse, diutissimè orans, ipsum in nomine Domini suscitauit, communionem ei dedit: & postulata benedictione, cum ei benedixisset, iterum mox in pace quieuit. Bernardus Guidonis libello de sanctis Lemouicensibus extra diœcesim sepultis.

Bernardus claruit anno 844. Chronicum Malleacense.

Anselmus cepit sedere anno 869. vt aduertit Iustellum libro 1. de familia Turenia cap. 3. & intelligitur ex chartâ anno 897. scripta in has voces. *Actum hoc Lemouicis ciuitate in Synodo plenâ, vndecimâ nonâ Nouemb. anno incarnationis Domini 897. indiēt. 3. Odone Rege, anno 10. ordinationis quoque Domini Anselmi Pontificis anno 28.*

Hildegatus anno 1088 interest Concilio Karrofenfi. Acta hujus Concilij.

Leonenses.

G. Anno millesimo trecentesimo tertio Philippus Pulcher rex huic Episcopo

Episcopo ſcribit, ex hiſtoria diſſidij inter Bonifacium octauum & iſtum regem.

Lexouienſes.

Radulphus anno 836. intereſt Vormatienſi Concilio. *Rouërius in Reomaopagina 81.*

Arnulphus è Sagiienſi Archidiacono in Episcopum euectus eſt, cùm Petrus venerabilis ſcribebat epiſtolam 7. libri 3. Innocentio Pontifici. Scripſit non inegantes epiſtolas Adriano & Alexandro Romanis Pontificibus, quorum ille extremum diem obiit anno 1159. iſte anno 1181. Librum epiſtolarum ſuarum collegit ad petitionem Ægidij Rothomagenſis Archiepiſcopi, & cum epiſt. l. ad eum miſit. Anno 1165. interfuit translationi S. Eduardi.

Lingonenſes.

Mummolus ex Abbate Reomaënſi tertio Episcopus, ſedere cœpit anno 579. ex Rouërio in Reomaopag. 523.

Albertus, fortasſe aliis Albericus, moritur anno 838. 12. calendas Ianuarij. *Chronicum Diuionenſe S. Benigni.*

Vulfadus Eccleſiæ Remenſis alumnus Episcopatum inuadit, & ſine omni jure occupat, vt ex ſynodo apud Carſiacum habita docet Flodoardus libro 3. de Remenſibus Episcopis cap. 24.

Gerardus ſedere incipit anno 863. 4. calendas Apriles. *Chronicum Diuionenſe S. Benigni.*

Lambertus anno Roberti Regis trigefimo, qui erat Chriſti milleſimus vigefimus octauus, ſubſcripſit conceſſioni monaſterij *Cholcas* Flauiniacenſi abbatix, ab Helmoino Auguſtodunenſi Episcopo.

Hugo ſeder anno 1037. ex donatione rei neſcio cujus Flauiniacenſi monaſterio, à Reginaldo Niuernenſi Comite. Anno 1042. ex chartâ Roberti Burgundiæ Ducis, pro Adelardo Abbate S. Germani pratorum.

Robertus ſedere incipit anno 1077. ex chronico Diuionenſi S. Benigni. Sedet anno 1106. ex chartâ Hugonis Ducis Burgundiæ. Anno 1110. moritur. Poſt duos ab ejus morte annos ſuccedit Roberto Iocerrannus, qui anno 1125. *dimittit Episcopatum, & Guilelmus ſuccedit*, vt loquuntur parua chronica S. Benigni Diuionenſis. Hæc omnia, præter annum ordinationis Roberti, deſumpta ſunt ex Chiſletio in epiſtola de Beatrice Cabilonenſi Comitiffa.

Guilelmus, ſeu Guilencus ordinatur anno 1115. 5. calendas Octobris. Moritur anno 1136. *Chronicum Diuionenſe S. Benigni.*

Robertus Ducis Auguſtodunenſis filius anno 1140. & ordinatur, & moritur. *Chronicum Diuionenſe S. Benigni.*

Gaufridus ſedebat, cùm Humbertus Auguſtodunenſis Episcopus anno 1148. viſitauit capſam S. Lazari.

Valterus ſeder anno 1174. ex Guichenono in Bibliotheca Sebuſiana pagina 448.

Manasſes anno 1188. conſecrat Petrum Abbatem S. Benigni Diuionenſis. *Chronicum ejusdem S. Benigni.*

Hilduinus ſeder anno 1200. ex Guichenono in Bibliotheca Sebuſiana pagina 446.

Matifconenses.

Drogo, cùm adeptus esset episcopatum anno 1063. Augustodunum venit cum Gaufrido Lugdunensi & alijs præfulibus, pro Roberto Augustodunensi antistite, quem Robertus Burgundiæ Dux vexabat. *Hugo in vita Hugonis Cluniacensis.*

Landricus sedet anno 1080 ex electione Cabilonenfis Episcopi. Moritur anno 1096. ex Viridunensi chronico Hugonis Flaviniacensis abbatis. Landrico. Succedit Berardus ex Archidiacono Lugdunensi, vt habet idem chronicum.

Pontius anno 1148. interest visitationi capite S. Lazari ab Humberto Augustodunensi Episcopo.

Maurianenses.

Eurardus an. 1022. dat monasterio Sauiniaci *Ecclesiam S. Venranni, quæ est in villa, quæ vocatur Erbins, & in villa quæ dicitur Balbiaci mansum vnum.* Guichenonus ex ipsa donatione in Bibliotheca Sebustiana; *Centur. 1. cap. 25.* qui addit esse Eborardum, siue Hurardum in Anstæ concilio anno 1025.

Amedeus anno 1109. interest donationi prioratus de Condominio Cluniacensibus à Guidone Geneuensi Episcopo, apud Guichenonum in Bibliotheca Sebustiana. *Centuria 1. cap. 4.*

Raimundus anno 1237. succedit Aimato ad Ebredunensem Archiepiscopatum euecto. *Fornierius in Ebreduno MS. pag. 424.*

Meldenses.

Sanctinus à B. Dionysio Areopagita constituitur Meldorum Episcopus, ex antiquissimo de ejus vita libro apud Hincmarum epistolâ ad Carolum Caluum, quæ habetur post Areopagitica Heduini.

Antonius Sanctini successor mittitur à S. Dionysio Areopagita Meldas cum eo, apud Hincmarum loco citato.

Vvalbertus *decimus nonus à B. Dionysio* (qui Sanctinum Meldas miserat Episcopum) *pro vita sua meritù creatus est Meldensis antistes, &c. B. Faronis frater. In ejus mortui locum, annuente Clotario Rege, Chilperici filio, Faro subrogatus est.* Vita S. Faronis cap. 5. Sedit annos sedecim; *Eadem vita capite 10.* Catalogus Episcopum Meldensium, Auctori vitæ S. Faronis contrarius, facit primum & vigesimum, non decimum nonum Episcopum.

Landricus sedet anno 650. ex Iacobo Simone in vita Sanctæ Vvaltrudis capite 6.

Vvalterus sedet anno 1060. ex chartâ restitutionis abbatiæ S. Martini de campis ab Henrico Rege. Anno 1067. ex chartâ Philippi Regis, scriptâ ipso die dedicationis S. Martini de Campis.

Manasses sedet anno 1152. ex chartâ Henrici Trecentis Comitissæ, pro Latigniacensi monasterio. Anno 1153. dat Ecclesiam de Firmitate Galcherij, monasterio Ioannis de Vineis.

Stephanus sedet anno 1169. ex chartâ Andreæ domini Feritatis Galcherij, pro Solmensi monasterio.

Petrus anno 1227. iuvat Iacobi Sueffionensem Episcopum, in vnctio-

ne basilicæ Longipontis, ex Machauto in vitâ B Ioannis de Monte-mirabili pagina 774.

Mimatenfes.

Raimundus, anno subscripsit epistolæ Ioannis Romani Pontificis ad Magalonenses. Anno 1034. interest Bituricensi Concilio, & se Ragamundum appella. Ex illa epistola, & hoc Concilio.

Nannerici.

Sophronius anno 510. Theodorici Francorum Regis metu. S. Columbanum à regiis ministris, ut in Hiberniam rediret, ductum ad mare nullâ iuuit ope: vsit etiam ut naui impositus in eam iret. *Ionas in vita S. Columbani cap. 24. & 25.*

Acto anno 836. interfuit Vormatiensi Concilio, quod dedit priuilegium Senonensi monasterio S. Remigij, postea confirmatum à Ludouico Pio.

Quiriacus sedet anno 1002. *Appendix chronici Andegauensis.*

Gauterius, aliis fortasse Valterus, interest dedicationi cuiusdam Ecclesiæ anno 1025. idibus Octoris. *Chronicum Malleacense.*

Brictius moritur anno 1139. calendis Nouembribus. *Chronicum Andegauense S. Albini.*

H. id. Henricus. Huic scripsit Philippus Pulcher anno 1303. ex historia dissidij inter eum & Bonifacium VIII.

Nemaufenses.

Ioannes. *Aram Theodori Regis Italie dux*, hunc mandat institui Episcopum actus magno prodigio, ex Gregorio Turonensi libro 1. de gloria martyrum capite 78.

Aynardus anno 1177. interfuit testamento Ermesindæ Melgorij Comitissæ, apud Guichenonum centuria 2. Bibliothecæ Sebusianæ cap. 67.

Gaufredus anno 1027. interfuit donationi Bertrandi Comitis Forcalquerij Ecclesiæ Ebredunensi, ex ipsius donationis tabulis.

Adalbertus (Aldebertum appellant Sanmarthani) anno 1152. interest matrimonio Guitandi de Simiana & Galburgiæ. *Ex chartulario Marchionis Planitiarum*

Ioannes de Blandiaco, seu Blanciaco, postea Cardinalis, & S. Sabinæ episcopus, nepos Bertrandi de Deucio ab anno 1324. de Ebredunensis Archiepiscopi. *Fornerius in Ebreduno MS. pag. 500.*

Nicienses.

Catolinus anno 588. interest Concilio Taurinensi apud Ludouicum de la Cheza in historia Pedemontana.

Austadius sepelit S. Hospitium reclusum. *Turonensis lib. 6. histor. cap. 6.*

Ioseph anno 904. subscribit chartæ Ragenfredi Carnotensis Episcopi, quâ continetur restitutio monasterij S. Petri de Valle. *Ex Duchesno libro 2. historia Monmorantiorum cap. 2.*

Gaufredus sedet anno 1027. ex donatione Bertrandi Comitis Forcalqueriensis Ecclesiæ Ebredunensi.

Arnaldus anno 1155. interest donationi Guilelmo Ebredunensi Archiepiscopo, à Berengario Comite Prouinciæ. *Fornerius in Ebreduno MS. eo anno.*

Michaël sedet anno 1242. ex dissidio Aimari Ebredunensis Archiepiscopi cum Templariis Niciensibus. *Fornerius in Ebreduno MS. & Aimaro archiepiscopo.*

Petrus anno 1256. testatur Iacobum Serene Ebredunensem Præpositum, fecisse homagium præposituræ Archiepiscopo suo. Eo ipso anno. *Fornerius in Ebreduno MS. eo anno.*

Laurentius anno 1365. interest Concilio Aptensi. *Acta hujus concilij.*

Niuernenses.

Eulalius sedet Clodoueo rege. *Faustus in vita Sancti Seuerini Abbatis Agaunensis.*

Herimanus sedet Lupi Ferrariensis temporibus ex ipsius epistolis 84. & 99.

Nouiomenses.

Mummolinus succedit Aichario, & sedet annos 26. *Autor libri de vita Sancti Audomari cap. 18.*

S. Eligius sedere incipit anno 635. *Autor vita S. Audoeni capite 14.* Inuenit corpus S. Quintini ipso principio episcopatus sui, vt scribit S. Audoenus l. 2. vitæ S. Eligij capite 6. Moritur anno 665. *Sigibertus anno 665.*

Balduinus sedet anno 1045. ex chartario S. Petri Gandauensis apud Duchesneum libro 2. historix *de Guines* capite 2. Anno 1065. ex charta Philippi Regis de abbatia S. Petri de Hainon, apud eundem libro 1. capite 5. Anno 1066. ex Miræo in donationibus pius capite 59.

Radbodus sedet anno 1073. ex chartulario basilicæ S. Pharaïldis Gandauensis apud Duchesneum libro 2. historix *de Guines* capite 2. Anno 1078. ex charta Philippi regis pro Ecclesia S. Quintini, ex Loïsellio in historia Bellouacensi. Anno 1088. educit e conditorio, & proponit venerandum populo corpus S. Bodolena, ex hujus vita capite 12. Anno 1091. sedet ex literis Rainaudi Remensis Archiepiscopi.

Rachodus vngit Godefridum monachum in presbyterum, qui postea fuit Sueffionensis Episcopus, ex libro 1. de hujus vita capite 17.

Lambertus sedet anno 1173. ex tabulario S. Bertini Audomarenfis. Anno 1177. ex chartulario Ecclesiæ Formoselensis.

Stephanus sedet anno 1218. ex Duchesneo libro 6. historix *de Guines* capite 6. in probationibus.

Petrogoricenses.

Fraterius annum 990. interest Concilio Karofensi. *Acta hujus concilij.*

Radulphus post annum 1001. *trucidatur à Saracenis cum Catholicorum exercitu in Terra sancta.* Chronicum Gaufridi capite 32. Alij volunt mortuum esse anno 1113. in reditu Ierosolymitano.

Arnaldus anno 1028. interest dedicationi Ecclesiæ Lemouicensis S. Saluatoris. *Chronicum Lemouicenc.*

Gaufridus

Gaufridus anno 1232. confirmat donationem Ecclesiæ S. Ioannis de Ro-
chenac Cluniacensibus. *Guichenonus in Bibliotheca Sebustiana pag. 438.*

Pictauienteses.

Gogo claruit anno 844. *Chronicum Malleacense.*

Gislebertus ante annum 998. interest Concilio Kartofensi. *Acta huius Concilij.*

Regenses.

Northbertus sedit Ludouico Imperatore. *Cum imperator remitteret missos imperatoris Michaelis (qui imperauit ab anno 821. ad annum 827.) Simul cum eis misit missos Northbertum Regiensem Episcopum, Richoinum Pictaunum Comitem, petens amicitiarum societatem. Innominatus scriptor vitæ Ludouici Pij. Sunt qui velint Northbertum hunc esse Northbertum illum Episcopum Regij Lepidi Episcopum, qui anno 824. Ludouico Pio imperatore fuit in Concilio Mantuano. Sed Regium Lepidum non erat tam in ditione Ludouici, & veri est similis Gallum Regij in Prouincia Episcopum, quam Italum Regij Lepidi datum Legationis comitem Richoino Gallo. Sola nominis similitudo quæ sepe fallit, fecit vt aduersarij contraria sentirent.*

Rangerius. Charta monachi Majoris monasterij apud Bessium de clau-
sula regnante Christo pag. 139. sic habet: *Rangerio Cardinale, qui fuit Regiensis Episcopus anno 1095.*

Rutenenses.

Faustus, natione Afer, fertur excitalse à mortuis matrem: S. Quintianum habuit nepotem; qui etiam postea fuit Rutenensis Episcopus. *Gregorius Turonensis in vita S. Quintiani.*

Raimundus sedet anno 1095. *Chronicum Gaufridi cap. 27.*

Sagienses.

Godegrandus. Hoc Episcopo viuente Grodobertus Episcopatum occupa-
uit annis 7. *Adelinus in vita S. Opportune sororis Godegrandi.*

Ingelnodus anno 836. interest Synodo Vormatiensi, Ludouico Pio im-
peratore, cuius literis eo anno subscribit die 16. Decembris.

Hildebrandus sedit Ludouico fratre Caroli Imperatoris Rege. *Adelinus in vita S. Opportune.*

Buxoboldus legitur in epist. 84. Lupi Ferrariensis.

Santonici.

Æmulus, siue Emerius sedet Hariberto Rege, Clotarj filio. Vide Grego-
rium Turonensem libro 4. historij capite 26.

Illus anno 1024. consulit Gaufrido Engolismi Comiti, dare Ecclesiam
S. Pauli Santonici Cluniacensibus. *Guichenonus centuria 1. Bibliotheca Se-
bustiana capite 50. Anno 1028. interest dedicationi Ecclesiæ S. Saluatoris Le-
monicensis. Chronicum Lemouicense.*

Pettus anno 1110. confirmat Cluniacensibus abbatiam S. Stephani de
Braunja, ex Guichenono in Bibliotheca Sebustiana pag. 448.

Senecenses.

Vigilius anno 588. interfuit Ebredunensi Concilio, apud Ludouicum de la Cheza in historia Pedemontana.

Vvilelmus sedet anno 1242. ex controuersia inter Aimarum Ebredunensem Archiepiscopum & Templarios, de visitatione. *Fornerius in Ebreduno MS. pag. 428.*

Nicolaus de Iarente, nepos Baltazaris Archiepiscopi Ebredunensis, sedet anno 1550. *Fornerius in Ebreduno MS. pagina 684.*

Suessonici.

Leontius sedit tempore S. Maclouij, qui viuebat anno 620. *Vita S. Maclouij cap. 21. & sequentibus.*

Rohardus. Huic episcopo Nicolaus I. qui Pontificatum anno 872. inierat, scripsit epistola 44. Nicolaus monachus eidem scripsit vitam S. Godfridi Ambianensis episcopi.

Theobaldus. Hoc antistite mortuo, vir nobilis *Gernasius*, pro quadam seruitutis palatini compensatione, fratrem suum *Vrsonem* curauit subrogandum, &c. *Liuardus in vita S. Amulphi*, qui *Vrione* dejecto electus est in Episcopum.

Geraldus anno 30. Roberti Regis & Christi 1128. subscritbit concessioni monasterij *Calchas* Flauiniacensi abbatæ, ab *Helmoino* Ambianensi Episcopo. Anno 1037. sedebat, ex donatione *Reginaldi* Niemenensis Comitis Flauiniacensi monasterio. Anno interfuit concilio *Virdunensi*.

Hugo Ludouici Regis cancellarius sedet anno 1169. *Guichenonus Centuria 1. Bibliotheca Sebustiana capite 36.*

Teroanenses.

Sancti *Fuscianus* & *Victorinus* socij B. *Dionysij*, sunt Teroanensium Apostoli ex scriptore vitæ S. *Audomari*, cujus verba sunt hæc. *Licet plebs Teroanensis à beatissimi martyris Dionysij socijs Fusciano & Victorino verbum Dei acceperisset.*

S. *Siluanus* ex *Vsuardo* sedit Teroanæ, tempus tamen quo in eâ sedit incertum est.

S. *Audomarus*, seu *Autmarus* sedit annos 30. vt habet ejus vitæ scriptor cap. 2. *Fulbertus* in vita S. *Autberti* Colonienensis Episcopi, & scriptore vitæ S. *Vvandregilis* cap. 12. docent sedisse *Dagoberto* Rege.

Æthereus. Ad hunc scripsit *Zacharias* Papa.

Ioannes sedit *Ludonico* Crasso Rege, vt tradit *Nicolaus* in vita S. *Godfridi* Ambianensis cap. 22.

Tolonenses.

Ioannes subscritbit epististolæ *Ioannis* Papæ dicti 20. ad *Magalonenses*.

Petrus anno 1326. interest *Sanrufensi* ad *Auenionem* Concilio. *Acta hujus Concilij.*

Tricastini.

Fidolus, *Beda* & *Vsuardo* notus, sedit tempore incerto.

Domnolus

Domnolus sedet anno 887. *Odo de reuerfione S. Martini è Burgundia.*

Ansegifus sedet anno 958. ex translatione reliquiarum S. Patrocli M. Coloniæ à S. Brunone Colonienfi Episcopo, fratre Othonis Magni imperatoris.

Hugo sedet anno 1060. *Charta reftitutionis monafterij S. Martini de campis ab Henrico Rege.*

Herveus anno 1215. intereft concordia de morte Prioris de Cuffy. *Bibliotheca Sebufiana centuria 1. capite 27.*

Tricastini.

Gallomagnus sedet incerto tempore. Vide Gregorium Turonenfem in vita S. Nicetij.

Vdulricus intereft donationi Sanpromafianæ Ecclefiæ Sanuictorinis monachis, à Guilelmo Bertranno Prouinciæ Comite anno 1044. *Charta donationis.*

Pontius sedet anno 1134. ex chartulario S. Barnardi Romanenfis.

Hugo anno 1337. intereft Sanrufenfi ad Auentonem Concilio. *Acta huius Concilij.*

Stephanus Geneuefus ex Montilienfi canonico Tricastinus facrifta, & Sauinæ duabus ab Ebreduno leucis curio, atque Ioannis Girardi Ebredunenfis Archiepifcopi vicarius & officialis, fit Tricastinus Epifcopus anno 1450. *Fornerius in Ebreduno MS. pag. 600.*

Tullenfes.

Eucharis sedet anno incerto, ex vita S. Eliphij martyris cap. f.

S. Leobinus sedet tempore incerto, ex vita S. Auiti presbyteri.

Gribaldus, seu Girbaldus sedet anno 669. ex vita S. Deodati Niuernenfis Epifcopi cap. 9.

Iacobus sedet anno 671. ex vita Sancti Deodati Niuernenfis Epifcopi capite 24.

Vaurenfes.

Vaurenfis Epifcopatus à Ioanne XXII. Pontifice erectus est anno millesimo trecentesimo decimo feptimo, 6. cal. Octobris. Ejus antiftites ex Vaurenfibus maxime, & Soriciniensibus chartis accipe.

1. Rogerius de Armeniaco in primum Vauri Epifcopum ab eodem Pontifice electus est, illo ipfo anno 7. cal. Decembris, his verbis. *Villam de Vauro in ciuitatem ereximus, decernentes vt Ecclesia prioratus ipsius Ordinis S. Benedicti ex tunc existeret cathedralis: ac deinde volentes eidem Ecclesie de pastore providere salubriter, in te Archidiaconum Agennensem, virum utique literarum scientia prouidum, nobilitate generis, vite, ac morum honestate decorum, discretionis, consilij maturitate conspicuum, direximus oculos nostros. Erat tantum Electus anno 1319. idibus Ianuarij, nos diceremus 1320. Anno 1320. vnctus in Epifcopum fuit, Sicardo de Brassaco tamen tunc etiam Priore Vauri. Anno 1322. fedit ex Soriciniensis monasterij chartis. Anno 1328. dat plateam (vt loquitur funeralis canonicorum liber) quæ fert ad portam Epifcopij, excitando iisdem canonicis clauftro. Anno 1329. sacris interdicit Vaurenfes, ob*
causas

cauſas mihi ignoras. Anno 1332. vngit ſupremum altareꝝ baſilicæ cathedra-
lis. Anno 1333. ſedet, vt docent Soricinienſium monachorum char-
ta. Anno 1335. die 28. menſis Februarij moritur.

2. Robertuſ de Fuxo anno 1345. die 26. menſis Aprilis vnit Bellicaſtri
Eccleſiam Canonicorum collegio. Anno 1346. facit, vt Philippus Rex, con-
cedat canonicorum collegio facultatem, emendi prædia annui ad libras 50.
reditus, libera, & ſoluta omni cenſu.

3. Arcambaudus de Lautreco ſedet anno 1352. & die 11. menſis Octo-
bris vnit præcentoriæ Eccleſiam Verdala. Anno 1355. probat arbitrario-
rum iudicum ſuper ciuium Vauri, & viginquatuor caſtellaniæ Vauri con-
ſultatum, diſſidio ſententiam, ex publico Vaurenſium chartulario. Anno
1360. vltimâ die Ianuarij moritur ex chartulario canonicorum.

4. Robertuſ de Via, ſeu de Viza, aut de Villamuro Ioannis XXII. Ponti-
ficis nepoſ. Anno 1360. ſedet ex Soricinienſi monachorum chartulario. An-
no 1363. excitat collegium canonicorum Capituli Ioui. Ann. 1375. 1376.
1360. 1361. ſediſſe docent Soricinienſis monaſterij chartæ. Anno 1382. dici-
tur à Vicecomite Villamuri executor teſtamenti, cum Forojulienſi Epifco-
po. Anno 1383. moritur.

5. Egidius de Bellemere Aruernuſ, ex Andegauenſi Archidiacono, &
auditor Apoſtolico, dicitur Epifcopuſ à Clemente, qui Auenione ſedens
putabatur in illis regionibus veruſ Pontifex. Inuenio tamen Sicardum de
Brugayroſio, & Bertrandum Forojulienſem Epifcopum, electoſ fuiſſe à ca-
nonicis. Anno 1383. ſedet, contenditque in iudicio de neſcio quâ re, pau-
peribus teſtamento conceſſa. Anno 1388. dat canonicorum collegio Ec-
cleſiam de Frozzeno, quam ex chartis canonicorum collegij, tum regebat
Bertranduſ Cardinaliſ Oſtienſiſ impoſito vicario. Id facit ex Clementiſ
putati Pontificiſ mandato, cum ejus collegij reddituſ *propter guerras, vt inquit,*
adeo diminuti exiſtant, quod pro ſuſtentatione canonicorum, & aliarum perſonarum
eccleſiaſticarum, & ſeruitorum dictæ Eccleſiæ, qui diuinis imbi vacant obſequiis, &
pro ſupportatione aliorum onerum ſibi incumbenſium, ſufficere non poſſunt: propter
quæ diuinum officiũ diminuitur. Anno 1391. ſedet 25. Octobriſ, vt habent
chartæ Soricinienſium monachorum. Anno 1398. moritur abdicato Vau-
renſi Epifcopatu.

Hic antiſteſ fuit doctiſſimuſ. Scripſit deciſiones rotæ, in Decretum, &
Decretaleſ, Conſilia, De Beneficiis, De Foro competenti. Iuit Spoletum, at-
que in Umbriam Legatuſ. Ceterum tam multi ſeu Archiepiſcopatuſ, ſeu
Epifcopatuſ, alij in aliis chartis, ei tribuuntur, vt reſ fidem pene ſuperet. Præ-
ter Vauſenſem Epifcopatum fertur geſſiſſe Maurianenſem, Bononienſem
Galliæ, Anicienſem, Auenionenſem, & Archiepiſcopatuſ Rotoniagenſem,
Narbonenſem. Hic placet vnum addere. Qui elogium funebre inſcripſit
iſtius viri tumulo Auenione in Eccleſia Beatæ Mariæ ait noluiſſe Cardina-
latum, quo poterat omari: tamen Claudiuſ du Vergier Epifcopuſ Vaurenſiſ
ſcripſit ſequentia in aduerſariis: *Hic antiſteſ fuit Cardinaliſ.*

6. Guido de Rupe ſedet anno 1392. diebus 8. 18. & 29. Aprilis menſiſ
ex Soricinienſibus monachorum tabulis. Anno 1393. die 7. menſiſ Maij
capit auri francos 12 30. à Ioanne Carentionis Lucenſi, debitoſ Apoſtolicæ
camera.

7. Bertrandus de Canauone, ſeu de Rhamne, ſedet anno 1395. ex *donationis* B. Alani exſcripto, manu publicâ obſignato. Quæ B. Alani donatio ab exſcritore dicitur, eſt Vaurenſis monaſterij, in epiſcopatum à Ioanne ſecundo & vigefimo Pontifice cuecti, erectio ad B. Alani baſilicam. Hic vnum placet aduertere. Elanum dicunt, non Alanum, antiquiſſimarum omnium, monaſterij etiam foundationis, chartharum ſcriptores. Ab Elnone, nobiliſſimo, apud Belgas monaſterio, factam vocem ego quidem exiſtimo. Elno in *Elnus* ex comuniſſima apud Latino terminatione profeſci: & cum ad pronuntiationis ſuauiſſimam, primam in ejus medio vocalem addiſſent, in *Elanus*. Scilicet quem Alanum dicimus, & Elanum appellauerunt majores, eſt Amandus, magnus ille Trajeſtenſium Epiſcopus. Is ad Elnonem fluuiolum, monachorum primus incoluit, & monaſterium, Elnonem etiam ab eo vocatum, excitauit. Cum hoc, maximam ab alumnorum ſanctitate celebritatem, ipſis quoque initiis, vniuerſo orbe Chriſtiano habuerit, qui fundatoris nomen ignorabant, arbitrati ſunt, non à fluuiio allabente, ſed à viro monachorum parte appellati: igitur hunc Elnonem principio, ſeu Elnum, poſtea Elanum, ac denique Alanum vocauere: & Ægidius antiſtes, qui eccleſiaſticum, vt vulgò loquimur, Officium ejus concinnauit, in ſuamque Vauri baſilicam induxit, cum Alanum toto ipſo dixerit, lectiones tamen, quas appellant, de ejus vita vniuerſas, ex libro de S. Amandi vita immutatas accepit. Sed iſtud hæcenus non omnino extra rei, de qua nunc ago, ſeriem dictum ſit. Ad alia pergamus. Anno incerto rex ad Vaurenſes canonicos ſcripſit Pontificem cogitare de Bertrando ipſis, vt neſcio cui remotiſſimæ ciuitati imponeret, eripiendo: velle ſe, id ſi fiat, alium antiſtitem vt à Pontifice non capiant. Quid ſecutum ſit non inuenio. Lego tamen cum Bertrannus in alium Epiſcopatum tranſlatus fuiſſet, Benedictum 13: qui pro Pontifice poſt Clementem habebatur, Petrum S. Flori Epiſcopum ejus loco induxiſſe. Igitur

8. Petrus de Viſſac S. Flori adminiſtrator, Vauri ſedit anno 1396. die 2. menſis Septembris. Ejus à Pſeudopontifice de Epiſcopatu Vaurenſi literæ habentur in Publico Vaurenſium tabulario. Anno 1400. impoſuit preſbyteros omnino decem templo B. Mariæ de Lacu Podij Laurentij, qui pro vitâ ſanctis hominibus Deo facerent, ac preces dicerent; iſque ſuas dedit leges; quæ ſapientiam viri, & pietatem apertam faciunt. Anno 1404. arbitrarij iudices neſcio qui eum ſedere ſignificant. Eone, an ſequente mortuus eſt? certè cum canonicis poſt ipſius mortem ad eligendum ſucceſſorem conueniſſent, in tres ſciſſi ſunt, Raimundum de Albigeſio auditorem cameræ Apoſtolicæ, Petrum de Ponte collectorem Apoſtolicum in prouinciis Tolina & Auxitana, Bertrandum de Malomonte Mirapicenſem Epiſcopum, viros pietate, ſcientiâ, iudicio præſtantes; &, quod mirere, cum hic vnum modo ſuffragium tuliſſet, Epiſcopatum tamen adeptus eſt. Scilicet pollebat dicendi vi, & theologicâ ſcientiâ omnino vigeat, quodque caput eſt ſanguine proximis erat Clementi olim ſexto Pontifici.

9. Bertrandus de Malomonte. Anno 1405. exacto, epiſcopatum Vaurenſem adeptus eſt ex Catello pagina 1033. Anno 1408. eſt Romæ, ex conuentionibus canonicorum collegij cum Vauri ciuibus, de vectigalibus: Die tamen 20. menſis Octobris fuiſſe dicitur *nuper Vaurenſis antiſtes*, vt

legitur in MS. codice Viſtorino Pariſiſ, referente Spondano hoc anno numero 17.

10. Petrus Nepotis ſedet anno 1410. ex quorundam infeudatione, vt loquuntur prædiorum. Eo ipſo anno tranſfertur à Pontifice Albiam, & Petrus Girardi Archiepiſcopus Tolofanus fit adminiſtrator Episcopatus Vaurenſis. Liber funeralis baſilicæ cathedralis vocat Episcopum Tuſculanum & Cardinalem, traditque mortuum anno innominato die 10. Septembris.

11. Ioannes Bely à Petro Cardinali ad Episcopatum Vaurenſem *promotus*, vt ſerunt chartæ canonicorum collegij, ita de ſe loquitur initio ſumma quam de ordine iudiciorum edidit. *In mea iuuentute temporibus retroactis, primò in capella Archiepiſcopi Tolofani, tempore bonæ memoriæ Petri de S. Martiale tunc Archiepiſcopi, officiali tunc exiſtente domino Ioanne Corſerij (hic ille eſt, qui ſcripſit deciſiones capellæ Tolofanæ) ubi notabile eſt magnum conſilium tunc habebatur: & deinde in roſa cauſarum palatii Apoſtolici, ſcilicet in curia Romana, ubi per quinquennium fui: & ſucceſſiue in Concilio generali conſtitutus, ubi pariter fui pro natione Gallicana: deinde in palatio Regiſ Tolofæ tunc reſidentie, deinde Bituris pro*, Biterris: cùm enim Parlamentum Tolofanum anno 1419. inſtitutum fuiſſet, anno deinde 1425. Biterras vrbi reſtituendæ, & frequentiæ ciuium in eam reducendæ deduxerunt. Conſtabat tùm Episcopo vno & clariffimis viris omnino duodecim hiſ clericis, laicis illis. Igitur Ioannes Bely, cùm erat Vaurenſis antiſtes, annis incertis ante quintum ſæculi & vigefimum Tolofæ; & quinto ac vigefimo ſequentibùſque, ſeu ſenator ſeu præſes (hoc enim ignorum mihi eſt) Biterris ſedit in Occitanix Parlamento. Ante illud temporis interfuerat Conſtantiens Concilio; & anno quideni 1415. è tribus episcopis vnus, cum Mediolanenſi Archiepiſcopo, iuſſus ab eo fuerat deponere Ioannem Huſ:arque, vt vulgò dicimus, degradare, vt tradit Æneas Siluius cùm agit de Baſileenſi concilio. Anno 1420. ex mandato Martini V. Pontificis concedit canonicorum collegio Eccleſiam de Viuariis, ex funerali huius codice. Anno 1432. Iacobus Abbatis canonicus Vaurenſis ei accipit, ſeruâtque ducentos ſcutos auri ponderantes in vniuerſo marcas tres, & denarios octodecim auri, ad pondus Pariſienſe (hæc aſſerto non omnino inutilia ad cognoscendam rem illorum temporum monetalem) videlicet ab vna parte octo & viginti ſcutos antiquos auri cuius Franciæ, ponderantes vncias tres, denarios vndecim, ad dictum pondus Pariſienſe: item ab alia parte, centum quinquaginta octo ſcuta noua de Tolofa, ac decem alia noua ſcuta de Montepeſſulano, & quatuor alia noua de Tornacio. Ponderabant, & ponderant, in toto marcas tres, vncias quinque, & denarios ſeptem ad dictum pondus Pariſienſe. Ex chartis canonicorum Vaurenſium collegij. Anno 1433. moritur ex funerali codice Vaurenſis baſilicæ.

12. Ioannes Boucheri Lemouix ex Archidiacono Episcopus, anno 1463. eligitur à canonicis, & ab Eugenio Pontifice literas de Episcopatu accipit. Vnum tamen hîc mirare. Eugenius in illis de Episcopatu ad Ioannem datis, ait ius antiſtitem eligendi jam canonicis ademptum fuiſſe. *Ex publico Vaurenſium ciuium chartulario.* Anno 1441. die prima & trigefima menſis Martij dat Eccleſiam S. Cirquæ Vaurenſi ædituo. Eodem anno confirmat ſtatutum de iure conferendi præbendas à canonicis ordine ſuo. Anno 1456. ſedet, ex emptione partis moleſtinarum *des terres*. Anno incerto

incerto ſacram ædiculam in templo excitat S. Martiali Lemouicum Apoſtolo, quam cogendis collegij conuentibus ſibi acceperet canonici. Anno 1458. moritur die 6. menſis Septembris.

13. Ioannes Gentiani ex Conſiliario Pariſienſis curiæ primùm, poſtea Tolofana, cùm illius pars à Carolo id nominis ſeptimo Rege Tolofam fuiſſet miſſa, Episcopopus, anno 1363. dat canonicorum collegio Eccleſiam S. Leon-
tij, ex mandato Pij II. Ponticis.

14. Ioannes Vigerij anno 1469. die 6. menſis Martij ex Pariſienſi B. Mariæ canonico Episcopopus. Hic Episcopatum cum ſacra ſua ædícula, cæque elegantiffima ædificat, & præterea cathedralis baſilicæ campanile. Sedit annis 1478. 1481. 1496. ex chartis canonicorum collegij. Anno 1497. die 16. menſis Martij moritur Tolofæ. Eo mortuo canonici conueniunt Cuci ad eligendum antiſtitem. Neſcio quis metus fecerit, vt Vauri non conuenirent.

14. Heſtor Borbonius Ioannis II Borbonij Ducis filius nothus, cùm eſſet Tolofanus Archiepiscopopus, Vaurenſem Episcopatum accepit adminiſtrandum: ſed modicum tempus egit in ejus adminiſtratione; nam

15. Petrus de Roſergio ſedebat anno 1500. ex tabulis neſcio cujus emp-
tionis. Anno 1503. facit vt canonici ad reſidentiam, vt loquimur, cogantur. Anno 1506. facit vt iidem canonici ad ea, cogantur, quæ ex ipſorum collegij erectione ſeruare debent. Anno 1511. ſediſſe docent neſcio quæ (vt vulgò dicuntur) recognitiones. Anno 1512. Ioannes Columbi Troianus Episcopopus, die 27. menſis Iunij, vngit ſacram ædem Franciſcanorum ipſo antiſtite. Anno 1513. ſediſſe habet fundatio miſſæ in ædícula S. Stephani per Bernardum de Lany canonicum. Anno 1514. moritur & in ædícula, quam ad ipſas baſilicæ fores erexerat ſepelitur.

Post mortem Petri de Roſergio (*Gallicè du Roſier*) ingens de Episcopatu diſſidium fuit inter Iulium Cardinalem Médiceum, & Simonem de Belloſole (*Andreas Vaurentinus Serranus ſcribens in eglogas Mantuani vocat De Sole*) Vaurenſem præpoſitum. Hoc lego in literis Clementis VII. Pontificis (Iulius Cardinalis Mediceus ante Pontificatum dicebatur) anno 1525. pridie nonas Octobris ad Petrum de Buxi Episcopum, de quo nobis poſtea erit ſermo, Iulius aiebat Episcopatum ſibi datum, ſcilicet ad Franciſci Regis poſtulationem à Leone I. patruele: igitur abs dubio Simon à ſuo canonico-
rum collegio electus fuerat. Denique in pacta conuenerunt, teſte ipſo Clemente Pontifice, quæ cùm non addat, neque aliis in chartis inueniam, recitare ego quidem non poſſum. Quæcunque ea fuerint, certè Simoni Episcopatus ceſſit. Is anno ſæculi quarto & decimo, quo Petrus de Roſergio diem extremum obiit, agebat annum ætatis primum & octogefimum. Ante annos 100. gens Belloſolia Vaurum venerat ex ignota mihi regione. Petrus Hebdomadarius Vauri & prior Caunæ videtur deduxiſſe. Interfuit anno 1420. vnioni Eccleſiæ Viuarienſis canonicorum collegio à Petro Bely Episcopopo. Omnino ad vndecim Belloſolani leguntur in funerali Vaurenſis baſilicæ libro, omnes (ſi vnum & alterum excipias) præſbyteri, ſed ad Simonem Episcopum veniamus.

16. Simon de Belloſole ſedet annis 1515. 1516. 1522. 1523. ex Vaurenſium canonicorum chartis. Anno 1523. proſenio cedit Episcopatu, &

17. Petrus de Buxi illum adit, Regis in magno conſilio, vt loquuntur, conſiliarius, & Tolofæ in S. Stephani canonicis præpoſitus. Anno 1526. moritur.

18. Georgius de Selua annum ætatis octauum & decimum agens fit adminiſtrato, vt loquuntur, ſpiritualis & temporalis Vaurenſium Episcopatus anno Chriſti 1526. & vngitur in Episcopum anno ætatis ſexto ac vigeſimo, Chriſti trigefimo quarto. Hic vir, Ioannis primi in Pariſienſi curia præſidis filius, magnum ſibi nomen peperit pietate, ſapientiâ, ſcientiâ, eloquentiâ, rebuſque denum geſtis. A Rege Legatus iuit Romam, Venetias, & ad Carolum Imperatorem in Germaniam. Gallicè reddidit Plutarchum de Romanorum aliquot Græcorumque vita, proprio Marte ſcripſit Gallico etiâ idiomate concionem ad ſuos Vaurenſes de baptiſmo, & confirmatione, & alia ejuſmodi opuscula ſpiritualia; rationem quâ vir à principe in dignitate conſtitutus felicitatem poſſit & temporalem ſeruare, & parare æternam; quo conſtituenda modo fit pax inter Germanorum Imperatorem, & Francorum Regem; duas ad Germanos orationes. Anno 1534. Georgij vicarius capita in lucem emiſit, quæ in ſynodo conſtituerat. Anno 1538. Sorcinij initiavit clericos ſacris ordinibus. Anno 1542. die 12. menſis Aprilis extremum diem obiit, ex funerali Vaurenſium canonicorum libro, & ſanctè quidem illum obiit, nam ferunt etiam à morte aliqua petegiffe, quibus oſtenderet ſe in cælo viuere. Cùm eſſem Vauri anno 1654. memini me audire à Vaurenſi Præpoſito, caput ejus viſum in multo lumine poſt apertum conditorium, in quod inferre cogitabant cadauer. Claudij du Vergier Episcopi: dentem verò ex ejus maxilla per humationem Petri de Marueil etiam Episcopi erutum, pepuliſſe magno portento febrem è plurimorum hominum corporibus. Atque hæc eò ſidentiùs dico, quod nemo Vaurenſium neſcit, & cetera virtutis decora per vitam tuſiſſe. & præcipuâ in pauperes charitate fulſiſſe. Igitur & ab aliis ſando accepi. & à Vaurenſi illo Præpoſito, cùm nihil frumenti, quod egenis præterea concederetur, ſuper eſſet in ejus granario, illud, & quidem optimo, compleſſe ſuis precibus.

19. Petrus de Marueil, Brantofini apud Petragoricenſes, & Cellæ Trecentenſis abbas, Georgio in Vaurenſi episcopatu ſucceſſit. Anno 1544. neſcio quod ſacerdotium contuliſſe inuenio in Vaurenſium canonicorum chartis. Annis 1545. 1555. 1556. ſediſſe in lego in iſdem chartis. Anno 1557. interſuiſſe publicis vniuerſi regni comitiis Henrico rege Tillius docet. Eodem anno moritur.

20. Petrus Daneſius anno 1557. die 20. menſis Junij ſedit, ex proteſtatione pro Eccleſiâ de Campobone; & die primâ menſis Ianuarij, ex collatione canonicatus in Capite Iouis. Anno 1558. 1559. 1561. 1562. ſedit, vt habent Vaurenſium canonicorum chartæ. Anno 1572. ſediſſe habent de S. Aignano ſacerdotij collationis tabulæ. De doctiſſimi viri laudibus ſequentiâ ſcripſit Gilbertus Genebrardus in epitaphio. *Orator ad Tridentinum Concilium miſſus: iudex Petro Roma noua in ſcientiis, & artibus molienti impoſitus: ab Henrico II. Franciſci II. & Caroli Ducis Lotharingi inſtitutioni præſectus: multis demum muneribus pro Eccleſia, literis, patria, regno, regibus quatuor, principibus compluribus, honorificè in pace, & bello perſunctus, octogenarius in Domino obdormiuit anno 1577. Aprilis 23. hora à Meridie tertia in S. Germanis de prætis.*

21. Petrus du Faur, ſeu Faure (Latine aliqui Fabrum vocant) poſt Petrum Daneſium ex magno (vt loquuntur) Tolofæ Archidiacono in Episcopum electus, nunquam adiit Vaurum, neque in Vaurenſis Eccleſiæ poſſeſſionem aliquando immiſſus eſt. Anno iſtius ſæculi ſeptimo & ſeptuageſimo Rex in antiltitem à Pontifice poſtulauit: anno 1. & 80. Pontifex literis ſuis ipſam dixit Episcopum: ſed cùm jam annos 5. haberet Vauri æconomum, vt loquuntur, qui res fructuſque Episcopij colligeret, ſenio grauis anno ſæculi ſecundo & octogefimo, ante tertium menſis Septembris diem, in ipſo, vt ita dicam, Episcopatus limine occubuit. Petro du Faur & Gaufridâ Douce genitus, fratres quatuor habuit, Ludouicum in Tolofana curia conſiliarium Regis, & Nauarræum cancellarium, Arnaudum Pujolij dominum, Carolum Tolofæ in regia præſidem curia, Guidonem denique illum Pariſienſem præſidem ſcientiæ, ſapientiâ, rebuſque pro regibus noſtris patriæque, Tridenti maximè, & in Polonia geſtis clariffimum.

22. Horatius de Birague anno 1583. Vaurenſem Episcopatum adeptus eſt, & annis 1584. 1593. 1594. 1598. 1599. tenuit, vt Vaurenſes canonicorum tabulæ memorant, multus in Italia, Romæque. Hic vir Mediolori natus patruum habuit Renatum, qui & Franciæ Cancellarius, & S. R. E. Cardinalis fuit. Lego vineam, laudatiſſimi feracem vini, nomine Ramuſiam (vulguſ appellat *Ruine*) hoc antiltite reſtitutam episcopatu. Puto per barbarum, & Vaurenſi Eccleſiæ funeſtum ab hæreticis tumultum, ab eo ereptam, ab aliis ad alioſ per bene longum tempus dominos tranſiſſe. Horatius extremam diem obiit Vauri anno 1601. die 26. Febr.

23. Claudius du Vergier, Carolo du Harlay, qui à Rege poſtulabatur, alia omnia cogitante, cedentèque, anno denum 1606. die 6. menſis Iulij vnctus eſt in Episcopum. Moritur anno 1636. die 25. menſis Martij & ſepelitur Vauri.

..... de Raconis nuper antiltitis, & Ioannis Vincentij de Tulles poſt eum nunc Episcopij tempora, réſque geſtæ omnibus ad eò aperte ſunt, vt eas aut è chartis eruere, aut commemorare ſuperfluum videatur.

Vencienſes.

Deutherius. *Vincienſis Episcopus obiit: in cuius locum Fronimius ſubrogatus eſt*, anno 9. poſt deſectionem ab Agathenſi Episcopatu, per Leuieldum S. Hermenegildi patrem, quia Ingildi conſilium dederat nunquam tranſeundi ad arianifmum, eunti ad nuptias cum Hermenegildo. *Gregorius Turonenſis lib. 9. de hiſtoria cap. 24.* Anno 588. interfuit Ebiedunenſi Concilio apud Ludouicum de la Cheza ex MS. Baldezani.

Venetici.

Henricus. Huic Episcopo ſcripſit Philippus Pulcher anno 1303. ex hiſtoria diſſidij inter Bonifacium VIII. & Philippum Pulchrum.

17. Petrus de Buxi illum adit, Regis in magno conſilio, vt loquuntur, conſiliarius, & Tolofæ in S. Stephani canonicis præpoſitus. Anno 1526. moritur.

18. Georgius de Selua annum ætatis octauum & decimum agens ſit admiſtrator, vt loquuntur, ſpirituſalis & temporalis Vaurenſium Episcopatus anno Chriſti 1526. & vngitur in Episcopum anno ætatis ſexto ac vigeſimo, Chriſti trigefimo quarto. Hic vir, Ioannis primi in Pariſienſi curia præſidis filius, magnum ſibi nomen peperit pietate, ſapientiâ, ſcientiâ, eloquentiâ, rebuſque demum geſtis. A Rege Legatus iuit Romam, Venetias, & ad Carolum Imperatorem in Germaniam. Gallicè reddidit Plutarchum de Romanorum aliquot Græcorumque vita, proprio Marte ſcripſit Gallico etiâ idiomate concionem ad ſuos Vaurenſes de baptiſmo, & confirmatione, & alia ejuſmodi opuſcula ſpirituſalia; rationem quâ vir à principe in dignitate conſtitutus felicitatem poſſit & temporalem ſeruare, & parare æternam; quo conſtituenda modo ſit pax inter Germanorum Imperatorem, & Francorum Regem; duas ad Germanos orationes. Anno 1534. Georgij vicarius capita in lucem emiſit, quæ in ſynodo conſtituerat. Anno 1538. Soricini initiauit clericos ſacris ordinibus. Anno 1542. die 12. menſis Aprilis extremum diem obiit, ex funerali Vaurenſium canonicorum libro, & ſanctè quidem illum obiit, nam ſerunt etiam à morte aliqua peregiſſe, quibus oſtenderet ſe in cœlo viuere. Cùm eſſem Vauri anno 1654. memini me audire à Vaurenſi Præpoſito, caput ejus viſum in multo lumine poſt apertum conditorium, in quod inferre cogitabant cadauer. Claudij du Vergier Episcopi: dentem verò ex ejus maxilla per humationem Petri de Marueil etiam Episcopi erutum, pepuliſſe magno portento febrem è plurimorum hominum corporibus. Atque hæc eò fidentiùs dico, quod nemo Vaurenſium neſcit, & cetera virtutis decora per vitam tuliſſe. & præcipuâ in pauperes charitate fulſiſſe. Igitur & ab aliis ſando accepi. & à Vaurenſi illo Præpoſito, cùm nihil frumenti, quod egenis præterea concederetur, ſuper eſſet in ejus granario, illud, & quidem optimo, compleſſe ſuis precibus.

19. Petrus de Marueil, Brantolini apud Petragoricenſes, & Cellæ Trecentis abbas, Georgio in Vaurenſi episcopatu ſucceſſit. Anno 1544. neſcio quod ſacerdotium contuliſſe inuenio in Vaurenſium canonicorum chartis. Annis 1545. 1555. 1556. ſediſſe in lego in iſdem chartis. Anno 1557. interfuſiſſe publicis vniuerſi regni comitiſ Henrico rege Tillius docet. Eodem anno moritur.

20. Petrus Daneſius anno 1557. die 20. menſis Junij ſedit, ex proteſtatione pro Eccleſiâ de Campobone; & die primâ menſis Ianuarij, ex collatione canonicatus in Capite Iouis. Anno 1558. 1559. 1561. 1562. ſedit, vt habent Vaurenſium canonicorum chartæ. Anno 1572. ſediſſe habent de S. Aignano ſacerdotij collationis tabulæ. De doctiſſimi viri laudibus ſequentia ſcripſit Gilbertus Genebrardus in epitaphio. *Orator ad Tridentium Concilium miſſus: iudex Petro Roma noua in ſcientiis, & artibus molienti impoſitus: ab Henrico II. Franciſci II. & Caroli Ducis Lotharingi inſtitutioni præſectus: multis demum muneribus pro Eccleſia, literis, patria, regno, regibus quatuor, principibus compluribus, honorificè in pace, & bello perfunctus, octogenarius in Domino obdormiit anno 1577. Aprilis 23. hora à Meridie tertia in S. Germanis de prætis.*

21. Petrus du Faur, seu Faure (Latine aliqui Fabrum vocant) post Petrum Danielum ex magno (vt loquuntur) Tolosæ Archidiacono in Episcopum electus, nunquam adiit Vaurum, neque in Vaurenſis Ecclesiæ possessionem aliquando inmiſſus est. Anno illius sæculi septimo & septuagelimo Rex in antistitem à Pontifice postulauit: anno 1. & 80. Pontifex literis suis ipsum dixit Episcopum: sed cum jam annos 5. haberet Vauri æconomum, vt loquuntur, qui res fructusque Episcopij colligeret, senio grauis anno sæculi secundo & octogelimo, ante tertium mensis Septembris diem, in ipso, vrita dicam, Episcopatus limine occubuit. Petro du Faur & Gaufridâ Douce genitus, fratres quatuor habuit, Ludouicum in Tolosana curia consiliarium Regis, & Nauarræum cancellarium, Arnaudum Pujolij dominum, Carolum Tolosæ in regia præsidem curiæ, Guidonem denique illum Parisiensem præsidem scientiæ, sapientiæ, rebûsque pro regibus nostris patriæque, Tridenti maximè, & in Polonia gestis clarissimum.

22. Horatius de Brague anno 1583. Vaurensem Episcopatum adeptus est, & annis 1584. 1593. 1594. 1598. 1599. tenuit, vt Vaurenſes canonicorum tabulæ memorant, multus in Italia, Romæque. Hic vir Mediolani natus patrum habuit Renatum, qui & Franciæ Cancellarius, & S. R. E. Cardinalis fuit. Lego vineam, laudatissimi feracem vini, nomine Ramusiam (vulgus appellat *Ruine*) hoc antistite restitutam episcopatu. Puto per barbarum, & Vaurenſi Ecclesiæ funestum ab hæreticis tumultum, ab eo ereptam, ab aliis ad alios per bene longum tempus dominos transiisse. Horatius extremam diem obiit Vauri anno 1601. die 26. Febr.

23. Claudius du Vergier, Carolo du Harlay, qui à Rege postulabatur, alia omnia cogitante, cedentéque, anno denum 1606. die 6. mensis Iulij vnctus est in Episcopum. Moritur anno 1636. die 25. mensis Martij & sepelitur Vauri.

..... de Raconis nuper antistitis, & Ioannis Vincentij de Tulles post eum nunc Episcopi. tempora, résque geste omnibus adeò aperte sunt, vt eas aut è chartis eruere, aut commemorare superfluum videatur.

Vencienses.

Deutherius. *Vinciensis Episcopus obiit: in cuius locum Fronimius subrogatus est*, anno 9. post dejectionem ab Agathensi Episcopatu, per Leuieldum S. Hermenegildi patrem, quia Ingildi consilium dederat nunquam transeundi ad arianismum, eunti ad nuptias cum Hermenegildo. *Gregorius Turonensis lib. 9. de historia cap. 24.* Anno 588. interfuit Ebredunensi Concilio apud Ludouicum de la Cheza ex MS. Baldezani.

Venetici.

Hentricus. Huic Episcopo scripsit Philippus Pulcher anno 1303, ex historia dissidij inter Bonifacium VIII. & Philippum Pulchrum.

NOCTIVM
BLANCALANDANARVM
PARS SECVNDA.

Illustr^{mo} & Reuer^{mo} Domino,
D. GVILELMO EMMANVELI
DE LA FAY,
IN SANCTIORE CONSILIO REGIS
Confiliario, Abbati^r Generali
canonicorum S. Rufi.

IOANNES COLVMBI è Societate IESV.



X quo tempore ad scribendum de Valentino-
rum Episcoporum rebus accessi, ex eo cogitavi
de tuorum canonicorum initiis dicere, quorum
monasterio extruendo, Esparueriam insulam
vendidit Odo Episcopus anno millesimo cente-
mo quinquagesimo octauo. De ipsis alij senserunt alia. Hi Auenione cepisse voluerunt, illi,
ego aliàs, Valentia. Verùm nemo antiquas attulit hactenus
tabulas, quibus suam firmaret sententiam. Finxerunt etiam nonnul-
li nescio quem Rufum, qui sub annum millesimum centesimum igno-
ta in Gallia urbis Episcopus, originem atque adeò nomen sanctissi-
mo dederit Ordini. Nunc aliquid certi videor mihi ex antiquissi-
ma charta posse constituere. Igitur qui à pluribus annis auebam ali-
quid literarij muneris ad te mittere, iam tibi de tuis canonicis opus-
culum scribo. Certè in illo Ordine, cui praes, ornando insudare de-
bemus plurimi. Tantà ille sapientia cepit, tanta sanctitate propa-
gatus fuit, ut nulli canonicorum Ordini hactenus inferior, ceteros
qui ante ipsum in Gallia nostra viguerunt, longo superet intervallo.
Et verò cum Sanuictorini Parisiorum monachi grauiter olim offen-
dissent, malòque remedium quareretur, non alij seu monachi, seu
clerici totà Gallia, prater Sanrufenses Valentia canonicos, inuenti
sunt,

sunt, qui monasterium restituerent, pristinoque redderent nomini sanctificatis. Domus S. Victoris Parisiensis, inquit Albericus anno 1129. quæ erat priora nigrorum monachorum de Massilia, eiectionis prædictis monachis, adductus est conuentus regularium de S. Rufo de Valentia. Eo ipso tempore Guido in agri Viennensis parte, quam dicunt Insulam, domum clericis excitauit, eosque per annos omnino quinquaginta rexit Prior: sed illo mortuo, ipsius discipuli, se ut in virtute perdurarent, Sanrufensibus denique addiderunt. Longè maius est quod sequitur. Cum Sanrufenses in Prouincia incipiebant, Volcy etiam in extremo quem nunc dicimus Delphinatum, canonici orti sunt, quos ab ortus loco dicimus Volcienses. Gerardus autem eorum inuentor adeo illustri pietatis claritate fulgebat, ut Auenionensis Concilij patres anno 1060. eum in Sistaricensis Episcopum, antiquissima Ecclesia, quæ omnino conciderat, restituenda euexerint. Sanrufensium tamen celebritas omne ipsorum pene nomen extinxit. In paucas neque longè positas sparsi sunt domos, cum tui canonici eam ipsam regionem, & præterea Prouinciam, Occitaniam, & Catalauniam implerent. Ad opusculum Sanrufensium initium visum est addere alia quatuor; duo de Premonstratensium canonicorum, cænobiis, Blancalanda, & Lucerna; de Benedictorum monasteriis, Mansiada, & Ganagobia duo. Premonstratensium illorum chartas ante annos quatuor diligentissimè volutavi. Blancalanda tum agebam. Ad illum me pro antiqua beneuolentia vocauerat illustrissimus Aurensis Episcopus Ioannes Vincentius de Tulles Abbas. Ganagobiam ipse adiit, & de illa veteres tabulas in publico Forcalquerij proximi tabulario legi. Demum illustrissimus Viuariensium Episcopus Ludovicus Franciscus de Susse chartularium Mansiada, cuius Abbas est, legendum præbuit.

SANRUFENSIVM Canonicorum initia.



ANRUFENSIVM Canonicorum initia prorsus obscura sunt. Nemo ex antiquis tabulis illorum autorem adhuc asseruit, nemo tempus quo primum prodierunt in lucem, nemolo cū in quo sui Ordinis posuerunt exordia Ego quidem libr. 1. de Valentinis Episcopis editione primā dixi cepisse Valētiæ: sed conjecturā potiùs nō omnino inani, quā certā ratione agentis sermo is fuit. Legebam habuisse abbatiam in illius agro ante annum millesimum centesimum, & in literis Urbani II. Pontificis ab Innocentio VIII. etiam Pontifice recitatis id legebam. In hoc ergo cogitationis, neque immerito, deueni abbatem in illa ipsa à canonicorum

corum ortu sedisse. Nunc autem alia omnia cogito. Exscriptoris errore factum arbitror, ut in literis Innocentij (apographum erat quod venit in meas manus, non archetypum) Urbanus id quod legi scripsisse feratur. Hic enim Pontifex anno 1096. Arberio *extra muros Auenionenses* abbatiam habenti scripsit; Paschalis autem Urbani successor anno 1115. Adelgerio siue Oldegario etiam *abbati canonicorum S. Rufi in Episcopatu Auennico*. Neque insolens exscriptoribus est hic, aut grauior etiam error. Sanmarthani tabulas utriusque Pontificis ediderunt in lucem. Igitur non Valentia, sed Auenione, abbas Paschalis & Urbano Pontificibus sedebat in agro. Hoc etiam videor mihi posse addere. Sanrufenses canonici Auenione sua posuerunt initia, & ex eo sibi nomen fecerunt, quod ad ædem S. Rufi factam, in Auenionensi ad Druentiam fluiuii agro, primum habitauerunt. Auenionenses metropolitana basilicæ canonici chartam seruant, quæ facit ut ita sentiam. Ea sic habet.

In nomine eterni, summi, & Saluatoris nostri Iesu Christi, omnibus Catholicis utriusque ordinis, laicis, siue clericis, Benedictus gratia Dei Auenionensis sedis humilis Episcopus. Lique pateat cunctis videlicet pene omnibus, loca prope ciuitatem Auenionensem iam dicata fuisse ad summum honorem, & magnam sanctitatem habuisse, ac religiosissime in seruitio Domini pertinuisse, sita in honore S. Iusti gloriosissimi confessoris Christi, quem patrem habitatoribus ipsius loci fuisse non dubitamus. Ac postquam huius Provincia Episcopi non per dotum speciale, sed per terrenum locum in sede episcopali sublimati sunt, per superbam relationem, & in tumorem auersi, humilitatis, & religionis gratia, quam firmiter tenere debuerant, obliui sunt, ac per hoc opes & prædia sanctæ Dei Ecclesiæ, unde pauperes, & clerici sustentari debuerant, mundiales homines iniuste possident. Ideo namque tali occasione decepta prædicta loca inhabitabiles remansit. Sed cum iam longum tempus præterisset, & me Deus omnipotens, non meis meritis sed sua bonitate in sede pontificali sublimare voluisset, ex nostra Ecclesiâ clericis diuino amore tacti, pro obliuibus carnis nostram adientes præsentiam, scilicet Arnaldus, Odilo, Pontius, & Durandus, humiliter flagitarunt, quatenus iam dicta loca sanctorum, ut religiose illic vinerent, concederemus. Quorum petitionibus præbentes assensum, una cum consilio canonicorum nostrorum concessimus, ut ab hodierna die & deinceps firmiter teneant & possideant tam illi, quam successores illorum, cum iis quæ modo illis collata sunt, & in antea collatum. Et ut ego Benedictus episcopus tali desolatione congemiscens, cupiens ut Deus annuat ad pristinum reformare, dono supradictis presbyteris iam dictam Ecclesiâ, quæ sita est in territorio Auenionis, subtus burgo ipsius ciuitatis, cum decimis, & oblationibus, cum primitiis, & cum terris, pascuis, vineis cultis & incultis, nemoribus: & dono illis super Sancto Ruso modiatâ de vinea culta omnè quod in eo continetur, &c. per omnem circuitum medium milliare. Etiam damus, &c. per longum & circuitum in vniuerso quatuor mille septuaginta passus, &c. Si autem defuerint iam dictæ persone, quod absit, quæ dictum locum teneant, & custodiant matri Ecclesiæ, & successoribus meis reuertat, &c. Actum publicè in Auenione ciuitate sub die calendarum Ianuarij anno incarnationis Dominicæ 1039.

Hactenus Auenionsium metropolitana basilicæ canonicorum charta. Vides Ecclesias S. Rufi, & S. Iusti, à Benedicto Episcopo concessas fuisse Arnaldo, Odiloni, Pontio, & Durando presbyteris. Quæ sacra erat Iusto, jam olim

olim seu temporum injuriâ seu bellorum euerfa est. Stat etiam nunc Rufo dicata. Vtramque Sanrufenses canonici, cum illa supererat, tenuerunt. Hanc nostris quoque temporibus sibi habent; & in ea antè sedebat abbas, quàm in Esparueria ad Valentiam insula sedem poneret: tenebant ipsam Vrbano etiam II. Pontifice, qui scripsit Arberio abbati & fratribus in ecclesia S. Rufi extra muros Auenionenses *canonicam vitam professis*, sexto post Benedicti literas & 50. anno, cum Arnaldus, sociorumve vnus aliquis fortasse superstes esset. A quo autem ambas accepisse dicendi sunt, quàm ab eodem Arnaldo? An potius cum Arnaldus & socij ab arde S. Rufo sacra, ad quam habitabant, nomen sibi fecissent, illud propagarunt in posteros; & Sanrufenses primum seu presbyteri, seu clerici, deinde cum in religiosum Ordinem coisissent, canonici dicti sunt? Vrbano ergo subiungit in suis literis, *Apostolica vobis auctoritate firmamus omnia, quæ Episcopi Auenion. Benedictus, Rostagnus, & Gibelinus vestre Ecclesie contulerunt*. Ea significat quæ Benedictus in charta sua posuit, donauitque Arnaldo, & socijs: nam quæ alia possidebant Auenione Arberius Sanrufensis abbas & ejus canonici? Rostagnus Benedictus successit ad annum vsque 80 post 900. Episcopus, Gibelinus verò videtur post Rostagnum sedisse: Ambo quæ Sanrufensibus seu presbyteris, seu canonicis Benedictus concesserat, supra me citatis commemorata tabulis sua etiam ipsi charta firmauerunt. Igitur ego quidem existimo eos Auenione accepisse anno 1038. sed quo anno ceperint seu *canonicam vitam*, vt cum Vrbano II. loquar, *profiteri*, seu abbatem sibi imponere, non inuenio. Arberium Sanmarthani faciunt primum abbatem, & secundum Adelbertum, ac tertium Adalgerium. Sed Lebertus ante Adalgerium sedit, anno scilicet 1108. ex Leodegario Viuariensi Episcopo, qui eo anno ipsi concessit *Ecclesiam S. Andeoli, in loco qui Burgias dicitur, vbi sacratissimum corpus eiusdem martyris quiescere videtur*, vt legitur in tabulis, quas ab eo scriptas retuli secundo de Viuariensibus Episcopis libro, numero 58. Adalgerius, siue Oldegarius è Santufensi abbate, in Barcinonensem Episcopum euasit anno 1116. Paschalis II. mandato, atque, vt Zurita libro 1. anno 1114. tradit, ex Barcinonensi antistite in Tarraconensem postea Archiepiscopum. Tam multis per vitam, & à morte miraculis inclaruit, vt totâ Catalauniâ jam tum olim habuerit vulgo sancti nomen, & Petrus Aragonie Rex, de eo in sanctorum virorum numerum adscribendo egerit cum Martino II. Pontifice, vt Hispanici martyrologij scriptor, qui pluribus de ipso disputat, docet ad diem 7. Martij. Sed quod ex Donieneco affert, abbatiam S. Rufi, cui Oldegarius præerat, fuisse, tum in *Magalonensi non procul à Montepessulano ditone*, id profecto falsum esse intelligis ex superioribus.

Hic vnum tacere non possum. Iustus, cui sacra erat ades ante omnem tabularum memoriam euerfa, dicitur à Benedicto Auenionensi Episcopo *confessor Christi, quem patrem habitatoribus ipsius loci fuisse non dubitamus*. Qui sic loquitur, is profecto tradit præpositum olim fuisse sacris eo in loco viris, vt errare dicendi sint, qui existimant primum à B. Rufo Auenionensem Episcopum fuisse. Sed quibus tandem viris præpositum fuisse dicemus, an clericis, an monachis? Vt vt hoc habeat, qui anno 1300. Sanrufensibus canonicis sacrarum breuiarium precum primus edidit, profecto errauit, cum afferuit eum è Iudæa cum Rufo & Trophimo, Magdalenaque, & Martha venisse; neque aliis eo in loco ad virtutem fuisse Ducem, sed monachis

les nescio quas post cladem à barbaris hominibus illatam ipsi & Rufo cultum prabuissent, quibus canonici ob ejusdem Rufi præcipuam venerationem dicti Sanrufenses, longo post tempore successerint. Nam è quibus tandem tabulis, Benedicti Auenionensis post annum 900. Episcopi charta verioribus, hæc accepit? Minus fortassis fallitur, qui dixerit eum esse Iustum, non autem Complutensem martyrem, qui Segureti non procul Auenione, populum innumeris supra naturæ vim prodigijs, ad sui venerationem nostris etiam temporibus adigit, vt annotavi libro 4. de Vasionensibus Episcopis numero 32. Sed profectò videtur is esse, cui dicatam ædem, Robertus & Maraco dederunt anno 1004. Sancteusebianis in Prouincia monachis. *Dederunt locum S. Euseby, vt etiam Sanmarthani tomo 4. Gallix Christianæ recitant, cum Ecclesijs deo constructis: videlicet Ecclesias S. Mauritij, & S. Iustij confessoris.*

Quoniam verò ad Sancteusebianum monasterium dicendo deueni, placet subungere chartam, quâ anno 1032. donatum est abbati S. Ægidij, in eruditorum virorum vsus: nemo hætenus inuentus est, qui eam ederet in lucem. Ipsam ex Sancteusebianis illustrissimi Ioannis Vincentij de Tulles Vaurenſis Episcopi chartis accepi. Antiquissimi monasterij Abbas est.

Anno incarnationis Domini nostri Iesu Christi millesimo trigesimo secundo, indictione decimaquinta. Tempus legis istius donationis causâ non sine gestorum reſtificatione valebat: nunc verò post hanc legem ne qualibet donatio valere potest, si gestibus non fuerit alligata. Idcirco ego in Dei nomine Edelbertus, & vxor mea Ermenganda, & filij nostri Eldebertus, & Garacus cedimus vel donamus Deo, & S. Mariæ, & S. Petro, vel S. Ægidio confessori, qui est in comitatu Nemausensi, in valle Flamanese, (Flauianam appellant alij) vel ad ipsum abbatem domino Galterio, & ad ipsos monachos ibidem Deo seruientes, tam presentibus, quàm futuris pro amore Dei, & per intercessionem omnium sanctorum, vt Deus omnipotens dimittat nobis omnia peccata nostra; & pro remedio genitorum nostrorum, vel genetricum nostrarum, vel de hereditibus nostris. Propterea cedimus vel donamus aliquid de alodio nostro, qui est in comitatu Aptensi, inter murum de castro, quod vocant Segnonem, hoc est abbatiam S. Eusebij, cum suis cellis, vel cum omnibus adjacentiis suis, id in mansis, villis, curtis, hortis, oglattis, pascuis, vineis, campis, pratis, siluijs, garricis, aquis, aquarumve decursibus, quantum ad ipsam abbatiam aspicit, vel aspicere videtur, quæ ad nos pertinet, de nostris fundis possessionibus donamus, & ad perpetuum tradimus Deo, & S. Petro, Sancto quoque Ægidio, & domino Gualterio abbati, & ad monachos ibidem Deo; famulantes sic donamus, vt monachi teneant, & possideant. Profiteor sane, si quis, nos, aut heredes nostri vel vllus homo, aut vlla apposita persona qui contra hanc cessionem, vel donationem istam, sic agere, vel inquietare voluerit, non valeat vendicare quod expetit: sed in ipsius iram Dei omnipotentis incurrat, & S. Mariæ, & S. Michaëlis Archangli, & S. Petri Apostolorum principis, necnon & sancti eximij confessoris Christi Ægidij, & S. Eusebij incurrant maledictiones, & omnium Sanctorum abominationem & maledictionem accipiant, quas repperunt Dathan, & Abiron, quos viuos terra absorbit, & cum Iuda traditore, qui Dominum tradidit, in infernum partem habeant, & hoc præsen firma & stabilis permaneat, omni- que tempore.

Antè huic de Sanrufensium canonicorum initijs lucubratiunculæ, quàm finem imponam, placet vnum addere. Fuit qui assereret vnam ædem sacrâm, non

non duas Arnaldo & lociis datam esse, eamque S. Rufi, nullam S. Iusti; negareque illos, errare, qui S. Iustum faciunt secundum Auenionis Episcopum, utpote ita sentientes cum vetere catalogo Episcoporum Auenionensium, antiqua Auenionis historia, quæ in Vaticana bibliotheca seruat, vetere Officio & manu & typis scripto canonicorum Sanrufensium, Rituali MS. eorumdem edito sub Letherto Abbate, charta demum membranæ in volumen circumacta quæ ante annum 1629. erat imposita tumulo S. Iusti. Verum abs dubio Benedictus Auenionis Episcopus dedit Arnaldo & lociis templa duo, alterum S. Rufi, S. Iusti alterum; & prorsus errant qui arbitrantur S. Iustum fuisse secundum Auenionis Episcopum. Sed cum errare dico, id tantum cogito, quod vox apud scriptores Latinos sonat. Errat apud Cicero, Terentium, Liuium, qui falsum dicit. *Errare malo cum Platone*, inquit Cicero, *quam cum istis vera sentire*. Igitur ut ad primum illud de templis duobus veniam, sic legimus in tabulis Benedicti Episcopi: *loca sita in honore S. Iusti; & iam dicta loca Sanctorum*; atque *Ecclesiam super burgo*; ac *super S. Rufi modiatra de vinea*. Hæc omnia significant templa duo, ut pater, non vnum; atque duo, quorum alterum S. Rufo sacrum est, S. Iusto alterum. Secundum autem de S. Iusto, quod non fuerit Auenionis Episcopus, idem Benedictus non ineuidenter docet istis verbis: *Lique pateat cunctis loca prope ciuitatem Auenionensem iam dicata fuisse ad summum honorem, & magnam sanctitatem habuisse, ac religiosissime in seruitio Domini persistisse, sita in honore S. Iusti, quem patrem ipsius loci fuisse non dubitamus*. Qui sic loquebatur, tibi videtur fando vnquam accepisse Iustum hunc fuisse Auenionis Episcopum; nonne potius docet fuisse patrem & magistrum, hominum asceticam in eo loco vitam agentium? Profecto illi vni major debetur fides, & Auenionis Episcopo, & omnino antiquissimo de S. Iusto scriptori, quam Anonymis illis scriptoribus quos aduersarius affert.

BLANCALANDA, ET Præmonstratenſes Blancalanda Abbates.

RICARDVS de Haia Præmonstratenſes canonicos Blancalanda vocauit. Normanniæ Conestabilem plurimi nunc faciunt, & ante annos ducentos non pauci. Ex eo facere putabam, quod Humetij dynasta & Haia putei, & Vvanrengebecco, quibus fuerat dominatus, ex Egidie filie dote imperitantes, Conestabilis dignitate positi sunt, quasi eam quoque in genus ipse transfuderit. Nunquam tamen se ipse Conestabilem dixit, nunquam dixere coxtanci. Sed neque dixerunt qui elogium sepulchro inscribere. Ipsi verò gener Ricardus de Humer sex ante ejus mortem annis, millesimo scilicet centesimo sexagesimo tertio, Conestabilis Normanniæ erat, ut tradunt antiqua Normanniæ chronica à Duchesnois edita. Matildis vxor sacro in opere sociam se præbuit. Vernoniæ gente fuisse vulgò aiunt, neque immerito. Ipsa, conjux-

que voluerunt, vt Vvilelmus de Vernone, & Radulphus de Haia adessent abbatiam condentibus, remque suo nutu firmarent, maximo certè argumento Matildem Vvilelmo cognominem, sanguineque proximam fuisse, cum Radulphus Haiensis gente fuerit, & de Ricardi fratre genitus. Ipsa tamen omnibus in tabulis Matildem de Haia se vocat: eodemque nomine appellatur in sepulchrali lapide, ex more fortassis Normannarum mulierum, quas sibi nomen ex conjugis gentilitio facere solitas lego.

Quo anno Ricardus & Matildis, Præmonstratenses canonicos Blancalanda vocauerint, non inuenio. Anno quarto & quinquagesimo supra millesimum centesimum, cum ipsos suis prouentibus instruebant, jam altare, & proinde templum, ceterasque ædes, ipsis posuerant; tumultuario quidem, vt non ita pridem vocatis, neque dum certò reditu donatis, opere, sed tamen posuerant. Sic enim scripserunt de Vvilelmo Vernonio, & Radulpho Haiensi; *concedentibus, & super altare prefati monasterij propriis manibus nobiscum offerentibus.*

Lego eos deduxisse Danmartino in Belgio. Ex eodem Hasculfus de Sulligneio suos Lucernam viginti à Blancalanda milliaribus ante decem annos deduxerat. Cur non Præmonstrati eos accepit, quod itaque longius distat, & à Norberto sancti Ordinis inuentoire recentem spirabat, inque ceteras per orbem domos, vt caput in membra, pietatem dimittebat? Datum hoc fortassis est canonicorum Danmartinensium virtuti: an potius id fecere Francorum ab Anglis, qui Normanniæ dominabantur odia, & Anglorum fœdera cum Burgundis Belgarum principibus?

Blancalanda verò, in qua monasterium canonicis excitauere, vallis est, quam à Septentrione, & Meridie colles, tumulique ab Oriente, & Occidente claudunt. Vbi Constantinus ager incultior, se reliquâ veluti educens Normanniâ intrat Oceanum, & Septentrioni obuersus bifido contra Angliam mucrone porrigitur; ibi proximè Hatam putei, insignem ante annos sexcentos dynastiam, inter Varengebecam, Leyteram, & Numenissum, ignobiles pagos, non prorsus inamœnis tingitur in theatri figuram montibus. Nomen loco fecerunt habitus & color soli. Scilicet subalbescit ferre vniuersum, & non modicam partem infelices in saltus tristiaque tesqua (landas vulgus appellat) consumitur. Inuenio appellatam quoque Brueriâ, scilicet à tesquis, nullâ subalbi coloris, qui in solo est, ratione habitâ. Pax inter Guilelmum Anglorum Regem, & Fulconem Comitum, *in loco qui vulgò Blancalanda, vel Brueria dicitur*, facta est: inquit Ordericus Vitalis libro 4. ad annum 1003. In veteribus tabulis lego incipere ab Estencilij montis radicibus, desinere in Bellavalle. Suum illi monti nunc etiam stat nomen: isti valli (sinu potius vallis) tempora suum abstulere; & quæ id nominis quondam habuerit, in tumultosa, ac proinde sinibus in modicarum vallium morem distincta regione non possum dicere. Hi sunt ad Septentrionem, & Meridien fines. Quos ab Oriente & Occidente seu quondam habuerit, seu nunc habeat, quis in maxima post 500. annos prædiis mutatione limitum ac nominum asserat? Estencilius mons omnis saltuosus, leniter, neque altè surgit ad Boream. In Occidentem resupinato, Numenilij per tumulos campi, pro regione non omnino infelices, occurrunt. Habent illos principio nemora, deinde hic seu prata, seu pascua; ibi variæ segetes, & ad potum indigenti fructum

drum vocant) pometa. Ipsos à tergo claudunt Douillani, & ad Meridionale latus Sanlymphonianenses agri pascuis, & segetibus lacti. Hos ad eundem Austrum sequuntur primum in monte nemora, deinde virgulteta Haia putei, donec ad Leyteranos venias, qui deinceps Blancalandam cingunt tribus ad Meridiem collibus, Scabioso, Broquebuxo, & Poteriano. Nominum causas nullus tradidit. Modicis vallibus distinguuntur. Ab Oriente in Occidentem longè tendunt. Cædvis siluefcunt fere vniuersi virgultis. Niandra Poterianum, quâ in Septentrionem, & Orientem resupinatur, excipiunt. Iis versus Orientem succedit per tumulos, in agro Varengebeccio Boa, quæ à S. Michæle dicitur, area, aræque non modicum de præcelsa quercu fagoque nemus, quod via regia ab Estenclisio sejungit monte. Quæ memoratis finibus clauditur Blancalanda, ea per hiemè de Leyteranis montibus torrètes, & omnè perannū modico fluentes è paucis fontibus agmine, aquas excipit media.

Ad istas Ricardus. & Matildis, ædes canonicis Dammartino deductis pofuerunt. Ibi excitasse, vbi nunc visuntur, intelligis ex templo. Habet id conditoria Ricardi & Matildis. Ad ipsius meridiem habitauere semper canonici. Potuit quidem tempus, vt in hominum animis, vsuque rerum ac opportunitate, aliquid fere mutat, nunc ad illud canonicorum domum ad-mouere, nunc ab eo aliquantulum sejungere: sed ad aliam ipsius partè nunquam posuisse hoc affinitat, quòd ad aliam nulla vnquam aperta fuit in tèpli pariete porta quæ, vt solet, ad claustrum ferret. Blancalandanus Anonymus in chronologia MS. docet annos omnino 30. positos in ædificatione templi. Anno 55. supra 1000. ita scripsit; *Hoc anno fundata est Ecclesia S. Nicolai de Blancalanda: sexto autem & octogesimo; Hoc anno dedicata est Ecclesia S. Nicolai de Blancalanda.* Et Francorum Anglorumque publici, & Ricardi Matildisque Haiensium familie priuati motus abs dubio fecere, vt cepta ædificatio produceretur in tam longum tempus. Denique Matildis Ricardo mortuo dans Blancaladanis canonicis *molinum de Riua ad faciendum luminare Ecclesie, cum tota multa suorum hominum de veteribus essartis*, ait se id concedere in anno, in quo recuperauit tenementum suum de manu domini Regis.

Iam quibus opibus monasterium sui fundatores instruxerint, accipe ex tabulis quas confecese.

Ricardus de Haia, & Matildis vxor eius, omnibus hominibus suis & amicis Normannie, & Anglie salutem, & dilectionem. Notum sit vestre dilectioni, & omnium tam presentium, quàm futurorum caritati, quòd nos in propria hereditate nostra, in loco qui Blancalanda dicitur, vnum monasterium fundauimus in honore Dei & Domini nostri Iesu Christi, & beata genitricis eius, & sanctissimi confessoris Nicolai; ibique conuentum canonicorum ad seruendum Deo in Ordine Præmonstratensi constitui-mus, quibus ad victum & vestitum, pro redemptione animarum nostrarum, de paruitate nostra hæc subscripta conferentes in perpetuam elemosinam, per manum D. Ricardi Constantiensis Episcopi Domino consecrauimus, Vilelmo de Vernone, & Ricardo filio eius, & Radulpho de Haia nepote nostro, concedentibus, & super istare prefati monasterij propriis manibus nobiscum offerentibus, ipsum videlicet locum in quo fundatum est monasterium, cum omnibus adiacentibus suis, à Bellualle vsque ad montem Estenclis, sicut eum à foresta separat terminorum appositio. In Haia-putei terram Cornart: in telone quadraginta solidos, & domum Hugonis de Nigellibulmo cum suo horto, & prædio, ita quæta, quòd homo qui

in ea manebit, vendat & emat in domo & extra, in foro, & ubique quietè: & duas acras terre iuxta terram Malconenat: & molendinum tanarium iuxta parcum. In Aufremaisnil terram Radulfi clerici, & terram Gaufridi fratris sacerdotis: & alias decem acras terre: & in mari vnam piscaturam, & salinam Hober: & terram Richerij de Fanoillers: & terram integram, quam tenebat Radulphus Cheneuuant pro vno quartario auena. In Boleuilla maiusuram Roberti Lisleman. Ad Candecote terram Rose. In Uvarengebec terram Gobe: ad Effarz duas maiusuras terre, & cum altera earum costumas in foresta ad opus figuli: forestas autem nostras ubique, & quamdiu durauerint ad omnia edificia sua propria facienda, similiter ad ignem, & ad omnia domus necessaria: pasnagium porcorum suorum in eà quietum, & suorum hominum ab ipsis hominibus sibi persoluendū, & omnes sibi utiles ac necessarias costumas forestarum: in parco autem suorum tantum porcorum quietationem, & communem cum nostris: & similiter post nos cū porcis domini libertatem, & abrosuram vnam, & coria ceruorum & omnium bisstarum: & terrā Rogerij forestary integre sub chemino scilicet, & super cheminum, quam donauerunt eis ipse & Paganus filius ejus, cum domo quæ in ea erat. In Cheteuilla terrā Hugonis Tauri, & pisces exclusæ, quocumque modo capiantur & afficiantur retis in nouio molendini ad capiendas anguillas, & si voluerint in eo facere piscaturam: & vnam maiusuram terra ibi juxta ad hospitandum piscatorem. In Boscuiilla terram Paruier. In Pompeuilla, & Vvarreuilla decimam graniarum, videlicet cū carrus attulerit garbas, siue quadrigā, vel quocumque modo afferantur, & vndecumque, nouem in grangis computentur, decima canonicis reddatur: & decimam garbagij omnium denariorum excepto teloneo, & omnium quacumque ex illis domino exeunt, & sacri, & campari crassi piscis, & serie campanie, excepto molendino de Vado. Ecclesias autem de Cheteuilla, & de Boscuiilla, & in Ecclesia de Montegardo quidquid ad feudum de Haia pertinet, similiter per manum domini Ricardi Constantiensis Episcopi donauimus huic nostro monasterio, ita scilicet quod in Ecclesia de Montegardo, canonici in vita Radulfi de Rotoz, dimidias garbas decime tantum habeant, post mortem verò eius totum integraliter ad canonicos redeat. Illam autem de Cheteuilla Godefridus sacerdos, & illam de Boscuiilla Gaufridus, quia tunc in illis erant persone, in vita sua à canonicis requirentes, susceperunt tanquam clerici obedientes, & de recognitione quod inter illos conuenit annuatim reddentes, post mortem verò eorum integraliter, & tote, excepta quādam parte decime garbarum, quæ ad præbendam de Moreton pertinet, & quietè ad canonicos redeant. Prenominati autem sacerdotes Godefridus, & Gaufridus omnem iuris hereditarij acclamationem, quam in illis faciebant, in manu domini Episcopi resignauerunt, & super altare præfati monasterij propriis manibus ponentes omnino dimiserunt. Quod similiter Rodulphus de Rotoz fecit de illa de Montegardo, & Ecclesiam S. Symphoriani cum omnibus ad eam pertinentibus, de quibus decima molendini de Candecote, & decima piscium exclusæ eius. In Anglia Cambriguchan manerium cum omnibus pertinentiis, excepta Ecclesiā. Hæc itaque præscripta præsentē clero, & populo, & approbante donauimus huic nostro monasterio S. Nicolai de Blancalanda, nihil in omnibus iis retinentes, & ab omni iure, & dominio, & secularium consuetudinibus, querelā, & exactione, ad nos pertinentibus libera & absoluta, super altare offerentes, per manum Episcopi Domino consecrauimus, excepto opere exclusæ in terra Paruier de Boscuiilla, & in terra Hugonis Tauri de Cheteuilla, quæ maiusura etiam costumas suas habet quietas in foresta, & excepta multā hominum de terra Radulfi clerici

apud Anfremaisnil, & opere exclusa. Testibus Ricardo Constantiensis Episcopo, Uvaltero Abbate Montisburgi, Radulfo Priore Exaquy, Ricardo Episcopo, & Philippo Constantiensis Archidiacono, Engelgero de Bohon, Roberto de Peretot, Renaldo de Mainil, Ricardo Auenel, Radulfo Cumes, & aliis multis. Anno ab incarnatione Domini millesimo centesimo quinquagesimo quarto in Blancalanda.

Hactenus tabula Ricardi, & Matildis. Ricardus Constantiensis Episcopus eas pro illorum temporum more suis probauit, roborauitque; & addidit Ricardum Auenel dedisse monasterio Ecclesiam de Bauteis, adiunxitque verba sequentia. *Donauerunt & alij, prout diuina gloria eis inspirare voluit, Uilelmus de Vernone tres quartarias frumenti in molendino de Nigellibuno. Uilelmus de S. Ioanne ad Thoreuillam, terram Godefridi filij Radulphi Concy. Rudolfus de Haia vnam salinam cum omnibus pertinentiis, quam Uilelmus filius Vvache des Vvelles tunc tenebat. Hinsfridus de Bohon, ad pontem Vime decimam molendini de Biart. Engelgerus de Bohon, ad Bohon terram de Rolener. Ricardus de Glategneio i. m. salis, & totam terram suam, quæ est iuxta Blancalandam de feodo Rogerij monasterij. Rainaldus de Maisnillo multa hominum suorum de Runceia, vnam quartariam frumenti in molendino de Douilla. Thomas Bardous decimam molendini de Bresilleuast. Hugo Vvach, in Chateuilla terram quæ dicitur la Croute Annon. Hæc ille eodem anno quarto & quinquagesimo. Tercio post Henricus Angliæ rex eadem Ricardo Episcopo memorauit suis literis firmauitque: eas verò ita conclusit. *Ut autem hæc omnia superscripta, & quæcumque in futurum, & à quibuscumque rationabiliter & iuste prædictæ Ecclesie fuerint collata, firma & illibata permaneant, regis auctoritate confirmo, & confirmata in regnum post me venturis protegenda, & confirmanda relinquenti commendo. Donauerunt & alij non pauca, præter eos, qui à Ricardo Episcopo memorati sunt; sed modica nobilium virorum munera sequi præterea oratione nõ iuuat. Blancalandanorum historiarum canonicorum summa capita dicere suscepi, non autem eorum prouentus sigillatim censere. Hæc tamen quæ sub ipsa monasterij initia in eos collata sunt, prætermittere nolui, ut summorum virorum pietatem intelligeres, qui ad illud opibus augendum, ceteris per consequentia tenipora duces magno & illustri exemplo fuerunt. Tacere tamen nec velim, ne debeam Ioannem Motetonij Comitem Blancalandanis canonicis concessisse ecclesiam S. Laurentij in Gerfoio insulâ; & cum è Comite in Angliæ Regem euasisset, Uilelmum Constantiensẽ Episcopum in id doni consensisse, anno secundo & nonagesimo post millesimum centesimum. Principis exemplum secuti Vv. Paren, Rodulphus Paren Uilelmi frater, Ioannes de Lespessã, Uilelmus de Chaêne, & Radulphus Pagani, plures decimas Sanlaurentianæ illius dynastiar, prædique non pauca iidem largiti sunt. Quid autem sciam, prioratus omnino sex iidem insuper attributos olim fuisse, Broquebeusium, Crotabrunanum, & Sanmargaritanum, Estoublonium, Lestræum, & Arneuilanum? De Crotabrunano, Lestræo, & aliis, nihil lego ante annum millesimum ducentesium: Bruguebeusius sub initia Blancalandani monasterij erectus est à Guilelmo de Aurea-Vallè domino de Luitheare; erectionemque probauit, plurimumque auxit, Adam de Portu, Luithearis post Guilelmum dominus, Petro abbate, qui ab anno millesimo centesimo sexagesimo septimo, usque ad millesimum ducentesium decimi im præfuit monasterio.**

Qui & quo numero, canonicus Dammartino venerint Blancalandam, nullæ tabulæ habent. Silentium triste, posterisque damnosum. Pietate insignes, morumque integros fuisse affirmat, quod Blancalandam à suis præfatis sunt præ aliis pluribus missi; quod Ricardi, & Matildis, monasterij conditorum, expectationem implevere; quod Ricardum Auenellium, Vvilelmum de S. Ioanne, Himfridum de Bohon, aliosque Constantinâ regione illustres viros adduxerunt ad augenda fundatorum mûnera. Sed illa virtus fuit profectò singularis, quâ factum est ut frequentissimi iuvenes, alij ab alijs, ad nostra usque tempora Præmonstratensem Ordinem amplexi sint, omnemque vitam egerint Blancalandæ in Dei laudibus. Anonymus Blancalandæ chronologus ita loquitur anno millesimo centesimo sexagesimo septimo: *Ranulphus primus pater fratrum Blancalandæ.* Quia non vocat abbatem, existimo fuisse sociis Dammartino venientibus ducem, & ad illud usque tempus, quo instructis in sedibus abbatem sibi præficerent, patrem. Certè abbatum syllabus, libro funerali canonicorum ad finem additus, tradit secundum abbatem fuisse, non primum. Placet eum asserere, ipsoque omnem de Blancalandano monasterio lucubratiunculam concludere.

Robertus de Pretot. Creatur anno moritur anno die 2. Maij.

Ranulphus de Runcheia. Creatur anno moritur anno 1167. die vicesima sexta Iulij.

Blancalandanus Anonymus in sua chronologia sic habet anno 1167. *Hoc anno obiit domus Ranulphus primus pater fratrum Blancalandæ.*

Petrus, dictus Poeta. Creatur anno 1167. cedit abbatia anno 1213. 7. cal. Nouembris. moritur anno 1217. 12. Iunij.

Robertus de Rauenuilla. Creatur anno 1217. calendis Decembris. moritur anno incerto 26. Aprilis.

Nicolaus de Stranilla. Creatur anno incerto. moritur anno 1232. die tertia. Martij.

Petrus de Baudienuilla. Creatur anno millesimo ducentesimo trigesimo secundo, cedit abbatia anno 1247.

Robertus, dictus Hayton, siue Hyton. Creatur anno 1247. cedit abbatia anno 1253. 16. Nouembris.

Thomas de S. Maria ecclesia, dictus Rex. Creatur anno 1253. 3. idus Maij. moritur anno 1260. 27. Octobris.

Guilelmus Aubéri de S. Maria ecclesia. Creatur anno 1260. moritur anno 1271. 14. Nouembris.

Thomas Fabien. Creatur anno millesimo ducentesimo septuagesimo primo, moritur anno 1298. 30. Augusti.

Robertus, dictus Hardy. Creatur anno 1298. moritur anno 1331.

Ioannes Pirebout (alijs Pitebout.) Creatur anno 1331. moritur anno 1337. 17. Ianuarij.

Guilelmus de Corfello (alijs Coefello) Creatur anno 1337. moritur anno 1349. 5. Septembris.

Nicolaus de Bonauilla. Creatur anno millesimo trecentesimo quadragesimo nono, moritur anno 1362. 27. Augusti.

Albinus le Rous. Creatur anno 1362. moritur anno 1377. 3. Aprilis.

Thomas de insulis. Creatur anno 1377. moritur anno 1412. 23. Iunij.

Thomas

Thomas de S. Laudo. Creatur anno 1412. Accipit mitram, & alia pontificalia à Ioanne 23. anno 1413. Hic anno 1430. Henrici sexti Angliæ Regis concessione, è Britannia, in quam cum sanctorum reliquiis, argenteisque templi vasis, & monasterij veteribus chartis fugerat, redit Blancalandani. Henricus ab annis nouem tum regnabat: igitur Thomas supra nouem annos in Britannia fuit. Secum habebat duos è Blancalandanis canonicis. Hæc omnia leguntur in membræa charta Blancalandæ, qua Henricus Rex Thomæ concedit vt in suum monasterium redeat. Thomas. moritur anno 1447. 26. Februarij.

Thomas de S. Laudo, junior, & nepos præcessoris. Creatur anno 1447. moritur anno 1461. 9. Septembris.

Nicolaus Mulot. Creatur anno 1461. cedit abbatia anno 1476. moritur anno 1483. 9. Februarij.

Nicolaus Pitebour. Creatur anno 1476. moritur anno 1485. die decima tertia Februarij.

Petrus Rosselin. Creatur anno 1485. moritur anno 1501. 5. Martij.

Petrus Fabri. Creatur anno 1501. moritur anno 1507. 1. Iunij.

Laurentius Mulot. Creatur anno 1507. 22. Iunij. cedit abbatia anno 1535. & moritur 2. Februarij.

Nicolaus le Maistre. Creatur anno 1535. cedit abbatia anno 1539. die 23. Aprilis.

Nicolaus Maistre, junior. Creatur anno 1520. 6. Maij.

Franciscus de Bouliers, Manne in Prouincia dominus. Creatur anno incerto, ex abbate Foroiulienfis Episcopus.

Philippus Trouffey. Ex priore abbas, Porphyriensis fuit Episcopus.

Franciscus Trouffey.

..... Grimaldi S.R.E. Cardinalis, postea Aquensis Archiepiscopus.

Zongus Ondodei. deinde Forojulienfis Episcopus.

Ioannes Vincentius de Tulles Vauensis Episcopus.

Ceterum quo anno Ricardus de Hala, & Matildis Ricardi vxor, Blancalandani monasterij fundatores mortui fuerint, accipe, ex inscriptione, quæ in eorum sepulchris visitur in Blancalandano templo, ad summi altaris dexteram.

Hic iacet corpus nobilissimi domini Ricardi de Hala, militis, conditoris hujus Ecclesiæ, cujus anima partem habeat cum beatis. Ipse quidem obiit anno domini millesimo centesimo sexagesimo nono, sexto calendis Maij.

Hic iacet corpus nobilissime domine, domine Matildis de Hala fundatricis hujus Ecclesiæ, cujus anima partem habeat cum beatis. Ipsa quidem obiit anno Domini millesimo ducentesimo nono, quarto calendis Augusti.

LVCERNA, ET LVCERNÆ Abbates.



V CERNA, siue, vt in antiquis aliquot chartis legimus, Lucerna, & Luiferna, vicus est in Abrincensi Normanniæ diocesi. Præmonstratenses canonici anno 1143. ad eam Dammartino venerunt Tescelino

celino Duce, & primo postea abbate, Hasculfus de Suligneio eos excepit domi suæ, ipsisque monasterium erexit, ac dotauit, sub roboream siluam, loco irriguo, neque in amœno; & octodecim post annis Guilelmum de S. Ioanne accepit in abbatiæ foundationis socium. Vniuersæ ædes seu à Francis, seu à Anglis, per aspera illa & diuturna inter utramque gentem bella, non semel sunt euerse, pacæque redditâ restitute. Franciscus à Bellario, optimus & piissimus abbas, templum ad omnem pro loco elegantiam nuper ornauit, & claustrum suis omnibus officinis aptè instruxit. Tabulæ quibus Hasculphus seu monasterij dotem confecit, seu Vvilelmum de S. Ioanne in abbatiæ fundatoris & aduocati socium accepit, ad me non peruenierunt. Henricus Angliæ Rex, monasterij ab eo erectionem literis suis probauit, & Ricardus Abrincensis Episcopus scripsit acceptionem Vvilelmi ab Hasculfo in abbatiæ fundatorem & patronum, atque omnem rei gestæ ordinem. Vtriusque charta visitur in tabulario Lucerthensium canonicorum. Nobile hoc antiqui temporis monumentum, ad communes eruditorum vsus publicam in lucem educere, & hîc exscribere mihi visum est. Angliæ rex ad Hasculfum adiungit ceteros proceres, qui muneris aliquid in monasterium contulere, sic loquitur.

Henricus Angliæ Rex, & Dux Norm. & Aquit. & Comes Andeg. Archiepiscopo Rotom. Episcopus, Abbatibus, Comitibus, Iustitiis, Baronibus, Vicecomitibus, Ministris, & omnibus fidelibus totius Normannie salutem. Sciatis me concessisse, & confirmasse in perpetuam elemosynam Deo, & Ecclesiæ S. Trinitatis de Lucerna, & regularibus canonicis ibidem Deo seruientibus; quidquid eis rationabiliter datum est. Videlicet ex dono Hasculfi de Suligneio molendinum scilicet cum molta, & totam terram cum hominibus, & duas garbas decime; & partem nemoris in dominio, & in reliquo decimam siue in pascuis, siue in venditione lignorum; & in Gripone decimam de omnibus redditibus, ad dominum castri pertinentibus, & duos burgenses. In Marceio masuram Osberni Dapiferi, & quidquid ibi siue de dono, siue de emptione possident. In Suligneio vineam de Doi, & dominium suum circa vineam, & masuram Ranulfi de Montibus. In Rosigneio decem acras terre. In Crolum sex acras. Ex dono Ioannis de Suligneio totam terram suam de Luiserna cum hominibus. Ex dono Vvilelmi de Semtleio, & uxoris ejus Leiart, decimam molendini de Burreio. Ex dono Gaufridi de Suligneio decem acras terre in Burreio. Ex dono Roberti Hairon dimidiam acram terre in Suligneio, & decimam molendini sui de Charenceio, concedente uxore, & genere, & filia sua, & masuram Roberti filij, Maria. Ex dono Philippi de S. Petro Lansgier, & Alani filij eius, & Henrici fratris ejusdem Philippi, decimam de omnibus molendinis suis de S. Petro, de Montuiron, de Donuilla, de Vallé Sere, de Cornical, & vnam piscariam in Boillum; & quidquid in Ecclesiâ de Montuiron ad ipsos pertinebat, & dimidiam decimam de tota sua terra in parochia S. Petri Lansgier. Ex dono Hasculfi Dastinel dimidium molendinum suum, & dimidium dominium suum in Cambis, & ex dono Petri fratris eius masuram Rogerij Lemonner. Ex dono Ricardi Penurel in Canceio masuram Osberni filij Basire, & vnum clausum. Ex dono Vvilelmi Dastin in Sartille duas acras terre. Ex dono Huarchi dimidiam acram. Ex dono Philippi de Musca quindecim acras terre in Luiserna, iuxta nemus, & totam terram inter Tar, & duellum aqua molendini Patriz. Ex dono Rogerij Pilet in Abrincis totâ hereditatem suam

nam, siue in domibus siue in vineis, & in agris, & in hortis. Ex dono Lamberti de Oriere, & Berengeri fratris ejus, duas acras terra juxta murum ciuitatis Abrinc. Ex dono Bertrandi de Verduno ibidem dimidiam acram. Ex dono Ricardi Abrinc. Episcopi ecclesiam de Montuiron cum omnibus pertinentiis suis. Ex dono alterius Ricardi Episcopi, & Hasculfi de Suligneio, Ecclesiam de Suligneio cum omnibus pertinentiis suis. Ex dono Vvilelmi filij Vitalis suas vineas. Ex dono Radulfi Britonis virgultam vinea. Ex dono Vvilelmi de Duxeio, & matris ejus, tres acras terra in Cancervol. Ex dono Vvilelmi Delbois mon. sexaginta acras terra juxta Seinam. Ex dono Ricardi de Rochella sex acras juxta suum viuarium. Ex dono Roberti de nemore duas acras. Ex dono Ramaldi de Labquerie duas acras. Ex dono Ricardi de Lingieure, & Ricardi Vvasce masuram Alpoignant. Ex dono Rogeri de Crolum vnam acram in Crolum, & quidquid ibidem, siue de dono, siue de emptione possident. Ex dono Radulphi Peileuilam quartam partem molendini de Nigrapalude. Ex dono Ranulphi de Borgenone duas acras. Ex dono Bernulfi tres acras. Ex dono Radulfi de Veim quinque acras. Ex dono Ruallendi de Genecio sex quart. salis in vna salina ad Genecium. Ex dono Bernardi abbatis de monte, & totius conuentus, collem juxta viuarium canonicorum. Quare volo, & firmiter precipio, quod predictos canonicos nullus perturbare audrat, nec de his omnibus in placitum mittere, nisi ego precepero. Sed hac omnia predicta habeant & teneant, cum omnibus pertinentiis, & liberis consuetudinibus, & quietantiis suis in bosco, & plano, in pratis & pascuis, in viis & semitis, in aquis & molendinis, in burgo & extrâ & in omnibus locis ita bene, & in pace, & liberè, & quietè, & honorificè, sicut charta eorum eis rationabiliter testantur, testibus Philippo Baiocensi, A. Lexouienfi, R. Ebroicensi episcopis, Thomâ Cant. Ricardo de Humeto Constabulario, Man. Biscapifero, Vv. filio Ioannis, Vv. filio Ham. Iordano Tesson apud Argentom.

Hactenus Anglorum Rex. Quo anno dedit istas literas? incertum est: Certè non eas scripsit post millesimum centesimum sexagesimum tertium; ipso enim Philippus Baiocensis Episcopus testis mortuus est: neque ante quinquagesimum illius seculi, ipso enim regnare post Stephanum cepit. Henricus scilicet secundus est hic, qui extremum diem obiens septuagesimo, tertium reliquit heredem, cum primus ante Stephanum anno centesimo regnum adierit mortuo Vvilelmo Rufo fratre. Quocumque anno literas eas confecerit, Ricardus Abrincensis Episcopus, primo & sexagesimo suis testatus est, Vvilelmum de S. Ioanne ab Hasculfo de Suligneio accepiisse fundatoris & aduocati abbatiæ nomen, ita habent.

Uniuerfis sanctæ matris Ecclesiæ filiis, tam praelatis, quam subditis, Ricardus Dei gratiâ Abrincensis Ecclesiæ minister humiliter salutem & dilectionem. Notum sit omnibus tam futuris, quam presentibus, quod canonici de Lucerna; terram que est inter primum viuarium ipsorum, & nemus, & Thar, & Tarnet, quam prius eis dederat Hasculfus de Suligneio in perpetuam elemosynam, eidem Hasculfo reddiderunt in presentia Achardi predecessoris nostri bone memoriæ Episcopi, & nostra, dum essem Constantiensis Archidiaconus. Prefatus verò Hasculfus totam supradictam terram, qua prius elemosyna fuerat, dedit Deo, & predicto Episcopo, liberam, & solutam, in perpetuam elemosynam: Episcopus verò eam dedit Vvilelmo de S. Ioanne liberam, & quietam, ad fundandam in ea abbatiam in honore S. Trinitatis. Concessimus itaque Episcopus, & Hasculfus prius fuerat aduocatus predictæ elemosynæ,

ita & Vvilelmus deinceps aduocatus eiusdem esset elemosyna, & abbatia, qua in ea erat fundanda. Pro hac autem concessione dedit idem Vvilelmus memorato Hasculfo vnum scyphum argenteum, in presentia prefati Episcopi, & nostra. Actum est hoc anno Verbi incarnati 1161. presentibus isliis, Rollando decano, Vvilelmo archidiacono, Roberto capellano, Roberto de Rochella, & filiis eius Hugone, & Andrea, Roberto de S. Ioanne, Gilberto de Campellis, Rogerio paupers de Rochella, Ranulfo de S. Petro, Radulfo de S. Maria, Vvilelmo de Fulgeriis, Ricardo de Aurea valle, magistro Ricardo de S. Petro, & Ramaldo capellano de S. Ioanne, Ricardo capellano, Rogerio de S. Ioanne, & aliis quam pluribus.

Quis Ricardus hic episcopus, quis ante Ricardum Achardus? Lego quidem Archardum sedisse anno millesimo centesimo sexagesimo secundo, & Ricardum primo ac septuagesimo: sed ante Achardum, vulgò fertur Herbertus extremam diem obiisse sexagesimo, mense Septembri. Igitur Cenalis, vt sedes Abrincensis non diceretur vacasse ad secundum vsquè & sexagesimum, quo Roberti de Monte supplementum tradit Achardi episcopatus initia, hæc à die septima & vigesima sexagesimi primi reperit. Tu dic ab Herberto Achardos sedisse duos, & duos etiam Ricardos: & Achardum ac Ricardum priores non sedisse multos menses. Cum Hasculfus illo episcopo Vvilelmum accepisset in abbatie fundatoris socium, hic rem gestam posuit in tabulis quas exscripsi anno primo & sexagesimo, & non multos post dies è vitâ excessit, successoremque habuit Achardum secundum ex Victorino Parisiis abbate. Ita ego quidem sentiebam, & asserendum profectò est, vt sua tabulis Ricardi antistitis veritas constet. Et verò non est quòd quis arbitretur dici per magnum errorem scriptas anno primo & sexagesimo, quo Archardus sedebat, cum scriptæ fuerint primo & septuagesimo quò Ricardus sedere cepit, nam Vvilelmus anno secundo & sexagesimo terram illam inter primum vinarium, & nemus, & Thor, & Tharneth, ab Archardo episcopo acceptam, tradit Achardo (certè secundo seu posteriori) episcopo Lucernanis canonicis ad excitandum in ea monasterium. Eo ipso & præterea nonagesimoprimo plurima illis concessit, vt ex charta, quam Lucetnenses canonici seruant, intelligere est, neque placet eam ex scribere.

Atque hæcenus dictum sit de fundatione Lucetnensis monasterij. In eius tabulario charta est, manu innominati canonici supra ducentos annos scripta, quæ summa nonnullarum illius rerum capita per annos chronologicos deducit sequentibus verbis.

Anno 1143. Hasculfus de Suligneio fundauit monasterium in nemore de Curuasossa. Anno 1144. Tescelinus circa festum S. Sebastiani creatur primus abbas. Eodem anno, octauo idus Iunij, moritur Tankerendus primus prior, in cuius pectore crux lactea in hora mortis apparuit. Anno 1145. è nemore fratres descenderunt in vallem iuxta Thor, & exceptisunt in capella lignea à Ricardo de Suligneio Abrincensi episcopo, fatre fundatoris, qui in ea consecrauit altare coram innumerabili populo in festo S. Lucæ. Nemoris sedes incommodissima erat. Anno 1156. Tescelinus primus abbas moritur 15. cal. Februarij. Anno 1157. Ansgotus 19. Maij creatur secundus abbas. Anno 1161. Nomen fundatoris translatum est ab Hasculfo de Suligneio ad Guillelmum de S. Ioanne.

Anno

Anno 1162. 10. cal. Maij è valle iuxta viuarium, vbi annis 16. mensibus 6. & diebus 6. fuerat abbatia, fratres venerunt in locum in quo nunc ea est, cum magno populi comitatu. Eodem anno primum donum fecere Guilelmus de S. Iohanne, Robertus frater eius, & Oliua vxor eius, de loco in quo fundata est abbatia, de Garreio, de ecclesia S. Iohannis cum suis pertinentiis, de piscaria ad mare, de ecclesia de Rochella, de ecclesia de Angelo, de dimidia ecclesia de Tonuilla, de feodo de Bassoburgo episc. Constant. & multis aliis in episcopatibus Abrinc. & in Anglia. Anno 1164. 12. cal. April. ecclesiæ primus lapis iactus est ab Achardo Abrinc. episcopo, & Ansgoto abbate, offerentibus Asculfode Suligneio & Vvilelmo de S. Iohanne fundatoribus. Anno 1178. presbyterio, choro, & peractis Ricardus Abrinc. episcopus introduxit nos in ecclesiam, & eius altare consecrauit, in honorem omnium apostolorum, in festo S. Thomæ. Anno 1206. Ansgotus, cum rexisset annos 49. sex mensibus & quinque diebus minus, causatus insufficienciam ætatis, Ordinis consilio requisito, cessit abbatia, in vigilia Apostolorum Simonis & Iudæ, & postea obiit 10. calendas April. Anno 1215. & 1216. Radulphus de Dragnauilla erat abbas: fuerat prior temporibus Ansgoti. Obiit 7. idus Nouembris. Anno 1345. cepit maxima mortalitas, quæ durauit annos tres, & extinxit vbique terrarum partes duas virorum & mulierum, abbate Rudulfo Clerici. Huius abbatis tempore dirutæ sunt tres partes turris, sinistra crux, seu pars ecclesiæ cum capellis à summo vsque deorsum, pinnaculum, & porta naui ecclesiæ radicitus, & totæ votæ seu dicus eiusdem naui, sic quod non remanserunt in nauibus nisi tres postes in medio à parte sinistra, totum dormitorium, refectorium, & horrea refectorium & ecclesiam tangentia, vel succensa, vel à tertiam prostrata fuerunt. Porta anterior, & eleemosynaria, & omnes aula, ac domus easdem contingentes, ad nihilum redactæ, & sic per multum tempus extiterunt. Solum ibidem remansit valetudinarium cum cappella, in qua faciebant inopes Officium. In abbatum serie, manu eiusdem aulaterius canonici primum ceptâ, deinde ab aliis alios tempore ad nos deductâ, monasterii hæc strages ab Angliæ & Nauarræ regum militibus anno 1345. illata traditur. Eam seriem ex eiusdem abbatia tabulario à me cum ceteris quas hætenus retulit, chartis exscriptam accipe. Scilicet id vnum de Lucernanis præmostratenisbus vt dicam reliquum est. Quia tamen in superioribus sæpenumero legimus acram tetra, placet (hic prius addere sequentia ex litteris quas meminimus me legere in archiuo monasterij Blancalandani. *Acra capit vergas quatuor, vergæ perticas quadraginta, pertica pedes quadratos viginti quatuor.* Ex istis verbis intelligere est in libro variorum autorum de limitibus, Innominatum vera scripsisse cum attulit sequentia. *Pertica, passus duo, id est pedes decem, Perticæ autem iuxta loca, vel crassitudinem terrarum, prout prouincialibus placuit, videmus esse dispositas quasdam decempedas, quibusdam duos additos pedes, aliquas verò quindecim vel septemdecim pedibus definitas: ita dumtaxat vt crassioribus terris minores mensuras, sterilioribus maiores tribuissent.* Certè tabularum illarum auctor dat perticæ pedes 24. non autem 15. aut 17.

ABBATES LVCERNÆ Præmonstratensium.

1. Tescelinus (Tescelinum etiam dicebant) creatus est anno 1143. obiit anno rexit annos 11.

2. Angot. Creatus est anno 1157. Obiit anno Rexit annos 49. minus mensibus sex, diebus 5.

2. Radulphus à Dragneuilla. Creatus est anno 1213.

4. Daniel. Obiit 7. idus Septembris. Erat abbas anno 1225.

5. Ricardus. Obiit idibus Martij.

6. Thomas. Obiit 11. cal. Aprilis.

7. Nicolaus Bouteroye. Creatus est anno 1235. Obiit an cal. Decembris. Dedit Philippo priori & fratribus Domus Dei Constant. 2. garbas terræ feudi Comart prid. cal. Iulij.

8. Petrus à Tomeuilla creatus est anno 1257. Obiit an Rexit annos 17.

9. Ioannes Bouteroye. Creatus est anno 1275. Obiit an 12. cal. Iulij. Rexit annos 5.

10. Robertus Ioannis. Creatus est anno 1290. Obiit anno 1326. 17. cal. Decembris. Rexit annos 36.

11. Thomas Barbon. Creatus est anno Obiit anno 1334. 11. calend. Martij. Rexit annos 8.

12. Rodulphus le Clerc, Radulphus Clerici, dictus de Landa, quia ortus erat de Landa Darou Constant. diocesis. Creatus est anno Obiit anno 1370. 15. Martij. Hoc abbate Nauarra & Angliæ regum milites abbatiam incenderunt, & euerterunt omnem, excepto valetudinario, in quo religiosi perrexerunt celebrare diuinum officium.

13. Thomas Tacon à Murdragueria. Modagreriæ alij vocant. Creatus est anno Obiit 18. Iulij anno 1378. Rexit annos ferme octo.

14. Ioannes à Tallenanda du Mesnilrobert. Creatus est anno Obiit anno 1397. 5. idus Februarij. Rexit annos quasi 18.

15. Ioannes du Rocher. Creatus est anno Obiit anno 1407. die 26. Maij. Rexit annos 11. Hoc abbate Campanile in eam speciem, qua nunc etiam visitur, restitutum est.

16. Philippus Badin. Creatus est anno Obiit anno 1452. Rexit annos 41.

17. Gaufridus le Court. Creatus est anno Obiit anno 1464. Rexit annos 12. Hic obtinuit à summo Pontifice jus mitræ: chorum sedibus, quæ nunc etiam visuntur, instruxit: & aliis pluribus ornamentis abbatiam auxit.

18. Ricardus de Laual, Ardennæ etiam abbas. Creatus est anno Obiit anno 1490. die 9. Ianuarij. Hic columnas claustrij erexit, & multa alia ad abbatiam decus suscepit.

19. Ricardus de Laual junior, Ardennæ etiam abbas. Creatus est anno Obiit anno millesimo quingentesimo septimo. Rexit annos nouem.

20. Franciscus

20. Franciscus Caignon. Creatus est anno Obiit anno 1528. Arden-
na. Rexit annos 22.
21. de Grammont Cardinalis. Rexit annis 1529. & 1530. Ioan-
ni de Prou, qui religiosus à religiosis electus fuerat, faciens pensionem.
22. Franciscus de la Guiche ad abbatiam Lucemæ peruenit permutatio-
ne cum Cardinali Grammontio. Rexit annos 18.
23. Odettus à Castellione Cardinalis. Rexit annos 22. Cepit regere anno
..... In hæresim prolapsus hic est, damnatusque à summo Pontifice.
24. Andreas de Guidoty. Creatus est anno 1551.
25. Renatus Iordarius.
26. Ioannes à Bellaria.
27. Franciscus à Bellaria. Moritur anno 1658.

M A N S V S A D Æ, seu Manfiada.



ANSVS Adæ est nobile Monasterium in Viuariensis prævinciæ
summis montibus. Ex agri regiuncula cognomine id nominis,
cum in ea erigebatur accepit. Nunc corruptè vocant Manfiada-
dam. Scilicet tempus amat compingere in vnam vocem di-
ctiones, è quibus diuisis nomen proprium alicui rei datum est.

Manriquez in Annalibus Cisterciensium docet erectum fuisse, anno se-
cundo & vigesimo supra millesimum centesimum, animis, industriâ, labo-
re Amedei illustrissimi viri. Hic Conradi Imperatoris consanguineus, ex
Albæ ripæ Dominio Cisterciensis in Bona valle non procul Vienna mona-
chus, locum & sentum situ, & vepribus impeditum ac horrens, adiit primus,
coluitque. Coquebat nobile pectus & vehementer agebat, quod superiore
anno Bonam vallem Cluniacò mutauerat, omnique pœnarum genere ac
ærumnatum vilescebatur, & delere contendebat turpissimum scelus. Anno
millesimo centesimo decimo nono venerat ad cœnobium, & in eo mona-
chi professus fuerat. Illustre, sed arduum facinus! tantorum celebritatem
ceptorum id plurimum auxerat, quod viri quindecim & oratione, & exem-
plo ipsius adducti, sese dederant illi cômities, & tum iis vnicus ex vxore filius.
Hic puer, & pene infans, non potuit pro tenera ætate vestem Cisterciensem
cum ceteris induere. Igitur cœnobite datus est erudiendus literis. Sed ecce
clarissimum humanæ imbecillitatis argumentum. Puer modicus ac pene
nullos processus efficiebat in literis; & magistri, non filij, vt par erat, socordie
Amedeus hoc tribuit. Quando autem is omni virtutum genere ceteros mo-
nachos antebat, non dubitauit quam Doctori sœcordiam tribuebat, eam
ex Abbatis seu imperio, seu voluntate repetere. Igitur principio se contem-
ptum interpretari; tum animo ab Abbate ac cœnobio auerti, denique Bo-
naualle abjecta Cluniacum adire cum filio. Atrox & Bonauali fere nascenti
proprus perniciofa discessio? Non multos dies posuerat Cluniaci, cum
importuni criminis pœnitudo virum cetera optimum cepit. Quid Germa-
norum Imperator, quid ceteri tota Europa Principes viri seu sanguine, seu
affinita

affinitate juncti, de Bonauallis proprii & cujus regulam professus fuerat monasterij, tenuissimam ob rem desertione dicerent? quid illi quindecim viri ad Bonauallē ipso agente Comites? Ergo si filius Cluniaci non euadat in doctum virum, aliò abeundum erit cum illo, percurrēdaque per insignem animi leuitatem cetera Galliarum monasteria? Igitur rediit Bonauallē, filiiūque curam omnem abiecit. Hic lacrymarum magnis agminibus, & omni seu corporis seu animi abiectione pristinum locum denique accepit. Filius accurato labore & virtutem, & literas ita coluit, vt è Priore Altecumbæ in Laufanensem Episcopum euaserit, & cum magno sanctitatis nomine mortuus, illas de beata Virgine homilias nobis reliquerit, quorum & pietatem & doctrinam suspicimus. Sed Amedeus pater dolore, vt arbitrabar, sceleris actus, cogitauit alias à Bonaualle sedes, & ab Abbate obtinuit longè auias in Viuariensium montibus. Hic, cum tesqua, quæ horrore suo placuerant, menses aliquot tenuisset, atque magnis coluisset sudoribus, vocauit Bonaualle Abbatem, & duodecim monachos.

Quis fuerit primus hic Mansi Adæ Abbas, qui monachi, non inuenio: sed neque alios à primo Abbates per annos duos, & septuaginta, scilicet à millesimo centesimo vigesimo secundo, ad millesimum centesimum nonagesimum quartum. Accipe quos ab hoc anno legi in libro *instrumentorum* pertinentium ad Grangiam Abbatissæ Mansiadæ vsque ad millesimum quadringentesimum septuagesimum tertium. Addam nonnullos etiam ex paucis aliis chartis, quæ ad me peruenierunt, acceptos.

ABBATES MANSI ADÆ.



HIL. annò 1194. ex testamento Hugonis D. d'Vffel.

Petrus. Anno 1202. ex donatione monachis Mansiadæ pascuorum à Domino Montis-lauri: qui addidit vt permitteret illorum animalibus transire per terram suam. Ex conuentionibus eorundem monachorum, cum Pontio de Duobus canibus, ac illius matre: & cum Domina Alpiū atque Albinsarij de pascuis Alpiū.

Bt. Anno 1209. ex tabulis, quibus Ludouicus Viuariensis Episcopus concedit monachis Mansiadæ laudimium *territory de Broco*, empti à Raimundo de Montealto.

Phil. Anno 1220. ex tabulis, quibus Hugo Iansel dat monachis Mansiadæ quartam partem pascuorum mandamenti S Laurentij.

Geraldus. Anno 1226. ex tabulis, quibus Bertrandus de Feltro confirmat donationem monachis Mansiadæ pascuorum, in mandamento Mirabelli, factam olim à Guilelmo socru.

Arnaudus. Anno 1233. ex confirmatione pascuorum loci de Alpibus monachis Mansiadæ, &c. De his pascuis plures chartæ aliàs scriptæ sunt. Anno 1234. ex *acquisitione* cuiusdam mansi à monachis Mansiadæ; ex *acquisitione* quorundam pascuorum; ex acquisitione pascuorum à Gaufreddo de Vogono.

Geraldus II. Anno 1240. ex tabulis, quibus Stephanus de Mirabello confirmat venditionem quarundam rerum factam à patre monachis Mansiadæ.

Anno

Anno 1243. ex nonnulorum testium examine &c. An. 1245. ex ...

Guilelmus. An. 1246. ex conentionibus monachorum Manfiadæ cum
... de pascuis Alpium. Anno 1247. ex iisdem conentionibus.

Fulco. An. 1279. ex acquisitione cuiusdam deuesij à monachis Manfiadæ.
An. 1280. ex quodam accapito, quod fecit Ioanni de vlmo. An. 1281. ex ejus
conventionibus cum ciuibus S. Andeoli de Berco. An. 1282. ex donatione
quarundam rerum à Francone monasterio Manfiadæ. An. 1283. ex quadam
præconizatione. An. 1284. ex tabulis, quibus extructio Villanouæ de Berco
constituitur.

*Ex superioribus intelligis Villanouam Berci, seu de Berco cepisse anno 1284.
Philippo Rege, & Fulcone Abbate Manfiadæ. Si verò auens scire quibus pactis
conuentis, Rex & Abbas eam crexerint, accipe ex ipsis tabulis anno 1284. scriptis
à Rege Bellimonte ad Isaram fluium eo anno. Primò quod Abbas seu monaste-
rium sede vacante, & Senescallus qui pro tempore fuerit, de communi consensu in
dicta villa per se, vel per alium instituant iudices, bajulos, vicarios, notarios, nun-
tios, & alios Officiales, ad exercenda ea qua communia sunt in ipsa villa & territo-
rio, qui in initio sui regiminis iurare teneantur in manibus partium, quòd sint fide-
liter exercebunt, & cetera seruabunt que in statutis inclyte recordationis D. Ludo-
nici quondam Regis Francorum continentur: quibus de salario communiter proui-
deatur, & correctio inquisitio, punitio, & executio dictorum curialium, si eos, vel
aliquem de eis delinquere contigerit quoque modo in dicta ville territorio, & perti-
nentiis dicta ville sit communis. Item quòd curia in dicta villa in loco seu domo
communi teneatur & ibi ius reddatur, & carcer sit etiam communis, ad custodiam
delinquentium in dicta villa & territorio, & communiter ad expensas communes
prædicta fiant, & sortalitia, si contigerit fieri, fiant communiter, & communia sint.
Item quòd certus locus constitutur & assignetur infra dictam villam seu territo-
rium, in quo pœna corporales infligantur, & alibi nequeant, nec debeant infligi sine
Abbatis vel monasterij voluntate. Item quòd quicumque, vel quotiescumque con-
tinget per aliquem appellari, vel reclamari, vel aliquam sententiam dici nullam;
siue querelam fieri pro defectu iustitiæ, seu ressortium in quocunque casu, tam in
ciuibus, quàm in criminalibus, &c.*

Anno { 1285. } ex compromisso Abbatum Crudatis & Manfiadæ super
{ 1286. } constructione Ecclesiæ Villanouæ de Berco.

Stephanus. An. 1287. ex ipsius conentionibus cum collegio Canonico-
rum Viuariensium, cum curione S. Andeoli de Berco, cum priore S. Mauri-
tij. In illis conentionibus cum Collegio canonicorum Viuariensium lego
monachos Manfiadæ tum solitos conuenire ad fontem postis percussisse cum
malleolo.

B. de Auraco. Anno 1288. ex ipsius conentionibus cum ministris
Regis.

Guilelmus de Salgne. An. 1298. ex accapito Ioannis de Bariac. An. 1297.
ex conentionibus cum Domino Rupis columbæ. An. 1298. ex ipsius con-
uentionibus cum Domino Vogoni, remissione quorundam iurium, acqui-
sitione cuiusdam rei. An. 1299. ex ipsius conentionibus cum Priore S. Phi-
lippi, & exactione pedatiij per mandamentum Alpium.

Raimundus Raynaudus. Anno 1300. ex tabulis quibus ministri Regis,
& Abbatis Manfiadæ feruntur fecisse reparationes Villanouæ de Berco com-

munibus impensis. Anno 1301. ex conuentionibus ipsius cum Priore Alpium. Anno 1302. ex conuentionibus cum Priore monachorum suorum; cum Priore S. Philippi; cum liberis Ioannis Clauelli. Anno 1304. ex tabulis quibus ministri Regis, &c. vt suprà anno 1300. Anno 1308. ex conuentionibus de territorio inter riuum &c. Anno 1309. ex ipsius conuentionibus de decimis S. Andeoli in Berco. Anno 1310. ex ipsius conuentionibus cum Raimundo de Vogono. Anno 1312. ex ipsius transaactione cum ciuibz Villanoux de Berco.

Hugo. Anno 1314. ex literis quibus quidam monachus Manfiadæ prohibetur trahi *adinquiflam*. Anno 1315. ex ediæto senescalli Belliquadrensis & Nemaufenfis contra balliuum Viuariensem, qui vexabat monachos Manfiadæ: Ex conuentionibus ipsius cum dominis Mirabelli. Anno 1319. ex quadam transaactione &c. Anno 1323. ex tabulis de deuotio &c. Anno 1324. ex supplice libello procuratoris Manfiadæ domino Baladini.

Stephanus de Lacu. Anno 1331. ex tabulis, quibus Amaudus de Cumbis professus est clientelari &c. Anno 1337. ex institutione vicarij Villanoux. Anno 1339. ex cuiusdam viri. Anno 1340. ex prouocatione Mathæi de Berco. Anno 1341. ex Anno 1342. ex literis Senescalli & Thesaurarij Regis. Anno 1343. ex Anno 1352. ex Vitalis missione in possessionem clientelaris prædij à monachis Manfiadæ. Anno 1353. ex conuentionibus Manfiadæ cum ciuibz S. Andeoli; ex clientelari professione prædij à Pontio & Iordano Fresqueriis. Anno 1354. ex conuentionibus Manfiadæ cum ciuibz S. Andeoli. Anno 1355. ex clientelari professione prædij monachis Manfiadæ à Cæcilia Columberij filia. An. 1356. ex conuentionibus ipsius cum Domino Alpium. An. 1357. ex clientelari professione cuiusdam rei; ex conuentionibus ipsius cum S. Andeolo.

Petrus II. Moleta. An. 1375. ex transaactione Manfiadæ cum Domina Laureta. An. 1378. ex conuentionibus magistri de Berco, & Ioannis de Rupe.

Hugo II. An. 1388. ex *acquisitione* cuiusdam rei à monasterio Manfiadæ, folio 305. pag. 2. An. 1391. ex *laudimio* cuiusdam terræ. An. 1395. ex professione clientelaris prædij à nobili Iacobo de Blacha. An. 1400. ex *pedaliti* emptione à domino Alpium. An. 1401. ex eadem emptione in pirantia &c. An. 1403. ex conuentionibus Manfiadæ cum Valle-vinaria.

Vacat Abbatia an. 1406. ex acquisitione quarundam rerum à Manfiadæ monachis.

Petrus III. An. 1407. ex professione clientelaris prædij à Petro Fresquerij. An. 1414. ex comprobatione tabularum extructionis Villanoux de Berco. Anno 1423. ex remissione cuiusdam mansi. Ex literis procurationis Iacobo Pastello datis.

Ioannes de Sent. An. 1456. quo iubet chartas Grangie de Berco exscribi & compingi in librum.

Petrus de Grolea. An. 1473. quo Parlamentum Tolosæ, eo petente *authentica* illum chartarum librum.

Haftenus ex libro chartarum grangia de Berco.

Carolus de Balma. An. 1523. ex libro recognitionum à Simone Valentia scriptarum.

Rostagnus de Sufe. An. 1540. ex transaactione ipsius cum monachis.

Anno

Anno 1549. ex nescio quibus tabulis.

Bartol. Gabriel de Rouret. Anno 1561. ex enumeratione reddituum Manasse judici misso à Rege.

Anno 1572. ex priuatis tabulis.

Antonius de Sufe.

{ Anno 1579. }
{ Anno 1596. } ex priuatis tabulis.
{ Anno 1604. }

Carolus de Balma de Sufe.

{ Anno 1619. }
{ Anno 1640. } ex tabulis priuatis.
{ Anno 1642. }
{ Anno 1643. }

Ludouicus Franciscus de Sufe Episcopus Viuariens.

{ Anno 1662. }
{ Anno 1663. } hic Abbas viuit.
{ Anno 1664. }

Que autem seu Abbates, seu monachi ab anno 1122. quo erectum est cœnobium ad hanc vsque diem sapienter peregerunt non inuenio, si excipias extructionem Villanoux Berci seu de Berco. Bereum est nomen regiuncule. Lego pagum S. Andeoli castrum seu domum aut Grangiam Berco, Tumonem, & vnum præterea aut alterum pagum esse in eo.

G A R A G O B I A.



ARAGOBIA (Ganagobiam quoque, & Canacopiam maiores dixerunt) mons est sexto lapide à Forcalquierio, capite Comitatus quondam nobilissimi, & pro amplitudine non imparis Prœuincie, tum Druentiâ, Rhodano, Mari, Alpibus comprehensæ.

Druentia radices ejus alluit ad Orientem, Sigontia oppidulum claudit ab Occidente, Lurium castrum ad Meridiem, à Septentrione Petrosium, seu Petrosium, aut Petroxium, vel (vt Guilelmus junior anno 1208. loquebatur minùs alienè à nobis, qui vocamus *Peirui*) Petroxium pagus, Saxeus omnis est, aut potius saxum ingens, molisque vesanæ, vt adeuntes Lurio expectiuntur, quos ab imis radicibus ad summa vsque conscendentes, impedit principio multa buxus è saxo prorumpens, deinde glareæ saxo superfusa. E ceteris locis, si vniuersum contuearis, dices terreum: scilicet ab Oriente quidem surgit in arbores glandiferas, temerè mixtas infrugiferis, quas hortuli summo sub vertice perpauci, gradato fere solo excipiunt: à Septentrione autem, & Occidente, non est ineptus tritico. Tamen saxum erumpit è terrâ non rarò, seu dedignetur eâ concludi ex omni parte; seu ipsâ nudatum fuerit ab aqua pluuiâ quæ cum incipit aliquo ire agmine, terram è saxo vbi multa non est, euellerit, ac secum in præceps traxerit. Omni parte non asper; sed fere præruptus est: ceterâ inaccessus patitur ascensum ab Oriente & Occidente, ab illo sinuosum, & prorsus difficilem, per milliare vnum circiter; ab hoc minùs durum. Scilicet quâ longè resupinatur, aperuerunt agricolæ vnâ & alterâ semitâ, iumentisque etiam clitellariis peruium fecerunt. Summi verticem diceres æquatam fuisse prorsus in planitiem; nisi quòd videtur aliquantulum decliuus in Orientem. Ducitur longitudine per duo milliaria,

roundaturque vniuersus, sed non perfectum in orbem, cùm Septentrionem versus ac Meridiem, oblongius protendatur, quàm in Orientem ac Occidentem. Milliare igitur tantum & quod excurrit, capit latitudine. Ager illius à medio vsque ad finem Meridionali parte colitur vniuersus; reliquus humo defectus, quam aqua pluuie secum auexerunt, in saxum infelix consumitur.

Qui ante nongentesimum à Christo annum, Garagobiam montem habuerint incolæ, non lego. Sub illum annum modicus ac tenuis pagus stetit in suprema verticis ad Septentrionem parte; & sub annum millesimum, in media ad Orientem, non ignobile monasterium Cluniacensium. Illum quidem Garcendis Prouinciæ & Forcalquerij Comes, anno 1220. vocauit *castrum, seu villam de Podio Garagobie*, hoc verò *Ecclesiam de Podio Garagobie*. Podium barbarè vocabant, quem Latine montem dicimus. Tassilus Hugone Cluniacensi Abbate vtrumque memorauit, cùm ita locutus est: *Ego Tassilus dono Demino Deo, & S. Petro Cluniacensi, vbi Dominus Hugo Abba præfesse videtur, ad Podium Canobiense monasterio B. Virginis Marie*. Pagi illius reliquias vidimus fædas, pendentibus omni parte tristibus parietinis. Qui, & quo tempore euerterint, non facile dicas, tacentibus vniteris vetèrum illorum temporum chartis. Vt cumque hoc habeat, parietinarum infimi anguli docent, quod in alio fortasse pago nusquam inuenies, singulas domos, cùm stabant, sterisse alias seorsim ab alijs. Templum extra pagum exerebant; ad meridionalia mœnia. Hoc mediâ illâ parte superest, quæ odæum capiebat; alterâ suâ parte dirutum est. Cluniacensium monachorum ædes magnam olim nomen habuit. Superiore sæculo, Hugonotti fere omnem euerterunt. Igitur annos circiter quinquaginta, aut nullum, aut modò vnum habitatorem habuit: nunc magnam instaurauerant partem, sexque omnino aut septem incolunt monachi. Sed quas seu lacerauerunt, seu incenderunt, aut aliâ vi furentes heretici perdidit chartas, nemo erit vnquam qui restituas. Perierunt igitur fere omnes. Pauculæ occurrerunt scribenti de Sistaricensibus Episcopis, quas in lucem ad vsus eruditorum virotum proferre visum non est pro sua barbaria de ipso monasterio dicam aliqua.

Ioannes III. Sistaricensium Episcopus illud erexit in agro paterno Garagobie pagi. Dicebant Podium Garagobie & pagum ipsum ei concessit, vè docui libro 1. de Sistaricensibus Episcopis nùm. 42. An illud erexit iam episcopus, an verò ante episcopatum non incerto. Erectum dedit *S. Petro Cluniacensi*, vt habent episcopales tabulæ, & ibi extruxit duas Ecclesias, vnâ in honorem *S. Marie, & aliam in honorem S. Ioannis Baptiste, in qua idem episcopus sepultus esse videtur*. Hic est locus edificatus, quem fieri procurauit Campanus præsul, subaudi, ejusdem loci & monasterij. Ioannes mortuus est anno 966. qui secundus fuit episcopatus. Cùm ergo annus quo monasterium edificari cepit ignoretur, possumus existimare perfectum eo sexto post nongentesimum sexagesimum, atque iste illius primus dicatur per me licet. Campanus, vt procurauit erectionem monasterij, ejusque fuit Præsul, ita etiam Priorum ipsius abs dubio primus fuit.

Post Campanum Ebrardus, Arnulfus, Bertrandus, Guillelmus Anglicus, Audibertus, neque plures, qui antiquissimis illis temporibus Priores fuerint occurrunt. Ebrardus anno 1046. Arnulphus Hugone Abbate, qui sedit annos

annos 63. scilicet à 1048. ad 1109. Bertrandus Petro abbate qui sedere cepit millesimo centesimo vigesimo secundo, desit quinto & trigesimo post anno. Guilelmus Anglicus fuit Prior anno 1208. & Audibertus anno 1220. Innominatus Prior anno incerto, cum præflet templo S. Honorati quod Kavilanus quondam Episcopus erexerat Arelate. in campis quos dicebant Eli-fios (vulgò appellamus Aliscamps) & vniuersa circum regio à militibus vastaretur, ex illo transtulit Leruam corpus S. Honorati celeberrimi illius in eadem insula monasterij fundatoris. Hoc asserre placuit, vt videas neque ignobilem fuisse tum Garagobiam, & ab omni militum furore tutissimam. Rem habes in Chronologia Lerinensi ex antiquo codice MS. pag. 80. vbi additur sanctum corpus è Garagobia, non sine diuinis per viam prodigijs, deportatum fuisse Lerinam anno 1391.

Iam, vt accedamus ad chartas Garagobienfes, omnino decem de illis ad me peruenerunt. Pristinam scripsit Bonifacius anno 1013. Roberto Rege, decimam Garcendis Comitissa Prouincie & Forcalquerij anno 1220. Primà illa antiquiorem memorat à Lamberto & Galburge Bonifacij parentibus scriptam, quæ an alicubi locorum post cœnobij cladem superfit, non possum dicere. Eam quia retuli 1. de Sistaricensibus episcopis num. 45. non est quod hûc exscribam. Bonifacius donat aliquid de rebus sui iuris, quæ sita sunt in Comitatu Sistaricensi, in villa quæ dicitur Petruxo, confirmans primam donationem, quam, inquit, pater meus Lambertus, & mater mea Galburgis prius fecerunt. Vnù addit quod huic loco necessarium est. Ea ratione dono, vt fraïres de Cluniaco, qui habitauerint in loco S. Mariae Canacopiensis teneant & possideant. Si verò, quòd absit, ipsum locum à Cluniaco qui spū separauerit, mea illa hereditas Cluniacensibus fratribus semper subijceat. Hæc verba non obscure significant monachos Garagobienfes magnam saltem partem, cum hæc scribebantur, Cluniaco venisse; & fortassis fuisse nonnullos ex illis, qui Cluniaco minùs addicti essent. Vt cumque hoc habeat, accedamus ad decimam chartarum illarū quæ de Garagobia occurrerunt. Ipsam accipe. In nomine Domini nostri Iesu Christi. Anno ab Incarnatione eiusdem 1220. Ad perpetuam rei gestæ memoriam cunctis pateat, tam presentibus, quam futuris, quòd nos Garcendis Dei gratiâ Comitissa & Marchionissa Prouincie, & eadem gratiâ Comitissa Forcalquerij, pro redemptione anime mee, & parentum, atque antecessorum meorum, bono intellectu, & sanâ mente, ad honorem Dei, & B. Mariæ, & omnium fidelium sanctorum, donamus, laudamus, concedimus, & confirmamus, omnes donationes, libertates, laudationes, & desemparationes, quas D. Guilelmus Comes Forcalquerij, avus noster laudabilis memorie, fecit Deo, & B. Mariæ de Podio Ganagobia, sicut in instrumento suo sigillato (hoc Cluniacenses in suo tabulario seruant, vt tradit Guichenonus in Bibliotheca Sebusiana pag. 440.) continetur. Quidquid autem dictus D. Guilelmus Comes Forcalquerij reliquit vel desemparavit, quòd iuste vel iniuste siue ipse, siue antecessores eius, siue baiuli, accipere vel tenere consueverunt in castro vel villa de Podio Ganagobie, in villa de Sigoncia, de Viseris, & de Petrosio sive in eorum possessionibus, in castris, in fortalijs, in communitatibus, villis, domibus, vineis, pratijs, hortis, memoribus, & defensibus, cultis & incultis, molendinis, pascuis, aquis, & aquarum decursibus, quocumque modo ad dictum monasterium in qualibet parte comitatus Forcalquerij pertinentibus, siue in vsagijs iustis vel iniustis, super hominibus prædictorum locorum, & eorum possessionibus, sicut ipse reliquit, pro relicto hactenus;

Et quidquid ipsi desemperauit, pro desemperato habemus; quidquid donauit, pro donato habemus; Et quidquid liberauit, pro liberato habemus; quidquid fecit ratum, pro firmo habemus, per nos, Et omnes successores nostros omnia confirmantes: Et si quid minus fuit in predictis, nos supplemus sicut melius dici potest, vel intelligi, vel dici, ita quod à modo Et in perpetuum libri Et exempti maneant ab omni exactione seruientis. Hæc autem quæ scripta sunt donamus, laudamus, Et concedimus, Et confirmamus, per nos, Et omnes successores nostros Deo, Et ecclesie B. Marie de Podio Garagobia, tibi Audiberto Priori ejusdem Ecclesie Et vniuersis successoribus Et fratribus ejusdem loci, presentibus, Et futuris. Actum fuit hoc 5. nonas Octobris apud Podium Garagobia in capitulo infra claustrum, in presentia D. Radulphi Silaricensis Episcopi. Cujus rei testes fuerunt. Hactenus Garcendis Comitissa Prouinciæ & Forçalquerij. Berengarius Comes matri paria scripsit anno post tertio. Vides optimos principes ea suo assensu firmare, quæ Garagobien-tes monachi ditione tenebant Petrosij, Sigontia, Viferis Podio Garagobia: quoniam chartæ quibus ea illis donata fuerant venerunt in meas manus placebat integras exscribere, magnum & illustre antiquitatis monumentum, neque de ipsis quidquam certius afferri potest. Verum deterruit ista cogitantem sermo semibarbarus.

NOCTIVM
BLANCALANDANARVM
PARS TERTIA.

Clari^{mo} & Ampli^{mo} Domino,
ALEXANDRO ELEONORO
DE CHAPONAY,
D. de Chaponay & du Faïsin, Regio in
Suprema Delphinatus Curia
Confiliario.

IOANNES COLVMBI è Societate IESV.



Donem de Chaponay Valentinum Episcopum, gentilem
uum, ad te affero, VIR AMPLISSIME, et tuam cum
eo gentem à primis, quantum licuit, repetitam initis. Li-
bro quidem primo de Valentinis Episcopis fusè dixi de tanto an-
tistite,

*sistite, & tertium edens illud volumen, gentem ipsius ab anno non-
 gentesimo ad nostra usque tempora per annos supra septingentos &
 quinquaginta deduxi: sed clarissimi viri, quibus pro amicitia nihil
 non debeo, antiquitatis amantes, voluerunt ut in isto Noctium
 Blancalandanarum opere, cum de variis Episcopis agere susceperim,
 docerem è quibus tabulis habuerim Odonem esse Chaponaum gente,
 & quibus autoribus ea attulerim qua de ista recitavi. Igitur ad
 illa qua eo libro ante plures annos scripsi, nunc ista adjungo, inoque
 sub nomine in publicam edo lucem. Tu bona manu lucubratiuncu-
 lam accipe. Mirabuntur alij tuam gentem, bello paceque inclutam,
 per annos septingentos quinquaginta & quod excurrit perdurasse:
 & cum tempus non gentes, sed regna quoque aut extinguat, aut ex-
 dat, se per alios ab aliis rectâ gradatim lineâ octauum decimum à
 Guilelmo Chaponaij, Marenarum, Aueniarum & Bragonis do-
 mino nepotem, non esse maioribus imparem, Chaponaijque, & Fa-
 siani dominum, iura regium senatorem Delphinatibus dare. Ego
 sapientiam, integritatem, modestiam, qua tibi propria, & veluti con-
 genita sunt decora, pradicare satis non possum.*

DE CHAPONÆA ODONIS Valentini Episcopi gente.



Do Valentinus Episcopus, sedere cepit anno post millesimum
 centesimum quinquagesimum quatum incerto; desit anno
 post millesimum centesimum octogesimo tertium, incerto
 quoque. Tabularium Episcopij Valentini habet quinque omni-
 no chartas, quæ de illo agunt. Anno 1157. accepit à Frederico I. Impera-
 tore & alia, & Valentiam urbem. Anno 1158. vendidit Esparueriam insu-
 lam canonicis S. Rufi. Anno 1173. dedit Cisterciensibus monachis Llun-
 celli, aliquot prædia. Anno 1178. donauit Bellicaltrum gentilem pagum
 Ecclesiæ Valentini. Anno denique 1183. accepit Montem-Veneris pagum
 non ignobilem ab Humberto Monuenerio. Illis in chartis Odo non dici-
 tur Chaponæus: neque ante ipsum inuenio Valentinum antistitem, cui
 gentile nomen tributum à scriptoribus fuerit. Hugo de Mirabello primus
 ille est, qui de ipso se appellauerit anno 1199. Quia libro 1. editionis ter-
 tiæ de Valentinis Episcopis numero 39. ac sequentibus dixi esse Chaponæum
 gente, neque tanten attuli chartam, quæ ipsius temporibus scripta, hoc asse-
 rat; & nostra ætas hominibus abundat, qui de nobilium virorum gen-
 tibus dispartite amant, quàm antiquæ claritatis sint, per quos ad nos vs-
 que peruenierint quibus olim fulserint seu opibus, seu honoribus; placet hæc
 ad alia quæ libro illo primo edidi de Chaponæa gente, addere quàm cer-
 ta ea sint, & è quibus tabulis ipsa ego collegerim. Ut omnia sint magis apert-
 ta,

ta, rem vniuersam per sua capita digero quàm maximâ potero claritate.

Primum Odo Valentinus anno millesimo centesimo septuagesimo nono episcopus, appellatus est eo ipso anno *Odo de Chaponay* à Catharina de Chaponay, Ambardi de Candiaco militis quondam vxore, in testamento quod condebat octauo idus Nouembris. Philippus de Nicurio sic in ipso de ea loquitur. *Hujus autem vltimæ voluntatis sue testamentariæ, aut testamenti sui nuncupatiui executores facit, nominat, & instituit ipsa Dom. Catharina testatrix reuerendum in Christo patrem, Dom. Odonem de Chaponay Episcopum Valentinensem, simul atque magnificos viros Contardum D. de Rossillionne, & Anione, atque Pontium D. d'Andelot, d'Auberrine, & d'Ilms, eiusdem domine germanos.*

Secundùm hic ipse Odo Guidone de Chaponay, & Anna de Bellomonte, parentibus natus est, fratremque ex iisdem habuit Hectorem. Accipe tabulas hujus vtriusque rei veras indices. Odo ante episcopatum Valentinus fuit decanus, vt, ex Valentino chartulario retuli, non secundâ tantùm & tertiâ, sed etiam primâ editione librorum de Valentinis episcopis, cùm ignota mihi erat viri gens. Iam is anno 1152. decanus scripsit sequentia verba. *Sciatis presentes, & posterius, quòd nos Odo Valentinus decanus, filius naturalis & legitimus militis Guidonis de Chaponay D. des Auenieres, & de Brango, & domicelle Anne filie Sibueti D. Bellimontis & Freita, &c. damus, concedimus, & constituimus militi Hectori de Chaponay, D. des Auenieres & de Brango, fratri nostro carissimo, mille octo centos storenos, qui nobis fuerunt legati à D. Anna matre nostra, &c. Acta & facta fuerunt hæc pridie calendas Apriles, anno ab incarnatione Domini 1152.*

Tertium Guido Odonis episcopi pater, filius fuit Leonardi de Chaponay, & Catharinæ Berengariæ, fratremque habuit maiorem natu Antonium Helenæ, & Catharinæ patrem, qui sine testamento & filiis masculis mortuus, Chaponaium & Matennas gentiles pagos ipsis reliquit. Rem istam omnem lego in conuentionibus Hæctoris quem Guido genuerat, cum Catharina Antonij filia de illis ambobus pagis anno 1144. *Antonius & Guido de Chaponay, inquit scriba, fratres erant, filij naturales & legitimi militis Leonardi de Chaponay, & domicelle Catharinæ Berengariæ ejus vxoris, &c. Helena & Catharina sorores germanæ erant, filie naturales & legitime militis Antonij de Chaponay, &c. Leonardus autem Antonij & Guidonis pater, atque Hæctoris & Helenæ Catharinæque auus, nupsit Catharinæ Rossillionæ anno 964. die 18. Ianuarij.*

Quartum Leonardus de Chaponay Guidonis pater, & Odonis Valentini episcopi auus, patrem habuit Guilelmum de Chaponay, & Luciam de Grolea matrem. Hugo de Podilio in tabulis connubialibus Leonardi de Chaponay & Catharinæ Berengariæ scripsit verba quæ sequuntur. *Personatim & specialiter constituti Leonardus de Chaponay scutifer, filius magnifici Guilelmi de Chaponay & Lucie de Grolea domicelle, suo nomine proprio ex vna parte: magnificus & potens vir Girardus Berengarius miles, tam suo nomine proprio, quàm Catharinæ ejus filie nomine, & D. Aynarde de Rossillon ejus vxoris, &c. contrahunt inter se, &c. nuptias, &c.*

Quis autem Guilelmi de Chaponay pater fuerit, quæ mater, non inuenio. Quicumque parentes eum genuerint, certè videntur fuisse illustres opibus genere

genereque, cum is Chaponaij, Matenarum, Aueniarum, & Brangonis pagorum dominus fuerit, duxeritque Luciam de Grolea clarissimæ gentis puellam.

Atque hæcenus dictum sit ex veris tabulis de Odone Valentino episcopo, & eius ab anno nongentesimo vsque ad ipsum gente. Accedamus ad Hæctora ipsius fratrem, gentemque illius ad nos vsque breuiter exequamur.

Hæctor de Chaponay ex Magdalena Alemanna genuit Bartolomeum, qui postea duxit Bernardinam Amedei de Poisieu & Agathæ Virii filiam anno 1181. die 3. cal. Iulias, ex tabulis connubialibus, quas à me lectas Golinus scripsit.

Bartolomeus autem & Bernardina Gasparem habuerunt filium, qui de Clementia de Beauuor coniuge sustulit Bartolomeum secundum. Hic Gaspar ille est qui ædiculam Iacobo sacram extruxit Lugduni, contra sed proximè S. Nicetij. Clementia verò testamentum scripsit anno 1234. 5. cal. Martias, sapientiæ plenum & pietatis, quod nuper typis ediderunt. Gaspar vir eius in illo dicitur miles: & additur in eo Bartolomeum filium eius nominis secundum, esse virum Huguetæ Ruffi.

Petrus ex Bartolomeo 2. & Huguetta ortus, Guigonam Porteam habuit in matrimonio. Vtriusque coniugis nobilitatem gentilitiam memorant plures chartæ ab anno 1283. ad annum 1318.

Humbertus Petri filius anno 1343. vltimâ die mensis Iulij, interfuit donationi Delphinatus filio Philippi Francorum regis ab Humberto Delphino, & cum pluribus aliis nobilibus viris iurauit in pacta illius. Idem ipse dicitur domicellus, & Beatricem de Sachenay habere coniugem, in tabulis, quibus anno 1326. ambo Lugduni se obstrinxerunt Beatriçi de Segrens, abbatisse de Deserta. Nobiles viri appellabantur quondam domicelli, antè euaderent quàm milites.

Betoardus Ponsonatij & Fasiani dominus, Humberto & Beatrice parentibus natus est. Duxit Stephanam de Varey, vt legere est in sepulchrali lapide, quem Stephanæ tumulo superposuerunt, in Dominicanorum claustro Lugduni. Tumulum ea sibi elegerat iuxta conditorium suæ Varæorum nobilissimæ gentis.

Antonium Bernardus genuit Catharinæ Villanouanæ coniugem, ex tabulis connubialibus à Petro Mulato scriptis anno 1425. 28. mensis Aprilis. In illis sequentes lego voces: *Confitetur nobilis Antonius de Chaponay nobilis Catharina de Villanoua sue uxori per nobilem Bernardum de Chaponay eiusdem Antonij patrem*, &c. Rationalis apud Gratianopolitanos curia seruat librum super insultu & guerra Anthonis anno 1430. qui folio 3. tradit Antonium pro Carolo 7. apud Anthonem pagum fortiter agentem, venisse in hostium manus.

Ioannes, Antonio patre natus, duxit Catharinam Ponpetranam. Hic vir Fasiani sepultus cognominatur *Fortis* in epigraphe conditorij, neque immerito, vt intelligere est ex iis, quæ de ipso recitant Paradinus, & Rubius, in historia Lugdunensi, post Alanum Charreterium, qui Carolo 7. regi fuit à secretis. Hic idem, vt arma secutus fuerit, vnum tamen quid pietatis plenissimū in testamento scripsit anno 1457. 18. mensis Ianuarij, quod afferre placet

Nobilis Ioannes vult & ordinat dici ante imaginem B. Mariæ Virginis ecclesie S.

Nicetij Lugduni, dum eius anima seſeparari volueris à corpore, & cantari per clericulos, eiuſ animam diſſe B. Maria Virgini recommendando.

Philibertum Ioannis filium innumeræ chartæ memorant. In eius testamento Petrus Franciscæ de Villariis vxoris pater anno 1476. die 5. mensis Octobris dicitur nobilis.

Ioannem 2. à Philiberto genitum, Rationalis Gratianopolitanorum curia præsidem habuit. Is anno 1492. duxit Catharinam Palmeriam Ioannis Palmerij primi in Gratianopolitano Senatu Præsidis filiam. Anno 1495. & anno 1499. scriba appellat *præsidentem camera computorum Delphinali.*

A Ioanne secundo Chaponæa gens in tres familias scissa est, florentes opibus, & honoribus claras. Cum enim Soffredum, & Nicolaum progesserasset, atque hic Ioannem 3. & Nicolaum 2. Soffredus Aibeni dominus, Ioannes Fasiani, & Nicolaus 2. Meanix insulæ, sibi quisque suam excudere familiam, quas possumus appellare Aibeniam Fasianam, Insulanam.

Aibenia per Soffredum, Laurentium, Petrum, Bertrandum, peruenit ad Octavianum, qui ex Ludouica de Loras habet Gasparem, Eleonorum, Ioannem filios.

Fasiana cepit à Ioanne, cuius filius Franciscus genuit Eleonorum Alexandrum, regium in Delphinatum Senatu Consiliarium.

Insulana Nicolaum 2. autorem habuit, ex quo natus est Humbertus 2. libellorum supplicum Magister, & apud Lugdunenses ac Boios reiforensis, politice, & æriæ olim Præfectus, qui & alios, & Balthazarem regium in Mentensi Senatu Consiliarium ex Eleonora de Villariis sustulit.

Nicolaus autem primus è quo Fasiana & Insulana familiæ prodierunt, habuit in coniugio Helenam Albiciam, de patritia apud Florentinos gente. Et nupsit anno millesimo quingentesimo trigesimo. Innocentius decimus, ex Albicia Florentinorum gente, in Cardinalium numerum cooptauit Franciscum Albicium sapientiâ summum virum. Ceterum Helena socru adeo vehementer placuit omnibus pietatis officiis, vt ab ea heres ex asse dicta fuerit, posthabitis Ioanne, Nicolao, Annâ, & Catharina liberis, vt memini me legere in testamento, quod condidit anno 1538. die 18. mensis Augusti.

Hic finem dicendi facere conſtiteram, cetera quippe Chaponæorum gentis decora, maximè Soffredum Gratianopolitanum episcopum Carolum Delphini cancellarium, Hospitalarios (Melitenses nunc dicimus) equites quatuor in prælio à Turcis aut hæreticis occisos, scripsi libro primo de Valentinis episcopis editionis tertiæ, & ea relegere non est huius seu orij, seu loci. Sed vnum prætermittere nec velim, nec debeam. Scutum Chaponææ gentis ab antiquissimis temporibus vsque ad nostra, gallis tribus inscriptum est. Illis tribus instructum & pendet ex tabulis Odonis Chaponæi anno 1152. exaratis, quæ ferunt dedisse Hæctori fratri vim pecuniarum in superioribus recitatam; & (vt plura non afferam) videtur in lapide, quo ante annum millesimum quadringentesimum conſeuerunt in Dominicanorum Lugdunensium clauſtro tumulum Stephanæ de Varey. Fuit qui de variis nobilium virorum gentibus scribens, asſereret Anthontie Delphinatum pago Chaponæos esse, qui scutum gentilitium longè aliud ab eo quod attuli gerant. Chaponæi de Fasiana & Insulana familiis stupere ad id sermonis: Anthontem adierunt, eiusque vniuerſas seu publicas, seu priuatas ædes scrutati, inueniunt

inuenerunt scriptorem falsa retulisse. Nemo Chaponæorum hæcenus Anthone habitauit, nemo scutum gentilitium posuit. Hæc Humbertus de Chaponay supplicum libellorum magister mihi pro antiqua amicitia retulit, quas etiam tabulas seu de Odone Valentino episcopo gentili suo, seu de Odonis gente in superioribus memorauimus, omnes ille mecum bonus communicauit.

DE INCORRUPTIONE Corporis Philibertæ à Sabaudia, Ducis- sæ Nemorosij dissertatiuncula.



VM essent Camberij anno 1639. corpus Philibertæ à Sabaudia, aperto fortè tumulto, inuentum est sincerè integrum: & triumviri, inspectioni illius à rationum Ducali in Sabaudia curia præfati, meam de illius incorruptione sententiam postulauerunt. Ego sequentibus eam verbis exposui tum, ac deinde anno 1652. inserui libro 2. de rebus gestis Diensium episcoporum num. 56. quem secundùm edebam, & sermone de incorruptione corporis S. Stephani Diensis Episcopi, ne pro breuitate sua periret, adiunxi. Quæ pauca scilicet mandamus folijs, turbata volant rapidis ludibria ventis. Nunc visum est mihi ex eo libro educere, & hic reponere. Suum jam sibi locum habebit, quæ alienum occupabat. Ceterum Philiberta nata est anno 1498. parentibus Philippo Duce Sabaudie, & Claudina Pontiui Comitissa; nupsit Iuliano Mediceo, fratri Leonis X. Pontificis anno 1515. conjuge viduata est anno 1516. obiit anno 1524. ægens ætatis annum 26. sepulta est in S. edicula quæ seruat Christi sudarium.

Fecistis pro vestra sapientia, Viri Amplissimi, cum iussistis aperiri loculum, & accuratè à medicis inspici, tractarique corpus Philibertæ à Sabaudia Ducissæ Nemorosij, quod ab anno 1524. per 115. annos latuerat in suo conditorio. Optandum equidem fuerat, vt Regina Francorum soror, & Ducis Sabaudie filia non sine publica luce, & nisi sub vestris oculis, cumque maiestati suæ debito comitatu in mortales rursus incurreret: tamen quando decimaquintâ illâ mensis hujus Februarij die factum est, vt laxandis odai spatijs, & Deo, cum majore vsu, dignitateque dicendis in eo laudibus tumultus suo loco moueretur, & capsâ vitio generis humani reserata, sinceri pedes, incorruptumque caput curiosos intuentium tangerent animos, publici certè fuit opus boni, vt dubia super integritate & sanctitate Principis scemina cohiberetur fama, & sisteretur incertus purgareturque rumor, qui per alios ab alijs, vt fit in re insolitâ, hic major, minor illic sine magnis autoribus temerè vagabatur. Cujus ergo nepotibus debetis omnia, edicto vestro eadebet, vt qualis est ignorari nō possit ab illis, qui nostris etiam temporibus esse audiuerint. Quoniam autè voluistis, vt ad necessarium opus vocaretur Rector nostri Collegij Philibertus de la Fauerge, ne sacrû Heroinæ Sabaudæ corpus sine testimonio Ducalis scientiarû in Sabaudia sedis permitteretur medicis, existimaui esse mei officij, vt qui comes Rectori fui, & quid viderimus & quid sentiamus aperire. Equidè arbitror vos è.... De la Roche Præsidente.... Gan-

telet Consiliario... Gaug Ducis Aduocato Triumuirj operi Præfectis rem accipisse : at iuuabit tamen satis muneri facere, & quod à vobis nostrę seu fidei, seu doctrinę datum est, ex veri necessitate officij certâ visorum recitatione rependere.

Igitur die 18. mensis Februarij post horam quintam matutinam, è sepulchro locus in mediam ædem delatus est, & coram nobilissima ciuium corona rursus apertus. Corpori Philibertę superposita lens totam capsam implebat, non atida illa, neque foliis crepitantibus strepera, sed humescenti propior : Sine intestinis venter vacabat inanis; pectus vacuum præcordiis plurima calx habebat; thoracis ossibus sua adhærebat pellis, sua brachiis & manibus, sua reliquo corpori. Visendum profectò maximè fuit, quòd tota facies non ex succà pelle rigeat, sed viuidę similis vegetęque mollem tangenti se præbebat & facilem, quam obrem eò cogitatione deuentum est, linteum capiti indutum, cum sepeliebatur, fuisse, aut alienam pellem seu balsamo capiando, seu continendę calci, quã thorax confarcinatus turgebat; ab eâ causâ esse mollietiem. Iussus ergo chirurgus forfice scidit labia, dentes aperuit, frontis os nudauit & nasi; pellis erat natia, eaque crassior, succo plena hinc subalido, illic subrubefcente; hærebatque adeò ossibus, neque manum facillè sequebatur. Verticem porro velabant capilli: sed admirationem omnino mouit nasus, extremâ quoque parte integer; dextrâ etiam ille ducebatur in omnem partem, digitosque naribus patulis admittebat; tibiis autem ac pedibus sua quidem pellis constabat, sed candida, cum subrubefceret reliquo corpore; & manus, ac tibiis, digitosque, & collum facilia flecti, mouerique ac duci vincula continebant; nisi quod sinistrum brachium solum erat in cubito. Denique linteum quo totum corpus velabatur, non integrum ad tibiis & pedes, sed maximam partem recentissimum & candore spectandum erat.

Hæsimus omnes ad spectaculi nouitatem, alij dixerunt alia: ego tria suspiciebam, pellem toto hærentem corpore; vultum tactui facilem, neque indigum succi, nasque stantem sincero ac naribus; ossium vincula nusquam rigentia, sed manibus, brachiis, pedibus, tibiis, digitis, collo tractari apta duci que. Ceterâ seu balsami, seu medicati liquoris nullum toto capite vestigium, totis nullum brachiis tibiisque. Quid? quòd calce si non reliqui corporis, at pectoris certè rodi caro, humor extingui iam olim debuit: vt alia taceam, putas tot supra 100 annis vim non fuisse exedendi cadauer, quibus rupes saxaque obfistere non possunt? sed non pauca sunt, quibus adductum putare Deum est, ad seruandum Philibertę corpus, vltra vim omnem artis, contra omnem vim tabi, temporum, calcis; castitas, egenorum amor, pietas. Vnum illa, neque diuturnum thalamum experta est Iuliani Medicei, quem Claudia mater dederat conjugem, agentibus Leone X. Pontifice maximo Iuliani fratre, Francisco I. Francorum Rege filio Ludouicę fororis, Carolo fratre duce Sabaudie. Post alterum conjugij annum vidua ætate florens & opibus, vt alteri viro nuberet adduci nunquam potuit: flagitabant & alij proci, & de Fuxo Laurecius, Gallicanorum ea tempestate Principum bello pacęque clarissimus: Adolescentior ipsa, voluit vnus olim viri vxor, cogitare quę Domini sunt, & omne opus bonum subsequi ex mandato Apostoli, ac ejus exemplo sic permanere, quem Romę præsentem & intueri, & audire sibi

sibi videbatur, cum Iulianus obiit. In Sabaudiam ergo redux, tam largâ manu rem profundeabat in pauperes, ut egenorum matris nomen per reliquam vitam habuerit: tam attentâ pietate adhaerebat Christo, ut post mortem condi voluerit in ædícula custode sudarij, quo corpus ejus cum tumultu conderetur, fuerat inuolutum. Atque igitur fortasse hoc fuit, cur præ cæteris corporis membris, anno etiam quinto & decimo supra millesimum, candidi sincerique perdurent pedes, quibus frequens ad Dominum ventitabat; soluto sinistro dextrum brachium & persistet, & moueatur, quo manus ferebatur ad pauperem; facies vigeat succi plena, quæ hominibus placere noluit sed vni Deo.

EGo Ioannes Platiere, Prouincialis Societatis I E S V in Prouincia Lugdunensi, factâ mihi potestate ab admodum R. Patre nostro Generali, facultatem concedo, ut libri quatuor *De Simianea gente*, à Patre IOANNE COLVMBI, ejusdem Societatis Theologo compositi, & à tribus Societatis ejusdem Censoribus approbati, typis mandentur. In cujus rei fidem has literas sigillo nostro munitas, & manu nostra subscriptas dedi Viennæ die 24. Martij anno 1668.

IOANNES PLATIERE.



DE SIMIANÆ A GENTE LIBRI QVATVOR.

AVCTOR LECTORI.



E Simiana gente scribo, Mi Lector. Summa antiquitas, & que ex vetustissimis temporibus ad nos illius claritudo deuenit sincera & illustris, fecerunt ut de ea scribendum putauerim. Humbertus ille est, à quo per septem omnino secula vniuersi nostrorum temporum de ipsa stirpe gradatim nunquam interrupta per filios à parentibus serie peruenerunt. Vixit is anno 993. nobilitate generis, opibusque clarissimus. Quo patre genitus fuerit, non occurrit ad hanc diem charta vetus qua doceat. Quicunque fuerit, adeò copiosam in filium contulit opum vim, ut privati hominis modum excessisse videatur. Humbertus quippe anno millesimo nono scripsit sequentia. Facio donationem ex parte mei alodis, qui mihi obuēnit ex successione meorum parentum, ecclesiæ Sanctæ Mariæ sedis Aptensis: res in Comitatu Aptensi, hoc est in villa Interriuos, & in Campaniis, & in Surdonicis, & in Celeirana, & in Guttitone, & in Sarpalianicis, & in Pineto, quantum nisi in ipsis villis est; & in castro quod cognominant Vegno, mansos duos. Mansus autem capiebat tum iugera 12. Dignum potentia, dignum pietate summi viri munus! sed vide partem hereditatis fuisse, quam à patre acceperat. Amplissimam profectò pater tradidisse dicendus est, cuius, cum in liberos dispersa fuisset, pars qua concedebatur Ecclesiæ, adeò late varias fundebatur in villas. Rostagnus Humberti ex Guilelmo filio nepos, fuit Aptæ Princeps. Hoc docebat anno 1056. Alphandus Aptæ ejusdem Episcopus. Duxit ipse idem Gislam Odila, quam Guilelmus Prouincia Comes genuerat filiam. Quia Radulphus Presbyter

ter eum dixit seniore: & Arnaldus etiam presbyter ipsum Humbertum seniore quoque appellauerat. Ego nomine senioris Principem intelligebam, ut à patre & auo Rostagnus id nominis acceperit. Quem verò dominum Latine dicimus, illis temporibus semibarbare seniore appellabant, ut docebo postea libro 1. num. 14. Jam quæ ab Humberto per Guilelmum filium, & Rostagnum nepotem profuxit gens, memor se ab antiquissimis Aptæ Principibus ortam, claritatem suam seruauit integram ad hanc diem, magnisque bello, ac pace facinoribus origini suæ nunc etiam respondet. Non possum ego apertioribus verbis præcipua illius ornamenta complecti, quàm ante non multos annos feci, cum meos in librum Iudicum commentarios ad Hyacinthum de Simiana Planitiarum Marchionem scribens præfatus sum in has voces. Majores tui tenebant quidem Aptam Iuliam, & de proxima ei regione magnam partem sub summo Principe, summi tamen Principis habebant multa, jus arcem excitandi seruandique, ius cudendi monetam, ius vocandi sub signa equites, ius creandi publicos scribas, alioque non pauca: ut si dixerim ita sub dominatore supremo fuisse, ut supremi etiam ipsi eo quem in Germania videmus more essent, non erem. His illa adijunge, quæ ad ipsummet præfixi commentariis in librum Iosue. Majores tui Sabaudiam & Delphinatum pro suis Regibus summo tenuerunt imperio: Galliæ, Sabaudixque torques tulerunt: ingentes duxerunt exercitus: Forcalque-rij, atque adeò Prouinciæ Regulos omnibus Europæ Regibus affines sanguine contigerunt: demum rebus præclare bello pacèque gestis fecerunt, ut vix totâ Europâ sit gens, quæ illustrioribus dignitatis & gloriæ titulis se circumspiciat.

DE SIMIANÆ A GENTE.

LIBER PRIMVS.



IMIANÆA gens tantâ seu nominis clatitate, seu opum vi, eminebat olim in Prouincia, ut à verissimis ante omnes quæ de ea leguntur tabulis, dominata feratur regioni, quæ vno & altero, supra viginti, milliaribus longa, & prorsus octodecim lata, capie Aptam Iulianam urbem, Simianam, Gordam, Casanouum, non ignobilia quondam

quondam opida, & pagos ferme ad quinquaginta. Cùm viri rebus gestis, genereq; clari & nobiles, sub annum a Christo nato millesimum, alij ab aliis ditioni subiectis locis, suæ quisque genti, totâ Galliâ vulgò fecerint, vt à ceteris fecerentur, nomen, debuerat illa quidem ab Apta Iulia, & Vulgentium, antè Romanis quàm parèrent, capite, & Episcopi post acceptas religiones Christianas sede, appellari. Sed maiorum ante omnem memoriam in ea sedes fecisse videtur, vt è Simiana dici maluerit. Neque nihil iuissè
 2 videtur situs. In regionis, cui tum imperabat, medio est Simiana, cùm in finibus sit Apta; scilicet Saignonum proximè, quo ad Meridiem clauditur, vt Gironis ad Septentrionem Rupe, Gordâ ad Occidentem, & ad Orientem Vacheriis. Habet etiam aliquid, cur pagis oppidulisque circum latè iacentibus præsidere, atque adeò dare nomen genti ipsorum dominæ, debuerit. Ager quidem non modicâ ad omnes hominum vsus opportunitate visendus, tritico, vitibus, oleis, vniuersam, nisi qua iumentorum pabulo jacent prata, planitiem confusus est, ac roboream surgit in siluam, vbi turget in colles atque monticulos. Oppidum verò & nunc etiam habet mortales ad duo fere millia, & è rupe descendit, cui prænobilis atque firma admodum arx est imposita. Aedibus quippe ampla, mœnibus valida, duplici muro circumdatur.
 3 Vnum quadratæ latus muniunt turres duæ, quarum altera profectò visenda est. Eam de quadro lapide construxerunt adeò aptâ concinnitate, vt nostris post multa sæcula temporibus, videatur ex artificis manu recens. Rotundatur interior, ad sex orgyiarum altitudinem, & diametrum trium. Sed singulare prorsus est, quòd forulis 12. in pariete octo pedes crasso apertis, æqua perspatia cingitur, quos columnæ, epistylia, zophori sui condecorant. Summa testudo aperta est in concameratum pinnatumque fastigium, è quo vno
 4 lumen in inferiora fenestris carentia immittitur. Quos in vsus turrim illâ figurâ, illis cum forulis extruxerint, dicent alij forsitan certius: putabam ego magnam veri habere similitudinem, quòd in sacram ædiculam erexerunt. Neque verò ejus (sine qua amplissimam arcem excitasse piissimos dynastas nunquam crediderim) vestigium in alia ædium parte videas. Et capiendis Apostolorum statuis, forulos pro numero aptasse, cur negabimus? Vt cumque hoc habeat, turris quidem hæc stat etiam nunc, seruatque suam speciem: alteram verò ab annis supra viginti, cùm ruinam minaretur, ne propinqua ædium obrueret, euerterunt. Labem quoque à stillicidiis cetera fere arcis jam non modicam diu acceperunt, dominis alias adamanibus sedes, non habitata.

Aliundene venerit in Prouinciam gens non omnino angustæ regionis
 5 ante tot annos domina, an verò censi debet in Vulgentibus indigenis, non possum dicere in tanta de antiquissimis rebus scriptorum penuria. Inuenio tamen floruisse ante octingentesimum Christi annum; & summum ex ea virum, excepsisse Carolum Magnum domi suæ, vt postea ex certis autoribus exequare. Hoc facit, vt putem tenuisse eandem regionem vniuersam, ante Carolum Martellum Magni auum, & aut è Romanis, quorum plures & genere, & opibus præcipui, indigenarum in morem superferunt Burgundionum ruinæ, aut à Francis post Burgundos, quorum omnes dynastas euerterant, ortum ducere. Hoc vt cumque visum fuerit, æstimabunt alij: certè magnum quid esse nemo negauerit, quòd cùm patria, à Romano-

rum in ipsa sub annum Christi quingentesimum excidio, per annos circiter sexcentos, dubio & ancipiti Burgundionum, Gotthorum, Francorum, ac Germanorum imperio subjaceret, atque Hungarorum, Longobardorum, & Saracenorum latrocinii vniuersa vastaretur, Simianæi quam attuli regionem domini tenuerunt, ante omnem tabularum memoriam.

Post annum igitur septingentesimum septuagesimum, & quod excur- 6
rit, Ioannes Casanouani dynastæ filius (gentis, quam Simianæam vocamus, princeps, id cognominis ad annum vsque millesimum quingentesimum quinquagesimum octauum semper tulit) ab ortu cæcus, surdus & mutus, accipit à Deo, docetque mortales, corpus Beatæ Annæ, quæ Christi matrem genuit, latere in Aptensi basilica. Ea tunc vngebatur, & Carolus Magnus, cum maxima procerum corona, intererat rei lactæ, cum ecce tibi nobilissimus puer diuino spiritu actus, conuertit faciem, intenditque in principis aræ gradus, quibus insistebat, & plurimâ nutuum vi, tantum non demonstrat, grande aliquid ac prodigij plenum, sub ipsis conditum esse. Obstupuit primùm Casanouanus, tum ceteri Conites, ac Duces ad eum proximè; & cùm res denique ad ipsum peruenisset, Carolus; perstante in nutibus puero, anxieque ad illos gradus altaris vnos manus ambas protendente. Quid facerent in re prorsus inexpectata, & ad illam diem inaudita non habebant. Effodiuntur, quando aliud non occurreret, demum ingentes illi, quibus ad altare conscenditur, gradus; cùmque aperta fuisset, quæ occurrebat janua, Ioannèsque docuisset nutibus suis, effodiendum esse aliàs in crypta, quam primus intrauerat, apparuere minores gradus ad obuersum parietem: Hoc aperto, occurrit omnibus admiratione defixis, multo lumine præfulgens latibulum speluncæ suppar, quadro lapide concameratum. Sed, ô insolentis à Deo prodigij facinus: illud subeunti puero, sui cum voce redduntur sensus. Exclamat Annam Christi matris parentem positam esse in armario, quod in fenestræ speciem apertum occluserant lapide, accensæque lampade ornauerant. Effoditur notatus paries. Inuenitur non sine titulo tanti pignoris indice corpus sanctissimæ mulieris, cùm suauissimus odor totâ diffunderetur basilicâ. Verùm hæc dixisse satis pro loco fuerit. 7
non postulat, vt præterea disputem de beatissima Christi auia, doceamque ipsius corpus è Iudæa delatum esse in Prouinciã; & principio palam omnibus ad venerationem propositum Aptæ Iuliæ: deinde, cum tempora postulerent, conditum latebris, vt in barbarorum hominum, qui vniuersam circum regionem depopulabantur, manus non deueniret, quod nunc ago est, Simianæam gentem, magnis ad omnem gloriam inclauisse opibus, eo tempore, quo Deus illud mortalibus aperuit per insolita prodigia. Illius princeps Carolus Magnus domi hospitum tum habebat. Atque vt, seu hæretici pro sua proteruitia, & popularium religionum odio, seu è catholicis nonnulli, propter ignotas mihi causas, dubium habeant, aut etiam negent Annæ suum corpus, tertè nihil afferent, cur negent Casanouanum dynastam, & imperitasse Aptæ sub Carolo Magno, & Ioannem habuisse filium. Præterea vt 8
(quod omnino falsum est) concedamus volentibus corpus Annæ non inuentum esse Aptæ, nullum etiam aliud sanctæ mulieris corpus è latebris quondam erutam; & omne, quod de auia Christi iactatur,

reponamus in fabulis , nemo sapiens tamen asseret illum , qui primus stropham inuenisse dicitur , ita dementem fuisse , vt cetera quibus fabulæ (quando placet ita loqui) sua fides per nouem sæcula ad nos vsque stetit inconcussa , excogitauerit . Vt & populum , & sapientes viros securè luderet , sicuti neque Aptam Iuliam urbem , ita neque Casanouanum dynastam , seu Aptæ dominum , seu Ioannis & cæci , & surdi , & muti Carolo Magno Imperatore patrem , finxisse existimandus est . Cogitauit potius ex nobilissimi pueri per vegrande prodigium curatione , causas ad populum graues esse venditandæ omni fabulæ , quam loquuntur , de Annæ corporis inuentione . Verum nullus hîc fabulæ locus , nullus figmento . Annæ Christi auia corpus inuentum esse in basilica ecclesiæ Aptensis , Ioanne Casanouani dynastæ , qui Carolum Magnum domi suæ habebat , filio monstrante , scripsit ad Pontificem Romanum ipse Carolus ; canonici Aptenses , à Teudericō Episcopo inuenti anno 991. in suarum posuerunt breuiario precum , & sapientissimi viri in suis de Aptæ , & de Prouincia libris ; Aptensis demum Ecclesiæ , ac vniuersæ Prouinciæ , certa memoria tradit ab annis ad nos vsque nongentis . *Singula per ordinem , manu publicorum scribarum rediguntur , inquit canonici antiquissimi illi , & omnia summo Pontifici fideliter referuntur : omnia per sanctissimum dominum nostrum Papam approbantur .*

- 9 Quod Ioannis patris nomen fuerit meæ chartæ non habent . Ab eo ante annum nongentesimum nonagesimum non inuenio qui asseratur cjsuldem gentis cum Simianæis . Illo nonagesimo viuebat Humbertus , qui pro nobilitate , & opibus cenferi potest duxisse originem à Ioannis patre . Per illum eorum gens , ad nos vsque gradatim , ordine nunquam interrupto , peruenit in vndecim omnino familias scissæ . Cùm enim Guinotus , siue Guinolus , & Berengarius fratres , duodecimo gradu ab Humberto deducti , liberos ante annum millesimum quadringentesimum sustulissent , duasque eduicerent familias , hæ singulæ postea in plures scissæ sunt , Guinotia quidem in quatuor , in septem verò Berengariana . Scilicet cùm Guirannus ex Maria Euenç domina , alios liberos , & Guinotum , ac Berengarium sustulisset , Gordana , Planitiensis , & Monchana , familiæ per Guinotum prodire , quæ nunc etiam vigent ; atque Vacheriensis , quæ in puellam me puero desit Manualcæ . A Berengario autem Castronouensis , Tricanucia , Esparronia , Costamoirana , Gratianopolitanæ dux , Præsidis in Senau altera , altera Præsidis in curia Computorum , Aquis demum profectæ sunt . De istis à Berengario ductis dicam libro quarto , tertio de illis à Guinoto : primo autem , ac secundo per eos maiores vniuersos ibo , qui Guinotum & Berengarium præcesserunt . Omnino fuere duodecim igitur libro primo sex priores exequar , secundo ceteros , ipso cuiusque libri principio sermonem instituiam .

- 10 Humbertum tres chartæ memorant . Prima sic habet . *Ego Guaraco tibi cedo Humberte aliquid de hereditate mea , per foras factum quod tibi feci , vt cum te finem habeam . Sunt ipsa res in Comitatu Aptensi , in castro Casanoua , & in suo terminio , quantum mihi pars obuénit ; hoc est tertiam partem in Argallo , quantum mihi pars obuénit : sultus Gargatio , quantum mihi pars obuénit : & in Gurgis , vinea & campis , quantum mihi pars obuénit : & in Clauagiano & in Baxo , & in lausciana , quantum mihi pars obuénit , hoc est duas partes subtus castro Bonilio : in villa*

villa *Urciniacus* de vineis modiatas duas, &c. Facta est donatio ista idibus No-
uembris, regnante *Conrado Rege*, indictione 6. Signum. *Guaraco*, qui hanc donatio-
nem scribere fecit, & testes firmare rogauit. *Teudericus Episcopus*, qui voluit & con-
sensit, & firmavit &c. Quis hic *Guaraco*? non liquet. An ille *Guaraco*, qui cū
Rodberto fratre dedit clausum *Vldrico* *fideli suo*? Certè conueniunt tempo-
ra; istud enim clausum dedit *sexto idus Martij*, regnante *Chunrado*, indictione 6.
Quod *foras factum* loquitur? neque id liquet. An clientelæ pro *Argalli* in *Ca-
sanoux* territorio, *Gurgorum*, *Gargatij*, *Clauagiani*, *Baxi*, *Lauuanæ*,
prædiis professionem negauerat, & iis damnatus cedit? Certè ipsis ce-
dit non omnino volens, nolentique suppar, utpote volens cum eo finem,
contentionis scilicet; nam cuius alius? habere. Res autem gesta est regnante
Conrado Rege, & *Teuderico Episcopo*, indictione 6. Quis annus Christi est hic?
nongentesimus nonagesimus tertius. Ut enim indictio sexta quater fuerit
regnante *Conrado Rege*, scilicet annis 948. 963. 978. & 993. tamen *Teuleri-
co* etiam Episcopo fuit tantum semel, scilicet anno 993. quo *Conradus* mor-
tuus est. Nam *Teudericus* adiit episcopatum post *Nartoldum*, qui sedebat
anno 983.

Altera de *Humberto* charta sic habet. Ego *Arnaldus presbyter*, cedo aliquid ad 11
ecclesiam *S. Marie*, & *S. Castorij*, & canonicos illi seruientes, hoc est mansum unum
cū exagio suo pertinente ibidem in *Aptæ* ciuitate, qui mihi obuēit ex parte senioris
mei *Imberti*, viri nobilissimi, &c. Iste mansus ad radicem est muri, quem vocant
Cigunnarium &c. Acta hac donatio septimo calendis *Aprilis*, anno incarnationis
Dominicæ 1006. indictione 4. &c. Dominum Latine dicimus, quem *Ar-
naldus* pro temporū suorum vsu appellabat seniore, unde fluxit vox Gal-
lica *Seigneur*. *Flodoardus* ergo, qui obiit anno 966. sic loquitur libro 3. hi-
storiæ antistitiū *Remensis Ecclesiæ* cap. 20. *Leutardus senior* ipsius ville: *Vvil-
helmus* autem *Aquitaniæ Dux*, ita scripsit anno 910. in fundatione monaste-
rij *Cluniacensis*; Pro anima senioris mei *Odonis Regis*. Synodus denique ad
Theodonis villam numero 1. Vigorem regium ac seniorelem, & super vestros,
& super impugnantes potestatem regiam vultis habere. Cū venerimus ad *Ro-
stagnum*, *Humberti* ex filio nepotem, videbimus *Humbertum* non iniuriā
dictum seniorelem, siue Dominum, ab *Arnaldo*, & nobilissimum virum.

Tertiam chartam, ipse *Humbertus* de se scripsit in hæc voces. Ego *Hum- 12
bertus* præteritorum autoritatem secutus, per testamentum conscriptum, facio do-
nationem ex parte mei alodis, qui mihi obuēit ex successione meorum parentum,
omnipotenti Deo, & ecclesiæ *Sanctæ Mariæ* sedis *Aptensis*, & *Sancti Castoris*
Episcopi, ut Deus omnipotens misereatur mei, & meorum parentum, & ut pro-
pitietur nobis, & deleat iniquitates nostras, suā gratuita miseratione, per omnium
sanctorum suorum intercessionem. Et sunt ipsæ res in Comitatu *Aptensi* in locis
denominatis: hoc est in villa *Internios*, & in *Campaniis*, & in *Surdonicis*, & in
Celeirana, & in *Guttillone*, & in *Interriuas*, & in *Serriana*, & in *Sarpalitanicis*, &
in *Pineto* quantum mihi in ipsis villis est, vel in omnibus quæ ibi pertinent, totum
& ab integro dono ad ecclesiam *Sanctæ Mariæ*, & *Sancti Castoris*, necnon confor-
tio canonicorum sedis *Aptensis*, pro remedio & liberatione anime meæ. Et in ip-
so Comitatu, in castro quod cognominant *Vegno* mansos duos, cum chartis & exagis
suis, cum cūpis cultis & incultis, cū pratis & vineis, & arboribus pomiferis & im-
pomiferis, & cū omnibus quæ ad ipsos māsos tenēt *Geraldus de Puteo*, & *Stephanus*

de Riga &c. Acta hac donatio ecclesiastica in Aptensi ciuitate, publicè 10. calendæ Februarij, anno Dominica incarnationis 1009. regnante Rodulpho Rege, indictione 8. Ego Mauris, & filius meus Vvilelmus, mandante Humberto, hanc donationem fieri, & firmare iussimus, & manibus nostris firmamus &c. Ex istius chartæ vocibus intelligitur Mauris fuisse vxor Humberti, & Vvilelmus filius. Habuit etiam Humbertum filium, vt statim videbimus. Alodis verò, quem Humbertus more suorum temporum loquitur, est hereditas. Apud Marculphum enim vir vxori dicit sequentia; *Tam de alode, aut de comparato, vel de quolibet aduerso*: & vxor ita respondet; *Tam de hereditate parentum, quàm de comparato*. Testamentum autem quod dicitur, est charta testium subscriptionibus firmata; nam in codice legum antiquarum formula 101. ita legitur; *Manumissio sub libertatis testamento, solemniter roboretur*. Humbertus ergo tabulis anno 1009. scriptis, dedit canonicis S. Marit Aptensibus, manfos duos, & prædia villarum 9. in Comitatu Aptensi posita, quæ ipsi obuenerant ex successione parentum. Vnde intelligis & piissimum & opulentissimum fuisse, ac cum & nobilitate generis & opum vi, quem non iniuria existimes ab illo Aptæ Principe descendisse, cuius filius S. Annam nobis aperuit; cumque adedò multa ex hereditate paterna decerperet, magno iure dictum esse nobilissimum ab Arnaldo num. 11. Sed ciuas fuerit, & à quo duxerit originem, quæ ad me peruenerunt tabulæ, non habent. Hoc vnum igitur assero, Simianæam gentem ab illo profluxisse. Accedamus ad ipsius filium, per quem ad nos ea deducta est.

- 13 Vvilelmus seu Guilelmus appellatur. Fratrem habuit patri cognominem, & Adelaidem vxorem, atque ex ea Rostagnum & Guilelmum filios. Chartæ dux ab eo scriptæ peruenerunt ad manus meas: primâ dat manfos duos canonicis Aptensibus anno 1019. secundâ vnum illis ipsis: vttramque accipe. Ego Guilelmus ex vxor mea Adalaïs, cum consilio, & volente fratris mei Vmber-
ti, facinus donationem ex aliquo alodis mei, qui mihi obuēuit ex successione meorum parentum, Omnipotenti Deo, & Ecclesie S. Marie sedis Aptensis, & S. Castoris pij Pastoris, in manus canonicorum ibi deseruientium: vt ipse Dominus Deus per interuentionem S. Marie Virginis, & omnium sanctorum dignetur misereri animarum nostrarum. Et est ipse alodis in castro, quod vocatur Alpester. Hoc est mansus Geraldij Scaffarij, & mansus Ingilfredi, cum campis & vineis ibi pertinentibus: & est inter consortes ex omnibus partibus terra nostra, &c. Acta donatio hac in Aptensi ciuitate, pridie idus Septembris, anno ab incarnatione Domini 1019. regnante Domino Deo nostro in secula. Amen. Guilelmus & vxor eius, quod dederunt, firmauerunt. Vmberius firmavit. Guarnaldus firmavit. Leotardus firmavit, &c. Hactenus duarum illarum chartarum prior: posterior sequitur. Ego Vviller-
mus, & vxor mea Atalaxis, si possibile est à nobis distributa iterum placere Deo, qui proprio cuncta dispensat arbitrio, donatores sumus illi Omnipotenti Deo, & Ecclesie S. Marie, & S. Castoris sedis Comitatus Aptensis, & Canonicis illi famulantibus, domino summi apicis Episcopo conuiente Stephano, aliquid de alode nostro, hoc est vnum mansum, cum omnibus terris ibi pertinentibus, cultis, & incultis. Et est ipse alodis in Comitatu Aptensi, in villa quæ dicitur Caluties, cuius possessor est Guontardus, &c. Acta hac donatio in Aptensi ciuitate 15. calendæ Augusti, regnante Rodulpho Rege. Signum. Vvilelmus, & vxor sua, qui hanc donationem scribi fecerunt, & testibus firmari iusserunt, manu sua firmant Radulfus leuita rogatus scripsit.

scripsit. Inuenio quidem chartam tertiam, quæ Guilelmum memorat. Illam postea recitabo. A Rodulpho presbytero scripta est: in duabus ab ipso Guilelmo scriptis quas recitavi, placet aduertere prius sequentia, ad maiorem orationis perspicuitatem. Statim occurrit in utraq[ue] vox *mansus*. Quid antiquis illis mediæ ætatis temporibus significauerit, accipe. Principio fuit ager certis comprehensus limitibus, Itaque Godefridus Dux Bullionij anno anno 1096. tradidit Affigeniensi monasterio mansos 5. in villa Genapia: & Ida mater ad illos addidit postea *quasdam partes circumiacentes, plenè vnum mansum continentes*. Et Carolus quartus Francorum Rex, auctore Besly in probationibus historiæ Comitum Pictauiensium pag. 170. dedit Hilbodo Abbati S. Philiberti, & monachis ejus Normannos fugientibus, & alia, & *Apaciacum, cum duabus ecclesiis, & mansis 11. quartasque tres; & in villa Massiniaco mansos tres ac medium*. Atque Jonas Eduensis Episcopus monasterio quod instaurabat, concessit *in pago Tornodorensi, in villa, qua vocatur Quintianus, abbatiam S. Germani mansorum viginti, cum omnibus absceatibus, & vineis, cum illisque ad se pertinentibus, alios quoque mansos ad prædictam adiacientes quatuordecim & dimidium*. Ecce mansus habebat suas partes, scilicet quartam, & dimidiam. Ecce mansi partes circumiacent agris, quæ plenè vnum continere tum ferebantur. Mansus ergo, antiquis illis mediæ ætatis temporibus, erat ager certis terræ limitibus circumscriptus. Capiebat autem iugera omnino 12, vt iam olim tradidit Hincmarus ante annum 900. & Alexander Leodientis Episcopus post annum millesimum centesimum decimum, vt domi lib. 1. de Viuar. Episcopi num. 54. id. *passus longitudine quidem 76. supra 500. latitudine autem 288*. Scio post illa tempora longè minorem habuisse amplitudinem. Bartolus ad legem *si ita ff. de auro & argento lege 5.* sic loquitur: *Mansus dicitur, quantum quis cum vno pari boum laborare possit in anno*. Collegium Lugdunense Societatis nostræ, in quo hæc scribo, habet in Tanxæ prioratus chartario mansum fuisse idem, quod territorium, post annum 1300. In compromisso anni 1331. 9. Aprilis, inter abbatem Mansiade & Priorem de Tensano hæc leguntur: *Quendam mansum seu territorium, & in transactione inter Auronium de Boulhano Priorem Tanxæ, seu Tensani; in loco, manso, seu territorio de Macello parochiæ de Tensano*. Sed, vt vidimus, quæ vox mansi agrum certæ amplitudinis omnino significabat, primum ab illa decreuit, defecitque postea in incertam & modicam, ac fere nullam; atque significauit quamcumque etiam minimam agri partem, & quemcumque locum, minimum quoque territorium. Hæc omnia afferre visum est, vt intelligas quos Guilelmus tres mansos an. 1019. dedit capere longitudine passus 1228. & latitudine 864. quot scilicet capiebat toto inter nongentos & centum post mille annos tēpore. Atque hæc de manso dicta sint. Deinde aduertendum est priorem Guillelmi donationem subscriptam fuisse anno ab incarnatione Domini 1019. regnante Domino Deo nostro in sæcula. Amen. Hoc anno 1019. regnabat Rodulphus cognomine Ignauus, seu Negligens. Cui ergo scriba regnasse Christum, non Rodulphum dixit? non liquet, vni Guilelmi & Adalaidis pietati fortasse tibiues: certè quæ charta istam sequitur, videbis scriptam fuisse regnante Rodulpho rege. Et qui ab ignaui, aut excommunicatione Rodulphi, hoc à scriba factum diceret, vehementissimè falleretur. Nunquam is excommunicatus fuit, neque vllā fecit ignauia, vt anni ejus non scriberentur

tur, publicis in tabulis, quos innumeris aliis in chartis scriptos fuisse legimus. Sed accedamus ad alia. Præter duas chartas, à Guillermo ipso, & Adalade vxore, obſignatas, venit in manus meas *Breue de terris, & vineis, quas acquisiuit Rodolphus preſbyter, & dedit Eccleſiæ Aptenſi, ſine die, & anno; in quo memoratur Vvillermus noſter. In eo ita lego. Super viam, inquit Rodolphus, juxta eccleſiam S. Vincentij, habeo terram, quam dedit mihi ſenior meus Guillelmus filius Humberti. Et poſt multa, Pratum magnum habeo ſuper viam ab Orientali ripa, quod dedit mihi Guillelmus ſenior meus. Hic Rodolphus ſe dicit Grammaticum, quia psalmos, notas, cantus, computum, grammaticam, ex mandato, quod olim tulerat Carolus Magnus, in Episcopio docebat, vt legitur in Capitulari Aquilgraniſi. Breue autem de terris, & vineis quod ſcripſit eſt, vt loquebar libro 1. de Episcopis Viuarienſibus num. 46. album, in quo recenſentur & enumerantur terræ, & vineæ, quas conceſſit Eccleſiæ Aptenſi. Demum vide Guillelmum dici ſeniorẽ à Radulpho, ſicuti Humbertus pater ejus appellabatur ab Arnaldo. Cũ autem omnia prædia ruſtica, quæ ad 27. præter manſos etiam enumerat, fuiſſe doceat in agro Apræ & Gargatij, abs dubio ſignificat etiam fuiſſe Apræ & Gargatij. Roſtagnus, Guilelmi, quem Humbertus genuerat, filius nupſit Giſlæ, Raimbaldi filiæ & Acelenæ, Ex Giſlæ matrimonio intellige opes, & nobilitatem Roſtagni. Raimbaldus Giſlæ pater filius erat Leodegarij, & Odilæ, quam Guilelmus Prouinciæ Comes ſuſtulerat ex Adalade vxore. Hoc aduerto, vt videas non eſſe nihil, cur Humbertus Roſtagni auus exiſtetur ortus ab illo Ioanne, qui D. Apræ filius inuenit corpus S. Annæ. Ex Roſtagno & Giſla nati ſunt filij ſex; Vmbertus, Raimbaldus, Raimundus, Laugerius, Guilelmus, & Bettrannus. Hæc omnia habentur in tabulis tũ exaratis cũ Roſtagno viuēbat, omnino ſex illius memores aſſero.*

Prima ſic habet. Ego Roſtagnus, & frater meus Guilelmus, jubente Alſanto preſule & poſſeſſore Rodulpho preſbytero, volentes facimus donationem Deo, & S. Marie, & canonicis in commune viuētibz, de manſo vno &c. Similiter & ego Alſantus, ſermo Domino iſtud, & volens quod ad me pertinet dono &c. Ego autem Rodulphus quamuis ſim hic numero vltimus, dono tamen ſicut primus: ſequor donum hoc, & corroboro, vt Deus miſereatur mei, & parentum meorum, qui inquiſitores fuerunt huius honoris, &c. Si petas, cur ſolus, ſeu Roſtagnus, ſeu Guilelmus non conceſſerit canonicis Aptenſibus hunc manſũ, ſed ambo, non aliud reſpondebo & aptius, & ſimilius veri, quã id ex illo factum eſſe, quod ambo ſimul dominabãtur ei, non autẽ vnus illorũ ſolus. Et quoniã in conſequentibus ambo videbimus, alia etiam quæpiam donauifſe, eò cogitatione deuenio, vt putem ambo hereditatem paternã pro indiuiſo adiuiſſe. Difficilius dictũ eſt, cur manſum dediſſe ferantur Alſanto episcopõ iubente? cur Rodulfo poſſeſſore? hæc tamen intelligentur ex ſequentibus. Alſantus ita loquitur: Similiter & ego Alphantus ſermo Dño iſtud. Vides agere episcopũ; quod eccleſiæ conceditur, manſum admittere. Addit ergo, & volens, quod ad me aliquatenus pertinet; vt pote eccleſiæ meæ conſeſſum dono, & maledictioni perpetuæ tradidit illos, qui hoc donũ ſuis adinventionibus malis irretire voluerit. Cũ ita loquatur ſacrorũ Antifites, intelligis Roſtagnũ & Guilelmũ fratres, id pro modestia ſua conceſſiſſe Episcopõ, vt dicerent, ſecũ jubẽte dare manſũ canonicis eccleſiæ, quod eo volẽte ac probãte largiebantur. Arque hoc de Alſanto episcopõ dictũ ſit: accipe quid adjungatur de Rodulfo. Ego autẽ Rodolphus, quamuis ſim hic numero, ſeu ordi-

ne, *ultimus*; vtpote Rostagno & Guilelmo dominis meis, atque Alphanto Episcopo meo multum interior, *dono tamen sicut primus*, & præcipuus, siue dominus ille sit, siue Episcopus.

Quid ita? *Possessor* mansi erat, vt vidimus. Pergit ergo: *sequor donum hoc* Rostagni, & Guilelmi fratrum, & corroboro, vt *Deus misceatur mei, & parentum meorum*. Nomine parentum non intelligit patrem & matrem, sed sanguine ab illis proximos, idiotismo vulgi, quem nostris etiam temporibus, qui minùs Latine loquuntur, vsurpant. Subjungit enim, *videlicet fratrum meorum, qui inquisitores fuerunt huius honoris*, seu mansi. Inquisitores appellat, qui acquisierunt, & sibi comparauerunt istum mansum. Cùm hæc omnia sic habeant, ego quidem mihi videor posse asserere, Rodulphum esse illum, qui suum, & à fratribus acceptum, mansum, donat canonicis: Rostagnum verò & Guilelmum *seniores* seu dominos, laudare donum Rodulphi, atque adeò eundem mansum donare quidem, sed longè aliter quàm Rodulphum: scilicet more principum, qui donant quæ à dominis concedi probant, atque, vulgò loquimur, laudant, aut etiam omni iure domini soluunt. Scilicet is ipse Rodulphus presbyter in breui prædiorum quæ donebat *B. Marie, & S. Castori* vocauerat Guilelmum patrem Rostagni, & Guilelmi *seniorem*, idest dominum suum: erat verò graminaticus Ecclesiæ Aptensis, idest grammaticam, computum, & alia, quæ numero 16. attuli, docebat in Episcopo. Neque igitur mihi videtur, fuisse Rostagno & Guilelmo, dominis suis, atque, vt statim videbimus, principibus Aptæ, proximus sanguine.

Secundam, in qua de Rostagno est sermo, chartam scripsit Alphantus 19 Aptæ Episcopus anno 1036. Ceciderat Aptensis Ecclesia, & quidam ex clero polliciti erant laborem, sua seque dedentes ad illius instauracionem. Ad hoc exquirendo sodales, ait Episcopus, *inuenio sodales, idoneas personas duorum fratrum mee ciuitatis principum, scilicet Rostagnum, & Guilelmum, qui de suo duros fatentur ad erigendam prædictæ matris ecclesiæ consternationem*; & quorquot aliorum posse fuerit, inuenire personas, sua monitione ac imperacione circumuentos, adiutores, complices adducturos.

Tertiam de Rostagno, & Guillelmo chartam accipe. Summopere permotus, subaudi, voluntate reedificandi ecclesiam Aptæ, ego Rostagnus, & Guilelmus frater meus, pro animabus nostris, vtpote ad quos, vt dominos & principes, id operis maximè incumbit, ecclesiam S. Petri, quæ est in Comitatu Aptensi, in territorio castri Castellionis, & Ecclesiam S. Phara, & Ecclesiam S. Marie, & S. Stephani, & S. Michaëlis in Castro, S. Marie Aptensis Ecclesiæ, & congregationi in communi viuenti, donamus. Si quis autem ciuitatem, vel illud castrum, seu alia castra petere, in Comitatu Aptensi, inhabitans, prædictæ matri Ecclesiæ feudum suum dederit, alodium ejusdem Ecclesiæ esse concedimus. Quid est hoc, alodium esse concedimus? accipe Glossarium Salicum: *Allodium, siue Aelod* dicitur, quod sine seruitute, vel iugali, & dominio directo est possessoris. Hoc paruum est. Tu ad illud animum intende. quod Rostagnus ait, si quis Apram, Castellionem, aut alia Comitatus Aptensis castra inhabitans dederit Aptensi Ecclesiæ feudum, concedimus vt sit ejusdem Ecclesiæ alodium. Ergone id juris habebant Rostagnus & Guilelmus & dominio totius Comitatus directo patiebantur.

Quarta sit, quâ Rostagnus & Gisla vxor, vnâ per voluntatem filiorum qui 21 vocantur,

vocantur, Vmbertus, Raimbaldus, Raimundus, Langerius, Guillelmus, Bertrannus dant clericis qui communiter viuunt intra claustra Aptæ, mansum in quodam castello, quod dicitur Barretum in Comitatu Guapincensi, & dedit Raimbaldus sacer cum filia sua Gisla. In ista charta vnum addit Rostagnus, quod placet afferte. Martyr egregius, inquit, Auspicius primus ecclesia hujus Aptensis Episcopus, primam istam Ecclesiam construxit, & dedicauit intra mœnia mœrorum. Cùm ita loquatur Rostagnus, videtur istas exarasse tabulas, antè sacra ædes quam anno 1056. caderet Alphanto Episcopo, vt vidimus num. 17.

- 22 Quintà Pontius omnia sua prædia & vrbana, & rustica dat Aptensi ecclesie. Aduerto in illà duo. Hæc, inquit, propriâ voluntate dono S. Mariae sedis Aptensis, & seruus Dei fratribus meis in commune viuentibus, & Ecclesie S. Mariae, & altaribus S. Auspicii & S. Castoris seruientibus. Hoc primum sit. Clericos in commune viuentes, vocat fratres suos. Nihil huiusmodi hætenus legi in aliis tabulis. An se & Petrum filium vnicum cum suis omnibus prædiis dabat Aptensi clero? Alterum quod aduerto, continetur verbis sequentibus: Hanc donationem ego Pontius facio pro amore Dei, & per voluntatem meorum seniorum, seu dominorum, idest Alfanti episcopi, & Rostagni, & Guilelmi fratris ejus. Alfantum vocat senioresem seu dominum suum, pro communi Christianorum more, qui compellant episcopos; Rostagnum autem & Guilelmum, quoniam erant Principes Aptæ, vt ipse Alfantus docuit num. 19.

- 23 Sexta & vltima Latinas voces Prouincialibus miscet, atque veluti in dialogum conscripta est. Adelbertus filius Dilecta dona à feudatâ, à seruitio la castania del Laigno à Rostan d' Agol. Istæ sunt voces, quæ à Prouincialibus vsurpabantur anno 1050. & sequentibus, per vitam Rostagni. Ita reddo Latinis: Ego Adelbertus Dilectæ filius, do in feudum, & seruitium castellaniam Saignonis caltri Rostagno d' Agoult. Rostagno loquebatur Adelbertus filiis comitato, ei enim respondent, Rostagnus quidem; Et ego Rostagnus, filius Adalaix, seu Adelaidis, non te decipiam; & post Rostagnum filij, nec ego Imbertus, nec ego Raimbaldus, nec ego Raimundus, nec ego Leodegarius. Non te decibrem (vox Prouincialis; idest decipiemus) de tua vita, nec de tuis membris. Ita olim loquebantur, qui profitebantur clientelam. Imbertus, Raimbaldus, Raimundus, Leodegarius, filij sunt Rostagni. Cum patre capiunt Saignonem in feudum ab Adelberto. Ille Adelbertus, dicebatur de Mulgol, ex charta anni 1120. & Rostagnus de Agolt, vt dicam postea, cùm ad Raimbaldi filios, nepotes Rostagni peruenero. Ad ipsum Raimbaldum accedamus, à quo gens ex Humberto proauo per Guilelmum auum & Rostagnum patrem ducta ad nos vsque propagata est.

- 24 Raimbaldus Rostagni filius, nomen Agoltij, siue Agoutij, quod pater sibi acceperat, seruauit; Sanctiam ignotorum mihi parentum filiam duxit; & ex ea sustulit Guirannum, Bertrandum, Rostagnum, aliosque filios & filias. Hæc tria docet Leodegarius Raimbaldi frater, & Aptensis episcopus, in chartis quas scripsit, aliud in alia. Ita loquitur. Ego Leodegarius Episcopus Aptensis, vobis Guiranno, & Bertranno filiis Raimbaldi de Agolt &c. totum meum honorem, quem à parte patris mei Rostagni habui, ego Leodegarius Episcopus tibi Guiranno, & Bertranno, & Rostagno filiis Sancia dono. Ecce tradit Raimbaldi cognomen, fuisse de Agolt; Sanctiam habuisse conjugem; & Guirannum, Bertrannum, ac Rostagnum filios. Alia in charta Guiranno & Bertranno fi-

liis Sanctæ addit alios fratres: *Ego Leodegarius Dei gratiâ Aptensis Episcopus, volens cum cognata mea Sanctia, & cum nepotibus meis: scilicet Guiranno, & Bertranno, & ceteris fratribus.* Denuum chartam accipe, in qua filiis Raimbaldi & Sanctæ adiungit filias. *Ego Leodegarius Aptensis Episcopus, post mortem meam, cognata mea, & Guiranno, & Bertrando, & ceteris filiis & filiabus, qui ex fratre meo Raimbaldo seu Rambaldo, & ex ea nati sunt, derelinquo.* Quem verò honorem Leodegarius Episcopus, & à Rostagno patre acceperit, & Guiranno, aliisque Rambaldi fratris & Sanctæ filijs, ac filiabus concesserit, ipse addit in prima illarum trium, quas modò retuli istis verbis. *Honorem verò donatum esse Gordam, & Sorquetam, & locatum, & Gargatum, & partem meam Aptæ civitatis, quam à parte patris mei Rostagni habui, & Casam-nouam, & Castellionem manifestò & confirmo.* Hic vide quàm nobilem, & opulentam hereditatis partem, Rostagnus pater Leodegario concesserat. Suo loco dixi filijs ei fuisse omnino sex, Vmbertum, Raimbaldum siue Rambaldum, Raimundum, Laugerium siue Leodegarium, Guilelmum, Bertrannum. Si Laugerium, quem aut sacerdotio destinabat, aut in sacerdotio constitutum videbat, eâ hereditatis parte donavit, putas non Vmberto, & ceteris matrimonium cogitantibus singulis tradidisse longè illustriorem, ac pinguiorem? quântam autem primogenito largitus est? sed ad alia veniamus.

Raimbaldus extremum diem obierat, cum filij anno 1113. cum Sanctia ²⁵ matre laudabant emptionem Sanionis à leodegario Aptæ Episcopo & eiusdem Raimbaldi fratre. Enimvero si tum vixisset, aut solus, aut cum vxore, & filiis ipse quoque eam laudasset; atque cum ipsa donationem Episcopis, & Ecclesiæ suæ. Accipe tabulas vetustate nobiles. *Ego Leodegarius Dei gratiâ Aptensis Episcopus &c. castrum Sanionis &c. emi &c. Et ego Leodegarius hoc castrum, scilicet Sanionem &c. dā & concedo Deo, & S. Mariæ, & S. Auspicio, & S. Castori, & omnibus Episcopis, in eadem sede meis subsequētibz.* Et hanc donationem laudauerant milites ipsius castri. Id est qui prædia in ipso castro possident. Raimundus Aicardus &c. Filij Pontij Buzat, & Sanctia vxor Raimbaldi de Agolt, cum omnibus filiis suis laudavit, & concessit &c. Facta est hac concessio anno 1113. Cum autem is ipse Raimbaldus consensum præbuerit an. 1056 donationi mansi Bartetenſis Aptensibus clericis, qui communiter viuebant: in eâ tum ætate erat quâ suo ipse nomine ac per se agere posset in iudicio cūque ab eo anno ad 1113. sint 60. & vnus, superasset ætatis septuagesimum si vixisset, 1. Christi post 1100. Atque hætenus de Raimbaldo dictum sit.

Guirannum Raimbaldi filium, plurimæ chartæ memorant. Eas tantum ²⁶ afferam, quibus sui anni sunt inscripti. Prima sit anni 1120. Eâ Leodegarius dat ipsi & Bertranno fratri castrum Sanionis in fidelitatem & seruitium, siue in præstariam. *Ego Leodegarius vobis Guiranno & Bertranno filiis Raimbaldi castrum de Sanione dono, id est castrum de la Crugera &c. Anno ab incarnatione Domini nostri Iesu Christi 1120. indictione 13. 6. cal. Iulij. Anno 1129. interfuit Guirannus, cum Bertranno fratre, donationi Adelaidis Comitissæ Forcalquerij Bertranno & Guigoni ex Vvilelmo filio nepotibus. Ego Adelax Auenionensis & Forcalqueriensis Comitissa dono, & concedo, & laudo, filiis filij mei Vvilelmi Comitæ, Bertranno at Guigoni nepotibus meis omnem meum honorem, totiusque Provincie potestatem atque dominium, vbicūque mei iuris &c. Anno Dominice incarnationis millesimo centesimo vigesimo nono*

E E e e . inditione

inditione 6. *Guirannus & Bertrannus frater &c.* Vides Adelaidem, & ex ea Bertrannum & Guigonem fratrem dominatos esse pluribus, & aliis aliâ in parte locis Prouinciæ. Anno 1144. Leporianum datur Militibus Templi, testibus Guiranno & Bertrando fratribus. Chartam donationis legi ego in libro (vt loquuntur) viridi Sistaricensis Episcopij folio 30. Hoc affero, vt de illius sinceritate nulla sit lectori dubitatio. Ea enim omnium vetustissima est, quas inuenio dedisse nomen de *Simiana* Guiranno; & Raimbaldi, Bertranno. *Ego Comitissa Adalays, Ego Comitissa Garcennis, & Ego Bertrandus, & uxor mea nomine Iauceranna, & Ego Guigo Comites Forcalquerienses, damus, & in perpetuum concedimus Templo Domini quod est in Ierusalem &c. Testes sunt Guirannus de Simiana, Bertrandus Raibaudi &c.* Facta est presentis scripti pagina anno 1144. &c. anno 1149. Guigo frater Bertrandi Comitis Forcalquerij dat Hospitalariis quidem Ierosolimitanis vniuersam Manualcæ vallem; cetera vero bona sua filij fratri sui, dummodo illam Hospitalariis donationem firmam ilibatasque conferuent. Sed addit sequentia: *Quod si violari presumpserint, eis omnia que reliqui aufero, & Guiranno, & Bertrando Raimbalde omnia bona mea relinquo, &c.* Facta est hac dispositio anno ab incarnato Domino 1149. tertio cal. Iunij lunâ 21. regnante Imperatore Conrado. Guigo dat quidem Bertrando nomen Raimbaldi, sed nomen de *Simiana* non dat Guiranno. Hoc illi tribuit scriba Parisiis anno 1152. cum ita scripsit: *Matrimonium domini Guirandi de S..... na militis & Galburgiæ eius uxoris, presentibus Adalberto Episcopo Nemausensi, Rostano de Agouto &c.* atque accepit ipse pluribus in chartis. Sed vnum hic tacere non possum. Guirannus Raimbaldi filius, de quo nunc est disputatio, videtur non longè fuisse, ab anno ætatis sexagesimo, cum Galburgia ei nupsit, an ergo non ipsi nupsit Galburgia; sed ipsius filio, quem statim videbimus cognominem patri fuisse: verum libro 2. de Manualcæ, 7. asserui Guirannum de quo nunc sermo est nupsisse Galburgiæ; & huius filij, quam postea videbimus ætas, facit vt negare debeamus iniisse matrimonium anno 1152. denique filio Guiranni huius liberos dedit Huga vt videbimus, non Galburgia, & vivebat Huga anno 1233. anno igitur illo 1152. Guirannus Raimbaldi filius nupsit Galburgiæ. Ex ea tamen non genuit Guirannum secundum. Ex alia ante Galburgiam, Guiranno eum genuit & Rostanum etiam de Agouto cognominem fratri. Ad alia pergamus.

28 Guirannus secundus, sic enim appellare placet, vt à Guiranno patre distinguam, Guirannus ille est, quem Bertrandus Forcalquerij Comes locutus est, in testamento his verbis: *Ego in Dei nomine Bertrandus Comes Forcalqueriensis &c. irrevocabiliter dono &c. Hospitalariis &c. quicquid ego habeo, vel habere debeo in castro de Manualcæ, & in castro de Totis auris, & in eorum territoriis &c. De reliquo Comitatu meo, sic vltimum voluntatem meam dispono, vt frater meus Guillelmus Comes, mihi heres existat in reliquo, tali tamen lege, vt liberalitatem, quam in domo Hospitalis contuli, perpetuò ratam & firmam habeat &c. si verò voluntatem meam infringere omnia que iure institutionis sibi reliqui aufero; & totum quod habeo à Sistarico atque ad Alpes, relinquo Raimundo Comiti Tolosano; quod autem habeo à Sistarico vsque ad Rhodanum, conserguineis meis Guillelmo de Sabrano & fratribus eius, & Guiranno de Simiana & fratri eius, & liberis Bertrandi Raybaudi. Vt enim vides, Bertrandus Guigonem patrum, qui ante ipsorum anno millesimo centesimo quadragésimo nono Hospitalariis Manualcæ dederat*

dederat æmulatus: Cùm tradidisset illis *Manuascam* scilicet *Burgum*, & *ca-*
bellum, & *Totas auras*, cum *toto territorio*, & *omnibus ad Manuascam pertinen-*
tibus &c. & *religiosa bona sua* ubicunque essent *filius fratris Guilelmi* &c. adiecit
 sequentia: quam *donationem si violare presumpserint, eis omnia quæ reliqui*
aufero, & *Guiranno*, & *Bertrando Raimbaldi omnia bona mea relinquo*. Hoc
 vno nepos à patruo diuersus est, quòd *Guigo Guirannum* & *Bertrannum*
 fratres scripserat heredes, si ex fratre nepotes non paruissent mandatis, cùm
Bertrandus suorum ex fratre nepotum filios, in hereditatis partem vocet.
Bertrando Raimbaldo sua dedit *Guigo*, *Bertrandus* autem sua dat *Bertrandi*
Raimbaldi filiis; *Guirannoque* igitur primo sua concessit *Guigo* & *Guiran-*
no secundo sua *Bertrannus*. Si peras, cur omnia sua, *Bertrannus* vnus *Gui-*
ranni & *Bertrandi filiis* non tradidit, sicuti sua omnia *Guigo* dederat? Res-
 pondebo: *Bertrannus* summus erat princeps *Comitatus Forcalqueriensis*;
Guigo, vt Comes diceretur, non tamen summi principis habebat iura: hic
 ergo *Simianxis* fratribus potuit suam hereditatem facilius consanguineis tra-
 dere, *Bertrandus* totum *Comitatum* minore, pro amplitudine sua, difficulta-
 te in varios partitus est. Petes, quis *Guiranni* secundi frater fuit, qui fuere fi-
 lij *Bertrandi Raimbaldi*? Respondeo. *Bertrandi Raimbaldi* filios ad hanc
 diem non legi; *Guiranni* secundi frater, fuit *Rostagnus de Agouto*, cognomi-
 nis *Patruo*, qui (vt vidimus numero 22.) frater fuit *Guiranni* primi pa-
 tris.

Hic vnum tacere mihi nefas est. *Bertrandus Raimbaldus de Simiana* 29
 anno 1188. dat cum *Sacristanæ* vxoris consensu *Bonnelettam Cisterciensibus*
Vallis sanctæ. Is abs dubio fuit *Simianæ*us gente. Hoc & de *Simiana* nomen,
 & *Bertrandi*, ac *Raimbaldi* prænomen, genti *Simianæ*, & tum & postea velu-
 ti propria, non in euidenter docent. At per obsecrum omnino est dicere,
 quo agnationis gradu *Guirandum* 2. de quo nunc dicimus, contigerit. Illius
 patrum quem n. 24. & sequentibus vidimus, & *Guiranni* primi fratrem fuisse,
 nunc dicerem, si *Bertrandus Forcalquerij Comes*, non significaret iam fuisse
 mortuum anno 1168. vt docui numero 28. Potuit ex *Imberto*, potuit
 ex *Raimundo*, potuit ex *Guilelmo*, potuit ex *Bertrando*, *Raimbaldi*, quem
Guirannus secundus auum habebat, fratribus originem ducere; aut etiam
 ex *Guilelmo Raimbaldi patruo*. Viri pietas facit, vt, etsi ignotus est illius in-
 gentis serie locus, pro anno quo ea sese aperuit, de ipso dicam, disse-
 rens de *Guiranno* secundo coætaneo; & ab illo non seiangam oratione,
 quem cum ipso tempora coniunxerunt. Ego, inquit, *Bertrandus Raim-*
baldi, dominus de Simiana, totam terram de Bonnelette, cum voluntate
et assensu vxoris mee Sacristæ, do in elemosynam Deo, & S. Mariæ Vallis
sanctæ, fratribusque ibidem Deo seruientibus &c. *Telles, abbas* *Robertus Sylua*
candidæ &c. sigillum tabulis vnicum appensum nunc est. Duo præterea *Ab-*
batum Vallis sanctæ, & Syluæ candidæ, ex illis pependisse affirmant, quæ
 ab vtroque superstitis latere aperta sum foraucina. In eo visitur *Bertrandus*
 equo sublimis, pro dynastarum illis temporibus more. Sinistrâ scutum ve-
 grande, & longitudine corpori suppar præfert, inscriptum ariete ampliter
 lanato, cornutoque; & eo reptante, qui stragulo equi impositus est gra-
 dientis in morem.

Cùm hæc ita habeant, profectò mihi disputandum est de dnobus: isto 30

ariete, qui & in equis scuto, & in equi stragulo inscriptus est: atque illo Raimbaldi nomine, quo se Bertrandus appellat. Nam ut ab isto incipiam, quod esse putabimus id nominis? Tu fuge gentilitium existimare. Prænomen alterum viri fuit. Neque nouum & insolens hoc arbitrabitur, qui cogitauerit non duo, sed tria, vel quatuor prænomina à nonnullis nunc etiam usurpari. Et quidem non esse gentilitium, & alia suadent, & quòd cum sciamus non paucis de gente viris attributum fuisse (ad vndecim, aut non multò plures numerant) cum alio fere prænomine, feminis aliquando in prænomen vnicum fuit; scilicet anno 1267. ei puellæ, quam Giraudus pater destinauerat conjugio Raimundi Baldij, & anno 1312. vxori Voutensis dynastæ. Sed rem omnino conficit, quòd anno sexto & quadragesimo post millesimum ducentesium, fuit ex Simianæis vir, fuerat & secundo ac vigesimo, qui postposito Guiranni prænomine appellaretur Raimbaudus Guirannus. Fuit etiam post centum ab isto Raimbaudo annos, qui se Raimbaldum de Simiana (nomen scilicet gentilitium, ut mos est, prænomini subiungens) vocaret. Quid? quòd Bertrandus Raimbaldus Guirannus vii frater, omisâ *Raimbaldi* voce, prænomini Bertrandi vnico, gentilitium Simianæi nomen aliquando subiunxit, scilicet anno 1146. *Tarascone, Sadana, & Dinia*, sunt verba tabularum illius anni, *fecerunt homanaticum*, siue hominum, & clientelæ professionem Raimundo Prouinciæ Marchioni, *Barones* non pauci, & alij, & *Bertran de Simiana, Aicard Saunada, Berenger de Torreues, lausfre de Torredes, Fulco de Ponteues*. Igitur ut Aquitani Principes se plurimi Guillelmos dicebant, Flandri Balduinos, Theobaldos Campani, Viennenses Gerardos: & ut ad dynastas veniam, Castilionæi Gaucherios, Bouchardos Monmorantij: ita Simianæi non pauci se appellauerunt Raimbaudos seu Raimbaldos. Atque hanc Simianææ gentis consuetudinem significabat nostrorum Comitum ille optimus Reuatus Rex, cum nonnullarum Prouinciæ illustriissimarum gentium pangens elogia, *Raimbaldos de Simiana* dixit. Neque enim voces *de Simiana* addidisset ad Raimbaldi vocem, si Raimbaldi nomen esset gentilitium; atque voces *de Simiana*, oppidum in ditione Raimbaldæ gentis positum, non Simianæam gentem ab oppido in ditione posito appellatam significarent. Raimbaldi nomen attulisset, & sine Simianææ oppidi in ditione positi nomine, ut Porcelleti, Bonifacij, Forbini nomina, sine omni pagorum, aut oppidorum voce ditione nobilissimarum gentium subiectorum. Sed istud hætenus dictum sit.

- 31 Majus alicui fortasse videbitur: quòd Bertrandus in sigillo, quòd ex Bonelette Vallisancætanis Cisterciensibus donatione pender, arietem, seu repantem, seu gradientem sibi accepit. An igitur illum ferebat in armis? ferebat omnis Simianæa gens? Obscurum est hoc, neque enim ad hanc diem occurrit; quod euincat fuisse vniuersis Simianæis gentilitium tesseram. Sed cum nemo nesciat aliis non paucis per Galliam, Germaniam, Italiam, & Hispaniam gentibus fuisse suam per illa tempora, quid asserere poteris, ut id neget Simianææ? Vnde igitur factum dicemus, inquires, ut Simianæi relicto ariete, gerant nunc in scuto lilia sine omni numero, cum castellis in tres turres fastigio impositas surgentibus: non liquet. Vnum mihi videor, si non asserere, opinari certè potius quam suspicari posse, quòd ille arietem libijs ac turribus mutauit, qui Franciscanis Aptensibus exadificauit sacram ædem.

enim

enim alioqui superposuit ejus foribus scuta duo, in quorum altero spectatur aries, lilia cum castellis in altero: Antiquum scilicet, quod deponebat, & quod nouum asserbat, inscripsit medio frontis fastigio: illud quidem, vt quod à maioribus acceperat dammare non putaretur, dedecorique ducere; hoc autem, vt posteris, ad honoris gloriæque tessera proponeret liliatum. Neque aut insolens, aut Simianæorum singularis est hæc scutarij typi mutatio. Clarissimæ gentes non pauca alia nunc ferunt in scuto, quàm olim tulerunt arma. Syluancetenses, quos dicimus Buticularias, nunc inscriptas crucigenum buticulas quinque: quondam diuidebant scutum in partès quatuor, aureas duas, duas cyaneas, ipsasque alternatim positas. Tassij (vt exteras etiam gentes memorem,) è quibus orti sunt apud Hispanos Villamediani Comites, & apud Neapolitanos Paulli Marchiones, ter mutauerunt scutaria symbola. Quid asseram Bethunios dynastas: semper quidem adamauerunt facias, sed hi rectas, obliquas illi; & vnã alij, alij duas, aut tres, vel quatuor, siue etiam quinque, sex, ac demum septem. Atque hæc sunt quæ de scutariis Bertrandi ac Simianæorum olim armis, & Raimbaldi prænomine mihi videntur. Certiora, fortassis afferent alij. Reliquum est vt de Sacrista Bertrandi Raimbaldi hujus vxore aliquid asseram.

Anno millesimo centesimo nonagesimo quarto, ea dat nescio quæ 34 Templariis Sanctægidianis. Eodem anno venit in pacta cum illis ipsis, seruata sibi actione in R. Comitem Tolosanum, & alios; atque Guilelmus Porcelletus, Pontius Archimbaudus, & R. de stagno se pro ipsa vades præbent. An per vitam Bertrandi conjugis existimabimus sibi alios ab illo vades accepisse: videtur ergo Bertrandus Raimbaldus non vixisse eo anno; quo autem mortuus fuerit non lego. Ceterum Sacristanam vocant istæ tabulæ, vocant nescio quæ Petri Aragonum Regis in monasterio de Areis: *Sacristana domina erat burgi Arelatensis anno 1209*. Sacristarum verò, vt hoc addam, gens fuit quondam illustris in Prouincia. Anno millesimo centesimo quadragesimo sexto, Raimundus Sacrista se dixit clientem Raimundi Prouinciæ Marchionis Tarascone, cum aliis dynastis: Hugo autem Sacrista decimo post anno interfuit mutationi Maurellæ villæ à Sanuictorino Abbate cum nescio qua alberga & alia aliquibus prædiis villæ S. Antonini, cum Raimundo Berengario Comite Barchinonensi: Verum hæc satis de Bertrando Raimbaldo. Redeamus ad Guirannum secundum.

Is ex Huga conjugē genuit filios tres. Guirannum, Raimbaudum, & Guidetum, 33 Guiranni vxorem nusquam legi: Raimbaudus nupsit Ponticæ & Guidetus Isoardæ de signa. Ab hoc vno ad nos vsque propagata gens est. Ejus fratres, aut liberis catuerunt, aut ab eis, si quæ fuit familia, nunc esse desit. Locutus ergo postulat vt dicamus de Guideto.

DE SIMIANÆA GENTE

LIBER SECVNDVS.

- I**RAVDETVM nonnulli vocant, quem in veteribus chartis lego appellatum esse Guidetum. Magnus error. Diminutiua sunt, vt Grammatici loquuntur, ambo nomina: sed illud Giraudeti à Giraudò, seu Guiraudò, vel Guirandò descendit, cùm hoc Guideti à Guidone deductum sit. Guirandi secundi fuisse filium docent tabulæ, quibus & ipse, & Raibaudus Agoutus frater conuenere anno 1233. cum G. Aptensi Episcopo de iuribus Rocafuræ. In iis enim dicitur habere Hugam matrem, Guirannum fratrem, & Rostagnum de Agouto patrum: certum est verò Hugam Guiranni secundi vxorem fuisse. Duxit Isoardam de Signa, vt intelligitur ex testamento Guirandi fratrum primi. Isoarda (vt hoc addam Simianææ genti perhonorificum) fratres habuit tres, & eorum primus Guilelmus, Delphinam genuit illam, quæ cum S. Elzeario Sabranio virginitatem seruauit in matrimonio, & suauit coniugi, vt legitur in *processu* (sicuti loquuntur) *canonizationis* ab Episcopis iudicibus quos Vrbanus Pontifex dederat, instituto, & peracto. Guidetus ex Isoarda vxore sustulit liberos omnino quinque, Guirandum, Bertrandum, Raimbaudum, Rostagnum, Isoardam matri cognominem, & Beatricem. Reliqua omnia quæ de Guideto recitant veteres tabulæ, placet eo referre temporum ordine, quo gesta sunt.
- 2** Anno 1233. Raibaudus de Agouto, & Guidetus frater, conuenere de Rocafura cum G. Episcopo Aptensi. Ripertus de Viens Præpositus Aptæ, Raimundus Botella iudex, R. de Baucio, & R. Bot Aptensis miles, arbitrarij iudices, edixerant in has voces: *singula quæ ad locum Rocafuræ pertinent, sint G. Episcopi Aptensis; G. autem Episcopus Aptensis soluat Raibaudò de Agout, & Guideto, quingentos solidos*, quibus anno 1221. damnatus fuit, & *centum solidos Guilelmeses in præsentia*.
- 3** Guideto grauissima fuit contentio cum Fulcone de Ponteues, Raibaudò de Agouto, Isnardo & Barratio de Entreuenis. Gorda, Moniolium, Simiana, non contemnendum Aptæ in agro prædium, magnæ pro reditu annuo causæ, contentionem pepererant. Guilelmus Forcalquerij Comes (Sabranus hic erat gentis Adelaidis, quam Bertrandus Forcalquerij Comes genuerat, ex filio nepos) Guilelmus Mosteriarum dominus, & Burgundio, arbitrarij iudices, anno 1242. omnem composuerunt. Guideto istis conditionibus (inquietant) Gordam attribuimus, vt Raimbaudi de Agouto, aut Fulconis de Ponteues filiam in nuptum capiat, omne jus in Moniolium (vulgus dicit Monieux) castrum, & octauam Simianææ oppidi partem, cedat Fulconi de Ponteues, Raibaudò de Agouto, & Entreueniis fratribus Isnardo & Barratio. His denique ipsis fratribus liberum relinquat *affare*, idest prædium, cui dominantur.

Cete

Ceterum quid Agoutiis, Pontueſiis, Entreueniis fuerit juris in Simiana, Gordan, prædium Aptenſe, Moniolium, hereditarias Simianæorum à vetuſtiſſimis temporibus res, non inuenio. Quodcumque illud fuerit, profectò ab ipsis Simianæis ad eos descendit. Sed an agnatione, an affinitate factum sit, ut ad illos perueniret, perobſcurum est in illa maxima veterum penuria chartarum. Vehementer etiam impedit, turbatque, nobilium virorum non à gente, sed à pago, oppidouè cui dominabantur, frequentissima nominum acceptio. Hoc addam (& id alij, utcumq; viſum fuerit, æſtimabunt) certè non vnum libro superiore vidimus in Simianæa gente Agoutium. Illustrissima gentis, fateor, hoc nomen nunc est: verum Simianæi ab Agouto pago, cui etiam tum imperitabant, fecerunt aliqui sibi nomen. An igitur Raibaudus non à gente nomen, sed à dominatu cognomen Agoutij ferebat? Nam Iſnardus & Barratius Entreuenij, ac Fulco etiam Pontueſius videtur Agoutij fuiſſe, non aliter quàm Iſnardus de Pontues, filius quondam nobilis viri Iſnardi de Entreuenis de Agouto, qui anno milleſimo ducentefimo quinquageſimo, 10. cal. Nouembris fecit homagium tertie partis Aptæ, Carolo Comiti Prouinciæ & Forcalquerij.

Liceat mihi pauca hîc addere de Fulcone isto, quem ut Agoutium cognomine, ita Simianæam nomine ac gente, non aliter quàm Raibaudum, fortassis posſumus dicere. Is fuit filius Guilelmi de Cerueria, & Lauræ; duxitque Guilelmam Bonifacij de Cefariſta filiam. Ceruerius autem Fulconis pater, patrem habuit Fulconem Pontueſium, ut ferunt tabulæ venditionis prædiorum & iurum, quæ ad Ceruerium & Fulconem filium, Manuaſcæ anno quinto & decimo poſt milleſimum ducentefimum pertinebant, exarata ſeptimo & decimo calendas Ianuarij Romæ, & incerto poſt die Manuaſcæ, ac tertio calendas Februarij Aquis Sextiis. Primum enim *Guilelmus de Cerueria Rome 17. cal. Ianuarij*, tam ſuo, quàm Fulconis de Pontues filij nomine, vendidit *Amorico de Pace, magno Preceptori citra mare domus Hoſpitalis Ieroſolymitani, quæcumque habebant in villa Manuaſcæ, intus, & extra in toto illius tenemento, & in caſtro Manuaſcæ, & in toto ejus tenemento, ſine ius illud conſiſtat in militibus, hominibus, feudis, domicatoriis, ſeruitutibus, cenſualibus, vſatiis, terris, vineis, pratiſ, agris, aquarum decurſibus, nemoribus, paſcuis,..... & in omnibus cultis, & incultis, & generaliter omnia iura corporalia & incorporalia quæcumque, & qualitercumque dictus Vilelmus habet, vel præſatus filius ſuus Fulco de Pontues, vel mater ſua Laura, & Fulco de Pontues auus illius, pretio duorum millium obolorum aureorum, & quinque millium ſolidorum.* Secundum Fulco de Pontues venditionem à patre factam Rome, probauit *Manuaſcæ ante portam ferream palatij &c.* Tertium Fulco de Pontues Aquis Sextiis ante chorum Sanctæ Mariæ Magdalene dixit ſactamentum de venditione, & donatione dicta tenenda. His omnibus ſubjungitur enumeratio prædiorum & iurum, quæ Fulco de Pontues, & uxor ſua Guilelma filia Bonifacij de Cefariſta habebant Manuaſcæ. Ea ſigillatim reſerre non placet: quæ de Fulcone, ut ſuſpiror, Simianæo attuli, prætermittere nolui, agens de Simianæa gente. Ad Guidetum redeamus.

Annus quo mortuus eſt me latet. Viuebat ſecundo & quadrageſimo illius ſæculi: ſed chartam legimus, in qua Guirannus & Raibaudus filij feruntur deſuncto ſuperſeſſe anno 1250. menſe Octobri; non attigerant ijtum ætatis

ætatis annum quintum & vigesimum : anno quippe post altero Ayrulphum curatorem, vt vulgò loquimur, seu bonorum administratorem habebant, vt statim ex ejusdem anni tabulis docebo, agens de illis, & aliis ipsius liberis.

- 7 Guirannus Guideti filiorum primus, ex vxore, cujus gentem non lego, progeniuit filiam vnica. Dicebant Raimbaldam, seu Raimbaudetam. Hinc intelligis gentile nomen non esse. Anno 1252. ipse & Bertrandus Raimbaudus frater conuenere cum Aptensibus de vniuersis in ciuitatem iuribus. Quoniam cum auctoritate Ayrulphi curatoris conuenerunt, dicendi sunt fuisse tum minores ætate. Pro Aptensibus agebant Bertrandus de Gorda, Berengarius de Landa, Iorandus Laurengus, & Raimundus Sochenus Consules. Conuenerunt in viros septem arbitrarios iudices, Rupertum Archidiaconum, R. Artaldum Operarium, & V. Sacristam, Aptenses canonicos Bertrandum Bottinum Guilelmum de Landa, Ty. Bt. & Centulionem Iurisperitos. Et alia capita & sequentia hi edixerunt Domini de Simiana, videlicet domini Guirannus, & Raimbaudus, fratres, & filij quondam D. Guideti de Simiana habent in ciuitate Aptensi, & territorio ejusdem, merum imperium & glady potestatem ad animaduertendum in facinorosos homines. Habent ius dandi tutores, seu curatores, tam in lite, quam extra litem. Habent caualcatas in ciuitate Aptensi, cum habent propriam guerram. Habent fabricaturam monete, & cursum ejusdem. Habent cupam olei, & eminam bladi, & salis, & rusti; & ius puniendi eos qui in prædictis falsitatem commiserint. Habent ius hospitandi in hospitiiis publicis albergariorum ciuitatis, & bestias sociorum suorum sine pecunia hospitari. Habent totalem iurisdictionem contentiosam. Habent ius conuocandi populum ad Parlamentum in suo loco communi & publico, & faciendi conuocationes cum tubis, vel sine tubis, & conuocationem faciendi. Cur Bertrandus Raimbaldus cum Guiranno fratre, non autem Guirannus solus rem istam egerit, intelligitur ex testamento Guiranni. In illo is docet se omnia Guideti patris, & jura in Rambaldi de Agouto patrui res, habere cum Bertranno Rambaldo fratre communia;
- 8 & pro indiuiso. Quoniam verò ad huius Guiranni testamentum dicendo deueni, accipe quid de Raimbaudeta filia in eo constituerit. Instituit, sunt verba scribæ, dictus D. Guirandus Raimbaudetam filiam suam, sibi heredem, in quarta parte omnium bonorum suorum, & iurium; & quòd habeat castrum de Gorda, & in ipsa quarta parte computet &c. si ipsa Raimbaudeta contrahat matrimonium cum Raimbaudo de Baucio, filio D. Bertrandi de Baucio, filij D. Barralli. Si verò contingeret quòd dicta Raimbaudeta non contraheret matrimonium cum dicto Raimundo de Baucio, instituit dictam Raimbaudetam sibi heredem tantum in viginti milibus solidis Viennensibus, & quòd nihil aliud petere possit in bonis suis. De Guilelmo, & Bertrando fratribus, nihil inuenio constituisse: de Rostagno fratre, & sororibus ita sequitur, legauit, sunt verba testamenti, Rostagno de Agouto fratri suo triginta libras currentis monete, soluendas & dandas eidem annuatim &c. quousque dictus Rostagnus habeat beneficium Ecclesiasticum, valens 50. libras in redditibus &c. demum legauit domine Isoarde, & domine Bearici sororibus, cuiuslibet earum 25. solidos annuatim soluendos eidem quamdiu vixerit; ita quòd cum legato facto eis à prædicto patre suo, quelibet earum quamdiu vixerit habeat 50. solidos annuatim. Hæc verba manifestè docent ipsas à Guideto patre accepisse annuatim solidos 25. eosque regios, vt paulò superius dixerat, cum de Isoardæ matris Guideti dote loquebatur. Modica prorsus argenti

genti vis est hæc: scilicet solidus tum videtur maior aliquantum drachinâ fuisse. anno enim 1196. solidus regius auctore Guidone de Fos Archiepiscopo Aquisensi erat sexagesima pars marchæ, quæ capit vnicas 64. vnica verò capit solidos Turonenses 7. cum denariolis tribus, pro æstimatione monetæ nunc currentis in Gallia. Igitur arbitrabar Isoardam, & Beatricê fuisse moniales. Et verò quis animum inducat si viro iungendæ fuissent, nullam accepisse pecuniam in liberos diuidendam? An tu putabis nobilissimas virgines, si moniales non fuerunt, paucos, eosque annuos, solidos ab opulentissimo patre, neque plures à fratre patris herede accepisse? Guirannus illum testamento dixit heredem. Ipse Maceldam de Ponteuces duxit vxorem, secundum conuentiones anno 1242. Guideti patris cum Fulcone Maceldæ patre recitatus num. 3. vt tradit Petrus de Antipoli tractatu de muneribus §. 4. num. 152.

Bertrandus Raimbaudus 1. fratrum ille est, qui per longam nepotum seriem deduxit Simianæ gentem ad nos vsque. Macedam de Ponteuces duxit vxorem. Secundum pacta conuenta Guideti patris cum Fulcone Macedæ patre, quæ recitauit num. 3. vt tradit Petrus de Antipoli tractatu de muneribus numero 152.

Guirannus 3. Bertrandi Raibaudi 2. & Macedæ Ponteucesæ filius fuit. 10 Patrem illo puero mortuum fuisse, hinc intelligis, quod moriens commendauit eum Isoardæ matri suæ, inque ipsius tutricis cura posuit: nam illa eo nomine agens anno 1282. fecit, vt Petrus Casanouanus nescio quis ex filio nepoti profiteretur clientelam. Eodem anno fecit ipso Guirannus homagium Raimundo Bottio Episcopo Aptensi pro duobus Aptæ breuib; quorū alterum dicebatur breue Bocariæ, breue de Viens alterum; idque fecit cū Bertrando Raibaudi, quē Guideti aui patruelis genuerat. *Nobiles domicelli Bertrandus de Simiana, & Guirandus de Simiana, domini Aptenses, constituti coram venerabili in Christo patre D. R. Dei gratiā Aptensi Episcopo, confessi fuerunt, & publicè in veritate recognouerunt dicto domino præfenti, ac stipulanti, se tenere, & tenere debere, prædicto D. Episcopo & Ecclesiæ prædictæ breue Bocariæ dictæ ciuitatis Aptæ, & breue quod dicitur dominorum de Viens.* Hic vnum tacere non possum, ambos fecisse homagium flexo genu, pro domicellorum, neque dum militum more; *Hoc protestato (addit Falco scriba) & concesso tam per prædictum Episcopum, quàm per prædictos nobiles, quòd si essent milites, vel quandocumque fuerint milites prædicti nobiles, vel eorum successores, quòd homagium & fidelitas per ipsos & successores suos, debeat fieri in pedibus tantum, & non flexis genibus.* Sed vterque postea in militem euasit. Anno incerto Guirannus iunctus est matrimonio cum Stephania de Blacas, illustrissimæ gentis puella, & ex ea genuit Guirandetum, seu Guirandum 4. (vtrouque nomine appellant veteres chartæ) & Tiburgeim. De Guirandeto postea locus dicendi erit. Tiburgis nupsit Guilelmo Augerio, vallis Ozæ domino, quem Guilelmus Augerius, Gaucherij de Roca domini Cesaristæ filius, ex Metellina de Oza sustulerat. Hic focer Tiburgis Guilelmus ille est Augerius, quem Mabilia de Simiana vt genera nobilissima fuerit, tamen pietate magis & vitæ sanctitate, quàm genere nobilis heredem dixerat anno. 1339. die 5. Iunij. *Nobilem Guilelmum Augerij (sunt verba testamenti) filium quoniam nobilis & potentis viri D. Gauchery de Roca D. Cesaristæ, ac etiam filium nobilis neptis nostre Metellina de Oza*
FFFF
domine

domina Cesarista, ore proprio heredem nominamus. Quia verò ad Mabiliam devenit oratio, age, de ea dicamus. Bertrando Raibaudò patre nata, sorores habuit Raibaudam, & Rosciam, atque fratrem patri cognominem, quem paulò antè dixi homagium Episcopo Aptensi fecisse cum Guiranno 3. Pater Mabilix Bertrandus quoque Raibaudus nomine patrem habuit cognominem, qui Rostagno Agouto patre natus est, fratre Guiranni 2. & Hugæ. Nupsit ea Fulconi de Ponteues: Anno ætatis sue decimo sexto, inquit scriptor de vita S. Elzearii Sabranij orbatæ viro suo est, cum quo nonnisi trimestri spatio vixerat. Noluit autem ad secundas accedere nuptias, tametsi parentes & propinqui urgerent, multisque eam vexarent modis, sed castè, honestè, & sanctè permansit in viduitate usque in senectutem. Post multos autem labores & opera pietatis, ad tantam pervenit mentis serenitatem, ut rebus divinis crebro adedò intenta esset, ut quæ circa eam fierent minime sentiret? Anno 1339. die 5. Iunii scripsit testamentum & magno Christianæ abiectionis exemplo noluit in illustri maiorum conditorio sepeliri: Cum anima nostrâ (sunt eius verba) fuerit diuinâ gratiâ disponente à nexibus nostri corporis liberata, eligimus nobis sepulturam prædicti nostri corporis in cimiterio Ecclesiæ B. Francisci Fratrum Minorum de Aptâ, & ibi corpus nostrum sepeliri volumus & iubemus. Etsi Mabilia hoc iusserat, tamen sic habes in necrologio Franciscanorum Aptæ Anno 1339. 5. Iunii. Obiit hodie illustris pia domina Mabilia de Simiana, quæ sepulta fuit in nobili & posenti sepulcro ante maius altare, in cornu Evangelij posito. Sorores Mabilix nupsērunt, Raibauda domino Voutæ, Roscia Guilelmo Augerio Vallium Ozæ domino: frater sine liberis mortuus est. Tres istæ sorores adita illius hereditate, suam Aptæ, Saignonis seu Sanionis, & Auribelli partem: Roberto Prouinciæ Coniuncti & Siciliæ regi vendiderunt Roscia quidem & Raimbalda anno 1313. die 5. Iulij; Mabilia verò die 5. Octobris anno. 1322. Amplissima hereditas plures in parte pagos complectebatur, Castilionem, fanum Martini, Casanouam, Buzetum, Vienium, Ruastrellum, Laulanensis Mansum, Garsum Gardæ, Montaliticium, Vnglam, Lardetiam, Oppedetam, Fanum Christophori, Siuiginalem, Morigasium, Alpestram. Placet omnem de piissima muliere sermonem concludere illorum enumeratione capitum quibus ea concluditur familia, quæ in ipsa desinit. Rostagnus Guiranni primi filius Bertranno Raibaudò quem genuerat Fanum Martini concessit. Ex eo cepit Sanmartinensis appellari familia. Bertrandum Raibaudum ipse genuit, quem ut à patre distinguatur, dicimus Iuniorem. Amborum vxores innominatæ sunt. Iunior liberis quatuor procreauit, Bertrandum Raibaudum patri & aue cognominem, qui innuptus obiit ante annum 1310. dicatur ergo vltimus, ut ab illis secernatur; Raimbudetam Voutæ domino vxorem, Rosciam quæ anno 1312. nupsit Guilelmo Augerio domini Vallis Ozæ, Mabiliam anno 1319 datam Fulconi de Ponteues in vxorem. Hæc testamentum condidit anno 1339. quo mortua est.

- 11 Guirannus seu Guirandetus, utroque enim nomine appellatum lego, duxit Marcibiliam Arpaionix gentis apud Ruthenenfes illustrissimæ puellam; & ex ea genuit liberos omnino quinque, Bertrandum Raibaudum, Guirandum, Tiburgem, Isoardam, & Thibos. De hac vltima filia nihil inuenio in veteribus chartis. Isoarda nupsit Tornelij in Ruthenenfibus domino;

domino; Nogareto Tiburgis, Raimundi, siue, vt nonnulli volunt, filio, siue (quod magis probabam) nepoti; quem sub annum secundum, & trigessimum à millesimo trecentesimo in militem euasisse, tradit charta archiui apud Lutetiam Parisiorum regij, in arca (vt loquuntur) Langorthe numero 89. Nogaretorum nobilissimæ iam olim genti, magnam illis temporibus celebritatem fecerant res, Philippo, quem Pulchrum cognominamus, Rege per Galliam fere omnem à Guilelmo Nogareto gestæ. Cùm Guirandetus testamentum scripsisset anno secundo & trigesimo sæculi, è vita excessit.

Guirannus 3. & Bertrandus Raimbaudus fratres filij Guiranni 4. & Mar- 12
cibiliz, eo ipso anno rem prorsus difficilem ac impeditam, cum Roberto rege Comite Prouinciæ, & habuerunt, & feliciter egerunt. Agebatur de ipsorum, ac proinde mortuo patre, iuribus in Aptam. Leopardus de Fulgineo archipresbyter Beneuentanus de regijs in Prouincia iuribus quæsitur, in eam venerat; & frequentissimi testes dixerunt, Bertrandum *habere Aptæ duas partes dominij, & in ipsis merum & mixtum imperium, & omnimodam iurisdictionem, Guirandum uerò de Simiana militem habere tertiam partem aliam, pro indiuiso cum regia curia.* Robertus quippe Rex Comes Prouinciæ id iuris (vt vidimus num. 10.) emerat à Roscia, Raibauda, & Mabilia Simianxis fororibus, in qua tertia parte ipse D. Guirandus habet merum, & mixtum imperium, & omnimodam iurisdictionem sub domino Regis, excepto Breui de Bocaria & Meiano, aut de Viens, vt aliæ tabulæ loquuntur *quæ breuiat tenet ipse D. Guirandus pro D. Episcopo Aptensi,* siue sub dominio Episcopi Aptensis: & dictus D. Episcopus, illud tenet domino nostro regi tantum, & non a teri persona. Cùm hæc ita habeant, fateamur oportet Guirandetum non vixisse illa trigessimi secundi anni parte, qua Leopardus quæsiuit de iuribus Philippi Regis in Aptam: & Bertrandum Raimbaudum atque Guirandum patre mortuo rem gessisse domesticam. Ea postulat, vt de Bertrando Raimbaudo agam prius, quàm de Guirando, qui gentem Simianxam ad nos vsque perduxit.

Igitur anno 1337. die 12. Dec. Bertrandus Raimbaudus controuersiam de 13
Agouto, quæ patri fuerat cum Guilelmo de Salu, Hugone de Caualione, Bertrando Bermundo, & Imberto de Agouto finit. Causam contentioni fecerat Bertrandi Raimbaudi potentia. Hæc cùm in vno aliquo supra ceteros eminet, parem illis seu esse, seudici non patitur; & de ipsorum iure sibi aliquid fere tribuit. Scriba ceteros appellat nobiles viros, eum verò magnificum; & quam Guilelmus de Salu tenebat Agouti partem, illam Raimbaudus *Maiore domino* regebat. Igitur præfidem animis, & de omnium aduenarum criminibus cognoscebat vnus, ceteris Agouti cum ipso dominis vehementer de iniuria quemtantibus, & *lesdas* lenabat vnus, locabat vnus *vendebatque pasqueragia communia*, vnus tam super dictis pasqueriis, quàm super ipsis *lesdis*, & super pluribus aliis, iurisdictionem prædictorum condominorum tangentibus præconizationes fieri faciebat. Cùm illis demum ita conuenit, vt Agoutum tribueretur in partes omnino quatuor, & quam Guilelmus de Salu possidebat, illi Bertrandus Raimbaudus superiore dominio præficeret, lude, baiulus, notarij, præco, in annos singulos, ab vno tantum ex dominis per ordinem, pro communi vniuersis re, sic constituerentur, vt Agoutius

inciperet, tum sequeretur Bermundus, post eum, Cauallionensis, deniq; cum Guilhelmo de Salu Bertrādus Raimbaldus. *Pasquergia* ab omnibus simul conuentibus locarentur, venderenturq; mensuræ, ponderaque singulorum dominorum signis notarentur, singulis perficerentur dominis. Alia non pauca adduntur, quæ cum minuta sint, non placet fusiùs exequi, suosque in articulos magno lectoris tædio, nulloque fructu digerere. Vnde autem factum fuerit, vt Agoutum in tam multos spargeretur dominos, quis pro rei antiquitate non asserat, sed suspiretur? Profectò vereros tabulæ docent Raibaudum id iuris à maioribus accepisse, quod in illud habebat.

- 14 Anno 1343. die 18. Aprilis cogitans Hispaniam aduersus Mauros, testamentum Auenione condidit & scriba hoc ei fecit initium. *In primis Deo omnipotenti Patri, & Filio, & Spiritui sancto, & B. Maria semper virginis, & B. Iohanni Euangelista, & Baptista, & omnibus aliis sanctis, & toti curie celesti, animam suam, ac etiam corpus suum commendauit, & romipetagium* vox barbara Prouincialem peperit *romauage*, qua significatur sacra peregrinatio, ex Romana quæ præcipua, & omnium princeps erat illis temporibus, quod ad seruitutem & honorem Domini nostri Iesu Christi, & sanctæ catholice fidei Christianæ, de proximo facturus est in Granatam, contra infideles, & persecutores fidei catholice. An quod aduersus Mauros cogitauerat in Hispaniam iter suscepit, non lego. Certè post scriptum testamentum diu non vixit. Ex Margarita de Vouta vxore habuit liberos 3. Guiraudetum, Sibylletam, & puerum innominatur, quem cum ipse Granatam cogitaret gerebat, vxor in vtero. Giraudetus non superfuit patri multo tempore. Quid Sibylletâ, quid Innominato post patris testamentum orto factum sit, tacem meæ omnes chartæ.

- 15 Guirannus ergo seu Guirandus, Bertrando Raimbaldo fratre mortuo, ac eius etiam filiis, hereditatem illorum, adiit. Mariam de Euenis filiam Bertrandi Massiliæ Vicecomitis in vxorem accepit, & anno 1349 illius nomine fecit homagium Roberto Regi Comiti Prouinciæ, pro Ololiolis, Euena, Fano Nazarij, Airouenis, quæ castra eidem obuenta, seu in dote constituta prætextu matrimonij iam contracti cum ea erant. Anno 1369. dictus fuit conseruator pacis, pro more illorum, temporum, inter Ioannam Siciliæ Reginam & Comitissam Prouinciæ, & Carolum V. Regem Francorum ac Delphinum. *Poss diffensionem*, vt scriba loquitur, inimicitiam, atque guerram Prouinciales inter ac Delphinates, quam multa fuerant secuta scandala rapine, incendia, præda, & alia sat nefanda, Rodulphus de Luperiis Delphinatus Gubernatur, & Raimundus de Agouto Senescallus Comitatum Prouinciæ & Forcalquerij, à Carolo Francorum Rege Delphino, & Ioanna Siciliæ Regina Comite Prouinciæ missi, conuenerant in aliquot capita. Cùmque dicendi essent conseruatores diete pacis, post statutos à Rege Delphino, fuerunt ordinati à Regina Comite, & alij, & Guirandus de Simiana Apta in parte, & Casanoue dominus, atque Ofasica Flotte dominus Rupij Annandorum. Et hoc quidem ad Guirandi gloriam à Ioanna Regina factum sit, minùs spectabile fuit, sed illustre tamen, neque à me prætermittendum, quod anno 1375. munus gessit. Franciscus Baucius Vallis Albanix dominus, summis principibus & affinis, & gente suppar, atque Guilhelmus Rogerius de Belloforti, Vicecomes Turenus, magnum Prouinciæ, Forcalquerijque Comitatum turbamentum, vehementissimè inter se contendebant, & aliquando denique conuenerunt in magnificos & potentes viros

viros dominos Raimundum de Agouto, militem, vallis saltus dominum, & Guirandum de Simiana, militem, dominum de Casanova, vt scripsit tabellio.

Viuebat Guirannus anno 1381. Eo quippe Regordus de Gargatio habitator 16
Rossilionis (sunt verba scribæ) vendidit Guilelmo Tamseri de Gargatio terram
..... in territorio Gargati, loco dicto in Cumba, saluo iure magnifici & potentis
viri, domini Guirandi de Simiana militis, Aptæ, & Casanovane, & dicti castri de
Gargatio domini. Viuebat etiam anno post secundo, nam eo Ioannes de Sabra-
no S. Elzearij ex fratre nepos, vadiatores testamenti sui dixit die 26. Septem-
bris, Archiepiscopum Aquisensem, dominos Guirandum de Simiana dominum Casa-
nova, Elzearium de Auraisono, &c.

Sed locus omnino postulat, vt de Guirando dicens, referam duo, quæ ju- 17
dices de Dalphinæ Signanæ, & virginis, & S. Elzearij Sabranij conjugis san-
ctitate habent in actis anno 1363. exaratis. Alterum Mariam Guirandi con-
jugem contingit, de Guirando ipso alterum est. Hic proximè mortem erat,
& in cubili recubans, in quo Delphina quieuerat, morbum omnem abje-
cit. De Maria Nicolaus Loarenchi sic loquitur illis iudicibus. Contigit
quòd per septem annos, vel vltra, ante transitum D. Dalphinæ Comitissæ, dum ipsa
Domina agens in humanis Capreiiis moraretur, quòd egregia domina Maria de
Euena vxor D. Guirandi de Simiana Aptæ, & Casanova Domini, infirmans, &
omnem escam abominans pro deuotione videndi, & morandi aliquibus diebus cum
dicta domina Comitissæ, ibi venit, cuius meritis sperabat appetitum comedendi
quem amiserat recuperare: Et cum videret, quòd recipere sua natura necessaria non
poterat, & appropinquaret vsque ad portas mortis, cupiebat summo desiderio cuidam
confessori dictæ domine Comitissæ, tunc ibidem presenti confiteri. Cùmque nec mo-
dum, nec formam perfectæ confessionis faciende in seipsa inueniret, neque haberet
de peccatis memoriam sicut veller, tristabatur, quia dubitabat damnari. Et ab hoc
sic afflicta, infra cameram, dictæ D. Comitissæ intrauisset, ipsa D. Comitissa cepit, ac
si conceptus dictæ D. Mariæ & anxietas sibi nuntiata fuissent, loqui de Deo, specia-
liter de Sacramento Confessionis, ostendendo ex suis verbis quomodo propter puram,
& humilem, & veram confessionem Dei indignatio tollebatur, & anima reconcili-
abatur Creatori suo. Et sic continuauit, de dicta materia verba deuota, ac si neces-
sitas dictæ D. Mariæ super hoc sibi intimata fuisset. Et nondum ipsis verbis finitis,
ipsa D. Maria, ex virtute ipsorum verborum stimulata interius, & compuncta, ca-
put suum in gremio dictæ D. Comitissæ tunc cedentis fuit inclinare coacta. Et dein-
de recedens & nequiens ampliùs expectare, in quamdam cameram aliam intrauit,
& claudens ostium non sine diuina gratia, cum sentimento maximo, & lacryma-
rum effusione, omnia peccata fere quæ commiserat, dum erat ætatis septem annorum
vsque in illam diem fuerunt sibi presentia, nuda pariter atque clara, & de eis me-
moriā habuit, ac si tunc eadem peccata commississet, & si in vno libro videres ea-
dem peccata descripta. De quo admirata, & gaudio cum merore deuotionis repleta,
Deo, & meritis sanctitatis dictæ Domine gratias agens, confessionem fecit ibidem,
sicut optabat, dicto Confessori generalem, absque alio intervallo, & appetitum com-
edendi, quo frustrata, vt pramittitur, extiterat, etiam recuperauit. Hæc Nico-
laus Loarenchi. Igitur, & dum Delphina viueret, Guirandus, Mariaque 18
Guirandi vxor, illam præcipuis honoribus venerati sunt, & idem ipse Gui-
randus post Delphinæ mortem interfuit iudicio, quod Vrbanus V. de sancti-
tate Delphinæ per Aquisensem & Valionensem antistites, instituit, vt lege-

re est in ipsis actis judicialibus : iuit, vt sanctis hominibus, debitum ei accureret cultum. Cur hic vnum non addam Guilelmus de Signa Podij Michaëlis Dominus, Delphinæ pater, & Bertrandus de Massilia dominus Euenæ pater Mariæ quæ Guiranno nupsit, fratres fuerunt, vt intelligitur ex testamento Guiranni Simianæ. Sed ad huius ipsius Guiranni filios accedamus.

Ex Maria Massiliensi, Euenæ domina, genuit Bertrandum Raimbaudum, Guinotum, Berengarium, & Isabelletam. Hæc nupsit Raimundo Montalbano vallium Benchenetæ, & Ardenæ domino, Bertrandum Raimbaldus duxit Isabelletam Raimundi Agoutij vallium saltus domini, & Prouincia- liam atque Forcalqueriensium Senescalli filiam; & ex ea sustulit Delphine- tam & Macibiletam, quarum hæc ante nobiles annos occidit, illa Cailario in Langothia toparchæ data est in coniugem. Bertrandum sine altero Raim- baudi prænomine appellatum lego in tabulis, quæ docent vendidisse Agouti agrum Raimundo Guichardo, quem *Guirannus de Simiana* Bertran- di pater *iure commissionis sibi retinuerat*. Cum verò sine prole mascula ante pa- trem mortuus fuisset, hic Guinotum inter & Berengarium filios amplissimam hereditatem diuisit. Fecit autem Deus, vt cum ceteri ante ipsos Simianæ, etsi ex numerosa sobole gentem latè sparserant, occiderint, ambo fratres illam ad nos vsque deducerent, in vndecim omnino familias singulari fecunditate fusam; id muneris scilicet reponens summæ venerationi, qua Guirannus & Maria parentes Delphinam S. Elzearii Sabranij conjugem virginem, omni- que virtute præstante profecuti sunt. Igitur libro secundo iste sit finis. Se- quente dicam de Guinoto, & ejus ad nos vsque liberis in familias quatuor distinctis, quarto & vltimo de Berengario, & familiis septem ab illo deductis.

DE SIMIANÆ A GENTE LIBER TERTIVS.



VINOTVS Guiranni V. & Mariæ Massiliensis filius, à patre donatus est Casanovâ, Rocafurâ, Gordâ, Costâ, Bannono, Sau- monâ, Hospitaletto, Girone, aliisque pluribus pagis : majore in- super, vt loquuntur, dominio Vacheriarum, Agouti inferioris, Valli Mairigarum; & parte Aptæ vrbis, Agouti, aliorumque seu castrorum, seu pagorum. Guinetum nonnulli vocauerunt, nec malè. A Guidoneto (quo etiam dicebant nomine) facta vox, cum in Guinorum & Guinetum, per leuiculas seu mâttris, seu nutricis mellesque, vt fit, blanditias ipso puero côm- nuta fuisset, potuit per maturiorem extremâque etiam ætatem perdurare. Ma- gis miror appellatum fuisse Guirandû, & aliis annis, & quinto ac octogesimo sæculi in professione clientelæ (quam postea memorabo) Mariæ Reginæ Co- miti Prouinciæ, atque Guirandorum. Vt cumque tamen hæc habeant, neque enim placet disputare fusiùs de nomine, Guinotum dicebant ante nuptias,

& Ioannes Sabranius focer, in testamento Guinotum, appellauit: Guinotum igitur ipse vocabo in consequentibus.

Is Delphinæ Sabranæ nupsit, quam Ioannes S. Elzearij ex fratre nepos, & Isoarda Rocafolia genuerant, pietate Guirandi patris, vt arbitrabar, & in S. Elzearium amore adductus, cogitansque futurum, vt ex viri celebritate sanctitatis illustissimi affinitate, sibi & futuris in multa sæcula nepotibus prospera omnia obuenerent. Profectò siue Guinoti opes, siue Simianæ gentis amplitudinem, tanti faciebat Ioannes, vt Delphinæ filia dotem tertiâ parte maiorem, quàm sororibus dederit. Neque sua spes Guinotum fefellit. Tres ab eo ductæ familiæ ad nostra vsque tempora peruenierunt, omni opum ac honorum claritate illustres, Gordana, Planitiensis, & Monchana. Quarta quidem ab ipso ad nos deuenerat, sed in puellam nuper Manualcæ defecit. Quo Christi anno Guinotus Delphinæ nupsit, non lego. Matrimonio iunctus ei erat anno 1383. die 26. Sept. quo Ioannes pater testamentum condebat, eò enim scripsit in has voces: *lego, seu relinquo iure institutionis Delphinæ, filia mea legitima & naturali, uxori Guinoti de Simiana &c.* Ex illa sustulit liberos quatuor Guirandum, seu Guirandotum, Bertrandum seu Bertrandum Raibaudum, & Margaritam.

Anno 1385. die 17. Iunij fecit homagium ligium, vt loquuntur, Mariæ Reginæ Ludouici Regis Comitis Prouinciæ tutrici, *pro castris, & baroniis suis de Casanova, & Bannono (sunt verba scribæ) & pro partibus, quas habebat in castris de Turre, & Podij pini, que olim fuerunt Ludouici de Sabrano; necnon & aliis omnibus terris, jurisdictionibus, seu bonis, que à regia curia tenebat.* Scriba vocat quidem Guirandum illum qui homagium fecit, sed ex eo intelligis non dicere Guirandum Guinoti patrem sed Guinotum ipsum quòd tradit fecisse homagium *flexis genibus & iunctis manibus* domicellorum more, qualis tum erat Guinotus; non militum, qualis erat Guirandus pater, vt vidimus periore libro num. 15.

Eodem anno Guinotus interfuit consilio urbis Arclatensis, vt fert ejus 4 urbis chartularium, *de habendo & recipiendo in dominum, Ludouicum Ierusalem & Sicilia Regem, & Comitatum Prouinciæ & Forcalquerij Comitem, natum Ludouici dictorum regnorum Regis, & comitatum Comitum, filij adoptiui Ioannæ Reginæ & Comitissæ, &c.* Acta fuerunt hæc, pergit tabellio, *Arelate, presentibus & aliis, & Guinoto de Simiana Domino de Casanova, Raimundo de Montealbano vallium Benchaux & Ardenna domino, Raimundo Flamingi milite.*

Anno millesimo trecentesimo octogesimo sexto, multi nobiles viri se 5 dixerunt clientes Guinoti, Franciscus Redorterius, qui partem dominabatur Rupî Gironis, die 23. Februarij; Barralis de Salu, condominus Agouti, 28. Martij; Raimundus de Apulea, Vacheriarum partis dominus 14. Augusti; Guilelmus de Railana, Mairigeriarum ex parte dominus, 25. Augusti. Eo ipso anno Guinotus cogitauit de agendo in exteris regionibus bello. colligendæ (si conjectari licet) bellicæ gloriæ, qua in militem pro majorum more euaderet. Igitur 18. Septembris testamentum scripsit *sanus mente, & corpore*, inquit scriba, *per Dei gratiam, quòd in remotis & longinquis partibus sequi intenderet facta arimorum.* Cum illud conderet, vnicum habebat filium, nomine Guirandotum, & eum in cunis, neque dum pro infanti ætate aptum loqui.

loqui. Ex eo factum est, ut heredem diceret, *si habilis esset ad regendum, & gubernandam hereditatem, & loqui posset.* Quæ verò ad bellum loca cogitauerit non possum dicere, meis omnibus chartis tacentibus. Quæcumque illa fuerint, certè ex ipsis redierat tertio post anno, quo Bertrandus Raibaudus Railanæus die 4. Iulij se dixit ipsius clientem pro sua parte vallis Mayrigiarum, & Odolus Redortorius, atque Cæcilia Railanæa Francisci atque Guilelmi Redorteriorum filiorum tutrice, pro Rupe Gironis.

- 6 Anno 1392. res gesta est, qua à me taceri non debet. Raimundus Turenus Ludouico Andium Duci, cuius patrem Ioanne Regina Comes Prouinciæ in filium adoptiuum acceperat vehementer iratus, ob Valernam à Raimundi patre in filium adoptato acceptam, grassabatur totâ Prouinciâ. Tum, ut sit, nobiles aliquot viri exsaturandis in aduersarios odiis, ei adhaeserunt. Et quidem Besinhani domina, Guinoto nescio quas ob causas aduersa fecit, ut Guilelmus Gassiani, Ioanninus Lafrances, & Hugoninus de Merinano, singuli cum singulis militum cohortibus, Ademarum Chaudissoni, Petus de Cruce, & alij militum sub Turenio Duces occuparent Bannorum ejus castrum. Magna ausa: igitur omni circum regione populorum animos commouit facinus. Guinotus autem, & ex aliis suæ ditionis locis, & ex Aperta vrbe copias cogere festinauit. Cetera quæ cum aliis egit, aut sepeliuit obliuio, obscuris latent in tabulis. Aptenses more majorum sua vocauit sub signa. Die 24. Ianuarij Guilmo de Meollano, & Ludouico Manentis Aptensibus syndicis *notificauit, sunt verba tabellionis, quòd cum homines tam nobiles, quàm plebey vrbis Aptæ, secundum pacta, & conuentiones, & capitula, dudum factas, & facta inter predictam vniuersitatem Aptæ, & dominos Consules dictæ ciuitatis Aptæ ex vna parte, & magnificos viros dominos de Simiana, predecessores ipsius magnifici parte ex altera, teneantur & debeant eundem magnificum, & suos, dum propriam guerram habent, iuuare modo & formâ, quibus in dictis conuentionibus, & capitulis continetur, ipseque magnificus nunc guerram propriam habent, cum domina de Besinhano, qua castrum de Bannono ejusdem magnifici fecit capi per gentes armigeras, commorantes presentialiter in eodem, oporteatque ipsum magnificum pro ejus castri recuperatione, ad ipsum castrum cum magno gentium exercitu personaliter se conferre, requisit predictos Syndicos, quatenus iuxta formam & tenorem capitulorum, & conuentionum predictarum, eundem magnificum in, & pro predicta guerra sua propria, iuuare debeant, &c.* Sed Turenus Besinhani dominæ impotentis scæminæ consilia detestatus, misit Bannorum die 28. Februarij viros, gente nobiles, bellòque claros, qui Gassiano & sociis juberent è Bannoni castro exitum. Diuine postea vixerit Guinotus, non possum dicere. Profectò non viuebat anno 1396. die vltima Iunij, eâ enim Guirandotus & Bertrandus filij patre carebant, & Delphina mater pupillari existentium in ætate, ut scriba loquitur, *fecit homagium I. idest Ioanni Filleto Aptensi Episcopo, pro parte quam habebant in ciuitate Aptensi, scilicet in breui quod dicitur dominorum de Viens, & in breui Bocaria.* Vnum addit tabellio, quod asferre placet, Delphinam fecisse homagium genibus flexis, *junctisque manibus inter manus Raimundi Riperti Sistaricensis Prepositi, Officialis & Vicarii generalis Aptensis Episcopi, cuius vicem gerebat, quia ipsi liberi & heredes milites non erant: hoc saluo & retento, & etiam pro causa solemniter protestato, quòd si dicti sui liberi & heredes erant milites, quòd ipsum homagium stando pedes, &*

fideli

fidelitatis iuramentum facere debeant Episcopo, prout hactenus antiquè fieri extirrit consuetum. Sed neque possum dicere, an testamentum aliter condiderit, atque scripserat anno 1386. Eà & pietate & prudentiâ illud constituerat, ut aliquod operæ futurum sit pretium, si referam præcipuas illius partes. Unus tum erat illi filius Guidonetus, sed Delphina vxor feretne vterum dubitabat. Igitur heredem instituit Guidonetum in parte, quam habebat in ciuitate Apræ, & in loco de Rocasura, & in castris de Gorda, de Casanoua, & in parte quam habebat in castro de Agouto, & in maiori dominio castri inferioris de Agouto, castri de Vacheriis, & loci seu vallis de Mayrigis &c. Et si Delphina vxor pregnans fuerit, & pepererit vnum filium masculum, dictum filium instituit heredem vniuersalem in castris de Costa, de Bannono, de Saumana, de Hospitaletto, & in loco de Girono, & in parte, quam habebat in castro de Roca-gironis, & in maiori dominio, quod habebat in parte dicti castri de Roca-gironis, &c. Pius autem locis & pauperibus donauit florenos auri ad mille & ducentos. Florenum auri dicebant, qui denarius auri est, prorsusque aureo idem nummo, quem Franci solarem appellamus. Denique mirari animum subit, quàm multa, & quàm variis in locis, sacra iusserit pro se post mortem fieri. Ea imperauit confici à Benedicinis S. Eusebij, Cartusianis, Cauorum môtium, & Durbonis, Cisterciensibus Sinangux, Dominicis, Franciscanis, Augustinianis, Carmelitis Massiliæ, Arelatis, Aquarum, & Auenionis, Franciscanis Fortalquerij, & Relanix. Quid referam ecclesias Aptenses, & alias? enumerat vniuersas castrorum & pagorum ditioni suæ subjectorum, iisque singulis aliquam florenorum aureorum vim elargitur. Casanouæ, Costæ, Gordæ, Bannoni, Saumanæ, Hospitaleti, Roca-gironis. Vacheriarum, Agouti, Apræ. Eorundem omnium locorum *elemosynas caritatis* (Xenodochia dicere putabam) recenset, ipsisque aliquid de sui auri florenis addicit. Suos etiam donat *monialibus* S. *Francisci de Manuasca*, de quibus fusè dixi libro 3. de Manuasca num. 52. & sequentibus. Denique suos monasterijs, & *infirmariis* monasteriorum S. Catharinæ, & S. Crucis Aptæ. Certè si votis ac precibus, seu factorum, seu egenorum hominum vis aliqua est, videtur Guinoti anima, cum exiuit è corpore, iis veluti cistis, ipsisque (si ita loqui fas est) aureis in cælum delata fuisse.

Anno 1399 die 8. mensis Octobris Delphina *tutrix*, & *tutorio nomine* (sunt 9 voces tabellionis) nobilium virorum *Guinoti*, & *Bertrandi filiorum suorum*, facit *homagium* Ludonico Regi Comiti Provincie, pro castris & *baroniis* de Casanoua & de Bannono, & pro partibus quas habent de Turpe, & de Podio pino *Aiguesy*, quæ olim fuerant nobilis Ludonici de Sabrano.

Guinotus junior, primogenitus Guinoti senioris & Delphinæ Sabranæ, 10 videtur obiisse incerto post millesimum trecentesium nonagesimum annum anno, & ante millesimum quadringentesimum secundum: post illum enim omnes tabulæ de eo tacent, & isto die 13. Septembris Bertrandus Raimbaudus frater Aptæ in parte, & Gordæ dominus erat, quas & Simianeorum primogeniti ad illam diem fuisse scimus, & Guinoto juniore à patre testamento attributas vidimus. Vtcumque tamen hoc habeat, an. 1407. è vitâ decesserat. Ipso Delphina mater testamentum scripsit, & Bertrandum Guinoto juniore tacito, utpote mortuo, dixit heredem ex asse. Hoc illa condidit non minore sapienâ & pietate, quàm Guinotus conjux suum conce-

perat. Placet ex illo ea recitare quæ sequuntur. *Item lego tumulo Pape Urbani, Ecclesie S. Victoris de Massilia unam imaginem de cera, ponderis 10. librarum cum dimidia. Item lego ecclesie S. Honorati de Aliscampis de Arelate, unum castellum de cera, ponderis 10. librarum, &c. Præterea volo, & lego capiri S. Elzeary, & in ornamentum ejusdem unum meum capellum &c.* Urbanus Papa, Urbanus ille est eo nomine V. qui S. Elzearium ut loquimur, canonizavit & de Delphinæ virginis, & S. Elzeary uxoris sanctitate quesitores dixit & judicialia quasitorum acta conprobavit. Vide quod sanctitatis habebat illis temporibus nomen. Memini me legere Sanuictorinorum de ejus sanctitate judicium acta.

- 11 Ceterum Guinotus Delphinæ Sabranæ conjux sepeliri voluerat in majorem apud S. Castoris conditorio, & in eo templo edificari unam capellam ad honorem Dei, & B. Anne, mortuique corpus indui ad morem canonicorum S. Castoris, videlicet de superpellico. Ipsa verò Delphina elegit sepulturam in ecclesia ff. Minorum de Aptâ, videlicet in tumulo Joannis patris. Liceat mihi hîc addere, quod S. marthani tom. 1. Gallix Christianæ pag. 82. scripserunt de Isoarda Roca-folia Delphinæ matre & Joannis Sabranij vxore. *Auenione nobilium seminarum academia instituta fuit, quarum nomina sunt hæc. Huguetâ de Forcalquierio D. de Tritis, Briantâ de Agouto D. de Salen, Isoarda de Roca-folia D. de Ansoisso, Anna Vicecomitissa Talardi, Antonietâ de Cadeneto, & alie. Hæc academia est instituta in domo Stephanetæ Gantelme, femine doctriinæ & ingenio præstantis. Erat hæc amita Laura de Sado versibus Petrarchæ celeberrima.* Hæc illi. Ad Guinotum junio-rem redeamus. Ipso mortuo Bertrandus Raibaudus frater adiit vniuersam Guinoti patris hereditatem, & ad nostra vsque tempora gentem in familias omnino tres distinctam deduxit, Gordanam, Planitiensem, Monchanam. Quartam Vacheriensem ad nos vsque deductam vidimus pueri, sed ea ab aliquot annis desit in femina.

- 12 Bertrandus Raibaudus 3. nupsit Margaritæ Ponteuessæ, quam Fulco Cortignati, Carcerûque dominus ex Metelina Voutensi genuerat. Fuit illa ex Andusiana Bermundæ gentis familia. Bertrandus sustulit ex Margarita liberos 6. Iacobû, Guirandû, Delphinâ, Isabellâ, Perpetuam, & Mariâ. Perpetua, & Maria moniales fuerunt Artacellæ (vulgò dicimus la Celle) in Aquensi diocesi. Delphina nupsit Victori Glandeucio Porrieriarû dño & Isabella Bertrâdo Ponteuessio D. Ponteuessi. Guirandus, & Iacobus prole dederunt. Prius de ipsis quàm disputê, assero illa omnia, quæ in tabulis inueni de Bertrâdo Raibauda patre.

- 13 Anno 1415. die 15. Septembris accepit homagium Vacheriarum à Petro de Vacheriis, & à Petro Samoëlli condominis; & die 12. homagium S. Pantaleonis à Gualacio Petri, seu Petro condomino. Anno 1427. conuenit cum Aptensibus S. Catharinæ monialibus, de vniuersa pecuniarum vi, à parentibus & auo donatarum monasterio. Anno 1432. die 19. Sept. res euenit quæ à me taceri non debet. Eâ die Raimbaldus accepit Redorterium ab Alphonsò de Tapia donatione quidem gratuitâ, ut legitur in tabulis, sed emptione potiùs nomine donationis obuelatâ. Nam principio promissit soluere Dragonetæ Alphonsi uxori, Dominicanis Buxensibus, Joanni Albertassio, & Leoni Baudeto eam florenorû vim quæ singulis ab Alphonsò debebatur. Deinde pollicitus est Alphonsò annuatim per ejus vitâ florenos 60 Deniq; numerauit eidem florenos 25. Cùm Raimbaldus ista scribebat, se non dixit militem; militem verò dixit anno 1433. 12. Iulij videtur ergo euasisse in milite incertâ die inter illam

illam 15. Sept. anni 1415. & istam & Iulij 1433. Hoc ipso anno tertio Antonius de Forcalquiero domino de Viens cogitabat litem intendere de Redorterio, sed B. Raibaudus jam miles maluit rem permittere arbitrio sapientum virorum, & Philippo Neyr Aptensi Præposito fecit potestatem eligendo ipsius nomine arbitrium judicem. Anno 1444. die 19. Sept. Rainibaldus dedit auri florenos 300. Victori de Glandeues genero in deductionem dotis, quam Delphinæ filix constituerat. Anno demum 1448. scripsit testamentum; & Margarita vxor anno post tertio die 11. Octobris. Illius testamentum non peruenit ad meas manus: hæc sibi elegit conditorium apud Franciscanos Aptenses, in quo (vt loquitur) jacent *Bertrandus de Vouta, & mei prædecessores.*

Hæc habebam, quæ dicerem de Berttrando Raibaud. Accedendum ergo jam est mihi ad Iacobum & Guirannum filios. Ij ductâ vxore singuli suam condiderunt familiam. Quoniam ex Guiranno coorta desuit in puellam, quæ etiam mortua est, ipsam prius exequar necessum est, quàm ad Iacobum accedam. Guirannus à puero dederat clero nomen, in Archidiaconum Aptensem electus: verum seu puellæ cuiuspiam vesanus amor, seu iuuentus præfertuida (hoc enim obscurum est) egit præcipitem in consilia nuptiarum. Videtur duxisse vxorem, ante matris mortem, sic enim ea loquitur in testamento. *Iure institutionis relinquo nobili Scripsero Guiranno de Simiana, filio meo legitimo & naturali, duo millia florenos, quemlibet ipsorum pro sexdecim solidorum Prouincialium computando, in quibus ipsum, mihi heredem instituo. Et quod nihil plus petere possit in bonis meis iure naturæ, Trebellianicæ, aut quocumque iure. Et quod ipse Guirannus nihil petere possit, donec, & quousque solum fuerit legatum magnifici D. Bertrandi Raibaudi de Simiana, quondam viri mei, &c. Item plus lego dicto nobili Guiranno centum florenos, quos soluere debet Elzearius de Pontenes D. de Cotignaco & Vallis Carceris de dote D. Metellina de Vouta, D. dicti loci, & Vallis, relicta magnifici D. Fulconis de Pontenes &c. Ecce Guirannum non vocat Archidiaconum. Sed aperta sunt, quæ sequuntur. Cùm Iacobum filium, fratrem Guiranni scripisset heredem, ita subiunxit: *Si Iacobus de Simiana, filius & heres meus decederet quandoque sine herede, à suo corpore legitime procreato, volo, & ordino, quod hereditas prædicta veniat pleno iure, ad dictum nobilem Guirannum, & è contrâ verso. Quod si dictus nobilis Guirannus decederet quandoque, liberis à suo corpore legitime procreatis, legata sibi facta ad dictum nobilem Iacobum deueniant.* Ista certe nemo dicat seu de Archidiacono, seu de alio clerico, sacris Ordinibus addicto; neque enim is potest liberos à suo corpore legitime procreare. Modicâ verò hereditatis parte adspersus est à patre. Igitur Bertrandus ejus filius, & Petrus ex Bertrando filio nepos, Iacobo Simianaco, & ipsius hereditibus, litem ex lege Falcidia, patris creatam ab eo, vehementer vserunt. Vatheriarum maiore dominio à parte donatus est, atque ex eo cognomen Vacheriensis accepit, & ad posteros deriuauit.*

Habitauit Guirannus Manualcæ, vt de ipso qui in tabulis aliquid posuerunt, vniuersi testantur. Satis erit Peireschium afferre. Accuratissimus vir in Simianæ arborum (vt loquuntur) gentilitia, cùm enumeraret Bertrandi Raibaudi secundi liberos, ita de Guiranno scripsit: *Guirannus principio Archidiaconus Aptensis, postea Vacheriarum dominus, familiam condidit. Hi sunt Vacherienses Manualcæ. Ex innothinata coniuge progeniit*

filios tres, Bertrandum, Antonium, Andream. Bertrandus (de Antonio, & Andrea fratribus nihil lego) Isabellam de Grassa habuit in matrimonio, & ex ea liberos nouem, Petrum, Ioannem, Franciscum, Honoratum, Robertum, Antonium, Margaritam, Claudiam, Annam, vt intelligitur ex testamento, quod anno 1522. die 22. Septembris condidit. In illo scriba tradit elegisse sepulturam *infra ecclesiam nostre domine de Romigorio, & in capella S. Honorati, & S. Marie Magdalene, in tumba suorum predecessorum, ac suorum domorum patris & matris.* Addit, *casu quo legitima, & supplementum illius, quam petit à domino de Casanova, adjudicaretur, filiorum angere se legitimam.* Anna virginitatem Deo vouit, monialis in Artacellæ cœnobio. Quid ceteris liberis factum sit non inuenio, si Petrum excipias, cui filius ex ignota mihi vxore fuit Franciscus, de quo, & ejus posteris magnum meis in omnibus chartis silentium. Iam verò est diu quòd hæc Vacheriensis familia desit in fœminiam cum hæc scribo mortuam: igitur ad Iacobum illius fratrem accedamus.

- 16 Iacobus Bertrandi Raibaudi tertij primogenitus nupsit Honoratæ de Massilia, Bertrandi ex Vintemiliæ Comitibus, Orioratum domini filix, & eâ mortuâ Franciscæ de S. Seuerino, Francisci Paudini apud Insufres Comitatus filix, anno 1492. die 24. Martij. Anno 1448. die 3. Iunij cepit homagium Arnaudi Grailhe pro bonis Gordæ; & consequente anno fecit ipse homagium Petto Aptensi Episcopo pro breuibz Bocariæ, & Mediano. Anno 1463. die 1. Augusti *inuestiuit inferiore Agouti parte Marotum Borghonum seu Burgundionem nobilem rum, & Insulæ in Comitatu Venasciano oppidi ciuem, qui eam ab Aueta & Helena Nicolai Hugolini nobilis viri filiabus emerat, & laudimium ab ipso cepit.* Anno 1470. die 31. Iulij transegit cum Franciscanis Aptensibus de pecuniâ vi, quæ à Guiranno & à Maria Guiranni matre, & à Delphina ejusdem vxore quondam legata fuerat. In tabulis de re scriptis Martinus Garini tabellio sic loquitur: *Frates Minores volentes amicabile agere cum magnifico viro Iacobo de Simiana D. de Casanova, ex eo quia sui antecessores fuerunt causa fundationis dicti conuentus &c.* Anno 1487. Iacobus litem intendit Procuratori regio de domino tertiæ partis Aptæ: possidebat ergo eam tum Rex. Sed quam tertiam partem hanc putabimus? hæc res omnino obscura est. Roscia, Raibauda, & Mabilia sorores eam vendiderant Roberto Regi Comitatus Prouinciæ, quam ditione tenebant: sub illud tamen venditionis tempus anno 1332. Bertrandus dominus erat duarum partium Aptæ, & Guirandus frater tertiæ, vt superiore libro num. 12. retuli ea tabulis quas Leopaldus Fuliginens de regiis in Apram iuribus tum quæstus scripsit. Vides latere me chartarum aliquas ex quibus intelligitur Aptam à Simianis ad Regem deuenisse.

- 17 Ceterum Iacobus ex Honoratæ vxore sustulit Guirannum, Catharinam, Mariam; & ex Franciscæ post Honoratæ mortem conjuge Margaritam & Innominatam alteram filiam. Margaritam verò dominus Podij Michaëlis accepit conjugem. Mariam Petrus Forbinus Barbenci toparchæ filius, eoque mortuo Georgius Bolei Tertæ nouæ, vt vulgò loquuntur dominus, quemadmodum memorat etiam Venasquius in Arbore Grimaldæ gentis pag. 161. his verbis: *Georgius Bolei dominus duxit primò Margaritam filiam Ioannis Cossæ, Ty... pie Comitatus, magni Prouinciæ Senescalli, & Gubernatoris, deinde Mariam de Simiana.* Catharina Artacellæ monialis fuit. Veneritne Innominata

ad annos nobiles, & nuptias inierit, an verò cœnobiticam egerit vitam, non lego. Guirannus denique 6. Jacobi patris heres ex affe, habuit in matrimonio Margaritam Forbinam Ioannis filiam, & Palamedis illius Solerij, Prouinciæ Senefcalli & Proregis ex fratre neptem; eaque mortuâ Sibyllam de Castellana Foffatum domini filiam, Ioannis de Ponteuca Cabanarum domini quondam vxorem. Sequitur vt de illo dicam, cùm aliud non habeam quod de labobo patre scribi possit. Ex Maria sustulit Annam, Honoratam, Ioannam, Bertrandum Raimbaudum, & Guirannum. Ex Sibylla nullos genuit liberos. Anna Baltazari de Simiana Costæ domino nupsit, & Honorata Marco Francisci filio, ex Comitibus Vintimiliis, Ramatuelle domino. Ioanna Artacellæ monialem professâ est; Guirannus ante patrem occubuit. De Bertrando Raimbaudo, quoniam ab eo per tres familias ad nos vsque gens propagata est, postea dicam. Nunc de Guiranno 6. ipsius patre, illa sunt referenda, quæ chartæ fideles de eo habent.

Guirannus ergo sextus annos 1506. die 24. Ianuarij cepit homagium 18 Ioannis de Lafone & Gasparis Signeri condominorum inferioris Agouti. Anno 1510. cùm vrgeret litem à Iacobo patre ceptam ante annos 23. de tertie partis Aptæ dominio à Rege recipiendo damnatus est ab Aquis curia In has voces: *Maintenance & reintegrationi, pro tertia parte condominij iurisdictionis Regia ciuitatis Aptæ per D. de Casanova intentata, locum non esse curia per hoc suum arrestum dicit, & pronuntiat, soluo tamen eidem de Casanova actori iudicio de proprietate, latius instruendo.* Huic ipsi Guiranno Aptenses litem de vectigalibus indixerant, & Senatores Aquisenses pergunt. Interea verò ex causis resultantibus ex processu, iubet curia & pronuntiat eundem de Casanova, reuocatum & tailiarum muneribus, de quibus inter eum & vniuersitatem de Aptâ iudicium fuit, per ipsam vniuersitatem immuni seruari & neque amplius per eandem vniuersitatem, aut ipsorum munerum executorum vexari pro bonis suis, que iure proprio ac directo in districtu dictæ ciuitatis possidet, donec aliud per curiam in iudicio proprietatis, causâ cognita, fuerit ordinatum. Atque hæcenus dictum sit de Guiranno sexto.

Bertrannus Raimbaudus 3. Guiranni 6. filius, vxorem duxit Petram de 19 Ponteuca, Ioannis Cabanarum domini filiam; & ex ea progeniuit liberos omnino ad octodecim. Eorum nomina, ordinemque singulorum ortus, accipere ex charta domestica. Bertrannus natus est anno 1513. die 18. Nou. Ioannes anno 1515. die 21. Aprilis. Baptista 1516. die 24. Nou. Franciscus an. 1518. die 23. Sept. Sibilla an. 1519. die 5. Sept. Ioannes Baptista anno 1520. die 20. Nou. Anna anno 1522. die 3. Ianuarij. Ludouica anno 1523. die 25. Martij. Carlota anno 1524. die 1. Septembr. Ioannes Antonius anno 1525. die 7. Dec. Claudius anno 1527. die 19. Ianuarij. Sibylla anno 1528. die 24. Februarij. Petrus anno 1529. die 30. Sept. Gaspar anno 1530. dominica 1. post festum S. Michaëlis. Baltazar anno 1533. die 28. Augusti. Melchior anno 1535. die 2. Februarij. Aymar anno 1536. die 16. Aprilis. Margarita anno 1540. die 18. Martij. Ioannes, Claudius, Petrus innupti ceciderunt in bello ante annum 1577. Baltazar, & Melchior Equites Melitenses fortiter agentes occisi sunt; hic an 1557. ex vulnere accepto in graui pro Ordine suo prælio Messan; ille an. 1565. in propugnatione Melitæ à Turcis obfess. Ioannes Baptista Venticiensis episcopatum adiit anno 1555. & eo

abdicato Aptensem anno 1560. Franciscus vir apprime pius, cum apud Cartusianos vitam, cum magno sanctitatis nomine diu egisset, quorum etiam Bonipassu, & Villanovæ Prior fuerat, Ioanni Baptista in episcopatu Aptensi successit. Cum Episcopatu rexit celeberrimum illud apud Tolosates S. Sammartini monasterium, & utrobique servavit integerrimam sanctitatis nomen, quod apud Cartusianos habuerat. Illud Sanmarthani merito laudant, quod Episcopatum pedes cum per ætatem licebat lustravit, & in cœnobio Tolosano constituit sacerdotia (præbendas vocant) 10. iusque ministros ad ea legendi concessit ipsius collegio. Baptistina, Sibylla, Carlota, Anna, Margaritha, innuptæ obierunt: Ludouica monialis fuit Artacellæ, & Sibylla altera, quam vocabant quoque Cæciliam, Auenione Clarissæ. Antè autem quàm vltra progrediar, iuvat advertere quòd anno 1541. Petrus Prior Cartulæ & Generalis Cartusianorum, sedente generali Capitulo concessit participationem exteriorum, & bonorum spiritualium, quæ auctore Domino sunt, & sicut in futurum in uniuerso Ordine, in vita pariter & post mortem Bertrando Raibaud de Simiana & eius coniugi nobili Petre de Pontenes, & eorū filii, & filiarum, videlicet Ioanni Antonio, Claudio, Petro, Baptiste, Gaspar, Baltazari, Melchiori, & Aimaro, atque Anne, Ludouice, & Margarite. Franciscus ab annis 23. Cartusianus, fecerat vt hæc bonorum spiritualium participatio concederetur parentibus, fratribus, & sororibus: vnde intelligis mortuos antè illum annuū fratres fuisse, mortuas sorores, quibus ea non conceditur. Ad Francisci fratres reuertamur. Bertrandus, Gaspar, & Aimarus vxorem duxerunt. Aimarus Rupi-Gironis, Bannoni, Hospitalei, & Saumianæ dominus, ex Hortensia vxore Paulum genuit. Gaspar Euennæ, Oliolarum, & Sannazarij dominus, Paulique ab Aimato geniti, & in pueritia mortui heres Catharinam de Cheuieres duxit vxorem. Bertrandus Casanovæ, Gordæ, Gargatij &c. dominus habuit in matrimonio Gulgonam Alemannam Caroli filiam Vallis, Terrassæ, Lombini, & Cicilianæ domini, atque in Delphinatū proregis. Bertrandus & Gaspar dedetunt prolem, è qua familiæ tres ad nos vsque deductæ sunt.

- 24 Vt à Gaspare ordiāz, numerosam sobolem is dedit, Bertrandum, Laurentium, Iacobum, Sebastianum, Gabrielem, Laurentiam, Caroliam, Catharinam, & innominatam. Iacobus Euennæ dominus, Iuanagæ Sebastianus, & Gabriel Sannazarij vixerunt innupti. Laurentius Archidiaconus & Comes Lugdunensis fuit. Catharina ante nuptias extremam obiit diem. Carlota Antonio Vichio Comiti Chantonlorupsit Laurentia, Ioanna virginittatis in monasterio cultum nuptiis prætulit, hæc in Martiniacensi, in Sancolumbano illa ad Viennam. Bertrandus omni fratrum ditione, vniuersisque opibus collectis heres ex Ludouica Malinia baronis de Lus, & in Burgundia proregis filia, progeniuit (vt altera filiarum Ursulana scribebat non ita pridem) liberos 10. masculos 4. feminas 6. primus filiorum Aim Claudius extremam diem obiit innuptus: Duo Comites fuerunt Lugdunenses, Laurentius, & Antonius Franciscus: qui familiam duci Aim Claudius Anne de Logniulla iunctus est matrimonio. Filiarum quatuor sunt moniales, Ioanna & Maria Angelica Benedicte, Ursulana Franciscæ & Magdalena. Maria nupsit Arpajonio Duci. Aim Claudius Bertrandi filius progeniuit liberos 12. quorum quatuor sunt masculi. Atque hæcenus dictum sit de Gaspare, & ab eoad nos vsque ducta

ducta familia, quam placet Monchanani appellare à Comite Monchano, qui clarissimus ac fortissimus vir octauus & decimus ab Humbetto illo per longissimam heroum seriem rectâ, neque vsquam interruptâ lineâ descendit, quem *nobilissimum & dominum* suum dicebant Aptenses ante annos circiter septingentos, vt vidimus suo loco.

Bertrandus Raibaudus 3. ante Gasparem Bertrando Raibaudo & Petrà ²¹ Ponteuessâ natus, vxorem habuit Guigonam Allemannam, Caroli Delphinatum Proregis & Annæ Albigniacæ filiam & heredem ex asse. Anna dominabatur Albignio, Carolus Lauallo, Terrassæ, Lombino, & Cilianæ. Bertrandus ex Guigona procreauit & alios in ætate infantili mortuos, & Gasparem, Baltazarem, Carolum, Laurentium, Laurentiam, & Margaritam. Margaritam duxit Montefoni baro gente Claromontanus, Laurentiam Laurentius Hurreus Orchæ dominus; Gaspar, & Laurentius inuupti obierunt, & Gaspar quidem magno Simlanæ gentis vniuersæ luctu, in ipso ætatis flore. Vir animis & manu acer, an. 1571. pugnauerat Naupacti, cum Christianorum exercitus celeberrimo illo prælio Turcam deuicit. Tertiopost anno Henricum Andium ducem in Poloniam capiendosibi regno, euntem secutus fuerat. Quinto denuin ac septuagesimo sæculi mense Februario, aduersus Caluinianos fortissimè agens, in Montis Aimari obsidione cæsus est. Baltazar, & Carolus ductis vxoribus, suam singuli dedere familiam, quam vtramque honoribus, opibusque florentissimam, vt nunc exequar necessum est.

Baltazar habuit in matrimonio Annam ex Sanmarcellinorum Auanconiorum (vulgò dicimus *d'Auançon*) gente, de qua Muretur præfatione ad suos in Horatium commentarios ita loquitur ad Ioannem Annæ patrem, Romanam à Rege Legatum ad Pontificem. *Natus es ex gente, quâ nulla inter Allobrogas, ne quid amplius dicam vel antiquior vel omni genere ornamentorum cumulatior reperiri potest.* Anna moritur anno 1585. die 25. Februarij, cum peperisset Guilelmum præcedente anno; & Baltazar anno 1586. die 30. Maij exitu scloperi, sub annum ætatis quattum & vigesimum.

Guilelmus Baltazaris filius, sibi nomen paternum & auitum seruauit ²² à Gorda, cuius Marchio primus etiam fuit. Gabrielam Ponteuessiam, Carcerum Comitissæ, & Senescalli, ac Proregis Prouinciæ filiam duxit in vxorem, & ex ea liberos octo progeniuit, Franciscum, Eleonorum, Ludouicum, Ludouicum Armandum, Iosephum, Margaritam, Annam, & Gabrielam. Gabriela, & Anna (dicebantur etiam Gabriela Anna, & Anna Susanna) moniales virginitatem Deo vouerunt. Margarita Mannæ Marchioni Forbinio nupsit, & post eius mortem Tori & Caderossæ Marchioni Ancezunio qui ab Alexandro. Pontifice in Ducem euerus est. Eleonoris in ætate infantili, & in puerili Ioseph occubere. Ludouicus Melitensem equitem professus est Ludouicus Armandus Cheminioni Cisterciensium monachorum, & Rotæ Augustinianorum canoniconum cœnobii præest. Franciscus Guilelmi filiorum primus ex Anna d'Escoubleau Petri Marchionis Sordij & Antonettæ Bertagnæ filia plures edidit Liberos. Hic vir Simianæ gentis princeps, primam eius familiam ducit, quam ex Gorda, quæ ipsi, cognomen facit, placet Gordannam appellare. Eam

Eam secunda sequitur. Planitiensem possumus dicere, à Planitiis, quarum Marchio illi præest. Tertiam in superioribus exposui: vt de secunda loquar, redeundum est mihi ad Carolum Baltazaris illius fratrem, à quo Gordana familia prodijt, & Bertrandi ac Guigonæ filium iuniorem.

- 24 Carolus is ille est, qui Simianæam gentem, à patre magnâ suâ laude in Delphinatum è Prouincia, in qua ad ipsum hæserat deductam, maiore inuexit è Delphinatu in Sabaudiam, & Pedemontium. Albignius dicebatur ab Albigno pago, cui à matre accepto dominatus est. Tenuit etiam ditione Buglium, Monromanum, Cabanas; & apud Pedemontanos Roatum, atque Maretum cum nomine Marchionis. Sabaudiam pro Carolo Emanuele Duce rexit, & ipsius duxit exercitus. Matildi Emanuelis Philiberti Sabaudie Ducis filie, cum in liberos ingenuos adscripta fuisset, nupsit. Eam post Margaritæ vxoris, quam Franciscus illo nomine primus Francorum Rex genuerat, mortem, ex nobilissima femina, *cui ad aliquam speciem nuptias promiserat*, vt P. Matthæus tomo 2. historiarum sui temporis loquitur, progenuerat. Sed hic vir eum totâ vitâ se præstitit, vt præclara ipsius facinora tacere mihi nefas sit, cuius & alij, & Carolus Emanuel Sabaudie Dux, verus ac certus rerum ab illustribus viris gestarum æstimator, in tabulis quibus Matildem sororem dabat vxorem meritò prædicauerunt. Et verò in illa incidit tempora, quæ, vt difficilia & impedita erant, magnam, si eminere aliquando vellet, postulabant mentis vim. Neque scilicet fulgentior aliàs videtur sol, quàm cum è turpissimis nubibus victor emicat, seseque explicat.

- 25 Carolus ergo è pueritia tum emergebat, cum Caluiniana hæresis maximum Gallie turbamentum, & alias circum regiones, & Delphinatum tanto miscebat impetu, vt multi è summis gente viris existimarent, illam non aliis sisti, infringique viribus posse, quàm eorum omnium inter se iunctis, qui catholicam fidem Christianissimo in regno seruata vellent. Venerunt ergo clam omnibus in consilia, fœdusque inierunt inter se, quod pro re quæ gerebatur, sancti nomen accepit. Hoc illud fœdus est, quod postquam emanasset in vulgus, aduertit omnium toto orbe Christiano populorum animos, defixitque. De eo aliter senserunt alij Meum non est, neque locus postulat, de ipsius initiis, progressuque dicere; sanctumne omnino semper fuerit, an verò cum è fontibus profluxisset integris, polluti aliquid postea accepit, quod purissimis non rarò euenit amnibus; vbi enim sincero per aliqua locorum spatia fluxerunt agmine, eos aliquando, qui occurrunt, corumpit riuius. Certè quidquid nonnulli aliud spectauerint, pietas, quæ in Carolo totam eminuît per vitam, euidentissimè affirmat non aliud cogitasse, cum fœderi illi adscriptus est, quàm vt catholica fides integris religionibus staret, euentereturque heresis. Igitur & genti suæ magnam peperit laudem, Deo veluti remunerante virtutem viri, & semina dignitatis atque claritudinis iecit, in quam Hyacinthus filius eduxit Simianæum genus; cum scilicet à principio adhæssisset Nemoroso Duci, & ab illo postea ad Sabaudie Ducem, agnatione proximum, veluti traduce, peruenisset. Sed ex magna facinorum multitudine, seiungamus paucula, & ea breuiter exequamur.

- 26 Anno post millesimum quingentesimum nonagesimo, Carolus vix cepit Bellimontem, & munitissimam Gieraram arcem, vt Gratianopolis non
veniret

in Caluinistarum manus. Ducebat sexcentos equites, & peditum quatuor millia. Neque Lediguerius, post obsidionem menstruam, recepit Gratianopolim nisi ex graui plurium rerum ad dicuturnam propugnationem necessariarum defectu, & maximè nonnullorum, neque ignobilium ciuium à catholica fide ad hæresim recessu.

Octauo post anno Carolus Emanuel Sabaudie Dux, Carbonariam Maurienna arcem illis temporibus munitissimam, ab hostibus captam obsidebat. Obsidionem in tres regiones diuisit, & tertiam, primâ sibi seruâtâ, permisit Albignio, qui Legatus erat in exercitu; ceteris prouinciarum suarum summis viris posthabitis. Nam hoc Hispano regi dederat, vt auxiliares ab eo copias in secunda constitueret. Neque sui Principis iudicium, expectatoremque sefellit vir fortissimus. Vnum præterea fecit à me commemorandum. Crequius armis notissimus, ac demum Franciæ Marecallus, veniebat obfessis Præsidio, & Albignius occurrit validum ducenti exercitum, strenuèque pugnantem multo cum milite cepit. Victoriani secuta est Carbonaria ab Arcesio, adeoque vniuersæ Mauriennæ suo restitutio Principi. Igitur Carolus Emmanuel summam, quæ in viro eminebat, bellicæ artis præstantiam denigratus, præposuit suis exercitibus, cum ingenti commendatione virtutis. Quis omnia referat, quæ in illo Sabaudorum imperio militum, proseruanda sui Principis dignitate suscepit? Vnum tacere non possum, quod vniuerso Christiano orbe præcipuam laudem habuit. Anno post millesimum sexcentessimum secundo, conatus est Geneuam, milite per scalas muris admotas introducto, capere. Secundâ & vigesimâ Decembris dies agebatur. Maximâ noctis per totum annum longitudo, aptissima erat tanto facinori. Per Aruæ fluiuij ripas, aquarum inter saxa ruentium longo sonitu reboantis, milites ipse duxit, ne, quod nolentibus etiam excidere poterat murmur, perciperetur à Genuensibus. Cum ad Plampalatiânâ planitiem peruenisset, coëgit omnem exercitum; & vnicuique cohorti sua munia assignauit. Quibus iussum erat muros vrbis incendere, ij ipso duce ad illos perueniunt, fossâ altè lutosâ crateribus, quas singuli singulas sibi ferebant, superatâ. Instructi erant chalybeâ securi clathris ferreis infringendis, tudite seris excutiendis, euellendis clauis forcipe, tubo ferreo foribus, quibus esset insitus, perfodiendis ac perturbendis. Milites omnino trecenti spectante Albignio, & fausta omnia apprecante, muros conscendunt. Hæc minutatim singula afferre placuit, vt accuratam viri diligentiam, solemtemque prudentiam videas. Certè grauissimam facinus non potuit altentore curâ geri. Verum ad cetera veniamus. Vrbem intrant generosi milites, bini per urbem gradiuntur, si fortè quid moueatur persensuri. Et omnia bellè quidem processerant hætenus: sed vnde minùs cogitari potuerat, inde audacibus ceptis labes fuit. Bemolletius animis, consilio, corporisque robore præstant vir circuitorem mentitus, vigilem exactâ tessera peremptum deiecit in fossam muralem: cumque sedem illius occupasset, circuitorem verum qui tesseram erigebat, in eandem fossam deturbat. Felicitum ceptorum infelix fuit exitus. Scilicet qui faciem circuitori præferebat puer, cum hereu confoderetur, excubitorum cohortem de tota te raptim monuit. Conclamatur ad arma: in loca proxima serpit strepitus: speculator monetariæ turri pro more impositus, audito tumultu signum dat ære campano militare: mouetur totâ vrbe, consiliaque

illius occupandæ; in gētib; cepta animis, & certis digesta cōsiliis, momento dificiuntur. Hic Albignius illam animi firmitatem reuocādo ex vrbe, recolligendoque militi præstitit, quam exhibuerat inducendo in urbem. Receptul canit: scilas, seu restituit sublatas, seu laxatas recomponit: nihil demum non tentat vt omnes sui eripiantur manibus hostium. At Bemollerius catapultariā cadit glande: Atignatus, Sonnatius, Chaffardonus, alijq; non paucioribus, gēte, rebus gestis nobiles viri, exitum arte nullā, nullā vi expedire potuerunt: Carolus Emmanuel Sabaudie dux, doluit quidē suum felicibus ceptis finem non respōdisse, eorū verō auctore amare tamen vehementer, laudareque perrexit, cuius virtuti fortunā magnorum facinorū inuidā intercessisse videbat.

- 29 Carolus ad annum vsque septimum à nullefimo sexcentesimo vixit: Matildis ad annum vsque nonum ab eodem & trigessimū peruenit, quo seculari mortua est in Christiana reginæ ducissæ Sabaudie comitatu, cuius præfectutam domus gerebat. Amborum conjugum corpora iacent Taurini in xde sacra monialium, quæ à B. Virginis visitatione sibi nomen fecerunt. Eam cum suo monasterio Matildis excitauit.

- 30 Carolus Emmanuel Philibertus Hyacinthus, Caroli Albignij & Matildis Sabaudia filius magnum sibi nomen toto Christiano orbe peperit sciētiā, pietate, rebus pace, belloq; gestis. Mathematicas ille scientias, philosophiam, sacram & profanam historiam apprime callet: & quod pietatem seu sequitur, seu alio, omne virtutis genus, adeo verā certāque colit constantiā, per infinitam & vehementer impeditam negotiorum quæ gerit vim, vt in Deo dicata domo, non in Sabaudorum ducum regia, res agere videatur. Præclara seu bello, seu pace viri facinora historici Sabaudie recitant, & merito: cum rebus enim gestis Sabaudie Ducum ita coniunctæ sunt, vt ab ipsi seiungi nequeant. Eorum scilicet auspiciis arma tractauit: & ipsius consiliis gessere illius uase fere omnes per bellum, & pacem res. Eæ verō sunt eiusmodi, vt omni superiores præconio, admirationem sapientum virorum & mereantur, & habeant. Bellum ingens Gallis erat cum Austriacis, & Germaniam magna cum Italiæ parte, & Hispaniam ditione tenentibus; atque funestissimum & his, & illis putabatur. Non gladio, sed igne pluribus locis actum est. Sabaudus non tam medius inter illos, quàm ab ipsis omni parte conclusus, magno cum ambobus, neque hætenus audito animo ita pugnavit, vt nunc in hos, nunc in illos, vt res suæ postulabant, arma conuertens, victor demum ex vtrisque dici possit, qui & sua ab ipsis delibata, sibi demum seruauit omnia; & non contemnendā etiam Montisferrati parte, ab iisdem magnā suā donatus est gloriā. Qui, & quàm insani labores Planiciarum Marchioni per illa tempora, & per se dura, & armis consiliisque infida, superandi fuerunt? Profecto & asperitatem rerum quando gerebantur, & felicitatem, postea gestæ quàm sunt, attendenti mihi pensantique, videtur humano aliquid ingenio maius suscepisse. Sed locus postulat, vt, si non omnia (longioris enim esset id operæ) nonnulla certè attingam dicendo magis, quam fusè recitem.

- 31 Anno 1632, Hyacinthus iuit in Germaniam, ad Imperatorem à Sabaudie Duce legatus. Quærasquæ conuentum fuerat de huius Ducis in Montisferratum iuribus, eique ipsius non omnino modica pars attributa cum Trino oppido, quod arx munitissima nostris temporibus celeberrimum fecit. Aequissimum quidem erat, vt quæ pacta conuēta probauerat Germanorum Imperator

Imperator, prorsus sanciret, accepto Sabaudia ducis pro data regionis parte homagio. Sed Mantuanum Ducem malè habebat, & Monferrati concessa Sabaudis pars, & Trini oppidi atque arcis a sua ditione diuulsio. Omni ergo arte contendeat, vt si non posset penitus intercludi, certè diffunderetur hominibus. Sic enim fere habet res, vt quod in aliud tempus difficitur, aliquando etiam demum penitus euertatur & concidat. Suis scilicet omnia eunt momenti, quæ ubi effuxerint, minimè possunt reuocari. In pactis etiam erat, vt Pinarolo Galli excederent; & Austriae, non quæ Hispaniam tenet familia, sed gentis vniuersæ, hoc vehementer intererat, vt extra omnem Italiam, atque prorsus trans Alpes illi amandarentur. Hoc non videbatur futurum; & Gallos Pinarolo nunquam excedere voluisse affirmat euentus; ei enim à Sabaudis empto imperant, apertà sibi in Italiam (quod omnium vnum vehementissimè expetierant, contenderantque) amplissimà viâ. Igitur Mantuanus per Imperatoris vxorem, gente Gonsagam, & Mantuani quondam Ducis filiam vrget, vt Sabaudus ad clientelæ pro Trino, & ad Trinum regione, professionem non admittatur, ante Gallorum Pinarolo discessum. Postulatio non iniqua videbatur, probari tamen Ludouico Fracorum Regi non poterat. Planitiarum Marchio post hanc, & plures alias difficultate, quæ insuperabiles videbantur exhaustas, clientelâ nomine sui Ducis pro cõcessa Monferrati parte professus est. Atq; hoc magnæ mētis opus fuerit, lumnique consilij quo viger.

Quantum autem manu valeat, ostendit & aliàs, & septimo post anno. Benna oppidum est, arce firmâ potens. Pedemontani aduersus Ducem suum tenebant, Vargâ Hispano rectore. Planitiarum Marchio ad illam expugnandam venit non expectatus; obsidione cingit; tormentis quatit æneis; euersis sulphureo puluere quem subiecerat propugnaculis, in oppidum ferox irrupit. Nulli Hispano militi, Pedemontano nulli paritum est. Vnus Vargas gladio exemptus in captiuitatem abiit. Sed quid vniuersa foriter à viro gesta sequor dicendo? Harcurtius Comes, Transalpinus, Gallorum exercitui à rege præfectus, anno 1640. fecit duo in Pedemontio, ad omnium posterorum memoriam perillustria: Casalis ab Hispano obsidionem soluit, Taurinum obsedit, cepitque. Cum eo in vtraque expeditione fuit Planitiarum Marchio, suumque locum magnâ laude tenuit. Casalem obsidebat Leganesius Hispanus, inque munimentis omni ope firmatis habebat pedites ad duodecim millia, equites ad quinque millia: Galli Sabaudique plurimum inferiores Hispanis (erant enim ad sex millia peditum & tria equitum millia) in eos animosè iramunt, perfringunt omnia munimenta, sincerè demum victores. Hispani ad tria millia, seu gladio confossi sunt, seu Pado mersi; plurimi capti: direpta eorû castra; ænea tormenta omnia, omnia inpedimenta in Harcurtij potestatem venerunt. Sed vt erat infracti princeps animi, corporeque fatigari nescius, Casali ab Hispanorum obsidione soluto Taurinum venit inexpectatus, & obsidet. Taurinenses omni ope obstitērunt obsidenti; & Hispani agente Leganesio vœuerunt obsessis præsidio. Et his, & illis medius latè dabat stragem Harcurtius, eò que rem demum deduxit, vt Hispani ad sua redire coacti fuerint, & Taurinenses intra sua moenia victorem admittere, Planitiarum Marchione, qui Sabaudos ducebat pedites, laborum omnium, & gloriæ socio.

Anno 1645. hic ipse Marchio à suo Principe iussus reddidit officio suo 34

H h h h 2

hæreticos

hæreticos vallium Lucernæ, Sanmartini, Angronæ, & Perusæ, qui aduersus Ducem Sabaudie rebellauerant, armis compressos, quoniam & altius repetenda res erit, quàm postulet oratio à me suscepta; si totam exequi voluerim; & quæ Emmanuel Philibertus primum, deinde Carolus Emmanuel semel, atque (cùm multa nouarum rerum studio turbarentur) iterum ac tertium sapientissimè constituerunt, recitanda, placet omnem prætermittere. Atque igitur dictum sit hæcenus, de præclaris viri bello paceque facinoribus.

- 35 Habuit ille in matrimonio Ioannam Arboriensem à Gattineria, Caroli Antonij Mercurini Arboriensis Gattinaræ Marchionis, & Virginis Languscanæ, quæ Alphonsus Mortæ Comes genuerat, filiâ. Ex ea sustulit liberos 5. Ludouicum Franciscum, Carolum, Ierenè, Franciscam Mariam, & Matildè. Ludouicus Franciscus impubes occidit, de Carolo statim dicâ; Maria nupsit Carolo Ludouico Samartineni d'Agliè, Comiti S. Damiani; Frâcisca Maria Ludouico ex Comitibus Valperguis, Comiti Masini, & Marchioni Perleci primum, deinde Ludouico Ferrero Fiesco, Marchioni Creuecorio, filio tum Principis nunc Principi Messerani, Matildis Ludouico Felici de Vilcardet, Marchioni de Triuier; Carolus denique an. 1642. natus est. Nupsit an. 1659. Ioânæ Mariæ Grimaldæ, Herculis Monacæ Principis ex Aurelia Spinola filiæ. Hercules tum obierat diem extremum ejus pater, & Honoratus auus, atque Ludouicus frater dederunt Carolo conjugem; Hic ex ea progeniuit anno 1667. filium. Apud Focunates præerat militibus sui Ducis, cùm is natus est. Natum domi baptizauerunt, & Cajetanum Pancratium Raimbaldum dixerunt. Hoc Raibaudi nomen apud Simianæos: olim communissimum fuisse vidimus in superioribus: beatorum Pancratij, & Cajetani bonam experta fuerat opem mater, cùm infantem habebat in vtero. In æde sacra vero vocauerunt Herculem Hyacinthum ex auorum materni paternique nomini-bus, cùm cetera baptismi rituum peregerunt quæ in domo paterna fuerant
- 36 pro more prætermissa. Sed quæ nuper gesta res est, mihi tacenda non est. Agebatur trigesima dies Maij, cùm Marchio Planitiarum, Taurino ad Sancti Pancratij in agro Planitiarum se confert. Hic in Augustinianorum discalceatorum quod exerebat monasterio, deponit ensẽ & in Principis quidem sui manibus torquem Annuntiæ Virginis reponendum dat muneraque omnia belli, & curiæ, opes autem vniuersas in Carolum filium confert suas militum præfecti partes agentem in Focunatibus. Quæ magni, nostrosque sculo inauditi facinoris causæ! Accipe. An. 1658. vouerat se composita re domesticâ, & vxore Carolo filio acceptâ, concessurum ei sua omnia, & curiæ Principis dicturum vale. Igitur an. 1660. re vtrâque illâ confecta voluit votum exequi, neque potuit; omnia enim contendenti obstitit Sabaudie Dux, obstitit Ducis mater & eò denique, cū cetera irritò nisu cogitassent, deueniunt, vt Alexander tum Pontifex, pro summa potestate juberet pergere in suorum obsequio principū, neque pauperem ex voto vitâ nisi julsū agere. Marchio quâ decet obseruantia audiuit mandata Pontificis, & nihil vltra mouit, cùm sæpiuscule rogatus Alexander perstaret in sententiâ, præcisèque semper juberet, vt in Celsitudinis regiæ perduraret potestate, atque Dux non semel, anno potissimum sexto sæculi & sexagesimo nō audiret multâ prece rogantem. Igitur acceptâ morte Pontificis, quâ mandatum ejus expiraturum acceperat à sapientibus viris, tertiâ post die in Sanpancratianam domum Augustinianorum

gustinianorum secessit, pauperatam ex voto seruaturus, ad quam à multis jam annis expetitam totis animis anhelabat. Dux inexpectato commotus nuntio, rem in Theologorum omnino quinque arbitrio ponit. Hi dixerunt Marchionem suo teneri voto, sed per illud posse Principis, cum iuberet, interesse consiliis. Pro illorum responso, iussus est Marchio Taurinum redire, ut ad consilium, cum res ferrent adhiberetur à Duce: & in Missionariorum Taurinensium ædes ipse conuolauit. Eas scilicet maximè omnium opportunas censebat, vitæ quam instituerat.

Atque hæc sunt quæ de tribus à Guinoto ductis Simianæorum familiis 37 dicenda existimaui. Vides illustrissimis abundare singulas viris, qui bello paceque clarissimi, magno suæ genti fuerunt ornamento. Hoc singulare habent, ut ab illis ceperint, qui nominis sui gloriam cum omni posteritate coæquarunt. Gordana primus fuit Baltasar, qui annos quinque & viginti natus, fortissimè & supra hominem agens ad Montem Aimari, pro Deo & Rege aduersus Caluinistas, occidit. Planitiensis autem à Carolo illo Albignio sumpsit initium, qui principis sui duxit exercitus, Geneuamque tentauit arte. Monchanam denique orsus est Gaspar, qui cum Duce Nemorosio, Classe-vasco, & Bouliersio Mannæ ad Forcalquerium domino, cum totidem aduersariis, Marchione scilicet Pescario, & aliis tribus hostilis exercitus processibus, singulari certamine pugnavit & Franciscum Caraffam, Pij IV. Pontificis ex fratre nepotem lanceâ transfigens, magno & Galli, & hostilis exercitus præconio premit.

DE SIMIANÆ A GENTE

LIBER QVARTVS.



LIBRO 2. in fine diximus Guiranno 3. & Mariæ Massiliensi fuisse Guinolum, seu Guinotum & Berengarium filios, è quibus ductæ familiæ ad nos vsque pervenerunt; & libro 3. illas attulimus familias, quæ ad nos vsque à Guinoto descenderunt. De Berengario, & ab ipso familiis disputandi sit hoc initium.

Berengarius Guiranni de Simiana, & Mariæ Massiliensis Euennarum domine filius minor natus, nupsit Beatrici de Villanoua; eaque ante annum 1396. mortuâ Amabiliæ de Sabrano. Ex Beatrice progeniuit Bertrandum Raibauduni, & Mariam. Hæc conjugem habuit Ioannem de la Merle, aliàs Mastinum: Innuptus ille obiit extremum diem. Ex Amabilia edidit Refortiatum, Ludouicum, Petrum, Delphinam. Refortiatum juvenis animosus occidit in bello, ignotis loco & anno, fortiter agens. Petrus in Montis-majoris ad Arelatensem monasterio fuit Prior. De Delphina nihil nisi nomen inuenio. Ludouicus denuum patris heres ex testamento, quod Berengarius secundum anno 1420. scripserat, dedit ex vxore liberos. Secundum dixi testamentum,

hæreticos vallium Lucernæ, Sanmartini, Angronæ, & Perusæ, qui aduersus Ducem Sabaudia rebellauerant, armis compressos, quoniam & altius repetenda res erit, quàm postulet oratio à me suscepta; si totam exequi voluerim; & quæ Emmanuël Philibertus primum, deinde Carolus Emmanuël semel, atque (cùm multa nouarum rerum studio turbarentur) iterum ac tertium sapientissimè constituerunt, recitanda, placet omnem prætermittere. Atque igitur dictum sit hæcenus, de præclaris viri bello paceque facinoribus.

- 35 Habuit ille in matrimonio Ioannam Arboriensem à Gatineria, Caroli Antonij Mercurini Arboriensis Gastinaræ Marchionis, & Virginis Languscanæ, quæ Alphonsus Mortæ Comes genuerat, filiâ. Ex ea sustulit liberos 5. Ludouicum Franciscum, Carolum, Ierenè, Franciscam Mariam, & Matildè. Ludouicus Franciscus impubes occidit, de Carolo statim dicâ; Maria nupsit Carolo Ludouico Sammartinensi d'Agliè, Comiti S. Damiani; Frâcisca Maria Ludouico ex Comitibus Valperguis, Comiti Masini, & Marchioni Perled primùm, deinde Ludouico Ferrero Fiesco, Marchioni Creuecorio, filio tum Principis nunc Principi Messerani, Matildis Ludouico Felici de Vilcardet, Marchioni de Triuier; Carolus denique an. 1642. natus est. Nupsit an. 1659. Ioânæ Mariæ Grimaldæ, Herculis Monæci Principis ex Aurelia Spinola filiæ. Hercules tum obierat diem extremum ejus pater, & Honoratus auus, atque Ludouicus frater dederunt Carolo conjugem; Hic ex ea progeniuit anno 1667. filium. Apud Focunates præerat militibus sui Ducis, cùm is natus est. Natum domi baptizauerunt, & Cajetanum Pancratium Raimbaldum dixerunt. Hoc Raibaudi nomen apud Simianæos: olim communissimum fuisse vidimus in superioribus: beatorum Pancratij, & Cajetani bonam experta fuerat opem mater, cùm infantem habebat in vtero. In æde sacra vero vocauerunt Herculem Hyacinthum ex auorum materni paternique nomini-
bus, cùm cetera baptismi rituum peregerunt quæ in domo paterna fuerant
36 pro more prætermissa. Sed quæ nuper gesta res est, mihi tacenda non est. Agebatur trigesima dies Maij, cùm Marchio Planitiarum, Taurino ad Sancti Pancratij in agro Planitiarum se confert. Hic in Augustinianorum discalceatorum quod crexerat monasterio, deponit ensẽ & in Principis quidem sui manibus torquem Annuntiæ Virginis reponendum dat muneraque omnia belli, & curia, opes autem vniuersas in Carolum filium confert suas militum præfecti partes agentem in Focunatibus. Quæ magni, nostrosque sæculo inauditi facinoris causæ! Accipe. An. 1658. vouerat se compositâ re domesticâ, & vxore Carolo filio acceptâ, concessurum ei sua omnia, & curiæ Principis dicturum vale. Igitur an. 1660. re vtrâque illâ confectâ voluit votum exequi, neque potuit; omnia enim contendenti obstitit Sabaudie Dux, obstitit Ducis mater & eò denique, cū cetera irritò nisu cogitassent, deuenerunt, vt Alexander tum Pontifex, pro summa potestate juberet pergere in suorum obsequio principū, neque pauperem ex voto vitâ nisi iulsu agere. Marchio quâ decet obseruantia audiuit mandata Pontificis, & nihil vltra monit, cùm sæpiuscule rogatus Alexander perstaret in sententiâ, præcisèque semper juberet, vt in Celsitudinis regiæ perduraret potestate; atque Dux non semel, anno potissimum sexto sæculi & sexagesimo nō audiret multâ prece rogan-
tem. Igitur acceptâ morte Pontificis, quâ mandatum ejus expiraturum acceperat à sapientibus viris, tertriâ post die in Sanpancratianam domum Au-
gustinianorum

gustinianorum secessit, paupertatem ex voto seruaturus, ad quam à multis jam annis expetitam totis animis anhelabat. Dux inexpectato commotus nuntio, rem in Theologorum omnino quinque arbitrio ponit. Hi dixerunt Marchionem suo teneri voto, sed per illud posse Principis, cum juberet, interesse consiliis. Pro illorum responso, iussus est Marchio Taurinum redire, ut ad consilium, cum res ferrent adhiberetur à Duce: & in Missionariorum Taurinensium ædes ipse conuolauit. Eas scilicet maximè omnium opportunas censebat, vitæ quam instituerat.

Atque hæc sunt quæ de tribus à Guinoto ductis Simianæorum familiis 37 dicenda existimaui. Vides illustrissimis abundare singulas viris, qui bello paceque clarissimi, magno suæ genti fuerunt ornamento. Hoc singulare habent, ut ab illis ceperint, qui nominis sui gloriam cum omni posteritate cœquarunt. Gordana primus fuit Baltasar, qui annos quinque & viginti natus, fortissimè & supra hominem agens ad Montem Aimari, pro Deo & Rege aduersus Calvinistas, occidit. Planitiensis autem à Carolo illo Albignio sumpsit initium, qui principis sui duxit exercitus, Geneuamque tentauit arte. Monchanam denique orsus est Gaspar, qui cum Duce Nemorosio, Classevasco, & Bouliersio Mannæ ad Forcalquerium domino, cum totidem aduersariis, Marchione scilicet Pescario, & aliis tribus hostilis exercitus processibus, singulari certamine pugnaui & Franciscum Caraffam, Pij IV. Pontificis ex fratre nepotem lancea transfigens, magno & Galli, & hostilis exercitus præconio peremit.

DE SIMIANÆ A GENTE

LIBER QVARTVS.

LIBRO 2. in fine diximus Guiranno 5. & Mariz Massiliensi fuisse Guinolum, seu Guinotum & Berengarium filios, è quibus ductæ familiæ ad nos vsque pervenerunt; & libro 3. illas attulimus familias, quæ ad nos vsque à Guinoto descenderunt. De Berengario, & ab ipso familiis disputandi sit hoc initium.

Berengarius Guiranni de Simiana, & Mariz Massiliensis Euennarum domini filius minor natus, nupsit Beatrici de Villanoua; eaque ante annum 1396. mortuâ Amabili de Sabrano. Ex Beatrice progeniuit Bertrandum Raibaudum, & Mariam. Hæc conjugem habuit Ioannem de la Merle, aliàs Mastinum: Innuptus ille obiit extremum diem. Ex Amabilia edidit Refortiatum, Ludouicum, Petrum. Delphinam. Refortiatum juvenis animosus occidit in bello, ignotis loco & anno, fortiter agens. Petrus in Montis-majoris ad Arelatem monasterio fuit Prior. De Delphina nihil nisi nomen inuenio. Ludouicus demum patris heres ex testamento, quod Berengarius secundum anno 1420. scripserat, dedit ex vxore liberos. Secundum dixi testamentum,

nam quatuor & viginti antè annis, sexto scilicet ac nonagesimo post millesimum trecentesium, die quinta mensis Nouembris, alterum condiderat sanus mente & corpore, vt ferunt ejus verba, cum intenderet ad alienas partes se conferre, & quidem Beatrice vxore mortuâ, Amabiliâque nondum ductâ; & elegerat corpori suo sepulturam in ecclesia S. Castoris de Aptâ, in tumulo, quo sunt sepulti predecessores sui, si ibidem commode posset sepeliri. Si verò ibidem commode sepeliri non posset, eligit sibi sepulturam, in Ecclesia Castronoui, in qua est sepulta Beatrix quondam vxor sua.

- 2 Ceterum à Guiranno patre donatus est Castronouo, Iunquertiis, & parte Cauorum montium, seu Caumontij (vox est in Latinum morem deducta ex vulgari *Caumont*) in Comitatu Venascino, tertio aut quarto lapide ab Auenione. Castronouum Guirannus emisit fertur à Giraudo, cujus auus Rostagnus, Amici nomen in Sabranium mutauerit, cum Guilelmi Sabranij sine liberis mortui hereditatem adibat. Pagus est in Cauallicensi diœcesi. Ab eo Giraudo vulgus appellat Castrum-nouum Domini Giraudi: Ioseph Suares autem Vasionensis Episcopus, in descriptione Comitatus Venascini Castrum-nouum Amici, ab Amico illius auo. Putabam Iunqueras, siue Iuncherias, & Cauorum montium partem, ceteraque sua in Comitatu Venascino prædia siue rustica, siue vrbana, ab eodem Rostagno Amico accepisse. Profecto id de Iuncheriis asserit Aymarus Simianæus Bannonis dominus, ex domesticis abs dubio tabulis, in commentariis de sua gente anno 1580. scriptis manu.
- 3 Ludouicus Berengarij filius, an. 1424. nupsit Ludouicæ Ponteuelsæ, cujus pater Renardi Castro dominabatur. Ex ea progeniuit Stephanû, Bartolomeû, & filias 3. quarum secunda ortu conjugem habuit dominum Petraræ, prima verò aut tertia Guilelmeta *Herculè Burgundionè* (ita lego in Bartolomei fratris testamento) *Insula Venascini* & eo mortuo *Vincentiû D. de Caufans*. Stephanus & Bartolomeus duas latè fufas dedere familias, Castronouanum ille, hic Costanam, ita dictas ab hereditatis paternæ partibus, è quibus sibi cognomen fecerunt, vt & ab iniuicè, & ab agnati Guinoti posteris fecerentur. Stephanus quippe cessit Castrum-nouum, & Bartolomeo Costa. Iam locus postulat, vt alteram familiam seorsim ab altera exequamur, initio ducto à Stephano, qui Bartolomeum ætate superabat.
- 4 Stephanus Castronoui dominus anno 1468. Delphinam Peregrinam duxit in vxorem, & eâ sine liberis mortuâ, Margaritam Castellaniam anno incerto; ipsâque etiam defunctâ sine omni prole, Colletam Anceduniam anno 1471. Ex Colleta & alios suscepit liberos, & Fridericum, ac Melchiorrem. Fridericus armis aptus juvenis, Carolum eo nomine octauum Regem, in Italiam secutus, occidit nobilissimo illo ad Foronouum prælio cataphractus eques. Melchior ex Ludouica (vt loquitur Peireschius) Barcinonis domini filia conjugè Iansanum dedit, atque Ludouicum. Hi duo fratres Castronouensem familiam diuiserunt rursus in duas: alteri à Iansano ductæ suum Castronouensis nomen stetit; alteram dixerunt Sedeconiam à Sedecone pago, quem Melchior Ludouico filio concesserat.
- 5 Iansanus habuit in matrimonio Genouesam ignotâ mihi gente ortam. Ex ea progeniuit Ioachimum, cui Victoria Grimalda, Buelli Comitissæ filia vxor, dedit filias omnino tres; Annam, Isabellam, Dianam. Anna sororum prima, & patris heres, matrimonio juncta est Francisco Simianæo

Claudij filio, qui à Bartolomeo Costæ domino, & Stephani Castronouensium parentis fratre per Baltasarem filium descendebat: Isabella sororum secunda Iacobo Rossesi & Balmæ Valreacensis domino: Diana sororum tertia Ioanni Forbino Rognæ domino, & in Aquisi Parlamento Præsidi. Igitur Castronouensis familia à Iansano cepit, cum Ioachimus qui eam ducebat masculis caruisset, in Costanam defecit, Annæ neptis cum Francisco nuptiis, cuius abauus fuerat Bartolomeus Costæ dominus, Costanæque autor familiæ, & ad Sedeconiam accedendum est exponendam, quæ à Ludouico Iansani fratre occipit.

Ludouicus ergo Sedeconis dominus, ex Francisca de Guillens vxore edidit Antonium, & Baptistinam libero. Hæc data est in conjugium domino Putei Sancti Martini, ille Lucretiæ Claretæ. Cum autem Lucretia dominaretur Tribus-canutis (Tricanutiam ex vulgari Trichenu dicemus) Antonius conjux ab illis sibi nomen accepit, abjecto quod ex Sedecone pago à Ludouico patre acceptum ferebat Tricanutiam ergo familiam ab eo appellabimus, quam dicebamus Sedeconiam.

Antonius ex Lucretia conjugē progeniuit liberos quinque, Ludouicum, Franciscum, Carolum, Margaritam, & Innominatam puellam alteram. Hæc virginitatem Deo vouit Vrsulana Mondilij: Margarita in conjugem data est Ioanni de Cambis Orsani & Laignarum domino. Carolus Sparroni dominus ex Martha de Calignon plures liberos dedit, suamque igitur, & à Trinanutia diuersam orsus est familiam Franciscus, cum omnis exercitus in Fanum Pauli Lamiatanum irrueret fortiter agens occidit.

Ludouicus denique fratrum maximus, quem ut ab auto distinguamus, Ludouicum secundum appellabimus, matrimonio iunctus est Ludouicæ Montainardæ Chalanconis & aliorum dominæ pagorum. Istis parentibus nati sunt Carolus Ludouicus, Maria Francisca, & Isabella. Maria Francisca ante ceteros genita liberos est data in conjugem Ludouico Coste Charmorum Comiti, & in Parlamento Gratianopolitano Præsidi. Isabella amitam innominatam secuta prætulit nuptiis Vrsulanatum Mondilij cœnobium. Carolus Ludouicus nupsit M. dominatur Tribus-canutis, Chalanconio, ex aliis pluribus pagis Atque hæcenus dictum sit de Stephano Castronoui domino, quem Ludouicus primus Berengarij filius genuit, ejusque posteris, in duas hoc tempore scissis familias. Tricanutiam à Trium Canutorum Marchione dictam, & Sparroniam à Sparronij domino. Sequitur ut de Bartolomeo dicamus, quem Stephanus natus minorem habuit fratrem.

Bartolomeus Costæ dominus familias omnino quatuor dedit, quæ cum hæc scribo vigent, omnique ornamentorum genere majotum dignitati respondent. Costanas alius fortasse dicat, ego singulis, ex loco quem incolunt, dabo suum nomen, nisi quod Castronouensem appellabo illam, quæ à Francisco & Anna Ioachimi Castronouensis sine masculis mortui filia, sumpsit exordium. Marcellinam, seu Mathelinam Villanouanam Bartholomeus habuit in matrimonio,

- & eâ mortuâ Mariam de Vincens, seu de Aureliano. In illius viri aduersariis, qui anno 1555. die 20. mensis Iulij perorauit in funere Melchioris Castronouensis, qui Iansanum & Ludouicum progenuerat, lego sequentia, *Marcellina Villanouana fuit soror Bernardi Guillelmi & Taneguini, qui Bellouicino dominabatur.* Obsecræ voces. Ipsas tamen, ex eo fortassis oratore funerarij, ceteri de Simianæa gente Scriptores habent, etiam Peirefchius, qui gentilitiam (vt vulgò loquimur) Simianæorum arborem ab anno 1250. ad nostra vsque tempora omnium accuratissimè vnus deduxit, nisi quòd *Ludonici* nomen addidit. *Ludonici* (sunt ejus verba) *Guillelmi Bernardi de Taneguini.* Nam vnumne memorant virum, qui tribus, aut duobus illis prænominibus vsus fuerit? sed cur ceteri præter Peirefchium addidere particulam & conjunctiuam ad vocem *Taneguini*; & Peirefchius pro illa addidit particulam de quam Galli prænominibus nunquam adjungunt? Si verò plures referunt, nouo faciunt exemplo. Nam quis puellæ genus ex fratribus, iisque tribus aut quatuor sigillatim recensitis, ac veluti per nomina numeratis, non autem ex parentibus repetit, describitque? Vt cumque hoc habeat, Marcellinæ frater siue primus, siue secundus, aut etiam tertius ortu, aut etiam nomine, vel cognomine Taneguinnus, *Bellouicino* dominatus videtur, vbicumque locorum fuerit is pagus: *Seigneur de Beauuoisin*, inquit Peirefchius. Maria post Marcellinæ mortem vxor Bartolomei, erat Aurelianensis. Peirefchius vult fuisse gentis de *Vincencia*, *sororem D. de Bedonis*, & ista quidem dicta sint de vxoribus Bartolomei. Quod autem ad liberos spectat, sic habet Bartolomeus ex Marcellina genuit Batlasarem, Margaritam, Ioannam, & Antoniolam, vulgò *Antoinere*: ex Maria Christophorum, Catharinam, & Ioannam. Scio omnes qui de gente Simianæa scripserunt, tradere Christophorum ex Marcellina ortum esse, & ipsorum neminem posuisse Antoniolam in ejus liberis. Sed ipse Bartolomeus in testamento istam ceteris ex Marcellina liberis adjungit, & illum sibi ex Maria filium fuisse docet. Hoc etiam placet aduertere. Mathelinam, non Marcellinam priorem in eo vocat vxorem. Catharina & Ioanna nupserunt Francisco & Ioanni de Freres, autoribus illis Innominato, qui dixit in funere Melchioris Castronouensis, & Peirefchio. Christophorus in ipsa adolescentia mortuus est Romæ. De Margarita & Ioanna sic loquitur Peirefchius. *Margarita vxor domini de Buons Pontuefij: Ioanna vxor de Domergues des Marins Azani.* Quis fuerit *Domergues* (Dömerguium, an potius Dominicum? fortasse dices) non inuenio: neque etiam quid sit *Azani*. Funerarius ille orator paulò aliter locutus est. *A Saxi* dixit, non *Azani*: sed non apertius. De Antoniola meæ omnes chartæ tacent. Baltasar patris ex asse heres dictus est. anno 1499. die 16. mensis Februarij.
- 11 Is duxit Annam Simianæam, Guirandi 6. & Margaritæ Forbinæ filiam. Ex ipsa reliquit libero superstites tredecim, vt ex testamento intelligitur, quod anno 1552. die 1. Octobris condiderat. Illos recenset hoc ordine: Eleonoram Artacellæ monialem, Honoratam Areis monialem, Margaritam Aptæ monialem, Ludouicam & Gabrielam Aptæ moniales, Blancam, Marcum Equitem Melitensem, Petrum Claudium, Carolum, Ioannem monachum S. Andreæ ad Auenionem, Baltazarem, Franciscum heredem. Peirefchius longè pauciores recitat: verum quis filiorum numerum patre certius referat? moniales tantum quatuor fuisse ait, ipsarumque tacet nomina. Ioan-

neni, Petrum, Carolum, Claudium memorat : Marci, & Baltazaris non meminit. Non nulla tamen addit non tacenda hoc loco. Tradit Ioannem fuisse protonotarium Apostolicum & priorem Bonilij, vulgò *Bariols*. Tradit Petrum Hospitaliariorum Vapinci præceptorum occisum fuisse ab Hugonottis ; & Carolum equitem etiam Ierosolymitanum animam in vinculis exhalasse apud Turcas. Tradit denique Claudiam egisse Senatorem in Parlamento Aquisenfi. Atque hic Claudius ille est, qui Simianæ gentem Aquas Sextias inuexit, inuenitque familiam ejus Aquisensem. Blanca denique nupsit Laurentio Marco Castronoui, & Molligeræ domino.

Franciscus autem Baltazaris heres anno 1542. matrimonio junctus est 12 Claræ Garinæ, & liberos ex ea reliquit superflites, vt legimus in testamento, Claudium, Petrum, Ioannem Baptistam, Annam, Franciscam, Honoratam. Anna Clarissarum instituta secuta est Auenione. Francisca Gaspari Autricio Balmetarum domino in vxorem data est ; & Honorata Arto de Prunier domino S. Andree in Gratianopolis Parlamento Præsidi, Claudius, Petrus, & Ioannes Baptista, suam singuli condidere familiam. Franciscus eorum 13 pater condidit testamentum anno 1587. Claudius, vt ab eo incipiam, fratrum maximus natus nupsit ex vxore quam modò memorabam 6. omnino liberos progeniuit Franciscum, Artum, Bertrandum, Petram, Annam. De Arto & Petra nihil lego, nisi nomen. Anna Trigantij domino data est in conjugem, Bertrandus in Sanuictorino ad Massiliam monasterio monachum professus est. Franciscus, Annam Ioachimi Castrinouensis, quem numero 5. vidimus sine masculis obuisse, filiam habuit in matrimonio. E Costana quidem erat ipse familia natus, sed cùm ab vxore Castrum-nouum habuerit, quod antiquissimæ familiæ nomen fecerat, profectò dicendus est illud excitasse, & Castrinouensem rursus condidisse familiam. Is ex Anna vxore progeniuit liberos 10. Ioachimum..... Gasparem, Hieronymum, Franciscum, Ioannem Baptistam, Octauium, Dianam, Victoriā, Ludouicam, Margaritam. Ioachimus ex..... Brancatia genuit Annam Isabellam, quæ nupsit Iosepho Domino de Berton Marchioni Crillonio. Gaspar Abbas Cluniacensi Ordini se addixit magnus virtutis cultor, Hieronymus & Franciscus Equites Melitenfes & Ioannes Baptista innuptus extremam obierunt diem. Diana nupsit Masani domino Victoria, Ludouica, & Margarita sunt mortuæ.

Petrus autem Claudij frater (quem Costamoiranum appellant, à Moira- 14 no pago in quo sedes posuit) ex Maria de Baronat vxore procreauit Ennemundum, Henricum, Gaspatem, Franciscam. Hæc omni virtutum genere præstantissima, nuptui data est Roani apud Sabaudos domino. Henricus eques Melitenfis anno 1618. apud Pedemontanos pro Rege pugnans obiit. De Ennemundo nihil inuenio. Gaspar denique Costamoiranam Simianæ eorum familiam à Petro patre ceptam deduxit ad posteros, Ludouicâ du Pellouæ in vxorem acceptâ. Istis parentibus orti sunt Franciscus, & Innominata domino de Rissy nupta, qui cùm hæc scribo viuit. Ioannes 15 Baptista denique Claudij & Petri, quorum familias modò per capita memorauimus, frater, fuit Senator in Parlamento Gratianopolitano, & ex Maria Portensi in eadem curia Senatoris filia vxore dedit liberos quatuor, Claudium, Abelem, Ludouicum, & Ludonicam. Hæc Enne-

mundo Fusterio Gratianopolitani Parlamenti Consiliario nupsit. Ludouicus Sanfigiranni Abbas est. Claudius in Gratianopolis Parlamento Præses, ex Ludouica de Faure procreauit Franciscum, Alphonsum, Laurentiam, & Claudiam. Hæc Ennemundo du Vache, Vattilij domino, in Parlamento Gratianopolis Senatori, data est in conjugem; illa Ioanni de la Porte Artauderie domitio. Alphonfus dedit nomen clero; Franciscus togæ, post patrem Præses à Rege dictus in eo quod non semel dixi Parlamento. Abel deum Claudij & Ludouici frater in computorum apud Delphinatæ regionum curia Præses, ex Anna Crucia Pisanfonia vxore progeniuit Abelem, Ioannem, Ludouicum. Hic patris hæres futurus est, Abele Parisiis mortuo, & Ioanne Ecclesiæ per Gardæ prioratum addicto. Atque hæc omnis est Simianæorum familia, quæ Ioannem Baptistam auctorem habuit, Claudij & Petri fratrem, qui singuli suam quoque ipsi familiam condiderunt. Francisco Costæ domino & Clara Garina nati fuerant illi parentibus, necessum ergo est ut ad Claudium Francisci fratrem natu minorem redeamus, qui ut numero 11. vidimus Simianæam gentem Aquas sextias primus inuexit.

Claudius ergo Francisci, qui Claram Garinam habuit in matrimonio frater natu minor, duxit in matrimonium Catharinam de Veteris, Henrici filiam, qui dominus erat Reuesti, & in Aquis Parlamenti Consiliarius Regius. Istis parentibus nati sunt Henricus, Anna, Francisca, Clara. Francisca Margaletio, & Anna Ponceusio Aquis Parlamenti Senatoribus nupsērunt; Clara Pompeio de Bernardoy. Claudius pater Senator fuit in eadem curia: Henricus autem filius in Curia Rationum regiarum & subsidiorum. Hic Henricus Angelicam de la Cepede duxit in vxorem. Ea Ioannis Agalladarum domini in eadem rationum & subsidiorum curia Præsidis primi & Magdalene de Brancas filia fuit. Henricus & Angelica liberos sex ediderunt, Ioannem, Gasparem, Guilelmum, Annam, Ioannam, Claram. Anna & Clara mortuæ sunt in ætate puerili: Ioanna secuta est Vrsulabarum Pertusienfium instituta. Ioannes ex Carlota de Cambis vxore procreauit liberos duodecim. Claudius Carlote pater, fuerat Senator Aquis Sextiis in Regis rationum & subsidiorum curia. Accipe Ioannis & Carlote liberos. Teresa & Susanna moniales sunt Aquis in Sancti Bartolomei: Angelica nupsit Guilelmo de l'Estang Paradæ Domino & in Parlamento apud Aquis Consiliano. Henricus, Franciscus, Gaspar, Claudius, sunt Equites Melitenses. Ioannes, Ludouicus, & Dominicus in tenera ætate diem extremum obierunt. Ioseph & Franciscus Ignatius in minori ætate adhuc sunt. Ioannes demum secundus, in Aquis Parlamento secundus est Præses.

In vltimum hunc locum conieci Gasparem, Henrici & Angelicæ filium, Ioannisque Præsidis fratrem. Viri sanctitas eo præluxit vniuersis totâ Prouinciâ mortalibus exemplo, ut putem mihi de illa fusiùs dicendum esse. Gaspar Melitensis Eques, natus Aquis Sextiis anno millesimo sexcentesimo septimo die septima Iulij, mortuus est Massilia, anno millesimo sexcentesimo quadragésimo nono die decima quarta Iulij, non sine magno nomine sanctitatis, quod omni virtutum genere per vitam adeptus

adeptus fuerat. Locus ergo postulat, vt de Simianæa gente dicens, ea fusiùs exequas, quæ piè sanctèque gessit dum viueret, maximè cum illa libro 2. numero 10. non tacuerim, quæ de Mabilæ Simianæ pietate & sanctitate còrtaneus scriptor mandauit literis. Antonius de Ruffi cum Gaspare familiariter ac diu egerat: duobus igitur libris de eo scripsit. Placet summa quædam capita ex illo excerptare, nam quem certiore dicendorum auctorem habeam?

Gaspar Melitam puer iuit, vt clarissimum profiteretur ordinem Equitum, 16 qui ex ea post Rhodum amissam sede nomen habent. Ipsâ Aquas Sextias re-dux, vt ætate, opibus, ingenio florebat, & dicendo, agendoque, ac animum eorum, cum quibus versabatur, suauissimis exhilarando sermonibus iocif-que, hominum omne genus, atque potissimum puellas detinebat, ita etiam ceteri quidem homines, sed maximè puellæ placebant illi. Hatum vna vniuersis animi, corporisque instructa donibus, mentem incauti iuuenis ita sensim totum occupauit, vt repentina ipsius febris, & ex febre mors inexpectata, eum dolorem inuulerit, qui superior omni remedio videbatur. Dies ergo noctesque peruigil cura depascebatur pectus innocuum, neque amicorum alloquiis patiebatur locum esse. At miseratus iuuenem Deus, qui vno ætatis inexpectè peccabat errore, fecit non multo post tempore, vt sibi præter omnium mortalium spem redderetur. Fortè prætergre- 17 diebatur sacram ædem, in qua corpus puellæ iacebat, & subito ex amoris impatientia incessit iuuenilem animum cupido videndi conditorium virgini-olim sibi gratissimæ. Vt oculos in illud intendit, vt in vberes lacrymas soluti sunt. Ibant hæc per genas leni quidem, sed magno agmine, cum subiit animum cogitatio, corpus quod abreptum morte dolebat, non esse iam illud, quod ad omnem elegantiam factum, olim aspicientem illecebrosa suauitate detinuerat: abiisse omne in putredinem, vermibusque datum esse in escam. Indignissimè facere, qui inanibus nugis adhæreat. Decere nobilem genere, ingenioque virum, nobiliores ad res adicere animum. Se esse sui ipsius grauissimum hostem, quando obduret vitam ita non degere, sed perdere. Si pergat, timendum sibi esse ab irato Deo. Grauissimis abs dubio vexaturum aliquando poenis merentem, qui ad maiora iuuenem immerentem illis animi, & corporis ornamentis quondam instruxerit. Certe momenta temporum aliqua sunt, quæ, si iuuat vocantem Deum sequi, hominem ad summa quæque ducant agantque. Vt ea cogitatio insecutur animo Gasparis, vt in alium virum omnino miratus est, totumque se pietati, ceterisque virtutibus addixit.

Et cetera quidem in eo suspiciebam; sed duo sunt, quæ mirari satis 18 non possum, certa & inconcussa in bene ceptis ad mortem vsque constantia; animus ad omne virtutis genus adeò incitatus, vt vno ipsius, quæcumque & cuiuscumque generis esset, nomine totus vehementissimè raperetur. Quid ille boni, vt occurrebat, non suscepit, susceptumque aut nou perfecit ipse, aut affectum non dedit cogitantibus perficere. Vniuersa tamen res erit illustrior, atque oratio etiam clarior, si eam in aliqua capita digeram. Principio vt ad res diuinas applicuit animam, propiusque adiuuauit, vt omnibus quæ Deo aduersantur bellum indixit. Duo, si vnuersè loquamur ea sunt,

- praua de Deo sententia, pueri mores. Illam nouerat duplicem; Turcæ alteram, alteram hæretici. Eques Melitenſis erat, Melitæ fuerat, in odia Turcarum iurauerat: eorum ergo prima occurrit impietas, quam euertere parato ad omne montis genus animo contenderet. Poſtea quoniam Caluinistarum hæreſis proximè, in patria ſcilicet, erat, aduerſus eam totum ſe dare cogitabat. Quo conſilio à Turcis adeundis, ad Caluinianos ab errore abducendos deſlexeris incertum eſt: quodcumque fuerit, à Deo profluxiſſe docet multorum ab hæreſi ad catholicam fidem per illum acceſſio. In Priuincia, Pariſiis, in Anglia aduerſos eam fortiter egit; eò que demum, rem deduxit, vt & ab Anglis ſua & Inſula pulſus fuerit; & Pariſiis reuocandum ij ſenſerint, qui aduerſus hæreticos decertabant; & fructus non penitendos dederit Aquis ſextiis, magnæque Prouinciæ parte. Viſus etiam eſt Deus aliquando neque ſine prodigio adeſſe ſermo ſuo depræſtanti aduerſus hæreticos. Cetera prætermitto. Vnum tacere non poſſum: & Aquis ſextiis, & coram omni populo geſtum eſt: Nobilis Delphinæ, Caluinianæ addiſtiſſimus hæreſi Aquas venerat. Cùm non poſſet vlla rationum vi ab ea illius parte abduci, quæ verum Chriſti corpus negat eſſe in Euchariftia, & Gaſpar ſuis plurimis ac prælongis ad ipſam Euchariftiam precibus nihil à Deo ſibi videretur aſſequi, caſu euenit, vt per urbem obambulans hæreticus occurreret ſacerdoti, illam ad hominem agrum deportanti. Vix eam viderat, cùm de fuga, ne ad ipſam genua flectere cogereſſet, cogitauit: & ecce Gaſpare (Euchariftiam pro more ſupplex comitabatur) animo & oculis in cælum elatis Deum venerante, luminibus capitur; inſciūſque ad ſacerdotem, à quo ſe fugere arbitrabatur, accedit. Omnibus ad rei inſolentiam attonitis ſtupet, genuque demum flexo veniam à Deo petit, & Euchariftiam adorat; eaque adorata viſum recipit. Quid alia enumerem, quæ Aquis, Mortæ, Capreſis, Lornarino, Coſtæ, & alijs per Prouinciā oppidis, pagis, locis aduerſus hæreticos ſuſcepit accedendo ad peruerſos hominum morem. Contra eos nullo non opere decertauit, vtque ipſos ex hominum corde radicitus euelleret, ad plurima, illaque generibus varia, & poſſimum vilia, caritatis opera animum proſus adiecit. Inſinitus ero, ſi velins ſingula, quæ cum ſingulis mortalibus peregit, dicendo ſequi. Præcipua quædam accipe. Domum curauit Aquis, quæ idcirco *Refugij* dicitur, ſeu perſugij, & aſyli, quia mulieres à luxuria profugæ in ea, vt in aſylo, concluſæ tenentur, omni procul caſtitatis diſcrimine. Boëmæ, ſive Ægyptias (vtroque nomine vulgus appellat) mulierculas, feminarum ſine pudore, ſine religione, ſine lege, vaguum per Gallias genus, Maſſiliæ coëgit in vnam domum, pudoremque ac pietatem docuit. Puellas, quæ quia parentibus mortuis omni mortalium carerent auxilio, dicuntur Orphanæ, omni ope iuuit Aquis, fecitque vt nullo ad honeſtam eruditionem præſidio carerent. Eadem in urbe ſic egit, vt pauperibus ac ægris nihil in xenodochio deeſſet: cùmque ſuâ ipſe pecuniâ perficere vnus non poſſet arduum opus, vocauit in partem illius nobiles feminas, quæ ſic anni dies inter ſe ſortetæ ſunt, vt vix aliquis efluat, quo non aliqua de ſuis facultatibus miniſter egentibus.
- Neque hoc vnum caritatis opus exercuit. Cùm in urbe erat, carcere clauſos ſingulis diebus inuiſebat Aquis, alioſque vt inuiſerent, hortabatur

hortabatur. Eorum alios sua crimina, æs alienum alios conclusos tenet. Nihil ipse non fecit, ut vniuersos bonis verbis, aptis consiliis, apud patronos, ac iudices supplice iuarent nonnulli prece; & suâ insuper ipse pecuniâ creditoribus numeratâ hos non raro eduxit e carcere, illos cum damnati morte erant, omni iuuit præsidio, ut in cælum liberi ac felices euolarent. Sed quo efferam præconio sodalitatem, siue ut loquuntur *confraternitatem agonizantium*, quam Gaspar inuenit? Repurabat aliquando cum animo suo, beatitatem hominis æternam in ultimo vitæ momento veri, quo pro singulari & deploratâ infirmitate corporis, anima minimum per se potest; atque dæmon nihil non contendit, ut illam euertat. Igitur post multam cogitationem eò deuēnit, ut duceret mortales in grauissimo discrimine positos, communissimo piorum hominum auxilio iuandos esse: aliique post alia diligenter & accuratè perpensis, summo demum ac diuino profusus ingenio sodalitatem commentus est piorum hominum, qui hoc suspicerent, ut cum daretur ære campano signum (& ipsum ut daretur effecit) vniuersi totâ vrbe pro eo funderent preces, qui esset in extremo discrimine, cumque morte, ut ita dicam, luctaretur. Fecit vnum aliquid aliud Gaspar, quod & pietatis insolentiâ, & magnitudine facinoris, profectò superat cogitationum nostrarum vota. Nouerat Melitenensis eques infelicissimorum hominum, qui, ad tritemes damnati sunt, grauissima esse & corporis, & animi, maximè per morbum mala. Miseratus ergo miserrima capita, decreuit excitare Massiliæ nosocomium, in quo vni insaulti remiges per morbum haberentur, curarenturque; & quod sapienter decreuerat feliciter aliquando perfecit. Exiit ad illud operis opportunas ædes, necessariisque curauit reditus: sed quod omnino præcipuum est, admirabilitatisque plenissimum, sedes in illis ædibus ipse fixit magno exemplo, neque minore fructu. Nolo de catholicis remigibus loqui, neque ceterorum capita censere: lego, & in prodigiis pono, neminem infelicissimorum hominum Turcam, hæreticum neminem, viuente Gaspare obiisse in hoc Nosocomio (& plurimi obierunt) qui ante mortem, non fuerit professus fidem catholicam.

Atque hætenus dictum sit, quæ vir verè pius, castæque virtutis cultor, sapienter & sanctè per vitam egit, ad dicendam ejus mortem veniendum est. Annus agebatur millesimus sexcentessimus quadragessimus nonus, cùm pestis Massiliam inuasit. Iphis ejus initiis Gaspar dicitur illam hausisse à Bruneto Sacerdote, & quinto post die (erat vigesima quarta Iulij) placidissimè, & sine omni motu corporis, atque, ut loquuntur, agonia, expirauit humi, ut imperauerat, culcitra læuè insidens, manibus decussatis, & oculis in cælum elatis, vir immortalitate dignissimus. Hic non possum non referre verba, quæ Antonius de Ruffi libro secundo, grauis auctor scripsit. *Et si post mortem Gasparis nihil in eius corpore quod natura vires excedat visum est, nemo tamen negauerit prodigy genus esse, quod nemo vnus eorum, qui permulti peste & laborantem, & mortuum, seu proximè accefferant, seu*

contigerant, pestem contraxerit, ne chirurgi quidem, qui & agro perpetui assederant, & manu bubonem, ex dextero inguine protuberantem tractauerant, curauerant-que. Majorem quoque admirabilitatem habet, quod pollinctorum nullus (& quatuor erant) neque tum, neque seu reliquo, seu insequente anno per pestem, qua grauis omnino erat, ea laborauit, etsi toto illo tempore suum pollinctoris nomen omnes per-egerint.

Atque hæcenus ex Antonio de Ruffi dictum sit de Gaspare. Aquefsem atque adeò vniuersam Simianæorum gentem nemo felicius claudat. Sed in extremo opere placet gentem vniuersam per sua capita è superioribus eruta dare paucis expansam.

Gens Simianæa ab anno 993. vsque ad annum 1668. per lineam rectam à patribus ad filios gradatim deducta, & in familias qua eo anno flant & vigent digesta.

Gentis Gradus,

Anni chartarum ex quibus eruti sunt.

- | | |
|---|-------------------------|
| 1 Humbertus & Mauris | anno 993. 1006. 1009. |
| 2 Guilelmus & Adelaïs | anno 1019. |
| 3 Rostagnus & Gilla | anno 1056. |
| 4 Raimundus & Sancia | anno 1090. |
| 5 Guirannus I. &..... | annis 1112. 1120. 1151. |
| 6 Guirannus II. & Huga | annis 1163. 1210. |
| 7 Guidetus & Isoarda de Signa | annis 1221. 1231. 1242. |
| 8 Bertr. Raimb. I. & Maceda de Ponteuës | anno 1270. |
| 9 Guirannus III. & Stephana de Blacas | anno 1282. |
| 10 Guirannus IV. & Mabilia de Arpaione | anno 1323. |
| 11 Guirannus V. & Maria de Euenis | annis 1337. & 1351. |
- Guinotus & Berengarius fratres, filij Guiranni V. & Maria de Euenis, diuiserunt gentem in 2. familias, quarum Guinoti deinde scissa est in tres; & Berengariana in sex. Recentiores earum sunt anni, quàm ut placeat ipsos asserre, singula tantum per capita domuum suis reponam in gradibus. A Guinoto & eius familiis ordior.*
- | | |
|--|---|
| 12 Guinotus & Delphina de Sabran. | |
| 13 Bertrandus Raimbaldus II. & Maceda de Ponteuës. | |
| 14 Iacobus & Honorata de Massilia. | |
| 15 Guirannus VI. & Maria de Forbin. | |
| 16 Bertrandus Raimbaudus III. & Petra de Ponteuës. | |
| 17 Bertrandus Raimb. IV.
& Guigona Allemanna. | 17 Gaspar & Catharina
de Chevieries. |
| 18 Balthasar & Margarita
d'Auauçon. | 18 Bertrandus Laurentius
& Ludouica Malinia. |
| 19 Guilelmus & Gabriela
de Ponteuës. | 19 Aimò Claudius & An-
na de Ligniville. |
| 20 Franciscus & Anna d'Es-
coubleau de Sourdis. | 20 Carolus & Grimalda
Monæci. |
| 21 Petrus Gabriel & alij. | 21 Hector & Hyacinthus. |
- Hæc est Gerdana familia Primæps gentis.*
- Hæc est familia Planisiensis.*
- Hæc est familia Alonchana.*
- Hæcenus familia qua cum à Guinoto ducta fuisset sparsa est in tres. Accedamus ad illam qua cum à Berengario profluxisset scissa est in sex.*
- | | |
|---------------------------------------|--|
| 12 Berengarius, & Amabilia de Sabran. | |
| 13 Ludouicus, & Ludouica de Ponteuës. | |
| 14 Stephanus & Collecta de Anecduno. | 14 Bartolomeus & Matellina de Villanova. |
| | 15 Mel |

15 Mel- chior & Lucretia Edoarda.		15 Baltazar, & Anna de Simiana.			
16 Ludoui- cus & Frā cisca.....		16 Francis- cus & Cla- ra Garina.		16 Claudius & Cacha- rina de Veteris.	
17 Antonius & Lucre- tia Clare- ta.		17 Claudius & Autri- ca.	17 Petrus & Maria de Barbnat.	17 Ioannes Baptist & Maria de Portes.	17 Henricus & Angeli- ca de la Cepede.
18 Ludoui- cus & Lu- douica....	18.....d'Ef- patron, &	18 Francis- cus & An- na.	18 Gaspar & Ludouica du Pel- loux.	18 Claudius & Ludo- uica de Fauré.	18 Abel & Anna Cru- cia Pisan- gonia.
19 Carolus Ludoui- cus, & Ma- gdalena...	19 Liberi plures. <i>Hac est fami- lia Esparro- nia.</i>	19 Ioachim & Bran- catia.	19 <i>Hac est fami- lia Costamai- yanorum.</i>	19 Alphon- sus & alij. <i>Ha sunt familia Gratiano- polis.</i>	19 Ioannes & <i>Hac est fami- lia Aquesfis.</i>
20 Plures liberi. <i>Hac familia est Tricannu- sorum vulgò de Truchena.</i>		20 Anna Iſa bella & Io- sephi de Berton cõ jux. <i>Hac est fami- lia Castrino- uensis.</i>			

Vides familias, quæ à Berengario ad hunc vsque annum deductæ, vi-
gent, florentque, esse omnino septem; & quæ à Guideto progenitæ sunt,
esse tantum tres; igitur vniuersas, quæ ab Humberto, ante annum 993. do-
minò Aptæ Iuliæ, ducunt originem, esse decem. Vndecim esse dixi num. 9.
quia Vacheriensem, quoniam etsi iam omnino desit, ad nos tamen peruē-
nit. Pauciores dici etiam possunt, quoniam Castronouensis nuper desit,
mortuo Ioachimo Brancatiæ viro, qui eam ducebat. Sunt qui pauciores
numerent, & duas illarum quas attruli compingant in vnam. Res mod-
ica est. Suum alijs esto iudicium. Ego decem esse familias semper existi-
maui.

APPENDIX AD NOCTES
BLANCALANDANAS.

Illustrissimo Amplissimoque viro,

D. HUMBERTO
DE CHAPONAY
EQUITI,

D. DE L'ISLE DE MEAN, BEAVREGARD,

la Chartonienne, Sachennay, & Liuieres, Comiti Sacri
Palatii, Libellorum supplicum Magistro.

IOANNES COLUMBI è Societate IESY.

QUOD scribo ad Noctes Blancalandanas appendicem,
(Vir Illustrissime) facit necessitas: quòd eam ad te
scribo, facit aequitas supra necessitatem. In illis Noctibus
scripseram ex tuo chartulario de tua ab annò non-
gentesimo ad nostram usque aetatem gente: es eruditissimus atque
amicissimus vir, pro fiducia quàm mutuus amor faciebat, monuit quia
ex duodecimo saculo tabulas in eo libello referebam, non sapere illius
antiquitatem, viderique longè post ipsum confictas. Igitur mihi qui-
dem prorsus necessarium est, ut omnibus connitar viribus afferere
duodecimo saculo illa omnia, quae eo non fuisse, es recentiorum mores
temporum redolere, dicuntur. Tua verò plurimum interest suadet-
que adeò equitas, ut ad te referam, quae super tota re scripsero, eaque
tibi representem: ut scilicet videas, an domestica traditioni, es tua
ipsius sinceritati aptè respondeant. Cerè si quae ex tuis tabulis re-
tuli, sunt saculi duodecimo posterioris, na incautus ego dicar oportet,
cui ea imposuerunt, es pro senectute passus aliquid de Isaaci caliganti-
bus oculis, qui tertium ac septuagesimum annum agens, acceperim
nova pro antiquis, es iuniorem (ut ita loquar) filium scriptoris igno-
ri pro seniore. Sed an tu committes, ut domesticarum rerum ignarus
(graviora non afferam) censearis falsas pro veris, es novitias pro pri-
scis, tabulas obtulisse mihi? nequidquam ergo uniusam ab adoles-
centia aetatem posueris in dicendo populis ex sinceris tabulis iure?

RESPON

RESPONSIO AD ILLA quæ vir eruditus notauit in Libello de Chaponæa Odonis Episcopi Valentini gente.

DVo sunt in libello de Chaponæa Odonis Episcopi Valentini gente, quæ amicissimum mihi virum grauissimè commouerunt, quorundam in Catharinæ sororis testamento verborum vltus anno millesimo septuagesimo nono, & ipsius Odonis anno millesimo centesimo quinquagesimo secundo, donatio florenorum Hæctori fratri. Numero 2. ita legitur: *Catharina de Chaponay, Amblardi de Candiaci militis quondam vxor, testamentum condidit anno millesimo centesimo septuagesimo nono. Philippus de Nicurio scriba sic in eo loquitur de illa: Huius vltima voluntatis sue testamentaria, aut testamenti sui nuncupatiui, executores facit, nominat, & instituit ipsa domina Catharina testatrix, reuerendum in Christo Patrem Odonem de Chaponay Episcopum Valentinensem, &c.* Hic stomachatus est eruditus vir: negauit Gallos vndecimo sæculo ita locutos in testamentis; & tantum non iniurias voces in hoc veluti nuper confictum coniecit. Numero 3. adiunguntur hæ voces: *Odo Valentinus decanus, anno millesimo centesimo quinquagesimo secundo scriptis sequentia verba: Sciant presentes & posteri, quod Odo Valentinus decanus, filius naturalis & legitimus militis Guidonis de Chaponay, Domini des Auenieres & de Brângo, fratri nostro carissimo mille octo centum florenos, &c.* Hic rursum stomachus est, hic excanduit vir ceterà fatilis & humanus; atque negauit, cum quis anno secundo & quinquagesimo supra millesimum centesimum diceret alterius filium, adiecisse vt vocaret *naturalem & legitimum*; additque insuper istas voces, *nullus tunc florenorum vsus, sed tantum solidorum.*

Ego autem vehementissimè miror, ista commouisse virum, in dicendi, agendique apud Gallos, per ea quæ referuntur tempora, moribus accuratè versatum. Expostularet alius quis, de injuria quereretur, ac diceret grauissimam rem agi; tabulas quæ ab illustrissimo viro ad me delatæ sunt, mihi quæ non improbatæ, confictas dici, & à nescioquo homine per summam antiquorum morum ignorationem conscriptas: debuisse igitur qui eas arguit, illorum temporum mores veris argumentis asserere; & certis auctoribus docere, quis florenos post ipsa inuenerit, & solidis superinduxerit; quis recentiores (vt putat) dicendi formulas excogitauerit, & posthabitis antiquioribus adhibuerit ad testamenta. Verum quoniam audio amicissimi viri consilium in hac tota re fuisse, vt, si quâ liceret, docerem tabulas Odonis, & Catharinæ sororis, scribi potuisse tempore, quo feruntur scriptæ, placet id antiqûe beneuolentiæ concedere, singulaque ab eo notata eruere è veteribus chartis.

Sed antè ad id quàm accedo, afferam vnum oportet. Legimus Odonem
 4 Chaponatū sedisse Valentia ab anno septimo & quinquagesimo, vsque
 ad annum tertium & octogesimum post millesimum centesimum. Illione
 sedere ceperit, & isto desierit, non legimus. Falco cepit sedere anno octo-
 gesimo nono, neque hactenus occurrit qui inter ipsum & Odonem medius
 fuerit antistes: itaque fortassis Odo mortuus est anno octogesimo nono, vt
 non multum fallatur qui dixerit peruenisse ad tertium decimum ferè sæcu-
 lum. Igitur eruditus vir id vnum negat, florenos, quos Odo Hæctori fratri
 concessisse fertrū, & voces, quas Catharina Odonis ac Hæctoris soror tradi-
 tur ad testamentum adhibuisse, fuisse in vsu sæculo illo duodecimo exeunte.
 Iam si de illo sæculo ita sentit, id ipsum sentiat necesse est de tertio decimo
 ineunte, atque adeò suis omnibus annis præterfluente. Nam si quis autmet,
 tertio decimo quidem sæculo & florenos, & de quibus sermo est, voces in
 publico fuisse vsu, inauditas autem duodecimo exeunte, rem profectò is
 afferet non faciliè admittendam; & in eo allaborare debebit, vt doceat & his,
 & illis, sua initia fuisse tertio decimo sæculo, eaque ab illo viro data, qui pro
 summa clauitate nominis potuerit tantum nouitatis inducere vniuersâ Galliâ
 in rem monetariam, & tabulas publicas, magno populorum assensu. Scili-
 cer prioris sæculi finis ita se habet ad consequentis initium, & omnes ab ini-
 tio annos, vt iis omnino annexus ac veluti insitus, videatur vnum quid cum
 5 ipsis esse. Igitur vt amicissimo viro faciam satis, contendo ego sæculis decimo
 tertio, & quod post decimum tertium fluebat decimoquarto, (nam quid post
 decimum quartum sequentia quoque relegam?) florenos, & testamenti vo-
 ces, quæ in nouitatis suspensionem veniunt, fuisse in communi vsu: neque mi-
 rum aut insolens videri debere, quòd Odo dicitur donasse Hæctori fratri ali-
 quam illorum vim, & Catharina istas ad testamentum adhibuisse duodecimo
 à quo scilicet ad decimum tertium & sequentia, veluti per gradus, ad nos
 vsque descenderint.

6 Dicendi autem hoc sit initium, Eruditus vir abiicit illa testamenti Catha-
 rinae Chaponæ anno millesimo centesimo septuagesimo nono verba: *Huius
 vltimæ sue voluntatis testamentaria, aut testamenti sui nuncupatiui, executores
 facit, nominat, & instituit ipsa domina Catharina testatrix, reuerendum in Chri-
 sto patrem, dominum Odonem de Chaponay Episcopum Valentinensem, &c.* Cur
 abiicit illa? non videntur scribi potuisse anno millesimo centesimo septua-
 gesimo nono, quo feruntur scripta tabellionum nostri, aut superioris,
 sæculi formam sapient. Certè non inuenies antiquioribus illis sæculis vsurpa-
 ta. Qui ista sentit, is profectò vt nostri & præcedentis sæculi, ita etiam de-
 cimi quarti, vel decimitertij aut eo superiorum, testamenta ex solis seu ver-
 bis, seu verborum formulis discerni ab aliorum testamentis posse putat, &
 fallitur. Fateor fuisse quasdam olim verborum formula, quarum toto Ro-
 mano imperio necessarius erat in testamentis vsus. Sed Constantinus ma-
 gnus omnes illas sustulit, vt Eusebius tradit libro 4. de eius vita capite 26. *Cum,*
inquit, veteribus legibus cautum esset, vt qui ex vita excederent, ipso extremo ferè
spiritu certis eorum conceptis verbis testamenta componerent, atque adeò leges ipse, qui-
bis sententiarum formulis, quibusque verbis scriberentur, definirent; eaque res non
minime esset fraudi testatorum iam morientium voluntati, prudenter hac animo
complectens imperator legem ipsam abrogauit, statuitque vt moriens nudis verbis &
fortuita oratione voluntatem suam testaretur, & quouis scripto sententiam suam
ederet.

ederet. A Constantini temporibus ad annum usque millesimum, nullas lego formulas vocum, necessarias fuisse in conficiendis per Gallias testamentis. Quod anno millesimo centesimo septuagesimo nono, & vniuersè duodecimo sæculo, nullæ etiam fuerint, ex eo intelligis, quod illo sæculo, quicquid pro suo nutu verbis, quæ occurrebant, testamentum conficiebat. Accipe 8 duo, quorum alterum anno millesimo centesimo quadragesimo nono, anno centesimo quinquagesimo alterum conscribere. Illa toto orationis genere sunt diuersa inter se, tantum abest ut ex vna quadam verborum formula ambo constent. Guido Bertrandi Comitis Forcalquerij frater, & (ut tum loquebantur) Forcalquerij Comes, anno millesimo centesimo quadragesimo nono condidit testamentum in hæc verba. *Cum præcipua philosophia Christianorum si cognitio mortis, prudentium est diem mortis præuenire, & sic super bonis disponere.* Idcirco ego in Dei nomine Guigo Forcalquerij Comes, temporalibus æterna, transitorijs permanentia, cupiens comparare, pro salute anime meæ & parentum meorum, dono Deo & Hospitali Ierosolymitano, & pauperibus in perpetuum, Manasiam; & meipsum eidem Hospitali & pauperibus in perpetuum ad seruendum contrado. Reliqua bona mea, ubicumque sint filijs fratris mei relinquo, &c. Facta est hæc dispositio annis ab incarnato Domino millesimo centesimo quadragesimo, nono, tertio Calendas Iunii, luna vigesima prima, regnante imperatore Conrado, in præsentia domini Petri Sistaricensis Episcopi, auctoritate cuius & testimonio confirmatur. Præterea isti homines testes existunt, &c. Hactenus Guigo Comitis, Forcalquerij frater scripsit in testamento. Tiburgis autem Arausica Comes condidit testamentum anno millesimo centesimo quinquagesimo in has voces. *In nomine Domini ego Tiburgis sic diuido honorem meum inter filios meos, &c.* Ea diuisione facta, Vilelmus & Rambaudus filij iurant, alterum alterius partem bonorum à matre concessam non occupaturum, neque alteri perniciem allaturum. Demum sine anno, sine mense, sine die, inobtinatus quis (abs dubio scriba) inducitur ita concludere testamentum: *Huius rei testes sunt*, &c. Iam quis, ex solis horum testamentorum vocibus, colligat ipsa vno & eodem ferme anno, in vna & eadem regione fuisse scripta? Forcalquerium & Arausica, in quibus illa confeceret, duorum fere dierum iungere distant ab inuicem, & ambo tum in Prouincia censebantur. In posteriore loquitur Tiburgis, deinde pergunt duo Tiburgis filij, denique scriba concludit: in priore vnus Guigo loquitur. In suo Tiburgis de sola diuisione bonorum ieiunè agit: Guigo suum sapienter & piè condit, non sine grauissima præfatione. Demum in Tiburgis testamento tacetur scriptoris tempus: in testamento Guigonis habentur scriptoris annus, mensis, & dies. Qui ex vniuersisque testamenti vocibus collegerit tempora, quibus Guigo & Tiburgis ea condideret, profectò veniet in illam sententiam, ut alterum centenis pluribus annis post alterum, sui conditores conscripserint.

Igitur cum quisque, ut animo verba occurrebant, faceret illis temporibus 10 testamentum, neque voces essent, aut vocum formula, quibus id vulgò conficerent, cur negabimus Catharinam Chaponnam potuisse condere & verò condidisse suum illis, quibus scriptum legimus, verbis: ex eoque asseremus, quod ipsi tribuitur, nuper confictum esse, quia & voces, & vocum formulas habet recentioribus usurpatas temporibus? Nonne potius est viri prudentis & moderati, cogitare verba concepta, quibus nunc vtimur in testa-

mentis, usurpata fuisse à nonnullis sæculo duodecimo, quandoquidem illo scripta leguntur; & cum placuissent aliis decimotertio, post illud inualuisse apud plures, ac denum communissimè à tabellionibus suscepta, abiisse in veram consuetudinem, quæ nunc etiam stet? Quid de sæculis quinto & sexto post decimum dicam? placet de quarto & tertio tantum agere, quæ cum à secundo consequenter fuerint, videntur accepisse ab illo voces, & loquendi formulas, quibus non infrequenter utebatur. Accedamus ad singula, quæ nouitatis damnantur, verba, & ostendamus ea decimotertio & decimoquarto sæculis usitata fuisse.

- 11 Principio Catharina appellauit vltimam voluntatem, quod testamentum vulgò appellamus: *executores*, inquit Scriba, *huius vltimæ voluntatis facit*. Quid autem alij tertio & quarto sæculis supra decimum? Bertrandus de Turre anno millesimo ducentesimo octogesimo sexto dixit vltimam voluntatem pro testamento. *Bertrandus de Turre* Miles aiebat, *nolens decedere intestatus, per vltimam meam voluntatem in primis Bernardum filium meum heredem facio ac instituo*. Robertus de Monte Gasconi anno millesimo ducentesimo quinquagesimo quinto appellauit quoque vltimam voluntatem. *Ego Robertus* (sunt eius verba, *de Monte Gasconi*, &c. *huius testamenti mei ac vltimæ voluntatis*, &c. Plures afferre non placet. Hos decimi tertij sæculi duos & plurimis selegi, ob gentis celebritatem. Iustellus recitat verbatim illorum testamenta, in probationibus historiæ gentis Aruernæ. Duos ex eodem accipe, qui sæculo quarto & decimo vltimam voluntatem scripserunt etiam pro testamento. Robertus gente Aruernus posuit sequentia in testamento. *Anno ab incarnatione Domini millesimo trecentesimo decimoquarto, mense Aprili, duodecimo Calendas Maij, Ego Robertus Comes Aruernie & Bolonie*, &c. *testamentum meum, seu vltimam voluntatem, sine ordinationem bonorum meorum, & iurium, facio, condo, & ordino in hunc modum*, &c. Hoc Roberti testamentum recitat Iustellus in probationibus gentis Aruernæ pagina 82. Idem habet in probationibus gentis Turenis pag. 97. testamentum quod sequitur: *Ego Guilelmus Comes Bellofortis* (scribebat anno septimo & nonagesimo supra millesimum trecentesium) *(testamentum meum, & meam vltimam voluntatem, &c.*

- 12 Deinde quam Catharina dixerat vltimam voluntatem, appellauit testamentum nuncupatiuum: nuncupatiuum testamentum appellauit etiam Aimarus de Pictauia anno millesimo ducentesimo septimo. Scriba sic loquitur. *Instrumentum anni millesimi ducentissimi septuagesimi septimi, scilicet 12. calendas Maij, factum apud Rupemauram Vinariensis Diocesis, quo illustris vir D. Aimarus de Pictauia Comes Valentinenfis, filius quondam D. Guilelmi de Pictauia Comitum Valentinenfis, sanus mente licet eger corpore, testamentum suum nuncupatiuum seu vltimam voluntatem suam & fecit & ordinauit*. Appellauit quoque Hugo quartus Burgundiæ, dux, anno millesimo ducentesimo septuagesimo secundo, verbis sequentibus. *Ego Hugo dux Burgundiæ per Dei gratiam compos mentis, licet eger corpore, meum testamentum nuncupatiuum, seu voluntatem meam vltimam, ordino in hunc modum*. Duchesneus habet hæc duo testamenta, istud in probationibus historiæ ducum Burgundiæ, illud in probationibus historiæ Comitum Valentiniensium. Et isti quidem duo, Aimarus & Hugo, condiderunt testamentum sæculo decimo tertio. Placet

vnium addere ex decimo quarto. Aimari filius, nomine etiam Aimarus, scripsit codicillos post testamentum suum nuncupatiuum, ex quibusdam tabulis anno millesimo trecentesimo quinquagesimo quinto scriptis, apud Duchesneum, in probationibus historiæ Comitum Valentinorum pag. 33.

Tertiò Catharina fecit executores testamenti sui: fecerunt etiam plurimi ¹³ post illam decimo tertio & decimo quarto sæculis. Anno incarnationis Domini (loquitur Robertus Aruernæ Comes) millesimo ducentesimo sexagesimo quarto, Ego Robertus Aruernensis & Bononiensis Comes, Miles, &c. Testamentum meum & ultimam voluntatem meam & dispositionem inter liberos meos facio, condo, & ordino in hunc modum, &c. Istius autem testamenti mei seu ultime voluntatis facio, constituo, & ordino executores meos, &c. Fecit quoque Bertrandus de Turre anno millesimo ducentesimo octogesimo sexto. Ego (inquit) Bertrandus dominus de Turre, Miles, nolens decedere intestatus, per ultimam voluntatem meam in primis Bertrandum filium meum heredem facio ac constituo vniuersalem, &c. Ordino executores testamenti mei nobiles & venerabiles viros, &c. Iustellus recitat hæc duo testamenta in probationibus gentis Aruernæ, quæ decimo tertio sæculo scripta sunt. Recitat etiam duo sequentia quarto & decimo condita. Executores hujus testamenti, seu ultime voluntatis meæ, facio venerabiles, inquit Robertus Comes Aruernæ & Boloniæ anno millesimo trecentesimo decimo quarto. Bertrandus verò de Turre Episcopus Lingonensis anno millesimo trecentesimo nonagesimo quinto, die duodecima mensis Ianuarii, præter Guidonem nepotem suum, facit executores suos etiam, dominum Cancellarium Franciæ, &c.

Denique Catharina Odonem Episcopum Valentinum vocauit reueren- ¹⁴ dum in Christo patrem. Episcopos vocauerunt quoque reuerendos in Christo patres sæculo decimo tertio Robertus Aruernæ Comes, & Margarita Turenia, apud Iustellum in probationibus historiæ gentis Aruernæ; & sæculo decimo quarto Aimarus de Pictauia, Comes Valentinus, ex Duchesneo pag. 29. probationum genealogiæ Comitum Valentinorum, & alij non pauci. Anno millesimo ducentesimo sexagesimo quarto Robertus Aruernæ & Bononiæ Comes sic locutus est; Istius autem testamenti mei, seu ultime voluntatis facio, constituo, & ordino executores meos reuerendum in Christo patrem, dominum Episcopum Claromontensem: Margarita verò Turenia anno millesimo ducentesimo octogesimo nono; nos Margarita de Turenæ, &c. testamentum nostrum seu ultimam voluntatem condimus, ordinamus, & facimus in hunc modum, &c. Profectores autem huiusmodi nostri testamenti esse volumus excellentissimum dominum nostrum regem Franciæ illustrissimum, &c. & reuerendos patres in Christo dominos, Henricum Dei gratia Episcopum Burdigalensem, &c. Demum Aimarus de Pictauia anno millesimo trecentesimo decimo quarto, habito diligenti colloquio & tractatu cum filiis suis, scilicet cum reuerendo in Christo patre Ludouico Dei gratia Episcopo Lingonensi, &c.

Cum hæc ita habeant, & qui sæculis tertio & quarto supra decimum te- ¹⁵ stamenta confecerunt, vsurpauerint sequentes voces, *ultima voluntas, testamentum nuncupatiuum, reuerendus in Christo pater*; & suorum testamentorum executores fecerint; cur negabimus illa verba, quæ legimus in testamento Cathariæ Chaponæ, Huius ultime voluntatis sue, aut testamenti nuncupatiui, executores facit, nominat, & instituit ipsa domina Catharina testatrix reueren-

dum in Christo patrem dominum Odonem de Chaponay Episcopum Valentinensem, scripta fuisse duodecimo sæculo, & asseremus sapere nouitatem? Quàm parum ab ipsis differunt ista Yseu dominæ d'Anio apud Iustellum, ad caput 1. libri 6. historię gentis Aruernæ, pag. 206. Executores hujus meæ vltimæ voluntatis facio, & constituo reuerendum in Christo patrem Archiepiscopum Viennensem? &c. Yseu scripsit testamentum anno millesimo ducentesimo tertio. Quàm parum etiam distant ab iisdem hæc Roberti Aruerniæ & Bononiæ Comititis apud eum ipsum Iustellum ad caput 15. libri 2. pag. 56. Iste autem testamenti mei seu vltimæ voluntatis meæ facio, constituo, & ordino executores meos reuerendum in Christo patrem, dominum Episcopum Claromontensem? Robertus scripsit testamentum anno millesimo ducentesimo sexagesimo quarto.

- 16 Atque hæc tenus dictum sit super illis, quæ amicus & eruditus vir videbatur damnare nouitatis, in testamento quod Catharina Chaponæ, scripsit millesimo centesimo septuagesimo nono: Accedamus ad illa, quæ ab eo sunt annotata in donatione Odonis Catharinæ fratris Hæctori etiam fratri, anno millesimo centesimo quinquagesimo secundo. Sic habent. *Nos Odo filius naturalis & legitimus militis Guidonis de Chaponay, &c. Damus fratri nostro carissimo florenos. Cum ipsa legisset excanduit, & in tabulas etiam quibus inscripta sunt iratus, exclamauit, Nuge! Cumque sustinuisset impetum, addidit; Nullus tunc florenorum vsus, sed tantum solidorum. Debat adiungere tantarum causarum irarum, debebat assente tempus, quo floreni primum cusi sunt: Sed hoc nunquam docebit factum post annum millesimum ducentessimum; & cum ad solitam humanitatem rediit, cogitabit vnum, quod Blondellus in pleniori assertionem genealogiæ Francicæ scitè dixit. Quàm multa licentiùs scripta quotidie versamus, de quorum veritate & germanitate (vt multa in iisdem desiderare cogamur) dubitare nefas putamus. Interea docebo ego voces aberudito viro nouitatis damnatas, fuisse in communi vsu sæculis tertio & quarto post decimum.*

- 17 Super vocibus *legimus & naturalis* sic habet. Aymarus de Pictaui Comes Valentinus anno septimo & septuagesimo post millesimum ducentessimum scripsit testamentum Rupemauræ Viuariensis diocesis, quod refertur verbatim à Duchesneo ad caput 3. libri de historia Comitum Valentinorum. In illo sunt voces quæ sequuntur. *In omnibus aliis bonis suis mobilibus & immobilibus, instituit sibi heredem vniuersalem, Aymarum filium suum, filium ejusdem Aymari, & omnes masculini sexus, descendentes ab ipso Aymareto per masculinum sexum, legitimos & naturales. Anno millesimo trecentesimo quadragésimo quinto, Matta de Insula scripsit tabulas, à Iustello recitatas in probationibus historię gentis Turenis pag. 76. in has voces. Matta de Insula Comitissa Conuenarum, Vicecomitissa Turena, gubernatrix & administratrix ejusdem Vicecomitatus Turenæ pro egregia & illustri domina Cecilia filia sua naturali & legitima. Anno millesimo trecentesimo septuagesimo quinto, Bertrandus de Baucio scripsit sequentia in testamento quod Iustellus recitat ad caput 6. libri 2. de gente Turenia pag. 116. Ego Bertrandus de Baucio, &c. heredem vniuersalem mihi instituo, nobilem Helisiam de Baucio neptem meam filiam legitimam & naturalem magnifici viri Raimundi domini quondam Baucij, &c. Istę voces legitimus & naturalis ab eo tempore inductę sunt in aliqua per Galliam testamenta,*

stamenta, à quo Franci ceperunt spurios hereditate dejicere, ad quam fere sub Merouingis, & non rarò sub Carlouingis regibus illos admittebant. Neque res hæc difficilis est: ad florenorum & solidorum vsum veniamus.

Facillima est de illo disputatio. Itaque ipso principio mirari venit mentem, eruditum virum voluisse negare florenorum aliquem vsum fuisse in Galliis sæculo duodecimo, cum solidorum esset frequentissimus, atque scribere hæc verba: *Nullus tunc florenorum vsum, sed tantum solidorum.* Solidorum erat tunc vsum, isque celeberrimus, fateor: sed Romani eos inuenerant, non Galli. Quis ergo, & quas ob causas, ipsos Româ deportauit in Gallias? certè cum Romanus miles illas victoriis peragrasset, detulit quoque suam in eas monetam. Quis hoc mirabitur, qui cogitauerit vxorem etiam, atque liberos, in ipsas colonum deportasse? Igitur suos in Gallias solidos Romanus detulerit; quid autem Gothus, quid Burgundio, quid Francus, qui Gotthum & Burgundionem regionum, quas infederant, dominatione deiecit? Cur negabimus suam in Gallias induxisse monetam, qui videbant solidos, à Romanis olim victoribus inuentos, perdurare in illis annos jam supra quadringentos & quod excurrit? Verùm ego quidem putabam non solam Gothorum, Burgundionum, & Francorum monetam, cum solidis, aliaque omni Romanorum moneta, viguisse quondam in Galliis, sed Germanorum etiâ, Anglorum, & Hispanorum, qui & Galliis finibus suis contingunt, & è Galliis omnia fere genera mercium in suas deuehunt domos. Putas Galliarum accolæ Romanis solidis tantum vsum per sæcula decimum, vndecimum, duodecimum, decimum tertium? putas suâ quoque monetâ non comparasse sibi Gallicanas merces illis temporibus, qui nostris ipsas eâ comparant? Iam Galli profectò utebantur illâ, quam pro mercibus suis acceperant. Sed quid hoc exequar accuratius? Sola regionum vicinitas faciebat tum, vt Galli vterentur monetâ, quam Germani, Angli, Hispani procudebant. Vide quid Alfonso I. Rex Lusitanie peregerit anno millesimo centesimo quadragesimo tertio? se fecit feudatarius B. Mariæ Clareuallis, cum censu quadraginta marabotinorum. Vt autem non dubites Clareuallenses monachos illis marabotinis vsum, iussit Rex vt ipsos adhiberent ad institutionem altaris B. Mariæ, quemadmodum intelligitur ex charta regia quam recitat Manriques tomo 1. annalium Cisterciensium pag. 426. Vt alia porro non afferam, anno millesimo centesimo vigesimo quinto, scriptæ sunt sequentes tabulæ, ex Guichenono in Bibliotheca Sebusiana centuriâ 1. cap. 10. *Eustachius olim Comes Bononiensis, nunc autem disponente Deo Monachus Cluniacensis, quod in vltimis, Ecclesie Cluniaci dedi, præsentè chartulâ sigillo meo munitâ corrobore & confirmo, videlicet vt de villa mea quæ est in Anglia, & vocatur Fobinges, annuatim sine vllius contradictione, vel diminutione, tradantur prædictæ Ecclesie decem libræ Anglica moneta, & alia decem eiusdem monete Ecclesie de Rumiliaco, quam & ego cum alia vxore mea dedi monachis Cluniaci.* Iam quò euadebat annuatim Anglica illa moneta? Omnino si cogitatione assequor, Monachi Cluniacenses illam ad suos vsum adhibuerunt, quam ad vtendum acceperant. Et verò quis putauerit Eustachium Comitem, quis Alphonsum regem solos, quis alios Anglos, Hispanos, Lusitanos, Germanos, suam in Gallias pecuniam pauculos deportari curasse? Communis abs dubiò tunc erat apud Gallos, vt nunc est, ipsius vsum. Cum hoc de multi-

plici illorum populorum moneta fateri debeas, cur negabis de florenis? abs dubio Galli tum passim ipsis utebantur, non aliter quam solidis: Odo Chaponax potuit duodecimo sæculo dare, atque, ut tabulæ illius ejusdem sæculi ferunt, dedit eos ad octingentos supra mille Hæctori fratri; & ab eo tempore floreni ad nos usque pervenerunt, & per tertium decimum, & alia consequentia sæcula. Ut de postremis sæculis taceam, accipe tres chartas quæ decimotertio, tres quæ decimoquarto scriptæ, tradunt florenorum usum per illa fuisse communissimum in Gallia.

- 21 In anniuersariis Alemannorum habes chartam Volriri Boëler. Sine anno quidem scripta illa est, verum ex ceterarum chartarum serie videtur scripta, anno septimo & octogesimo supra millesimum ducentesium. In ea sic legitur: *Debes soluere annuatim nouem florenos.* Secundam Guichenonus reposuit in Bibliotheca Sebusiana centuriâ 1. cap. 38. Est donatio Simonis de Ioinuilla, & Lyonnette de Gex, Monasterio Nantuaci, exarata anno millesimo ducentesimo septuagesimo sexto sequentibus verbis. *Notum facimus quod nobilis vir Amedeus quondam dominus de Iays, pater dictæ Leonette bonæ memoriae, dedit & assignari iussit prioratui de Nantua in elemosynam perpetuam, quinque florenos annuatim persolucndos pro remedio anime suæ, & antecessorum suorum: & dicti floreni nunquam fuerunt soluti dicto prioratui.* Tertiam lego apud Iustellum in probationibus historiæ gentis Aruernæ pag. 332. sunt patet conuenta Alberti de Turre & Monasterij Ambroniaci, anno millesimo ducentesimo quadragesimo octauo, in hæc verba. *Abbas & conuentus Ambroniaci (loquitur Albertus de Turre dominus Coloniaci) soluerunt Alasia uxori nostre, triginta florenos Viennenses; D. Guidoni de Fonte decem florenos;*
- 22 *Odoni Leobardi decem florenos; D. Gerardo Liobardi decem florenos.* Hactenus chartæ tres sæculi decimitertij: sequuntur tres decimi quarti. Prima habet testamentum Ioannis de Sobrano, quem frater S. Elzearij de Sabrano genuit, conditum anno 1383 die 26. Septembris. Illam mihi ex scribendam dedit Hyacinthus à Simiana Marchio Planitiarum. *Legō, inquit Ioannes, pro missis celebrandis 100 florenos auri.* In secunda est questio de sanctitate B Delphinæ uxoris S. Elzearij de Sabrano, instituta ex mandato Urbani V. Pontificis anno tertio & sexagesimo supra millesimum trecentesium. In illa Nicolaus Laurenchi ita loquitur articulo 20. *Domina Delphina vendidit castra magni valoris, & inter cetera vendidit castrum Podij Michaëlis bonum, de quo percipiebantur redditus & prouentus mille & ducenti floreni auri annis singulis, & castrum de Hospitaletto, & castrum de Capreriis: & predictorum omnium pretium, Christi pauperibus amore Dei erogauit.* Illa B. Delphinæ questio seruatur in Monasterio Franciscanorum Aptensium. Tertia edita est à Duchesneo ad caput 21. historiæ Ducum Burgundiæ pag. 156. ex registro 96. Cancellariæ Franciæ. *Littere Philippi Regis Franciæ, (sunt ejus verba) quibus considerans dilectionis affectum, quem dilectus & specialis amicus suus Neapoleo, S. Adriani diaconus Cardinalis ad eum gerebat, eidem concedit mille florenos auri de Florentia annui redditus anno 1303.*

Neque soli floreni illis sæculis, erant in communi Gallorum usu cum solidis; erant quoque scuta, erant marabotini, erant nummi, erant biantij.

De scutis accipe chartas duas, alteram tertij sæculi post decimum, alteram quarti:

quarti : quid enim plures afferam ? Primam recitat Roërius in Reomao pagina 321. & 322. ex tabulario Reomaënsi. Illa Stephanus Abbas, anno millesimo trecentesimo quinquagesimo primo, Berterium & Ioannetam uxorem ac ipsorum heredem, *homines manus mortue*, liberat omni pondere *seruitutis per vitam*; & addit, *hanc autem gratiam facimus, & concedimus predictis conjugibus & heredi eorum, non solum ex gratia, sed etiam pro decem novem florenis, ad scutum boni auri & ponderis, de quibus persoluit electo quondam Monasterij nostri vndecim, & nobis similiter octo florenos ad scutum. Secundam refert Duchesneus in probationibus gentis Bethuniæ pagina 136. Concessi* (loquitur Robertus de Bethuniâ anno millesimo ducentesimo quadragesimo octavo) *ad remedium anime mee, & antecessorum meorum capitulo Atrebatensi, quidquid iuris habebam ratione vnus scuti valentis dimidiam marcham.*

De Marabotinis lego chartam apud Guichenonum in Bibliotheca Sebustiana centuriâ 2. cap. 51. Ea continet conuentiones Raimundi Narbonæ Ducis & Tolosæ Comitis cum Hugone Abbate Cluniatensi, factas anno 1202. & habet sequentia. *Ego frater Hugo humilis Cluniacensium Abbas dono, & in perpetuum fundum trado tibi Raimundo Dei gratiâ Duci Narbonæ, Comiti Tolosano, & Marchioni Prouinciæ, ac omnibus successoribus tuis, locum idoneum ad construendum & perficiendum tibi palatium, in villa Sancti Saturnini (nunc appellatur oppidum Sancti Spiritus) in eo videlicet loco, in quo turrim edificare inceperas, tali conditione vt singulis annis pro illo, & aliis quæ tibi concedimus vnum, maraborinum dones, nomine census Abbati Cluniacensi quinta die post Pascha. Cur maraborinum Hugo, in media Gallia Abbas, exigit à Raimundo & Gallo, & in Gallia Duce ac Comite, si maraborinum non tudebant tum Galli, & in communissimo vsu non habebant?*

Nunquid memorauit anno millesimo centesimo septuagesimo tertio Rosselinus, Vicecomes Cenomanorum, auctore Guichenono in Bibliotheca Sebustiana centuriâ 1. cap. 14. *Si quid de consuetudinibus Vicecomitû, inquit, retinuerint homines Bellimontis, vel aliud aliquod delictum fecerint, nihil amplius quam 12. nummos pro forisfacto Vicecomiti, aut ministro reddant. Neque dicas nomine nummorum significatos illo sæculo duodecimio solidos: apud Miræum enim in notitia Ecclesiarum Belgicarum cap. 139. sic habet charta anno sexto & vigesimo supra millesimum centesimum conscripta. Quadraginta solidos de teloneo, &c. familia Bessèle in passione Apostolorum Petri & Pauli duos nummos ratione persoluent; & quando nuptias contrahent, 12. nummos; & in morte 12. Vides nummos distinctos fuisse à solidis sæculo 12.*

Bisantios inuenio fuisse in vsu apud Gallos post annum millesimum centesimum: nani Ludovicus junior Rex qui regnare cepit trigésimo septimo post illum Abbate Floriacensem aduocat (vt legitur in membrana illius temporis apud Duchesneum tomo 4. Franciæ Scriptorum paginâ 424.) præcipitque sine ulla dubitatione trecentas marcas argenti, & quingentos bisantios auri sibi quotannis preparandos fore. Erant etiam in sexagesimo primo illius sæculi, quo Gauterus, seu, ex Alberico in chronico, Galterus, factus est Episcopus Lingonensis. Liber obituum Ecclesiæ Lingonensis apud Duchesneum in probationibus historiæ Ducum Burgundiæ pag. 42. habet sequentia. *Quinto Calendas Octobris. Commemoratio obitus Hugonis Ducis, & uxoris*

sue, Henrici Eduensis Episcopi, Odonis Ducis & fratrum eius Raimundi & Hugonis. Pro quorum anniuersario Gauterus Episcopus dedit ad mensam canonicorum Ecclesiam de Noiroz, & medietatem molendini de Faanay, & quatuor bisantios. Eisdem etiam inuenio fuisse in vsu anno millesimo centesimo nonagesimo. Eo enim Rodulphus Comes Sueffionensis in ipso procinctu itineris Ierosolymitani dedit in elemosinam Ecclesia Sancta Maria Sueffionensis, & monialibus Deo in ea seruientibus, in perpetuum habendos sex bisantios, in festo Sancti Remigij, singulis annis percipiendos, dum Iudei Sueffione habitabant, &c. Alium anno incarnati Verbi millesimo centesimo nonagesimo, vt habet Melchior Regnaule in probationibus historia Sueffionensis folio 18. qui folio 20. recitat verbatim confirmationem huius donationis à Ioanne Rodulphi filio factam.

- 27 Erit fortasse, qui ad florenos, scuta, marabotinos, nummos, bisantios, addat ex veteribus chartis sterlingos & francos; asseratque eos etiam priscis illis temporibus fuisse in vsu tota Galliâ communissimo. Ego non ausim addere, cui non adhuc occurrit charta, quæ illos memoret ante annum millesimum trecentesium. Celeberrima de Francis sunt verba Caroli Regis eo nomine quinti, quibus anno secundo, & septuagesimo post millesimum trecentesium concedit *burgensibus habitatoribus Rupelle, ac eorum, cuiuslibet, qui habebunt in omnibus valorem quingentorum francorum, quod feuda nobilia in toto regno acquirere & tenere possint, vt refert scriptor historic Pontius pag. 394.* Eduardus autem anno millesimo trecentesimo sexagesimo sexto, sterlingos Guinnenses ponit in charta, autore Iustello ad caput 8. libri 2. de familia Turenia. *Notum facimus, inquit, vniuersis quod licet his donum focagij quadraginta & viginti sterlingorum Guinnensium, tam præteriti, quam præsentis anni, nobis per dilectum & fidelem nostrum Vicecomitem Turena ab hominibus & subditis suis concessum fuerit leuandum, &c.* Vnum tamen addam de sterlingis. Anglorum illi sunt, non Francorum, & ab Anglis dominatoribus perueniunt ad Francos. Qui Guinnenses siue Aquitanos video dictos ab Eduardo, puto cufos In Aquitania. Hinc adducor igitur vt credam Normannos etiam fuisse sterlingos, & Pictauienses, atque Andegauenses, cum Angli imperabant Andibus, Normannis, & Pictauiensibus. Neque omnino errasse videbitur, qui opinatus fuerit Guilelmum Normanniæ Ducem illum esse, qui sterlingos ex Anglia, anno millesimo centesimo sexagesimo sexto superatâ, primus deportauit in Normanniam, à quâ eodem duodecimo seculo, & sequentibus, per omnes Gallias sparsi fuerint: sic enim Marabotini, à Mauris Hispaniam diminutione tenentibus inuenti, perueniunt in Gothiam seu Langothiam, & Prouinciam, per Aragones dominatores, & per ipsos in vniuersam Galliam. Vt cumque hoc de sterlingis habeat, certè vides esse quod miremur excidisse viro erudito verba sequentia, *Nullus erat florenorum vsus, sed tantum solidorum*, Odone Chaponæo viuente, qui occidit sub annum millesimum centesimum nonagesimum. Erat tum vsus florenorum, scutorum, nummorum, bisantiorum, marabotinorum, & fortassis etiam sterlingorum, vt ex fidelibus chartis ostendi.

- 29 Locus monet, vt de grossis dicam, vnde intelligetur cur de illorum in Galliâ antiquo vsu non dixerim, scilicet, vsurpabantur vniuersâ Galliâ ante trecentos aut quadringentos annos. Fueruntne solidi, an à solidis diversi?

Vno verbo rem conficiam. Solidi erant argentei. Quod enim scuto factum est, ut principio fuerit monetæ genus, deinde ad varia monetæ genera adhibitum fuerit; ex solidis enim, denariis, florenis, francis, & id genus aliis, certo numero comprehensis, constabat, & nunc etiam conficitur; id solido euenit argenteo, ut non omnis fuerit vnus generis, aliusque alio & pondere & pretio maior esset. Quidam solidi ab authoribus acceperunt nomen, Raimundenses puta, Stephanenses, Marchonenses; alij à locis vbi cudebantur, ut Parisienses, Viennenses, Valentini; alij demum ex varia commistione æris & argenti, scilicet fortes, refortiati, masculi. In his grossi censentur. Autor ad ita sentiendum mihi Sanutus est libro 2. fidelium crucis parte 4. cap. 10. quæst. 20. *Soldos* idest solidos *grossorum* sæpissimè appellat. Atque ut, cum hoc legis, non cogites solidos ex grossis veluti constantes, eum dixisset capite 20. *Soldos duos grossorum*, post non pauca, pergens de ipsis loqui, addit *duos soldos*, omisâ grossorum voce; ut *duos soldos grossorum* vocans, idem faciat atque si diceret, soldos, è grossis seu ex iis qui grossi vulgò appellantur duos. Atque ita docuit curia Parisiensis in sententia anno millesimo trecentesimo septuagesimo tertio lata apud Roërium in Reomaio pag. 327. *Notum facimus*, sunt eius verba, *quòd cum à quadam sententia*, &c. *contra Maiorem, Scabinos, & communitatem de Sinemuro in Aisseto ac procuratorem ducis Burgundie appellantes lata*, ratione octoginta librarum fortis monetæ, grosso Turonense pro duodecim denariis computato, &c. Nam solidus est is, qui capit denarios duodecim, sed vide grossum, qui memoratur, dici Turonensem. Abs dubio sic appellatur, ut distinguatur à non Turonensi. Itaque puto grossos illis omnibus in officinis factos tum esse, in quibus solidi cudebantur. Eisdem verò fuisse cum fortibus hinc intelligis, quòd octingentæ hæ libræ fortis monetæ constabant grossis. Iam nihil est, cur refortiatis distinguamus à fortibus, ut principio dicti sint refortiare solidos, qui cudebant fortes; vnde & fortium nomen & refortiatorum ad eos hæsit. Neque masculi videntur fuisse diuersi à fortibus: scilicet fortitudo maximè conuenit masculis. Solidorum autem fortitudo sita erat in commistione argenti & æris, ut fortis diceretur solidus qui plus aliis solidis habebat argenti. Hic difficultatem facit Sanutus. Sic loquitur libro 2. cap. 20. *Soldos duos grossorum singulum* siue quemlibet, ut antea dixerat, *florenorum computando*. Tradit grossum apud Veneros (de illorum enim grossis agit) valuisse medium florenum. Nam quis & cuius ponderis seu valoris erat hic Venerorum florenus? certè florenus Lugdunensis longè alius ab eo fuit anno millesimo sexagesimo tertio. In conuentionibus Archiepiscopi Lugdunensis cum suis canonicis ita legitur apud scriptorem probationum historię gentis Coloniensis pag. 120. *Sexaginta floreni auri valebunt unam marcham auri ad marcham Lugdunensem*. Scilicet marcha capit vncias octo: cum ergo vncia constet drachmis etiam octo, marcha habet drachmas quatuor supra sexaginta: & florenus Lugdunensis tum capiebat non nihil scilicet minùs supra drachmam, cum Venerus Sanuti completeretur duos solidos grossorum, seu duos solidos è grossis, seu fortibus, aut refortiatis, vel masculis, quorum singuli capiunt denarios seu drachmas (denarius enim est par aut suppar drachmæ) omnino duodecim. Sed de

grosso accuratius aliàs fortasse disputabo. Nunc placet vnum addere, Rou-
 nius in Reoma pag. 237. recitat chartam Gauterij Eduensis Episcopi, in
 qua solidi Prunimenses 50. æstimantur argenti marchâ. *Si Prunimenses, sub*
solidi, pondere vel librâ uulnerint, vna marchâ argenti ad pondus Trecentum, pro
50. solidis Reomaënsi Ecclesia persoluentur. Hæc marcha fuit drachmarum 50.
 non autem quantuor & sexaginta. An erat etiam tum quæ pauciores cape-
 ret; an quoque arbitraria: Certè tanta pemicies in solidos sensim incubuit,
 ut mirari non debeamus marcham, quæ solidi appenduntur, pessimè olim
 habitam, ut aliud non esset, ab ipsiis temporum vicibus. Mariana disputatio-
 ne de monetæ mutatione cap. 8. scitè scripsit in hæc verba: *Duodecim de-*
narij singulorum solidorum aureorum valor, &c. Consequenti tempore solidi quam-
uis ex argento percussi; ac tandem maiori ex parte facti ærei, semper retinuerunt
tamen, ut æstimarentur denariis; & ipsi non iam argenteis, sed æreis. Illa
 ex argenteis in æteos peruersa sensim mutatio ex eo tempore capit in
 Gallia, quò potestas cudendi monetam dynastis, viribus, monaste-
 riis facta est à Rege. Scilicet solidi argentei atterebantur & aliter, & solo
 vñ: cum ergo his non esset satis argenti rudis, è quo vis aliqua solido-
 rum constaretur, visum est ipsis argento miscere æris siue cupræ aliquando
 33 nonnihil supra consuetudinem, postea plurimum, pro rem nummariam
 gerentium seu maiore, seu minore opum copia. Igitur alij solidi alio erant
 pretio pro argento, ex quo æri mixto constabant; neque solo nomine
 differebant, inter se. Accipe Cadurcinos, Bellouacenses, Parisinos, Clu-
 niacenses; & ex iis intellige quid de ceteris censendum sit. Anno millesimo
 ducentesimo duodecimo, Cadurcini quartam ex argento partem habebant;
 & Cluniacenses argentum ære minus, parte sexta. Anno millesimo centesi-
 34 mo decimo nono Belluacenses ad duas pene partes constabant ex argen-
 to, & Parisienses à duabus partibus multum aberant. Scilicet Vvilelmus Ca-
 durcensis Episcopus, illo anno millesimo ducentesimo duodecimo ita locu-
 tus est, teste Guilelmo la Croix in Episcopis Cadutensis pag. 88. *Volumus*
facere monetam in Cadurcino ad quatuor denarios, & Barones Cadurcenses, & Burgen-
ses Cadarci rogauerunt nos, quòd faceremus eam ad tres denarios. Et per preces eorum,
& pro decem mille solidis, quos dederunt nobis Burgenses, nos fecimus fieri. Hæc mō-
netæ debet fieri ad tres denarios de argento. Monetam pro solido Guilelmus
 scripsit. In illo sunt denarij duodecim. Tres denarios, seu quartam partem
 argenti posuit in solido. Robertus Burgundionum dux, anno post secundo
 & septuagesimo, fecit idem Episcopo Carutensi. *Ipsa marcha (inquiebat*
apud Duchesneum ad caput 12. Historiæ Ducum Burgundiæ) erant due
uncia argenti puri de Montepessalano, & sex uncie metalli, idest æris, quando
exibunt de fabrica. In marcha reponit uncias octo, quarum dux quartam par-
 tem conficiunt. Quod autem de marcha dixit Robertus, id de singulis mar-
 chæ partibus, ac de solidis proinde intelligendum est, ut singularum qua-
 35 drans fuerit argenteus. Sed hoc dictum sit hæcenus ad confirmandum Epis-
 copi Cadurcensis edictum de solidis. Beatrix Comes Cluniacensis ita lo-
 quitur apud Guichenonum in bibliotheca Subusiana centuria 2. cap. 56.
 de solidis Cluniacensibus. *Erat anno millesimo ducentesimo duodecimo moneta*
Cluniacensis, videlicet 12. denarij, secundum legalem probationem in pondere
 argenti

argenti quinque denariorum, & oboli, & cupri sex denariorum, & oboli. Denarius est par, aut, vt alij volunt, suppar drachmæ; drachima verò constat obolis sex: igitur Cluniacensis moneta, seu solidi, argentum erat parte quasi sexta minus ære. Philippus Belluacensis Episcopus anno millesimo centesimo sexagesimo nono, apud Oisellium in commentariis Belluacensibus pagina 276. & 277. habet sequentia de solidis Parisiensibus. Sex solidi Parisenses valent tantum quinque Belluacenses. Materia moneta Belluacensis talis est. Due partes sunt de argento examinato, & tertia de cupro seu ære, vel circa. Materia Parisensis monete: in duodecim denariis, ex quibus constat solidus, sunt quinque partes de argento examinato, & septem de cupro seu ære, vel circa.

Ad complementum illorum, quæ in superioribus disputaui de multiplici pecunie genere, ad solidos à Romanis acceptos, adjuncto à Francis, aut aliis, in Gallia, iudat vnum addere non omnino alienum. Cum Galli ex Romanis vterentur libra ad ponderationem seu auri seu argenti, è quibus fiebant solidi, marcha ad illam apud ipsos addita est antiquissimis temporibus. Chartæ seculis decimo tertio & duodecimo eam memorant, apud Iustellum in historia de gente Aruernæ. Anno millesimo centesimo ingesimo sexto, Albertus Bituricensis Archiepiscopus in literis de conuentionibus A. Claromontensis Episcopi, & Roberti Comitis Aruernæ, inter alia stabiluit vt Comes in certo & competenti loco pro arbitrio prepositi & decani annuam marcham argenti lese persona persoluat, quam post mortem Ecclesia perpetuo possideat. Istas literas recitat verbatim Iustellus pag. 26. Anno millesimo centesimo septuagesimo nono, Eraclius Vicecomes Podempniaci villam Brinatensem, & villam S. Germani, cum extraneis gentibus incendio & aliis modis damnicauit, vltra pretium duarum millium marcharum argenti, vt legitur in tabulis anno millesimo ducentesimo primo scriptis, quas refert Iustellus pagina centesima quadagesima secunda. Anno millesimo ducentesimo vigesimo tertio vt habet idem pag. 139. Delphinus Comes Claromontis, obligauit pro capitulo Ecclesie Brinatenfis, pro centum marchis argenti quidquid habebat in villa & territorio Brinatenfi.

Hic tamen aduerto nomen librata factum esse à libra. & cum libra tribui terræ in antiquioribus chartis: à nomine marcha nullum huiusmodi nomen factum esse. Quid librata significet inuenio dubitatum. Sirmundus in notis ad Goffridum Vindocinensem libro 2. epistolâ 10. sic loquitur; *libratam terræ dixerunt integram iugerum terre, aut arapennem, aut aliud simile. Dicta, etiam ab eodem principio solidata terræ. Quod principium memorat accipe. Nonnulli (dixerat) integra agri mensuris à libra vel solido asse nomen dabant. Scilicet antiqui mensores integras agri mensuras ad similitudinem assis aut libe, in vncias & vncie partes diuidebant, vt videre est apud Columellam libro 5. cap. 1. & Varonem libro 1. de re rustica cap. 10. Hæc Sirmundus, magis placet Rouerius in Reomiao illustratione 207. Certe demonstrari posse cenſeo, inquit, librata[m] terræ à ingero diuersissimam fuisse, nec aliud apud Gallos significasse, nisi eam agri terreæ quantitatem; cuius anni fructus, nummorum, vel Turonensium, vel aliorum, librâ estimarentur.* Ad tabulas, quibus id confirmat, adde sequentes matrimonij à Bertrando domino de Turre, initii cum Matia de Bononia anno millesimo trecentesimo octogesimo octauo, die

vigesima quinta Februarij. Bertrandus dat Mariæ in dotatitium ad vitam suam, duntaxat in casu, quo ipsum D. de Turre decedere contigerit, dictâ Mariâ superveniente, locum & fortalitium ipsius D. de Turre, vocatum la Bessa, ac etiam trecentas libras terre, seu annui redditus, cum omni directo dominio, & cum iurisdictione & iustitiis altâ, mediâ, & basâ. Istæ tabulæ habentur apud Iustellum ad caput 1. libri 2. de historia domus Aruernæ pagina 104. Apud eundem ad caput 13. libri 5. sic legitur in tabulis matrimonij, quod Ademarus rus de Pictavia contraxit cum Heli filia Guilelmi Rogerij Vicecomitis Bellifortis. Ludouicus pater Ademari Comes Valentinus & Dienfis dat & constituit in proprietatem ei dominum, ex causa donationis propter nuptias: & in dotatitium, ipsi domicelle Heli mille libratas terre parvorum Turonensium annui & perpetui redditus, ad vitam duntaxat eiusdem domicelle, asserendas & assignandas in castro, castellania, territorio, & mandamento de Priuatio. Apud scriptorem historiæ Pontuii pag. 385. Carolus V. Rex anno 1396. scripsit 50. libratas terre, seu annui redditus.

- 39 Quod de librata terrâ dixi, id de solidata terrâ dicendum puta, esse annuum redditum vnus solidi qui recipitur ex prædio seu toparchia, vt intelligitur ex testamento Stephani de Coloniaco quod verbatim habetur in probationibus historiæ Coloniacensium pag. 105. & scriptum est anno millesimo trecentesimo decimo octauo. In eo legimus *sexaginta solidatas terre Turonenses reddituales*.

- 40 Cætera quæ de solidata & libra atque solidis afferri possunt, placet tacere. Alius erit fortasse locus disputandi de illis. Hæc amico viro sufficient, qui vnos solidos asseruit fuisse in vsu apud Gallos duodecimo sæculo, & quia florenos legebat in tabulis eo sæculo scriptis, non dubitauit ipsas damnare falsitatis.

- 41 Addidit ille quidem vt nonnulla notaret super illustrissimis gentibus, quas eadem tabulæ ferunt affinitatem cum Chaponæ olim contraxisse. Negauit Girardum & Catharinam filiam fuisse in Berengariana, quod habetur num. 4. & 5. negauit Grolianam fuisse notam sub annum nongentesimum, quo Guilelmus Chaponæus fertur de ea Luciam vxorem duxisse; negauit Poissiacensi nomen aliquod fuisse anno millesimo centesimo octogesimo primo, sed ego nunquam duxerim eruditum virum, vt sapientissimus est, ista seriò denegasse. Profectò voluit vt de antiquitate nobilissimarum gentium disputarem. Et non illubenter facerem, si locus postularet. Vnum de singulis afferro, vt ipsius accusationi respondeam, quocumque animo facta fuerit. Vilelmus de Poissiac Dominus Castronoui anno millesimo centesimo quinquagesimo nono, interfuit donationi plurium solidorum Viennensi Cænobio S. Andreæ nuncupato Basso à Conrado imperatore. Cominus Grolæ Dominus, anno septingentesimo octogesimo sexto floruit, autore Alano Charreterio qui scripsit sub Carolo VII. & per filios ac nepotes genuit Iosselinum, qui ab eo de gente decimus Guichenonno notus fuit. Iam quis arbitretur accuratum virum id sibi tribuere, vt omnia Berengarianæ capita habeat in numerato, qui non ignorat neminem eorum qui scripserunt de gentibus Gallicanis, non Duchesneum, non Sanmartanos id sibi concessisse, vt ne quidem vnum ipsarum caput eos lateret.

Quid

Quid plura de amico viro referam? Cùm legeret num. 4. Catharinam Rossilionæ anno nongentesimo octogesimo quarto nupuisse Leonardo Chaponæ, erupit in has voces: *Nulla tunc familia Rossilionæ praterquam Gerardi Rossilionei*. Ego autem aio nullam Gerardi gentem fuisse, quæ post ipsum Rossilionæ nomen habuerit. Gerardus sine liberis mortuus est. Hugo Luitardi patris frater liberos quidem habuit superstites, sed nunquam Rossilionæ sunt dicti, & longè à Delphinatu sedes habuerunt, vt intelligitur ex illis quæ Duchesneus fusè disputat de Gerardo & eius gente libro 2. de Regibus, Ducibus, & Comitibus Burgundiæ cap. 53.

FINIS.

Page.	Line.	Errata.	Corriga.
83.	5. ante f.	Patre viuo gentesque.	Patre viuo vigenesque.
195.	7.	recent.	horre recent.
196.	6.	luc x.	Lux.
210.	3. ante f.	Clementis 1.	Pseudoclementis 7.
234.	8.	Fanno. & transu.	banino. & transu.
247.	15.	noluit.	voluit.
250.	2.	quod de sanctis.	quod asseruit de sanctis.
217.	22.	superioribus.	ex superioribus.
266.	16.	1. solidorum milia & 30.	1. & 30. milia solidorum.
278.	post 115.	Nestario.	Nectario.
280.	4. ante f.	comerit.	contineri.
295.	5.	impius &	& impius.
296.	2.	destructæ.	destructæ.
297.	11.	infido calce.	infido calle.
317.	27.	ante annum 54. vivebat an. 51.	Ante annum 52. vivebat anno 54.
313.	5. ante f.	Obijt 1468.	Obijt 1468.
313.	32.	Ionio.	Ionino.
317.	17.	& amore.	amore. &
392.	9.	Mandatorum.	Mandatorum.
411.	9.	Dele sequentia: veramque vidimus ac	Dele sequentia: veramque vidimus ac
412.	11.	sequentia scribe post Ioseph 1 vique ad, cum. Non iniquis passibus fratrem se-	sequentia scribe post Ioseph 1 vique ad, cum. Non iniquis passibus fratrem se-
		quebatur. Propositus cum hæc primum scribebam.	quebatur. Propositus cum hæc primum scribebam.
415.	16.	Abautiam.	Arbutiam.
418.	9.	Mario.	Martino.
429.	2.	Solis.	Soli.
458.	25.	su.	sui.
464.	16.	constitueo ad iungebatur ad sententiam de rebus scriendam. Hoc interpretabatur.	
		Dele hæc omnia.	
479.	1.	audendi annos.	audendi animos.
543.	3.	priora.	priora.
571.	21. ante f.	seruat.	seruabat.
574.	10.	mihi.	mihi.
575.	27.	se circumspiciat.	se circumspiciat.
579.	18.	Dele sequentia: ipso cuiusque libri principio sermonem instituiam.	
581.	16.	Arnaldus.	Arnaldus.
584.	23.	vulgò loquimur.	vt vulgò loquimur.
592.	34.	Langoon.	Saignon.
593.	7.	Raimbardo.	Raimondo.
605.	7.	vnicæ.	vacuæ.
		Maria.	Margarita.
609.	31.	Raimbaldus 3.	Raimondus 4.
	7. ante f.	recessam exigebat.	recessam exigebat.
	4. ante f.	heren.	herus.
611.	11.	herenem.	Irenem.
617.	1.	Baniols.	Bonjour.
	18.	6. omnino liberos.	quique omnino liberos.
620.	10.	sua & insula.	sua ex insula.
627.	12.	si cognovit mortis.	si cognovit mortis.
630.	24.	redierit.	redierit.
636.	14.	capit in Gallia.	cepit in Gallia.

220

THE NEW YORK PUBLIC LIBRARY

ASTOR LENOX TILDEN FOUNDATION

500 N. 5TH ST. NEW YORK, N. Y.

1891

1891

1891



1891





